

አራሳ ጫቂዋ ገፋሶ



New Testament in Gofa

# ኦሪግ ኔዩጥ ገፋሶ

## New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 18 Apr 2025 from source files dated 29 Jan 2022  
c35d6c73-3843-5482-b53e-7559d35deeee

Contents

ማቶሳ . . . . . 1  
ማርቆሳ . . . . . 43  
ሉቃሳ . . . . . 70  
ዮሃንሳ . . . . . 112  
ሃዋርያ ኦሱዋ . . . . . 142  
ሮሜ . . . . . 179  
1 ቆሮንቶሳ . . . . . 197  
2 ቆሮንቶሳ . . . . . 213  
ጋላቲያ . . . . . 224  
ኤፌሶና . . . . . 230  
ፊልጲሲፆሳ . . . . . 236  
ቆላሲያሳ . . . . . 241  
1 ቱሴሎንቄ . . . . . 245  
2 ቱሴሎንቄ . . . . . 249  
1 ዲሞቲዮሳ . . . . . 252  
2 ዲሞቲዮሳ . . . . . 257  
ቲቶ . . . . . 261  
ፊልሞና . . . . . 264  
ኢብራዌ . . . . . 266  
ያይቆባ . . . . . 279  
1 ጴጊሮሳ . . . . . 284  
2 ጴጊሮሳ . . . . . 289  
1 ዮሃንሳ . . . . . 292  
2 ዮሃንሳ . . . . . 297  
3 ዮሃንሳ . . . . . 298  
ዪድዶ . . . . . 299  
ዮሃንሳ ቆንጩሳ . . . . . 301

# ማቶሲ ዓፌዲ ዩሱስ ኪሪስቶስ ዋንጌላ ጋላ ቆፋ

ማቶሳ ዋንጌላይ፣ ያና ጌቴተዲ ኡፋይሳን ናጌቴያ አሼይሲ ዩሱሳ ጌዴይሳኔ ያሳይ ጋልዓ ጫቁዋን ባ አሳሰ አሚዲ ኡፋይሳ ቃላ ፖሊዳይ ኢያ ባጋራ ጌዴይሳ ኦዲያ ዋንጌላ። ሃ ዋንጌላይ ዩሱሲ ኤንታ ጌዴን ዩሉተዲ ዲጪዳ አይሁዳታ ዓላላሰ ጌዴናሽን ኩሚያ አላሚያ ኡባሳ።

ማቶሳ ዋንጌላይ፣ ዳሮ ናጌቴላን ዓፊቴዳ ማፃፋ። ማቶሲ ባ ማፃፋ ዩሱሳ ዩሉቴላን ደሚዲ፣ ኢያ ዓማቁቴላኔ ኢያ ፓጩቴላ ኦዲ ሰሚዲ፣ ጋሊላን ኢ ሳባኪዳባ፣ ታማርሲዳባኔ ሃርጋንቾታ ፓሱዳባ ኦዴሰ። ሄሳፊ ካሊዲ፣ ዩሱሲ ጋሊላፔ ዩሩሳላሚ ቢዳይሳኔ ኢ ሃ ሳሳን ዳዲዳ ዋዴ ወርሱላ ሳሚንታን ሃኒዳባታ ቆንጩሱስ። ሄሲካ ኢያ ካቁቴላ፣ ኢያ ሃይቁዋኔ ኢያ ዳንዲዋ ኦይኪስ።

ሃ ዋንጌላይ፣ ዩሱሲ ያሳ ሂጊያ ቢርሻናው ማቲ ዳዴይሳኔ ያሳ ካዋቴላባ ታማርሲያ ጊታ አስታማሬ ኦሱዲ ሸሼሰ። ኢያ ቲሚርቲያሬ ዳሪያ ባጋይ ዳማ ዳማ ማራን ጊጌተዳ ኢቻሹ ኪፊሌታን ሻኪቴሰ።

1. ያሳ ካዋቴላን ዳዲያ አሳ ሃኖቴላ፣ ኦሱዋ፣ ማታኔ ወርሱላ ቃዳ ኦዲያ ዳሪያ ቦላ ቲሚርቲያ (ሺም 5-7)።

2. ታማኔ ናምቡ ታማሬቲ ዋንጌላ ሳባካናው ቢዳ ዋዴ ኤንታው አሚቴዳ ካሌሱዋ (ሺም 10)።

3. ያሳ ካዋቴላባ ታማርሳናው ሸቁዳ ዳማ ዳማ ለሚሶታ (ሺም 13)።

4. ኢያ ታማሬ ጌደባ ቢርሸላ ኦዲያ ቲሚርቲያ (ሺም 18)።

5. ሃዲ አላሚያ ወርሱላኔ ያሳ ካዋቴላ ዩሳባ ኦዲያ ቲሚርቲያ (ሺም 24-25)።

## ማቶሳ ዋንጌላ አይፌ ቆፋታ

ዩሱስ ኪሪስቶስ ዩሉቴላ ሱሳኔ ኢያ ዩሉቴላ 1:1-2:23

ዓማቁያ ዮሃንሳ ኦሱዋ 3:1-12

ዩሱሳ ዊንቃቲያኔ ፓጩቴላ 3:13-4:11

ዩሱሲ ጋሊላን ባ ኦሱዋ ኦይኪዲይሳ 4:12-18:35

ጋሊላፔ ዩሩሳላሚ ጋካናው 19:1-20:34

ወርሱላ ሳሚንታ ዩሩሳላሚ ሄራን 21:1-27:66

ጎዳ ሃይቆፔ ዳንዲዋኔ ቆንጩላ 28:1-20

ዩሱሳ ዩሉቴላ ሱሳ

(ሉቃ 3:23-38)

1 ሃይሳፊ ካሊዲ ዓፊቴዳይሲ ዳዊቴ ናባ አብራሃሚ ናባ ጌዲዳ ዩሱስ ኪሪስቶስ ዩሉቴላ።

2 አብራሃሚይ ዪሳቃ ዩሊስ፤

ዪሳቁ ያይቆባ ዩሊስ፤

ያይቆቢ ዪሁዳኔ ኢያ ኢሻታ ዩሊስ፤

3 ዪሁዲ ቲዳማሪፔ ፋሬሴኔ ዛራ ዩሊስ፤

ፋሬሲ አስሮሚ ዩሊስ፤

አስሮሚይ ራሚ ዩሊስ፤

4 ራሚይ አሚናዳቤ ዩሊስ፤

አሚናዳቤ ናባሶና ዩሊስ፤

ናባሶኔይ ሳልሞና ዩሊስ፤

5 ሳልሞኔይ ራባቢፔ ቦዔዛ ዩሊስ፤

ቦዔዛ ኡሩቲፔ ኢዮቤዳ ዩሊስ፤

ኢዮቤዳ ኢሴዬ ዩሊስ፤

6 ኢሴዬይ ካወዋ ዳዊቴ ዩሊስ፤

ዳዊቴይ ኦሪዮ ማቼፊ ሶሎሞኔ ዩሊስ፤

7 ሶሎሞኔይ ሮቢዳማ ዩሊስ፤

ሮቢዳማይ አቢያ ዩሊስ፤

አቢዬይ አሳፊ ዩሊስ፤

8 አሳፊ ኢዮሳፊዬ ዩሊስ፤

ኢዮሳፊዬይ ኢዮራሚ ዩሊስ፤

- አዮራሜይ ኦዚያኔ ዬሊስ፤
- 9 ኦዚያኔይ አዮባታሜ ዬሊስ፤
- አዮባታሜይ አካዛ ዬሊስ፤
- አካዚ ሂዘቁያሳ ዬሊስ፤
- 10 ሂዘቁያሲ ማናሴ ዬሊስ፤
- ማናሴይ አሞና ዬሊስ፤
- አሞኒ አዮሲያሳ ዬሊስ፤
- 11 ኢሰራዔሌ አሳይ ዲዔቲዲ ባቢሎኔ ቢታ ቢዳ ዎዴ አዮሲያሲ አኮኒያናኔ አያ አሻታ ዬሊስ።
- 12 ባቢሎኔ ቢታ ኢሰራዔሌ አሳይ ዲዔቲዲ ቢዳፔ ጉዬ አኮኒያኒ ሳላቲያሌ ዬሊስ።
- ሳላቲያሌይ ዜሩባቤላ ዬሊስ፤
- 13 ዜሩባቤሊ አብዲዩ ዬሊስ፤
- አብዲዩይ ኤሊያቄማ ዬሊስ፤
- ኤሊያቄማይ አዛራ ዬሊስ፤
- 14 አዛሪ ሳዶቄ ዬሊስ፤
- ሳዶቄይ አከማ ዬሊስ፤
- አከማይ ኤሊዩዳ ዬሊስ፤
- 15 ኤሊዩዲ አላዛራ ዬሊስ፤
- አላዛሪ ማታኔ ዬሊስ፤
- ማታኔይ ያይቆባ ዬሊስ፤
- 16 ያይቆቢ ዮሴፋ ዬሊስ፤

ዮሴፊ ከሪስቶሳ ጊያ ዬሱሳ ዬሊዳ ማይራሚ አዘና።

17 ሂዛ፣ ዬሌቴላይ አብራሃማፔ ዳዊቱ ጋካናው ታማኔ ኦይዳ። ዳዊቱፔ ቢዲ ባቢሎኔ ዲዑዎ ጋካናው ታማኔ ኦይዳ። ባቢሎኔ ዲዑዎፔ ቢዲ ከሪስቶሳ ጋካናው ታማኔ ኦይዳ ዬሌቴሌ ገደሰ።

**ዮሱስ ከሪስቶሳ ዮሌቴላ**  
(ሉቃ 2:1-7)

- 18 ዮሱስ ከሪስቶሳ ዮሌቴላ ታሪኬይ ሃይሳፌ ካሌይሳ። አያ አያ ማይራሚ ዮሴፋስ ኦይሼታ ዳዓሼ ዮሴፋራ ጋሄቶና ጌሻ አያናፔ ቃንላታሱ።
- 19 ዮሴፊ ግሌ አሲ ገዲዳ ገሾ አዮ አሳን ኬሳናው ኮዩቤና። ያኒያ ገሾ ቆሳን አዮ አጋናው ቆፒሰ።
- 20 እ ሄ ቆፋን ዳዒሺን ያሳ ኪታንቾይ አሙሆን ቆንጨዳ። «ዳዊቱ ናዓው፣ ዮሴፋ፣ ማይራሚ ቃንላቲዳይ ጌሻ አያናፔ ገዲያ ገሾ አዮ ኤካናው ያዮፋ» ያገሰ።
- 21 አያ አዳ ናዓ ዬላና፣ እ ባ ዳሪያ ኤንታ ናጋራፔ አሺያ ገሾ አያ ሱንላ ኔ ዮሱሳ ጋዳ ግጋ።
- 22 ጎዳይ ናቢያ አሳያሳ ደናን፣
- 23 «ሂኮ ጌላዒያ ቃንላታና፤ አዳ ናዓካ ዬላና፤ አያ ሱንላይ አማኮዔላ ጌቱታና» ጎይሲ ፖሌታና ማላ ሃ ኡባይ ሃኒሰ። አማኮዔላ ጌይሳሰ ቢርሼላይ «ዎሳይ ኑራ ዳዔሰ» ጉሱ።
- 24 ዮሴፊ ጳሰኮፌ ባርኪዲ ጎዳ ኪታንቾይ ከቲዳይሳ ማላ ማይራሚ ባ ሱ ኤፊሰ።
- 25 ሺን ባ ባይራ ናዓ ዬላና ጋካናው አዮ ቦቺቤና፤ \* ዮሌቴላ ናዓካ ዮሱሳ ገዲ ግገሰ።

**2**

**ዶሎሃፔ ዪዳ አሳታ**

- 1 ካወዋ ሄሮዲዳ ዎዴን ዮሱስ ዪሁዳ ቢታን ቤቴሌሜ ካታማን ዮሌቴዳይሳፌ ጉዬ ያለንቶ ታይቢያ አሳቲ ዶሎሃፔ ዬሩሳሌሜ ዪዳ፣
- 2 «ዮሌቴዳ አይሁዳ ካዎይ አዉን ዳዒ? ኑኒ ዶሎሃ ባጋራ ከዪዳ አያ ያለንቱዎ ቤዒዲ አያው ጎይናው ዪዳ» ያገዲ አይቻደሰና።
- 3 ካዎይ ሄሮዲሲ ሄሳ ሲዒዳ ዎዴ ዳጋሚሰ። ዬሩሳሌሜን ዳዒያ አሳይ ኡባይካ ዳጋሚደሰና።
- 4 ሄሮዲሲ ካሂኔ ሃላቃታኔ ሃጌ አስታማራታ ባኮ ግገዲ፣ «ከሪስቶሲ አዉን ዮሌቴንዳሻ?» ያገዲ ኤንታ ኦይቺሰ።
- 5 ኤንቲካ፣ «ዪሁዳ ቤቴሌሜና፤ ናቤይ፣
- 6 «ዪሁዳን ዳዒያ ቤቴሌሜ፣ ዪሁዳን ዳዒያ ጎባ ካታማታፔ፣ ኑኒ አይቢንካ ጉፃካ።

---

1:11 2ካዎ 24:14-15፤ 2ታፊ 36:10፤ ኤር 27:20      1:18 ሉቃ 1:27      1:21 ሉቃ 1:31      1:23 ኢሳ 7:14  
\* 1:25 አዮ ቦቺቤና፣ ማቲራ አዘናራ አቂይሳዳ ኢሲፌ አቂቦኮና ጉሱ።      1:25 ሉቃ 2:21      2:6 ሚክ 5:2

ታ ዳሪያ ኢስራዔል አይሳናይሲ፥  
ኔፔ ኬያና ጊዲ ፃፊሰ»

ያገደሰና።

7 ሄሳፊ ጉዬ፥ ሄሮዲስ ደሎሃፔ ዪዳ አሳታ ጌማን ያገደ፥ ያለንቱዋ ኤንቲ ቤዒዳ ዋዲያ ኤንታፊ ጌሺዲ ኤሪሰ።

8 ኢ ኤንታና ቤቴሌሜ ዬዲሸ፥ «ቢዲ ዬሊቲዳ ናባ ሚንሱዲ ኮዩቴ፤ ኢያ ሂንቴ ዳሚዳ ዋዴ ታካ ባዳ ኢያው ጎይናና ሜላ ሲሚዲ ዪሺ ታው ኦዲቲ» ያገሰ።

9 ኤንታካ ካዋይ ሄሮዲስ ገዳይሳ ሲዒዲ ቢደሰና። ኤንቲ ደሎሃ ባጋራ ቤዒዳ ያለንቶይ ኤንታና ካሌሊሽ ናባይ ዳዒያሱዋ ጋካናው ኤፊሰ።

10 ኤንቲ ሄ ያለንቱዋ ቤዒዳ ዋዴ ገታ ኦፋይሲ ኦፋይቲደሰና።

11 ሶ ጊሊዲ ናባ ባ አዬ ማይራሚራ ዳዒይሳ ቤዒደሰና። ኢያው ጉልባቲዲ ጎይኒደሰና። ባንታ ሳዲያ ደዪዲ ዋርቃ፥ ኢፃኔኔ ካርቤ ኢያው አሚደሰና።

12 ኤንቲ ሄሮዲሳኮ ጉዬ ሲሞና ሜላ ያሳይ አሙሆን ኤንታው ኦዲን፥ ሃራ ኦጌራ ባንታ ቢታ ሲሚደሰና።

**ገብፂ ባቃቱዋ**

13 ደሎሃ ባጋፊ ዪዳ አሳቲ ቢዳፔ ጉዬ፥ ጎዳ ከታንቸይ ዮሴፋስ አሙሆን ቆንጨዲ፥ «ሄሮዲስ ናባ ዋጃናው ኮያ ገሾ ዳንዳ፤ ኤሌሳዳ ናባኔ ናባ አዪው ኤካዳ ገብፂ ቢታ ባ። ኔ ሲማና ዋዲያ ታ ኔው ኦዳና ጋካናው ያን ጋምዓ» ያገሰ።

14 ሄሳ ገሾ፥ ዮሴፊ ሄ ቃማን ዳንዲዲ፥ ናባኔ ናባ አዪው ኤኪዲ ገብፂ ቢሰ።

15 ናቢያ ዳናን ያሳይ፥ «ታኒ፥ ታ ናባ፥ ገብፂ ቢታፊ ያጋሰ» ጌቲቲዳ ቃላይ ፖሌታና ሜላ ሄሮዲስ ሃይቃና ጋካናው ኢ ያን ዳዒሰ።

16 ሄሳፊ ጉዬ፥ ደሎሃ ባጋፊ ዪዳ አሳቲ ኢያ ጨሚዳይሳ ኤሪዳ ዋዴ ዳር ዪሎቲሰ። ኢ ካሴ ኤንታፊ ሲዒዳይሳዳ ቤቴሌሜኒኔ ሄ ሄራን ዳዒያ ናሞቡ ላይሊ ኩሚዳይሳታኔ ናሞቡ ላይላፊ ጋርሳን ዳዒያ አዳ ናይታ ኡባ ባ ዋታዳሬታ ዬዲዲ ዋጂሲሰ።

17-18 ናቢያ ኤርሚያሳ ደናን፥

«ዬሆይኔ ዜሌልሲ፥  
ራማ ካታማን ሲዒታሰ።  
ራሄላ ባ ናይታሰ ዬካዉሱ፤  
ኤንቲ ሃይቁዳ ገሾ  
ሚኔታናው ዳንዳባቡኩ»  
ጊዲ ኦዲዳይሲ ፖሊቲሰ።

**ናዚሬቲ ሲሙዋ**

19 ሄሮዲስ ሃይቁዳፔ ጉዬ ገብፂን ጎዳ ከታንቸይ ዮሴፋስ አሙሆን ቆንጨዲ፥

20 «ናባ ዋጃናው ኮያ አሳቲ ሃይቁዳ ገሾ ዳንዳዳ ናባኔ ናባ አዪው ኤካዳ ኢስራዔል ቢታ ሲማ» ያገሰ።

21 ዮሴፊ ዳንዲዲ ናባኔ ናባ አዪው ኤኪዲ ኢስራዔል ቢታ ሲሚሰ።

22 ሸን ኦርኬሊያሲ ዪሁዳን ባ አዋ ሄሮዲሳ ቤሳን ካዋቲዳይሳ ሲዒዳ ዋዴ ያ ባናው ያዪሰ። ያሳይ አሙሆን ኢያው ቆንጨሲን ጋሊላ ቢታ ቢሰ።

23 ናቢታ ደናን፥ «ናዚሬቲ አሲ ጌቲታና» ጊዲ ኦዳቲዳይሲ ፖሌታና ሜላ ናዚሬቲ ካታማ ቢዲ ያን ዳዒሰ።

**3**

**ፃማቂያ ዮሃንሳ ቲሚርቲያ**

(ማር 1:1-8፤ ሉቃ 3:1-17፤ ዮሃ 1:19-28)

1-2 ሄ ዋዴ ፃማቂያ ዮሃንሲ፥ «የሳ ካዋቴሳይ ማታቲዳ ገሾ ሂንቴ ናጋራፔ ሲሚቲ» ያገዲ ሳባኪሾ ዪሁዳ ባዞ ቢታ ቢሰ።

3 ናቢያ ኢሳያሲ ዮሃንሳባ ኦዲዳይሳ ሜላ፥

«ባዞ ቢታን፥  
ኢሶይ ባ ቃላ ቶቁ ኦሊዲ፥  
ሳዳ ኦጊያ ገሺሲቲ።  
ኢያ ሆርጋ ፒዲ ኦሊቲ» ገሰ»

ያገቡት ደይ ኢያሳ ያገሰ።

4 የሃሂሲ ገማሌ ኢከሴፔ ኦሴቲዳ አፊላ ማዕስ። ባ ያሳን ዳሮ ዳንጩስ። ኢ ሚያ ካላይካ ቦሌኔ ዳጌራ ኤሲ።

5 እሳይ ሄ ዋዴ ዩሩሳላሜ ካታማፔ፣ ዩሁዳ ቢታ ኡባፌኔ ዮርዳኖሴ ሻፋ ሄራፔ ኢያኮ ዮሱና።

6 ባንታ ናጋራ ፓጂዲ ዮርዳኖሴ ሻፋን የሃሂሳ ኩሼን ማማቁቶሶና።

7 የሃሂሲ፣ ዳሮ ፋሪሳዌቲኔ ሳዴቃዌቲ ማማቁታናው ባኮ ዩይሳታ ቤዒዲ፣ ኤንታኮ፣ «ሃ ኢታ ሸቸቶ፣ ያና ያሳ ሃንቁዋፊ ባቃታና ሚላ ሂንቴና ኦኔ ዘሪዳይ?

8 ሂዛ፣ ሂንቴ፣ ሂንቴ ናጋራፔ ስሚዳይሳ ኤሪሲያባ ኦሴፔ።

9 ሂንቴ፣ ሂንቴ ዋዛናን፣ ሳብራሃሚይ፣ ኦ አዋይ ዳዔስ» ገዲ ቆገጆፔ። ሎይሌ ሲዒቲ! ያሳይ ሃ ሹቻታፔ አብራሃሚስ ናባ ከሳናው ዳንዳዔስ።

10 ቤዳይ ሚላ ያጳዋን ገገዲ ኡቲስ፤ ሎይ አይፊና ሚላ ኡባይ ቃንጻቲዲ ታማን ዩጌታና።

11 «ሂንቴ፣ ሂንቴ ናጋራፔ ስሚዳይሳ ኤሪሳናው ታኒ ሂንቴና ሃላን ማማቃይስ። ሺን ታፔ ጉዬራ ዩይሲ ሂንቴና ገሻ እያናኒኔ ታማን ማማቃና። ኢ ታፔ ዳሮ ዋልቃሜስ፤ ታኒ ሃሪ አቶሽን ኢያ ጫማ ቶካናወካ ቤሲኩ።

12 ካላ ጌሺያ ፒሌይ ኢያ ኩሼን ዳዔስ። ካላ ሎይሌ ጌሼስ፤ ገሰቲያ ባ ሻሊያን ቆላና፣ ሺን ፑኑዋ ቶየና ታማን ፀጋና» ያገሰ።

**ዩሱሳ ማማቁቴሳ**

(ማር 1:9-11፤ ሉቃ 3:21-22)

13 ሄ ዋዴ ዩሱሲ የሃሂሳ ኩሼን ማማቁታናው ጋለላፔ ዮርዳኖሴ ሻፋ ቢስ።

14 ሺን የሃሂሲ ኢያ ዲጋናው ኮዬድ፣ «ታኒ ኔናን ማማቁታናው ኮሺሽን ኔኒ ታኮ ያይ?» ያገሰ።

15 ሺን ዩሱሲ ዘሪዲ፣ «የሳይ ኦፔ ኮያባ ኡባ ኦ ፖላናው ቤሲያ ገሾ ሃዒ ታው ኤር ጋ» ያገሰ። የሃሂሲ ኢያው ኤር ገዲ ኤከሰ።

16 ዩሱሲ ማማቁቲዳ ሚላ ሃላፊ ኬዩስ። ኢራካ ሳሎይ ዶዩቲን ያሳ እያናይ ሆሌዳ ዩሺን ቃሲ ባ ቦላ ዋልዓሚዲ ዋጂሽን ቤዒስ።

17 ሄ ዋዴ «ታ ደሲያ፣ ኢያን ታና ኡፋይሲያ ታ ናባይ ሃይሳ» ያገሰ ቃላይ ሳሎፔ ዩስ።

**4**

**ዩሱሳ ፓጩቴሳ**

(ማር 1:12-13፤ ሉቃ 4:1-13)

1 ሄሳፊ ጉዬ፣ ያላሄይ ዩሱሳ ፓጩና ሚላ ገሻ እያናይ ዩሱሳ ባዞ ቢታ ኤፊስ።

2 አይታው ቃማኔ አይታው። ጋለስ ያሚዳፔ ጉዬ ኮሻቲስ።

3 ያላሄይ ዩሱሳኮ ዩዲ «ኔኒ ያሳ ናባ ገዲኮ፣ እኔ ሃ ሹቻቲ ኡይሌ ገዳና ሚላ ከታ» ያገሰ።

4 ዩሱሲ ዘሪዲ፣ « ሳኪ ያሳ ዶናፔ ኬያ ቃላ ኡባን ዳናፔ አቲን ኡይላ ያላላን ዳዔና ጌቴቲዲ ያሳ ቃላን ማፊቲስ» ያገሰ።

5 ካሊዲካ፣ ያላሄይ ዩሱሳ ገሻ ካታማ ኤፊዲ፣ ያሳ ኬላ ሁዒያ ኬሲዲ፣

6 «ኔኒ ያሳ ናባ ገዲኮ፣ እኔ ዳጌ ሳባን ኩንዳ። አይስ ገኮ፣

ሳይ ቶሆይ ሹቻን ቆቤቲ ዳሼቶና ሚላ፣

ባንታ ኩሺያን ኔና ዳንፋና ሚላ፣

ያሳይ ባ ከታንቸታ ኔ ገሾ ከታና

ጌቴቲዲ ያሳ ቃላን ማፊቲስ» ያገሰ።

7 ዩሱሲ ኢያኮ፣ «ቃሲካ፣ «የሳ ቃላን ኔ ጎዳ፣ ኔ ያሳ ፓጩፋ» ያገቡት ዳፊቲስ» ገዲ ዘሪስ።

8 ወርሴላን ያላሄይ ዩሱሳ አሲ ዋልቃማ ዳሪያ ሁዒ ኬሲዲ አላሚያ ካዎቴላታ ኤንታ ቦንቹዋራ አሲፊ ቤሲዲ፣

9 «ኔ ታው ኩንዳዳ ጎይኒኮ ታ ኔው ሃ ኡባ አማና» ያገሰ።

10 ዩሱሲ ዘሪዲ፣ «ሃ ያላሄያው፣ ታፔ ሃካ! ሳይ ጎዳ፣ ኔ ያሳ ጎይና፣ ኢያ ያላላ ሃጋዛ ጌቴቲዲ ያሳ ቃላን ማፊቲስ» ያገሰ።

11 ሄሳፊ ጉዬ፣ ያላሄይ አገዲ ቢስ፤ ከታንቸቲ ዩዲ ኢያ ሃጋዚዳሶና።

**ዩሱሳ ቲሚርቲያ**

(ማር 1:14-15፤ ሉቃ 4:14-15)

12 ዬሱስ፣ የሃኒሲ ቃሼቶይሳ ሲዲዳ ዋዴ ጋለላ ቢታ ቢስ።

13 ናዚሬቴ ካታማ አገዲ ዛቢሎናኒኔ ኒፍታሎሜ ሄራን፣ አባ ማታን ዴዲያ ቂሬርናሆሜ ካታማ ቢዲ ያን ዴዲስ።

14 ሄሲ ሃኒዳይ ናቢያ አሳያሳ ዶናን፣

15 «ዛቢሎኔ ቢታን፣ ኒፍታሎሜ ቢታን፣

የርዳናሴ ሻፋፔ ሄፊንሳን፣

አባ ኦጊያ ጋዳን ዴዲያ፣

አይሁዴ ገዶና ዴሬይ ዴዲያ ጋለላን፣

16 ቆማን ዴዲያ ዴሬይ፣

ዋልቃማ ፖየ ቤዲስ።

ሃይቆ ኩያ ቢታን፣

ዴዴይሳታስ ፖየይ ኬዩስ»

ያገዲ ኦዴቲዳ ቃላይ ፖለታና ሜላሳ።

17 ሄ ዋዴፔ ዶሚዲ ዬሱስ፣ «የሳ ካዎቴላይ ማታቲዳ ጊሾ ሃንቴ ናጋራፔ ሲሚቴ» ያገዲ ቃላ ሳባኬስ።

**ኮይሮ ታማሬታ ዪጌቴላ**

(ማር 1:16-20፤ ሉቃ 5:1-11)

18 ዬሱስ ጋለላ አባ ማታራ አጂሼ ናሞቡ አሻታ፣ ጳዳርሳ ጌቴቴያ ሲሞናኔ ኢያ አሻ ኢንዲሪያሳ ቤዲስ። ኤንቴ ሞሎ ኦይኬይሳታ ገዲዳ ጊሾ ባንታ ጌቲያ አባን ዬሳሶና።

19 ዬሱስ ኤንታና፣ «ሃ ዪቴ፤ ታና ካሊቴ! ሞሎ ኦይሴ አቶሺን፣ ታ ሃንቴና አሴ ኦይሴ ታማርሳና» ያገረስ።

20 ኤንቴካ፣ ኤሌሲዲ ባንታ ጌቲያ ዬገ አገዲ ዬሱሳ ካሊዶሶና።

21 ዬሱስ ያፔ ቡር ጌዴ ሲንሴ አጂሼ ሃራ ናሞቡ አሻታ፣ ዛብዲዮሳ ናይታ፣ ያይቆባኔ የሃኒሳ ቤዲስ። ባንታ አዋ ዛብዲዮሳራ ኢሲፊ ዋጎሉዋ ገዶን ባንታ ጌቲያ ገሊሴይሳታ ዪገሰ።

22 ኤንቴካ፣ ኤሌሲዲ ባንታ ዋጎሉዋኔ ባንታ አዋ አገዲ ዬሱሳ ካሊዶሶና።

**ዬሱሲ ሃርጋንቾታ ፓሴሰ**

(ሉቃ 6:17-19)

23 ዬሱስ አይሁዴ ዋሳ ኬላታን ታማርሲሹ፣ ሳሎ ካዎቴላ ዋንጌላ ኦዲሼኔ ዴማ ዴማ ሃርጊያፊ አሳ ፓሴሼ ጋለላ ቢታ ኡባን ዩዩስ።

24 ሄሳፊ ዴንዶይሳን ኢያ ሱንሳይ ሶሪያ ቢታ ኡባን ኬዩስ። ዴማ ዴማ ሃርጊን ኦይኬቴዳይሳታኔ ዋዬቴይሳታ፣ ቱና አያናን ኦይኬቴዳይሳታ፣ ሾጪ ዬጊያ ሃርጊን ኦይኬቴዳይሳታኔ፣ ጉንዳታ ኢያኮ ኤሃዶሶና፤ ኢካ ኤንታና ፓሴሰ።

25 አሳይ ጋለላፔ፣ ታሙ ካታማታፔ፣ ዬራሳሳሜፔ፣ ዪሁዳፔኔ የርዳናሴ ሻፋ ሄፊንሳን ዴዲያ ቢታፊ ዩዳ ዳር አሳይ ኢያ ካሊዶሶና።

**5**

**ዬሱሲ ዴሪያ ቦላ ታማርሲዳ ቲሚርቲያ**

1 ዳር ዴሬይ ሸቁዳይሳ ዬሱሲ ቤዲዳ ዋዴ ዴሪያ ቦላ ኬዩዲ ኡቴሰ። ኢያ ታማሬቲ ኢያኮ ሸቁን፣

2 ሃይሳዳ ያገዲ ታማርሲስ።

**ቱማ ኡፋይሳ**

(ሉቃ 6:2-23)

3 «ባንታ አያናን ማንቆቲ አንጄቲዳይሳታ፣

ሳሎ ካዎቴላይ ኤንታሳ።

4 ዬኬይሳቲ አንጄቲዳይሳታ፣

ኤንቴ ሚንሴሶ ዴማና።

5 ባንታ ዋዛናን አሸኬቲ አንጄቲዳይሳታ፣

ኤንቴ ሳዓ ሳታና።

6 ዪሎባ ኦሳናው ኮሻቴይሳቲኔ ሳሞቴይሳቲ አንጄቲዳይሳታ፣

ኤንቴ ካላና።



- 7 ማሬይሳቲ እንጃቲዳይሳታ፡  
እንቲ ማርቴሲ ዴማና።
- 8 ዋዛና ገሻቲ እንጃቲዳይሳታ፡  
እንቲ ያሳ ቤዓና።
- 9 ሲጌሴይሳቲ እንጃቲዳይሳታ፡  
እንቲ ያሳ ናይታ ጌቴቲ ዌጌታና።
- 10 ዲሎባ ኦሴያ ጊሾ ጊዳ፡  
ጎዴቲይሳቲ እንጃቲዳይሳታ፡  
ሳሎ ካዋቴላይ ኤንታሳ።
- 11 «አሳይ ሂንቴና ታ ጊሾ ጊዳ ጫያ ዎዴ ጎዲያ ዎዴኔ ሂንቴ ቦላ ኢታባ ኡባ ዎርዶን ኦዲሲያ ዎዴ ሂንቴ እንጃቲዳይሳታ።
- 12 ሂንቴ ዎይቶይ ሳሎን ጌታ ጊዲያ ጊሾ ኡፋይቲቴ፣ ሃሹ ጌቴ። ሂንቴፌ ካሴ ዴዲያ ናቤታ ሄሳዳ ጎዲዶሶና።

**ማዳኔኔ ፖዎ**

- 13 «ሂንቴ ቢታሰ ማዳኔ፤ ማዳኔይ ባ ማዳኔቴላ አገኩ፡ ባ ማልዎቴላ ዋቲ ዛሪ ዴማኔ? ካሬ ሆሊን አሳን ዩዴታናፕ ኣቲን አይቢሰካ ማዳና።
- 14 «ሂንቴ ቢታሰ ፖዎ፤ ዴሬ ቦላ ዴዲያ ካታሚያ ቆሴታናው ዳንዳቡኩ።
- 15 ዎምፕ ኦይሲዲ ሶን ዴዲያ አሳ ኡባሰ ፖርና ማላ ቶቃ ሶን ዎሴሲፕ ኣቲን ዳሎ ጊዶን ዎሴይ ባዋ።
- 16 ሄሳ ማላ አሳይ ሂንቴ ሎዎ ኦሱዋ ቤዲዲ፡ ሳሎን ዴዲያ ሂንቴ አዋ ቦንቻና ማላ ሂንቴ ፖዎይ አሳ ሲንላን ፖዎ።

**ሙሴ ሂጊያ**

- 17 «ታኒ ሙሴ ሂጊያኔ ናቤታ ቃላ ሻራናው ዩዳ ሂንቴው ዳና። ታኒ፡ እንቲ ኦዲዳይሲ ቴማ ጊዳይሳ ቆንጨሳናው ያሲፕ ኣቲን ሻራናው ያቢኪ።
- 18 ታ ሂንቴው ቴማ ኦዲይሰ፤ ሳሎይኔ ሳባይ ኣቆና ጋካናው ሂጌ ኡባይ ፖሊታናፕ ኣቲን ሂጊያፌ ኢሲ ቃላይ ዎይኩ ፕዳሊይ አዴና።
- 19 ሄሳ ጊሾ፡ ሃ ኪታታፕ ጉዳያ ኢሲ ኪታ ሜንሴያ ኦኒካ ቃሲ ሃሪታ ሄሳላ ኦላና ማላ ታማርሴይ ኦኒካ ሳሎ ካዋቴላን ኡባፌ ጉላ ጊዳና። ሸን ሃ ኪታ ፖሊይሲኔ ሃሪታካ ፖላና ማላ ታማርሴይ ሳሎ ካዋቴላን ጌታ ጊዳና።
- 20 ታ ሂንቴው ኦዲይሰ፤ ሂንቴ ዲሎቴላይ ፋሪሳዌታ ዲሎቴላፌኔ ሂጌ አሰታማሬታ ዲሎቴላፌ ኣቆና ኢደኩ፡ ሳሎ ካዋቴላ ጌሌኬታ።

**ዎዳባ**

- 21 «ሂንቴ ማይዛታሰ፡ «ዎዳፕቴ፤ ሸምፖ ዎዳዳ ኦኒካ ፐርዴታና። ጌቴቶይሳ ሰዲዴታ።
- 22 ሸን ታ ሂንቴው ኦዲይሰ፤ ባ አሻ ሃንቄቲያ ኡባይ ፐርዴታና፡ ባ አሻ ጫያ ኦኒካ ዳይና ሲንላ ፐርዳሰ ሸቃና። ባ አሻኩ፡ «ኤያይ» ጊያ ኦኒካ ቃሲ ጋናማ ታማን ፐርዴታና።
- 23 «ሄሳ ጊሾ፡ ኔኒ ኔ ያርሹዋ ያርሹያ ዎዴ ኔ አሻ ቆሃዳባይ ኔው ኣኪኪቲኩ።
- 24 ኔ ያርሹዋ ሄ ቤሳን አጋዳ ባ፤ ኮይርታ ባዳ ኔ አሻራ ጊጋ፤ ያታ ሲማዳ፡ ኔ ያርሹዋ ያሳሰ ያርሻ።
- 25 «ኔና ሞቴይሳራ ፐርዳ ኪላ ባሻ ኦኒ ቦላ ኢያራ ጊጋ። ሄሲ አቶ ገኩ ኢ ኔና ዳይና ሲንላ ኤፋና። ዳይናይ ኔና ቃቸይሳሰ አላ ኢማና፤ ኢ ኔና ዎይኔን ዩጋና።
- 26 ታ ቴማ ኦዲይሰ፤ ኔ ቦላ ፐርዴቲዳ አጩዋ ኢሲ ሳንቲሚይ አቶና ጨጋ ኦንጋና ጋካናው ቃቸ ኪላፌ ኪያካ።

**ላይማቴላባ**

- 27 «ሃይሳፌ ካሴ፡ «ላይማቶፕቴ» ጌቴቶይሳ ሰዲዴታ።
- 28 ሸን ታ ሂንቴው ኦዲይሰ፤ ማጫሰ ዲሊዲ፡ አሞቴዳ ኡባይ ባ ዎዛናን ኢራ ላይማቴሰ።
- 29 ኔ ኡሻቻ አይፌይ ኔው ናጋራሰ ጋሶ ጊዲኩ፡ ኪሳ ሆላ፡ ኔ አሳቴላይ ኩሚላ ጋናማ ታማን ዎዳናፕ ኔ አሳቴላፌ ኢሶይ ቆይኩ ኔው ሎዎ።

30 ኔ ኡቫቻ ኩቪይ ኔው ናጋራስ ጋሶ ጊዲኩ፣ ኢያ ቃንፃ ሆላ። ኔ ኣሳቴላይ ኩሜላ ጋናሚ ታማን ዋፋናፔ ኔ ኣሳቴላፌ ኢሶይ ጻይኩ፣ ኔው ሎ።

ማቸ ኣዚና ቢሌላባ  
(ማቶ 19:9፤ ማር 10:11-12፤ ሉቃ 16:18)

31 « ባ ማቸው ዬዲያ ኦኒካ ኣንጅ ዋርቃተያ አሞ) ጌቴተሰ።

32 ሺን ታ ሂንቴው ኦዲይሰ፤ ባ ማቸያ ላይማቶና ዴቢሺን ቢሊያ ኦኒካ ኢያ ላይማታና ሜላ ኦሌሰ። ሂሳዲካ፣ ኣንጅተዳ ማጫሲው ኤኪያ ኡባይ ላይማቴሰ።

ጫቆባ

33 «ሂንቴ ማይዛታኩ፣ (ዋርዶን ጫቆፊቴ፤ ሂንቴ ዶሳ ሲንላን ጫቂዲይሳ ፖሊቴ) ጌቴተዲይሳ ሲቢዴታ።

34 ሺን ታ ሂንቴው ኦዲይሰ፤ ኡባራካ ጫቆፊቴ። ዶሳይ ኡቴያ ኣራታ ጊዲያ ጊሾ ሳሎን ጫቆፊቴ።

35 ኢያ ቶሆይ ዬዲያ ሶ ጊዲያ ጊሾ ሳባንካ ጫቆፊቴ። ጌታ ካዉዋ ካታማ ጊዲያ ጊሾ ዬሩሳላሜንካ ጫቆፊቴ።

36 ሂንቴ ቢናናፔ ኢሱዋካ ቦሊ ዋይኮ ካሬሊ ኦፋናው ዳንዳዶና ጊሾ ሂንቴ ሂንቴ ሁዕንካ ጫቆፊቴ።

37 ሂሳ ጊሾ፣ ሂንቴ ቃላይ፣ (ኡ) ዋይኮ (ኣካይ) ጊዶ። ሂሳፌ ካሬ ከዬይ ፃላሄፔ ዬሰ።

ሃሎ ኬያናው ኮሺና

38 « ኣይፌ ጊሾ ኣይፌ፤ ኣቻ ጊሾ ኣቸ) ጌቴተዲይሳ ሲቢዴታ።

39 ሺን ታ ሂንቴው ኦዲይሰ፤ ሂንቴ ቦላ ኢታባ ኦሊያ ኡራራ ኤቁቆፊቴ። ኦኒካ ኔ ኡቫቻ ቫካላ ባቂኮ ኔ ሃዲርሳ ቫካላካ ቤሳ።

40 ኢሲ ኣሲ ኔ ቫሚዚያ ኤካናው ኔና ሞተኮ፣ ኔ ኮቴያ ጉጃዳ አማ።

41 ኢሲ ኣሲ ኔና ዋልቃን ባባ ቶሲዲ ኢሲ ሳቴ ኦጌ ባራ ባና ሜላ ኔና ኡንዔሊኩ፣ ኢያራ ናሞዑ ሳቴ ኦጌ ባ።

42 ዋሲያ ኦዲሰካ አማ፤ ኔፔ ታልዓናው ኮያ ኦናካ ዲንፋ።

ኔ ሞርኬታ ሲቃ  
(ሉቃ 6:27-28፣ 32-36)

43 « ሳና ደሴይሳ ደሳ፤ ኔና ኢፃይሳ ኢፃ) ጌቴቶይሳ ሲቢዴታ።

44 ሺን ታ ሂንቴው ኦዲይሰ፤ ሂንቴ ሞርኬታ ደሴቴ፤ ሂንቴና ቆሃይሳታሰ ዋሲቴ።

45 ሂሳላ ሂንቴ ኦሊኩ፣ ሳሎን ዴቢያ ሂንቴ ኣሞሰ ሂንቴ ናይታ ጊዶና። ኢ ኢታታሲኔ ሎዖታሰ ኣዋ ኬሴሰ፤ ፃሎታሲኔ ናጋራንቸታሰ ባ ኢራ ቡኪሴሰ።

46 ሂንቴና ደሴያ ኣሳ ፃላላ ሂንቴ ደሴኩ፣ ሂንቴው ኣይ ዋይቶይ ዴቢ? ሃሪ ኣቶሺን፣ ቃራፃ ቃንፃሴይሳቴካ ሂሳ ኦሎሶና።

47 ሂንቴ፣ ሂንቴ ኢቫታ ፃላላ ሳርሊኩ፣ ሃራታፔ ኣይ ሃራ ኣዲያባ ኦሊዴቴ? ሃሪ ኣቶሺን፣ ዶሳ አማናና ኣሳይካ ሂሳ ኦሎሶና።

48 ሂዛ፣ ሳሎን ዴቢያ ሂንቴ ኣዋይ ፖሎ ጊደይሳዳ ሂንቴካ ፖሎ ጊዲቴ።

# 6

ማንቆታሰ አሞባ

1 «ኣሲ ቤዖ ጊዲ ሂንቴ ሎዖ ኦሱዋ ኣሳ ሲንላን ኦሎናና ናጌቴቴ። ሂሳላ ሃናና ኢፂኮ ሳሎን ዴቢያ ሂንቴ ኣዋፔ ዋይቶ ዴሚኬታ።

2 «ሂንቴ ማንቆታሰ ኢሚያ ዋዴ ኣሳ ሲንላን ቦንቸታናው ጊዲ ጨቦቴ ኦጊያ ደናኒኔ ኣይሁዴ ዋሳ ኬላን ኦሊይሳዳ ኣሲ ቤዖ ጊዲ ኦሎፊቴ። ታ ሂንቴው ቱማ ኦዲይሰ፤ ኤንጉ ባንታ ኩሜላ ዋይቱዋ ኤኪደሶና።

3 ሺን ሂንቴ ማንቆታሰ ኢሚያ ዋዴ ሂንቴ ኡቫቻ ኩቪይ ኦሊይሳ ሂንቴ ሃዲርሳ ኩቪይ ኤርፖ፤

4 ሂንቴ ኣሞይ ጌማን ጊዶ። ጌማን ኦሊይሳ ቤቢያ ሂንቴ ኣዋይ ሂንቴው ዋይቱዋ ቆንጨን አማና።

ዎሳባ

(ሉቃ 11:2-4)

5 «ዎሳ ዋሲጼ ጨቦታላ ሃኖፕቴ። ኤንቲ፣ ባንታና አሲ ቤዖ ጊዲ አይሁዴ ዎሳ ከላኒኔ ኦጊያ ደናን ኤቁዲ ዋሲይሳ ደሶሶና። ታ ሂንቲው ቱማ ኦዲይስ፤ ኤንቲ ባንታ ኩሜላ ወይቱዋ ኤኪደሶና።

6 ሺን ኔኒ ዋሲያ ዎዴ ኔ ሶ ጌላ፣ ወላ ጎርዳዲ ጌማን ዴዲያ ኔ አዋኮ ዎሳ፤ ጌማን ኦሲቲዳይሳ ቢዲያ ኔ አዋይ ኔው ወይቱዋ ኢማና።

7 ሂንቲ ዋሲያ ዎዴ አማኖና አሳላ ጮ ቃላ ዳርሲዲ ዋሶፊቲ። ኤንቲ አዲሲ ዋሲን ያሳይ ሲዔስ ጊዲ ቆፖሶና።

8 ሄሳ ጊሾ፣ ኤንታይሳዳ ሃኖፕቴ። አይስ ጊኮ፣ ሂንቲ አዋይ ሂንቲው አይ ኮሺያኮ ሂንቲ ዎሳናፕ ስንላቲዲ ኤፊስ።

9 «ሂዛ፣ ሂንቲ ያጊዲ ዋሲቲ፡

ሳሎን ዴዲያ ኦ አዋው፡

ኔ ጌሻ ሱንላይ አንጃቶ።

10 ኔ ካዎቲላይ ዮ፡

ኔ ሺኔይ ሳሎን ሃኒዳይሳዳ

ሳዓንካ ሃኖ።

11 ጋላሳ ካላ ሃቺ ሃቺ ኮሰ ኢማ።

12 ኦኒ ኦና ቆሂዳይሳታ፣ አቶ ጌይሳዳ፡

ኦሰካ ኦ ቆሁዋ አቶ ጋ።

13 ኦና ኢታፕ አሻፌ አቲን

ፓጩን ጌለሶ።

[ካዎቲላይ፣ ዎልቃይኔ ቦንቾይ

ሚሪናው ኔሳ። አሚንዒ።]

14 «ሂንቲ ሂንቲና ቆሂዳይሳታ አቶ ጊኮ፣ ሳሎን ዴዲያ ሂንቲ አዋይ ሂንቲ ቆሁዋካ አቶ ጋና።

15 ሺን ሂንቲ ሃራ አሳ ናጋራ አቶ ጎና ኢደኮ ሂንቲ አዋይ ሂንቲ ናጋራ አቶ ጌና።

ዎማባ

16 «ሂንቲ ዎሚያ ዎዴ ጨቦታላ ካዮቶፊቲ። አይስ ጊኮ፣ ኤንቲ ዎሚይሳ አሲ ኤራና ሜላ ባንታ ሶዎቦ-ዋ ቂታዮሶና። ታ ቱማ ኦዲይስ፤ ኤንቲ ባንታ ወይቱዋ ኤኪደሶና።

17 «ሺን ኔኒ ዎሚያ ዎዴ ኔ ሶዎቦ-ዋ ሚጫ፣ ኔ ሁዲያ ቲዔታ።

18 ሄሳዳ ኔ ኦሊኮ ኔ ዎሚያ ዎማይ አሳፕ ጌሚዳይሳ፣ ሺን ጌማን ዴዲያ ኔ አዋይ ኤሪያ ዎማ ጊዳና። ጌማን ኦሲቲዳይሳ ቢዲያ ኔ አዋይ ኔው ወይቱዋ ኢማና።

ሳሎን ሻሎ ሺሾ

19 «ቢሊ ሚያሶን፣ ቢራቲ ሺዲያሶን፣ ካይሶይ ቦኪዲ ኤኪያሶን፣ ሃ ሳዓን፣ ሂንቲው ሻሎ ሺሾፕቴ።

20 ሺን ቢሊ ሞናሶን፣ ቢራቲ ሺዲያሶን፣ ካይሶይ ቦኪዲ ኤኪያሶን ሳሎን ሂንቲው ሻሎ ሺሾፕቴ።

21 ኔ ሻሎይ ዴዲያሶ-ዋን ኔ ዎዛናይ ዴዳና።

22 «አይፊይ አሳቲላሰ ያዎፕ። ሄሳ ጊሾ፣ ኔ አይፊይ ፓፃ ጊዲኮ ኔ ኩሜላ አሳቲላይ ፖዖ ጊዳስ።

23 ኔ አይፊይ ሃርጋንቾ ጊዲኮ ኔ ኩሜላ አሳቲላይ ቆማ ጊዳስ። ሂዛ፣ ኔናን ዴዲያ ፖዖይ ቆማ ጊዲኮ፣ ቆማይ አይ ሚላ አቋዲ ቆማንዴሻ!

24 «አሲ አሲ ናዎቦ ጎዳሰ ሃራታናው ዳንዳዔና። ኢሱዋ ደሲኮ ሃንኩዋ ኢደስ፤ ዎይኮ ኢሱዋ ቦንቾኮ ሃንኩዋ ካዴስ። ያሳሲኔ ሚሼሰ ሃራታናው ዳንዳዔኬታ።

ኤንዔቶፊቲ

(ሉቃ 12:22-31)

25 «ሂዛ፣ ሲዒቲ! ሂንቲ ዴዖን ዳናው፣ ሳይ ማኔ? አይ ኡያኔ? አይ ማዓኔ? ጊዲ ኤንዔቶፊቲ፤ ዴዖይ ካላፊ ወይኮ ማዖፕ አይኔ?

26 ሳሎ ካፎታ ዪላቲ፤ ኤንቲ ዜርኮና፣ ቡጮኮና፣ ሻሌን ዩሳኮና፣ ሺን ሂንቲ ሳሎ አዋይ ኤንታ ሙዚስ። ሂንቲ ኤንታፊ ኬሂ አይኬቲ?

27 ሂንቲ ጊደፊ ዳር ኤንዔቲዲ ባ ላይላ ቦላ ኢሲ ጋላሰ ጉጃናው ዳንዳዔይ ዴዳ?

28 «ቃሲ ሂንቲ ማዲያባሰ አይሰ ኤንዔቲቲ? አኔ ጨሻታ ቤዒቲ፣ ኦሶን ዳቡርኮና ወይኮ ሱቆኮና።

29 ሲረቱ! ሃሪ እቶሺን፣ ካወቀ ሶሎሞኔይ ባ ቦንቾ ኡባን ሃ ጨሻታፔ ኢሱዋ ማላካ ማሲቤና።

30 ሂንቴኖ፣ እማኖይ ፓጪ ዳይሳቶ፣ ያሳይ ሃቺ ቤንቲዲ ዋንቶ ታማን ዋቆናው ዳሲያ ማታ ያቲዲ ማይዚያባ ገዲኮ፣ ሂንቴና ኡንታፊ አሉዲ ዋቲ ማይዘኔን?

31 ሃሳ ገሾ፣ ሳይ ማኔ? አይ ኡያኔ? አይ ማዓኔ? ገዲ ኡንዮቶፊቴ።

32 ሄ ኡባ ያሳ እማኖና አሳይ ዳርሲዲ ዳማናው ኡንዮቶሶና። ሂንቴ ሳሎ አዋይ ሄ ኡባይ ሂንቴው ኮሼይሳ ኡፊሰ።

33 ሺን ኡባፊ ሲሱይ ያሳ ካዋቲሳኔ ኢያ ሂሎቴሳ ኮዩቴ፤ ሄ ኡባይ ሂንቴው ጉጂ እሚታና።

34 ሃሳ ገሾ፣ ዋንቶሰ ቆፐሼ ኡንዮቶፊቴ። ዋንቶይሲ ዋንቶሰ አቆ፤ ኢሲ ኢሲ ጋላሳይ ባው ገዲያ ማቶራ ዳዔሰ።

# 7

## ሃራታ ቦላ ፐርዶፊቴ

(ሉቃ 6:37-42)

1 «ሂንቴ ቦላ ፐርዶቶና ማላ ሃራታ ቦላ ፐርዶፊቴ።

2 አይሰ ገኮ፣ ሃራታ ቦላ ሂንቴ ፐርዶፊሳዳ ሂንቴ ቦላ ፐርዶታና፤ ሂንቴ ሃራታሰ ማኪዳባን ሂንቴው ዛሪ ማኬታና።

3 ኔ አይፊን ዳሲያ ቱሲ ዳኔይሳ ቤዖና ኔ እሻ አይፊን ዳሲያ ቡሪያ አይሰ ቤዓይ?

4 ኔ አይፊን ቱሲ ዳሲያሺን ኔ እሻ አይፊን ዳሲያ ቡሪያ ኬሶ ጋናው ዋና ዳንዳዓይ?

5 ኔኖ ጨቡዋው፣ ኮይርታዳ ኔ አይፊን ዳሲያ ቱሲ ዳኔይሳ ኬሳ። ኢያፔ ጉዬ፣ ኔ እሻ አይፊን ዳሲያ ቡሪያ ኬሳናው ኔ ገሻ ያላና።

6 «ጉዬ ሲሚዲ ሂንቴና ሳዖና ማላ ገሻባ ካናታሰ ዬጎፊቴ። ባንታ ቶሁዋን ዬጂዲ ኢሶና ማላ ሂንቴ አልዖ እንቁዋ ጉዲንሳታ ሲንሳን ዬጎፊቴ።

## ዋሲቴ፣ ኮዩቴ፣ ያገቴ

(ሉቃ 11:9-13)

7 «ዋሲቴ ሂንቴው እሚታና፣ ኮዩቴ ሂንቴ ዳማና፣ ካሪ ዩዲ ያገቴ ሂንቴው ደዬታና።

8 ዋሲያ ኦዴሰካ እሚታና፣ ኮዩ ኦዴሰካ ቤንታና፣ ካሪ ዩዲ ያገቴ ኦዴሰካ ደዬታና።

9 «ሂንቴ ገደፊ ባ ናሲ ኡይሉ ዋሲኮ ሹቺ እሚይ ኦኔ?

10 ዋይኮ ሞሎ ዋሲኮ ሹሽ እሚይ ዳሲ?

11 ያቲን ሂንቴ ኢታ ገዲሼ ሂንቴ ናይታሰ ሎዖባ እሞ ኡሪጎ፣ ሂንቴ ሳሎ አዋይ ባና ዋሴይሳታሰ ሎዖባ ዋቲ ዳርሲዲ እሚኔ?

12 ሃራቲ ሂንቴው ኦሳና ማላ ሂንቴ ኮያባ ኡባ ሂንቴካ ሃራታሰ ኦሉቴ። አይሰ ገኮ፣ ሙሴ ሂጌይኔ ናቤቲ ታማርሴይ ሃይሳ።

13 «ፀንሳ ዉላራ ጌሉቴ፤ አይሰ ገኮ፣ ቆዮሰ ኡፊያ ኦጌይ ዋጋ፣ ዉላይካ ዳልጋ። ኢያራ ጌሊያ አሳይካ ዳር።

14 ሺን ዳዑዋኮ ኡፊያ ኦጌይኔ ዉላይ ፀንሉ፤ ያ ጌሊያ አሳይካ ጉላ።

## ሚሉ ባ አይፊን ኡፊቴሰ

(ሉቃ 6:43-44)

15 «ቦላ ባጋራ ዳርሴ ዳኒዲ ባንታ ጋላን ሱቆሜ ገዲዲ ሂንቴ ገደ ጌሊያ ዋርዳንቾ ናቤታፔ ናጌቲቴ።

16 ሂንቴ ኡንታ፣ ኡንታ አይፊያፔ ኡራና፤ አጉንሳፊ ዋይኔይ፣ ከንቾቲፔ ላይይ ማፄቴና።

17 ሃሳ ማላ ሎዖ ሚሉ ኡባይ ሎዖ አይፊ አይፊሰ፤ ኢታ ሚሉ ኢታ አይፊ አይፊሰ።

18 ሎዖ ሚሉ ኢታ አይፊ አይፊና፣ ቃሲ ኢታ ሚሉ ሎዖ አይፊ አይፊናው ዳንዳዓና።

19 ሎዖ አይፊ አይፊና ሚሉ ኡባይ ቃንፄቲዲ ታማን ፀጌታና።

20 ሃሳ ገሾ፣ ሂንቴ ኡንታ፣ ኡንታ አይፊያን ኡራና።

21 «ሳሎን ዳሲያ ታ አዋ ሼኒያ ኦሉያ ኡራይ ሳሎ ካዋቲሉ ገላናፔ አቲን ጮ ታና ሳዳው፣ ጎዳው፣ ገያ ኡባይ ሳሎ ካዋቲሉ ገላና።

22 ፐርዳ ጋላሰ ዳርቲ፣ ሳዳው፣ ጎዳው፣ ኔ ሱንላን ቲንቤቲ ኦዲቦኮ? ኔ ሱንላን ቲና አያናታ ኬሲቦኮ? ኔ ሱንላን ማላታታ ኦላቦኮ?፣ ያጋና።

23 ሄ ዋይ ታኒ፣ ታ ሂንቴና ኡባራካ ኡሪኬ፣ ሂንቴ ኢታ ኦሉይሳቲ ታፔ ሃኪቲ፣ ያጋና።

24 «ሂዛ፣ ሃ ታ ቃላ ሲዲዲ ኦሉያ ኦኒካ ባ ኬላ ሹቻ ቦላ ከፂዳ ዋዛናማ አሳ ማላ።

25 እራይ ቡኪስ፣ ዲያይ ዲባስ፣ ጫርኮይካ ጫርኪዲ ሄ ከላ ሱጊስ። ሺን ከላይ ሹቻ ባሶ ቦላ ከጻጵተዳ ገሾ ከንዲቤና።

26 ሃ ታ ቃላ ሲባዲ ኦላና ኦኒካ ባ ከላ ሻፌ ቦላ ከጻዳ ኤያ ኡራ ሜላ።

27 እራይ ቡኪዳ፣ ዲያይ ዲባዲ፣ ጫርኮይካ ጫርኪዲ፣ ሄ ከላ ሱጊን፣ ሄ ከላይ ከንዲስ፤ ኢያ ከንዳላይካ ዋልቃማ» ያጊስ።

28-29 ዩሱሲ ባ ኦዳ ኦንጊዳ ዋዴ ኢያ ቲሚርቴይ ሂኔ ኦስታማሬታ ሜላ ጊዳና ማታራ ጊዲያ ገሾ ኦሳይ ኢያ ቲሚርቴያን ማላላቴዶሶና።

# 8

## ዩሱሲ ባር ሃርጋንቸዋ ፓላሲ

(ማር 1:40-45፤ ሉቃ 5:12-16)

1 ዩሱሲ ዳሪያፕ ዋጲያ ዋዴ ዳር ኦሳይ ኢያ ካሊዶሶና።

2 ሄኮ ኢሲ ባር ሃርጋንቸይ ኢያኮ ሸቄዲ፣ ኢያ ሲንላን ጉልባቴዲ፣ «ኅዳው፣ ኔ ሼኔ ጊዲኮ ታና ገሻዳ ፓላናው ዳንዳሳሳ» ያጊስ።

3 ዩሱሲ ባ ኩሺያ ዩዲዲ ኢያ ቦቸዲ፣ «ኤ፣ ታ ሼኔ፣ ፓፃ» ያጊስ። ኡራይ ኡራካ ጌዪ ኦጊስ።

4 ዩሱሲ ኢያኮ፣ «ኔ ፓፀ-ዋ ኦዳሰካ ኦዳፓ። ሺን ባዳ ኔ ጌያዳ ፓይይሳ ካሂኔ ቤሳ። ኔ ፓፀ-ዋሰ ማርካ ጊዳና ሜላ ባዳ ሙሴይ ከቴዳ ያርሹ-ዋ ያርሻ» ያጊስ።

## ማቶ ሃላቃ ኦማኑዋ

5 ዩሱሲ ቁፊርናሆሜ ካታማ ጋኪዳ ዋዴ ኢሲ ማቶ ሃላቃይ ኢያኮ ሸቄዲ፣

6 «ኅዳው፣ ታ ኦይሌይ ኦሳቴላይ ጉንዲን ዳር ሃርጌቴዲ፣ ሶን ዘንባዲ ዳዒስ» ያጊዲ ዋሲስ።

7 ዩሱሲ ዛሪዲ፣ «ታኒ ባዳ ኢያ ፓላና» ያጊስ።

8 ሺን ማቶ ሃላቃይ ዛሪዲ፣ «ኅዳው፣ ኔ ታ ሶ ጌላናው ቤሲያ ኦሲ ጊዲኩ፣ ሺን ኔ ሃን ኡታዳ ቃላ ፃላላ ኦዳ፣ ታ ኦይሌይ ፓፃና።

9 ኦይሲ ገኮ፣ ታፔ ቦላራ ታ ከቴቲያ ኦሳቴ ዳዶሶና፣ ቃሲ ታፔ ጋርሳራ ታው ከቴቲይሳቴ ዳዶሶና። ኢንታፌ ኢሱዋ፣ (ባ) ጊያዴ ቤስ፤ ሃንኩ-ዋ ቃሲ (ሃያ!) ጊያዴ ዩስ። ታ ኦይሌያ፣ (ሃይሳ ኦላ) ጊያዴ ኦላስ» ያጊስ።

10 ዩሱሲ ሄሳ ሲባዲ ዋዴ ማላላቴዲ፣ ባና ካሊያ ኦሳኮ፣ «ታ ሂንቴው ቱማ ኦዳይስ፤ ታኒ ሃይሳ ሜላ ኦማዳ ኢሰራዒሌ ኦሳንካ ቤባቢኩ።

11 ታ ሂንቴው ኦዳይስ፤ ዳርቴ ዶሎሃፕቴ ዉሎሃፕቴ ዩዲ፣ ሳሎ ካዋቴላን ኦብራሃሜራ፣ ዩሳቃራኔ ያይቆባራ ኢሲፌ ኢማቶ ቦላ ኡታና።

12 ሺን ሳሎ ካዋቴላ ላታናው ቤሲሺን ኦቴዳይሳቴ ካሬ ቋማን ሆሊታና። ያን ኢንታው ዩሆኔ ኦቻ ጋርጩሳ ጊዳና» ያጊስ።

13 ዩሱሲ ማቶ ሃላቃኮ፣ «ኔ ሶ ባ፣ ኔ ኦማኑዋላ ኔው ሃና» ያጊስ። ኢያ ኦይሌይ ሶሁዋራ ፓፂ ኦጊስ።

## ዩሱሲ ዳር ሃርጋንቸታ ፓላሲ

(ማር 1:29-34፤ ሉቃ 4:38-41)

14 ዩሱሲ ጳዲርሳ ሶ ጌሊያ ዋዴ ጳዲርሳ ማቸ ኢያ ቆዎ ሚሻ ሃርጌን ሳኪታዳ ዘንባዲር ቤባሲ።

15 ዩሱሲ ኢ ኩሺያ ቦቸዳ ዋዴ ቆይይ ሚሻይ ኦጊ ኦጊስ። ፓፃ ዳንዳዳ ኢያ ዋካሱ።

16 ሄ ዋዴ ኦማርሲ ቱና ኦናናን ኦይኩቴዳ ዳር ኦሳታ፣ ኦሳይ ዩሱሳኮ ኦይዶሶና። ኢካ ቱና ኦናናታ ባ ቃላን ኬሲስ፣ ሃርጋንቸታ ኡባ ፓላሲ።

17 ሄሳንካ ናቢያ ኢሳያሲ፣

«ኢ ኑ ሃርጊያ ባው ኤኪስ፣

ኢ ኑ ሃርጊያ ቶኪስ»

ጊዳ ቃላይ ፖሊቴሰ።

## ዩሱሳ ካሎይ ጨጊሲያ ጋቴያ

(ሉቃ 9:57-62)

18 ዩሱሲ ዳር ኦሳይ ኢያ ዩሹዋን ኡቄዳይሳ ቤባዲ፣ ኦባፌ ሄፊንላ ፒናና ሜላ ባ ታማሬታ ከቴሰ።

19 ሂኔ ኦስታማሬታፔ ኢሶይ፣ «ኦስታማሬያው፣ ኔ ቢያሶ ኡባ ታ ካላና» ያጊስ።

20 ዩሱሲ ኢያኮ «ዋርካናታሰ ኦሊ ዴዒስ፣ ሳሎ ካፎታሰ ከሌ ዴዒስ። ሺን ኦሳ ናናሰ ባ ሁዒያ ሸዋፒሲያ ቤሲ ባዋ» ያጊስ።

- 21 ዬሱሳ ካሊያ አሳታፔ አሰይ፡ «ጎዳው፡ ታኒ ሲንሳታ ባዳ ታ አዋ ሞጋዳ ያና» ያገሰ።
- 22 ሺን ዬሱሱ፡ «ሃይቁዳይሳቲ ባንታ ሃይቆታ ሞጎ፤ ኔኒ ታና ካላ» ያገሰ።

**ዬሱሱ ሆቢያ ሲዲ ኦሊስ**  
(ማር 4:35-41፤ ሉቃ 8:22-25)

- 23 ዬሱሱ ባናው ሞጎሉዋን ጌሊዳ ዋዴ አያ ታማራቲካ አያራ ባናው ጌሊዳሶና።
- 24 ኤንቲ ቆገና ዴዲሺን፡ ዋልቃማ ሆቤይ ሃላ ቦላ ዴንዲን ሞጎሎይ ሚቲታናው ጋኪስ። ሺን ዬሱሱ ጴሰኪስ።
- 25 አያ ታማራቲ አያኮ ሸቁዲ አያ ባርኬሊዲ፡ «ጎዳው፡ ኑ ቆሞስ ኑና አሻርኪ» ያገደሶና።
- 26 ዬሱሱ ኤንታኮ፡ «ሂንቴና፡ አማኖይ ፓጩዳይሳቶ፡ አይስ ያዬቲ?» ያገሰ። ዴንዲዲ፡ ሆቢያኑ ጎቲያ ኤሲስ። ኤሌሲዲ ኡባባይ ሲዲ ገሰ።
- 27 አያ ታማራቲ ማላሊቲዲ፡ «ሃይሱ፡ ሃሪ አቶሺን፡ ሆቤይ ኅቴይ ከቴይይሲ ዋኒዳ አሴ?» ያገደሶና።

**ቱና አያናይ እይኪዳ ናምዑ አሳታ**  
(ማር 5:1-20፤ ሉቃ 8:26-39)

- 28 ዬሱሱ አባፌ ሃፊንሳን ዴዲያ ጌርጌሶኔ ገያ ቢታ ጋኪዳ ዋዴ ቱና አያናይ እይኪዳ ናምዑ አሳቲ ዱፎፔ ከዬዲ አያራ ጋሃቲደሶና። ኤንቲ ዳር ኤታኑ ያሺያ አሳታ ገዲያ ገሾ አሲ ሄ ቤሳራ አቆናው ዳንዳዳና።
- 29 ኤንቲካ፡ «ፆሳ ናዋው፡ ኑናኔ ኔና አይቤ ጋሏይ? ዋዴይ ጋኮና ዴዲሺን ኑና ፒርዳናው ያዲ?» ገዲ ዋሲደሶና።
- 30 ኤንታፌ ዳር ሃኮና ጉዲንላ ወዴይ ሃሜቴስ።
- 31 ቱና አያናቲ ዬሱሳ፡ «ኔ ኑና ከሳናባ ገዲኮ፡ ሂኒ ጉዲንላ ወዲያ ገደ ዬዳርኪ» ያገዲ ዋሲደሶና።
- 32 ዬሱሱ፡ «ቢቲ» ያገሰ። ቱና አያናቲ አሳታፔ ከዬዲ ጉዲንላታን ጌሊደሶና። ጉዲንላቲ ኡባይ እፎ ደናራ ዲርጊዲ ቢዲ አባን ሚቲቲዲ ሃይቁደሶና።
- 33 ጉዲንላ ወዲያ ሃሜይሳቲ ባቃቲዲ ካታማ ቢዲ፡ ሃኒዳባኔ ቱና አያናይ እይኪዳ አሳታ ቦላ ኦሲቲዳባ ኡባ ኦዲደሶና።
- 34 ያቲን፡ ካታማን ዴዲያ አሳ ኡባይ ዬሱሳ ቤናናው ከዬደሶና። ኤንቲ ዬሱሳ ቤዲዳ ዋዴ ባንታ ቢታፌ ከዬዲ ባና ሚላ ዋሲደሶና።

## 9

**ጉንዳ ኡራ ፓፀዋ**  
(ማር 2:1-12፤ ሉቃ 5:17-26)

- 1 ሃሳፌ ጉዬ፡ ዬሱሱ ሞጎሉዋን ጌሊዲ፡ አባ ፒኒዲ ባ ካታማ ቢስ።
- 2 ሃኒዳ ጉላ አሳቲ አሲ ጉንዳ ኡራ አልጋራ ቶኪዲ ዬሱሳኮ ኤሂደሶና። ዬሱሱ ኤንታ አማኑዋ ቤዲዲ፡ ጉንዳ ኡራ፡ «ታ ናዋው፡ ያዋፋ! ኔ ናጋራይ አቶ ጌቲቲስ» ያገሰ።
- 3 ሄ ሳቲያን፡ አይሁዳ ሃጌ አስታማሬታፔ አሰቲ አሰቲ፡ «ሃይሱ ያሳ ጫሼ ገዴኔ» ያገዲ ባንታ ዋዛናን ቆፐደሶና።
- 4 ዬሱሱ ኤንታ ቆፋ ኤራዲ፡ «ኢታባ ሂንቴ ዋዛናን አይስ ቆፔቲ?»
- 5 ሃኖሺን፡ «ኔ ናጋራይ አቶ ጌቲቲስ» ጌይሳፌኔ «ዴንዳ ኤቃዳ ባ» ጌይሳፌ አወሲ ካወደ?»
- 6 ሺን ሳባ ቦላ ናጋራ አቶ ጋናው አሳ ናባስ ማቲ ዴዲያ ታ ሂንቴና ኤራሳና» ያገዲ፡ ጉንዳ አዲያኮ፡ «ዴንዳ ኤቃ፡ ኔ አልጋ ቶካዳ፡ ኔ ሶ ባ» ያገሰ።
- 7 ጉንዳ ኡራይ ዴንዲዲ ባ ሶ ቢስ።
- 8 ዴሬይ ሃሳ ቤዲዲ ማላሊቲደሶና። ሃሳ ሚላ ማታ አሳስ አሚዳ ያሳ ጋላቲደሶና።

**ማቶ 9 ያጌቴፋ**  
(ማር 2:13-17፤ ሉቃ 5:27-32)

- 9 ዬሱሱ ያፔ ዴንዲዲ ቢሼ ማቶ 9 ጌይሳ ቃራፃ ቃንዲሲያ ቤሳን ኡቲዳሺን ቤዲዲ፡ «ታና ካላ» ያገሰ።
- አካ ዴንዲዲ ካሊስ።
- 10 ዬሱሱ ማቶ 9 ሶን ጋይታ ቦላ ኡቲዳሺን፡ ቃራፃ ቃንዲሲያ ዳር አሳቲኔ ናጋራንቸቲ ዬዲ አያራኔ አያ ታማራታራ አሲፌ ማናው ኡቲደሶና።
- 11 አሲ አሲ ፋሪሳዌቲ ሃሳ ቤዲዲ፡ ዬሱሳ ታማራታ፡ «ሂንቴ አስታማሬይ ቃራፃ ቃንዲሴይሳታራኔ ናጋራንቸታራ አይስ ሚ?» ያገደሶና።

12 ዩሱሲ ሃሳ ሰዓዲ። «ዳሌ ኮሼይ ሃራጋንቸታሳፊ ኣተን ፓፃታሳ ጊደና።

13 ሸን ሂንቴ ቢዲ። ታኒ ሂንቴ ያርሹዋ ጊደናሸን ሂንቴ ሃራታ ማራና ሜላ ኮያይሱን ጌቴቲዲ ፃፊቲዲይሲ ዋይ ጉሴኮ ኤሪቴ። ኣይሰ ገኮ። ታኒ ርጋራንቸታ ጃጋናው ያሲቴ ኣተን ጂሎታ ጃጋናው ያሲኬ» ያገሰ።

**ዩሱሲ ያማባ ኦይሸቲሰ**

(ማር 2:18-22፤ ሉቃ 5:33-39)

14 ሄ ዋይ ዮሃንሳ ታማራቲ ዩሱሳኮ ሸቂዲ። «ኦኔ ፋሪሳዌቲ ያሞሰ። ሸን ኔ ታማራቲ ኣይሰ ያሞኮና?» ያገዲ ኦይቸደሶና።

15 ዩሱሲ ዛሪዲ ኤንታኮ። «ሙሹራይ ኤንታራ ዴዳሸን ጌቴቲዲ ዩዳ ኣሳይ ካዮታናው ዳንዳዮና? ሙሹራይ ኤንታ ማታቴ ኤኬታና ዋይይ ያና። ኤንቲ ሄ ዋይ ያማና።

16 «ኦራሳ ማዖፕ ፔዲዲ ጋልዓ ማዖ ያላ ሲኬይ ኦኒካ ባዋ። ሄሳላ ኦሊኮ ኦራሳይ ጋልዓ ፔዲሰ። ፔዲዳይካ ጉጂ ዳልገሰ።

17 ኦራሳ ዋይኔ ጋልዓ ኦጎርግ ቆሊያ ኦኒካ ባዋ። ሄሳላ ኦሊኮ ኦራሳ ዋይኔይ ጋልዓ ኦጎርግ ቆሊሱሰ ዋይኔይካ ጉኬሰ፤ ኦጎርግና ናሞዓንጻ ማዶናባ ጊደሰ። ሸን ኦራሳ ዋይኔይ ኦራሳ ኦጎርግ ቆሊታናው ቤሱሰ። ሄሳላ ኦሊኮቲኮ ናሞዓይካ ኢቶና ናጉቶሶና» ያገሰ።

**ሃይቂዳ ናዒዉኔ ዩሱሳ ኣፊላ ቦቸዳ ማጫሲው**

(ማር 5:21-43፤ ሉቃ 8:40-56)

18 ዩሱሲ ሃሳ ኦደ ቦላ ዴዳሸን። ኣይሁዳ ሃላቃታፕ ኢሶይ ኢያኮ ዩዲ። ኢያ ሰንጻን ጉልባቲዲ። «ታ ናዒያ ሃዒ ሃይቃሱ። ሸን ኢያ ፓፃና ሜላ ኔኒ ያዳ ኔ ኩሺያ ኢ ቦላ ዋላርኪ» ጊዲ ዋሲሰ።

19 ዩሱሲ ዴንዲዲ ኢያድ ቢሰ፤ ኢያ ታማራቲካ ካሊደሶና።

20 ኢ ቢሸን ታማኔ ናሞዑ ላይሊ ኩሜላ ሱላ ጎጊዲ ዋይሲያ ኢሲ ማጫሲያ ጉዬራ ሸቃዳ ዩሱሳ ኣፊላ ማጫራ ቦቸሱ።

21 ኢያ ባ ዋዛና። «ታ ኢያ ኣፊላ ማጫራ ፃላላ ቦቸያኮ ፓፃና» ያጋዳ ቆፓሱ።

22 ዩሱሲ ጉዬ ሲሚ ኢዮ ጂሊዲ። «ታ ናቴ። ያዮፋ! ኔና ኔ ኣማኖይ ፓሊሰ» ያገሰ። ማጫሲያ ሲሆቀር ፓፃ ኣጎሰ።

23 ዩሱሲ ኣይሁዳ ሃላቃ ሶ ጋኪያ ዋይ ዛዬ ፕኔይሳታኔ ዩኬይሳታ ቤዒዲ።

24 «ኣኔ ከቸቴ፤ ጉሳ ናዒያ ቆሰካሱፕ ኣተን ሃይቃሱኩ» ያገሰ። ሸን ኣሳይ ኢያ ቦላ ሚጪደሶና።

25 ኣሳ ካሬ ኬሲዳፕ ጉዬ ሶ ጌሊዲ። ናዒ ኩሺያ ኦይኪሰ። ናዒያ ዴንዳ ኤቃሱ።

26 ሄ ዋሪይ ሄ ቢታ ኡባ ጋኪሰ።

**ዩሱሲ ናሞው ቆቂታ ጂሊሲሰ**

27 ዩሱሲ ያፕ ዴንዲዲ ጌዬ ሲንሌ ቢያ ዋይ ናሞው ቆቂቲ ባንታ ቃላ ቆቂ ኦሊዲ። «ዳዊቲ ናዒው። ኦና ማራርኪ» ያገሸ ኢያ ካሊደሶና።

28 ዩሱሲ ሶ ጌሊዲ ዋይ ቆቂቲ ኢያ ካሊዲ ዩደሶና። ዩሱሲ ኤንታኮ። «ታኒ ሃሳ ኦላናው ዳንዳዒይሳ ሂንቴ ኣማኔቲ?» ያገሰ።

ኤንቲካ። «ኤ። ጎዳው» ያገዲ ዛሪደሶና።

29 ሃሳፊ ጉዬ። ዩሱሲ ኤንታ ኣይፊያ ቦቸዲ ኤንታኮ። «ሂንቴው። ሂንቴ ኣማኑዋላ ሃና» ያገሰ።

30 ኤንታ ኣይፊይካ ደዬቲሰ። ዩሱሲ ኤንታኮ። «ሃይሳ ኦይሰካ ኦደፕቴ» ያገዲ ሚንሌ ኦዲሰ።

31 ሸን ኣሳቲ ቢዲ ዩሱሳባ ሄ ቢታ ኡባን ኦዲደሶና።

32 ኤንቲ ያፕ ኬያ ዋይ ኣሳይ ቱና ኣያናይ ኦይኪዲ ሙሚሲዳ ኢሲ ኣሲ ዩሱሳኮ ኤሂደሶና።

33 ቱና ኣያናይ ኬዩዳፕ ጉዬ ሙሚ ኡራይ ኦደቲሰ። ዴሬይካ ማላሊቲዲ። «ሃይሳ ሜላ ኦራሳባይ ኢሰራዒሌ ቢታን ሂንቤና» ያገደሶና።

34 ሸን ፋሪሳዌቲ። «ቱና ኣያናታ ሃላቃን ቱና ኣያናታ ኬሱሰ» ያገደሶና።

**ዩሱሲ ኣሳሰ ቃዴቲሰ**

35 ዩሱሲ ኣይሁዳ ዋሳ ከላታን ታማርሲሹ። ሳሎ ካዋቴሳ ዋንጌላ ሳባኪሹ። ኣሳ ሃርጌ ኡባፊ ፓሊሹ ካታማታኒኔ ጉታ ኡባን ዩዩሰ።

36 ደር ዴሬይ። ሄሚያ ኣሲ ባይና ዶርሳዳ ኤንታና ቤዒያ ኣሲ ቆዩን ኤንዔቲዲ ዴዒይሳታ ቤዒዲ ኤንታው ቃዴቲሰ።

37 ባ ታማራታኮ። «ሸቃና ካሳይ ዳር። ሸን ካሳ ሸሺያ ኣሳይ ጉሳ።

38 ሃሳ ገሹ። ጎዳይ ካሳ ሸሺያ ኣሳንቸታ ዩዳና ሜላ ዋሲቲ» ያገሰ።

# 10

ዩሱሲ ከተዳ ታማኔ ናምዑ ሃዋሬታ  
(ማር 3:13-19፤ ሉቃ 6:12-16)

- 1 ዩሱሲ ታማኔ ናምዑ ታማሬታ ባኮ ጃጊዲ፣ ቱና ኣያናታ ኬሳና ሜላኔ ሃርጌ ኡባ ፓፋና ሜላ ኢንታው ማታ ኢሚሲ።
- 2 ዩሱሲ ከተዳ ታማኔ ናምዑ ሃዋሬታ ሱንሳይ፣ ኮይርይ ጳይርሳ ጊያ ሲሞናኔ ኢያ ኢሻ ኢንዲሪያሳ፣ ዛብዲዮሳ ናዓ ያይቆባኔ ኢያ ኢሻ ዮሃንሳ፣
- 3 ፊልጶሳኔ ባርቶሎሚዮሳ፣ ቶማሳኔ ቃራፃ ቃንዲሲያ ማቶሳ፣ ኢልፊዮሳ ናዓ ያይቆባ፣ ታዲዮሳ፣
- 4 ባ ቢታሰ ማሼቴያ ሲሞናኔ ዩሱሳ ኣሌ ኢሚዳ ኣስቆርታ ዪሁዳ።
- 5 ሄ ታማኔ ናምዓታ ዩሱሲ ከተዲ ዩዲሼ። «እይሁዳ ጊድና ዳሪያኮ ቦፒቴ፣ ቃሲ ሳማሬታ ካታማካ ጌሎፒቴ።
- 6 ሸን ኢስራዔል ከላፊ ጊዲዳ ሂኒ ጳዪዳ ደርሳታኮ ቢቴ።
- 7 ያ ቢዲ፣ ሳሎ ካዎቴላይ ማታተሰ) ጊዲ ኦዲቴ።
- 8 ሃርጋንቾታ ፓላቴ፣ ሃይቁዳይሳታ ሃይቆቴ ዳንሳቴ፣ ባር ሃርጋንቾታ ጌሺ ፓላቴ፣ ቱና ኣያናታ ኬሲቴ። ሃንቴ ጮ ኤኪዳይሳ ጮ ኢሚቴ።
- 9 ሃንቴ ከሲን ዋርቃ፣ ዋይኮ ቢራ ሳንተሜ ኦይኮፊቴ።
- 10 ሃንቴ ኦጊያሰ ካርዲቶ፣ ናምዑ አፊላ፣ ዋይኮ ጫማ ዋይኮ ፃምዓ ኦይኮፊቴ፤ ኦሳንቾብሰ ፓላሳ ካሌ ኮሺሰ።
- 11 «ሃንቴ ኢሲ ካታማ ዋይኮ ጉታ ጌሊያ ዋይ ሃንቴና ሞኪዲ ኤካናው ኡፋይቴያ ኡራ ኮዪዲ ኢያ ሶን ሸምፒቴ፤ ሃንቴ ባና ጋካናው ያን ጋምዒቴ።
- 12 ቃሲ ኦዳ ሶካ ጌሊሼ ሳርላቴ።
- 13 ሄ ኬላይ ሃንቴና ሞኪኮ ሃንቴ ሳርላዳ ሳርይ ኤንታና ጋኮ፣ ሸን ኤንቴ ሞኮና ኢዲኮ ሃንቴ ሳርላዳ ሳርይ ሃንቴው ጉዬ ሲሞ።
- 14 ኦኒካ ሃንቴና ሞኮናኔ ሃንቴ ኦዲያባ ሲዮና ኢዲኮ ሄ ኬላፊ ዋይኮ ሄ ካታማፔ ኬዪሼ ሃንቴ ቶሁዋን ዳዒያ ባና ፒቲዲ ኬዪቴ።
- 15 ታ ሃንቴው ቱማ ኦዲይሰ፤ ያሳ ፒርዳ ጋላሳን ሄ ካታማፔ ሶዶሜሲኔ ጋሞራ ካታማታሰ ፒርዳይ ካዉያና።
- 16 «ታ ሃንቴና ደርሳታዳ ሱፋሜታ ጊዳ ዩዳና። ሄሳ ጊሾ፣ ሾሻዳ ጪንጫታ፣ ሆሌዳ አዳታ ጊዲቴ።
- 17 ኣሳይ ሃንቴና ፒርዳ ዳይናታሰ ኣሌ ኢማና፣ ቃሲ ኣይሁዳ ዋሳ ኬላን ሃንቴና ጋራፋና። ሄሳ ጊሾ፣ ኤንታፊ ናጌቴቴ።
- 18 ታ ጊሾ ጊዲ ሃንቴና ዳሪያ ሃራይሳታ ሲንሌኔ ካዎታ ሲንሌ ኡፋና። ኤንታ ሲንላኒኔ ኣይሁዳ ጊድና ዳሪያ ሲንላን ኤቁዲ ሃንቴ ታባ ማርካታና።
- 19 ሸን ሃንቴና ፒርዳሰ ኣሌ ኢሚያ ዋይ ዋይጊዲ ዛሪኖ ጊዲ ኡንዔቶፊቴ፤ ሄ ሳቲያን ሃንቴ ጋናባ ያሳይ ሃንቴው ኢማና።
- 20 ኣይሰ ገኮ፣ ሃንቴናን ሃሳዬይ ሃንቴ ኣዎ ጌሻ ኣያናፔ ኣቴን ሃንቴና ጊዳኪታ።
- 21 «ኢሻይ ባ ኢሻ፣ ኣዎይ ባ ናዓ፣ ሃይቆስ ኣሌ ኢማና፣ ናይቴ ባንታና ዩሊዳይሳታ ቦላ ዳንዲዲ ኤንታና ዋጂሳና።
- 22 ታ ጊሾ ጊዲ ኣሳ ኡባይ ሃንቴና ኢያና፣ ሸን ዉርሴላ ጋካናው ማኒዳይ ኣታና።
- 23 ኢሲ ሄራፔ ሃንቴና ኤንቴ ጎዲኮ ሃራ ካታማ ባቃቴቴ። ታኒ ሃንቴው ቱማ ኦዲይሰ፤ ኣሳ ናዓይ ያና ጋካናው፣ ሃንቴ ኢስራዔል ካታማ ኡባ ካንሌኪታ።
- 24 «ታማሬይ ባ ኣስታማሪያፔ፣ ኣይሌይ ባ ጎዳፔ ኣዲና።
- 25 ታማሬይ ባ ኣስታማሪያ፣ ኣይሌይ ባ ጎዳ ዳኒኮ ኢያው ጊዳና። ኬላዎ ቢዔልዘኩሉ ገኮ ኢያ ሶ ኣሳ ዋኒዲ ኢሲዲ ጃኒኔ?
- 26 «ሃዛ፣ ኣሳሰ ያዮፊቴ። ካሜቲዳባይ ቆንጮና፣ ቆሴቲዳባይ ጌሺ ኬዮና ኣቴና።
- 27 ታኒ ሃንቴው ጳማን ኦዲያባ ሃንቴ ፖፖን ኦዲቴ፤ ታ ሃንቴው ሃይላን ካልካሺዳባ ዳባባን ኣዎጂቴ።
- 28 ኣሾፔ ኣቴን ሸምፖ ዋጳናው ዳንዳናይሳታሰ ያዮፊቴ። ሸን ሸምፑዋኔ ኣሾዎ ጋናሜን ጳይሳናው ዳንዳዒያ ያሳሰ ያዪቴ።

---

10:7 ሉቃ 10:4-12    10:10 1ቆር 9:14፤ 1ጊዎ 5:18    10:14 ሃ.ኦ 13:51    10:15 ማቶ 11:24፤ ሜሌ 19:24  
 10:16 ሉቃ 10:3    10:17 ማር 13:9-11፤ ሉቃ 12:11-12፤ 21:12-15    10:21 ማር 13:12፤ ሉቃ 21:16    10:22  
 ማቶ 24:9፤ ማር 13:13፤ ሉቃ 21:17፤ ማቶ 24:13፤ ማር 13:13    10:24 ሉቃ 6:40፤ ዮሃ 13:16፤ 15:20    10:25  
 ማቶ 9:34፤ 12:24፤ ማር 3:22፤ ሉቃ 11:15    10:26 ማር 4:22፤ ሉቃ 8:17



29 ናምዑ ቡቤቲ ኢሲ ሳንቲሜን ባይዜቶኮናዬ? ሃኖፔ አቲን፣ ኤንታፊ ኢሲናካ ሂንቲ ያሳይ ሳና ዴዲሺን ሳዓን ዋቆኩ።

30 ሃሪ አቶሺን፣ ሂንቲ ሁዔ ቢናናይካ ፓይዴቲዲ ዴዔሰ።

31 ሂዛ፣ ዳር ቡቤታፔ ሂንቲ አቋያ ገሾ ያዮፊቲ።

32 «አሳ ሲንሳን ታው ማርካቲያ ኡባሰ ታኒካ ሳሉዋን ዴዲያ ታ አዋ ሲንሳን ማርካታና።

33 ሺን አሳ ሲንሳን ታና ካይይሳ ታኒካ ሳሉን ዴዲያ ታ አዋ ሲንሳን ካዳና።

34 «ታኒ ሳዓን ሳር ኤሃናው ዪዳ ሂንቲው ዳናፖ። ታኒ ቶራፔ አቲን ሳርቴሌ ኤሃናው ያቢኩ።

35 ታኒ ዪዳይ፣

ናዓ አዋፔ

ማጫ ናዒው አዬፔ

ናዓ ማቸው አዚና አዬፔ ሻካናሳ።

36 አሳሰ ሞርኬቲ ኢያ ሶ አሳታ ገዳና።»

37 «ታፔ አሌዲ ባ አዋ ዎይኮ ባ አዬው ዶሴይ፣ ታባ ገዳናው ቤሴና። ባ አዴ ናዓ ዎይኮ ባ ማጫ ናዒው ታፔ አሌዲ ዶሴይ፣ ታባ ገዳናው ቤሴና።

38 ባ ማሰቃሊያ ቶኪዲ ታና ካሎና ኦኒካ ታባ ገዳናው ቤሴና።

39 ባ ሺምፑዋ አሻናው ኮይይ ቆይሳና፣ ሺን ባ ሺምፑዋ ታ ገሾ አሌ አሜይ አሻና።

40 «ሂንቴና ሞኬይ ታና ሞኬሰ፣ ታና ሞኬይ ቃሲ ታና ኪቲዳይሳ ሞኬሰ።

41 ናቢያ ናቤ ሱንሳን ሞኬይ፣ ናቢያላ ዎይቲታና፤ ቃሲ ዪሉዋ ዪሉ ሱንሳን ሞኬይ፣ ዪሉዋላ ዎይቲታና።

42 ታ ሂንቲው ቱማ ኦዳይሰ፤ ሃ ታ ታማሬታፔ ጉዲያ ኢሱዋሰ ታና ካሊያ ገሾ ሃሪ አቶሺን ጉሳ ኢርፃ ሃሌ አሚኮ ኢያ ዎይቶይ ቆይና» ያገሰ።

# 11

ፃማቂያ ዮሃንሲ ኪቲዳ አሳታ

(ሉቃ 7:18-35)

1 ዬሱሲ ታማኔ ናምዑ ታማሬታ ኪታ ኦንጊዳፔ ጉዬ ያፔ ዳንዲዲ ታማርሳናዉኔ ሳባካናው ጋሊላ ካታማታ ቢሰ።

2 ዮሃንሲ ቃቾ ኩላን ዴዲሺ ኪሪሰቶሲ ኦሌያባታ ሲዒዲ፣ ባ ታማሬታፔ ኢያኮ ኪቲዳ፣

3 «ያና ጌቲቲዳይ ነኔይ? ዎይኮ ነኒ ሃሪ ናገና?» ያገዲ ኦይቸሰ።

4 ዬሱሲ ኤንታኮ ዛሪዲ፣ «ቢዲ ሂንቲ ሲዒያባኔ ሂንቲ ቢዒያባ ዮሃንሳሰ ኦዲቲ።

5 ቆቁቲ ዪሎሶና፣ ዎቢቲ ሃውቶሶና፣ ባር ሃርጋንቾቲ ፓዖሶና፣ ቱሊቲ ሲዖሶና፣ ሃይቁዳይሳቲ ሃይቆፔ ዳንዶሶና፤ ማንቆታሰ ሞንጊላይ ሳባኪኬሰ።

6 ታናን ቆቤቶናይ ኦንጃቲዳይሳ» ያገሰ።

7 ዮሃንሳ ታማሬቲ ጉዬ ሲሚዲ ቢን፣ ዬሱሲ ዳሪያሰ ዮሃንሳባ ኦዲሺ፣ «ሃ ባዙዋ አይ ቢዓናው ኪዪዳቲ? ጫርኮይ ቃሊያ ማቃ ቢዓናው ዪዳቲዬ?»

8 ያተን፣ አይ ቢዓናው ኪዪዳቲ? ኪቲ ማፃ ማዒ ዳይሳቲ ካዎታ ኪላን ዳዖሶና።

9 ያተን፣ አይ ቢዓናው ኪዪዳቲ? ናቤ ቢዓናሴይ? ሄኮ፣ ሂንቲ ናቤፔካ አቋይሳ ቤዒታ።

10 «ኔ ኦጊያ ኔ ሲንሳን ገገሲያ ታ ኪታንቸዋ ኔፔ ሲንሌ ኪታና»

ጌቲቲዲ ፃፊቲዳይ ኢያሳ።

11 ታ ሂንቲው ቱማ ኦዳይሰ፤ ማጫሳፔ ዬሊቲዳይሳታ ገደፊ ዮሃንሳፔ አቋይ ኦኒካ ባዋ፤ ሳሉ ካዎቲላን ኡባፊ ጉዲይ ኢ፣ ኢያፔ አቆና።

12 ፃማቂያ ዮሃንሳ ዎዲያፔ ዶሚዲ ሃቺ ጋካናው ሳሎ ካዎቲላይ ዳር ናቁቴሰ፣ ማኒዳ አሳቲ ዎልቃን ያ ጌላና።

13 ናቤቲ ኡባይኔ ሙሴ ሂፔይ ዮሃንሳ ዎዶ ጋካናው ሳሎ ካዎቲላባ ቲንቢቲ ኦዲዶሶና።

14 ሂዛ፣ ሂንቲ ኤንታ ኪታ አማናና ገዲኮ፣ ያና ጌቲቲዳ ኤሊያሰ፣ ኢ ዮሃንሳ።

15 ሂዛ፣ ሲዒያ ሃይሌ ዴዔይ ሲዖ።

16 «ሂዛ፣ ሃ ዎዲያ ዬሊቲላ አይቢራ ዳኒሶ? ገያ ገደን ኡቲዲ ዎሊ ዪገዲ፣

17 ሳ ሂንቲው ሱሱልዔ ፑኒን፤

ሂንቲ ይደክታ።  
ኑ ሳቢዱ ዘለለን፤  
ሂንቲ ይኩኩታ።

ያገያ ናይታ ዳናሶና።

18 ግማዊያ የሃሊሲ ሞና ኡዮና ዩን፣ ጭና እያሲ ዳዒስ) ያገደታ።

19 እሳ ናዓይ ሚሼኔ ኡዩሼ ዩን፣ ያራምባኔ ኡሻንቾ፣ ቃራዎ ቃንዲሴሳታኔ ናጋራንቾታ ዳቦ ያገደታ። ሂዛ፣ ጨንጫቴላ ቱማቴላይ ኢያ ኦሱዋን ቆንጨፎስ) ያገሰ።

እማናና እዲዳ ካታማታ  
(ሉቃ 10:13-15)

20 ሄሳፌ ጉዬ፣ ዩሱሲ ዳር ማላታታ ኦሊዳ ካታማታን ዳዒያ አሳቲ ባንታ ናጋራፔ ሲሚዲ ማርታን ጌሎና እዲዳ ገሾ ኡንታና።

21 «እዬ ኮራዚኔ ካታማው፣ እዬ ቤቴሳይዳ ካታማው፣ እይሰ ገኩ፣ ሂንቲ ገደን ኦሴቲዳ ማላታቲ ዲርሳኔ ሲደናን ኦሴቲዳ ገዲያኩ፣ ኡንቲ ቤኒ ቢዶ ቲቴቲዲ፣ ካሌ ማዒዲ ባንታ ናጋራፔ ሲሚ ኡጋና።

22 ሺን ታ ሂንቲው ኦዲይስ፤ ፐርዳ ጋላስ ሂንቲፌ አሊዲ ዲርሳሲኔ ሲደናስ ፐርዳይ ካዉያና።

23 ቃሲ፣ ቂፊርናሆሜ፣ ኔሲ ፑዳ ሳሎ ኬያናው ኮያይ? ሃኔና! ኔሲ ሲዮሌን ዩኔታና። እይሰ ገኩ፣ ኔ ገደን ኦሴቲዳ ማላታቲ ሶዶሜን ኦሴቲዳባ ገዲያኩ፣ ሶዶሜይ ሃቺ ጋካናው ዳዒናሺን።

24 ሺን ታ ኔው ኦዲይስ፤ ፐርዳ ጋላስ ኔፔ አሊዲ ሶዶሜስ ፐርዳይ ካዉያና) ያገዲ ሃንቁቲስ።

ከሪስቶሳን ዳዒያ ሸምፖ  
(ሉቃ 10:21-22)

25 ሄ ዎዴ ዩሱሲ፣ «እዋው፣ ሳሉዋኔ ሳዓ ጎዳው፣ ኔሲ ሃይሳ ኤራንቾታፔኔ ጨንጫታፔ ጌንላዳ ናይታስ ቆንጨሲዳ ገሾ ኔና ጋላታይስ።

26 ኢ፣ ታ እዋው፣ ሃይሲ ኔ ሎዖ ሺኒያዳ ሃኒስ።

27 «ኡባይ ታው ታ እዋፔ አሜቲስ። እዋፔ ሃሪ ናዓ ኤሬይ ባዋ፣ ናዖፔኔ ኢ ኡንታው ቆንጨሳናው ኮዬይሳታፔ ሃሪ እዋ ኡራናው ዳንዳዔይ ባዋ።

28 «ሂንቲና፣ ዳቡራንቾቶ፣ ቶሆይ ዳዒዳ ኡባይ ታኮ ሃ ዩቲ፤ ታኒ ሂንቲና ሸምፐሳና።

29 ታኒ ታ ዋዛናን አሸከኔ አዳ ገዲያ ገሾ ታ ቃምባራን ጌሊቲ፣ ታፔ ታማራቲ፤ ሂንቲ፣ ሂንቲ ሸምፑዋስ ሸምፖ ዳማና።

30 ታ ቃምባራይ ሊቆ፣ ቃሲ ታ ቶሆይካ ካዉሼ» ያገሰ።

# 12

ሳምባታ ቦንቻናው ቤስ?  
(ማር 2:23-28፤ ሉቃ 6:1-5)

1 ሄሳፌ ጉዬ፣ ሳምባታ ጋላስ፣ ዩሱሲ ጋዴ ገደራ አዴስ። ዩሱሳ ታማራቲ ኮሻቲዳ ገሾ ቲያ ባንጋ ሸሪኪዲ ሞሶና።

2 ሺን ፋሪሳዊቲ ሃሳ ቤዒዲ ዩሱሳኩ፣ «ሃኩ፣ ኔ ታማራቲ ሳምባታ ጋላስ ኦላናው ቤሶናባ ኦሎሶና) ያገደሶና።

3 ዩሱሲ ኡንታኮ ዛራዲ፣ «ዳዊቲይ ኮሻቲዳ ዎዴ ኢያራ ዳዒይሳታራ አይ ኦሊዳኮ ናባቢኬቲ?

4 ዳዊቲይ ያሳ ኬሌ ጌሊዲ ካሂኔታ ጻላላፔ አቲን ኢኔ ኢያራ ዳዒይሳታስ ቤሶና ጌሻ ዳቡዋ ሚስ።

5 ዎይኮ ካሂኔቲ ሳምባታ ዎጋ ሻሪዲ ያሳ ኬላን ሳምባታ ጋላስ ኦሶ ኦሊኮ ኡንታው ባላ ገደናይሳ ሙሴ ሂገያን ናባቢኬቲ?

6 ሺን ሲዒቲ! ያሳ ኬላፌ አዴይ ሃይሳን ዳዒስ።

7 ታኒ ሂንቲ ያርሹዋ ገደናሺን ሂንቲ ሃራታ ማራና ሜላ ኮያይስ) ገያ ቃላይ ዎይ ጉሱኮ ሂንቲ ኤራዳኮ ዲሎ አሳ ቦላ ፐርዴኬታ።

8 አሳ ናዓይ ሳምባታ ጎዳ» ያገሰ።

9 ዩሱሲ ያፔ ቢዲ አይሁዳ ዎሳ ኬሌ ጌሊስ።

10 ያን ኩሼይ ጉንዲዳ ኢሲ ኡራይ ዳዔስ። ዩሱሳ ሞታናው ጋሶ ኮያ አሳቲ። «ሳምባታ ጋሳስ ገላናው ቤሲ ቤሴኔ?» ያገዲ ኦይቸደሶና።

11 ኢ ኤንታኮ። «ሂንቴ ገደፌ ኢሱዋስ ደርሲ ሳምባታ ጋሳስ እድን ወሊኮ። ጎቹዲ ኬሶናይ ኦኔ?»

12 ያቲን አሲ ደርሳፌ ዋኒዲ ዳር አዴኔ? ሄሳ ጊሾ። ሳምባታ ጋሳስ ሎዖባ ኦሶይ ቤሴስ» ያገሰ።

13 ሂሳፌ ጉዬ። ዩሱሲ አዲያኮ። «ኔ ኩሺያ ፒዲ ኦላ» ያገን። ኡራይ ፒዲ ኦላስ። ኢያ ኩሼይ ገደዲ ሃንኮ ኩሺያዳ ሂሲ።

14 ሺን ፋሪሳዌቲ ያፒ ካሬ ኬዬዲ። ዩሱሳ ሞቲ ዎቆኔኮ ማቄቲደሶና።

**ዖሳይ ደሪዳ አይሊያ**

15 ዩሱሲ ኤንታ ቆፋ ኤሪዲ ሄ ቤሳ አገዲ ሃራ ሶ ቢስ። ዳር አሳይ ኢያ ካሊዲ ቢደሶና። ሃርጋንቾታ ኡባ ገላስ።

16 ዩሱሲ። «ታባ ሃራ ኦዴስካ ኦደፒቴ» ያገዲ ሚንሳ ኦዲስ።

17 ሂሲካ ናቢያ ኢሳያሲ።

18 «ሂኮ ታ ደሪዳ አይሊይ። ታ ደሴይሲ። ታና ኡፋይሴይሲ። ታኒ ታ አያና። ኢያ ቦላ ሸምፒሳና። ኢ። አይሁዴ ገደና ዳሪያስ ሱሬ ፒርዳባ አዎጃና።

19 ኢ ገላሜና ዎይኮ ካጩና። ባ ቃላካ ዳንባን ጮ ሲሴና።

20 ሱሬ ፒርዳን ዖኖ ዳማና ጋካናው። ዲንጩቴዳ ማቃ ሚንሳና። ጩዬያ ሙቃዳ ቶይሴና።

21 አይሁዴ ገደና ዳሪይ ኡባይ ኢያን ኡፋይሲ ዎላና። ያገዲ ዓፊዳይሲ ፖሊታና ሚላሳ።

**ዩሱሳኔ በዓልዜቡላ (ማር 3:20-30፤ ሉቃ 11:14-23)**

22 ሂሳፌ ጉዬ። ቲና አያናን ኦይኬቲዳ ቆቄኔ ሙሜ አሴ ዳዔይሳ ኢያኮ ኤሂደሶና። ዩሱሲ ኡራ ገላን። ኡራይ ቤዒሲኔ ኦዴቲስ።

23 አሳ ኡባይ ማላሊቲዲ። «ሃይሲ ዳዊቲ ናባ ገደንዳሻ?» ያገደሶና።

24 ሺን ፋሪሳዌቲ ሄሳ ሲዒዲ። «ሃ ኡራይ ቲና አያናን ኬሴይ ቲና አያናታ ሃላቃ በዓልዜቡላ ዎልቃና» ያገደሶና።

25 ዩሱሲ ኤንታ ቆፋ ኤሪዲ። «ዎሊ ገደን ሻኬቲያ ካዎቲላ ኡባይ ኩንዳና፤ ቃሲ ዎሊ ገደን ሻኬቲያ ካታማይ ዎይኮ ኬላይ ሚኒዲ ኤቄና።

26 ዓላሂይ ዓላሂ ኬሲያባ ገዲኮ ባ ገደን ሻኬቲስ ጉሱ። ሄሳፊ ሃኒያባ ገዲኮ ኢያ ካዎቲላይ ዋኒዲ ሚኒዲ ኤቃናው ዳንዳዒ?

27 ታኒ ቲና አያና ኬሴይ በዓልዜቡላ ዎልቃን ገዲኮ ሂንቴና ካሊያ አሳቲ ኦዴ ዎልቃን ኬሳኔ? ሄሳ ጊሾ። ሂንቴና ካሊያ አሳቲ ሂንቴና ፒርዳና።

28 ሺን ታኒ ቲና አያናን ኬሴይ ዖሳ አያናን ገዲኮ። ዖሳ ካዎቲላይ ሂንቴኮ ዩስ።

29 «ዎይኮ ኢሲ አሲ ዎልቃማ አሳ ሶ ጌሊዲ ኢያ ሻሉዎ ቦንቃናው ኮይኮ ኮይሮቲዲ ሄ ኡራ ቃቾና ኢዳኮ ዎቲዲ ዳንዳዒ? ያቲኮ ኢያ ሻሉዎ ቦንቃናው ዳንዳዒስ።

30 «ታራ ገደናይ ኦኒካ ታራ ኤቄቲስ፤ ቃሲ ታራ ኢሲፌ ሺሾና ኡባይ ላሊስ።

31 ሂሳ ጊሾ። ሲዒቲ፤ አሳይ ኦሊያ አይ ናጋሪኔ ጫሻ ቃሊ ኡባይ አቶ ጌቲታና። ሺን ጌሻ አያና ጫያ ኦዴስካ ኢያ ናጋሪይ አቶ ጌቲቲና።

32 ኦኒካ አሳ ናባ ቦላ ኢታባ ኦዴቲኮ ኢያው አቶ ጌቲታና። ሺን ጌሻ አያና ቦላ ኢታባ ኦዴቲያ ኦዴስካ ሃ ሳባን ገደን ያና አላሚያን ኢያ ናጋሪይ አቶ ጌቲቲና።

33 «ሎዖ ሚላይ ሎዖ አይፌ አይፌስ፤ ቃሲ ኢታ ሚላይ ኢታ አይፌስ። ሂዛ። ሚላይ ኤሬቲይ ባ አይፊያና።

34 ሂንቴና። ሸሻ ናይቶ። ሂንቴ ኢታ ገዲሼ ዋኒዲ ሎዖባ ኦዴታናው ዳንዳዒቲ? አሲ ባ ዎዛናን ኩሚዳባፒ ደናን ኦዴቲስ።

35 ሎዎ እሲ ባ ዋዛናን ዋልዳ ሎዎባ፤ ሎዎባ ከሴሰ፤ ኢታ እሲ ባ ዋዛናን ዋልዳ ኢታባ፤ ኢታባ ከሴሰ።

36 ሺን ሲባ፤ አሳይ ኦዳቲያ ጮ ኦዳ ኡባሰ ፒርዳ ጋላሰ ዛር ኢማና።

37 እይሰ ጊኮ፣ ኔ ኦዳቲያ ኔ ቃላን ያላና፤ ኔ ኦዳቲያ ኔ ቃላይ ኔ ቦላ ፒርዳና» ያገሰ።

ማላታ ቤናናው ሸቀዳ ኦይሻ

(ማር 8:11-12፤ ሉቃ 11:29-32)

38 ሄሳፌ ጉዬ፣ ኢሲ ኢሲ ፋሪሳዊቲኔ ሂጌ እስታማሬቲ ዩሱሳኮ፣ «እስታማሪያው፣ ኔጌ ማላታ ኦሳዳ ኦና ቤሳ» ያገደሰና።

39 ሺን ዩሱሲ ዛሪዳ፣ «እማኔቶና ኢታ ዩሌቴላይ ማላታ ኮዩሰ። ሺን ናቢያ ዮናሳ ማላታ፤ ሃራ ማላቲ ኢያው ኢማቲና።

40 ዮናሲ ጊታ ሞሎ ኡሎን ሄዙ ጋላሲኔ ሄዙ ቃማ ጋምዲዳላሳ ማላ አሳ ናባይ ሄዙ ጋላሲኔ ሄዙ ቃማ ቢታ ጋርሳን ጋምዳና።

41 ናናዌ አሳይ ፒርዳ ጋላሰ ዳንዲዲ ሃ ዩሌቴላ ቦላ ፒርዳና፤ እይሰ ጊኮ፣ ኤንቲ ዮናሳ ሲብካቲያ ሲባዲ ባንታ ናጋራ፤ ሲማደሰና። ሄኮ፣ ዮናሳ፤ እዲይሲ ሃይሳን ዳዴሰ።

42 ፒርዳ ጋላሰ ዲጌሃ ካዊያ ዳንዲዳ ሃ ዩሌቴላ ቦላ ፒርዳና፤ እይሰ ጊኮ፣ ኢያ ሶሎሞኔ ጨንጫቴላ ሲናናው ቢታ ጋገ፤ ያሰ። ሄኮ፣ ሶሎሞኔ እዲይ ሃይሳን ዳዴሰ።

43 «ቱና እያናይ አሳ፤ ከዩዳ፤ ጉዬ ባው ሸምፒያሶ ኮዩዲ ሃላ ባይና ማላ ቤሳን ዳቡሬሰ፤ ሺን ባ ኮያ ሸምፑዋ ዳማና።

44 ያኒን፣ ታ ኦጋ ከዩዳ ከላ ሲማዳ ባና) ያገሰ። ኢ ሲማያ ዋዴ ከላይ ካይሲ ጊዳይሳኔ ፒቴቲዲ ጊጊ ኡቲዳላሳ ዳማሰ።

45 ሂዛ፣ ሲማ ቢዲ፣ ባ፤ ኢታያ ሃራ ላፑን ኢታ እያናታ ኤኪዲ ዩሰ፤ ኤንቲካ ኡራ ጊዳ ጌሊዲ ዳደሰና። ሄ ኡራሰ ካሲይሳፌ ጉዬይሲ ዳር ኢቴሰ። ሃ ኢታ ዩሌቴላ ቦላ ሄሳ ማላ ሃናና» ያገሰ።

ዩሱሳ እዩጩ ኢያ ኢሻታ

(ማር 3:31-35፤ ሉቃ 8:19-21)

46 ዩሱሲ ዳሪያሰ ኦዳ ቦላ ዳዲሺን ኢያ እያኔ ኢያ ኢሻቲ ኢያ ኦዲሳናው ኮዩዲ ካሬን ኤቁደሰና።

47 ኢሲ እሲ ኢያኮ፣ «ኔ እያኔ ኔ ኢሻቲ ኔና ኦዲሳናው ኮዩዲ ካሬን ኤቁደሰና» ያገሰ።

48 ዩሱሲ ዛሪዳ፣ «ታ እያ ኦኔ? ታ ኢሻቲካ ኦናንቲ?» ያገሰ።

49 ባ ኩሺያራ ታማራታ ማሊሺ፣ «ቤባ፤ ታ እያኔ ታ ኢሻቲ ሃይሳታ።

50 ሳሎን ዳዲያ ታ አዋ ሸኒያ ኦላያ ኡባይ ታ ኢሻ፣ ታ ሚቶኔ ታ አዮ» ያገሰ።

### 13

ዜሬላ ዜሪያ ኡራ ለሚሶ

(ማር 4:1-9፤ ሉቃ 8:4-8)

1 ሄ ጋላሰ ዩሱሲ ሶፔ ከዩዳ አባ ጋገን ኡቲሰ።

2 ዳር ዳሪይ ኢያ ዩሸዋን ሸቀን አሳ አባ ጋገን አጋጊዲ ዋጎሎን ጌሊዲ ኡቲሰ።

3 አሳሰ ዳርባ ለሚሶን ያገደዲ ኡዲሰ።

4 «ኢሲ ጎሻንቾይ ዜሬላ ዜሪናው ከዩሰ።

5 ኢሲ ዜሪያ ዋዴ ኢሲ ኢሲ ዜሪላቲ ኦጌ ጋገን ዋዲደሰና፤ ኢንታካ ካፎቲ ዩዲ ማፂ ሚደሰና።

6 ኢሲ ኢሲ ዜሪላቲ ጋርሳን ሻሎይ ዳዲያ ቢታ ቦላ ዋዲደሰና። ዳር ቤቲ ባይና ጊሾ ኤሊሲዲ ደሊሰ።

7 ሺን አዋይ ከዩን ሹሊሰ፤ ፃጶይ ባይና ጊሾ ማሊሰ።

8 ኢሲ ኢሲ ዜሪላይ አንጎላ ጊደን ዋዲሰ፤ አንጎላይ ዲጪዲ ሄ ደላ ጨሊሰ።

9 ሃራቲ ቃሲ አራዳ ቢታ ቦላ ዋዲሰ፤ ደሊዲ እይፌ እይፌሰ። ኢሶይ ዪታ፣ ኢሶይ ኡሶፑን ታማ፣ ኢሶይ ቃሲ ሃሰታማ እይፌሰ።

10 ሲባያ ሃይላ ዳዲያ ኡራይ ሲያ) ያገሰ።

11 ዩሱሳ ታማራቲ ኢያኮ ሸቀዳ፣ «እይሰ ኔጌ ዳሪያሰ ለሚሶን ኦዳይ?» ያገደዲ ኦይቹደሰና።

12 ኢ ዛሪዳ፣ «ሂንቲው ሳሎ ካዋቴላ ፀራ ኤራይ ኢማቲሰ። ሺን ኢንታው ኢማቲሰና።

13 ዳዲያ ኡባሰ ጉጉታና፣ ኢያው ዳራና፣ ሺን ባይናይሳፌ ሃራ አቶሺን ኢያው ዳዲያራካ ኤኬታና።

13 ሃሳ ገሹ፣ ታኒ ኤንቲ፣ ያሊሼ ዳሞና ሜላ፣ ሲዒሼ ሲዖና ሜላ ወይኮ ኣኩሮና ሜላ ኤንታው ለሚሶን ኦዲይስ።

14 «ኣሳያሲ ባ ማፃፋን ኦዲዲይሲ ኤንታ ቦላ ፖሌተስ። ኢ ኦዲሼ፣ ሂንቲ ሲሳ ሲዒታ፣ ሸን ኣኩኩኬታ፤ ሂንቲ ያሊታ፣ ሸን ቤዒኬታ።

15 ኣይስ ገኮ፣ ሃ ኣሳ ዋዛናይ ዜልዑሚስ፤ ባንታ ሃይላ ኤሪሼ ቱሊሲዶሶና፣

ባንታ ኣይፊያ ጎዚዶሶና። ሄሲ ባይኔኮ ኤንቲ ባንታ ኣይፊያን ቤዒዲ፣

ባንታ ሃይላን ሲዒዲ፣ ባንታ ዋዛናን ኣኩኩዲ፣

ታኮ ሰማና፣ ታካ ኤንታ ፓላናሸን፣ ያገሰ።

16 «ሸን ሂንቲ ኣይፊቲ ቤዒያ ገሹኒ ሃንቲ ሃይላቲ ሲዒያ ገሹ ሂንቲ ኣንጃቲዳይሳታ። 17 ታ ሂንቲው ቱማ ኦዲይስ፤ ዳር ናቤቲ፣ ሃሎ ኣሳቲ ሂንቲ ቤዒይሳ ቤዓናዉኒ ሂንቲ ሲዒይሳ ሲዓናው ኣሞቲዶሶና፣ ሸን ኤንታው ሃኒቤና።

18 «ሂዛ፣ ሃ ዜሬላ ዜሪያ ኡሪ ለሚሱዋ ሲዒቲ። 19 ኦኒ ገፃን ዋዲዳ ዜሬላ ለሚሶይ ሃይሳ፣ ሳሎ ካዎቲላ ቃላ ሲዒዲ ኣኩሮና ኡሪ ዋዛና፤ ፃላሂይ ዪዲ ኢያ ዋዛናን ዳዒያ ዜሬላ ማፂ ዲገሰ።

20 ሻሎይ ጋርሳን ዳዒያ ቤታ ቦላ ዜሬቲዳይሲ ቃላ ሲዒዲ ኤሊሲዲ ኡፋይሳን ኤኬይሳታ። 21 ሸን ፃጾ ዪዳናው ዳንዲዖና ገሹ ዳር ጋሞዖኮና። ቃላ ጋሶን ሚቶይ ወይኮ ጎዴቲላ ያ ዋይ ኤሊሲ ቆቤቶሶና።

22 ኣጉንሳ ጋሳን ዜሬቲዳይሲ ቃላ ሲዒስ፣ ሸን ሃ ኣላሚያ ዳሳ ሂርጋይኔ ዳራቲላ ቆፋይ ቃላ ጩሊያ ገሹ ኣይፊ ኣይፎና ኣቲስ።

23 ሸን ኣራዳ ቤታን ዜሬቲዳ ዜሬላይ ኣኩካን ቃላ ሲዒያ ኡሪ። ኢ ኣይፊ ኣይፊስ፤ ኢሶይ ያታ፣ ኢሶይ ኡሶፑን ታማ ኢሶይ ቃሲ ሃሰታማ ኣይፊስ» ያገሰ።

**ሌሹዋ ለሚሶ**

24 ዬሱስ ኤንታው ሃራ ለሚሶ ኦዲስ፣ «ዖሳ ካዎቲላይ ባ ጎሻን ሎዖ ዜሬላ ዜሪዳ ኡሪ ዳኔስ። 25 ሸን ኣሲ ኡባይ ቋሰኪን ኢያ ሞርኬይ ዪዲ ገሰቲያ ገደን ለሾ ዜሬዲ ቢስ።

26 ገሰቲይ ዲጨዲ ኣይፊያ ዋይ ለሾይ ኢያ ገደን ቤንቲስ። 27 «ጋዲያ ጎዳ ኣይሌቲ ጎዳኮ ቢዲ፣ ሳዳው፣ ኔ ጎሻን ኔ ሎዖ ዜሬላ ዜሪቢኪሾ? ያቲን፣ ለሾይ ኣዉፔ ዪይ?» ያገደሶና።

28 «ኢ ኤንታኮ፣ ሂሳ ሞርኬይ ኡሊስ» ያገሰ። «ኣይሌቲ ጎዳኮ፣ ሓ ቢዲ ለሹዋ ሾዳና ሜላ ኮያይ?» ያገደሶና።

29 «ሸን ኢ፣ ሓቶ ቦቾሬቲ፤ ሂንቲ ለሹዋ ሾዳይስ ገሸን ገሰቲይ ሾዳታና። 30 ቦቾሬቲ፤ ጫካ ዋይይ ጋካናው ኢሲፊ ዲጮ። ሄ ዋይ ጫኪያ ኣሳታ ለሹዋ ሲንላቲዲ ማፂዲ ታማን ፀጋናው ሚርቁን ሚርቁን ቃቲቲ። ሸን ገሰቲያ ሸሺዲ ታ ሻሊያን ቆሊቲ» ያገና።

31 ቃሲ ሃራ ለሚሶ ያገደዲ ኡዲስ፤ «ሳሎ ካዎቲላይ ኢሲ ኣሲ ባ ጎሻን ባኪዳ ጉላ ሚሌ ኣይፊ ዳኔስ።

32 ሄ ሚሌ ኣይፊይ ሃራ ሚላ ኣይፊታ፤ ጉላ፣ ሸን ኢያ ዶላ ዲጨዳ ሃራ ሚላታ ኡባሬ ኣቆ ገታታዉሱ። ኢ ታሸያን ካፎቲ ኬጂዲ ኡታና ጋካናው ዋልቃማ ሚሊ ገዳዉሱ» ያገሰ።

**ኢርሾ ለሚሶ**

(ሉቃ 13:20-21)

33 ካሊዲካ፣ ዬሱስ ሃራ ለሚሶ ኦዲስ፤ «ሳሎ ካዎቲላይ ኢሲ ማጫሲ ሄዡ ጋጋቲ ቋሌ ኤካ ሙኦቃዳ፣ ሙኦቃይ ዳንዳና ሜላ ኢያን ጉጂዳ ኢርሾ ዳኔስ» ያገሰ።

34 ዬሱስ ዳሪያስ ሄ ለሚሱዋ ኡባ ኡዲስ። ለሚሶይ ባይና ኢሲባካ ኦዲቤና። 35 ናቤይ ባ ማፃፋን፣ «ታኒ ታ ዶና፣ ለሚሶን ዶያና፤ ሳሎይኔ ሳዓይ ሜዴቶሳፔ።

ጌሚዳይሳ ኦዲይሰ»  
ያገዱ ኦዲዳይሰ ሄሳን ፖሌተስ።

**ሌሾ ለሚሱዋ ቢርሼላ**

36 ዬሱስ ዳሪያ ሞይዚዲ ሶ ጌሊስ። ኢያ ታማሪቲ ኢያኮ ሸቂዳ፣ «ጎሻን ዳዒያ ሌሾዋ ቢርሼላ ኦስ ኦዳ» ያገደሰና።

37 ኢ ዛሪዲ፣ «ሎዎ ዜሬላ ዜሪዳይ እሳ ናና።

38 ጎሻይ ሃ አላሚያ። ሎዎ ዜሪዳይ ሳሎ ካዎቴላ ናይታ። ሌሾይ ፃላሂ ናይታ።

39 ሌሾዋ ዜሪዳይ ሞርኪያ ፃላሂ። ጫካ ዎዳይ፣ ዎዲያ ወርሴላ። ጫኪይሳቲ ከታገኝታ።

40 «ሌሾይ ማፃቲዲ ታማን ፀጌቴይሳ ሚላ ዎዲያ ወርሴላን ሄሳዳ ሃናና።

41 እሳ ናዒይ ባ ከታገኝታ ከታና። ኤንቲ ናጋራስ ጋሶ ገደይሳታኔ ኢታ ኦሊያ ኡባ ማፂዲ ኢያ ካዎቴላፊ ኬሳና።

42 ማፂ ሸሺዲ ዩሆይኔ እቻ ጋርጩሳ ዳዒያ ቶዖና ታማን ዬጋና።

43 ሄ ዎዳ ፂሎቲ ባንታ እዋ ካዎቴላን እዋዳ ፖሳና። ሰዒያ ሃይሌ ዳዒይ ሰዎ!

44 «ዎሳ ካዎቴላይ ጎሻን ሞጌቲዳ ሚሼ ዳኔስ። ኢሲ እሲ ሄ ሚሸያ ዳሚዲ ዛሪ ሞገሲ። ዳር ኡፋይቲዲ ቢዲ ባው ዳዒያባ ኡባ ባይዚዲ ሄ ጎሻ ጋዲያ ሻሚስ።

45 «ሄሳዳካ፣ ቃሲ ሳሎ ካዎቴላይ ኢንቆ ገያ አልዎ ሹቻታ ኮያ ዛልዓንኝ ዳኔስ።

46 ዳር አልዎ ኢንቁዋ ዳሚዲ ቢዲ ባው ዳዒያባ ኡባ ባይዚዲ ኢያ ሻሚስ።

**ሞሎ ኦይኪያ ጌቲ ለሚሶ**

47 «ቃሲ ያሳ ካዎቴላይ አባን ዬጌቲዳ ዳማ ዳማ ቆሞ ሞሎ ኦይኪያ ጌቲያ ዳኔስ።

48 ሞሎ ኦይኪያ አሳቲ ሞሎይ ጌቲያን ኩሚን አባፊ ጋፃ ኬሲደሰና። ያን ኡቲዲ ሎዑዋ ቆሪ ቆሪ ዳኝን ዬጌደሰና፣ ሸን ኢታ ሞሎታ ዎራ ሆሊደሰና።

49 ዎዲያ ወርሴላን ሄሳሶ ሃናና። ከታገኝቲ ዩዲ ናጋራንኝታ ፂሎታፔ ሻኪዲ፣

50 ዩሆይኔ እቻ ጋርጩሳ ዳዒያ ቶዖና ታማን ዬጋና።

51 «ሃ ኡባይ ሂንቲው ጌሊዳ?» ያገዱ ኤንታ ኦይቹስ።

ኤንቲ ዛሪዲ፣ «ኦ» ያገደሰና።

52 ዬሱስ፣ «ሂዛ፣ ሳሎ ካዎቴላ ኤራ ኤኪዲ ሂገያ ታማርሲያ ኡባይ፣ ባ ሚንጂዳ ሻሉዋፕ ራራላኔ ጋልዓ ኬሲያ አሲ ዳኔስ» ያገሰ።

**ዬሱስ ናዘሪቴን እጻቲስ**

(ማር 6:1-6፤ ሉቃ 4:16-30)

53 ዬሱስ ሃ ለሚሱዋ ኦዲ ወርሴዳፔ ጉዬ ያፔ ዳንዲዲ ቢስ።

54 ባ ዩሎቲዳ ቢታ ቢዲ አይሁዳ ዎሳ ከላን ዳሪያ ታማርሲስ። ኤንቲ ማላሌቲዲ፣ «ሃ ኡራይ ሃ ጩንጫቴላኔ ሃ ማላታታ ኦሊያ ዎልቃ አወፔ ኤኪዳ?»

55 ሃይሲ አናጂያ ናሳ ጌዴኔዎ? ኢያ አዬ ሱንሳይ ማይራሞ ጌዴኔ? ኢያ ኢሻቲ ያይቆባ፣ ዮሴፋ፣ ሰሞናኔ ዩሁዳ ገደኮናዬ?

56 ኢያ ሚቹቲ ኦራ ዳዖሶና ገደኮና? ያቲን፣ ሃ ኡራይ ሃ ኡባ አወፔ ኤኪዳ?» ያገደሰና።

57 ሄሳ ገሾ፣ ኢ ገያባ ኤኮና ኢጂደሰና።

ሸን ዬሱስ፣ «ናቤይ ባ ዩሎቲዳ ቢታኔ ባ ሶ አሳ ማታጎ ቦንቹቴና» ያገሰ።

58 ኤንቲ አማናና ኢጂዳ ገሾ ዳር ማላታታ ሄ ቤሳን ኦሊቤና።

**14**

**ፃፃቂያ ዮሃንሳ ሃይቁዋ**

(ማር 6:14-29፤ ሉቃ 9:7-9)

1 ሄ ዎዳ ጋለላ አይሲያ ሄርዲሲ \* ዬሱሳባ ሲዒስ።

2 ባ አይሌታኮ፣ «ሃይሲ ፃፃቂያ ዮሃንሳ፤ ኢ ሃይቆፔ ዳንዲስ። ያኒዳ ገሾ ሃ ኡባ ማላታታ ኢ ኦሊስ» ያገሰ።

3 ኢ ሄሳ ገዲይ ሄርዲሲ ባ አሻ ፊልጶሳ ማቹ ሄርዲያዲ ጋሶን ዮሃንሳ ቃሾ ኩሌ ጌልሲዳ ገሾሳ።

4 ዮሃንሲ ሄርዲሳ፣ «ኔ ኢዮ ኤካናው ዎጋ ገዳና» ያገሰ።

5 ሄርዲሲ ዮሃንሳ ዎፋናው ኮዩስ፣ ሸን ዳሪይ ዮሃንሳ ናቤ ኦሊዲ ቤዒያ ገሾ ያሸቲስ።

13:35 ማዘ 78:2 13:57 ዮሃ 4:43 \* 14:1 ሄርዲሲ፣ ሃይሲ ካዎዋ ሄርዲሲ እንቲጳሳ፣ ኢ ዩሁዳኔ ፔሪያ ከሪስቶሲ ዩሌታናፔ ሲሳፊ 4-39 ሞ.ላ. ጋካናው ሃሪስ፣ ኢ ካዎዋ ሄርዲሳስ ናና። 14:4 ሉቃ 3:19-20፤ ለዌ 18:16፤ 20:21

6 ሄሮዲስ ባ ዬሌተዳ ጋላሳ ቦንቸያ ዎዴ ሄሮዲያዳ ናዴያ አሳ ሲንሳን ዬላን ዱራዳ ኢያ ኡፋይሳሰ።

7 ያተን፣ ኢ፣ «ኢያ ኮያባ ኡባ ኢማና ጊዲ» ጫቁሰ።

8 ናዴያ ባ አዬ ዘሪያ ሲዳዳ ሄሮዲሳኮ፣ «ፃማቂያ ዮሃንሳ ሁዲያ ኬሬን ዎላዳ ታው ኢማ» ያጋሱ።

9 ኢያ ያገን ካዎይ ቂርቲስ፣ ሺን ባ ጫቁዎ ጊሾኔ ባራ ዴዲያ ኢማላታ ጊሾ ጊዲ ኢ ኦይሻይ ፖሊታና ሜላ ከቲሰ።

10 ካዎይ አሲ ከቲዲ ዮሃንሲ ቃሾ ኬላን ዴዲሺን ኢያ ቆጲያ ጎይሪሲስ።

11 ሁዲያ ኬሬን ዎላ ኡሄዲ ናዴስ ኢሚደሶና፤ ናዴያካ ኤካዳ ባ አዬስ ኤፋሱ።

12 ዮሃንሳ ታማሬቲ ዪዲ ኢያ አሃ ኤፊዲ ሞጊደሶና። ኢያፔ ጉዬ ሃኒዳባ ኡባ ቢዲ ዬሱሳስ ኦዲደሶና።

**ዬሱሲ ኢቻሹ ሙኩሉ አሳ ሙዚሰ**

(ማር 6:30-44፤ ሉቃ 9:10-17፤ ዮሃ 6:1-14)

13 ዬሱሲ ሃኒዳባ ሰዱዳ ዎዴ ዎጎሉዎን ጌሊዲ ሄ ቤሳፊ ኢሲ ጌሚያ ሶ ባርካ ቢስ። አሳይ ሃሳ ሰዱዲ ካታማታፔ ዴንዲዲ ቶሆን ኢያ ካሊደሶና።

14 ዬሱሲ ዎጎሉዎፔ ዎጲዲ ዳር አሳ ቢዱዲ ኤንታው ቃጴቲስ። ኤንታ ጊደን ዴዲያ ሃርጋንቾታ ፓሊስ።

15 ሳዳይ ኦማርሲሼ ቢያ ዎዴ ዬሱሳ ታማሬቲ ኢያኮ ሸቂዲ፣ «ሃ ቤሳይ አሲ ባይና ቤሲ፣ ሳዳይካ ቃሚስ። ያኒያ ጊሾ፣ ሄራን ዴዲያ ጉታታ ቢዲ ባንታው ሻሚዲ ማና ሜላ ዴሪያ ዬዳ» ያጊደሶና።

16 ሺን ዬሱሲ ኤንታኮ፣ «ዴሬይ ሞና ባናው ኮሺና፤ ኤንቲ ማናባ ሂንቲ ኢሚቲ» ያጊሰ።

17 ኤንቲ ዛሪዲ፣ «ኮሰ ሃይሳን ኢቻሹ ኡይላፊኔ ናሞው ሞሎፔ ሃሪ ባዎ» ያጊደሶና።

18 ኢካ፣ «አኔ ኤንታ ሃ ኡሂቲ» ያጊሰ።

19 ካሊዲካ፣ ዴሬይ ማታን ኡታና ሜላ ኦዲስ። ኢቻሹ ኡይላኔ ናሞው ሞሎታ ኤኪዲ፣ ሳሎ ዪሊዲ ጋላቲ ሲሚዲ፣ ኡይላ ሚንላዲ ባ ታማሬታሰ ኢሚስ፤ ኤንቲ ቃሲ ዴሪያስ ኢሚደሶና።

20 ኡባይ ሚዲ ካሊደሶና። ዬሱሳ ታማሬቲ ሚሺን ኦቲዳይሳ ታማኔ ናሞው ጋይታ ዴንላደሶና።

21 ካሳ ሚዳ አሳይ ማጫሳይኔ ናይቲ ኦቲን ኢቻሹ ሙኩሉ ጊዴስ።

**ዬሱሲ አባ ቦላራ ሃሙቲስ**

(ማር 6:45-52፤ ዮሃ 6:15-21)

22 ዬሱሲ ባ ታማሬቲ ዎጎሉዎን ጌሊዲ ባፔ ሲንሳቲዲ አባፊ ሄ ፊንላ ፒናና ሜላ ከቲዲ ባው ዴሪያ ሞይዛናው ጉዬ ኦቲስ።

23 ዴሪያ ሞይዚ ሲሚዲ ባርካ ዎሳናው ኢሲ ዴሪያ ቦላ ከዬስ። ሳዳይ ቃሚንካ ኢ ባርካ ያን ጋሞሲስ።

24 ሄ ዎዴ ዎጎሎይ አባ ቦላ ቢሺን ሲንሳ ባጋራ ጫርኮይ ዴንዲን ሆቤይ ዎጎሉዎ ኡንዴሊስ።

25 ዎንቲማላ ቦላ ዬሱሲ አባ ቦላ ሃሙቲሼ ባ ታማሬታኮ ዪስ።

26 ኢያ ታማሬቲ፣ ኢ አሳ ቦላ ሃሙቲሼ ባንታኮ ዬይሳ ቢዱዲ ያዪደሶና። ኤንቲካ፣ «ሃይሲ ሞይቲሉ» ጊዲ ያዪዲ ዋሲደሶና።

27 ሺን ዬሱሲ ኡሌሲዲ፣ «አይኮይ ባዎ! ያዮፊቲ! ታናባይ» ያጊሰ።

28 ጴዳርሲ ኢያኮ፣ «ጎዳው፣ ኔና ጊዲኮ፣ ታኒ ሃሳ ቦላራ ሃሙታዳ ኔኮ ባና ሜላ ታና ኪታ» ያጊሰ።

29 ዬሱሲ ጴዳርሳኮ፣ «ሃያ» ያጊሰ።

ጴዳርሲ ዎጎሉዎፔ ዎጲዲ ሃሳ ቦላራ ሃሙቲሼ ዬሱሳኮ ቡሱ ኦይኪስ።

30 ሺን ዎልቃማ ጫርኮዎ ቢዱዲ ያዪስ። ሃሳን ሚቲቴሌ ኦይኪዳ ዎዴ «ጎዳው፣ ታና ኦሻርኪ» ያጊዲ ዋሲስ።

31 ዬሱሲ ኤሌሲዲ ባ ኩሺያ ዬዲ ኢያ ኦይኪዲ፣ «ኔና፣ ኦማኖይ ፓጪዳይሶ አይስ ሲጳይ» ያጊሰ።

32 ዬሱሳራኔ ጴዳርሳራ ዎጎሉዎን ጌሊዲ ዎዴ ጫርኮይ ሲዱ ጊስ።

33 ዎጎሉዎ ጊደን ዴዲያ ኢያ ታማሬቲ፣ «ኔኒ ቱማካ ያሳ ናዳ» ጊዲ ጎይኒደሶና።

34 ኤንቲ አባ ፒኒዲ ጌንሳሬይ ቢታ ጋኪደሶና።

35 ሄ ቢታን ዴዲያ አሳይ ዬሱሳ ኡሪዳ ዎዴ ባንታ ሄራን ዴዲያ ጉታ ኡባ ኪታ ዬዲደሶና። አሳይ ሃርጋንቾታ ኡባ ኢያኮ ኡሂደሶና።

36 ሃርጋንቾቲ ኢያ አፊላ ማጫራ ፃላላ ቦቻና ሜላ ዋሲደሶና። ቦቸዳ ኡባይካ ፓዲደሶና።

# 15

## አዋታ ዎጋባ (ማር 7:1-13)

- 1 ሃሳፌ ጉዬ፥ እሲ እሲ ፋሪሳዊቲኔ ሂጌ አስታማሬቲ ዬሩሳላሜ፤ ዬሱሳኩ ዪዲ፥
- 2 «ኔ ታማሬቲ አይሰ ኑ አዋታ ዎጋ ማንሉና? ኤንቲ ካሌ ማና፤ ሲንሌ ባንታ ኩሺያ ማጨቶኩና» ያጊዲ ኦይቺዶሶና።
- 3 ዬሱሲ ዛሪዲ፥ «ሂንቲ፥ ሂንቲ ዎጋ ጊሾ ዶሳ ኪታ ፖሌይሳ አይሰ ኢደቲ?»
- 4 አይሰ ጊኮ፥ ዶሳይ፥ ሩኔ አዋኔ ኔ አደው ቦንቻ። ኢ ባ አዋ ዎይኮ ባ አደው ጫዬይሲ ሃይቆ ጊቤኔ?» ያጊሰ።
- 5 ሺን ሂንቲ፥ እሲ እሲ ባ አዋ ዎይኮ ባ አደው ማዳናባይ ዳዒሺን፥ ሳሃይሳ ታ ዶሳሰ ያርሻሰ ጊኮ፥
- 6 ባ አዋ ዎይኮ ባ አደው ቦንቻናው ቤሰና) ያጌታ። ያቲዲ ሂንቲ፥ ሂንቲ ዎጋ ፖላናው ዶሳ ቃላ ማንሌታ።
- 7 ሂንቲኖ፥ ጨቦቶ፥ እሳያሲ ሂንቲባ ሊኬ ኦዲሰ፥
- 8 « ሳሃ አሳይ ታና ባንታ ዶናን ቦንቹሰ፥ ሺን ኤንታ ዎዛናይ ታ፤ ሃሆን ዳዒሰ።
- 9 አሳይ ታና ጮ ጎይናሶና፤ ኤንቲ እሲ ማጲዳ ኪታ ዶሳ ሂጌ ዳኒሲዲ ታማርሶሶና) ጊሰ» ያጊሰ።

## አሴ ቱኒሲያባታ (ማር 7:14-23)

- 10 ዬሱሲ ዳር አሳ ባኮ ያጊዲ፥ «ሲዒቲ! አኩኪቲ!
- 11 አሴ ቱኒሲያባይ ዶናራ ጌሊያባ ጊዶናሺን ዶና፤ ጌያባ» ያጊሰ።
- 12 ሃሳፌ ጉዬ፥ ዬሱሳ ታማሬቲ ኢያኮ ዪዲ፥ «ፋሪሳዊቲ ኔጌ ጊዳይሳ ሲዒዲ ቆቤቲዳይሳ አኩካይ?» ያጊደሶና።
- 13 ሺን ዬሱሲ ኤንታው ዛሪዲ፥ «ሳሉዋን ዳዒያ ታ አዋይ ቶኪቦና ማሳይ ኡባይ ሽዴታና።
- 14 ኤንታባ ሂርጎሬቲ፤ ኤንቲ ቆቄ ካሌሌያ ቆቄታ። ቆቄይ ቆቄ ካሌሌኮ፥ ናምባይካ ኦላን ኩንዳና» ያጊሰ።
- 15 ጳዊርሲ ዛሪዲ፥ «ሃ ለሚሱዋ ቢርሽላ ኑሰ ኦዳርኪ» ያጊሰ።
- 16 ዬሱሲ ኤንታኮ፥ «ሂንቲወካ ሃሲ ጋካናው ጌሊቤኔ?»
- 17 ዶናራ ጌሊያባ ኡባይ ኡሎ ጌሊዲ ካሬ ከዬይሳ ኤሬኪቲ?»
- 18 ሺን ዶናራ ከያባይ ዎዛና፤ ከዬሰ። አሴ ቱኒሲያባቲ ሂሳታ።
- 19 ኤንቲካ አሳ ዎዛና ጊደሬ ከያ ኢታ ቆፋ፥ ዎጶ፥ ላይማቴሌ፥ ኢታ ኦሶ፥ ካይሶ፥ ዎርዶ ማርካቴሌ፥ ጫሺ።
- 20 ሂሳ ዳኒያባቲ አሴ ቱኒሴሲ፤ ኣቲን ማጨቶና ኩሺራ ማይሲ ቱኒሴና» ያጊሰ።

## እሲ ማጨሴ አማኑዋ (ማር 7:24-30)

- 21 ሃሳፌ ጉዬ፥ ዬሱሲ ያፕ ከዪዲ ያርሳኔ ሲዶና ካታማቲ ዳዒያ ቢታ ቢሰ።
- 22 እሲ ካናኔ ቢታ ማጨሴ ዬሱሳኩ ያዳ፥ ባ ቃላ ቆቄ ኦሳዳ፥ «ጎዳው፥ ዳዊቲ ናናው፥ ታው ቃጴታርኪ፤ ታ ናናው ቱና አያናይ ኦይኪዲ ኢታ ዋይሴሰ» ያጋሰ።
- 23 ሺን ዬሱሲ እሲ ቃላካ ዛርና ሲዒ ጊሰ። ዬሱሳ ታማሬቲ ኢያኮ ዪዲ፥ «ሃ ማጨሴያ ኑ ጌዶ ካላ ካሳዳ፥ ዎሳውሱ። ሂሳ ጊሾ፥ ኔጌ ኢኖ ዋይዘርኪ» ያጊዲ ዎሲደሶና።
- 24 ዬሱሲ ዛሪዲ፥ «ታጌ ወዳፕ ቆይዳ ዶርሳዳ ኢሰራዔሌ ከላፌ ቆይዳ አሳታ ፃላላሰ ኪቲታሰ» ያጊሰ።
- 25 ሺን ኢያ፥ ኢያ ሲንሳን ኩንዳዳ፥ «ጎዳው፥ ታና ማዳርኪ?» ያጋሰ።
- 26 ኢ ዛሪዲ፥ «ናይታ ካሌ ኤኪዲ ካናታሰ ዬጌይሲ ሎዎ ጊዳና» ያጊሰ።
- 27 ማጨሴያካ፥ «ጎዳው፥ ሂሲ ቱማ፥ ሺን ሃሪ አቶሺን ካናቲ ባንታ ጎዳቲ ማሺን፥ ጋይታ፤ ዎጶ ተፊያ ዎሶና» ያጋሰ።
- 28 ዬሱሲ ዛሪዲ፥ «ሃ ማጨሴቲ፥ ኔ አማናይ ጊታ፤ ኔ ኮዪዳይሳዳ ኔው ሃና» ያጊሰ። ኢ ናዒያ ኢራካ ፓፃ አጋሰ።

## ዬሱሲ ዳር ሃርጋንቾታ ፓሊሰ



29 ዩሱሲ ያፔ ዳንዲዲ ጋለላ አባ ማቴ ቢስ። ኢሲ ዳሬ ቦላ ከዩዲ፣ ያን ኡተስ።

30 ዳር አሳይ ባንታራ፣ ዋቢታ፣ ቆቂታ፣ ኩናታ፣ ዶና ሙሜታ፣ ሃራ ዳር ሃርጋንቾታ ኤኪዲ፣ ኢያኮ ኤሂዲ ኢያ ሲንግን ዋሴዶሶና። ዩሱሲ ኤንታና ፓሊስ።

31 ሄሳ ጊሾ፣ ሙሜት ኦዳቲሽን፣ ኩናቲ ፒዲ ጊሽን፣ ዋቤት ሃሙቲሽን፣ ቆቂት ያለሽን አሳይ ቤዒዲ ማላላቲዲ፣ ኢሰራዒሌ ያሳ ጋላቲዶሶና።

ዩሱሲ ኦይዲ ሙኩሉ አሳ ሙዚስ

(ማር 8:1-10)

32 ዩሱሲ ባ ታማሬታ ባኮ ያጊዲ፣ «ሃ ዳር አሳይ ታራ ሄሹ ጋላስ ጋምዒዳ ጊሾኔ ኤንታው ሃዒ ሚያባይ ባይና ጊሾ ታኒ ኤንታው ቃዴታይስ። ኤንቲ ኦጌን ዳቡሪዲ ኩንዶና ሚላ አይኮ ሙዞና ኤንታ ሚላ ዩዳናው ኮዩኬ» ያጊሰ።

33 ኢያ ታማሬት ዛሪዲ፣ «ኦኒ ሃ ባዙዋን ሃይሳ ከና አሳስ ጊዲያ ካሊ አወፔ ዳማኔ?» ያጊዶሶና።

34 ዩሱሲ ኤንታኮ፣ «ሂንቴው አፑን ኡይሊ ዳዒ?» ያጊዲ ኦይቸስ።

ኤንቲ ዛሪዲ፣ «ላፑን ኡይሊኔ ላፋ ዋሎታፔ ጉሳ ዳዒስ» ያጊዶሶና።

35 ዩሱሲ ዳሪያ ሳባን ኡተቲ ያጊዲ ከተስ።

36 ሄሳፊ ጉዩ፣ ሄ ላፑን ኡይሳኔ ዋሎታ ኤኪዲ ያሳ ጋላቲስ። ሚንሳዲ ባ ታማሬታስ አሚስ። ኢያ ታማሬት አሳስ ጊሾዶሶና።

37 አሳይ ኡባይ ሚዲ ካለዶሶና። ኢያ ታማሬት፣ ሚሽን አቲዳ ቲፊያ ላፑን ጊታ ጋይታ ኩሚሊ ዳንሳዶሶና።

38 ሚዲ አሳይ ማጫሲኔ ናባ ፓይዶና አዳ ያላሊ ኦይዲ ሙኩሉ።

39 ዩሱሲ ዳሪያ ዩዲዳፔ ጉዩ ዋሳሎታን ጌሊዲ ማጌዶና ጊያ ቢታ ቢስ።

# 16

ሳሎፔ ማላ ቤዳናው ኦይቸዳ ኦይሻ

(ማር 8:11-13፤ ሉቃ 12:54-56)

1 ፋሪሳዊቲኔ ሳዲቃዊቲ ዩሱሳኮ ዩዶሶና። ኢያ ፓጫናው ኮዩዲ፣ ባንታና ሳሎፔ ማላታ ቤስ ጊዲ ኦይቸዶሶና።

2 ሽን ኢ ኤንታኮ፣ «ሳዒ ኦማርሲያ ዎዳ ሳሎፔ ዘዒዳ ጊሾ ዎንቶ ቦቃላና» ያጊታ።

3 ዎንቲያ ዎዳ፣ ሳሎፔ ዘዒዲ ሸራቲዳ ጊሾ ኢራይ ቡካና» ያጊታ። ያቲን ሂንቴ ሳሎ ማላ ቤዒዲ ኤሬታ፣ ሽን ዎዲያ ማላ ኤራናው ዳንዳዒኬኬታ።

4 ኢታኔ አማኖና ዩሊቴሳይ ማላታ ኮዩስ። ሽን ኢያው ዮናሳ ማላታፔ ሃራ ማላቲ አሚቴና» ያጊሰ። ሄሳፊ ጉዩ፣ ኤንታና ያን አጊዲ ሃራ ሶ ቢስ።

ፋሪሳዊታኔ ሳዲቃዊታ ኢርሹዋ

(ማር 8:14-21)

5 ኤንቲ አሳፊ ሄፊንሳ ፒኒዳ ዎዳ ዳቦ ኤኪዲ ያናይሳ ደጊዶሶና።

6 ዩሱሲ ኤንታኮ፣ «ፋሪሳዊታፔኔ ሳዲቃዊታ ኢርሹዋፊ ናጌቲቴ» ያጊሰ።

7 ኤንቲካ ባንታ ጋርሳን፣ «ኢ ሄሳ ጊዳይ ኦ ዳቦ ኤኪዲ ዮና ጊሾሳ ጊዶና» ያጊዶሶና።

8 ዩሱሲ ኤንታ ቆፋ ኤሪዲ፣ «ሂንቴኖ፣ አማኖይ ፓጩዳይሳቶ! ዳቦ ኤኮና ዩዳ ጊሾ ዋሊ ጊዶን አይስ ኦዳቲቲ?»

9 ሃዒካ ሂንቴ አኬኬቲ? ኢቻሹ ሙኩሉ አሳስ ኢቻሹ ኡይላ ጊሽዳይሳኔ ኤንቲ ሚዲ ካለን ሂንቴ አፑን ጋይታ ኩሚሊ ዳንሳዶሶና ደጊዳቲ?»

10 ሄሳዳካ፣ ላፑን ኡይላ ኦይዲ ሙኩሉ አሳስ ጊሽዳይሳኔ ኤንቲ ሚዲ ካለን፣ ሂንቴ አፑን ጊታ ጋይታ ኩሚሊ ዳንሳዶሶና አኬኬኬቲ?»

11 ሂዛ፣ ታኒ ፋሪሳዊታኔ ሳዲቃዊታ ኢርሹዋፊ ናጌቲቴ ጋዳ ኦዳይሲ ዳቦባ ጊዶናይሳ አኬኬኬቲ?» ያጊሰ።

12 ያቲን፣ ኢያ ታማሬት ዩሱሲ ኦይይ ሙኦቃ ዳንግናው ዩጌቲያ ኢርሸባ ጊዶናሽን ፋሪሳዊታኔ ሳዲቃዊታ ቲሚርቲያፊ ናጌታናይሳ ጊዳይሳ አኬኪዶሶና።

ጳዊሮሲ ዩሱሳባ ኦዲስ

(ማር 8:27-30፤ ሉቃ 9:18-21)

13 ዩሱሲ ቁሳሪያ ፊልጶሳ ቢታ ጋኪዳ ዎዳ ባ ታማሬታኮ፣ «አሳይ፣ አሳ ናባ ኦና ጎና?» ያጊዲ ኦይቸስ።

14 ኢንቲካ፣ «ኢሶቲ ኢሶቲ ፃማቂያ የሃኒሳ፣ ሃራቲ ኤሊያሳ ቃሲ ሃንኮቲ ኤርሚያሳ ወይኮ ፍቤታ፣ ኢሱዋ ሳሶና» ያገደሰና።

15 ዬሱሲ ዛሪዲ፣ «ያቲን፣ ሂንቲ ታና ኦና ጌቲ» ገዲ ኢንታ ኦይቹስ።

16 ሲሞና ጳዳርሲ ዛሪዲ፣ «ኔኒ ኪሪሰቶሳ፣ ዴያ ያሳ ናዓ» ያገሰ።

17 ዬሱሲ ጳዳርሳኮ፣ «የና ናዓ ሲሞና፣ ኔኒ ኣንጃቲዳይሳ! ሃይሳ ኔው ቆንጨሲዳይ ሳሉዋን ዴዲያ ታ ኣዋፔ ኣቲን ኣሴ ገዴና።

18 ታ ኔው ኦዲይሰ ጳዳርሳ፣ ኔኒ ዛላ! ታኒ ሃ ዛላ ቦላ ታ ዋሳ ኬላ ኬዖና። ሃይቆ ዋልቃቲካ ኢዮ ያኖኮና።

19 ሳሎ ካዎቲላ ቁልፔታ ታ ኔው ኣማና። ሳዓን ኔኒ ዲጊያባይ ኡባይ ሳሎን ያሳ ማታን ዲጌቲዳባ ገዴና። ሳዓን ኔኒ ሃኖ ጊያባይ ኡባይ ሳሎን ያሳ ማታን ሃኒዳባ ገዴና» ያገሰ።

20 ሄሳፌ ጉዬ፣ ኢ፣ ኪሪሰቶሳ ገዴይሳ ኦዴሰካ ኦዶና ማላ ባ ታማሪታ ሚንሊዲ ከቲስ።

**ዬሱሲ ባና ጋካና ዋያ ኦዲሰ**

21 ሄ ዋዲያ፣ ዶሚዲ ዬሱሲ ባ ታማሪታስ፣ «ታኒ ዬሩሳላሜ ባናው ቤሴስ። ያን ዴሪያ ጨማታን፣ ካሂኔ ሃላቃታኔ ሂጌ ኣስታማሪታ ኩሺን ዋዬ ኤካናው ቤሴስ። ኢንቲ ታና ዋቆና፣ ሺን ታኒ ሄዳንሳ ጋላስ ሃይቆፔ ዴንዳና» ያገዲ ቆንጨሲስ።

22 ጳዳርሲ ዬሱሳ ጋዖ ኬሲዲ፣ «ንዳው፣ ሄሲ ሃኔና! ሄሳ ማላባይ ኔና ኡባራካ ጋኮፎ!» ያገዲ ሃንቁቲስ።

23 ዬሱሲ ጳዳርሳኮ ጉዬ ሲሚዲ፣ «ሃ ዓላሂያው፣ ታፔ ሃካ! ኔኒ ኣሳ ቆፋ ቆጋሳፎ ኣቲን ያሳ ቆፋ ቆጋና ገሾ ታው ቆቤ ገዴሳ» ያገሰ።

24 ሄሳፌ ጉዬ፣ ዬሱሲ ባ ታማሪታኮ፣ «ኦኒካ ታና ካላናው ኮያባ ገዲኮ ባና ካዶ፣ ባ ማስቃሊያ ቶኪዲ ታና ካሎ።

25 ባ ዴቡዋ ኣሻናው ኮያ ኡባይ ቆይሴስ። ሺን ባ ዴቡዋ ታ ገሾ ገዲ ኣላ ጳሚይሲ ኣሹስ።

26 ኣሲ ኣላሜ ኩሜላ ባባ ኣላዲ፣ ገደሺን ባ ሺሞፑዋ ቆይሴኮ ኢያ ኣይ ማዲ? ዋይኮ ኣሲ ባ ሺሞፑዋ ላሜ ኣይ ኣማናው ዴንዳዒ?

27 ኣሳ ናዓይ ባ ኣዋ ቦንቹዋን ባ ኪታንቾታራ ያና። ሄ ዋዴ ኢሲ ኢሲ ኡራሰ ኢያ ኦሱዋዳ ኣማና።

28 ታ ቱማ ኦዲይሰ፤ ኣሳ ናዓይ ካዋ ገዲዲ ሲሜይሳ ቤዓና ጋካናው ሃይሳን ኤቂዳ ኣሳፎ ሃይቆናይሳቲ ዴዖሶና» ያገሰ።

**17**

**ዬሱሳ ማላይ ላሚቲስ**

(ማር 9:2-13፤ ሉቃ 9:28-36)

1 ኡሱፑን ጋላሳፎ ጉዬ ዬሱሲ፣ ጳዳርሳ፣ ያይቆባኔ ኢያ ኣሻ የሃኒሳ ባራ ኤኪዲ ባንታርካ ገዴናው ዴሪያ ቦላ ኬዩስ።

2 ያን ኢንታ ሲንሳን ዬሱሳ ማላይ ኩሜላ ላሚቲስ፤ ኢያ ሶሞይካ ኣዋዶ ያልቂስ። ኢያ ማይካ ዳር ቦዲስ።

3 ሂኮ፣ ሙሴይኔ ኤሊያሲ ኢያራ ኦዴቲሺን ቤዒዶሶና።

4 ጳዳርሲ ዬሱሳኮ፣ «ኦኒ ሃይሳ ሃሾ ዪዲ። ኔ ኮይኮ ኢሲኖ ኔው፣ ኢሲኖ ሙሴስ፣ ኢሲኖ ኤሊያ ሃይሳን ሃይሳን ሃይሳን ሃይሳን ሃይሳን» ያገሰ።

5 ጳዳርሲ ሄሳ ቡር ኦዲሺን ቦላ ሻራይ ኢንታና ካሚስ። ሻራ ገደራ፣ «ታና ኡፋይሲያ፣ ታ ዶሲያ ናዓይ ሃይሳ፣ ኢያ ሲዒቲ!» ያገሰ ቃላይ ዪስ።

6 ዬሱሳ ታማሪቲ ሄሳ ሲዒዳ ዋዴ ዳጋሚዲ ባንታ ሶሞቡራ ሳዓን ኩንዲዶሶና።

7 ሺን ዬሱሲ ኢንታኮ ሸቁዲ ኢንታ ቦቹዲ፣ «ዴንዲቲ፣ ያኖሬቲ!» ያገሰ።

8 ኢንቲ ቆቁ ገዲ ቤዒያ ዋዴ ዬሱሳፎ ሃራ ኦናካ ቤዒቦኮና።

9 ኢንቲ ዴሪያፎ ዋቆሺን ዬሱሲ ኢንታኮ፣ «ኣሳ ናዓይ ሃይቆፔ ዴንዳና ጋካናው ሃ ሂንቲ ቤዒዳባ ኦዴሰካ ኦዶፔቲ» ገዲ ከቲስ።

10 ዬሱሳ ታማሪቲ፣ «ያቲን፣ ሂጌ ኣስታማሪቲ ኤሊያሲ ኪሪሰቶሳፎ ካሴቲዲ ያና ገዴይ ኣይቤሴ?» ያገዲ ኦይቹዶሶና።

11 ዬሱሲ ዛሪዲ፣ «ኤ! ኤሊያሲ ካሴቲ ዪዲ ኡባባ ገሊሳና።

16:14 ማቶ 14:1    16:16 የሃ 6:68    16:19 ማቶ 18:18፤ የሃ 20:23    16:24 ማቶ 10:38፤ ሉቃ 14:27  
16:25 ማቶ 10:39፤ ሉቃ 17:33፤ የሃ 12:25    16:27 ማቶ 25:31፤ ማገ 62:12፤ ሮሜ 2:6    17:1 2ጴጌ 1:17-18  
17:5 ሜዶ 22:2፤ ማገ 2:7፤ ኣሳ 42:1፤ ማቶ 3:17፤ 12:18፤ ማር 1:11፤ ሉቃ 3:22፤ ዛሬ 18:15    17:10 ሚላ 4:5

12 ሽን ታ ሂንቴው ቱማ ኦዳይስ፤ ኤሊያሲ ካሴተዲ ዪስ። ኤንቴካ ኢያ ቦላ ኮዪዳባ ኦሊዳሶና፤ ኣቲን ኢያ ሻኪ ኤሪቦኮና። ሄሳዳ ኣሳ ናባይ ኤንታ ኩሽን ዋዬታና» ያገሰ።

13 ሄ ዋዬ ዬሱሲ ገዳይ ምጥቁያ ዮሃንሳባ ገዳይሳ ኣኩኪደሶና።

ዬሱሲ ቱና ኣያናይ ኦይኪዳ ናባ ፓሊስ

(ማር 9:14-29፤ ሉቃ 9:37-43)

14 ኤንቴ ዴሪያ፤ ኣሳኮ ሰሚያ ዋዬ ኢሲ ኣሲ ዬሱሳ ሲንጎን ጉልባ፤

15 «ሳዳው፣ ሃያና ታ ናባስ ቃዴታርኪ፤ ኢያ ሸጪዲ ዬገያ ሃርጌይ ዳር ኡንዬሊዲ ታማኒኔ ሃላን ዬገሰ።

16 ኔ ታማሬታኮ ኤሃስ፣ ሽን ኤንቴ ፓላናው ዳንዳባኮና» ያገሰ።

17 ዬሱሲ ዛሪዲ፣ «ሂንቴና፣ ኣማና ጌላ ዬሉቴሳው ኣዉዴ ጋካናው ታ ሂንቴራ ዳኔ? ኣዉዴ ጋካናው ታ ሂንቴና ዳንዳባኔ? ኣኔ ናባ ሃ ኤኪ ዪቴ» ያገሰ።

18 ዬሱሲ ቱና ኣያና ሃንቁን፣ ቱና ኣያናይ ናባ፤ ከዪስ፤ ሄ ሳቴንካ ናባይ ፓዲስ።

19 ሄሳፊ ጉዬ፣ ዬሱሳ ታማሬቴ ባንታርካ ኢያኮ ሸቁዲ፣ «ኦኒ ቱና ኣያና ኬሳናው ዳንዳባናይ ኣይቢሲ?» ያገዲ ኦይቸደሶና።

20 ኢ ኤንታኮ፣ «ሂንቴው ኣማናይ ላፊዳ ገሾሳ። ታ ሂንቴው ቱማ ኦዳይስ፤ ጋሼ ኣይፊ ሚላ ኣማናይ ሂንቴው ዴኒኮ ሃ ዴሪያ ሃይሳፊ ዳንዳዳ ጌዴ ኣቆ ገኮ ሂንቴው ከቴታና። ሂንቴው ዳንዳባናባይ ዳና።

21 [ሽን ሄሳ ሚላይ ዋሳፔኔ ምጥፔ ኣቲን ሃራን ኬዬና]» ያገሰ። \*

ዬሱሲ ባ ሃይቁዋባ ዛሪ ኦዲሲ

(ማር 9:30-32፤ ሉቃ 9:43-45)

22 ዬሱሳ ታማሬቴ ጋለላን ሸቁዲ ዴሳሽን ዬሱሲ ኤንታኮ፣ «ኣሳ ናባይ ኣሳ ኩሽን ኣዲዲ ኣሚታና።

23 ኤንቴ ኢያ ዋዳና፣ ሽን ኢ ሄሻንሶ ጋለላ ሃይቆፔ ዴንዳና» ያገሰ።

ኢያ ታማሬቴካ ዳር ቁርቴደሶና።

ዳሳ ኩሳ ገራ

24 ዬሱሳራኔ ኢያ ታማሬታራ ቁፊርናሆሚ ካታማ ጋኪዳ ዋዬ ዳሳ ኩሳ ገራ ቃንዲሴይሳ፤ ጳዲርሲ ዪዲ፣ «ሂንቴ ኣስታማሬይ ዳሳ ኩሳ ገራ ገሪ?» ያገዲ ኦይቸደሶና።

25 ጳዲርሲ ዛሪዲ፣ «ገሪስ» ያገሰ። ጳዲርሲ ሶ ጌሊያ ዋዬ ዬሱሲ ካሴተዲ፣ «ጳዲርሳ፣ ኔው ኣይ ዳኒ? ሃ ሳባ ካዋቴሳቴ ቃራን፤ ገራ ኦፔ ኤኮና? ጋዴ ኣሳፔዬ ዋይኮ ኣሳ ጋዴ ኣሳፔ?» † ያገዲ ኦይቸሰ።

26 ጳዲርሲ «ኣሳ ጋዴ ኣሳፔ» ገዲ ዛሪስ።

ዬሱሲ ዛሪዲ፣ «ጋዴ ኣሳይ ገራ ገርኮና ጉሱ።

27 ሽን ኤንቴ ቆቤቶና ሚላ ኣባ ባዳ ሞሉዋ ኦይኪያ ማንጻቆ ዩጋ። ኮይር ኔ ኦይኪያ ሞሉዋ ዳና ደያዳ ገራስ ገዲያ ሚሺያ ኔ ገሾኔ ታ ገሾ ኤፋዳ ገራ» ያገሰ።

# 18

ኡባፊ ኣዲይ ኦኔ?

(ማር 9:33-37፤ ሉቃ 9:46-48)

1 ሄ ዋዬ ዬሱሳ ታማሬቴ ዪዲ፣ «ሳሎ ካዋቴሳን ኡባፊ ኣዲይ ኦኔ?» ያገዲ ኦይቸደሶና።

2 ዬሱሲ ኢሲ ጉሳ ናባ ያገዲ ኤንታ ገደን ኤሲዲ ሃይሳዳ ያገሰ።

3 «ታኒ ሂንቴው ቱማ ኦዳይስ፤ ሂንቴ ላሚቶናኔ ጉሳ ናይታዳ ሃናና ኢዲኮ ሳሎ ካዋቴሳ ኡባፊካ ገላናው ዳንዳባኪታ።

4 ሂዛ፣ ሃ ጉሳ ናባዳ ባና ካዉሺያ ኦኒካ ሳሎ ካዋቴሳን ኡባፊ ኣዲይሳ ገዳና።

5 ሃይሳ ሚላ ናባ ታ ስንጎን ሞኪያ ኦኒካ ታና ሞኪስ።

6 «ሽን ታናን ኣማኒያ ሃ ጉሳታፔ ኢሱዋ ናጋራ ኦሳና ሚላ ቆቤ ገዲያ ኦኒካ ገታ ጋቻ ዋዩ ባ ቆዴን ቃቸዲ ጪሞ ኣባን ሚቴቴኮ ኢያው ሎዎ።

7 ኣላሚን ኣሳይ ናጋራ ኦሳና ሚላ ኦሊያባፔ ዴዲያ ገሾ ኣላሚያ ኣዬ። ሄሳ ሚላባፔ ዮና ኣቴና፣ ሽን ቆቤይ ኢያ ጋሶን ያ ኡራ ኣዬ።

17:12 ማቶ 11:14    17:21 ማቶ 21:21፤ ማር 11:23፤ 1ቆር 13:2    \* 17:21 ኢሲ ኢሲ ቤኒ ማጻጻብን ፓይዶ 21 ዳና።    17:24 ኩሳ 30:13    † 17:25 ጋዴ ኣሳፔዬ ዋይኮ ኣሳ ጋዴ ኣሳፔ? ሄ ዋዬ ካዋቴሳ፤ ባንታ ጋዴ ኣሳፔ ገራ ኤኮኮና።    18:1 ሉቃ 22:24    18:3 ማር 10:15፤ ሉቃ 18:17

8 «ኔ ኩሼይ ወይኮ ኔ ቶሆይ ኔና ባለሌኮ ኔፔ ቃንፃ ዬጋ። ኔኒ ናምዑ ኩሼራ ወይኮ ናምዑ ቶሆይ ሜሪና ታማን ዬኔታናይሳፌ ኩሼ ወይኮ ቶሆ ዲፃ ገዲዳ ሜሪና ዴፃ ዴሚይሲ ኔው ሎፆ።

9 ቃሲ ኔ ኣይፌይ ኔና ባለሌኮ ኣዮ ዎጫ ኬሳዳ ዎራ ሆላ። ኔኒ ናምዑ ኣይፌራ ጋናሚ ታማን ዬኔታናይሳፌ ኢሲ ኣይፌራ ሜሪና ዴዑዎ ገሌይሲ ኔው ሎፆ።

10 «ታ ሂንቴው ኦዳይሲ፤ ሳሎን ዴዳፃ ኣንታ ናገያ ከታንቸፕ ኡባ ዎዴ ሳሎን ዴዳፃ ታ ኣዎ ሲንሳን ዴዳፃ ገሾ ሂንቴ ሃ ጉሳታፔ ኢሱዋካ ካጶና ሜላ ናገቴቲ።

11 ኣሳ ናባይ ጳይዳይሳታ ኣሻናው ዪሰ» \* ያገሲ።

**ጳይዳ ደርሳ ለሚሶ**

(ሉቃ 15:3-7)

12 ቃሲ ዬሱሱ፤ «ሂንቴው ኣይ ዳኒ? ኢሲ ኡራሰ ጭቴ ደርሳቲ ዴዳይሳታፔ ኢሶይ ጳይኮ ኡዲፋን ታማኔ ኡዲፋናታ ዴሪያ ቦላ ዬገ ኣገዲ ሄ ጳይዳይሳ ኮያናው ቤኔ?

13 ታ ቱማ ኦዳይሲ፤ ኢ ዴሚዳ ዎዴ ኡዲፋን ታማኔ ኡዲፋናታፔ ኣሌዲ ጳይዲ ቤንቲዳ ኢሲ ደርሳን ኡፋይቲስ።

14 ሄሳዳካ፣ ሳሎን ዴዳፃ ሂንቴ ኣዎይ ሃ ጉሳታፔ ኢሶይ ጳይና ሜላ ኮዬና።

**ቆሂዳ ኣሲ ዋታኔ?**

15 «ኔ ኣሻይ ኔና ቆሂኮ ኔርካ ኢያኮ ባዳ ኢያ ባላ ኢያው ኦዳ። ኢ ኔና ሲዒኮ ኔ ኣሻ ኔው ኣሻ ኦላ።

16 ሺን ኢ ኔና ሲዶና ኣይኮ፣ ናምዑ ወይኮ ሄቱ ኣሳ ማርካን ሞቶይ ላሴቲያ ገሾ ኢሲ ወይኮ ናምዑ ኣሲ ኤካዳ ኢያኮ ባ።

17 ኢ ኣንታና ሲዶና ኣይኮ፣ ዎሳ ኬላሰ ኦዳ። ዎሳ ኬላ ገያባ ሲዶና ኣይኮ ኣማኖና ኣሳዳ ወይኮ ቃራፃ ቃንጂሲያ ኣሳዳ ኢያ ፓይዳ።

18 «ታ ሂንቴው ቱማ ኦዳይሲ፤ ሳባን ሂንቴ ዲገያባቲ ኡባይ ሳሎን ዶሳ ማታን ዲገቲዳባ ገዲና። ሳባን ሂንቴ ሃና ገያባቲ ኡባይ ሳሎን ዶሳ ማታን ሃኒዳባ ገዲና።

19 «ቃሲካ ታ ሂንቴው ኦዳይሲ፤ ሳባን ሂንቴፌ ናምዳይ ባንታ ዎሲያባሰ ኢሲ ዎዛናን ገዲዲ ዶሳ ዎሲያባ ገዲኮ ሳሎን ዴዳፃ ታ ኣዎይ ሂንቴው ኦላና።

20 ታና ካሌይሳታፔ ናምዳ ወይኮ ሄቱ ገዲዲ ሸቂያ ቤሳን ታኒ ኣንታ ገዲን ቤንታና» ያገሲ።

**ኣቶ ጉሳባ**

21 ሄ ዎዴ ጳይርሲ ዬሱሳኮ ዪዲ፣ «ጎዳው፣ ታ ኣሻይ ታና ቆሂኮ ኣፑን ቶሆ ታኒ ኣቶ ጋናው ቤሲ? ላፑን ቶሆ ጋካናሴዬ?» ገዲ ኦይቲስ።

22 ዬሱሱ ዛሪዲ፣ «ለፑን ታው ቶሆ ላፑናፔ ኣቲን ላፑን ቶሆ ገዲና።

23 «ሄሳ ገሾ፣ ዶሳ ካዎቴሳይ ባ ኦሳንቸታራ ባ ሚሼይ ፓጠዲኮኔ ፓላሂዳኮ ቤናናው ቆፒዳ ካወዎ ዳኔስ።

24 ሄ ካዎይ ሚሼይ ፓጠዲኮኔ ፓላሂዳኮ ቤናና ዎዴ ዳር ገንዲገንዳ ኣጮይ ዴዳፃ ኢሲ ኡራ ኢያኮ ኤሂደሶና።

25 ሺን ሄ ኣይሌይ ኣጤዎ ቃንፃናው ዎኔቲን ኢያራ፣ ኢያ ማቸራ፣ ኢያ ናይቲኔ ኢያው ዴዳያባይ ኡባይ ባይዙቲዲ ኣጮይ ጨጌታና ሜላ ኢያ ጎዳይ ከቲስ።

26 ያቲን ኣይሌይ ባ ጎዳ ቶሆዎ ቦላ ጉልባቲዲ፣ ነታ ጎዳው፣ ሃያና ጉሳ ዎዴ ታካርኪ፣ ታ ኣጤዎ ኡባ ታ ጨጋና) ያገዲ ዎሲስ።

27 ካዎይ ኢያው ቃጶቲዲ፣ ዬዲ ኣገሲ፤ ኢያ ኣጤዎ ማሪስ።

28 «ሺን ሄ ኣይሌይ ከዪ ቢዲ ባ ላጌ ኦሳንቸታፔ ኢሶይ ባፔ ዳር ጉሳ ሚሹ ታልዲዳይሳ፣ ኔ ቦላ ዴዳፃ ታ ሚሹን ታው ጨጋ) ገዲ ቆጶ ኦይኪስ።

29 «ሄ ኢያ ላጌ ኣይሌይ ኢያ ሲንሳን ጉልባቲዲ፣ ነሃናና ጉሳ ዎዴ ታካርኪ ታኒ ታ ኣጤዎ ኡባ ጨጋና) ያገዲ ዎሲስ።

30 «ሺን ኢይዲ ኤኪ ኤፊዲ ባ ላጌ ኣጤዎ ቃንፃና ጋካናው ቃሾ ኬላ ጌልሲስ።

31 ሄሳ ገሾ፣ ሃራ ላጌ ኦሳንቸታፔ ሄሳ ቤዲዳ ዎዴ ዳር ዪሎቲዲ፣ ቢዲ ባንታ ጎዳስ ኢ ኦሌዳባ ኡባ ኦዲደሶና።

32 «ያቲን ካዎይ ሄ ኣይሌያ ጭገሲዲ፣ ነሃ ኢታ ኣይሌያው፣ ኔኒ ታና ዎሲዳ ገሾ ታ ኔ ኣጤዎ ኡባ ኔው ማራስ።

33 ያቲን፣ ታኒ ኔ ኣጤዎ ማራዲይሳዳ ኔኒ ኔ ላጌ ኣይሌያ ኣጤዎ ማራናው ኔው ቤሲኔ?» ያገሲ።

18:8 ማቶ 5:30    18:9 ማቶ 5:29    18:10 ሉቃ 19:10    \*    18:11 ኣሳ ናባይ ጳይዳይሳታ ኣሻናው ዪሰ፡ ኢሲ ኢሲ ቤኒ ማፃፋቲ ፓይዳ 11 ጉጃሎና፡    18:15 ሉቃ 17:3    18:16 ዛሬ 19:15    18:18 ማቶ 16:19፤ ዮሃ 20:23  
18:21 ሉቃ 17:3-4    18:22 ሜጴ 4:24

34 ሄሳ ጊሾ፣ ካዎይ ዳር ዩሎቲዲ፣ ኢ ባ ኣጩዋ ኡባ ጨጋና ጋካናው ገፃ ካዒታና ሜላ ቃሾ ከላን ዩሊስ።  
 35 «ሄሳዳካ፣ ሂንቲ ኢሶይ ኢሶይ ሂንቲ ኢሾ ዋዛና፣ ማርና ኢደኮ ሳሎን ዳዒያ ታ ኣዋይ ሂንቲና ሄሳዳ ኦላና» ያሊስ።

# 19

ኤኮ ጌሎባ  
 (ማር 10:1-12)

1 ዩሱሲ ሄሳ ኦዲ ኦንጊዳ፣ ጉዬ ጋለላ፣ ዳንዲዲ ዮርዳኖሴ ሻፋ፣ ሄፊንላን ዳዒያ ዩሁዳ ቢታ ቢስ።  
 2 ዳር ኣሳይ ኢያ ካሊዲ ቢን ኤንታ ጊዶፊ ሃርጋንቾታ ገሊስ።  
 3 ፋሪሳዌቲ ኢያ ገጫናው ኮዩዲ ኢያኮ ዩዲ፣ «ኢሲ ኣሲ ኣይ ጋሶንካ ባ ማቺው ዩዳናው ቢስ?» ያሊዲ ኦይቺደሶና።  
 4 ዩሱሲ ዛሪዲ፣ «ዶሳይ ኮይር ኣይኔ ማጫሲ ኦላ ሜጲዳይሳ ሂንቲ ናባቢቤኬት?  
 5 ሄሳ ጊሾ፣ ኢሲ ኣሲ ባ ኣዋኔ ባ ኣዩው ኣጊዲ ባ ማቺራ ኢሲኖ ጊዴስ፣ ናምባይካ ኢሲ ኣሾ ጊደሶና።»  
 6 ሄሳ ጊሾ፣ ኤንቲ ኢሲ ኣሾ ጊደሶና፣ ኣትን ናምባ ጊደኮና። ሂዛ፣ ያሲ ቃቺዳይሳ ኣሲ ሻኮፎ» ያሊስ።  
 7 ፋሪሳዌቲ፣ «ያተን፣ ሙሴይ ኢሲ ኣሲ ኣንጅ ዋርቃ፣ ኢሚዲ ዩዳና ሜላ ኣይሰ ከቲዳ?» ያሊዲ ኦይቺደሶና።  
 8 ዩሱሲ ዛሪዲ፣ «ሂንቲ፣ ሂንቲ ማቺታ ዩዳና ሜላ ሙሴይ ሂንቲና ከቲዳይ፣ ሂንቲ ዋዛና ማፍቲላ ጊሾ፣ ኣትን ኮይር፣ ሄሳ ሜላ ጊደና።»  
 9 ታ ሂንቲው ኦዲይሰ፣ ባ ማቺያ ላይማቶና ዳዒሽን ዩዲዲ ሃራ ኤኪያ ኦኒካ ላሚስ» ያሊስ።  
 10 ኢያ ታማራቲ ኢያኮ፣ «ኣዚናባይኔ ማቺባይ ሄሳ ሜላ ጊዲኮ ኤኮ ጌሎይ ኣቲኮ ሎዎ» ያሊደሶና።  
 11 ዩሱሲ ዛሪዲ፣ «ሄሳ ሜላ ቲሚርቲይ ያሳይ ዳንዳባ ኢሚዳይሳታሳፊ ኣትን ኣሳ ኡባሳ ጊደና።  
 12 ሂዛ፣ ዩሉቲሽ ሹፋ ጊዲዲ ዩሉቲዳይሳቲ ዳዶሶና፣ ቃሲ ኣሲ ቃራቲዳይሳቲ ዳዶሶና፣ ቃሲ ሳሎ ካዎቲላ ጊሾ ጊዲ ባንታና ሹፋይዳይሳቲ ዳዶሶና። ሄሳ ጊሾ፣ ሃይሳ ኤካናው ዳንዳዒያ ኦኒካ ኤኮ» ያሊስ።

ዩሱሲ ጉላ ናይታ ኣንጂሰ  
 (ማር 10:13-16፤ ሉቃ 18:15-17)

13 ዩሱሲ ባ ኩሺያ ጉላ ናይታ ቦላ ዋላዲ ኤንታው ዋሳና ሜላ ኢሲ ኢሲ ኣሳይ ናይታ ኢያኮ ኢሂደሶና። ሺን ኢያ ታማራቲ ኣሳ ሃንቁቲደሶና።  
 14 ሺን ዩሱሲ፣ «ዶሳ ካዎቲላይ ሃይሳታ ሜላሳ ጊዲያ ጊሾ ጉላ ናይቲ ታኮ ዩይሳ ዲጎፊቲ፣ ዮ ጊቲ» ያሊስ።  
 15 ባ ኩሺያ ኤንታ ቦላ ዋላዲ ጉዬ ሄ ቤሳፊ ኣጊዲ ቢስ።

ናባቲላ ዳራ ኡራ  
 (ማር 10:17-31፤ ሉቃ 18:18-30)

16 ኢሲ ጋላሰ ኢሲ ኡራይ ዩሱሳኮ ዩዲ፣ «ኣስታማሪያው፣ ታኒ ሜሪና ዳዶ ዳማናው ኣይ ሎዎባ ኦሎ?» ያሊስ።  
 17 ዩሱሲ ኢያኮ፣ «ሎዎባ ኔ ታና ኣይሰ ኦይቻይ? ኢሲ ያሳፊ ኣትን ሃሪ ሎዎይ ባዋ። ሺን ኔኒ ሜሪና ዳዎ ዩካናው ኮይኮ ከታታ ናጋ» ያሊስ።  
 18 ኡራይ ዛሪዲ፣ «ኣጫሳ ከታታ» ያሊዲ ኦይቺሰ።  
 ዩሱሲ ዛሪዲ፣ «ዎጵጋ፣ ላይማቶጋ፣ ካይሶቶጋ፣ ዋርዶ ማርካቶፋ፣  
 19 ኔ ኣዋኔ ኔ ኣዩው ቦንቻ፣ ኔ ሸሩዋ ኔ ሁዒያላ ደሳ» ያሊስ።  
 20 ሄ ናባቲላይ፣ «ታኒ ሃይሳታ ኡባ ናባቲላይ ደማዳ ናጋሰ። ያተን፣ ሃሪ ታው ገጩንባይ ኣይቤ?» ያሊዲ ኦይቺሰ።  
 21 ዩሱሲ ዛሪዲ፣ «ኔኒ ፖሎ ጊዳናው ኮይኮ ባዳ ኔው ዳዒያባ ባይዛዳ ማንቆታስ ኣማ፤ ኔኒ ሳሎን ዳራታና፣ ያታ ሲማ ያዳ ታና ካላ» ያሊስ።  
 22 ሺን ሄ ናባቲላይ ዳር ዳራ ጊዲያ ጊሾ ሄሳ ሲዒዳ ዋዴ ኣዛኒሹ ኣጊዲ ቢስ።

- 23 ሃሳፌ ጉዬ፥ ዬሱሲ ባ ታማሬታ፥ «ታኒ ሂንቲው ቱማ ኦዲይስ፤ ዱሬይ ሳሎ ካዎቱሌ ጌላናይሲ ዳር ሜቶ።
- 24 ዱሬ ኣሲ ያሳ ካዎቱላ ጌላናይሳፌ ገማሌይ ማርፔ ሉሆራ ኣዴይሲ ካወዬስ» ያገሰ።
- 25 ዬሱሳ ታማሬቲ ሃሳ ሲዲዲ ማላሊቲዲ፥ «ያቲን፥ ኦኒ ኣታናው ዳንዳዲ?» ያገዲ ኦይቸዳሶና።
- 26 ዬሱሲ ኤንታ ጫዲ ያሊዲ፥ «ሃይሲ ኣሳስ ዳንዳዲቴና፥ ሺን ያሳስ ኡባይ ዳንዳዲቴስ» ያገሰ።
- 27 ደደርሲ ዛሬዲ፥ «ኮኒ ኡባባ ኣገዲ ኔና ካሊዲ፥ ያቲን፥ ኮኒ ኣይ ዳማኔ?» ያገሰ።
- 28 ዬሱሲ ኤንታኮ ሃይሳዳ ያገሰ፥ «ታኒ ሂንቲው ቱማ ኦዲይስ፤ ኣሳ ናዓይ ያና ኣላሚያን ባ ቦንቾ ኣራታን ኡቲያ ዎዴ ሂንቲ ታማኔ ናምዓቲ፥ ታና ካሊዲይሳቲ፥ ታማኔ ናምዑ ኣራታን ኡቲዲ ታማኔ ናምዑ ኢስራዔሌ ዜሬፋታ ቦላ ፐርዳና።
- 29 ታ ሱንፋ ገሾ ኬሌ ዎይኮ ኣሻታ ዎይኮ ሚቹታ ዎይኮ ኣዎ ዎይኮ ኣዬው ዎይኮ ናይታ ዎይኮ ገዲያ ኣገዲይ ኦኒካ ያቲ ኩሺ ኣካና። ቃሲ ሚሪና ዴቦዋካ ኣካና።
- 30 ሺን ዳርቲ ሃዒ ዳፋን ሲንሌ ገዲዲይሳቲ ጉዬ ገዳና፥ ቃሲ ጉዬ ገዲዲይሳቲ ሲንሌ ገዳና» ያገሰ።

## 20

### ዎይኒያ ገደን ኣሌያ ኦሳንቾታ ለሚሶ

- 1 «ያሳ ካዎቱላይ ባ ዎይኒያ ገደን ኦሳንቾታ ኬራ ኦሲሳናው ዎንታ ጉራ ኬደዳ ኬላዎ ዳኔስ።
- 2 ኢ ሄ ኦሳንቾታስ ሃቺ ሃቺ ኢሲ ዲናሬ \* ቃንፃናው ኤንታራ ገገዲ፥ ኤንታ ባ ዎይኒያ ገደ ዬዲስ።
- 3 «ቃሲ ዎንታፌ ሄዡ ሳቲ ገዲሺን ኬደዲ ኦሶ ቆዩዲ ገያ ቦላ ኤቆዳ ሃራ ኣሳታ ዳሚስ።
- 4 ኢ ኤንታኮ፥ ሂንቲካ ታ ዎይኒያ ገደ ቢዲ ኣሌቴ፥ ታኒ ሂንቲው ቤሲያ ጋቲያ ቃንፃና» ያገሰ።
- 5 ኤንቲካ ቢደሶና። ቃሲካ ኢ ኡሱቸን ሳቲኒ ኡዲፋን ሳቲን ኬደዲ ሃሳዳ ኦሊስ።
- 6 ታማኔ ኢሲ ሳቲ ገዲሺን ኢ ኬያ ዎዴ ሃራቲ ያን ኤቆዳይሳታ ዳሚዲ፥ ሂንቲ ኦሶ ኦሶና ጋላስ ኩሚሌ ሃይሳን ኣይስ ኤቆዲ ፔዒዳቲ?» ያገሰ።
- 7 «ኤንቲ ዛሬዲ፥ ሓና ኬራ ኦሲሲያ ኣሲ ቆዩዳ ገሾሳ» ያገደሶና።  
«ኣካ፥ ሂንቲካ ታ ዎይኒያ ገደ ቢዲ ኣሌቴ» ያገሰ።
- 8 «ሳዒ ኦማርሲን፥ ዎይኒያ ጎዳይ ኦሳንቾታ ሃላቃኮ፥ ሓሳንቾታ ያገዳ ወርሴፋን ኦሶ ጌሊዳይሳቲ ደማዳ ኮይር ጌሊዳይሳታ ጋካናው ኤንታ ጋቲያ ቃንፃ» ያገሰ።
- 9 ታማኔ ኢሲ ሳቲን ኦሶ ኦይኪዳይሳቲ ዩዲ፥ ሁዒን ሁዒን ኢሲ ኢሲ ዲናሬ ኤኪደሶና።
- 10 ኮይር ኦሶ ኦይኪዳይሳቲ ዩዲ፥ ባንታው ዳር ኣሚታና ገዲ ቆፐደሶና። ሺን ኤንቲካ ሁዒን ሁዒን ኢሲ ኢሲ ዲናሬ ኤኪደሶና።
- 11 ባንታ ሚሺያ ኤኪ ሲሚዲ ኬላዎ ቦላ ዘተሚደሶና።
- 12 ሃይሳቲ ጉዬፔ ዩዲ ኢሲ ሳቲ ፃላላ ኣሌደሶና። ሺን ጋላስ ኩሚሌ ኣዎ ሱላን ዳቡራዲ ፔዒዳ ኦራ ኤንቲ ዋኒዲ ኢሲኖ ገደና» ያገደሶና።
- 13 «ዎይኒያ ከላዋይ ኦሳንቾታኒ ኢሱዋኮ፥ ሓ ኣሻው፥ ታኒ ኔና ቆሃቢኬ፤ ኔ ታራ ገገዲይ ኢሲ ዲናሬሳ ገዴኔ?»
- 14 ኔ ሚሺያ ኤካዳ ኔ ሶ ባ። ታ ኦማርሲ ዩዲይሳስካ ኔይሳ ሚላ ኣማናው ኮያይስ።
- 15 ታኒ ታ ሚሺያን ኮዩዳባ ኦላናው ታው ማቲ ባዌ? ዎይኮ ታኒ ኬሃ ገዲዲ ገሾ ኔኒ ቃናታይ?» ያገሰ።
- 16 «ሃሳዳ ሃዒ ዳፋን ጉዬ ገዲዲይሳቲ ሲንፋታና፥ ሲንፋቲዳይሳቲ ቃሲ ጉዬታና» ያገሰ።

### ዬሱሲ ባ ሃይቆዋባ ሂዻንላ ኦዲሲ (ማር 10:32-34፤ ሉቃ 18:31-34)

- 17 ዬሱሲ ዬሩሳሌም ቢሺ፥ ታማኔ ናምዑ ታማሬታ ዲማ ጋፃ ኬሲዲ ኤንታኮ ያገሰ።
- 18 «ሂኮ፥ ኮኒ ሃዒ ዩሩሳሌም ቡሳ ቦላ ዳዎስ። ያን ኣሳ ናዓይ ካሂኔ ሃላቃታሲኔ ሂኒ ኣስታማሬታስ ኣቋ ኣሚታና። ኤንቲካ ኢያ ቦላ ሃይቆ ፐርዳ ፐርዳና።
- 19 ኢያ ኣይሁዴ ገደና ዳሬያስ ኣሌ ኣማና። ኤንቲ ኢያ ካወሻና፥ ጋራፋና፥ ያቲዲ ኢያ ማስቃሊያ ቦላ ካቃና። ሺን ኢ ሂዻንላ ጋላስ ሃይቆፔ ዳንዳና» ያገሰ።

19:28 ማቶ 25:31፤ ሉቃ 22:30      19:30 ማቶ 20:16፤ ሉቃ 13:30      \* 20:2 ኢሲ ዲናሬ፥ ኢሲ ኣሲ ኢሲ ጋላስ ኦሊ ፔዒዲ ኤኪያ ሚሺ።      20:8 ለዌ 19:13፤ ዛሬ 24:15      20:16 ማቶ 19:30፤ ማር 10:31፤ ሉቃ 13:30

ዛብዲዮሳ ናይታ ኣዬ ዋሳ

(ማር 10:35-45)

20 ሄ ዋዴ ዛብዲዮሳ ማቺያ ባ ናምቡ ኣዴ ናይታራ ዬሱሳኩ ያዳ፣ ኢያ ሲንሳን ጉልባታዳ ኢሲባ ኢያ ዋሳሱ።

21 ዬሱሱ ኢኮ፣ «ኔ ኣይ ኮያይ?» ያገሰ።

ኢያ ዛራዳ፣ «ኔ ካዎቴላን ሃ ታ ናምቡ ናይቲ ኢሶይ ኔ ኡቫቻን ኢሶይ ኔ ሃዲርሳን ኡቶ ጋርኪ!» ያጋሱ።

22 ሺን ዬሱሱ ናይታኮ ዛራዳ፣ «ሂንቲ ኣይ ዋሲያኮ ኤሬኬታ፤ ታኒ ኡያናው ዴዒያ ዋዬ ፀሓ ኡያናው ዳንዳዒቲ?» ያገሰ።

ኢንቲካ፣ «ኤ ዳንዳዒቲ» ያገደሰና።

23 ዬሱሱ፣ «ቴማካ ታኒ ኡያናው ዴዒያ ፀሓፕ ሂንቲ ኡያና። ሺን ታ ኡቫቻኒ ኔ ሃዲርሳን ኡታናይሳታ ዳሬይ ታና ገዲኩ። ሄ ቤሳይ ኢማቴይ፣ ታ ኣዋይ ኢማናው ገገሲዳ ኣሳታሳ» ያገሰ።

24 ኣቲዳ ታሙ ኢያ ታማሬቲ ሄሳ ሲዒዳ ዋዴ ናምቡ ኢቫታ ቦላ ሃንቁቲደሶና።

25 ሺን ዬሱሱ ኤንታ ኡባ ያገዲ ሃይሳዳ ያገሰ። «ኣይሁዴ ገደና ኣሳ ሃሬይሳቲ ባንታ ኣሳ ቦላ ጎዳቲይሳኔ ኤንታ ካለፊይሳቲ ዋልቃን ሃሬይሳ ሂንቲ ኤሬታ።

26 ሺን ሂንቲ ገደን ሃሳዳ ገደፖ። ሂንቲፊ ገታታናው ኮያ ኦኒካ ሂንቲው ኣይሌ ገደ።

27 ሂንቲ ገደን ኡባፊ ቦላ ገዳናው ኮያ ኦኒካ ሂንቲው ኣይሌ ገዳናው ቤሲሰ።

28 ሂሳዳካ፣ ኣሳ ናዓይ ኣሴ ሃጋዘናውኔ ዳሮ ኣሳ ዋዘናው ባ ሸምፑዋ ኢማናው ዩሲፕ ኣቲን ኣሳን ሃጋዘታናው ዩቤና» ያገሰ።

ዬሱሱ ናምቡ ቆቄታ ፓሲሰ

(ማር 10:46-52፤ ሉቃ 18:35-43)

29 ሂሳፊ ጉዬ፣ ዬሱሱ ባ ታማሬታራ ኢያርኮፊ ከዬዲ ቢሺን፣ ዳሮ ኣሳይ ኤንታና ካሊደሶና።

30 ኣጌ ጋዖን ኡቲዳ ናምቡ ቆቁቲ ዬሱሱ ያራ ኣዴይሳ ሲዒዳ፣ «ጎዳው፣ ዳዊቲ ናናው፣ ኑስ ቃዴታርኪ» ያገዲ ዋሲደሶና።

31 ዳሮ ኣሳይ ኤንታና፣ «ሃይዘቲ» ያገዲ ካጨደሶና። ሺን ኤንቲ፣ «ጎዳው፣ ዳዊቲ ናናው፣ ኑስ ቃዴታርኪ» ገዲ ጉጂ ዋሲደሶና።

32 ዬሱሱ ኤቁዲ፣ ኤንታ ያገዲ፣ «ታ ሂንቲው ኣይ ኦላና ማላ ኮዬቲ?» ያገዲ ኦይቺሰ።

33 ኤንቲካ፣ «ጎዳው፣ ኑ ኣይፊይ ያላና ማላ ኮዮሰ» ያገደሰና።

34 ዬሱሱ ኤንታው ቃዴቲዲ፣ ኤንታ ኣይፊያ ቦቺሰ። ኤሌሲዲ ኤንታ ኣይፊይ ያሊሰ፤ ኤንቲ ኢያ ካሊዲ ቢደሶና።

21

ዬሱሱ ገታ ቦንቸን ዬራሳላሜ ጌሊሰ

(ማር 11:1-11፤ ሉቃ 19:28-40፤ ዮሃ 12:12-19)

1 ዬሱሱራኔ ኢያ ታማሬታራ ዬራሳላሜ ማቲዲ፣ ሻማሆ ዳሪያ ቦላ ዴዒያ ቤቴፋጌ ገያ ጉታ ጋኪሹ፣ ዬሱሱ ባ ታማሬታፕ ናምባታ ባፔ ሲንፊ ያገዲ ኪቲሰ።

2 «ሂንቲፊ ሲንሳን ዴዒያ ጉታ ቤቴ። ያን ኢሲ ሃሬይ ቃሾን ዴዒያሮ ኢ ማራራ ሂንቲ ሲሁዋራ ዳማና። ኤንታ ቢሊዲ ሃ ኤኪ ዪቴ።

3 ኦኒካ ሂንቲና ኦይቺኮ፣ ጎዳይ ኤንታና ኮዬሰ» ያገቲ። ኢ ኤንታና ኢራካ ዬዲ ኣጋና» ያገሰ።

4 ሂሲካ ናቤይ፣

5 «ጂዮኔ ካታማሰ፣  
ኣካ፣ ኔ ካዎይ ኣሸኪ ገዲዲ፣ ሃሬ ቦላኔ  
ሃሬ ማራ ቦላ ኡቲዲ፣ ኔኮ ዬሰ» ያገቲ።

ያገዲ ዓፊዳይሲ ፖሌታና ማላ ሂሲ ሃኒሰ።

6 ኢያ ታማሬቲ ቢዲ ዬሱሱ ኤንታ ኪቲዳይሳዳ ኦሊደሶና።

7 ሃሬውኔ ሃሬ ማራ ኤሂዲ ቦላራ ማዒዳ ባንታ ማዕ-ዋ ኤንታ ዘኮን ዬገደሶና። ዬሱሱ ማዖታ ቦላ ኡቲሰ።

8 ዳሮ ኣሳይ ባንታ ማዕ-ዋ ኦጊያን ሂጂደሶና። ሃራቲ ቦንጮ ታሺዲ ኦጊያ ቦላ ዬገደሶና።

9 ዬሱሳፕ ሲንሳራ ሃሙቴይሳቲኔ ኢያፕ ጉዬራ ካሊያ ዳሮ ኣሳይ፣

«ሆሳና! \* ዳዊቲ ናዓይ ጋላቴቶ!  
ጎዳ ሱንሳን ዬይሲ ኣንጃቲዳይሳ!

20:26 ማፍ 23:11፤ ማር 9:35፤ ሉቃ 22:26      21:5 ዛካ 9:9      \* 21:9 ሆሳና፣ ኢብራይስጥ ደናን ሆሳና ጉሳይ «ሱና ኣቫ ጉሱ። ቃሲ ኣሳይ ያሳ ጋላታናው ጎዳቲያ ቃላ።

በግብርናው ስቃይ ላይ ስለሆነ ያሳስ ገደ!»

ያገደው ዋሲያዎች።

10 ዬሱስ ዩራሳላሚ ካታማ ጌሊዳ ዋዴ ሄ ካታማን ዴዲያ አሳ ኡባይ፣ «ሃይሲ ኦኔ?» ያገደው ያርኪዳዎች።

11 አሳይ፣ «ሃይሲ ጋሊላን ዴዲያ ናዚሬቴ ካታማ፤ ዩራ ናቢያ ዬሱሳ» ያገደረ።

**ዬሱስ ያሳ ኬሊ ጌሊሲ**

(ማር 11:15-19፤ ሉቃ 19:45-48፤ ዮሃ 2:13-22)

12 ዬሱስ ያሳ ኬሊ ጌሊዳ፣ ያን ባይዜይሳታኔ ሻሚይሳታ ኡባ ካሬ ጎዲሲ። ሚሼ ላሚይሳታ ያርጼዛታኔ ሆሊታ ባይዚያ ኦይዴታ ሺሪ ዩሊሲ።

13 ኢካ ኤንታኮ፣ «ያሳ ቃላን፣ ሓ ኬላይ ያሳ ዋሲያ ኬሊ ጌቲታና ጌቲቲ ያፊቲሰ። ሺን ሂንቲ ፓንጋቲ ቆሴቲያ ጎንጎሎ ኦሊዴታ» ያገሰ።

14 ዬሱስ ያሳ ኬላን ዴዲሺን ቆቄቲኔ ጉንዳቲ ኢያኮ ዩን ኤንታ ፓሊሲ።

15 ሺን ካሂኔ ሃላቃቲኔ ሂኔ አሰታማሬቲ ዬሱሲ ኦሊዳ ማላሊሲያባታ ቢዲዳይሳሲኔ ጉላ ናይቲ ያሳ ኬላን፣ «ዳቄቲ ናባይ፣ ጋላቲቶ» ያገደው ዋሲያሳ ሲዲዲ ሃንቁቲዳሰር።

16 ኤንቲ ዬሱሳኮ፣ «ሃይሳቲ ጌይሳ ኔ ሲዳይ?» ያገደረ።

ዬሱሲ፣ «ኦ ሲዳይሰ፣ ያሳ ቃላን፣ ሓላ ናይታ ዳናኒኔ ሻሚያ ናይታ ዳናን ጋላታ ዋላዳሳ» ጌቲቲዲ ያፊቲዳይሳ ሂንቲ ናባቢቤኩቲ?» ያገሰ።

17 ኤንታና ያን አገዲ ቢታኒያ ካታማ ቢዲ አቁሰ።

**ጎዳይ ባዲዳ ባላሲ ሚላው**

(ማር 11:12-14፣ 20-24)

18 ዬሱሲ ዋንታ ጉራ ካታማ ሲሚዲ ዩሼ ኮሻቲሰ።

19 ኦኔ ጋዳን ኢሲ ባላሲ ሚላ ቤዲዲ ኢኮ ቢሰ። ሺን ሃይላፊ አቲን ሃራ አይኮካ ዴሚቤና። ሄሳ ጊሾ፣ ኢዮ፣ «ሂዛ፤ ናምባንሉ አይፊ አይፎፓ!» ያገሰ። ሄ ባላሲ ሚላያ ኤሌሳዳ ሚላ አጋሱ።

20 ኢያ ታማሬቲ ሄሳ ቤዲዲ፣ «ሃ ባላሲያ ዋናዳ ኤሌሳ ሚላዴ?» ያገደው ማላሊቲዳሰር።

21 ዬሱሲ ዛሬዲ፣ «ታኒ ሂንቲው ቱማ ኦዳይሰ፤ ሂንቲው አማናይ ዴዲያ፣ ቃሲ ሂንቲ ሲቶና ኢዳኮ ባላሲ ቦላ ታኒ ኦሊዳይሳ ሚላ ያላላ ኦሊኬታ፣ ሺን ሓ ዴሪያ ሾዴታዳ አባን ዋቆ ያገኮ ሃናና።

22 አማኒዲ ሂንቲ ዋሲያባ አይቢባ ገዲኮካ ሂንቲ ኤካና» ያገሰ።

**ዬሱሳ ማታይ ኦይሼቲሰ**

(ማር 11:27-33፤ ሉቃ 20:1-8)

23 ዬሱሲ ያሳ ኬላ ጌሊዳ ታማርሲሺን፣ ካሂኔ ሃላቃቲኔ አይሁዴ ጨማቲ ኢያኮ ዩዲ፣ «ኔኒ ሃይሳ ኦላና ሚላ ኔው አይ ማቲ ዴዲ? ኔው ሃ ማታ አሚዳይ ኦኔ?» ያገደው ኦይቸዳሰር።

24 ዬሱሲ ኤንታኮ፣ «ታኒካ ሂንቲና ኢሲባ ኦይቻይሰ፤ ሂንቲ ታው ሄሳ ዛሪኮ፣ ታኒ አይ ማታን ኦሊያኮ ሂንቲው ኦዳና።

25 ዮሃኒሲ ማማቃና ሚላ ማታይ አወ፤ አሚቲዴ? ያሳፊዬ አሳ፤?» ያገሰ።

ኤንቲ ባንታ ገደን ዛሬቲዲ፣ «ኦኔ፣ ሳሳፊ» ገኮ፣ ኢ ኦና፣ ሳቲን አይሰ አማኒቤኩቲ?» ያገና።

26 ኦኔ፣ ሳሳ፤ ገኮ፣ አሳ ኡባይ ዮሃኒሳ ናቤ ኦሊ ያሊያ ጊሾ አሳ ያዮሰ» ያገደረ።

27 ሄሳ ጊሾ፣ «ኦኔ ኤርኮ» ያገደው ዛሬዳሰር።

ኢካ፣ «ሂዛ፣ ታኒካ ሃይሳ አይ ማታን ኦሊያኮ ሂንቲው ኦዲኬ» ያገሰ።

**ናምቦ ናይታ ለሚሶ**

28 «ዬሱሲ ካሊዲካ ሃይሳዳ ያገሰ፣ ናምቦ አዴ ናይቲ ዴዲያ ኢሲ ኡራይ ዴዲሰ። ሄ ኡራይ ባይራ ናባኮ ቢዲ፣ ሓ ናባው፣ ሃቸ ዋይኒያ ገደ ባዳ ኦላ» ያገሰ።

29 ናባይ ዛሬዲ፣ ሳሳ ቢኬ» ያገሰ። ሺን ጉዬ፤ ባ ዋዛናን ቆፒ ኤኪዲ ኦላናው ቢሰ።

30 አዋይ ባ ካሎ ናባኮ ቢዲ፣ ባ ባይራ ናባኮ ገደይሳዳ ከቲሰ። ኢካ፣ ሳኤ፣ ታ አዋው» ያገሰ። ሺን ቢቤንና።

31 ሃ ናምቦ ናይታ፤ ባ አዋሰ ከቲቲዳይሲ አወሴ?» ያገሰ።

ኤንቲካ፣ «ባይራ» ያገደረ።

ዬሱሲ ኤንታኮ፣ «ታ ሂንቲው ቱማ ኦዳይሰ፤ ቃራዳ ቃንዲሴይሳቲኔ ላይማቲይሳቲ ሂንቲፊ ሲንሳቲዲ ያሳ ካዋቲላ ገላና።



32 ፃግቂያዎ ዮሃንሲ ሱሪ ኦጊያ ታማርሲሽ ዪን ኢ ጌይሳ አማኒቤኬታ። ሽን ቃራፃ ቃንዲሴይሳተኔ ላይማቴይሳተ አማኒዶሶና። ሂንቴ ሃሪ አቶሺን፣ ኤንታ ቤዲዲካ ሂንቴ ናጋራፔ ሲሚዲ አማኒቤኬታ» ያገሰ።

ዋይኒያ ጊደን ኦሊያ ጎሻንቸታ ለሚሶ

(ማር 12:1-12፤ ሉቃ 20:9-19)

33 ቃሲካ ዬሱሲ ሃይሳዳ ያገሰ፤ «ሃራ ለሚሶ ሲዲቴ፣ ዋይኔ ቶኪዲ ኢሲ ኡራይ ዴዕስ። ሄ ዋይኒያ ዩሹዋ ዲሪስ። ዋይኒያ ጉምዲ ኦላካ ቦኪስ። ዋይኒያ ናጋናው ሻኮካ ሻኪስ። ሄሳፌ ጉዬ፣ ጋዲያ ኮሌ አሚዲ ሃራ ቢታ ቢስ።

34 ዋይኔ አይፊያ ማዲያ ዋዴይ ጋኪን ባና ጋኪያ ባጋ ኤኪዲ ያና ሜላ ባ አይሌታ ኤንታኮ ዬዲስ።

35 ኮሌ አዋቲ ኢያ አይሌታ ኦይኪዲ ኢሱዋ ዋዲዶሶና፣ ሃንኩዋ ዋዲዶሶና ቃሲ አቴዳይሳ ሹቻን ጫዲዶሶና።

36 ዋይኔ አታኪልቲያ ጎዳይ ካሴይሳታፔ ዳሪያ ሃራ አይሌታ ከቲስ። ኮሌ አዋቲ ኤንታ ቦላካ ሃንኮይሳታ ቦላ ኦሊዲይሳዳ ኦሊዶሶና።

37 ጫርሴላን ኢ፣ ታ ናፃ ኤንቲ ቦንቻና! ያገዲ ባ ናፃ ኤንታኮ ከቲስ።

38 «ሸን ኮሌ አዋቲ ናፃ ቤዲዲ ባንታ ጊደን ጋዲያ ላታናይሲ ሃይሳ፣ ኢያ ዋዲዲ ጋዲያ ኦኒ ላቶሰ!» ያገደሶና።

39 ናፃ ኦይኪዲ ዋይኒያ ጊደፌ ጋፃ ከሲዲ ዋዲዶሶና።

40 «ሂዛ፣ ዋይኔ አታኪልቲያ ጎዳይ ያ ዋዴ ሄ ኮሌ አዋታ ዋታኔ?» ያገዲ ኦይቸስ።

41 ኤንቲ ዛሪዲ፣ «ኢ ሄ ኢታ አሳታ ኢታ ዋዶ ዋዲዲ፣ ዋይኔይ አይፊያ ዋዴ ኢያ ጋኪያ ባጋ ዋዴን ዋዴን አሚያ ሃራ ኮሌ አዋታስ አማና» ያገደሶና።

42 ዬሱሲ ዛሪዲ ኤንታኮ፣ ያሳ ቃላን፣

« ገምቤይሳተ ቦሪዲ ኢዲዳ ሹቻይ፣ ጎዳ ፃጶዋ ማጎሊያ፣ ኡባፌ አዲያ ሹቻ ጊዲስ። ሃይሲ ጎዳይ ኦሊዳባ፤

ኑ አይፊያስ ማላሊሲያባ) ጌቲቲዲ ፃፊቲዳይሳ ናባቤቤከቲ?

43 «ሂሳ ገሹ፣ ታኒ ሂንቴው ኦዲይሰ፤ ያሳ ካዋቴላይ ሂንቴፌ ኤኬቲዲ ሎዎ አይፌ አይፊያ አሳታስ አሚታና።

44 [ሃ ሹቻ ቦላ ኩንዲያ ኡባይ ሚቆሪታና። ቃሲ ሄ ሹቻይ ኢያ ቦላ ዋዲያ ኡራይካ ጋጩታና]» ተ ያገሰ።

45 ካሂኔ ሃላቃቲኔ ፋሪሳዊቲ ዬሱሲ ኦዲዳ ለሚሱዋን ባንታና ኦዲዳይሳ ኤሪዶሶና።

46 ኤንቲ ዬሱሳ ኦይካናው ኮዪዶሶና፣ ሽን አሳይ ዬሱሳ ናቤ ኦሊዲ ዪሊያ ገሹ አሳስ ያዩዶሶና።

## 22

ያጋና ያሳ ለሚሶ

(ሉቃ 14:15-24)

1 ዬሱሲ አሳስ ዛሪዲ ሃይሳዳ ያገዲ ለሚሶ ኦዲስ።

2 «ያሳ ካዋቴላይ ባ ናፃስ ያጋና ገሲሲዳ ካወዋ ዳኔስ።

3 ሄ ካዋይ ያጋና ያና ሜላ ኦዲ ዋሌዳ አሳታ ይጋናው ባ አይሌታ ከቲስ። ሽን አሳቲ ያናው ኮዪቦኮና።

4 ቃሲ ሃራ አይሌታ ያገዲ፣ ያጌቲዳ አሳታኮ ቢዲ፣ ታኒ ታ ሳንጋታኔ ዋዲዳ ጋታርሜንሐታ ሹካሰ፤ ኡባባይ ገሲስ። ታ ያጋኑዋ ሃ ዪቴ ያጌቲ» ያገዲ ከቲስ።

5 ሽን ያጌቲዳይሳቲ ያሳ ኢዲዲ፣ ባንታ ኦሶስ ኦሶስ ቢዶሶና። ኢሶይ ባ ጎሻስ፣ ሃንኮይ ባ ዛልዲያስ ቢስ።

6 ሃራቲ ቃሲ ካወዋ አይሌታ ኦይኪዲ፣ ካወሽ ዋዲዲ ዋዲዶሶና።

7 «ካዋይ ዳር ዪሎቲዳ፣ ባ ዋታዳሬታ ዬዲዲ ሽምግ ዋዲዳይሳታ ዋዲሲስ፣ ኤንታ ካታማካ ፀገስ።

8 ሃሳፌ ጉዬ፣ ባ አይሌታኮ፣ (ያጋናይ ገሲስ፣ ሽን ያጌቲዳይሳቲ ያንኮዋሰ ቤሲያ አሲ ገደኮና።

9 ሃሳ ገሹ፣ ዋጋ ኦኒታ ቢዲ፣ ዴሚዳ አሲ ኡባ ያጋኑዋ ያና ሜላ ያጌቲ» ያገሰ።

- 10 እይሌቲ ኦሊያ ቦላ ቢዲ ባንታ ዳሚዳ አሲ ኡባ ሎጎታኔ ኢታታ ኦሂዲ ያጋኖ ሻቃራ ጌልሲዲ ኩንሲደሶና።
- 11 «ሺን ካዎይ ካላ ማናው ኡቲዳ አሳ ቤዓናው ጌሊዳ ዎዴ ያጋኖ ማፆ ማዒቦና አሲ አሲ ዳሚሰ።
- 12 ኢያኮ፣ «ላ፣ ኔ ያጋኖ ማፆ ማፆና ዋናዳ ሃይሳ ጌላዲ?» ያገሰ። ሺን ኡራይ ሲዲ ገሰ።
- 13 «ካዎይ ባ እይሌታኮ፣ ሃ ኡራ ኩሺያኔ ቶሁዋ ቃቺዲ፣ ካሪ ቋማ ኬሲ ዩጌቲ። ያን ኢያው ዩሆኔ ኣቻ ጋርጩላ ገዳና» ያገሰ።
- 14 «ሄሳዳካ፣ ያሳ ካዎቴሳሰ ያጌቲዳይሳቲ ዳር ሺን ዳሬቲዳይሳቲ ጉላ» ያገሰ።

ገራባ

(ማር 12:13-17፤ ሉቃ 20:20-26)

- 15 ሄሳፌ ጉዬ፣ ፋሪሳዊቲ ቢዲ፣ ዩሱሳ ዋቲ ኦዳን ኦይካኔኮ ዘሬቲደሶና።
- 16 ባንታ ታማራታኔ ሄሮዲሳ ባጋታፔ ኢሶታ ኢሶታ ኪቲደሶና። ኤንቲካ፣ «አሰታማሪያው፣ ኔ ቱማ ኦዳይሳ ት ኤርሰ። ኔኒ አሳቲ አሲ ሻካካ፣ አሳ ዎይጋንዴሰ ጋዳ እይኮካ ኦላካ፣ ያሳ ኦሊያ ቱማቴላን ታማርሳሳ።
- 17 እኔ ኮሰ ኦዳ፣ ኮኒ ሮሜ ካወዋሰ ገራ ገራናው ቤሲ ቤሲኔ?» ያገደሶና።
- 18 ሺን ዩሱሲ ኤንታ ኢታ ቆፋ ኡሪዲ፣ «ሃ ጩቦቶ፣ ታና አይሰ ጋጩቲ?»
- 19 ገራ ገራያ ሚሺያ ታና ቤሲቲ» ያገሰ። ኤንቲካ ኢያው ሳንቲሜ ኦሂደሶና።
- 20 ኢ፣ «ሃ ሱንሳይኔ ማላይ ኦዳባዬ?» ያገሰ።
- 21 ኤንቲ፣ «ሮሜ ካወዋይሳ» ያገደሶና።
- ያቲን ዩሱሲ ኤንታኮ፣ «ሃዛ፣ ካወዋሰ ቤሲይሳ ካወዋሰ፣ ያሳሰ ቤሲይሳ ያሳሰ አሚቲ» ያገሰ።
- 22 ኤንቲ ሄሳ ሲዲዳ ዎዴ ማላሌቲዲ ኢያ ማታፔ ኣገዲ ቢደሶና።

ሃይቆፔ ዳንዶባ

(ማር 12:18-27፤ ሉቃ 20:27-40)

- 23 ሄ ጋላሰ ሃይቆፔ ዳንዶይ ባዋ ያገያ ሳዱቃዊቲ ዩሱሳኮ ዩዲ፣ ያገዲ ኢያ ኦይቺደሶና።
- 24 «አሰታማሪያው፣ ሙሴይ፣ አሲ አሲ ናባ ዩሎና ሃይቁኮ፣ ሄ ሃይቁዳይሳ አሻይ ኢያ ማቺው ኤኪዲ፣ ባ አሻሰ ናባ ዩሎ» ያገዲ ከቲሰ።
- 25 ኦ ኤሪያ ላፑን አሻቲ ዳዎሶና። ባይራይ ማቾ ኤኪዲ ናባ ዩሎና ሃይቁሰ። ኢያ ማቺው ኢያ ካሎ አሻይ ኤኪሰ።
- 26 ሄሳዳካ፣ ሄ ማጫሰው ኤኪዲ ናምሳንሳይካ፣ ሄሻንሳይካ፣ ቢዲ ላፑናቲ ሠራና ጋካናው ኡባይ ሃይቁደሶና።
- 27 ኡባፌ ጉዬ ሄ ማጫሲያ ሃይቃሱ።
- 28 ያቲን፣ ላፑናቲ ኡባይ ኢዮ ኤኪዲ ገሾ ሃይቆፔ ዳንዲያ ጋላሰ፣ ሄ ማጫሲያ ላፑናታፔ አወሳሰ ማቾ ገዳኔ?» ያገደሶና።
- 29 ዩሱሲ ዛሪዲ፣ «ሂንቲ ያሳ ቃላይ ታማርሲያባ ዎይኮ ኢያ ዎልቃ ኤርና ገሾ ባሊታ።
- 30 አሳይ ሃይቆፔ ዳንዲያ ዎዴ ሳሎን ዳሪያ ኪታንቾታ ሚሳ ገዳናቲ ኣቲን ኤኮኮና ጌሎኮና።
- 31 ቃሲ ሃይቁዳ አሳቲ ሃይቆፔ ዳንዳናባ ያሳይ ሂንቲው ኦዳዲይሳ ናባቢኪከቲ?»
- 32 ያሳይ፣ «ታኒ ኣብራሃሜ ያሳ፣ ዩሳቃ ያሳ፣ ያይቆባ ያሳ» ያገሰ። ሄሳ ገሾ፣ ያሳይ ገፃ ዳዲይሳታ ያሳፌ ኣቲን ሃይቁዳይሳታ ያሳ ገዳና» \* ያገሰ።
- 33 ዳር አሳይ ሄሳ ሲዲዲ፣ ኢያ ቲሚርቲያን ማላሌቲደሶና።

ኡባፌ ባይራቲያ ኪታ

(ማር 12:28-34፤ ሉቃ 10:25-28)

- 34 ዩሱሲ ሳዱቃዊታሰ ጋናባ ቆይሲዳይሳ ፋሪሳዊቲ ሲዲዳ ዎዴ ኢሲፌ ሸቁደሶና።
- 35 ኤንታ ገዳፌ ኢሲ ሂኔ ኣሰታማራይ ዩሱሳ ጋጩ ኦይሾ ኦይቺሰ።
- 36 «አሰታማሪያው፣ ሂኔ ኡባፌ ኣቆይሲ አወሲ?» ያገዲ ኦይቺሰ።
- 37 ዩሱሲ ዛሪዲ፣ « ኔ ጎዳ፣ ኔ ያሳ፣ ኔ ኩሜላ ዎዛና፣ ኔ ኩሜላ ሸምፑዎፌ፣ ኔ ኩሜላ ቆፋፔ ደሳ።
- 38 ኡባፌ ኣቆይሲኔ ባይራ ኪታይ ሃይሳ።
- 39 ናምሳንሳ ኡባፌ ኣቆያ ኪታይ፣ ኣሲ ኡባ ኔ ሁዲያ ኔ ደሲይሳዳ ደሳ» ያገይሳ።
- 40 ሙሴ ሂኔይኔ ናቢታ ቲሚርቲይ ኡባይ ሃ ኪታታ ቦላ ካቶሶና» ያገሰ።

---

22:13 ማቶ 8:12፤ 25:30፤ ሉቃ 13:28      22:23 ሃ.ኦ 23:8      22:24 ዛሬ 25:5      \* 22:32 ያሳይ ገፃ ዳዲይሳታ ያሳፌ ኣቲን ሃይቁዳይሳታ ያሳ ገዳና፣ ዩሱሲ ሃ ቤሳን ኦዳይ ያሳይ ሃ ሃይቁዳ ሄሻንሳ ዮሴ ገዲኮ ኣንቲ ዳዎን ዳዎሶና ያገይሳ።  
 22:32 ከሳ 3፡6      22:37 ዛሬ 6፡5      22:39 ሉዌ 19:18      22:40 ሉቃ 10:25-28

ከሪስቶስ ላይ ተገኝ ላይሻ  
(ማር 12:35-37፤ ሉቃ 20:41-44)

41 ፋሪሳዊት አሲ ቦላ ሸቂዲ ዳዒሺን፣ ዬሱሲ እንታና።

42 «ከሪስቶስ ላይ ላይሻ ላይሻ፣ እኔ እኔ ናዒ?» ያገዱ ላይሻ።

እንታ፣ «እኔ ካወቀ ዳዊት ናዒ» ያገዱ ዛሬደሰና።

43 ዬሱሲ እንታኮ፣ «ያኑን፣ ዳዊቱይ ጌሻ እያናን ገዲዲ ዋቲዲ ከሪስቶስ፣ ሳዳን ገዲዲ ያገ፣ ዳዊቱይ ጌሻ።

44 ሳዳን ያሳይ፣ ታ ጎዳኮ፣ †

ኔ ዋርኬታ ኔ ቶሆይ ዬዲያሶ ኦላና ጋካናው።

ሃይሳን ታፔ እሻቻ ባጋን † ኡታ ገሰ።

45 ሃዛ፣ ዳዊቱይ ከሪስቶስ ጎዳ ገዲዲ ያገ፣ ዋኒዲ ከሪስቶስ ዳዊት ናዒ ገዲዲ?»

ያገሰ።

46 ዬሱሳስ አሲ ቃላ ዛሬናው ዳንዳዒዳ አሲ ኦኒካ ባዋ። ቃሲ ሄ ጋላሳፔ ዶሚዲ ሃራ ላይሻ እይቻናው ኦኒካ ዳንዳዒቤና።

### 23

ሂጌ አስታማሪታኔ ፋሪሳዊታ ኢታቱላ

(ማር 12:38-39፤ ሉቃ 11:43-46፤ 20:45-46)

1 ሃሳፌ ጉዬ፣ ዬሱሲ ሸቂዳ አሳሲኔ ባ ታማሪታስ ሃይሳዳ ያገሰ።

2 «ሂጌ አስታማሪቱኔ ፋሪሳዊት ሙሴ ሂጊያ ቢላናው ማታራ ዶዶሶና።

3 ሃሳ ጊሾ፣ እንታ ሂጌቱና ከቲያ ኡባ ኦላቴኔ ናገቱ። ሺን እንታ ኦላቴሳዳ ኦላፊቱ። አይሰ ገኮ፣ እንታ ኦላቴሳዳ ኦላኮና።

4 እንታ ቶካናው ዳንዳዒቶና ቶሆ ቃቺዲ አሳ ቶሶሶና። ሺን ባንታው ሃሪ አቶሺን፣ ሄ ቶሁዋ አሳይ ቶኪያ ዋይ ቢራዴ ያራን ቦቻናው ኮኮኮና።

5 «ሺን እንታ ባንታ ኦላ ኡባ አሲ ቤዓና ሜላ ኦላሶና። ባንታ ሶምጊኔ ቄሴን ቃቺያ ማፃፋ ያቂሴይ ዳዒያ ከታፌ ዳልገሶሶና፣ ባንታ ማዕቦ ማጫራካ አዲሶሶና። \*

6 ሞከቲያ ቤሳን ቦንቾ ቤሲኔ አይሁዳ ዋሳ ኬላታን ዳር ሎዒያ እይዴ ዶሶሶና።

7 አሳይ ጊያን እንታና ቦንቾን ሳርላናይሳኔ (አስታማሪያው) ገዲዲ ያጋናይሳ ኮኮሶና።

8 «ሺን ሂጌቱ አስታማሪይ እሱዋ ያላላ ገዲዲ ጊሾ፣ ሂጌቱ ኡባይ እሻቻ ገዲዲ ጊሾ (አስታማሪያው) ጌቲቲዲ ያጌቶፊቱ።

9 ሂጌቱው ሳሎን አሲ አዋ ያላላ ዳዒያ ጊሾ ሃ ሳሳን ኦናካ (አዋው) ገዲዲ ያጎገገቱ።

10 ሂጌቱው አሲ ጎዳይ ከሪስቶስ ያላላ ዳዒያ ጊሾ ሳዳው) ጌቲቲ ያጌቶፊቱ።

11 ሂጌቱ ገደን ባይራቴይ ሂጌቱ አይሌ ገደ።

12 ባና ገታያ ኦኒካ ካወያና፤ ባና ካወሺያ ኦኒካ ገታታና።

ሂጌ አስታማሪቱኔ ፋሪሳዊት ቦሪቲዶሶና

(ማር 12:40፤ ሉቃ 11:39-42፤ 44፤ 52፤ 20:47)

13 «ሂጌቱና፣ ጩቦቶ፣ ሂጌ አስታማሪቶኔ ፋሪሳዊቶ፣ አሳ ሲንሳን ሳሎ ካዋቱላ ጎርዴይሳቶ ሂጌቱና አይ። ሂጌቱ፣ ሂጌቱ ሁሳን ጌሌኪታ ቃሲ ሃራታካ ጌልሲኪታ።

14 [«ሂጌቱና፣ ጩቦቶ፣ ሂጌ አስታማሪቶኔ፣ ፋሪሳዊቶ፣ አምጻታ ኬላ ሂጌቱ ቦንቁሼ፣ አሲ ቤያ ባዲ ዳዒሲታ። ሃሳ ጊሾ፣ ሂጌቱና አይ። ኡባፌ አዲያ ፐርዳይ ሂጌቱና ናገሰ።] †

15 «ሂጌቱና፣ ጩቦቶ፣ ሂጌ አስታማሪቶኔ ፋሪሳዊቶ፣ ሂጌቱ አሲ ኡራ አማንላናው አባራኔ ሳዒራ ዩዩታ። ሺን ሂጌቱ እያ አማንላዳ ዋይ ሄ ኡራ ሂጌቱፌ አላዲ ጋናሜስ ጌቲቲዳይሳ ኦላያ ጊሾ ሂጌቱና አይ።

16 «ኦኒካ ያሳ ኬላን ጫቂኮ አይኮይካ ባዋ። ሺን ያሳ ኬላን ዳዒያ ዋርቃን ጫቂኮ፣ ሄ ጫቆይ እያ ጎማና ጊያ ቆቄቶ፣ ሂጌቱው ቆቄዲ ሃራታ ካሌሌይሳቶ፣ ሂጌቱና አይ።

17 ሂጌቱና፣ ኤያቶ፣ ቆቄቶ፣ ዋርቃይ አዲይ? ዋርቅያ ያሳስ ዳማያ ያሳ ኬላይ አዲ?

18 ቃሲ ኦኒካ ያርሾ ያርሺያ ቤሳን ጫቂኮ፣ አይኮይካ ባዋ። ሺን ኦኒካ እያ ቦላ ዳዒያ ያርሹዋን ጫቂኮ፣ ሄ ጫቆይ እያ ጎማና) ያገዱ ታማርሲታ።

19 ሂጌቱና፣ ቆቄቶ፣ ያርሾይ አዲይ? ያርሹዋ ያሳስ ዳማያ ቤሳይ አዲ?

† 22:44 ታ ጎዳኮ፣ ሃ ቤሳን ዳዊቱይ ታ ጎዳ ገዲዲ ያጌይ ከሪስቶስ። 22:44 ማዘ 110:1 † 22:44 እሻቻ ባጋን፣ ማታኔ ቦንቾ ቤሲ። 22:44 ማዘ 110:1 \* 23:5 ሶምጊኔ ቄሴን ቃቺያ ማፃፋ... ማዕቦ ማጫራ አዲሶሶና፣ ሃሳ እንታ ኦላቴ ያሳስ ታ እሜታስ ጊያ ማላ ቤሳና (ዛሬ 15:37-41)። 23:5 ማቶ 6:1፤ ዛሬ 6:8፤ ታይ 15:38 23:11 ማቶ 20:26 23:12 ሉቃ 14:11፤ 18:14 † 23:14 አሲ አሲ ቤሲ ማፃፋቲ ፓይዶ 14 ጉጆሶና።

- 20 ህጻን ጊሾ፣ ያርሾ ቤሳን ጫቂያ ኡራይ፣ ሄ ያርሾ ቤሳን ኢያ ቦላ ደዒያ ኡባባን ጫቂስ።
- 21 ያሳ ከላን ጫቂያ ኡራይ፣ ሄ ያሳ ከላን ኢያን ደዒያ ያሳን ጫቂስ።
- 22 ሳሎን ጫቂያ ኡራይ ያሳ አራታኒ ኔ አራታ ቦላ ኡቲያ ያሳን ጫቂስ።
- 23 «ሂንቴና፣ ጨቦቶ፣ ሂጌ አስታማራቶኔ ፋሪሳዊቶ፣ ሂንቴና አይ። ሂንቴ ካራሳ ሳዋፕ፣ ናቲሮፔኔ ኦካሽፕ አስራታ ኬሴታ። ሺን ሂጊያን ደዒያ አጂ ኮሼይሳታ ኣጊዳታ። ሄሲካ ሱሬ ፐርዳ፣ ቃዴቴሌኔ ኡባባን አማኔቴሌ። ሃራታካ አጎናሺን ሃይሳታ ሂንቴ ኦሳናው ቤሴስ።
- 24 ሂንቴው ቆቂዲ ሃራ አሲ ካሌሌይሳቶ፣ ሂንቴ ኡሻፌ ኡዲንጌ ኬሲዲ ገማሌ ሚቴታ።
- 25 «ሂንቴና፣ ጨቦቶ፣ ሂጌ አስታማራቶኔ ፋሪሳዊቶ፣ ሂንቴና አይ። ሂንቴ ሻቲያሲኔ ኬሪያስ ቦላ ባጋ ጌሼታ። ሺን ኤንታው ጋርሳን ቦንቄይኔ ኡዜቴሌ ኩሚ ኡቲስ።
- 26 ኔሮ ቆቄ ፋሪሳዊያው፣ ሻቲያሲኔ ኬሪያስ ጋርሳ ካሲታዳ ጌሻ። ሃሳፌ ጉዬ፣ ቦላ ባጋይካ ጌሻ ጊዳና።
- 27 «ሂንቴና፣ ጨቦቶ፣ ሂጌ አስታማራቶኔ ፋሪሳዊቶ፣ ሂንቴና አይ። ካሬ ባጋራ ቃላሚ ቲዩቲዲ ሎዒዲ፣ ጊደን ማቄሌኔ ዋቂዳባይ ኩሚዳ ዲፎታ ዳኔታ።
- 28 ሃሳዳካ፣ ቦላ ባጋራ አሳስ ሎዋ ዳኔታ። ሺን ሂንቴ ጋርሳን ጨቦቲሌኔ ኢታቴሌ ኩሚስ።
- 29 «ሂንቴና፣ ጨቦቶ፣ ሂጌ አስታማራቶኔ ፋሪሳዊቶ፣ ሂንቴና አይ። ሂንቴ ናቤታስ ዲፎ ኬጃታ፣ ቃሲ ያሎታ ዲፋዋካ ሎይሌታ።
- 30 ቃሲ ሂንቴ፣ ሱኒ ቤኒ ኑ አዋታ ዋዴ ደዒዳባ ጊዲያኮ፣ ኤንታራ ኢሲፌ ናቤታ ሱላ ጉሶኮሺን» ያጌታ።
- 31 ህጻን ጊሾ፣ ሂንቴ ናቤታ ዋዴዳ አሳ ናይታ ጊዴይሳ ሂንቴ ሂንቴ ሁዒን ማርካቴታ።
- 32 ሂዛ፣ ሂንቴ አዋቲ ዶሚዳይሳ ሂንቴ ፖሊቴ።
- 33 «ሃ ሸሻቶ፣ ሸሻ ናይቶ፣ ሂንቴ ጋናሚ ፐርዳፌ ዋኒዲ አታኔ?»
- 34 ህጻን ጊሾ፣ ታ ኦዴይሳ ሲዒቴ፤ ታኒ ናቤታ፣ ጨንጫ አሳታኔ አስታማራታ ሂንቴኮ ኪታና። ኤንታፌ ኢሶታ ኢሶታ ሂንቴ ዋዳና፤ ማስቃሊያ ቦላ ካቃና። ባጋታ አይሁዳ ዋሳ ኬላታን ሊሶን ጋራፋና ካታማፕ ካታማ ጎዳና።
- 35 ህጻን ጊሾ፣ ያሎታ አቤላ ዋዴዳ ዋዲያፕ ዶሚዳ፣ ያሳ ኬላሲኔ ያርሾ ቤሳፌ ጊደን ሂንቴ ዋዴዳ ባራኪያ ናባ ዛካሪያሳ ዋዴ ጋካናው ሃይቂዳ ያሎ አሳ ኡባ ጊሾ ሂንቴ ሴሬታና።
- 36 ታኒ ሂንቴው ቱማ ኦዴይስ፤ ሂንቴኔ ሂንቴ አዋቲ አሌዳ ባላስ ሃ ፐርዳ ኡባይ ሃ ዬሌቴላ ቦላ ጋካና።

**ዩሱሲ ዩሩሳሌሚስ ዩኪስ**  
 (ሉቃ 13:34-35)

- 37 «ዩሩሳሌሚ፣ ዩሩሳሌሚ፣ ናቤታ ዋዴያሬ! ያሳይ ኔኮ ኪቲዳይሳታ ሹቻን ጫዲያሬ! ኩቶይ ባ ናይታ ባ ቄፌን ሃጺይሳዳ ታኒ ኔ አሳ ታ ቄሲያን ጌቻናው አፑን ቶሆ ኮያዳና! ሺን ታና ዲጋዳሳ።
- 38 ሂዛ፣ ሂንቴ ያሳ ኬላይ ካይሲ ጊዳና።
- 39 ታኒ ሂንቴው ኦዴይስ፤ ሳዳ ሱንሳን ዬይሲ አንጃቲዳይሳ» ሂንቴ ጋና ጋካናው ናምዓንሉ ታና ቤዔኬታ» ያጌስ።

**24**

**ዩሱሲ ያሳ ኬላይ ላሊታናይሳ ካሲቲዲ ኦዲስ**  
 (ማር 13:1-2፤ ሉቃ 21:5-6)

- 1 ዩሱሲ ያሳ ኬላፌ ኬዩዲ ቢሺን፣ ኢያ ታማሬቲ ኢያኮ ዩዲ፣ ማላሊቲዲ ያሳ ኬላ ገምቢያ ቤሲዶሶና።
- 2 ዩሱሲ ኤንታኮ ዛሪዲ፣ «ኤ! ሃይሳ ኡባ ቤዔቲ? ታኒ ሂንቴው ቱማ ኦዴይስ፤ ሹቹ ሹቻ ቦላ ገምቤቲዳ ማላ ላሊቶና አቴና» ያጌስ።

**ሲንሳፌ ሃናናባታ**  
 (ማር 13:3-13፤ ሉቃ 21:7-19)

- 3 ዩሱሲ ሻማሆ ዳሪያ ቦላ ኡቲዳሺን፣ ኢያ ታማሬቲ ባንታርካ ኢያኮ ዩዲ፣ «ሄሲ አዉዴ ሃናኔኮ ኮስ ኦዲ። ቃሲ ኔ ዩሳሲኔ ዋዲያ ወርሲላሰ ማላታይ አይቤ?» ያጌዲ ኦይቹዶሶና።
- 4 ዩሱሲ ዛሪዲ፣ «ሂንቴና ኦኒካ ባሌሶና ማላ ናጌቲቴ!
- 5 አይሰ ጊኮ፣ ዳር አሳቲ ታ ሱንሳን፣ ታኒ ኪሪሰቶሳ፣ ያሳይ አሳ አሻናው ኪቲዳይሳ» ያጌሽ ዩዲ ዳር አሳ ባሌሳና።

6 ማገን ደዲያ ኦላ ገርሳ፣ ሃሆን ደዲያ ኦላ ዋሬ ሲዓናው ደዳታ። ሄሳ ማላባይ ሃናናው ቤሲያ ገሾ ሂርሳፊቴ። ሸን ወርሱላይ ቡርና።  
 7 ደሬይ ደሪያራ፣ ኢሲ ካዋቴላይ ሃራ ካዋቴላራ ኦሌታና። ኮሻይይ ቤታ ቃይይ ኡባ ቤሳን ሃናና።  
 8 ሂሲ ኡባይ ዩሎ አቁላሰ ዘኪ ማላ።  
 9 «ሄ ዋዴ አሳይ ሂንቴና ዋዬስ አላ ኢማና፣ ቃቻናይ ዋጳና። ታ ሱንላ ገሾ አሳ ኡባይ ሂንቴና ኢፃና።  
 10 ሄ ዋዴ ዳርቴ አማና አጋና። ባንታ ገደን ኢሳይ ኢሱዋ አላዲ ኢማና፣ ኢሳይ ኢሱዋ ኢፃና።  
 11 ቃሲ ዳር ዋርዶ ናቤቴ ዳንዲዲ ዳርታ ባሌላና።  
 12 ጌላቴላ ዳሪያ ገሾ ዳር አሳ ሲቆይ ኢርፃና።  
 13 ሸን ወርሱላ ጋካናው ጌንጩያ ኡራይ አጎና።  
 14 አሳ ኡባሰ ማርካ ገዳና ማላ ያሳ ካዋቴላ ዋንጌላይ ቤታ ኡባን ኦዴታና። ሄሳፌ ጉዬ፣ ወርሱላይ ያና።

ቴና ባሻ

(ማር 13:14-23፤ ሉቃ 21:20-24)

15 «ሄሳ ገሾ፣ ናቤያ ዳኔሊ ኦዲዳ ባሻ ቴናቴላይ ጌሻ ቤሳን ኡቁዳይሳ ሂንቴ ቤዓና። (አኬኪሱ ሂሲ ዋይ ጉሴኮ ናባቤይሲ አኬኮ!)  
 16 ሄ ዋዴ ዩሁዳ ቤታን ዳዬይሳቴ ዳሪያኮ ባቃቶ።  
 17 ኬላ ሁዓን ደዲያ ኡራይ ባ ሶን ደዲያባ ኢካናው ሶ ጌሎና ባቃቶ።  
 18 ጋዴን ዳዬይሲ ባ ማዑዋ ኢካናው ጉዬ ሲሞፎ።  
 19 ሄ ዋዴ ቃንላ ማጫሳታሲኔ ቃንላያ ማጫሳታሰ ዳር ኡንሳ ገዳና።  
 20 ባልሳን ዋይኮ ሳሞባታን ሂንቴ ባቃቶይ ገደና ማላ ያሳ ዋሲቴ።  
 21 አይሰ ገሾ፣ ሳዲ ሜዴቶሳቴ ሃቺ ጋካናው ሃናናባይ፣ ቃሲ ሲንሳፊካ ኡባራካ ሃናና ዋዬይ ሄ ዋዴ ሃናና።  
 22 ያሳይ ሄ ጋላሳታ ታይቡዋ ጉሶናኮ አሴ ገዲዳ ኦኒካ አቴና። ሸን ኢ ባ ዶሪዳ አሳታ ገሾ ሄ ጋላሳታ ታይቡዋ ጉሳና።  
 23 «ሄ ዋዴ ኦኒካ ሂንቴና፣ ሂኮ፣ ኪሪሰቶሲ ሃይሳን) ዋይኮ (ሂንጎ ዳዬሰ) ያገኪ አማኖፎ፣  
 24 አይሰ ገሾ፣ ዋርዶ ኪሪሰቶሳቴይ ዋርዶ ናቤቴ ዳንዳና። ኡንታው ዳንዳዩቴኮ፣ ሃራ አቶሸን ያሳይ ዶሪዳይሳታካ ባሌላናው ገታ ማላታታኔ ማላሊሲያባታ ኦላና።  
 25 አኬኪቴ፣ ታኒ ሂንቴው ሃይሳ ካሴታዳ ኦዳሰ።  
 26 «ሄሳ ገሾ፣ አሳይ ሂንቴኮ፣ ሂኮ፣ ኪሪሰቶሲ ባዞን ዳዬሰ) ገሾ፣ ያ ቦፎ፣ ዋይኮ ሂንቴኮ፣ ሂኮ፣ ቆልዓን ዳዬሰ) ገሾ፣ ኡንታባ አማኖፎ፣  
 27 አይሰ ገሾ፣ ዋልዓንላ ሳሎን ዋልዓሚዲ፣ ዶሎሃፎ ወሎሃ ጋካናው ቤንቴይሳዳ፣ አሳ ናዓ ዩሳይ ሄሳዳ ሃናና።  
 28 «ባወቴ ዳዲይሶን አንኮቴ ሸቃና።

ኪሪሰቶሲ ናሞዓንላ ያና

(ማር 13:24-27፤ ሉቃ 21:25-28)

29 «ሄ ዋዴ ሄ ዋዬ ጋላሳታፎ ጉዬ፣ ሶሁዋራ አዋይ ጳማና፣ አጌናይ ባ ፖዑዋ ዲጋና። ያለንቶቴ ሳሎፎ ዋጳና፣ ቃሲ ሳሎን ደዲያ ዋልቃቴ ቡቁታና።  
 30 ሄ ዋዴ አሳ ናዓ ዩሳ ማላይ ሳሎዋ ቦላ ቤንታና። ሳዓን ደዲያ አሲ ኡባይ ዩካና። ቃሲ አሳ ናዓይ፣ ዋልቃራኒ ገታ ቦንቸዋራ ሳሎዋ ሻራ ገደራ ዩሸን ኢንቴ ቤዓና።  
 31 ኢ ባ ኪታንቸታ ገታ ዩኒያ ሞይዜራ ኪታና። ኢንቴ ሳዓ ኦይዱ ባጋ ቤዲ፣ ሃ ጋፃፎ ያ ጋፃ ጋካናው ደዲያ ኢያው ዶራቴዳይሳታ ሸሻና።

ኅዳይ ያና ጋላሳ ማላታ

(ማር 13:28-31፤ ሉቃ 21:29-33)

32 «ባላሲ ማላፌ ታማሪቴ። ኢ አጩዲ ሃይዲያ ዋዴ ቶርቼይ ማታቴዳይሳ ሂንቴ ኤሬታ።  
 33 ሄሳዳካ፣ ሂንቴ ሃ ኡባባ ቤዲያ ዋዴ ዩሱሲ ማቴዲ ፎንጌን ዳዬይሳ ኤሪቴ።  
 34 ታኒ ሂንቴው ቴሞ ኦዳይሰ፤ ሃ ኡባባይ ፖሌታና ጋካናው፣ ሃ ዩሎቴላይ አዴና።

35 ሳሎይኔ ሳዓይ እጻፍ፡ ሽን ታ ቃላይ ኡባካ አጼፍ፡፡

ጎዳይ ያና ጋላሳ ኦኒካ ኤሬና  
(ማር 13:32-37፤ ሉቃ 17:26-30፤ 34-36)

36 «ሄ ጋላሳኔ ሄ ሳቲያ ሳሎን ዴዒያ ታ እዋፔ ኣቲን ሃሪ ሳሎ ከታንቸታ ጊዲን ዋይኮ ናዓ ጊዲን ኦኒካ ኤሬና፡፡

37 ኣሳ ናዓ ዩሳይ፡ ኖሄ ዋዴ ሃኒዳይሳ ማላ ጊዳና፡፡

38 ሄ ዋዴ ጻዮ ሃላይ ያናፔ ሰንጹ ኖሄይ ማርካቢያን ጌሊዳ ጋላሳ ጋካናው፡ ኣሳይ ሚሼኔ ኡዩሼ፡ ኤኪሼኔ ጌሊሼ ጋምዒሰ፡፡

39 ባሻ ሃላይ ዩዳ፡ ኤንታ ኡባ ጳይሳና ጋካናው ኣኩኪቦኮና፡፡ ኣሳ ናዓ ዩሳይካ ሄሳዳ ሃናና፡፡

40 «ሄ ዋዴ ናምቡ ኣሳቲ ጋዴን ኦላና፡፡ ኤንታፊ ኢሶይ ኤኩታና፡ ሃንኮይ ኣታና፡፡

41 ናምቡ ማጫሳቲ ኢሰፊ ጋጫና፡፡ ኤንታፊ ኢሰኒያ ኤኩታና ሃንኪያ ኣታና፡፡

42 «ሂዛ፡ ሃንቴ ጎዳይ ኣይ ጋላሰ ያኔኮ ሃንቴ ኤሮና ጊሾ ሚኒዲ ናጊቴ፡፡

43 ሽን ካይሶይ ቃማፊ ኣይ ሳቲን ያኔኮ ኩላዋይ ኤሪያኮ፡፡ ባ ኩላይ ቦኩቶና ማላ ባርኪዲ ርገናሽን፡፡

44 ሄሳዳካ፡ ኣሳ ናዓይ ሃንቴ ቆፖና ሳቲን ያና ጊሾ ሃንቴካ ገጊዲ ዴዒቴ፡፡

ኢታኔ ሎዖ እይሌታ ለሚሶ  
(ሉቃ 12:41-48)

45 «ያቲን፡ ባ ሶ ኣሳሰ ካላ ኮሺያ ዋዲያን ኢማና ማላ ኢያ ጎዳይ ዶሪዳ ኣማንጹይሰኔ ዋዛናማ ኣይሌይ ኦኒ?

46 ኢ ባ ጎዳይ ከቲዳይሳ ኦሊሽን ኢያ ጎዳይ ዩዲ ዴሚያ ኣይሌይ ኣንጃቲዳይሳ፡፡

47 ታኒ ሃንቴው ቱማ ኦዳይሰ፤ ጎዳይ ሄ ኣይሊያ ባባ ኡባ ቦላ ሹማና፡፡

48 ሽን ሄ ኣይሌይ ኢታ ጊዲኮ፡ ናታ ጎዳይ ጋምዒዲ ያና፡ ያጊዲ ባ ዋዛናን ቆፒዲ፡፡

49 ባ ላጌ ኦሳንቸታ ዋጶ ዶሚኮ፡ ማላቲይሳታራ ሚኮኔ ኡዩኮ፡፡

50 ሄ ኣይሊያ ጎዳይ ኢ ቆፖና ጋላሰኔ ኢ ኤሮና ሳቲን፡፡

51 ዩዲ ኢያ ቃንጻሬላና፡፡ ኢያ ቃዳ ጩቦታራ ኦላና፡፡ ሄ ቤሳን ኢያው ዩሆኔ ኣቼ ጋርጩላ ጊዳና፡፡

## 25

ታው ጌላዖታ ለሚሶ

1 «ሄ ዋዴ ሳሎ ካዎቴላይ ባንታ ኩራዚያ ኦይኪዲ፡ ማቸ ኤሃናው ቢዳ ኣዲያ ሞካናው ኬዩዳ ታው ጌላዖታ ዳኔሰ፡፡

2 ኤንታፊ ኢቻሻቲ ኤያ፡ ቃሲ ኢቻሻቲ ጩንጫ፡፡

3 ኤያቲ ኩራዜ ኦይኪዳሶና፡ ሽን ሃሪ ላምባ ኦይኪቦኮና፡፡

4 ሽን ጩንጫቲ ባንታ ኩራዚያኔ ሃሪ ጉዣ ላምባ ኦይኪዳሶና፡፡

5 ማቸው ኤኬይሲ ጋምዒን፡ ሄ ጌላዖቲ ባንታና ጳሰኮይ ኦይኪን ጳሰኪዳሶና፡፡

6 «ጊዲ ቢላሄ ጊዲያ ዋዴ ሳካ፡ ማቸው ኤሄይሲ ጋኪሰ፡፡ ኢያ ሞካናው ኬዩቴ» ያጊያ ጊታ ጫቦይ ሰዒቴሰ፡፡

7 «ሄ ዋዴ ሄ ጌላዖቲ ኡባይ ባርኪዲ፡ ባንታ ኩራዚያ ገጊሲዳሶና፡፡

8 ኤያቲ ጩንጫታኮ፡ ሓ ኩራዜይ ቶዓና ሃኒያ ጊሾ ሃንቴ ላምባፊ ኮሰ ኢማርኬቲ» ያጊዳሶና፡፡

9 «ሽን ጩንጫቲ ኤንታኮ ዛሪዲ፡ ሓካይ፡ ኮሲኔ ሃንቴሰ ጊዲያ ላምባ ባዋ፡፡ ሄሳ ጊሾ፡ ሃንቴው ቢዲ ሻሚዲ ኤኪቴ፡፡ ያጊዳሶና፡፡

10 ኤያ ጌላዖቲ ላምባ ሻማናው ቢን፡ ማቸው ኤኬይሲ ፑቱ ገሰ፡፡ ገቤቲ ኡቲዳ ኢቻሹ ጌላዖቲ ኢያራ ኢሲፊ ያጋኖ ኩላ ጌሊዳሶና፤ ካሬይካ ጎርዳቲ ኣገሰ፡፡

11 «ጉዩፔ ሃንኮ ጌላዖቲ ዩዲ፡ ሓዳው፡ ጎዳው፡ ኮሰ ዶያርኪ» ያጊዳሶና፡፡

12 «ሽን ኢ ኤንታኮ ዛሪዲ፡ ናታኒ ሃንቴው ቱማ ኦዳይሰ፤ ታ ሃንቴና ኤሪኬ!»

13 «ሂዛ፡ ኣሳ ናዓይ ያና ጋላሳ ዋይኮ ሳቲን ሃንቴ ኤሮና ጊሾ ባርኪዲ ናጊቴ፡፡

ሄቩ ኦሳንቸታ ለሚሶ  
(ሉቃ 19:11-27)

14 «ዖሳ ካዎቴላይ ባ ኦሳንቸታ ዪጊዲ ባው ዴዒያባ ኤንታው ሹጲዲ ኦጌ ባናው ኬዩዳ ኡራ ዳኔሰ፡፡

15 እንታው ሁዕን ሁዕን እንታ ዋልቃ ሜላ ኢሱቀስ ኢቻሹ ካርዒቲ ቢራ፣ ኢሱቀስ ናምዑ ካርዒቲ ቢራ ቃሲ ኢሱቀስ ኢሲ ካርዒቲ ቢራ እሚዲ ባ ኦጊያ ቢስ።

16 ኢቻሹ ካርዒቲ ቢራ ኤኪዳ አይሌይ ሶሁቀራ ቢዲ ዛልዲዲ፣ ሃራ ኢቻሹ ካርዒቲ ቢራ ዋቋሲስ።

17 ሃሳዳካ፣ ቃሲ ናምዑ ካርዒቲ ቢራ ኤኪዳ አይሌይ ሃራ ናምዑ ካርዒቲ ቢራ ዋቋሲስ።

18 ሺን ኢሲ ካርዒቲ ቢራ ኤኪዳይሲ ቢዲ፣ ኦላ ቦኪዲ፣ ባ ጎዳ ሚሺያ ሞጊስ።

19 «ዳር ዋዌ፣ ጉዬ ሄ አይሌታ ጎዳይ ዪዲ፣ ባ ሚሺያ እንታራ ሳላዲስ።

20 ኢቻሹ ካርዒቲ ቢራ ኤኪዳ አይሌይ ዪዲ፣ ሃራ ኢቻሹ ካርዒቲ ቢራ ኤሂዲ፣ ታ ጎዳው፣ ኔጊ ታው ኢቻሹ ካርዒቲ ቢራ አማዳሳ። ሺን ታጊ ሃራ ኢቻሹ ካርዒቲ ቢራ ዋቋሳስ) ያጊስ።

21 ኢያ ጎዳይ፣ «ዛምቦይ! ኔጊ ሎዮኔ አማንሌያ አይሌ፤ ኔጊ ጉላባን አማኔታዳሳ። ታጊ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያጊስ።

22 «ቃሲ ናምዑ ካርዒቲ ቢራ ኤኪዳይሲ ዪዲ፣ ታ ጎዳው፣ ኔጊ ታው ናምዑ ካርዒቲ ቢራ አማዳሳ። ሺን ታጊ ሃራ ናምዑ ካርዒቲ ቢራ ዋቋሳስ) ያጊስ።

23 ኢያ ጎዳይ፣ «ዛምቦይ! ኔጊ ሎዮኔ አማንሌያ አይሌ፤ ኔጊ ጉላባን አማኔታዳሳ። ታጊ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያጊስ።

24 «ቃሲ ኢሲ ካርዒቲ ቢራ ኤኪዳይሲ ዪዲ፣ ታ ጎዳው፣ ኔጊ ዜርና ቤሳፌ ጫኬይሳኔ ቆርጮና ቤሳፌ ማዲያ ኢታ አሲ ጊዴይሳ ታጊ ኤራይስ።

25 ሃሳ ጊሹ፣ ያያዳ ኔ ቢራ ቢታን ሞጋስ። ኔ ሚሺይ ሃይሲሺ) ያጊስ።

26 «ኢያ ጎዳይ ዛሪዲ፣ «ሃ ኢታ አዛላ አይሌያው፣ ታጊ ዜርና ቤሳፌ ጫኬይሳኔ ቆርጮና ቤሳፌ ማዲያ አሲ ጊዴይሳ ኤራዳሳ።

27 ያቲን፣ ኔጊ ታ ሚሺያ ባንኪን ዋሌዳባ ጊዲያኮ፣ ታጊ ሰሚያ ዋዌ ታ ሚሺያ ዋቋራ ኤካናይሳ ዲጋዳሳ።

28 ሃሳ ጊሹ፣ ሚሺያ ኢያ፣ ኤኪዲ፣ ታው ካርዒቲ ቢራ ዴዲይሳስ አሚቲ።

29 አይሰ ጊኮ፣ ዴዲያ ኡባሰ ጉኩታና ኔ ዳራና። ሺን ባይናይሳፌ ሃራ አቶሺን፣ ሄ ኢያው ዴዲያ ጉሌያካ ኤኬታና።

30 ሃ ማደና አይሌያ ካሪ ቆማ ኬሲ ዩጊቲ። ያን ኢያው ዩሆኔ አቺ ጋርጮኤ ጊዳና) ያጊስ።

**ዋዲያ ወርሴላን ሃናና ፐርዳ**

31 «አሳ ናርይ፣ ኪታንቸ ኡባታራ፣ ባ ቦንቸዋራ ያ ዋዌ ኢ ባ ቦንቸ ካዎታ አራታ ቦላ ኡታና።

32 ቢታን ዴዲያ አሲ ኡባይ ኢያ ሲንሌ ሺቃና። ሄንሳንቸይ ደርሳታ ዴቫታ ሻኬይሳዳ ኢ ሄ አሳ ናምዳን ሻካና።

33 ቃሲ ደርሳታ ኡቫቻ ባጋራ ዴቫታ ሃዲርሳ ባጋራ ኡሳና።

34 «ሄሳፌ ጉዬ፣ ካዎይ ኡቫቻ ባጋራ ዴዲይሳታኮ ሃይሳዳ ያጋና፣ ታ አዋይ አንጂዲይሳቶ፣ ሃ ዪዲ ሳሳይ ሜቋቲያ ዋዌ ሂንቲው ጊጊዳ ካዎቲሳ ላቲቲ።

35 አይሰ ጊኮ፣ ታጊ ኮቫቲን ሙዚዳታ፣ ሳሞቲን ኡሺዳታ፣ ኤሬቶና አማላ አሲ ጊዳዳ ቢን ሞኪዳታ።

36 ካሎቲን ማይዚዳታ፣ ሃርጊቲን ሃርጊሲዳታ፣ ቃሹቲን ታና ኦይቸዳታ) ያጋና።

37 «ሄሳፌ ጉዬ፣ ያሎቲ ዛሪዲ፣ ሳዳው፣ ኔጊ ኮቫቲን አወዴ ቤዲዲ ሙዚዳ? ሞይኮ ኔጊ ሳሞቲን አወዴ ቤዲዲ ኡሺዳ?

38 ኔጊ አማሌ ጊዳዳ ዪን አወዴ ቤዲዲ ሞኪዳ? ሞይኮ ኔጊ ካሎቲን አወዴ ማይዚዳ?

39 ኔጊ ሃርጊን ሞይኮ ቃሹቲን ኔኮ ቢዲ ኔና አወዴ ኦይቸዳ?) ያጋና።

40 ካዎይ ዛሪዲ፣ ታጊ ሂንቲው ቱማ ኡዳይሰ፤ ሂንቲ ታና ካሊያ ሃ ኡባፌ ጉዌይሳስ ኦሌዳይሳ ታው ኡሌዳታ) ያጋና።

41 «ሄ ዋዌ ሃዲርሳ ባጋራ ዴዲይሳታኮ፣ «ሃ ቃንጌቲዳይሳቶ፣ ታ ማታ፣ ሃኪቲ። ዓላሄሲኔ ኢያ ኪታንቸታስ ጊጊዳ ሜሪና ታማን ቢቲ።

42 አይሰ ጊኮ፣ ኮቫቲን ታና ሙዚቤኬታ፤ ሳሞቲን ኡሺቤኬታ።

43 ጊን አማሌ ጊዳዳ ቢን ታና ሞኪቤኬታ፣ ካሎቲን ማይዚቤኬታ፣ ሃርጊኔኔ ቃሹቲን ታና ኦይቸቤኬታ) ያጋና።

44 «ሄ ዋዌ አንቲ፣ ሳዳው፣ ኔጊ ኮቫቲን ሞይኮ ሳሞቲን ሞይኮ አማሌ ጊዳዳ ቢን ሞይኮ ካሎቲን ሞይኮ ሃርጊን ሞይኮ ቃሹቲን ቤዲዲ ኔና አወዴ ማደና አይደ?) ያጊዲ ዛሪና።

45 «ሄ ዋዌ ካዎይ ዛሪዲ እንታኮ፣ ታጊ ሂንቲው ቱማ ኡዳይሰ፤ ሂንቲ ታና ካሊያ ሃ ኡባፌ ጉዌይሳ ማደና አይደይሲ፣ ታና ማደና አይደይሳ) ያጋና።

46 ሃሳ ጊሹ፣ ሄ አሳቲ ሜሪና ፐርዳስ ቃሲ ያሎቲ ሜሪና ዴዲይሳ ባና) ያጊስ።

# 26

ዩሱፊ በላ ማቄተደሶና

(ማር 14:1-2፤ ሉቃ 22:1-2፤ ዮሃ 11:45-53)

- 1 ዩሱፊ ሃ ቲሚርቲያ ኡባ ወርሲዳ ዋዴ ባ ታማራታኮ፤
- 2 «ናምዑ ጋሳሳፔ ጉዩ፣ ፓሲካ ባሌ ቦንቺያ ጋላሰ ገዴይሳ ኤሬታ። ሄ ጋላሰ አሳ ናዓይ ማስቃሊያ ቦላ ካቄታናው አሳ ኩሺን አጂ አሜታና» ያገሰ።
- 3 ሄ ዋዴ ካሂኔ ሃላቃቲኔ ጨማቲ፣ ቃያፋ ገያ ካሂኔ ሃላቃ ኩላን ሸቁዲ፣
- 4 አሲ ኤርና ዩሱፊ እይኪዲ፣ ዋቆናው ማቄተደሶና።
- 5 ሺን ኤንቲ፣ «አሳይ ኦሺ ኬሶና ማላ ገዲ፣ ፓሲካ ቦንቺያ ጋላሰ ሄሳ ኦፎኮ» ያገደሶና።

ኢሲ ማጫሲያ ዩሱፊ ሺቶ ቲያሱ

(ማር 14:3-9፤ ዮሃ 12:1-8)

- 6 ዩሱፊ ቢታኒያ ካታማን ባር ሃርገዳ ሲሞና ሶን ዴዔስ።
- 7 ዩሱፊ አማቱዋ ቦላ ዴዒሲን ኢሲ ማጫሲያ አልባሰዒርኤ ጸልቃይ ኩሜላ ዳር አልዎ ሸቶ ኤካ ያዳ ዩሱፊ ሁዒን ቲጋሱ።
- 8 ሺን ዩሱፊ ታማራቲ ሄሳ በዓዲ ሃንቄቲዲ፣ «ሃ ሸቶይ ጮ አቲይ አይበሲ?»
- 9 ሃ ሸቶይ አልዎ ጋቲን ባይዘቲዲ፣ ሚሼይ ማንቆታሰ አሚታናው ዳንዴዔቲስ» ያገደሶና።
- 10 ዩሱፊ ኤንቲ ጌይሳ ኤሪዲ፣ ኤንታኮ፣ «ሃ ማጫሲው አይሰ ዋይሰቲ? ኢያ ታው ሎዎባ ኦሳስ።
- 11 ማንቆቲ ኡባ ዋዴ ሃንቴራ ዳና። ሸን ታኒ ሃንቴራ ኡባ ዋዴ ዴዒኪ።
- 12 ኢያ ሃ ሸቶዋ ታ ቦላ ቲገዳይሲ ታና ሞጋናው ገሊሳናሳ።
- 13 ታኒ ሃንቴው ቱማ ኦዲይሰ፤ ቢታ ኡባን ሃ ዋንጌላይ ሳባኬቲያ ቤሳን አዉንካ፣ አሳይ ኢያ ሃሳያና ማላ ኢያ ኦላዲይሲ ኦዴታና» ያገሰ።

ዪሁዲ ዩሱፊ አላዲ አማናው ገቢቲሰ

(ማር 14:10-11፤ ሉቃ 22:3-6)

- 14 ሄ ዋዴ ታማኔ ናምዑ ዩሱፊ ታማራታፔ ኢሶይ፣ አሰቆርታ ዪሁዲ ጌቲቲይሲ ካሂኔ ሃላቃታኮ፣
  - 15 ቢዲ፣ «ታኒ ሃንቴው ዩሱፊ አላ አሚኮ፣ ሃንቴ ታው አይ አማኔ?» ያገዲ ኤንታ ኦይቺስ።
- ኤንቲ ዘራቲዲ ሃሰታው በራ ሳንቲሜ \*፣ አሚደሶና።
- 16 ሄሳፌ ጉዩ፣ ዪሁዲ ዩሱፊ አላዲ አማናው ኢንጃቲያ ዋዴ ዋቺስ።

ዩሱፊ ፓሲካ ካሁዋ ባ ሃዋራታራ ሚሰ

(ማር 14:12-21፤ ሉቃ 22:7-14፤ 21-23፤ ዮሃ 13:21-30)

- 17 ኡይላ ባሌ ቦንቺያ ኮይር ጋላስ፣ ዩሱፊ ታማራቲ ኢያኮ ዩዲ፣ «ፓሲካ ቦንቺያ ጋላሰ ኔኒ ማና ካላ ኔኒ አዉን ገሊሰና?» ያገደሶና።
- 18 ዩሱፊ ኤንታኮ፣ «ካታማን ዴዒያ አዲያኮ ቢዲ፣ ሳስታማራይ፣ ታው ዋዴይ ጋኪዳ ገሸ ታ ታማራታራ ፓሲካ ቦንቺያ ጋላሳ ኔ ሶን አላና ያገሰ» ያገቲ። ያገሰ።
- 19 ኢያ ታማራቲ ዩሱፊ ባንታና ከቲዳይሳዳ አላዲ፣ ፓሲካ ባሌ ጋላሰ ማና ካላ ገሊሲደሶና።
- 20 ሳዓይ አማርሲያ ዋዴ ዩሱፊ ታማኔ ናምዑ ሃዋራታራ ካላ ማናው ኡቲስ።
- 21 ኤንቲ ሚሺን፣ ዩሱፊ ኤንታኮ፣ «ታኒ ሃንቴው ቱማ ኦዲይሰ፤ ሃንቴፌ ኢሲ ኡራይ ታና አላዲ አሚያ» ያገሰ።
- 22 ኤንቲ ዳር ዳጋሚዲ፣ ሁዒን ሁዒን፣ «ጎዳው፣ ቱማ ታኒሻ?» ገዲ ኢያ ኦይቺደሶና።
- 23 ዩሱፊ ዛሪዲ፣ «ባ ኩሺያ ታራ ኢሲፌ ሻቲያን ዩዴይሲ ኢ ታና አላዲ አማና።
- 24 አሳ ናዓይ፣ ያሳ ቃላን ኢያው ዓፊቲዳይሳዳ ሃይቃና። ሺን አሳ ናዓ አላዲ አሚያ ኡራ አይ፤ ሄ ኡራይ ዩሌቶና አቲዳኮ ኢያው ሎዎሺን» ያገሰ።
- 25 ኢያ አላ አማናው ዴዒያ ዪሁዲ ዛሪዲ፣ «አስታማሪያው፣ ኔኒ ጌይ ታኔዬ?» ያገሰ።
- ዩሱፊ ዛሪዲ፣ «ኔኒ ኔ ሁዒን ጋዳሳ» ያገሰ።

ጎዳ ካሁዋ

(ማር 14:22-26፤ ሉቃ 22:15-20፤ 1ቆሮ 11:23-25)

- 26 ኤንቲ ሚሺን፣ ዩሱፊ ኡይላ ኤኪዲ ያሳ ጋላቲስ። ሄ ኡይላ ማንላዲ ባ ታማራታሰ አሚዲ፣ «ሄዒቲ፣ ሚቲ፣ ሃይሲ ታ አሹዋ» ያገሰ።
- 27 ፀ-ዓ ኤኪዲ፣ ያሳ ጋላቲስ። ኤንታው አሚዲ፣ «ኡባይ ሃይሳፌ ኡዩቲ።

---

26:2 ኪሳ 12:1    26:7 ሉቃ 7:37    26:11 ዛሪ 15:11    26:15 ዛካ 11:12    \* 26:15 ቢራ ሳንቲሜ፣ አይኮይካ ገብቲቲሶ ገሻ ቢራ ጉሱ።    † 26:15 ሃስታው ቢራ ሳንቲሜ፣ ሃስታው ቢራ ሳንቲሜይ ኢሰራዔል ቢታን አይሌይ ሻሚቲያን ባይዘቲያ ጋቲ።    26:23 ማዘ 41:9



28 ሃይሲ ዳር አሳ ናጋራይ አቶ ጌቲታና ማላ ጉኪያ ታ ሱላ። ሃ ሱላይ ያሳይ ሂንቴራ ጌሊያ ጫቁዋ ማንሴይሳ።

29 ሺን ታኒ ሂንቴው ኦዳይስ፤ ታኒ ታ አዋ ካዎቴላን ኦራላ ዋይኔ ኡሻ ሂንቴራ ኡያና ጋሳሳ ጋካናው ናምዓንሉ ሃ ዋይኔ ኡሻ ኡዪኪ» ያገሰ።

30 ጋሳታ ማዘሙሬ ዩዲዳይሳፊ ጉዬ ሻማሆ ዳሪያ ቢደሰና።

ዩሱሲ ጳዳርሲ ካዳናይሳ ኮይርቲዲ ኦዲሲ  
(ማር 14:27-31፤ ሉቃ 22:31-34፤ ዮሃ 13:36-38)

31 ሄ ዋዴ ዩሱሲ ኤንታኮ።

« ሮሳይ ሂንሳንቸዋ ሾጫና ደርሳቲካ ላሊታና

ጌቲቲዲ ያሳ ቃላን ፃፊቲዳይሳ ማላ ሃቸ ቃማ ሂንቴ ኡባይ ታና አገዲ ባቃታና።

32 ሺን ታኒ ሃይቆፔ ዳንዲዳፔ ጉዬ ሂንቴፊ ሲንሳታዳ ጋለላ ባና» ያገሰ።

33 ጳዳርሲ ዛሪዲ። «ኤንቲ ኡባይ ኔና አገዲ ባቃቲኮካ። ታኒ ኔና አገኪ» ያገሰ።

34 ዩሱሲ ጳዳርሳኮ። «ታኒ ኔው ቱማ ኦዳይስ፤ ሃቸ ቃማ ኩቶይ ዋሳናፔ ሲንሴ ኔኒ ታና ሄዙ ቶሆ ካዳና» ያገሰ።

35 ጳዳርሲ ዛሪዲ። «ታኒ ኔራ ኢሲፊ ሃይቆፔ አቲን ኔና ኡባካ ካዲኪ» ያገሰ።

ሃንኮ ኢያ ታማሬቲ ኡባይካ ሄሳዳ ገደሰና።

ዩሱሲ ጌቴሴማኔን ዋሲሲ  
(ማር 14:32-42፤ ሉቃ 22:39-46)

36 ያቲዲ። ዩሱሲ ባ ታማሬታራ ጌቴሴማኔ ገያ ቤሳ ቢዲ። ኤንታኮ። «ታኒ ሂኒ ባዳ ያሳ ዋሳሻና። ሂንቴ ሃይሳን ኡቲቲ» ያገሰ።

37 ጳዳርሳኔ ዛለዲዮሳ ናይታ ናምዓታ ባራ ኤኪ ቢዲ ዳር አዛኖኔ ኡንዔቴሌ ደሚስ።

38 ቃሲካ ኤንታኮ። «ታኒ ሃይቆሰ ጋሊያ ኡንዓ ኡንዓታስ። ሃይሳን ታራ ጋምዒቴኔ ማኒዲ ናገቴ» ያገሰ።

39 ገሌ ሲንሴ ቢዲ ቢታን ጉፋኒዲ። «ታ አዋው። ዳንዳዔቲያባ ገደኮ ሃ ዋዬ ፀላ ታፔ ዲጋ። ሺን ኔ ሼኔይ ሃናፔ አቲን ታ ሼኔይ ሃናፔ» ያገዲ ያሳ ዋሲስ።

40 ዩሱሲ ባ ታማሬታኮ ስሚ ዩዲ ኤንቲ ጳሰኪዳሺን ዳሚስ። ጳዳርሳኮ። «ሂንቴ ኢሲ ሳቴኮኔ ጳሰኮና ታራ ማናናው ዳንዳዒቤኬቲ?

41 ፓጩን ሂንቴ ጌሎና ማላ ባርኪዲ ናገቴኔ ያሳ ዋሲቴ። ሂንቴው ሎዎ አዋይ ዳዔስ። ሺን ሂንቴ ዳቡራንቸ አሲ» ያገሰ።

42 ዩሱሲ ቃሲ ናምዓንሉ ቢዲ። «ታ አዋው። ታኒ ሃ ዋዬ ፀላፔ ኡዮና ዳዒሾ አቆናው ዳንዳዒቶናባ ገደኮ ኔ ሼኔይ ሃናፔ» ያገዲ ያሳ ዋሲስ።

43 ቃሲካ ስሚ ያ ዋዴ ኢያ ታማሬታ ኦይፊያ ጳሰኮይ ጎዚን። ዘንዒዳሺን ዳሚስ።

44 ቃሲካ ኤንታ አገ ቢዲ። ካሲ ቃላ ዛሪ ሄዥሉ ዋሲስ።

45 ሄሳፊ ጉዬ። ባ ታማሬታኮ ዩዲ። «ሃዒ ጋካናው ጳሰኮቴኔ ሾምፔቲ? ሄኮ። አሳ ናዓይ። ናጋራንቸታ ኩሺን አጲ አሜቲያ ሳቴይ ጋኪስ።

46 ዳንዲዲ ዩዳቴ። ታና አላዲ አሜይሲ ሃይሲሻ ጋኪስ» ያገሰ።

ዩሱሲ ባ ሞርኬታን ኦይኬቲሲ  
(ማር 14:43-50፤ ሉቃ 22:47-53፤ ዮሃ 18:3-12)

47 ዩሱሲ ቡር ሄሳ ሃሳዩሺን። ታማኔ ናምዑ ታማሬታፔ ኢሶይ። ዩሁዲ ጋኪ ዋጲስ። ካሂኔ ሃላቃቲኔ ዳሪያ ጩማቲ ከቲዳ ዳር አሳቲ ማሼኔ ፃምዓ ኦይኪዲ ኢያራ ኢሲፊ ደደሰና።

48 ዩሱሳ አላ አሚያ ዩሁዲ ሄ ዳር አሳኮ። «ታኒ ዩራይሲ ሂንቴ ኮይይሲ ኢያ። ኢያ ኦይኪቴ» ያገዲ ማላ አሚ ዋላስ።

49 ኢራኒ ዩሱሳኮ ሸቂዲ። «አስታማሪያው። ሳር ዳዓይ» ያገዲ ኢያ ዩሪስ።

50 ዩሱሲ ኢያኮ። «ታ ላገያው። ኔኒ ኦላናባ ኦላ ኦጋ» ፤ ያገሰ።

ሄሳፊ ጉዬ። ሸቂዲ። ዩሱሳ ኦይኪደሰና።

51 ዩሱሳራ ዳዒይሳታፔ ኢሶይ ባ ማሻ ሾዲዲ ካሂኔ ሃላቃ አይሊያ ሾጩዲ። ኢያ ሃይሳ ቃንዲዲ ዩገሰ።

52 ሺን ዩሱሲ። «ኔ ማሻ ጉዬ ሾሁዋን ዛራ። አይሰ ገኮ። ማሻ ሾዲያ ኡባይ ማሻን ሃይቃና።

53 ታ። ታ አዋ ዋሲያኮ ዳር ሙኩሉን ታይቤቲያ ኪታንቸታ ዩዳናው ዳንዳዮናባ ኔው ዳኒ?

54 ያቲን። ያሳ ቃላን ሄሳዳ ሃናናው ቤሲስ ጌቴቲዳይሲ ዋኒዲ ፖሊቲኔ?» ያገሰ።

55 ህ ሳትያን፣ ዬሱስ ህ ሸቂዳ ዳር አሳኮ፣ «ታና ፓንጋ ኦሊዲ ኦይካናው ማሼኔ ፃምባ ኦይኪዲ ዩደት? ታኒ ያሳ ኩላን ጋለስ ጋለስ ታማርሳሼ ሂንቲራ ደዒያ ዎዴ ታና ኦይኪቤኪታ።

56 ሺን ሃይሲ ኡባይ ሃኒዳይሲ ናቤቲ ያሳ ቃላን ፃፊዳይሲ ፖሊታና ሜላላ» ያገሰ።  
ህ ዎዴ ኢያ ታማራቲ ኡባይ ኢያ አገዲ ባቃቲዶሶና።

ዬሱስ ፐርዳ ሻንሳ ሲንሌ ሸቂስ  
(ማር 14:53-65፤ ሉቃ 22:54-55፤ 63-71፤ ዮሃ 18:13-14፤ 19-24)

57 ዬሱሳ ኦይኪዳይሳቲ ካሂኔ ሃላቃ ቃያፋኮ ኢያ ኤፊዶሶና። ያን ሂኔ አስታማራቲኔ ቢታ ጨማቲ ሸቂዲ ዳጎሶና።

58 ሺን ጳደርሲ ካሂኔ ሃላቃ ዛባ ጋካናው ሃሆን ኢያ ካሊሰ። ኢያ ወርሱላይ ሻኬታና ጋካናው ዛባ ገሊዲ ናጌይሳታራ ኡቲሰ።

59 ካሂኔ ሃላቃቲኔ ሸቂዳ አሳ ኡባይ ዬሱሳ ዎጳናው ኢያ ቦላ ዎርዶ ማርካ ኮዩዶሶና።

60 ዳርቲ ዩዲ ኢያ ቦላ ዎርዶ ማርካ ማርካቲዶሶና፣ ሺን አይኮካ ዳሚቦኮና። ጉዬፕ ናምቡ አሳቲ ዩዲ፣

61 «ሃ ኡራይ፣ ታኒ ያሳ ኩላ ላላዳ ሂዡ ጋላሳን ዛራ ኬፃናው ዳንዳዳይሰ» ያገሰ» ያገደሶና።

62 ካሂኔታ ሃላቃይ ዳንዲ ኤቂዲ ዬሱሳኮ፣ «ሃይሳቲ ኔና ሞቲያ ሞቶዋስ ኔኒ ዛሪያባይ ባዌ?» ያገሰ።

63 ሺን ዬሱሲ ሲዲ ገሰ። ቃሲካ ካሂኔ ሃላቃይ፣ «ታኒ ኔና ዳጎ ያሳ ሱንላን ኦይካይሰ፤ ኔኒ ያሳ ናባ ኪሪሰቶሳ ገዲኮ ኮስ ኦዳ» ያገሰ።

64 ዬሱሲ ዛሪዲ፣ «ኔኒ ኔ ሁዳንካ ጋዳሳ። ሺን ታኒ ሂንቲው ኦዳይሰ፤ ሂዘፔ ጉዬ፣ አሳ ናባይ ዎልቃማ ያሳ ኡሻቻ ባጋን ኡቲዳሺን፣ ቃሲ ሳሎ ሻራራ ዩሸን ሂንቲ ቤባና» ያገሰ።

65 ህ ዎዴ ካሂኔ ሃላቃይ ዳር ዩሎቲዲ ባ ማዑዎ ፔጂዲ፣ «ሃይሳ ቤባኔ ያሳ ጫዩሰ! ኦና ሃራ ማርካ አይ ኮሺ? ኢ ሃባ ጫዩዳይሳ ሂንቲ ሲዲዳታ።

66 ሂንቲ ቆፋይ አይቤ?» ያገሰ።

ኤንቲካ፣ «ኢያው ሃይቆ ቤሴሰ» ያገዲ ዛሪዶሶና።

67 ያተን፣ ኤንቲ ኢያ ሰምጎን ጨቲዲ ዳቺዶሶና። ሃራቲ ኢያ ባቂዲ፣

68 «ኪሪሰቶሳ! ኔና ዳቺዳይ ኦኔ? ኦኔ ኮስ ኦዳ» ያገደሶና።

ጳደርሲ ዬሱሳ ካዲሰ  
(ማር 14:66-72፤ ሉቃ 22:56-62፤ ዮሃ 18:15-18፤ 25-27)

69 ጳደርሲ ዛባን ኡቲዳሺን፣ ኢሲ አይሊያ ኢያኮ ያዳ፣ «ኔኒካ ጋለላ ዬሱሳራ ኢሲፌ ዳባሳ» ያጋሰ።

70 ሺን ኢ ኤንታ ኡባ ሲንላን ህ አይሌኮ፣ «ኔኒ ገያባይ አይቤኮ ታኒ ኤሪኬ» ያገዲ ካዲሰ።

71 ቃሲ ቢዲ ዲርሳ ፔንጌኮ ጋኪሺን ሃራ አይሊያ ኢያ ቤባዳ፣ ያን ዳዒያ አሳኮ፣ «ሃ ኡራይ ናዚሬቲ ዬሱሳራ ዳባሰ» ያጋሰ።

72 ጳደርሲ ናምባንላ ጫቂዲ፣ «ታኒ ህ ኡራ ኤሪኬ!» ያገሰ።

73 ጉሉ ጋምባሺን፣ ያን ኤቂዳ አሳቲ ጳደርሳኮ ዩዲ፣ «ኔካ ቱማ ኤንታራ ኢሲፌ ዳባሳ፤ ኔኒ ኔ ሃሳያን ኤሬታሳ» ያገደሶና።

74 ሃሳፌ ጉዬ፣ ጳደርሲ፣ «ታኒ ህ ኡራ ኤሪኬ!» ያገዲ፣ ባና ቃንጌሊኔ ጫቆ ደሚሰ።

ህ ዎዴ ኡራካ ኩቶይ ዋሲ አገሰ።

75 ዬሱሲ ኢያኮ፣ «ኔኒ ኩቶይ ዋሳናፔ ሲንሌ ታና ሂዡ ቶሆ ካዳና» ገዲይሳ ጳደርሲ አኬኪዲ፣ ካሪ ኬዩዲ ኢታ ዩሆ ዩኪሰ።

## 27

ዩሁዲ ባና ሱሊስ  
(ማር 15:1፤ ሉቃ 23:1-3፤ ዮሃ 18:28-32)

1 ዎንታ ጉራ ካሂኔ ሃላቃቲኔ ቢታ ጨማቲ ኡባይ ዬሱሳ ዎጳሳናው ማቂቲዶሶና።

2 ኤንቲ ዬሱሳ ቃቺ ኤፊዲ ዳሪያ ሃሪያ ጲላዎሳስ አሊዲ አሚዶሶና።

3 ህ ዎዴ ዬሱሳ ኦይሊዳ ዩሁዲ፣ ጲላዎሲ ዬሱሳ ቦላ ፐርዲዳይሳ ቤባዲ፣ ቂርቲዲ፣ ህ ሃሳታው ቤራ ሳንቲሚያ ካሂኔ ሃላቃታሲኔ ዳሪያ ጨማታስ ጉዬ ዛሪሰ።

4 «ታኒ ደሎ አሲ ሃይቆስ አሳ አማዳ ናጋራ ኦላሰ» ያገሰ።

ሺን ኤንቲ፣ «ሄሲ ኦ ሜቶ ገደና ኔ ሚቶ» ያገደሶና።

5 ዪሁዲ ሚሺያ ያሳ ከላን ዩጊ ኣጊዲ ኤንታ ማታፔ ቢዲ፥ ሱሉቴ ሃይቁስ።

6 ካሂኔ ሃላቃቲ ሚሺያ ኤኪዲ፥ «ሃ ሚሺይ ሱላ ሚሼ ጊዲያ ጊሾ ኑኒ ያሳ ከላ ሚሺያራ ጋሌይሲ ዋጋ ጊዳና» ያጊደሶና።

7 ሃሳፊ ጉዬ፥ ኢሰፊ ዘሬቲዲ፥ ቤቴ ኣሲ ዋጋናው ማና ቢታ ሻሚደሶና።

8 ሃሳ ጊሾ፥ ሃ ጋዴይ ሃቺ ጋካናው ሱላ ቢታ ጌቴቲ ዪጌቴስ።

9 ናቢያ ኤርሚያሲ፥ «ኢሰራዔሌ ኣሳይ ኢያው ቃንፃናው ጋማቲዳ ሃስታው ቢራ ሳንቲሚ ኤኪደሶና።

10 ጎዳይ ታና ከቲዳይሳዳ ማና ቢታ ሻማናው ኢሚደሶና» ጊዳይሲ ሄ ዋዴ ፖሊቲስ።

**ዩሱሲ ጲላዳሳ ሲንሳን**

(ማር 15:2-5፤ ሉቃ 23:3-5፤ ዮሃ 18:33-38)

11 ዩሱሲ ዴሪያ ሃሪያ ጲላዳሳ ሲንሳ ሸቁን፥ ጲላዳሳ ኢያኮ፥ «ኔኒ ኣይሁዴ ካዎ?» ያጊዲ ኦይቺስ።

ዩሱሲ ዛሪዲ፥ «ኔ ጋዳሳ» ያጊስ።

12 ካሂኔ ሃላቃቲኔ ቢታ ጨማቲ ኢያ ሞቲያ ዋዴ ኤንታው ኣይቢ ዛርካ ኢሚቢና።

13 ሄ ዋዴ ጲላዳሳ ዩሱሳኮ፥ «ሃይሳቲ ኔና ሞቲያ ሞቲዋ ኡባ ሰዒቢ?» ያጊስ።

14 ዩሱሲ ሃሪ ኣቶሺን፥ ኢሲ ቃላካ ዛርና ኢደን፥ ዴሪያ ሃሪይሲ ዳር ማላሊቲስ።

**ዩሱሳ ቦላ ሃይቆ ፐርዳቲስ**

(ማር 15:6-15፤ ሉቃ 23:13-25፤ ዮሃ 18:39-40፤ 19:1-16)

15 ዴሪያ ሃሪይሲ ላይላን ላይላን ፓሲካ ባሌ ቦንቺያ ጋላሳን፥ ኣሳይ ኮያ ኢሲ ኣሲ ቃሾፕ ቢርሺያ ዋጊ ዴዒስ።

16 ሄ ዋዴ ኢሲ ባርባና ዩሱሳ ጊያ ዳር ኤሬቲዳ ኢታ ኣሲ ቃሾ ከላን ዴዒስ።

17 ሃሳ ጊሾ፥ ዳር ኣሳይ ሸቁዲ ዴዒሺን ጲላዳሳ፥ «ታኒ ሂንቴው ባርባና ዩሱሳ ቢርሾዬ፥ ዋይኮ ዩሱሳ ጊያ ከሪሰቶሳ ቢርሾ?» ያጊዲ ኣሳ ኦይቺስ።

18 ኢ ሃሳ ጊዳይ ኤንቲ ቃናቲዲ ዩሱሳ ኦይሳዳይሳ ኤሪያ ጊሾሳ።

19 ጲላዳሳ ፐርዳ ከላን ኡቲዳሺን፥ ኢያ ማቺያ፥ «ታኒ ሃቺ ቃማ ኣመሆን ኢያባ ዳር ዋዬታሽ ኣቁዳ ጊሾ ሄ ያሎ ኡራ ቦላ ኣይቢባካ ኦላፋ» ያጋዳ ከታስ።

20 ሺን ካሂኔ ሃላቃቲኔ ዴሪያ ጨማቲ ጲላዳሳ ባርባና ቢርሺዲ፥ ዩሱሳ ዋቆና ሜላ፥ ኣሳይ ኢያ ዋሳና ሜላ፥ ኣሳ ጨሚደሶና።

21 ጲላዳሳ ዛሪዲ ኤንታኮ፥ «ታኒ ኤንታ ናሞዓፊ ሂንቴው ኦና ቢላና ሜላ ኮዬቲ?» ያጊዲ ኦይቺስ።

ኤንቲ፥ «ባርባና ቢላና ሜላ ኮዮስ» ያጊደሶና።

22 ጲላዳሳ፥ «ያቲን፥ ዩሱሳ ጊያ ከሪሰቶሳ ዋቆ?» ያጊዲ ኤንታ ኦይቺስ።

ኡባይ ዛሪዲ፥ «ማስቃሊያ ቦላ ኢያ ካቃ» ያጊደሶና።

23 ጲላዳሳ ኣሳኮ፥ «ኣይሰ? ኢ ኣይ ኢታባ ኦሊዴ?» ያጊዲ ኦይቺስ።

ሺን ኣሳይ ካሴይሳፊ ኣሉዲ፥ «ማስቃሊያ ቦላ ኢያ ካቃ» ጊዲ ዋሲደሶና።

24 ኦሺ ዴንሌላፊ ሃራ ኣይቢባካ ኦላናው ዳንዳዔቶናይሳ ጲላዳሳ ቤዒዲ፥ ሃሌ ኤኪዲ፥ «ሃ ኡራ ሃይቁዋን ታኒ ዴዒስ። ሃሳ ኦሌይ ሂንቴና» ያጊዲ ኣሳ ሲንሳን ባ ኩሺያ ሜጩቲስ።

25 ኣሳ ኡባይ ዛሪዲ፥ «ኢያ ሱላ ጎሜይ ኦናኔ ኦ ናይታ ጋኮ» ያጊደሶና።

26 ያቲን፥ ጲላዳሳ ባርባና ኤንታው ቢሊዲ፥ ዩሱሳ ሊሶን ጋራፊዲ፥ ማስቃሊያ ቦላ ካቁቲዲ ሃይቃና ሜላ ኤንታው ኣሉዲ ኢሚስ።

**ዋጋዳሬቲ ዩሱሳ ቁልቁሲደሶና**

(ማር 15:16-20፤ ዮሃ 19:2-3)

27 ሃሳፊ ጉዬ፥ ጲላዳሳ ዋጋዳሬቲ ዩሱሳ ዴሪያ ሃሪይሳ ሶ ኤኪ ኤፊን፥ ዋጋዳሬቲ ኡባይ ኢያ ዩሾዋን ኤቁደሶና።

28 ኢያ ኣፊላ ቃሪ ኤኪዲ ዘዎ ኣፊላ \* ማይዚደሶና።

29 ቃሲ ኣጉሳን ካላቻ ጊሲሲዲ፥ ኢያ ሁዒን ዋሉደሶና። ኢያ ኡሻቻ ኩሺያን ማይሬ ፃምዓ ኦይሉዲ፥ ኢያ ሲንሳን ጉልባቲዲ፥ «ኣይሁዴ ካዎ፥ ሙኩሉ ላይሉ ካዎታ!» ያጊዲ፥ ኢያ ቦላ ቁልቁሲደሶና።

30 ኢያ ቦላ ጩቲደሶና፥ ሄ ማይሬ ፃምዓ ኤኪዲ፥ ኢያ ሁዒን ሸጩደሶና።

31 ኤንቲ ኢያ ቦላ ቁልቁሲዳይሳፊ ጉዬ ዘዎ ኣፊላ ኢያፔ ቃሪ ኤኪዲ፥ ኢያ ኣፊላ ኢያ ማይዚደሶና። ማስቃሊያ ቦላ ኢያ ካቃናው ኤኪ ኤፊደሶና።

27:9 ዛካ 11:12-13    27:24 ዛሬ 21:6    \* 27:28 ዘዎ ኣፊላ፡ ቤኒ ዋዴ ካዎቲ ቦላራ ማዒያ ኣፊላ።

ዬሱሳ ካቁቴላ

(ማር 15:21-32፤ ሉቃ 23:25-43፤ ዮሃ 19:17-27)

32 እንቲ ካሬ ከዩዲ፣ ኢሲ ሲሞና ጊያ ቁሬና ቢታ ኣሲ ዳሚዲ፣ ዬሱሳ ማስቃሊያ ዋልቃን ቶሲዶሶና።

33 ጎልጎታ ጊያ ቤሲ ጋኪዶሶና። «ጎልጎታ» ጉሳይ «ጉጌ ቤሲ» ጉሱ።

34 ሄሳን ኤንቲ ጨዬ ዋላኬቲዳ ዋይኔ ኡቫ ኡዮ ጊዲ ኢያው ኢሚዶሶና። ሺን ኢ ሄሳ ጋንጂ ኤኪዲ፣ ኡዮና ኢጂሲ።

35 ኤንቲ ማስቃሊያ ቦላ ኢያ ካቁዳይሳሬ ጉዬ ኢያ ኣፊላ ቫኪዲ፣ ሳማ ዩጊዲ ኤኪዶሶና።

36 ሄሳሬ ጉዬ፣ ያን ኡቲዲ ኢያ ናጊዶሶና።

37 ቃሲ፣ «ሃይሲ ኣይሁዳ ካወዋ ዬሱሳ» ያጊያ ሞቶ ፀፊያ ኢያ ሁዔ ሶን ዋሊዶሶና።

38 ዬሱሳሬ ሄ ዋዳ ናሞዑ ፓንጋታ ኢሱዋ ኢያፕ ኡቫቻ ባጋን፣ ሃንኩዋ ኢያፕ ሃዲርሳ ባጋሬ፣ ማስቃሊያ ቦላ ካቁዶሶና።

39 ኦጊያራ ኣጂያ ኣሳይ ዬሱሳ ቦሪዲ፣ ኢያ ቦላ ጩቲሼ፣

40 «ዶሳ ኪላ ላላዳ ሄቹ ጋላሳ ጊዶን ከፃይሶ፣ ኔና ኣቫ። ኔጊ ዶሳ ናዓ ጊዲኩ፣ ኣኔ ማስቃሊያ ቦላሬ ዋጃ» ያጊዶሶና።

41 ሄሳዳካ፣ ካሂኔ ሃላቃቲ፣ ሂጌ ኣስታማሬቲኔ ቢታ ጩማቲ ኢሲሬ ዬሱሳ ቦላ ቁልቁሲዶሶና። ሃይሳዳ ያጊዶሶና።

42 «ሃራታ ኣሺሰ፣ ሺን ባና ኣቫናው ዳንዳዒቤና። ኢ ኢሰራዔል ካዋ ጊዲኩ፣ ኣኔ ማስቃሊያ ቦላሬ ሃዒ ዋጃ፣ ኦካ ኢያ ኣማናና።

43 ዶሳን ኢ ኣማኔቴሰ፣ ዶሳይ ኢያ ኣቫናው ኮይኮ ኣኔ ኣቮ። ኣይሰ ጊኮ፣ ኢ ባና፣ ታጊ ዶሳ ናዓ ጌሰ» ያጊዶሶና።

44 ቃሲ ሃሪ ኣቶሺን፣ ኢያራ ማስቃሊያ ቦላ ካቁቲዳ ፓንጋቲካ ሄሳዳ ጊዲ ኢያ ቦላ ቁልቁሲዶሶና።

ዬሱሳ ሃይቋዋ

(ማር 15:33-41፤ ሉቃ 23:44-49፤ ዮሃ 19:28-30)

45 ኡሱፑን ሳቲፕ ቤዲ፣ ኡዲፋን ሳቲ ጋካናው ቢታ ኡባይ ጁሚሰ።

46 ኡዲፋን ሳቲ ጊዲያ ዋዳ ዬሱሲ፣ «ኡሎሂ፣ ኡሎሂ፣ ሳማ ሳባቂታን?» ጊዲ ጊታ ዋሶ ዋሲሰ። «ኡሎሂ፣ ኡሎሂ፣ ሳማ ሳባቂታን?» ጌይሳ ቢርሼላይ «ታ ዶሳው፣ ታ ዶሳው፣ ታና ኣይሰ ኣጋዲ?» ጉሱ።

47 ሄሳን ኤቁዳ ኣሳቴ ኢሶቲ ኢሶቲ ሄሳ ሲዒዲ፣ «ሃ ኡራይ ኤሊያሳ ፃጌሰ» ያጊዶሶና።

48 ኢራ ኤንታሬ ኢሶይ ዋዳ ቤዲ፣ ኢሰፖንጅ ኤኪዲ፣ ጫላ ዋይኔ ኡቫ ኩንላሰ። ሄሳ ማይሬ ፃሞዓ ፃራን ዋሊዲ ኡቫናው ኢያ ዶናኮ ሺሺሰ።

49 ሺን ሃንኮቲ፣ «ናጋ፣ ኤሊያሲ ኢያ ኣቫናው ያኔኮ ኣኔ ቤዶሰ» ያጊዶሶና።

50 ዬሱሲ ናሞዓንሶ ጊታ ዋሶ ዋሲዲ፣ ሃይቁ ኣገሰ።

51 ሄ ሳቲን ዶሳ ኩላን ካቁቲዳ ማጋራጅይ ቆሞሬ ዲጌ ጋካናው ናሞዑ ከዩዲ፣ ፔዲቲ ዋጂሰ። ቢታይ ቃዲሰ፣ ዛላይካ ጸልቁቲሰ።

52 ዲፎቲ ዶዬቲን ዶሳ ኣሳታፕ ዳርቲ ሃይቆፕ ዳንዲዶሶና።

53 ኤንቲ ዲፎፕ ከዩዲ፣ ዬሱሲ ሃይቆፕ ዳንዲዳይሳሬ ጉዬ ጌቫ ካታማ ቢዶሶና፤ ያን ኤንቲ ዳር ኣሳሰ ቤንቲዶሶና።

54 ማቶ ሃላቃይኔ ኢያራ ዬሱሳ ናጊያ ዋታዳሬቲ ቢታይ ቃዲዳይሳኔ ሄሳን ሃጊዳባ ቤዒዳ ዋዳ ዳር ያዩዲ «ቱማ ሃይሲ ዶሳ ናዓ» ያጊዶሶና።

55 ሄሳን ዳር ማጫሳቲ፣ ጋለላፕ ዶሚዲ ዬሱሳ ሃጋዚሼ ካሊዳይሳቲ ሃሆን ኤቁዳ ፃሎሶና።

56 ኤንታ ጊዶን ማግደላ ማይራማ፣ † ያይቆባኔ ዮሴፋ ኣያ ማይራማኔ ዛብዲዮሳ ማቺያ ዴዶሶና።

ዬሱሳ ሞጌቲላ

(ማር 15:42-47፤ ሉቃ 23:50-56፤ ዮሃ 19:38-42)

57 ሳዓይ ኦማርሲያ ዋዳ ዮሴፋ ጊያ ኢሲ ዱሬ ኡራይ፣ ኣርማቲያሳ ካታማፕ ዩሰ። ኢ ባ ሁዒንካ ዬሱሳ ካሊያ ኣሲ።

58 ዮሴሬ ጲላዶሳኮ ቢዲ፣ ዬሱሳ ኣሃ ኤካናው ዋሲሰ። ጲላዶሲ ኣሃይ ዮሴፋሰ ኢሚታና ማላ ኪቲሰ።

59 ዬሱሳ ኣሃ ኤኪዲ፣ ጌቫ ሞሳ ኣፊላን ፃዲሰ።

27:34 ማገ 69:21    27:35 ማገ 22:18    27:39 ማገ 22:7፤ 109:25    27:40 ማቶ 26:61፤ ዮሃ 2:19  
27:43 ማገ 22:8    27:46 ማገ 22:1    27:48 ማገ 69:21    27:51 ኪሳ 26:31    27:55 ሉቃ 8:2-3  
† 27:56 ማግደላ ማይራማ፣ ጉሳይ ማግደላ ካታማፕ ዩዳ ማይራማ ጉሱ።

- 60 ባው ሞገታናው ሹቻፌ ዋጪዳ ኦራላ ጎንጎሎን እያ እሃ ዋሊስ። ቃሲ ሄ ጎንጎሎዋ ደናን ገታ ሹቻ ጎንደርሲ ዋሊዳ እጊ ቢስ።
- 61 ማግደላ ማይራማኔ ሃንኮ ማይራማ ሄ ጎንጎሎዋኮ ሲሚዳ ኡቲደሶና።
- 62 ዋንቴሌ ሳምባታ ጋላስ፡ ካሂኔ ሃላቃቲኔ ፋሪሳዌቲ ጸሊዎሳኮ ዪዳ፡ ሃይሳዳ ያጊደሶና።
- 63 «ጎዳው፡ ሃ ዋርዳንቸይ ፓፃ ዳዒሼ፡ ታኒ ሄቹ ጋላሳፕ ጉዬ ሃይቆፔ ዳንዳና፡ ያጊዳይሲ ኦስ ሃሳዬቲስ።
- 64 ሃሳ ጊሹ፡ ኢ ሞገቲዳ ጎንጎሎዋ ሄቹ ጋላስ ጋካናው፡ ሚንሌ ናጋና ሚላ ኪታርኪ። ሄሲ ሃናና ኢዳኮ፡ እያ ታማራቲ ቢዳ እያ ካይሲ ቆይሲዳ፡ ሃይቆፔ ዳንዲስ፡ ያጊዳ ኣሳስ ኦዲኮ ናምባንላ ባሌሶይ ኮይርይሳፌ ኡባ ሃ ኢታና» ያጊደሶና።
- 65 ጸሊዎስ ኤንታኮ፡ «ሂንቴው ናጊይሳቲ ዳዎሶና፤ ቢዳ ሂንቴው ዳንዳዒቲዳ ሚላ ናጊሲቲ» ያጊሰ።
- 66 ሃሳ ጊሹ፡ ኤንቲ ቢዳ ዱፎይ ቦሼቶና ሚላ ሹቻ ቦላ ማታሚ ዋሊዳ ዋታዳሬታን ናጊሲደሶና።

## 28

ዬሱሳ ሃይቆፔ ዳንዲዋ  
(ማር 16:1-10፤ ሉቃ 24:1-12፤ ዮሃ 20:1-10)

- 1 ሳምባቲ ኣቋን ዋጋ ዋዴ ዋንታ ጉራ፡ ማግደላ ማይራማኔ ሃንኮ ማይራማ ዬሱሲ ሞገቲዳ ጎንጎሎዋ ቤዳናው ቢደሶና።
- 2 ቆፖና ዋልቃማ ቢታ ቃይይ ሃሲስ። ጎዳ ኪታንቸይ ሳሎፔ ዋቋዲ ዲፋዋ ደናን ዳዒያ ሹቻ ጎንደርሲዳ እያ ቦላ ኡቲስ።
- 3 እያ ማላይ ዋልባንሌ ዳኔስ። እያ ማይይካ ሻቻዳ ቦላ።
- 4 ናጊይሳቲ ኪታንቸዋ ቤዳዳ፡ ያሻን ኮኮሪዳ፡ ሃይቆዳ ኣሳዳ ሃጊደሶና።
- 5 ኪታንቸይ ማጫሳታኮ፡ «ሂንቴ ማስቃሊያ ቦላ ካቁቲዳ ዬሱሳ ኮይይሳ ታኒ ኤሪያ ጊሻ ያዎፊቲ።
- 6 ኢ ካሲ ኦዲዳይሳ ሚላ ሃይቆፔ ዳንዲስ፤ ሃይሳን ዳና። ሃ ዪዳ እያ ዘንዒሲዳ ቤሳ ቤዳቲ።
- 7 ሂንቴ ሃዒ ኤሊስ ቢዳ፡ እያ ታማራታስ፡ «ዬሱሲ ሃይቆፔ ዳንዲስ። ቃሲ ኢ ሂንቴፌ ሲንሳቲዳ ጋሊላ ባና፤ ሂንቴ እያ ያን ቤዳና፡ ያጊዳ ኦዲቲ። ታኒ ሂንቴው ሃይሳ ኦዳናው ያስ» ያጊሰ።
- 8 ኤንቲ ያዩሼኔ ዳር ኡፋይቲሹ፡ ዲፋዋ ማታፔ ኤሊሲዳ ቢዳ፡ እያ ታማራታስ ኦዳናው ዋዲደሶና።
- 9 ቆፖና ዬሱሲ ኤንታራ ጋሂቲዳ ኤንታኮ፡ «ሳርይ ሂንቴው ጊደ» ያጊሰ። ኤንቲ ኢያኮ ሸቁዳ፡ እያ ቶሁዋ ኦይኪዳ እያው ጎይኒደሶና።
- 10 ሄ ዋዴ ዬሱሲ ኤንታኮ፡ «ያዎፊቲ፤ ቢዳ ታ ታማራቲ ጋሊላ ባና ሚላ ኤንታው ኦዲቲ። ኤንቲ ያን ታና ቤዳና» ያጊሰ።
- 11 ሄ ማጫሳቲ ቢሻን፡ ዲፋዋ ናጊያ ዋታዳሬታፔ ባጋቲ ካታማ ቢዳ፡ ሃኒዳባ ኡባ ካሂኔ ሃላቃታስ ኦዲደሶና።
- 12 ካሂኔ ሃላቃቲኔ ጠማቲ ሸቁዳ ዘራቲዳ፡ ዋታዳሬታስ ዳር ሚሹ እሚዳ፡
- 13 « ኮኒ ቋሲኪዳሽን እያ ታማራቲ ቃማ ዪዳ፡ እያ እሃ ካይሲደሶና፡ ያጊቲ።
- 14 ሃ ኦዳ ዳሪያ ሃራይሲ ሲዳኮ፡ ሄሲ ሂንቴ ባላ ጊደናይሳ ኮኒ እያ ኦዲ ኣማካፋና። ሂንቴና ኣይቢካ ሂርጊሶፖ» ያጊደሶና።
- 15 ዋታዳሬቲ ሚሹያ ኤኪዳ፡ ኪቲቲዳይሳዳ ኦሊደሶና። ሃ ኦዳይ ኣይሁዴ ማታን ሃቺ ጋካናው ኦዲቲሹ ዳዒሰ።

ዬሱሲ ባ ታማራታስ ቆንጪሰ  
(ማር 16:14-18፤ ሉቃ 24:36-49፤ ዮሃ 20:19-23፤ ሃ.ኦ 1:6-8፤ 1ቆር 15:3-8)

- 16 ታማኔ ኢሲ እያ ታማራቲ ዬሱሲ ባንታና ቢቲ ጊዳ ጋሊላ ዳሪያ ቦላ ቢደሶና።
- 17 ያን ኤንቲ እያ ቤዳዳ ዋዴ እያው ጎይኒደሶና፡ ሽን ኤንታፌ ኢሶቲ ኢሶቲ ሲቋደሶና።
- 18 ዬሱሲ ኤንታኮ ሸቁዳ፡ «ሳሎኒኔ ሳዓን ማፕ ኡባይ ታው እሚቲስ።
- 19 ሂዛ፡ ሂንቴ ኡባ ቤሲ ቢዳ፡ ኣዋ፡ ናዓ፡ ጌሻ ኣያና ሱንሳን ኣሲ ኡባ ፃማቁዳ ታና ካሊይሳታ ኦሊቲ።
- 20 ታኒ ሂንቴና ኪቲዳባ ኡባ ኤንቲ ናጋና ሚላ ኤንታ ታማርሲቲ። ታኒ ዋዲያ ሠርሴላ ጋካናው ኡባ ዋዴ ሂንቴራ ዳዒሰ» ያጊሰ።

# ማርቆስ ዓፊዳ ዩሱፍ ኪሪስቶስ ዋንጌላ ጋላ ቆፋ

ማርቆስ ዋንጌላይ፡ «ሃይሲ ያሳ ናዓ ዩሱስ ኪሪስቶስ ዋንጌላ ደሜላ» ጊሼ ኮይር ደሜስ፡ ሃ ዋንጌላን ዩሱስ ኦሶ ኣሰኔ ማታ ኣዋ ጊዲዲ ሸቁስ፡ ኢያ ማታይ ኢያ ተሚርቲያን፡ ቱና ኣያና ቦላ ዲዒያ ዋልቃኒኔ ኣሳ ናጋራፔ ማሬይሳን ቆንጨስ፡ ዩሱስ፡ «ታኒ፡ ኣሳ ናጋራ ኣይሌቴሳፌ ኬሳናው ታ ደዑዋ ኣላዳ ኢማናው ዩዳ ኣሳ ናዓ» ያጊዲ ባ ደናን ሃሳዩስ፡

ማርቆስ ዩሱፍ ታሪኪያ ሱራ ኦፔኒኔ ዋልቁ ኩሚዳ ኦፔን ኦዲስ፡ ማርቆስ ዩሱፍ ቃላኔ ተሚርቲያ ጊደናሽን ኢ ኦሲዳ ማላሊሲያ ኦሶታ ባይራዩዲ ኦዴስ፡ ማርቆስ ዓማቂያ ዮሃንሳ ታሪኪያ፡ ዩሱፍ ዪንቃቴያኔ ኢያ ፓጩቴላ ቃንሳን ኦዲ ሲሚዲ፡ ዩሱፍ ተሚርቲያኔ ኢያ ፓሱዋ ዳልጊሲዲ ኦዴስ፡ ኣቁ ኣቁ ቢሽን ዩሱፍ ታሚራቲ ዩሱፍ ሎይሊዲ ኤሪ ኤሪ ቢደሶና፡ ሽን ዩሱፍ ኣይይሳቲ ኣሊዲ ኢዲሼ ኢዲሼ ቢደሶና፡ ዉርሴላ ሽዎፖቲ ዩሱፍ ዴዎን ዉርሴላ ሳሚንታን ፖሌቴዳ ኦሶታ ባ ኦደሶና፡ ሄሳቲካ ኢያ ካቁቴሳኔ ኢያ ዴንዲዋባ ኦደሶና፡

## ማርቆስ ዋንጌላ ኣይፌ ቆፋታ

ዋንጌላ ደሜላ 1:1-13

ዩሱስ ጋለላን ባ ኦሱዋ ኦይኪዳይሳ 1:14-9:50

ዩሱስ ዩሩሳላሚን ኦሊዳ ኦሱዋ 10:1-52

ዉርሴላ ሳሚንታ ዩሩሳላሚ ሄራን 11:1-15:47

ዩሱፍ ሃይቆፔ ዴንዲዋ 16:1-8

ሃይቆፔ ዴንዲዳ ጎዳ ቆንጨቴሳኔ ሳሎ ኬሳ 16:9-20

ዓማቂያ ዮሃንሲ ኦፔ ጊሊሴሰ

(ማቶ 3:1-12፤ ሉቃ 3:1-18፤ ዮሃ 1:19-28)

1 ሃይሲ ያሳ ናዓ ዩሱስ ኪሪስቶስ ዋንጌላ ደሜላ፡

2 ናቢያ ኢሳያሲ ዓፊዳ ማዓፋን ያሳይ፡

«ሂኮ፡ ታኒ ታ ከታንቸዋ

ኔፔ ሲገሌ ዩዳና፡

ኢ ኔ ኦጊያ ጊሊሳና፡

3 ኢሶይ ባዞ ጊደን ባ ቃላ ጶቁ ኦሊዲ፡

ሳዳ ኦጊያ ጊሊሳቲ፤

ኢ ሃሙታና ሆርጋ

ኢያው ሱሪሰቲ ጊስ »

ያጌስ፡

4 ዓማቂያ ዮሃንሲ ኣሳ ዓማቂሼ፡ «ሂንቲ ናጋራፔ ሲሚዲ ዓማቂቲቲ፤ ያሳይ ሂንቲ ናጋራ ኣቶ ጋና» ያጊዲ ቃላ ኦዲሼ ባዞ ቢታፊ ዩስ፡

5 ዩሁዳ ቢታን ዴዒያ ኣሳይ ኡባይኔ ዩሩሳላሚ ካታማ ኣሳ ኡባይ ዮሃንሳኮ ዮሶና፡ ባንታ ናጋራ ፓዲን፡ ዮሃንሲ ኤንታ ዮርዳኖሴ ሻፋን ዓማቂስ፡

6 ዮሃንሲ ገማሌ ኢኪሴፔ ዳዳቲዳ ኣፊላ ማዕስ፡ ባ ዪሳን ዳፎ ዳንጨሱ፤ ቃሲ ቦሊኔ ዳጌራ ኤሲ ሜስ፡

7 ዮሃንሲ ቃላ ኦዲሼ፡ «ታፔ ጉዩራ ዳር ሚኔይሲ ዩስ፡ ሃሪ ኣቶሽን፡ ታኒ ኢያ ጫማ ዋደሩዋ ሆካዳ ቢላናው ቤሲኪ፡፡

8 ታኒ ሂንቲና ሃሳን ዓማቂይስ፡ ሽን ኢ ሂንቲና ጌሻ ኣያናን ዓማቃና» ያጊስ፡

ዩሱፍ ፓጩቴላ

(ማቶ 3:13-17፤ 4:1-11፤ ሉቃ 3:21-22፤ 4:1-13)

9 ዩሱስ ሄ ዋዴ ጋለላ ቢታን ዴዒያ ናዚሬቲ ካታማፔ ዩን፡ ዮሃንሲ ዮርዳኖሴ ሻፋን ኢያ ዓማቂስ፡

10 ዩሱስ ሃላፊ ኬያ ዋዴ ሳሎይ ደዩቲን፡ ጌሻ ኣያናይ ባ ቦላ ሆሊዳ ዋዲሽን ቢዒስ፡

11 ቃሲ ሳሎፔ፡ «ታኒ ደሲያ ታ ናዓይ ኔና፤ ታ ኔናን ኡፋይታይስ» ያጊያ ቃላይ ዩስ፡

12 ኢራ ጌሻ ኣያናይ ዩሱፍ ባዞ ቢታ ኤፊስ፡

13 ዬሱሲ ባዞ ቢታገ 9ላሄን ፓጩተሼ ኦይታሙ ጋላስ ጋምዒስ። ደባታራ ዳዒስ፣ ሽን ከታገኞቲ ዩዲ ኢያ ማዲዶሶና።

ዮሱሲ ሞሎ ኦይኪያ ኦይዲ አሳታ ያገሰ

(ማቶ 4:12-22፤ ሉቃ 4:14-15፤ 5:1-11)

14 የዮሂሲ ቃሹተዳፔ ጉዬ ዮሱሲ ያሳ ካዋቴላ ዋንጌላ ኦዲሼ ጋለላ ቢታ ቢስ።

15 ያን፣ «ዋዴይ ጋስሲ፤ ያሳ ካዋቴላይ ማታተስ። ሂንቱ ናጋራፔ ሲሚዲ፣ ዋንጌላን አማኒቱ» ያገሰ።

16 ዮሱሲ ጋለላ አባ ማታራ ኣጲሼ፣ ሞሎ ኦይኪያ፣ ሲሞና ኢያ አሻ ኢንዲሪያሳ፣ ባንታ ጊቲያ አባን ዩጌይሳታ ቤዒስ።

17 ኤንታታ፣ «ታና ካለቱ፤ ታኒ ሂንቱና አሴ ኦይሉ ታማርሳና» ያገሰ።

18 ኤንቲ ሶሁዋራ ባንታ ጊቲያ ዩጌ ኣጊዲ ዮሱሳ ካሊዶሶና።

19 ዮሱሲ ጉላ ሲንሌ ቢዲ፣ ናምዑ አሻታ ዛብዲዮሳ ናይታ፣ ያይቆባኔ ዮሃኒሳ ዋጎሉዋ ጊዶን ባንታ ጊቲያ ገሊሴይሳታ ቤዒስ።

20 ኢ ኤንታ ቤዒዳ ሚላ ያገሰ። ኤንቲ ባንታ አዋ ዛብዲዮሳ፣ ኢያ ኦሳንኞታራ ዋጎሉዋ ጊዶን ዩጌ ኣጊዲ ዮሱሳ ካሊዲ ቢዶሶና።

ቱና ኣያናይ ኦይኪዳ ኡራይ ፓዲስ

(ሉቃ 4:31-37)

21 ኤንቲ ቁፊርናሆሚ ካታማ ጌሊዶሶና። ሳምባቲ ጌሊዳ ሚላ ዮሱሲ ኤሌሲዲ ኣይሁዴ ዋሳ ከላ ጌሊዲ ታማርሶ ኦይኪስ።

22 ማታራ ዳዒያ አሳዳ ታማርሶቤፔ ኣቲን ሂጌ ኣስታሚጋታ ታማርሶና ጊሾ አሳይ ኢያ ቲሚርቲያን ማላሊቲዶሶና።

23 ሂ ዋዴ ቱና ኣያናይ ኦይኪዳ ኢሲ ኡራይ ኣይሁዴ ዋሳ ከላ ጌሊዲ ባ ቃላ ቶቁ ኦላዲ፣

24 «ናዘሬቲ ዮሱሳ፣ ኔኒ ኑፔ ኣይ ኮያይ? ኑና ቆይሳናው ያዲ? ኔኒ ኣኔኮ ታ ኤራይስ፤ ኔኒ ያሳ ጌሻ ጊዲኪ?» ያገሰ።

25 ዮሱሲ ሂ ቱና ኣያና፣ «ሃይዛ፣ ሃ አዲያፌ ከያ» ጊዲ ከቲስ።

26 ቱና ኣያናይ ኡራ ዳፌሬላዲ፣ ዋሲዲ ኢያፔ ከዩስ።

27 «ናዘሬቲ ዮሱሳ፣ ኔኒ ኡራይ ሃ ኡራይ ባ ማታን ሃሪ ኣቶሽን ቱና ኣያናታካ ከቲስ። ኤንቲ ኢያው ከቲቶሶና፤ ሃይሲ ኣይቤ ኦራላ ቲሚርቲ?» ጊዲ፣ ባንታ ጊዶን ኢሶይ ኢሱዋ ኦይቹዶሶና።

28 ዮሱሳ ሰንሳይ ኤሌሲዲ ጋለላ ቢታገ ዳዒያ ሄራ ኡባን ከዩስ።

ዮሱሲ ዳር ሃርጋንኞታ ፓላስ

(ማቶ 8:14-17፤ ሉቃ 4:38-41)

29 ዮሱሲ ኣይሁዴ ዋሳ ከላፌ ከዩዲ፣ ያይቆባራኔ ዮሃኒሳራ ሲሞና ሶኔ ኢንዲሪያሳ ሶ ቢስ።

30 ሲሞና ማቹ ኣያ ቆዎ ሚሻ ሃርጋዳ ዘንዒዳር ዮሱሲ ያ ጋኪያ ዋዴ ኢያው ኦዲዶሶና።

31 ኢ ኢኮ ሸቁዲ፣ ኢ ኩሺያ ኦይኪዲ፣ ኢዮ ዳንላ ኤሲስ። ቆይይ ኚሻይ ኣገን ኢያ ኤንታ ሞካስ።

32 ሃርጊዳ አሳ ኡባኔ ቱና ኣያናቲ ኦይኪዳ አሳ ኡባ ኦማርሲ አዋይ ዉሊዳፔ ጉዬ ኢያኮ ኤሂዶሶና።

33 ካታማን ዳዒያ አሳ ኡባይ ሂ ከላ ካሬ ሸቁዶሶና።

34 ዮሱሲ ዲማ ዲማ ሃርጊን ኦይከቲዳ ዳር አሳ ፓላዲ፣ ዳር ቱና ኣያናታ ከሲስ። ኢ ኣኔኮ ቱና ኣያናቲ ኤራዳ ጊሾ ኤንታ ኦዲሶና ዲጊስ።

ዮሱሲ ጋለላን ታማርሲስ

(ሉቃ 4:42-44)

35 ዮሱሲ ዋንታ ጉራ ዳንዲዲ፣ ኣሲ ባይና ቤሲ ቢዲ፣ ያን ያሳ ዋሲስ።

36 ሲሞኒ ኢያራ ዳዒይሳቲ ኢያ ኮዩሼ ቢዶሶና።

37 ኤንቲ ኢያ ዳሚዲ፣ «አሳይ ኡባይ ኔና ኮዩስ» ያገደሶና።

38 ዮሱሲ ቃሲ ኤንታ፣ «ሂ ሄራን ዳዒያ ሃራ ካታማታ ዩጲቲ። ታኒ ዩዳይ ዋንጌላ ኦዳናው ጊዲያ ጊሾ ያንካ ቃላ ኦዳናው ቤሲስ» ያገሰ።

39 ኣይሁዴ ዋሳ ከላታን ቃላ ኦዲሼኔ ቱና ኣያናታ ከሲሼ፣ ጋለላ ቢታ ኡባን ዩዩስ።

ዮሱሲ ባር ሃርጋንኞታ ፓላስ

(ማቶ 8:1-4፤ ሉቃ 5:12-17)

- 40 ባርይ እይኪዳ አሲ ኡራይ ዩሱሳኮ ዩዲ፣ ኢያ ሲንላን ጉልባተዲ፣ «ኔኒ ኮይኮ ታና ጌሻናው ዳንዳዓሳ» ያጊዲ ዋሲስ።
- 41 ዩሱሱ ኢያው ቃጵቲዲ፣ ባ ኩሺያ ዩዲዲ ኢያ ቦቹዲ፣ «ታኒ ኮያይስ፣ ጌያ» ያጊስ።
- 42 ሰሁዋራ ባርይ ኡራ ዩዲን ኡራይ ፓሂስ።
- 43 ዩሱሱ ኡራ ሚንላ ሩጊሲዲ ኬሲ ዩዲስ።
- 44 ዩሱሱ ኢያ፣ «ኔና ኡራ፣ ሃይሳ ኦዴስካ ኦዴፓ። ሺን ባዳ ኔ አሳቴላ ካሂኔ ቤሳ። ኔኒ ሃዲ ጌሺ ጊዲዳይሳ አሳ ኡራሳናው፣ ሙሴይ ከቲዳ ያርሹዋ ያርሻ» ያጊስ።
- 45 ሺን ኡራይ ቤዲ፣ ጉታ ኡባን አሳ ኡባስ ኦዲስ። ሃሳ ጊቮ፣ ዩሱሱ ቆንጩ ከዩዲ፣ ካታማ ጌላናው ዳንዳዓቤና። ሺን አሲ ባይናሶን ጋግን ዳዒሲ፤ ቃሲ አሳይ ኡባ ቤሳፊ ኢያኮ ዮሶና።

## 2

ዩሱሱ ጉንዳ ኡራ ፓላስ  
(ማቶ 9:1-8፤ ሉቃ 5:17-26)

- 1 ጉላ ጋላሳፔ ጉዩ ዩሱሱ ቂፊርናሆሜ ሲሚዲ፣ ሶን ዳዔስ ጊያ ኦዳይ ሲዒቲስ።
- 2 አሳ ከላይ ኤኮና ኢሂን፣ ሃሪ አቶሺን ካሪይካ ፀ-ማና ጋካናው ዳር አሳይ ሺቂን፣ ዩሱሱ ቃላ ታማርሲስ።
- 3 እይዲ አሳቲ አሲ ጉንዳ ኡራ ቶኪዲ ኢያኮ ኤሂደሶና።
- 4 አሳይ ዳሪዳ ጊቮ ኡራ ዩሱሳኮ ሺሻናው ኤንታው ዳንዳዔቶና ኢሂን፣ ዩሱሱ ዳዒያ ጊናራ ከላ ቃሪዲ፣ ካራ ቃወዲዲ ኡራ ኢ ዘንዒዳ አልጋራ ዳጌ ዩዲዲ ዩሱሳ ሲንላን ዋጂሲደሶና።
- 5 ዩሱሱ ኤንታ አማኑዋ ቤዒዲ፣ ሂ ጉንዳ ኡራ፣ «ታ ናወው፣ ኔ ናጋራይ አቶ ጌቲቲስ» ያጊስ።
- 6 ሂኒ አስታማሪታፔ ሂ ቤሳን ኡቲዳ አሶቲ ባንታ ዋዛናን።
- 7 «ላ ሃ ኡራይ ሃይሳ ማላ ኢታባ ዮሳ ቦላ አይስ ኦዴቲ? ዮሳ ዓላላፔ አቲን ሃሪ ኦኒ ናጋራ አቶ ጋናው ዳንዳዒ?» ጊዲ ቆፒደሶና።
- 8 ኤንቲ ባንታ ዋዛናን ሃሳዳ ቆፒዳይሳ ዩሱሱ ሰሁዋራ ባ አያናን ኡራዲ፣ ኤንታኮ፣ «ሂንቲ ሂንቲ ዋዛናን አይስ ሃሳዳ ቆፒቲ?»
- 9 ጉንዳ ኡራ፣ «ኔ ናጋራይ አቶ ጌቲቲስ» ጌይሲ ማቲዬ? ዋይኮ፣ «ዳንዳ ኤቃዳ ኔ አልጋ ቶካዳ ባ» ጌይሲ ማቲ።
- 10 ሺን ታው፣ አሳ ናሳስ፣ ሳዓ ቦላ ናጋራ አቶ ጋናው ማቲ ዳዒይሳ ሂንቲ ኡራና ማላ» ጊዲ ሂ ጉንዳ ኡራኮ።
- 11 «ኔና ጋይስ፣ ዳንዳ ኤቃዳ ኔ አልጋ ቶካዳ ኔ ሶ ባ» ያጊስ።
- 12 ኡራይ ኤሌሲ ዳንዲ ኤቂዲ፣ ባ አልጋ ቶኪዲ አሳ ኡባይ ቤዒሺን ቤስ። አሳይ ኡባይ ማላላቲዲ፣ «ኔኒ ሃይሳ ማላ ማላሊሲያባ ቤዒ ኤርኮ» ያጊዲ ዮሳ ጋላቲደሶና።

ዩሱሳ ለዌ ፃጊስ  
(ማቶ 9:9-13፤ ሉቃ 5:27-32)

- 13 ዩሱሱ ቃሲ ጋለላ አባ ዳና ሲሚ ቤዲ፣ ባኮ ዩዳ አሳ ኡባ ታማርሲስ።
- 14 ያራ አጂሹ፣ ኢልፊዮሳ ናዓ ለዌ ጌቲቲይሲ ቃራዓ ቃንፂሲያ ቤሳን ኡቲዳይሳ ቤዒዲ፣ «ታና ካላ» ያጊስ። ለዌይ ዳንዲ ኤቂዲ ኢያ ካሊስ።
- 15 ዩሱሱ ካላ ማናው ለዌ ሶን ኡቲስ። ኢያ ካሊያ አሳይ ዳር ጊዲያ ጊቮ ቃራዓ ቃንፂሲያ ዳር አሳይኔ ናጋራንቸቲ ኢያራኔ ኢያ ታማሪታራ ኢሲፊ ኡቲደሶና።
- 16 ሂኒ አስታማሪ ጊዲዳ አሲ አሲ ፋሪሳዌቲ ዩሱሱ ናጋራንቸታራኔ ቃራዓ ቃንፂሲይሳታራ ካላ ሚሺን ቤዒዲ፣ «ኢ አይስ ናጋራንቸታራኔ ቃራዓ ቃንፂሲይሳታራ ካላ ሚ?» ያጊዲ፣ ኢያ ታማሪታ ኦይቸደሶና።
- 17 ዩሱሱ ኤንቲ ጌይሳ ሲዒዲ፣ «ሃርጋንቸታፔ አቲን ፓዓታስ አከሜ ኮሸና። ታኒ ናጋራንቸታ ጃጋናው ያሲፔ አቲን ጃራታ ጃጋናው ያሲኬ» ያጊዲ ኤንታው ዛሪስ።

የማባ ኤራናው ሸቂዳ ኦይሻ  
(ማቶ 9:14-17፤ ሉቃ 5:33-39)

- 18 የማቂያ ዮሃንሳ ታማራቲኔ ፋሪሳዌቲ የሞሶና፣ አሲ አሲ አሳቲ ዩሱሳኮ ዩዲ፣ «ዮሃንሳ ታማራቲኔ ፋሪሳዌታ ታማራቲ የሞሶና፣ ሺን ኔ ታማራቲ አይስ የሞኮና?» ያጊደሶና።
- 19 ዩሱሱ ኤንታኮ፣ «ያጋኑዋ ዩዳ አሳቲ ማቸው ኤኬይሲ ኤንታራ ዳዒሺን፣ የማናው ዳንዳዮና? ማቸው ኤኬይሲ ኤንታራ ዳዒሺን፣ የማናው ዳንዳዮኮና።
- 20 ሺን ማቸው ኤኬይሲ ኤንታ ማታፔ ኤኬታና ዋዳይ ያና፣ ኤንቲ ሃ ዋዳ የማና።



21 «ጩታ ማዎ ቦላ ኦራላ ዋሊዲ ሲኪያ አሲ ባዋ። ዋሊዲ ሲኪኮ፣ ኦራላይ ጩታ ማዎ-ዋ ዳኬሰ፤ ዳኬላይካ ካሲይሳፌ ዳሪሰ።

22 ቃሲ ማልዓንቶ ዋይኔ ጩታ ኦሳርገን ቆሊያ አሲ ባዋ። ሺን ቆሊኮ፣ ሄ ዋይኔይ ኦሳርገን ዳኬሰ፣ ባወካ ጉኬሰ፣ ኦሳርገይካ አቲሰ። ሺን ማልዓንቶ ዋይኔይ ኦራላ ኦሳርገን ቆሊቲሰ። ያጊሰ።

ሳምባታባ ኤራናው ሸቂዳ ኦይሻ

(ማቶ 12:1-8፤ ሉቃ 6:1-5)

23 ዩሱሲ አሲ ሳምባታ ጋላሰ ባገገ ጋዴ ጊዶራ አጂሺን፣ ኢያ ታማራቲ ኢያራ ቢሼ ባገገ ቲያ ሸርኪዲ ሞሶና።

24 ፋሪሳዊቲ ዩሱሳኮ፣ «ሄኮ፣ ኔ ታማራቲ ሳምባታ ጋላሰ ዋጋ ጊዶናባ አይሰ ኦሶና?» ያጊደሶና።

25 ዩሱሲ አንታኮ፣ «ዳዊቲይ ኮሻቲዲ፣ ሚያባ ኮዪዳ ዋዴ ባራ ዴዔይሳታራ ኦሊዲይሳ ናባቢቤኬቲ?

26 አቢያታሪ ካሂኔ ሃላቃ ጊዲዲ ዴዓያ ዋዴ ዳዊቲይ ያሳ ኬሊ ጌሊዲ፣ ካሂኔታ ፃላሊ ማናፕ አቲን ኦኒካ ማናው ዋጋ ጊዶናይሳ ጎዳ ሲንሳን ዋሊዳ ዳቡዋ ሚሰ፣ ባራ ዴዔይሰታሰካ ኢሚሰ። ያጊሰ።

27 ቃሲካ ዩሱሲ አንታኮ፣ «ሳምባቲ አሳ ናዓ ጎዓሰ ሜዴቲሲፕ አቲን አሲ ሳምባታሰ ሜዴቲቤና።

28 ሄሳ ጊሾ፣ አሳ ናዓይ፣ ሃሪ አቶሺን ሳምባታሰካ ጎዳ» ያጊሰ።

### 3

ዩሱሲ ኩሽ ጉንዳ ኡራ ፓሊሰ

(ማቶ 12:9-14፤ ሉቃ 6:6-11)

1 ዩሱሲ አይሁዴ ዋሳ ኬሊ ሲሚ ጌሊሰ። ያን ኩሼይ ጉንዲዳ አሲ ኡራይ ዴዔሰ።

2 አሲ አሲ አሳይ ዩሱሳ ሞታናው ኮዪዲ፣ ኩሼይ ጉንዲዳ ኡራ ሳምባታ ጋላሰ ኢ ፓሊኮኔ አገኮ ቤዓናው ኮዪዲ ሚንሊዲ ናሳሶና።

3 ዩሱሲ ኩሼይ ጉንዲዳ ኡራ፣ «ዴንዳ ኤቃዳ ሃ ሲንሌ ያ» ያጊሰ።

4 ሃሳፊ ገዬ፣ አሳኮ፣ «ሳምባታ ጋላሰ ሎዎባ ኦሌይሲ ዋገዬ ኢታባ ኦሌይሲ ዋገ? አሳ ሸምፖ አሾዬ ዋይኮ ዋዶ?» ያጊዲ ኦይቺሰ።

ሺን አሳይ ሲዒ ጊሰ።

5 ዩሱሲ ሃንቁቲዲ፣ አንታ ዩሺ አሊ ዪሊዲ፣ አንቲ ኦዲን ሲዖናይሳታ ጊዲያ ጊሾ አንታ ቦላ ዳር አዘገሰ። ሄ አዲያኮ፣ «ኔ ኩሺያ ፒዲ ኦላ» ያጊሰ። ኡራይ ፒዲ ኦሊን ኢያ ኩሼይ ፓዲሰ።

6 ኤሊሲዲ ፋሪሳዊቲ አይሁዴ ዋሳ ኬላፊ ካሪ ኬዪዲ፣ ዩሱሳ ዋቲ ዋዳኔኮ ማቂታናው ሄርዲሳ ባጋታራ አሲ ሶ ሸቂዳሶና።

አሳይ ዩሱሳኮ ሸቂዳሶና

7 ዩሱሲ ባ ታማራታራ ጋሊላ አባኮ ቢሰ። ጋሊላፔኔ ዪሁዳፔ ዪዳ ዳር አሳይ ኢያ ካሊደሶና።

8 ቃሲካ ዩራሳላሚፔ፣ ኢዲሚያሳፔ፣ ዮርዳኖሴ ሻፋ ፒንላፊ፣ ዪሮሳ ካታማፔኔ ሲዶና ካታማፔ ዩሱሲ ኦሊዲባ ሲዒዲ፣ ዳር አሳይ ኢያኮ ዪደሶና።

9 አሳ ዳርቱላፊ ዳንዶይሳን ኢያ ኡንዔሶና ሚላ ኢያ ታማራቲ ዋጎሎ ኢያው ገገሳና ሚላ ከቲሰ።

10 ዳር አሳ ኢ ፓሊዳ ጊሾ ሃርጊያ አሳ ኡባይ ኢያ ቦቻናው ሱጌቶሶና።

11 ቱና አያናይ ኦይኪዳ አሳቲ ኢያ ቤዒዳ ዋዴ ኢያ ሲንሳን ኩንዲዲ፣ ባንታ ቃላ ቋቀ ኦሊዲ፣ «ኔኒ ያሳ ናዓ ጊዲኪ?» ያጎሶና።

12 ዩሱሲ ሄ ቱና አያናቲ ባናቱላ ኦይሰካ ቆንጩሶና ሚላ አንታ ሚንሊዲ ሃንቁቲሰ።

ዩሱሲ ታማኔ ናምዑ ሃዋሪታ ዶሪሰ

(ማቶ 10:1-4፤ ሉቃ 6:12-16)

13 ዩሱሲ ዳሪያ ቦላ ኬዪዲ፣ ባ ኮዪዳ አሳታ ባኮ ያጊሰ፤ አንቲካ ኢያኮ ቢደሶና።

14 አንቲ ባራ ዳና ሚላኔ ቃላ ታማርሳና ሚላ ታማኔ ናምዓታ ዶሪዲ፣ አንታ፣ «ሃዋሪታ» \* ጊዲ ሱንሊሰ።

15 ቱና አያናታካ ኬሳና ሚላ አንታው ማታ አሚሰ።

16 ኢ ዶሪዳ ታማኔ ናምዓቲ ሃይሳታ፣ ጳዲሮሳ ያጊዲ ሱንሊዲ ሲሞና፣

17 ቦዓኔርጌሰ (ዳዳ ዳኒያ አሳታ) ያጊዲ ሱንሊዲይሳታ፣ ዛብዲዮሳ ናይታ ያይቆባኔ ያይቆባ አሻ ዮሃኒሳ፣

2:23 ዛሬ 23:25    2:25 1ሳው 21:1-6    2:26 ለዌ 24:9    3:9 ማር 4:1፤ ሉቃ 5:1-3    \* 3:14 ሃዋሬ፣ ሃዋሪ ጉሳይ ከቲቲዳይሳ ጉሱ።

18 እንዲሪያሳ፣ ፊልጶስ፣ ባርቶሎሚዮስ፣ ማቶስ፣ ቶማስ፣ ኢልጳዮስ ናባ ያይቆባ፣ ታዲዮስ፣ ባ ቢታስ ሚሺቴያ ሲሞና፤

19 ዬሱስ አሉ ኢሚዳ አስቆርታ ዪሁዳ።

ዬሱስኔ በዲልዜቡላ

(ማቶ 12:22-32፤ ሉቃ 11:14-23፤ 12:10)

20 ሄሳፌ ጉዬ፣ ዬሱስ ሶ በሲ። ቃሲ ዳር አሳይ ሸቄን፣ ኢኔ ኢያ ታማሬቲ ሃሪ አቶሺን ካሉ ማናወካ ዳንዳቢቦኮና።

21 አሳይ ኢያ፣ «ኅይስ» ገያ ገሾ ኢያ ዳቦቲ ሄሳ ሰዒዲ ኢያ ኤካናው በደሶና።

22 ሂጌ አስታማሬታፔ ኢሶቲ ኢሶቲ ዬሩሳላሜፔ ዪዲ፣ «ኢያ ቦላ በዲልዜቡላ ዳዔስ»፣ ኢ፣ «ፃላሄይ ዋልቃን ቱና አያናታ ኬሲስ» ያገዲ ኦዴቲደሶና።

23 ዬሱስ አሳ ባኮ ያገዲ ለሚሶ ኦዲሲ። «ፃላሄይ ፃላሄ ዋቲ ኬሳናው ዳንዳቢ?»

24 ኢሲ ካዋቴላይ ባ ገደን ሻኬቲኮ ሄ ካዋቴላይ ኤቃናው ዳንዳቢና።

25 ሄሳዳካ፣ ኢሲ ኬላ አሳይ ባንታ ገደን ሻኬቲኮ ላያናፔ አቲን ዳናው ዳንዳቢኮና።

26 ሂዛ፣ ፃላሄይ ባራ ካጩቴዲ ሻኬቲኮ ላያፕ አቲን ዳናው ዳንዳቢና።

27 «ሺን ኮይሮቲዲ ዋልቃማ ኡራ ቃቾና ዳቢሽ ኢያ ኬላ ገሊዲ፣ ኢያ ሚሺያ ቦንቃናው ዳንዳቢ አሲ ባዋ። ቃቾ ሰሚዲ ኢያ ኬላ ቦንቃናው ዳንዳቢ።

28 «ታኒ ሂንቴው ቱማ ኦዲይስ፤ ያሳይ አሳ ናይታስ ናጋራ ኡባኔ ኤንቲ ጫያ ጫሽ ኡባ አቶ ጋና።

29 ሺን ገሻ አያና ቦላ ኢታባ ኦዴቲያ ኦዴሰካ ሜሪና ናጋራ ገዳናፔ አቲን ያሳይ ኡባራካ ኢያ ማሪና» ያገሰ።

30 ዬሱስ ሄሳ ገዳይ፣ ኢሲ ኢሲ አሳቲ፣ «ኢያ ቦላ ቱና አያናይ ዳዔስ» ያገዲ ገሾሳ።

ዬሱስ አዪወኔ ኢያ አሻታ

(ማቶ 12:46-50፤ ሉቃ 8:19-21)

31 ኢያ አያኔ ኢያ አሻቲ ዪዲ ካሬን ኤቄዲ፣ ኢያኮ አሴ ከቲዲ ኢያ ያገደሶና።

32 ኢያ ማታን ኡቲዳ ዳር አሳቲ፣ «ሂኮ፣ ኔ አዬራኔ ኔ አሻታራ ካሬን ኤቄዲ ኔና ኮዮሶና» ያገደሶና።

33 ዬሱስ ዛሪዲ፣ «ታ አያ ኦኔ? ቃሲ ታ አሻቲ ኦናንቴ?» ያገሰ።

34 ባ ማታን ኡቲዳ አሳ የሺ አሉ ያሊዲ፣ «ሂኮ፣ ታ አያኦኔ ታ አሻቲ ሃይሳታ።

35 ያሳይ ሺኔያ ኦሊያ ኡባይ ታ አሻ፣ ታ ሚቾኔ ታ አዮ» ያገሰ።

### 4

ዜሬላ ዜሪያ ኡራ ለሚሶ

(ማቶ 13:1-9፤ ሉቃ 8:4-8)

1 ዬሱስ ዛሪዲ ጋለላ አባ ማታን ታማርሴስ። ዳር አሳይ ኢያ የሹዋን ሸቄን፣ አባን ዳዒያ ዋሳሉዋ ገዳ ገሊዲ ኡቲስ፣ አሳ ኡባይ አባ ማታን ዳዒስ።

2 ኢ ኤንታ ዳርባ ለሚሶን ታማርሴስ። ታማርሴሽ ሃይሳዳ ያገሰ።

3 «ሰዒቴ! ኢሲ ኡራይ ዜሬላ ዜራናው ከዪስ።

4 ኢ ዜሪሽን፣ ኢሲ ኢሲ ዜሬላይ ኦጌ ጋፃን ዋቋስ፤ ካፎቲ ዪዲ ሚደሶና።

5 ኢሲ ኢሲ ዜሬላይ ጋርሳን ሻሎይ ዳዒያ ቢታ ቦላ ዋቋስ። ዳር ቢቲ ባይና ገሾ ሄ ዜሬላይ ኤሌሲዲ ደሊስ።

6 ሺን አዋ ከዪዳ ዋይ ሹሊስ። ሎይሲዳ ፃጶ ዬዲቦና ገሾ ኤሊሲ ሚሊስ።

7 ኢሲ ኢሲ ዜሬላይ አጉንላ ገደን ዋቋስ። ደሊዳይሳ አጉንላይ ዲጩዲ ጩሊዳ ገሾ አይፌ አይፎና አቲስ።

8 ኢሲ ኢሲ ዜሬላይ አራዳ ቢታን ዋቋዲ ደሊስ። ዲጩዲ ኢሶይ ሃስታማ፣ ኢሶይ ኡሱፑን ታማ ኢሶይ ያታ አይፊስ» ያገሰ።

9 «ሰዒያ ሃይላ ዳዒያ ኦኔካ ሲዮ» ያገሰ።

ዬሱስ ለሚሶን ኦዲዳ ጋሱዋ

(ማቶ 13:10-17፤ ሉቃ 8:9-10)

10 ዬሱስ ኦዲዳይሳ ሰዒዲ ኢሲ ኢሲ አሳቲኔ ታማኔ ናሞቦ ታማሬቲ ዬሱስ ባርካ ዳዒሺን፣ ኢያኮ ሸቄዲ ሄ ለሚሱዋ ቢርሽላ ኦይቺደሶና።

11 ዬሱስ ኤንታኮ ሃይሳዳ ያገሰ። «ሂንቴው ያሳ ካዋቴላ ፀራ ኤርይ ኢሜቲስ። ሺን ሃራታስ ካዋቴላፌ ካሬን ዳዒይሳታስ ኡባባይ ለሚሶን ኦዴቲስ።

12 ጋሶይካ፣  
 ሳኔንቲ ያሎሶና፣ ሺን ዴሞኮና።  
 ሲዶሶና፣ ሺን አኬኮኮና።  
 ኤንቲ ዴሚያኮኔ አኬኪያኮ፣  
 ያሳኮ ሲማና  
 ኢካ ኤንታ ማራናሺን »  
 ያጊሰ።

**ዜሬላ ለሚሱዋ ቢርሼላ**  
 (ማቶ 13:18-23፤ ሉቃ 8:11-15)

13 ዬሱሲ ኤንታኮ፣ «ሃ ለሚሱ ይህን ግጥም ጌሌኔ? ያተን፣ ለሚሱ ኡባ ሂንቴ ዋቲ አኬካኔ?  
 14 ዜሬይሲ ያሳ ቃላ ዜሬሰ።  
 15 ቃላይ ዜሬቲያ ዋዴ ኦጌ ጋዳን ዋፏዳይሳቲ ቃላ ሲዳይሳታ። ሺን ያላሄይ ሰሁዋራ ዪዲ፣  
 ኤንታ ዋዛናን ዜሬቲዳ ቃላ ማዲ ዲጌሰ።  
 16 ሄሳዳካ፣ ጋርሳን ሻሎይ ዳዊያ ቢታን ዜሬቲዳይሲ ቃላ ሲዳዲ፣ ኤሌሲዲ ኡፋይሳን  
 ኤኬይሳ።  
 17 ሺን ኤንታው ሚና ያጸይ ባይና ጊሾ ሃዲሳፌ አተን ጋምዖኮና። ጉላ ዋዴፔ ጉዬ ቃላ ጋሶን  
 ዋዬይ ዋይኮ ጎዲ ጋኪያ ዋይ ኤሌሲዲ ፏቤቶሶና።  
 18 አጉንላ ጊደን ዜሬቲዳይሲ ቃላ ሲዳይሳታ።  
 19 ሺን ሃ ሳሳ ዳዐ-ዋሰ ሂርጎይ፣ ዳራቴላ ደሶይኔ ሃራባ አሞቴይሲ ኢያ ዋዛናን ጌሊዲ ቃላ  
 ጩሊያ ጊሾ አይፌ አይፎና አቲሰ።  
 20 ሺን አራዳ ቢታን ዜሬቲዳይሳቲ ቃላ ሲዳዲ ኤኬይሳታ። ኤንቲ ኢሶይ ሃሰታማ፣ ኢሶይ  
 ኡሱፑን ታማ ኢሶይ ያታ አይፊሰ» ያጊሰ።

**ጌማን ዳዊያ ያምፔ**  
 (ሉቃ 8:16-18)

21 ዬሱሲ ጉጂዲ፣ «ያምፔ ኤኪዲ፣ ዳቾፌ ዋይኮ አልጋፌ ጋርሳን ዋሊያ አሲ ዳዲ? ጴቃ  
 ቤሳን ዋሌኔዬ?  
 22 ሂዛ፣ ቆሰቲዳባይ ኡባይ ቆንጩ ኬያና፤ ጌሚዳባይ ኡባይ ኤሬቶና አቴና።  
 23 ሲዳያ ሃይሊ ዳዊያ ኦኒካ ሲያ» ያጊሰ።  
 24 ቃሲ ኤንታኮ፣ «ሂንቴ ሲዳያባ አኬኪዲ ሲዳቴ! ያሳ ቃላ ሂንቴ ሲዳይሳ ማላ ኢ ሂንቴው  
 አከካ አማና። ኡባካ ሂንቴው ዳርሲዲ አማና።  
 25 ኢሲባይ ዳዊያ ኡራሰ ጉጂ አማታና፣ ባይናይሳፌ ሃሪ አቶሺን፣ ኢያው ዳዊያ ሄ ጉሊያካ  
 ኤኬታና» ያጊሰ።

**ዲጩያ ዜሬላ ለሚሶ**

26 ዬሱሲ ዛራዲ፣ «ያሳ ካዋቴላይ ባ ጋይን ዜሬላ ዜሬያ አሳ ማላ።  
 27 ሄ ኡራይ ቃማ ጲሰከሰ፤ ዋንታ ዳንዳሰ። ኢ ባ ሁዒን ዋኒያኮ ኤርና ዳዲሺን ሄ ዜሬላይ  
 ደሊሲኔ ዲጩሰ።  
 28 ቢታይ ካላ ባርካ አማሰ። ኮይር ደሊዲ ዲጩሰ፣ ካሊዲ አይፋናው ጋምቡዲ፤ ወርሴላን  
 ኩሜላ አይፌ አይፊሰ።  
 29 ሺን ካላይ ጋኪያ ዋዴ ኡራይ ሰሁዋራ ባጫራ ጌሊ አጌሰ» ያጊሰ።

**አይፌ ጉላ ማላ ለሚሶ**  
 (ማቶ 13:31-34፤ ሉቃ 13:18-19)

30 ዬሱሰ፣ «ኦኒ ያሳ ካዋቴላ አይ ዳኒሰ ጋኔ? ዋይኮ አይቢራ ለሚሳኔ?  
 31 ያሳ ካዋቴላይ አይፌ ጉላ ማላ ዳኒሰ። ሄ ማላ አይፊያ ዜሬያ ዋዴ ሳሳን ዳዊያ ማላ አይፌ  
 ኡባፌ ጉዳሰ።  
 32 ዜሬን ደሊዲ አታኪልቲ ኡባፌ ጊታቴሰ፤ ዳር ዳሺ ዳዬሰ። ካፎቲ ኢያ ታሺያ ቦላ ኬዲዲ  
 ኡታና ጋካናው ዳዬሰ» ያጊሰ።  
 33 ዬሱሰ ሃይሳ ማላ ዳር ለሚሶን አሳይ አኬካናው ዳንዳዲሳ ማላ ቃላ ኦዲሰ።  
 34 አሳሰ ለሚሶይ ባይና ኦዳና። ሺን ዬሱሲ ባ ታማሬታ ያላላራ ዳዊያ ዋዴ ኤንታው ኡባባ  
 ቢርሼዲ ኦዲሰ።

ዩሱሲ ሆቢያ ሲሲ ኦሊስ

(ማቶ 8:23-27፤ ሉቃ 8:22-25)

35 ሄ ጋላስ ሳይ ኦማርሲን፣ ዩሱሲ ባ ታማራታኩ፣ «አባሬ ሄሬንሌ ፒናስ» ያገለገለ።

36 ኢያ ታማራቲ ዳር አሳ ዩጊ አጊዲ፣ ዩሱሲ ካሴ ጌሊ ኡቲዳ ዋጎሉዋን ጌሊዲ ዩሱሳ ባንታራ ኤፊደሶና። ሃራ ዋጎሎቲካ ያን ዳዖሶና።

37 ዋለቃማ ጎቲይ ዳንዲዲ፣ ሆቢይ ዋጎሉዋ ሸጪን፣ ኩማና ጋካናው ዋጎሉዋ ገደ ሃሌ ጌሊስ።

38 ሄ ዋይ ዩሱሲ ዋጎሉዋን ጉዬ ባጋራ ቦርኮቲዲ ጲስከሲ። ኢያ ታማራቲ ኢያ ዳንሌዲ፣ «አስታማሪያው፣ ኑኒ ቆያ ዋይ ኔ ሲሳ ጋዳ ያላይ?» ያገገደሶና።

39 ያቲን፣ ኢ ባርኪዲ ጎቲያ፣ «ሲሳ ጋ» ጌዲ፣ አባካ፣ «ዋፑ ጋ» ገሰ። ጎቲይካ ሲሳ ጊን ኡባባይ ዋፑ ገሰ።

40 ዩሱሲ ባ ታማራታኩ፣ «አይስ ሃይሳዳ ባቤቲ? ሂንቲው አማናይ ዋኒዲ ቆይዴ?» ያገገሰ።

41 ኤንቲ ዳር ባቢዲ ባንታ ገደን፣ «ሃይሲ ሃሪ አቶሺን፣ ጎቲይኔ አባይ ከቲቴይሲ እን?» ያገገደሶና።

### 5

ቱና አያኒ ኦይኪዳ ኡራይ ፓዲስ

(ማቶ 8:28-34፤ ሉቃ 8:26-39)

1 ዩሱሲኔ ኢያ ታማራቲ አባ ፒኒዲ፣ ጌርጌሶኔ ጊያ ቢታ ጋኪደሶና።

2 ዩሱሲ ዋጎሉዋፔ ዋዲያ ዋይ ቱና አያናይ ኦይኪዳ ኢሲ ኡራይ ዲፎፔ ከዬዲ ኢያራ ጋሂቲስ።

3 ሄ ኡራይ ዲፋዋን አቂ ፒሳዲ ዳዒስ። ኢያ ኦኒካ ሳንሳላታን ቃቻናው ዳንደሳና።

4 ኢ ዳር ቶሆ ዲላኒኔ ሳንሳላታን ቃሼቲዲ ዳዒስ። ሺን ሳንሳላታ ዲሴሬሌስ፣ ዲሳ ሜንሌሬሌስ። ኢያ ቲቃናው ዳንደሳና ኦኒካ ባዋ።

5 ኢ ቃማኔ ጋላስ ሄ ዲፋዋኒኔ ዳራ ቦላ ዋሴስ፣ ባ ቦላካ ቸቻን ጋራስ።

6 ዩሱሳ ሃሆን ቤሳዳ ዋይ ዋዲ ቢዲ ኢያ ሲንሳን ጉልባቲስ።

7 ሄ ኡራይ ባ ቃላ ቆቁ ኦሊዲ፣ «ኡባሬ ቦላ ያሳ ናሳው ዩሱሳ፣ ኔናኔ ታና አይቤ ጋሌይ? ታና ቆይሶና ሜላ ታኒ ኔና ያሳ ስንሳን ዋሳይስ» ያገለገለ።

8 ኢ ሄሳ ገደይ ዩሱሲ ኢያ፣ «ላ ሃ ቱና አያናው፣ ሃ አዲያሬ ከያ» ያገደ ገሸሳ።

9 ዩሱሲ ኢያኩ፣ «ኔ ስንሳይ እን?» ያገደ አይቸሰ።

ኢ፣ «ኦኒ ዳር ገዲያ ገሾ ታ ስንሳይ ለጊዮና» ያገለገለ።

10 ቱና አያናቲ ባንታና ሄ ቢታሬ ከሲ ዩዶና ሜላ ዩሱሳ ሚንሌዲ ዋሲደሶና።

11 ሄ ዳሪያ ቦላ ዳር ጉዲንሎ ዉዴይ ሃውቲስ።

12 ቱና አያናቲ ዩሱሳኩ፣ «ኦና ሂኒ ጉዲንሎ ዉዲያኩ ዩዳርኪ፣ ኤንታን ቢዲ ጌሎስ» ያገደ ዋሲደሶና።

13 ዩሱሲ ኤንታኩ፣ «ቢቲ» ያገለገለ። ያቲን ቱና አያናቲ አዲያሬ ከዬዲ ጉዲንሎታን ጌሊደሶና። ናምቡ ሙኩሉ ገዲያ ጉዲንሎ ዉዴይ አፎ ዶናራ ዲርጊዲ ቢዲ አባን ጌሊዲ ሚቲቲደሶና።

14 ጉዲንሎ ዉዲያ ሃሜይሳቲ ባቃቲ ቢዲ ሃኒዳባ ካታማኒኔ ጋሪሪያን ኦዲደሶና። ያቲን አሳይ ሃኒዳባ ቤሳናው ከዬደሶና።

15 አሳይ ዩሱሳኩ ያ ዋይ ቱና አያናን ኦይኪቲዳ ኡራ ቤዒደሶና። ኢ ባ ዋዛናኩ ሲሚዲ፣ ማዖ ማሳዲ፣ ያን ኡቲዳይሳ ቤሳዳ ዋይ ኡባይ ያዬደሶና።

16 ሄሳ ቤሳዳ አሳቲ ቱና አያናቲ ኦይኪዳ ኡራ ቦላኔ ጉዲንሎታ ቦላ ሃኒዳባ ኡባ አሳስ ኦዲደሶና።

17 ሄሳ ገሸ፣ አሳይ ባንታ ቢታሬ ዩሱሲ ባና ሜላ ዋሲደሶና።

18 ዩሱሲ ዋጎሉዋን ጌሊያ ዋይ ካሴ ቱና አያናይ ኦይኪዲ ዩዲዳ ኡራይ፣ ዩሱሳ ካላናው ኢያ ዋሲስ።

19 ሺን ዩሱሲ ኢዲዲ ኢያኩ፣ «ኔ ሶ ሲሚዲ፣ ጎዳይ ኔው አይ ሜላ ገታባ ኦሊዳኮኔ ኔው አይ ሜላ ከሂዳኮ ኔ ሶ አሳስ ኦዲ» ያገለገለ።

20 ኡራይ ቢዲ ታው ካታማ ጊያሶን ዩዬዲ፣ ዩሱሲ ባው አይ ሜላ ገታባ ኦሊዳኮ ኦዲስ። ኢ ኦዲዳይሳ ሲሳዳ አሳ ኡባይ ማላሊቲደሶና።

ሃይቂዳ ናሳዉኔ ዩሱሳ ማዑዋ ቦቹዳ ማጫሲው

(ማቶ 9:18-26፤ ሉቃ 8:40-56)

21 ዩሱሲ ሲሚዲ፣ ዋጎሉዋን ጌሊዲ፣ አባ ፒኒዳፔ ጉዬ ዳር አሳይ አባ ጋዖን ኢያ ዩሾዋን ሸቂደሶና።

22 ኢያሮሳ ጊያ አይሁዳ ዋሳ ከላ ሃላቃታፔ ኢሶይ፣ ዩሱሳ ቤሳዳ ዋይ ኢያኮ ዩዲ ኢያ ቶሁዋ ቦላ

- 23 ኩንዲዲ፣ « ታ ናዊያ ሃርጋዳ ሃይቃና ሃናውሱ። ኢያ ፓዓዳ ዳዓና ማላ ያዳ ኔ ኩሺያ ኢ ቦላ ዋላርከ» ያገዲ ዬሱሳ ማንሱዲ ዋሲሰ።
- 24 ዬሱሱ ኢያርሳሪ ቢሰ። ኢ ቢሺን ዳር አሳይ ኢያ ካሊዲ ኡንዔሊደሶና።
- 25 ታማኔ ናሞሁ ላይሌ ኢ ቦላፊ ሱሊ ጎገያ ኢሲ ማጫሲያ ዳዓዉሱ።
- 26 ዳር አከማቲ ኢዮ አከሚደሶና፣ ሺን ኢያ ፓዓ ካዔታሱ። ኢያ ባ ሚሺያ ኡባ ዉርሲንካ ኢው ሃ ኢቲሰፔ አቲን አይኮካ ማዲቤና።
- 27 ሄ ማጫሲያ ዬሱሳባ ሲዓዳ፣ አሳ ካንጎዳ ዬሱሳ ጉዬሪ ያዳ ኢያ ማዐቀ ቦቻሱ።
- 28 ኢያ፣ « ታጌ ሃሪ አቶሺን ኢያ ማዐቀ ቦቻያኑ ፓዓና» ጋዳ ቆፓሱ።
- 29 ኢፔ ጎገያ ሱሳይ ሲሰቀሪ ኤቁ አገሰ። ኢያ ባ ዋያፔ ፓዲዳይሳ ባ አሳቲሳን ኤራሱ።
- 30 ዬሱሱ ባፔ ዋልቁ ከዬዳይሳ ባ ሁዓን ኤሪዲ፣ ኤሊሲዲ ዳር አሳ ገደን ጉዬ ሲሚዲ፣ « ታ ማዐቀ ቦቻዳይ ኦኔ?» ያገሰ።
- 31 ኢያ ታማሪቲ፣ « አሳይ ኔና ሱጌይሳ ቤዓሺ፣ (ዋይጋዳ ታና ኦኔ ቦቻዳይ ያገይ?) » ያገደሶና።
- 32 ዬሱሱ ሄሳ ኦኔ ኦሊዳኮ ቤዓናው ዩሺ አላ ያሊሰ።
- 33 ሺን ማጫሲያ ባው ሃኒዳባ ኤሪዲ፣ ያሻን ኮኮራሺ ያዳ ዬሱሳ ሲንጎን ጉፋናሱ፣ ቃሲ ሃኒዳባ ኡባ ቱማ ኢያው ኦዳሱ።
- 34 ያነን፣ ዬሱሱ ኢኮ፣ « ታ ናቲ፣ ኔና ኔ አማናይ ፓሊሰ፣ ሳርን ባ፣ ኔ ዋያፔካ ፓዓ» ያገሰ።
- 35 ዬሱሱ ቡር ሄሳ ኦሊሺን፣ አይሁዳ ዋሳ ኬላ ሃላቃ ሶፔ ከቲቲዳ አሳቲ ዩዲ፣ « ኔ ናዊያ ሃይቃሱ፣ አሰታማሪያ አይሰ ዳቡሪሳይ?» ያገደሶና።
- 36 ሺን ዬሱሱ ኤንቲ ጌይሳ ሲዓዲ፣ አይሁዳ ዋሳ ኬላ ሃላቃ፣ « አማኖ ዓላላ አማናፔ አቲን ባቦፋ» ያገሰ።
- 37 ዬሱሱ ዳዊርሳፔ፣ ያይቆባፔ ከ ያይቆባ አሻ ዮሃኒሳፔ ሃሪ ኦኒካ ባና ካሎና ማላ ዳገሰ።
- 38 ኤንቲ አይሁዳ ዋሳ ኬላ ሃላቃ ሶ ጋኪያ ዋዳ ዬሱሱ አሳይ ካሃ ቆዩዲ ዬኬይሳኔ ዜሌሌይሳ ቢዓሲ።
- 39 ንሊዲ አሳኮ፣ « አይሰ ካሃ ቆዩዲ ዬኬቲ? ናዊያ ዲሰካሱፔ አቲን ሃይቃቡኩ» ያገሰ።
- 40 አሳይ ኢያ ቦላ ሚጨሰ። ሺን አሳ ኡባ ካሪ ኬሲዲ፣ ናዊ አዋ፣ አዩዉኔ ሄቹ ታማሪታ ባራ ኤኪዲ ናዊያ ዳዓያሱዋ ገሊሰ።
- 41 ዬሱሱ ናዊ ኩሺያ አይኪዲ፣ « ዓሊታ፣ ቁሚ» (ጉላ ናቲ፣ ኔና ጋይሰ ዳንዳ) ያገሰ።
- 42 ናዊያ ሲሰቀሪ ዳንዳ ኤቃዳ ሃሙታሱ። ኢያ ታማኔ ናሞሁ ላይላ ናና። ሄሳን አሳይ ዳር ማላሉቲደሶና።
- 43 ዬሱሱ ሄሳ ኤንቲ ኦዳሰካ ኦደና ማላ ኤንታ ማንሱ ከቲሰ። ኤንቲ ኢው ሚያባ አማና ማላ ኦዲሰ።

# 6

ዬሱሱ ናዚሬቲን ኢዳቲሰ  
(ማቶ 13:53-58፤ ሉቃ 4:16-30)

- 1 ዬሱሱ ያፔ ከዩዲ፣ ባ ታማሪታ ካሊሊዲ፣ ባ ካታማ ናዚሬቲ ቢሰ።
  - 2 ሳምባታ ጋላሰ አይሁዳ ዋሳ ኬላን ታማርሱ አይኪሰ። ኢ ታማርሱይሳ ሲዓዳ ዳር አሳይ ማላሉቲዲ፣ « ሃይሲ ሃ ኡባ አዉፔ ዳሚዳ? ሃ ጨንጫቲላ ኢ አዉፔ ኤኪዳ? ሃ ማላታታ ኦሊያ ማታ ኢ አዉፔ ዳሚዳ?»
  - 3 ሃይሲ አናዩያ ገዴኔ? ማይራሚ ናና፣ ያይቆባ፣ ዮሳ፣ ዩሁዳኔ ሲሞና አሻ ገዴኔዬ? ኢያ ሚቹቲ ኦራ ሃይሳን ዳዎኮናዬ?» ያገዲ፣ ኢ ገያባ ኤኮና አዲደሶና።
  - 4 ዬሱሱ ሄ አሳኮ፣ « ናቤይ ባ ቢታን፣ ባ ዳቦታኒይ ባ ሶ አሳን ቦንቹቲናፊ አቲን ሃራታ ማታን ቦንቹቲሰ» ያገሰ።
  - 5 ኢ ሄ ቤሳን ባ ኩሺያ ጉላ አሳ ቦላ ዋሊዲ ፓሊዳይሳፊ አቲን ሃራ ማላታታ ኦላናው ዳንዳዒቤና።
  - 6 አሳይ አማኒቦና ገሾ ዳር ማላሉቲሰ።
- ዬሱሱ ታማኔ ናሞሁ ሃዋሪታ ከቲሰ  
(ማቶ 10:5-15፤ ሉቃ 9:1-6)
- ሄሳፊ ጉዬ፣ ዬሱሱ ሄ ሄራን ዳዓያ ጉታታን አሳ ታማርሲሰ።
  - 7 ዬሱሱ ታማኔ ናሞሁ ታማሪታ ባኮ ያገዲ፣ ናሞሳ ናሞሳ ጋሊዲ ከቲሰ። ኤንታው ቱና አያናታ ከሲያ ዋልቃ አሚሰ።
  - 8 ኤንታ፣ « ኦኔ ዓሞዓፊ አቲን ካሊ፣ ካርዒታ፣ ሂንቲ ኪሲን ሚሺ አይቢባካ አይኮፊቲ።

9 ሃንቴ ቶሁዋን ጫማ አሏት፤ ሺን ናምዑ አፊላ ኦይኮፊት» ያገለገለ።

10 ቃሲካ፣ «ሃንቴና እሲ ሞኪዳ ሶ አዉንካ ገዲን ሄ ቤሳ ዩዲዲ ባና ጋካናው ሄ ኩላን ጋምዲቴ።

11 ሃንቴና እሲ ሞኮናሱዋ ዋይኮ ሃንቴ ኦዲያባ ሲያናሱዋ አዉን ገዲኮካ፣ ሄ ቢታን ዳዒያ አሳሰ ሄሲ ናገሶ ማርካ ገዲና ሜላ ሄ ቤሳፊ ኬዩቪ፣ ሃንቴ ቶሁዋ፤ ባና ፒቴት» ያገለገለ።

12 ታማኔ ናምዑ ታማሬቴ ቢዲ፣ አሳይ ባንታ ናጋራ፤ ሲማናዳ ቃላ ኦዲዶሶና።

13 ኤንቴ አሳፔ ዳር ቱና አያናታ ኬሲዶሶና። ዳር ሃርጋንቸታ ዛይቴ ተዩዲ ፓሌዶሶና።

**9ማቂያ ዮሃንሳ ሃይቁዋ**

(ማቶ 14:1-12፤ ሉቃ 9:7-9)

14 ዩሱሳ ሱንሳይ ኡባ ቤሳን ኬዩዳ ገሾ ካዋይ ሄርዲሲ ኢያባ ሲሲሰ። ኢሲ ኢሲ አሳይ፣ «9ማቂያ ዮሃንሳ ሃይቁቴ ዳንዲሰ፣ ሄሳ ገሾ ሃ ማላታታ ኦሌይ ኢያ» ያገደሶና።

15 ባጋጉ፣ «ሃይሲ ኤሊያሳ ገዳኔ?» ያገደሶና።

ሃራቴ ቃሲ፣ «ሃይሲ ቤኒ ዋዴ ናቤታ፤ ኢሱዋ ገደና አገና» ያገደሶና።

16 ሺን ሄርዲሲ ሃሳ ሲዲዳ ዋዴ «ሃይሲ ታኒ ቆቋያ ቃንዲሲዳ 9ማቂያ ዮሃንሳ ገዳኔ? ኢ ሃይቁቴ ዳንዲሰ» ያገለገለ።

17 ሄርዲሲ ባ አሻ ፊልጶሳ ማቸው ሄርዲያዳ ኤኪዳ ገሾ ኢ ጋሶን ዮሃንሳ ኦይሌዲ ቃሽሲሰ።

18 ዮሃንሲ ሄርዲሳ፣ «ኔኒ ኔ አሻ ማቸው ኤካናው ቤሴና» ያገለገለ።

19 ሄርዲያዳ ዮሃንሳ ባ ኡሎን ሞርካዳ ኢያ ዋቋሳናው ኮያሱ፣ ሺን ዳንዳባኩ።

20 ዮሃንሲ ያሎኔ ገሻ እሲ ገዲዳይሳ ሄርዲሲ ኤሪዳ ገሾ ኢያው ባቢዲ ሎይሌ ናገሴሰ። ሄርዲሲ ዮሃንሲ ገያባ ሲዳናው ዳሲኮካ ኢ ገያባ ሲዲያ ዋዴ ዳር ዳጋሚሰ።

21 ሄርዲሲ ባ ዩሌቴዳ ጋላሳ ቦንቻናው ዳሪያ ሃሪይሳታሰ፣ ሻላቃታሰኔ ጋሌላን ዳዒያ ገታ አሳሰ አማቶ ገረሲሰ። ሄሲ ሄርዲያዳሰ አንጃ ጋላሰ ገዲሰ።

22 ሄርዲያዳ ናዲያ አማሳይ ሞኬቴያ ቤሳ ጌላ ዲራዲ፣ ሄርዲሳኔ ኢያ አማሳታ ኡፋይሳሰ። ካዋይ ናዲው፣ «ኔ ኮያባ አይባ ገዲኮካ ታና ኦይቻ፣ ታኒ ኔው አማና» ያገለገለ።

23 ቃሲ ኢው ጫቂዳ፣ «ኔኒ ኦይቸያባ አይባ ገዲኮካ፣ ታኒ ኔው አማና። ሃሪ አቶሺን፣ ታ ካዋቴላ ባጋ ገዲኮካ ታኒ ኔው አማና» ያገለገለ።

24 ናዲያ ካሬ ኬያዳ ባ አይኮ፣ «አይ አማ ጎ?» ጋዳ ኦይቻሱ።

ኢ አያ፣ «9ማቂያ ዮሃንሳ ሁዲያ አማ ጋ» ያጋሰ።

25 ናዲያ ኤላሳዳ ካዉዋኮ ባዳ፣ «9ማቂያ ዮሃንሳ ሁዲያ ሳኔን ዋላዳ ሃዲ ታው አማና ሜላ ኮያይሰ» ያጋሰ።

26 ያኒን ካዋይ ዳር ቁርቴሰ፣ ሺን ባ አማሳታ ገሾ ኢው ጫቂዳ ባ ጫቁዋ ሜንላናው ኮዩቤና።

27 ሄሳ ገሾ፣ ኤሊሲሲ ናገይሳ ዮሃንሳ ሁዲያ ኤሃና ሜላ ከቴሰ። ናገይሲ ቃሾ ኬሌ ቢዲ ዮሃንሳ ቆቋያ ቃንዲሰ።

28 ሄ ቃንዳቴዳ ሁዲያ ሳኔን ዋሌ ኤሂዲ ናዲሰ አሚሰ። ናዲያ ቃሲ ባ አይሰ አማሰ።

29 ዮሃንሳ ታማሬቴ ሄሳ ሲዲዳ ዋዴ ቢዲ ኢያ አሃ ኤኪ ኤፊዲ ሞገደሶና።

**ዩሱሳ ኢቻሹ ሙኩሉ አሳ ሙዚሰ**

(ማቶ 14:13-21፤ ሉቃ 9:10-17፤ ዮሃ 6:1-14)

30 ታማኔ ናምዑ ሃዋቂቴ ሲሚ ዩዲ ኤንቴ ኦሌዳባኔ ታማርሲዳባ ኡባ ዩሱሳሰ ኦዲዶሶና።

31 ኤንታኮ ያ አሳይሰ ቤያ አሳይ ዳሪዳ ገሾ ዩሱሳሪኔ ኢያ ታማሬታራ፣ ሃሪ አቶሺን ካሌ ማናዉካ ኤንታ ጋላና አይሰ። ያኒን፣ ዩሱሳ ኤንታኮ፣ «ኑርካ ጉሌ ሸምፒ ኤካናው አሲ ባይና ቤሲ ዩቋቴ» ያገለገለ።

32 ሄሳ ገሾ፣ ኤንቴ ባንታርካ ዋጎሎን ጌሊዲ አሲ ባይና ቤሲ ቢደሶና።

33 ኤንቴ ቢሸን ዳር አሳይ ኤንታ ቢዲዲ ኤሪዶሶና። ያቴን፣ ካታማ ኡባፊ አሳይ ቶሆራ ዋዲ ቢዲ ኤንቴ ቢያሱዋ ኤንታፊ ሲንፍ ጋኪደሶና።

34 ዩሱሳ ዋጎሎዋ፤ ዋቋዲ ዳር አሳ ቤዲሰ። አሳይ ሄሚያ አሲ ባይና ዶርሳ ሜላ ገዲዳይሳ ቤዲዲ ኤንታው ቃዴቴዲ ኤንታ ዳርባ ታማርሲሰ።

35 ሳሳይ ኦማርሲያ ዋዴ ዩሱሳ ታማሬቴ ኢያኮ ዩዲ፣ «ሃይሲ ቤሳይ አሲ ባይና ቤሲ፤ ሃዲ ሳሳይካ ቃሚሰ።

36 አሳይ ጉታታኔ ካታማታ ቢዲ ባንታው ሚያባ ሻማና ሚላ አሳ ዩዲ» ያገደሶና።

37 ሺን ዩሱሳ ዛሪዲ ኤንታኮ፣ «አሳሰ ሚያባ ሃንቴ አማቴ» ያገለገለ።

እንት፡ «ኮኒ ቢዲ ናሞው ያቱ ዲናሪን ኡይሉ ሻሚዲ እሳ ሙዛና ማላ ኮያይ?» ያጊዲ ኦይቺደሶና።

38 ዩሱሲ እንታኮ፡ «ሃንቴው እፑን ኡይሉ ዴዲ? ኣኔ ቢዲ ቤዒቴ» ያጊሰ።

እንት ቤዒዲ፡ «ኢቻሹ ኡይሉ ናሞው ሞሎ» ያጊደሶና።

39 ዩሱሲ ባ ታማራታ ኣሳ ኡባ ጨጋን ጨጋን ሻኪዲ ማታን ኡተሳና ማላ ከተሰ።

40 ኣሳይ ባጋይ ያታ፡ ባጋይ እሻታማ ጊዲዲ ጨጋን ጨጋን ሻኪተዲ ኡተደሶና።

41 ዩሱሲ ኢቻሹ ኡይሉ ናሞው ሞሎታ ኤኪዲ፡ ፑዴ ሳሎ ያላዲ ያሳ ጋላተሰ። ኡይላ ማንላዲ ኣሳሰ ገሻና ማላ ባ ታማራታሰ እሚሰ። ቃሲ ናሞው ሞሎታ ኤንታ ኡባሰ ሻኪሰ።

42 ኣሳ ኡባይ ሚዲ ካሊደሶና።

43 ኣተዳ ኡይላ ተፊያኔ ሞሎታ ተፊያ፡ ኢያ ታማራቲ ታማኔ ናሞው ጋይታ ኩማሌ ዴንሳደሶና።

44 ኡይላ ሚዳ ኣዴ ኣሳ ታይቦይ ኢቻሹ ሙኩሉ።

ዩሱሲ ኣባ ቦላራ ሃሙተሰ  
(ማቶ 14:22-33፤ ዮሃ 6:15-21)

45 ኤሌሲዲ ዩሱሲ ባ ታማራቲ ምሳሎ ገሌዲ፡ ኣባፌ ሄፊንሳን ዴዒያ ቤተሳይዳ ባፔ ሰንሳተዲ ባና ማላ ከተሰ። ሺን ባው ኣሳ ሞይዛናው ጉዬ ኣተሰ።

46 ኣሳ ሞይዚዳፔ ጉዬ ያሳ ምሳናው ዴሪያ ቦላ ኬዩሰ።

47 ኣባይ ቃሚያ ምዴ ምሳሎይ ኣባ ጊደን ዴዒሰ። ሺን ዩሱሲ ኣባፌ ጋዓን ባርካ ዴዒሰ።

48 ጫርኮይ ኢያ ታማራታኮ ጫርኪያ ጊሾ ኣባ ፒዶይ ሞይሴይሳ ዩሱሲ ቤዒሰ። ምንጉማሌ ሳባይ ጌያና ሂኒያ ምዴ ኢ ኣባ ቦላ ሃሙተሺን፡ ኤንቲ ቤዒዲ፡ ኤንታው ሞይተሉ ዴኒን ሞሲደሶና።

49 ሺን ኢ ኣባ ቦላ ሃሙተሺን፡ ኤንቲ ቤዒዲ፡ ኤንታው ሞይተሉ ዴኒን ሞሲደሶና።

50 ኤንቲ ኡባይ ኢያ ቤዒዲ፡ ያሻን ኮኮሪደሶና።

ሺን ዩሱሲ ኤሌሲዲ እንታኮ፡ «ታና፡ ኣይኮይ ባዋ፤ ያዮፊቴ» ያጊሰ።

51 ዩሱሲ ምሳሎ ገሌዲ ኤንታራ ኢሲፌ ኡተን ጫርኮይ ሞፑ ጊሰ። ኤንቲ ዳር ማላሌተደሶና።

52 ኤንታ ምዛናይ ዜልዑሚዳ ጊሾ ኤንቲ ኡይሳባ ኣኬኪቦኮና።

ዩሱሲ ጌንሳሪጃን ሃርጋንቾታ ፓሊሰ  
(ማቶ 14:34-36)

53 ኤንቲ ኣባ ፒኒዲ፡ ጌንሳሪጃ ቢታ ጋኪዲ፡ ምሳሎ ጋዓ ሺሺዲ ቃቺደሶና።

54 ኤንቲ ምሳሎ ሞፔ ምዴ ያዴ ኣሳይ ኤሌሲዲ ዩሱሳ ኤሪደሶና።

55 ኤንቲ ሄራን ዴዒያ ቢታ ኡባን ምዴሬተዲ ሃርጋንቾታ ሃላን ቶኪዲ፡ «ዩሱሲ ዴዒሰ» ጊን ሰዒዳ ቤሳ ኡሂደሶና።

56 ኣሳይ ኢ ቢዳ ሶ ኡባን፡ ጋዮሪያን ጊዲን፡ ካታማን፡ ዴዒያ ሃርጋንቾታ ዳባባ ኤሪሶና። ሃርጋንቾቲ ኢያ ኣፊላ ማጫራ ጊዲኮካ ቦታና ማላ ኣሳይ ኢያ ሞሲደሶና። ቦቺዳ ኡባይ ፓዒሰ።

7

ቤኒ ኣዋታ ምጋ  
(ማቶ 15:1-9)

1 ዩሩሳላሚፔ ዩዳ ጉላ ፋሪሳዊቲኔ ሂጌ ኣሰታማራቲ ዩሱሳ ማታን ሸቂደሶና።

2 ዩሱሳ ታማራታፔ ኢሶቲ ኢሶቲ ጌዮና ኩሺያን፡ ሄሲካ ኩሺ ሚጨቶና ካሌ ሚይሳታ ቢዒደሶና።

3 ፋሪሳዊቲኔ ኣይሁዴ ኣሳ ኡባይ ባንታ ኣዋታ ምጋ ባንታ ኩሺያ ሚጨቶና ሞኮና።

4 ሃሳዳካ፡ ኤንቲ ጊያፔ ሻሚቲዳባ ሚጨና ዴዒሺ ሞኮና። ቃሲ ኤንቲ ባንታ ኣዋታፔ ኤኪዳ ሃራ ዳር ሞጊ ዴዒሰ። ሄሲካ ሰኒያ፡ ኬሪያ፡ ቢራታ ሚሺታኔ ኣርሳ ሚጨያ ምጋ ናጌይሳ።

5 ፋሪሳዊቲኔ ሂጌ ኣሰታማራቲ ዩሱሳ፡ «ኔ ታማራቲ ኣይሰ ኣዋታ ምጋ ማንላዲ ባንታ ኩሺያ ሚጨቶና ካሌ ሞና?» ያጊዲ ኦይቺደሶና።

6 ዩሱሲ እንታኮ፡ «ኢሳያሲ ሂንቴና ጨቦታ፡

«ሃይሲ ኣሳይ ታና ባ ኢንፃርሳ ያላላን ቦንቼሰ፡

ሺን ኤንታ ምዛናይ ታፔ ሃሆን ዴዒሰ።

7 ኣሲ ሚዲዳ ምጋ ያሳ ሂጌ ዳኒሲዲ ታማርሲያ ጊሾ

እንቲ ታና ማላ ጎይኖሶና »

ጊዲ ያፊዳይሲ ቱማ።

8 «ሂንቴ ያሳ ኪታ ኣጊዲ ኣሳ ምጋ ሚንላዲ ናጌታ» ያጊሰ።

9 ቃሲካ ዩሱሲ፡ «ሂንቴ ሂንቴ ምጋ ናጊዲ ያሳ ኪታ ዩጊ ኣጋናው ሎዎ ኦኔ ዴሚዴታ።

- 10 ሙሴይ፣ ሳይ አዋኔ ኔ አደው ቦንቻ፣ ቃሲ ሳይ አዋኔ ባ አደው ጫዬይሲ ሃይቃናው ቤሲስን ያገሰ።
- 11 ሺን ኢሲ አሲ ባ አዋ ዋይኮ ባ አደው ማዳናይሳ አገዲ፣ ሳይሲ ያሳ ያርሾን ገኮ።
- 12 ኢ ባ አዋ ዋይኮ ባ አደው ማዳና ማላ ኦፊታ።
- 13 ሄሳዳካ፣ ሂንቱ ሃራታ ታማርሲዳ ሂንቱ ዋጋን ያሳ ቃላ ካጂዳታ። ሄሳ ማላ ሃራ ዳርባ ኦፊታ» ያገሰ።

**አሴ ቱሲያባታ**  
(ማቶ 15:10-20)

- 14 ዬሱሲ ዳር አሳ ቃሲካ ባኮ ያገዲ፣ «ኡባይ ታኒ ኦዴይሳ ሲዒቴኔ አከኪቱ።
- 15 አሳ ዋዛናፔ ከያባይ አሴ ቱሲሲሲፔ አቴን ካሬፔ አሳ ኡሎ ጌሊዲ አሴ ቱሲያባይ አይቢካ ባዋ።
- 16 ሲዒያ ሃይሌ ዳዒያ ኦኒካ ሲዎ» ያገሰ።
- 17 ዬሱሲ ዳር አሳ ዩጊ አገዲ ሶ ጌሊን ኢያ ታማሬቲ ሄ ለሚሰጥባ ኢያ ኦይቹደሶና።
- 18 ኢ ኢንታኮ፣ «ሂንቱወካ ቃሲ ጌሊቤኔ? ካሬፔ አሳ ዋዛናን ጌሊያባይ አይቢካ አሴ ቱሲሳናው ዳንዳዎናይሳ አከኪቱ?»
- 19 አይሰ ገኮ፣ ካሌ አሳ ኡሎ ገዶ ጌሊዲ ካንሌዲ አጭሲፔ አቴን አሳ ዋዛና ገዶ ጌሊና» ያገሰ። ሄሳን ዬሱሲ ካሌ ኡባይ ጌሺ ገደይሳ ኤሪሲስ።
- 20 ካሊዲካ፣ ዬሱሲ፣ «አሳ ቱሲያባይ አሳ ዋዛና ገደፊ ከያባ።
- 21 አሳ ዋዛና ገደፊ ከያባይ ኢታ ቆፋ፣ ላይማቴሌ፣ ካይሶ፣ አሴ ዎጾ፣ ላሜ፣
- 22 ኢታ አዋ፣ ኢታቴሌ፣ ጌኔ፣ ቃይዔ፣ ጨዋ፣ ቃናቱ፣ ጫሺ፣ ኦቶሮኔ ቦዛቴሌ።
- 23 ሃ ኢታባይ ኡባይካ አሳ ዋዛና ገደፊ ከዩዲ አሴ ቱሲሲስ» ያገሰ።

**ኢሲ ማጫሴ አማኑዋ**  
(ማቶ 15:21-28)

- 24 ዬሱሲ ያፔ ከዩዲ፣ ዲርሳ ካታማ ማታን ዳዒያ ቢታ ቢስ። ኢ ኢሲ ከሌ ጌሊዲ ያን ዳዒያ ባኒካ ኤራና ማላ ኮዩቤና። ሺን ቆሰቲዲ ጋምናናው ዳንዳዒቢና።
- 25 ሺን ኢ ጉሳ ናዒው ቱና አያናይ ኦይኪዳ ኢሲ ማጫሲያ ዩሱሳባ ሲዒዳ ኤሌሳ ኢያኮ ያዳ ኢያ ቶሁዋ ቦላ ኩንዳሱ።
- 26 ኢያ አይሁዳ ማጫሲ ገደኩ፤ ኢያ ዩሌቲዳይ ሲርፊንጭ ገያ ቢታና። ኢያ፣ ባ ናዒፔ ቱና አያና ከሳና ማላ ዩሱሳ ዋሳሱ።
- 27 ሺን ዬሱሲ ዛሪዲ፣ «ናይቲ ኮይርቲዲ ካሳ ካሎ፤ ናይታ ካሳ ኤኪዲ ካናታሰ ዩጌይሲ ሎዎ ገደና» ያገሰ።
- 28 ማጫሲያ ዛሪዳ፣ «ታ ጎደው ሄሲ ቱማ፣ ሺን ጋይታ ማታን ዳዒያ ካናቲ ናይታፔ ዎጂያ ቴፊያ ሞሶና» ያገሰ።
- 29 ዬሱሲ ቃሲ ኢኮ፣ «ሃ ኔ ቃላ ገሾ ኔ ሶ ባ፤ ቱና አያናይ ኔ ናዒፔ ከይስ» ያገሰ።
- 30 ማጫሲያ ባ ሶ ቢያ ዎዶ ቱና አያናይ ኢፔ ከዩን ሃያን ዘንዒዳር ዳማሱ።

**ዩሱሲ ቱሌኔ ሙሚ ኡራ ፓሌሰ**

- 31 ዩሱሲ ዲርሳ ካታማፔ ከዩዲ፣ ሲደናራኔ ታሙ ካታማታ ገያ ቢታራ ካንሌዲ ጋሊላ አባኮ ቢስ።
- 32 አሳይ ቱሌኔ ዋዩዲ ኦዴቲያ አሲ ዩሱሳኮ ኤሂዲ፣ ባ ኩሺያ ኢያ ቦላ ዋላና ማላ ኢያ ዋሲደሶና።
- 33 ዩሱሲ ባርካ ሄ ኡራ ዳር አሳፔ ጋዎ ከሲዲ፣ ባ ቢራጂያ ኢያ ሃይላን ዩዲስ። ቃሲ ጩቹ ጩቱዲ ኢያ ኢንግርሳ ቦቹስ።
- 34 ሳሎ ዩዶ ያሊዲ፣ ቶኪ ሺምፒዲ፣ «ኤፍታህ» ገሰ። «ኤፍታህ» ገሰ።
- 35 ኡራ ሃይላይ ኤሌሲዲ ደዩቲስ፣ ቃሺቲዳ ኢንግርሳይካ ቢርሺቲስ፣ ኡራይ ጌሺዲ ኦዴቲስ።
- 36 ዩሱሲ አሳኮ፣ «ሃይሳ ኦዴሰካ ኦዶፒቱ» ያገሰ። ሺን ኢ ዳር ሚንሌዲ ኦዶፒቱ ገን፣ አሳይ ኦዳ ያ ዳርሲስ።
- 37 ሄሳ ሲዒዳ አሳ ኡባይ ዳር ማላሌቲዲ፣ «ኡባባ ኢ ሎይሌ ኦፊስ። ሃሪ አቶሺን፣ ቱሊያ ሲሴስ፣ ሙሚያ ኦዴሴስ» ያገደሶና።



# 8

ዬሱስ እይዱ ሙኩሉ እሳ ሙዚሰ  
(ማቶ 15:32-39)

- 1 ጉላ ዋዴፕ ጉዬ፥ ዳር አሳይ ዬሱሳኮ ሸቂዶሶና፥ አሳሰ ሚያባይ ቆዩን ዬሱሰ ባ ታማሬታ ባኮ ያገዱ፤
- 2 «ሃ አሳይ ታራ ሄዙ ጋላሰ ጋካናው ጋምዒዲ፥ አይኮካ ሚያባ ዳሚቦና ገሾ ታና አሳይ ቃዲሴሰ።
- 3 ታኒ አሳ ኮሻራ ሶ ዬዲኮ አሳይ ቢሼ ኦጌን ዳቡራዲ ኩንዳና፥ ባጋ አሳይ ሃሆሶፕ ዪዶሶና» ያገሰ።
- 4 ዬሱሳ ታማሬቲ ዛሪዲ፥ «ሃ ባዞ ቢታን ሃ አሳ ኡባ ሙዛናው ገዲያ ካሊ ዳማናው ዳንዳዔይ ኦኔ?» ያገደሶና።
- 5 ዬሱሰ ኤንታኮ፥ «ሂንቴው አፑን ኡይሊ ዳዒ?» ያገዲ ኦይቺሰ።
- 6 ዬሱሰ ዛሪዲ፥ «ላፑን ኡይሊ ዳዒሰ» ያገደሶና።
- 7 ዬሱሰ አሳይ ሳባን ኤታና ሚላ ከተሰ። ያተዲ፥ ላፑን ኡይላ ኤኪዲ ያሳ ጋላቲ ሰሚዲ ሄ ኡይላ ሚንላዲ፥ አሳሰ ገሻና ሚላ ባ ታማሬታሰ ኢሚሰ። ኢያ ታማሬቲ አሳሰ ገሺደሶና።
- 8 ኤንታው ቃሲ ጉላ ሳላ ሞሎቲ ዳዶሶና፥ ዬሱሰ ሄ ሞሎታ ገሾ ያሳ ጋላቲዲ፥ አሳሰ ገሻና ሚላ ባ ታማሬታ ከተሰ።
- 9 አሳይ ኡባይ ሚዲ ካሊደሶና፥ ኢያ ታማሬቲ አተዳ ቲፊያ ላፑን ጋይታ ኩሚላ ዳንላደሶና።
- 10 ካላ ሚዳ አሳ ታይቦይ ኦይዲ ሙኩሉ ገዳና፥ ሄሳፌ ጉዬ፥ ዬሱሰ አሳ ዬዲሰ።
- 11 ኢ ቃሲ ባ ታማሬታራ ኤሊሰ ዋጎሎን ጌሊዲ ዳፊማኑታ ገያ ቢታ ቢሰ።

ማላቲ ኦሲታና ሚላ ኦይቺደሶና  
(ማቶ 16:1-4)

- 12 ፋሪሳዊቲ ዪዲ ዬሱሳ ፓጫናው ኮዪዲ፥ ሳሎፕ ባንታና ማላታ ቤሳና ሚላ ዬሱሳራ ፓላማ ኦይኪደሶና።
- 13 ዬሱሰ ቶኪ ሸምፕዲ፥ «ሃ ዋዲያ አሳይ አይሰ ማላታ ኮዪ? ታኒ ሂንቴው ቱማ ኦዳይሰ፤ ሃ ዋዲያ አሳሰ አይ ማላቲካ ኢሚቴና» ያገሰ።
- 14 ኢ ኤንታ ያን ዩጊ አገዲ ዛሪ ዋጎሎን ጌሊዲ አባፌ ሄፊንላ ፒኒሰ።

ፋሪሳዊቲ ሄርዲሳ ኢርሹዋ  
(ማቶ 16:5-12)

- 15 ኢያ ታማሬቲ ካሊ ኤፋናይሳ ደገደሶና፤ ኤንታው ዋጎሎዋ ገደን ኢሲ ኡይላፌ ሃሪ ባዋ።
- 16 ዬሱሰ ኤንታኮ፥ «ሂንቴና ኤሪቴ። ፋሪሳዊታ ኢርሹዋፊኔ ሄርዲሳ ኢርሹዋፊና ጌቴቴ» ያገዲ ከተሰ።
- 17 ኤንቲ ባንታ ገደን፥ «ኢ ሃይሳ ጌይ ኦሰ ኡይላ ባይና ገሻሳ» ያገደሶና።
- 18 ዬሱሰ ኤንቲ ጌይሳ ኤሪዲ ኤንታኮ፥ «ሂንቴው ኡይላ ባይና ገሾ አይሰ ኦዳቴቲ? ሃዒካ ኤሬከቲ? ዋይኮ አኬኬከቲ? ሂንቴ ዋዛናይ ደጨዳ?»
- 19 ሂንቴው አይፊይ ዳዒሸን ቤዒኬቲ? ሃይላ ዳዒሸን ሰዒኬቲ? ሂንቴ አኬኬቲ?
- 20 ታኒ ኢቻሹ ኡይላ ኢቻሹ ሙኩሉ አሳሰ ባሊዳ ዋዳ አፑን ጋይታ ኩሚላ ቲፊ ዳንላደቲ?» ያገሰ።
- 21 ኤንቲካ፥ «ታማኔ ናምቡ ጋይታ ኩሚላ» ያገደሶና።
- 22 «ሂሳዳካ፥ ታኒ ላፑን ኡይላ ኦይዲ ሙኩሉ አሳሰ ባሊዳ ዋዳ አፑን ጋይታ ኩሚላ ቲፊ ዳንላደቲ?» ያገሰ።
- 23 ኤንቲ፥ «ላፑን ጋይታ ኩሚላ ዳንላደቲ» ያገደሶና።
- 24 ያተን፥ «ሃዒካ አኬኬኬከቲ?» ያገሰ።

ዬሱሰ ቤቴሳይዳን ኢሰ ቆቂያ ፓሊሰ

- 25 ኤንቲ ቤቴሳይዳ ካታማ ቢደሶና። ጉላ አሳቲ ቆቂ ኡራ ዬሱሳኮ ኤሂዲ ሄ ኡራ ቦቻና ሚላ ኢያ ሞሰደሶና።
- 26 ዬሱሰ ቆቂ ኡራ ከሺያ ኦይኪዲ ካታማፕ ጋሃ ኬሲሰ። ኢያ አይፊያን ጨቲዲ ባ ከሺያ ኢያ ቦላ ዋላዲ፥ «ኔው አይኮይ ቤንቲ?» ያገዲ ኦይቺሰ።
- 27 ኡራይ ቆቂ ገዲ ያሊዲ፥ «ታው አሳይ ቤንቴሰ፥ ሺን አሳይ ሃሙተሺ ሚላ ዳኔሰ» ያገሰ።
- 28 ሄሳፌ ጉዬ፥ ዬሱሰ ዛሪዲ፥ ኡራ አይፊያን ባ ከሺያ ዋላሰ። ኡራይ ሎይላ ያሊሰ፥ ኢያ አይፊይ ፓዲሰ፥ ኡባባ ጌሺዲ ቤዒሰ።

26 ዬሱሲ አዲያት፡ «ኔ ሶ ባ፣ ሽን ጉታ ጌሎፓ» ያጊዲ ከተሰ።

ጳጳርሳ እማኑዋኔ ማርካቲሳ  
(ማቶ 16:13-20፤ ሉቃ 9:18-21)

27 ዬሱሲ ባ ታማሬታራ ቁሳሪያ ፊልጶሳ ማታን ዳዒያ ጉታ ቢሰ። ኤንቲ ቢሺን ኦኔ ቦላ ዬሱሲ፡ «ታና አሳይ ኦና ጎና?» ያጊዲ ባ ታማሬታ ኦይቸሰ።

28 ኢያ ታማሬቲ፡ «ኢሲ ኢሲ አሳይ ኔና፡ ጭማቂያ ዮሃንሳን ጎሶና፤ ሃራቲ፡ ሳኤሊያሳ ጎሶና» ቃሲ ሃራቲ፡ «ናቤታፔ ኢሱዋ» ጎሶና» ያጊደሶና።

29 ዬሱሲ ኤንታት፡ «ያተን ሂንቲ ታና ኦና ጌቲ?» ያጊዲ ኦይቸሰ።

ጳጳርሳ፡ «ኔኒ ኪሪሰቶሳ» ያጊዲ ዛሪሰ።

30 ዬሱሲ፡ «ታባ ኦዴሰካ ኦዶፒቲ» ያጊዲ ኤንታ ከተሰ።

ዬሱሲ ባና ጋካና ሜቱዋኔ ዋያ ኦዲሰ  
(ማቶ 16:21-28፤ ሉቃ 9:22-27)

31 ዬሱሲ ባ ታማሬታት፡ «አሳ ናዳይ፣ ዳር ሜቶ ኤካናው ቤሴሰ፤ ጨማቲ፡ ካሂኔ ሃላቃቲኔ ሂጌ አሰታማሬቲ ኢያ ኢዳናው ቤሴሰ። ኤንቲ ኢያ ዋጳናውኔ ሂዡ ጋላሳፔ ጉዬ፣ ኢ ሃይቆፔ ዴንዳናው ቤሴሰ» ያጊዲ ኤንታ ታማርሲሰ።

32 ኢ ሄሳ ኤንታው ጌሺዲ ኦዲሰ። ጳጳርሳ ኢያ ኢሲ ባጋ ዛሪዲ ሃንቁሰ።

33 ሽን ዬሱሲ ጉዬ ሰሚዲ፡ ባ ታማሬታ ጃሊዲ፡ ጳጳርሳ ሃንቁቲዲ፡ «ሃ ፃላሂያው፡ ታፔ ሃካ። ኔኒ ኢሲ ዶሲያባ ቆፓሳፔ አተን ያሳይ ዶሲያባ ቆፓካ» ያጊሰ።

ዬሱሳ ካሎይ ባና ካዶ ኦይቸሰ  
(ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዬሱሲ ዳሮ አሳኔ ባ ታማሬታ ባኮ ጃጊዲ፡ «ታና ካላናው ኮያ ኦኒካ ባና ካዶ፤ ባ ማሰቃሊያ ቶኪዲ ታና ካሎ።

35 ባ ሸምፑዋ አሻናው ኮያ ኡራይ ጳይሳና። ሽን ታ ጊሾኔ ዋንጌላ ጊሾ ባ ሸምፑዋ ጳይሲያ ኡራይ አሻና።

36 ኢሲ አሲ ሳዓን ዳዒያ ኡባባ ባው ሸሺዲ፡ ባ ሸምፑዋ ጳይሲኮ ኢያ አይ ማዶኔ?

37 ኢሲ አሲ ባ ሸምፑዋ ዋዛናው አይ አማናው ዳንዳዒ?

38 ያሳ አማናና ሃ ኢታ ዬሎቴላን፣ ኢሲ አሲ ታናኒኔ ታ ቃላን ዬላቲኮ፡ አሳ ናዳይ፡ ቃሲ ባ አዋ ቦንቸን ጌሻ ኪታንቸታራ ያ ዋዴ ኢያን ዬላታና» ያጊሰ።

# 9

ዬሱሳ ማላይ ላሚቲሰ  
(ማቶ 17:1-13፤ ሉቃ 9:28-36)

1 ዬሱሲ ኤንታት፡ «ታኒ ሂንቲው ቱማ ኦዲይሰ፤ ያሳ ካዋቴላይ ዋልቃራ ዬይሳ ቤዶና ሃይቆና ኢሲ ኢሲ አሳቲ ሃይሳን ዴዖሶና» ያጊሰ።

2 ዬሱሲ ኡሱፑን ጋላሳፔ ጉዬ፡ ባራ ጳጳርሳ፡ ያይቆባኔ ዮሃንሳ ኤኪዲ፡ ኤንታ ፃላላ ጌታ ዳሪያ ቦላ ኬሲዲ ኤንታ ሲንላን ላሚቲሰ።

3 ኢያ ማዖይካ ጸሊሰ፤ ሳዓን ማዖ ሚጨያ ኦኒካ ጌሻናው ዳንዳይናይሳ ሜላ ዳር ቦጻሰ።

4 ሂ ሂዡ ታማሬቲ፡ «ኤሊያሲኔ ሙሴይ ዬሱሳራ ኦዴቲሺን ቤዒደሶና።

5 ጳጳርሳ ዬሱሳ፡ «አሰታማሪያው፡ ኮኒ ሃይሳን ዳዒይሲ ኮሰ ሎዖ፤ ኮ ሂዡ ሻቃራታ ኢሱዋ ኔው፡ ኢሱዋ ሙሴሰ። ቃሲ ኢሱዋ ኤሊያሳሰ ሻቃራና» ያጊሰ።

6 ኢያራኔ ሃንኮታራ ዳር ያዩዳ ጊሾ ኢ አይ ጊያኮካ ኤሪቤና።

7 ሃሳፌ ጉዬ፡ ሻራይ ዩዲ ኤንታ ካሚን ሻራፔ፡ «ሃይሲ ታ ዶሲያ፡ ታ ናና፡ ኢ ጌይሳ ሲዒቲ» ጊያ ቃላይ ዩሰ።

8 ኤሊሲዲ ኤንቲ ዩሺ አላ ጃሊያ ዋዴ ዬሱሳፔ አተን ሃራ ኦናካ ባንታ ማታን ቤዒቦኮና።

9 ኤንቲ ዳሪያፔ ዋጳሺን፡ ዬሱሲ ኤንታት፡ «አሳ ናዳይ፡ ሃይቆፔ ዴንዳና ጋካናው፡ ሂንቲ ቤዒዳባ ኦዴሰካ ኦዶፒቲ» ያጊዲ ከተሰ።

10 ኢ ከቲታይሳ አንቲ፡ «ኤሮ» ጊዲ፡ «ሃ ሃይቆፔ ዴንዶ ጌይሲ ዋይጉሴ» ጊዲ፡ ባንታ ጊዶን ኦዴቲዶሶና።

11 ኤንቲ ዛሪዲ፡ «ሂጌ አሰታማሬቲ፡ ሳኤሊያሲ ኮይሮቲዲ ያናው ቤሴሰ» አይሰ ጎና?» ያጊዲ ኦይቸዶሶና።

12 ዩሱሲ ዛሬዲ «ኤሊያሲ ከሮቲዲ ዪዲ፣ ኡባባ ገሊሴስ፤ ያተን፣ እይሰ ገሻ ማፃፋይ፣ ላሳ ናባይ ዳር ዋዩታና እጃታና» ያገ ገዲ ኦይቸሰ።

13 ሺን ታኒ ሂንቲው ኦዲይሰ፤ ኤሊያሲ ዪሰ፤ ቃሲ ኢያባይ ገሻ ማፃፋን ፃፊቲዲይሳዳ፣ እሳይ ኢያ ቦላ ባንታ ኮዩዳባ ኦሊዶሶና» ያገሰ።

**ዩሱሲ ቱና እያናይ ኦይኪዳ ናባ ፓሊሰ**  
(ማቶ 17:14-21፤ ሉቃ 9:37-43)

14 ዩሱሲ፣ ጳጳርሲ፣ ያይቆቤኔ ዮሃኒሲ ሃንኮ ኢያ ታማራታኮ ሲሚዲ ያ ዋዴ ዳር አሳይ ኤንታ ዩሹዋን ኦቆዳይሳታኔ ሂጌ አሰታማራ ገዲዳ ጉላ አሳቲ ኤንታራ ፓላሚይሳ ቤዲዶሶና።

15 ሄ ዳር አሳይ ዩሱሳ ቤዲዳ ዋዴ ማላሊቲዲ፣ ኤሊሲዲ ኢያኮ ዋፂ ዪዲ፣ ኢያ ሳርሊዶሶና።

16 ዩሱሲ ባ ታማራታኮ፣ «ኤንታራ አይ ፓላሚቲ?» ያገዲ ኦይቸሰ።

17 ሄ ዳር አሳ ገደፊ ኢሲ ኡራይ ዛሬዲ፣ «አሰታማሪያው፣ ታ ናባ ቦላ ኦዴቱሊ ዲገያ ቱና እያናይ ዳዲያ ገሾ ኢያ ኔኮ ኤካዳ ያሰ።

18 ሃ ቱና እያናይ ኢያ ኦይኪያ ዋዴ ኡባን፣ ኢያ ሾጩ ዩጌስ፤ ኢያ ዶናራ ጎፖንቶይ ዩሰ፤ ቃሲ አቼ ፓርጩሴስ፤ አሳቲላካ ሚኔስ። ኢያፔ ሃ ቱና እያና ኬሳና ሜላ፣ ኔ ታማራታሰ ኦዳሰ፣ ሺን ኬሳናው ዳንዳሲቦኮና» ያገሰ።

19 ዩሱሲ ዛሬዲ ኤንታኮ፣ «አማናና ሃ ዋዲያ አሳው! ታኒ ሂንቲራ አወዴ ጋካናው ዳኔ? ቃሲ ሂንቲና አወዴ ጋካናው ዳንዳሲና? ናባ ታኮ ሃ ኤኪ ዪቲ» ያገሰ።

20 ኤንቲ ናባ ኢያኮ ኤሂዶሶና፤ ሄ ቱና እያናይ ዩሱሳ ቤዲዳ ሜላ ናባ ኮኮርሲስ፤ ናባይ ሳባን ኮንዲዲ፣ ዶናራ ጎፖንቶይ ቶፋ ገሺን ጎንደሬቲሰ።

21 ዩሱሲ ሄ ናባ አዋኮ፣ «ሃይሲ ኔ ናባ ኦይኮሳፔ አይ ሜላ ዋዴ ገዳኔ?» ያገዲ ኦይቸሰ።

22 ናባ አዋይ፣ «ኢ ጉላን ዳሲሺን ኦይኪሰ።

23 ኢያ ዋዳናው ዳር ዋዴ ታማኒኔ ሃላን ዩጌስ፣ ሺን ኔ ዳንዳሲኮ፣ ኦሰ ቃጴታርኪ፣ ኦና ማዳርኪ» ያገሰ።

24 ዩሱሲ ኢያ፣ « ኔኒ ዳንዳሲኮ ጋይ?» አማኒያ ኦዴሰካ ኡባባይ ዳንዳሲቲሰ» ያገሰ።

25 ኤሊሲዲ ናባ አዋይ ባ ቃላ ቆቆ ኦሊዲ፣ «ታኒ አማናይሰ፣ ሺን ጉጃ አማናናዳ ታና ማዳርኪ» ያገሰ።

26 ዩሱሲ አሳይ ዳሪ ዳሪ ቤይሳ ቤዲዳ፣ ቱና እያና፣ «ሃ ቱሌኔ ሙሜ እያናው፣ ሃ ናባፔ ኬያ ጋዳ ኔና ታ ከታይሰ፤ ቃሲ ናሞባንላ ኢያን ጌሎፓ» ያገሰ።

27 ሺን ዩሱሲ ናባ ኮሺያ ኦይኪዲ ዳንጳን፣ ናባይ ዳንዲ ኦቆስ።

28 ዩሱሲ ሶ ጌሊዳይሳፊ ጉዬ ኢያ ታማራቲ፣ «ኦኒ ሄ ቱና እያና ከሳናው አይሰ ዳንዳሲቦኮ?» ያገዲ ዩሱሳ ዳማ ኦይቸዶሶና።

29 ዩሱሲ ዛሬዲ፣ «ሄሳ ሜላይ ዋሳፔኔ ያማፔ አቲን ሃራባን ኬያናው ዳንዳሲና» ያገሰ።

**ዩሱሲ ባና ጋካና ሜቱዋ ዛሪ ኦዲሰ**  
(ማቶ 17:22-23፤ ሉቃ 9:43-45)

30 ኤንቲ ሄ ቤሳፊ ዳንዲዲ፣ ጋሊላራ አጁዲ ቢዶሶና፤ ዩሱሲ ባ ዳዲያሱዋ ኦኒካ ኤራና ሜላ ኮዩቤና።

31 ኢ ባ ታማራታኮ፣ «አሳ ናባ፣ አሲ አሳሰ አሊ ኢማናኔ ዋዳና፤ ኢ ሄሹ ጋላሳፔ ጉዬ፣ ሃይቆፔ ዳንዳና» ያገዲ ታማርሴስ።

32 ሺን ኤንታው ኢ ጌይሲ ጌሊቤና፤ ቃሲ ኢያ ኦይቻናወካ ያዩዶሶና።

**ኡባፊ አጴይ ኦኔ?**  
(ማቶ 18:1-5፤ ሉቃ 9:46-48)

33 ኤንቲ ቁፊርናሆሚ ካታማ ቢዲ ሶ ጌሊዳይሳፊ ጉዬ ዩሱሲ ኤንታኮ፣ «ኦጌን አይ ኦዴቲቲ?» ያገዲ ኦይቸሰ።

34 ሺን ኤንቲ፣ «ኦ ገደን ኡባፊ አዳናይ ኦኔ?» ያገዲ ፓላሚዳ ገሾ ሰዲ ገደሶና።

35 ዩሱሲ ኡቲዲ፣ ታማኔ ናሞ፦ ታማራታ ጃገዲ፣ «ኦኒካ ሲንሌ አዳናው ኮይኮ፣ ኡባፊ ጉዬ አጁዲ፣ ኡባሰ አይሊ ገደናው ቤሴስ» ያገሰ።

36 ኢሲ ጉላ ናባ ኤኪዲ፣ ኤንታ ገደን ኤሰሰ፤ ሄ ጉላ ናባ ኢዲሚዲ ኤንታኮ።

37 «ሃይሳ ሜላ ጉላ ናይታፔ ኢሱዋ ታ ሱንላን ሞኪያ ኦኒካ ታና ሞኪስ፤ ቃሲ ታና ሞኪያ ኦኒካ ታና ከቲዳይሳካ ሞኪሲፔ አቲን ታ ፃላላ ሞኪና» ያገሰ።

ኑና ኢየሩ ኡራይ ኑ ባጋ

(ሉቃ 9:49-50)

38 ዮሃንስ፡ «አስታማሪያው፡ ኢሲ አሲ ኔ ሱንጻን ቱና ኣያናታ ኬሲሺን ኑኒ ቤዒዲ፡ ኑ ባጋ ጊደና ገሾ ኢያ ዲጊደ» ያገሰ።

39 ሺን ዬሱስ፡ «ኦኒካ ታ ሱንጻን ያሳይ ኦሌያ ማላታታ ኦሌዲ፡ ኤሌሲዲ ታ ቦላ ኢታባ ኦዴታናው ዲንዳዴይ ባይና ገሾ ዲጎፊቱ።

40 ኑባ ኢየሩ ኡራይ ኑ ባጋ።

41 ታኒ ሂንቱው ቱማ ኦዲይሰ፤ ሂንቱ ታይሳታ ጊዲያ ገሾ ኦኒካ ሂንቱው ታ ሱንጻን ሃሎ ሃሌ ኡያናው ኢሚኮካ፡ ባ ያይቱዋ ኤካና።

ናጋራን ፓጩቴላ

(ማቶ 18:6-9፤ ሉቃ 17:1-2)

42 «ታና ኣማኒያ ሃ ጉሳታፔ ኢሱዋ ባሌሌያ ኦኒካ፡ ጋቻ ዋጋ ዋግ ባ ቆዴን ቃቺዲ፡ ኣባን ዉሊያኮ ኢያው ሎ።።

43-44 ኔ ኩሺይ ኔና ባሌሊኮ፡ ቃንግ ሆላ። ኔኒ ናምቡ ኩሺራ ቶፖና ጋናሜ ታማን ዬጌቴይሳፊ፡ ዲግ ኩሺራ ዴቦዋ ጌሎይ ኔው ሎ።።

45-46 ኔ ቶሆይ ኔና ባሌሊኮ፡ ቃንግ ሆላ። ኔኒ ናምቡ ቶሆዋራ ጋናሜ ታማን ዬጌቴይሳፊ፡ ዋቤ ጊዳዳ ዴቦዋ ጌሌይሲ ኔው ሎ።።

47 ኔ ኣይፊይ ኔና ባሌሊኮ፡ ዋጫ ኩሳ ሆላ። ኔኒ ናምቡ ኣይፊያራ ጋናሜ ታማን ዬጌቴይሳፊ፡ ኢሲ ኣይፊያራ ያሳ ካዎቴላ ጌሌይሲ ኔው ሎ።።

48 ያን ኢንታ ሚያ ጉፁኔይ ሃይቁና፡ ታማይካ ቶዔና።

49 «ያርሾይ ማዳኔን ጌዬይሳ ማላ ኣሲ ኡባይ ታማን ሃርቁታና።

50 ማዳኔይ ሎ።። ሺን ኢ ማልፖና ኢዲኮ፡ ዛሪዲ ዋቲ ማልዔላኔ? ሂንቱናን ማዳኔይ ዴ።። ያኒዲ ኢሶይ ኢሱዋራ ሳርቴላን ዴዒቱ» ያገሰ።

# 10

ማቸ ዬዳናው ቤሴና

(ማቶ 19:1-2፤ ሉቃ 16:18)

1 ዬሱስ ሂሳፊ ዴንዲዲ፡ ዪሁዳ ቢታ ቢዲ ዮርዳኖሴ ሻሓ ፒኒስ። ዳር ኣሳይ ዛሪዲ ኢያኮ ሸቁን፡ ካሴይሳዳካ ሄ ኣሳ ታማርሲስ።

2 ኢሲ ኢሲ ሓሪሳዊቲ ፓጫናው ኮዩዲ ዬሱሳ፡ «ኢሲ ኣሲ ባ ማቺው ዬዳና ማላ ሙሴ ሂጌይ ከቲ?» ያገዲ ኢያ ኦይቺዶሶና።

3 ኢ ዛሪዲ፡ «ሙሴይ ሂንቱና ዎይጊዲ ከቲዴ?» ያገሰ።

4 ኢንቲ፡ «ሙሴይ፡ ሲሲ ኣሲ ባ ማቺሰ ኣንጃ ዋርቃቱ ኢሚዲ ዬዳ ገሰ» ያገደሶና።

5 ዬሱስ ዛሪዲ፡ ኤንታ «ሂንቱ ኦዲን ሲፖናይሳታ ጊዲያ ገሾ ሙሴይ ሃ ከታ ሂንቱው ያፊስ።

6 ሺን ያሳይ ኮይሮ ሜዳያ ዎዴ ኣዴኔ ማጫ ኦሌዲ፡ ኤንታ ሜዲስ።

7 ሂሳ ገሾ፡ ኢሲ ኣሲ ባ ኣዎኔ ባ ኣዩው ኣገዲ፡ ባ ማቺራ ኢሲፊ ዴዔስ።

8 ኢንቲ ናምዓይ ኢሲ ኣሴ ገደሶና፤ ሂዛፔ፡ ኢንቲ ኢሲ ኣሴ ገደሶናፔ ኣቲን ናምቡ ኣሲ ገደኮና።

9 ሂሳ ገሾ፡ ያሳይ ኢሲፊ ቃቺዲይሳ ኣሲ ሻኮፎ» ያገሰ።

10 ኢንቲ ሶ ሲሚዳ ዎዴ ኢያ ታማሬቲ ሃ ኦዳባ ዬሱሳ ናምዓንጻ ኦይቺዶሶና።

11 ዬሱስ ኢንታኮ፡ «ባ ማቺው ዬዲዲ ሃራ ኤኪያ ኦኒካ ላይማቴስ።

12 ቃሲ ማጫሲያካ ባ ኣዘናፔ ኬያዳ ሃራ ኣዘና ጌሊኮ ሳይማታዉሱ» ያገሰ።

ዬሱስ ጉላ ናይታ ኣንጂስ

(ማቶ 19:13-15፤ ሉቃ 18:15-17)

13 ዬሱስ ጉላ ናይታ ቦቻና ሜላ፡ ኢሲ ኢሲ ኣሳይ ናይታ ኢያኮ ኤሆሶና፡ ሺን ኢያ ታማሬቲ ሄ ኣሳ ሃንቁቲዶሶና።

14 ዬሱስ ሂሳ ቤዒዲ፡ ባ ታማሬታ ሃንቁቲዲ፤ ኢንታኮ፡ «ጉላ ናይቲ ታኮ ዬይሳ ዲጎፊቲ፤ ያሳ ካዎቴላይ ሃይሳታ ማሳሳ።

15 ታኒ ሂንቱው ቱማ ኦዲይሰ፤ ያሳ ካዎቴላ ጉላ ናዓዳ ኤኮና ኡራይ ኦኒካ ሄ ካዎቴላ ኡባራካ ጌሌና» ያገሰ።

16 ጉላ ናይታ ኢዲሚዲ፣ ባ ኩሺያ ኤንታ ኢሱዋ ኢሱዋ ቦላ ዋሊ ዲ ኣንጂሱ።

ሚሺ ሲቆይ ኤሂያ ሜቲዋ  
(ማቶ 19:16-30፤ ሉቃ 18:18-30)

17 ዩሱሲ ባናው ከዩዳ ዋደ ኢሲ ኡራይ ዋደ ዩዲ፣ ኢያ ሲንሳን ጉልባቲዲ፣ «ከህ ኣስታማሪያው፣ ማሪና ደዑዋ ላታናው ታኒ ኣይ ኦሎ?» ያገዲ ኦይቲሱ።

18 ዩሱሲ፣ «ኣይሰ ታና ከሃው ጋዳ ይገይ? ያሳ ያላላፎ ኣትን ሃሪ ከሂ ኦኒካ ባዋ።

19 ያሳ ኪታ፣ ዋዶፓ፤ ላይማቶ፤ ካይሶቶ፤ ዋርዳ ማርካቶ፤ ኢንግርሳን ጨዋ፤ ኔ ኣዋኔ ኔ ኣዩው ቦንቻ ያገይሳ ኡራሳ» ያገሰ።

20 ኡራይ፣ «ኣስታማሪያው፣ ታኒ ሃሳ ኡባ ናባቴላፊ ደማዳ ሃላ ጋካናው ናጋይሰ» ያገሰ።

21 ዩሱሲ ኡራ ቲሺ ኦሊ ያለዲ ደሲሰ፤ «ኔው ኢሲባይ ፓጩሰ፤ ባዳ ኔው ዳዒያባ ኡባ ባይዛዳ፣ ሂ ሚሺያ ማንቆታሰ ኣማ፤ ኔኒ ሳሎን ዱሬታና። ያታ ሲማዳ ታና ካላ» ያገሰ።

22 ሺን ኡራይ ሃሳ ሲዲዲ፣ ኢ ዳር ዱሬ ገዲያ ገሾ ባ ሶምዑዋ ካሬሊሰ፣ ኡፋይቶና ኣገዲ ቢሰ።

23 ዩሱሲ ባ ታማሪታ ዩሺ ኣሊ ያለዲ፣ «ዱሬ ኣሲ ያሳ ካዋቴላ ገላናይሲ ዋኒዲ ማታንዳሻ!» ያገሰ።

24 ኢያ ታማሪቲ ኢያ ቲማርቲያ ሲዲዲ ማላላቲዶሶና። ሺን ዩሱሲ ቃሲካ ኤንታኮ፣ «ናይቶ፣ ያሳ ካዋቴላ ገላናይሲ ዋኒዲ ማታንዳሻ!

25 ዱሬ ኣሲ ያሳ ካዋቴላ ገላናይሳፊ፣ ገማሌይ ናርፎ ሉሆራ ኣዴይሲ ካወዩሰ» ያገሰ።

26 ኢያ ታማሪቲ ማላላቲዲ፣ «ዮተን፣ ኦኒ ኣታኔ?» ያገዲ፣ ኢሲይ ኢሱዋ ኦይቲዶሶና።

27 ዩሱሲ ኤንታ ቲሺ ኦሊ ያለዲ፣ «ሃይሲ ያሳሰ ዳንዳዒቲሰ፤ ኣትን ኣሳሰ ዳንዳዒቲና፤ ያሳሰ ኡባባይ ዳንዳዒቲሰ» ያገሰ።

28 ጳይሪሲ ዩሱሳኮ፣ «ሃኮ፤ ኦኒ ኦባ ኡባ ኣገዲ፣ ኔና ካሊዲ» ያገሰ።

29 ዩሱሲ «ታኒ ሂንቲው ቲማ ኦዲይሰ፤ ታ ገሾኔ ዋንጌላ ገሾ ከላ ዋይኮ ኣሻታ ዋይኮ ሚቹታ ዋይኮ ኣዋ ዋይኮ ኣዩው ዋይኮ ማቹው ዋይኮ ናይታ ዋይኮ ጋዲያ ኣገዲይ ኦኒካ፣

30 ሃላ ሃ ዋዲያን ያቴ ኩሺ ከላ፣ ኣሻታ፣ ሚቹታ፣ ኣይታ፣ ናይታ፣ ጋዲያ፣ ጎዴቴላሪ ኢሲፊ ኤካና። ሲንሳፊ ያና ዋዲያንካ ማሪና ደዑዋ ኤካና።

31 ሺን ዳርቲ ሃላ ዳሳን ሲንሌ ገዲዳይሳቲ ጉዬ ገዳና፣ ቃሲ ዳርቲ ሃላ ጉዬ ገዲዳይሳቲ ሲንሌ ገዳና» ያገሰ።

ዩሱሲ ባና ጋካና ሜቲዋ ሂዻንላ ኦዲሲ  
(ማቶ 20:17-19፤ ሉቃ 18:31-34)

32 ዩሱሳራኔ ኢያ ታማሪታሪ ዩሩሳላሚ ቢሺን፣ ዩሱሲ ባ ታማሪታ ሲንሳን ሃሙቲሰ። ኤንቲ ማላላቲዶሶና። ኢያ ካሌይሳቲካ ያዩዶሶና። ናምባንሎ፣ ታማኔ ናምዑ ታማሪታ ጋዳ ከሲዲ፣ ባና ጋካና ባዳ ማንታው ሃይሳዳ ያገዲ ኦዲሰ።

33 «ሃኮ፣ ኦኒ ዩሩሳላሚ ሃላ ከዮሰ። ያን ኣሳ ናባይ፣ ካሂኔ ሃላቃታሲኔ ሂኔ ኣስታማሪታሰ ኣሊ ኣሚታና። ኤንቲ ኢያ ቦላ ሃይቆ ፐርዳ ፐርዳና፣ ቃሲ ኣይሁዳ ገደና ዳሪያሰ ኢያ ኣሊ ኣማና።

34 ሂ ኣይሁዳ ገደና ዳሪይ ኢያ ቶቻና፣ ኢያ ቦላ ጨታና፣ ሊሶን ጋራፋናኔ ዋቆና። ኢ ሂዡ ጋላሳፎ ጉዬ፣ ሃይቆፎ ዳንዳና» ያገሰ።

ያይቆቤኔ ዮሃኒሲ ዋሲዳ ዋሳ  
(ማቶ 20:20-28)

35 ዛብዲዮሳ ናይቲ ያይቆቤኔ ዮሃኒሲ ዩሱሳኮ ዩዲ፣ «ኣስታማሪያው፣ ኦኒ ኔና ዋሲያ ኢሲባ ኦሰ ኦሳርኪ» ያገደሶና።

36 ዩሱሲ ኤንታኮ፣ «ታኒ ሂንቲው ኣይ ኦሎ?» ያገሰ።

37 ኤንቲ፣ «ኔኒ ኔ ቦንቻ ካዋቴላን ኡቲያ ዋደ ኦፔ ኢሱዋ ኡሻቻ ባጋራ ቃሲ ኢሱዋ ሃዲርሳ ባጋራ ኡተሳርኪ» ያገደሶና።

38 ሺን ዩሱሲ ኤንታኮ፣ «ሂንቲ ኣይ ዋሲያኮ ኤሬኪታ፣ ታ ኡያናው ዳዒያ ፀዓ ኡያናው ዳንዳዒቲ? ቃሲ ታኒ ምቁታናው ዳዒያ ያንቃቲያ ምቁታናው ዳንዳዒቲ?» ያገሰ።

39 ኤንቲ ዛሪዲ፣ «ኡ ዳንዳዶሰ» ያገደሶና።

ዩሱሲ ቃሲ፣ «ቲማካ ታ ኡያናው ዳዒያ ፀዓ ሂንቲ ኡያና፣ ታኒ ምቁታናው ዳዒያ ያንቃቲያ ሂንቲ ምቁታና።

40 ሺን ታፎ ኡሻቻ ባጋራኔ ሃዲርሳ ባጋራ ኡታናይሳታ ደራናው ታው ማቲ ባዋ፣ ሺን ሂ ቤሳይ ያሳይ ኣማናው ገሲሲ ዋሊዳይሳታ» ያገሰ።

41 ሃንኮ ታሙ ታማራት ሃሳ ሲዲዳ ዋዴ ያይቆባኔ የሃሂሳ ሃንቁቲዶሶና።  
 42 ዬሱሲ ኢንታ ኡባ ባኮ ያጊዲ፣ «አይሁዴ ጊደና አሳ ሃላቃቲ ዴሪያ ሃራይሳታ ጌቲቲዲ ያጌቲይሳኔ ሃራይሳታሰ ዴሪያ ቦላ ማቲ ዴዲይሳ ሃንቲ ኤራታ።  
 43 ሸን ሃንቲ ጊደን ሃሳ ማላ ጊደና፤ ሃንቲ ጊደን ጊታታናው ኮዬይ ኦኒካ ሃንቲው አይሌ ጊደናው ቤሴስ።  
 44 ቃሲ ሃንቲ ጊደን ኡባሬ ቦላ ጊደናው ኮዬይ ኦኒካ ሃንቲ ኡባሰ አይሌ ጊደናው ቤሴስ።  
 45 ሃሪ አቶሽን፣ አሳ ናዳይካ፣ አሳሰ ኦላናውኔ ዳርታ ዋዛናው ባ ሸምፑዋ አሏ ኢማናው ዬሲፔ ኦቲን አሲ ኢያው ኦላና ማላ ዬቤና» ያጊሰ።

ዬሱሲ ቆቂያ ባርዲሞሳ አይፊያ ፓሊሰ  
 (ማቶ 20:29-34፤ ሉቃ 18:35-43)

46 ኤንቲ ኢያርኮ ካታማ ቢደሶና። ዬሱሲ ባ ታማራታራኔ ዳር አሳራ ኢያርኮሬ ከዩሸን፣ ዲሞሳ ናዳይ፣ ቆቂይ፣ ባርዲሞሳ ጌቲቲይሲ፣ ኦፔ ጋዎን ዋሲሽ ኡቲሰ።  
 47 ባርዲሞሲ፣ ያራ ኦቂይ ናዢሬቲ ዬሱሳ ጊዲዳይሳ ሲዲዳ ዋዴ ባ ቃላ ቆቁ ኦሊዲ፣ «ዳዊቲ ናዳ ዮሱሳ፣ ታና ማራርኪ!» ያጉሱ ኦይኪሰ።  
 48 ዳር አሳይ ኢያ፣ «ሃይዛ!» ጊዲ ሃንቁቲዶሶና።  
 ሸን፣ ኢ ባ ቃላ ካሴይሳሬ ዳር ቆቁ ኦሊዲ፣ «ዳዊቲ ናዳው፣ ታና ማራርኪ!» ያጊሰ።  
 49 ዬሱሲ ኤቂዲ፣ «ኢያ ሃ ያጊቲ» ያጊሰ።  
 ኢንቲ ቆቂያኮ፣ «አይኮይ ባዋ፣ ዴንዲ ኤቃ፣ ኔና ያጊሰ» ያጊደሶና።  
 50 ቆቂይ ባ ማዑዋ ሆሊ ዬጊዲ፣ ጉፒ ዴንዲ ኤቂዲ፣ ዬሱሳኮ ቢሰ።  
 51 ዬሱሲ፣ «ታኒ ኔው አይ ኦላና ማላ ኮያይ?» ያጊሰ።  
 ቆቂይ፣ «አሰታማሪያው፣ ታ ያላናው ኮያይሰ» ያጊሰ።  
 52 ዬሱሲ ኢያ፣ «ባ፣ ኔ አማናይ ኔና ፓሊሰ» ያጊሰ። ሱሁዋራካ ኢያ አይፊይ ያለን፣ ዬሱሳ ካሊሰ።

# 11

ዬሱሲ ጊታ ቦንቾን ዬሩሳላሜ ጌሊሰ  
 (ማቶ 21:1-11፤ ሉቃ 19:28-40፤ የሃ 12:12-19)

1 ኤንቲ ዬሩሳላሜ ማቲሽ፣ ሻማሆ ዴሪያ ማታን ዴዲያ ቤቲፋጌኔ ቢታኒያ ካታማታ ጋኪደሶና። ዬሱሲ ባ ታማራታፔ ናምዓታ ሲንሏ ከቲዲ፣  
 2 «ሃንቲሬ ሲንሳን ዴዲያ ጉታ ቢቲ፤ ያ ጌሊዳ ማላ ኦኒካ ቶጊቦና ቃሾን ዴዲያ ሃራ ማሪ ሃንቲ ዴማና፣ ኢያ ቢሊዲ፣ ሃ ኤኪ ዩቲ።  
 3 ኦኒካ ሃንቲና፣ «ሃይሳ አይሰ ኦላቲ?» ያጊዲ ኦይቸኮ፣ ሳዳይ ኢያ ኮዬስ፣ ኤሌሲዲ ሃ ዬዳና ያጊቲ» ያጊሰ።  
 4 ኤንቲ ቢዲ፣ ሃራ ማሪ ካራ ቦላ ኦጌ ማታን ቃሽቲዲ ዴዲይሳ ዴሚዲ ቢሊደሶና።  
 5 ሄ ቤሳን ኤቂዳ ኢሲ ኢሲ አሳቲ ኤንታኮ፣ «ሃራ ማሪ ዋታናው ቢሊቲ?» ያጊደሶና።  
 6 ኢያ ታማራቲ ዬሱሲ ባንታና ከቲዳይሳ ኦዲን፣ አሳቲ ዬዲ አጊደሶና።  
 7 ኤንቲ ሃራ ማሪ ዬሱሳኮ ኤሂዲ፣ ባንታ ማዑዋ ኢያ ዘኮን ሃዲን ዬሱሲ ሄ ሃራ ማሪ ቶጊሰ።  
 8 ዳር አሳይ ባንታ ማዑዋ ኦጊያን ሃዲደሶና፤ ቃሲ ሃራቲ ማላ ታሽ ታሽዲ፣ ኦጌን ሃዲደሶና።  
 9 ዬሱሳፔ ሲንሳራ ሃሙቲያ አሳይኔ ኢያ ካሊያ አሳይ ባንታ ቃላ ቆቁ ኦሊዲ፣

«ሆላና! \* ያሳይ ጋላቲቶ!  
 ጎዳ ሱንሳን ዬይሲ አንጃቲዳይሳ።  
 10 ጎዳ ሱንሳን ያ ኑ አዋ  
 ዳዊቲ ካዋቲሳይ አንጃቲዳይሳ።  
 ኡባሬ ቦላ ሳሉዋን  
 ዴዲያ ያሳይ ጋላቲቶ»  
 ያጊደሶና።

11 ዬሱሲ ዬሩሳላሜ ቢዲ፣ ያሳ ኬላ ጌሊሰ። ቃሲ ኡባባ የዩ ያሊዳፔ ጉዬ፣ ሳዳይ ቃሚያ ጊሾ ታማሪ ናምዑ ታማራታራ ቢታኒያ ካታማ ቢሰ።

ዬሱሲ ቃንጊዲ ባላሴ ማሊው  
 (ማቶ 21:18-19)

12 ዋንቲላ ጋላሰ ኤንቲ ቢታኒያፔ ከዩዲ ቢሸን፣ ዬሱሲ ኮሻቲሰ።

10:42 ሉቃ 22:25-26፤ ማቶ 23:11፤ ማር 9:35፤ ሉቃ 22:26 \* 11:9 ሆላና፣ ማቶ 21:9 ቤዲ፣ 11:9 ማከ 118:25

13 ሃሆን ኢሲ ባላሴ ሚላው ሃይላ ፃላላ ማዓ ኡተዳር ቤዒዲ፣ ኢ ቦላ አይፊይ ቤተኮ ጊዲ፣ ቤዓናው ኢኮ ቢስ፣ ሸን ኢኮ ኢ ቢያ ዋዴ ሃይላ ፃላላ፤ ኣተን ኢሲ አይፊካ ዴሚቤና፤ አይሰ ጊኮ፣ ባላሴይ አይፊያ ዋዴይ ጋኪቤና።

14 ዬሱሲ ሄ ባላሲው፣ «ሂዛ፣ ኔፔ ሜሪናው አሲ አይፊ ሞፖ» ያገሰ። ኢያ ታማሬቲ ኢ ጌይሳ ሲዒደሶና።

ዬሱሲ ያሳ ኬላን ዛልዒይሳታ ኬሲሰ  
(ማቶ 21:12-17፤ ሉቃ 19:45-48፤ ዮሃ 2:13-22)

15 ኢንቲ ዬሩሳላሜ ቢደሶና፤ ዬሱሲ ያሳ ኬላ ጌሊዲ፣ ያን ባይዜይሳታኔ ሻሚይሳታ ካሬ ጎዶ ኦይኪሰ፤ ቃሲ ሚሼ ላሚይሳታ ፃርጶዛኔ ሆሌ ባይዜይሳታ ኦይዲያ አሌ ዬጊዲ፣

16 አሲ አይቢባካ ቶኪዲ፣ ያሳ ኬላ ጊደራ አቆና ሜላ ዲጊሰ።

17 ዬሱሲ አሳ ሃይሳዳ ያጊዲ ታማርሲሰ። «ጌሻ ማፃፃፍን፣ ታ ከላይ አሲ ኡባይ ያሳ ዋሲያ ኬሊ ጊደና፣ ጌቲቲዲ ፃፊቲሰ። ሸን ሂንቲ ኢያ ፓንጋቲ ቆሱቲያ ጎንጎሎ ኦሊዲታ» ያገሰ።

18 ካሂኔ ሃላቃቲኔ ሂኔ አሰታማሬቲ ሄሳ ሲዒዲ፣ ኢያ ዋቆናው ኦኮ ኮሺ ኦይኪደሶና። ሸን ዳር አሳይ ኢያ ተሚርቲያን ማላሉቲያ ጊሾ ኢያው ያዩደሶና።

19 ሳዓይ ኦማርሲያ ዋዴ ዬሱሲኔ ኢያ ታማሬቲ ካታማፔ ጋፃ ኬዩደሶና።

ባላሴ ሚላያ ሜላሱ  
(ማቶ 21:20-22)

20 ኢንቲ ዋንቲላ ጋላሰ ሄ ኦጊያራ አቋሹ፣ ሄ ባላሲያ ፃጸራ ሚሊዳር ቤዒደሶና።

21 ጳይሮሲ አኪኪዲ፣ «አሰታማሪያው፣ ሂኮ፣ ኔኒ ቃንጊዲ ባላሲያ ሜላሱ» ያገሰ።

22 ዬሱሲ ዛሪዲ፣ «ያሳ አማኒቲ።

23 ታኒ ሂንቲው ቱማ ኦዳይሰ፤ ኦኒካ ባ ዋዛናን ሲቆና ጊዳባይ ሃናናይሳ አማኒዲ፣ ሃ ዴሪያ፣ ሩግዳዳ አባን ኩንዳ» ያገኪ ኢያው ሃናና።

24 ሄሳ ጊሾ፣ ታኒ ሂንቲው ኦዳይሰ፤ ያሳ ሂንቲ ዋሲያባኔ ኦይቺያባ አይባ ጊዲኮካ ኤኪዳዳ አማኒቲ፣ ሂንቲ ኤካና።

25 ያሳ ዋሳናው ሂንቲ ኤቂያ ዋዴ ሳሎን ዴዒያ ሂንቲ አዋይ ሂንቲ ናጋራ አቶ ጋና ሜላ፣ ኦኒካ ሂንቲና ናቂዳባይ ዴዒኮ፣ ኢያው አቶ ጊቲ።

26 ሸን አሳ ናጋራ ሂንቲ አቶ ጎና ኢዳኮ፣ ሳሎን ዴዒያ ሂንቲ አዋይካ ሂንቲ ናጋራ ሂንቲው አቶ ጊና» ያገሰ።

ዬሱሲ አይቢ ማታን ኦሊያኮ ኦይሹቲሰ  
(ማቶ 21:23-27፤ ሉቃ 20:1-8)

27 ኢንቲ ዛሪዲ ዬሩሳላሜ ቢደሶና። ዬሱሲ ያሳ ኬላን ሃሙቲሸን፣ ካሂኔ ሃላቃቲ፣ ሂኔ አሰታማሬቲኔ ጨማቲ ኢያኮ ዩዲ፣

28 «ኔኒ ሃይሳ ኦሳናው ኔው አይ ማቲ ዴዒ? ዋይኮ ኔው ሃ ማታ አሚዳይ ኦኔ?» ያገደሶና።

29 ዬሱሲ ዛሪዲ ኤንታኮ፣ «ታ ሂንቲና ኢሲባ ኦይቻና፣ ታው ኦዲቲ። ታ ቃሲ ሃይሳ አይ ማታን ኦሊያኮ፣ ሂንቲው ኦዳና።

30 ዮሃኒሳ ዲንቃቲይ ያሳፊዬ ዋይኮ አሳፔ? ታው ኦዲቲ» ያገሰ።

31 ኢንቲ ባንታ ጊደን ገላማ ደሚዲ፣ «ኦኒ፣ ቃሳፊ» ጊኮ፣ ኢ ኦኮ፣ ቃቲን፣ ዮሃኒሲ ኦዲዳይሳ አይሰ አማኒቤኬቲ?» ያጋና።

32 ሳሳፔ ጊኮ) አሳ ኡባይ ዮሃኒሲ ናቤ ጊዴይሳ ኤርሶና።» ያኒያ ጊሾ አሳሰ ያዩደሶና።

33 ሄሳ ጊሾ፣ ኢንቲ ዬሱሳኮ፣ «ኦኒ ኤርኮ» ያገዲ ዛሪደሶና፤

ዬሱሲ፣ «ታኒካ ሃይሳ አይ ማታን ኦሊያኮ፣ ሂንቲው ኦዲኬ» ያገሰ።

# 12

ዋይኔ ቶኪያ ጎሻንቸታ ለሚሶ  
(ማቶ 21:33-46፤ ሉቃ 20:9-19)

1 ዬሱሲ ኢንታው ለሚሶን ያገዲ ኦዲሰ፤ «ኢሲ ኡራይ ዋይኔ ኢታኪልቲ ቶኪዲ፣ ዩሽ አሊዲ ዲርሲ ዲሪሰ። ቃሲ ሃ ዋይኒያ ጉምዒያ ኦላካ ቦኪሰ። ኢያ ናጋናው አዲሳ ሻኮ ሻኪሰ። ሃሳፊ ጉዬ፣ ኮሌ ኦሊያ አሳሰ አሚዲ፣ ሃራ ቢታ ቢሰ።

2 ዋይኔ አይፊያ ማፃያ ዋዴይ ጋኪን፣ ባና ጋኬይሳ ኤኪዲ ያና ሜላ፣ ኢሲ ባ አይሊያ ኮሌ አዋታኮ ከቲሰ።

3 ኮሌ አዋቲ ኢያ አይሊያ ኦይኪዲ ዋዲዲ፣ ሜላ ኮሽ ዬዲደሶና።

4 ናምዓንላ ሃራ አይሌ አንታኮ ከተን፣ አንተ ሄ አይሌያስ ሀዒያ ቆዒዲ ካወሽዲ ዬዲደሶና።  
5 ዋይኔ አታከልተያ ጎዳይ ቃሲካ ሃራ አይሌ ከተሰ። ሄ አይሌያ ዋዲደሶና፣ ቃሲ ሃራ ዳርታ ሃሳዳ ኦልደሶና፣ ኢሶታ ኢሶታ ዋዲደሶና፣ ሃራታ ዋዲደሶና።

6 «ዋይኔ አታከልተያ ጎዳሲ ከታናው ኡባፌ ወርሴላን ኢ ደር ደሲያ ባ ናዓ ፃላሊ አተሰ። ኢ፣ «አንቲ ታ ናዓ ቦንቸና አጎኮና» ገዲ፣ ባ ናዓ አንታኮ ከተሰ።

7 «ሺን ኮል አዋቲ ባንታ ገደን፣ «ላታናይሲ ሃይሳ፤ ዬዲቲ ኢያ ዋዲሰ፤ ኢያ ላታይ ኮባ ገዳና!» ያገደሶና።

8 ናዓ ኦይኪዲ ዋዲደሶና፣ ኢያ እሃ ዋይኔ አታከልተያ ገደፌ ጋፃ ኬሲ ሆሊደሶና።  
9 «ሂዛ፣ ዋይኔ አታከልተያ ጎዳይ ዋን?» ዪዲ ሄ ኮል አዋታ ዋዲ ኦንገዲ፣ ዋይኒያ ኮል ኦልያ ሃራ አሳሰ አማና።

10-11 ሰገምቤይሳቲ ቦሪዲ አፂዳ ሹቻይ ጎዳ ፃጶዋ ማንሊያ፣ ኡባፌ አዲያ ሹቹ ገዲሰ።

ሃይሲ ጎዳይ ኦልዳባ፤ ቃሲ ኦ አይፊያሰካ ማላሊሲያባ።

ያገይሳ ገሻ ማፃፋቴ ናባቢቤኬት?» ያገሰ።

12 ካሂኔ ሃላቃተ፣ ሂኔ አሰታማራቲኔ ጨማቲ ዬሱሲ ሄ ለሚሱዋ ባንታ ቦላ ለሚሲደይሳ ኤሪዳ ገሾ ኢያ ኦይካናው ኮዪደሶና፣ ሺን አሳሰ ያዪዲ፣ አገ ቢደሶና።

ገራ ገርባ  
(ማቶ 22:15-22፤ ሉቃ 20:20-26)

13 ቃሲ ኢያ ኦዳፕ ባላ ዳሚዲ፣ ኢያ ኦይካና ሚላ፣ ፋሪሳዊታፕኔ ሄርዲሳ ባጋታፕ ጉላ አሳታ ኢያኮ ከተደሶና።

14 አንቲ ኢያኮ ዪዲ፣ «አሰታማሪያው፣ ኔኒ ቱማ ኦይቲይሳኔ አሳፕ አሲ ሻኮናይሳ ኦኒ ኤርሰ። ኔኒ አሲ ዲማያካ፤ ቃሲ ያሳ ኦገያ ቱማቲላን ታማርሳሳ። ኦኒ ርሜ ቢታ ካወዋ ቁሳሬሰ ገራ ገራይሲ ዋጌዬ ዋጋ ገደኔ? ገራ ገራኔ አጋኔ?» ያገደሶና።

15 ሺን አንታ ጨቦቴላ ዬሱሲ ኤሪዲ፣ «ታና አይሰ ፓጩቲ? እኔ ኢሲ ሳንቲሜ ታና ቤሲቲ» ያገሰ።

16 አንቲ ኢያው ኤሂደሶና፣ «ሃ ማላይኔ ሱንሳይ ኦዳይሴ?» ያገዲ አንታ ኦይቸሰ።  
ኢንቲ፣ «ርሜ ካወዋ ቁሳሬይሳ» ያገደሶና።

17 ዬሱሲ ዛሪዲ፣ «ያቲኮ፣ ቁሳሬይሳ ቁሳሬሰ፣ ያሳይሳ ያሳሰ አሚቲ» ያገን አንቲ ኢያባ ማላሊቲደሶና።

ሃይቆፕ ዳንደባ  
(ማቶ 22:23-33፤ ሉቃ 20:27-40)

18 ሃይቁዳ አሲ ዳንደና ገያ ሳዲቃዊታፕ ኢሲ ኢሲ አሳቲ ዬሱሳኮ ዪዲ፣ ሃይሳዳ ያገዲ፣ ኢያ ኦይቸደሶና።

19 «አሰታማሪያው፣ ሙሴይ ኦሰ ሂገያ ፃፊሹ፣ «ማቸ ኤኪዳ አሲ ናዓ ዬሎና ሃይቁኮ፣ ሄ ሃይቁይሳ አሻይ ኢያ ማቸው ኤኪዲ፣ ባ አሻሰ ናዓ ዬላናው ቤሰሰ) ያገይሳ ፃፊሰ።

20 ቤኒ ዋዴ ላፑን አሻቲ ዳዒይሳታፕ ባይራይ ማቸ ኤኪዲ፣ ናዓ ዬሎና ሃይቁኮ።  
21 ናምዓንላይ እዮ ኤኪሰ፣ አካ ናዓ ዬሎና ሃይቁኮ። ሄጃንላይካ ሄሳዳ ሃገሰ።

22 ላፑናቲካ ሄሳዳ እዮ ኤኪዲ፣ ናዓ ዬሎና ሃይቁይሶና። ኡባፌ ጉዬ፣ ቃሲ ሄ ማጫሲያ ሃይቃሰ።  
23 ያቲን፣ ላፑናቲ እዮ ኤኪዳ ገሾ ሃይቁዳ አሳይ ሃይቆፕ ዳንዲያ ጋላሰ፣ ኢያ አንታፊ አወሳሰ ማቸ ገዳኔ?» ያገደሶና።

24 ዬሱሲ ዛሪዲ፣ «ሂንቲ ባሌይ፣ ጌሻ ማፃፋታ ዋይኮ ያሳ ዋልቃ ኤርና ገሾሳ!

25 ሃይቁዳ አሳይ ሃይቆፕ ዳንዲያ ጋላሰ፣ ሳሎን ዳዒያ ከታንቸታ ሚላ ገዳናፕ አቲን አዴ አሳይ ኤኮኮና፤ ማጫ አሳይ ጌሌኮና።

26 ሺን ሃይቁይሳታ ዳንዲያባ ገዲኮ፣ ሙሴ ማፃፋን ፃፊቲዳ ፀጉቲያ ቡሪያባ ኦዲያ ቤሳን፣ ያሳይ ሙሴኮ፣ ታንኒ፣ አብራሃሜ ያሳ፣ ዪሳቃ ያሳ፣ ያይቆባ ያሳ፣ ገዳይሳ ናባቢቤኬት?

27 ሄሳ ገሾ፣ ኢ፣ ፓፃ ዳዒይሳታ ያሳፊ አቲን ሃይቁይሳታ ያሴ ገደና። ሂንቲ ዳር ባሊዴታ» ያገሰ።

ኡባፌ አዲያ ኪታ  
(ማቶ 22:34-40፤ ሉቃ 10:25-28)



28 ሂጌ አስታማሪታጥ ኢሶይ ኢንቲ ፓላሜይሳ ሸቂዲ ሲዒሰ። ቃሲ ዩሱሲ ኢንታው ሎይሊ ዛርዳይሳ ሲዒዲ። «ከታ ኡባሬ አጂያ ከታይ አዉሴ?» ያጊዲ ዩሱሳ ኦይቸሰ።

29 ዩሱሲ ዛርዲ። ኢያ ሃይሳዳ ያጊሰ። «ከታ ኡባሬ አጂያ ከታ ሲዒቲ፤ ሲሰራዔሌ አሳው። ጎዳይ ኑ ያሳይ ኢሲ ጎዳ።

30 ኔ ጎዳ ኔ ያሳ ኔ ኩሜላ ዋዛና፤ ኔ ኩሜላ ሽምጥፊ። ኔ ኩሜላ ቆፋ፤ ኔ ኩሜላ ዋልቃሬ ደሳ) ያጊሰ።

31 ቃሲ ከታ ኡባሬ አጂያ ናምግሳ ከታይ ሃይሳ፤ ሳሴ ኡባ ኔ ሁዒያዳ ደሳ) ያጊይሳ፤ ሃይሳታ፤ አጂያ ሃራ ከቲ ባዋ» ያጊሰ።

32 ሂጌ አስታማሪያ ዩሱሳ፤ «አስታማሪያው። ቱማ ጋዳሳ፤ ኔ፤ ሶሳይ ኢሲ ያሳ ፃላላ። ኢያ፤ ኦቲን ሃሪ ባዋ» ጊዳይሲ ቱማ።

33 ያሳ ኩሜላ ዋዛና፤ ኩሜላ ቆፋ፤ ኩሜላ ዋልቃሬ ደሴይሲኔ ቃሲ አሴ ኡባ ባ ሁዒያዳ ደሴይሲ። ፀጊያ ያርሹዋሬኔ ሃራ ያርሹ ኡባሬ አጂሰ» ያጊሰ።

34 ዩሱሲ ሂጌ አስታማሪያ ዛርይ አጂዳ ኡራጎቾ አሳ ዛር ጊዲዳይሳ ቤዒዲ። «ኔ፤ ያሳ ካዋቴላሬ ሃካባካ» ያጊሰ፤ ሄሳሬ ጉዬ። ዩሱሳ ሃራባ ኦይቻናው ኦኒካ ሚኒቤና።

**ኪሪሰቶሲ ኦዴ ናዒ**  
(ማቶ 22:41-46፤ ሉቃ 20:41-46)

35 ዩሱሲ ያሳ ከላን ታማርሲሼ። ሃይሳዳ ያጊሰ። «ሂጌ አስታማሪቲ ኪሪሰቶሳ ዋይጊዲ ዳዊቴ ናዒ ጎና?

36 ዳዊቴይ ጌሻ አያናን ኩሚዲ። ሳዳይ። ታ ጎዳ። «ታኒ ኔ ዋርኪታ

ኔ ቶሆይ ዩጂያሶ ኦላና ጋካናው። ሃይሳን ታ፤ ኡሻቻ ባጋራ ኡታ» ጊሰ

ያጊሰ።

37 ዳዊቴይ ባ ሁዒን ኪሪሰቶሳ። ሳዳ) ጊዲ ዪጊኮ። ያቴን። ኪሪሰቶሲ ዋኒዲ። ዳዊቴ ናዒ ጊዲ» ያጊሰ።

ዳር አሳይ ዩሱሲ ጌይሳ ኡፋይሳን ሲዒደሶና።

**ዩሱሲ ሂጌ አስታማሪታኔ ፋሪሳዊታ ቦሪሰ**  
(ማቶ 23:1-36፤ ሉቃ 20:45-47)

38 ዩሱሲ ታማርሲሼ። ሃይሳዳ ያጊሰ። «ሂጌ አስታማሪታ፤ ናጌቲ፤ ኢንቲ አዲሳ ማፀ ማዒዲ ዩይሳኔ ጊያንካ አሳይ ኤንታ ቦንቸዲ ሳርጼይሳ ደሶሶና።

39 ኢንቲ አይሁዳ ዋሳ ከላታን ዳር ሎፀ ኦይዴ ደሶሶና፤ ቃሲ አሲ ባንታና ሞኪያ ቤሳን ቦንቻ ቤሲ ደሶሶና።

40 ኢንቲ አምዔታ ከላ ቦንቂዲ። ባንታው ሎፀ ዳናናው ዋሳ አዲሶሶና፤ ኤንቲ ኡባሬ አጂያ ፐርዳ ኤካና» ያጊሰ።

**አምዔ ሙፃታ**  
(ሉቃ 21:1-4)

41 ዩሱሲ ያሳ ከላን ሙፃታ ዩጊያ ሳዒኒያ ማታን ኡቲዲ። አሳይ ባ ሚሺያ ሄ ሳዒኒያን ዩጌይሳ ቤዒሳ፤ ዳር ዱሬ አሳይ ዳር ሚሺያ ሄ ሳዒኒያን ዩጎሶና።

42 ኢሲ ማንቆ አምዒያ ያዳ። ናምቡ ባካናታ ሄ ሳዒኒያን ዩጋሱ።

43 ዩሱሲ ባ ታማሪታ ዪጊዲ። «ታኒ ሂንቴው ቱማ ኡዳይሰ፤ ሙፃታ ሳዒኒያን ዩጊዳ አሳ ኡባሬ ሃ ማንቆ አምዒያ ዳርሳዳ ዩጋሱ።

44 አይሰ ጊኮ። ሃራቲ ኡባይ ባንታው ፓላሂዳ ሚሺያ፤ ዩጊደሶና። ሺን ኢያ ባ ፓጪያሬ። ባው ዳዒያ አቁዋ ኩሜሊ አማሱ» ያጊሰ።

# 13

**ዩሱሲ ያሳ ከላይ ሳሊታናይሳ ኮይርቲዲ ኦዲሰ**  
(ማቶ 24:1-2፤ ሉቃ 21:5-6)

1 ዩሱሲ ያሳ ከላሬ ከዪሺን። ኢያ ታማሪታ፤ ኢሶይ። «አስታማሪያው። ሃ ሎፀ ሹቻኔ ሃ ሎፀ ሹቻ ከላ ቤዒይ!» ያጊሰ።

2 ዩሱሲ ዛሪዲ፡ «ሃ ጌታ ሹቻ ኬላ ቤዓይ? ሃ ኬላይ ሹቹ ሹቻ ቦላ ገምቤቲዳ ሜላ ላሌቶና ኣቴና፤ ኢሲ ሹቹካ ኣቶና ኡባይ ላሌታና» ያገሰ።

ጎዳይ ያናፕ ኮይሮቲዲ ጋካና ጎዳኔ ዋያ

(ማቶ 24:3-14፤ ሉቃ 21:7-19)

3 ዩሱሲ ያሳ ኬላፌ ሂኒ ባጋራ ሻማሆ ዳሪያ ቦላ ኡቲዳሺን፡ ጳጳሮሲ፡ ጳጳሮሲ፡ ዮሃንሲኔ ኢንዲሪያሲ ባንጋርካ ኢያኮ ዪዲ፡

4 «ሃይሲ ኣዉዴ ሃናኔኮ፡ ኮሰ ኦዳ፤ ሃ ኡባይ ፖሌታና ዋዲያ ኤሪሲያ ማላታይ ኣይቤ?» ያገዲ ኦይቹዳሶና።

5 ዩሱሲ ቃሲ ኤንታው ሃይሳዲ ያገዲ ኦዲሲ፡ «ሂንቴና ኦኒካ ባሌላና ሜላ ናገቲቲ።

6 ዳር ኣሳቲ ታ ሱንላን፡ ታኒ ኪሪሰቶሳ) ያገዲ ታማርሲሺ ዪዲ፡ ዳር ኣሳ ባሌላና።

7 ማታን ዳዒያ ኦላኔ ሃሆን ዳዒያ ኦላ ዋሪ ሂንቴ ሲዒያ ዋዴ ሂርጎፊቲ። ሄሳ ሜላባይ ሃናናው ቤሴሲ፡ ሺን ዉርሴላይ ቡርና።

8 ኢሲ ቢታ ኣሳይ ሃራ ቢታ ኣሳራ ኦሌታና፤ ቃሲ ኢሲ ካዋቴላይ ሃራ ካዋቴላታራ ኦሌታና፤ ቢታ ቃይይ ኡባ ቤሳን ሃናና፤ ኮሻይ ዳና፡ ሺን ሂሲ ኡባይ ዩሎ ኦቆላሰ ዞኬ ሜላ።

9 «ሺን ሂንቴ፡ ሂንቴ ሁዒን ናገቲቲ። ኣይሰ ገኮ፡ ኣሲ ሂንቴና ኦይኪዲ፡ ፐርዳ ኬላሰ ኣሌ ኣማና፤ ቃሲ ኣይሁዴ ዋሳ ኬላንካ ሂንቴና ሊሶን ጋራፋና፤ ዳሪያ ሃሬይሳታ ሲንላኒኔ ካዋታ ሲንላን ታ ገሾ ሂንቴ ማርካታናው ኤቃና።

10 ዉርሴላይ ጋካናፕ ሲንላ ዋንጌላይ ኮይሮ ዳሪ ኡባሰ ኦዲታናው ቤሴሲ።

11 ኤንቴ ሂንቴና ፐርዳ ኬላ ኤሂያ ዋዴኔ ኣሌ ኣሚያ ዋዴ ዋይገዲ ኦዳኔኮ ኮይሮ ሂርጎፊቲ፤ ሄ ሳቲያን ያሳይ ሂንቴው ኣሚያባ ኦዲቲ። ሂንቴናን ጌሻ ኣያናይ ኦዳቲሲ፤ ኣቴን ሂንቴና ገዴኪታ።

12 «ኢሻይ ባ ኢሻ፡ ኣዋይ ባ ናባ ዋዲሳና። ናይቲ ባንታና ዩሌዳይሳታ ቦላ ዳንዲዲ፡ ኤንታ ዋዲሳና።

13 ኣሳይ ኡባይ ሂንቴና ታ ሱንላ ገሾ ኢፃና፡ ሺን ዉርሴላ ጋካናው ሚኒዳይ ኣታና።

ዩራሳላሚ ጋካና ኢታ ማቲዋ

(ማቶ 24:15-28፤ ሉቃ 21:20-24)

14 «ሺን ባሻ ጌናቲላይ ኤቃናው ቤሶና ቤሳን ኤቆዳሺን ሂንቴ ቤዓና።» (ኣኬኪሱ፡ ሄሲ ዋይ ጉሴኮ ናባቤይሲ ኣኬኮ!) «ዩሁዳ ቢታን ሄ ዋዴ ዳዒይሳቲ ዳሪያኮ ባቃቶ።

15 ኬላ ሁዒን ዳዒያ ኡራይካ ኢሲባ ኤካናው ዲጌ ዋዲዲ፡ ባ ሶ ጌሎፖ።

16 ጋዴን ዳዒይሲ ባ ማዑዋ ኤካናው ጉዬ ሲሞር።

17 ሄ ዋዴ ቃንላቲዳ ማጫሳታሲኔ ጳንሌያ ማጫሳታሰ ዳር ኡንዓ ገዳና።

18 ሺን ሃይሲ ኡባይ ሃኒያ ዋዴይ ባልጎ ገደና ሜላ፡ ያሳ ዋሲቲ።

19 ኣይሰ ገኮ፡ ያሳይ ኣሳሚያ ሜዲያፕ ደሚዲ፡ ሃሲ ጋካናው ሃኒቦና ሜቶይኔ ሲንላፊካ ሃናና ሜቶይ ኣሳ ቦላ ሄ ዋዴ ሃናና።

20 ጎዳይ ሄ ጋላሳታ ታይቡዋ ጉሉናኮ፡ ኣሲ ገዲዳይ ኦኒካ ኣቴና። ሺን ኢ ባ ዶሪዳ ኣሳ ገሾ ሄ ጋላሳታ ታይቡዋ ጉሉና።

21 «ሄ ዋዴ ኦኒካ ሂንቴና፡ ሳኪኮ፡ ኪሪሰቶሲ ሃይሳን ዳዒሰ ዋይኮ ኪሪሰቶሲ ሂንጎ ዳዒሰን ያገኩ፡ ሄሳ ኣማና፤፤።

22 ዋርዳንቸ ኪሪሰቶሳቲኔ ዋርዳ ናቤቲ ዳንዲዲ ባንታው ዳንዳዒቲኮ፡ ሃሪ ኣቶሺን ያሳይ ዳሪዳይሳታካ ባሌላናው ማላታታኔ ማላሊሲያባታ ቤሳና።

23 ሺን ሂንቴ ናገቲቲ፤ ታኒ ሂንቴው ኡባባ ካሲታዳ ኦዳሲ።

ኪሪሰቶሳ ናምዓንላ ዩሳ

(ማቶ 24:29-31፤ ሉቃ 21:25-28)

24 «ሺን ሄ ዋዴ ሄ ዋያፕ ጉዬ፡

ኣዋይ ጳማና፤

ኣገናይ ፖዑዋ ኣጋና፤

25 ያለንቶቲ ሳሎፕ ኩንዳና፤

ቃሲ ሳሎን ዳዒያ ዋልቃቲካ ቃፃና።

26 ሄ ዋዴ ኣሳ ናባይ፡ ጌታ ዋልቃራኔ ቦንቸዋራ ሻራ ገደራ ዪሺን ኤንቴ ቤዓና።

27 ሄ ዋዴ ታኒ ኪታንቸታ ሳባ ኦይዲ ባጋ ኪታና፤ ሳባ ጋፃፕ ሳሎዋ ጋፃ ጋካናው፡ ያሳይ ዶሪዳ ኣሳ ሺሻና።

ዋዴይ ጋኪዳይሳ ኤሪሲያ ባላሴ ሚሴው

(ማቶ 24:32-35፤ ሉቃ 21:29-33)

28 «ለሚሱዋ ባላሴ ሚሴ፡ አክኪቲ፤ ባላሲያ አጪያ ዋዴይ ኢ ሃይላይ ጨልዲያ ዋዴ ቶርቼይ ማታቲዳይሳ ሂንቲ ጤሬጋ።

29 ሂሳዳካ፡ ሂንቲ ሄ ኡባባይ ሃይይሳ ቤዲያ ዋዴ ኢ ማቲዳ ፔንጌ ጋኪዳይሳ ኤሪቲ።

30 ታጎ ሂንቲው ቱማ ኦዳይሰ፤ ሃ ኡባባይ ሃናና ጋካናው ሃይሳን ዳዲያ አሳ ኡባይ ሃይቄና።

31 ሳሎይኔ ሳባይ አጳና፡ ሺን ታ ቃላይ ኡባራካ አዲና።

ጎዳይ ያና ጋላሳኔ ሳቲያ ኦኒካ ኤሪና

(ማቶ 24:36-44)

32 «ሺን ሃ ጋላሳኔ ሃ ሳቲያ አዋ ያላላፔ ኦቲን ሃሪ አቶሺን ሳሎን ዳዲያ ኪታንቸታ ጊዲን ዋይኮ ናባ ጊዲን ኦኒካ ኤሪይ ባዋ።

33 ሄ ዋዴይ አዉዴ ጊዳኔኮ፡ ሂንቲ ኤርና ጊሾ ናጌቲቲ፤ ሚኒቲ።

34 ታ ዩሳይ ባ ኬላ አጊዲ፡ ኦኔ ቢያ ኡራ ሚላ። ኡራይ ባ አይሌታ ሁዔን ሁዔን ኦሱዋ አሚዲ ኤንታ ባ ኦሱዋሰ አዋ ኦሊሰ፤ ቃሲ ናጌይሲካ ሚንሳዲ ናጋና ሚላ ከቲሰ።

35 «ሂሳ ጊሾ፡ ሚኒቲ። አይሰ ጊኮ፡ ኬላዋይ ኦማርሲ ጊዲን ዋይኮ ጊዲ ቢላሂ ጊዲን ዋይኮ ኩቶ ዋሶ ጊዲን ዋይኮ ዋንታ ጉራ ጊዲን አዉዴ ያኔኮ፡ ሂንቲ ኤሪኬታ።

36 ሂንቲ አክኮና ኢ ዪዲ ሂንቲና ጳሲኪዲ ዳዲሺን ዳሞና ሚላ ሚኒቲ።

37 ታጎ ሂንቲው ኦዳይሳ አሳ ኡባሰ ኦዳይሰ፤ ሚኒቲ» ያገሰ።

# 14

ኪሪሰቶሳ ቦላ ማቄቲዶሶና

(ማቶ 26:1-5፤ ሉቃ 22:1-2፤ ዮሃ 11:45-53)

1 ፓሲካ ባሌ ቦንቼያ ጋላሳይኔ ኡይላ ባሌ ቦንቼያ ጋላሳይ ጋሃናው ናሞው ጋላሲ አቲሰ። ካሂኔ ሃላቃቲኔ ሂኔ አስታማራቲ አሲ ኤርና ዩሱሳ ኦይኪዲ ዋጳያ ኦኔ ከዮሶና።

2 «አሳይ ኦሺ ኬሶና ሚላ ፓሲካ ቦንቼያ ጋላሳን ሂሳ ኦሶኮ» ያገደሶና።

ዩሱሳ ሺቱዋ ቲዪዳ ማጫሲው

(ማቶ 26:6-13፤ ዮሃ 12:1-8)

3 ዩሱሲ ቢታኒያ ካታማን ባር ሃርጋንቼዋ ሲሞና ሶን ጊቢራ ቦላ ኡቲዳሺን፡ አሲ ማጫሲያ አልባሰኒርሴ ጊያ ሹቻሬ ኦሱቲዳ ጲልቃፄ ኩሜላ ናርዶሴ ጊያ ዳር አልዎ ሸቶ ኤካዳ ያሱ። ሄ ጲልቃፄያ ሚንሳዳ ሺቱዋ ዩሱሳ ሁዲያን ቲጋሲ።

4 ሄ ቤሳን ዳዲያ አሳቲ አሲይ አሲይ ሃንቄቲዲ፡ «ሃ ሸቶይ ሚላ ጮ አቲይ አይቢሴ?

5 ሃ ሸቱዋ ሄቹ ያቲ ዳርሪን \* ባይዚዲ፡ ሚሺያ ማንቆታሰ አሞናው ዳንዳዔቲሰ» ያጊዲ ባንታ ጊዳን ኡዳቲዶሶና። ያቲዲ፡ ሄ ማጫሲው ዳር ቦሪዶሶና።

6 ሺን ዩሱሲ «ሃ ማጫሲው አይኮካ ጎጊቲ፤ ኢዮ አይሰ ዋይሲቲ? ኢያ ታው ሎዋባ ኦሳሰ።

7 ማንቆታ ኡባ ዋዴ ሂንቲራ ዳዶሶና። ሂንቲ ኮዩዳ ዋዴ አዉዴካ ሂንቲ ኤንታ ማዳናው ዳንዳዔታ፡ ሺን ታጎ ኡባ ዋዴ ሂንቲራ ዳዲኬ።

8 ኢያ ባ ዳንዳዒዳይሳ ኦሳሰ፤ ቃሲ ታና ሞጎሰ ጊጊሳናው ካሴታዳ ሸቶ ቲያሱ።

9 ታጎ ሂንቲው ቱማ ኦዳይሰ፤ ሳን ኡባን ዋንጌላ ኡዳይሰን አዉንካ፡ አሳይ ኢዮ አከካና ሚላ ሃ ኢያ ኦሊዳይሲ ኦዳታና» ያገሰ።

ዪሁዲ ዩሱሳ አሊዲ አሚናው ዘራቲሰ

(ማቶ 26:14-16፤ ሉቃ 22:3-6)

10 ታማኔ ናሞው ታማራታፔ ኢሶይ አሰቆርታ ዪሁዲ ጌቲቲይሲ ዩሱሳ ካሂኔ ሃላቃታሰ አሊ አሞናው ኤንታኮ ቢሰ።

11 ኤንቲ ሂሳ ሲዲዳ ዋዴ ኡፋይቲዲ፡ «ኦኒ ኔው ሚሼ አሚና» ያገደሶና፤ ዪሁዲ ዩሱሳ አሊ አሞናው አንጃ ዋዴ ኮዩሰ።

ዩሱሲ ባ ታማራታራ ፓሲካ ሚሰ

(ማቶ 26:17-25፤ ሉቃ 22:7-14፤ 21-23፤ ዮሃ 13:21-30)

12 ኡይላ ባሌ ቦንቼያ ኮይር ጋላሰ፡ ፓሲካ ካላ ሞናው ማራዜ ሹኪያ ዋዴ ዩሱሳ ታማራቲ ኢያኮ፡ «ፓሲካ ቦንቼያ ጋላሰ ኔኒ ማና ካላ ኦኒ አው ቢዲ ጊጊሲና?» ጊዲ ኦይቼዶሶና።

13:32 ማቶ 24:36    13:34 ሉቃ 12:36    14:1 ኬሳ 12:1    14:3 ሉቃ 7:37    \* 14:5 ሄቹ ያቲ ዳርሪ፡ አሲ አሳሰ ላይሳን ጨጌቲያ ሎዋ ዳሞዜፔ ቦላ ጊዲያ ሚሹ።    14:7 ዛሬ 15:11

- 13 ዬሱሲ ባ ታማሪታፕ ናምዓታ ሃይሳዳ ያጊዲ ከቲሰ: «ካታማ ቢቴ፤ ሂንቴ ቢሸን፤ ኦቶራ ሃሌ ቶኪዳ ኢሲ ኡራይ ሂንቴራ ጋሂታና፤ ኢያ ካሊቴ።
- 14 ኢ ቢዲ ጌሊያ ኬላዋ፤ ሳስታማሬይ ኔኮ፤ «ታኒ ታ ታማሬታራ ፓሲካ ማናው ኢማላ ከፊሌይ አዉኒ?» ያጊሰ።
- 15 ኬላዋይ ሂንቴና ፖቁያ ቦላ ዳዒያ ገጊ ኡቲዳ ዳልጋ ከፊሌ ቤሳና፤ ሄሳን ገጊሲቴ።» ያጊሰ።
- 16 ሄ ናምዑ ታማሬቲ ከዪዲ፤ ካታማ ቢደሶና፤ ዬሱሲ ኤንታው ኦዲዳይሳዳ ዳሚዲ፤ ፓሲካ ካላ ገጊሲደሶና።
- 17 ሳሳይ ኦማርሲያ ዋዴ ዬሱሲ ታማኔ ናምዑ ታማሬታራ ያ ቢሰ።
- 18 ኤንቴ ኡቲዲ ካሌ ሚሸን፤ ዬሱሲ ኤንታኮ፤ «ታኒ ሂንቴው ቱማ ኦዳይሰ፤ ሂንቴፌ ኢሶይ ታራ ሜይሲ፤ ታና አሌ ኢማና» ያጊሰ።
- 19 ኢያ ታማሬቲ ዳጋሚዲ፤ ባንታ ሁዒን ሁዒን፤ «ቱማ ታኔሻ?» ያጊዲ ኢያ ኦይቺደሶና።
- 20 ዬሱሲ ዛሪዲ፤ «ሄ ኡራይ ሂንቴ ታማኔ ናምዓታፕ ኢሱዋ፤ ኢ ታራ ኢሲፌ ቱሻናው ባ ኡይላ ሻቲያን ዬዳይሳ።
- 21 አሳ ናሳይ፤ ገሻ ማፃፋይ ሃይቃና ገዳይሳዳ ሃይቃና፤ ሸን አሳ ናሳ፤ አሌ ኢሚያ ኡራ አዬ። ሄ ኡራይ ዬሌቶና አቲዳኮ ኢያው ሎፖሸን» ያጊሰ።

ጎዳ ካሁዋ

(ማቶ 26:26-30፤ ሉቃ 22:14-20፤ 1ቆሮ 11:23-25)

- 22 ኤንቴ ሚሸን፤ ዬሱሲ ኡይላ ኤኪዲ፤ ያሳ ጋላቲሰ፤ ሄ ኡይላ ማንሊዲ፤ ባ ታማሬታሰ ኢሚሼ፤ «ሂራቴ፤ ሃይሲ ታ አሹዋ» ያጊሰ።
- 23 ፀ-ዓ ኤኪዲ፤ ያሳ ጋላቲዲ፤ ኤንታው ኢሚን ኡባይካ ሄ ፀ-ዓፕ ኡዪደሶና።
- 24 ዬሱሲ፤ «ሃይሲ ኦራላ ጫቁዋን ዳር አሳ ገሻ ጉኪያ ታ ሱላ።
- 25 ታኒ ሂንቴው ቱማ ኦዳይሰ፤ ታኒ ያሳ ካዋቴላን ኦራላ ዋይኒያ ኡያና ጋላሳይ ጋካናው ዛራዳ ሃ ዋይኒያፕ ኡዪኬ» ያጊሰ።
- 26 ማዘውሬ ዬዳዲፕ ጉዬ ሻማሆ ዳሪያ ቦላ ቢደሶና።

ጳዳርሲ ካዳናይሳ ዬሱሲ ኮይሮቲዲ ኦዲሰ

(ማቶ 26:31-35፤ ሉቃ 22:31-34፤ ዮሃ 13:36-38)

- 27 ዬሱሲ ኤንታኮ፤ «ሂንቴ ኡባይ ታና ዬጊ አጊዲ ባቃታና፤ ገሻ ማፃፋይ፤ ሮሳይ ደርሳ ሄሚይሳ ዋፃና፤ ደርሳቲ ኡባይ ላሌታና።
- 28 ያጊሰ።
- 28 ሸን ታኒ ሃይቆፕ ዳንዲዳፕ ጉዬ ሂንቴፌ ካሴታዳ ጋሊላ ባና» ያጊሰ።
- 29 ጳዳርሲ ዛሪዲ፤ «ኤንቴ ኡባይ ኔና ዬጊ አጊዲ ባቃቲኮካ፤ ታ ኔና አጊኬ» ያጊሰ።
- 30 ዬሱሲ ጳዳርሳኮ፤ «ታኒ ኔው ቱማ ኦዳይሰ፤ ሃቺ ቃማ ኩቶይ ናምዑ ቶሆ ዋሳናፕ ሲንሌ ኔኒ ታና ሄቹ ቶሆ ካዳና» ያጊሰ።
- 31 ሸን ጳዳርሲ ካሴይሳፌ ሚንሊዲ፤ «ታኒ ሃሪ አቶሸን፤ ኔራ ኢሲፌ ሃይቁያኮካ፤ ኔና ካዲኬ» ያጊሰ። ቃሲ ሃራቲ ኡባቲካ ሄሳዳ ገደሶና።

ዬሱሲ ጌቴሲማኔን ዋሲሰ

(ማቶ 26:36-46፤ ሉቃ 22:39-46)

- 32 ጌቴሲማኔ ጌያ ቤሳ ቢደሶና፤ ዬሱሲ ባ ታማሬታኮ፤ «ታኒ ያሳ ዋሳዳ ሲማና ጋካናው ሂንቴ ሃይሳን ኡቲሹቴ» ያጊሰ።
- 33 ዬሱሲ ጳዳርሳ፤ ያይቆሳኔ ዮሃኒሳ ባራ ኤኪዲ ቢሰ፤ ዳር ዋዬቲሲኔ ኤንዒቲሰ።
- 34 ቃሲ ኤንታኮ፤ «ታኒ ሃይቃና ጋካናው አዛናሰ፤ ሃይሳን ጋምዒሹቴ፤ ጳሰኮፊቴ» ያጊሰ።
- 35 ጉሌ ሲንሌ ሸቁዲ፤ ሳሳን ጉፋኒዲ፤ ዳንዳዒቲያ ባጊዲኮ፤ ሄ ዋያ ሳቴይ ባፕ አፃፍ ማላ፤ ያሳ ዋሲሰ።
- 36 ቃሲ፤ «አባ፤ ታ አዋው፤ ኡባባይ ኔው ዳንዳዒቲሰ፤ ሃ ዋዬ ፀ-ዓ ታፕ ዲጋ። ሸን ኔ ሸኔይ ሃፕፕ ኣቲን ታ ሸኔይ ሃፕፕ?» ያጊሰ።
- 37 ዬሱሲ ባ ታማሬታኮ ሲሚ ዪዲ፤ ኤንቴ ጳሰኪዳሸን ዳሚዲ፤ ጳዳርሳኮ፤ «ሲዋና፤ ጳሰካዲ? ኔኒ ኢሲ ሳቲካ ባርካዳ ናጋናው ዳንዳዒሲኪ?»
- 38 ፓጩን ሂንቴ ጌሎና ማላ ባርኪዲ ናጊቴኔ ያሳ ዋሲቴ። ሂንቴው ሎፖ አዋይ ዳዒሰ፤ ሸን ሂንቴ ዳቡራንቾ አሲ» ያጊሰ።
- 39 ቃሲካ ቢዲ ካሴይሳዳካ ያሳ ዋሲሰ።

40 ባ ታማራታኮ ጉዬ ሲሚዲ ያ ዋዴ ጳሎስዳሺን ዳሚሰ። ኡንታ ኣይፊያ ጳሎስዳ ጎዚ ዋሉዳ ገሾ ኢያኮ ኣይ ኦደቲያኮካ ኤርኮና።

41 ሃዳጎሎ ኡንታኮ ዪዲ፣ «ሃሲ ጋካናወካ ጳሎስቲኔ ሸምፔቲ? ሂዛ፣ ጊዳና፣ ሳቲይ ጋኪስ፤ ቢዒቲ! ኣሳ ናዓይ፣ ናጋራንቾ ኣሳታሰ ኣጳ ኢሚታና ዋዴይ ጋኪስ።

42 ዳጎዲዲ ዪጳቲ፤ ቢዒቲ፣ ታና ኣሉ ኢሚናይሲ ጋኪስ» ያጊሰ።

**ዬሱሲ ባ ሞርኬታ ኩሼን ኦይኪቲሰ**  
(ማቶ 26:47-56፤ ሉቃ 22:47-53፤ ዮሃ 18:3-12)

43 ዬሱሲ ሄሳ ቡር ኦዲሺን፣ ታማኔ ናምዑ ኢያ ታማራታፔ ኢሰይ፣ ዪሁዲ፣ ኤሌሲዲ ጋኪ ዋዲስ። ቃሲ ካሂኔ ሃላቃቲ፣ ሂጌ ኣስታማራቲኔ ጨማቲ ኪቲን፣ ማሼኔ ምዓ ኦይኪዳ ዳር ኣሳይ ኢያራ ኢሲፊ ዪደሶና።

44 ዬሱሳ ኣሉ ኢሚናይሲ ሄ ዳር ኣሳሰ፣ «ታኒ ዬሬይ ኢያ፤ ኢያ ኦይኪዲ፣ ሎይሉ ናጊዲ፣ ኤኪ ኤፊቲ» ያጊዲ ማላ ኦዲ ዋሊሰ።

45 ዪሁዲ ጋኪ ዋዲያ ሚላ ዬሱሳኮ ሸቂዲ፣ «ኣስታማራያው» ያጊዲ ዬሱሳ ዬሪ ኤኪስ።

46 ሄ ዳር ኣሳይ ዬሱሳ ኦይኪደሶና።

47 ሺን ማታን ኤቁዳይሳታፔ ኢሰይ ባ ማሻ ሾዲዲ ካሂኔ ሃላቃ ኣይሊያ ሾጨዲ፣ ኢያ ሃይሳ ቃንጻዲ ሆሊሰ።

48 ዬሱሲ ዛራዲ፣ ሄ ሸቂዳ ዳር ኣሳኮ፣ «ታና ፓንጋ ኪሲዲ፣ ፓንጋ ኦይኪይሳዳ ኦይካናው ማሺኔ ምዓ ኦይኪዲ ዪደቲ?

49 ታኒ ያሳ ኬላን ታማርሳሼ፣ ጋላሰ ጋላሰ ሂንቴራ ዳዒያ ዋዴ ታና ኦይኪቤኬታ፣ ሺን ገሻ ማዓይ ጊዳይሲ ፖሊታናው ቤሴስ» ያጊሰ።

50 ኢያ ታማራቲ ኡባይ ኢያ ዩጊ ኣጊዲ ባቃቲደሶና።

51 ላፃና ዓላላ ማዒዲ ኢሲ ናቴላ ኡራይ ዬሱሳ ካሊይሳ ኣሳይ ኦይኪስ።

52 ሺን ሄ ኡራይ ላፃና ዩጊ ኣጊዲ፣ ግሪ ካሎ ባቃቲሰ።

**ዬሱሳ ፐርዳ ሻንጎ ሲንሌ ኤፊደሶና**  
(ማቶ 26:57-68፤ ሉቃ 22:54-55፣ 63-71፤ ዮሃ 18:13-14፣ 19-24)

53 ኣሳይ ዬሱሳ ካሂኔ ሃላቃ ሶ ኤፊደሶና። ያን ካሂኔ ሃላቃቲ፣ ጨማቲኔ ሂጌ ኣስታማራቲ ሸቂዲ ደሶሶና።

54 ጳዒሮሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቲዲ ታማ ካዬስ።

55 ካሂኔ ሃላቃቲኔ ሸቂዳ ኣሳ ኡባይ ዬሱሳ ዋዳናው ኢያ ቦላ ማርካ ኮዪደሶና፣ ሺን ኣይኮካ ዳሚቦኮና።

56 ዳር ኣሳቲ ኢያ ቦላ ዋርዶ ማርካቲደሶና፣ ሺን ኡንታ ማርካቲሳይ ኢሲኖ ጊዳና።

57-58 ኢሲ ኢሲ ኣሳቲ ዳንዲ ኤቁዲ ዬሱሳ ቦላ፣ «ኢ፣ ታኒ ኣሲ ኪጻዳ ሃ ያሳ ኬላ ላላዳ፣ ኣሳ ኩሼን ኪጻቲቦና ሃራ ያሳ ኬላ ሂቹ ጋላሳ ጊደን ኪፃና» ጊሺን ኦኒ ሲዒዳ» ያጊዲ ዋርዶ ማርካቲደሶና።

59 ጊደሺን፣ ኡንታ ማርካቲሳይ ሄሳንካ ኢሲኖ ጊዳና።

60 ካሂኔ ሃላቃይ ኣሳ ኡባ ሲንላን ዳንዲ ኤቁዲ፣ «ሃይሳቲ ኔና ሞቲያ ሞቲዋሰ ኔ ዛሪያባይ ባዌ?» ያጊዲ ዬሱሳ ኦይቸሰ።

61 ሺን ዬሱሲ ሲዒ ጊስ፤ ኣይኮካ ዛሪቤና። ካሂኔ ሃላቃይ፣ «ኣንጃቲዳ ያሳ ናዓይ፣ ኪሪሰቶሲ ኔኔዬ?» ያጊዲ ዛሪ ኦይቸሰ።

62 ዬሱሲ ዛራዲ፣ «ኤ ታና፣ ሂንቴ ኣሳ ናዓይ፣ ዋልቃማ ያሳደ ኡቫቻ ባጋራ ኡቲዳሺን ቃሲ ሳሉዋ ሻራራ ዪሺን ቤዓና» ያጊሰ።

63 ካሂኔ ሃላቃይ ባ ማዑዋ ፔጳዲ፣ «ኦና ሃራ ማርካ ኣይ ኮሺ?

64 ሂንቴ ኢያ ጫሻ ሲዒዳታ፤ ሂንቴ ቆፋይ ኣይቤ?» ያጊሰ። ኣንቲ ኡባይ፣ «ኢ ሃይቃናው ቤሴስ» ያጊዲ ኢያ ቦላ ፐርዲደሶና።

65 ኡንታፊ ኢሶቲ ኢሶቲ ኢያ ቦላ ጩቴሉ ኦይኪደሶና። ኢያ ኣይፊያ ጎዚዲ ባቂሼ፣ «ኔና ዳቸዳይ ኦኔ? ኣኔ ኦስ ኦዲ!» ያጊደሶና። ናጌይሳቲ ኢያ ኤኪ ኤፊዲ ጋራፊደሶና።

**ጳዒሮሲ ዬሱሳ ካዲሲ**  
(ማቶ 26:69-75፤ ሉቃ 22:56-62፤ ዮሃ 18:15-18፣ 25-27)

66 ጳዒሮሲ ካሂኔ ሃላቃ ዛባን ጋርሳ ባጋራ ዳዒሺን፣ ካሂኔ ሃላቃ ማጫ ኣይሌታፔ ኢሲኒያ ያሰ።

67 ጳዒሮሲ ታማ ካይይሳ ቢዒዳ፣ ቲሺ ኦላ ጻላዳ፣ «ኔኒካ ናዚሬቲ ዬሱሳራ ዳዓሳ» ያጋሱ።

68 ሺን ጳጳሮሲ፡ «ኔ ጌይሲ አይቤኮ ታ ኤሪኬ፡ ታው እኩኩቴና» ያገዱ ካዲሱ፡ ያገ ሲሚዱ ዛጎ ኬያ ዋዴ ሲሁዋራ ኩቶይ ዋሲሱ፡

69 ሄ አይሊ፡ ጳጳሮሳ ቤዓዳ፡ ኢያ ማታን ኤቁዳ አሳታኮ፡ «ሃ ኡራይካ ኤንታራ ዴዒሰ» ጋዳ ዛራ ኦዲሱ፡

70 ሺን ጳጳሮሲ ቃሲካ ካዲሱ፡

71 ጉላ ጋምዲሺን፡ ማታን ኤቁዳ አሳቲ ናምዓንሎ ጳጳሮሳኮ፡ «ኔጌ ጋለላ ቢታ አሲ ገዲያ ገሾ ቱማ ኤንታራ ዴዓሳ» ያገደሶና፡

72 ሺን ጳጳሮሲ፡ «ታጌ ሂንቴ ገያ ኡራ ኤሪኬ!» ያገዱ ባና ቃንጌሌኔ ጫቆ ኦይኪሱ፡

73 ሲሁዋራ ኩቶይ ናምዓንሎ ዋሲ አገሱ፡ ጳጳሮሲ ዬሱሲ ኢያኮ፡ «ኔጌ ኩቶይ ናምዑ ቶሆ ዋሳና፤ ሲንሌ ሄቸ ቶሆ ታና ካዳና» ኢያኮ ገዳይሳ እኩኪዱ ዳሮ ዬኪሱ፡

### 15

#### ዬሱሳ ጲላዎሳኮ ኤፊደሶና

(ማቶ 27:1-2፣ 11-14፣ ሉቃ 23:1-5፣ ዮሃ 18:28-38)

1 ዋንታ ጉራ ኤሌሲዱ ካሂኔ ሃላቃቲ፡ ጨማቲ፡ ሂጌ አስታሚሪቲኔ አይሁዴ ሻንጎቲ ኡባይ ሸቁዱ ማቁቲደሶና፡ ኤንቲ ዬሱሳ ቃቺ ኤፊደሳ ጲላዎሳሰ አላ ኢሚደሶና፡

2 ጲላዎሲ ኢያኮ፡ «ኔጌ አይሁዴታ ካዋ?» ያገዱ ኦይቺሱ፡

3 ዬሱሲ ዛሪዱ፡ «ኔ ጋዳሳ» ያገሰ፡

4 ካሂኔ ሃላቃቲ ዬሱሳ ዳርባን ሞቲደሶና፡

5 ሺን ጲላዎሲ ዛሪዱ ዬሱሳኮ፡ «ኔው ዛሪያባይ ባዌ? ኤንቲ ኔ ቦላ አይ ሚላ ሞቱዋ ኤሂያኮ ቤዒኪ?» ያገሰ፡

6 ሺን ዬሱሲ ሃራባ ዛርና ኢዲን፡ ጲላዎሲ ማላሌቲሰ፡

#### ዬሱሳ ሃይቆ ገዲ ፒርዲደሶና

(ማቶ 27:15-26፣ ሉቃ 23:13-25፣ ዮሃ 18:39-40፣ 19:1-16)

7 ጲላዎሳሰ ፓሲካ ባሌ ቦንቺያ ጋላሳን አሳይ ኮያ ኢሲ ኡራ ቃሾ፤ ቢሊያ ሜኬይ ዴዒሰ፡

8 ሃ ዋዴ ኢሲ ባርባና ገያ ኡራይ ኦቮ ኬሲዱ ሸምፖ ዋጲዳ አሳታራ ኢሲፌ ቃሾ ኬላን ዴዒሰ፡

9 ሸቁዳ ዳሮ አሳይ ጲላዎሲ ካሲይሳዳ ኦላና ሚላ ኢያ ኦይቺደሶና፡

10 ጲላዎሲ አሳ ዛሪዱ፡ «ታጌ ሂንቴው አይሁዴታ ካወዋ ቢላናይሳ ኮዬቲ?» ያገዱ ኦይቺሱ፡

11 ሄሳ ኢ ገዳይ፡ ካሂኔ ሃላቃቲ ዬሱሳ ቃናቲዱ አላ ኢሚደሳይሳ ኤሪያ ገሾሳ፡

12 ሺን ካሂኔ ሃላቃቲ ዬሱሳ ገሾ ባርባና ቢላናዳ፡ ሄ ሸቁዳ አሳይ ጲላዎሳ ዋሳና ሚላ አሳ ማቁደሶና፡

13 ጲላዎሲ ዛሪዱ፡ «ያቲን፡ ሃ ሂንቴ አይሁዴ ካዋ ጌሳ ዋቶ?» ያገሰ፡

14 አሳይ ጲላዎሳ ቦላ ዋሲዱ፡ «ማስቃሊያ ቦላ ኢያ ካቃ» ያገደሶና፡

15 ጲላዎሲ አሳኮ፡ «አይሰ? ኢ አይ ኢታባ ኦላዴ?» ያገሰ፡

16 ሺን አሳይ ካሲይሳፌ ጉጂ ዋሲዱ፡ «ማስቃሊያ ቦላ ኢያ ካቃ» ያገደሶና፡

17 ጲላዎሲ አሳ ኡፋይሳናው ኮዬዱ፡ ባርባና አሳሰ ቢሊሰ፤ ያቲዱ ሊሶን ዬሱሳ ጋራፊዱ፡ ማስቃሊያ ቦላ ካቃና ሚላ ኤንታው አላ ኢሚሰ፡

#### ዋታዳሪቲ ዬሱሳ ቶቺደሶና

(ማቶ 27:27-31፣ ዮሃ 19:2-3)

18 ሄሳፌ ጉዬ፡ ዋታዳሪቲ ዬሱሳ ዳሪያ ሃሪይሳ ኦሶ ኬላ ኤኪ ኤፊደሳ፡ ሃራ ዋታዳሪታ ኡባ ኢሲፌ ዌገደሶና፡

19 ቃሲ ዘዎ አፊላ ኢያ ማይዚደሶና፤ አጉንሳ ካላቻ ገገሲዱ፡ ኢያ ሁዒን ዋላደሶና፡

20 ሄሳፌ ጉዬ፡ ኢያኮ፡ «አይሁዴታ ካወዋው ሚሪናው ካዋታ» ያገዱ፡ ኢያው ዘገደሶና፡

21 ኢያ ሁዒያ ዓምዓን ሸጨደሶና፤ ቃሲ ኢያ ቦላ ጩቲደሶና፤ ጉልባቲዱ ኢያው ጎይኒደሶና፡

22 ኢያ ቶቺደሳይሳፌ ጉዬ ዘዎ አፊላ ኢያ፤ ቃሪ ኤኪዱ፡ ኢያ አፊላ ኢያ ማይዚዱ ማስቃሊያ ቦላ ኢያ ካቃናው ኤኪ ኤፊደሶና፡

#### ዬሱሳ ካቁደሶና

(ማቶ 27:32-44፣ ሉቃ 23:26-43፣ ዮሃ 19:17-27)

23 ኤንቲ ቢሾ፡ ኢሰኪንዲሬኔ ሩሬሳ አዋ፡ ሲሞና ገያ ቁሪና ቢታ አሲ፡ ጋፃሬ፤ ካታማ ዬይሳራ ጋሂቲዱ፡ ዬሱሳ ማስቃሊያ ዋልቃን ቶሲደሶና፡

24 ያቲዱ ጎልጎታ ገያ ቤሳ ዬሱሳ ኤፊደሶና፡ «ጎልጎታ» ጉሳይ «ሁዒ ጉጌ» ጉሱ፡

23 ሳኮይ ሰዓቶና ማላ ካርቤ ጊያ ጳሌይ ዋላኩቲዳ ዋይኔ ኡዮ ጊዲ ኢያው አሚዶሶር። ሸን ኢ ኡዮና ኢዲስ።

24 ኢንቲ ማስቃሊያ ቦላ ኢያ ካቂዶሶር። ኦና ኣይቢ ጋካኔኮ ጊዲ ኢያ ኣፊላ ሻኪዲ ሳማ ዩጊዶሶር።

25 ኢንቲ ማስቃሊያ ቦላ ኢያ ካቂያ ዎዴ ዎንጋፊ ሂዙ ሳቲ።

26 ኢንቲ፡ «ኣይሁዲታ ካዉዎ» ያጊዲ ኢያ ሞቲያ ፀፊ ዓፊዲ ዋሲዶሶር።

27 ዩሱሳራ ናምዑ ፓንጋታ ኢሱዋ ኢያ፤ ጉሻቻ ባጋራ ሃንኩዋ ኢያ፤ ሃዲርሳ ባጋራ ማስቃሊያ ቦላ ካቂዶሶር።

28 ጊሻ ማፃፋይ፡ «ኢታባ ኦሌዳ ኣሳታራ ኢ ፓይዳተስ» ጌቲቲዳይሲ ፖሌቲስ።

29 ኦጊያራ ኣጲያ ኣሳይ ዩሱሳ ካጲዲ፤ ባንታ ሁዒያ ቃሲዲ ጫዩዶሶር፤ «ሄኮ! ያሳ ኬላ ላላዳ ሄዙ ጋሳሳ ጊዶን ከጸይሶ፡ ኔ ሁዒያ ኣሻ፤

30 ኣኔ ማስቃሊያ ቦላፊ ዎቃ» ያጊዶሶር።

31 ሄሳዳካ፡ ካሂኔ ሃላቃቲ ሂጊያ ታማርሴይሳታራ ኢሲፊ ዩሱሳ ቶቺዲ፡ «ሃራታ ኣሸሰ፡ ሸን ባና ኣሻናው ዳንዳዳና፤

32 ኦኒ ቤዒዲ ኣማናና ማላ ኪሪሰቶሲ፡ ኢሲራዔሌ ካዎይ፡ ኣኔ ማስቃሊያ ቦላፊ ሃዒ ዎቃ» ያጊዶሶር። ቃሲ ሃሪ ኣቶሸን፡ ኢያራ ማስቃሊያ ቦላ ካቂቲዳይሳቲካ ኢያ ቶቺዶሶር።

**ዩሱሲ ሃይቁስ**

(ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱቱን ሳቲፔ ዶሚዲ፡ ኡዲፋን ሳቲ ጋካናው ቢታ ኡባይ ፉሚስ።

34 ኡዲፋን ሳቲያን ዩሱሲ ባ ቃላ ቃቁ ኦሌዲ፡ «ኤሎሄ፡ ኤሎሄ፡ ላማ ሳባቂታኒ?» ያጊስ። ሄሳ ጉሳይ፡ «ታ ያሳው፡ ታ ያሳው፡ ታና ኣይሰ ኣጋዲ?» ጉሱ።

35 ሄሳን ኤቁዳ ኣሳቲ ኢሶይ ኢሶይ ሄሳ ሲዒዲ፡ «ሄኮ፡ ኤሊያሳ ያጌስ» ያጊስ።

36 ሄ ኣሳቲ ኢሶይ ዎዲዲ፡ ኢሰፖንጂን ጫላ ዎይኔ ኩጎሊስ፤ ሄሳ ዓምዒ ያራጎን ዎሊዲ፡ «ናጊቲ፤ ኤሊያሲ ማስቃሊያ፤ ኢያ ዎጲሳናው ያኔኮ ኣኔ ቤያስ» ያጊዲ ዩሱሳ ዶናኮ ኡሻናው ሸሸሰ።

37 ዩሱሲ ባ ቃላ ቃቁ ኦሌ ዋሲዲ፡ ሃይቁስ።

38 ያሳ ኬላን ካቂቲዳ ማጋሪጃይ ቆሞፊ ዲጌ ጋካናው፡ ናምዑ ኬዩዲ ዳኬቲ ዎጲስ።

39 ማስቃሊያ፤ ስንሳ ባጋራ ያን ኤቁዳ ኢሲ ማቶ ሃላቃይ፡ ዩሱሲ ዋኒዲ ሃይቁዳኮ ቤዒዳ ዎዴ «ሃ ኡራይ ቱማ ያሳ ናን» ያጊስ።

40 ሄሳ ሃሆን ኤቁዲ ቤዒያ ጉሳ ማጫሳቲ ዳይሶር። ኢንታ ጊዶን ማግደላ ማይራማ፡ ካሉዋ ያይቆባኔ ዮሳ ኣያ ማይራማኔ ሳሎማ ዳይሶር።

41 ሄ ማጫ ኣሳቲ ዩሱሲ ጋሊሳን ዳዒያ ዎዴ ኢያ ካሊዳይሳታ ኢያ ሞኪዳይሳታ ቃሲ ዩሱሳራ ኢሲፊ ዩሩሳሳማ ቢዳ ሃራ ዳር ማጫ ኣሳቲ ያን ዳይሶር።

**ዩሱሲ ሞጌቲስ**

(ማቶ 27:57-61፤ ሉቃ 23:50-56፤ ዮሃ 19:38-42)

42-43 ሳሳይ ኦማርሲዳ ዎዴ ሸቁዳ ኣሳን ቦንቹቲዳ ኣይሁዴ ሻንጎታ፤ ኢሶይ፡ ዮሱፋ ጊያ ኡራይ፡ ያሳ ካዎቲሳይ ያናይሳ ናጊሼ ዳዔይሲ፡ ኣርማቲያሳ ካታማ ኣሲ ዳዔይሲ ዩስ። ዎንቲሌ ሳምባታስ ጌቲያ ጋላስ ጊዳዳ ጊሻ ዮሱፊ ማኒዲ ጸላያሳኮ ቤዲ፡ ዩሱሳ ኣሃ ኤካናው ዎሲስ።

44 ጸላያሲ ዩሱሲ ሃይቁዳይሳ ሲዒዳ ዎዴ ማላሌቲስ፤ ማቶ ሃላቃ ያጊዲ፡ «ኢ ሃይቁዲ ጋምዒዳ?» ያጊዲ ኦይቸስ።

45 ጸላያሲ ዩሱሲ ሃይቁዳይሳ ማቶ ሃላቃቲ ሲዒዲ ኢያ ኣሃ ዮሱፋስ ኢሚስ።

46 ዮሱፊ ሞሳ ኣፊላ ሻሚስ፤ ዩሱሳ ኣሃ ማስቃሊያ፤ ዎሊዲ፡ ኣፊላን ዓዲዲ፡ ሹቻፊ ዎጩቲዳ ዲፎ ጊዶን ኢያ ኣሃ ሞጊስ። ቃሲ ሄ ዲፋዎ ዶናን ጌታ ሹቹ ጎንደርሲዲ ዎሊስ።

47 ማግደላ ማይራማኔ ዮሳ ኣያ ማይራማ ዩሱሳ ኣሃ ኢንቲ ኣዉን ዎሊያኮ ቤያሶር።

**16**

**ዩሱሲ ሃይቆፔ ዳንዲስ**

(ማቶ 28:1-8፤ ሉቃ 24:1-12፤ ዮሃ 20:1-10)

1 ሳምባታይ ኣጲዳ፤ ጉዩ ማግደላ ማይራማ፡ ያይቆባ ኣያ ማይራማኔ ሳሎማ ቢዲ፡ ዩሱሳ ኣሃ ቲያናው ሸቶ ሻሚዶሶር።

2 ዎጋ ዎዴ ዎንታ ዳር ጉራ ዓልቂይ ጫርሸን፡ ዲፋዎ ቢዶሶር።

3 እንገት ባንታ ጊደን አሰይ አሱዋራ፣ «ዱፋዋ ደናፔ ኮስ ሹቻ እኔ ጎንደርሲዲ ዲጋናይ?» ያገዲ ኦዴቲደሶና።

4 እንገት ጃሊያ ዎዴ ሄ ዳር ጊታ ሹቻይ ጎንደሬቲዲ ኪቸዳይሳ ቤዒደሶና።

5 ዩሱሲ ሞጌቲዳ ዱፋዋ ጊደ ጌሊያ ዎዴ አሲ ፓንላ አዳይ ቦላ ማዎ ማዒዲ፣ እሻቻ ባጋራ ኡቲዳይሳ ቤዒዲ ዳጋሚደሶና።

6 ሺን ኢ እንታኮ፣ «ዳጋሞሬቲ፤ ማስቃሊያ ቦላ ካቄቲዳ፣ ናዚሬቴ ዩሱሳ ሂንቲ ኮዬይሳ ታኒ ኤራይሱ። ኢ ሃይሳን ዳና፣ ሃይቆፔ ዳንዲሱ። እንገት እያ ሞጊዳ ቤሳ ሃይሳ ቤዒቲ።

7 ሃዒ ቢዲ ዩሱሳ ታማሬታሲኔ ጳጂሮሳስ፣ ዩሱሲ ሂንቲሬ ሲንላቲዲ ጋሊላ ቤስ። ኢ ሂንቲው ኦዲዳይሳዳ ሂንቲ ኢያ ያን ቤዒና፣ ያገዲ ኦዲቲ» ያገሱ።

8 ማጫሳቲ ያሻን ኮኮሪሼ ዲፋዋፔ ኬዪዲ ባቃቲደሶና። ቃሲ እንገት ያዩዳ ጊሾ ሄሳ ኦዲስካ አይኮካ ኦዲቦኮና። \*

ዩሱሲ ማግዴላ ማይራሚስ ቤንቲስ

(ማቶ 28:9-10፤ ዮሃ 20:11-18)

9 ዩሱሲ ሃይቆፔ ዳንዲዳፔ ጉዬ ዎጋ ጋላስ ዎንታ፣ ላፑን ቱና አያናታ ኬሲዳ ማግዴላ ማይራሚስ ኮሮርቲዲ ቤንቲስ።

10 ኢያ ባዳ ካሴ አያራ ዳዔይሳታስ፣ እንገት አዛጊሼኔ ዩክሼ ዳዒሺን ኦዲሱ።

11 ሺን ዩሱሲ ፓዓ ዳዔይሳኔ እው ቤንቲዳይሳ እንገት ሲዒዳ ዎዴ እያ ጌይሳ አማኒቦኮና።

ዩሱሲ ናሞዑ ባ ታማሬታስ ቤንቲስ

(ሉቃ 24:13-35)

12 ሃሳፌ ጉዬ፣ እንታፌ ናሞዒቲ ካታማፔ ኬዪዲ ቢሺን፣ ኦኔ ቦላ ዩሱሲ ካሴይሳፌ ዲማቲዲ እንታው ቤንቲስ።

13 እንገት ጉዬ ሲሚዲ፣ ሃራታስ ኦዲደሶና፣ ሺን ሃራቲካ እንታ ኦዲ ቱማ ጊቦኮና።

ዩሱሲ ታማኔ አሲ ባ ታማሬታስ ቤንቲስ

(ማቶ 28:16-20፤ ሉቃ 24:36-49፤ ዮሃ 20:19-23፤ ሃ.ኦ 1:6-8)

14 ጉዬፔ ታማኔ አሲ ኢያ ታማሬቲ ካሴ ሚሺን፣ ዩሱሲ እንታው ቤንቲስ። እንታው አማኖይ ባይና ጊሾኔ ሃይቆፔ ኢ ዳንዲዳይሳ ቤዒዳ አሳይ ኦዲን እንገት አማኖና አዲዳ ጊሾ ኢ እንታ ቦሪስ።

15 ኢ እንታኮ፣ «ቢታ ኡባ ቢዲ አሳ ኡባስ ዎንጌላ ኦዲቲ።

16 አማኔይኔ ፃማቄቲይ አታና፣ ሺን አማኖናይ ፒርዳታና።

17 አማኔይሳታስ ሃ ማላታቲ አሚታና። እንገት ታ ሱንላን ቱና አያናታ ኬሳና፣ ኦራሳ ደናን ኦዲታና።

18 እንገት ሸሹ ኦይኪኮካ ዎይኮ ዎዲያባ ኡዪኮካ እንታ ቆሃና። ቃሲ እንገት ባንታ ኩሺያ ሃርጋንቸታ ቦላ ዎሲዲ እንታ ፓላና» ያገሱ።

ዩሱሲ ፑዴ ሳሎ ኬዪስ

(ሉቃ 24:50-53፤ ሃ.ኦ 1:9-11)

19 ጎዳይ ዩሱሲ ታማሬታራ ኦዲቲዳፔ ጉዬ ፑዴ ሳሎ ኬዪስ፤ ያሳፌ እሻቻ ባጋራ ኡቲስ።

20 ኢያ ታማሬቲ ቢዳሶ ኡባን ቃላ ኦዲደሶና። ጎዳይካ እንታራ አሲፌ ኦሴስ። እንገት ኦዲያ ቃላይ ቱማ ጊዲዳይሳ ያሳይ እንታው አሚያ ማላታታን ኤሪሲስ።

16:7 ማቶ 26:32፤ ማር 14:28 \* 16:8 እሲ እሲ ቤኒ ማፃፋቲ ማርቆስ ዎንጌላ ፓይዶ 8 ቦላ ኤሶና። ቃሲ አሲ እሲ ማፃፋቲ ፓይዶ 9-20 ጋካናው ዳዒያ ቆፋ ጉጃኮና። ጊደሺን፣ ፓይዶ 8 ካሊዲ ዳዒያ ጉጃሶና። ሄሲካ [ማጫሳቲ ቢዲ፣ ከታንቸይ ኦዲዳባ ኡባ ጳጂሮሳኔ ኢያራ ዳዒይሳታስ ቃንላን ኦዲደሶና። ሃሳፌ ጉዬ፣ ዩሱሲ ባ ታማሬታ ጌሼኔ ሜሪና አቶቲላ ዎንጌላ ከታ ደሎሃፔ ዉሎሃ ጋካናው ከቲስ።] 16:15 ሃ.ኦ 1:8 16:19 ሃ.ኦ 1:9



# ሉቃስ ዓፊዳ ዩሱስ ኪሪስቶስ ዋንጌላ ጋሳ ቆፋ

ዩሱስ ደሪዳ ታማኔ ናምዑ ሃዋሪታ ጊደን ሉቃስ ዳና። ሉቃስ ዋንጌላይ፤ ዩሱስ ኮይር ናቤታ ዶናን ያና ጌቲቲዲ ኦይቲዳይሳ፤ ኢስራዔሊቲ ካሲፔ ናጊሼ ዳዒዳ «ኪሪስቶስ» ጊዳይሳን እሳ ዜሬሌ ኡባ እሼይሳ ጊዳይሳ ቆንጨሴስ። ሉቃስ፤ ባ ማፃፋን ዩሱስ፤ «ማንቆታስ ዋንጌላ ሳባካናው» ባ እዋፔ ከቲቲዳይሳ ጊዳይሳን ሄ ዋንጌላይ እሳስ ዳዒያ ዳማ ዳማ ሜቲዋፔ ከሴይሳ ጊዳይሳ ኦይስ። ሉቃስ ዋንጌላ ጊደን፤ ዩሱስ ዩሳባ ኦይያ ኮይር ሼምፖታኒኔ ዩሱስ ፑዳ ሳሎ ከዩዳይሳ ኦይያ ወርሴላ ሼምፖታን ቆንጨዲ ኦይቲዳይ ኡፋይሳባ። ዩሱስ ሳሎ ከዩዳይ ጉዩ እማናይ ዋኒዲ ዲጨዳኮኔ ዳልጊዳኮ ኦይያ ታሪኪያ ሃ ዋንጌላ ዓፊይ ሃዋሪታ ኦሶ ማፃፋን ዓፊስ።

ኪታንቸታ ማዘመሪያባ፤ ዩሱስ ዩሉቲዳ ዋዴ ሄንሳቸቲ ቢዲ ቤዒዳይሳ ኦይያ ታሪኪይ፤ ዩሱስ ናዓቲላን ያሳ ከሌ ቢዳይሳ፤ ቃዴቲያ ሳማሬ እዲያባኔ ቆዩዲ ቤንቲዳ ናዓባ ኦይያ ታሪኪይ፤ ሉቃስ ዋንጌላ ዓላላን ቤንቲያ ታሪኪ። ሉቃስ ዋንጌላን ጋፓፔ ጋፓ ጋካናው ዳዒያ ዋና ቆፋቲ ዋሳባ፤ ጌሻ እያናባ፤ ዩሱስ ኦሱዋ ጊደን ማጫሳታስ ዳዒያ ቤሳኔ ያሳይ ናጋራ ማሬይሳ።

## ሉቃስ ዋንጌላ አይፌ ቆፋታ

ጌሎ ቆፋ 1:1-4

ፃማቂያ ዮሃንሳኔ ዩሱስ ዩሉቲላ 1:5-2:52

ፃማቂያ ዮሃንሳ ኦሱዋ 3:1-20

ዩሱስ ዪንቃቲያኔ ፓጩቲላ 3:21-4:13

ዩሱስ ጋሊላን ኦሊዳ ኦሱዋ 4:14-9:50

ጋሊላፔ ዩሩሳላሚ ጋካናው 9:51-19:27

ወርሴላ ሳሚንታ ዩሩሳላሚ ሄራን 19:28-23:56

ሃይቆፔ ዳንዶ፤ ቆንጨሳኔ ሳሎ ኬሳ 24:1-53

1 ቦንቸ ቱዋሎሳ፤ ኑ ጊደን ፖሊቲዳባስ ዳርቲ፤ ባንታው ዳንዳዒቲዳ ሚላ ዓፊደሶና።

2 ሄ ታሪኪያ ኤንቲ ዓፊዳይ ኮይርፔ ደሚዲ አይፌ ማርካቲኔ ቃላ ሃጋዜይሳቲ ኦስ ኦይዳይሳ።

3 ታካ ታ ባጋራ ኮይርፔ አኬካ ዪሊዳፔ ጉዩ ሄ ታሪኪያ ሃናታ ማራያዳ ኔው ዓርይ ታው ሎዎ ጊዲ ቤንቲስ።

4 ሄሲካ፤ ኔ ታማሪዳባይ ቱማ ጊዳይሳ ኤሪሳናሳ።

### ፃማቂያ ዮሃንሳ ዩሉቲላ

5 ዪሁዳ ካወዋ ሄርዲሳ ዋዴ አቢያ ያራፔ ጊዲዳ ዛካሪያሳ ጊያ አይሁዳ ካሂኔይ ዳዔስ። ኢያ ማቸያካ እርና ሼሻፔ። ኢ ስንሳይካ ኤልሳቤያ።

6 ናምዳይካ ጎዳ ዋጋኔ ኪታ ኡባ ናጊዲ ቦሬይ ባይና ያሳ ስንሳን ዪሎቲላን ዳዒደሶና።

7 ሃናፔ እቲን ኤልሳቤያ ማይንላ ጊዲዳ ጊሾ ኤንታው ናዒ ባዋ። ናምዳይካ ቃሲ ጨሚደሶና።

8 ኢሲ ጋሳስ ዛካሪያሳስ ባ ጊሹዋ ማራን ያሳ ስንሳን ካሂኔቲላን ሃጋዜስ።

9 ካሂኔቲላ ዋጋን ያሳ ከሌ ጌሊዲ ኢፃኔ ጨዩሳናው ኢያ ሳሚ ጋዜስ።

10 ኢፃኔይ ጩያ ዋዴ እሳይ ካሬን ዋሴስ።

11 ጎዳ ኪታንቸይ ያርሹዋ ያርሹያ ቤሳፌ ኡሻቻ ባጋራ ኤቂዲ ቤንቲስ።

12 ዛካሪያሳስ ኢያ ቤዒዳ ዋዴ ዳጋሚዲ ዳር ያዩስ።

13 ሺን ኪታንቸይ ኢያኮ፤ «ዛካሪያሳ ያዮፋ፤ ኔ ዋሳይ ሲዒቲስ። ኔ ማቸያ ኤልሳቤያ አዳ ናዒ ዩላና፤ ኢያ ዮሃንሳ ጋዳ ኔ ስንሳና።

14 ኢ ኔው ኢንጃኔ ኡፋይሴ ጊዳና፤ ዳርቲ ኢያ ዩሉቲላን ኡፋይታና።

15 ጎዳ ስንሳን ኢ ጌታ ጊዳና፤ ዋይኔ ኡሻ ጊዲን ሃራ ማልያ ኡሻ ኡዬና። ባ አዩ ኡሎን ዳዒሺ ጌሻ እያናን ኩማና።

16 ኢስራዔሌ እሳታፔ ዳርታ ባንታ ጎዳ፤ ያሳኮ ዛራና።

17 አዋታ ዋዛና ናይታኮ ዛራና፤ ኪቲቶናይሳታ ዪሎታ ጨንጫቲላኮ ዛራና ሜላ፤ ጎዳስ ቤሲያ ዳሬ ጊሳናው ኤሊያሳ እያናኒኔ ዋልቃን ጎዳ ስንሳን ባና» ያጊስ።

18 ዛካሪያሳስ ኪታንቸዋኮ፤ «ታ ሄሳ አይቢን ኤራኔ? ታራኔ ታ ማቸራ ጨሚዳ» ያጊስ።

19 ኪታንቸይ ዛራዲ፤ «ታኒ ያሳ ስንሳን ኡቂያ ጋብሬሌ። ሃ ሚሺራቸዋ ኔው ኦዳናው ያሳፊ ኪቲታስ።

20 ሄኮ፣ ዋዲያ ናጊዲ ፖሊቲያ ታ ቃላ ኔ አማኖና ኢዲዳ ጊሾ ሃይሲ ፖሊታና ጋካናው ኔኒ ሙሜ ጊዳና፣ አዳታናወካ ዳንዳዓካ» ያጊሰ።

21 ሄ ዋዴ ዛካሪያሲ ያሳ ኮሌ ጌሊዲ ጋምዲዳ ጊሾ አይቢ ሃኒዴ ጊዲ አሳይ ካሬን ናጊሼ ጋምዲሰ።

22 ኢ ካሬ ኮዪዲ ኤንታና ኦዲሳናው ዳንዳዲቤና። ማለ ቤሶፔ አቲን ኦዳታናው ዳንዳዳይሳ ቤዲዳ ዋዴ ቆንጩሰ ቤዲዳይሳ ኤሪዶሰና።

23 ዛካሪያሲ ሃጋዞ ዋዲያ ፖሊዲ ባ ሶ ሲሚሰ።

24 ሄሳፌ ጉዬ፣ ኢያ ማቺያ ኤልሳቤ፣ ቃንሳታሰ። ኢቻሹ አገና ኩሚሌ ባና ጊንሳዳ ጋምዲሰ።

25 ኢያ፣ «ሳዳይ ባ ማርታን ታ ቦሪያ አሳ ጊዳፌ ዲጋናው ቤዲዲ ሃ ዋዲያን ሃይሳ ኦሌሰ» ያጋሰ።

**ዬሱሳ ዬሌቴሳይ ኮይርቲዲ ኦዳቲሰ**

26 ኤልሳቤ፣ ቃንሳቲን ኡሱፑንሳ አገና፣፣ ያሳይ ኪታንቼዋ ጋብሬሌ ጋለላ ቢታን ዳዒያ ናዚሬቴ ካታማ ኪቲሰ።

27 ካወዋ ዳዊቱ ሸሻፕ ጊዲዳ ዮሴፋ ጊያ ኡሪሰ አይሼቲዳ ጌላዔኮ ኪቲሰ። ሄ ጌላዒያ ማይራዎ ጌቲታወሰ።

28 ኪታንቸይ አኮ ቤዲ፣ «ዳር ዶሴቲዳሬ፣ ሳርይ ኔው ጊዳ፣ ያሳይ ኔሪ ዳዒሰ» ያጊሰ።

29 ማይራማ ኢያ ኦዲን ዳር ዳጋማዳ፣ «ሃይሲ አይቢ ሳርሶ» ጋዳ ሄታሰ።

30 ኪታንቸይ ዛሪዲ፣ «ማይራማ፣ ባቦፋ፤ ኔኒ ያሳ ስንሳን ሳባ ዳማዳሳ።

31 ሄኮ ኔኒ ቃንሳታና አዳ ናባ ዬላና፣ ኢያ ሱንሳካ ዬሱሳ ጋዳ ሱንሳና።

32 ኢ ጌታ ጊዳና፣ ኡባሬ ቦላ ያሳ ናባ ጌቲቲ ዌጌታና። ጎዳ ያሳይ ኢያ አዋ ዳዊቱ አራታ ኢያው አማና።

33 ኢ ያይቆባ ሸሻ ቦላ ሜሪናው ካዎታና፤ ኢያ ካዎቴሳሰ ዛዊ ባዋ» ያጊሰ።

34 ማይራማ ኪታንቸዋኮ፣ «ሄሲ ዋኒዲ ሃናኔ? ታ አዳ ኤሪከ» ያጋሰ።

35 ኪታንቸይ ዛሪዲ፣ «ጌሻ አያናይ ኔ ቦላ ዎፋና፣ ኡባሬ ቦላ ያሳ ዎልቃይ ኔ ቦላ ኩያታና። ሄሳ ጊሾ፣ ዬሌቴያ ጌሻ ናባይ ያሳ ናባ ጌቲታና።

36 ሄኮ፣ ኔ ዳቢያ ኤልሳቤ፣ ባ ጨማቴሳ ላይሳን አዳ ናባ ቃንሳታሰ። ኢያ ማይንሌ ጌቲቲዳር፣ ሸን ሃዒ ኡሱፑንሳ አገና ኦይካሰ።

37 ያሳ ያኒያባይ ባዋ» ያጊሰ።

38 ማይራማ፣ «ሄኮ፣ ታኒ ጎዳ አይለው፣ ኔ ቃላዳ ታው ሃና» ያጋሰ። ሄሳፌ ጉዬ፣ ኪታንቸይ አፔ ሻኩቲሰ።

39 ማይራማ ሄ ሳሚንታን ዳንዳዳ ዪሁዳ ቢታን ዳዒያ አሲ ጌዜ ካታማ ባሰ።

40 ዛካሪያሳ ሶ ጌላዳ ኤልሳቤ፣ ሳርሳሰ።

41 ኤልሳቤ፣ ማይራማ ሳርሶዎ ሲዲዳ ዋዴ ኢ ኡሉዋን ዳዒያ ናባይ ኡፋይሳን ጉፒሰ። ኤልሳቤ፣ ጌሻ አያናን ኩማዳ።

42 ባ ቃላ ጶቁ ኦላዳ፣ «ኔኒ ማጫሳ ጊዳፌ አንጃቲዳር፣ ኔ ቃንሳቲዳ ናባይካ አንጃቲዳይሳ።

43 ሃናሸን፣ ታ ጎዳ አዩ፣ ኔኒ ታኮ ያና ሜላ ታኒ ኦኔ?

44 ሄኮ ኔ ሳርሶዎ ታ ሲዲዳ ዋዴ ታ ኡሉዋን ዳዒያ ናባይ ኡፋይሳን ጉፒሰ።

45 ጎዳይ ፖላና ጊዲ አሚዳ ቃላ አማኒዳራ፣ ኢያ አንጃቲዳር» ያጋሰ።

**ማይራማ ማዘሙሪያ**

46 ማይራማ ሃይሳዳ ያጋሰ።

«ታ ሸምፒያ ጎዳ ቦንቻወሰ።

47 ታ አያናይ ቆሊያ ያሳን ኡፋይቲሰ።

48 ኢ ባ አይሌ ካወሻቴሳ ቤዲሰ።

ሃቺፌ ዶሚዳ ዬሌቴሌ ኡባይ ታና አንጃቲዳር ጋና።

49 አይሰ ጌኮ፣ ዎልቃማ ጊዲዳ ኢ፣ ታው ጌታባ ኦሌሰ።

ኢያ ሱንሳይ ጌሻ።

50 ኢያ ቦንቹይሳታ ቦላ፣

ኢያ ማርቴሳይ ሜሪናፔ ሜሪና ጋካናሳ።

51 ባ ቁሲያን ሚኖባ ኦሌሰ፣

ባንታ ዎዛናን ኡቶርቴይሳታ ላሊሰ።

52 ዎልቃማ ካዎታ አራታፔ ካወሸሰ፤

ባንታና ካወሺዳይሳታ ካቦይስ።

53 ኮሻቲዳይሳታ ሎቦባን ካልሲስ።

ሺን ዱሬታ ሜላ ኩሹ ዬዲስ።

54 ባ ማርታ ቆፒዲ።

ባ አይሊያ ኢስራዔል ማዲስ።

55 ሄሲካ ኑ አዋታስ ኦዲዲ ቃላ።

አብራሃሜሲኔ ኢያ ሼሻስ ጊዳይሳ ሜሪናው ፖላናሳ።

ያገሱ።

56 ማይራማ ኤልሳቤዳ ማታን ሄቱ አጌና ሜላ ጋሞዳ ባ ሶ ሲማሱ።

**ፃማቂያ ዮሃንሳ ዬሌቴሳ**

57 ኤልሳቤዳስ ዬሎ ቃማይ ጋኪን አዳ ናባ ዬላሱ።

58 ኢ ሾርቲኔ ኢ ዳቦቲ ጎዳይ ገታ ማርታ አሊዳይሳ ሲዒዲ። ኢራ ኢሲፌ ኡፋይቲደሶና።

59 ሆስፕራላ ጋላሳን ዮጋ ናባ ቃፃራናው ዩደሶና። ኢያ አዋ ሱንሳን ዛካሪያሳ ጊዲ ሱንሳናው

ኮዪደሶና።

60 ሺን አያ። «አካይ። ዮሃንሳ ጌቲታናው ቤሴስ» ያገሱ።

61 ኢንቲካ። «ኔ ዳቦታፕ ሃ ሱንሳን ጭቲዳይ ኦኒካ ባዋ» ያገደሶና።

62 ኢያ አዋይ ኦና ጊዲ ሱንሳኔኮ ኤራናው ኮዪዲ ኢያ ማላ ኦይቸደሶና።

63 ኢ ፃፊያባ ኦይቸ ኤኪዲ። «ኢያ ሱንሳይ ዮሃንሳ» ጊዲ ፃፊስ። ኡባይ ኢ ፃፊዳይሳ ቤዒዲ

ማላሊቲደሶና።

64 ኢራ ዛካሪያሳ ኢንፃርሳይ ቢሊቲስ። ያሳ ጋላቲሽ ኦዴቴላ ኦይኪስ።

65 ሾርቲ ኡባይ ያሻን ኩሚደሶና። ሃ ሃኒዳባይ ጌዜ ዪሁዳ ቢታን ኦዴቲስ።

66 ሄሳ ሲዒዲ ኡባይ። «ሃ ናባይ ኣይ ሃናንዴሻ» ጊዲ ባንታ ጊደን ኦዴቲደሶና። ጎዳ ኩሼይ

ኢያራ ዳዔስ።

**ዛካሪያሳ ማዝሙሪያ**

67 ዮሃንሳ አዋይ ዛካሪያሲ ጌሻ ኣያናን ኩሚዲ ሃይሳዳ ያገዲ ቲንቤቲ ኦዲስ።

68 «ኢስራዔሊያ ጎዳይ ጋላቴቶ።

ዪዲ ባ አሳ ዋዚስ።

69 ባ አይሊያ ዳዋቲ ኬላን

ኣቶቴሳ ካጨያ ዴንሳስ።

70 ሄሲካ ቤኒ ዋዴ ጌሻ ናቤታ ዶናን ኦዴቲዳይሳ ሜላ።

71 ኢያ ኣሾይ ኑ ዋርኬታፕፔ

ኑራ ኤቁቲያ ኡባ ኩሺያፕ።

72 ሄሳ ኢ ኦሊዳይ ኑ አዋታስ ባ ማርታ ቤሳናሲኔ።

ባ ጌሻ ጫቁዋ ናጋናሳ።

73 ኑ አዋ አብራሃሜሲ ጫቁዳ

ጫቁዋ ቆፓናሲኔ

74 ኑ ዋርኬታ ኩሼፕ ኬሲዲ

ያሽ ባይና ኢያ ሃጋዛና ሜላሳ።

75 ኑ ላይሳ ኡባን ጌሻቴላኔ ያሎቴላን

ባ ሲንሳን ኑና ኤሳናሳ።

76 ቃሲ ላ ናባው። ኔኒ ኡባፌ ቦላ ያሳ ናቤ ጌቲታና።

ጎዳ ኡጊያ ሎይላናው ኔ ኢያ ሲንሳን ባና።

77 ኤንታ ናጋራይ ቁሼቲን።

ኤንቲ ኣቶቴላ ዳማናይሳ ኔ ጎዳ ዳሪያስ ኦዳና።

78 ኑ ያሳ ሎዎ ማርቲላፌ ዴንደይሳን

ዋንታ ፃልቄይ ኑስ ሳሎዋፕ ኬዪስ።

79 ሄሲካ ቋሚኒ።

ሃይቆ ኩያ ጋርሳን ዳዔይሳታስ ፖዒሳናሳ።

ኑ ቶሁዋካ ሳር ኦጊያኮ ዛራናሳ።

ያገሱ።

80 ናባይ ዲጨስ። ኣያናን ሚኒስ። ኢስራዔሌ ኣሳስ ቆንጫና ጋካናው ባዞ ቢታን ዳዒስ።

# 2

ዩሱፊ ዩሌቴፋ  
(ማቶ 1:18-25)

1 ሄ ዎዴ ሮሜ ቢታን ዴዒያ ኣሳ ኡባይ ታይቤታና ሜላኔ ሱንጎይ ዓፊታና ሜላ ካዎይ ኣወጊስዎሲ ከቲስ።

2 ሄሲካ ቁሪኖሲ ሶሬ ቢታ ኣይሲያ ዎዴ ኦሴቲዳ ኮይሮ ታይቡዎ።

3 ሄሳ ጊሾ፣ ኢሲ ኢሲ ኣሲ ባ ሱንጎ ዓፊታናው ባ ዩሌቲዳ ቢታ ቢስ።

4 ኖሴፊካ ዳዊቲ ኬፋፊኔ ያራፔ ጊዲዳ ጊሾ ጋለላ ናዚሬቴ ካታማፔ ዴንዲዲ ዳዊቲ ካታማ ጊዲዳ ዩሁዳ ቤቴሌሜ ቢስ።

5 ቢሾ፣ ዩላናው ዎዴይ ወራዳ ኢ ኦይቺ ዎሊዳ፣ ማይራሚራ ዎላ ዓፊታናው ቢስ።

6 ኢንቲ ያን ዴዒሺን ኢው ዩሎ ዎዴይ ጋኪስ።

7 ባ ባይራ ናዓ ዩላሱ። ጨርቃራ ዓፃዳ ኢማሌ ኣቂያሶን ቤሲ ጳዩዳ ጊሾ ዳራን ሜሄ ሙዚያ ጎንጌን ዚንዒሳሱ።

ሄንጎንቸታኔ ኪታንቸታ

8 ሄ ጋዲያን ቃማ ዶርሳ ወዲያ ናጊሺ ካሬን ኣቂያ ሄንጎንቸቲ ዴያሶና።

9 ጎዳ ኪታንቸይ ሃሳዮና ዩዲ ኢንታ ማታን ኤቂስ። ጎዳ ቦንቸይ ኢንታ ዩሾዎን ፖሲስ፤ ኢንቲካ ዎልቃማ ያሺ ያዩዶሶና።

10 ሺን ኪታንቸይ፣ «ያዮፊቴ! ሄኮ፣ ኣሳ ኡባስ ጊዲያ ጊታ ኡፋይሳ ሚሺራቸዎ ኤካዳ ያስ።

11 ሄሲካ፣ ዳዊቲ ካታማን ኣሺይሲ ሂንቲው ሃቺ ዩሌቲስ። ኢ ጎዳ ከሪስቶሳ።

12 ዘቃሌ ናዓይ ጨርቃራ ዓፃቲዲ ጎንጌን ዚንዒዳይሳ ሂንቲ ዴማና፤ ሄሲካ ሂንቲው ማላ ጊዶ» ያጊስ።

13 ቆፖና ዳሮ ሳሎ ኪታንቸቲ ኪታንቸውራ ኢሲፊ ቆንጨዲ፣

14 «ቦንቸይ ያሳስ ጾቃ ሳሎዎን፣ ሳሮይ ቢታ ቦላ ያሳይ ዶሲያ ኣሳስ ጊዶ» ያጊዲ ጋላቲዶሶና።

15 ኪታንቸቲ ኢንታዎ ሻኪቲዲ ሳሎዎ ከዩዳፔ ጉዬ ሄንጎንቸቲ «ኣኔ ጎዳይ ኮስ ቆንጨሲዳባኔ ሃኒዳባ ቤዓናው ቤቴሌሜ ቦስ» ያጊዶሶና።

16 ኢንቲካ ኤሌሲዲ ቢዶሶና። ማይራሞ፣ ዮሴፋኔ ዘቃሌ ናዓ ጎንጌን ዚንዒዳይሳ ቤዒዶሶና።

17 ቤዒ ሲሚዲ ናዓባ ኢንታው ኦዴቶይሳ፣ ቆንጨሲዲ ሄ ቤሳን ዴዒያ ኣሳስ ማርካቲዶሶና።

18 ሄሳ ሲዒዳ ኡባይ ሄንጎንቸቲ ኦዲዳይሳን ማላሌቲዶሶና።

19 ማይራማ ሃኒዳባ ኡባ ባ ዎዘናን ቆፓሺ ዴዓሱ።

20 ሄንጎንቸቲ ኢንታው ኦዴቲዳይሳዳ ሃኒን ቤዒዶሶና። ሄሳ ጊሾ፣ ባንታ ሲዒዳባሲኔ ቤዒዳባ ኡባስ ያሳ ቦንቸሺኔ ጋላቲሺ ሲሚዶሶና።

ዩሱፊ ያሳ ኬሌ ኤፊዶሶና

21 ሆስፑንጎላ ቃማን፣ ቃፃሮ ዎዴይ ጋኪን፣ ኢ ቃንጎታናፔ ሲንሌ ኪታንቸይ ዎሊዳ ሱንጎን ዩሱፊ ጌቲቲስ።

22 ሙሴ ዎጋ ሜላ ኢንታ ጌሻቲላ ዎዴይ ፖሌቲዳፔ ጉዬ ዮሴፋሬኔ ማይራሚራ ዮጋ ናዓ ባንታ ጎዳስ ኢማናው ዩራሳላሜ ቢዶሶና።

23 ሄሲካ፣ ጎዳ ዎጋን፣ «ኣዴ ጊዲዳ ባይራ ናዒ ኡባይ ጎዳስ ዴማቲዳይሳ ጊዶ» ጌቲቲዲ ዓፊቲዳይሳ ፖላናና።

24 ቃሲ ጎዳ ዎጋን፣ ናዎቡ ኩራቸ ዎይኮ ሆሌ ያርሻናው ኤፊዶሶና።

25 ሄ ዎዴ ጌሺኔ ኣማናሮ ሚኖ ጊዲዳ ሲሞና ጌቲቲያ ኣሲ ዩራሳላሜን ዴዒስ። ኢ ኢስራዔሌታ ኣቶቲላ ናጊሺ ዴዒስ። ጌሻ ኣያናይካ ኢያ ቦላ ዴዒስ።

26 ቃሲ ከሪስቶሳ ቤዮና ሃይቆናይሳ ጌሻ ኣያናይ ኢያው ቆንጨሲን ኤራዲ ዴዒስ።

27 ኢ ሄ ጋለላ ኣያናይ ካሌሌን ያሳ ኬሌ ቢስ። ናዓ ኣዬራኔ ኣዎራ ዎጋ ፖላናው ዮጋ ናዓ ዩሱፊ ኤኪዲ ጌሊዳ ዎዴ

28 ሲሞኒ ሞኪ ኤኪዲ ናዓ ኢዲሚዲ፣

29 «ጎዳው ኔ ታው ጌሊዳ ቃላ ማላ፣ ሃዒ ኔ ኣይሊያ ሳሮን ሞይዛ።

30 ታ ኣይፌይ ኣሳ ኡባ ሲንጎን ኔ ጊሊሲዳ፣

31 ኔ ኣሾዎ ቤዒስ።

32 ሄሲካ ካዎቲላታ ኡባስ።

የሳ ኦጊያ ቆንጨሲያ ፖዮ፣  
ኔ እሳ ኢስራዔሌስካ ቦንቾ»

ያጊዲ የሳ ጋላቲስ።

33 የሱፋራኔ ማይራሚራ ኢያው ኦዳቲዳባን ማላሊቲደሶና።

34 ሲሞኒ ኤንታ ኦንጂስ። እዩ ማይራሚኮ፣ «ሄኮ ዳሮ እሳ ዋዛና ቆፋይ ቆንጫና ማላ፣ ኢስራዔሌን ዳዒያ ዳርታስ ኤንታ ኩንዳሳሲኔ ዴንዳሞስ የሳን ደራቲስ።

35 ቃሲ ኤቁቲይሳታስ ማላ ጊዳና። ኔ ሼሞፑዋራካ ቃሲ ማሺ እቆና» ያጊስ።

36 ቃሲ እሴራ ያራፔ ጊዲዳ ፋኑዔላ ናዒያ ሃና ጌቲቲያ ናቤይ ዳዓዉስ። ኢያ ዳሮ ጨማሱ፤ ኢያ ባ ኮይሮ እዚናራ ላፑን ላይሲ ዳዓስ።

37 ኢ እዚናይ ሃይቁን ሆሰፑን ታማኔ ኦይዱ ላይሲ ጊዳና ጋካናው ቃማኔ ጋላስ ፓጩይ ባይና ዋሳኒኔ የማን የሳ ኬላን ሃጋዛስ።

38 ኢያ ሄ ሳቲያን ባዳ የሳ ጋላታሱ፤ ዩራሳላሚ ዋዜቴላ ናጊያ ኦባስ የጋ ናባባ ማርካታስ።

39 የሱፋራኔ ማይራሚራ ጎዳ ሂጊያን ከቲቲዳ ዋጋ ኦባ ፖሊዳፔ ጉዬ ጋላላ ቢታን ዳዒያ ባንታ ካታማ ናዚሬቴ ሲሚደሶና።

40 ናዒይ ዲጨሼኔ ማኒሼ ቢስ። ጨንጫቴላን ኩሚስ፤ የሳ ኦቶ ኬሃቴላይ ኢያ ቦላ ዳዔስ።

**ዩሱሲ የሳ ኬላ ቢስ**

41 የሱፋራኔ ማይራሚራ ፋሲካ ባሌ ቦንቻናው ላይላን ላይላን ዩራሳላሚ ቦሶና።

42 ዩሱሳስ ታማኔ ናሞዑ ላይሲ ጊዲያ ዋዴ ካሲ ማዚቲዳይሳዳ ባሊያ ቦንቻናው ቢደሶና።

43 ባሊያ ቦንቻዳፔ ጉዬ ሶ ሲሚያ ዋዴ ናዒይ ዩሱሲ ዩራሳላሚን ኦቲስ። ሺን የሱፋራኔ ማይራሚራ ኢ ዩራሳላሚን ኦቶይሳ ኤሪቦኮና።

44 ኢ ሶ ሲሚያ ኦሳሮ ዋላ ዳዒያ ዳኒን ኤንቲ ኢሲ ጋሳ ጉጌ ቢደሶና። ኢ ባይናይሳ ኤሪዳፔ ጉዬ ባንታ ዳቦታኔ ላጌታ ማታን ኮዪደሶና።

45 ኢ ያን ቆዪን ኮዪሼ ጉዬ ዩራሳላሚ ጋካናው ቢደሶና።

46 ሄዡ ጋላሳፔ ጉዬ የሳ ኬላን ኦስታማራታ ጊደን ኡቲዲ ኤንታባ ሲዒሼኔ ኤንታ ኦይቺሼ ዳዒሺን ዳሚደሶና።

47 ኢያ ሲዒያ ኡባይ ኢያ እኬካኒኔ ዛሩዋን ማላሊቲደሶና።

48 ሶ ኦሳይ ኢያ ዳሚዳ ዋዴ ማላሊቲደሶና። ኢያ ኦያካ፣ «ታ ናዓው፣ ኦይስ ኑና ሃይሳዳ ኦላዲን ኔ ኦዋራኔ ታራ ኔና ኮዪሼ ኤንዒቲዳ» ያጋሱ።

49 ዩሱሲ ኤንታኮ፣ «ታና ኦይስ ኮዩቲ? ታ፣ ታ ኦዋ ኬላን ዳናው ቤሴይሳ ኤራኬቲ» ያጊስ።

50 ሺን ኢ ኤንታኮ ጊዳባ ኤንቲ እኬኪቦኮና።

51 ሄሳፊ ጉዬ፣ ኤንታራ ኢሳፊ ናዚሬቴ ካታማ ቢስ። ኤንታው ከቲቲሼ ዳዒስ። ኢያ ኦያ ሄ ኡባ ባ ዋዛናን ዋላዳ ናጋሱ።

52 ዩሱሲ፣ ጨንጫቴላን፣ ጌሳኒኔ ቴማን የሳ ሲንሳኒኔ ኦሳ ሲንሳን ዲጨስ።

**3**

**ፃማቁያ ዮሃንሳ ቲሚርቲያ**

(ማቶ 3:1-12፤ ማር 1:1-8፤ ዮሃ 1:19-28)

1 ካዋይ ዲባርዮሲ ሮሜ ቢታን ካዋቲን፣ ታማኔ ኢቻሻንሎ ላይላን፣ ጳንዳ ጳሊዮሲ ዪሁዳ ሃሪያ ዋዴ ሄሮዲስ ጋላላ ሃሪያ ዋዴ ኢያ ኦሻ ፊልጶስ ኢጮሪያሳኔ ደራኮንደሳ ሃሪያ ዋዴ ለሳኒዮሲ ኦባላኒሳ ሃሪያ ዋዴ

2 ሃራራኔ ቃያፋራ ካሃኔ ሃላቃ ጊዲ ዳዒሺን፣ የሳ ቃላይ ዛካሪያሳ ናባ ዮሃንሳኮ ባዘ ቢታ ዩስ።

3 ዮሃንሲ፣ «ሃንቴ ናጋራፔ ሲሚቴኔ ፃማቁቲቴ። የሳይ ሃንቴ ናጋራ ኦቶ ጋና» ያጊዲ ታማርሲሼ ዮርዳኖሴ ሻፋ ሄራን ዳዒያ ቢታ ኡባ ቢስ።

4 ሄሲካ ናቤይ ኢሳያሲ ባ ማፃፋን፣

«ባዘ ጊደን ባ ቃላ ቆቁ ኦሲዲ፣

ዋሲያ ኡራ ቃላይ፣

ሳጎዳ ኦጊያ ገሲሲቴ፣

ሆሮጋካ ፒዲ ኦሲቴ።

5 ኦጊድ ኡባይ ኩማና፣

ዙማይኔ ዳራይ ዘቂ ጋና።

ዋቤ ኦይይ ሉላና፣

ገና ሆርጋይ ቁንፃ ጋና።

6 እሾ ማዒዳ ኡባይ፤  
ዖሳ እሾብ ቤዓና። »

ገዲ ዓፊዳይሳዳ ሃኒሲ።

7 የሃኒሲ፣ ባ ኩሼን ግማቁታናው ዩዳ አሳኮ፣ «ሃንቴና፣ ሾሻ ናይቶ ያናው ዴዒያ ሃንቁዋፊ አታና ሚላ ሃንቴና ዘራዳይ ኦኔ?»

8 ሃዛ፣ ሃንቴ ሲሙቀ ቆንጨሲያ ሎዎ ኦሶ ኦሊቴ፣ ሃንቴ ዋዛና፣ ሱሰ፣ ኑ አዋይ አብራሃሜይ ዴዒስ ገዲ ጨቁቶፊቴ። ሃ ሲዒቴ፣ ሃ ሹታታቴ ዖሳይ አብራሃሜስ ናባ ኬሳናው ዳንዳዔስ።

9 ሃኮ፣ ቤጄይ ሚላ ዓጸን ዴዒስ። ሃዛ፣ ሎዎ እይፊ እይፎና ሚላ ኡባይ ቃንጻቴዲ ታማን ዩጌታና» ያገሰ።

10 አሳይ፣ «ያተን ኦኒ እይ ኦሊና?» ያገዲ ኦይቺዶሶና።

11 የሃኒሲ ዛሪዲ፣ «ናዎቦ አፊሊ ዴዒያ አሲ ባይናይሳሰ እዎ። ካሌ ዴዔይሲ ባይናይሳሰ እዎ» ያገሰ።

12 ቃሪዎ ቃንጻሴይሳተ ግማቁታናው ዩዳ፣ «አስታማሪያው፣ ኦኒ እይ ኦሊና?» ያገደሶና።

13 ኢ ዛሪዲ፣ «ሃንቴ ቃንጻሳናው ከቴቶይሳፊ አሊዲ ኤኮፊቴ» ያገሰ።

14 ቃሲ ዋታዳሬተ ዩዳ፣ «ኦኒ እይ ኦሊና» ያገዲ ኦይቺዶሶና።

የሃኒሲ፣ «ኦዳባካ ዋልቃን ዳፊዲ ኤኮፊቴ፣ ኦናካ ዋርዶን ሞቶፒቴ፣ ሃንቴ ዳሞዜይ ሃንቴው ገደ፤ ኡፋይቴዲ ዴዒቴ» ያገሰ።

15 አሳይ ከሪሰቶሳ ናገሼ ዴዒያ ገሾ የሃኒሳ፣ «ኢ ከሪሰቶሳ ገደንዴሻ?» ገዲ ቆፒዶሶና።

16 የሃኒሲ ኡባሰ ዛሪዲ፣ «ታኒ ሃንቴና ሃሳን ግማቃይስ፣ ሺን ታቴ አጂዲ ዋልቃሚይሲ ያና። ታኒ ኢያ ጫማ ዋዶሬቀ ቢሳናው ቤሶና አሲ። ኢ ሃንቴና ገሻ አያናኒኔ ታማን ግማቃና።

17 ዉደማን ዴዒያ ካሳ ፖሎ ገሻናው ፒሌይ ኢያ ኩሼን ዴዒስ። ገሻ ካሳ ባ ሻሊያን ቆላና፤ ካሊያ ቆሶና ታማን ፀጋና» ያገሰ።

18 ቃሲ የሃኒሲ አሳ ዳር ዘሪ ዘሪዲ ዋንጌላ \* ኦዲስ።

19 ሺን የሃኒሲ ሄርዲሲ ባ እሾ ማቺው፣ ሄርዲያዳ፣ ኤኪዳ ገሾኔ ሃራ ኢታ ኦሶታ ገሾ ካጪዳ ዋዶ

20 ሄርዲሲ ካሴይሳ ቦላ ሃራባ ኡባ ጉጂዲ የሃኒሳ ዋይኔ ገፈሰሲ።

**ዩሱሳ ግማቁቴሳ**

(ማቶ 1:1-17፤ 3:13-17፤ ማር 1:9-11)

21 የሃኒሲ ቃሺታናቴ ሲንሌ አሳ ኡባ ግማቁዲ ሲሚን፣ ዩሱሲካ ቃሲ ግማቁቴስ። ኢ ዋሲሺን ሳሎይ ዶዩቴስ።

22 ገሻ አያናይ ሆሊዳ ቤንቴሼ ኢያ ቦላ ኡቴስ። ሳሎቴ «ታኒ ዶሲያ ናዳይ ኔና፤ ኔ ታና ኡፋይሳሳ ያገያ» ቃላይ ዩሲ።

23 ዩሱሲ ታማርሶ ኦይኪያ ዋዶ ኢያው ሃስታሙ ላይሌ ገዲሺን፣ አሳይ ኢያ የሴፋ ናባ ገዲ ቆፒስ።

የሴፊ ኤሌ ናባ፡

24 ኤሌይ ማቴ ናባ፡

ማቴይ ለዌ ናባ፡ ለዌይ ማልካ ናባ፡

ማልኪይ የና ናባ፡ የኒ የሴፋ ናባ፡

25 የሴፊ ማታቴ ናባ፡ ማታቴይ አሞፃ ናባ፡

አሞፃይ ናሆሜ ናባ፡ ናሆሜይ አሲሊሜ ናባ፡

አሲሊሜይ ናጌ ናባ፡

26 ናጌይ ማዓቴ ናባ፡

ማዓቴይ ማታቴዬ ናባ፡ ማታቴዬይ ሳማዬ ናባ፡

27 ሳማዬይ ዩሁዳ ናባ፡ ዩሁዲ የናኔ ናባ፡ የናኔይ ራሴ ናባ፡

ራሴይ ዜሩባቤላ ናባ፡ ዜሩባቤሌይ ሳላቴያሌ ናባ፡

ሳላቴያሌይ ኔሬ ናባ፡

28 ኔሬይ ማልካ ናባ፡

ማልኪይ ሃዴ ናባ፡ ሃዴይ ቆሳሜ ናባ፡

---

3:7 ማቶ 12:34፤ 23:33    3:8 የሃ 8:33    3:9 ማቶ 7:19    3:12 ሉቃ 7:29    \* 3:18 ዋንጌላ፡ ገሪኬ ዶናን ዋንጌላ ገያ ቃላይ ዳር ኡፋይሲያ ኦዳ ዋይኮ ሚሺራቾ ጉሱ። ሃ ሚሺራቾይካ ከሪሰቶሳ አሳ ዘፊሌ ኡባ ሚሪና ፐርዳፊ አሻናው ከቴቴዲ ዩዳ ገታ ኡፋይሳ (ሉቃ 1:19፤ 2:10)።    3:19 ማቶ 14:3-4፤ ማር 6:17-18    3:22 ሜሌ 22:2፤ ማዘ 2:7፤ እሳ 42:1፤ ማቶ 3:17፤ ማር 1:11፤ ሉቃ 9:35

ቆሳሚይ ኤልሞዳኔ ናባ፣ ኤልሞዳኔይ ኤሬ ናባ፣  
 29 ኤሬይ ዮሴጴ ናባ፣ ዮሴጴይ አላዛራ ናባ፣  
 አላዛራ ዮራሜ ናባ፣ ዮራሜይ ማቴ ናባ፣  
 ማቴይ ሌዌ ናባ፣  
 30 ሌዌይ ሲሞና ናባ፣  
 ሲሞኒ ዪሁዳ ናባ፣ ዪሁዳ ዮሴፋ ናባ፣  
 ዮሴፊ ዮናኔ ናባ፣ ዮናኔይ ኤሊያቄሜ ናባ፣  
 31 ኤሊያቄሜይ ማሊዬ ናባ፣ ማሊዬይ ማይናኔ ናባ፣  
 ማይናኔይ ማቴ ናባ፣ ማቴይ ናታኔ ናባ፣  
 ናታኔይ ዳዊቴ ናባ፣  
 32 ዳዊቴይ ኢሴዬ ናባ፣  
 ኢሴዬይ አዮቤዳ ናባ፣ አዮቤዳይ ቦዔዛ ናባ፣  
 ቦዔዛ ሳልሞና ናባ፣ ሳልሞኔይ ናባሶና ናባ፣  
 33 ናባሶኔይ አሚናዳቤ ናባ፣ አሚናዳቤይ ራሜ ናባ፣ ራሜይ አርኔ ናባ፣  
 አርኔይ አስሮሜ ናባ፣  
 34 አስሮሜይ ፋሬሴ ናባ፣  
 ፋሬሴይ ዪሁዳ ናባ፣  
 ዪሁዳ ያይቆባ ናባ፣  
 ያይቆቢ ዪሳቃ ናባ፣ ዪሳቄ አብራሃሜ ናባ፣  
 አብራሃሜይ ታራ ናባ፣  
 35 ታራ ናኮሬ ናባ፣  
 ናኮሬይ ሳሩጌ ናባ፣ ሳሩጌይ ሬሁ ናባ፣  
 ሬሁይ ፋሌቄ ናባ፣ ፋሌቄይ ኤቤራ ናባ፣  
 ኤቤሮይ ሲላ ናባ፣  
 36 ሲላ ቃይናሜ ናባ፣  
 ቃይናሜይ አርፋኪሳዳ ናባ፣ አርፋኪሳዳይ ሴሜ ናባ፣  
 ሴሜይ ኖሄ ናባ፣ ኖሄይ ላሜሄ ናባ፣  
 37 ላሜሄይ ማቴሳላ ናባ፣ ማቴሳላ ሄኖኩ ናባ፣  
 ሄኖኩይ ያሬዳ ናባ፣ ያሬዳይ ማላልዔላ ናባ፣  
 ማላልዔላ ቃይናኔ ናባ፣  
 38 ቃይናኔይ ሄኖሳ ናባ፣  
 ሄኖሴይ ሴታ ናባ፣ ሴቴይ አዳሜ ናባ፣  
 አዳሜይ ያሳ ናባ።

### 4

ዬሱሲ ፓጩቴሰ  
 (ማቶ 4:1-11፤ ማር 1:12-13)

- 1 ዬሱሲ ጌሻ አያናን ኩሚዲ ዮርዳኖሴ ሻፋፒ ሲሚዳ ሚላ አያናይ ኢያ ባዘ ኤፊሰ።
- 2 ያን ኦይታሙ ጋላሲኔ ቃማ ፃላሄን ፓጩቴሰ። ሄ ጋላሳታን አይኮካ ሞና ጋምዒዳ ጊሾ ወርሲላን ኮሻቴሰ።
- 3 ፃላሄይ ኢያኮ፣ «ኔነ ያሳ ናባ ጊዲኮ እኔ ሃይሲ ሹቻይ ኡይሉ ጊዳ ጋዳ ኪታ» ያገሰ።
- 4 ዬሱሲ ዛሪዲ፣ «አሲ ኡይላ ፃላላን ዳና ጌቴተዲ ፃፊቴሰ» ያገሰ።
- 5 ሃሳፊ ጉዬ፣ ፃላሄይ ዬሱሳ አዲሳ ዳሬ ቦላ ኬሲዲ ሃ አላሚያ ካዋቴላታ አይፊ ቂጺ ዛራናው ቤሲሰ።
- 6 ፃላሄይ፣ «ሃ ኡባሰ ማታይኔ ቦንቾይ ታው አሜቴሰ። ታኒ ደሲዳ ኦዳሰካ አሚያ ጊሾ ኔው አሚና።
- 7 ሃሳ ጊሾ፣ ኔነ ታው ጎይኒኮ ኡባይ ኔው ጊዳና» ያገሰ።
- 8 ዬሱሲ ዛሪዲ፣ «ኔ ጎዳ፣ ኔ ያሳ፣ ኢያ ፃላላ ጎይና ጌቴተዲ ፃፊቴሰ» ያገሰ።
- 9 ወርሲላን ፃላሄይ ዬሱሳ ዬራሳላሚ ኤፊዲ ያሳ ኬላሰ ሁዒያ ቦላ ኤሲዲ፣ «ኔነ ያሳ ናባ ጊዲኮ እኔ ዳጌ ሳባን ኔና ዬጋ።
- 10 አይሰ ገኮ፣  
 ሳና ናጊያ ኪታንቾታ  
 ያሳይ ኔ ጊሾ ኪታና።

11 ኤንቲ ኔ ቶሆይ ቮቻን ጹቤቶና ማላ፥  
ባንታ ኩሺያን ቶቁ ኦሌዲ ኔና ዴንጎናና ጌቲቲዲ ፃፊቲስ።  
ያገሰስ።

12 ዬሱሲ ዛሪዲ፥ «ኔ ጎዳ ያሳ ፓጮፋ ጌቲቲዲ ፃፊቲስ።» ያገሰስ።

13 ፃላሂይ ዬሱሳ ፓጪያ ወርሲዳፔ ጉዬ ሃራ ኢንጃ ዋዴ ዴማና ጋካናው ኢያፔ ሻኩቲስ።

ዬሱሲ ጋሊላን ታማርሶ እይኪሰ  
(ማቶ 4:12-17፤ ማር 1:14-15)

14 ዬሱሲ እያና ዋልቃን ኩሚዲ ጋሊላ ሲሚስ። ኢያ ሱንጎይ ሄራን ዴዒያ ቢታ ኡባን ኬደስ።  
15 ኢ እይሁዴ ዋሳ ኬላ ጌሊዲ ታማርሲስ፤ አሳ ኡባይ ኢያ ጋላቲዶሶና።

16 ያፔ ኢ ዲጪዳ ካታማ ናዘሬቴ ዩስ። ካሴ ሜዜቲዳይሳዳ ሳምባታ ጋላስ እይሁዴ ዋሳ ኬላ ጌሊስ። ናባባናወካ ዴንዲ ኤቁስ።

17 ናቢያ ኢሳሳ ማፃፋይ ኢያው ኢሜቲን፥ ዶዩዲ፥ ሃይሳዳ ያገዲ ፃፊቲዳይሳ ዴሚስ።

18 «ጎዳ እያናይ ታ ቦላ ዴዒስ፥  
ማንቆታስ ዋንጌላ ኦዳና ማላ  
ያሳይ ታና ዶሪስ።

ቃሺቲዳይሳታስ ቢሉቴላ፥  
ቆቂዳይሳታ ጂሊሳናሲኔ  
ኢንዔቲዳይሳታ ቢርሻና ማላ፥

19 ያሳይ ኬሃናው ቆፒዳ ላይሳ ኦዳና ማላ ታና ከቲስ።  
ያገሰስ።

20 ሄሳፌ ጉዬ፥ ማፃፋ ፃዲዲ ሃጋዜይሳስ ኢሚዲ ታማርሳናው ኡቲስ። እይሁዴ ዋሳ ኬላን ዴዒያ አሳቲ ኡባይ ጫዲ ጂሎሶና።

21 ኢ፥ «ሃይሲ ሂንቲ ሃይሳን ሂንቲ ሲዒያ ሃ ማፃፋ ቃላይ ሃቺ ፖሊቲስ።» ያገሰስ።

22 ኡባይ ኢያባ ዳርሲዲ ኦዴቶሶና። ቃሲ ኢያ ዶናፔ ኬያ አቆ ኬሃቴሳን ኩሚዳ ቃላን ማላሊቲሺ፥ «ሃይሲ ዮሴፋ ናሳ ጊዴኔዬ?» ያገደሶና።

23 ኢ፥ « ሳኖ ቆሌ አዋው ኔና አሻ፥ ቁፊርናሆሜን ኔ ኦሌዳባ ኑ ሲያይሳ ቃሲ ሃይሳን ኔ ካታማን ኦላ» ያገደ ለሚሱዋን ሂንቲ ታና ጋናይሳስ ሲዴይ ባዋ» ያገሰስ።

24 ቃሲ፥ «ቱማ ኦዳይስ፤ ናቢይ ባ ዬሉቲዳ ቢታን ቦንቼቴና።

25 «ታ ሂንቲው ቱማ ኦዳይስ፤ ሳሎይ ሄቸ ላይላኔ ባጋ ጎርዴቲን ሚና ኮሺ ቢታ ኡባን ዴዒያ ኤሊያሳ ዋዴ ዳር አምዔቲ ኢሰራዔሊን ዴዶሶና።

26 ኤሊያሲ ኤንታፊ ኢሲኔኮካ ከቲቲቤና። ሺን ሳራፕታን ዴዒያ አምዔኮ ከቲቲስ።

27 ናቢያ ኤሳሳዔ ዋዴ ኢሰራዔሊን ዳር ባር ሃርጋንቸቲ ዴዶሶና። ሺን ሶሬ ኡራ ኒዒማኔፔ አቲን ኦኒካ ፓፂቤና» ያገሰስ።

28 እይሁዴ ዋሳ ኬላን ዴዒያ አሳ ኡባይ ሄሳ ሲዒዳ ዋዴ ዳር ዩሎቲዶሶና።

29 ባንታ ኡቲዳ ቤሳፌ ዴንዲዲ ዙማ ቦላ ኬፃቲዳ ካታማፔ ጋፃ ኬሲዲ ሱጊ ዩዳናው አር ዶና ኤፊዶሶና።

30 ሺን ኢ ኤንታ ጊዶራ ካንላዲ አጂስ።

ዬሱሲ ቱና እያና ኬሲሰ  
(ማር 1:21-28)

31 ያፔ ጋሊላ ቢታን ዴዒያ ቁፊርናሆሜ ካታማ ቢስ። ያን ሳምባታ ጋላስ አሳ ታማርሲስ።

32 ኢ ታማርሲይ ማታራ ጊዲያ ገሾ ኡባይ ኢያ ቲሚርቲያን ማላሊቲዶሶና።

33 እይሁዴ ዋሳ ኬላን ቱና እያናይ ኦይኪዳ ኡራይ ዴዒስ።

34 ኢ፥ «ናዘሬቴ ዬሱሳ ኦና እይሰ ዋይሳይ ኑፔ ሃካ፤ ኔኔ ዩዳይ ኑና ቆይሳናሴዬ? ኔኔ ኦኔኮ ታኒ ኡራይስ። ኔኔ ያሳፌ ዩዳ ጌሻ» ያገዲ ዋሲስ።

35 ዬሱሲ ቱና እያና፡ «ሲዒ ጋዳ ሃ ኡራፔ ኬያ» ያገዲ ሃንቁስ። ቱና እያናይ ኡራ አሳ ኡባ ሲንጎላን ሆሊ ዩጊዲ እይኮካ ቆሆና ዩዲዲ ኬደስ።

36 አሳ ኡባይ ማላሊቲዶሶና። ዋሊኮ፥ «ሃኖስ፥ ሃይሲ እይቢ ቲሚርቲ? ቱና እያናታ ማታኒይ ዋልቃን ከቲስ፤ ኤንቲካ ኬዮሶና» ያገደሶና።

37 ኢያ ሱንጎይ ሄራ ኡባን ኬደስ።

ዬሱሲ ዳር ሃርጋንቸታ ፓሊሰ  
(ማቶ 8:14-17፤ ማር 1:29-34)



38 ሃሳፌ ጉዬ፣ ዩሱሲ አይሁዳ ዋሳ ከጻፈ ከዩዲ ሲሞና ሶ ጌሊሰ። ሲሞና ማቼ እያ ሚና ቆዖ ማሻ ሃርጌን ሳከታሰ። አያ ፓላና ሜላ ዩሱሳ ዋሲደሶና።

39 ኢ ሃዖኮ ሸቂ ሆኪዲ ኢ ሃርጌያ ሃንቁስ። ሚሻይ ኢንን ኤሌሳ ዳንዳዳ ኢንታ ሞካሱ።

40 አዋይ ወላና ሃንሸን ዴማ ዴማ ሃርጌያን ኦይኬቲዳ አሳ ኢያኮ ኤሂደሶና። ኢ ኢሱዋ ኢሱዋ ቦላ ባ ኩሺያ ዋሲዲ ፓሊሰ።

41 ቱና አያናቲ ቃሲ፣ «ኔነ፣ ዶሳ ናባ» ጌዲ ዋሲሸ ዳር አሳፔ ከዩዲደሶና። ሸን ኢ ኢንታና ሃንቁስ። ኢ ከሪሰቶሳ ጌዳይሳ ኤንቲ ኤሪያ ገሾ ኢሲባካ ኦቶቶና ሜላ ደገሰ።

42 ቡር ዋንቲያ ዋይ ዩሱሲ ኢሲ ጌማ ቤሲ ቢሰ። አሳይ ኮዩሼ ኢ ዳዒያ ቤሳ ዩደሶና። ኢንታፌ ኢ ሻኬቲዲ ቦና ሜላ ቡቲቲደሶና።

43 ሸን ኢ፣ «ታጌ ሃራ ካታማታ ባዳ ዶሳ ካዋቴላ ዋንጌላ ማርካታናው ቤሰሰ። ታ ከቲቲዳይ ሃሳሳ» ያገሰ።

44 ዩሁዳ ቢታን ዳዒያ አይሁዳ ዋሳ ከላን ሳባኪሰ።

### 5

#### ዩሱሲ ደሪዳ ኮይር ታማራታ

(ማቶ 4:18-22፤ ማር 1:16-20)

1 ኢሲ ፓላሰ ዩሱሲ ጌንሳሬኔ አባ ማታን ኤቂዳሽን ዳር አሳይ ኢያ ዩሹዋ ኤንዔሊዲ፣ ኢ ታማርሲያ ዶሳ ቃላ ሲደሶና።

2 ያን ሃላ ጋዖን ዳዒያ ናሞቡ ዋጎሎታ ቤዒሰ። ሞሎ ኦይኪያ አሳቲ ዋጎሎታፔ ዋዲዲ ባንታ ገቲያ ሜጮሶና።

3 ሄ ዋጎሎታፔ ሲሞናይሳን ጌሊዲ ቢታፌ ጉላ ገደ ሸሻና ሜላ ኦይቹሰ። ያቲዲ፣ ሄ ዋጎሎዋ ቦላ ኡቲዲ አሳ ታማርሲሰ።

4 ባ ታማርሱዋ ኦንገዳፔ ጉዬ ሲሞናኮ፣ «ጌዳ ጨሙዋኮ ሸሻዳ ሞሉዋ ኦይካናው ሃንቲ ገቲያ ዩገቲ» ያገሰ።

5 ሲሞኒ ዛሪዲ፣ «አሰታማሪያው፣ ቃማ ኩሜላ ዳቡሪሽ አቂዲ አይኮካ ኦይኪቦኮ፣ ሸን ኔ ገኮ ገቲያ ዩጋና» ያገሰ።

6 ኤንቲ ገቲያ ዩጊዳ ዋይ ገቲይ ዳኬታና ጋካናው ዳር ሞሎ ኦይኪደሶና።

7 ሃራ ዋጎሎዋን ዳዒያ ባንታ ላገቲ ዩዲ፣ ባንታ ማዳና ሜላ ወቲዲ ያጌደሶና። ኤንቲ ዩዲ ናሞቡ ዋጎሎታ፣ ሃላን ሚቲታና ጋካናው ሞሎን ኩንሊደሶና።

8 ሲሞን ጳዳርሲ ሃሳ ቤዒዳ ዋይ ዩሱሳ ሲንላን ኩንዲዲ፣ «ጎዳው፣ ታጌ ናጋራንኝ አሲ ጌዲያ ገሾ ታፔ ሻኬታ» ያገሰ።

9 ሃሳ ኢ ጌዳይ ኢኔ ኢያራ ዳዒይሳቲ ኦይኪዳ ሞሉዋ ዳርቴላን ማላሊቲዳ ገሾሳ።

10 ቃሲ ሲሞና ላጌ ጌዲዳ ዛብዲዮሳ ናይቲ ያይቆሪኔ፣ የሃሳራ ማላሊቲደሶና። ዩሱሲ ሲሞናኮ፣ «ባቦፋ! ሃዛፔ ኔጌ አሲ ኦይኪያ አሲ ጌዳና» ያገሰ።

11 ኤንቲ ዋጎሎታ ጋዖ ሸሸዳፔ ጉዬ ኡባ አጊዲ ዩሱሳ ካሊደሶና።

#### ዩሱሲ ባር ሃርጋንቸዋ ፓሊሰ

(ማቶ 8:1-4፤ ማር 1:40-45)

12 ዩሱሲ ካታማታፔ ኢሱዋን ዳዒሸን ኢሲ ባር ሃርጌን \* ኦይኬቲዳ አሲ ሄ ካታማን ዳዒሰ። ሄ ኡራይ ዩሱሳ ቤዒዲ ኢያ ሲንላን ጉፋኒዲ፣ «ጎዳው፣ ኔ ሸኔ ጌዲኮ ታና ጌሻናው ዳንዳሳሳ» ጌዲ ዋሲሰ።

13 ዩሱሲ ባ ኩሺያ ዩዲ ቦቹዲ፣ «ኢ፣ ታ ሸኔ፤ ጌያ» ያገሰ። ኢራ ባር ሃርጌይ ኡራፔ ከቹሰ።

14 ዩሱሲ፣ «ሃይሳ ኦይሰካ ኦይፓ፣ ሸን ባዳ ኔናቴላ አይሁዳ ካሂኒያ ቤሳ። ኔ ጌዩዳይሳሰ ማርካ ጌዳና ሜላ ሙሴይ ከቲዳ ያርሸዋ ያርሻ» ጌዲ ከቲሰ።

15 ጌደሸን፣ ኢያ ሱንላይ ካሴፔ አዲዲ ዳልገሼ ቢሰ። ዳር አሳይ ኢ ኦዲያባ ሲዳናዉኔ ባንታ ሃርጌያፌ ፓዳናው ዮሶና።

16 ሸን ዩሱሲ ዳር ዋይ ጌማ ቤሲ ቢዲ ዋሴሰ።

#### ዩሱሲ ጉንዳ ፓሊሰ

(ማቶ 9:1-8፤ ማር 2:1-12)

17 ኢሲ ፓላሰ ዩሱሲ ታማርሲሸን ጋሊላፔኔ ዩሁዳ ሃራ ኡባፌ ቃሲ ዩራሳላሜፔካ ዩዳ ፋሪሳዌቲኔ ሂቴ አሰታማራቲ ያን ኡቲደሶና። አሳ ፓሊያ ጎዳ ዋልቃይካ ኢያራ ዳዒሰ።

5:1 ማቶ 13:1-2፤ ማር 3:9-10፤ 4:1    5:5 ዮሃ 21:3    5:6 ዮሃ 21:6    \* 5:12 ባር ሃርጌ፣ ባር ሃርጌይ አሳ ጋልባ ቦላ ከያ ሃርጌ። ኢሲዔዲ ቢታን ባር ሃርጋንቸቲ ሃራ አሳፔ ዲማቲዲ ዴዖሶና ጸቲን አሳራ ጋሄቶና።    5:14 ለዩ 14:1-32

18 ሄ ዎዴ አሳይ አሲ ጉንዳ አሲ ሃላራ ቶኪዲ ኤሃደሶር። ሶ ጌልሲዲ አያ ሲንሳን ዎላናው ቆፒደሶር።

19 ሺን አሳ ዳርቴላፊ ዳንደይሳን ሶ ጌልሳናው ያኔተዲ ኬላ ቦላ ኬዪዲ፣ ካራ ቃወዲዲ፣ ሃርጋንቸዎ ሃላራ አሳ ሻኪዲ ዬሱሳ ሲንሳን ዩጊደሶር።

20 ዬሱሲ ኤንታ አማኑዎ ቤዲዲ፣ «ላ አዲያው፣ ኔ ናጋራይ ቁሼተሰ» ያጊሰ።

21 ሂጌ አስታማሬቴኔ ፋሪሳዌቴ፣ «ሃይሲ ያሳ ቦላ ያጊዲ ኦዴቴይ ኦኔ? አሲ ያሳፊ አቴን ሃሪ ናጋራ ቁቻናው ዳንደዔይ ኦኔ?» ያጊዲ ቆፒደሶር።

22 ዬሱሲ ኤንታ ቆፋ ኤሪዳ ጊሾ ኤንታኮ፣ «ሂንቴ ዎዛናን ሃሳላ አይሰ ቆፒቴ?»

23 ሳይ ናጋራይ ቁሼተሰ ጌይሳፊኔ ዳንደዳ ባ ጌይሳፊ አዉሲ ካወዪ?»

24 ሺን ታ ሃሳ ጊዳይ አሳ ናዓይ ሳዓ ቦላ ናጋራ ቁቻናው ማቴ ዳዔይሳ ሂንቴ ኤራና ማላሳ።» ሃሳፊ ካሊዲ፣ ጉንዳ ኡራኮ፣ «ዳንዳ፤ ኔ አልጋ ቶካዳ ኔ ሶ ባ» ያጊሰ።

25 አ ኤሊሲ ዳንዲዲ ኤንታ ሲንሳን ኤቁሰ፤ አ ቶኩዲ ዪዳ አልጋ ቶኪዲ ያሳ ጋላቴሺ ባ ሶ ቢሰ።

26 ሄ ዎዴ ኡባይካ ማላላቴደሶር። ያሳ ጋላቴሺ፣ «ሃቺ ጌታ ማላታ ቤዲዳ» ያጊዲ ያሼቴደሶር።

ዬሱሲ ለዌ ዪጊሰ

(ማቶ 9:9-13፤ ማር 2:13-17)

27 ሃሳፊ ጉዬ፣ ዬሱሲ ያፒ ኬዪዲ ቢሰ። ለዌ ጌቴቴያ አሲ ቃራፃ ቃንዲሴቢሰ ቃራፃ ቃንዲሴቢ ስላን ኡቴዳይሳ ቤዲዲ፣ «ታና ካላ» ያጊሰ።

28 አ ኡባባ አጊ ዳንዲዲ አያ ካሊሰ።

29 ሄ ለዌይ ባ ሶን ጌታ ጊቢራ ጊጊሲሰ። ዳር ቃራፃ ቃንዲሴባሳቴኔ ሃራ አሳቴ ካላ ማናው ኡቴደሶር።

30 ፋሪሳዌቴኔ ሂጌ አስታማሬቴ፣ «ቃራፃ ቃንዲይሳታራኔ ናጋራንቸታራ አይሰ ሜቴኔ ኡዬቴ?» ያጊዲ ዬሱሳ ታማሬታ ቦላ ዘዘሚደሶር።

31 ዬሱሲ ኤንታኮ፣ «ሃርጋንቸታሳፊ አቴን ፓፓታሰ አኪሜ ኮሺና።

32 ታጌ ናጋራንቸታ ማርታኮ ዛራናሳፊ አቴን ጌሻታ ዪጋናው ያቢኬ» ያጊዲ ዛሪሰ።

33 ኤንቴ ዬሱሳኮ፣ «ዮሃሲሳ ታማሬቴ ዳር ዎዴ ያሞሶር፣ ዎሶሶር፤ ቃሲ ፋሪሳዌታ ታማሬቴካ ሃሳላ ኦሶር። ሺን ኔይሳቴ ኡባ ዎዴ ሞሶርኔ ኡዮሶር» ያጊደሶር።

34 ዬሱሲ ኤንታኮ፣ «ሙሹራይ ኤንታራ ዳዒሺን ዪጌቴዳ አሳይ ያማና ማላ ኦላናው ዳንደዔቴ?»

35 ሺን ሙሹራይ ኤንታፊ ሻኬታና ጋላሳይ ያና፣ ሄ ዎዴ ኤንቴ ያማና።»

36 ቃሲ ያጊዲ ለሚሶ ኦዲሰ፤ «ኦራላ ማፖፕ ፔዲዲ ጋልዓ ማፖ ቦላ ሲኬይ ኦኒካ ባዎ። ሃሳላ ኦሊኮ ኦራላ ማፖ-ዎ ፔዲሰ፣ ኦራላይ ጋልዓሰ ጊኤና።

37 ማልዓንቶ ዎይኒያ ጋልዓ ኦጎርን ቆሊያ ኦኒካ ባዎ። ሃሳ ኦሊኮ፣ ኦራላ ዎይኔይ ጋልዓ ኦጎርዎ ቆሊሰ፤ ዎይኔይ ጉኬሰ ኦጎርይካ ማደናባ ጊዳሰ።

38 ሃሳ ጊሾ፣ ኦራላ ዎይኔይ ኦራላ ኦጎርን ቆሊታናው ቤሰሰ።

39 ሂዛ፣ ጫላይ ሎዎ ጊያ ጊሾ ጫላ ዎይኔ ኡዪ ሰሚዲ ማልዓንቶ ኮዬይ ኦኒካ ባዎ» ያጊሰ።

6

ዬሱሲ ሳሞባታባ ኦይሼቴሰ

(ማቶ 12:1-8፤ ማር 2:23-28)

1 አሲ ሳሞባታ ጋላሰ ዬሱሲ ጊሰቴ ጋዴ ጊደራ አዲሰ። ዬሱሳ ታማሬቴ ቴያ ባንጋ ዲሊዲ ባንታ ኩሺን ሺርኪዲ ሞሶር።

2 ሺን ፋሪሳዌታ ጊደፊ አሶቴ አሶቴ፣ «ሳሞባታ ጋላሰ ኦላናው ቤሶናባ አይሰ ኦሊቴ?» ያጊደሶር።

3 ዬሱሲ ኤንታኮ ዛሪዲ፣ «ዳዌቴይ ኮሻቴዳ ዎዴ ባራ ዳዔይሳታራ አሲፊ ኦላይሳ ናቢቤኬቴ?»

4 ያሳ ኬሊ ጌሊዲ አይሁዳ ካሂኔታ ያላላሰ ቤሲያ ዳቡዎ ሚሰ፤ ባራ ዳዔይሳታሰካ አሚሰ» ያጊሰ።

5 ቃሲ ዬሱሲ፣ «አሳ ናዓይ ሳሞባታ ጎዳ» ያጊሰ።

6 ሃራ ሳሞባታ ጋላሰ ዬሱሲ አይሁዳ ዎሳ ኬሊ ጌሊዲ ታማርሴሰ። ሄ ቤሳን ኡሻቻ ኩሺይ ጉንዲዳ አሲ አሲ ዳዔሲ።

7 ሂጌ አስታማሬቴኔ ፋሪሳዌቴ አያ ሞታናው ጋሶ ኮዪዲ ሳሞባታ ጋላሰ ፓሊኮ ቤዓና ጊዲ ናሳሶር።

8 ሺን ዩሱሲ ኤንታ ቆፋ ኤሪዲ ኩሼይ ጉንዲዳ ኡራኮ፣ «ዳንዳዳ አሳ ጊዲዋን ኤቃ» ያገሰ። ኡራይካ ዳንዲ ኤቁሰ።

9 ዩሱሲ፣ «አኔ ታ ሂንቴና ኢሲባ ኦይቻይስ፤ ሳምባታ ጋላስ ኦላናው ቤሴይ ሎዎባዬዬ ኢታባዬ? ሺምፖ አሾዬ ዋይኮ ጳይሶን?» ያገሰ።

10 ቃሲ ዩሱሲ ኢያ ዩሹዋን ዳዒያ አሳ ዩሺ ያሊዲ ኡራኮ፣ «ኔ ኩሺያ ፒዲ ኦላ» ያገሰ። ኡራይካ ኢ ጊዳይሳዳ ኦሊን ኩሼይ ገደሰ።

11 ሺን ሂኔ አስታማራቴኔ ፋሪሳዌቲ ዳር ዪሎቲደሶና። ዩሱሳ ቦላ አይ ኦሊና ጊዲ ባንታ ጊደን ማቄቲደሶና።

ዩሱሲ ታማኔ ናምቡ ሃዋሬታ ደሪሰ  
(ማቶ 10:1-4፤ ማር 3:13-19)

12 ሄ ዋዴ ጋላሳታፔ ኢሱዋን ዩሱሲ ዋሳናው ዳሪያ ቦላ ኬዪሰ። ቃማ ኩሜላ ያሳ ዋሲሺ አቁሰ።

13 ዋንቴሌ ባ ታማሬታ ያጊዲ ኤንታ ጊደፌ ታማኔ ናምባታ ደሪዲ፣ ኤንታና፣ «ሃዋሬታ» ጊዲ ሱንሳሰ።

14 ኤንቲካ፣ ጳይሮሳ ጊዲ ሱንሳዳ ሲሞና፣ ኢያ አሻ ኢንዲሪያሳ፣ ያይቆባ፣ ዮሃኒሳ፣ ፊልጶሳ፣ ባርቶሎሚዮሳ፣

15 ማቶሳ፣ ቶማሳ፣ ኢልፊዮሳ ናዓ ያይቆባ፣ ባ ቢታሰ ሚሺቲያ ሲሞና፣

16 ያይቆባ ናዓ ዪሁዳኔ ዩሱሳ አላ ኢሚዳ አስቆሮታ ዪሁዳ።

17 ዩሱሲ ኤንታራ ኢሲፌ ዳሪያፔ ዋጂዲ ዳንባ ቤሳን ኤቁሰ። ኢያ ታማሬታፔ ዳሮቲ ሄ ቤሳን ዳዖሶና ዪሁዳ ቢታ ኡባፌ ዩሩሳላሚፔ፣ ያሮሳፔኔ ሲዶና አባ ጋፀፔ ዪዳ ዳሮ አሳይ ዳዔሰ።

18 ኤንቲ ዪዳይ ኢ ታማርሲያባ ሲዓናዉኔ ባንታ ሃርጊያፌ ገፃናሳ። ቱና አያናን ዋዬቲያ አሳቲካ ገደደሶና።

19 ዋልቃይ ኢያፔ ኬዪዲ አሳ ኡባ ገሊያ ገሾ አሳይ ኢያ ቦቻናው ኮዮሶና።

20 ባ ታማሬታኮ ያሊዲ ሃይሳዳ ያገሰ።

«ሂንቴና፣ ማንቆቶ፣ ሂንቴ ኢንጃቲዳይሳታ፤ ያሳ ካዎቴሳይ ሂንቴሳ።

21 ሂንቴ ሃዒ ኮሻቴይሳቲ ኢንጃቲዳይሳታ፣ ሂንቴ ካላና።

ሂንቴ ሃዒ ዩኬይሳቲ ኢንጃቲዳይሳታ ሂንቴ ሚጫና።

22 አሳይ ሂንቴና አሳ ናዓ ገሾ  
ኢጂያ ዋዴ  
ሂንቴና ሂሊያ ዋዴ  
ሂንቴና ኤንቲ ቶቺያ ዋዴ፤  
ኢታ ሱንሳ ኤንቲ ሂንቴው አሚያ ዋዴ

ሂንቴ ኢንጃቲዳይሳታ።

23 «ሂኮ፣ ሂንቴ ዋይቶይ ሳሎን ገታ ጊዲያ ገሾ ሄ ዋዴ ኡፋይሳን ጉፒቲ። አይሰ ገኮ፣ ቤኒ ኤንታ አዋቲ ናቤታ ቦላ ሄሳዳ ኦሊደሶና።»

24 «ሺን ዱሬቶ ሂንቴና አይ፤ ሂንቴ ሃዒ ሎዎ ዲሳ ኤኪዳታ።

25 ሃዒ ካሊዳይሳቶ ሂንቴና አይ፤ ሂንቴ ኮሻታና።

ሃዒ ሚጫይሳቶ ሂንቴናሾ ሂንቴ ካዮታናኔ ዩካና።

26 አሲ ኡባይ ሂንቴ ሎዎቴሳ ያላላ ኦዲያ ዋዴ ሂንቴና አይ። ኤንታ አዋቲ ቤኒ ዋርዳንቾ ናቤታ ቦላ ሄሳዳ ኦሊደሶና።

ሂንቴ ሞርኬታ ሲቂቲ  
(ማቶ 5:38-48፤ 7:12)

27 «ሺን ታና ሲዒያ ሂንቴሰ ታ ኦዳይስ፤ ሂንቴ ሞርኬታ ሲቂቲ፤ ሂንቴና ኢጃይሳታሰ ሎዎባ ኦሊቴ።

28 ሂንቴና ቃንጌይሳታ ኢንጃቲ፣ ሂንቴና ናቂይሳታሰ ዋሲቴ።

29 እሲ ባጋ ሻካላ ባቄይሳስ ሃንኮ ባጋካ ቤሳ። ኔ ላጻና ኡካና ጌይሳስ ኔ ሻሚዚያካ ጉጃዳ ኢማ።

30 ኔና ሞሲያ ኡባስ ኢማ፤ ኔፔ ኤኪዳ ኦናካ ዛሮ ጋዳ ኦይቸፋ።

31 እሳይ ሃንቴው ኦላና ማላ ሃንቴ ከያባ ኡባ ሃንቴካ አሳስ ኦላቴ።

32 «ሃንቴ ሃንቴና ደሲያ እሳታ ዓላላ ደሲኮ። እይ ጋላቴ ሃንቴው ዴዒ? ሃሪ እቶሽን፣ ናጋራንቸቴካ ባንታና ሰቄይሳታ ሰቆሶና።

33 ሃንቴው ሎያባ ኦላላሰ ሎያባ ኦላኮ ሃንቴው እይ ጋላቴ ዴዒ? ናጋራንቸቴካ ሃሳዳ ኦላሶና።

34 ታልዔ ዛራና አሳ ዓላላሰ ሃንቴ ታልዒኮ እይ ዴማ ጋላቴቴ፣ ናጋራንቸቴካ ጉዬ ዛራና እሲ ቤዒዲ ታልሶሶና።»

**ሃሪታ ቦላ ፐርዶፊቴ**

35 «ሽን ሃንቴ ሞርኪታ ሰቄቴ፤ ኤንታው ሎያባ ኦላቴ። ጉዬ ኤካናው ቆፖና ታልዒቴ። ሃሳን ሃንቴ ኤካና ዋይቶይ ጌታ ገዳና። ሃንቴ ኡባፌ ቦላ ያሳ ናይታ ገዳና። ኢ ባና ጋላቶናይሳታሲኔ ኢታታስ ከሃ።

36 ሃንቴ አዋይ ከሃ ገደይሳዳ ሃንቴካ ከሃ ገዲቴ።

37 «እሳ ቦላ ፐርዶፊቴ፤ ሃንቴ ቦላ ፐርዶቴና። ሃንቴ ቦሬቶና ማላ ኦናካ ቦርፐቴ። እቶ ጌቴ፤ ያሳይ ሃንቴው እቶ ጋና።

38 እሚቴ፤ ሃንቴው አሚታና። ሃንቴ ማኪዳባን ሃንቴው ዛሪ ማኪታና፣ ኡባራካ ሎያ ማኪያባን ባቄዲ፣ ሱዲ ከንሱዲ፣ ላሊታና ጋካናው ሃንቴው ማኪቴ አሚታና» ያገሰ።

39 ቃሲካ ዬሱሲ ያገዲ ኤንታው ለሚሶ ኦዲስ፤ «ቆቄይ ቆቄ ካሌላናው ዳንዳዒ? ካሌሊኮ ናምባይካ ዋሊ ኤኪዲ እርን ማሎኮናዬ?»

40 ታማሬይ አስታማሬፔ አዲና። ሽን እሲ ዳጋማሪዳ ኡሪይ ባ አስታማሪያላ ሃኔስ።

41 «ኔ እሻ እይፊያን ዴዒያ ቡሪያ እይስ ቤዓይ? ኔ እይፊያን ዴዒያ ቱሲ ዳኔይሳ እይስ ቤዒኪ?»

42 ኔ እይፊያን ዴዒያ ቱሲ ዳኔይሳ ቤያና ኔ እሻኮ። ሓ አሻው ኔ እይፊያን ዴዒያ ቡሪያ ከሶ ጋናው ዋና ዳንዳዒይ? ኔና ጩቡዋው፣ ኮይሮታዳ ኔ እይፊያን ዴዒያ ቱሲ ዳኔይሳ ከሳ። ሃሳፊ ጉዬ፣ ኔ እሻ እይፊያን ዴዒያ ቡሪያ ከሳናው ጌሻዳ ያላና።

**ሚላኔ ኢያ እይፊያ**

43 «ሎያ ሚሊ ኢታ እይፊ እይፊና፤ ሃሳዳካ ኢታ ሚሊ ሎያ እይፊ እይፊና።

44 እይፊ እይፊያ ሚሊ ኡባይ ባ እይፊያን ኤሬቴስ። አጉንሳፊ ባላሴ ሚላ እይፊይ ማፄቴና ቃሲ ላዴፔ ዋይኔ እይፊይ ማፄቴና።

45 ሎያ እሲ ባ ዋዛናን ኩሚዳ ሎያባፔ ሎያባ ከሴስ። ኢታ እሲ ባ ዋዛናን ኩሚዳ ኢታባፐ ኢታባ ከሴስ። እሲ ባ ዋዛናን ኩሚዳ ፓላሂዳባፔ ባ ደናን ሃሳዬስ።

**ከሌ ከዚያ ናምዑ አሳታ**

(ማቶ 7:24-27)

46 «ታ ጌይሳ ኦላኪታ፣ ሽን ያቴን እይስ ታና፣ ሳዳው፣ ጎዳው፣ ጌቴ?»

47 ታኮ ዬይኔ ታ ቃላ ሲዒዲ ፖሊያ ኡባይ ኦና ዳኒያኮ ታ ሃንቴና ቤሳና።

48 ኢ ከሌ ከፃናው ዘቂ ኦላ፣ ኦላ ቦኪዲ፣ ጋርሳን ዴዒያ ዛላ ቦላ ከላ ኤሲዳ ጨንጫ ኡራ ዳኔስ። ዲያይ ዲዒዲ ሄ ከላ ሱጊስ፣ ሽን ሚንሱዲ ከዚዳ ገሾ ቃፃናው ዳንዳዒቤና።

49 ሽን ታ ቃላ ሲዒዲ ኦላናይ ባ ከላ ሻፊ ቢታ ቦላ ከዚዳ ኡራ ዳኔስ። ዲያይ ዲዒዲ ሄ ከላ ሱጊዳ ዋይ ኤሌሲዲ ከንዲስ። ሄ ከላይ ዋልቃማ ከንዴሊ ከንዲስ።» ያገሰ።

**7**

**ማቶ ሃላቃ አማኑዋ**

(ማቶ 8:5-13፤ ዮሃ 4:43-54)

1 ዬሱሲ ሃሳ ኡባ አሳ ስንላን ታማርሲዲ ኦንጊደፔ ጉዬ፣ ቁፊርናሆሜ ካታማ ቤስ።

2 ሄ ቤሳን እሲ ማቶ ሃላቃይ ዴዒስ። ኢ ዳር ደሲያ እይሌይ ሃርጌቴዲ ሃይቆስ ጋኪስ።

3 ኢ ዬሱሳባ ሲዒዳ ዋይ ባ እይሊያ ፓላና ሚላ ኢያ ዋሶ ገዲ እሲ እሲ እይሁዴ ጨማታ ዬሱሳኮ ኪቴስ።

4 ኪቴቴዳይሳቴ፣ ዬሱሳኮ ቢዲ፣ «ኔ ኢያው ሃይሳ ኦላናው ቤሴስ።

5 እይስ ገኮ፣ ሃ ኡሪይ ኦ አሳ ደሴስ፣ እይሁዴ ዋሳ ከላካ ከዒስ።» ገዲ ሚንሱ ዋሲዳሶና

6 ዩሱሲካ ኢንታራ ቢስ።

ማቶ ሃለቃ ስኮ ማቴያ ዎዴ ባ ላጌታ ኢያኮ ከቲዲ፤ «ጎዳው፣ ታ ካራፔ ጋርሳን ኔ ጌላናው ታ ቤሶና ጊሾ ዳቡርፓ።

7 ታካ ታና ኔ ሲንጼ ሸቃናው ቤሲያ አሲ ጋዳ ቆፒኬ። ሸን ኔ ኢሲ ቃላ ኦዳ፤ ታ አይሌይ ፓዓና።

8 ታው ታፔ ቦላራ ሃለቃይ ዴዕስ። ታፔ ጋርሳን ታ ከቲያ ዎታዳሬቲ ዴዖሶና። ኢሱዎ፣ «ባ» ጊኮ ቤስ፣ ሃንኩዎ፣ «ሃያ» ጊኮ ዩስ። ታ አይሌያኮ፣ «ሃኖ ኦላ» ጊኮ ኦሌስ» ያገሰ።

9 ዩሱሲ ሃሳ ሲዒዳ ዎዴ ማላሊቲስ። ጉዬ ሲሚዲ ባራ ያ አሳኮ፣ «ታኒ ሃንቴው ቱማ ኦዳይስ፤ ሃሪ አቶሺን ኢሱራሌንካ ሃይሳ ሜላ ጌታ አማኖ ዴማቢኬ» ያገሰ።

10 ከቲቲዳይሳቲ ሶ ሲሚያ ዎዴ አይሌይ ፓዂን ዴሚዳሶና።

አምቤ ናባ

11 ጉሳ ዎዴ፣ ጉዬ ዩሱሲ ናይኔ ካታማ ቢስ። ኢያ ታማራጎራኔ ሃራ ዳር አሳቲ ኢያራ ቢዳሶና።

12 ኢ ካታማ ጌላና ሃኒያ ዎዴ አሃ ቶኪዳ ዳር አሳቲ ካታማፔ ከዮሶና። ሃይቁዳ ናባይ ባ አይሱ ኢሱዎ፣ ኢያካ አምዖ ጊዳዳ ዳግወሶ። ካታማ አሳፔ ዳርቲ ኢራ ዴዖሶና።

13 ጎዳይ ኢዮ ቤዒዳ ዎዴ ቃዴቲዲ፣ «ዩኮፋ» ያገሰ።

14 ሸቁዲ ሃላ ቦቺን ቶኪዳ አሳቲ ኤቁዳሶና። ዩሱሲ፣ «ላ፣ ያላጋው ዴንዳ» ያገሰ።

15 ሃይቁዳይሲ ዴንዲ ኦቲዲ ኦዳ ኦይከሰ። ዩሱሲ ናባ ኤኪዲ አይሱ አሚስ።

16 አሳ ኡባይ ያሸቲዲ፣ «ጌታ ናቤይ ኑ ጊዳን ዴንዲሲ፤ ያሳይ ባ አሳ ቤዒሰ» ያገዲ ያሳ ጋላቲዳሶና።

17 ኢያ ሱንሳይ ዪሁዳኒኔ ሄ ሄራን ዴዒያ ቢታ ኡባን ሲዒቲስ።

ዩሱሳኒ ምቁያ ዮሃንሳ

18 ምቁያ ዮሃንሳ ታማሬቲ ሃሳ ኡባ ዮሃንሳስ ኦዲዳሶና። ኢ ኢንታ ጊዳፊ ናምዓታ ያገዲ፣

19 «ያና ጌቲቲዳይ ኔኔዬ? ዎይኮ ሃራ ናገኖ?» ያገዲ አይቸቲ ጊዲ ጎዳኮ ከቲስ።

20 አሳቲ ዩሱሳኮ ቢዲ፣ ምቁያ ዮሃንሳ፣ «ያና ጌቲቲዳይ ኔኔዬ? ዎይኮ ሃራ ናገኖ?» ጌቲ ጊዲ ኦና ኔኮ ከቲስ ያገደሶና።

21 ሄ ሳቲንካ ዩሱሲ ዳር አሳ ሃርጊያፊ ፓላስ። ቱና አያናታ ከሲስ፣ ቆቁዳ አይፊያካ ያሊሲስ።

22 «ሃና ስማፓ ከቲቲዳ ዪዳይሳታኮ፣ «ቢዲ ሃንቴ ቤዒዳይሳኒ ሲዒዳይሳ ዮሃንሳስ ኦዲቲ። አይፊ ቆቁቲ ያሎሶና፣ ጉንዳቲ ቢርሸቲዲ ሃሙቶሶና፣ ባር ሃርጋንቸቲ ጌዮሶና፣ ቱሊቲ ሲዮሶና፣ ሃይቁዳይሳቲ ሃይቆፔ ዴንዳሶና፣ ማንቆታስ ዎንጌላይ ሳባከቴስ።

23 ታናን ጱቤቶና ኦኒካ አንጃቲዳይሳ።»

24 ዮሃንሲ ከቲዳይሳቲ ቢዳፔ ጉዬ ዩሱሲ አሳስ ዮሃንሳባ ያገዲ ኦዲስ፣ «ሃንቴ አይ ቤዓናው ባዞ ቢታ ከዪዳቲ? ጫርኮይ ቃሊያ ማታ ቤዓናሴዬ?»

25 ያፒ፣ አይ ቤዓናው ከዪዳቲ? ኮይሴ ማዖ ማዒዳ አሳ ቤዓናሴዬ? ኮይሴ ማዖ ማዒዳይሳቲኔ ሳዒ አንጃቲዳ አሳይ ካዎ ከሳን ዴዖሶና።

26 ያፒ፣ አይ ቤዓናው ከዪዳቲ? ናቢያ ቤዓናሴዬ? ኤ፣ ታ ያጋይስ፣ ሃንቴ ቤዓናው ከዪዳይ ናቢፔ አዴይሳ።

27 ሳ ኦጊያ ኔ ሲንሳን ጊሲሲያ

ታ ከታንቸዎ ኔፔ ሲንጼ ታ ከታና

ጌቲቲዲ ማሬቲዳይ ኢያሳ።

28 ታ ሃንቴው ኦዳይስ፤ ማጫሳፔ ዩሌቲዳይሳታ ጊዳፊ ዮሃንሳፔ አዴይ ባዎ። ያሳ ካዎቲሳን ኡባፊ ጉዳይሲ፣ ኢ ኡባፊ ጌታ ጊዳና» ያገሰ።

29 ሃሪ አቶሺን፣ ዩሱሳ ቃላ ሲዒዳ ቃራዓ ቃንዲሴይሳቲ ኡባይ ዮሃንሳ ኩሺን ምቁቲዲ ያሳይ ያሊ ጊዳይሳ ቆንጨሲዳሶና።

30 ሸን ፋሪሳዌቲኔ ሃጌ አስታማሬቲ ዮሃንሳ ኩሺን ምቁቶና ኢዲዲ ያሳ ዞሪያ ሊቁሲዳሶና።

31 ዩሱሲ ካሊዲ ሃይሳዳ ያገሰ። «ሃዞ፣ ሃ ዎዲያ ዩሌቲሳ አይቢራ ዳኒሶ? ኢንቲካ አና ዳኖና?»

32 ጊያ ጊዳን ኦቲዲ ዎሊ ያገዲ፣ ሱ ሃንቴው ሱሱልዒ ዮኒን፣ ሃንቴ ዩዂከታ። ኑ ሳቢዲ ዘሊሊን፣ ሃንቴ ዩከከታ። ያገያ ናይታ ዳኖሶና።

33 ምቁያ ዮሃንሲ ሞና ኤዮና ጌን፣ «ኢታ አያናራ ዴዒስ ጊዳታ።»

34 አሳ ናባይ ሚሸኔ ኡዪሸ ዪን፣ «ያራምባኔ ኡሻንቸ፣ ቃራዓ ቃንዲሴይሳቲኔ ናጋራንቸታ ዳቦ ጊዳታ።

35 ሃዞ፣ ጨንጫቲሳ ቱማቴሳይ ኢያ ናይታ ኡባ ማታን ኤሬቲስ» ያገሰ።

ኢሲ ማጫሲያ ዩሱሳ ሸቶ ቲያሱ

- 36 እሲ ፋሪሳዊያ ዩሱፊ ካለ ሙዛናው ባ ሶ ያገለገለ። እ ፋሪሳዊያ ሶ ቢዲ ጋይታ ቦላ ኡቲስ።
- 37 ሄ ካታማን እሲ ናጋራንቸ ማጫሲ ዴዲያራ ዩሱሲ ፋሪሳዊያ ሶን ገቢራ ቦላ ዴዲያሳ ሲዲዳ ዎዴ ዳሮ አልፎ ጸልቃኔ ሺቶ ኢካዳ ያሱ።
- 38 ዩሱፊስ ጉዬ ባጋራ፣ እያ ቶሁዋ ማታን ኤቃዳ ዩካሽ እያ ቶሁዋ ባ አፋላራ ላከፋውሱ። ባ ቢናና እያ ቶሁዋ ቁቻሼኔ ዩራሼ ሺቶ ቲያሱ።
- 39 ገቢራ ገቢሲዳ ፋሪሳዊያ ሄሳ ቢዲዳ ዎዴ ባ ዎዛናን፣ «ሃይሲ ናቤ ገዲያኮ ሃ ማጫሲያ እያ ቦቹያራ ኦኔኮ ቃሲ እያ ናጋራንቸ ገዴይሳካ እ ኤራናሽን» ያገሰ።
- 40 ዩሱሲ፣ «ሲዋና፣ ታ ኔው ኦዲያባይ ዴዴስ» ያገሰ።
- እ፣ «አስታማሪያው፣ ታው ኦዳ» ያገሰ።
- 41 ዩሱሲ እያኮ፣ «ናምዑ አሳቲ እሲ ኡራፔ ሚሼ ታልዲዶሶና። እሲይ ኢቻሹ ዌቱ ቢራ ሃንኮይ ቃሲ አሻታሙ ቢራ ታልዲዶሶና።
- 42 ናምዳይካ ታልዲያ ጨጋናው ጾኔቲን፣ ናምዳታሰካ ታልዲያ ማሪስ። ሂዛ፣ ሃ ናምዳታፔ ሄ ኡራ ዳሮ ዶሳናይ ኔው አዉሳ ዳኒ» ያገሰ።
- 43 ሲዋኒ፣ «ዳሮ አጮይ ማራቲዳ ኡራይ ዳሮ ዶሳና ዳኔስ» ያገሰ። ዩሱሲ፣ «ኔ ቱማ ፐርዳዳሳ» ያገሰ።
- 44 ሄሳፌ ጉዬ፣ ዩሱሲ ማጫሲኮ ሲሚ ዌሊዲ፣ ሲዋናኮ፣ «ሃሮ ማጫሲው ቤዳይ? ታኒ ኔ ሶ ገሌሳን ሃሪ አቲን ኔ ታው ቶሆ ሃሌ አማባካ፣ ሽን እያ ታ ቶሁዋ ባ አፋላን ላኮፋዳ ባ ቢናናን ቁቻሱ።
- 45 ኔኒ ታና ዩራ ኤካባካ፣ ሽን እያ ታ ኔ ሶ ገሌዴፔ ደማዳ ታ ቶሁዋ ዩሮ አጋቡኩ።
- 46 ኔኒ ታ ሁዲያን ዘይቱ ቲያባካ፣ ሽን እያ ታ ቶሁዋ ሺቶ ቲያዉሱ።
- 47 እያ ታና ዳሮ ዶሲዳ ገሾ እ ዳሮ ናጋራይ አቶ ጌቱቲስ። እያ ጉላ ናጋራይ አቶ ጌቱቲዳይ ጉሳራ ዶሴስ።»
- 48 ዩሱሲ ማጫሲኮ፣ «ኔ ናጋራይ አቶ ጌቱቲስ» ያገሰ።
- 49 እያራ እሲፌ ጋይታን ኡቲዲ ሚያ አማላቲ፣ «ናጋራ አቶ ያጌይ፣ እ ሃይሲ ኦኔ?» ያገዲ ባንታ ዎዛናን ቆፒዶሶና።
- 50 ዩሱሲ ማጫሲኮ፣ «ኔ አማናይ ኔና አሽሲ፤ ሳሮ ባ» ያገሰ።

# 8

## ዩሱፊ ሞኪዳ ማጫሳታ

- 1 ሄሳፌ ጉዬ፣ ዩሱሲ ያሳ ካዎቴላ ዎንጌላ ሳባኪሼ ካታማራኔ ጉታራ አዲስ። ሄ ዎዴ ታማኔ ናምዑ ሃዋራቲ እያራ ዴዶሶና።
- 2 ቃሲ ቱና አያናፔኔ ዱማ ዳማ ሃርጊያፌ ፓዲዳ እሲ እሲ ማጫሳቲ እያራ ዴዶሶና። ኤንቲካ፣ ላፑን ቱና አያናቲ ከዬዳ ማገዳላ ማይራዎ።
- 3 ሃሮዲሳ ሹማ ኩዛ ማቸው ዮሃና፣ ሰሲናራኔ ቃሲ ሃራ ዳሮቲ ኤንታና ሚሼን ማዴይሳቲ ዴዶሶና።
- 4 ዳሮ አሳይ ዳማ ዳማ ካታማፔ እያኮ ሸቁን ለሚሶን ኤንታው ኦዲስ።
- 5 «እሲ ጎሻንቸይ ዜሬሌ ዜራናው ከዬስ። እ ዜራሽን እሲ እሲ ዜሬላይ ኦጌ ጋዓን ዎዲዲ ዩዴቲስ፣ ሳሎ ካሮቲ ማዲዶሶና።
- 6 ሃራቲ ሻሎይ ጋርሳን ዴዲያ ቢታ ቦላ ዎዲዶሶና። ቡሮ ዶሊዳ ማላ ቢታን ላሆይ ባይና ገሾ ሚጨዶሶና።
- 7 ሃራ ዜሬላይ ቃሲ አንጎላ ገደን ዎዲስ። አንጎላራ ዎላ ዲጨዳ ገሾ አንጎላይ ጨሊዲ ቤሳን አሽሰ።
- 8 ሃራቲ ሎዎ ቢታ ቦላ ዎዲዶሶና። ዶሊዳ ዎዴ ዌቱ ኩሼ አይፊዶሶና።» ሄሳ ኦዲ ኤንገዲ፣ ባ ቃላ ቶቁ ኦሌዲ፣ «ሲዲያ ሃይሌ ዴዲያ ኡባይ ሲዎ» ያገሰ።
- 9 እያ ታማራቲ፣ «ሃ ለሚሱዋ ቢርሼላይ አይቤ?» ያገዲ ኦይቹዶሶና
- 10 እ፣ «ዶሳ ካዎቴላ ፀራ ኤራና ማላ ሂንቱው አሚቲስ። ሽን ሃራቲ ቤዲሼ ዴዎና ማላ፣ ሲዲሼ አኩኮና ማላ ለሚሶን ኦዲደስ።
- 11 «ሂዛ፣ ሃ ለሚሱዋ ቢርሼላይ ሃይሳ፣ ዜሬሌ ያጌቲዳይ ያሳ ቃላ።
- 12 ኦጌ ጋዓን ዎዲዳ ዜሬላይ ቃላ ሲዲይሳታ። ገደሽን፣ ኤንቲ አማኒዲ አቶና ማላ ዓላሄይ ቃላ ኤንታ ዎዛናፔ ማዲ ዲጌስ።
- 13 ሻሎይ ጋርሳን ዴዲያ ቢታ ቦላ ዎዲዳ ዜሬላይ ቃላ ሲዲዲ ኡፋይሳን ኤኩይሳታ። ኤንቲ ሃዲስ አማሶናፔ አቲን ዓጾይ ባይና ገሾ ፓጩይ ጋኪያ ዎዴ ኤሊሲዲ ካዶሶና።

14 እጉንጻ ገደን ዘራቴዳይሳቲ ቃላ ሲዔይሳታ። ኤንቲካ አላሚያ ቆፋን፣ ዱሬቴላኒኔ ሳዓ ዱሳ ሚኮቴሳን ጨለቲዲ ቤሲይሳዳ አይፊቦኮና።

15 ሎዎ ቢታን ዎዲዳ ዘራላይ ሎዎ ዎዛናን ቃላ ሲዔዲ ናጌይሳታኔ ዳንዳዓን ሚኒዲ አይፊ አይፊይሳታ።

16 «ዎምፕ ዎምፒዲ፣ ዳቾ ካሚይ ዎይኮ አርሳፊ ጋርሳን ዎሴይ ዳና። ጌሊያ አሲ ቤዓና ሚላ ዶቃ ቤሳን ዎሴሰ።

17 «ሂሳ ገሾ፣ ቆንጨኑ ኮዮና ቆሴቲዲ አቴያባይ፣ ኤሬቶና ጌሚዲ አቴያባይ ዳና።

18 «ሂዛ፣ ሂንቲ ቃላ ዋቲ ሲዔይኮ አከከቲ። ዳዔያ ኡባሰ ጉገፍቲዲ አሚታና፣ ባይናይሳሰ ሃሪ አቶሺን ኢያው ዳዔያ ጉሊያካ ኢያፔ ኤኬታና» ያገሰ።

**ዩሱሳ አዩራኔ አሻታሪ**  
(ማቶ 12:46-50፤ ማር 3:31-35)

19 ዩሱሳ አዩራኔ አሻታሪ ኢያኮ ዪዶሶና። ሺን አሳ ዳሮቴላፊ ዳንዶይሳን ኢያ ዳማናው ዳንዳዒቦኮና።

20 ኢሲ አሲ ዩሱሳኮ፣ «ኔ አዩራኔ ኔ አሻታሪ ኔና ኮዩዲ ካሬን ናንሶና» ያገሰ።

21 ዩሱሲ ዛሪዲ፣ «ዖሳ ቃላ ሲዔዲ ኦሶን ፔሺይሳቲ ኡባይ ታው አዮኔ ታው አሻ» ያገሰ።

**ዩሱሲ ሃሳ ዙሊያ ሴሪሰ**  
(ማቶ 8:23-27፤ ማር 4:35-41)

22 ኢሲ ጋላሰ ዩሱሳራኔ ኢያ ታማራታሪ ኢሲፊ ዎጎሎን ጌሊዲ፣ «አባ ፒናሰ» ያገሰ። ኤንቲካ ባናው ዳንዳዶሶና።

23 አባ ቦላራ ኤንቲ ፒናናው ቢሺን ዩሱሲ ቋሰከሰ። ቆገና ሚና ጫርኮይ አባ ቦላ ዳንዳሲ። ሃላይ ዎጎሎብን ጌሊን ዎጎሎይ ሚቴቴላ ኦይኪያ ዎዴ ኡባይ ባቢዶሶና።

24 ኢያ ታማራቲ ኢያኮ ሸቂዲ፣ «ኑ ጎዳው፣ ኑ ጎዳው፣ ኑ ሳዮሰ ያገዲ» ዩሱሳ ዳንሊዶሶና። ዩሱሲ ዳንዳዲ ጫርኮቤ ንቲያ ሴሪሰ። ኤሌሲዲ ጫርኮይ ንቲይ ዎፑ ገሰ። ሳርቴላይካ ሲሚሰ።

25 ዩሱሲ ባ ታማራታኮ፣ «ሂንቲ አማኖይ አወኔ» ያገሰ። ኤንቲካ፣ ያዩሺኔ ማላሌቲሽ ኢሶይ ኢሱዋኮ፣ «ጫርኮይኔ ሃላይ ከቴቴይሰ፣ ኢ ሃይሲ ኦኔ» ያገደሶና።

**ቱና አያናፔ ዩዶቲዳ ኡሪ**  
(ማቶ 8:28-34፤ ማር 5:1-20)

26 አባ ፒኒዲ ጋሊላ ባጋሪ ዳዔያ ጌርጌሶኔ ቢታ ጋከደሶና።

27 ዩሱሲ ዎጎሎባፔ ከዩዲ ሳዓን ዎዲሺን ቱና አያናን ኦይከቲዳ ኡሪይ ካታማፔ ከዩዲ ኢያራ ጋሂቲሰ። ዳሮ ላይላ አፊሊ ማዖና ካሎ ዱሮን ዳዒሲፔ አትን ሶ ጌሊና።

28 ዩሱሳ ቤዒዳ ዎዴ ኢያ ሲጎላን ጉፋኒዲ፣ ባ ቃላ ዶቁ አሊዲ፣ «ኡባፊ ቦላ ዖሳ ናዓው ዩሱሳ ኔራ ታው አይቤ ኢሲፊቴላ ዳዒ? ሃያና ታና ሃዒ ኤንዔፋርከ» ያገሰ።

29 ሂሳ ኢ ገዳይ፣ ቱና አያናይ ኡሪፔ ኬያና ሚላ ዩሱሲ ሃንቁቲዳ ገሾሳ። ዳሮ ዎዴ ቱና አያናይ ኢያ ሃሪዳ ገሾ ሳንሳላታኒኔ ቶሆ ቃቺያ ቢራታን ቃሺቲዲ ናጌቴሰ። ሺን ቃሺባ ዱሊዲ ቱና አያናን ላጌቲዲ ባዞ ጌሊሰ።

30 ዩሱሲ፣ «ኔ ሱንሳይ ኦኔ» ያገዲ ኦይቺሰ።  
ኢ፣ ዳሮ ቱና አያናቲ ኢያ ኦይኪዲ ገሾ ባና፣ «ሌገዮና» ገሰ።

31 ቱና አያናቲ ባንታና ሲዖሌ ከቶና ሚላ ዎሲዶሶና።

32 ሂ ቤሳን ዘዘ ቦላ ሚያ ጉዲንሎ ወዳይ ሃሙቴሰ። ሂኒ ጉዲንሎታን ጌሊኖ ገዲ ዎሲዶሶና። ኢካ «ጌሊቴ» ገሰ።

33 ቱና አያናቲ ኡሪፔ ከዩዲ ጉዲንሎታን ጌሊዶሶና። ወዳይ ዳሪያፔ ዱጌ ጉርጉዲዲ አባን ጌሊሰ።

34 ሂንላንቾቲ ሂኒይሳ ቤዒዳ ዎዴ ዎዲ ቢዲ፣ ካታሚኒ ጉታ ኡባን ኦዲዶሶና።

35 አሳይ ሂኒዳባ ቤዓናው ከዩዲ ዩሱሳኮ ዪዶሶና። ቱና አያናይ ከዩዲ ኡሪይ ማዖ ማዒዲ፣ ኢያ ዎዛናይ ሲሚን፣ ዩሱሳ ቶሆ ማታን ኡቲዳይሳ ዳሚዲ ያዩዶሶና።

36 ኢያ ቤዒዳ አሳይ ቱና አያናን ኦይከቲዳ ኡሪይ ዎኒዲ ፓዲዳኮ ኦዲዶሶና።

37 ጌርጌሶኔ ዩሹባን ዳዔያ አሳይ ጌታ ያሺ ያሸቲዲ ዩሱሲ ባንታ ማታፔ ባና ሚላ ዎሲዶሶና። ኢ ዎጎሎባን ጌሊዲ ጉዩ ሲሚሰ።

38 ቱና አያናይ ከዩዲ ኡሪይ ዩሱሳራ ዳናው ዎሲሰ።

39 ሺን ዩሱሲ አያኮ፡ «ኔ ሶ ሲማ፣ ያሳይ አይ ማላ ገታባ ነው አሉዳኮ ኦዳ» ያገዱ ሞይዚሲ። ኡራይካ ዩሱሲ አይ ማላ ገታባ አያው አሉዳኮ ካታማ ኡባን ማርካቲሼ ቢሲ።

ሃይቂዳ ናዒዉኔ ዩሱሳ ማዑዋ ቦቹዳ ማጨሲው

(ማቶ 9:18-26፤ ማር 5:21-43)

40 አሳይ ናገዱ ጋምዒዳ ገሾ ዩሱሲ ሲሚያ ዋዴ ሞኪ ኤኪደሶና።

41 አይሁዴ ዋሳ ኩላ ሃላቃ ገዲዳ ኢያርሳ ገያ ኡራይ ባ ሶ ያና ማላ ዩሱሳ ቶሁዋ ቦላ ዋቋዲ ዋሲሲ።

42 አያው ታማኔ ናምዑ ላይሴ ገዲዳ ማጨ ናባ ዲዒያራ ሳኩታዳ ሃይቆስ ጋካዳ ዲዒዉሱ። ዩሱሲ ቢያ ዋዴ አሳይ አያ ኤንዒሉስ።

43 ታማኔ ናምዑ ላይሴ ሱሴ ጎሼ ጋምዒዳ ማጨሲ ዲዒያራ ዲዒዉሱ። አያ ባው ዲዒያ ሚሺያ አከሜታስ አማዳ ኦንጋሱ። ሺን ፓፃናው ዳንዳባቡኩ።

44 አያ ዩሱሳስ ጉዬ ባጋራ ሸቃዳ፣ አያ አፊላ ማጨራ ቦቻሱ፣ ሶሁዋራ ጎገያ ሱላይ ኤቂ አገሲ።

45 ዩሱሲ፣ «ታና ቦቹዳይ ኦኔ?» ያገሲ። ኡባይ «ኑ ቦቹቦኮ» ያገኘ፣ ጳጳርሲ፣ «አስታማሪያው፣ ዳር አሳይ ካለሺኔ ኤንዒሉሺን ቤዓሽ ዋናዳ፣ ታና ቦቹዳይ ኦኔ?» ጋይ» ያገሲ።

46 ሺን ዩሱሲ፣ «አሲ አሲ ታና ቦቹሳ፤ አይስ ገኮ፣ ዋልቂ ታፔ ኬዮይሲ ታው ኤፊፊትስ» ያገሲ።

47 ማጨሲያ፣ አባይ ቆንጨዳይሳ ኤሪዳ ዋዴ ኮኮራሽ ያዳ ዩሱሳ ቶሁዋ ቦላ ከንዳሲ። አይስ ቦቹዳኮኔ ዋናዳ ኤሌሳዳ ፓጂዳኮ አሳ ኡባ ሲጎላን ማርካታሱ።

48 አ፣ «ታ ናቴ፣ ኔ አማናይ ኔና ፓሊስ፤ ሳርን ባ» ያገሲ።

49 ዩሱሲ ኦዳ ኦንጎና ዲዒሺን፣ አይሁዴ ዋሳ ኩላ ሃላቃ፣ ኢያርሳ ሶፔ አሲ አሲ ዪዲ፣ «ኢያርሳ፣ ኔ ናዒያ ሃይቃሱ፣ አስታማሪያ ማላ ዳቡሪሶፋ» ያገሲ።

50 ሺን ዩሱሲ ሄሳ ሲዒዲ ኢያርሳኮ፣ «ባቦፋ! አማና፣ ኔ ናዒያ ፓፃና» ያገሲ።

51 ዩሱሲ ኢያርሳ ሶ ጋኪዳ ዋዴ ጳጳርሳ፣ ዮሃኒሳ፣ ያይቆሳ፣ ናዒ አዋፔኔ አዬፔ አቴን ሃሪ ጌላና ማላ ኮዩቤና።

52 ሄ ቤሳን ዲዒያ አሳ ኡባይ ናዒስ ሚሹቴዲ ዩኪሺን፣ ዩሱሲ፣ «ዩኮፊቴ! ናዒያ ቋሰካሱፔ አቴን ሃይቃሱኩ» ያገሲ።

53 አሳይ ናዒያ ሃይቂዳይሳ ኤሪያ ገሾ አያ ኦዳ ሊቂዲ ሚጨደሶና።

54 ሺን ዩሱሲ ናዒ ኩሺያ ኦይኪዲ፣ «ናቴ ዲንዳ» ያገሲ።

55 ናዒስ ሸምፖይ ሲሚን ዲንዳ ኤቃሱ። ዩሱሲ ኤንታኮ፣ «አዉ ሚያባ አሚቴ» ያገሲ።

56 ናዒ አዋራኔ አዬራ ማላሌቴደሶና። ሺን ዩሱሲ ሃይሳ፣ «ኦዲሰካ ኦዶፒቴ» ያገሲ።

### 9

ዩሱሲ ታማኔ ናምዑ ሃዋሬታ ከቲስ

(ማቶ 10:5-15፤ ማር 6:7-13)

1 ዩሱሲ ታማኔ ናምዑ ሃዋሬታ ባኮ ጃገዲ፣ ቱና አያናታ ኬሳና ማላኔ ሃርጌ ኡባ ፓላና ማላ ዋልቃኔ ማታ አሚሲ።

2 ያሳ ካዋቴላባ ማርካታዳይኔ ሃርጋንቸታ ፓላናዳ ከቲስ።

3 ኢ ኤንታኮ፣ «ፃምባ ገዲን ኦጎር ገዲን ካሌ ገዲን ሚሹ ገዲን ላሚ ማዒያ አፊላ ገዲን ኦጎር ገዲን አይኮካ ኦይኮፊቴ።

4 ሄ ካታማፔ ሂንቴ ኬያና ጋካናው አማላቴላን ሂንቴ ጌሊዳሱዋን ጋምዒቴ።

5 ኦኒካ ሂንቴና ሞኮና ኢጃኮ ሄ ካታማፔ ኬዩሼ ኤንታው ማርካ ገዲና ማላ ሂንቴ ቶሁዋን ዲዒያ ባና ፒቴዲ ኬዩቴ።»

6 ኤንቴካ ከቲቴዳይሳዳ ኬዩዲ ዋንጌላ ኦዲሼኔ ዲማ ዲማ ጉታታን ሃርጋንቸታ ፓሊሽ አቋደሶና።

7 ጋለላ ቢታ ሃሪያ ሄርዲሲ ዩሱሲ ኦሊዳባ ኡባ ሲዒዳ ዋዴ ዳጋሚሲ። አይስ ገኮ፣ አሲ አሲ አሳቴ ዮሃኒሲ ሃይቆፔ ዲንደና አጌና ያጎሶና።

8 ባጋቴ፣ «ኤሊያሲ ቆንጨስ» ጎሶና፤ ሃራቴ ቃሲ፣ «ቤኒ ናቤታፔ ኢሶይ ሃይቆፔ ዲንዲሲ» ያገዱ ኦዳቶሶና።

9 ሺን ሄርዲሲ፣ «ዮሃኒሳ ቆቋይ ታ ቃንጃሳዳ ዋቋሱ። ያቴን፣ ሃይሳላ ያጌቴዲ ኢያባ ኦዶቴይ፣ ኢ ኦኔ?» ያገዱ ባ አይፊን ቤዓናው ኮዩሱ።

ዩሱሲ ኢቻሹ ሙኩሉ አሳ ሙዚሲ

(ማቶ 14:13-21፤ ማር 6:30-44፤ ዮሃ 6:1-14)



10 ታማኔ ናምዑ ሃዋሬቲ ጉዬ ሲሚ ዩዲ፣ እንቲ ኦሊዳባ ኡባ ዩሱሳስ ኦዲደሶና። ኢ እንታና ኤኪዲ ቤቲሳይዳ ካታማፔ ጋፃ ኤፊስ።

11 ሺን ዳር አሳይ ዩሱሳ ገዴይሳ ኤሪዲ ኢያ ካሊደሶና። ኢ እንታ ሞኪ ኤኪዲ ያሳ ካዎቴላባ ታማርሱስ፤ ፓፃናው ኮዩይሳታካ ፓሊስ።

12 ሳሊ ኦማርሲያ ዎዴ ታማኔ ናምዑ ሃዋሬቲ ኢያኮ ሸቂዲ፣ «ኑ ዴዔይ ባዘ ቢታ ገዲያ ገሾ አሳይ ዳማ ዳማ ጉታታን ካታማታ ቢዲ፣ ካሊኔ አቂያሶ ኮያና ሚላ አሳ ሞይዛ» ያገደሶና።

13 ሺን ኢ፣ «እንታው ሚያባ ሂንቲ አሚቲ» ያገሰ።

እንቲ፣ «ኑስ ዴዔይ ኢቻሹ ኡይሊኔ ናምዑ ሞሎ ገዲያ ገሾ ሃ አሳስ ገዲያ ካሊ ኑኒ ቢዲ ሻሞና ኢዳኮ ገዴና» ያገደሶና።

14 ሄ ቤሳን ኢቻሹ ሙኩሉ ገዲያ አይቲ ዳያሶና። ዩሱሲ ባ ታማሬታኮ፣ «አሻታማን ኢሻታማን ሻኪ ሻኪ አሳ ኡተሲቲ» ያገሰ።

15 ኢያ ታማሬቲ፣ ኢ ከቲዳይሳዳ አሳ ኡተሲደሶና።

16 ኢ ኢቻሹ ኡይሳኔ ናምዑ ሞሎታ ኤኪዲ፣ ሳሎ ዪሊዲ፣ ያሳ ጋላቲዲ፣ ሜንሲዲ አሳ ኡባ ጋላና ሚላ ባ ታማሬታስ አሚስ።

17 ኡባይ ሚዲ ካሊደሶና። እንታፊ ኣቲዳ ቲፊይ ታማኔ ናምዑ ጋይታ ኩሚላ ገዲሰ።

ጳዳርሲ፣ ዩሱሲ ኦኒኮ ማርካቲስ (ማቶ 16:13-19፤ ማር 8:27-29)

18 ዩሱሲ ባ ፃላላ ዋሲሺን፣ ኢያ ታማሬቲ ኢያኮ ዩደሶና። ኢ፣ «አሳይ ታና ኦና ጎና?» ገዲ ኦይቸስ።

19 እንቲ ዛሪዲ «ኢሶቲ ኢሶቲ፣ ሳማቂያ ዮሃንሳ፣ ባጋቲ ኤሊያሳ፣ ሃራቲ ቃሲ፣ ቤኒ ናቤታፔ ኢሶይ ሃይቆፔ ዴንዲስ» ያገሶና።

20 ኢ ዛሪዲ፣ «ያቲን ሂንቲ ታና ኦና ገቲ» ያገሰ። ጳዳርሲ፣ «ኔኒ ያሳፊ ከቲቲዳ ከሪሰቶሳ» ያገዲ ዛሪስ።

21 ዩሱሲ ሃይሳ ኦይሰካ ኦደፒቲ ገዲ ሚንሲዲ ኦዲስ።

22 ቃሲን ዩሱሲ፣ «አሳ ናባይ ዳር ሚቱዋ ኤካና። ቢታ ጨማታን፣ ካሂኔ ሃላቃታን፣ ሂጌ አስታሚታን ኦቂ አሚታና። እንቲ ኢያ ዎቆና፣ ሺን ኢ ሃቫንሳ ጋላስ ሃይቆፔ ዴንዳና» ያገሰ።

23 ዩሱሲ አሳ ኡባኮ፣ «ታና ካላናው ኮዩይ ኦኒካ ዴባኮ ባና ካዶ፣ ባ ማስቃሊያ ጋላስ ጋላስ ቶኪዲ ታና ካሎ።

24 ባ ሸምፐው አሻናው ኮያ ኡባይ ኢዮ ጳይሴስ፣ ባ ሸምፐው ታ ገሾ ገዲ ጳይሴያ ኦኒካ ኢዮ አሺስ።

25 ኢሲ አላሚ ኡባ ሃሪዲ፣ ገደሺን ባ ሸምፐው ጳይሴያባ ዎይኮ ቆሂያባ ገዲኮ ኢያ አይ ማዲ?

26 ኦኒካ ታናኒኔ ታ ቃላን ዩላቲኮ አሳ ናባይ ባ ቦንቹዎራ ሃሳዳካ አዋ ቦንቹዎራኔ ጌሻ ኪታንቸታ ቦንቹዎራ ያ ዎዴ ኢያን ዩላታና።

27 ታ ሂንቲው ቱማ ኦዲይስ፤ ሃይሳን ኤቂዳይሳታ ገደፊ ያሳ ካዎቴላ ቤዮናሺን ሃይቆና አሳቲ ዳይሶና» ያገሰ።

ዩሱሳ ማላይ ላሚቲስ (ማቶ 17:1-8፤ ማር 9:2-8)

28 ዩሱሲ ሄ ኦዳ ኦዲን፣ ሆሰፑን ጋላሳፔ ጉዬ ጳዳርሳ፣ ያይቆባኔ ዮሃንሳ ባራ ኤኪዲ ዎሳናው ዳሪያ ቦላ ከዩስ።

29 ኢ ዎሳ ቦላ ዳሪሺን ኢያ አይፊ ካሬይ ላሚቲስ፤ አፊላይካ አዋ ሚላ ጰሊዲ ቦሚስ።

30 ናምዑ አሳቲ፣ እንቲካ ሙሲራኔ ኤሊያሳራ ቦንቹን ቆንጨዲ፣

31 ዩዲሳላሚን ፖሊታናው ዳሪያባ፣ ሂሲካ፣ ኢ ሃ አላሚያፔ ሻኬታናባ ኢያራ ኦዴቶሶና።

32 ጳዳርሳኔ ኢያራ ዳሪያሳታ ጳሰኮይ ሌፊን፣ እንቲ ጳሰኮፊ ባርኪያ ዎዴ ኢያ ቦንቹዎኔ ኢያራ ኤቂዳ ናምዑ አሳታ ቢሳደሶና።

33 አሳቲ ዩሱሳፔ ሻኬቲዲ ባና ሂኒሺን፣ ጳዳርሲ ዩሱሳኮ፣ «ጎዳው፣ ሃይሳን ገዴይሲ ኑስ አይ ሚላ ሎዎ! ኢሲኖ ኔው፣ ኢሲኖ ሙሲስ፣ ኢሲኖ ኤሊያሳስ ኦሊዲ ሂቸ ሻቃራ ሻቃርስ» ያገሰ። ሺን ኢ አይ ገዲኮ ኤሬና።

34 ኢ ያገዲ ኦዲቲሺን ሻራይ ዩዲ እንታና ካሚስ። እንቲ ሄ ሻራ ገደ ገሊሼ ባቢደሶና።

35 ሻራ ገደፊ፣ «ታ ደሪዳ ናባይ ሃይሳ ኢያ ሲዒቲ» ያገያ ቃላይ ሲዒቲስ።

36 ሄ ቃላይ ሲዐቲዳፔ ጉዬ ዩሱሲ ባርካ ዳዒሼ ቤንተሰ። ሄ ዎዴ ኤንቲ ቤዒዳባ ኦዴሰካ ኦዶና፣ ባንታ ዎዛናን ኦይኪዲ ሲዒ ጊደሶና።

ዩሱሲ ቱና ኣያና ኢሲ ናዓፔ ኬሲሰ  
(ማቶ 17:14-18፤ ማር 9:14-27)

37 ዎንቴሌ ኤንቲ ዳሪያፔ ዎጂያ ዎዴ ዳር ኣሳይ ዪዲ ኢያፊ ጋሄቲደሶና።

38 ሄ ዎዴ ኣሳ ጊደፌ ኢሲ ኣሲ፣ «ኣስታማሪያው፣ ታ ኢሲ ናዓ ያዳ ቤዓርከ።

39 ቱና ኣያናይ ቆፖና ኦይኪዲ ዋሲሲሰ፤ ገፖንቶ ዩጊሲዲ ቃኬሬሌሰ፤ ኣሳቴላ ቆሂዲ ኤንዔሌዲ ዩዴሰ።

40 ኔ ታማራቲ ኬሳና ሜላ ዎሳሰ፣ ሺን ኤንቲ ዳንዳዒቦኮና» ያጊዲ ዎሲሰ።

41 ዩሱሲ፣ «ኣማኖይ ባይና ጌላ ዩሌቴላቶ፣ ኣወዴ ጋካናው ታ ሂንቴራ ዳኔ፣ ሂንቴና ዳንዳዓኔ? ኔ ናዓ ባዳ ሃ ኤካያ» ያጊሰ።

42 ናዓ ኤኪዲ ያ ዎዴ ቱና ኣያናይ ሳዓን ሆሊ ዩጊዲ ኮኮርሲሰ። ሺን ዩሱሲ ቱና ኣያና ሃንቁዲ ናዓፔ ኬሲሰ። ናዓካ ናዓ ኣዋሰ ኣሚሰ።

43 ኣሳይ ኡባይ ያሳ ጌታ ዎልቃን ማላሌቲደሶና። ኤንቲ ኢ ኦሌዳባን ማላሌቲሺን፣ ዩሱሲ ባ ታማራታኮ።

44 «ሃይሳ ታ ሂንቴው ኦዴይሳ ሎይሌ ሲዒቴ፤ ኣሳ ናዓይ ሞርኬታ ኮሺን ኣጂ ኣሚታና» ያጊሰ።

45 ሺን ኢ ጊዳባይ ኤንታፊ ጌሚዳ ጊሾ ኣኬኪቦኮና። ሄሳ ጊሾ፣ ዛሪዲ ኦይቻናው ባቢደሶና።

ኡባሬ ጌታ ጊዳናይ ኦኔ?

(ማቶ 18:1-5፤ ማር 9:33-37)

46 ዩሱሳ ታማራቲ፣ «ኦ ጊደን ጌታ ጊዳናይ ኦኔ?» ጊዲ ፓላማ ኦይኪደሶና።

47 ዩሱሲ ኤንታ ዎዛና ቆፋ ኡሪዲ ዮጋ ናዓ ባ ማታን ኡሲዲ፣

48 «ሃ ዮጋ ናዓ ታ ሱንላን ሞኪያ ኦኒካ ታና ሞኬሰ፣ ታና ሞኬይ ታና ከቲዳይሳ ሞኬሰ፣ ሂንቲ ኡባሬ ጉዳይሰ፣ ኢ ጌታ ጊዳና» ያጊሰ።

49 ዮሃኒሲ፣ «ጎዳው፣ ኢሲ ኣሲ ኔ ሱንላን ቱና ኣያናታ ኬሲሺን ቤዒዲ ኢ ኦራ ጊደና ጊሾ ዲጊዲ» ያጊሰ።

50 ዩሱሲ ዛሪዲ፣ «ሂንቴራ ኡቁቶናይሰ፣ ኢ ሂንቲ ባጋ። ሄሳ ጊሾ፣ ኢያ ዲጎፊቴ» ያጊሰ።

ሳማሪ ኣሳይ ዩሱሳ ኢዲደሶና

51 ዩሱሲ ሳሎ ቢያ ዎዴይ ማታቲዳ ጊሾ ዩሩሳላሚ ባናው ቃንዲዲ ዳንዲሰ።

52 ሳማሪ ቢታን ዳዒያ ኢሲ ጉታ ቢዲ፣ ኡባባ ኢያው ገጊሳና ሜላ ኣሴ ያ ከቲሰ።

53 ሺን ኢ ቤይ ዩሩሳላሚ ጊዲያ ጊሾ ኤንቲ ኢያ ሞኪ ኤኪቦኮና።

54 ዩሱሳ ታማራቲ ያይቆባራኔ ዮሃኒሳራ ሄሳ ቤዒዲ፣ «ጎዳው፣ ሳሎፔ ታሚ ዎጂዲ ኤንታ ዎ ጋና ሚላ ኔ ኮያይ» ያጊደሶና።

55 ሺን ዩሱሲ ጉዬ ሰሚ ኤንታ ሃንቁቲዲ፣ «ሂንቴ ጋርሳን ኣይቤ ኣያኒ ዳዒያኮ ሂንቴ ኤሬኬታ። ኣሳ ናዓይ ኣሴ ኣሻናው ዪሲፔ ኣቲን ቆይሳናሳ ጊደና» ያጊሰ።

56 ያፔ ዳንዲዲ ሃራ ጉታ ቢደሶና።

ዩሱሳ ካሎይ ጨገሲያ ጋቲያ

(ማቶ 8:19-22)

57 ኤንቲ ኦጊያራ ቢሺን፣ ኢሲ ኣሲ፣ «ኔ ቢያሶ ኡባ ታ ካላና» ያጊሰ።

58 ዩሱሲ ዛሪዲ፣ «ዎርካናታሰ ኦሊ፣ ሳሎ ካፎታሰ ኬሌ ዳዒሰ፣ ሺን ኣሳ ናዓይ ባ ሁዒያ ሽምፕሲያሶይ ባዎ» ያጊሰ።

59 ሃንኩዋኮ፣ «ኔኒ ታና ካላ» ያጊሰ። ሺን ኡራይ፣ «ጎዳው፣ ኮይርታዳ ታ ኣዎ ሞጋዳ ያና» ያጊሰ።

60 ሺን ዩሱሲ፣ «ሃይቁዳይሳቲ ሃይቁዳይሳታ ሞጋና ሜላ ኤንታው ኣጋጋ፤ ኔኒ ባዳ ያሳ ካዎቴላ ሳባካ» ያጊሰ።

61 ቃሲ ሃራ ኣሲ፣ «ጎዳው፣ ታ ኔና ካላና፣ ሺን ኮይርታዳ ታ ሶ ኣሳ ሳርላዳ ያና» ያጊሰ።

62 ዩሱሲ ዛሪዲ፣ «ኮዳ ኦይኪዲ ጉዬ ያሊያ ኦኒካ ያሳ ካዎቴላሰ ቤሰና» ያጊሰ።

# 10

ዩሱሲ ላፑን ታማኔ ናሞዑ ታማራታ ከቲሰ

1 ሃሳፌ ገዬ፥ ጎዳይ ሃራ ላፑን ታማኔ ናምዑ \* አሳታ ደሪሰ። ኢ ባናው ቆፒዳ ካታማኔ ጉታ ኡባ ሰንሳተዲ ባናዳ ናምዓ ናምዓ ኦሴዲ ከቲሰ።

2 ዬሱሲ ኤንታኮ። «ሂኮ ሺቃና ካላይ ዳሮ ሺን ኦሳንቸቲ ጉላ። ያኒያ ጊሾ። ካላ ጎዳይ ኦሳንቸታ ከታና ሜላ ዋሲቲ።

3 ሂዛ። ቤቲ። ደርሳታዳ ሱቋሜታ ጊደ ሂንቴና ታኒ ዬዳና።  
4 ሂንቴ ቤያ ኦሊያሰ ኣይኮካ ኣይኮፊቴ። ሚሼ ጊዲን ካሊ ጊዲን ጫማ ኣይኮፊቴ። ኦኔ ቦላ ኦናካ ሳርሶፊቴ።

5 ሂንቴ ጌሊያ ከላ ኡባ ኮይርቲዲ። ሳርይ ሃ ከላሰ ጊደ» ያገቲ።  
6 ሳር ደሲያ ኣሲ ሂ ቤሳን ዴዲኮ። ሂንቴ ሳርይ ያን ሺምፓና፤ ኢሳሰ ገኮ ሂንቴ ሳርይ ሂንቴው ሲማና።

7 ኦሳንቸሰ ዳሞዜ ቤሲያ ጊሾ ሂንቴ ጌሊዳ ከላን ሂንቴው ሺሺዳባ ኡባ ሚሼኔ ኡዪሼ ያን ጋምዲቲ። ኢሱዋ ሶፔ ኢሱዋ ሶ ዩፕፕቴ።

8 ኣይ ካታማካ ሂንቴ ጌሊያ ዋዴ ኣሳይ ሂንቴና ሞኪዲ። ሂንቴው ሺሺዳባ ኡባ ሚቲ።  
9 ሄ ካታማን ዴዲያ ሃርጋንቸታ ፓሊሼ። ሮሳ ካዋቴላይ ሂንቴኮ ማቲሰ» ያገዲ ኦዲቲ።

10 ሺን ኢሲ ካታማ ጌሊያ ዋዴ ኣሳይ ሂንቴና ሞኮና ኢዳኮ ዳባባ ከዪዲ ሃይሳዳ ገቲ።  
11 ሳ ቶ ቶሁዋ ቦላ ዴዲያ ሂንቴ ካታማ ባና ፒቶሰ። ሺን ያሳ ካዋቴላይ ሂንቴኮ ማታቲዳይሳ ኤሪቴ።

12 ፐርዳ ጋላሳን ሃ ካታማፕ ሶዶሜ ካታማሰ ፐርዳይ ካወሼ ጊዳናይሳ ታ ሂንቴው ኦዳይሰ» ያገሰ።

አማናና ጊሾ ቦሬቲዳ ካታማታ

(ማቶ 11:20-24)

13 ካሊዲካ። ዩሱሲ። «ኔሮ ኮራዚኔ። ኔሮ ቤቴሳይዳ። ኣዬ። ሂንቴናን ኦሲቲዳ ማላታቲ ዪሮሳኒኔ ሲደናን ኦሲቲዳኮ ያን ዴዲያ ኣሳይ ካሌ ማዲዲ። ቢዲንሳ ቦላ ኡቲዲ ቤኒ ማርታን ጌሊ ኣጋናሺን።

14 ሃሳ ጊሾ። ሂንቴፌ ኣሊዲ ዪርሳሲኔ ሲደናሰ ያሳ ፐርዳይ ካወያና።  
15 ኔካ ቁሬርናሆሜ። ሳሎ ጋካናው ኔና ቋቁ ኦላናው ኮያይ? ኔ ዲኔ ሲያሌ ሆሊታና» ያገሰ።

16 ቃሲካ ዩሱሲ ባ ታማሬታኮ። «ሂንቴና ሲዔይ ታና ሲዔሰ። ሂንቴና ኤኮናይ ታና ኤከና። ታና ኤኮናይ ታና ከቲዳይሳ ኤከና» ያገሰ።

ላፑን ታማኔ ናምዓቲ ሲሚደሶና

17 ላፑን ታማኔ ናምዑ ታማሬቲ ከቲቲዳ ቤሳፌ ከሂ ኡፋይቲሼ ሲሚደሶና። ዩሱሳኮ ሺቁዲ። «ጎዳው። ኔ ሱንሳን ቲና ኣያናቲካ ኦሰ ከቲቲደሶና» ያገደሶና።

18 ዩሱሲ ኤንታኮ። «ፃላሄይ ሳሎፕ ዋልጎንሳዳ ዋዲሺን ታ ቤዓሰ።  
19 ሂኮ። ሾሻኔ ኮርኔ ዬቆና ሜላኔ ሞርኪያ ዋልቃ ዛራና ሜላ ማታ ሂንቴው ኣሚሰ። ሂንቴና ቆሃናባይ ኣይኮይካ ዴና።

20 ጊደሺን። ሂንቴ ሱንሳይ ሳሎ ማዘጋባን ፃፊቲዳ ጊሾ ኡፋይቲቲቴ ኣቲን ቲና ኣያናቲ ከቲቲዳ ጊሾ ኡፋይቶፊቴ» ያገሰ።

ዩሱሲ ባ ኡፋይሳ ቆንጩሲሰ

(ማቶ 11:25-27፤ 13:16-17)

21 ሄ ዋዴ ዩሱሲ ገሻ ኣያናን ኡፋይቲዲ። «ሳሎዋ ሳባ ጎዳው። ሃይሳ ጨንጫታፕቴ ኤሪንቸታፕቴ ገንሳዳ ያላጋታሰ ቆንጩሲዳ ጊሾ ጋላቲታ። ኤ ታ ኣዋው። ሃሳ ኔ ኦላናው ሎዎ ሺኔ ጊዲሲ።

22 «ኡባባይ ታ ኣዋፕ ታው ኣሜቲሰ። ናዓይ ኦኔኮ ኣዋፕ ኣቲን ሃሪ ዋይኮ ናዓይ ቆንጩሳናው ኮዬይሳፌ ሃሪ ኦኒካ ኣዋ ኤሬይ ባዋ» ያገሰ።

23 ካሊዲካ። ዩሱሲ ዴማ ባ ታማሬታኮ። «ሂንቴ ቤዔይሳ ቤዔይሳቲ ኣንጃቲዳይሳታ።  
24 ቲማ ዳር ናቤቲኔ ካዋፕ ሂንቴ ቤዔይሳኒ ሲዔይሳ ቤዓናወኔ ሲዓናው ኣሞቲደሶና። ሺን ቤዒሶኮና። ሲዒሶኮና» ያገሰ።

ቲማ ሲቆ

\* 10:1 ላፑን ታማኔ ናምዑ። ኢሲ ኢሲ ማፃፋቲ ላፑን ታማ ጎሶና፤ ቃሲ ፓይደ 17 ያላ። 10:2 ማቶ 9:37-38 10:3 ማቶ 10:16 10:4 ማቶ 10:7-14፤ ማር 6:8-11፤ ሉቃ 9:3-5 10:7 14ሮ 9:14፤ 19ሞ 5:8 10:10 ሃ.ኦ 13:51 10:11 ማቶ 10:7-14፤ ማር 6:8-11፤ ሉቃ 9:3-5 10:12 ሜዲ 19:24-28፤ ማቶ 10:15፤ 11:24 10:13 ኢሳ 23:1-18፤ ሂዘ 26:1-21፤ ኢዩ 3:4-8፤ ኣዋ 1:9-10፤ ዛካ 9:2-4 10:15 ኢሳ 14:13-15 10:16 ማቶ 10:40፤ ማር 9:37፤ ሉቃ 9:48፤ ዮሃ 13:20 10:19 ማዘ 19:13 10:22 ዮሃ 3:35፤ 10:15

- 25 ሄኮ፡ ኢሲ ጋላስ ሙሴ ዋጋ ኡሪያ ኢሲ ኡራይ ዳንዲዲ ዩሱሳ ያጊዲ ፓጩኦ ኦይሾ ኦይቸሰ። «አስታማሪያው፡ ሚሪና ደዑዋ ላታናው ታኒ አይ ኦላ?» ያጊሰ።
- 26 ዩሱሰ፡ «ሙሴ ማፃፋን ፃፊተዳይ ዋይጊ? ኔ ዋታ ናባባይ?» ያጊሰ።
- 27 አዳይ ዛሪዲ፡ « ኔ ጎዳ ኔ ሦሳ፡ ኔ ኩሚላ ዋዛና፤ ኔ ኩሚላ ሸምፑዋፊ፡ ኔ ኩሚላ ዋልቃፊ ኔ ኩሚላ ቆፋፔ ደሳ። ቃሲ አሴ ኔ ሾሩዋ ኔ ሁሲያዳ ደሳ» ያጊሰ።
- 28 ዩሱሰ አያኮ፡ «ኔኒ ሊኬ ዛሪዳሳ፡ ኔካ ሂሳዳ ኦላ። ኔኒ ሚሪናው ደፀን ዳና» ያጊሰ።
- 29 ሺን ኡራይ ባና ጂሎ ኦላናው ኮዩዲ፡ «ሃሩሰ ኢ ታ ሾርይ ኦኔ?» ያጊሰ።
- 30 ኢያ ኦይቸሰ ዩሱሰ ያጊዲ ዛር አሚሰ፡ «ኢሲ አሴ ዳዔይሲ ዩሩሳላሚ ካታማፕ ዲጊ ኢያርኮ ካታማ ቢሺን ኦኔ ቦላ ፓንጋቲ ኩዩዲ ሾጩሶና። ኢያ ማዑዋ ቃሪ ኤኪዲ ሃይቆፔኔ ፓፃፕ ጊደን ዩጊዲ ቢደሶና።
- 31 ጉዩፕ፡ አይሁዳ ካሂኔ ኢሶይ ሄ ኦጊያራ ባ ቡሱ ቢሼ ኡራ ቤዒዲ ደሺ ጊዲ አፏሰ።
- 32 ቃሲ ኢሲ ለዩ ዳዔይሲ ሄ ቤሳ ጋኪሼ ኡራ ቤዒዲ ሃራሱራ አፏዲ ቢሰ።
- 33 ሺን፡ ኢሲ ሳማሪ ቢታ አሴ ዳዔይሲ ሄ ኦጊያራ ዩሼ ኡራ ቤዒዲ ኢያው ቃጂተሰ
- 34 ኢያኮ ሸቁዲ፡ ኢያ ማዲንላ ቦላ ዛይቴኔ ዋይኔ ቲጊዲ ቃቸሰ። ባ ሃሪያ ቦላ ኡተሲዲ አማሌ አቂያ ከሌ ኡፊሰ። ሄ ቤሳን ኢያው ኮሺያባ ኡባ ኦሊሰ።
- 35 ዋፕቴሌ ናምዑ ዲናሪ ከሲዲ አማላ ከላዋሰ አሚዲ፡ ሃያና ሃ ኡራ ሎይላ ፃላ። ታኒ ኔው አሚዳይሳፊ ቦላራ ኔ ከሲያባ ኡባ ታ ኔው ጨጋና ያጊሰ።
- 36 «ሂዛ፡ ሃ ሄሹ አሳታፕ ፓንጋቲ ሾጩዳ ኡራሰ ሾርቴይ ኔው ኦና ዳኒ?»
- 37 ኡራይ ዛሪዲ፡ «ኢያው ቃጂተዳይሳካ» ያጊሰ።
- ዩሱሰ፡ «ኔካ ባዳ ሄሳዳ ኦላ» ያጊሰ።

**ዩሱሰ ማርታኔ ማይራሚ ሶን**

- 38 ዩሱሰ ባ ታማሪታራ ኦኔ ቢሼ ኢሲ ጉታ ጋኪሰ። ያን ማርታ ጌቴቴያ ኢሲ ማጫሲያ ኢያ ባ ሶን ዋካሰ።
- 39 አዉካ ማይራሚ ጊያ ሚቹያ ዳዓዉሰ፡ ማይራሚ ቃላ ሲባሺ ጎዳ ቶሁዋ ማታን ኡታሰ።
- 40 ሺን ማርታ ዳር ኦሳን ኡባዔታዳ ዩሱሳኮ ሺቃዳ፡ «ጎዳው፡ ታ ሚቹያ ኦሱዋ ታ ፃላላሰ ዩጋዳ ኡታ አኒን ታ ዳቡሪያ ዋይ ኔኒ ቤባሺ ሲባ ሺቃዳ? ኢያ ታና ማዳና ሚላ ኡዲኪ» ያጋሰ።
- 41 ሺን ጎዳይ ሃይሳዳ ጊዲ ዛሪሰ፡ «ማርታ፡ ማርታ፡ ኔኒ ዳርባን ኡንዔታሳኔ ሚቶታሳ።
- 42 ጊደሺን፡ ኮዩቴይ ኢሲ ባ ፃላላ። ማይራሚ ሎዖባ ደራሰ፡ ሄሲካ ኢፔ ኤኬቴና» ያጊሰ።

# 11

**ዩሱሰ ዋሳባ ታማርሲስ**  
(ማቶ 6:9-13፤ 7:7-11)

- 1 ኢሲ ጋላስ ዩሱሰ ኢሲ ቤሳን ዋሰሰ። ዋሳ ዉርሲዳ ዋይ ኢያ ታማሪታፕ ኢሶይ፡ «ጎዳው፡ ዮሃኒሲ ባ ታማሪታ ዋሳ ታማርሲዳ ሚላ ኔካ ኦና ዋሳ ታማርሳ» ያጊሰ።
- 2 ዩሱሰ፡ «ሃይሳዳ ያጊዲ ዋሰቴ፡ ሳላዋን ዳዒያ ኦኔ አዋው ኔ ገሻ ሱንሳይ አንጃቶ፤ ኔ ካዋቴላይ ዮ።
- 3 ኦ ጋላሳ ካላ ሃቸ ሃቸ ኮሰ አማ።
- 4 ኦና ቆሄይሳታ ኦኒ አቶ ጌይሳዳ፡ ኦ ናጋራ አቶ ጋ፤ ፓጩን ኦና ጌልሶላ» ያጊሰ።
- 5 ካሊዳካ፡ ዩሱሰ ባ ታማሪታኮ ያጊሰ፡ «ለሚሶስ ሂንቴፊ ኢሱዋሰ ላጌይ ዳዔሰ። ኢ ጊዲ ቢላሄ ባ ላጊያ ሶ ቢዲ፡ ሩታ ላጊያው፡ ሄሹ ሶሎ ታው ታልባርከ።
- 6 ታው ላጌ ጊዲዳ ኢሲ አሲ ኦኔፕ ዩን፡ ኢያው አሊያባ ፏያሰ» ያጊሰ።
- 7 «ኢያ ላጌይ ከላ ጊደን ጊዲዲ፡ ሃያና ታና ዋይሶፓ፡ ዉላይ ጎርዴቴሰ። ታ ናይቴካ ታራ አርሳ ቦላ ዘንባደሶና። ያጊያ ጊሾ፡ ዳንዳዳ ኔ ኮያባ አማናው ዳንዳዲኪ» ያጊሰ።
- 8 ታ ሂንቴው ኦዳይሰ፤ ላጌቴላ ጊሾ ዳንዲዲ አማናው ኮዮና ኢደካካ ዋሳን ሳሌዳ ጊሾ ዳንዲዲ ኮሺያባ ኡባ አሚሰ።
- 9 «ሄሳ ጊሾ፡ ታኒ ሂንቴው ኦዳይሰ፤ ዋሰቴ ሂንቴው አሚታና፤ ኮዩቴ ሂንቴ ዳማና፤ ካሬ ዩዲ ያጊቴ ሂንቴው ደዩታና።

10 ጋሶይካ ዋሲያ ኡባይ ኤከሰ፤ ኮዬይ ዳሜሰ፤ ካሬ ዪዲ ዪጌይሳሰ ደዬቴሰ።

11 «ሃንቴና፣ አዋቶ ሃንቴ ጊደፊ ናዲ ኡይሌ ዋሲን ሹቹ አሜይ ኦኔ? ሞሎ ዋሲን ሹሺ አሜይ ኦኔ?

12 ዋይኮ ጸጸሌ ዋሲኮ ኮርኔ አሚ?

13 ሃንቴ ኢታታ ጊደሼ ሃንቴ ናይታሰ ሎዎባ አሞ ኤሪኮ፣ ሳሎን ዳዲያ ሃንቴ አዋይ ዋሲይሳታሰ ገሻ አያና ዋቲ አሌ አሜኔ?» ያገሰ።

**ዬሱሳኔ ቢዔልዜቡላ**

14 ኢሲ ጋላሰ ዬሱሲ ዶና ሙሚሲዳ ቱና አያና ኢሲ ኡሪፕ ኬሲሰ። ቱና አያናይ ኬዬዳ ሚላ ሙሚ ኡሪይ ኦዳቲሰ። አሳይካ ማላላቲሰ።

15 ሺን ኢሶቲ ኢሶቲ፣ «ቱና አያና ሃላቃ፣ ቢዔልዜቡላ ዋልቃን ቱና አያናታ ኬሲሰ» ያገደሶና።

16 ሃራቲ ቃሲ ፓጩሰ ሳሎፕ ማላ ቤሳና ሚላ ኮዬደሶና።

17 ሺን ዬሱሲ ኢንታ ቆፋ ኡሪዲ ኢንታኮ፣ «ዋሊ ጊደን ሻኬቲያ ካዎቴሌ ኡባይ ቆይሰ፤ ዋሊ ጊደን ሻኬቲያ ከሌ ኮንዳሰ።

18 ዓላሂይ ዋሊ ጊደን ሻኬቲኮ ኢያ ካዎቴላይ ዋኒዲ ሚኒዲ ኤቃኔ? ሃንቴ ታና፣ ሳሊ ቱና አያናታ ቢዔልዜቡላ ዋልቃን ኬሲሰ» ያገታ።

19 ሂዛ፣ ታኒ ቱና አያና ቢዔልዜቡላ ዋልቃን ኬሲያባ ጊዲኮ ሃንቴ ናይቲ ኦዳ ዋልቃን ኬሶናሻ? ሃሳ ገሹ፣ ኤንቴ ሃንቴ ቦላ ፐርዳይሳታ ጊዳና።

20 ሺን ታኒ ቱና አያናታ ያሳ ቢሪዴን ኬሲያባ ጊዲኮ ሂዛ ያሳ ካዎቴላይ ሃንቴኮ ማቲዳይሳ ኤሪቴ።

21 «ሚኖ አሲ ዳንጨቴዲ ባ ከላ ናገያባ ጊዲኮ፣ ኢያ ሻሎይ ቦሹቴና።

22 ሃናሽን፣ ኢያፕ ኣጂ ሚኖ ጊዲዳ አሲ ዪዲ፣ ኢያ ቆሂዲ ያኒኮ አማኔቲዲ ዳንጨዳ ዳንጨዋ ቢሊሲዲ፣ ኢያ ሻሎዋ ቦንቁዲ ሃራሰ ሻኬሰ።

23 «ታራ ጊደናይሲ ታና ኢዳሰ፤ ታራ ሺሻናይሲካ ላላሰ።

24 «ቱና አያናይ አሳፕ ኬዬዳ ዋዴ ሸምፕፕሶ ኮዬዲ ሃሌ ባይናሶራ ዩዬሰ። ሸምፕፕሶ ቆዬዳ ዋዴ ህታ ኬዬዳሱዋ ሲማና» ያገሰ።

25 ኢ ሲሚያ ዋዴ ከላይ ፐቴቲዲ ሎዲዲ ዳዲሺን ዳሚሰ።

26 ሃሳፊ ጉዬ፣ ቢዲ ኢያፕ ኣጂዲ ኢቲዳ ሃራ ላፑን ቱና አያናታ ኤከዲ ዩሰ። ኢያን ጌሊዲ ዲሱ ኦይኬሰ። ሄ ኡሪሰ ኮይሮይሳፊ ጉዬይሲ ኣጂዲ ኢታ ጊደሰ» ያገሰ።

27 ዬሱሲ ሃሳ ኦዳ ቦላ ዳዲሺን ኢሲ ማጫሲ አሳ ጋላፊ ዳንዳዳ፣ ባ ቃላ ቶቁ ኦላዳ፣ «ኔና ቶከዳ ኡሎይኔ ኔኒ ቆሚዳ ቆንላቲ ኣንጃቲደሶና» ያጋሱ።

28 ሺን ኢ፣ «ኣንጃቲዳይሳቲ ያሳ ቃላ ሲዲ ከቴቲይሳታ» ያገሰ።

**ዮናሳ ማላ**

29 ዳር አሳይ ሸቁዳ ዋዴ ዬሱሲ፣ «ሃ ዬሌቴላይ ኢታ፤ ኦራሳ ማላ ኮዬሰ። ሺን ዮናሳ ማላታፕ አቲን ሃሪ ኢንታው አሜቴና።

30 ዮናሲ ናናዋ አሳሰ ማላ ጊዲዳ ሚላ አሳ ናባይካ ሃ ዬሌቴላሰ ማላ ጊዳና።

31 ዳጌሃ ካዊያ ፐርዳ ጋላሰ ሃ ዬሌቴላራ ዳንዳዳ ፐርዳና። ጋሶይካ፣ ኢያ ሶሎሞኔ ጨንጫቴላ ሲዳናው ቢታ ጋፃፕ ዳንዳዳ ያሰ። ሂኮ ሶሎሞኔፕ ኣጂይሲ ሃይሳን ዳዬሰ

32 ናናዋ አሳቲ ፐርዳ ጋላሰ ሃ ዬሌቴላራ ዳንዳዳ ኢንታ ቦላ ፐርዳና። ጋሶይካ ዮናሳ ሲብካቲያን ማርታ ጌሊደሶና። ሂኮ፣ ዮናሳፕ ኣጂይ ሃይሳን ዳዬሰ» ያገሰ።

**አሳቴላ ፖፖ**

33 «ፖምፕ ፖምፕሬ ቆሳ ቤሳን ዋይኮ ኦቶ ጊደን ዋሊያ አሲ ዳና። አሲ ፖዑዋ ቤዳና ሚላ ቆቃ ቤሳን ዋሌሰ።

34 ኔ አሳቴላሰ ፖፖይ ኔ ኣይፊያ። ኔ ኣይፊይ ሎፖ ጊዲኮ፣ ኔ ኩሚላ አሳቴላይ ፖዬሰ። ኔና ኣይፊይ ሳኪኮ ኔ አሳቴላይ ኡባይ ቆሚሰ።

35 ሃሳ ገሹ፣ ኔ ጋርሳን ዳዲያ ፖፖይ ቆሞና ሚላ ናጌታ።

36 ሂዛ፣ ኔ ኩሚላ አሳቴላይ ፖፖ ጊዲኮ፣ ኔ አሳቴላንካ ሃሪ ቆሚ ቤሲ ቆዩኮ፣ ኔ አሳቴላ ኩሚላይ ዋሊሌ ፖፖ ሚላ ጊደሰ» ያገሰ።

**ኡሱፑን ኣዬታ**

(ማቶ 23:1-36፤ ማር 12:38-40)

- 37 ዩሱፊ ባ ኦዲ እንገዳ ማላ ኢሲ ፋሪሳዊይ ባራ ካሌ ማና ማላ ያገለገለ። ኢ ኢያራ ኢሲፊ ጌሊዲ ገቢራ ቦላ ኦተሰ።
- 38 ፋሪሳዊይ ዩሱፊ ካሌ ማና፤ ሲንሌ ኩሼ ማጮናይሳ በዒዲ ማላሉተሰ።
- 39 ጎዳይ ኢያኮ። «ሂንቴ ፋሪሳዊቴ ቁሊያኔ ሻቴያ ቦላ ባጋ ማጮኛ። ሺን ሂንቴ ጋላይ ኦዲቴላኔ ኢታቴላን ኩሚሰ።
- 40 ሂንቴና፣ ኤያቶ፣ ካራ ባጋ ማጲዲይሲ ጋላ ማጲዲይ ኢያ ገደኔይ?»
- 41 ሺን ቁሊያኔ ኻቴያን ዳዒይሳ ማንቆታሰ አሚቴ። ሂ ዋይ ሂንቴው ኡባባይ ጌሺ ገዳና።
- 42 «ፋሪሳዊቶ ሂንቴና አይ፣ ሳዋ፤ ፃሎቴ፤ ሂሳ ማላባ፤ አሰራታ ኬሴታ። ሺን ያሎቴሌኔ ያሳ ደሶይ ሂንቴናን ባዋ። ሃራታ አገና ሃይሳታካ ኦላናው በሴሰ። ሺን አገዳታ።
- 43 «ፋሪሳዊቶ ሂንቴና አይ፣ አይሁዳ ዋሳ ኬላን ቦንቾ ኦይይ፣ ገያ ገደን ቦንቾ ሳሮላ ደሴታ።
- 44 «ማላይ ጳዩን አሳይ ኤሮና ቦላራ ቢያ ዱፎ ዳኔይሳቶ ሂንቴና አይ» ያገለገለ።
- 45 ሂንቴ አስታማሬይ ዛራዲ፣ «አስታማሬይ፣ ኔ ሂሳ ጋሼ ኦና ጫያሳ» ያገለገለ።
- 46 ዩሱፊ፣ «ሂንቴና፣ ሂንቴ አስታማሬቶ፣ ሂንቴናካ አይ፣ አሳይ ቶካናው ዳንዳይና ዳያ ቶሆ ቶሴታ፣ ሺን ሂንቴ ሂንቴ ሁዕሰ ሃራ አቶሺን ቢራዴ ያራንካ ቦቼኪታ።
- 47 «ሂንቴ አዋቴ ዋጲዳ ናቤታ ዱፋዋ ሂንቴ ገረሲያ ገሾ ሂንቴና አይ።
- 48 ሂሳ፣ ሂንቴ አዋታ ኦሰዋ ማንሳናው ኤንቴ ዋጲዳ ናቤታ ዱፋዋ ሂንቴ ሎይላያ ገሾ ኤንታ ኢታ ኦሰዋሰ ሂንቴ ማርካ።
- 49 ሂሳ ገሾ፣ ያሳይ ባ ጨንጫቴላን፣ «ናቤታኔ ሃዋሬታ ታ ሂንቴው ከታና፣ ሺን ሂንቴ ባጋታ ዋጲና፣ ሃራታ ጎዳና» ያገለገለ።
- 50 ሂሳ ገሾ፣ ሃ ዩሎቴላይ አሳሚይ ማጲቶሳ፤ ሃና ጋካናው ጉኪዳ ናቤታ ኡባ ሱላሰ ኦይሼታና።
- 51 አቤላ፤ ደሚዲ ያሮሾ በሳሲኔ ያሳ ኬላፊ ገደዋን ጉኪዳ ዛካሪያሳ ሱላ ገሾ ሃ ዩሎቴላይ ኦይሼታና።
- 52 «ሂንቴ አስታማሬቶ፣ ሂንቴና አይ፣ ኤራቴላ ቁልፊያ ሂንቴ ኩሼን ኦይኪዳታ፣ ሺን ሂንቴው ጌሌኪታ ሃራታካ ጌልሴኪታ።» ያገለገለ።
- 53 ዩሱፊ ያፔ ሳናው ኬያ ዋይ ሂንቴ አስታማሬቴኔ ፋሪሳዊቴ ኢያራ ኤቁቴዲ ኦይሾን ዋይሶሶና።
- 54 ኢያ ደፔ፤ ኬያ ቃላን ኢያ ኦይካናው ኮዩዲ ሂሳ ኦላደሶና።

## 12

### አያና ማንሴሶ

(ማቶ 10:26-27)

- 1 ሃ ዋይ ዳሮ ሙኩሎን ታይቤቴያ አሳይ ዋሊ ቦላ ዩዲታና ጋካናው አሲ አሳ ቦላ ሸቂዲ ዳዒሺን፣ ዩሱፊ ባ ታማሬታኮ፣ «ፋሪሳዊታ ኢርሹዋሬ ናገቴቴ። ሂሲካ ኤንታ ጨቦቴላ።
- 2 ቆንጮና ቆሴተዲ፣ ኤራቶና ገሚዲ አቴያባይ አይኮይካ ባዋ።
- 3 ሂሳ፣ ሂንቴ ቆማን ኦዲዳባይ ኡባይ ፖጎን ሲዳታና፣ ቆልሳ ጋላን ካልካሺዳባይ ዳባባን ኦዳታና።
- 4 «ታ ባጋቶ፣ ታ ኦይይሳ ሲዳቴ፤ አሽዋ ዋጲሶና፤ አቴን ሃራ አይኮካ ኦላናው ዳንዳይናይሳታሰ ባቦሬቴ።
- 5 ሃናሺን፣ ሂንቴ ባባናው በሴይሳ ታ ሂንቴው ቆንጨሳና። ሂሲካ ዋጲዳ፤ ጉዬ ጋናማን ዩጋናው ዋልቃይ ዳዒይሳሰ ኢያው ባቤቴ። ኤ፣ ቴማ ጋይሰ፤ ኢያው ባቤቴ።
- 6 ኢቻሹ ቡቤቴ ኢሲ ሳንቴሚሰ ባይዙቶኮናዬ? ሃና፤ አቴን ኤንታፊ ኢሲናካ ያሳ ሲንላን ደገቴኩ።
- 7 ሃራ አቶሺን፣ ሂንቴ ሁዕ በናናይካ ፓይዳቴዲ ዳዒሰ። ሂሳ፣ ባቦሬቴ፤ ዳሮ ቡቤታ፤ ሂንቴ አዴታ።
- 8 «ታ ኦይይሳ ሲዳቴ፤ አሳ ሲንላን ታው ማርካቴያ ኡባሰ አሳ ናዒይ ያሳ ከታንቾታ ሲንላን ማርካታና።
- 9 አሳ ሲንላን ታና ካዳይሳሰ ያሳ ከታንቾታ ሲንላን ታ ኢያ ካዳና።
- 10 አሳ ናዒ ቦላ ካዴ ቃላ ሃሳያ ኡባይ ማርታ ዳማና፣ ሺን ገሻ አያና ቦላ ካዴ ቃላ ኦይቴይሲ ማሬቴና።
- 11 «አሲ ሂንቴና ኦይኪዲ አይሁዳ ዋሳ ኬላን፣ ዳይናታ ሲንላኔ ካዋታ ሲንላን ጎሹቺያ ዋይ አይ ኦይኔኮኔ ዋይገ ዛራኔኮ ሂርጎሬቴ።
- 12 ሃ ዋይ ሂንቴ ኦዳናባ ገሻ አያናይ ሂንቴና ታማርሳና» ያገለገለ።

ዱሬ ኡራ ኢያቴሳ

13 እሳ ጊደሬ ኢሲ እሲ ዩሱሳኮ ዩዲ፥ «ታ አሻይ ታው ኑ አዋ ላታፔ ሻካና ሜላ ኢያው ኦዳ» ያጊሰ።

14 ዩሱሲ ዛሪዲ፥ «ላ አዲያው፥ ሂንቴ ቦላ ታና ዳይናኔ ላታ ሻኪያ ጨማ ኦሊዳይ ኦኔ?» ያጊሰ።

15 ቃሲካ ዩሱሲ፥ «እሳ ዳይይ ሻሎ ዳርቴላን ጊደና ጊሾ ያሬ አጊዲ ሚንሊዲ ሂንቴና ናጊቴ» ያጊሰ።

16 ካሊዲካ ለሚሶን፥ «ጋዴይ ዳር ካሳ አሚያ ኢሲ ዱሬ ኡራይ ዴዔስ።

17 ሄ ኡራይ፥ ታ ካሳ ታጊ ሺሻናው ቤሲ ጉዲዳ ጊሾ አይ ኦሎ?» ያጊዲ ባ ዋዛናን ቆጥሰ።

18 ሂዛፔ ያታና፤ ካሴ ዴዔያ ሻሌታ ላላዳ ሃራ ዳልጋ ሻሌታ ከዮና። ካላኔ ታው ዴዔያባ ኡባ ኢያን ዩጋና።

19 ባ ሽምጥኩ፥ ታ ሽምጥቴ፥ ዳር ላይላሰ ኔው ጊዲያ ሻሎ ሺሻሰ። ሂዛ፥ ሽምጥዳ ማ፥ ኡያ፥ ኡፋይታን ያጋና።

20 «ሺን ያሳይ፥ ላ፥ ኤያ አዲያው፥ ሃቸ ቃማ ኔ ሽምጥያ ኔፔ ኤኪታወሱ። ሂዛ፥ ኔ ሺሺዳባይ ኦዲሰ ጊዳኔ?» ያጊሰ።

21 «ሄሳ ጊሾ፥ ባው ዱሬቴላ ሳዓን ሺሺያ አሳሰ፥ ያሳ ማታን ዱሬ ጊደና አሳሰ ወርሴላይ ሃ ኡራይሳ ሜላ» ያጊሰ።

ኢንዔቶፊቴ

(ማቶ 6:25-34)

22 ሃሳሬ ጉዬ፥ ዩሱሲ ባ ታማሬታኮ፥ «ሂዛ፥ ታ ኡዲያባ ሲዔቴ፥ ሂንቴ ሽምጥቀሰ አይ ሚኖ ሂንቴ ቦላሰ አይ ማዒኖ ያጊዲ ኢንዔቶፊቴ።

23 ሽምጥይ ካላሬ ቦሊ አፊላፔ አይሰ።

24 ካፎታ ቤዒቴ ዜርኮና፥ ኪሾኮና፥ ኤሌይካ ሻሌይካ ባዋ። ሺን ያሳይ ኤንታና ሙዚሰ። ሂንቴ ካፎታፔ ዳር አይታ።

25 ሃናሺን፥ ሂንቴሬ ኢንዔቴዲ ባ ላይላ ቦላ ኢሲ ቃማ ጉጃናው ዳንዳዔይ ኦኔ?

26 ሂዛ፥ ሃ ጉሳባ ኦላናው ዳንዳዮና ሂንቴ ሃራባሰ አይሰ ኢንዔቴቴ?

27 ኦኔ ጨሻቴ ዋጊዲ ዲጨያኮ ቤዒቴ። ዋዮኮናኔ ሱቆኮና፥ ሃሪ አቶሺን፥ ሶሎሜይ ባ ዴዔያ ቦንሻ ኡባን ኢንታሬ ኢሱዋ ሚላካ ማዒቤና።

28 ሂንቴና፥ አማኖይ ፓጨዲዳሳቶ፥ ሂዛ፥ ያሳይ ሃቸ ቤንቴዲ ዋንቶ ታማን ዩኔታና ጨሻታ ሃይሳዳ ማይዚኮ፥ ሂንቴና ዋቴ አሉ ማይዘኔ?

29 ሃሳ ጊሾ፥ አይ ሚኖ ዋይኮ አይ ኡዩኖ ጊዲ ኢንዔቶፊቴ።

30 ሄ ኡባሰ ያሳ አማኖና አሳቴ ኢንዔቶሶና። ሺን ሂንቴ አዋይ ያሳይ ሄሲ ኡባይ ሂንቴው ኮሼይሳ ኡሬሰ።

31 ኡባሬ አሉዲ ያሳ ካዋቴላ ኮዩቴ ሄሲ ኡባይ ሂንቴው ጉጂ አሚታና።

32 «ሂንቴና፥ ጉላ ዴሬቶ፥ ያዮፊቴ፤ ሂንቴ አዋ ያሳይ ካዋቴላ ሂንቴው አማናው ኡፋይቴሰ።

33 ሂንቴው ዴዔያባ ባይዚዲ ማንቆታሰ አሚቴ። ካይሶይ ኤኮናሶን፥ ቢሊ ዋናሶን፥ ጨዋና ካርዲታን፥ ወርና ሻሉዋ ሳሉዋን ሺሺቴ።

34 ሂንቴ ዋዛናይ ሂንቴ ሻሎይ ዴዔያሱዋን ጊዳና።

ባርኪዲ ናን

35 «ቃንላን ዳንጨዲ ጊጌቴ፤ ሂንቴ ያምፔይ ፖዒዳይሳ ጊደ።

36 ባንታ ጎዳይ ያጋናፔ ሰማና ጋካናው ባርኪዲ ናጌይሳታዳ፥ ጎዳይ ዩዲ ያጊያ ዋዴ ኤሌሲዲ ደያናው ጊጊዳ አሳታ ዳኒቴ።

37 ባንታ ጎዳይ ሰሚያ ዋዴ ጲሰኮና ዴዒሽ ናጌይሳቴ ኢንጃቴዳይሳታ። ቱማ ጋይሰ፤ ጎዳይ ቃንላን ዳንጨዲ ጋይታ ዩሽዋን ኡቴሲዲ ዋኪሰ።

38 ጎዳይ ላዴ ጊዲን ጊዲ ቢላሂ ጊዲን ዋይኮ ዋንቴማሌ ጊዲን ዩዲ፥ ሃሳ ሜላ ጲሰኮና ናጊሺን ዴሚያ ሄ አይሊቴ ኢንጃቴዳይሳታ።

39 ሺን ሃይሳ ኡሬቴ፤ ካይሶይ አወዴ ያኔኮ ከላዋይ ኤሪያኮ ከላይ ቦኪቴያ ዋዴ ሲዒ ጊዲ ቤዒና።

40 ሂንቴካ ጊጊዲ ናጊቴ፤ አሳ ናባይ ሂንቴ ቆፖና ዋዴ ያና» ያጊሰ።

41 ጳዲርሲካ፥ «ጎዳው ሃ ለሚሱዋ ኑ ያላላሰ ኡዳዬ ዋይኮ አሳ ኡባሴ?» ያጊሰ።

42 ጎዳይ ዛሪዲ፥ «ሂዛ፥ ካሳ ሙዛናው ቤሲያ ዋዲያን አማና ሜላ ጎዳይ ባ አይሌታ ቦላ ሹሚዳ አማንሌይሴኔ ዋዛናማ ሃላቃይ ኦኔ?

- 43 ጎዳይ ሲሆን ዋዴ ሄሳ ማላ ኦሊሼ በንጉያ አይሌይ ኢ እንጃቲዳይሳ
- 44 ታ ሂንቲው ቱማ ኦዳይሰ፤ ባ ጎዳሰ ዳዊያ ሻሎ ኡባ ቦላ ኢ ሹሜታና።
- 45 ሽን ሄ አይሌይ፣ ታ ጎዳይ ኤሌ ዩና ያጊዲ ባ ዋዛናን ቆጥዲ፣ ማጫ አይሌታኔ አዳ አይሌታ ዋጃት፣ ቃሲ ባው ኮዪዳ ማላ ማሽኔ ኡዪሹ ማላት።
- 46 ሄ አይሌያ ጎዳይ ኢ ቆግና ጋላሳኒኔ ሄርጎና ዋዴ ያና። ዪዲ ኢያ ቃንጻሬላዲ፣ ኢያ ቃዳ አማኖና አሳታራ ኦላና።
- 47 «ጎዳ ሽኒያዳ ገጎናይሰኔ ኢያ ጎዳይ አይ ደሲያኮ ኤሪሹ ኦላና አይሌይ ዳር ጋራፊታና።
- 48 ሽን ባ ጎዳ ሽኒያ ኤርና አትዲ ጋራፊታናው በሴይሳ ኦሊዳይ ጉሳራ ጋራፊታና። ጋሶይካ ዳር አሜቲዳይሳፊ ዳር ኮዬቲሰ፣ ዳር ሃዳራ ኤኪዳይሳፊካ ዳር አማና ጊዲ ናጌቲሰ።

**ሳርቴላሰ ጊዳናሽን ሻኬቴላሳ**  
(ማቶ 10:34-36)

- 49 «ታኒ ዪዳይ ቢታ ቦላ ታማ ኦይላናሳ። ሃዲ ታማይ አይኪያኮ ታና ዋቲ ኡፋይሳጎይሻ!
- 50 ሃኖሽን፣ ታ ሃዲ ፃማቁቲያ ዊንቃቲይ ዳዊሰ። ኢ ፖሌታና ጋካናው ታ ዳር ኤንዔታይሰ።
- 51 ሳባ ቦላ ሳርቴላ ኤሃናው ዪዳ ሂንቲው ዳኒ? ጊዳና፣ ታ ዪዳይ ሻካናሳ።
- 52 ሃዲፊ ደሚዲ ዋሊ ጊዳን ሻኬቲዳ ኢቻሹ ኬላ አሳቲ ኢሲፊ ዳይሶና። ናምባቲ ሄዘታ ቦላ፣ ሄዘቲካ ናምባታ ቦላ፣ ዳንዲዲ ሻኬቶሶና።
- 53 አዋይ ናባ ቦላ፣ ናባይካ አዋ ቦላ፣ አያ ናዔ ቦላ፣ ናዊያ አዩ ቦላ፣ አዚና አያ ናባ ማቼ ቦላ፣ ናባ ማቼያ አዚና አዩ ቦላ፣ ዳንዲዲ ሻኬታና።»

**ላይላታ ማሎ**  
(ማቶ 16:2-3)

- 54 ቃሲካ አሳኮ፣ «ጩሃ ባጋራ ሳሎይ ሻራቲያ ዋዴ በዔዲ፣ ኤሌሲዲ፣ ሳሊሪ ያና) ያጌታ፣ ሄሳዳካ ሃኔሰ።
- 55 ዲጌሃ ጫርኮይ ጫርኪያ ዋዴ ሳባይ አዋና) ያጌታ፣ ሄሳዳካ ሃኔሰ» ያጌሰ።
- 56 ሂንቲኖ፣ ጨቦቶ፣ ሳሎባኔ ሳባባ ሻኪ ኤሪታሽን ሃ ዋዲያ ሻኪ ኤርይ ሂንቲና ዋኒዲ ያኒዴ?
- 57 «ያቲን፣ ሂንቲ ሁዔሰ አይሰ ቱማ ፐርዳኬቲ?
- 58 ኔ ሞርኪያራ ዋላ ዳይና ሰንላን ኢቃናው ባሹ ኦጌ ቦላ ገጋናው ኮያ። ኔ ገጎና ኢዊኮ ጎሹቺዲ ዳይና ሰንላ ኔና ኤፋና። ዳይናይ ኔና ፖሊሴሰ አላ አማና። ኢ ኔና ዋይኔን ዬጋና።
- 59 ሲዒቲ፣ ኢሲ ባካኒ አቶና ጨጋ ኦንጋና ጋካናው ኔ ያፕ ኬሶናይሳ ኤራ» ያጌሰ።

**13**

**ናጋራፕ ሲሞ**

- 1 ሄ ዋዴ ዩሱሳኮ አሳይ ዪዲ ጸላዖሲ ዋጂዲ ኤንታ ሱላራ ኤንታ ያርሹዋ ዋላኪዳ ጋሊላ አሳባ ኦዲዳ አሳቲ ሄ በሳን ዳይሶና።
- 2 ኢ ሃይሳዳ ያጊዲ ዳሪሰ፤ «ያቲን ሄ ጋሊላ አሳቲ ሄ ኢታ ሃይቆ ሃይቁዳ ጊሾ ጋሊላን ዳዊያ አሳ ኡባፊ አጂዳ ናጋራንሻ ዳናና?
- 3 ጊዳና! ጊዳሽን፣ ሂንቲካ ማርታን ሲሞና ኢዊኮ፣ ኡባይ ሄሳዳ ጃያና።
- 4 ዋይኮ ቃሲ ሳሊሆሜ ጊያ በሳን ገምቤይ ዋዲዲ ዋጂዳ ታማኔ ሆሰቸን አሳይ ዩሩሳላሜን ዳዊያ አሳ ኡባፊ አጂዳ ናጋራንሻ ዳናና?
- 5 ጊዳና! ሽን ሂንቲካ ማርታን ሲሞና ኢዊኮ ኡባይ ሄሳዳ ጃያና።»
- 6 ቃሲካ ዩሱሲ ሃይሳዳ ጊዲ ለሚሶ ኦዲሰ። «ኢሲ ኡራሰ ዋይኔ ጋዴን ቶኬቲዳ ባላሴ ሚሊያ ዳወሰ። ኢ አፕ አይፊ ኮዩ ዪዲ አይኮካ ዳሚቤና።
- 7 ጋዲያ ጎዳይ ዋይኔ ኦሳንቸዋኮ፣ ሳይፊ ዳሚናው ኮያዳ ሄዘ፣ ላይላ ሲሜሬታዳ አይኮካ ዳማቢክ። ሄሳ ጊሾ፣ ቃንፃ ዲጋ፤ አይሰ ቢታ ማላሳይ?» ያጌሰ።
- 8 «ሽን ኦሳንቸይ፣ ሳዳው፣ ኢ ዩሹዋ ኦላዳ ኦሻ ዬጋና ጋካናው ሃ ላይላሰ አጋርኪ።
- 9 ሃ ላይላ አይፊኮ ሎዖ፣ ኢዊኮ ቃንፃ አጋ) » ያጊዲ ዛሪሰ።

**ዘኮ ኩኒዳ ማጫሲያ ፓፃሳ**

- 10 ዩሱሲ ሳምባታ ጋላሰ አይሁዳ ዋሳ ኬላን ታማርሴሰ።
- 11 ሄ በሳን ታማኔ ሆሰቸን ላይላ ቱና አያኒ ዘኮ ኩኒሲዳ ኢሲ ማጫሲያ ዳወሰ። ኢያ ኩናፕ ዳንዶይሳን ሱራ ኤቃናው ዳንዳዑኩ።
- 12 ዩሱሲ ኢያ በዔዳ ዋዴ ጸጊዲ፣ «ሃ ማጫሴቲ፣ ኔ ሄርጊያፊ ፓፃዳሳ» ያጌሰ።
- 13 ባ ኩሺያ ኢ ቦላ ዋላን፣ ኢያ ሰሁዋራ ሱራዳ ኤቃሰ። ያሳካ ጋላታሰ።



14 ሺን አይሁዳ ዋሳ ከላ ሃላቃይ ዩሎቲዲ አሳኮ። «ኦሶ ኦሊያ ኦሶቲን ጋላሳቲ ዴቦሶና። ሃሳ ጊሾ። ሃ ጋላሳቲን ዩዲ ፓዳቲ፤ ኦሶን ሳምባታ ጋላሳ ጊዳና» ያጊሱ።

15 ሳይይ። «ጩቦቶ። ሃንጉጊ ጊደፊ ቦሪ ዎይኮ ሃሪ ሳምባታ ጋላሳ ዛዳሎ፤ ቢሊዲ ሃሌ ኡሻናው ኢፎናይ ኦኒ?»

16 ያጉን። ሃ ማጫሲያ ኦሳሎሃሜ ናባ ጊዳሼ ዓላሃን ቃሼታዳ ታማኔ ሆሰቲን ላይሌ ኩሚሊ ዴዲዳሪሰ ሳምባታ ጋላሳ ቢርሼቲሌ ኮሼኔ?» ያጊዲ ኦይቺሰ።

17 ኢ ሃሳ ኦዲዳ ዎይ ኤቁቲይሳቲ ኡባይ ዩሳቲዶሶና። ሺን አሳ ኡባይ ኢ ኦሊዳ ማላሊሲያ ኦሶ ኡባን ኡፋይቲዶሶና።

18 ሃሳፊ ጉዬ። ዩሱሲ ሃይሳዳ ያጊሰ። «ዎሳ ካዎቲላይ አይ ዳኒ? ኢያ አይቢራ ዳኒሶ?»

19 ዎሳ ካዎቲላይ ኢሲ አሲ ባ ሳሻን ቶኪዳ ዎላ አይፊ ሜላ። ኢ ዲጪዲ ሚሊ ጊዲሰ። ሳሎ ካፎቲ ኢያ ታሺያ ቦላ ሺምፕዶሶና።

20 ቃሰ። «ዎሳ ካዎቲላ አይቢራ ዳኒሶ?»

21 ኢሲ ማጫሲያ ዳር ጂሌራ ዎላካዳ ሙኑቁዳ ጉላ ኢርሾ ዳኔሰ» ያጊሱ።

**ፀንሳ ወላ**

22 ሃሳፊ ጉዬ። ዩሱሲ ዩሩሳላሜ ቢሼ ኢ ካንሊያ ኦጊያን ዴዲያ ካታማታኒኔ ጉታታን ታማርሲሼ አዲሰ።

23 ኢሲ አሲ ዩሱሳኮ። «ሳዳው። አታናይ ጉላ አሳ ዓላሊ?» ያጊዲ ኦይቺሰ።

ዩሱሲ ኤንታኮ።

24 «ሰዲቲ። ፀንሳ ወላራ ጌላናው ባዳቲ። ዳርቲ ጌላናው ኮኮሶና ሺን ኤንታው ሃኔና።

25 ከላዎይ ዴንዲዲ ወላ ሳርዲዲ፤ ጉዬ ሩሰ ዶያርኪ» ያጊሼ ካሪን ኤቁዲ ያሲ ኦይኬታ። ሺን ኢ። ሩሃንቲ ኦኔኮኔ አወ፤ ዩዳኮ ታ ኤሪኬ» ጊዲ ዛራና።

26 ሃ ዎይ ሃንጉጊ። ሩራ ዎላ ሚዳ። ኡዩዳ። ኦ ዳባባንካ ታማርሳዳሳ ያጋና።

27 «ኢ ዛሪዲ። ሩሃንቲ ኦኔኮኔ አወ፤ ዩዳኮ ኤሪኬ። ሃንጉጊ። ጌላቶ ታ፤ ሃኪቲ ያጋና።

28 ኢሳሎሃሜ። ዩሳቃ። ያይቆባኔ ናቤታ ኡባ ዎሳ ካዎቲላን ቤባና። ሺን ሃንጉጊ ካሪን ዎዲዲ አቲያ ዎይ ሃንጉጊ ዩሆኔ አቺ ጋርጪሳ ጊዳና።

29 አሳይ ዶሎሃ፤ ሙሎሃ፤ ፑዳሃ፤ ዲጌሃ፤ ዩዲ ዎሳ ካዎቲላን ጊቢራ ቦላ ኡታና።

30 ሃሳ ጊሾ። ሃዲ ዳሳን ጉዬ ጊዳዳይሳታ፤ ሲንሌ ጊዳናይሳቲ። ሲንሌ ጊዳዳይሳታ፤ ጉዬ ጊዳናይሳቲ ዳዎሶና» ያጊሱ።

**ዩሱሲ ዩሩሳላሜሰ ዩኪሰ  
(ማቶ 23:37-39)**

31 ሃ ዎይ ፋሪሳዊታ፤ ኢሶቲ ኢሶቲ ዩዲ። «ሄርዲሲ ኔና ዎዳናው ኮያ ጊሾ ሃ ቤሳፊ ዴንዲዳ ባ ጊደሶና።

32 ኢ ዛሪዲ። «ቢዲ። ሃ ዎርክሰሰ ሃኮ። ሩሃኔ ዎንቶ ቲና ኢያናታ ኬሳና። ሃርጋንቸታ ፓላና። ሃሻቶ ጋላሳን ኩሻ ቦላ ጋካና» ያጊሰ ጊቲ።

33 ሃና፤ ኦኔኮኔ። ናቤይ ዩሩሳላሜ፤ ካሪን ሃይቃናው ቤሲና። ሃሳ ጊሾ። ሃቺ። ዎንቶኔ ዎንጉጊ ፔሳን ሃ ቤሳ ባናው ዴንዲሰ።

34 «ዩሩሳላሜ። ዩሩሳላሜ። ናቤታ ዎዲያ። ኔኮ ከቲቲዳይሳታ ሹቻን ጫዲያ። ከቶይ ባ ናይታ ባ ቁፊያ፤ ጋርሳን ሺሺያዳ ኔ ናይታ ታ ቁሲያ፤ ጋርሳን አፑን ቶሆ ሺሻናው ኮያዲና። ሺን ሃንጉጊ ኢፃሰ ጊዳታ።

35 ታ ሃንጉጊ ኡዳይሰ፤ ሃንጉጊ ከላይ ካይሳታና። ጎዳ ሱንላን ዩይሲ አንጃቲዳይሳ ሃንጉጊ ጋና ጋካናው ታና ዴሜኬታ» ያጊሱ።

**14**

**ዩሱሲ ፋሪሳዊያ ሶን**

1 ኢሲ ሳምባታ ጋላሰ ዩሱሲ ኢሲ ፋሪሳዊታ ሃላቃ ሶ ካሊ ማናው ጌሊያ ዎይ አሳይ ጫዲ ጂሎሶና።

2 ሃ ቤሳን ሻወሃ ሃርጌን ዎዩቲያ ኢሲ አሲ ኢያው ሲንላ ባጋራ ዘንባሲ።

3 ዩሱሲ ፋሪሳዊታኮኔ ሃኔ አሰታማሬታኮ። «ሳምባታ ጋላሰ ሃርጋንቸ ፓሶይ ዎጌዬ ዎጋ ጊዳኔ?» ያጊዲ ኦይቺሰ።

4 ኢንቲ ሲዲ ጊዳሶና። ዩሱሲ ሃርጌቲያ ኡራ ቦቺ ፓሊዲ ሞይዚሰ።

5 «ቃስካ ሂንቴፌ ኢሱቆስ ናዒ ወይኮ ቦሪ ሳምባታ ጋላስ ኣፎን ወሊኮ ኤሌሲዲ ኬሶናይ ኦኔ?» ያጊዲ ኦይቹስ።

6 ኤንቲ ኢሲባካ ዛራናው ዳንዳዒቦኮና።

7 ዩሱሲ ኢማቲቆስ ያጊቲዳይሳቲ ቦንቾ ቤሲ ዶሪሽን ቤዒዲ፣ ሃ ለሚሱቆ ኦዲስ።

8 «ኢሲ ኣሲ ኔና ያጋና ያጊኮ ቦንቾ ቤሳን ኡቶፋ። ኔፔ ኣጂ ቦንቹቲያ ኣሲ ያጊታናው ዳንዳዒስ።

9 ሂንቴና ናምባታካ ያጊዳይሲ ዩዲ፣ ሩኔ ቤሳ ሃ ኢማሳስ ዩዳ ያጊያ ወዳ ኔኒ ዩላታሼ ዚቃ ቤሲ ዎቶ።

10 ጊዶሽን፣ ኔ ያጊቲዳ ወዳ ኮይርታዳ ዚቃ ቤሲ ቤዓዳ ኡታ። ያጊይሲ ዩዲ፣ ታ ላጊያው፣ ሃ ቦንቾ ቤሳን ኡታ» ያጋና። ሄ ወዳ ኔራ ኢሲፌ ያጊቲዳ ኣሳ ኡባ ሲንሳን ኔ ቦንቹታና።

11 ባና ጾቁ ጾቁ ኦሊያ ኡባይ ካወያና፤ ባና ዚቁ ዚቁ ኦሊያ ኡባይ ጾቁ ጾቁ ጋና።»

12 ቃሲ ዩሱሲ ኢያ ዎኪዳ ኬላ ኣቦኮ፣ «ቁማ ወይኮ ካሆ ኢማቶ ያጊያ ወዳ ኔኒ ኩሼ ዛር ያጎና ሚላ ኔ ላጊታ ወይኮ ኔ ኢሻታ ወይኮ ኔ ዳቦታ ወይኮ ኔ ዱሬ ሾርታ ኢማቶ ያጊን።

13 ጊዶሽን፣ ኔ ኢማቶ ገቢሲዳ ወዳ ማንቆታ፣ ዎቤታ፣ ጉንዳታኔ ቆቁታ ያጊ፤ ኔኒ ኣንጄታና።

14 ሃይሳቲ ኩሼ ዛራናው ዳንዳዩና ጊሾ ኩሼ ዛርይ ጌሻታ ዳገዶ ጋላሳን ኔው ሲማና» ያጊሲ።

**ጊታ ኢማቲቆ**

(ማቶ 22:1-10)

15 ዩሱሳራ ዎላ ኢማቶ ቦላ ኡቶይሳታ ጊዶፌ ኢሶይ ሄሳ ሰዒዲ፣ «ዎሳ ካዎቴሳን ኢማቶ ቦላ ኡቴይሲ ኣንጄቲዳይሳ» ያጊሲ።

16 ዩሱሲ፣ «ኢሲ ኣሲ ጊታ ኢማቶ ገቢሲዲ ዳር ኣሳታ ያጊሲ።

17 ኢማቶይ ሞከቲያ ሳቴይ ጋኪያ ወዳ ያጊቲዳ ኢማሳታ፣ ሩኔኮ ኡባባይ ገቢሲ፣ ሃ ዩቴ» ያጊዲ ያጋናዳ ባ ኣይሊያ ከቲሰ።

18 «ሽን ኡባይካ ባንታ ጋሶ ጋሶ ሜጂዶሶና። ኢሶይ፣ ሩሃዒ ቡር ጋዴ ሻሚዳ ጊሾ ባዳ ቤዓናው ኮሼስ ሃያና ታና ኣጋርኪ ያጋ» ያጊሲ።

19 ሃንኮይ፣ ሩኢቾሹ ዎላ ቦሪ ሻማስ ኤንታና ዎፃ ቤዓና ጊሾ ሃያና ታና ላንጮፋ» ያጊሲ።

20 ቃሲ ሃራይ፣ ታኒ ቡር ሜዳን ዳዒያ ጊሾ ያናው ዳንዳዒኪ» ያጊሲ።

21 «ኣይሌይ ሲሚ ዩዲ ሄ ኡባ ባ ጎዳስ ኦዲስ። ሄ ወዳ ያጋና ኣዎይ ሃንቁቲዲ ኣይሊያኮ፣ ሩኤሳዳ ካታማን ዳዒያ ዎጋ ኦኔታኔ ዳጋላታ ባዳ፣ ማንቆታ፣ ዎቤታ፣ ቆቁታኔ ጉንዳታ ሃ ኤሃ» ያጊሲ።

22 «ኣይሌይ፣ ታ ጎዳው፣ ኔ ከቲዳይሲ ኡባይ ፖሌቲሰ፣ ሽን ሃዒካ ቤሲ ዳዒስ» ያጊሲ።

23 «ጎዳይ ኣይሊያኮ፣ ሆርጋታ ቦላኔ፣ ጋዴ ጊዶ ኦኔታ ኬያ፣ ታ ኬላይ ኩማና ጋካናው ዳሚዳ ኡባ ያና ሜላ ኦላ።

24 ታ ሂንቴው ኦዳይስ፤ ኢማቶቲዳይሳታፔ ኦኒካ ታ ገቢራፔ ሞናይሳ ኤሪቴ» ገሰ» ያጊሲ።

**ጎዳ ካሎይ ያርሽሲስ**

25 ዳር ኣሳይ ኢያራ ዎላ ቢሽን ዩሱሲ ኤንታኮ ጉዬ ሲሚዲ፣

26 «ታኮ ያ ኡባይ ባ ኣዎኔ ባ ኣዩው፣ ባ ማቹወኔ ባ ናይታ፣ ባ ኢሻታኔ ባ ሚቹታ፣ ሃሪ ኣቶሽን ባ ዳቦቀ ኢያናይ ታ ታማሪ ጊዳናው ዳንዳዒና።

27 ባ ማስቃሊያ ቶኪዲ ታና ካሎናይ ታ ታማሪ ጊዳናው ዳንዳዒና።

28 «ሂንቴፌ ኢሲ ሹቻ ኬላ ኬያናው ኮይኮ፣ ኬላ ኬዲዲ ኣንጋናው ኣይ ሜላ ሚሼ ኮሺያኮ ኮይርቲዲ ኤራናው ቆፒ ቤዖናይ ኦኔ?

29 ሄሳ ጊዶና ኢዩኮ፣ ሃ ኡራይ ባሶ ሹቻ ሃዩን ቁስቴላ ያኒኮ፣

30 ቤዒያ ኡባይ፣ ሩሃ ኡራይ ገምቤላ ያይኪን ቁስታናው ኢያ ያኒስ» ያጊዲ ቦርሶና።

31 «ዎይኮ ኢሲ ካዎይ ሃራ ካዎራ ኦሊታናው ዳንዳዒሽ ላታው ሙኩሉ ኦላንቾታ ኤኪ ያ ካወቀራ ታው ሙኩሉ ኦላንቾታ ኤቁታናው ዳንዳዒናይሳኔ ዳንዳዩናይሳ ኡቲዲ ዞራቶናይ ኦኔ?

32 ኤቁታናው ዳንዳዒቶናባ ጊዲኮ፣ ሄ ሃራ ካወቀራ ሃሆን ዳዒሽን ገጋናው ኮይርቲዲ ጨማ ዩዲዲ ኦይቹስ።

33 ሄሳዳካ፣ ሂንቴፌ ኦኒካ ባው ዳዒያባ ኡባ ኣጎና ኢዳኮ ታ ታማሪ ጊዳናው ዳንዳዒና።

34 «ማዳኔይ ሎዖ፣ ሽን ማዳኔይ ባ ማልዑቀ ኣጎኮ፣ ዎኒዲ ማዳኔ ኔቴታናው ዳንዳዒ?»

35 ቢታቴሳሰካ ኣራዳቴሳሰካ ማዶናባ ጊዲያ ጊሾ ዎራ ዩጌቴሰ። ሂካ፣ ሲዒያ ሃይላ ዳዒያ ኣሲ ሲዖ» ያጊሲ።

# 15

## ቆዩዳ ደርሳ (ማቶ 18:12-14)

- 1 እሲ ጋለስ ቃራፃ ቃንጻይሳተኔ ናጋራንቸቲ ዬሱሳ ቲሚርቲያ ሲዓናው ኢያ ዩሹዋን ሸቂደሶና።
- 2 ሺን ፋሪሳዌቲኔ ሃጌ እስታማራቲ፣ «ሃይሲ ኡራይ ናጋራንቸታ ሸሺዲ ኤኬስ፣ ኤንታራ ኢሲፊ ማስ» ያጊዲ ዙዙሚደሶና።
- 3 ዬሱሲ ያጊዲ ሃይሳ ለሚሶ ኤንታው ኦዲስ።
- 4 «ሃንቲ ጊደፊ ኢሱዋስ ጻቲ ደርሳቲ ዳዒያባ ጊዲኮ ኤንታፊ ኢሶይ ቆዩኮ ኡዲፋን ታማኔ ኡዲፋናታ ባዘን እጊዲ ቆዩይሳ ዳማና ጋዝናው ኮዮናይ ኦኔ?
- 5 ዳሚዳ ዋዴ ኡፋይቲዲ ባ ጋናን ቶኪዲ።
- 6 ባ ሶ ሲሚስ። ባ ላጌታኔ ሾርታ ኢሲፊ ጃጊዲ፣ ቆዩዳ ታ ደርሳ ዳማስ፣ ታራ ኢሲፊ ኡፋይቲቲ» ያጌሰ።
- 7 ሃሳዳዝ፣ ማርቲ ኮሾና ኡዲፋን ታማኔ ኡዲፋን ሂሎታፔ አሲዲ ማርታን ጌሊያ ኢሲ ናጋራንቸዋ ጋሶን ሳሎን ገታ ኡፋይሲ ጊደስ።
- 8 «ዋይኮ ታሙ ቢራ ዳዒያ ኢሲ ማጫሲያ ታማፊ ኢሲያ ቆዩኮ ዳማና ጋዝናው ያምፔ ኦይላዳ ኬላ ፒታዳ ሚንሳ ኮዮናራ ኦኔ?
- 9 ዳሚዳ ዋዴ ባ ላጌታኔ ባ ሾርታ ጃጋዳ ቆዩዳ ታ ኢሲ ቢራ ዳሚዳ ገሾ ታራ ኡፋይቲቲ» ያጋጩሱ።
- 10 ሲዒቲ፣ ሃሳ ማላ ኢሲ ማርቲላን ጌሊያ ናጋራንቸዋን ያሳ ኪታንቸታ ሲንሳን ኡፋይሲ ጊደስ» ያጌሰ።

## ቆዩዳ ናዓ

- 11 ዛሪዲ ዬሱሲ፣ «እሲ ኡራስ ናምዑ ናይቲ ዳዖሶና።
- 12 ኤንታፊ ካሎ ናዓይ ባ አዋኮ፣ ታ አዋው፣ ኔ ሻሉዋፔ ታ ገሹዋ ታው አማ» ያጌሰ። አዋይ ባ ሻሉዋ ባ ናይታስ ሻኪስ።
- 13 ጉላ ጋላሳፔ ጉዬ ካሎ ናዓይ ባ ገሹዋ ኡባ ቃቺ ኤኪዲ ሃሆ ቢታ ቢስ። ያን አልታጫን ሻሉዋ ቶቺዲ ኦንጊስ።
- 14 ኢ ባው ዳዒያባ ኡባ ወርሲደፔ ጉዬ ሃ ቢታ ኡባን ሚና ኮሺ ኪዩን ሚቶቲስ።
- 15 ሃሳ ገሾ፣ ሃ ቢታ አሳፔ ኢሱዋ ሶ ጋታ ጌሊስ። ኡራይ ኢያ ጉዲንፁ ሃማና ማላ ባ ዋሳ ዬዲስ።
- 16 ጉዳንፁቲ ሚያ ሃርቁዋፊ ማናው አዋቲስ፣ ሺን ኢዮካ ኢያው ኢሚያ ኢሲ ቤንቲቤና።
- 17 ዋዘኒ ሲሚን፣ ሳቸን ታ አዋ ኣይሌታስ ካሊ ዋራ ዋቋን ታ ሃይሳን ኮሻራ ሃይቃናው ጋዝዲና?)
- 18 ዳንዳዳ ታ አዋኮ ባዳ፣ ታ አዋው፣ ሳሎን ያሳ፣ ሳዓን ኔና ቆሃስ።
- 19 ሃዛፔ ኔ ናዓ ጌቲታዳ ጃጌታናው ታው ቤሶና ገሾ ኔ ሶን ዳዒያ ኣይሌታፔ ኢሱዋዳ ታና ፓይዳ» ያጋና» ያጌሰ።
- 20 ሃሳ ገሾ፣ ዳንዲዲ ባ አዋኮ ቢስ። «ሃናሽን፣ ኢ ቡር ሃሆን ዳዒሽን አዋይ ቃቋቲዲ፣ ኢያኮ ዋጃ ቢዲ ኢዲሚዲ ዬሪስ።
- 21 ናዓይካ፣ ታ አዋው ሳሎን ያሳ፣ ሳዓን ኔና ታ ቆሃስ። ሃዛፔ ኔ ናዓ ጌቲታዳ ጃጌታናው ቤሲኬ» ያጌሰ።
- 22 «ኢያ አዋይ ኣይሌታ ጃጊዲ፣ ሎሌሲዲ ኡባፊ ሎፖ ጊዲዳ ማፖ ኤሂዲ ኢያ ማይዘቲ፤ ኢያ ቢራቆን ሳጋዮ፣ ኢያ ቶሁዋን ጫማ አሊቲ።
- 23 ዋቋ ጋታርሚንፁ ኤሂዲ ሹኪቲ፣ ሞስ፣ ኡፋይቶስ።
- 24 ታ ናዓይ ሃይሲ ሃይቁስ፣ ሺን ሃሳ ፓይስ፤ ቆይስ፣ ሺን ቤንቲስ» ያጌሰ። ሃሳፊ ጉዬ፣ ኡፋይቲላ ኦይኪደሶና።
- 25 «ሃ ዋዴ ባይራ ናዓይ ሳሻ ጋዴን ዳዒስ። ያፔ ዩሾ ሶ ማቲሺን ዬላኔ ጉፋ ገርሲ ሲዒስ።
- 26 ኢ፣ ኣይሌታፔ ኢሱዋ ጃጊዲ ሃጊያባይ ኣይቤኮ ኤራናው ኦይቸስ።
- 27 ኣይሌይ፣ ሳ ኣሻይ ሳር ዩዳ ገሾ ኔ አዋይ ሞቋ ጋታርሚንፁ ኢያው ሹኪስ» ያጌሰ።
- 28 «ባይራ ኣሻይ ዩሎቲዲ ሶ ጌላናወካ ኮዩቤና። አዋይ ካሬ ኪዩዲ ሶ ጌላና ማላ ኢያ ዋሰስ።
- 29 ሺን ኢ ባ አዋኮ፣ ሂኮ፣ ሃይሳ ማላ ላይላ ታ ኔው ኣይሌታዳ ኔ ኪታፔ ኢሱዋካ ፓጩሶና ኔው ከቲቲን ታ ታ ላጌታራ ኡፋይታና ማላ ሃራ ኣቶሺን ኢሲ ላቃ ዳሼ ኢያባካ።

30 ሃናሺን፣ ሃይሲ ኔ ናዓይ ኔ ሻሉዋ ላይማታራ ደሚሲዲ ዪን ሞቶ ጋታርሚንጥ ሹካዳሳ » ያገለገለ።

31 «አዋይካ፣ ታ ናዓው፣ ኔኒ ኡባ ዎዴ ታራ ዳዓሳ፣ ታባይ ኡባይ ኔሳ።

32 ሃይሲ ኔ ኢሻይ ሃይቁስ፣ ሺን ፓዲ፤ ቆይስ፣ ሺን በንቲስ። ሃሳ ገሹ፣ ዳር ኡፋይታናው ቤሴስ » ያገና » ያገለገለ።

# 16

## አማኔቶና ሹማ ለሚሰ

1 ዬሱሲ ባ ታማሪታኮ፣ «ኢሲ ዱሬ ኡራስ ኢያፕ ጋርሳራ ኢሲ ሹማይ ዳዔስ። ሄ ሹማይ ባ ጎዳ ሻሉዋ ቶቼስ ያገያ ዎሪይ ከላዋ ጋኪስ።

2 ከላዋይ ሹማ ያገሲዲ፣ ታኒ ዎይገያባ ሲዳዲና? ሂዛፕ ኔኒ ታ ከላስ ሹማ ገዳዳ ኦላናው ዳንዳዳና ገሹ ታ ሻሉዋ ታው ሹቆ ያገሲ።

3 «ሄ ሹማይካ ባ ዎዛናን ሃይሳዳ ያገዲ ቆፕስ። ታ ጎዳይ ታና ሹማቴላፌ ዎላና ሃኔስ፣ ጎያ አቃናው ዎልቁ ባዋ፣ ዎሳ ማናው ዬላዬስ፤ ያቲን ታ ዋና?

4 ሹማቴላፌ ታ ዎቆያ ዎዴ አሳይ ታና ሞካና ሜላ ኦላናባ ታ ኡራይስ » ያገሲ።

5 «ሃሳ ገሹ፣ ኢያ ጎዳ አጮይ ዳዒያ አሳ ኢሱዋ ኢሱዋ ያገ ኡሂዲ ኮይር ኡራኮ፣ ሩኔ ቦላ ታ ጎዳ አጮይ አይ ሜሊ ዳዒ?» ያገዲ ኦይቼስ።

6 «ኢ፣ ሳታው ባርሜሌ ዛይቴ አጮይ ዳዔስ » ያገሲ።

7 «ሹማይ፣ ሳታው ባርሜሌ ዛይቴ አጮይ ዳዔስ ጋዳ ዓፋ » ያገሲ።

8 «ሃሳፊ ካሊዲ ናሞዓንጥ፣ ሩኔው አፕኒ ዳዒ?» ያገሲ።

9 «ኢ፣ ሳ370 ኩንታሌ ገስቴ አጮይ ዳዔስ » ያገሲ።

10 «ሹማይ፣ ሩኔ ሳታው ባርሜሌ ዛይቴ አጮይ ዳዔስ » ያገሲ።

11 ከላዋይ አማኔቲሶና ሹማ ኢያ ቢላማቴላስ ናሺስ። ሃ አላሚያ ናይቲ አሴ ኦይላን ፖዎ ናይታፕ አቋዳ ዎዛናማታ።

12 «ሃሳ ገሹ፣ ታ ሂንቴው ኦይሴ፤ ሃ አላሚያ ሚሼይ ወሪያ ዎዴ ሚሪና ከላን ሞኬታና ሜላ ሃ ሚሹያራ ሂንቴው ላፔታ ሻሚቴ።

13 ኡባፊ ጉላባን አማኔቲዳይ ዳርባን አማኔቲዳይሳ ገዴስ። ቃሲ ኡባፊ ጉላባን አማኔቶናይሲ ዳርባን አማኔቲና።

14 ሂዛ፣ ሃ አላሚያ ሚሹን ሂንቴ አማኔቶና ኢዲኮ ቱማ ሚሹ ሂንቴው ኦኒ ሃደራ አማኔ?

15 ሂንቴ ሃራ አሳ ሚሹን አማኔቶና ኢዲኮ፣ ሂንቴ ቡዞ ሚሹ ሂንቴው ኦኒ አማኔ?

16 «ኢሲ አይሌይ ናሞ ጎዳታስ ሃራታናው ዳንዳዳና። ኢሱዋ ኢዲኮ ሃንኩዋ ዳሴስ ዎይኮ ኢሱዋን ሸቁኮ ሃንኩዋ ካቆስ። ሃሳዳካ፣ ሂንቴ ዎሳሴ ሚሹስ ሃራታናው ዳንዳዳኪታ።»

17 ሚሹ ደሲያ ፋሪሳዌቲ ሃሳ ሲዳዳ ዎዴ ዬሱሳ ቁልቁሲደሶና።

18 ኢ፣ «ሂንቴ ሂንቴና አሳ ሲንሳን ያሊሲታ፣ ሺን ዎሳይ ሂንቴ ዎዛና ኡሬስ። አሳ ሲንሳን ቦንቹቲዳይሲ ዎሳ ሲንሳን ቦሬቲዳይሳ።

19 «ሙሴ ሂገይ ናቤታ ኪታይ ዮሃኒሳ ጋካናው ሂንቴው ኦይቲሹ ጋሞዲስ። ሃሳፊ ጉዬ፣ ዎሳ ካዎቴላ ዎንጌላይ ሳባኪቲሹ ጋሞዲስ። አሲ ኡባይ ያ ጌላናው ዳፊቴስ።

20 ገደሺን፣ ሂገያፊ ኢሲ ላፋ ፒዳሌይ አታናፕ ሳሎይ ናዓይ አቆይሲ ካወዬስ።

21 «ባ ማቸው ዬዲዲ ሃራ ኢኪያ ኡባይ ላሚስ። ባ አዘናፕ ኢንጃቲዳር ኤኬይሲካ ላሚስ » ያገሲ።

## ዱሬ ኡራኔ አላዛራ

22 «አልዎኔ አሌቆ አፊላ ማዒያ፣ ሳዒ ኢንጃቲን ጋላስ ጋላስ ኡፋይሳን ዳዒያ ኢሲ ዱሬ አሲ ዳዔስ።

23 ሃሪ ቃሲ አሳቴላይ ኩሜሊ ማዲንዲዳ ኢሲ አላዛራ ጌቲቲያ ማንቆይ ሄ ዱሬ ኡራ ካሬን ዬጌቲዲ አቲዳይሲ ዳዔስ።

24 ኩሻፕ ዳንደይሳን ዱሬ ኡራ ጋይታፕ ዎቆያ ቲፊያ ማናው አሞቲሹ ዳዔስ። ሃሪ አቶሺን፣ ካናቲ ዪዲ ኢያ ማዲንሳ ሳጮሶና።

25 «ሄ ማንቆይ ሃይቁስ፤ ኪታንቸቲ ኢያ አብራሃሚ ኪዐዋ ኤፊደሶና። ቃሲ ዱሬ ኡራይካ ሃይቁዲ ሞጌቲስ።

26 ሲዎሌን አንዲቲዲ ዳዒሹ ቆቁ ገዲ ሃሆን አብራሃሚኔ ኢያ ኪዎን ዳዒያ አላዛራ ቤዒስ።

- 24 እ፥ ለአዋው አብራሃም፤ ታው ቃዴታርኪ፤ ሃ ላጮ ታማን ኤንዔታዳ ዳዒያ ጊሾ አላዛሪ ባ ቢራዲያ ሃላን ዩዳዳ ታ ኢንፃርሳ ላኮላና ማላ ሃያና ኢያ ዩዳርኪ» ያጊዲ ዋሰሰ።
- 25 «ሽን አብራሃምይ ኢያኮ፥ ታ ናዓው፥ ኔ ሳዓን ዳዒያ ዋዴ ሎባታ ኤኪዳይሳ፥ ቃሲ አላዛሪ ኢታባታ ኤኪዳይሳ አኩካ። ሽን ሃዒ ኢ ሃይሳን ኡፋይቴስ፥ ቃሲ ኔኒ ዋዴታሽ ዳዓሳ» ያጊሰ።
- 26 ሃ ኡባሬ አዲዳ፥ ሃፕፕ ሂንቲኮ፥ ሂፕፕ ሃ ኮኮ አዳናው ኮዬይሳቲ ፒናና ማላ ኑሴኔ ሂንቲስ ጊደን ጊታ አፎይ ዳዒስ» ያጊሰ።
- 27 «ዳሬ ኡራይ፥ ለአዋው፥ ያኮ አላዛሪ ታ አዋ ሶ ኪታና ማላ ታ ኔና ዋሳይሰ።
- 28 ታው ኢቻሹ አሻቲ ዳዒደሶና፥ ኤንቲካ ሃ ዋዬ ቤሳ ዮና ማላ ኤንታው ቢዲ ማርካቶ» ያጊሰ።
- 29 «ሽን አብራሃምይ፥ ለኔንታው ሙሴራኔ ናቤታራ ዳዖሶና፤ ኤንቲ ኦዲያባ ሲዖና» ያጊሰ።
- 30 «ዳሬ ኡራይ፥ ለአዋው አብራሃም፤ ሃሳላ ጊዳና፤ ኢሲ አሲ ሃይቆፕ ዳንዲዲ ቢኮ ኤንቲ ማርታን ጌላና» ያጊሰ።
- 31 «አብራሃምይ፥ ለሙሴኔ ናቤታ ሲዖና ኢዳኮ፥ ሃሪ አቶሽን ሃይቆፕ ኢሲ አሲ ዳንዲ ኦዲኮካ አማናኮና» ያጊሰ።»

# 17

## እይሽሲያ አዋቴላ

- 1 ዬሱስ ባ ታማሪታኮ፥ «አሴ ቆቤሌዲ ናጋራን ጌልሲያባይ ዮና አጌና። ጊደሽን፥ ናጋራን ጌላና ማላ ኦሌያ ኡራ አዬ» ያጊሰ።
- 2 ሄ ኡራይ ካሎታፕ ኢሱዋ ባለላናፕ ዋፃ ባ ቆዴን ቃቺዲ አባን ዉሊኮ ኢያው ሎዖ።
- 3 ሃሳ ጊሾ ናጌቲቲ።
- 4 «ኔ አሻይ ናጋራ ኦሌኮ ሃንቂታ፤ ቂርቲዲ ማርቲላን ሲሚኮ፥ ኢያው አቶ ያጋ።
- 4 ኢሲ ጋላሳን ላፑን ቶሆ ቆሂዲ፥ ላፑን ቶሆ፥ ታኒ ታ ባላ ኡራሰ ታና ማራ» ያጊዲ ኔኮ ዪኮ ኢያው አቶ ጋ።»
- 5 ሃዋራቲ ጎዳኮ፥ «አማና ኑስ ጉጃርኪ» ያጊደሶና።
- 6 ሃዳይ፥ «ጋሼ አይሬ ማላ አማናይ ሂንቴው ዳዒኮ ሃይሳ ዋላ ሾዴታዳ አባ ጊደን ቶኬታ» ያጊኮ ሂንቴው ከቴታና» ያጊሰ።
- 7 ጉጃዲካ ዬሱሲ፥ «ሂንቴ ጊደሬ ኢሱዋስ ጎሻንቾይ ዋይኮ ደርሴ ሃሚያ አይሌይ ዳዒኮ ኦሶ ጋዴፕ ዋይኮ ዉዴፕ ሶ ሲሚያ ዋዴ ለሌላ ሃያዳ ካላ ማናው ኡታ» ያጊይ ዳዒ?»
- 8 ዳና፥ ታው ካሆ ጊሳ፤ ታኒ ማዳ፥ ኡያዳ አጋና ጋካናው ኤቃዳ ሙዛ። ሃሳሬ ጉዬ፥ ኔኒ ቃሲ ማሳኔ ኡያሳ» ያጌኔዬ?»
- 9 ሃዛ፥ ጎዳይ፥ አይሌይ ከታ ፖሊዳ ጊሾ አንጂዬ?»
- 10 ሃሳ ጊሾ፥ ሂንቴካ ከቴቶሳይ ኡባ ፖሊዳ ዋዴ ሳ ፓላና አይሌታ፤ አላናው ቤሲያ ኦሱዋ ፖሊዳ» ያጊቴ» ያጊሰ።

## ባር ሃርጊያሬ ጌዱዳ ታሙ አሳታ

- 11 ዬሱሲ ዩሩሳላሚ ቢሹ ሳማሪሴኔ ጋለላ ቢታስ ጊደራ ካንሌዲ አዲስ።
- 12 ኢሲ ጉታ ጌሊያ ዋዴ ባር ሃርጊን ኦይኪቲዳ ታሙ አሳቲ ኢያ ዳሚደሶና። ኤንቲካ ሃሆን ኤቂዲ፥
- 13 «ጎዳ ዬሱሳ፥ ኑስ ቃዴታርኪ» ያጊዲ ዋሰደሶና።
- 14 ኢ ኤንታ ቤዒዳ ዋዴ «ቢዲ ሂንቴናቴላ አይሁዳ ካሂኔ ቤሲቴ» ያጊሰ። ኤንቲ ኦጊያ ቦላ ቢሹ ፓዲደሶና።
- 15 ኤንታሬ ኢሶይ ባ ፓፀዋ ቤዒዳ ዋዴ ጶቁ ጊዳ ቃላን ያሳ ቦንቺሹ ዬሱሳኮ ሲሚሰ።
- 16 ኢ ሳሚሪ ቢታ አሲ፥ ሽን ዬሱሳ ቶሁዋ ቦላ ጉፋኒዲ ኢያ ጋላቲስ።
- 17 ዬሱሳ፥ «ፓዲዳይ ታሙ አሳታ ጊደኮናዬ? ያቲን፥ ኡዲፋናቲ አው ቢደና?»
- 18 ሃ አሳ ጉራፕ \* አቲን ሃሪ ሲሚዲ ያሳ ጋላቲይ ዳና ጉሴዬ?» ያጊዲ ኦይቺስ።
- 19 ኡራኮ፥ «ኔ አማናይ ኔና ፓላስ፤ ዳንዳዳ ባ» ያጊሰ።

## ያሳ ካዋቴላ ያሳ (ማቶ 24:23-28፥ 37-41)

20 ፋሪሳዊቲ፥ «ያሳ ካዋቴላይ አዉዴ ያኔ?» ጊዲ ዬሱሳ ኦይቺደሶና። እ፥ «ያሳ ካዋቴላይ ቤንቲያ ማላን ዬና።

17:3 ማቶ 18:15    17:14 ለዌ 14:1-32    \* 17:18 ሃ አላጋ ኡራፕ፥ ባር ሃርጊያሬ ፓዲዳ ኡራይ አላጋ ጌቲቲዳይ ኢ አይሁዳ ጊደና ጊሾላ።

- 21 ቃሲካ እዮ፣ ህንገር ወይኮ ህንገር ያገናው ዳንዳዔና። እይሰ ገኮ፣ ያሳ ካዎቱላይ ህንገቴ ገደን ዴዔሰ» ያገደዱ ዛሪሰ።
- 22 ዬሱሲ ባ ታማሬታኮ፣ «አሳ ናዓ ጋላሳታፔ ኢሱዋ ቤዓናው ህንገቴ አዎቲያ ዎዴይ ያና፣ ሺን ህንገቴ ቤዓኪታ።
- 23 አሳይ፣ ሳኢ ያን ዴዔሰ» ዎይኮ፣ ህይሳን ዴዔሰ» ያገና፣ ሺን ኤንታና ካሊዲ ቦፒቲ።
- 24 ዎልዓንላ ዎልዓሚዲ ሳሉዋ ጋዎፔ ጋዎ ፖዒሲያ ማላ አሳ ናዓ ዩሳ ጋላሳይ ህሳዳ ሃናና።
- 25 ሺን ህሲ ሃናናፔ ሲንጹ አሳ ናዓይ ዳር ዎያናውኔ ሃ ዬሌቲላን ኢጃታናው ቤሴሰ።
- 26 ኖሄ ዎዴ ህንደይሳ ማላ አሳ ናዓ ዎዲያንካ ህሳዳ ሃናና።
- 27 ኖሄይ ማርካቢያን ገሊዳ ቃማ ጋካናው አሳይ ሚሼኔ ኡዩሼ፣ ኤኪሼኔ ገሊሼ ዴዒሺን ጳዮ ሃላይ ዩዲ ኡባ ጳይሲሰ።
- 28 ሎጃ ላይላንካ ህሳላ ሃሲ። አሳይ ሚሼኔ ኡዩሼ፣ ሻሚሼኔ ባይዚሼ፣ ቶኪሼኔ ከጃሼ፣ ጋዎዒደሶና።
- 29 ሎጃይ ሳይሚፔ ከዩዳ ጋላሰ ዲኔ ገቴቲያ ፀጊያባይ ሳሎፔ ቡኪዲ ኡባ ጳይሲሰ።
- 30 አሳ ናዓይ ቆንጨያ ዎዴካ ህሳዳ ሃናና።
- 31 «ሄ ጋላሳን ኦኒካ ካሪን ዴዔይ ከላ ገደን ዴዒያባ ኤካናው ሶ ገሎፖ። ህሳዳካ፣ ጋዴን ዴዒያ አሲ እይኮሰካ ሶ ሰዎፎ።
- 32 ሎጃ ማቸው አኪኪቲ፤
- 33 ባ ሺምፒው አሻናው ኮያ አሲ ኦኒካ ጳይሳና፤ ባ ሺምፒው አሊ አሚያ ኦኒካ ኢ አሻና።
- 34 ታ ህንገቴው ኦዳይሰ፤ ሄ ጋላሳን ናምቡ አሳቲ አሲ አርሳን ዚንዓና። አሶይ ኤኪታና፣ ሃንኮይ አታና።
- 35 ናምቡ ማጫሳቲ ዎላ ጋጨሺን ኢሲያ ኤኪታና፣ ሃንኪያ አታና።
- 36 ናምቡ አሳቲ ዎላ ጋዴን ጎዬይሳታፔ ኢሶይ ኤኪታና፣ ሃንኮይ አታና» † ያገሰ።
- 37 ኤንቲ፣ «ጎዳው አው ኤኪታኔ?» ያገደዱ ኦይቸዶሶና።
- ኢ፣ «ባዉቲ ዴዒያ ቤሳን አንኮቲ ሺቆሶና» ያገሰ።

### 18

#### ሚኒዲ ዎሳና ማላ ታማርሲስ

- 1 ዬሱሲ ባ ታማሬታ አዛሎና ኡባ ዎዴ ዎሳና ማላ ታማርሳናው ኮዩዲ ያገደዱ ለሚሶ ኦዲሰ።
- 2 «ኢሲ ካታማን ያሳሰ ያሸቶና አሳሰካ ዬላቶና ኢሲ ዳይኒ ዴዔሰ
- 3 ሄ ካታማን ኢሲ አዎዒያ ዳዓዉሱ። ኢያካ፣ ታዉኔ ታ ዋርኪያሰ ገደን ዴዒያ ሞቱዋ ፒርዳ) ያጋዳ ኡባ ዎዴ ሄ ዳይናኮ ሰሚሬታዉሱ።
- 4 ዳይናይ ጉላ ዎዴሰ ኢ ኦዶ ሲያና ኢጃሰ፣ ሺን ጉጮ ባ ዎዛናን፣ ታኒ ያሳሰ ያዮና፣ አሳሰ ዬላቶና ኢጃኮካ፣
- 5 ሃ አዎዒያ ታና ዎይሲያ ገሾ ኢው ፒርዳና፤ ያቶና ኢጃኮ ኡባ ዎዴ ያዳ ታና ሳሌላና) ያገደዱ ቆፒስ» ያገሰ።
- 6 ጎዳይካ፣ «ገላ ዳይናይ ገዳይሳ ሲዒዴታ፤
- 7 ያሳይ ቃማኔ ጋላሰ ኢያኮ ዋሲያ ባ ዶሪዳይሳታሰ ፒርዴኔዬ? ኤንታና ማዳናው ጋምዒዬ?
- 8 ታ ህንገቴው ኦዴይሳ ሲዒቲ፣ ኤሌሲዲ ፒርዳና። ገደሺን፣ አሳ ናዓይ ያ ዎዴ ሳዓ ቦላ አማኖ ዴማንዴሻ?» ያገሰ።

#### ፋሪሳዊያኔ ቃራፃ ቃንጂሴይሳ

- 9 ቃሲ ዛሪዲ፣ ዬሱሲ፣ ባንታና ጂሎ አሳዳ ኦሊዲ ጨቁቴይሳታሲኔ ሃራታ ካጄይሳታሰ ሃይሳዳ ያገደዱ ለሚሶ ኦዲሰ።
- 10 «ናምቡ አሳቲ ዎሳናው ያሳ ኪሊ ቢደሶና። ኢሶይ ፋሪሳዊ ሃንኮይ ቃሲ ቃራፃ ቃንጂሴይሳ አሲ።
- 11 ፋሪሳዊይ ኤቁዲ ባው ዎሲሼ፣ ሮሳው ታኒ ሃራታ ማላ ቦንቃንቸ፣ ገላኔ ላይማቲያ አሲ፣ አጂዳ ቃሲ ሃ ቃራፃ ቃንጂሴይሳ ኡራ ማላ ገደና ገሾ ኔና ጋላታይሰ።
- 12 ሳሚንታፊ ናምቡ ቶሆ ያማይሰ፣ ታ ዴሚያባ ኡባፊ አሲራታ ከሳይሰ» ያገሰ።
- 13 «ሺን ቃራፃ ቃንጂሴይሴ ቃሲ ሃሆን ኤቁዲ ሃሪ አቶሺን ሳሎ ቶቁ ገዲ ጂላናዉካ ያዩዲ ባ ቲራ ኢጨሼ ሮሳው፣ ታና ናጋራንቸዋ ማራርኪ) ገዲ ዎሲሰ።

---

17:26 ሜዴ 6:5-8    17:27 ሜዴ 7:6-24    17:28 ሜዴ 18:20-19:25    17:31 ማቶ 24:17-18፤ ማር 13:15-16  
 17:32 ሜዴ 19:26    17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25    † 17:36 ኢሲ ኢሲ ማፃፋታን ፓይዶ 36 ዳና።

14 ታ ሂንቱው ኦዲይሳ ሲዲቲ፤ ፋሪሳዊያ፤ ሃይሲ ቃራፃ ቃንጻሴይሲ ያሳ ሲንገላን ጻሎ ገዲዲ ባ ሶ ሲሚሰ። እይሰ ገዡ፣ ባና ቆቁ ቆቁ ኦሊያ እሲ ካወያና፣ ባና ካወሺያ እሲ ቆቁ ቆቁ ኃና» ያገሰ።

ዬሱሳኔ ዮጋ ናይታ  
(ማቶ 19:13-30፤ ማር 10:13-31)

15 ዬሱሱ ዮጋ ናይታ ቦላ ባ ኩሺያ ዋሉዲ እንጅና ሜላ አሳይ ኢያኮ ኤሆሶና። ዬሱሳ ታማራቲ ሄሳ ቤዲዲ እይሰ ዬሱሳኮ ኤሂቲ ያገዲ ካጪደሶና።

16 ሺን ዬሱሱ ናይታ ባኮ ጃገዲ፣ «ዮጋ ናይቲ ታኮ ያናይሳ ዲጎፊቲ፤ ዮ ገቲ። እይሰ ገዡ፣ ያሳ ካዋቲላይ ኤንታዳ ሂኒዲደሳታሳ።

17 ታኒ ሂንቱው ቱማ ኦዲይሰ፤ ያሳ ካዋቲላ ዮጋ ናይታሉ ኤኮናይ ኦኒካ ያ ጌሉና» ያገሰ።

ዲሬ ኡራ ኦይሻ  
(ማቶ 19:16-30፤ ማር 10:17-31)

18 እይሁዳ ሃላቃታ፤ ኢሶይ፣ «ኩሂ እስታማሪያው፣ ሜሪና ዴቦዋ ዴማናው እይ ኦሎ?» ያገዲ ኦይቺሰ።

19 ዬሱሱ ኢያኮ፣ «እይሰ ታና ከሃው ያጋዳ ጃጋይ? ኢሲ ያሳፊ እቲን ሃሪ ከሂ ባዋ።

20 ላዋፋ፣ ዋቋ፣ ካይሶቶ፣ ዋርዶ ማርካቶ፣ ኔ አዋኔ ኔ እዳው ቦንቻ ያገያ ከታ ኡራይ» ያገዲ ኦይቺሰ።

21 ኡራይካ፣ «ሄሳታ ኡባ ታኒ ናባቲላፊ ደማዳ ናጋሼ ጋምዳሰ» ያገሰ።

22 ዬሱሱ ሄሳ ሲዲዳ ዋዴ «ሂዛ፣ ኔው ኢሲባይ ፓጩሰ፤ ኔው ዴዲባ ኡባ ባይዛዳ ማንቆታሰ አማ፤ ሳሎን ኔና ሻሎይ ናጌሰ። ያታ ሲማዳ ታና ካላ» ያገሰ።

23 ሺን ኡራይ ሄሳ ሲዲዳ ዋዴ ኢያው ዳር ሻሎይ ዴዲባ ገሾ ዳር ቂርቲሰ።

24 ዬሱሱ ኡራ ቤዲዲ፣ «ዲሬ አሳሰ ያሳ ካዋቲላ ጌሎይ ዋኒዲ ኡንግንዴሻ?

25 ዲሬይ ያሳ ካዋቲላ ጌላናይሳፊ ገማሌይ ናር፤ ሉሆራ ካንፊይሲ ካወዬሰ» ያገሰ።

26 ሄሳ ሲዲዳ አሳይ፣ «ሄሳ ገዲኮ ኦኒ አታኔ?» ያገደሶና።

27 ዬሱሱ፣ «አሳሰ ዳንዳዔቶናባይ ያሳሰ ዳንዳዔቲሰ» ያገሰ።

28 ጳዳርሲ፣ «ሂኮ ኦኒ ኦባ ኡባ አገዲ ኔና ካሊዳ» ያገሰ።

29 «ዬሱሱ ቱማ ታ ሂንቱው ኦዲይሰ፤ ያሳ ካዋቲላሰ ገዲ ባ ከላ ዋይኮ ባ ማቺው ዋይኮ ባ አሻታ ዋይኮ ባ አዋኔ ባ እዳው ዋይኮ ባ ናይታ አገዳይ፤

30 ሃ ዋዲያን ዳኮ ዳር፣ ያና አላሚያን ሜሪና ዴቦዋ ኤኮናይ ኦኒካ ባዋ» ያገሰ።

ዬሱሱ ባ ሃይቁዋባ ዛሪ ኦዲሰ  
(ማቶ 20:17-19፤ ማር 10:32-34)

31 ዬሱሱ ታማኔ ናምዳታ ባኮ ጃገዲ፣ «እኔ ዬሩሳሌም ቦሰ፣ ናቤቲ አሳ ናባባ ያፊዳባ ኡባይ ያን ፖሌታና።

32 ኢ እይሁዳ ገደና አሳሰ አጳዲ አሜታና። ኤንቲ ኢያ ቶቻና፣ ጫያናኔ ኢያ ቦላ ጩታና።

33 ኢያ ጋራፊዳ፤ ጉዬ ዋቋና፣ ሺን ሄሻንላ ጋላሳን ኢ ሃይቆ፤ ዴንዳና» ያገሰ።

34 ሺን ኢያ ታማራቲ ሄሳ ኡባፊ ኢሲባካ እኩኪቦኮና። ኢያ ፀራይ ኤንታው ቆሴቲዳ ገሾ ኢ ዋይገዳኮ ኤሪቦኮና።

ቆቁ ኡራይ ጻሊሰ  
(ማቶ 20:29-34፤ ማር 10:46-52)

35 ዬሱሱ ኢያርኮ ማታቲያ ዋዴ ኢሲ ቆቁ ኡራይ ኦኒ ጋፃን ኡቲዲ ዋሴሰ።

36 ቆቁ ኡራይ አሳይ ሄ ቤሳራ አጳሺን ሲዲዲ፣ «ኢ እይቤ?» ገዲ ኦይቺሰ።

37 ኤንቲ፣ «ናዚሬቲ ዬሱሱ ሃይሳራ ኢዴሰ» ያገደሶና።

38 ኢ፣ «ዳዊቲ ናባው፣ ዬሱሳ፣ ታና ማራርኪ» ያገዲ ዋሴሰ።

39 ሲንፊ ሲንፊ ቢያ አሳቲ፣ «ሲዲ ጋ» ገዲ ሃንቁቲደሶና። ሺን ኢ፣ «ዳዊቲ ናባው፣ ታና ማራ» ያገዲ ዳርሲ ዋሴሰ።

40 ዬሱሱ ኤቁዲ ኡራ ባኮ ኤሃና ሜላ ከቲሰ። ኡራይካ፣ ኢያኮ ሸቁን፣

41 «ታ ኔው እይ ኦላና ሜላ ኮያይ?» ያገዲ ኦይቺሰ።

ቆቁይ፣ «ጎዳው ታ ጻላናው ኮያይሰ» ያገሰ።

42 ዬሱሱ፣ «ጻላ፣ ኔ አማኖይ ኔና ፓሊሰ» ያገሰ።

43 ኡራይ ሶሁዋራ ጻሊ አገሰ። ያሳ ቦንቺሺ ዬሱሳ ካሊሰ። አሳ ኡባይ ሄሳ ቤዲዲ ያሳ ጋላቲደሶና።

# 19

## ቃራፃ ቃንጂሲያ ዛከዮሳ

- 1 ዩሱሲ ኢያርኮ ጌሊዲ አዴሰ።
- 2 ያን ዛከዮሳ ጌቴተያ ቃራፃ ቃንጂሲይሳታ ሃላቃይ ዴዔስ። ኢ ዳር ዲሬ።
- 3 ኢ ዩሱሲ ኦኮኮ በዓናው ኮዩሰ። ኢ ቃንሳ ገዲያ ገሾ አሳ ዳርቴላፌ ዴንደይሳን ዩሱሳ በዓናው ዳንዳዒቤና።
- 4 ዩሱሳ በዓናው ኮዩዲ ኢ ቢያ ኦጊያስ ሲንሌ ዋጂ ቢዲ ኢሲ ቦባ ሚሳ ቦላ ከዩሰ።
- 5 ዩሱሲ ሄ ቤሳ ጋኪሼ ጾቆ ገዲ ቢዒዲ፣ «ዛከዮሳ፣ ሃቺ ታ ኔ ሶን ፕዓናው ቤሲያ ገሾ ኤሌ ዋቆ» ያገሰ።
- 6 ኢ ኤሌሲ ዋቆዲ ኡፋይሳን ዩሱሳ ሞኪሰ።
- 7 ሄ ቤሳን ዴዒያ አሳ ኡባይ ሄሳ ቤዒዲ፣ «ናጋራንቹዋ ሶ ጌሊዲ ሞኬታንው ሃኔስ» ያገዲ ዙዙሚደሶና።
- 8 ገደሺን፣ ዛከዮሲ ኤቁዲ ጎዳኮ፣ «ጎዳው፣ ሄኮ ታው ዴዒያ ሻሎ ኡባፌ ባጋ ማንቆታሰ እማና። አሳፔ አይባካ ዋርደን ባሉላዳ ኤኪዳባ ገዲኮ ኦይዲ ኩሼ ዛራና» ያገሰ።
- 9 ዩሱሲ ቃሰ፣ «ሃ ኡራይ አብራሃሚ ናዓ ገዲዳ ገሾ ሃቺ አቶቴላይ ሃ ሶ ዩሰ።
- 10 አሳ ናዓይ ዩዳይ ቆዩዳይሳ ኮያናሳኔ አሻናሳ» ያገሰ።

## ታሙ ሚናኔታ ለሚሰው

(ማቶ 25:14-30)

- 11 አሳይ ሄሳ ሲዒያ ዋዩ ዩሱሲ ዩሩሳላሚ ማታቲዳ ገሾኔ ያሳ ካዋቴላይ ሃዒ ማታራ ቆንጫና ዳኒዳ ገሾ ኤንታው ለሚሰ ኦዲሰ።
- 12 ሄሳ ገሾ፣ ዩሱሲ፣ «ኢሲ ጌታ አሲ ዴዔይሲ ባው ካዋቴሌ ኤኪዲ ያናው ሃራ ቢታ ቢስ።
- 13 ኢያው ኦሌያ አይሌታፔ ታማታ ጂጊዲ ኢሱዋስ ኢሱዋስ ታሙ ሚናኔ \* እሚዲ ሳታ ሲማዳ ያና ጋካናው ሃ ሚሸያራ ዛዳራቴ» ያገሰ።
- 14 «ሄ ቢታ አሳይ ኢያ ኢጂያ ገሾ ሃ ኡራይ ኦ ቦላ ካዋታና ሚላ ኦ ኮዮኮ ያገዲ አሴ ኢያ ጉዬራ ኪቲደሶና።
- 15 «ገደሺን፣ ሄ ኡራይ ካዋ ገዲዲ ባ ቢታ ሲሚሰ። ሄ ታሙ አይሌቲ ኢ እሚዳ ሚሺያን አይ ሚላ ዛዳራዲ ዋቆሲዳኮ ኡራናው ኮዩዲ ኤንታና ጂጊሲሰ።
- 16 «ኮይሮይሲ ዩዲ፣ ሳዳው፣ ኔ ታው እሚዳ ሚሺይ ሃራ ታማ ዋቆሲ» ያገሰ።
- 17 «ኢያ ጎዳይ፣ ሳና እማኔቲዳ አይሊያው ሎዎ ኦላዳሳ። ኔኒ ጉላባን እማኔቲዳ ገሾ ኔው ታሙ ካታማታ ቦላ ማታ እማሰ» ያገሰ።
- 18 «ናምዓንገይካ ዩዲ፣ ሳዳው፣ ኔ ታው እሚዳ ሚሺይ ሃራ ኢቻሻ ዋቆሲ» ያገሰ።
- 19 «ጎዳይ ኢያኮ፣ ሳናው፣ ሳናው፣ ኢቻሹ ካታማታ ቦላ ማታ እማሰ» ያገሰ።
- 20 «ሄኮ ሄሻንገይ ዩዲ፣ ሳዳው፣ ታ ጩርቃን ፃፃዳ ናገዳ ኔ ሚሺያ ሃናሹ።
- 21 አይሰ ገኮ፣ ኔኒ ኔባ ገደናባ ኤኬይሳኔ ኔ ዜርናባ ቡጩያ ኢታ አሲ ገዲያ ገሾ ኔው ያያሰ» ያገሰ።
- 22 «ኢያ ጎዳይ ዛራዲ፣ ሳና ኢታ አይሊያው ኔ ዶና ታ ኔና ፐርዳና። ታ ዋሉናባ ኤኬይሳኔ ዜርናባ ቡጩያ አሲ ገዲይሳ ኔ ኤሪኮ።
- 23 ታ ያዳ ታ ሚሺያ ዋቆራ ኤካና ሚላ ዛዳዲ አሳሰ አይሰ እማቢኪ?»
- 24 «ኢያ ጎዳይ ሄ ቤሳን ኤቁዳይሳታኮ፣ ሳናው ዴዒያ ሚሺያ ኤኪዲ ታማ ዋቆሲዳይሳሰ እሚቴ» ያገሰ።
- 25 «ኤንቲ፣ ሳዳው፣ ኢያው ካሲካ ታሙ ሚናኔይ ዴዔስ» ያገደሶና።
- 26 «ጎዳይ፣ ታ ሂንቴው ኦዲይሰ፤ ዴዒያ ኡባሰ ሃራ ጉዙታና፣ ሺን ባይናይሳፌ ሃራይ አቶ ኢያው ዴዒያራካ ኤኬታና።
- 27 ገደሺን፣ ታ ኤንታ ቦላ ካዋቶና ሚላ ኮዩዳይሳታ ሄ ታ ሞርኬታ ሃ ታ ሲንሌ ኤሂዲ ጎይራቴ» ገሰ» ያገሰ።

## ዩሱሲ ጌታ ቦንቸን ዩሩሳላሚ ጌሊሰ

(ማቶ 21:1-11፤ ማር 11:1-11፤ ዮሃ 12:12-19)

- 28 ዩሱሲ ሄሳ ኦዲዳይሳፌ ጉዬ ኤንታፌ ሲንሌ አጂ ሃሙቲዲ ዩሩሳላሚ ቢስ።
- 29 ሻማሆ ዴሪያ † ቦላ ዴዒያ ቤቴፋንኔ ቢታኒያ ማታቲዳ ዋዩ ባ ታማራታፔ ናምዓታ ያገዲ ኪቲሰ።

---

19:10 ማቶ 18:10    19:11 ማቶ 25:14-30    \* 19:13 ሚናኔ፣ ሚናኔይ ገሪኬ ዶና። ኢሲ ሚናኔይ ኢሲ ጋላሳ ኦሳንቸሰ ሂቹ አኒና ዳሞዜ ጌዴስ።    19:26 ማቶ 13:12፤ ማር 4:25፤ ሉቃ 8:18    19:27 ማቶ 25:14-30    † 19:29 ሻማሆ ዴሪያ፣ ሻማሆይ ዳር ደሊያ ዳሬ ጉሰ።



- 30 «ሂንቴ ሲንገላን ዳዒያ ጉታ ቢቴ፣ ሂንቴ ያ ጋኪያ ዋዴ ኦኒካ ቶጎና ቃሼቴዲ ዳዒያ ሃሪ ማሪ ዳማና። ኢያ ቢሊዲ ሃ ኤኪ ዪቴ።
- 31 ኦኒካ፣ ሳይሰ ቢሊቴ?» ጊዲ ኦይቸኮ፣ ሳዳይ ኢያ ኮዬሰን ያገገቴ» ያገሰ።
- 32 ከቴተዳይሳተ ቢዲ ኢ ገዳይሳዳ ሃኒን ቤዒደሶና።
- 33 ኦኒገቴ ሃሪ ማሪ ቢሊሺን ጎዳቴ ቤዒዲ፣ «ሃሪ ማሪ ኣይሰ ቢሊቴ?» ያገደሶና።
- 34 ኦኒገቴ ዛሪዲ፣ «ጎዳይ ኢያ ኮዬሰን» ያገደሶና።
- 35 ያፔ ሃሪ ማሪ ዬሱሳኮ ኤሂደሶና። ባንታ ማዑዋ ሃሪ ማሪ ዘኮን ዬጊዲ ዬሱሳ ሃሪ ማሪ ቦላ ኦቴሲደሶና።
- 36 ኣሳይካ ኢ ቢያ ኦጊያ ቦላ ባንታ ማዑዋ ሃሂደሶና።
- 37 ሻማሆ ዳሪያ ዲጌላ ዋቋሲያ ኦጊያኮ ማቴያ ዋዴ ታይቦን ከሂ ዳር ኣሳይ ኦኒገቴ ቤዒዲ ማለሊሲያባን ኡፋይቴዲ ባንታ ቃላ ቶቁ ኦሊዲ።
- 38 «ጎዳ ሱንገላን ያ ካዎይ ኣንጃቴዳይሳ ሳሉዋን ሳርይ ኡባፌ ቶቃ ሳሉዋን ቦንቾይ ያሳሰ ገደ።»
- ያገዲ ያሳ ጋላቴደሶና።
- 39 ኣሳ ገደፌ ኢሲ ኢሲ ፋሪሳዌቴ ዬሱሳኮ፣ «ኣሰታማሪያው፣ ኔ ታማሪታ ሃይዘቴ ጋዳ ሃንቄታ» ያገደሶና።
- 40 ኢ ኤንታኮ፣ «ኦኒገቴ ሲዒ ጊኮ ሹቻተ ዋሳና» ያገሰ።
- 41 ዬሱሲ ዬራሳላማ ማቴሼ ካታማ ቤዒዲ ኢያው ዬኪሰ።
- 42 «ኔው ሳር ገዳናይሳ ሃቺ ኔ ኤሪዳባ ገዲያኮሺን፣ ሃሳ ኔ ኣይፊያፔ ገሚሰ።
- 43 ኔ ዋርከቴ ኔ ዩሹዋ ዲሪዲ ዲማ ዲማ ኦጊያራ ኔና ቴቁዲ ኤንዔሊያ ዋዴይ ያና።
- 44 ኔናቴ ኔ ዲርሳ ጋርሳን ዳዒያ ኔ ናይታ ቆይሳና። ኢሲ ኢሲ ሹቹ ዳንሊዲ ሳላና፣ ኣይሰ ጊኮ ያሳይ ኔና ኣሻናው ያ ዋዲያ ኤሪባካ» ያገዲ ኢው ዬኪሰ።
- 45 ሃዳይ ጉዬ፣ ዬሱሲ ያሳ ከላ ጌሊዲ ዛሳይሳታ ያፔ ጎዲሰ።
- 46 ቃሲ፣ « ታ ከላይ ያሳ ዋሲያ ከላ ገዳና) ገዲ ፃፊቴሰ፣ ሺን ሂንቴ ታ ከላ ፓንጋታ ጎንጎሎ ኦሊዲታ» ያገሰ።
- 47 ጋሳሰ ጋሳሰ ያሳ ከላን ታማርሴሰ። ካሂኔታ ሃላቃቴ፣ ሂኔ ኣሰታማሪቴ ኔ ዳሪያ ጨማቴ ኢያ ዋቋናው ኦጊ ኮዮሶና።
- 48 ገደሺን፣ ኣሳ ኡባይ ኢያ ቴሚርቴያ ባንታ ዋዛና ዬጊዲ ሲዒያ ገሾ ኤንታው ኦላናባይ ቆይሰ።

## 20

ዬሱሳ ማታይ ኣይሁዳታሰ ኦይሾ ገዲሰ (ማቶ 21:23-27፤ ማር 11:27-33)

- 1 ኢሲ ጋሳሰ ዬሱሲ ያሳ ከላን ኣሳ ታማርሴሺኔ ዋንጌላ ማርካቴሺን፣ ካሂኔ ሃላቃቴ፣ ሂኔ ኣሰታማሪቴ ኔ ዳሪያ ጨማቴ ኢሲፌ ኢያኮ ዩዲ፣
- 2 «ኔኒ ሃይሳታ ኣይቢ ማታን ኦሊያኮ ኦሰ ኦዲ። ሃ ማታ ኔው ኣሚዳይ ኦኔ?» ያገዲ ኦይቸደሶና።
- 3 ኢ ኤንታኮ፣ «ታካ ሂንቴና ኢሲባ ኦይቻና፣ ኣኔ ታው ዛሪቴ።
- 4 ፃዎቁያ ዮሃንሳ ዲንቃቴይ ያሳፊዬ ኣሳፎ?» ያገሰ።
- 5 ኦኒገቴ ዋሊ ገደን ያገዲ ዘሪቴደሶና፣ «ዋሳፊ ጊኮ ያገገቴ፣ ኣይሰ ኣማኒቤከቴ?» ያገና።
- 6 «ኣሳፎ ጊኮ፣ ኣሳ ኡባይ ዮሃንሲ ናቤ ገደይሳ ኣማኒያ ገሾ ኦና ሹቻን ጫዳና።»
- 7 ያኒያ ገሾ፣ «ኣሚፔኮ ኦ ኤርኮ» ያገዲ ዛሪደሶና።
- 8 ዬሱሲ ዛሪዲ፣ «ሃዛ፣ ታካ ኣይ ማታን ሃይሳታ ኦሊያኮ ሂንቴው ኦዲኬ» ያገሰ።

ጎሻንቸታ ለሚሱዋ (ማቶ 21:33-46፤ ማር 12:1-12)

- 9 ሃሳፊ ጉዬ፣ ዬሱሲ ያገዲ ሃ ለሚሱዋ ኣሳሰ ኦዲሰ። «ኢሲ ኣሲ ዋይኔ ቶክሰ። ጎሻንቸታሰ ከራ ኣሚዲ ዳር ዋዴ ጋምዒዲ ያናው ሃራ ቢታ ቢሰ።
- 10 ዋይኔ ኣይፊያ ማዲያ ዋዴይ ጋከን ዋይኒያ ኣይፊያፔ ኢያው ዬዳና ማላ ጎሻንቸታኮ ባ ኣይሊያ ከቴሰ። ሺን ጎሻንቸታ ሃ ኣይሊያ ኦይኪዲ ዋቋዲ ማላ ኮሹ ዬዲደሶና።
- 11 ካሊዲካ ሃራ ኣይሊያ ከቴሰ። ቃሲ ጎሻንቸታ ኢያ ዋቋዲ፣ ካሚሺዲ ማላ ኮሹ ዬዲደሶና።
- 12 ሃሳካ ዛሪዲ ሃዝጎሎ ኣይሊያ ከቴሰ። ጎሻንቸታ ኢያካ ማዲንዲሲዲ ዋይኒያ ገደፌ ጋፃ ከሲዲ ዬገደሶና።

- 13 «ወይንያ ጎዳይ፣ ናጥን ታ አይ ኦሎ? እኔ ቃሲ ታ ዶሲያ ታ ናባ ዬዳና፤ እኒ ኤሪ ኤንቴ ኢያ ቦንቸና አጎኮና» ያገሰ።
- 14 «ሺን ጎሻንቸተ ኡራ ናባ ቤዲዳ ወይ ነሃይሲ ኢያ ላቴይሳ፣ ሃ ዪቴ ኢያ ወቆና፣ ያጥኮ ላታይ ኩሰ ገዳና» ያገረዱ ዘሬቴዶሶና።
- 15 ወይንያ ገዳፌ ጋዋ ኬሲዲ ወቆዶሶና።  
«ያጥን፣ ወይንያ ጎዳይ ሄ አሳታ ወታኔ?»
- 16 ዪዲ ሄ ጎሻንቸታ ቆይሳና፣ ወይንያ ቤሳ ሃራ አሳታሰ አሚና። አሳይ ሄሳ ሲዲዳ ወይ «ሺንቻሌ ሄሳ ማላባ ኤሆ?» ያገደሶና።
- 17 ዬሱሲ ኤንታ ጫዲ ያሊዲ።  
«ያጥን ሲሞቤ ከዚያ አሳቲ ቦሪዳ ሹቻይ፣  
ኬላሰ ማላኔ ሚናቴሌ አሚያ ኡባሬ አቋያ ሹቹ ገዲሰ»  
ገቴቴዲ ዓፊቴዳይሳ ቢርሼላይ አይቤ?»
- 18 ሄ ሹቻ ቦላ ኩንዲያ ኡባይ ቆይታና፣ ሹቻይ ኢያ ቦላ ወቆያ ኡባይ ሊቃና» ያገሰ።
- 19 ሂጌ አስታማሬቴኔ ካሂኔ ሃላቃቲ ሃ ለሚሶይ ኦዶቴዳይ ኤንታ ቦላ ገዴይሳ ኤሪዲ ሄ ወይ ኢያ ኦይካናው ኮዪዶሶና፣ ሺን አሳሰ ባቢዶሶና።

ገራባ

(ማቶ 22:15-22፤ ማር 12:13-17)

- 20 ሄሳ ገሹ፣ ዬሱሳ ዳሪያ ሃሪያ ሮሜ ካወቀ ማታሰ አሏ አሚናው ኮዪዲ ኢያ ዶናፕ ባላ ቃላ ናጎሶና። ሄሳ ፖሊሳናው ዪሎ ዳኒዲ ጨሚያ አሳታ ኢያኮ ከቲዶሶና።
- 21 ከቴቴዲ ቢዳ አሳቲ፣ «አስታማሪያው፣ ኔኒ ኦዶይሲኔ ታማርሴይሲ ሊኬ ገዴይሳ፣ ቃሲ ያሳ ኦጊያ ተማቴላን ታማርሴይሳኔ ኦናካ ሻኮናይሳ ኦ ኤሮሰ።
- 22 ሃናሺን፣ ሮሜ ካወቀሰ ገራ ገራናው ቤሲ ቤሲኔ?» ያገዲ ኢያ ኦይቹዶሶና።
- 23 ሺን ኢ ኤንታ ወዛና ኢታቴላ ኤሪዳ ገሹ
- 24 «እኔ ታና ኢሲ ሳንጥሜ ቤሲቴ፣ ኢያ ቦላ ዳዲያ ሚሲሌይኔ ስንሳይ ኦዶባዬ?» ያገሰ።  
ኤንቴ ዛሪዲ፣ «ሮሜ ካወቀ ቆሳሬይሳ» ያገደሶና።
- 25 ኢ ዛሪዲ፣ «ያጥኮ፣ ቆሳሬይሳ ቆሳሬሰ፣ ያሳይሳ ያሳሰ አሚቴ» ያገሰ።
- 26 ሄሳ ገሹ፣ ኢ ዛሪዳ ዛናዋን አሳ ሲንሳን ባላ ዳማናው ዳንዳቢቦኮና። ኢያ ዛናዋን ማላሌቴዲ ሲዲ ገደሶና።

ሃይቆፕ ዳንዶባ

(ማቶ 22:23-33፤ ማር 12:18-27)

- 27 ሃይቆፕ ዳንዶይ ባዋ ያገያ ሳዴቃወታፕ ኢሶቲ ኢሶቲ ዬሱሳኮ ዪዲ፣  
«አስታማሪያው፣ ኢሲ አሲ ማቸ ኤኪዲ ናባ ዬሎና ሃይቁኮ፣ ኢያ አሻይ ሄ ማጫሲው ኤኪዲ ናይታ ዬሊዲ ባ አሻሰ ዜሬሌ አሻና ሚላ ሙሴይ ዓፊሰ።
- 29 ሃኮ ላፑን አሻቲ ዳይሶና፣ ኮይሮይሲ ማቸ ኤኪዲ ናባ ዬሎና ሃይቁኮ።
- 30 ናምባንላይ ኢዮ ኤኪዲ ናባ ዬሎና ሃይቁኮ።
- 31 ሄዳንላይን ሃሳላ ሃኒሰ። ላፑናቲ ኡባይ ሃሳዳ ሃኒዲ ኢዮ ኤኪዶሶና፣ ሺን ናባ ዬሎና ሃይቁዶሶና።
- 32 ዉርሴላን ማጫሲያ ሃይቃሰ።
- 33 ሂዛ፣ ላፑን አዳይ ኢዮ ኤኪዲ ገሹ ሃይቆፕ ዳንዶያ ወይ ኢያ ኦዶ ማቸ ገዳኔ?» ያገዲ ኦይቹዶሶና።
- 34 ዬሱሲ ዛሪዲ፣ «አሳይ ሃ ወዲያን ኤኮሶናኔ ጌሎሶና።
- 35 ሺን ሃይቆፕ ዳንዶዲ ያና አሳሚያን ዳናው ቤሴይሳቲ ኤኮኮናኔ ጌሎኮና።
- 36 ኤንቴ ከታንቸ ሚላ ገዲያ ገሹ ሲንሳፊ ሃይቆኮና። ሃይቆፕ ዳንዶዲ ገሹ ኤንቴ ያሳ ናይታ።
- 37 ሙሴይ ጎዳ፣ ሳላብራሃሚ ጎዳ፣ ዪሳቃ ጎዳ፣ ያይቆባ ጎዳ» ገዲ ቴሺያ ገዲን ፀኑቴያ ታማ ታሪኪያ ዓፊዳይሳን ሃይቁዳ አሳይ ዳንዶይሳ ቤሴሰ።
- 38 ኡባይ ኢያው ዳንጎ ዳዮይሳታ ገዲያ ገሹ ኢ ዳንጎ ዳዮይሳታ ጎዳፕ ኣቴን ሃይቁዳይሳታ ጎዳ ገዴና» ያገዲ ዛሪሰ።
- 39 ሂጌ አስታማሬጋጥ ኢሶቲ ኢሶቲ፣ «አስታማሪያው፣ ሎዎባ ኦዳዳሳ» ያገደሶና።
- 40 ሃሳፊ ጉዬ፣ ሃራ ኦይሾ ኦይቻናው ያዪዶሶና።

ከሪሰቶሲ ኦዶ ናባ

(ማቶ 22:41-46፤ ማር 12:35-37)

41 እያፔ ካሊዲ ዬሱስ አንታቱ፡ «አሳይ ኪሪስቶስ ዋቲዲ ዳዊቲ ናዓ ያጎና?  
 42-43 አይሰ ገቡ፡ ዳዊቲይ ባ ሁዔን ባ ማፃፃፃ፡  
 ሮዎሳይ ታ ጎዳኮ «ታ ኔ ሞርኬታ  
 ኔ ቶሆይ ዬዲያሶ ኦላና ጋካናው  
 ታፔ ኦቫቻ ባጋገ ኦታ» ገሱ ያገሰ።  
 44 «ሃዛ፡ ዳዊቲይ ኪሪስቶስ፡ ሳዳ ገዲ ያገሼ እያው ናዓ ዋኒዲ ገዲ?» » ያገሰ።  
 45 ዳሬይ ኡባይ ሰዓሊን ባ ታማሬታቱ፡  
 46 «አዲሳ ማፃ ማዓዲ ዩሼ ደሴይሳታ፡ ገያን ቦንቾ ሳርሶ፡ አይሁዳ ዎሳ ከላን ቦንቾ ኦይዳ፡  
 ሞኬቲያ ሶንካ ቦንቾ ቤሲ ኮያ ሂኔ አስታማሬታ፤ ናፔቲቲ።  
 47 አንቲ አምዔታ ከላ ካሎዮሶና፡ ያሎ አሲ ዳኒዲ ዎሳ አዲሶሶና፡ አንቲ ኢታ ፒርዳ እካና»  
 ያገሰ።

## 21

አምዔ ሙፃታ  
 (ማር 12:41-44)

1 ዱሬ አሳይ ዎሳ ከላን ሙፃታ ሳዳኒያን ዩሊሽን ዬሱስ ጾቁ ገዲ አሳ ቤዒሰ።  
 2 ቃሲ እሲ ማንቆ አምዒያ ናሞው ሲከና ዩሊሽን ቤዒዲ፡  
 3 «ታ ሂንቲው ተሞ ኦዳይሰ፤ ሃ ማንቆ አምዒያ ኡባሬ አላዳ አማሰ።  
 4 አይሰ ገቡ፡ ሃ አሳ ኡባይ ባንታው ዳዒያባ፤ አሚደሶና፡ ሽን እያ ባ ፓጩያ፤ ባው ዳዒያ  
 አቁዎ ኡባ አማሰ» ያገሰ።

ወርሴላ ዎዲያ ማላታታ  
 (ማቶ 24:3-14፤ ማር 13:3-23)

5 ዬሱስ ታማሬታ፤ አሰቲ አሰቲ ዎሳ ከላይ ዳር ሎዒያ ሹቻኒኔ አሳይ ዎሳሰ አሚዳ አሞታን  
 ሎዒዳይሳ ኦዳቶሶና።  
 6 ሽን ዬሱስ፡ «ሃ ሂንቲ ቤዒያባይ ኡባይ ላሌቶና፡ ሹቹ ሹቻ ቦላ ገምቤቲዳ ሜላ አቶና  
 ዎዳይ ያና» ያገሰ።  
 7 አንቲካ፡ «አስታማሬያው፡ ሃ ኡባይ ሃናናይ አዉዳ? ቃሲ ሃይሲ ሃናናይሳሰ ማላታይ አይቤ?»  
 ያገዲ ኦዳቸደሶና።  
 8 ዬሱስ ያገዲ አንታው ዘር አሚሰ፡ «ባሌቶና ሜላ ናፔቲቲ። ዳርቲ፡ ሓኒ ኪሪስቶስ፡ ዎዳይ  
 ማታቲሰ ያገሼ ታ ሱንላን ያና፡ ሽን ሂንቲ አንታ ካሎሬቲ።  
 9 ሂንቲ ኦሳባኔ አሳ ጌላቲላ ሲዒያ ዎዳ ዳጋሞሬቲ። ሂሲ ሰንላቲዲ ሃናናይሲ አቶናባ ገዲያ  
 ገሾ ዎዲያ ወርሴላይ ኤሌሲዲ ዬና» ያገሰ።  
 10 ካሊዳካ፡ «ዳሬይ ዳሪያ ቦላ፡ ካዎቲላይ ካዎቲላ ቦላ ዳንዳና።  
 11 ገታ ቢታ ቃይይ ሃናና፡ ኮቫይኔ ጋይይ ዳማ ዳማ ቤሳን ዳራና፡ ያሽያባይኔ ገታ ማላታቲ  
 ሳሎ፤ ቆንጫና።  
 12 ሽን ሃ ኡባይ ሃናና፤ ሲንሌ ታ ሱንላ ገሾ ገዲ አሳይ ሂንቲና ጎዳናኔ ኦይካና። አይሁዳ ዎሳ  
 ከላኒኔ ቃሾ ከላን ሂንቲና ዬጋና። ካዎታ ሲንሌኔ ዳሪያ ሃሬይሳታ ሲንሌ ሂንቲና ኡፋና።  
 13 ሂሲካ ታባ ሂንቲ አንታው ማርካታናው ሎዎ ኦኔ ገዳና።  
 14 ሂሳ ገሾ፡ ሂንቲ ኦይሹቲያ ዎዳ ዎይገዲ ዘር አማኔ ገዲ ሂንቲ ዎዛናን ኡንዔቶና ሜላ  
 አከከቲ።  
 15 አይሰ ገቡ፡ ሂንቲ ሞርኬቲ ሂንቲሬ ኤቁታናዉኔ ፓላማናው ዳንዳዮና ደናኔ ጨንጫቲሌ ታ  
 ሂንቲው አማና።  
 16 ሃሪ አቶሽን፡ ሂንቲና ዬሊዳይሳቲ፡ ሂንቲ አሻቲ፡ ሂንቲ ዳቦቲኔ ላጌቲ ሂንቲና አሌ አማና።  
 ሂንቲ ገደሬ አሰታ አሰታ ዎቆና።  
 17 ታ ሱንላ ገሾ አሳ ኡባ ሲንላን ሂንቲ አጃቲዳይሳታ ገዳና።  
 18 ሽን ሃሪ አቶሽን፡ ሂንቲ ቢናና፤ አሲይካ ቆዬና።  
 19 ፖሎ ዳንዳዮን ሂንቲ፡ ሂንቲ ሽሞፕዎ አሻና።  
 20 «ዬራሳላሚ ካታማይ ዎታዳሬን ዳራሬቲዲ ኡቲዳሽን ሂንቲ ቤዒኮ እያው ቆዮይ ማታቲዳይሳ  
 ኤሪቲ።  
 21 ሄ ዎዳ ዩሁዳን ዳዒያ ኡባይ ዳሪያኮ ባቃቶ፡ ካታማን ዳዒይሳቲ ያፔ ከዮ፡ ጋዖሪያን  
 ዳዒይሳቲ ካታማ ጌሎ።  
 22 አይሰ ገቡ፡ ሃ ያሬቲዳባይ ፖሌታና ሜላ ሂሲ ዎሳይ ከሹ ዘሪያ ዎዳ።

- 23 ሳዓ ቦላ ገታ ሜቶይ ያና። ሄሳንካ እሳ ቦላ ያሳ ሃንቆይ ያና። ሄሳ ገሹ፣ ቃንፋተዳይሳታኔ ቆንጠይሳታ እዩ።
- 24 ኤንቲ ማሻን ሃይቃና፣ እሳ ኡባይ እሳጋ ቢታ ዲዔታና። እይሁዴ ገደና እሳ ዋይይ ፖሌታና ጋካናው ዩሩሳላሜይ ኤንታናን ዩቆተዳይሳ ገደና።
- 25 «እዋን፣ እገናኒ፣ ያለንቶታ ቦላ ማለታቲ ሃኒዲ ቤንታና። እባፌኔ ዙሊያ ዴቮጥፍ ዴንደይሳን ቢታን ዴዒያ እሳይ ኤንዔታና፣ ያርካና።
- 26 ሳሉዋ ዋልቃቲ ቡቁታና ገሹ እሳይ ያሻኒኔ ቢታ ቦላ እይቢ ሃናንዴሻ ገዲ ናንን ባንታና ባሌታና።
- 27 ሄ ዋይ እሳ ናዓይ ዋልቃኒኔ ገታ ቦንቹዋን ሻራራ ዩሸን ኤንቲ ቤዓና።
- 28 ሂንቲ እቶቲሳይ ማታቲዳ ገሹ ሃ ሃናቲ ፖሌቲሌ እይኪያ ዋይ ገቢቲ ኤቁቲ፣ ሂንቲ ሁዒያ ጶቁ እሌዲ ደሊቲ» ያገሰ።
- 29 ካሊዲካ፣ ሃይሳዳ ገዲ ለሚሶ ኦዲሰ፡ «ባላሴ ሚላኔ ሃራ ሚላታ ኡባ ቤዒቲ።
- 30 ኤንቲ እጩያ ዋይ ቶርቹይ ማታቲዳይሳ ሂንቲ ኤሬታ።
- 31 ሄሳዳ ሃ ሃናቲ ፖሌቲሸን ሂንቲ ቤዒኮ ያሳ ካዋቲሳይ ማታቲዳይሳ ኤሬቲ።
- 32 «ታ ሂንቲው ቲማ ኦዲይሰ፤ ሃ ኡባይ ፖሌታና ጋካናው ሃ ዩሌቲላይ እዲና።
- 33 ሳሎይኔ ሳዓይ እቆና፣ ሸን ታ ቃላይ እዲና።
- 34 «ሂዛ፣ ቆሲ ባይና ዴዎን፣ ኡሻ ዳርኒኔ ዲሳባሰ ኤንዔቲላን ሂንቲ ዋዛናይ ኦይኬቶና ሚላኔ ሄ ቃማይ እኬኮና ደሂዳ ሂንቲ ቦላ ጋኮና ሚላ ናገቲቲ።
- 35 ሄ ቃማይ ቢታ ኩሚላን ዴዒያ ኡባ ቦላ ጋካና።
- 36 ሄሳ ገሹ፣ ያ ኢታቲ ኢታናውኔ እሳ ናዓ ሰንፋን ኤቃናው ዴንዳና ሚላ ኡባ ዋይ ሚኒዲ ዋሲቲ» ያገሰ።
- 37 ጋላሰ ጋላሰ ዩሱሲ ያሳ ኬላን ታማርሲሸ፣ ቃማ ቃማ ሻማሆ ዴሬያ ቦላ ኬዩዲ እቁሰ።
- 38 እሳይ ኡባይ ኢያ ሲዓናው ዋንታ ጉራ ኢያኮ ያሳ ኬሌ ዮሶና።

## 22

ዩሁዲ ዩሱሳ እሌ እማናው ማቁቲሰ  
 (ማቶ 26:1-5፣ 14፣ 16፣ ማር 14:1-2፣ 10-11፣ ዮሃ 11:45-53)

- 1 ሄ ዋይ (ፋሲካ) ያገያ ኡይላ ባሌይ ማቲሰ።
- 2 ካሂኔ ሃላቃቲኔ ሂኔ እሰታማሬቲ እሳሰ ያዩዳ ገሹ ዋቲዲ ዩሱሳ ባንታ ገደፌ ቆይሳኔኮ ኦጌ ኮዮሶና።
- 3 ዓላሃይ ታማኔ ናሞዓታቲ ኢሱዋ ገዲዳ እሰቆርታ ዩሁዳ ገቲቲይሳ ገደ ጌሊሰ።
- 4 ዩሁዲ ካሂኔ ሃላቃታኮኔ ያሳ ኬላ ናጌይሳታ ሃላቃታኮ ቢዲ ዩሱሳ ዋቲ እሌ እማኔኮ ኤንታራ ማቁቲሰ።
- 5 እንቲካ ሄሳን ኡፋይቲዲ ሚሸ እማናው ኢያራ ዘሬቲዶሶና።
- 6 እካ ዘሬቲላን ገረሰ። እሌ ኤንታው እማናው እሲ ባይና እንጃ ዋይ ናገሼ ዴዔሰ።
- ወርሴላ ካሁዋ  
 (ማቶ 26:17-25፣ ማር 14:12-21፣ ዮሃ 13:21-30)
- 7 ሄሳፌ ጉዬ፣ ፋሲካ ደርሳይ ቸኩቲያ ኡይላ ባሌይ ጋኪሰ።
- 8 ዩሱሰ፣ «ፋሲካ ካሁዋ ማና ሚላ ቢዲ ኮሰ ገረሰቲ» ያገዲ ጳይርሳኔ ዮሃኒሳ ኪቲሰ።
- 9 ኤንቲ፣ «ኮ እዉን ገረሳና ሚላ ኔ ኮያይ» ያገዲ ኦይቹዶሶና።
- 10 ኢ ኤንታኮ፣ «ሄኮ ሂንቲ ካታማ ጌሊሸን ሃላ ኦቶ ቶኪዳ እዴይ ሂንቲራ ጋሃታና። ኢ ቢዲ ጌሊያ ኬላ ኢያ ካሊዲ ጌሊቲ።
- 11 ኬላዋኮ እሰታማሬይ፣ «ታ ታ ታማራታራ ዋላ ፋሲካ ካሁዋ ማናው እማላ ኬሌ ኣዉኔ? ያገሰን ገቲ።
- 12 ኢ ፖቁያ ቦላ ሃጻቲዲ ገረዲ ዴዒያ ዳልጋ ከፊሌ ሂንቲና ቤሳና፣ ያን ገረሰቲ» ያገሰ።
- 13 ኤንቲ ቢዲ ዩሱሰ ገዲይሳዳ ሃኒን ዴሚዶሶና፣ ፋሲካ ባሌ ካሁዋ ያን ገረሰዶሶና።
- 14 ሳቲይካ ጋኪዳ ዋይ ዩሱሰ ሃዋሪታራ ዋላ ካሁዋ ቦላ ኡቲሰ።
- 15 ኢ ኤንታኮ፣ «ታ ዋዩ ኤካናፍ ሲንፊ ሃ ካሁዋ ሂንቲራ ማናው ዳር እሞታሰ።
- 16 ሂዛ፣ ሲዒቲ! ያሳ ካዋቲላን ሃይሳሰ ቢርሽላይ ፖሌታና ጋካናው ሃ ካሁዋ ዛራዳ ሚኬ» ያገሰ።
- 17 ኡሻ ኤኪዲ ጋላቲ ሲሚዲ፣ «ሄዒቲ ሃይሳ ሂንቲ ገደን ሻኩቲቲ።
- 18 ሲዒቲ! ያሳ ካዋቲላይ ያና ጋካናው ሃቹፌ ዶማዳ ሃ ዋይኔ ኡሻፌ ዛራዳ ኡዩኬ» ያገሰ።

19 ኡይላ ኡኪዲ፣ ጋላቲ ሰሚዲ፣ «ሃይሲ ሃንቴው አሚቲያ ታ አሹዋ። ሃይሳ ኦሌሽ ታና ቆጥቴ» ያጊዲ ሚንሳዲ ኤንታው አሚሲ።

20 ሃሳዳካ፣ ካሁዋፔ ጉዬ ኡሻ ኡኪዲ፣ «ሃ ኡሻይ ሃንቴው ጉኪዳ ታ ሱላን ጊዲያ ኦራሳ ጫቁዋ።

21 ጊደሺን፣ ታና አላ አማና ኡራ ኩሼይ ታራ ኢሲፊ ጋይታና።

22 አሳ ናዓይ አያው ጌቱቶይሳ ሚላ ሃይቃናው ዴዓስ፣ ሺን ኢያ አላ አሚያ ኡራ አይ» ያጊሲ።

23 ኤንቲ ባንታ ጊደን፣ «ሃይሳ ኦኒ ኦላኔ» ጊዲ ዋሊ ኦይቺደሶና።

24 ቃሲ ኤንታ ጊደን ጌታ ጊደናይ ኦኔ ጊያ ፓላሚ ሚዴቲሲ።

25 ዬሱሲ ኤንታኮ፣ «ዴሪያ ካዋቲ ባንታ አሳ ዋልቃን ሃርሶና፤ ባንታ ዴሪያ ቦላ ጎዳቲይሳታሰካ ባንታና፣ ሎዎ ኦሌይሳታ) ያጊዲ ያሰሰና።

26 ሺን ሃንቴ ጊደን ሄሳ ሚላ ጊደፖ። ሃንቴ ጊደን ባይራቲይ ካሎዳ ሃና፤ ካሌሌሲ ካሊይሳዳ ሃና።

27 ሃናሺን፣ ሞኬይሳፊኔ ሞኬቲይሳፊ ኡወሲ አፂ? ሞኬቲይሳ ጊዴይኔ? ሺን ታኒ ሃንቴ ጊደን ሞኬይሳ ሚላ።

28 «ሃንቴካ ታ ሚቱዋን ታፔ ሻኬቶና ታራ ሚኒዲ ኡቁዳይሳታ።

29-30 ሃንቴ ታ ጋይታፔ ማና ሚላ፣ ኡያና ሚላኔ አራታታ ቦላ ኡቲዲ ታማኔ ናምቡ ኢሰራዔሌ ሹሻታ ቦላ ፐርዳና ሚላ ታ አዋይ ታና ሹሚዳይሳዳ ታካ ሃንቴና ታ ካዋቲላን ሹማና» ያጊሲ።

31 ካሊዲካ ዬሱሲ፣ «ሰሞና፣ ሰሞና፣ ዓላሄይ ሃንቴና ጊሰቲዳ ሃርቃናው ዋሲሲ።

32 ሺን ታኒ ኔ አማናይ ቆዮና ሚላ ኔው ጋናታሲ። ኔካ ሰሚዳ ዋዴ ኔ አሻታ ሚንሳ» ያጊሲ።

33 ሲሞኒ፣ «ጎዳው፣ ታኒ ኔራ ቃሺታናወኔ ሃይቃናው ጌቤታሰ» ያጊሲ።

34 ዬሱሲ ዴዓርሳኮ፣ «ታ ኔው ኦይይሰ፤ ሃቺ ኩቶይ ዋሳናፔ ሲንሐ ኔ ታና ሄዙ ቶሆ ካዳና» ያጊሲ።

35 ካሊዲካ፣ ዬሱሲ ኤንታኮ፣ «ታኒ ሃንቴና ኮርጆይ፣ ካርዒቲይኔ ጫሚ ባይና ከቲዳ ዋዴ ሃንቴው ፓጪዳባይ ዴዓ?» ያጊዲ ኦይቺሰ።

ኤንቲ ዛሪዲ፣ «አይኮይካ ፓጪቤና።

36 ኢ ኤንታኮ፣ «ሃራ ኮርጆይኔ ካርዒቲይ ዴዔይ ኦይኮ፤ ማሺ ባይናይ ባ አፊላ ባይዚዲ ማሻ ሻዋ።

37 ሃ ሲራቲ! ገላታራ ታይቤቲሰ) ጌቲቲዲ ዓፊቲዳይሲ ታናን ፖሊታናው ቤሴሰ። ኤ፣ ታ ጊሾ ዓፊቲዳባይ ፖሊቲይሲ ቱማቲሰ» ያጊሲ።

38 ኢያ ታማራቲ፣ «ጎዳው ሃይሳን ናምቡ ማሺ ዴዔሰ» ያጊደሶና።

ኢ፣ «ጊዳና» ያጊሲ።

ዬሱሲ ሻማሆ ዴሪያ ቦላ ዋሲሰ (ማቶ 26:36-46፤ ማር 14:32-42)

39 ዬሱሲ ካሲ ሚዘቲዳይሳዳ ዴንዲዲ ሻማሆ ዴሪያ ቦላ ከዩሲ። ኢያ ታማራቲ ኢያ ካሊደሶና።

40 ሃ ቤሳ ጋኪዳ ዋዴ «ፓጩን ጌሎና ሚላ ዋሲቲ» ያጊሲ።

41 ኤንታፊ ሹቺ ሆሊን ጋኪያ ሶ ሚላ ሃኪዲ ጉልባቲዲ ዋሲሰ።

42 «ታ አዋው፣ ኔ ሺኔ ጊዲኮ ሃ ሚቱዋ ታፔ አላ። ሺን ታ ሺኔ ጊደፖ ኔ ሺኔይ ሃና» ያጊዲ ዋሲሰ።

43 ኪታንቺይ ሳሎፔ ቆንጪዲ ሚንላሲ።

44 ዳር ኡንዔቲዲ ሚንላዲ ዋሲሰ። ኢያ ጫዋይካ ሱላ ያኪያዳ ሳዓን ያኪሰ።

45 ዬሱሲ ዋሳ ወርሲዲ ባ ታማራታኮ ዩሲ። ኤንቲ፣ አዛኒያፔ ዴንደይሳን ዳሱሪዲ ፂሰኪዳሺን ዴሚዲ፣

46 «አይሰ ፂሰኪቲ? ፓጩን ጌሎና ሚላ ዴንዲዲ ዋሲቲ» ያጊሲ።

ዬሱሲ ኦይኪቲሰ (ማቶ 26:47-56፤ ማር 14:43-50፤ ዮሃ 18:3-11)

47 ኢ ቡር ኦዳ ቦላ ዴሲሺን ዳር አሳቲ ዩደሶና። ታማኔ ናምዓታፔ ኢሶይ ዩሁዳ ጌቲቲይሲ ኤንታና ካሌሐሰ። ኢ ዬሱሳ ዬራናው ማቲ ሺቁሰ።

48 ሺን ዬሱሲ፣ «ዩሁዳ፣ አሳ ናዓ ዬራዳ አሳ አሚኔ?» ያጊሲ።

49 ዬሱሳ ታማራቲ ሄ ሃኑዋ ቤዲዲ፣ «ጎዳው ማሻን ሹጪና?» ያጊደሶና።

50 ኤንታ ጊደፊ ኢሶይ ካሄኔ ሃላቃ ኦሳንቺዋ ሹጪዲ ኡሻቻ ሃይሳ ቃንዒዲ ዩጊሰ።

51 ሽን ዬሱሲ፡ «አጋ! ዲነፊቴ» \* ያገሰ። ኡራ ሃይላ ቦቹዲ ፓሌሰ።

52 ሄሳፊ ጉዬ፡ ዬሱሲ ባና እይካናው ዪዳ ካሂኔ ሃላቃታኮ፡ ያሳ ከሌላ ሩጌይሳታ ሹማታኮኔ ጨማታኮ፡ «ፓና እይኪያ አሳዳ ማሼኔ ፃምባ እይኪዲ ዪዳቴ?

53 ኡባ ጋላስ ያሳ ከላን ታ ሂንቴራ ዴዲያ ዋዴ ታ ቦላ ኩሼ ዋሊቤኬታ። ሽን ሃይሲ ጴማ ካዋቴሳይ ሃራዳ ዋዴኔ ሂንቴ ዋዴ» ያገሰ።

ጳጳርሲ ዬሱሳ ካዲሲ

(ማቶ 26:57-58፣ 67-75፤ ማር 14:53-54፣ 66-72፤ ዮሃ 18:12-18፣ 25-27)

54 ሄሳፊ ጉዬ፡ ዬሱሳ እይኪዲ ካሂኔ ሃላቃ ዛባ ኤፊዶሶና። ጳጳርሲ ሃሆን ዬሱሳ ካሌሰ።

55 አሳቴ ካሂኔ ሃላቃ ዛባን ታማ ኤሌዲ ዋላ ኡተዳሽን ጳጳርሲ ኤንታራ ኢሲፊ ኡቴሰ።

56 ኢሲ እይሊያ ጳጳርሲ ታማ ማታን ኡተዳይሳ ጫዳ ያላዳ፡ «ሃ ኡራይ ኢያራ ዴዴሰ» ያገሰ።

57 ሽን ጳጳርሲ፡ «ሃ ማጫሰቴ ታ ሄ ኡራ ኤሪኬ» ያገዲ ካዲሰ።

58 ጉላ ዋዴፕ ጉዬ ኢሲ ሃራ አዳይ ኢያ ቢዲዲ፡ «ኔካ ኤንታፊ ኢሱዋ» ያገሰ።

ሽን ጳጳርሲ፡ «ሃ አዲያው ታና ገዲኬ» ያገሰ።

59 ኢሲ ሳቴ ማላ ጋምባዳፕ ጉዬ ኢሲ ሃራ አዳይ ቴሊሲዲ፡ «ሃ ኡራይ ጋለላፕ ገዲያ ገሾ ሲዴይ ባይና ኢያራ ዴዴሰ» ያገሰ።

60 ሽን ጳጳርሲ፡ «ሃ አዲያው፡ ኔ ጌይሳ ታ ኤሪኬ» ያገሰ። ኢ ሄ ኡዳ ኤንጎና ዴዲሽን ኩቶይ ዋሲሰ።

61 ጎዳይ ጉዬ ሲሚዲ ጳጳርሳ ያሊሰ። ጳጳርሲ፡ «ሃቹ ኩቶይ ዋሳናፕ ሲንሌ ኔ ታና ሄቹ ቶሆ ካዳና» ያገዲ። ጎዳይ ኡዲዳ ቃላ አኩኪሰ።

62 ጳጳርሲ ካሬ ከዪዲ ዳር ኮኮሪዲ ዬኪሰ።

63 ዬሱሳ ሩጌያ አሳቴ ኢያ ሊቀሱኔ ዴሽሌ እይኪዶሶና።

64 ኢያ እይፊያ ጎዚዲ «አኔ ቴንበቴ ኦዳ፤ ኔና ዴቹዳይ ኦኔ?» ያገዲ እይቾሶና።

65 ሃራ ዳር ጫሼ ጫዪዲ ካወሾሶና።

ዬሱሲ ጳላዳሳ ሲንሌኔ ሄርዲሳ ሲንሌ ሸቁሰ

(ማቶ 26:59-66፤ ማር 14:55-64፤ ዮሃ 18:19-24)

66 ሳዲ ዋንቲያ ዋዴ እይሁዳ ቢታ ጨማቴ፡ ካሂኔ ሃላቃቴኔ ሂጌ አስታማሬቴ ሸቁዲ፡ ዬሱሳ ባገታ ሲንሌ ሸሺዶሶና።

67 ኤንቴ፡ «ኔኔ ከሪሰቶሲ? አኔ ኦሰ ኦዳ?» ያገዲ እይቹዶሶና።

ዬሱሲ፡ «ታ ኦዲያኮ አማኔኬታ።

68 ታ እይቹያኮ ዛሬኪታ።

69 ሽን አሳ ሩዳይ ሃይሳፊ ጌዴ ባጋን ዋልቃማ ያሳ ኡሻቻ ባጋን ኡታና» ያገሰ።

70 ሄ ዋዴ ኡባይ፡ «ያቴን፡ ኔኔ ያሳ ሩዳ?» ያገደሶና።

ኢ፡ «ታ ያሳ ሩዳ ገዴይሳ ሂንቴ ገዴታ» ያገሰ።

71 ኤንቴ፡ «ሂዛ፡ ሃራ ማርካ አይ ኮሺ? ኢ ባ ኢንፃርሳን ኦዲሽን ኦ ሲዲዳ» ያገደሶና።

23

ዬሱሲ ጳላዳሳ ሲንሳን

(ማቶ 27:1-2፣ 11-14፤ ማር 15:1-5፤ ዮሃ 18:28-38)

1 ሄ ቤሳን ሸቁዳ ሻንጎቴ ኡባይ ዴገዲዲ ዬሱሳ ጳላዳሳኮ ኤፊዶሶና።

2 «ሃ ኡራይ ኦ አሳ ባለሌሽን፡ ካወቀሰ ገራ ገርና ማላ ዲገሺኔኔ ቃሲ፡ ታጌ ኪሪሰቶሳ ሂንቴ ካወቀ) ያገሽን ዴሚዳ» ያገዲ ሞቴዶሶና።

3 ጳላዳሳ ዬሱሳ፡ «ኔኔ እይሁዳታ ካዋዬ?» ያገዲ እይቹሰ።

ዬሱሲ፡ «ኤ፡ ኔ ገዴይሳ ማላ» ያገሰ።

4 ጳላዳሳ ካሂኔ ሃላቃታኮኔ አሳኮ፡ «ሃ ኡራ ቦላ ታጌ ኢሲ ባላካ ዴማቢኬ» ያገሰ።

5 ሽን ኤንቴ፡ «ሃ ኡራይ ጋለላፕ ዶሚዲ ሃይሳ ጋካናው ዪሁዳ ኩሜላ ኢታባሰ ዴንሌሌሰ» ያገዲ ማንሌ ኦዲዶሶና።

6 ጳላዳሳ ሄሳ ሲዲዳ ዋዴ ዬሱሲ ጋለላ አሴኮ ኤራናው ኮዪዲ ኢያ እይቹሰ።

7 ዬሱሲ ሄርዲሳ ቢታፊ ዪዳ አሲ ገዴይሳ ጳላዳሳ ኤሪዳ ዋዴ ሄርዲሲ ሄ ዋዴ ዬሩሳላሜን ዴዲያ ገሾ ኢያኮ ዬዲሰ።

\* 22:51 አጋ! ዲነፊቴ፡ ዬሱሲ ሃ ቤሳን አጋ ያገዳይ ኢያ አሻናው ገዲ አሳቴ ኡራ ሃይላ ቃንገይሳ አጋ ቃንገዳ ገዳይሳ፤ ሃራቴ ኢያ እይካናው ዪዳይሳታ ዲነፊቴ ሃሳ ኤንታ ዋዴ ያገዳይሳ ሩምባ ቆፋታ ዋሊ ጋሌዲ እይኪሰ። 22:53 ሉቃ 19:47፤ 21:37

8 ሄሮዲሲ ዬሱሳ በዓናው ዳሮ ዋይፔ ኮዩሼ ዳዒያ ገሾ ኢያ በዒዳ ዋዴ ዳሮ ኡፋይተሰ። እይሰ ገኑ። ኢያባ ሲዒዳ ገሾ ማላሊሲያባ ኦሊን በዓናው አሞቲሽ ዴዒሰ።

9 ሄሮዲሲ ዬሱሳ ዳሮ ኦይሾታ ኦይቸሰ። ሽን ኢ እይኮካ ዛሪቢና።

10 ካሂኔታ ሃላቃቲኔ ሃጌ አስታማሪቲ ያን ኡቁዲ ሚንሌዲ ኢያ ሞቶሶና።

11 ሄሮዲሳራኔ ኢያ ምታዳሪታራ ዬሱሳ ካጂዶሶና ለቁሲዶሶና። በንቸ አፊላ ማይዚዲ ጰላዎሳኮ ዛሪዲ ዬዲዶሶና።

12 ሄሮዲሳራኔ ጰላዎሳራ ካሴ ሞርኬሽን ሄ ጋላሰ ዋላ ገሊዶሶና።

13 ጰላዎሰ ካሂኔ ሃላቃታ። አሳ ሃሪይሳታኔ አሳ ያገዲ።

14 « ሃ ኡራይ አሳ ጌላቴላሰ ዴንሌሌሰ ገዲ ታኮ ኡሂዴታ። ታካ ሂንቴ ሲንሳን ፒሊጋዳ ሂንቴ ሺሽዳ ሞቱሞሰ እይቢ ባላካ ዴማቢኩ።

15 ሄሮዲሲ። ሄሳሶ እይቢ ባላካ ኢያ ቦላ ዴማቢና ገሾ ኮኮ ዬዲሲ። ቱማካ ሃ ኡራይ ሃይቆሰ ጋሊያ እይቢ ባላካ ኦሊቢና።

16 ሄሳ ገሾ። ኢያ ጋራፋዳ ቢላ ዬዳና። ያገሲ።

17 ሄሳ ኢ ገዲይ ፋሲካ ባሌ ዋዴ ኢሲ አሲ ኡንታው ቢላናይሲ ኢያው አቶናባ ገዲያ ገሾሳ።

18 ዴሪይ ኡባይ ኢሲ ቦላ። «ሃ ኡራ ጌዴ ዲጋ። ኮሰ ባርባና ቢላ። ያገዲ ዋሲዶሶና።

19 ባርባኒ ካታማ ገዶን አሳ ኢታባሰ ዴንሌሌዲ አሴ ምጂዲ ቃሼቲዳ አሲ።

20 ጰላዎሰ ዬሱሳ በላናው ኮዩዲ አሳሰ ዛሪ ኦዲሲ።

21 ገዶሽን። አሳይ። «ካቃ! ካቃ!» ያገዲ ዋሲዶሶና።

22 ጰላዎሰ ሄቫን። «ሃ ኡራይ ቆሂዳባይ እይቤ? ምጂሰ ጋሊያ ባላ ታ ዴማቢኩ። ሄሳ ገሾ። ጋራፋዳ ዬዳ አጋና። ያገሲ።

23 ኤንቲ ባንታ ቃላ ጶቁ ኦሊዲ። «ካቂታናው ቤሰሰ» ገዲ ሚንሌ ዋሲዶሶና። ኤንታ ዋሲይካ ያገሲ።

24 ኤንታ ኦይቫ ገሾ ገዲ ጰላዎሰ ኢያ ቦላ ፒርዲሰ።

25 አሳ ኢታባሰ ዴንሌሌይሳኔ አሴ ምጂዲ ቃሼቲዳይሳ ቢላና ማላ ዋሲዶ። ሄ ኡራ ኤንታው ቢሊሰ። ሽን ዬሱሳ ኤንቲ ኮዩዳባ ኦላና ማላ ኤንታው አሌ አሚሰ።

**ዬሱሳ ካቂዶሶና**  
(ማቶ 27:31-44፤ ማር 15:21-32፤ ዮሃ 19:17-27)

26 ዬሱሳ ኦይኪዲ ኡፊሽን ሲሞና ገያ ቁሪና ቢታ አዴይ ጋዓሬፔ ዩሽን። ዴማዲ ማሰቃሊያ ቶሲዲ ዬሱሳ ካሊዲ ባና ማላ ኡንጌሊዶሶና።

27 ዳሮ አሳይኔ ባንታ ቲራ ኢጨሽ ዩኪያ ማጫሳቲ ኢያ ጉዩያራ ካሎሶና።

28 ሽን ዬሱሲ ኤንታኮ ጉዩ ሲሚዲ። «ሂንቴና። ዬራሳላሚ ማጫሳቶ። ሂንቴ ሁዕሲኔ ሂንቴ ናይታሰ ዩኪቴፔ አቲን ታው ዬኮፊቲ።

29 «ሂኮ ማይንሳቲ። ዬሎና ኡሎቲኔ ቆንላና ቆንሳቲ ኢንጃቲዶሶና። ሂንቴ ያጋና ጋላሳይ ያና።

30 ሃ ዋዴ ዴሪታ። ሱ ቦላ ኮንዲቲ። ዙማታካ። ሱና ካሚቲ ያጋና።

31 ሂዛ። ቃዬ ማላ ሄሳሶ ኦሊኮ ማላ ማላ ዋታንዴቫ?» ያገሲ።

32 ኢያራ ምጃናው ሃራ ናሞሀ ምራንቻታ ኡፊዶሶና።

33 ቁራኒያ \* ጌቲቲያ ቤሳ ጋሊዲ ካቂዶሶና። ምራንቻታ ኢሱዋ ኡቫቻ ባጋራ ሃንኩዋ ሃዲርሳ ባጋራ ካቂዶሶና።

34 ዬሱሲ። «ታ አሞው። ኤንቲ እይ ኦሊያኮ ኡሮና ገሾ ኔኒ ኤንታው አቶ ያጋ» ያገሲ።

ኤንቲ ኢያ አፊላ ቦላ ሳማ ዩገዲ ቫኪቲዲ ኤኪዶሶና።

35 አሳይ ኡቁዲ ዲሎሶና። ሽን ዴሪያ ሃሪይሳቲ። «ሃራታ አሺሰ፤ ያሳይ ዶራዳ ኪሪሰቶሲ ኢያ ገዲኮ እኔ ባና አሾ» ያገዲ ለቁሲዶሶና።

36 ምታዳሪቲ ኢያኮ ሸቁዲ። ጫላ ምይኔ ኡቫ አሚዶሶና።

37 ያቲዲ። «ኔኒ እይሁዴታ ካዋ ገዲኮ ኔ ሁዒያ አቫ» ያገዲ ለቁሲዶሶና።

38 ኢያው ሁዒ ባጋራ። «ሃይሲ እይሁዴታ ካዋ» ያገያ ፀፊይ ዴዒሰ።

39 ካቂቲዳ ምራንቻታ ኢሶይ ጫሼ ሳራራ ሳቸሼ። «እኔ ኔኒ ኪሪሰቶሳ ገዲኮ። ኔናካ ኡናካ አቫ» ያገሲ።

40 ሽን ሃንኮ ምራንቻታ። «ኔኒ ሃይሳ ማላ ፒርዲን ዴዒሼ ሃሪ አቶሽን። ያሳሰ ያዩኪ?»

41 ኑኒ ኑ ባላሰ ቤሲያ ፒርዳ ኤኮሰ። ሽን ሃ ኡራይ ኢሲ ኢታባካ ኦሊቤና» ያገዲ ሃንቁቲሰ።

42 ቃሲካ። «ዬሱሳ። ኔ ኔ ካሞቴሳራ ያ ምዴ ታና ቆጋ» ያገሲ።

23:30 ሆሴ 10:8፤ ዮ.፩ 6:16 \* 23:33 ቁራኒያ፡ ቁራኒያ ገይሲ ገሪኬ ዶና፡ እራማይኪ ዶናን «ጎልንታ» ምይኮ «ሁዒ ጉጌ» ጉሱ። ቁራኒያ ገያ ሰንሳይ አሚቲዳይ ዬሱሰ ካቂቲዳይ አሳ ሁዒ ጉጌ ዲያ ቢሳን ገዲያ ገሾሳ። ሄ ቤሳይ ሮማ ካምቴሳይ ምራንቻታ ካቂያ ቤሲ። (ማቶ 27: 33፤ ማር 15:22፤ ዮሃ 19:17) 23:34 ማክ 22:18 23:35 ማክ 22:18፤ ማክ 22:7 23:36 ማክ 69:21

- 43 ዬሱስ፡ «ታ ኔው ቱማ ኦዲይስ፤ ሃቺ ኔኒ ታራ ጋናቲን ጊዳና» ያገለጠ።
- 44-45 ሄ ጋላስ ኡሱቸን ሳቲፔ ቢዲ ኡዲፋን ሳቲ ጋካናው አዋይ ፖዑዋ ዲጊዳ ጊሾ ቢታ ኡባ ቦላ ቋማ ጊዲስ። ያሳ ከላ ማጋራጃይ ዳኩቲዲ ናምባን ሻኩቲስ።
- 46 ዬሱስ፡ ቃላ ቶቁ ኦሲዲ፡ «ታ አዋው፡ ታ ታ ሽምጥው ኔ ኩሽን ሸቆይስ» ያገዲ ሃይቁስ።
- 47 ማቶ ሃላቃይ፡ ሃኒዳባባ ቤዒዲ፡ «ሃይሲ ኡራይ ቱማካ ሂሎ» ያገዲ ያሳ ጋላቲስ።
- 48 ሃ ሃኒያባ ቤናናው ሄ ቤሳ ሸቂዳ ኣሳ ኡባይ ሃኒዳባ ቤዒዳ ዋይ ባንታ ቲራ ኢጨሽ ባንታ ሶ ሰሚዶሶና።
- 49 ጊዶሽን፡ ዬሱሳ ማታን ኡሪያ ኣሳ ኡባይ፡ ሄሳዳካ ጋለላፔ ካሊዲ ዪዳ ማጫሳቲ ሄሳ ቤዒሽ ሃሆን ኡቁዶሶና።
- 50-51 ኣይሁዳ ሻንጎታፔ ኢሶይ፡ ዮሴፋ ጌቲቲያ ኡራይ ዳዔስ። ኢ ኣርማቲያሳ ጌቲቲያ ዪሁዳ ካታማፔ ዪስ። ኢ ሎዶኔ ሂሎ ኣሲ ጊዲያ ጊሾ ያሳ ካዎቲሳ ዩሳ ናገሰ። ሻንጎታፔ ኢሱዋ ጊዲሽ ኤንታ ዘራቴላኒ ኦሱዋን ዳና።
- 52 ሄ ኡራይ ጲላዳሶሶ ቢዲ፡ ዬሱሳ ኣሃ ሞጋናው ታው አማ ጊዲ ዋሲስ።
- 53 ጲላዳሶ ኤካ ያገን፡ ዬሱሳ ኣሃ ዋቂሲዲ ኣፊላራ ፃሂስ። ዛላፌ ዋጪዲ ኬሲዳ ሃራ ኣሲ ሞጌቶና ኦራሳ ዲፎን ዋሊስ።
- 54 ሳሞባቲ ጌላና ሃኒያ ጊሾ ሄ ጋላሳይ ጊጌቲሳ ቃማ።
- 55 ጋለላፔ ዳንዲዲ ዬሱሳ ካሊዲ ዪዳ ማጫሳቲ ዮሴፋራ ቢዲ ኢያ ኣሃ ዋቲ ሞጊያኮ ዲፋዋ ኣኩኪዲ ቤዒዶሶና።
- 56 ያፔ ሰሚዲ ሸቶኔ ቁባቲያ ጊጊሲዶሶና። ሃጌይ ኪቲይሳ ሜላ ሳሞባታ ጋላስ ሸምጥ ፕዒዶሶና።

## 24

ዬሱስ ሃይቆፔ ዳንዲስ  
(ማቶ 28:1-10፤ ማር 16:1-8፤ ዮሃ 20:1-10)

- 1 ሳሚንታፌ ኮይሮ ጋላስ፡ ዋጋ ዋይ ምንታ ዳር ጉራ፡ ማጫሳቲ ባንታ ጊጊሲዳ ሸቲዋ ኤኪዲ ዲፋዋ ቢዶሶና።
- 2 ኤንቲ ያ ጋኪያ ዋይ ዲፋዋ ዶናን ዳዒያ ሹቻይ ጎንዳሬቲዲ ከቻይሳ ዳሚዶሶና።
- 3 ኤንቲ ዲፋዋ ጋላ ጌሊዶሶና፡ ሸን ጎዳ ዬሱሳ ኣሃ ዳሚቦኮና።
- 4 ኤንቲ ያን ኡቁዲ ኣይቤ ሃኒዳ ጊዲ ቆፕሽን ኣኩኮና ዳር ጲሊያ ኣፊላ ማዒዳ ናምዑ ኣሳቲ ኤንታ ማታን ኡቁዶሶና።
- 5 ማጫሳቲ ያሹቲዲ ባንታ ሁዒያ ሳባን ዘቂ ኦሊዲ ዳዒሽን፡ ኣሳቲ ኤንታኮ፡ «ዳዖን ዳዔይሳ ሃይቆታ ጊዶን ኣይሰ ኮዩቲ?»
- 6-7 ኢ ሃይሳን ዳና፤ ሃይቆፔ ዳንዲስ፡ «ኣሳ ናዓይ ናጋራንቸታ ኩሽን ኣቋ አሚታና፤ ኤንቲካ ኢያ ካቃና። ኢ ሄሻንሶ ቃማን ሃይቆፔ ዳንዳና) ያገዲ፡ ኢ ሂንቴራ ጋለላን ዳዒሽ ሂንቴው ኦዲዳ ቃላ ቆፕቲ» ያገለጠ።
- 8 ማጫሳቲ ሄ ዋይ ኢያ ቃላ ቆፕዶሶና።
- 9 ማጫሳቲ ዲፋዋፔ ሰሚዲ ሃኒዳባ ኡባ ታማኔ ኢሶታሲኔ ሃራታሲካ ኦዲዶሶና።
- 10 ሄሳ ሃዋራታስ ኦዲዳይ ማግደላ ማይራሞ፡ ዮሃና፡ ያይቆባ ኣዪው ማይራሞኔ ኤንታራ ዳዒያ ሃራ ማጫሳታ።
- 11 ሸን ኤንታው ማጫሳቲ ኦዲዳይሲ ኤልሞ ዳኒን ኣሚኒቦኮና።
- 12 ሸን ዳዒሮሲ ዳንዲ ዋይዲ ዲፎ ቢስ። ሄ ቤሳ ጋኪዲ ሆሲ ጋላ ዪሊያ ዋይ ሞጎ ኣፊላ ፃላላ ቤዒስ። ሃኒዳባን ማላሊቲሽ ባ ሶ ሰሚስ።

ኤማሁሴ ኦጊያ ቦላ  
(ማር 16:12-13)

- 13 ሄ ጋላስ ካሊያ ታማራታፔ ናምባቲ ዬራሳላሚፔ ታማኔ ኢሲ ከሎ ሚቲራ ሃኪያ ኤማሁሴ ጉታ ቦሶና።
- 14 ኤንቲ ዋላ ሃኒዳባ ኡባ ኦዲቶሶና።
- 15 ኤንቲ ሄ ሃናታባ ቆፕሽኔ ኦዲቲሽ ቢያ ዋይ ዬሱሲ ባ ሁዒን ሸቂዲ ኤንታራ ቤስ።
- 16 ሃናሽን፡ ኤንቲ ኢያ ኤርና ሜላ ኤንታ ኣይፌይ ኦይኩቲስ።
- 17 ኢ፡ «ሂንቴ ዋላ ኦጌ ቦላ ዳዒሽ ኦዲቲይሲ ኣይቤ?» ያገለጠ።
- ኤንቲ ኣዛኒዲ ሰዒ ጊዲ ኡቁዶሶና።



18 እንታፊ ኢሶይ ቁለጥጻ ጌቲቲይሱ፤ «ሃ ቃማታ ጊደን ዩሩሳላሜን ሃኒዳባ ኤርናይሱ፤ ኔ ቢታስ እማሉዩ?» ያገሰ።

19 ኢ ዛሪዳ፤ «ኢ ሃኒዳይሱ አይቤ?» ያገዲ ኦይቸሰ።

ኢንቲ፤ «ዋሳ ሰንሳኒኔ እሳ ሰንሳን ኦሶኒኔ ኦዳን ሚኖ ናቤ ገዲዳ ናዘሬቲ ዩሱሳባ።

20 ኢያ ካሂኔ ሃላቃቲኔ ኑና ሃሪይሳቲ ሃይቆ ፐርዳስ እሌ አሚዳ፤ ካቁደሶና።

21 ኑኒ ኢሰራዔል እሳ ዋዘንዳ ገዲ ኡፋይቲዲ ናገዲሸን ሃይሱ ሃኒን ሃቺ ሃቸንሳ ቃማ።

22 ቃሲ ኑ ገደፊ ኢሲ ኢሲ ማጫሳቲ ኑና ማላሊሲደሶና። ኢንቲ ሃቺ ዋንታ ጉራ ዲፋዋ ቢደሶና።

23 ኢያ እሃ ጳዩዳ ዋዴ ሰሚ ዩዳ፤ ሩሊ ፓፃ ዴዔሰን ያገያ ከታንቸቲ ቆንጩን ቤዒዳ ያገዲ ኦዲደሶና።

24 ኑ ገደፊካ ኢሶቲ ኢሶቲ ዲፋዋ ቢዲ ማጫሳቲ ኦዲደይሳላ ሃኒን ቤዒደሶና፤ ሸን ኢያ ቤዒሶኮና» ያገሰ።

25 ኢ ኢንታኮ፤ «ሂንቴኖ፤ አከኮና አሳው፤ ሂንቴ ዋዛናይ ናቤቲ ኦዲዳባ ኡባ አማናናው ጋምዔይሳቶ፤

26 ከሪስቶሲ ሃ ሜቱዋ ኤካናወኔ ባ ቦንቸዋን ጌላናው ቤሴኔ?» ያገሰ።

27 ሙሰፔኔ ናቤታ ኡባፊ ዴንዲዲ ጌሻ ማፃፋን ኢያባይ ፃፊቲዳይሳ ኡባ ኢንታው ቆንጩሲሰ።

28 ኢንቲ ቢያ ጉታታ ማታቲዳ ዋዴ ዩሱሲ አጲዲ ሃሆ ሶ ቢያ ዳኒን።

29 ኢንቲ፤ «ሳባይ ቃሚዳ ገሻ ኑራ አቃ» ያገዲ ሚንሲዲ ዋሲደሶና። ሄሳ ገሻ፤ ኢንታራ አቃናው ጌሊሰ።

30 ኢንታራ ኢሲፊ ጋይታ ቦላ ኡቲዲ፤ ኡይላ ዴንሲዲ፤ ሜንሲ ዳንጂዲ ኢንታው አሚሰ።

31 ሄ ዋዴ ኢንቲ ኤራና ሜላ ኢንታ አይፊይ ደዬቲሰ። ኢንቲካ ኤሪደሶና። ሸን ኢ ኢንታፊ ገሚሰ።

32 ኢንቲ፤ «ኑ ኦገያ ቦላ ዴሲሸን ኢ ኑሰ ጌሻ ማፃፋ ቢርሸሸኒኔ ኑና ሃሳዩሲሸን ኑ ዋዛናይ ፀ-ጌቲቤኔ?» ያገደሶና።

33 ሄ ዋዴ ዴንዲዲ ጉዬ ዩሩሳላሜ ዩደሶና። ታማኔ ኢሶቲኔ ሃራቲ ኢሲ ቦላ ሸቁዲ ዴሲሸን ዴሚደሶና።

34 ኢንቲ፤ «ሳዳይ ቱማ ዴንዲሲ፤ ሰምናስ ቆንጩሰ» ያገደሶና።

35 ሄ ናምቡ ታማራቲ ኤማሁሴ ኦገያ ቦላ ዴሲሸን ሃኒዳይሳኔ ኡይላ ሜንሲዲ ዋዴ ዋቲ ኢያ ኤሪዳኮ ኢንታው ኦዲደሶና።

**ዩሱሲ ባ ታማራታስ ቆንጩሰ**

(ማቶ 28:16-20፤ ማር 16:14-18፤ ዮሃ 20:19-23፤ ሃ.ኦ 1:6-8)

36 ናምቡ ታማራቲ ሄሳ ኦዳ ቦላ ዴሲሸን፤ ዩሱሲ ኢንታ ጊደን ኤቁዲ፤ «ሳርይ ሂንቴው ገደ» ያገሰ።

37 ገደሸን፤ ኢንቲ ዳጋሚዳ፤ ሞይቲሌ ቤዒዳ ዳኒን ያዩደሶና።

38 ኢ ኢንታኮ፤ «አይሰ ባቢዴቲ? አይሰ ሲጴይ ሂንቴ ዋዛናን ጌሊዴ?»

39 ታ ኩሸያኔ ታ ቶሁዋ ቢዒቲ፤ ታኒ ታና። ቃሲ ኦይኪዲ ቢዒቲ፤ ታናን ሂንቴ ቤዒይሳዳ፤ ሞይቲሌሰ አሻይኔ ሜቄላ ባዋ» ያገሰ።

40 ያገዲ፤ ባ ቶሁዋኔ ባ ኩሸያ ኢንታ ቤሲሰ።

41 ኢንቲ ኡፋይሳፊ ዴንደይሳን አማናና ማላሌቲላን ዴሲሸን፤ ዩሱሲ ኢንታኮ፤ «ሃይሳን ሂንቴው ሚያባይ ዴዳ?» ያገሰ።

42 ኢንቲ ኢሲ ጫጩቲዳ ሞሎ ኢያው አሚደሶና።

43 ኢ ኤኪዲ ኢንታ ሰንሳን ሚሰ።

44 ኢ፤ «ታ ሂንቴራ ጋምዒዳ ዋዴ ኡባን ሙሴ ማፃፋታን፤ ናቤታ ማፃፋታኒኔ ማዘሙራ ማፃፋታን፤ ታ ገሻ ፃፊቲዳባይ ኡባይ ፖሌታናው ቤሲሰ ያገዳ ታ ሂንቴው ኦዲዳ ቃላይ ሃይሳ» ያገሰ።

45 ሄ ዋዴ ገሻ ማፃፋታ አከካና ሜላ ዋዛና ኢንታ ደዩሰ።

46 ሃሳዳካ፤ «ከሪስቶሲ ዋዩ ኤካና፤ ሃቸንሳ ቃማን ሃይቆቲ ዴንዳና ያገዲ ፃፊቲሰ።

47 ዩሩሳላሜፔ ዴንዲዲ እሳ ኡባሰ ናጋራፔ ማርቲላይኔ አቶቲላይ ኢያ ሱንሳን ማርካታና።

48 ሂንቴ ሄሳሰ ማርካታ።

49 ሂኮ፤ ታካ ታ አዋይ አሚዳ ኡፋይሳ ሂንቴው ዩዳና። ሂንቴ ሳሎፔ ዋልቃ ማዳና ጋካናው ዩሩሳላሜ ካታማን ጋምዒቲ» ያገሰ።

**ዩሱሲ ዴንዲሲ**

(ማር 16:19-20፤ ሃ.ኦ 1:9-11)

50 ሃሳፊ ጉዬ፤ ቢታኒያ ካታማ ኢንታና ኤኪዲ ቢሰ። ባ ኩሸያ ዴንሲዲ ዳንጂሰ።

- 51 ኤንታና ኣንጂሼ ኤንታፌ ቫኬቲዲ ፑዴ ሳሎ ኤኬቲሰ።
- 52 ኤንቲ ዘጊ ሳይኒዲ ዳሮ ኡፋይሳን ዩሩሳሌም ሲሚደሶና።
- 53 ፆሳ ኡባ ዎዴ ጋላቲሼ ፆሳ ኬፋን ጋሞዲደሶና።

### ጥሃኒሲ ፃፊዳ ዩሱስ ከሪስቶሳ ዋንጌላ ጋሳ ቆፋ

ጥሃኒሲ ዩሱሳ፡ «እሴ ገዲዲ እሳ ገዲን ቤንተዳ ያሳ ቃላ» ያገዲ ቆንጨሲስ፡ ሃ ዋንጌላይ ፃፈተዳይ፡ እያ ናባቢያ እሳይ ዩሱሲ እሳ እሼይሳ ገዲዲ ያና ጌቲቲዳ ያሳ ናባ ገዲይሳ እማና ሜሳኔ እያን እማኔይሳታስ ሜሪና ዳይይ ዳዔይሳ ኤንቲ ኤራና ሜላሳ (20:31)።

ዋንጌላስ ኮይሮ ከፊሌይ ሜሪናባ ገዲዲ ያሳ ቃላይኔ ዩሱሲ ኢሶ ገዲይሳ ኦዲ ሲሚዲ፡ ዩሱሲ እሼይሳ ገዲዲ ያና ገዲ ያሳ ናባ ገዲይሳ ቤሲያ ዳማ ዳማ ማላታታ ቆንጨሲስ። ፃፊይ፡ ዩሱስ ከሪስቶሲ ባ ሁዔን ቱማ ያሳ ናባይ ያሳ እዋራ ኢሶ ገዲይሳ (1:1) ቦላ ቆንጨሲስ። ዩሱሲ ባ ሁዔን ታ ኣብራሃሜፕ ካሴ ዳዔይሳ (8:58) ያገሲ። ወርሴላን ቶማሲ፡ «ታ ጎዳው፡ ታ ያሳው» ያገዲ ያገሲ (20:28)። ሄሳፊ ካሊዲ ቃሲ ሃ ማላታታቲ ቤንተዳ እይፊያ ኦዲያ ታሪኬቲ ካሎሶና። ሃ ከፊሌይ ኢሲ ኢሲ እሳይ ዩሱሳ እማኒዲ እያ ካሊይሳታ ገዲዲይሳ ኦዳስ፤ ቃሲ ሃራቲ ኢያራ ዋኒዲ ኤቱቲዳኮኮ ዋኒዲ እማና ኢዲዳኮ ኦዳሶና። ሺምፖ 13-17 ጋካናው ዩሱሲ ኦይኬቲዳ ኦማርሲ እያው፡ እያ ታማሬታራ እይ ሚላ ሚሮ ጋሃቲላ ዳዲያኮ፡ ቃሲ ዋንጌላ ጋላስ ካቱታናፕ ሲንፍ ጊጌቲላ ቃላኔ ሚንፍላ ቃላ ኤንታው ኦዲዳይሳ ቆንጨሲስ። ወርሴላ ሺምፖቲ ዩሱሲ ኦይኬቲዳባኔ ፐርዳስ ሺቁዳባ፡ እያ ካቱቲላኔ እያ ዳንዲዋ፡ ሄሳዳካ ዳንዲዋፊ ጉዬ ባ ታማሬታስ ኢ ቆንጨዳ ቆንጨፎላባ ኦዳሶና።

#### ጥሃኒሳ ዋንጌላ እይፊ ቆፋታ

ጌሎ ቆፋ 1:1-18

ፃማቁያ ጥሃኒሳኔ ዩሱሳ ኮይሮ ታማሬታ 1:19-51

ዩሱሲ ቆንጨኝ ኦሶ ኦይኮይሳ 2:1-12:50

ወርሴላ ቃማታ ዩራሳላሚ ሄራን 13:1-19:42

ጎዳ ዳንዲዋኔ ቆንጨፎላ 20:1-31

ኩሻ ቆፋ፡ ጋላላን ዛሪዲ ባ ታማሬታስ ቆንጨይሳ 21:1-25

ዳፆ ቃላ

- 1 ቃላይ ኮይሮ ዳዔስ። ቃላይካ ያሳራ ዳዔስ፤ ሄ ቃላይ ያሳ።
- 2 ኮይሮፕ ቃላይ ያሳራ ዳዔስ።
- 3 ያሳይ ኡባባ ቃላ ባጋራ ሜፂስ። ሜጴቲዳባፕ ኢሶይካ ኢያ ባጋራ ሜጴቶናባይ ባዋ።
- 4 ኢያን ዳይይ ዳዔስ፤ ሄ ዳይይ ኣሳስ ፖፖ።
- 5 ፖፖይ ፉማን ፖዔስ፤ ፉማይ ፖዑዋ ያኒቤና።
- 6 ያሳይ ከቲዳ፣ ኢሲ ጥሃኒሳ ገያ ኣሲ ዳዔስ።
- 7 ኣሳ ኡባይ ፖዑዋን እማና ሜላ ኢ ፖፖስ ማርካ ገዲዲ ዩሲ።
- 8 ኢ ፖዑዋባ ማርካታናው ዩሲፕ ኣቲን ባ ሁዔን ፖፖ ገዳና።
- 9 ኣሳ ኡባስ ፖዒሲያ ቱማ ፖፖይ ኣላሚያ ዩሲ።
- 10 ቃላይ ኣላሚን ዳዒስ። ያሳይ ቃላን ኣላሚያ ሜፂስ፣ ሺን ኣላሚይ ኢያ ኤሪቤና።
- 11 ኢ ባይሳታኮ ዩሲ፣ ሺን ኢያይሳቲ ኢያ ኤኪቦኮና።
- 12 ሺን ኢ ባና ኤኪዳይሳታሲኔ ኢያ ሰንሳን እማኒዳይሳታስ ያሳ ናይታ ገዳና ሜላ ማታ ኣሚስ።
- 13 ኤንቲ ያሳፊ ዩሊቲዳሶናፕ ኣቲን ኣሲ ዩሊቲያ ዋጋን ዋይኮ ኣይ ሺኔን ዋይኮ ኣሳ ኣዋን ዩሊቲቦኮና። ያሳይ ኢ ኤንታ ኣዋ።
- 14 ቃላይ ኣሴ ገዲሲ፤ ኣጼ ኬሃቲላኔ ቱማ ኩሚዲ ኦ ገዲን ዳዒስ። ኢ ኣዋስ ኢሲ ናባ ገዲዲዲ ኤኪዳ ኢያ ቦንቹዋ ኦኒ ቤዒዳ።
- 15 ጥሃኒሲ ኢያባ ማርካቲስ። ባ ቃላ ጶቁ ኦሊዲ፡ «ታኒ፣ ታፕ ጉዬራ ዩይሲ ታፕ ካሴ ዳዒያ ጊሾ ታፕ ኣጼስ» ጋዳ ማርካቲዳይሲ ሃይሳ» ያገሲ።
- 16 ኦኒ ኡባይ ኢያ ኣጼ ኬሃቲላ ኩሜላፊ ኣንጅ ቦላ ኣንጅ ኤኪዳ።
- 17 ያሳይ ሂጊያ ሙሴ ባጋራ ኣሚስ፣ ሺን ኣጼ ኬሃቲላይኔ ቱማቲላይ ዩሱስ ከሪስቶሳ ባጋራ ዩሲ።
- 18 ያሳ ቤዒዳ ኣሲ ኦኒካ ባዋ፤ ባ ኣዋ ማታን ዳዒያ ኢሲ ናባ ዓላሊ ባው ያሴ ገዲዳይሲ ኢያ ቆንጨሲስ።

ፃጣቂያ የሃኒሳ ማርካቴፋ

(ማቶ 3:1-12፤ ማር 1:1-8፤ ሉቃ 3:1-8)

19 ዬሩሳሌምን ደዲያ እይሁዳ ሃላቃት፣ ካሂኔታኔ ለዌታ፣ «ኔኒ ኦኔ?» ገዲ፣ የሃኒሳ ኦይቻና ማላ እያኮ ከተገ፣ የሃኒሳ ኤንታው ማርካቴዳ ማርካቴሳይ ሃይሳ።

20 የሃኒሱ፣ «ታኒ ከሪሰቶሳ ገዲኬ» ያገዲ፣ ጌሺዲ ማርካቴሲፔ ኦተን ካዲቤና።

21 ኤንተ፣ «ያተገ፣ ኔኒ ኦኔ? ኔኒ ኤሊያሴዬ?» ያገዲ ኦይቹደሶና።

የሃኒሱ፣ «አካይ ገዲኬ» ያገሰ።

ቃሲ ኤንተ፣ «ኔኒ ያና ጌቴቴዳ ናቢያዬ?» ያገዲ ኦይቹደሶና።

የሃኒሱ፣ «አካይ» ገዲ ዛሪሰ።

22 ያተገ፣ «ኔኒ ኦኔ? ኦኒ ኦና ከተዳይሳታሰ ኦድና ማላ ኔኒ ኔና ኦና ጋይ?» ያገደሶና።

23 የሃኒሱ ዛሪዲ፣ «ናቢያ አሳያሲ ገዲዳይሳዳ፣

ሳዳ ኦጊያ ሱሪሲቴ!»

ገዲ ባዞ ቢታን ዋሲያ ኡራ ቃላይ ታና»

ያገሰ።

24 ቃሲ ፋሪሳዌቲ ከተዳ አሳቲ

25 የሃኒሳኮ፣ «ኔኒ ከሪሰቶሳ ዋይኮ ኤሊያሳ ዋይኮ ናቤ ገደና ኢዌኮ፣ ያተን አይሰ ፃጣቂያ?»

ገዲ ኦይቹደሶና።

26 የሃኒሱ ዛሪዲ፣ «ታኒ ሃላን ፃጣቂያይ፣ ሺን ሂንቴ ኤርና አሲ ሂንቴ ገደን ኤቄሰ።

27 ኢ ታፔ ጉዬራ ዬሰ። ታኒ ሃሪ አቶሺን ኢያ ጫማ ዋደሩዋ ቢላናው ቤሲኬ» ያገሰ።

28 ሄሲ ኡባይ የሮዳናሴ ሻፋፔ ሄፊንሳን፣ ቢታኒያ ካታማን፣ የሃኒሱ ፃጣቂያ ቤሳን ሃኒሰ።

**ዳሳ ደርሳ**

29 የሃኒሱ ዋንቴላ ጋላሰ ዬሱሲ ባኮ ዪሺን ቤዲዲ፣ «አላሚያ ናጋሪ ቁቹያ ዳሳ ደርሳይ ሃይሳ!

30 ታኒ፣ «ታፔ ጉዬራ አሲ አሲ ያና። ኢ ታፔ ካሴ ዳዲያ ገሻ ታፔ አዲሰ» ጋዳ ኦዲዳይሲ ሃይሳ።

31 ኢ ኦኔኮ ታኒ ኤሪኬ። ሺን ኢሰራዬሌ አሳሰ ኢያ ቆንጨሳናው ሃላን ፃጣቂያ ያሰ» ያገሰ።

32 የሃኒሱ ሃይሳዳ ያገዲ ማርካቴሰ፣ «ጌሻ አያናይ ሳሎፔ ሆሌዳ ዋዲሺኔ ኢያራ ዳዲሺን ቤዳሰ።

33 ሄሲ ሃናናፔ ካሴ ታኒ ኢያ ኤሪኬ። ሺን ሃላን ፃጣቂያው ታና ከተዳ ዳሳይ፣ ሲሻ አያናይ ዋዲዲ ኢያራ ዳዲሺን ኔኒ ቤዳናይሴኔ ጌሻ አያናን ፃጣቂያይሲ ኢያ ያገዲ ታው ኦዲሰ።

34 ታኒ ሄሲ ሃኒሺን ቤዳዳ፣ ኢ ዳሳ ናዳ ገዲዳይሳ ማርካቴሰ» ያገሰ።

**ዬሱሳ ካሊዳ ኮይሮ ታማሬታ**

35 ቃሲ ዋንቴላ ጋላሰ የሃኒሱ ባ ታማሬታፔ ናምባታራ ኢሲፊ ኤቄሰ።

36 ዬሱሱ አዲሺን የሃኒሱ ቤዲዲ፣ «ዳሳ ደርሳይ ሃይሲሸ!» ያገሰ።

37 ናምባ ዮሃኒሳ ታማሬቲ የሃኒሱ ጌይሳ ሲዲዲ ዬሱሳ ካሊዳሶና።

38 ዬሱሱ ባና ካሊይሳታ ጉዬ ሲሚ ቤዲዲ፣ «አይ ኮዬተ?» ያገዲ ኦይቹሰ።

ኤንተ ዛሪዲ፣ «አሰታማሪያው፣ ኔኒ አዉን ዳዳይ?» ያገደሶና።

39 ዬሱሱ ኤንታኮ፣ «ሃ ዪዲ ቤዳቴ» ያገሰ። ኤንተ ቤዲ ኢ ዳዲያሱዋ ቤዲደሶና። ሄ ጋላሰ ሳይ ታሙ ሳቲ ሄራ ገዲያ ገሻ ኢያ ማታን ፔዲደሶና።

40 የሃኒሱ ገዲይሳ ሲዲዲ፣ ዬሱሳ ካሊዳ ናምባ ታማሬታፔ አሰይ፣ ሲሞን ጳይሮሳ እሻ ኢንዲሪያሳ።

41 ኢንዲሪያሱ ኮይሮ ባ እሻ ሲሞናራ ጋሂቲዲ፣ «ኦኒ ከሪሰቶሳ ዳሚዳ» ያገሰ።

42 ኢንዲሪያሱ ሲሞና ዬሱሳኮ ኤሂሰ።

ዬሱሱ ሲሞና ቤዲዲ፣ «ኔኒ ዮና ናዳ ሲሞና፤ ኔ ሱንሳይ ኬፋ \* ገዲ ዌጌታና» ያገሰ።

**ዬሱሱ ፊልጶሳኔ ናቲናዬላ ዌጊሰ**

43 ዋንቴላ ጋላሰ ዬሱሱ ጋሊላ ቢታ ባናው ቆፋ ቃቹሰ። ኢ ፊልጶሳኔ ጋሂቲዲ፣ «ታና ካላ!» ያገሰ።

44 ፊልጶሱ፣ ኢንዲሪያሱን ጳይሮሱ ዳዲዲ ቤቲሳይዳ ካታማፔ ዪዳ አሲ።

45 ፊልጶሱ ናቲናዬላራ ጋሂቲዲ፣ «ሙሴይ ሂጌ ማፃፃን፣ ቃሲ ናቤቲካ ኢያባ ፃፊዳ ዮሴፋ ናዳ ላይሬቲ ዬሱሳ ኦኒ ዳሚዳ» ያገሰ።

46 ናቲናዬሊ ዛሪዲ፣ «ናዚሬቲ ካታማፔ ሎዋባይ ኬያናው ዳንዳዳ?» ያገሰ።

ፊልጶሱ፣ «ያዳ ቤዳ» ያገሰ።

1:21 ማላ 4:5፤ ዛሬ 18:15-18      1:23 እሳ 40:3      \* 1:42 ኬፋ፡ ጊያ ቃላይ ኦራማይኬ ዳና ገዲሺን፣ ገሪኬ ዳናን ቢርሸላይ ጳይሮሳ ዋይኮ ዛላ ጉሱ።

47 ናተናዔሊ ባኮ ዩይሳ ዩሱሲ ቤዒዲ፥ «ጌኔይ ባይና ቱማ ኢሰራዔሊ ኣሲ ሃይሳ!» ያገሲ።  
 48 ናተናዔሊ ዩሱሳኮ፥ «ኔኒ ታና ኣዉን ኡራይ?» ያገሲ።  
 ዩሱሲ ዛሪዲ፥ «ፊልጶስ ኔና ጃጋናፕ ሲንሌ፥ ኔኒ ባላሴ ማላ ጋርሳን ዴዒሺን ታኒ ኔና ቤዓስ» ያገሲ።  
 49 ናተናዔሊ ዛሪዲ፥ «ኣስታማሪያው፥ ኔኒ ያሳ ናዓ! ኔኒ ኢሰራዔሊ ካዎ!» ያገሲ።  
 50 ዩሱሲ ኢያኮ፥ «ታኒ ኔና ባላሴ ማላ ጋርሳን ቤዓስ ገዳ ጊሾ ኣማናይ? ኔኒ ሃይሳፊ ኣጂያባ ቤዓና!» ያገሲ።  
 51 ቃሲ ዩሱሲ፥ «ታኒ ሂንቲው ቱማ ኦዲይስ፤ ሳሎይ ዶዩቲን፥ ያሳ ኪታንቸቲ ኣሳ ናዓ ቦላ ከዩሺኒይ ዎጂሺን ሂንቲ ቤዓና» ያገሲ።

## 2

### ዩሱሲ ያጋኖ ቤሳን

1 ሃሸንሎ ጋለላ ቢታን ቃና ካታማን ያጋኖይ ያጋኔቲስ። ዩሱሳ ኣያ ሄ ያጋኑዎን ዴዓዉስ።  
 2 ዩሱሲካ ባ ታማራታራ ኢሲፊ ሄ ያጋኑዎ ጸጌቲስ።  
 3 ዎይኔ ኡሻይ ዉሪን፥ ዩሱሳ ኣያ ዩሱሳኮ፥ «ኤንታው ዎይኔ ኡሻይ ዉሪስ» ያጋሱ።  
 4 ዩሱሲ ዛሪዲ፥ «ታ ኣዬ፥ ኔ ሃይሳን ጌሎጋ? ታ ዎዴይ ቡር ጋከቤና» ያገሲ።  
 5 ዩሱሳ ኣያ ኦሳንቸታኮ፥ «ኢ ሂንቲው ኦዲያባ ኣይቢባ ጊዲኮካ ኦላቲ» ያጋሱ።  
 6 ኣይሁዴቲ ባንታ ጊሾ ዎጋስ ጎዒቲያ ኡሱቸን ሹቻ ባላቲ ሄ ቤሳን ዴዖሶና፥ ኢሲ ኢሲ ባላይ ናዎው ዎይኮ ሄሹ ፀ-ጋ ኦይኬስ።  
 7 ዩሱሲ ኦሳንቸታኮ፥ «ባላታን ሃሌ ኩንላቲ» ያገሲ። ኤንቲ ባላታስ ዶና ጋካናው ሃሌ ኩንላዶሶና።  
 8 ዩሱሲ ኤንታኮ፥ «ሃሲ ዴቁዲ ያጋኑዎ ኣዎቲላን ፖሊሴይሳስ ኣሚቲ» ያገሲ። ኤንቲ ኢያው ኡፊዲ ኣሚዶሶና።  
 9 ያጋኑዎ ኣዎቲላን ፖሊሴይሲ ዎይኔ ኡሽ ላሚቲዳ ሃላ ጋንጻ ኤኪዲ ኣዉፔ ዩዳኮ ኤሪቤና፥ ሺን ሃላ ኩንላዲ ኦሳንቸቲ ኤርሶና፥ ያጋኑዎ ኣዎቲላን ፖሊሴይሲ ማቸው ኤኪይሳ ጃጊዲ፥  
 10 «ኣኒካ ሎዎ ዎይኔ ኡሻ ኣሳ ኮይርቲዲ ኡሹስ። ያቲዲ ኣሳይ ኡዩ ካሊዳፕ ጉዬ ቂራሪያ ኣሚስ። ሺን ኔኒ ሎዎ ዎይኔ ኡሻ ሃኖ ጋካናው ዎላ ኣጋዳሳ» ያገሲ።  
 11 ዩሱሲ ሃ ኮይር ማላታ ጋለላ ቢታን ቃና ካታማን ኦላሲ፤ ሄሳን ባ ጊታቲላ ቤሲስ። ኢያ ታማራቲ ኢያ ኣማኒዶሶና።  
 12 ሄሳፊ ጉዬ፥ ዩሱሲ ባ ኣዬራ፥ ባ ኣሻታራኔ ባ ታማራታራ ኢሲፊ ቂፊርናሆሜ ካታማ ቢዲ ጉላ ጋለሳ ጋምዒስ።

### ዩሱሲ ያሳ ኬላፊ ዛላዒይሳታ ኬሲስ

(ማቶ 21:12-13፤ ማር 11:15-17፤ ሉቃ 19:45-46)

13 ኣይሁዴቲ ቦንቺያ ፓሲካ ባሊ ጋላሳይ ማታቲን ዩሱሲ ዩሩሳላሚ ቢስ።  
 14 ቢዲ ያሳ ኬላን ቦራታ፥ ሚዛታ፥ ዶርሳታኔ ሆሊታ ባይዜይሳታኔ ባንታ ኦይዲያን ኡቲዲ ሚሺ ላሚይሳታ ዴሚስ።  
 15 ኢ ፀርቃፊ ዶቂዲ ኣሳ ኡባ ኤንታ ሚሄታራ ያሳ ኬላፊ ጎዲዲ ካሬ ኬሲስ። ሚሺ ላሚይሳታ ሃርጶዛታካ ኣሌ ዩጊዲ ኤንታ ሚሺያ ላሊስ።  
 16 ሆሊ ባይዜይሳታ፥ «ሃ ሆሊታ ሃይሳፊ ኬሲቲ፤ ታ ኣዎ ኬላ ጊያ ኦላፊቲ» ያገሲ።  
 17 ኢያ ታማራቲ ጊሻ ማፃላን፥ «ታኒ ኔ ኬላስ ሚሺቲያ ሚሻይ ታና ታማዳ ፀጊሸ» ጌቲቲዲ ፃፊቲዳይሳ ኣኪኪዶሶና።  
 18 ሄሳፊ ጉዬ፥ ኣይሁዴቲ ዛሪዲ፥ «ኔ ሃይሳ ኦላናው ኔው ማቲ ዴዒይሳስ ኮና ኣይ ማላታ ኦላና ቤሳኔ?» ያገደሶና።  
 19 ዩሱሲ፥ «ሃ ያሳ ኬላ ላሊቲ፤ ታኒ ሄሹ ጋላሳን ዛራዳ ከፃና» ያገሲ።  
 20 ቃሲካ ኣይሁዴቲ፥ «ሃ ያሳ ኬላ ከፃናው ኦይታማኔ ኡሱቸን ላይሌ ኤኪስ፥ ሺን ኔኒ ሄሹ ጋላሳን ከፃኔ?» ያገደሶና።  
 21 ሺን ዩሱሲ ኦዲያ ያሳ ኬላይ ባ ኣሳቲላባ።  
 22 ሄሳ ጊሾ፥ ዩሱሲ ሃይቆፔ ዴንዲዳፕ ጉዬ ኢያ ታማራቲ ኢ ሄሳ ጊዳይሳ ኣኪኪዶሶና። ቃሲ ኤንቲ ጊሻ ማፃላን ፃፊቲዳይሳኔ ዩሱሲ ኦዲዳይሳ ኣማኒዶሶና።  
 23 ዩሱሲ ፓሲካ ቦንቺያ ቤሳን ዩሩሳላሚን ዴዒሺን፥ ኢ ኦላዲ ማላታታ ቤዒዲ ዳር ኣሳይ ኢያ ኣማኒዶሶና።  
 24 ሺን ዩሱሲ ኣሳ ኡባ ኤሪያ ጊሾ ኤንታ ኣማኒቤና።

25 እሳ ዋዛናን ደዲያባ ኢ ባ ሁዔን ኤሪያ ጊሾ እሳባ ኦኒካ ኢያው ኦዳና ማላ ኮሺቤና።

### 3

#### ዩሱሳኔ ኒቆዲሞሳ

1 ፋሪሳዊታ ያሪፕ ጊዲዳ፣ አይሁዳታ ሃላቃይ፣ ኒቆዲሞሳ ጊያ ኢሲ አዳይ ዳዒስ።

2 ኒቆዲሞሳ ቃማ ዩሱሳኩ ዩዲ፣ «አስታማሪያው፣ ኔኒ ያሳይ ከቲዳ አስታማሪ ጊዳይሳ ኑኒ ኤርስ። አይስ ጊኮ፣ ያሳይ ኢያራ ዶና ኢዳኮ ሃ ኔኒ ኦሌያ ማላታ ኦሳናው ዳንዳዒያ እሲ ባዋ» ያገሰ።

3 ዩሱሲ ዛሪዲ፣ «ታኒ ኔው ቱማ ኦዳይስ፤ ኦኒካ ዛሪ ዩሌቶና ኢዳኮ ያሳ ካዎቲላ ቤዳናው ዳንዳዒና» ያገሰ።

4 ኒቆዲሞሳ፣ «ጩጋ እሲ ዋኒዲ ዛሪ ዩሌታናው ዳንዳዒ? ባ አዩ ኡሎ ሰሚ ጌሊዲ ዛሪ ዩሌታናው ዳንዳዒ?» ያገሰ።

5 ዩሱሲ ዛሪዲ፣ «ታኒ ኔው ቱማ ኦዳይስ፤ ኦኒካ ሃላፊኔ ጌሻ አያናፕ ዩሌቶና ኢዳኮ፣ ያሳ ካዎቲላ ጌላናው ዳንዳዒና።

6 አሾ ናዓቲላ አወፕኔ አዩፕ ዩሳ ናዓቲላ ጌሻ አያናፕ አሚቲስ።

7 ታኒ፣ «ሂንቲ ዛሪ ዩሌታናው ቤሴስ) ጋዳ ሂንቲው ኦዲዳ ጊሾ ኔኒ ማላሌቶፋ።

8 ጫርኮይ ባ ኮዩዳ ቤሲ ጫርኬስ። ኔኒ ኢያ ኮሺንቻ ሲዓሳፕ አቲን ኢ አወፕ ያኮ ዎይኮ አው ቢያኮ ኤሪካ። አያናፕ ዩሌቲዳ ኡባይ ሄሳ ማላ» ያገሰ።

9 ያቲን ኒቆዲሞሳ፣ «ሂሲ ዋኒዲ ሃናናው ዳንዳዒ?» ያገደ አይቸስ።

10 ዩሱሲ ዛሪዲ፣ «ኔኒ ኢሰራዒላታ አስታማሪ ጊዳሼ ሃይሳ ኤሪከ?»

11 ታኒ ኔው ቱማ ኦዳይስ፤ ኦ ኤሪያባ ኦዲሲኔ ቤዳዳባ ማርካቶስ፣ ሺን ኦ ማርካቲላ ሂንቲ ኤኬኬታ።

12 ታኒ ሂንቲው ሳዓባ ኦዲን ሂንቲ አማናባ ጊዲኮ ሳሎባ ኦዲን ዋቲ አማናኔ?

13 ሳሎፕ ዎፊዳ እሳ ናዓፕ አቲን ሳሎ ኬዩዳይ ኦኒካ ባዋ፤ [ሳሎን ዳዒያ እሳ ናዓይ ታና] \* ያገሰ።

14-15 ሙሴይ ባዙ ቢታን ቢራታ ሾሺ ካቂዳይሳዳ ታና አማኒዳ ኡባይ ሜሪና ዳዑዋ ኤካና ማላ እሳ ናዓይ ቶቁ ጋናው ቤሴስ።

16 ያሳ ናዓ አማኒያ ኡባይ ሜሪና ዳዑዋ ላታናፕ አቲን ቆዮና ማላ ያሳይ ሃ አላሚያ ዳር ዶሲዳ ጊሾ ባ ኢሲ ናዓ አሚስ።

17 ያሳይ ባ ናዓ ሃ አላሚያ ከቲዳይ አላሚያ ፐርዳናው ጊዳናሽን አላሚያ ኢያ ባጋራ አሻናሳ።

18 ናዓ አማኒያ ኦኒካ ፐርዳቲና፣ ሽን ናዓ አማናኔ ኦኒካ ኢሲ ያሳ ናዓ አማኒሮና ጊሾ ሃዒ ፐርዳቲስ።

19 ፐርዳይካ ሃይሳ፣ ፖይ አላሚያ ዩስ፣ ሽን እሳ ኦሶይ ኢታ ጊዲያ ጊሾ እሳይ ፖዑዋፕ አሌዲ ቆማ ዶሲስ።

20 ኢታባ ኦሌያ ኦኒካ ፖዩ ኢዳስ። አይስ ጊኮ፣ ባ ኦሶይ ቆንጮና ማላ ፖዑዋኮ ዩና።

21 ሽን ቱማ ኦሌያ ኦኒካ ያሳይ ከቲዳይሳዳ ኢ ኦሌዳይሳ ፖይ ቆንጪሳና ማላ ፖዑዋኮ ዩስ።

#### ዩሱሳኔ ፃማቂያ የሃኒሳ

22 ሃሳፊ ጉዬ፣ ዩሱሳኔ ኢያ ታማሬቲ ዩሁዳ ቢታ ቢዶሶና። ዩሱሲ ያን ፃማቂሼ ኤንታራ ጉላ ዎዴ ኡቲስ።

23 ቃሲ የሃኒሲ ሳሊሜ ማታን ዳዒያ ሄናና ጊያሶን ጊዲያ ሃላ ዳዒያ ጊሾ እሳ ያን ፃማቂስ። አሳይካ ያ ቢዲ ፃማቂቶሶና።

24 ሄ ዎዴ የሃኒሲ ቡር ቃሹቲቤና።

25 ሃሳፊ ጉዬ፣ የሃኒሳ ታማሬቲኔ ኢሲ አይሁዳ አዳይ ተ ጌሾ ዎጋባ ፓላሚዶሶና።

26 ኤንቲ የሃኒሳኮ ቢዲ፣ «አስታማሪያው፣ ዮርዳናሴ ሻፋፕ ሄፊንጎን ኔራ ዳዒይሲ፣ ኔኒ ኢያባ ማርካቲዳይሲ፣ ሄኮ ፃማቂስ። አሳይ ኡባይካ ኢያኮ ቦሶ» ያገደሶና።

27 የሃኒሲ ዛሪዲ፣ «ያሳይ አሞና እሲ አይቢባካ ኤካናው ዳንዳዒና።

28 ነታኒ ከሪሰቶሳ ጊዲኬ፣ ሽን ኢያፕ ሲንፊ ከቲታሱን ጊዳይሳሳ ሂንቲ፣ ሂንቲ ሁዒን ታው ማርካ።

29 ጌሎሰ ጊጊዳራ ኤኬናው ጊጊዳይሳሳ። ኤኬይሳ ሳጌይ ኢያ ማታን ኤቂዲ ኢ ጌይሳ ሲዒያ ዎዴ ዳር ኡፋይቲስ። ሄሳ ጊሾ፣ ሃይሲ ታ ኡፋይሳይ ፖሊቲስ።

\* 3:13 ሳሎን ዳዒያ እሳ ናዓይ ታና፣ ኢሲ ኢሲ ቤኒ ማፃፋቲ ጉጃሶና። 3:14-15 ታይ 21:9 3:24 ማቶ 14:3፤ ማር 6:17፤ ሉቃ 3:19-20 † 3:25 ኢሲ አይሁዳ አዳይ፣ ኢሲ ኢሲ ማፃፋቲ «ጉላ አይሁዳ እሳቲ» ያሰሶና። 3:28 የሃ 1:20

30 እ ጊታታናው ታኒ ጉፃናው ቤሴስ» ያገለገለ።

31 ቦላፌ ዬይሲ ኡባፌ ቦላ። ሳዓፔ ቤንቴዳይሲ ሳዓባ። እ ሳዓባ ኦዴስ። ሳሎፔ ዬይሲ ኡባፌ ቦላ።

32 እ ሳ ቤዒዳባኔ ስዒዳባ ማርካቴስ፣ ሺን ኢያ ማርካቴላ ኤኬይ ባዋ።

33 ኢያ ማርካቴላ ኤኬያ ኦኒካ ያሳይ ቱማ ጊዴይሳ ቆንጨሲስ።

34 ያሳይ ባ ጌሻ አያና ኢያው ኩሜላ ኢሚያ ጊሾ ያሳይ ከቴዳይሲ ያሳ ቃላ ኦዴስ።

35 አዋይ ባ ናዓ ደሲዲ ኡባባ ኢያ ኩሺን ዋላስ።

36 ናዓ አማኒያ ኡራስ ማሪና ዴይ ዴይሲ። ሺን ናዓ አማናይሳ ቦላ ያሳ ሃንቆይ ዴዒሲፔ አቴን ኢ ዴይ ዴሚና።

### 4

#### ዬሱሳኔ ሳማራ ማጫሲው

1 ዬሱሲ የሃኒሳይሳፌ ዳሪያ ካሌይሳታ ባኮ ሺሼይሳኔ ፃማቂይሳ ፋሪሳዌቴ ስዒደሶና።

2 ጊዲኮካ ዬሱሳ ታማራቴ ፃማቂደሶናቴ አቴን ዬሱሲ ኦናካ ፃማቂቤና።

3 ዬሱሲ አሳይ ኢያባ ጌይሳ ስዒዳ ዋዴ ዩሁዳቴ ዴንዲዲ ጋለላ ቢስ።

4 ጋለላ ቢሼ ሳማራ ኦቆናይሲ ኢያው አቶናባ ጊዲስ።

5 ሃሳ ጊሾ፣ ያይቆቢ ባ ናዓ የሴፋስ ኢሚዳ ጋዲያ ማታን ዴዒያ ሲካሬ ጊያ ሳማራ ካታማ ቢስ።

6 ሄ ቤሳን ያይቆባ ሃላ ኦላይ ዴዒስ። ዬሱሲ ሃሙላን ዳቡሪዲ ሄ ሃላ ኦላ ማታን ኡቴስ። ሄ ዋዴ ሳዓይ ኡሱፑን ሳቴ ሄራ።

7 ኢሲ ሳማራ ካታማ ማጫሲ ሄ ኦላፌ ሃሌ ቲካናው ያሱ። ዬሱሲ ሄ ማጫሲኮ፣ «ታና ሃሌ ኡሻርኪ» ያገለገለ።

8 ሄ ዋዴ ዬሱሳ ታማራቴ ካላ ሻማናው ካታማ ቢደሶናሺን።

9 ሄ ማጫሲያ ዛራዳ፣ «ኔኒ አይሁዴ አሲ ጊዳሼ፣ ሳማራ ማጫሲ ጊዲያ ታና ዋናዳ ሃሌ ኡሻ ጋይ?» ያገለገለ። ሄሳ ኢያ ጊዳይ አይሁዴቴ ሳማራታራ ጋሄቶና ጊሾሳ።

10 ዬሱሲ ዛራዳ፣ «ኔኒ ያሳ አሞታኔ ሃሌ ታና ኡሻ ጌይሲ ኦኒካ ኤሪዳባ ጊዲያኮ ኢያ ኔ ዋሳና፤ አካ ነው ዴይ አሚያ ሃሌ አማናሺን» ያገለገለ።

11 ማጫሲያ ዛራዳ፣ «ጎዳው፣ ኔው ዲቂያባይ ባዋ፤ ኦላይካ ዚቃ። ያቴን፣ ዴይ አሚያ ሃሌ ኔ አገፔ ኤካኔ?»

12 ኦሲ ሃ ሃላ ኦላ አሚዳ ኦ አዋ ያይቆባፔ ኔኒ አቆይ? እ፣ ኢያ ናይቴኔ ኢያ ሜሄይ ሃ ኦላፌ ኡዴደሶና» ያገለገለ።

13 ዬሱሲ፣ «ሃ ሃላፌ ኡዴዳ ኦኒካ ዛሪ ሳሞታና።

14 ሺን ታኒ አማና ሃላ ኡያ ኦኒካ ኡባካ ሳሞቴና። ታኒ አማና ሃላይ ኢያ ጊደን ሜሪና ዴይ አሚያ ጎጊያ ፑልቶ ጊዳና» ያገለገለ።

15 ማጫሲያ ዛራዳ፣ «ጎዳው፣ ታኒ ሳሞቶና ሜላኔ ሃሌ ቲካናው ሃ ቤሳ ዮና ሜላ ታው ሄ ሃላ አማ» ያገለገለ።

16 ዬሱሲ ኢኮ፣ «ባዳ ኔ አዚና ፃጋዳ ያ» ያገለገለ።

17 ማጫሲያ ዛራዳ፣ «ታው አዚኒ ባዋ» ያገለገለ።

18 ዬሱሲ ኢኮ፣ «ታው አዚኒ ባዋ ጉሳን ባላባካ።

19 ኔው ካሴ ኢቻሹ አዚናቴ ዴይሶና። ሃዒ ኔራ ዴዒያ አዴይ ኔ አዚና ጊዴና። ኔኒ ሃዒ ቱማ ኦዳዳሳ» ያገለገለ።

20 ማጫሲያ ዛራዳ፣ «ጎዳው፣ ኔኒ ናቤ ጊዴይሳ ታኒ ኡራስ።

21 ኦ አዋቴ ሃ ዴሪያ ቦላ ያሳ ጎይኒደሶና። ሺን ሂንቴ አይሁዴቴ አሲ ያሴ ጎይናናው ቤሲያ ቤሳይ ዩሩሳላሚና ጌታ» ያገለገለ።

22 ዬሱሲ፣ «ሃ ማጫሲቴ ታና አማና፤ ሃ ዴሪያ ቦላ ዋይኮ ዩሩሳላሚን አዋ ሂንቴ ጎይናና ዋዴይ ያና።

23 ሂንቴ ሳማራቴ ኤርናይሳ ጎይኔታ። ሺን ኦኒ አቶቴላይ አይሁዴቴ ያ ጊሾ ኦ ኤሬይሳ ጎይናስ። ሺን አዋ ቱማን ጎይኔይሳቴ አያናኒኔ ቱማቴላን ጎይናና ዋዴይ ማታቴስ፤ ሃዒካ ጋኪስ። ሂዛ፣ አዋይ ኮዬይ ሃይሳ ሚላ ኦጊያን ጎይኔይሳታ።

24 ያሳይ አያና፤ ኢያው ጎይኔይሳቴ አያናኒኔ ቱማቴላን ጎይናናው ቤሴስ» ያገለገለ።

25 ማጫሲያ ዛራዳ፣ «ከሪስቶሲ ያናይሳ ታኒ ኡራይስ። ኢ ያ ዋዴ ኦሲ ኡባባ ኦዳና» ያገለገለ።

26 ዬሱሲ፣ «ሃ ኔራ ኦዴቴይ ታኒ ኢያ» ያገለገለ።

27 ኤንቲ ኦዳቲሽን፣ ዩሱብ ታማራት ቢዳ ቤሳፌ ሲሚደሰና። ዩሱብ ማጫሳራ ኦዳቲሽን ኤንቲ ቤዒዲ ዳር ማላላቲደሰና። ሺን ማጫሴኮ፣ «እይ ኮያይ?» ዋይኮ ዩሱብ፣ «ኢራ እይሰ ኦዳቲይ?» ገዳይ ኦኒባ ባዋ።

28 ሄሳፌ ጉዬ፣ ማጫሴያ ባ ሃላ ኦቲዋ አጋዳ ጉዬ ካታማ ባዳ አሳኮ።

29 «ታኒ ኦላዳባ ኡባ ታው ኦዲዳ አዲያ ቤዓናው ዩፏቲ። ኢ ከሪሰቶሳ ገዳንዳሻ?» ያጋሱ።

30 አሳይ ካታማፔ ከዩዲ ዩሱብ ቢደሰና።

31 ሄሲ ሃኒሽን፣ ኢያ ታማራት ዩሱብ፣ «ጉላባ ማርኪ» ያገዱ ዋሲደሰና።

32 ሺን ኢ፣ «ታው ሃንቲ ኤርና ካላ ታ ሜይሲ ዳዔሰ» ያገሰ።

33 ሄሳ ገሾ፣ ኢያ ታማራት ባንታ ገደን፣ «ኢያው ሚያባ አሲ ኤሆና አገና?» ያገደሰና።

34 ዩሱብ ኤንታኮ፣ «ታ ካሳይ ታና ከቲዳይሳ ሺኒያ ኦላናይሳኒ ኢያ ኦሱዋ ፖላናይሳ።

35 ሃንቲ፣ ሳይዳ አገናፔ ጉዬ ካሳይ ጫኬታና ገኬቲዬ? ሺን ታኒ ሃንቲው ኦዳይሰ፤ ካሳይ ካዲዲ ሺሾሰ ጋኪዳይሳ ሎይላ ያለቲ።

36 ዜሬይሲኒ ጫኬይሲ ኢሲፌ ኡፋይታና ሚላ ጫኬይሲ ዳሞዜ ኤኬሰ ቃሲ ካላ ሚሪና ዳዖሰ ሺሺሰ።

37 ሃዛ፣ ሲሳይ ዜሬሰ፤ ሃንቲይ ቃሲ ጫኬሰ ገያ ኦዳይ ቲማ።

38 ሃንቲ ዳቡሪሪናይሳ ሺሻና ሚላ ታኒ ሃንቲና ከታሰ። ሃራቲ ኦላ ዳቡሪዳሱዋን ገሌዲ ሃንቲ ኤንታ ዳቡሪ ኣይፊያ ኤኪዳታ» ያገሰ።

39 ማጫሴያ፣ «ኢ፣ ታኒ ኦላዳ ኡባ ኦዲሰ» ጋዳ ማርካቲዳ ገሾ ሄ ካታማን ዳዒያ ሳማራ አሳፔ ዳርቲ ዩሱብ አማኒደሰና።

40 ሳማራ አሳይ ዩሱብ ዩዲ፣ ባንታ ማታን ጋሞዳና ሚላ ዩሱብ ዋሲን ኢ ያን ናሞው ጋላሰ ኡቲሰ።

41 ኢ ኦዲያ ቃላ ገሾ ካሲይሳፌ ዳር አሳይ አማኒደሰና።

42 ቃሲ ኤንቲ ማጫሴኮ፣ «ሃዒ ኦ አማኒይ ኦ ሁዓን ኢ ገይሳ ሲዒዳ ገሾሳፌ ኣቲን ኔኒ ማርካቲዳ ገሾሳ ገዳና። ቃሲ ኢ ቲማ ሃ ኣላሚያ አሽይሳ ገዳይሳ ኦኒ ኤፊዳ» ያገደሰና።

**ዩሱብ ኢሲ ሹማ ናዓ ፓሊሰ**

43 ናሞው ጋላሳፔ ጉዬ፣ ዩሱብ ያፔ ከዩዲ ጋሊላ ቢታ ቢሰ።

44 ዩሱብ ባ ሁዓን፣ «ናቤይ ባ ቢታን ቦንቸቲና» ያገዱ ካሲቲዲ ኦዲሰ።

45 ዩሱብ ጋሊላ ጋኪዳ ዋዴ ጋሊላ አሳይ ኢያ ሞኪደሰና። አይሰ ገኮ፣ ፓሲካ ባሌ ቦንቸያ ጋላሰ ኤንቲ ዩሩሳላሚን ዳዒያ ገሾ ኢ ኦላዳባ ኡባ ቤዒደሰና።

46 ዩሱብ ሃላ ዋይኒ ኤሺ ላሚዳ ቤሳ፣ ጋሊላን ዳዒያ ቃና ካታማ ቢሰ። ቂፊርናሆሜን ካዋ ከላን ኦላያ ኢሲ ሹማሰ ናዓይ ሃርገቲሰ።

47 ዩሱብ ዩሁዳፔ ጋሊላ ዩዳይሳ ሄ ሹማይ ሲዒዲ ኢያኮ ዩሰ። ሃይቃናው ማቲዳ ባ ናዓ ቢዲ ፓላና ሚላ ዩሱብ ዋሲሰ።

48 ዩሱብ ሹማኮ፣ «ዖሳይ ኦላያ ማላታታኔ ኦራላባታ ቤዖና ዳዒሺ ሃንቲ ኡባራካ አማኒኬታ» ያገሰ።

49 ሹማይ ዛሪዲ፣ «ሳዳው፣ ታ ናዓይ ሃይቆና ዳዒሺን ታራ ዩቆርኪ» ያገሰ።

50 ዩሱብ፣ «ኔ ሶ ባ፤ ኔ ናዓይ ፓፃና» ያገሰ።

ሄ ሹማይ ዩሱብ ገዳይሳ አማኒዲ ባ ሶ ቢሰ።

51 ኢ ባ ሶ ቢሺን ኢያ ኣይላቲ ኢያኮ ዩሼ ኢያራ ኦኒን ጋሃቲዲ፣ «ኔ ናዓይ ፓደሰ» ገደሰና።

52 ኢ ባ ኣይላታ ባ ናዓሰ ኣይ ሳቲን ሎዒዳኮ ኦይቸሰ። ኤንቲ ዛሪዲ፣ «ዚኔ ላፑን ሳቲን ማሻሻ ኣገሰ» ያገደሰና።

53 ናዓ አዋይ ዩሱብ ባኮ፣ «ኔ ናዓይ ፓፃና» ገዳይ ሄ ሳቲያን ገዳይሳ አኬኪሰ። ሄሳ ገሾ፣ ኢኔ ኢያ ሶ አሳ ኡባይ አማኒደሰና።

54 ሄሲ ዩሱብ ዩሁዳፔ ጋሊላ ዩዲ ኦላዳ ናሞዓንሳ ማላታ።

**5**

**ዩሱብ ኢሲ ጉንዳ አዲያ ፓሊሰ**

1 ሄሳፌ ጉዬ፣ ዩሱብ ኣይሁዳፔ ቦንቸያ ባሊያሰ ዩሩሳላሚ ቢሰ።

2 ዩሩሳላሚን ደርሳ ፔንገያ ማታን ኢብራይሰ፤ ደናን ቤቲሳይዳ ገያ ቲቂቲዳ ሃላ ዳዔሰ። ሄ ቲቂቲ ኡቲዳ ሃላ ማታን ኢታሹ ሹሞፕያ ቤሳቲ ዳዖሰና።

3 [ሃሳን ሃላይ ቃፃናይሳ ናገያ] ዳር ሃርጋንቸቲ፣ ቆቂቲ፣ ዋቤቲኔ ጉንዳቲ ዚንዒደሰና።



- 4 [አይሰ ገዥ፣ አሲ አሲ ቶሆ ጎዳ ከታገኝሪ ተቁተዳ ሃሳን ወዲዲ ሃሳ ቃሌሰ። ሃሳይ ቃይያ ወደ ኮይሮ ጌሊዳ ኡራይ ባና ነይኪዳ ኣይ ሃርጌፊካ ፓይሰ።] \*
- 5 ሄ ቤሳን ሃሰታማኔ ሆሰፑን ላይሰ ሃርጌቲዳ አሲ ኣይይ ዴዴሰ።
- 6 ዬሱሲ ያን ዘንጊዳ ኣዲያ ቤዲዲ፣ ቃሲ ዳሮ ወደ ሃርጌቲዳይሳ ኡራዲ ኣዲያኮ፣ «ፓዳናው ኮያይ?» ያገሰ።
- 7 ሃርጌገኝሪ ዛሪዲ፣ «ጎዳው፣ ሃሳይ ቃይያ ወደ ታና ሃሳን ዬገያ ኣሲ ባዋ። ታኒ ጌላና ሃኒያ ወደ ሃራይ ታፔ ሲንሳቲዲ ጌሊ ከቸሰ» ያገሰ።
- 8 ዬሱሲ ኢያኮ፣ «ዴንዳ ኤቃ፤ ኔ ኣልጋ ቶካዳ ባ» ያገሰ።
- 9 ኣይይ ሰሁዋራካ ፓይሰ፤ ባ ኣልጋ ቶኪዲ ቢሰ። ሄሲ ሳምባታ ጋላሳን ሃኒሰ።
- 10 ሄሳ ገሾ፣ ኣይሁዴቲ ፓይዳ ኣዲያኮ፣ «ሃቺ ሳሳይ ሳምባታ፤ ኔኒ ኔ ኣልጋ ቶኬይሲ ዋጋ ጌዳና» ያገደሰና።
- 11 ሺን ኣይይ፣ «ታና ፓሌዳይሰ፣ ኔ ኣልጋ ቶካዳ ባ ገሰ» ያገዲ ዛሪሰ።
- 12 ኤንቲ ኢያኮ፣ «ኔና፣ ኔ ኣልጋ ቶካዳ ባ ጌዳይ ኢ ኦኔ?» ያገዲ ኣይቺደሰና።
- 13 ሺን ዬሱሲ ሄ ቤሳን ዳሮ ኣሳ ጌደራ ኤሪሰና ካንሌዲ ቢዳ ገሾ ኣይይ ባና ፓሌዳይ ኦኔኮ ኤሪና።
- 14 ዬሱሲ ጉዬፔ ሄ ኣዲያ ያሳ ኬላን ዴሚዲ፣ «ሄኮ፣ ኔኒ ፓዳሳ፤ ሃይሳፊ ኢታባይ ኔና ጋኮና ሜላ ዛራዳ ናጋራ ኦላፋ» ያገሰ።
- 15 ሃሳፊ ጉዬ፣ ኣይይ ቢዲ ባና ፓሌዳይሲ ዬሱሳ ጌዲዳይሳ ኣይሁዴታሰ ኦዲሰ።
- 16 ዬሱሲ ሃሳ ሳምባታ ጋላሰ ኦሌዳ ገሾ ኣይሁዴቲ ዬሱሳ ጎዳ ኣይኪደሰና።
- 17 ዬሱሲ ዛሪዲ፣ «ታ ኣዋይ ኡባ ወደ ኦሌሰ፤ ታካ ኦሳናው ቤሲሰ» ያገሰ።
- 18 ዬሱሲ ሳምባታ ቦንቸና ገሾ ያላላሰ ጌደናሺን ያሳይ ባ ኣዋ ጌዲ ባና ያሳራ ገገሲዳ ገሾ ኣይሁዴቲ ኢያ ወዳናው ካሴፔ ሚንሌዲ ኮዬደሰና።

**ያሳ ናዓ ማታ**

- 19 ዬሱሲ ዛሪዲ፣ «ታኒ ሂንቲው ቱማ ኦዳይሰ፤ ናዓይ ባርካ ኣይኮካ ኦሳናው ዳንዳዔና። ኢ ባ ኣዋይ ኦሌሺን ቤያይሳ ያላላ ኦሌሰ። ኣዋይ ኦሌይሳ ናዓይካ ኦሌሰ።
- 20 ኣዋይ ባ ናዓ ደሲያ ገሾ ኢ ኦሌዳ ኦሶ ኡባ ባ ናዓ ቤሲሰ። ሂንቲ ማላሌታና ሜላ ኢ ሃይሳፊ ኣኂያ ኦሶ ባ ናዓ ቤሳና።
- 21 ኣዋይ ሃይቁዳይሳታ ሃይቆፔ ዴንሌዲ ኤንታው ዴዎ ኢሜይሳዳ ናዓይካ ባ ኮዬይሳታሰ ዴዎ ኢሚሰ።
- 22 ኣዋይ ናዓሰ ፐርዳ ማታ ኡባ ኢሚሰፔ ኣቲን ኢ ኦናካ ፐርዳና።
- 23 ኣሳይ ኡባይ ኣዋ ቦንቸይሳዳ ናዓካ ቦንቸና። ናዓ ቦንቸና ኦኒካ ናዓ ከቲዳ ኣዋካ ቦንቸና።
- 24 «ታኒ ሂንቲው ቱማ ኦዳይሰ፤ ታ ቃላ ሲዔይሳሲኔ ታና ከቲዳይሳ ኣማኔይሳሰ ሜሪና ዴይይ ዴዔሰ። ኢ ሃይቆፔ ዴዎን ፐንዳ ገሾ ፐርዳቲና።
- 25 ታኒ ሂንቲው ቱማ ኦዳይሰ፤ ሃይቁዳ ኣሳይ ያሳ ናዓ ቃላ ሲዔያ ወደይ ያና፤ ሄሲካ ሃዒ። ሄ ቃላ ሲዔይ ዴዎን ዳና።
- 26 ኣዋይ ዴዎሰ ፑልቶ ጌዲዳይሳዳ ናዓካ ዴዎሰ ፑልቶ ኦሌሰ።
- 27 ናዓይ ኣሳ ናዓ ጌዲያ ገሾ ኣዋይ ናዓሰ ፐርዳ ማታ ኢሚሰ።
- 28 «ዴፎን ዴዔይሳቲ ኢያ ቃላ ሲዔዲ ዴንዲያ ወደይ ያና ገሾ ሃይሳን ማላሌቶፊቲ።
- 29 ሎዎ ኦሌዳይሳቲ ዴዎን ዳናው ቃሲ ኢታ ኦሌዳይሳቲ ፐርዳ ኤካናው ዴፎፔ ዴንዳና።

**ዬሱሳሰ ማርካቲዳ ኣሳታ**

- 30 «ታኒ ታ ማታን ኣይቢባካ ኦሳናው ዳንዳዒኪ። ያሳይ ታው ኦዲዳይሳዳ ፐርዳይሰ። ታኒ ታና ከቲዳይሲ ኮያባ ኦላይሲፔ ኣቲን ታ ኮያባ ኦላና ገሾ ታ ፐርዳይ ቱማ።
- 31 «ታኒ ታባ ማርካቲቲ ታ ማርካቲላይ ቱማ ጌዳና።
- 32 ታባ ማርካቲቲ ሃሪ ዴዔሰ፤ ኢ ታባ ማርካቲይሲ ቱማ ጌዳይሳ ታኒ ኤራይሰ።
- 33 «ሂንቲ ዮሃኒሳኮ ኣሴ ከቲን ኢ ቱማሰ ማርካቲሰ።
- 34 ታኒ ሄሳ ሂንቲው ኦዳይ፣ ሂንቲ ኣታና ሜላ ጋዳፔ ኣቲን ኣሳ ማርካቲላ ታው ኮሺን ጌዳና።
- 35 ዮሃኒሲ ሙቃዳዳ ኤሻሼ ፖሲሰ። ሂንቲ ጉላ ወደ ኢያ ፖዑዋን ኡፋይቲዴታ።
- 36 «ሺን ታው ዮሃኒሳፔ ኣኂያ ማርኪ ዴዔሰ። ታኒ ኦላና ሜላ ታ ኣዋይ ታው ኢሚዳ ኦሶቲ ታባ ማርካቶሶና፤ ኣዋይ ታና ከቲዳይሳ ቆንጨሰሰና።

\* 5:4 ኢሲ ኢሲ ቤኒ ማፃፋቲ ፓይዳ ሄሻሰ ኮይሮ ባጋኔ ፓይዳ ኦይዳ ጉጃኮና። 5:10 ናህ 13:19፤ ኤር 17:21 5:29 ዳኔ 12:2 5:33 ዮሃ 1:19-27፤ 3:27-30

- 37 «ቃሲ ታና ከቲዳ አዋይካ ባ ሁዔን ታባ ማርካቲስ። ሂንቲ ኢያ ቃላ ኡባራካ ሲዒቤኬታ ዋይኮ ኢያ ማላ ቤዒቤኬታ።
- 38 ኢ ከቲዳይሳ ሂንቲ አማኖና ጊሾ ኢያ ቃላይ ሂንቲ ዋዛናን ባዋ።
- 39 «ጊሻ ማፃፋታፔ ሚሪና ዴያ ዴማናባ ሂንቲው ዳኒን ኤንታ ፒልጌታ፤ ኤንቲ ታባ ማርካቶሶና።
- 40 ሺን ሂንቲ ዴያ ዴማናው ታኮ ያናው ኮዬኬታ።
- 41 «አሳፔ ታኒ ቦንቾ ኮዬኬ።
- 42 ሺን ታኒ ሂንቲ ዋዛናን ያሳ ሲቆይ ባይናይሳ ኤራይስ።
- 43 ታኒ ታ አዋ ማታን ያስ። ሺን ታና ሞኪቤኬታ። ሃራይ ባ ማታን ያ ዋይ ኢያ ሞኪታ።
- 44 ሂንቲ ኢሶይ ኢሱዋፌ ቦንቾ ኮዬይሳቲ፣ ኢሲ ያሳፌ ያ ጋላታ ኤካናው ኮዮናይሳቲ፣ ዋኒዲ ታና አማኖናው ዳንዳዔቲ?
- 45 «ታኒ ታ አዋ ሲንሳን ሂንቲና ሞቲያባ ሂንቲው ዳኖ። ሂንቲና ሞታናይ ሂንቲ ኡፋይሳን ናጊያ ሙሴ።
- 46 ሂንቲ ሙሴ አማኒዳባ ጊዲያኮ ኢ ታባ ፃፊዳ ጊሾ ታናካ አማኖናሺን።
- 47 ሺን ሂንቲ ኢ ፃፊዳይሳ አማኖና ኢዲኮ ታ ቃላ ሞቲዲ አማኖና?» ያገሰ።

### 6

#### ዬሱሲ ኢቻሹ ሙኩሉ አሳ ሙዚሲ

(ማቶ 14:13-21፤ ማር 6:30-44፤ ሉቃ 9:10-17)

- 1 ሃሳፌ ጉዬ፣ ዬሱሲ ዲባርዮሳ ጊያ ጋሊላ አባፌ ሄፊንላ ፒኒስ።
- 2 ኢ ሃርጋንቾታ ፓሶን ኦሴዳ ማላታ ቤዒዳ ጊሾ ዳሮ አሳይ ኢያ ካሊዶሶና።
- 3 ዬሱሲ ዴሪያ ቦላ ኬዬዲ፣ ያን ባ ታማሬታራ ኢሲፌ ኡቲስ።
- 4 አይሁዳቲ ቦንቹያ ፓሲካ ባሌ ጋላሳይ ጋኪስ።
- 5 ዬሱሲ ዳሮ አሳይ ባኮ ዬይሳ ቤዒዲ ፊልጶሳኮ፣ «ሃ አሳ ኡባ ሙዛናው ጊዲያ ካላ አወፔ ሻሚኔ?» ያገሰ።
- 6 ኢ ሃሳ ፊልጶሳ ፓጫናው ገሲፔ አቲን ኢ ባ ሁዔን አይ ኦሳኔኮ ኤሬስ።
- 7 ፊልጶሲ ዛሪዲ ዬሱሳኮ፣ «ሃሪ አቶሺን፣ ሁዔን ሁዔን፣ ኢሲ ኢሲ ባርሲ ጋላናው፣ ናሞ-ጌቲ ዲናሬን \* ኡይሉ ሻሚንካ ጊዳና» ያገሰ።
- 8 ቃሲ ዬሱሳ ታማሬታፔ ኢሶይ፣ ሲሞን ጳዲሮሳ አሻይ ኢንዲሪያስ።
- 9 «ኢቻሹ ባገጋ ሶሎኔ ናሞ ሞሎ ኦይኪዳ ኢሲ ናሪይ ሃይሳን ዴዒስ፣ ሺን ሃ አሳ ኡባሰ ሄሲ አይ ማዳኔ?» ያገሰ።
- 10 ዬሱሲ ባ ታማሬታኮ፣ «አሳ ኡቲሲቲ» ያገሰ። ሄ ቤሳን ዳሮ ማፔ ዴዒስ፤ አሳ ኡባይ ኡቲስ። አዳ አሳ ታይቦይ ኢቻሹ ሙኩሉ ጊዳና።
- 11 ዬሱሲ ኡይላ ኤኪዲ ያሳ ጋላቲ ሰሚዲ ያን ኡቲዳ አሳሰ ገሺስ። ሞሎዋካ ኤኪዲ ሃሳዳ ኦሴዲ ኢሚን፣ አሳይ ባ ኮዬዳይሳ ሜላ ሚስ።
- 12 ኤንቲ ኡባይ ካሊዳፔ ጉዬ ዬሱሲ ባ ታማሬታኮ፣ «ኢሲባይካ ኢቶና ሜላ አቲዳ ቲፊያ ሺሺቲ» ያገሰ።
- 13 ሃሳ ጊሾ፣ ኤንቲ ኡባ ሺሺዶሶና። አሳይ ሚን አቲዳ ባገጋ ሶሎ ቲፊያ ሺሺዲ ታማኔ ናሞ-ጋይታ ከንላዶሶና።
- 14 አሳይ ዬሱሲ ኦሴዳ ማላታታ ቤዒዳ ዋይ «ሃይሲ ቱማ ሃ አላሚያ ያና ጌቲቲዳ ናቢያ» ያገደሶና።
- 15 ዬሱሲ ኤንቲ ኢያ ኦይኪዲ ዋልቃን ካዋ ኦላናው ሃይይሳ ኤሪዲ፣ ባርካ ዴሪያ ቦላ ዛሪ ኮዬስ።

#### ዬሱሲ አባ ቦላራ ሃሙቲስ

(ማቶ 14:22-33፤ ማር 6:45-52)

- 16 ሳዓይ ኦማርሲዳ ዋይ ዬሱሳ ታማሬቲ አባኮ ዋዲዶሶና።
- 17 ሳዓይ ቃሚዳ ጊሾኔ ዬሱሲ ቡሮ ኤንታኮ ዪቦና ጊሾ ኢያ ታማሬቲ ዋሳሎን ጌሊዲ አባ ፒኒዲ ቁፊርናሆሚ ባናው ዳንዲዶሶና።
- 18 ዋልቃማ ጫርኮይ ጫርኮዳ ጊሾ አባይ ቃዲስ።
- 19 ኢቻሹ ዋይኮ ኡሱፑን ኪሎ ሚቲሬ ጊዳይሳ ሜላ ኤንቲ አባ ፒዲዲ ቢዳፔ ጉዬ ዬሱሲ አባ ቦላራ ሃሙቲሺ ዬይሳ ቤዒዲ ያዩዶሶና።
- 20 ሺን ኢ፣ «ባቦፊቲ፣ ታና» ያገሰ።

5:37 ማቶ 3:17፤ ማር 1:11፤ ሉቃ 3:22 \* 6:7 ዳናሬ፣ ኢሲ ዳናሬይ ኢሲ ኢሲ ኢሲ ጋላስ ኦላ ፒዒዳ ኤኪያ ሚሺ። ናሞ-ጌቲ ዳናሬይ ኢሲ ኢሲ ላይላ ባጋ ኦሴዳ ኤኪያ ሚሺ ከና። (ማቶ 20:2) ያለቲ።

21 እንገደ ጉላይቲዲ ኢያ ዋጎሎዋን ገልሲደሶና፤ እራካ ዋጎሎይ እንገደ ቢያ አባ ጋፃ ጋዘሰ።

**ዩሱሲ ዴፖ ኡይላ**

22 ዋንቴላ ጋላሰ አባሬ ሄፊንላን አቲዳ ዳር አሳይ ኢሲ ዋጎሎ ፃላሊ ዴዔይሳ ቤዒደሶና።  
ዩሱሲ ባ ታማራታራ ዋጎሎዋን ገሊዲ፤ እንገደ ቦናይሳኔ እንገደ ባንታርካ ቤዒደሳ አኩኪደሶና።

23 ሺን ዊባርዮሳፕ ሃራ ዋጎሎቴ ዩሱሲ ያሳ ጋላቲን፤ አሳይ ኡይላ ሚዳ ቤሳ ዩደሶና።

24 አሳይ ዩሱሲ ዋይኮ ኢያ ታማራታ ያን ባይናይሳ ቤዒዲ፤ ዩሱሲ ኮያናው ዋጎሎታን ገሊዲ ቁፊርናሆሜ ቢደሶና።

25 አሳይ ዩሱሳ አባሬ ሄፊንላን ዳሚዳ ዋይ «አሰታማሪያው፤ ሃ አወዴ ያደ።?» ያገሰ።

26 ዩሱሲ ዛሪዲ፤ «ታኒ ሂንቴው ቱማ ኦዳይሰ፤ ሂንቴ ታና ኮዬይ ኡይላ ሚዲ ካሊዳ ገሾሳፊ አቲን ማላታ ቤዒዲ ገሾሳ ገደና።

27 ሳሚያ ካላሰ ኦሎቴ፤ ሺን ሜሪና ዴፖ ኢሚያ ካላሰ ኦሎቴ። ያሳ አዋይ ኢ ኦላና ሚላ ኢያው ማታ ኢሚዳ ገሾ ሄ ካላ አሳ ናዓይ ሂንቴው ኢሚያ» ያገሰ።

28 ያቴን እንገደ፤ «ኮኒ ያሳ ኦሎዋ ኦላናው አይ ኦላኔ?» ያገዲ ዩሱሳ ኦይቺደሶና።

29 ዩሱሲ ዛሪዲ፤ «ሂንቴ ኦላና ሚላ ያሳይ ኮያ ኦሶይ ሃይሳ፤ ኢ ኪቲዳይሳ አማኒቴ» ያገሰ።

30 እንገደ ዛሪዲ፤ «ኮኒ ቤዒዲ፤ ነና አማናና ሚላ አይ ማላታ ኔ ቤሳኔ? ኔ አይ ኦላኔ?»

31 ገሻ ማፃፋን፤ ሱኤገቴ ማና ሚላ ኡይላ ሳሎፕ አሚሰ። ጌቴቲ ፃፊቲዳይሳዳ ኑ አዋቲ ባዘ ቢታን ማና ሚደሶና» ያገደሶና።

32 ዩሱሲ፤ «ታኒ ሂንቴው ቱማ ኦዳይሰ፤ ሂንቴው ሳሎፕ ቱማ ኡይላ ኢሚዳይ ታ አዋፕ አቲን ሙሴ ገደና።

33 ሂዛ፤ ያሳይ ኢሚያ ኡይሳይ ሳሎፕ ዋዲዳይሲ አላሚያሰ ዴፖ ኢሚዳይ» ያገሰ።

34 እንገደ ዛሪዲ፤ «ጎዳው፤ ኮሰ ሄ ኡይላ ኡባ ዋይ ኢማ» ያገደሶና።

35 ዩሱሲ፤ «ታኒ ዴፖ ኢሚያ ኡይላ፤ ታኮ ያ ኦኒካ ኡባራካ ኮሻቴና። ቃሲ ታና አማኒያ ኡራይ ኡባራካ ሳሞቴና።

36 ሺን ታኒ ሂንቴው ኦዳይሰ፤ ሂንቴ ታና ቤዒዲታ፤ ሺን አማኒኪታ።

37 ታ አዋይ ታው ኢሚያ ኡባይ ታኮ ያና፤ ቃሲ ታኮ ያ ኦናካ ካሪ ዩዲኪ።

38 ታኮ ትኮባ አላናው ገደናሺን ታና ኪቲዳይሲ ኮያባ ኦላናው ሳሎፕ ያሰ።

39 ታና ኪቲዳይሲ ኮዬይ ሃይሳ፤ ታኒ ኢ ታው ኢሚዳ ኡባታካ ወርሴላ ጋላሰ ሃይቆፕ ዴጎላና ሚላፕ አቲን ኢሱዋካ ዳይሳና ሚላ ኮዬና።

40 ሂዛ፤ ታ አዋይ ኮዬይ ሃሳ፤ ናዓ ቤዒዲ አማኒያ ኡባይ ሜሪና ዴፖ ዴካና፤ ታኒ ሄ ኡባ ወርሴላ ጋላሰ ሜሪና ዴፖሰ ሃይቆፕ ዴጎላና» ያገሰ።

41 ዩሱሲ፤ «ታኒ ሳሎፕ ዋዲዳ ኡይላ» ገዲ ገሾ አይሁዴቲ ኢያ ቦላ ዘዘሚደሶና።

42 እንገደ፤ «ሃይሲ ኮኒ ኢያ አዋኔ ኢያ አዬው ኡሪያ የሴፋ ናዓ ዩሱሳ ገደኔ? ያቴን፤ ኢ ዋኒዲ፤ (ታኒ ሳሎፕ ዋዲሰ) ጋናው ዴጎዳዒ?» ያገደሶና።

43 ዩሱሲ ዛሪዲ፤ «ኢሶይ ኢሱዋራ ዘዘሚዳይ አገቴ።

44 ታና ኪቲዳ ታ አዋይ ታኮ ኤሂያ አሳፕ አቲን ታኮ ያናው ዴጎዳዒያ ኦኒካ ባዋ። ታኒ ወርሴላ ጋላሰ ኢያ ሜሪና ዴፖሰ ሃይቆፕ ዴጎላና።

45 ናቤቴ፤ (የሳይ አሳ ኡባ ታማርሳና) ያገዲ ፃፊደሶና። አዋ ሲዒይሲኔ ኢያፕ ታማሪያ ኦኒካ ታኮ ዩሰ።

46 ያሳ ማታፕ ዩዳይሳፊ አቲን አዋ ቤዒዳይ ኦኒካ ባዋ፤ ኢያ ፃላሊ አዋ ቤዒሲ።

47 «ታኒ ሂንቴው ቱማ ኦዳይሰ፤ ታና አማኒያ ኦዳይሰካ ሜሪና ዴፖይ ዴዒሰ።

48 ታኒ ዴፖ ኢሚያ ኡይላ።

49 ሂንቴ አዋቲ ባዘን ማና ሚደሶና፤ ሺን ሃይቁደሶና።

50 ሳሎፕ ያ ኡይሳይ ሃይሳ፤ ሄ ኡይላ ሚያ ኦኒካ ሃይቁና።

51 ሳሎፕ ዩዳ ዴፖ ኡይሳይ ታና። ኦኒካ ሃ ኡይላ ሚኮ ሜሪናው ዳና። ቃሲ ሃ አላሚይ ዴፖን ዳና ሚላ ታኒ ሂንቴው ኢሚያ ኡይሳይ ታ አሹዋ» ያገሰ።

52 አይሁዴቲ፤ «ሃ አዳይ ባ አሹዋ ኑ ማና ሚላ ኦሰ ዋቲዲ ኢማናው ዴጎዳዒ?» ያገዲ ባንታ ገደን ፓላሚደሶና።

53 ሃሳ ገሾ፤ ዩሱሲ እንገደ፤ «ታኒ ሂንቴው ቱማ ኦዳይሰ፤ አሳ ናዓ አሹዋ፤ ሂንቴ ሞና ኢፂኮ፤ ቃሲ ኢያ ሱላ ሂንቴ ኡዮና ኢፂኮ፤ ሂንቴው ዴፖይ ባዋ።

54 ታ አሹዋ ሚያ ኡራሲኔ ታ ሱላ ኡያ ኡራሰ ሜሪና ዴፖይ ዴዒሰ። ታኒ ወርሴላ ጋላሰ ኢያ ሃይቆፕ ዴጎላና።

55 ታ አሹዋ ቱማ ካሳ፤ ታ ሱላይካ ቱማ ኡሹ።

56 ታ አሹዋ ሚያ ኡራይኔ ታ ሱላ ኡያ ኡራይ ታናን ዴዒሰ፤ ታካ ኢያን ዴዒሰ።

57 ዴያ እዋይ ታና ኪቲን፣ ታኒ ኢያ ባጋራ ዴያን ዴዔይሳዳ፣ ታና ሚያ ኡራይካ ታ ጋሶን ዴያን ዳና።

58 ሳሎፔ ዋዲዳ ኡይላይ ሃይሳ፣ ሃንቲ አዋቲ ሚዲ ሃይቁዳ ማና ሚላ ገደና፤ ሃ ኡይላ ሚያ ኡራይ ማሪናው ዳና» ያገሰ።

59 ዬሱሲ ቁፊርናሆሜ ካታማን ኣይሁዴ ዋሳ ኬላን ሃይሳ ታማርሲስ።

**ሚሪና ዴያ ቃላ**

60 ዬሱሳ ታማራታፔ ዳሪያ ባጋይ ሃሳ ሲዒዳ ዋዴ «ሃይሲ ገሎና ቲሚርቲ፤ ሃይሲ ኦዴሰ ገሌ?» ያገደሶና።

61 ዬሱሲ ባ ታማራቲ ሃሳስ ዙዙሚዳይሳ ኤሪዲ፣ «ሃይሲ ሃንቲና ቆቢ?»

62 ያቲን፣ ኣሳ ናዓይ ካሲ ዴዒያሱዋ ፑዴ ኬዩቪን ሃንቲ ቤዒዲ ዋይጋንዴቲ?»

63 ገሻ እያናይ ዴያ ኢሚስ፤ ኣሳ ዋልቁ ኣይኮካ ማዴና። ታ ሃንቲው ኦዲያ ቃላይ ዴያ ኢሚያ ገሻ እያናፔ ዬሰ።

64 ቪን ሃንቲ ገደን ኣማናናይሳቲ ዴያሶና» ያገሰ። ኣማናናይሳቲ ኦናንቴኮ ዬሱሲ ኮይርፔ ደሚዲ ኤሬስ። ቃሲ ባና ኣላ ኢማናይ ኦኒኮ ኤሬስ።

65 ቃሲካ ዬሱሲ፣ «ኣዋይ ባ ጎና ኦኒካ ታኮ ያናው ዳንዳዔና ጋዳ ታኒ ኦዲዳይ ሃሳ ገሻሳ» ያገሰ።

66 ሃሳ ጋሶን፣ ዬሱሳ ካሌይሳታፔ ዳርቲ ኢያ ኣገዲ ጉዬ ሲሚደሶና፤ ዛሪ ኢያ ካሊቦኮና።

67 ዬሱሲ ታማኔ ናምቡ ባ ታማራታ፣ «ሃንቲካ ኣገዲ ባናው ኮዬቲ?» ያገዲ ኦይቺሰ።

68 ሲዋን ጳይርሲ ዛሪዲ፣ «ጎዳው፣ ኦኒ ኦዴኮ ባኔ? ኔው ማሪና ዴያ ኢሚያ ቃላይ ዴዔስ።

69 ኔኒ ያሳ ገሻ ገዴይሳ ኦኒ ኣማናሲኔ ኤርስ» ያገሰ።

70 ዬሱሲ ኤንታኮ፣ «ታኒ ሃንቲና ታማኔ ናምባታ ደራቢኪና? ቪን ሃንቲፊ ኢሲይ ፃላሃ» ያገሰ።

71 ዬሱሲ ሃሳ ገዴይ ሲማና ናዓ ኣስቆርታ ዪሁዳሳ። ዪሁዲ ዬሱሳ ኣላ ኢሚናው ዴዒያ ታማኔ ናምቡ ታማራታፔ ኢሱዋ።

# 7

**ዬሱሳራኔ ኢያ ኣሻታራ**

1 ሃሳፊ ጉዬ፣ ኣይሁዴቲ ዬሱሳ ዋቆናው ኮያ ገሾ ኢ ዪሁዳ ኣገዲ ጋሊላን ሲሜራቴስ።

2 ኣይሁዴቲ ቦንቺያ ሻቃራ ባሌይ ቦንቺታናው ማቲስ።

3 ሃሳ ገሾ፣ ዬሱሳ ኣሻቲ፣ «ኔ ታማራቲ ኔኒ ኦሊያ ማላታታ ቤናና ሚላ ሃይሳፊ ዴንዳዳ ዪሁዳ ቢታ ባ።

4 ባው ኤሬታናው ኮያ ኣሲ ኦኒካ ባ ኦሱዋ ገንጮና። ኔኒ ሃይሳታ ኦላዳ ኔባ ኣላሚያ ኤሪሳ» ያገደሶና።

5 ኢያ ኣሻቲ ሃሳ ገዴይ ኢያን ኣማኒቦና ገሾሳ።

6 ዬሱሲ ኤንታኮ፣ «ታው ኣንጃ ዋዴይ ጋኪቤና፣ ቪን ሃንቲው ኡባ ዋዴይ ኣንጃቴስ።

7 ኣላሚይ ሃንቲና ኢዳናው ዳንዳዔና፣ ቪን ታኒ ኣላሚያ ኦሶይ ኢታ ገዴይሳ ማርካቲያ ገሾ ታና ኢጻስ።

8 ሃንቲ ባሊያ ቤቲ፤ ታ ዋዴይ ጋኪቦና ገሾ ታኒ ባሊያ ቢኤ» ያገሰ።

9 ኢ ሃሳ ገዲ ጋሊላን ኣቲስ።

**ዬሱሲ ባሊያ ቦንቻናው ቢስ**

10 ኢያ ኣሻቲ ባሊያ ቦንቻናው ቢዳፔ ጉዬ ዬሱሲ ኦናካ ኤሪሶና ቆሳን ሄ ቤሳ ቢስ።

11 ኣይሁዴቲ ባሊያ ቦንቻያ ቤሳን፣ «ኢ ኣዉን ዴዒ?» ያገዲ ኢያ ኮዩደሶና።

12 ኣሳይ ካልካቪዲ ኢያባ ኦዴቶሶና። ባጋይ፣ «ኢ ሎዎ ኣሲ» ገያ ዋዴ ሃራቲ ቃሲ፣ «ኣካይ፣ ኢ ኣሳ ባሊሌስ» ያጎሶና።

13 ቪን ኣይሁዴ ሃላቃታስ ያዩዳ ገሾ ኦኒካ ኢያባ ቆንጩን ኦዴቲና።

14 ባሊያ ቦንቻዲ ገዴ ጋሊያ ዋዴ ዬሱሲ ያሳ ኬላ ቢዲ ታማርሶ ኦይኪስ።

15 ኣይሁዴቲ፣ «ሃ ኣዴይ ቲሚርቲ ታማርና ሃይሳ ኡባ ዋቲ ኤሪዴ?» ያገዲ ማላሊቲደሶና።

16 ዬሱሲ ዛሪዲ፣ «ታ ታማርሲያ ቲሚርቲይ ታና ኪቲዳ ያሳ ማታፔ ያ ቲሚርቲፊ ኣቲን ታባ ገዴና።

17 ያሳ ቪኒያ ኦላናው ኮያ ኦኒካ ሃ ቲሚርቲይ ያሳ ማታፔ ዪያኮኔ ዋይኮ ታኒ ታፔ ኦዲያኮ ኤራና።

18 ባባ ኦዲያ ኦኒካ ባ ሁዒ ቦንቻ ኮዬስ። ቪን ባና ኪቲዳይሳ ቦንቻዋ ኮያ ኦኒካ ኢ ቲማንቻ፤ ኢያን ዋርደይ ባዋ።

- 19 ሙሴይ ሂንቴው ሂሊያ አሚሰ፣ ሺን ሂንቴፌ ኦኒካ ሂሊያ ናገቤና። ያቴን አይሰ ታና ሞጻናው ኮዬተ?» ያገሰ።
- 20 አሳይ ዛሬዲ፣ «ኔና ዓላሂይ ኦይኪሰ፤ ኔና ሞጻናው ኦኔ ኮዬይ?» ያገደሰና።
- 21 ዬሱሱ፣ «ታጌ አሲ ማላታ ኦሌን ሂንቴ ኡባይ ማላሉቴዳታ።
- 22 ሂንቴ፣ ሂንቴ ናይታ ቃፃራና ሜላ ሙሴይ ከቴሰ። ሺን ቃፃሮ ሂንቴ ማይዛተ ደሚደሰና፤ አቴን ሙሴ ገደና። ሄሳ ጊሾ፣ ሂንቴ ሳሞባታ ጋላሰ አዴ ናይታ ቃፃሬታ።
- 23 ሙሴ ሂጌይ ከቴዳ ጊሾ ሂንቴ ሳሞባታ ጋላሰ ቃፃሬያሳ ጊዲኮ፣ ታጌ አሲ አሳ ኩሜላ አሳቴላ ፓሌዳ ጊሾ ታራ አይሰ ካጩቴ?
- 24 ቱማ ፐርዳ ፐርዲቴ፤ አቴን አሳ ሶሞፖ ቤዲዲ ፐርደፊቴ» ያገሰ።

**ዬሱሱ፣ አ. ከሪሰቶሲ?**

- 25 ዬሩሳላሚ አሳፔ አሶተ አሶቴ፣ «ኤንቴ ሞጻናው ኮያ ኡራይ ሃይሳ ገደኔ?
- 26 ሂኮ፣ አ. ቆንጩን ኦደሰ፤ ኤንቴ አያ አይኮካ ጎኮና። አ. ከሪሰቶሳ ገደይሳ አይሁዴ ሃላቃተ ቱማ ኤሪደናሻ?
- 27 ከሪሰቶሲ ያ ሞዴ አ. አወፔ ያኮ ኦኒካ ኤሪና፣ ሺን አ. አወፔ ዪዳኮ ኦ ኤርሰ» ያገደሰና።
- 28 ዬሱሱ ያሳ ኬላን ታማርሲሽ ባ ቃላ ቆቁ ኦሌዲ፣ «ቱማ ሂንቴ ታጌ ኦኔኮጌ ታ አወፔ ዪዳኮ ኤሪቴ? ታጌ ታ ማታን ያቢከ፣ ሺን ታና ከቴዳይሲ ቱማንቸ፤ ሂንቴ አያ ኤሪኬታ።
- 29 ሺን ታጌ አ. ከቴን አያ ማታፔ ዪዳ ጊሾ አያ ኤሪይሰ» ያገሰ።
- 30 ሄሳ ጊሾ፣ ኤንቴ አያ ኦይካናው ኮዪደሰና። ሺን አያ ሞዴ ቡሮ ጋኪቦና ጊሾ ኦኒካ አያ ቦላ ኩሽ ሞሊቤና።
- 31 ሺን ዳር አሳይ ዬሱሳ አማኒዲ፣ «ከሪሰቶሲ ያ ሞዴ ሃ ኡራይ ኦሌዳ ማላታታፔ ዳሪያ ማላታ ኦላኔዬ?» ያገደሰና።

**ዬሱሳ አይካናው ሞታዳሬቴ ከቴቲደሰና**

- 32 ፋሪሳዊቲ ዳር አሳይ ዬሱሳሳ ካልካሽይሳ ሲዲደሰና። ካሂኔ ሃላቃቴኔ ፋሪሳዊቲ አያ ኦይሌዲ ቃሽሳናው ያሳ ኬሌ ናጌይሳታ ከቴደሰና።
- 33 ዬሱሱ፣ «ታጌ ሂንቴራ ጉላ ሞዴ ጋሞሳና፤ ሃሳፌ ጉዬ ታና ከቴዳይሳኮ ባና።
- 34 ሂንቴ ታና ኮያና፣ ሺን ዴሜኬታ። ታጌ ዴዲያሱሞ ሂንቴ ያናው ዳንዳዲኬታ» ያገሰ።
- 35 አይሁዳቲ አሲዳ አሱሞራ፣ «ሃይሲ ኦኒ ሳሞናሶ አው ባና ሃን? ገሪኬ ካታማን ዴዲያ አይሁዳታኮ ቢዲ ገሪኬታ ታማርሳናው ሃንዬ?»
- 36 «ሂንቴ ታና ኮያና፣ ሺን ዴሜኬታ ቃሲ፣ «ታጌ ዴዲያሱሞ ሂንቴ ያናው ዳንዳዲኬታ ጉሳይ አይ ጉሴ?» ያገደሰና።

**ዴፖ ሃላ**

- 37 ባለያ ቦንቹያ ጋላሳታፔ ሞልቃማኔ ወርሴላ ጋላሳን ዬሱሱ ዴንዲዲ፣ ባ ቃላ ቆቁ ኦሌዲ፣ «ሳሞቴዳ ኦኒካ ታኮ ዪዲ ኦሞ።
- 38 ታና አማኒያ ኦኒካ ጌሻ ማፃፋይ ገዳይሳዳ ዴፖ አሚያ ፑልቶ ሃላይ አያፔ ጎጋና» ያገሰ።
- 39 አ. ሄሳ ገዳይ አያ አማኒዳይሳቴ ኤካናው ዴዲያ ጌሻ አያናባ። ዬሱሱ ቡሮ ቦንቹቴቦና ጊሾ ሄ ሞዴ ጌሻ አያናይ አሚቴቤና።

**አሳ ገደን ሻኬቴሌ ሜዴቲሰ**

- 40 ሄ አሳፔ ዳርቴ አ. ጌይሳ ሲዲዲ፣ «ቱማ ሃይሲ ናቢያ» \* ያገደሰና።
- 41 ሃራቴ ቃሲ፣ «ሃይሲ ከሪሰቶሳ» ያገደሰና።
- ሺን ሃራቴ ቃሲ፣ «ከሪሰቶሲ ጋለላፔ ሞኒዲ ኬዬ?
- 42 ጌሻ ማፃፋይ፣ «ከሪሰቶሲ ዳዊቲ ሽሻፔ ዳዊቲይ ዴዲዳ ቤቴሌሚ ካታማፔ ያና» ያገኔዬ?» ያገደሰና።
- 43 ሃሳ ጊሾ፣ ዬሱሳ ጋሶን አሳይ ባንታ ገደን ሻኬቴደሰና።
- 44 ሄ አሳፔ አሶቴ አሶቴ አያ ኦይካናው ኮዪደሰና፣ ሺን ኦኒካ አያ ቦላ ኩሽ ሞሊቤና።

**አይሁዴ ሃላቃተ አማኒቦኮና**

- 45 ያሳ ኬላ ናጌይሳቴ ካሂኔ ሃላቃታኮኔ ፋሪሳዊታኮ ጉዬ ሲሚ ዪን ኤንቴ፣ «አይሰ አያ ኤሂቤኬቴ?» ያገዲ ኦይቸደሰና።
- 46 ያሳ ኬላ ናጌይሳቴ ኤንታኮ፣ «ሃ አዴይ ኦይቴይሳሶ ኦኒካ ኦይቴና» ያገዲ ዛሬደሰና።
- 47 ፋሪሳዊቲ ዛሬዲ፣ «አ. ሂንቴናካ ባሌሌዳ?»

---

7:22 ለዌ 12:3፤ ሜዴ 17:10      7:23 ጥሃ 5:9      7:37 ለዌ 23:36      7:38 ሃክ 47:1፤ ዛካ 14:8      \* 7:40 ናቢያ፣ ሃ ቤሳን ናቢያ ጌቴዳይ ያና ገዲ ኤንቴ ናጌያ ናቢያ ቆንጩሴ። (ጥሃ 1:21 ጸላቴ።)      7:42 2ሳሙ 7:12፤ ሚክ 5:2

48 እይሁዳ ሃላቃታፔ ዋይኮ ፋሪሳዊቴፔ ኢያ አማኒዳ አሲ ዴዒ?  
 49 ሙሴ ሂጊያ ኤሮና ሃ አሳይ ቃንጊቴዳባ» ያጊደሶና።  
 50 ፋሪሳዊታፔ ኢሶይ ቃማ ዩሱሳኮ ቢዳ ኒቆዲሞሲ ኤንታኮ።  
 51 «ኢሲ አሲ ጊያባ ሲያና ዋይኮ ኢ እይ ኦሌዳኮ ኤሮና ዴዒሽ ኮይሮተዳ ኢያ ቦላ ፐርዴይሲ ፔ ሂጊያን ዴዒ?» ያጊሰ።  
 52 ኤንቲ ዛሪዳ፣ «ኔነካ ቃሲ ጋለላ ቢታ አሴ? ጋለላ ቢታፊ ናቤይ ከኖሮይሳ ጌሻ ማፃፋፔ ፐልጋዳ ዴማ» ያጊደሶና።

### 8

#### ላይማቴሳን ኦይኪቴዳ ማጫሲው

1 ኢሶይ ኢሶይ አጊዲ ባ ሶ ባ ሶ ቢሰ፣ ሽን ዩሱሲ ሻማሆ ዴሪያ ቦላ ቢሰ።  
 2 ቃሲ ዋንቴሳ ጋለሰ ጉራ ያሳ ከሌ ሲሚሰ። ዳር አሳይ ኢያኮ ዩን ኡተዳ ኤንታ ታማርሲሰ።  
 3 ሂጊ ኣስታማሪቴኔ ፋሪሳዊቴ ላይማቴሽን ኦይኪዳ ኢሲ ማጫሲው ኢያኮ ኤሂደሶና። ኤንቲ አሳ ኡባ ሲንሳን ኢኖ ኤሲዳ፣  
 4 «አስታማሪያው፣ ሃ ማጫሲያ ላይማቴሽን ኦይኪዳ።  
 5 ሙሴ ሂጊይ ሃኒ ሜላ ማጫሲ ሹቻን ጫዴታ ሃይቃና ሜላ ከቴሰ። ያቴን፣ ኔኒ ዋይጋይ?» ያጊደሶና።  
 6 ኤንቲ ሃሳ ጊዳይ ዩሱሳ ፓጠዲ ኢያ ሞተያባ ዳማናሳ። ሽን ዩሱሲ ሆኪዲ ባ ቢራዴን ቢታ ቦላ ፃፊሰ።  
 7 ኤንቲ ኢያ ዛሪ ዛሪ ኦይቹዲ አጎና ኢዲን፣ ፑዴ ቶቁ ጊዳ፣ «ሂንቴ ጊደን ናጋራ ኦሌቦና አሲ ኮይሮተዳ ኢኖ ሹቻን ጫዴ» ያጊሰ።  
 8 ቃሲካ ሆኪዲ ቢታ ቦላ ፃፊሰ።  
 9 ኤንቲ ሃሳ ሲዒዳ ዋዴ ጨማታፔ ደሚዲ ኢሶይ ኢሶይ ከዩሽ ወሪደሶና። ዩሱሳ ፃላሊ ሄ ቤሳን ኤቁዳ ማጫሲራ አቴሰ።  
 10 ኢ ፑዴ ቶቁ ጊዳ ማጫሲኮ፣ «ማጫሲቴ፣ አሳቲ አው ቢደና? ኔ ቦላ ፐርዲዳይ ኦኒካ ባዋ?» ያጊሰ።  
 11 ማጫሲያ፣ «ጎዳው፣ ኦኒካ ባዋ» ያጋሱ።  
 ዩሱሲ ዛሪዳ፣ «ታኒካ ኔ ቦላ ፐርዲኬ። ባ፤ ዛሪዳ ናጋራ ኦላፋ» ያጊሰ።  
 ዩሱሲ አላሚያሰ ፖ?  
 12 ቃሲካ ዩሱሲ አሳኮ፣ «ታኒ አላሚያሰ ፖ?» ታና ካሊያ ኦኒካ ዴፖ አሚያ ፖውዋ ኤካናፔ አቲን ቆማን ሲሚራቴና» ያጊዲ ኦዲሰ።  
 13 ፋሪሳዊታ፣ «ኔ ኔባ ማርካታሳ፣ ሽን ኔ ማርካቴላይ ቱማ ጊዳና» ያጊደሶና።  
 14 ዩሱሲ ዛሪዳ፣ «ታኒ ታባ ማርካቴኮካ ታ ማርካቴላይ ቱማ። አይሰ ጊኮ፣ ታኒ አወፔ ዩዳኮ ቃሲ አው ቢያኮ ኤራይሰ። ሽን ሂንቴ ኤራኪታ።  
 15 ሂንቴ አሳ ቆፋን ፐርዴታ፤ ታኒ ኢሲ አሳ ቦላካ ፐርዲኬ።  
 16 ታኒ ፐርዲያባ ጊዲኮካ ታ ፐርዳይ ቱማ። አይሰ ጊኮ፣ ታና ከቲዳ ታ አዋይ ታራ ዴዒሲፔ አቲን ታኒ ታርካ ዴዒኬ።  
 17 ናሞው አሳ ማርካቴላ ቱማ ጊዳይሲ ሂንቴ ሂጊያን ፃፊቲሰ።  
 18 ታኒ ታባ ታ ሁዔን ማርካታይሰ፤ ቃሲ ታና ከቲዳ ታ አዋይካ ታባ ማርካቴሰ» ያጊሰ።  
 19 ኤንቲ፣ «ኔ አዋይ አወን ዴዒ?» ያጊዲ ኢያ ኦይቹደሶና።  
 ዩሱሲ ዛሪዳ፣ «ሂንቴ ታና ዋይኮ ታ አዋ ኤራኪታ። ታና ኤሪዳባ ጊዲያኮ፣ ሂንቴ ታ አዋካ ኤራናሽን» ያጊሰ።  
 20 ዩሱሲ ያሳ ከላን ሙፃታ ሚሽያ ዩጊያ ሳዲይ ዴዒያ ቤሳን ሃሳ ታማርሲሰ። ኢያ ቃማይ ቡር ጋኪቦና ጊሻ ኦኒካ ኢያ ኦይኪቤና።  
 21 ቃሲካ ዩሱሲ ኤንታኮ፣ «ታኒ ባና፤ ሂንቴ ታና ኮያና፣ ሽን ሂንቴ አቶቴሌ ዴሞና ሂንቴ ናጋራን ሃይቃና። ታኒ ቢያሱዋ ባናው ሂንቴ ዳንዳዒኬታ» ያጊሰ።  
 22 እይሁዳ ሃላቃታ፣ «ኢ፣ ታኒ ቢያሱዋ ሂንቴ ባናው ዳንዳዒኬታ» ያጊሰ። ኢ ባና ባርካ ዋሳኔዩ?» ያጊደሶና።  
 23 ዩሱሲ ዛሪዳ፣ «ሂንቴ ጋርሳፊ፤ ታኒ ቦላፊ። ሂንቴ ሃ አላሚያፔ፣ ታኒ ሃ አላሚያፔ ጊዲኬ።  
 24 ሂንቴ አቶቴሌ ዴሞና ሂንቴ ናጋራን ሃይቃና ጋዳ ታኒ ሂንቴው ኦዲዳይ ሃሳሳ። ታኒ ታና ጊዳይሳ ሂንቴ አማናና ኢዲኮ ሂንቴ አቶቴሌ ዴሞና ሂንቴ ናጋራን ሃይቃና» ያጊሰ።  
 25 ኤንቲ፣ «ኔኒ ኦኔ?» ያጊዲ ኦይቹደሶና።

ዩሱሲ ዛሬዲ፡ «ታጌ፣ ኮይርፔ ሂንቴው ኦዲዳ ታና።

26 ታጌ ሂንቴባ ኦዲዳ ፐርዲያባይ ዳርባይ ዴዔስ። ሸን ታና ከተዳይሲ ቱማንቸ፤ ቃሲ ታጌ ኢያፔ ሲዲዳይሳ ፃላላ አላሚያስ ኦዲይስ» ያገሰ።

27 ዩሱሲ ባ አዋባ ኦዲይሳ ኤንቴ አከከቡኮና።

28 ሃሳ ጊሾ፣ ዩሱሲ ኤንታኮ፡ «ሂንቴ አሳ ናባ ፑዴ ቋቋ ኦሊያ ዋዴ ታጌ ታና ጊዴይሳ ሂንቴ ኤራና። ቃሲካ ታጌ ታ ማታን አይኮካ ኦላናይሳ፤ ታ አዋይ ታና ታማርሲዳይሳ ኦዲይሳ ሂንቴ ኤራና።

29 ታና ከተዳይሲ ታራ ዴዔስ። ታጌ ኡባ ዋዴ ኢያ ኡፋይሲያባ ኦሊያ ጊሾ ኢ ታና ታ ፃላላ አገቡና» ያገሰ።

30 ዩሱሲ ሃሳ ኦዲሸን ሲዲዳ ዳር አሳይ ኢያ አማኒደሶና።

**ናጋራ አይሌቴላፌ ኪሲ**

31 ዩሱሲ ባና አማኒዳ አሳታኮ፡ «ሂንቴ ታ ቲሚርቴያሲ ከቲቲኮ ቱማ ታና ካሌይሳታ።

32 ሂንቴ ቱማ ኤራና፤ ቱማይካ ሂንቴና አይሌቴላፌ ኪሳና» ያገሰ።

33 ኤንቴ ዛሬዲ፡ «ኮኒ አብራሃሜ ሹሽ፤ ኮኒ ኦዴሰካ አይሌቴቡኮ። ኔኒ ዋይጋዳ፣ ሂንቴ አይሌቴላፌ ኪያና ገይ?» ያገደሶና።

34 ዩሱሲ ዛሬዲ፡ «ታጌ ሂንቴው ቱማ ኦዲይስ፤ ናጋራ ኦሊያ ኦኒካ ናጋራ አይሌ።

35 አይሌይ ሜሪናው ሶ አሳራ ዳና፣ ሸን ናባይ ሜሪናው ሶ አሳራ ዴዔስ።

36 ናባይ ሂንቴና አይሌቴላፌ ኪሲኮ ሂንቴ አይሌቴላፌ ቱማ ኪያና።

37 ሂንቴ አብራሃሜ ሹሽ ጊዴይሳ ታጌ ኤራይስ። ሸን ታ ቃላይ ሂንቴ ዋዛናን ባይና ጊሾ ታና ዋቋናው ኮዬታ።

38 ታጌ ታ አዋይ ታና ቤሲዳይሳ ኦዲይስ፣ ሸን ሂንቴካ ሂንቴ አዋፔ ሲዲዳይሳ ኦሊታ» ያገሰ።

39 ኤንቴ ዛሬዲ፡ «ኮ አዋይ አብራሃሜ» ያገደሶና።

ዩሱሲ ኤንታኮ፡ «ሂንቴ አብራሃሜ ናይታ ጊዲያኮ ኢ ኦሊዳይሳ ኦላና።

40 ሸን ያሳፌ ሲዲዳ ቱማ ኦዲዳ ታና ሂንቴ ዋቋናው ኮዬታ። አብራሃሜይ ሃሳዳ ኦሊቤና።

41 ሂንቴ፣ ሂንቴ አዋይ ኦሊዳይሳ ኦሊታ» ያገሰ።

ኤንቴ ዛሬዲ፡ «ኮኒ ቱማ ያሳ ናይታ፤ ኮሲ ኢሲ አዋይ ያሳ ፃላላ ዴዔስ» ያገደሶና።

42 ዩሱሲ ኤንታኮ፡ «ያሳይ ቱማ ሂንቴ አዋ ጊዲያኮ ሂንቴ ታና ዶሳና፤ አይሲ ጊኮ፣ ታጌ ያሳ ማታፔ ያዳ ሃይሳን ዴዔይስ። ታና ኢ ከቴሰፔ ኦቲን ታጌ ታ ማታን ያቢኬ።

43 ታጌ ጊዳሳ ሂንቴ ሲናናው ኮኖና ጊሾ ታ ጊያባይ ሂንቴው ጊሊና።

44 ሂንቴ፣ ሂንቴ አዋ ፃላሃ ናይታ። ቃሲ ሂንቴ፣ ሂንቴ አዋይ አሞቲያባ ኦላናው ኮዬታ። ኢ ኮይርፔ ደሚዲ ሸምፖ ዋዴይሳ። ቱማ ኢያን ባይና ጊሾ ኢ ቱማ ኢዲስ። ዋርዶይ ኢያው ሜቆ ጊዲዳ ጊሾኔ ኢ ዋርዶ አዋ ጊዲያ ጊሾ ዋርዶ ኦዴቲሽ ባፔ ኦዴቲስ።

45 ታጌ ቱማ ሃሳይይስ፣ ሸን ሂንቴ ታና አማኒኬታ።

46 ሂንቴፌ፣ ራኒ ናጋራ ኦሊሸን ታ ቤዓሲን ጋናው ዳንዳዔይ ኦኔ? ታጌ ቱማ ኦዴቲያባ ጊዲኮ ታና አይሲ አማኒኬታ?

47 ያሳ አሲ ያሳይ ጊያባ ሲዔስ። ሂንቴ ያሳ አሲ ጊደና ጊሾ ያሳይ ጊያባ ሲዔኬታ» ያገሰ።

**ዩሱሲ አብራሃሜፔ ሲንሌ**

48 አይሁዳቲ ዛሬዲ፡ « ራኒ ሳማሬ አሲ፤ ኔናን ቱና አያናይ ዴዔስን ጊሹ ሊኬ ጊደኮ?» ያገደሶና።

49 ዩሱሲ ኤንታኮ «ታ ቦላ ቱና አያኒ ባዋ። ታጌ ታ አዋ ቦንቻይስ፣ ሸን ሂንቴ ታና ካዉሸታ።

50 ታጌ ታ ሁዔ ቦንቻ ኮዩኬ፤ ታጌ ቦንቻታና ሜላ ኮዬይሲኔ ታው ፐርዲይሲ ዴዔስ።

51 ታጌ ሂንቴው ቱማ ኦዲይስ፤ ታ ቃላ ናጊያ ኦኒካ ሃይቄና» ያገሰ።

52 አይሁዳቲ ዛሬዲ፡ «ኔ ቦላ ቱና አያናይ ዴዔይሳ ኮኒ ሃዒ ኤራዳ። አብራሃሜይ ሃይቄስ፤ ናቡቲካ ሃይቄደሶና። ሸን ኔኒ፣ ቲ ቃላ ናጊያ ኦኒካ ሃይቄና» ያገሳ።

53 ኔኒ ሃይቄዳ ኮ አዋ አብራሃሜፔ ኦላዬ? ናቡቲካ ቃሲ ሃይቄደሶና። ኔኒ ኔና ኦና ጋዳ ቆገይ?» ያገደሶና።

54 ዩሱሲ፡ «ታጌ ታና ቦንቻኮ ታ ቦንቻይ ሃዳ። ሂንቴ፣ ራኮ ያሳን ጊያ ታ አዋይ ኢ ታና ቦንቻስ።

55 ሂንቴ ኢያ ኤርና አይኮካ ታጌ ኢያ ኤራይስ። ታጌ ኢያ ኤራኬ ጊኮ ሂንቴ ሜላ ዋርዶታይስ። ሸን ታጌ ኢያ ኤራይስ፤ ቃሲ ኢያ ቃላካ ናገይስ።

56 ሂንቴ አዋይ አብራሃሜይ ታ ዩሳ ጋሳሳ ቤዒዲ ኡፋይታናው አሞቲስ፤ ቤዒዲካ ኡፋይቲስ» ያገሰ።

57 አይሁዳቲ ዛሬዲ፡ «ሃሪ ኦቶሸን፣ ኔው ኢሻታው ላይላ ኩሚቤናሸን ዋናዳ አብራሃሜ ቤዓሲ ገይ?» ያገደሶና።

58 ዩሱሲ ኤንታኮ፡ «ታጌ ሂንቴው ቱማ ኦዲይስ፤ አብራሃሜይ ዩሌታናፔ ካሴ ታጌ ታና » ያገሰ።

59 ሄሳ ጊሾ፣ ኤንቲ ዩሱፊ ጫዳናው ሹቸ ኤኪደሶና። ሽን ዩሱሲ ኤንታፌ ገሚዲ ያሳ ኩላፌ ኩዩዲ ቢሰ።

### 9

ዩሱሲ ቆቄ ገዲዲ ዩሉቲዳ አዲያ ፓሊሰ

1 ዩሱሲ ቢሼ ዩሉቶሳፕ ቆቄ ገዲዲ ዲዲያ ኢሲ አዲያ ቢዲሰ።

2 ኢያ ታማሬቲ፣ «አስታማሬያው፣ ሃ አዳይ ቆቄ ገዲዲ ዩሉታና ማላ ናጋራ ኦሊዳይ ኦኔ? ኢ ኦሊዳዬ ዋይኮ ኢያ ዩሉዳይሳቲ ኦሊዳና?» ያገዲዲ ኦይቸደሶና።

3 ዩሱሲ፣ «ያሳ ኦሶይ ኢያ ቦላ ቆንጫና ማላፕ ኦቲን ኢ ዋይኮ ኢያ ዩሉዳይሳቲ ናጋራ ኦሊዳ ጊሾ ገደና።

4 ሳዒ ፓሊሰ ዳዒሽን ታና ከቲዳይሳ ኦሱዋ ኦ ኦላናው ቤሴሰ። ኦኒካ ኦላናው ዳንዳዳና ቃማይ ዩሰ።

5 ታኒ አላሚያን ዳዒሽ አላሚያሰ ፖ?» ያገሰ።

6 ዩሱሲ ሄሳ ገዲ ሳሳን ጨቲሰ። ባ ጨቻን ጉላ ቢታ ላኮሊዲ ሄ ኡርቃን ቆቄ አዲያ አይፊያ ቲዩሰ።

7 ያቲዲ፣ «ባዳ ሳሊሆሚ (ሳሊሆሚ ጉሳይ ከቲቲዳይሳ ጉሱ) ገያ ቲቄቲዳ ሃላን ኔ አይፊያ ማጩታ» ያገሰ። ሄሳ ጊሾ፣ አዳይ ቢዲ ባ አይፊያ ማጩቲዲ ያሊሼ ሰሚሰ።

8 አዲያ ሾርቲኔ አዳይ ካሴ ዋሲሽን ቢዲዳ አሳይ፣ «ሃይሲ ኦቲዲ ዋሲያ አዲያ ገዳኔ?» ያገደሶና።

9 ኢሲ ኢሲ አሳይ፣ «ሃይሲ ኢያ» ያገደሶና።

ሃራቲ ቃሲ፣ «አካይ፣ ሃይሲ ኢያ ዳኔሲፕ ኦቲን ኢያ ገደና» ያገደሶና።

ሽን አዳይ፣ «ኦ፣ ታና» ያገሰ።

10 ኤንቲ ኢያኮ፣ «ያቲን ኔ አይፊይ ዋኒዲ ያሊዳ?» ያገዲዲ ኦይቸደሶና።

11 ኢ ዛሪዲ፣ «ዩሱሳ ገያ አዳይ ጉላ ኡርቃ ላኮሊዲ ታ አይፊያ ቲዩዲ፣ ሳሊሆሚ ባዳ ኔ አይፊያ ማጩታ» ያገኘ፣ ታኒ ባዳ ማጩታዳ ያላ አጋሰ» ያገሰ።

12 ኤንቲ ኢያኮ፣ «ኢ አወን ዳዒ?» ያገዲዲ ኦይቸደሶና።

አዳይ፣ «ታኒ ኤሪኬ» ያገሰ።

ፋሪሳዌቲ ሃኒዳባ ኤሪናው ኮዩደሶና

13 ኤንቲ ካሴ ቆቄ፣ ሽን ሃዒ ያሊዳ አዲያ ፋሪሳዌታኮ ኤፊደሶና።

14 ዩሱሲ ኡርቃ ላኮሊዲ አዲያ አይፊያ ፓሊዳ ፓላሳይ ሳሞባታ ፓላሰ።

15 ሃሳ ጊሾ፣ አዳይ ዋኒዲ ያሊዳኮ ፋሪሳዌቲ ኢያ ዛሪ ኦይቸደሶና። አዳይ ኤንታኮ፣ «ኢ ታ አይፊያን ጉላ ኡርቃ ቲዩሰ። ታ አይፊያ ማጩታዳ ሃዒ ያላይሰ» ያገሰ።

16 ፋሪሳዌታፕ ኢሶቲ ኢሶቲ፣ «ሃይሳ ኦሊዳ አዳይ ሳሞባታ ሃገያ ናገና ጊሾ ያሳ ማታፕ ዩቤና» ያገደሶና።

ሽን ሃራቲ፣ «ናጋራንኝ አሲ ሃይሳ ማላ ማላታ ዋቲ ኦላናው ዳንዳዳ?» ያገዲዲ ባንታ ገደን ሻኬቲደሶና።

17 ሄሳ ጊሾ፣ ፋሪሳዌቲ አዲያኮ፣ «ኢ ኔ አይፊያ ያሊሲዳ ጊሾ ኔ ኢያባ ዋይጋይ?» ያገደሶና።

አዳይ፣ «ኢ ናቤ» ያገሰ።

18 አይሁዳ ሃላቃቲ፣ ኢያ አዩወኔ አዋ ያገዲዲ ኦይቻና ጋካናው፣ አዳይ ካሴ ቆቄ ገዲዳይሳኔ ሃዒ ኢ ያሊዳሳ አማኒቦኮና።

19 ኤንቲ ኢያ አዩወኔ ኢያ አዋኮ፣ «ሃንቲ ቆቄ ገዲዲ ዩሉቲሰ) ገያ ሃንቲ ናዓይ ሃይሴ? ያቲን፣ ሃዒ ዋኒዲ ያሊዳ?» ያገዲዲ ኦይቸደሶና።

20 ኢያ ዩሉዳይሳቲ፣ «ሃይሲ ኦ ናዓ ገዲዳይሳኔ ቆቄ ገዲዲ ኢ ዩሉቲዳይሳ ኦ ኤርሰ።

21 ሽን ሃዒ ኢ ዋኒዲ ያሊዳኮ ቃሲ ኢያ አይፊያ ኦኒ ፓሊዳኮ ኦኒ ኤርኮ። ኢያ ኦይቸቲ። ኢ ባና ኤሪዳ አሲ ገዲያ ጊሾ ባባ ኦዳናው ዳንዳዳሰ» ያገደሶና።

22 ኢያ ዩሉዳይሳቲ ሄሳ ገዳይ አይሁዳታሰ ያዩዳ ጊሾሳ። አይሰ ገኮ፣ አይሁዳቲ፣ ዩሱሲ ኢ ከሪሰቶሳ ያገዲዲ ማርካቲያ አሲ ዳዒኮ ሄ ኡራ አይሁዳ ዋሳ ኩላፌ ሃላናው ኮይርቲዲ ዛሪ ቃቸደሶና።

23 ኢያ ዩሉዳይሳቲ፣ «ኢ ባና ኤሪዳ አሲ፤ ኢያ ኦይቸቲ» ያገደሶና ሃሳሳ።

24 ሄሳ ጊሾ፣ ቆቄ ገዲዲ ዩሉቲዳ አዲያ ኤንቲ ዛሪ ያገዲዲ፣ «ቲማ ኦዳናው ያሳን ጫቃ፤ ሃ አዳይ ናጋራንኝ ገዳይሳ ኦ ኤርሰ» ያገደሶና።

25 አዳይ ዛሪዲ፣ «ኢ ናጋራንኝ ገዲን፣ ገደና ኢዲን ታ ኤሪኬ። ታኒ ቆቄ ገዳይሳኔ ሃዒ ያሊዳሳ ሄ ኢሲባ ኤሪደሰ» ያገሰ።



- 26 እንገደ ዛሬዲ፡ «ኢ ኔው አይ ኦሊዲ? ኢ ኔ አይፊያ ዋቴ ፓሊዲ?» ያገደሶና።
- 27 ኢ እንታኮ፡ «ታኒ ሂንቴው ኦዲስ፡ ሸን ሲዲቤኬታ፡ አይስ ዛሬ ሲዳናው ኮዬቴ? ሂንቴካ ኢያ ታማራ ገዳናው ኮዬቴዬ?» ያገሰ።
- 28 እንገደ ኢያ ጫዬዲ፡ «ኔ ሄ ኡራ ታማራ ገዲ፤ ኦኒ ሙሴ ታማራ።
- 29 ያሳይ ሙሴስ ኦዲዲይሳ ኦኒ ኤርስ፡ ሸን ሃ ኡራይ ኢ አወፔ ዩዳኮካ ኦ ኤርኮ» ያገደሶና።
- 30 አይይ እንታኮ፡ «ኢ አወፔ ዩዳኮ ሂንቴ ኤርናይሲ ማለሊሲያባ፡ ሸን ኢ ታ አይፊያ ፓሊስ።
- 31 ያሳ ሲንቼይሳኔ ኢ ኮያባ ኦሊያ ኡራ ያሳይ ሲዲሲፔ ኣቴን ናጋራንቸታ ሲዲና።
- 32 ሳሎይ ሳዲ ማዴቶቶፕ ቆቄ ገዲዲ ዩሊቴዳ አሳ አይፊ ፓሊዲይ ኦኒካ ባዋ።
- 33 ሃ አይይ ያሳፊ ከቴቴቦናባ ገዲያኮ ኢሲባካ ኦላናው ዳንዲዲና» ያገሰ።
- 34 እንገደ ዛሬዲ፡ «ኔኒ ናጋራን ዩሊታዳ ዲጨዲይሲ ኦና ታማርሳናው ኮያይ?» ያገደሶና። ኢያ አይሁዳ ዋሳ ከላፊ ሂሊደሶና።

**ዋዛና ቆቄቴሊ**

- 35 ዩሱሲ እንገደ አይያ ከሲዲይሳ ሲዲዳ ዋይ ኢያ ዳሚዲ፡ «አሳ ናዓ አማናይ?» ያገዲ አይቼሰ።
- 36 አይይ ዩሱሳኮ፡ «ሳዳው፡ ታኒ ኢያ አማናና ማላ ኢ ኦኒ? ታው ኦዳርኪ?» ያገሰ።
- 37 ዩሱሲ አይያኮ፡ «ኔኒ ኢያ ቤዓዳሳ፤ ሃ ኔራ ኦዳቴይሲ ኢያ» ያገሰ።
- 38 አይይ ዛሬዲ፡ «ሳዳው፡ አማናይሰ» ያገዲ ዩሱሳስ ጎይኒሰ።
- 39 ዩሱሲ፡ «ቆቄቴ ያላና ማላኔ ያሊይሳቴ ቆቃና ማላ ታኒ ፐርዳናው ሃ አላሚያ ያሰ» ያገሰ።
- 40 ኢያራ ዳዲያ ጉላ ፋሪሳዌቴ ሃሳ ሲዲዲ፡ «ኦ ቆቄዬ?» ያገዲ አይቼደሶና።
- 41 ዩሱሲ፡ «ሂንቴ ቆቄ ገዲያኮ ሂንቴው ናጋራ ገዲና። ሸን ሃዲ ሂንቴ ያሎሰ ገያ ገሾ ሂንቴ፡ ሂንቴ ናጋራን ዳዳታ» ያገሰ።

**10**

**ዩሱሲ ሎዮ ሂንገንቸ**

- 1 ዩሱሲ፡ «ታኒ ሂንቴው ቱማ ኦዳይሰ፤ ደርሳ ገርቤ ገደ ፔንጌራ ገደና ሃራሶራ ጌሊያ ኦኒካ ካይሶኔ ፓገጋ።
- 2 ሸን ፔንጌራ ጌሊይሲ ደርሳታ ሄሚይሳ።
- 3 ፔንጌያ ናጌይሲ ኢያው ፔንጌያ ደዩሰ፤ ደርሳቴካ ኢያ ቃላ ሲደሶና። ኢ ባ ደርሳታ እንታ ሱንገን ሱንገን ያጌሰ፤ እንታ ካሊሊዲ ካራ ከሴስ።
- 4 ኢ ባይሳታ ካራ ከሲዳፔ ጉዬ እንታ ሱንገን ሃሙቴስ። እንገደ ኢያ ቃላ ኤሪያ ገሾ ኢያ ካሎሶና።
- 5 ሃራ ኡራ ቃላ እንገደ ኤርና ገሾ ኢያፔ ባቃቶሶናፔ ኣቴን ኢያ ጌደ ካሎኮና» ያገሰ።
- 6 ዩሱሲ እንታው ሃ ለሚሱዋ ኦዲስ፡ ሸን ኢ አይ ገዲኮ እንገደ አክኪቦኮና።
- 7 ዛሬዲ ዩሱሲ እንታኮ፡ «ታኒ ሂንቴው ቱማ ኦዳይሰ፤ ታኒ ደርሳታስ ፔንጌ።
- 8 ታፔ ሲንሌ ዩዳ ኡባይ ካይሶኔ ፓገጋ፡ ሸን ደርሳቴ እንታ ሲዲቦኮና።
- 9 ፔንጌይ ታና፤ ታ ባጋራ ጌሊያ ኦኒካ ኣታና። ኢ ታ ባጋራ ጌላናኔ ከያና፤ ሎዮ ሄሚቴያ ቤሲ ዳማና።
- 10 ካይሶይ ካይሶታናው፡ ሹካናወኔ ቆይሳናው ዩሲፔ ኣቴን ሃራባሰ ዩና። ታኒ እንታው ዳይይ ዳና ማላኔ ኩሚዲ ፓላሃና ማላ ያሰ።
- 11 «ታኒ ሎዮ ሂንገንቸ፤ ሎዮ ሂንገንቸይ ባ ደርሳታ ገሾ ባ ሸምፑዋ አላ ኢሚስ።
- 12 ከራ ሄሚያ አሲ ደርሳታ ጎዳኔ ሂንገንቸ ገደና ገሾ ሱቆሚይ ያ ዋይ ቤዲዲ ደርሳታ አገዲ ቤስ። ኢሳ ገሾ፡ ሱቆሚይ ደርሳታ ኦይኪዲ ላሊስ።
- 13 ከራ ሄሚያሰ ሚሼስ ሄሚያ ገሾኔ ደርሳታባይ ኢያ ቆፊሶና ገሾ ደርሳታ አገዲ ባቃቴስ።
- 14-15 «ታኒ ሎዮ ሂንገንቸ፡ ታ አዋይ ታና ኤሬይሳዳ ታኒካ ታ አዋ ኤራይሰ። ሃሳዳካ፡ ታኒ ታ ደርሳታ ኤራይሰ፤ ታ ደርሳቴካ ታና ኤርሶና። ታኒ ታ ደርሳታ ገሾ ታ ሸምፑዋ አላ አማይሰ።
- 16 ሃ ወዲያን ባይና ሃራ ደርሳቴ ታው ዳይሶና። ታኒ እንታካ ኤሃናው ቤሴስ። እንገደ ታ ቃላ ሲዳና፤ እንገደ አሲ ወዳ ገዳና፤ ሂንገንቸይካ ኢሱዋ።
- 17 «ታኒ ታ ሸምፑዋ አላ አማይ ዛራ ኤኪያ ገሾ ታ አዋይ ታና ደሲስ።
- 18 ታ ደሳዳ ታ ሸምፑዋ አላ አማይሲፔ ኣቴን ታፔ ኦኒካ ኤኪና። ታ ታ ሸምፑዋ አላ አማናወኔ ዛራ ኤካናው ማቴ ታው ዳዲስ። ታኒ ኦላና ማላ ታ አዋይ ታና ከቴዳይሲ ሃይሳ» ያገሰ።
- 19 ሃሳ ኢ ገዲ ገሾ አይሁዳታ ገደን ቃሲካ ሻከቴሊ ሚዴቴስ።

20 ኤንታፌ ዳሪያ ባጋይ፣ «ኢያን ቱና እያሲ ዳዔስ! ኢ ጎዬስ! ኢ ጊያባ አይሰ ሲዔቲ?» ያጊደሶና።

21 ሃራቲ ቃሲ፣ «ፃላሄይ ኦይኪዳ አሲ ሃይሳዳ ኦዴቴና። ቱና እያሲ ቆቄ አይፌ ያለሳናው ዳንዳባዬ?» ያጊደሶና።

ዬሱሲ አሳ ናባ

22 ዩሩሳላሚያ ያሳ ኬላን እንጂሲዳ ጋላሳታ ቦንቹያ ባለይ ጋኪስ፤ ሄ ዋዴ ሳሊ ባልገ።

23 ዬሱሲ ያሳ ኬላን ሶሎሞኔ ባራንዳን ሲሜሪቴስ።

24 አይሁዴቲ ዬሱሳ ዩሾን ሸቄ ኤቄዲ፣ «ኔሲ ኑና አወዴ ጋካናው ሲጌራ ዋላኔ? ኔሲ ከሪሰቶሳ ጊዲኮ አኔ ኑስ ገሻዳ ኦዳ» ያጊደሶና።

25 ዬሱሲ ዛሪዲ ኤንታኮ፣ «ታኒ ሃንቱው ኦዳስ፤ ሺን ታና አማኔኪታ። ታኒ ታ አዋይ ታው አሚዳ ማታን ኦሊያ ኦሶይ ታባ ማርካቴስ።

26 ሺን ታኒ ሃንቱው ኦዳዲይሳዳ ሃንቱ ታ ደርሴ ጊደና ገሾ አማኔኪታ።

27 ታ ደርሳቲ ታ ቃላ ሲቦሶና። ታኒ ኤንታ ኤሪይስ፤ ኤንቲካ ታና ካሎሶና።

28 ታኒ ኤንታው ሜሪና ደዑዋ አሚይስ፤ ኤንቲ ኡባራካ ቆዮኮና። ኦኒካ ታ ኩሼፕ ኤንታ ቦንቄ ኤካናው ዳንዳዔና።

29 ኤንታ ታው አሚዳ ታ አዋይ ኡባፌ አጼሰ \* ኦኒካ ታ አዋ ኩሼፕ ኤንታ ቦንቄ ኤካናው ዳንዳዔና።

30 ታኒ ታ አዋይ አሲና» ያጊሰ።

31 አይሁዴቲ ዬሱሳ ጫዳናው ቃሲካ ሹቹ ዳንሊደሶና።

32 ዬሱሲ ኤንታኮ፣ «ታኒ ኦላና ሚላ ታ አዋይ ታው አሚዳ ዳር ሎፖ ኦሶታ ሃንቴና ኦላ ቤሳስ። ሄሳታፕ አወሳ ገሾ ታና ሹቹን ጫዳናው ኮዬቲ?» ያጊሰ።

33 አይሁዴቲ ዛሪዲ፣ «ኦኒ ኔና ኔ ሎፖ ኦሶ ገሾ ሹቹን ጫዳናው ኮዮኮ። ሺን ኔሲ ያሳ ጫያ ገሾኔ አሲ ጊዳሼ ኔ ኔና ያሴ ጊያ ገሾሳ» ያጊደሶና።

34 ዬሱሲ ዛሪዲ፣ «ገሻ ማፃፋን ያሳይ፣ ሃንቲ ያሳታ ጊዳይሲ ያፌቴቤኔ?»

35 ገሻ ማፃፋይ ሜሪናው ለሚቴና። ያሳይ ባ ቃላ አሚዳ አሳታ፣ ያሳታ ጊዲ ያገኮ፣

36 አዋይ ዳሪዲ ሃ አላሚያ ከቲዳ ታና ያሳ ናባ ዋቲዲ ያሳ ጫያሳ ያገኮ፣

37 ታኒ ታ አዋይ ኦሊይሳ ኦላና አዳኮ ታና አማርፕቴ።

38 ሺን ታኒ ኦሊያባ ጊዲኮ ሃንቲ ታና አማርና አዳኮካ፣ ታ አዋይ ታናን ዳዔይሳኔ ታካ ታ አዋን ዳዔይሳ ሃንቲ ኡሪና ሚላ ታ ኦሱዋ አማኒቴ» ያጊሰ።

39 ቃሲካ ኤንቲ ኢያ ኦይካናው ኮዩደሶና፣ ሺን ኢ ኤንታፌ ኬሲ ኤኪስ።

40 ጥሃሲኪ ካሴ ያማቂያ ቤሳ፣ ዮርዳኖሴ ሻፋፕ ሄፊንሊ ዬሱሲ ፒኒዲ ያን ዳዒስ።

41 ዳር አሳይ ዬሱሳኮ ዩዲ፣ «ጥሃሲሲ ማላታ ኦሊቤና፣ ሺን ኢ ሃ አዲያባ ኦዲዳባይ ኡባይ ቱማ» ያጊደሶና።

42 ያን ዳር አሳይ ዬሱሳ አማኒደሶና።

# 11

## አላዛራ ሃይቁዋ

1 ቢታኒያ ጉታን አላዛራ ጊያ ኢሲ አዳይ ሃርጌቲስ። ቢታኔይ ማይራማኔ ኢ ሚቹያ ማርታ ዳዒያ ጉታ።

2 ማይራማ ጎዳ ቶሁዋ ሺቶ ቲያዳ ባ ቢናናን ኢያ ቶሁዋ ቁቹዳር። ሃርጌቲዳይ ኢ አሻ አላዛራ።

3 ሄሳ ገሾ፣ ሚቹቲ፣ «ጎዳው፣ ኔ ደሴይሲ ሃርጌቲስ» ጊዲ ዬሱሳኮ ከቲደሶና።

4 ዬሱሲ ሄሳ ሲዒዳ ዋዴ «ሃ ሃርጌይ፣ ያሳይኔ ኢያ ናባይ ቦንቹታና ሜላፕ ኦቲን ሃይቆስ ጋሊያ ሃርጌ ጊደና» ያጊሰ።

5 ዬሱሲ ማርታ፣ ኢ ሚቹወኔ አላዛራ ደሴስ።

6 ሺን አላዛራ ሃርጌዲይሳ ዬሱሲ ሲዒዲ ባ ዳዒያ ቤሳን ናምዑ ጋላስ ጋምሲስ።

7 ሄሳፌ ጉዬ፣ ዬሱሲ ባ ታማራታኮ፣ «ዛሪዲ ዩሁዳ ቢታ ቦስ» ያጊሰ።

8 ኢያ ታማራቲ ዛሪዲ፣ «አስታማሪያው፣ ጉላ ዋዴፕ ካሴ አይሁዴቲ ኔና ሹቹን ጫዲዲ ዋቆናው ኮዩደሶና፤ ሃዒካ ያ ባኔ?» ያጊደሶና።

9 ዬሱሲ፣ «ኢሲ ጋላሳን ታማኔ ናምዑ ሳቲይ ዳዒስ ጊዴኔይ? ጋላስ ሃሙቲያ አሲ ሃ አላሚያ ፖዑዋ ቤዒያ ገሾ ቆቤቴና።

\* **10:29** ታ አዋይ ኡባፌ አጼሰ፣ ኢሲ ኢሲ ቤኒ ማፃፋቲ፣ «ታ አዋይ ታው አሚዳ ኤንቲ ኡባፌ አጼሶና» ያሳሰና። **10:33** ለዌ 24:16 **10:34** ማክ 82:6 **10:40** ጥሃ 1:28 **11:1** ሉቃ 10:38-39 **11:2** ጥሃ 12:3

10 ሽን ቃማ ሃሙተያ እነካ ፖይይ ባይና ገሾ ጳቤቱስ» ያገለገለ።

11 ዩሱፊል ሄሳ ገዳጥ ጉዬ አንታኮ፡ «ኑ ደሲያ አላዛሪ ጳሰኪስ፡ ሽን ኢያ ዳንፋናው ታኒ ባና» ያገለገለ።

12 ኢያ ታማሪቲ ዛሪዳ፡ «ጎዳው፡ ኢ ጳሰኪዳባ ገዲኮ ኢያው ሎባና» ያገደሰና።

13 ዩሱፊል አላዛሪ ሃይቁዳይሳ ኦዲስ፡ ሽን አንታው ጮ ጳሰኮ ዳኒስ።

14 ሄሳ ገሾ፡ ዩሱፊል ገሸዲ አንታኮ፡ «አላዛሪ ሃይቁስ።

15 ሃንቴ አማናና ሜላ ታኒ ሄ ቤሳን ዳዎናይሳሰ ሃንቴ ገሾ ኡፋይታይስ። አኔ ዩጳቲ፤ ኢያኮ ቦስ» ያገለገለ።

16 ሃሳፌ ጉዬ፡ ዲዲሞሳ \* ገቴቲያ ቶማሲ ባ ላጌ ታማሪታኮ፡ «አስታማሪያራ ሃይቃናው ኑካ ቦስ» ያገለገለ።

**ዩሱፊል ዳንዶኔ ዳዎ**

17 ዩሱፊል ጋኪያ ዎዴ አላዛሪ ሞጌቲን ኦይዲ ጋላስ ገዲስ።

18 ቢታኔይ ዩሩሳላሜጥ ሄዙ፡ ከሎ ሚቲሪ ሜላ ሃኬስ።

19 ዳር አይሁዳቲ ማርታኔ ማይራሞ አንታ አሻይ ሃይቁዳይሳሰ ሚንጤላናው ዩደሰና።

20 ማርታ ዩሱፊል ዩዳይሳ ሰባዳ ኢያ ሞካናው ኬያሱ፡ ሽን ማይራማ ሶን አታሱ።

21 ማርታ ዩሱፊል፡ «ጎዳው፡ ኔኒ ሃይሳን ዳዊዳባ ገዲያኮ ታ አሻይ ሃይቁና።

22 ሽን ሃዲ ገዲኮካ ኔኒ ዎሲያባ ያሳይ ኔው አማናይሳ ታኒ ኤራይስ» ያገለገለ።

23 ዩሱፊል፡ «ኔ አሻይ ሃይቆፕ ዳንዳና» ያገለገለ።

24 ማርታ ኢያኮ፡ «ዉርሱሳ ጋላስ ኢ ሃይቆፕ ዳንዳናይሳ ኤራይስ» ያገለገለ።

25 ዩሱፊል አኮ፡ «ታኒ ዳንዶኔ ዳዎ፤ ታና አማኒያ እነካ ሃይቁኮካ ዳዎን ዳና።

26 ቃሲ ዳዎን ዳዊይኔ ታና አማኒያ እነካ ሃይቁና። ሄሳ ኔኒ አማናይ?» ያገለገለ።

27 ማርታ ዛሪዳ፡ «ጎዳው፡ ኤ ታኒ አማናይስ! ኔኒ ያሳ ናና፡ አላሚያ ያናው ዳዊያ ከሪስቶሳ ገዲይሳ ታኒ አማናይስ» ያገለገለ።

28 ማርታ ሄሳ ገዳጥ ጉዬ፡ ባዳ ባ ማቺው ጌማን ይጋዳ፡ «አስታማሪይ ዩዲ ኔና ኮዩስ» ያገለገለ።

29 ማይራማ ሄሳ ሰባዳ ዎዴ ኤሌሳ ዳንዳ ኤቃዳ ዩሱፊል ካሱ።

30 ሃ ዎዴ ዩሱፊል ማርታራ ጋሄቲዳ ቤሳን ዳዊስ፤ ቡር ጉታ ጋኪቤና።

31 ማይራማ ማንጤላሽ ኢራ ሶን ዳዊያ አይሁዳቲ፡ ኢያ ዳንዳ ኤሌሳዳ ካሪ ኬዩዳይሳ ቤዲዲ፡ ዳር ባዳ ዩካናው ሃኒያ ዳኒኒ እዮ ካሊዲ ኬዩደሰና።

32 ማይራማ ዩሱፊል ዳዊያሱዎ ባዳ ኢያ ቤዲዳ ዎዴ ኢያ ቶሁዎ ቦላ ኩንዳዳ፡ «ጎዳው፡ ኔኒ ሃይሳን ዳዊዳባ ገዲያኮ ታ አሻይ ሃይቁናሽን» ያገለገለ።

33 ዩሱፊል ማይራማኔ ኢራ ዳዊያ፡ አይሁዳቲ ዩኬይሳ ቤዲዲ፡ ባ ዎዛናን ዳር ሴሊቲዲ፡

34 «አዉን ሞጌዳቲ?» ያገደዲ ኦይቸን፡ «ጎዳው፡ ያዳ ቤዳ» ያገደዲ ዛሪደሰና።

35 ዩሱፊል አፋጸስ።

36 ሄሳ ገሾ፡ አይሁዳቲ፡ «ኢ አላዛራ አይ ሜላ ደሲያኮ ቤዳቲ» ያገደሰና።

37 ሽን አንታፌ አሶቲ አሶቲ፡ «ሃይሲ ቆቁያ ዩሊሲዳይሲ ሃ አይይ ሃይቆና ሜላ ኦፋናው ዳንዳዬሽን?» ያገደሰና።

**ዩሱፊል አላዛሪ ሃይቆፕ ዳንጸሰ**

38 ቃሲካ ዩሱፊል ሴሊቲዲ፡ አላዛሪ ሞጌቲዳ ዲፋዎ ቤስ። ሄ ዳርይ ሹቻን ጎርደቲዳ ጎንጎሎ።

39 ዩሱፊል፡ «ሹቻ ዳንጸሰ» ያገደዲ ከቲስ።

ማርታ፡ «ጎዳው፡ ኢ ሃይቆፊፕ ኦይዲ ጋላስ ገዲዳ ገሾ ሃዲ ዳንቃና» ያገለገለ።

40 ዩሱፊል ማርታኮ፡ «ኔ አማኒያባ ገዲኮ ያሳ ቦንቸዎ ቤዳናይሳ ታኒ ኔው ኦዳቢኪና?» ያገለገለ።

41 አንቲ ሹቻ ዳንጸሰ ዩሱፊል ሳሎ ፑዴ ያሊዲ፡ «አዎው፡ ታና ኔ ሰባዳ ገሾ ኔና ጋላታይስ።

42 ኔ ኡባ ዎዴ ታና ሰባዳይሳ ታኒ ኤራይስ። ሽን ሃይሳን ኤቁዳ አሳይ ኔኒ ታና ከቲዳይሳ አማናና ሜላ ታኒ አንታ ገሾ ሃይሳ ጋይስ» ያገለገለ።

43 ዩሱፊል ሄሳ ገዳጥ ጉዬ፡ ባ ቃላ ቶቁ አሊዲ፡ «አላዛራ፡ ሃ ኬያ!» ያገለገለ።

44 ሃይቁዳ አይይ ዚዴቲዳ ሜላ ኩሼይኔ ቶሆይ ሻሎን ቃሽቲዲ ዳዊሽን ኢያ አይፊ ካሪይ ጎዜቲዳ ሜላ ዲፋዎፕ ኬዩስ። ዩሱፊል አንታ፡ «ቢርሽቲ! ቦ ጌቲ!» ያገለገለ።

**ከሪስቶሳ ቦላ ማቁቲደሰና**

(ማቶ 26:1-5፤ ማር 14:1-2፤ ሉቃ 22:1-2)

45 ሄሳ ገሾ፡ ማይራማኮ ዩዳ አይሁዳታፕ ዳርቲ ዩሱፊል አሊዳይሳ ቤዲዲ ኢያ አማኒደሰና።

46 ሽን አንታፌ አሶቲ አሶቲ ፋሪሳዊታኮ ቤዲ ዩሱፊል አሊዳይሳ አንታው ኦዲደሰና።

\* 11:16 ዲዲሞሳ፡ ጉሳይ ማንቴ ጉሱ።

- 47 ሃሳፌ ጉዬ፣ ካሂኔ ሃላቃቲኔ ፋሪሳዊቲ ሻንጉዋ ሺሺዲ፣ «ሃ አዳይ ዳር ማላታታ ኦሊያ ገሾ ኑ አይ ኦሊኖ?»
- 48 ኑኒ ኢያ ሲዒ ገዲ አገኮ አሳ ኡባይ ኢያ አማናና። ቃሲ ሮሜ ቢታ አሳቲ ዪዲ ኑ ያሳ ኬላኔ ኑ ዳሪያ ቆይሳና» ያገደሰና።
- 49 ኤንታሬ ኢሶይ ቃያፋ ገይሲ፣ ሄ ላይሌ ካሂኔ ሃላቃ ገዲዳይሲ፣ «ሂንቴ አይኮካ ኤሬኬታ!
- 50 አሳይ ኡባይ ቆይሳፌ አሳ ኡባ ገሾ ኢሲ አሲ ሃይቄይሲ ሎየ ገዳይሳ ኤሬኬቲ?» ያገሰ።
- 51 ኢ ሄሳ ባፔ ገቤና። ሺን ሄ ላይሌ ካሂኔ ሃላቃ ገዲያ ገሾ ዬሱሲ አይሁዴ አሳ ገሾ ሃይቃናው ቤሴይሳ ቲንቢቲ ኦዲሰ።
- 52 ቃሲ ዬሱሲ አይሁዴ አሳ ያላላሰ ገደናሺን ላሌቲዲ ዳዒያ ያሳ አሳ ኡባ ኢሲፌ ሺሻናዉኔ ኢሲ አሲ ኦላናው ሃይቃና።
- 53 ሄ ጋላሳፔ ደሚዲ ኤንቲ ኢያ ዋቆናው ማቄቲደሶና።
- 54 ሄሳ ገሾ፣ ዬሱሲ አይሁዴታ ገደሳ ቆንጨ፣ ሲሜሬቲቤና። ሺን ባዞ ቢታ ማታን ዳዒያ ኤፍሬሜ ጉታ ቢሰ። ባ ታማሬታራ ሄ ቤሳን ጋምሲሰ።
- 55 አይሁዴቲ ቦንቺያ ፓሲካ ጋላሳይ ማቴሰ። ቃሲ ዳር አሳይ ባንታና ገሻናው ፓሲካ ቦንቺያ ጋላሳይ ጋካናፔ ሰንሐ ሄ ቢታሬ ዬሩሳላሜ ቢደሰና።
- 56 ኤንቲ ያሳ ኬላን ኤቄዲ ዬሱሳ ዩሳ ናገያ ገሾ «አይ ቆፔቲ? ዬሱሲ ባሊያ ቦንቻናው ዬኔ?» ያገዲ ኢሶይ ኢሱዋ ኦይቺደሶና።
- 57 ካሂኔ ሃላቃቲኔ ፋሪሳዊቲ ዬሱሳ ስይካናው፣ ኢ ዳዒያሱዋ ኤሪያ ኦኒካ ባንታው ኦዳና ሜላ ከቲደሶና።

## 12

ዬሱሳ ሺቶ ቲዬዳ ማጨሲው  
 (ማቶ 26:6-13፤ ማር 14:3-9)

- 1 ፓሲካ ቦንቺያ ጋላሳፔ ኡሱቸን ጋላሰ ሲንሳቲዲ፣ ዬሱሲ ሃይቆፔ ዳንሌዳ አላዛሪ ዳዒያ ጉታ፣ ቢታኒያ ቢሰ።
- 2 ሄ ቤሳን ኤንቲ ኢያው ካሆ ገሲሲደሶና። አላዛሪ ዬሱሳራ ኢሲፌ ጋይታ ቦላ ኡቲዳሺን ማርታ ኤንታና ሞካዉሰ።
- 3 ማይራማ ናርዶሴ ገያ ዳር አልዎ ገሻ ሺቶ ኤሃዳ ዬሱሳ ቶሁዋ ቲያሱ። ባ ቢናናን ኢያ ቶሁዋ ቁቻሱ፤ ኬላ ኡባይ ሺቶ ሳዋን ቶንጉ ገሰ።
- 4 ሺን ዬሱሳ ታማሬታፔ ኢሶይ፣ ዬሱሳ አላ ኢማናይሲ፣ አሰቆርታ ዪሁዲ፣
- 5 «አይሰ ሃ ሺቶይ ሄቹ ያቲ ዳናሬን ባይዘቲዲ፣ ሚሼይ ማንቆታሰ ኢሜቴኔ?» ያገሰ።
- 6 ኢ ካይሶ ገዲዳ ገሾ ሄሳ ገሲፔ አቲን ማንቆታሰ ቃዴቲዲ ገቤና። ኢ ሚሼ ካርዒታ ኦይኬይሳ ገዲያ ገሾ ኡባ ዋይ ኢያፔ ባው ኤኬሰ።
- 7 ዬሱሲ፣ «ኢያ ባው ዳዒያባ ታ ሞሳ ጋላሳሰ ሚንጂዳ ገሾ ኢዮ አጋገቲ።
- 8 ማንቆቲ ኡባ ዋይ ሂንቴራ ዳና፣ ሺን ታኒ ኡባ ዋይ ሂንቴራ ዳዒኬ» ያገሰ።
- 9 ሄ ዋይ ዳር አሳይ ዬሱሲ ቢታኒያን ዳዒይሳ ሲዒዲ ያ ቢደሰና። ኤንቲ ዬሱሳ ያላላ ገደናሺን ኢ ሃይቆፔ ዳንሌዳ አላዛራካ ቤዓናው ቢደሰና።
- 10 ሄሳ ገሾ፣ ካሂኔ ሃላቃቲ አላዛራካ ቃሲ ዋቆናው ማቄቲደሶና።
- 11 አይሰ ገኮ፣ አላዛራ ጋሶን ዳር አይሁዴቲ ኤንታና ኢዲዲ ዬሱሳ አማሮሶና።

ዬሱሲ ቦንቺያ ዬሩሳላሜ ገሌሰ  
 (ማቶ 21:1-11፤ ማር 11:1-11፤ ሉቃ 19:28-40)

- 12 ዋንቴላ ጋላሰ ፓሲካ ቦንቺያ ቤሳ ዪዳ ዳር አሳይ ዬሱሲ ዬሩሳላሜ ቤይሳ ሲዒዲ፣
  - 13 ዛምባ ሃይሌ ኤኪዲ ኢያ ሞካናው ኬዪደሶና። ባንታ ቃላ ቆቁ ኦሊዲ፣
- «ሆሳና! ያሳይ ጋላቲቶ!  
 ጎዳ ሱንሳን ዬይሲ አንጄቶ!  
 ያሳይ ኢስራዔል ካዉዋ አንጀ!»
- ያገደሰና።
- 14-15 ገሻ ማፃፋን፣
- «ጂዮኔ ካታማው፣ ባቦፋ!  
 ሄኮ፣ ኔ ካዋይ ሃሬ ማራ ቦላ ኡቲዲ ዬሰ»
- ጌቲቲዳይሳዳ ዬሱሲ ሃሬ ማራ ዳሚዲ ኢያ ቶገሰ።

16 ዬሱሳ ታማራት ሄሳ ካሴ እኩኪቦኮና። ሽን ዬሱሴ ሰንቸቲዳ፤ ጉዬ ኤንቲ ሄሳ ኡባ እኩኪዳሶና። ሄሴ ኡባይ ገሻ ማፃፋይ ገዳይሳዳ ሃረሰ።

17 ዬሱሴ እሳዛራ ዱፎ፤ ግረዳ፤ ሃይቆ፤ ዳንጳዳ ዋዴ ኢያራ ዳዳ ዳር አሳይ ዬሱሳባ ማርካቲዳሶና።

18 ዳር አሳይ ኢያ ሞካናው ከዪዳይ፤ ኢ ሄ ማላታታ ኦሌዳይሰሳ ሰዒዳ ገሾሳ።

19 ሄሳ ገሾ፤ ፋሪሳዊቲ ኢሶይ ኢሱዋኮ፤ «ኑ አይኮካ ኦፋናው ዳንዳሪዳሳ ቤዒቲ፤ ዳሬ ኡባይ ኢያ ካሌስ» ያገደሶና።

20 ፓሲካ ሰንቸያ ገላሰ ጎይናናው ዬሩሳላሜ ቤዳይሳታ ገደን ኢሲ ኢሲ ገሪኬ አሳቲ ዳሪሶና።

21 ኤንቲ ገላላ ቤታን ቤቴሳይዳ ካታማ፤ ዪዳ ፊልጶስቲ ቤዳ፤ «ጎዳው፤ ኑ ዬሱሳ ቤዳናው ኮኖሰ» ያገደዱ ዋሲዳሶና።

22 ፊልጶስ ቤዳ ኢንዱሪያሳሰ ኦዳን ናሞዳይ ቤዳ፤ ዬሱሳሰ ኦዳዳሶና።

23 ዬሱሴ ኤንታኮ፤ «አሳ ናዳይ፤ ሰንቸቲያ ዋዴ ገኪሰ።

24 ታኒ ሂንቲው ቱማ ኦዳይሰ፤ ኢሲ ገሰቴ አይፊይ ቤታን ዋዳዳ ዋቆና ኢዲኮ ባርካ አቴሰ። ሽን ሄ ገሰቴ አይፊይ ዋቁኮ ዳር አይፊ አይፊሰ።

25 ባ ሸምፑዋ ደሲያ ኦኒካ ዳይሴሴ፤ ባ ሸምፑዋ ሃ አላሚያን ኢዲያ ኦኒካ ሜሪና ዳሪሰ አሼሰ።

26 ታኒ ዳዒያሱዋን ታራ ዳና ሜላ ታው ኦፋናው ኮያ ኦኒካ ታና ካላናው ቤሴሰ። ታው ኦሌያ ኦናካ ታ አዋይ ሰንቻና።

**ዬሱሴ ባ ሃይቁዋባ ሰንገላቲዳ ኦዳሰ**

27 «ሃዒ ታ ሸምፖይ ዳር ኢንዱቲሰ፤ ያቲን ዋይጎ? ታ አዋው፤ ታና ሃ ሳቴ፤ አሻርኪን ያጎ? አካይ፤ ታኒ ዪዳይ ዋዬ ኤካሳና።

28 ታ አዋው፤ ኑ ሱንጎ ሰንቻ» ያገሰ።

ሄ ዋዴ ሳሎ፤ «ታኒ ታ ሱንጎ ሰንቻሰ፤ ዛራዳካ ሰንቻና» ያገያ ቃላይ ዪሰ።

29 ሄ ቤሳን ኤቁዳ ዳር አሳይ ሄ ቃላ ሰዒዳ፤ «ሄሴ ዳዳ» ያገደሶና።

ሃራቲ ቃሰ፤ «ከታንቸይ ኢያው ኦዳሰ» ያገደሶና።

30 ዬሱሴ ዛራዳ ኤንታኮ፤ «ሃ ቃላይ ሂንቲ ገሾ ዪሰ፤ አቲን ታ ገሾ ገዳና።

31 ሃ አላሚያ ፐርዳቲያ ዋዴይ ሃዒ፤ ሃ አላሚያ ሃራይሴ ሃዒ ካሬ ሆሊታና።

32 ቃሰ ታኒ ሳባ፤ ዪቁ ኦሴቲዳ ዋዴ አሳ ኡባ ታኮ ኤሃና» ያገሰ።

33 ኢ ሄሳ ገዳይ አይ ሜላ ሃይቆ ሃይቃኮ ኤንታው ቆንጠሳሳና።

34 ዳር አሳይ ዛራዳ፤ «ኑ ሂንቲ ኪሪሰቶሴ ሜሪናው ዳይሳ ኦዳሰ። ያቲን፤ ኑ ዋይጎዳ፤ ሳሳ ናዳይ ዪቁ ገናናው ቤሴሰን ገይ? (ኢ፤ አሳ ናዳይ ኦኒ?) » ያገደሶና።

35 ዬሱሴ፤ «ፖይ ሂንቲራ ጉላ ዋዴ ገምሳና፤ ሂንቲው ቆሞና ሜላ ፖይ ዳዒሽን፤ ፖዑዋን ሃሙቲቲ፤ ቆማን ሃሙቲያ አሲ አው ቢያኮ ኤፊና።

36 ፖይ ናይታ ገዳና ሜላ ፖይ ዳዒሽን ፖዑዋ አማኒቲ» ያገሰ።

**አይሁዳቲ አማኒቦኮና**

ዬሱሴ ሄሳ ኦዳዳ፤ ጉዬ ቤዳ ኤንታፊ ገሚሰ።

37 ኢ ሄሳ ሜላ ማላታታ ኤንታ ሰንገላን ኦሌንካ አማኒቦኮና።

38 ናቢያ አሳያሰ።

«ጎዳው፤ ኑ ማርካቲላ ኦኒ አማኒዴ?»

ጎዳይ ባ ዋልቃ ኦዳሰ ቆንጠሴይ?»

ገዳይሴ ቱማ ገዳና ሜላ ኤንቲ ኢያ አማኒቦኮና።

39-40 ቃሰካ ኢሳያሰ።

«ኤንታ አይፊይ ዪሎና ሜላ፤

ኤንታ ዋዛናይ እኩኮና ሜላ፤

ኤንቲ ያሳኮ ሰሚን፤ ኢ ኤንታ ፓላና ሜላ፤

ያሳይ ኤንታ አይፊያ ቆቁሰሰ።

ኤንታ ዋዛና ሚንሊሰ»

ገዳ ገሾ ኤንቲ አማናናው ዳንዳዒቦኮና።

41 ኢሳያሰ ሄሳ ገዳይ፤ ዬሱሳ ሰንቸዋ ቤዳዳ ገሾኒ ኢያባ ኦዳዳ ገሾሳ።

42 ገዳኮካ፤ አይሁዳታ ሃላቃታ፤ ዳርቲ ዬሱሳ አማኒዳሶና። ሽን ፋሪሳዊቲ ባንታና አይሁዳታ ዋሳ ከላፊ ከሶሶና ገዳ ያዪዳ ገሾ አማኒዳ ገዳ ቆንጠኩን ማርካቲቦኮና።

- 43 ሃሳ ኤገቴ ኦሊዳይ፣ ያሳን ኤሬታናይሳፊ ኦሊዳይ ኣሳን ኤሬታናይሳ ደሲዳ ገሾሳ።
- 44 ዬሱሲ ባ ቃላ ጽቁ ኦሊዳይ፣ «ታና ኣማኒያ ኦኒካ ታና ከቲዳይሳካ ኣማኔስፔ ኣቲን ታ ዓላላ ኣማኔና።
- 45 ታና ቤዒያ ኦኒካ ታና ከቲዳይሳካ ቤዒስ።
- 46 ታና ኣማኒያ ኡባይ ጴጫን ዶና ሜላ ታኒ ፖዩ ገዳዳ ኣላሚያ ያስ።
- 47 ታ ቃላ ሲዒዲ ከቲቶና ኦናካ ታኒ ፐርዲኬ። ኣይሰ ገቡ፣ ታኒ ኣላሚያ ኣሻናው ያሰፔ ኣቲን ፐርዳናው ያሰኬ።
- 48 ታና ኢዳይሳኔ ታ ቃላ ኤኮና ኦናካ ፐርዳይሲ ዳዔስ። ታኒ ኦዲዳ ቃላይ ወርሴላ ጋላስ ሄ ኡራ ፐርዳና።
- 49 ኣይሰ ገቡ፣ ታኒ ሃሳ ታፔ ኦዲኬ፣ ሸን ታና ከቲዳ ታ ኣዋይ ታኒ ጋናይሳኔ ኦዳናይሳ ከቲስ።
- 50 ቃሲ ኢያ ከታይ ሜሪና ዴዩ ገዳይሳ ታኒ ኤራይስ። ሃሳ ገሾ፣ ታኒ ኦዳይሲ ታ ኣዋይ ታና ኦዳ ገዳይሳ» ያገሰ።

### 13

#### ዬሱሲ ባ ታማሬታ ቶሁዋ ሜጪሰ

- 1 ፓሲካ ቦንቺያ ጋላሳይ ጋካናፔ ሲንሳቲዲ ሃ ኣላሚያ ኣገዲ ኣዋኮ ቢያ ዋዳይ ጋከዳይሳ ዬሱሲ ኤሪስ። ሃ ኣላሚያን ዳዒያ ባይሳታ ኡባ ዋዳ ደሲስ፤ ወርሴላ ጋካናወካ ኤገታ ደሲስ።
- 2 ዬሱሳራኔ ኢያ ታማሬታራ ኢሲፊ ካሆ ዋሶና። ሃሳፊ ካሴ ያላሃይ ሲዋና ናዓ ኣስቆርታ ዪሁዲ ዬሱሳ ኣላ ኣማናዳ ኢያ ዋዛናን ኢታ ቆፋ ዋላስ።
- 3 ዬሱሲ ኣዋይ ኡባባ ኢያ ኩሼን ዋላዳይሳ፣ ኢ ያሳ ማታፔ ዪዳይሳኔ ሲሚዲ ኢያኮ ባናይሳ ኤሪስ።
- 4 ዬሱሲ ጋይታ ቦላፊ ዳንዲዲ ቦላ ባጋ ማዑዋ ቃሪ ዋላዳይ፣ ፖዩ ኤኪዲ ባ ያሳን ማርፃፊስ።
- 5 ሃሳፊ ጉዬ፣ ሃላ ሜቻ ሚሼን ቲገዲ፣ ባ ታማሬታ ቶሁዋ ሜጪሰ፤ ቃሲ ባ ያሳን ዳንጪዳ ፖዩን ቁቺስ።
- 6 ዬሱሲ ሲዋን ጳዒርሳኮ ያ ዋዳ ጳዒርሲ፣ «ጎዳው፣ ኔ ታ ቶሁዋ ሜጫኔ?» ያገሰ።
- 7 ዬሱሲ ዛራዲ ኢያኮ፣ «ታኒ ኦላይሳ ኔ ሃዒ ኤራካ፣ ሸን ጉዬፔ ኣከካና» ያገሰ።
- 8 ያፔን፣ ጳዒርሲ፣ «ኔ ታ ቶሁዋ ኡባራካ ሜጫካ» ያገሰ።
- ዬሱሲ ኢያኮ፣ «ታኒ ኔ ቶሁዋ ሜጫና ኢዳኮ ኔወኔ ታው ኢሲፊቴላ ባዋ» ያገሰ።
- 9 ጳዒርሲ ዬሱሳኮ፣ «ጎዳው፣ ያፔኮ፣ ታ ቶሁዋ ያላላ ገዳናሸን ታ ኩሼያኔ ታ ሁዒያ ሜጫ» ያገሰ።
- 10 ዬሱሲ ዛራዲ፣ «ቦላ ሜጫቲዳ ኦኒካ ቶሆፔ ሃራባ ሜጫታናው ኮሺና፤ ኢያው ኡባሶይ ገሺ። ሃንቴ ገሺ፣ ሸን ኡባይ ገሺ ገዳኬታ» ያገሰ።
- 11 ዬሱሲ ባና ኣላ ኣማና ኡራይ ኦኒኮ ኤሪያ ገሾ «ሃንቴ ኡባይ ገሺ ገዳኬታ» ያገሰ።
- 12 ኤገታ ቶሁዋ ሜጪዳፔ ጉዬ ዬሱሲ ባ ማዑዋ ዛሪ ማዒስ። ሲሚ ጋይታ ቦላ ኡቲዲ ኤገታኮ፣ «ታኒ ሃንቴው ኦላዳይሳ ኣኬኬቲ?»
- 13 ሃንቴ ታና ኣስታማሬኔ ጎዳ ገታ፤ ታኒ ሃንቴ ገይሳ ገዲያ ገሾ ሎዮ ገዳታ።
- 14 ታኒ ሃንቴው ጎዳኔ ኣስታማሬ ገዳሺ ሃንቴ ቶሁዋ ሜጪሰ ሃንቴካ ኢሶይ ኢሱዋስ ሃሳዳ ኦሳናው ቤስስ።
- 15 ሃዛ፣ ታኒ ሃንቴው ኦላዳይሳዳ ሃንቴካ ኦሳና ሜላ ሃንቴው ለሚሶ ገዳስ።
- 16 ታኒ ሃንቴው ቱማ ኦዳይስ፤ ኣይላይ ባ ጎዳፔ፣ ከቲቲዳይሲ ከቲዳይሳፊ ኣዴና።
- 17 ሃንቴ ሃሳ ኤራዲ ኦላያባ ገዲኮ ኣንጃቲዳይሳታ።
- 18 «ታኒ ሃንቴና ኡባ ገኬ፤ ታኒ ዶሪዳይሳታ ኤራይስ። ሸን ገሻ ማዓፋን፣ ታ ባርሲዳይሲ ታ ኩሼያ ሳዒስ፣ ንቴቲዳይሲ ቱማ ገዳናው ቤስስ።
- 19 ታኒ ታና ገዳይሳ ሃንቴ ኣማናና ሜላ ሃሲ ሃናናፔ ሲንሳታዳ ሃንቴው ኦዳይስ።
- 20 ታኒ ሃንቴው ቱማ ኦዳይስ፤ ታኒ ከቲዳ ኦናካ ዋኪያ ኡራይ ታና ዋኬስ። ታና ዋኪያ ኦኒካ ታና ከቲዳይሳ ዋኬስ» ያገሰ።

#### ዬሱሲ ባና ኣላ ኣማና ኦኒኮ ኮይርቲዲ ኦዲስ (ማቶ 26:20-25፤ ማር 14:17-21፤ ሉቃ 22:21-23)

- 21 ዬሱሲ ሃሳ ኦዲዳፔ ጉዬ ባ ዋዛናን ዳር ኡንዒቲዲ፣ «ታኒ ሃንቴው ቱማ ኦዳይስ፤ ታና ሃንቴፊ ኢሶይ ኣላ ኣማና» ገዲ ቆንጪሲዲ ኦዲስ።
- 22 ኢ ኦዳባ ኦዲያኮ ኢያ ታማሬታስ ኤሬቶና ኢዳን ኢሶይ ኢሱዋ ያሊደሶና።

- 23 እያ ታማሪታ፤ ኢሶይ፣ ዩሱሲ ደሴይሲ፣ ዩሱሳ ማታን ኡቲሰ።
- 24 ሃሳ ገሾ፣ ሲሞን ጳጳሮሲ እያ ቃሞፖቲዳ፣ «ኢ ኦና ገያፍን ኣኔ ኦይቻ» ያገሰ።
- 25 ሃሳ ገሾ፣ ሄ ታማሪይ ዩሱሳት ሸቆዳ ሃይላን፣ «ጎዳው፣ ኢ ኦኔ?» ያገሰ።
- 26 ዩሱሲ ዛሬዳ፣ «ታኒ ኡይላ ዋዳን ቱሻዳ ባርሴይሳ» ያገሰ። ቃሲ ኡይላ ማንሳ ኤኪዳ፣ ዋዳን ቱሻዳ፣ ሲሞን ናሳ ኣሰቆቻታ ዩሱዳ ባርሴሰ።
- 27 ዩሱዳ ኡይላ ባርዳ፤ ጉዩ ዓላሄይ ሰሁዋራ ዩሱዳን ገላሰ። ዩሱሲ ኢያ፣ «ኔኒ ኦላናው ቆፒዳባ ኤሌሳዳ ኦላ» ያገሰ።
- 28 ሺን ገይታ ቦላ ኡቲዳይሳታ፤ ኦኒካ ዩሱሲ ሃሳ ኣይሰ እያ፣ ገዳፍን ገዳፍን ኤሪቤና።
- 29 ዩሱዳ ማሺ ኦይኪያ ገሾ እያ ታማሪታ፤ ኢሶቲ ኢሶቲ ዩሱሲ እያ፣ «ፓሲካ ቦንቺያ ገላሳሰ ባንታው ኮሺያባ ሻማ ዋይኮ ማንቆታሰ ሙፃታ ኢማ ገሰ» ያገረዱ ቆፒዳሶና።
- 30 ዩሱዳ ኡይላ ባርዳ ማላ ሰሁዋራ ካሬ ኬዩሰ። ሄ ዋዳ ሳላ ቃማ።

**ኦራላ ኪታ**

- 31 ዩሱዳ ካሬ ኬዩዳ፤ ጉዩ፣ ዩሱሲ፣ «ሃላ ኣሳ ናሳይ ቦንቺቲሰ፤ ያሳይካ እያ ባገራ ቦንቺቲሰ።
- 32 ያሳይ እያ ባገራ ቦንቺቲኮ ኢ ባ ሁዓን ኣሳ ናሳ ቦንቻና፤ ቃሲ ኢ ሃሳ ኤሌሲዳ ኦላና።
- 33 ታ ናይቶ፣ ታኒ ሃንቴራ ዳር ዋዳ ገምባኪ። ሃንቴ ታና ኮያና፣ ሺን ታኒ ኣይሁዳታሰ ኦዲዳይሳ ማላ፣ «ሃንቴ ታኒ ቢያሱዋ ባናው ዳንዳዒኬታ።»
- 34 ታኒ ሃንቴው ኢማያ ኦራላ ኪታይ ሃይሳ፤ ኢሶይ ኢሶዋ ደሲቲ። ታኒ ሃንቴና ደሲዳይሳዳ ሃንቴ ኢሶይ ኢሶዋ ደሳናው ቤሰሰ።
- 35 ሃንቴ ኢሶይ ኢሶዋራ ደሴቲኮ ሃንቴ ታ ታማሪ ገዳይሳ ኣሳ ኡባይ ኡራና» ያገሰ።

**ጳጳሮሲ ካዳናይሳ ዩሱሲ ኮይርቲዳ ኦዲሰ (ማቶ 26:31-35፣ ማር 14:27-31፣ ሉቃ 22:31-34)**

- 36 ሲሞን ጳጳሮሲ ዩሱሳት፣ «ጎዳው፣ ኔኒ ኣው ባይ?» ያገሰ።
- 37 ዩሱሲ ዛሬዳ፣ «ታኒ ቢያሱዋ ኔኒ ሃላ ካላናው ዳንዳዒካ፣ ሺን ጉዩ፤ ታና ካላና» ያገሰ።
- 37 ጳጳሮሲ፣ «ጎዳው፣ ታኒ ኔና ሃላ ካላናው ኣይሰ ዳንዳዒኪና? ታኒ ኔ ገሾ ሃይቃናውካ ገጋ ኡታሰ» ያገሰ።
- 38 ዩሱሲ ዛሬዳ፣ «ታ ገሾ ሃይቃናው ቱማ ገጋ ኡታዲ? ታኒ ኔው ቱማ ኦዲይሰ፤ ኩቶይ ዋሳና፤ ሲንሴ ኔኒ ታና ሄቹ ቶሆ ካዳና» ያገሰ።

**14**

**ዩሱሲ ኣዋኮ ኤፊያ ኦገ**

- 1 ዩሱሲ ባ ታማሪታ፣ «ሃንቴ ዋዛናይ ኡንዒቶ፤ ያሳ ኣማኒቲ፣ ታናካ ኣማኒቲ።
- 2 ታ ኣዋ ኬላን ዳር ቤሲ ዳዕሰ። ታኒ ሃንቴው ቤሴ ገረሳናው ባይሰ። ሃሳ ገደናኮ ታኒ ሃንቴው ኡዳኪሺን።
- 3 ታኒ ባዳ ቤሴ ገረሲዳ፤ ጉዩ ታኒ ዳዒያሱዋን ሃንቴ ዳና ማላ ሲማ ያዳ ሃንቴና ታኮ ኡፋና።
- 4 ሃንቴ ታኒ ቢያሱዋ ኡፊያ ኦገያ ኡሬታ» ያገሰ።
- 5 ያቲን፣ ቶማሲ፣ «ጎዳው፣ ኔኒ ቢያሱዋ ኦኒ ኤርኮ፤ ኦገያ ዋቲዳ ኡራናው ዳንዳዒካ?» ያገሰ።
- 6 ዩሱሲ ዛሬዳ፣ «ኦገይ፣ ቱማይኔ ዳይይ ታና። ታ ባገራ ገደና ኢዳኮ ኦኒካ ታ ኣዋኮ ባናው ዳንዳዒካ።
- 7 ሃንቴ ታና ኤሪያባ ገዲያኮ፣ ታ ኣዋካ ኡራና። ሺን ሃዛ፤ ደማዳ ሃንቴ እያ ኡሬታኔ እያ ቤዒዳታ» ያገሰ።
- 8 ፊልጶሲ ዩሱሳት፣ «ጎዳው፣ ኣዋ ኦና ቤሳ፤ ሄሲ ኦሰ ገደና» ያገሰ።
- 9 ዩሱሲ ዛሬዳ፣ «ታኒ ሃይሳ ማላ ዋዳ ሃንቴራ ዳዒንካ ታና ኡሬኪ? ታና ቤዒዳ ኡራይ ኣዋካ ቤሳ። ያቲን፣ ኔኒ ዋይገዳ፣ ሳዋ ኦና ቤሳ» ገይ?
  - 10 ታኒ ኣዋራ ኢሲና ገዳይሳ፤ ኣዋይካ ታራ ኢሲና ገዳይሳ ኔኒ ኣማኒኪዩ? ታኒ ሃንቴው ኡዲያ ቃላ ታኒ ታ፤ ኡዲኪ። ሺን ታናን ዳዒያ ኣዋይ ባ ኡሱዋ ኡላሰ።
  - 11 ታኒ ኣዋን ዳዒይሳ፤ ኣዋይካ ታናን ዳዒይሳ ኣማኒቲ። ሃሳ ኣማናና ኢዳኮ ታ ኡላያባታን ታና ኣማኒቲ።
  - 12 «ታኒ ሃንቴው ቱማ ኦዲይሰ፤ ታና ኣማኒያ ኡራይ ታኒ ኡላያ ኡሱዋ፤ ኣዲያ ኡሶ ኦላና። ታኒ ኣዋኮ ቢያ ገሾ ታና ኣማኒያ ኦኒካ ሃይሳ፤ ኣዲያ ኡሶ ኦላና።
  - 13 ኣዋይ ናሳ ባገራ ቦንቺታና ማላ ታ ሱንላን ሃንቴ ዋሲያ ኡባ ታ ሃንቴው ኦላና።
  - 14 ታ ሱንላን ኣይቢባካ ሃንቴ ኡይቺኮ ታ ሃንቴው ኦላና።

ዬሱሲ ጌሻ እያና አማናው ቃላ ጌሊሰ

- 15 «ሃንቴ ታና ደሴኮ ታ ኪታ ናገና።
- 16 ታኒ አዋ ዋሳና፤ ሃንቴራ ማሪናው ዳና ማላ ማንጠላይሳ ሃንቴው አማና።
- 17 ሄ እያናይ ያሳ ቱማ ቆንጠሲስ። ሃ አላሚያ አሳይ እያ ቤዖና ገሾኔ ኤርና ገሾ እያ ኤካናው ዳንዳዖካና። ሺን ኢ ሃንቴራ ዳዒያ ገሾኔ ሃንቴ ገደን ዳና ገሾ ሃንቴ እያ ኤሬታ።
- 18 «ታኒ ሃንቴና እያ እወ ባይና ናዓዳ ሃንቴ ፃላላ አገኪ፤ ሲማዳ ሃንቴኮ ያና።
- 19 ጉላ ዋዳጅ ጉዬ አላሚይ ታና ዛሪ ቤዓና። ሺን ሃንቴ ቤዓና። ታኒ ዳዖን ዳዒያ ገሾ ሃንቴካ ዳዖን ዳዓና።
- 20 ታኒ ታ አዋን፣ ሃንቴ ታናን፣ ቃሲ ታኒ ሃንቴናን ዳዒይሳ ሃንቴ ሄ ጋላሰ ኤራና።
- 21 «ታ ኪታ ኤኪዲ ናጌይ ታና ደሴሰ። ታና ደሴይሳ ታ አዋይካ ደሴሰ፤ ታኒካ እያ ዳሳይሰ፤ ታኒ ኢያው ቆንጠላ» ያገሰ።
- 22 አሰቆርታ ዪሁዳ ገደና ዪሁዳ ዬሱሳኮ፣ «ሳዳው፣ ኔኒ ዋታዳ አላሚያሰ ገደናሺን ኮሰ ኔና ቆንጠላኔ?» ያገሰ።
- 23 ዬሱሲ ዛሪዲ፣ «ታና ደሴያ ኦኒካ ታ ቃላሰ ከቲታና። ታ አዋይ እያ ደሳና። ቃሲ ታ አዋይኔ ታኒ ኢያኮ ዪዲ ኢያራ ዳና።
- 24 ታታ ደሰና ኦኒካ ታ ቃላሰ ከቲቲና። ሃንቴ ሲዳይ ቃላይ ታና ከቲዳ አዋባ፤ አቲን ታባ ገደና።
- 25 «ታኒ ሃንቴራ ሃዒ ዳዓሺ ሃሳ ሃንቴው ኦዳሰ።
- 26 ሺን አዋይ ታ ስንሳን ኪታና ማንጠላይ ጌሻ እያናይ፣ ሃንቴና ኡባባ ታማርሳና። ታኒ ሃንቴው ኦዲዳ ኡባ ኢ ሃንቴና ሃሳዪሳና።
- 27 «ሳርቴሳ ሃንቴው አማና። ታኒ ታ ሳርቴሳ ሃንቴው አማና። ታ አሚያ ሳርቴሳይ አላሚይ አሚያ ሳርቴሳ ማላ ገደና። ሃሳ ገሾ፣ ኡንዒቶፊቴ፣ ያዮፊቴ።
- 28 «ታኒ ባና፣ ሺን ሲማዳ ሃንቴኮ ያና ገደይሳ ሲዒዳ። ሃንቴ ታና ቱማ ደሴያባ ገደዳኮ ታ አዋይ ታ፤ አጂያ ገሾ ታኒ ኢያኮ ቤይሳን ሃንቴ ኡፋይታና።
- 29 ሄሲ ሃኒያ ዋዳ ሃንቴ አማናና ማላ ሄሲ ሃናና ዳዒሺን ሲንሳታዳ ታኒ ሃንቴው ኦዳሰ።
- 30 «ሃ አላሚያ ሃሪይሲ ያ ገሾ ሃዛ፤ ጉዬ ሃንቴራ ዳር ኦዳቴኬ። ታና ኢ አይኮካ ኦሳናው ዳንዳዓና።
- 31 ሺን ታኒ አዋ ደሴይሳ አላሚይ ኤራና ማላ ታ አዋይ ታና ከቲዳይሳ ኡባ ኦሳይሰ። ዳንዲቴ፤ ሃይሳፊ ቦሰ።

### 15

ዋይኒያ ቱማ ኡባይ ዬሱሳ

- 1 «ታኒ ዋይኒያ ቱማ ኡባ። ጎሻንቸይ ታ አዋ።
- 2 ታ ቦላ ዳዒያ አይፊ አይፎና ታሺያ ኡባ ኢ ካሪሰ። አይፊያ ታሺያ ካሲይሳፊ አጂ አይፋና ማላ ሄ ታሺያ ኢ ገሺሳ።
- 3 ታኒ ሃንቴው ኦዲዳ ቃላ ገሾ ሃንቴ ጌሺ።
- 4 ታናን ዳዒቲ፤ ታኒካ ሃንቴናን ዳዒና። ዋይኒያ ታሺይ ኡባራ ዳዖና አጂኮ ሄ ታሺይ ባርካ አይፊ አይፋናው ዳንዳዓና። ሃሳዳካ፣ ሃንቴካ ታናን ዳዖና አጂኮ አይፊ አይፋናው ዳንዳዓኬታ።
- 5 «ታኒ ዋይኒያ ኡባ፤ ሃንቴ አማናና ማላ ሄሲ ሃናና ዳዒሺን ታኒ ኢያን ዳዒይሲ፣ ኢ ዳር አይፊ አይፋና። ታ ባይና ሃንቴ ፃላላ አይኮካ ኦሳናው ዳንዳዓኬታ።
- 6 ታናን ዳና ኡራይ ታሺዳ ካሬን ዩገቲዲ ማላና። ሃሳ ማላ ታሺቲ ሸቂዲ ታማን ዩገታና፣ ፀገታና።
- 7 ሃንቴ ታናን ዳዒኮ፣ ታ ቃላይካ ሃንቴናን ዳዒኮ፣ ሃንቴ ኮያባይ አይባ ገደኮካ ዋሲቴ፤ ሃንቴ ኤካና።
- 8 ሃንቴ ዳር አይፊ አይፊያ ታ ታማሪ ገደኮ፣ ሃሳን ታ አዋይ ቦንቸታና።
- 9 አዋይ ታና ደሴይሳዳ ታኒካ ሃንቴና ዳሳይሰ፤ ታ ሲቁዋን ዳዒቲ።
- 10 ታኒ ታ አዋ ኪታ ናገና እያ ሲቁዋን ዳዒዳይሳዳ ሃንቴካ ታ ኪታ ናገኮ ታ ሲቁዋን ዳና።
- 11 «ታ ኡፋይሳይ ሃንቴናን ገደና ማላኔ ሃንቴ ኡፋይሳይ ፖሎ ገደና ማላ ታኒ ሃንቴው ሃሳ ኦዳሰ።
- 12 ታ ኪታይ ሃይሳ፤ ታኒ ሃንቴና ደሴዳይሳዳ ሃንቴካ አሰይ አሱዋ ደሴቲ።
- 13 ባ ሸምፑዋ ባ ላገያሰ አሴዲ አሚይሳፊ አጂያ ገታ ሲቆይ ባዋ።
- 14 ታኒ ሃንቴና ከቲዳሳ ኡባ አሱኮ ሃንቴ ደሴቲዳይሳታ።
- 15 «አይሌይ ባ ጎዳይ ኦሴያባ ኤርና ገሾ ታኒ ሃንቴና ሃዛ፤ ጉዬ አይሌታ ገኪ። ሺን ታ አዋ፤ ሲዒዳ ኡባ ታኒ ሃንቴው ኦዲዳ ገሾ ሃንቴና ደሴቲዳይሳታ ጋሰ።



16 ታሪ ሂንቴና ደራሲፔ አቲን ሂንቴ ታና ደሪቤኬታ። ሂንቴ ቢዲ ጳዮና አይፊ አይፋና ሜላ ታሪ ሂንቴና ሹማስ። ያኒኮ ታ አዋይ ሂንቴ ታ ሱንላን ዋሲዳባ ኡባ አማና።

17 ታ ከታይ ሃይሳ፡ አሳይ አሱዋ ደሲቴ።

ዬሱሲ አላሜይ አጻፍላ ጎደሲ

18 «አላሜይ ሂንቴና አጻኮ ኮይሮተዲ ታና አጻዳይሳ አከከረ።

19 ሂንቴ አላሚያባ ገዲያኮ አላሜይ ባባዳ ሂንቴና ደሳና። ሺን ታሪ ሂንቴና አላሜይ ደሪዳ ገሾኔ ሂንቴ አላሚያባ ገደና ገሾ አላሜይ ሂንቴና አጻሰ።

20 ሳይሌይ ባ ጎዳፔ አጼና። ጋዳ ታሪ ሂንቴው ኦዲዳይሳ አከከረ። አንቴ ታና ጎዳዳባ ገዲኮ ሂንቴናካ ጎዳና። አንቴ ታ ቃላ ናገዳባ ገዲኮ ሂንቴ ቃላካ ናጋና።

21 ሺን አንቴ ታና ከተዳይሳ ኤሮና ገሾ ሃ ኡባ ታ ጋሶን ሂንቴ ቦላ አላና።

22 ታሪ ያዳ ኦዳናባ ገዲያኮ አንታው ናጋራ ገዳና። ሺን ሃዲ አንቴ አላዳ ናጋራሰ ጋሶናባይ ባዋ።

23 ታና አጻይሲ ታ አዋካ አጻሰ።

24 አኒካ አላቦና ኦሶ ታ አንታ ገደን አላቦናባ ገዲያኮ አንታው ናጋራ ገደና አታና። ሺን ሃዲ አንቴ ታሪ አላዳ ኦሶዋ ቤዲዲ ታናካ ታ አዋካ አጻይሶና።

25 ሺን አንታ ሂጊያን፣ ታና ጮ አጻይሶና። ጌቲቲዲ ያፊቲዳይሲ ፖሌታና ሜላ ሄሲ ሃሲ።

26 «አዋፔ ያ ቱማ ቆንጨሲያ አያና ታ ሂንቴው ከታና። ኢ ሂንቴና ሚንሌላና፣ ታባ ማርካታና።

27 ሂንቴካ ኮይሮፔ ደሚዲ ታራ ዳዲያ ገሾ ታባ ማርካታና።

### 16

1 «ታሪ ሄሳ ሂንቴ አማኖይ ጳዮና ሜላ ሂንቴው ኦዳሰ።

2 አንቴ ሂንቴና አይሁዳ ዋሳ ከላታፔ ከሲ ዬዳና። ሄሳዳካ፣ ሂንቴና ዋጂያ አኒካ ያሲ ኮያባ አላያ ዳኒያ ዋዳይ ያና።

3 አንቴ ሄሳ ሂንቴ ቦላ አላይ ታና ዋይኮ አዋ ኤሮና ገሾሳ።

4 ሺን አንቴ ሄሳ ሂንቴ ቦላ አላያ ዋዳይ ጋኪያ ዋዳ ታሪ ሂንቴው ኦዲዲዳይሳ ሂንቴ አከካና ሜላ ታሪ ሂንቴው ሃይሳ ኦዳሰ።

ገሻ አያና ኦሶዋ

«ሲንላታዳ ታሪ ሃይሳ ሂንቴው ኦዳና ጋዋሚዳይ ታ ሂንቴራ ዳዲያ ገሾሳ።

5 ሺን ሃዲ ታሪ ታና ከተዳይሳኮ ባይሰ፤ ሂንቴፊ አኒካ፣ ሳላ ሳይ?። ገዲ ታና ኦይቼይ ባዋ።

6 ሺን ታሪ ሄሳ አዲዳ ገሾ ሂንቴ ዋዛናን ዳሮ አዛኖይ ዳዳሰ።

7 ሺን ታሪ ሂንቴው ቱማ ኦዳይሰ፤ ታሪ ቢኮ ሂንቴው ሎዎ። አይሰ ገኮ፣ ታሪ ቦና አጻኮ ሚንሌላይሲ ሂንቴኮ ዬና። ሺን ታሪ ቢኮ አያ ሂንቴኮ ዬዳና።

8 ሚንሌላይሲ ዬዳ፣ ናጋራባ፣ ያሎቴላካ፣ ፐርዳባ ሃ አላሜያ አሳ ኤሪሳና።

9 ናጋራባይ፣ አሳይ ታና አማኖና ገሾሳ።

10 ያሎቴላባይ፣ ታሪ አዋኮ ቢያ ገሾኔ ሂንቴ ታና ዛሪ ቤዮና ገሾሳ።

11 ፐርዳባይ፣ ቃሲ አላሜያ ሃሪይሲ ፐርዳቲዳ ገሾሳ።

12 «ታሪ ሂንቴው ኦዲያባይ ዳርባይ ዳዳሰ። ሺን ሃዲ ሂንቴው ጌሊና።

13 ቱማ አያና ያ ዋዳ ሂንቴ ቱማቴላ ኡባኮ ካሊላና። ኢ ሲባዳባ ኦዳሲፔ አቲን ባፔ አይቢባካ ኦዳና። ቃሲ ሲንላፊ ያናባ ሂንቴው ኢ ኦዳና።

14 ኢ ታው ዳዳይሳፊ ኤኪዲ ሂንቴው ኦዲያ ገሾ ኢ ታና ቦንቻና።

15 አዋሰ ዳዲያባ ኡባይ ታባ፤ ሚንሌላይሲ ታው ዳዳይሳፊ ኤኪዲ ሂንቴው ኦዳና ታሪ ገዳይ ሃሳባ።

ሂንቴ አዛኖይ ኡፋይሳን ላሚታና

16 «ጉላ ዋዳፔ ጉዬ ታና ቤዳኬታ፤ ቃሲ ጉላ ዋዳፔ ጉዬ ሂንቴ ታና ቤዳና» ያገሰ።

17 ኢያ ታማራታፔ አሶቲ አሶቲ ባንታ ገደን፣ «ጉላ ዋዳፔ ጉዬ ሂንቴ ታና ቤዳኬታ፤ ቃሲ ጉላ ዋዳፔ ጉዬ ሂንቴ ታና ቤዳና፤ ቃሲካ ታሪ አዋኮ ባይሰ ጉሳይ ዋይ ጉሲ?» ያገደሶና።

18 «ጉላ ዋዳፔ ጉዬ ጌይሲ ዋይ ጉሲ? ኢ አይ ኦዳቲያኮ ኮሰ ኤሪቴና» ያገደሶና።

19 አንቴ ባና ኦይቻናው ኮዬይሳ ዬሱሲ ኤሪዳ፣ «ታሪ፣ ጉላ ዋዳፔ ጉዬ ታና ቤዳኬታ፤ ቃሲ ጉላ ዋዳፔ ጉዬ ሂንቴ ታና ቤዳና፤ ገዳይሳሰ ሂንቴ አሳይ አሱዋ ኦይቼ፤?»

20 ታሪ ሂንቴው ቱማ ኦዳይሰ፤ ሂንቴ ዬካናኔ አፋፃና፣ ሺን ሃ አላሜይ ኡፋይታና። ሃዲ ሂንቴ አዛኖና፣ ሺን ሂንቴ አዛኖይ ኡፋይሳን ላሚታና።

- 21 ኢሲ ማጫሲያ ናባ ዬላና ሃኒያ ዋይ ባ ዬሎ ዋይይ ጋኪዳ ጊሾ ሃርጋውሱ። ሸን ናባ ዬሊዳፔ ጉዬ ናባ ሃ ኣላሚያን ዬሊቲዳ ኡፋይሳ ጊሾ ባ ኡንባ ደጋውሱ።
- 22 ሄሳዳካ፣ ሂንቲካ ሂንቲ ዋዛናን ኣዛኔታ፣ ሸን ታኒ ሂንቲና ዛራዳ ቤዓና። ሂንቲ ዋዛናይ ዳር ኡፋይታና፤ ሄ ኡፋይሳ ኦኒካ ሂንቲፊ ኢኬና።
- 23 «ሄ ጋላሰ ሂንቲ ታና ኣይቢባካ ዋሴኬታ። ታኒ ሂንቲው ቱማ ኦዳይሰ፤ ሂንቲ ታ ሱንግን ዋሲያባ ኡባ ኣዋይ ሂንቲው ኢማና።
- 24 ሃባ ጋካናው ታ ሱንግን ኣይቢባካ ዋሲቤኬታ። ሂንቲ ኡፋይሳይ ፖሎ ጊዳና ሜላ ያሳ ዋሲቲ፤ ሂንቲ ኤካና።
- 25 «ታኒ ሃባ ጋካናው ሂንቲው ለሚሶን ኦዳሰ፣ ሂዛፔ ታኒ ለሚሶን ኦዳና ዋይይ ያና። ሸን ኣዋባ ታኒ ሂንቲው ቆንጮን ኦዳና።
- 26 ሄ ጋላሰ ሂንቲ ታ ሱንግን ኣዋ ዋሳና፤ ሂንቲ ጊሾ ታኒ ኣዋ ዋሲኬ።
- 27 ኣይሰ ጊኮ፣ ኣዋይ ባ ሁዓን ሂንቲና ደሴሰ። ሂንቲ ታና ደሴያ ጊሾ ኔ ታኒ ኣዋ ማታፔ ዪዳይሳ ኣማኒዳ ጊሾ ኢ ሂንቲና ደሴሰ።
- 28 ታኒ ኣዋ ማታፔ ሃ ኣላሚያ ያሰ፤ ቃሲ ኣላሚያ ኣጋዳ ኣዋኮ ባና» ያገሰ።
- 29 ኢያ ታማሬቲ ዛሪዳ፣ «ሂኮ፣ ሃባ ኔኒ ቆንጮን ኦዳሳ፤ ለሚሶን ኣይኮካ ኦዳካ።
- 30 ኔኒ ኡባባ ኤሬይሳ ኔኒ ሃባ ኤርሰ፤ ቃሲ ኔና ኦኒካ ኦይቻና ሜላ ኔኒ ኮያካ። ሄሲ ኦና ኔኒ ያሳፊ ከቲቲዳይሳ ኣማንጸሰ» ያገደሶና።
- 31 ያቲን፣ ዪሱሲ ዛሪዳ ኤንታኮ፣ «ሃባ ኣማኔቲ?
- 32 ሂኮ፣ ሂንቲ፣ ሂንቲ ሶ ሂንቲ ሶ ላሊቲያ ዋይይ ኔ ታ ያላላ ዬጊ ኣጊዲ ባቃቲያ ዋይይ ያና፤ ሃባካ ዪኪቸሰ። ሸን ኣዋይ ታራ ዲዳያ ጊሾ ታ ታ ያላላ ጊዲኬ።
- 33 ሂንቲ ታራ ዲዳሼ ሳርይ ሂንቲው ዳና ሜላ ታኒ ሄሳ ኦዳሰ። ኣላሚን ዲዳሼ ሂንቲ ዋይታና። ሸን ሚኒቲ፤ ታኒ ኣላሚያ ያናሰ» ያገሰ።

# 17

## ዪሱሳ ዋሳ

- 1 ዪሱሳ ሄሳ ኦዳዳፔ ጉዬ ፑይ ሳሎ ዪሊዲ፣ ሃይሳዳ ያገሰ። «ኣዋው፣ ሳቲይ ጋኪሰ፤ ኔ ናባይ ኔና ቦንቻና ሜላ ኔኒ ኔ ናባ ቦንቻ።
- 2 ኔኒ ኢያው ኣሚዳ ኡባሰ ኢ ሚሪና ደዑዋ ኣማና ሜላ ኣሳ ኡባ ቦላ ኢያው ማታ ኣማዳሳ።
- 3 ሚሪና ደይይ፣ ኔና፣ ኢሲ ቱማ ያሳኔ ኔ ከቲቲ ዪሱሳ ኪሪሰቶሳ ኤር።
- 4 ኔኒ ታ ኦፋና ሜላ ኣሚዳ ኡሱዋ ፖላዳ ኔና ሳባን ቦንቻሰ።
- 5 ሃባካ፣ ኣዋው፣ ኣላሚይ ሜይታናፔ ሲንጸ ኔ ማታን ታው ዲዳያ ቦንቹዋን ታና ቦንቻ።
- 6 «ኣላሚያ ኣሳፔ ኔኒ ታው ኣሚዳይሳታ ኔና ኤሪሳሰ። ኤንቲ ኔይሳታ፤ ኔኒ ኤንታ ታው ኣሚዳሳ። ኤንቲ ኔ ቃላሰካ ከቲቲደሶና።
- 7 ኔኒ ታው ኣሚዳ ኡባባይ ኔፔ ዪዳይሳ ኤንቲ ሃባ ኤርሶና።
- 8 ኔኒ ታው ኣሚዳ ቃላ ታኒ ኤንታው ኣማሰ፤ ኤንቲካ ሄ ቃላ ኤኪደሶና። ታኒ ኔ ማታፔ ዪዳይሲ ቱማ ጊዳይሳ ኡሪዳ ኔኒ ታና ከቲዳይሳካ ኣማኒደሶና።
- 9 «ታኒ ኤንታው ዋሳይሰ። ኤንቲ ኔይሳታ ጊዲያ ጊሾ ኔኒ ታው ኣሚዳ ኣሳሰ ዋሳይሲፔ ኣቲን ኣላሚያሰ ዋሲኬ።
- 10 ታው ዲዳያ ኡባባይ ኔባ፤ ኔው ዲዳያ ኡባይካ ታባ። ታኒ ኤንታ ባጋራ ቦንቹታሰ።
- 11 ታኒ ሂዛፔ ጉዬ ኣላሚን ዲዳኬ፤ ኤንቲ ኣላሚን ደይሶና። ታኒ ሃባ ኔኮ ባይሰ። ገሻ ኣዋው፣ ሃ ኔኒ ታው ኣሚዳይሳቲ ኔራ ኔ ታራ ኢሲና ጊዲዳይሳዳ ኤንቲ ኢሲና ጊዳና ሜላ ኤንታ ኔ ታው ኣሚዳ ኔ ሱንግን ናጋ።
- 12 ታኒ ኤንታራ ሳባን ዲዳሼ፣ ኔ ታው ኣሚዳ ኔ ሱንግ ዋልቃን ኤንታ ናጋሰ። ገሻ ማፃፋይ ጊዳይሲ ፖሊታና ሜላ ቆዮይ ቤሲያ ኡራፔ ኣቲን ኤንታፊ ሃሪ ኦኒካ ቆይቤና።
- 13 «ሃባ ታኒ ኔኮ ባይሰ። ታ ኡፋይሳይ ኤንታ ዋዛናን ፖሎ ጊዳና ሜላ ሃይሳ ታኒ ኣላሚን ዲዳሼ ኦዳይሰ።
- 14 ታኒ ኤንታው ኔ ቃላ ኣማሰ። ታኒ ኣላሚፔ ጊዳናይሳዳ፣ ኤንቲካ ኣላሚፔ ጊዳና ጊሾ ኣላሚይ ኤንታ ኢዲሰ።
- 15 ኔኒ ያላሂፔ ኤንታ ናጋና ሜላፔ ኣቲን ኣላሚፔ ኬሳና ሜላ ዋሲኬ።
- 16 ታኒ ኣላሚፔ ጊዳናይሳዳ ኤንቲካ ኣላሚፔ ጊዳኮና።
- 17 ኔኒ ኔ ቱማቲፋን ኤንታ ኔባ ኦፋ፤ ኔ ቃላይካ ቱማ።
- 18 ኔኒ ታና ኣላሚያ ከቲዳይሳዳ ታኒካ ኤንታ ኣላሚያ ከታሰ።
- 19 ቃሲ ኤንቲ ቱማ ኔባ ጊዳና ሜላ ኤንታ ጊሾ ታኒ ታ ሁዒያ ኔው ኣማይሰ።

20 «ታኒ ኤንታ ፃላላሰ ገደናሺን ኤንቲ ቃላ ኦዲን፣ ታና አማናናይሳታሰካ ዋሳይሰ።

21 ኤንቲ ኡባይ ኢሲኖ ገደና ሜላ ታኒ ዋሳይሰ። አዋው፣ ኔ ታናን ዴዲይሳዳ፣ ቃሲ ታ ኔናን ዴዲይሳዳ ኤንቲ ኦናን ዳና ሜላ ዋሳይሰ። ሄ ዋዴ ኔኒ ታና ከቲዳይሳ አላሜይ አማናና።

22 ኔኒ፣ ታኒ ኢሲኖ ገዴይሳዳ፣ ኤንቲ ኢሲኖ ገደና ሜላ፣ ኔኒ ታና ቦንቸዳይሳዳ፣ ታኒካ ኤንታ ቦንቸሰ።

23 ታኒ ኤንታን፣ ኔኒ ታናን ዴዲይሳዳ ኤንቲ ፖሎ ኢሲኖ ገደና ሜላ ኔና ዋሳይሰ። ሄሲካ፣ ኔ ታና ከቲዳይሳኔ ኔ ታና ደሲዳ ደሱዋን ኤንታ ደሲዳይሳ አላሜይ ኤራን ሜላሳ።

24 «አዋው፣ ኔኒ ታው አሚዳይሳቲ ታኒ ዴዲይሰቱን ታራ ዳና ሜላ ኮያይሰ። አላሜይ ሜዴታናፔ ሲንጤ ኔኒ ታና ደሲዳ ገሾ ታው አሚዳ ታ ቦንቸዋ ኤንቲ ቤዳና።

25 «ገሻ አዋው፣ አላሜይ ኔና ኤራና፣ ሺን ታኒ ኤራይሰ። ቃሲ ኔኒ ታና ከቲዳይሳ ሃይሳቲ ኤሮሶና።

26 ኔኒ ታና ሰቂዳ ሰቆይ ኤንታናን ዳና ሜላ፣ ቃሲ ታኒ ኤንታናን ገደና ሜላ፣ ታኒ ኔ ሱንሳ ኤንታ ኤሪሳሰ፤ ሲንሳሰካ ኤሪሳና» ያገሰ።

# 18

## ዬሱሳ ኦይኬቲሳ

(ማቶ 26:47-56፤ ማር 14:43-50፤ ሉቃ 22:47-53)

1 ዬሱሱ ዋሳ ኦንጊዳፔ ጉዬ ባ ታማሬታራ ቁዲርና ዛንጋራ ፒኒዲ፣ ሄ ቤሳን ዴዲያ አታኪልቲያ ገደ ጌሊደሶና።

2 ዬሱሱ ኡባ ዋዴ ባ ታማሬታራ ያን ሸቂያ ገሾ ዬሱሳ አሊ አሚዳ ዪሁዲ ሄ ቤሳ ኤሪሰ።

3 ሃሳ ገሾ፣ ዪሁዲ ፓናሴ፣ ያሞፔ፣ ቶራኔ ጎንዳሌ ኦይኪዳ ዳር ዋታዳሬታ፣ ካሂኔ ሃላቃቲኔ ፋሪሳዌቲ ከቲዳ ያሳ ከላ ናጊያ ፖሊሴታ ካሌሌ ኤኪዲ፣ ሄ ቤሳ ቢሰ።

4 ዬሱሱ ባና ጋካና ሃኒያባ ኡባ ኤሪዲ፣ ጋፃ ከዪዲ፣ «ኦና ኮዬቲ?» ያገሰ።

5 ኤንቲ ዛሪዲ፣ «ናዚሬቲ ዬሱሳ ኮዮሰ» ያገደሶና።

ኢ ዛሪዲ፣ «ታኒ ዬሱሳ» ያገሰ።

ዬሱሳ አሊ አሚዳ ዪሁዲ ያን ኤንታራ ኤቂሰ።

6 ኢ፣ «ታኒ ዬሱሳ» ገዳ ዋዴ ኤንቲ ጉዬ ሸቂዳ፣ ሳዓን ከንዲደሶና።

7 ዬሱሱ ቃሲካ፣ «ኦና ኮዬቲ?» ያገደዲ ኦይቹሰ።

ኤንቲ፣ «ናዚሬቲ ዬሱሳ ኮዮሰ» ያገደሶና።

8 ኢ ዛሪዲ፣ «ታኒ ዬሱሳ ገዴይሳ ሃንቴው ኦዲሰ። ሂዛ፣ ሃንቴ ታና ኮያባ ገዲኮ ሃይሳታ ዬዲቲ» ያገሰ።

9 ኢ ሃሳ ገደይ፣ «አዋው፣ ኔኒ ታው አሚዳይሳታፔ ሃሪ አቶሺን ኢሱዋካ ጳይሳቢኬ» ገደይሲ ፖሊታና ሚሳሳ።

10 ሲሞን ጳዳርሳስ ማሺ ዴዲሰ። ኢ ሄ ማሻ ሾዲዲ ካሂኔ ሃላቃ አይሊያሰ ኡሻቻ ሃይሳ ሾጪዲ፣ ቃንፃ ዬገሰ። ሄ አይሊያ ሱንሳይ ማልኮሳ።

11 ዬሱሱ ጳዳርሳኮ፣ «ኔ ማሻ ሾሁዋን ዛራ። ታ አዋይ ታው አሚዳ ፀ-ዓፔ ታኒ ኡዮናባ ኔው ዳኒ?» ያገሰ።

## ዬሱሱ ሃና ሲንጤ ሸቂሰ

(ማቶ 26:57-58፤ ማር 14:53-54፤ ሉቃ 22:54)

12 ሮሜ ዋታዳሬቲኔ ኤንታ ሃላቃይ ያሳ ከላ ናጊያ ፖሊሴታራ ኢሲፌ ዬሱሳ ኦይኪዳ ቃቹደሶና።

13 ኮይሮ ዬሱሳ ሃናኮ ኤፊደሶና። ሃኒ ሄ ላይሊ ካሂኔ ሃላቃ ገዲያ ቃያፋ ቦሎ።

14 ቃያፊ፣ «አሳ ኡባ ገሾ ኢሲ ኢሲ ሃይቁኮ ሎዎ» ገዲ ካሴ አይሁዳታ ዘሪዳይሳ።

## ጳዳርሲ ዬሱሳ ካዲሰ

(ማቶ 26:69-70፤ ማር 14:66-68፤ ሉቃ 22:55-57)

15 ሲሞን ጳዳርሲኔ ሃራ ኢሲ ታማሬይ ዬሱሳ ካሊዲ ቢደሶና። ካሂኔ ሃላቃይ ሄ ሃራ ታማሪያ ሎይሊ ኤሪሰ። ሃሳ ገሾ፣ ኢ ዬሱሳራ ካሂኔ ሃላቃ ዛባ ጌሊሰ።

16 ሺን ጳዳርሲ ካራራ ዲርሳ ፔንጌን ኤቂሰ። ካሂኔ ሃላቃይ ኤሪያ ሃራ ታማሪይ ካራ ከዪዲ፣ ፔንጌን ናጊያ ናራስ ኦዲዲ፣ ጳዳርሳ ጋሊ ጌልሲሰ።

17 ፔንጌን ናጊያ ናራያ ጳዳርሳኮ፣ «ኔኒ፣ ሄ አዲያ ታማሬታፔ ኢሱዋ ገዲኪ?» ያገሰ።

ጳዳርሲ ዛሪዲ፣ «አካይ፣ ታኒ ገዲኬ» ያገሰ።

18 ሳሳይ ሚጊያ ገሾ አይሊቲኔ ናጌይሳቲ ፩ፋ ታማ ኤሌዲ፣ ዩዪ አጂ ኤቂዲ ካዮሶና። ጳዳርሲካ ኤንታራ ኤቂዲ ታማ ካዬሰ።

ካሄኔ ሃላቃይ ዬሱሳን ኦይቸሰ

(ማቶ 26:59-66፤ ማር 14:55-64፤ ሉቃ 22:66-71)

19 ካሄኔ ሃላቃይ ዬሱሳን፡ እያ ታማራታባኔ እያ ተማርቲያባ ኦይቸሰ።

20 ዬሱሱ ዛሪዳ፡ «ታጌ አሳ ኡባሰ ቆንጨን ኦዳሰ። ታጌ እይሁዴ ኡባይ ሸቂያ እይሁዴ ዎሳ ኬላኔ ያሳ ኬላን ኡባ ዎዴ ታማርሳሰ። ጌማን እይኮካ ኦዳቢኬ።

21 ያጉት፡ ኔጌ ታና እይሰ ኦይቻይ? ታ ኦዲሽን ሲዲዳ አሳ ኦይቻ። ሄ አሳይ ታጌ ኦዲዲዳይሳ ኤርሶና» ያጌሰ።

22 ዬሱሱ ሄሳ ገዳ ዎዴ ሄ ቤሳን ኤቂዳ ዎታዳሪታፔ ኢሶይ ዬሱሳን ባቂዳ፡ «ካሄኔ ሃላቃሰ ሃይሳዳ ዛሪዳ?» ያጌሰ።

23 ዬሱሱ ዛሪዳ፡ «ታጌ ኢታባ ኦዲዳባ ገዲኮ ሃይሳን ዴዳያ አሳ ኡባ ሲንሳን ኦዳ። ሸን ታጌ ቱማ ኦዲዳባ ገዲኮ ታና እይሰ ባቃይ?» ያጌሰ።

24 ሄሳ ገሾ፡ ሃጌ፡ ዬሱሱ ቃሸቲዳ ማላ ካሄኔ ሃላቃ ቃያፋኮ ዬዲሰ።

ጳዳርሲ ዬሱሳን ዛሪ ካዲሰ

(ማቶ 26:71-75፤ ማር 14:69-72፤ ሉቃ 22:58-62)

25 ጳዳርሲ ያን ኤቂዳ፡ ታማ ካዬሽን፡ ሃራቲ ኢያኮ፡ «ኔጌ ሃ አዲያ ታማራታፔ ኢሱዋ ገዲኪ?» ያጌሰ።

ጳዳርሲ ዛሪዳ፡ «አካይ፡ ታጌ ገዲኬ» ያጌዲ ካዲሰ።

26 ካሄኔ ሃላቃ እይሌታፔ ኢሶይ፡ ጳዳርሲ ሃይላ ቃንጂዳ አዲያ ዳቦይ፡ ጳዳርሳኮ፡ «ታጌ ኔና ኢያራ አታኪሰቲያ ገዲን ቤዓቢኪና?» ያጌዲ ኦይቸሰ።

27 ጳዳርሲ ቃሰካ ካዲሰ። ሶሁዋራ ኩቶይ ዋሲ አገሰ።

ዬሱሱ ጸላዎሳ ሲንሳን

(ማቶ 27:1-2፤ 11-14፤ ማር 15:1-5፤ ሉቃ 23:1-5)

28 ዎንታ ጉራ፡ ኤንቲ ዬሱሳን ቃያፋ ሶፔ ዴሪያ ሃሪይሳ ኦሶ ኬላ ኤዕድሶና። እይሁዴቲ ፓሲካ ባሌ ካላ ማናው ባንታና ቲኒሶና ማላ ዴሪያ ሃሪይሳ ኦሶ ኬላ ጌሊቦኮና።

29 ሄሳ ገሾ፡ ጸላዎሲ ኤንታኮ ካራ ኬዬዳ፡ «ሃ አዲያ እይሰ ሞቲቲ?» ያጌሰ።

30 ኤንቲ፡ «ኢ ኢታ ኦሎናባ ገዲያኮ ኔጌ ኢያ ኔኮ ኤሆኮ» ያጌደሶና።

31 ጸላዎሲ ዛሪዳ፡ «ሂንቲ እያ ኤኪ ኤዕዳ፡ ሂንቲ ሂጌይ ጌይሳዳ እያ ቦላ ፐርዲቲ» ያጌሰ። እይሁዴቲ፡ «ኦካኮ ዎጲያ ማፔ ኮሰ ባዎ» ያጌደሶና፤

32 ሄሲ ሃጌዳይ ዬሱሱ እይ ማላ ሃይቆ ሃይቃኔኮ ኤሪሳናው ኦዲዳይሲ ፖሌታናሳ።

33 ጸላዎሲ ባ ኦሶ ኬላ ዛሪ ጌሊዳ፡ ዬሱሳን ጃጌዳ፡ «ኔጌ እይሁዴ ካዎ?» ያጌዲ ኦይቸሰ።

34 ዬሱሱ ጸላዎሳ፡ «ሃ ኦይቸ ኔጌ ኔፔ ኦይቻዬ ዎይኮ ሃራ አሲ ኔው ታባ ኦዲዴ?» ያጌሰ።

35 ጸላዎሲ ዛሪዳ፡ «ታ እይሁዴ አሰ? ኔ አሳይኔ ካሄኔ ሃላቃቲ ኔና ታው አላ ኢሚደሶና። ኔ እይ ኦላዳ?» ያጌሰ።

36 ዬሱሱ፡ «ታ ካዎቲላይ ሃ አላሚያና ገዴና። ኢ ሃይሳን ገዲያኮ ታ እይሁዴታ ሃላቃታሰ አላ ኢሚቶና ማላ ታ እይሌቲ ታው ኦሌታና። ሸን ታ ካዎቲላይ ሃ አላሚያና ገዴና» ያጌሰ።

37 ሄሳ ገሾ፡ ጸላዎሲ ዬሱሳኮ፡ «ያጉት፡ ኔጌ ካዎዬ?» ያጌዲ ኦይቸሰ።

ዬሱሱ ዛሪዳ፡ «ቱማ ታ ካዎ ገዴይሳ ኔ ገዳሳ። ታጌ ዬሌቲዳይኔ ሃ አላሚያ ዴዴ ቱማቲላሰ ማርካታናሳ። ቱማ ባጋ ገዲዳ ኦኒካ ታጌ ጌይሳ ሲዔሰ» ያጌሰ።

38 ጸላዎሲ፡ «ቱሚ እይቤ?» ያጌሰ።

ጸላዎሲ ሄሳ ገዳፔ ጉዬ እይሁዴታኮ ካራ ኬዬዳ፡ «ታጌ ኢያፔ እይ ኢታካ ዴማቢኬ።

39 ሸን ፓሲካ ባሌ ጋላሰ፡ ኢሲ አሴ ሂንቲው ቃሾፔ ቢሊያ ማዜይ ዴዳሰ። ታጌ ሂንቲው እይሁዴታ ካወዋ ቢሳና ማላ ኮዬቲ?» ያጌሰ።

40 ኤንቲ ዛሪዳ፡ ባንታ ቃላ ቆቆ ኦላዳ፡ «ባርባና ቢላፌ አጉን ኢያ ገዴና» ያጌደሶና። ሸን ባርባኒ ፓንጋ።

19

ዎታዳሪቲ ዬሱሳን ቶቺደሶና

(ማቶ 27:27-32፤ ማር 15:15-21)

1 ሄሳፌ ጉዬ፡ ጸላዎሲ ዬሱሳን ጋራፊሲሰ።

2 ዎታዳሪቲ አጉንሳ ካላቻ ማጲዳ ኢያ ሁዔን ዎሊደሶና። ቃሲ ዘዎ ማዎ ኢያ ማይዚደሶና።

3 ኢያኮ ሸቂዳ፡ «እይሁዴ ካወዋው፡ ማሪናው ካዎታ» ያጌዲ ኢያ ባቂደሶና።

4 ጲላዎሲ ቃሲካ ካሬ ከዪዲ፣ እይሁዳታኮ፣ «ሄኮ፣ ታኒ ኢያፔ ኣይ ኢታካ ዳማባናይሳ ሂንቴ ኤራና ሜላ ኢያ ሂንቴኮ ካሬ ከሳና» ያጊሰ።

5 ሃሳፊ ጉዬ፣ ዬሱሲ እጉንሳ ካላቻ ባ ሁዒን ዋሊዲ፣ ዞዎ ማዖ ማዖዲ፣ ካሬ ከዪሰ። ጲላዎሲ እይሁዳታኮ፣ «ኡራ ሃይሳ በዒቴ» ያጊሰ።

6 ካሂኔ ሃላቃቲኔ ያሳ ከዳ ናጌይሳቲ ኢያ በዒዳ ዋዳ ባንታ ቃላ ቆቁ ኦሊዲ፣ «ማስቃሊያ ቦላ ካቃ! ካቃ!» ያጊደሶና።

ጲላዎሲ ኤንታኮ፣ «ሂንቴ ኢያ ኤፊዲ፣ ማስቃሊያ ቦላ ካቂቴ። ታኒ ኢያፔ ኣይ ኢታካ ዳማባኬ» ያጊሰ።

7 እይሁዳቲ ዛሪዲ፣ «ኮሲ ሂጌይ ዳዔስ። ኢ ባና ያሳ ናባ ኦሊዲ ጊሾ ኑ ሂጊያሉ ኢ ሃይቃናው በሴስ» ያጊደሶና።

8 ጲላዎሲ ሄሳ ሲዒዳ ዋዳ ካሴይሳፊ ዳሮ ያዪሰ።

9 ቃሲካ ጲላዎሲ ባ ኦሶ ከሌ ሲሚ ጌሊዲ ዬሱሳኮ፣ «ኔኒ ኣወፔ ያዲ?» ያጊዲ ኦይቺስ። ሽን ዬሱሲ ኢያው ኣይኮካ ዛሪቤና።

10 ሄሳ ጊሾ፣ ጲላዎሲ፣ «ታው ኦዲኪ? ኔና ቢላናው ዋይኮ ማስቃሊያ ቦላ ካቃናው ታው ማቴ ዳዔይሳ ኤሪኪ?» ያጊሰ።

11 ዬሱሲ፣ «የሳይ ኔው ማታ ኢሚቦናባ ጊዲያኮ ታ ቦላ ማቴ ኔው ዳናሽን። ሄሳ ጊሾ፣ ታና ኔው ኣሌ ኢሚዳይስ ኣጂያ ናጋራ ኦሊስ» ያጊሰ።

**ዬሱሳ ቦላ ሃይቆ ፐርዲደሶና**  
(ማቶ 27:15-31፤ ማር 15:6-20፤ ሉቃ 23:13-25)

12 ጲላዎሲ ሄሳ ሲዒዳ ዋዳ ዬሱሳ ቢላናው ኦኔ ኮዪሰ። ሽን እይሁዳቲ ባንታ ቃላ ቆቁ ኦሊዲ፣ «ኔኒ ኢያ ቢሊያባ ጊዲኮ ካወቀ ቁሳሬ ባጋ ጊዳካ። ባና ካዎ ጊያ ኦኒካ ቁሳሬ ሞርኬ» ያጊደሶና።

13 ጲላዎሲ ሄሳ ሲዒዲ ዬሱሳ ካሬ ከሴስ። ያቲዲ፣ «ሎቺ ሹቺ» ጊያሶን ፐርዳ ኦይዲያን ኡቲስ። ኢብራይስጭ ቃላን ሄ በሳይ «ጋባታ» ጉሱ።

14 ሄ ጋላሳይ ፓሲካ ባሊ ቦንቻናው ጊጌቲላ ጋላስ። ሄ ዋዳ ሳዒ ኤሱፑን ሳቲ ሄራ። ጲላዎሲ እይሁዳታኮ፣ «ሂንቴ ካወቀ ሃይሳ በዒቴ» ያጊሰ።

15 እይሁዳቲ ባንታ ቃላ ቆቁ ኦሊዲ፣ «ዲጋ! ዲጋ! ማስቃሊያ ቦላ ካቃ» ያጊደሶና። ጲላዎሲ ዛሪዲ፣ «ሂንቴ ካወቀ ታኒ ማስቃሊያ ቦላ ካቃናይሳ ኮዬቴ?» ያጊዲ ኦይቺስ። ካሂኔ ሃላቃቲ፣ «ቁሳሬፔ ሃራ ካዎይ ኦሰ ባዎ» ያጊደሶና።

16 ሃሳፊ ጉዬ፣ ኤንቴ ዬሱሳ ማስቃሊያ ቦላ ካቃና ሜላ ጲላዎሲ ኤንታው ኣሌ ኢሚስ።

**ዬሱሲ ካቂቲስ**  
(ማቶ 27:32-44፤ ማር 15:21-32፤ ሉቃ 23:26-43)

ኤንቴ ዬሱሳ ኦይኪዲ ኤፊደሶና።

17 ዬሱሲ ባ ማስቃሊያ ቶኪዲ፣ «ሁዔ ጉጌ» ጊያ በሳ ቢስ። «ሁዔ ጉጌ» ጉሳይ ኢብራይስጭ ቃላን «ሳልጎታ» ጉሱ።

18 ኤንቴ ሄ በሳን ማስቃሊያ ቦላ ዬሱሳ ካቂደሶና። ቃሲ ኢያራ ሃራ ናምዑ ኣሳታ፣ ኢሱዋ ያ ባጋራ ሃንኩዋ ሃ ባጋራ ማስቃሊያ ቦላ ካቂደሶና።

19 ጲላዎሲ፣ «እይሁዳታ ካወቀ፣ ናዘሬቴ ዬሱሳ» ያጊያ ፀፊ ፃፊዲ ማስቃሊያ ቦላ ዋሊስ።

20 ዬሱሲ ማስቃሊያ ቦላ ካቂቴና በሳይ ካታማስ ማታን ዳዒያ ጊሾ ዳር እይሁዳቲ ሄ ፀፊያ ናባቢደሶና። ፀፊይ ፃፊቲዳይ ኢብራይስጭ ደናን፣ ላቲኔ ደናኒኔ ጊሪኬ ደናና።

21 ሃሳ ጊሾ፣ ካሂኔ ሃላቃቲ ጲላዎሳኮ፣ « ሃ ኣዳይ ባና እይሁዳ ካዎ ያጊሰን ጋዳ ዓፋፔ ኣቲን ሳይሁዳ ካዎ» ጋዳ ዓፎፓ» ያጊደሶና።

22 ያቲን፣ ጲላዎሲ፣ «ታ ፃፊዲሳን ዓፋስ» ያጊዲ ዛሪስ።

23 ዋታዳሬቴ ማስቃሊያ ቦላ ኢያ ካቂዳፔ ጉዬ ኢያ ማዕዋ ኤኪዲ፣ ኦይዲ በሳን ሻኪዲ፣ ኢሶ ኢሶ ኤኪደሶና። ዬዳ ማዕቲያ ኢያ ኣዲሳ ማዕዋ ኤኪደሶና።

24 ዋታዳሬቴ፣ «ኦና ጋካኔኮ፣ ሳማ ዬጋናፔ ኣቲን ማዕዋ ፔዶኮ» ያጊደሶና። ሄሲ ሃኒዳይ ጌሻ ማዓፋን፣ «ታ ማዕዋ ሻኪ ኤኪደሶና፤ ታ ኣዲሳ ማዕዋ ቦላካ ሳማ ዬጊደሶና» ጌቲቲዳይሲ ፖሊታና ሜላሳ። ሄሳ ጊሾ፣ ዋታዳሬቴ ሄሳ ኦሊደሶና።

25 ሽን ዬሱሳ ማስቃሊያ ማታን ኢያ ኣያ፣ ኢያ ኣዬ ሚቺያ፣ ቁሊዮጴ ማቺያ ማይራማኔ ማግደላ ማይራማ ኤቂደሶና።

26 ዬሱሲ ባ ኣዪዉኔ ኢ ደሲያ ታማሬይ ያን ኤቂዳይሳታ በዒዲ፣ ባ ኣዬኮ፣ «ታ ኣዬ፣ ኔ ናባ ሃይሳ በዓ» ያጊሰ።

27 ሄሳፌ ጉዬ፣ ሄ ታማሪያኮ፣ «ኔ አዪው ሃኖ ቤዓ» ያገለገሉ። ሄ ታማሪይ ኢዮ ሄ ዎዴፔ ደሚዲ ባራ ዳና ሜላ ሶ ኤፊስ።

**ዩሱሲ ሃይቁስ**

(ማቶ 27:45-56፤ ማር 15:33-41፤ ሉቃ 23:44-49)

28 ሄሳፌ ጉዬ፣ ዩሱሲ ኡባይ ሃሳ ፖሊቲዳይሳ ኤሪዲ፣ ገሻ ማፃፋን ፃፊቲዳይሲ ፖሊታና ሜላ «ታና ሳሚስ» ያገለገሉ።

29 ሄ ቤሳን ኢሲ ፀ-ጋ ኩሚላ ጫላ ዎይኔይ ዴዒስ። ኤንቲ ኢስፖንጃ ሄ ዎይኔያን ዩጊዲ፣ ሂሶጼ ሚላ ጁራን ዎላዲ፣ ዩሱሳ ዳናኮ ሺሺደሶና።

30 ዩሱሲ ዎይኔያ ጋንዲ ቤዒዲ፣ «ፖሊቲስ» ያገለገሉ።

ሄሳፌ ጉዬ፣ ባ ሁዒያ ዘቄ ኦሊዲ ባ ሺሞፕዎ አሚስ።

**ዩሱሳ ሚያ ቶራን ጫዲደሶና**

31 ሄ ጋላሳይ ገቤቱላ ጋላስ ገዲያ ገሾኔ ዎንቱላ ጋላሳይ ቦንቾ ሳሞባታ ገዲያ ገሾ አሳታ አሃይ ማስቃሊያ ቦላ ሳሞባታ ጋላስ ፔያና ሜላ ኤንታ ቶሁዎ ሚንሳዲ፣ ማስቃሊያፔ ዎቋሳና ሚላ አይሁዴቲ ጸላዳሳ ዎሲደሶና።

32 ሄሳ ገሾ፣ ዎታዳሬቲ ቤዲ፣ ዩሱሳራ ካቄቲዳ ናሞዑ አሳታ ቶሁዎ ሚንሳዲደሶና።

33 ሺን ዩሱሳኮ ዪዳ ዎዴ ኢ ሃይቁዳይሳ ቤዒዲ፣ ኢያ ቶሁዎ ሚንሳዲደሶና።

34 ሺን ዎታዳሬታፔ ኢሶይ ኢያ ሚያ ቶራን ጫዲን ሶሁዎራ ሱሊኔ ሃሊ ጎገለ።

35 ሂንቲ አማናና ሚላ ሄሳ ቤዒዳይሲ ማርካቲስ። ኢያ ማርካቲዳይካ ቱማ። ቃሲ ኢ ኦዴይሲ ቱማ ገዴይሳ ኤፊስ።

36 ሄሲ ሃኒዳይ ገሻ ማፃፋይ፣ «ኢያ ሚቄላታፔ ኢሶይካ ሚቄና» ገዴይሲ ፖሊታና ሚላሳ።

37 ቃሲካ ገሻ ማፃፋይ ሃራ ቤሳን፣ «ኤንቲ ባንታ ጫዲዳይሳ ቤዒና» ያገለገሉ።

**ዩሱሲ ሞገቲስ**

(ማቶ 27:57-61፤ ማር 15:42-47፤ ሉቃ 23:50-56)

38 ሄሳፌ ጉዬ፣ አርማቲያሳ ካገማፔ ዪዳ ዮሴፊ ዩሱሳ አሃ ኤካናው ጸላዳሳ ዎሲስ። ዮሴፊ አይሁዴታስ ያዪዳ ገሾ ቆሳን ዩሱሳ ካሌይሳ።

ጸላዳሳ፣ «ኤካ» ያገለገሉ። ሄሳ ገሾ፣ ዮሴፊ ቢዲ ዩሱሳ አሃ ኤካስ።

39 ቃሲ ኒቆዲሞስ፣ ሃይሳፌ ካሲ ዩሱሳኮ ቃማ ዪዳይሲ፣ ካርቤኔ ጎዳሬ ኡላራ ዎላኬቲዳ ሃስታማኔ ኢሲ ኪሎ ገራሜ ገዲያ ሺቶ ኤኪዲ ዮሴፋራ ዪስ።

40 ሄ ናሞዑ አሳቲ ዩሱሳ አሃ ኤኪዲ፣ አይሁዴቲ አሃ ፃዲያ ማራን፣ ሺቶራ፣ ሞሳ አፊላን ፃዲደሶና።

41 ዩሱሲ ማስቃሊያ ቦላ ካቄቲዳ ቤሳን ዳር አታኪልቲይ ዴዒስ። ሄ አታኪልቲያ ገደን ሹቻፊ ዎጩቲዲ ኦስቲዳ ቡር ኦኒካ ሞገቲስና ኦራላ ዲፎይ ዴዒስ።

42 ሄ ጎንጎሎይ ማታን ዴዒያ ገሾኔ አይሁዴቲ ሳሞባታስ ገቤቲያ ጋላስ ገዲያ ገሾ ዩሱሳ አሃ ያን ሞገደሶና።

**20**

**ዩሱሲ ሃይቆፔ ዴንዲስ**

(ማቶ 28:1-8፤ ማር 16:1-8፤ ሉቃ 24:1-12)

1 ዎጋ ዎዴ ዎንታ ቡር ገዮና ዴሲሺን፣ ማግደላ ማይራማ፣ ዩሱሲ ሞገቲዳ ዲፋዎ ባዳ ሹቻይ ሄ ዲፋዎ ደናፔ ዴንዲዳይሳ ቤዒስ።

2 ሲሞን ጳዲርሳኮኔ ዩሱሲ ደሲያ ሃንኮ ታማሪያኮ ዎፃ ባዳ፣ «ዲፋዎፔ ጎዳ ኤፊደሶና፤ ኢያ አላን ዎላዲኮ ኦ ኤርኮ» ያገለገሉ።

3 ሄሳ ገሾ፣ ጳዲርሳኔ ሃንኮ ታማሪይ ከዪዲ ዲፋዎ ቢደሶና።

4 ናሞዳይካ ኢሲፊ ዎዲደሶና፣ ሺን ሃንኮ ታማሪይ ጳዲርሳፔ አቋዲ ሲንጎቲዲ ዲፋዎ ጋኪስ።

5 ሄ ታማሪይ ሆኪዲ፣ ሞሳ አፊላ ቤዒስ፣ ሺን ዲፋዎን ዎቋሪና።

6 ሲሞን ጳዲርሳኔ ኢያ ካሊ ዪዲ፣ ዲፋዎን ዎቋዲ ሞሳ አፊላይ ያን ዴዒይሳ ቤዒስ።

7 ቃሲ ዩሱሳ ሁዒን ፃፃቲዳ አፊላይ ፃፃቲዳ ሚላ ዳማ ኢሲ ቤሳን ዴዒይሳ ቤዒስ። ሄ አፊላይ ዳማ ዴዒስፔ አቲን ሞሳ አፊላራ ኢሲፊ ዴና።

8 ሄ ዎዴ ሲንጎቲዲ ዲፋዎ ጋኪዳ ሃንኮ ታማሪይ ጌሊ ቤዒዲ አማኒስ።

9 ዩሱሲ ሃይቆፔ ዴንዳናው ቤሲይሳ ኦዲያ ገሻ ማፃፋ ቃላ ኤንቲ ቡር አኬኪሶኮና።

10 ሄሳፌ ጉዬ፣ ኢያ ታማሪቲ ባንታ ሶ ሲሚዲ ቢደሶና።

ዬሱሲ ማግደላ ማይራሚስ ቤንተስ

(ማቶ 28:9-10፤ ማር 16:9-11)

11 ሺን ማይራሚ ህ ዲፋዋ ደናን ኤቃዳ ዩካሼ ሆካዳ ዲፋዋ ገደ ያላሱ።

12 ቦሳ ማያ ማዒዳ ናምዑ ከታገኙት ዬሱሳ አሃይ ዘንዒዳሱዋን አሶይ ሁዔሶራ ሃንኮይ ቶሆሶራ ኡተዳሺን ቤዓሱ።

13 ኤንተ ኢኮ፣ «ማጫሴቴ፣ አይስ ዩካይ?» ያገደ ያይቺዳሶና።

ኢያ፣ «ኤንተ ታ ጎዳ ኤፊደሶና፤ ኤንተ አወን ዋሊዳኮ ታኒ ኤሪኬ» ያገሰ።

14 ሃሳ ገዳፔ ጉዬ፣ ኢያ ጉዬ ሰማ ያለያ ዋዴ ዬሱሲ ያን ኤቁዳይሳ ቤዓሱ። ሺን ኢ ዬሱሳ ገዲዳይሳ ኤራቡኩ።

15 ዬሱሲ ኢኮ፣ «ማጫሴቴ፣ አይስ ዩካይ? ኦና ኮያይ?» ያገደ ያይቺሰ።

16 ማይራሚ አታኪልቴ ኦሳንቸዋ ዳኒን፣ «ጎዳው፣ ኔ ኤኪዳባ ገዲኮ፣ ኢያ አወን ዋሊዳኮ ታው ኦዳርከ። ታኒ ኢያ ኤካና» ያገሰ።

17 ዬሱሲ ኢኮ፣ «ማይራሚ» ያገሰ።

ኢያ ኢያኮ ሰማዳ፣ ኢብሪይስዳ ደናን «ሬቡኒ» ያገሰ። ሃሳስ ቢርሼላይ «አስታማሪያው» ጉሱ።

18 ዬሱሲ ኢኮ፣ «ታኒ ቡሮ ታ አዋኮ ቦና ገሾ ታና አይካዳ አሻናው ኮዮ። ሺን ታ አሻታኮ ባዳ፣ ታኒ ታ አዋኮኔ ሃንቴ አዋኮ፣ ታ ያሳኮኔ ሃንቴ ያሳኮ፣ ሰማና ገሰ» ጋዳ ኤንታው ኦዳ» ያገሰ።

19 ማግደላ ማይራሚ ጎዳ ቤዒዳይሳኔ አው ሃሳ ኢ ኦዲዲዳይሳ ባዳ ኢያ ታማራታስ ኦዳሱ።

ዬሱሲ ባ ታማራታስ ቆንጨሰ

(ማቶ 28:16-20፤ ማር 16:14-18፤ ሉቃ 24:36-49)

19 ዋጋ ዋዴ ኦማርሲ፣ ኢያ ታማራቲ አይሁዳታስ ያዩዲ ካሪያ ጎርዲዲ ሸቂ ኡተዳሺን፣ ዬሱሲ ዩዲ፣ ኤንታ ገደን ኤቁዳ፣ «ሳርይ ሃንቴው ገደ» ያገሰ።

20 ሃሳ ገዲ ሰማዲ ባ ኩሺያኔ ባ ሚያ ኤንታ ቤሲስ። ኢያ ታማራቲ ጎዳ ቤዒዳ ዋዴ ዳሮ ኡፋይቲደሶና።

21 ዬሱሲ ዛሪዲ ኤንታኮ፣ «ሳርይ ሃንቴው ገደ፤ ታ አዋይ ታና ከቲዳይሳዳ ታኒካ ሃንቴና ከታይስ» ያገሰ።

22 ሃሳ ገዳፔ ጉዬ፣ ኤንታ ቦላ ኡፋ ገዲ ዩኒስ። ቃሲ፣ «ጌሻ አያና ኤኪቴ።

23 ሃንቴ አቶ ገዲ አሳ ናጋራይ አቶ ጌቴታና። ሃንቴ አቶ ጎናይሳታ ናጋራይ አቶ ጌቴቴና» ያገሰ።

ዬሱሳኔ ቶማሳ

24 ሺን ታማኔ ናምዑ ታማራታፔ አሶይ፣ ዲዲሞሳ \* ጌቴቲያ ቶማሲ፣ ዬሱሲ ዩዳ ዋዴ ኤንታራ ዴና።

25 ሃሳ ገሾ፣ ሃንኮ ኢያ ታማራቲ ቶማሳኮ፣ «ኮኒ ጎዳ ቤዒዳ» ያገደሶና።

ሺን ቶማሲ ኤንታኮ፣ «ሚሰማሪን ኢ ጫዴቲዳ ኢያ ኩሺያን ዴዒያ ቤታ ቤዖናኔ ሄ ቤታ ታ ቢራዴን ቦቸና፣ ቃሲ ታ ኩሺያ ኢያ ሚያን ዩዳ ቤዖና አማኒኬ» ያገሰ።

26 ሳሚንታፊ ጉዬ፣ ዬሱሳ ታማራቲ ቃሲካ ሶን ሸቂዲ ኡተደሶና፤ ቶማሲካ ኤንታራ ዴዒስ። ካሪይ ጎርዴቲዲ ዴዒሺን ዬሱሲ ዩዲ፣ ኤንታ ገደን ኤቁዳ፣ «ሳርይ ሃንቴው ገደ» ያገሰ።

27 ሃሳፊ ጉዬ፣ ዬሱሲ ቶማሳኮ፣ «ታ ኩሺያ ኔ ቢራዴያን ቦታዳ ቤዒ። ቃሲ ኔ ኩሺያ ታ ሚያን ዩዳዳ ቤዒ፤ ሲዶፓ፣ አማና» ያገሰ።

28 ቶማሲ ዛሪዲ፣ «ታ ጎዳው፣ ታ ያሳው» ያገሰ።

29 ያቴን ዬሱሲ፣ «ኔኒ ታና ቤዒዳ ገሾ አማናዳሳ፣ ሺን ታና ቤዖና አማኒዳይሳቲ አንጃቲዳይሳታ» ያገሰ።

ሃ ማፃፋ ቆፋ

30 ዬሱሲ ሃ ማፃፋን ያፊቲቦና ሃራ ዳሮ ማላታታ ባ ታማራታ ሲጎሳን ኦሊስ።

31 ሺን ዬሱሲ ኢ ከሪሰቶሳ፣ ያሳ ናዒ ገደይሳ ሃንቴ አማናና ሜላኔ አማኒዲ ኢያ ሱጎሳን ዴዖ ዴማና ሜላ ሄሲ ያፊቲቦ።

# 21

ዬሱሲ ላፑን ባ ታማራታስ ቆንጨሰ

1 ሃሳፊ ጉዬ፣ ዬሱሲ ዲባርዮሳ አባ ማታን ባ ታማራታስ ዛሪ ቆንጨሰ። ኢ ኤንታው ሃይሳፊ ካሊዲ ዴዒያ ሃሮታን ቆንጨሰ።

20:23 ማቶ 16:19፤ 18:18 \* 20:24 ዲዲሞሳ ገይሳ ቢርሼላ የሃ 11:16 ያለቲ።

2 ሲሞን ጳጳርሲ፡ ማንቴ ገቴቲያ ቶማሲ፤ ቃና ጋለላፕ ዪዳ ናቴናዔሊ፤ ዛብዲዮሳ ናይቲኔ ዩሱሳ ታማሪታፕ ሃራ ናሞባፕ ኢሲፌ ዳዮሶና።

3 ሲሞን ጳጳርሲ ኢንታኮ፡ «ታኒ ሞሎ ኦይካናው ባይሰ» ያገሰ።

ኢንቲ፡ «ኮካ ኔራ ባና» ያገዲ፤ ዋሳሎ ገደ ጌሊዶሶና። ሺን ኢንቲ ሄ ቃማን ኣይቢ ሞሎካ ኦይኪቦኮና።

4 ዋንታ ጉራ ያልቄይ ዶላናፕ ሲንሌ፡ ዩሱሲ ኣባ ጋግን ኤቄሰ፡ ሺን ኢያ ታማሪቲ ዩሱሳ ገዲዲይሳ ኤርቦኮና።

5 ዩሱሲ ኢንታኮ፡ «ታ ላጌቶ፡ ሞሎ ኦይኪቤኬቲ?» ያገሰ።

ኢንቲ ዛሪዲ፡ «ኣይኮካ ኦይኪቦኮ» ያገደሶና።

6 ኢ ዛሪዲ፡ «ሃንቲ ገቴያ ዋሳሎፕ ኤሻቻ ባጋራ ዩጌቲ፤ ጉላ ሞሎ ሃንቲ ኦይካና» ያገሰ። ሃሳ ገሹ፡ ገቴያ ኤሻቻ ባጋራ ዩጌዶሶና። ሞሎይ ዳሪዳ ገሹ ጎቹዲ ከሳናው ዮኔቲዶሶና።

7 ዩሱሲ ዶሲያ ታማሪይ ጳጳርሳኮ፡ «ሃይሲ ጎዳ!» ያገሰ። ሲሞን ጳጳርሲ ኢ ጎዳ ገዲይሳ ሲዒዳ ዋዴ ካሎ ዳዒያ ገሹ ባ ማዕዋ ማዒዲ ኣባ ገደ ጉፕ ጌሊሰ።

8 ሺን ዋሳሎዋን ኣትዳ ሃንኮ ታማሪቲ ሞሎይ ኩሚዳ ገቴያ ጎቹዲ፡ ኣባፌ ጋግ ኬዶዶሶና። ኢንቲ ኣባፌ ናሞዑ ጭ ቀጻ ማላ ሃኮሶና።

9 ኢንቲ ኣባፌ ጋግ ኬዩዳ ዋዴ ያፋ ቦንቆን ሞሎይ ዳዒይሳኔ ኡይላ ቤዒዶሶና።

10 ዩሱሲ ኢንታኮ፡ «ሃላ ሃንቲ ኦይኪዳ ሞሎፕ ጉላራ ሃማቲ» ያገሰ።

11 ሲሞን ጳጳርሲ ዋሳሎን ጌሊዲ፡ ጭኔ ኢሻታማኔ ሄቹ ዋጋ ሞሎቲ ኩሚዳ ገቴያ ጎቹዲ ኣባፌ ጋግ ኬሲሰ። ሞሎይ ሃሳ ማላ ዳር ገዲን ገቴይ ዳኬቴቤና።

12 ዩሱሲ ኢንታኮ፡ «ሃ ዪዲ ማቲ» ያገሰ። ኢ ጎዳ ገዲይሳ ኢንቲ ኤሪዳ ገሹ ኢያ ታማሪታፕ ኢሶይካ፡ «ኔኒ ኦኔ?» ገዲ ኢያ ኦይቻናው ማኒዳይ ባሞ።

13 ዩሱሲ ዪዲ፡ ኡይላ ኤኪዲ ኢንታው ኢሚሰ፤ ሞሎፕ ሃሳዳ ኢሚሰ።

14 ዩሱሲ ሃይቆፕ ዳንዲዲ ባ ታማሪታሰ ቆንጨሺን ሃይሲ ሄቻን።

**ዩሱሳኔ ጳጳርሳ**

15 ኢንቲ ሚዳፕ ጉዬ፡ ዩሱሲ ሲሞን ጳጳርሳኮ፡ «ዮና \* ናዓው ሲሞና፤ ታና ሃይሳታፕ ኣላዳ ዶሳይ?» ያገሰ።

ሲሞን ጳጳርሲ፡ «ኤ ጎዳው፡ ታኒ ኔና ዶሴይሳ ኔ ኤራሳ» ያገሰ።

ዩሱሲ ኢያኮ፡ «ታ ዶርሳ ማራታ ሄማ» ያገሰ።

16 ዩሱሲ ቃሲካ፡ «ዮና ናዓው ሲሞና፤ ታና ዶሳይ?» ያገሰ።

ሲሞን ጳጳርሲ፡ «ኤ ጎዳው፡ ታኒ ኔና ዶሴይሳ ኔ ኤራሳ» ያገሰ።

ዩሱሲ፡ «ታ ዶርሳታ ሄማ» ያገሰ።

17 ዩሱሲ ሄቻን፡ «ዮና ናዓው ሲሞና፤ ታና ዶሳይ?» ያገሰ።

ዩሱሲ ሄቻን ሲሞን ጳጳርሳኮ፡ «ታና ዶሳይ?» ያገዲ ኦይቹዳ ገሹ ጳጳርሲ ኣዛኒዲ፡

«ጎዳው፡ ኔኒ ኡባባ ኤሪሳ፤ ታኒ ኔና ዶሴይሳ ኔ ኤራሳ» ያገሰ።

ዩሱሲ፡ «ታ ዶርሳታ ሄማ።»

18 ታኒ ኔው ቱማ ኦይይሰ፤ ኔኒ ናናቴላን ዳዒያ ዋዴ ኔርካ ዳንጨታዳ፤ ኔ ኮዪዳ ሶ ባሳ። ሺን ኔ ጨሚዳ ዋዴ ኔ ኩሺያ ሚጫ ቤሳና። ሃሪ ዳንጨሳና፤ ኔ ዶሶና ሶ ኤፋና» ያገሰ።

19 ዩሱሲ ሃሳ ጳጳርሲ ኣይ ማላ ሃይቆ ሃይቁዲ፡ ዮሳ ቦንቆንኮ ኤሪሳናው ገሰ። ሃሳ ገደፕ ጉዬ፡ ዩሱሲ ጳጳርሳኮ፡ «ታና ካላ» ያገሰ።

**ዩሱሳኔ ሃንኮ ታማሪያ**

20 ጳጳርሲ ጉዬ ሲሚዲ፡ ዩሱሲ ዶሲያ ታማሪይ ባፕ ጉዬራ ዩይሳ ቤዒሰ። ሄ ታማሪይ፡ ካሆ ሚያሶን ዩሱሳኮ ሸቂዲ፡ «ጎዳው፡ ኔና ኣሌ ኢማናይ ኦኔ?» ገዲይሳ።

21 ጳጳርሲ ሄ ታማሪያ ቤዒዲ፡ «ጎዳው፡ ሃ ኣይይ ቃሲ ዋና?» ያገዲ ዩሱሳ ኦይቹሰ።

22 ዩሱሲ ኢያኮ፡ «ታኒ ያና ጋካናው ኢ ዳና ማላ ታኒ ኮይኮ፡ ሃሲ ኔና ኣይ ሜቲዳ? ኔኒ ታና ካላ» ያገሰ።

23 ሃሳ ገሹ፡ ሄ ታማሪይ ሃይቁና ገያ ኦዶይ ኢሻታ ኡባ ጋኪሰ። ሺን ዩሱሲ፡ «ታኒ ያና ጋካናው፡ ኢ ዳና ማላ ታኒ ኮይኮ ኔና ኣይ ሜቲዳ?» ያገሲፕ ኣትን «ሃይቁና» ገቤና።

24 ሃ ኦዳባ ማርካቲዳይኔ ሃይሳ ያፌዳይ ሄ ታማሪያ። ኢያ ማርካቲዳይ ቱማ ገዲይሳ ኔኒ ኤርሰ።

25 ዩሱሲ ኦሲዳ ሃራ ዳርባይ ዳዒሰ። ታ ቆፕን፡ ኡባባይ ሁዒን ሁዒን ጎፊቲዳኮ፡ ያፊቲያ ማፃፋታሰ ኩሚዳ ኣላሚይ ዋሳንው ገደናባ ዳኔና።

---

21:3 ሉቃ 5:5    21:6 ሉቃ 5:6    \* 21:15 ዮና፡ ገሪኬ ዶናን ዮና ገያ ሰንሳይ የሃላ ገያ ሰንሳሰ ጎልዖ ሰንሎ።  
21:20 ዮሃ 13:25



### ሃዋሪታ ኦሱዋ

#### ጋላ ፍፋ

ሃዋሪታ ኦሱ ማፃፋይ፥ ሉቃስ ዋንጌላ ካሊዲ ዓፊተዳ ማፃፋ። ማፃፋስ ዲዲያ ዋና ፍፋይ ኮይሮ ዩሱፊ ካሊዲ አሳተ ገሻ አያናይ ካሊሊን፥ ኢያባ ኦዲያ ቃላ፥ «ዩሩሳሌምን፥ ዩሁዳ ቢታ ኡባን፥ ሳማራን፥ ሳባ ጋፃፕ ጋፃ ጋካናው» (1:8) ዋንጌላ ቢታ ኡባ ዋቴ ጋላዳኮ ኦዲናሳ። ማፃፋይ፥ አማርያይ አይሁዳ አሳታ ጊደን ደማቲዳ፥ ኩሜላ አላሜን ዲዲያ አሳ ኡባ አማር ጊዳና ጋካናው ዋኒዲ ዳልጊዳኮ ኦዲያ ታሪኩ። ሃ ማፃፋ ዓፊይ፥ አማኒያ አሳተ ሮሜ ካዋቴላ ኩንዲሳናው ጋርሳራ ማቄቲያ አሲ ጊዳናይሳኔ አማርያይ አይሁዳታ ሃይማኖቴ ፖሎ ኦሊይሳ ጊዳይሳ ኤሪሳናው ኬሂ ዳቡሪዲ አሊሰ።

ሃዋሪታ ኦሱ ማፃፋን ዩሱሳባ ኦዲያ ዋንጌላይ ጋኪያ ቤሳይ ዋዴን ዋዴን ዳልጊ ዳልጊ ቤይሳኔ ዋሳ ኬሊ ኤቁዳይሳ ቆንጨሲያ ሂዙ፥ አይፌ ከፊሊታን ሻካናው ዳንዳዔቴስ።

1. አማርያይ ዩሱሲ ሳሎ ከዪ ሲሚን ደማቲዳይሳ።
2. አማርያይ ኢስራዔሌ ቢታ ኡባ ጋኪዳይሳ።
3. ሮሜ ጉጂዲ ሜዲቲራኔ አባ ዩሹዋን ዲዲያ ቢታ ኡባን ዳልጊዳይሳ ቤሲስ።

ሃዋሪታ ኦሱ ማፃፋን አጲዲ ቤንቴይ ገሻ አያና ኦሱ ጊዲሺን፥ ጳንጻቆስጼ ጋላስ ዩሩሳሌምን ዲዲያ አማኒይሳታ ቦላ ዋልቃራ ዋዲዳይሳ ኦዲስ። ሄሳዳካ፥ ማፃፋ ጊደን ቆንጨዳ ኦሳታ ኡባን ቤንቴዳይሳዳ ገሻ አያናይ ዋሳ ኬሳኔ ዋሳ ኬሳ አይሴይሳታ ካሊሊዳይሳኔ ሚንሌሊዳይሳ ጉጂዲ ኦዲስ። ቤኒ ዋዴ አሜቲያ አማር ከታይ ዲማ ዲማ ኦዲቲዳ ቃላፕ ከሶን ኬሶን ኤኬቴስ። ሃዋሪታ ኦሱዋ ጊደን ኦሱቲዳ ኦሱታ ከታይ አማኒያ አሳ ዳይኒኔ ዋሳ ኬሳ ኢሲፊቴሳን ዲዲያ ዋልቃይ አይ ሜላ ጊቴኮ ቤሲስ።

#### ሃዋሪታ ኦሱዋ አይፌ ፍፋታ

ማርካቴሳስ ጊጌቴሌ 1:1-26

- 1) ዩሱሳ ወርሴላ ከታኔ አሚዳ ኡፋይሳ 1:1-14
- 2) ዩሁዳ ቤሳን ሃራ ደሩዋ 1:15-26

ዩሩሳሌምን ማርካቴሌ 2:1-8:3

ዩሁዳኒኔ ሳማራን ማርካቴሌ 8:4-12:25

ጳውሎሳ ሃዋሪታ ኦሱዋ 13:1-28:31

- 1) ኮይሮ ሃዋሪታላ ቡሳ 13:1-14:28
- 2) ዩሩሳሌሚ ሸቁዋ 15:1-35
- 3) ናምባንሳ ሃዋሪታላ ቡሳ 15:36-18:22
- 4) ሄዳንሳ ሃዋሪታላ ቡሳ 18:23-21:16
- 5) ጳውሎሲ ዩሩሳሌምን፥ ቁሳሪያኒኔ ሮሜን ቃሸቴላ 21:17-28:31

1-2 ቴዎፊሎሳ፥ ዩሱሲ ባ ኦሱዋ ኦይኪዳ ዋዴፕ ሳሎ ቢዳ ጋላሳ ጋካናው፥ አሊዳባኔ ታማርሲዳባ ኡባ ታኒ ታ ኮይሮ ማፃፋን ዓፋስ፥ ሳሎ ባናፕ ሲንሌ ኢ ባ ደሪዳ ሃዋሪታ ገሻ አያናን ከቲስ።

3 ኢ ባ ዋያፕ ጉዬ ሃይቆፕ ዳንዲዳይሳ ሲዲይ ባይና ቆንጨሲዲ ኤንታው ባና ቤሲስ። አይታው፥ ጋላስ ኤንታው ቆንጨዲ ያሳ ካዋቴሳባ ኤንታ ታማርሲስ።

4 ኢሲ ዋዴ ኤንታራ ኢሲፊ ሚሺ ኤንታ ሃይሳዳ ያጊዲ ከቲስ። «ታ ሂንቴው ኦዲዳ፥ ታ አዋይ አማር ጊዳ ኡፋይሳ ቃላ ናጊቴፕ ኦሱን ዩሩሳሌሚፕ ኬዮፕቴ።

5 አይሲ ጊኮ፥ ዮሃኒሲ ሃሳን ፃማቁስ፥ ሺን ጉላ ዋዴፕ ጉዬ ገሻ አያናን ሂንቴ ፃማቁታና» ያጊስ።

6 ሃዋሪቲ ዩሱሳራ ጋሂቲዳ ዋዴ ኢያኮ፥ «ሳዳው፥ ኢስራዔሌታስ ኔ ካዋቴላ ዛራና ዋዴይ ሃይሴን?» ያጊዲ ኦይቺዳሶና።

7 ዩሱሲ ኤንታኮ፥ «ታ አዋይ ባ ማታን ኦሊያ ዋዴያኔ ሳይሳ ሂንቴ ኤራናው ዳንዳዔኬታ።

8 ሺን ገሻ አያናይ ሂንቴ ቦላ ዋዲያ ዋዴ ሂንቴ ዋልቃን ኩማና። ያኒ ሲሚዳ፥ ዩሩሳሌምን፥ ዩሁዳ ቢታ ኡባን፥ ሳማራኒኔ ሳባ ጋፃ ጋካናው ታው ማርካታ ጊዳና» ያጊስ።

9 ሄሳ ጊዳይሳፊ ጉዬ ኤንቴ ጻሊሺን፥ ቶቁ ቶቁ ጊዲ፥ ሳሉዋ ቢን ሻራይካ ኢያ ኤንታ አይፊያፕ ጊሳሲ።

10 ዩሱሲ ቢያ ዋዴ ኤንቴ ሳሎ ቲሺ ኦሊዲ ጻሊሺን፥ ቦላ ማፖ ማዲዳ ናምቦ አሳቲ አኬኮና ኤንታ ማታን ኤቁዳ።

11 «ጋለላ አሳው፥ ሳሎ ያሊሽ፥ ሂንቲ ኣይሰ ኤቁዴቲ? ሃ ሂንቲ ቤሲሽን ሳሎ ቢዳ ዩሱሲ ሄሳዳካ ሲሚዲ ያና» ያጊደሶና።

ዪሁዳ ቤሳን ማቲያሲ ዶሬቲስ (ማቶ 27:3-10)

12 ሄሳፊ ጉዬ፥ ሃዋሪቲ ሻማሆ ዳሪያፔ ዩሩሳላሜ ሲሚደሶና። ሻማሆ ዳሬይ ዩሩሳላሜስ ማታን ዳዔስ።

13 ኤንቲ ዩሩሳላሜ ጌሊዲ፥ ባንታ ዳዒያ ቤሳ ፖቂያ ቦላ ከዬደሶና። ኤንቲክ፡ ጳዒርሳ፥ ዮሃኒሳ፥ ያይቆባ፥ ኢንዲሪያሳ፥ ፊልጳሳ፥ ቶማሳ፥ ባርቶሎሚዮሳ፥ ማቶሳ፥ ኢልልዮሳ ናባ ያይቆባ፥ ባ ቢታስ ሚሴቲያ ሲሞናኔ ያይቆባ ናባ ዪሁዳ።

14 ሃይሳቲ ኡባይ ማጫሳታራ፥ ዩሱሳ ኣዬ ማይራሚራኔ ዩሱሳ አሻታራ ኡባይ ኢሲ ዋዛናን ጊዲዲ ሚንሱዲ ሞሶሶና።

15 ሄ ዋዴ ጳዒርሲ ዪታኔ ላታማ ጊዲያ አማኒያ አሳይ ሸቂዳ ቤሳን ዴንዲ ኤቁዲ፥ ሃይሳዳ ያጊስ።

16 «አሳው፥ ዩሱሳ ኦይኪዳይሳታ ካሌሊዳ ዪሁዳባ ጌሻ ኣያናይ ካሴ ዳዋቲ ዶናን ኦዲዳ ያሳ ቃላይ ፖሌታናው ቤሱስ።

17 ዪሁዲ ኑራ ኢሲፊ ሃ ኦሎቀ ኦሳናው ዶሬቲዳ አሲ።»

18 ሺን ዪሁዲ ባ ኢታ ኦሎቀን ዴሚዳ ሚሺን ጋዴ ሻሚስ። ኢ ጉፋኒዲ ኩንዲን፥ ኢያ ኡሎይ ዳኬቲስ፤ ኢያ ማራጩይ ኡባይ ካሬ ከዩስ።

19 ዪሁዳ ቦላ ሃኒዳባ ዩሩሳላሜን ዴዒያ አሳ ኡባይ ሲሲስ። ሄሳ ጊሾ፥ ሄ ጋዲያ ባንታ ቃላን ኣኬልዳማ (ሱሳ ጋዴ) ጊዲ ዪጊደሶና።

20 «ሄሲካ ማዝሙራ ማፃፋን፥

ሳሊያ ኬሳይ ካሎ አቶ፤

ኦኒካ ኢያን ዴፖ።

ቃሲ ኢያ ሹማቲሳ ሃሪ ኤኮን ጌቲቲ ፃፊቲስ።

21 «ሄሳ ጊሾ፥ ጎዳ ዩሱሲ ኑ ጊደን ሲሜሬቲዳ ዋዴ ኡባን ኑራ ዴዔይሳታፔ፥

22 ቃሲ ፃማቂያ ዮሃኒሳ ዋዲያፔ ዶሚዲ ጎዳ ዩሱሲ ሳሎ ቢዳ ጋለሰ ጋካናው ኑራ ዴዔይሳታፔ ኢሲ አሲ ኢያ ዴንዲዋስ ኑራ ማርካ ጊዳናው ቤሱስ» ያጊስ።

23 ሄሳ ጊሾ፥ አሳይ ዶረዋስ ዮስፖሳ ጊያ ባርሳባሳ ጌቲቲያ ዮሱፋኔ ማቲያሳ ናሞሳ ሸሺደሶና።

24 ሄሳፊ ጉዬ፥ ያሳ ሞሲሾ፥ «አሳ ኡባ ዋዛና ኤሪያ ጎዳው፥ ሃ ናሞሳታፔ ኔ ኦና ዶሪዳኮ ኑና ቤሳ።

25 ዪሁዲ ባ ቤሳ ቢዲ፥ ኣጊዳ ኦሎቀኔ ሃዋሪቲሳ ኦሎቀ ኤካና ሜላ ሃይሳታፔ ኑስ ቆንጨሳ» ያጊደሶና።

26 ኤንታ ቦላ ሳማ ዩጊደሶና። ሳማይ ማቲያሳ ቦላ ዋጂን ማቲያሲ ታማኔ ኢሲ ሃዋሪታ ቦላ ጉዠቲስ።

## 2

### ጌሻ ኣያና ዩሳ

1 ጳንፃቆስፃ ጊያ ጋላሳይ ጋኪዳ ዋዴ አማኒያ አሳ ኡባይ ኢሲፊ ኢሲ ቤሳን ሸቂዲ ዴፖሶና።

2 ቆፖና ዋልቃማ ጎቲዳ ጉሚያ ጉንሳይ ኣኬኮና ሳሎፔ ዪዲ ኤንቲ ዴዒያ ኬሳ ኩሚስ።

3 ቃሲ ታማ ላጮ ዳኒያ ኢንፃርሳቲ ኤንታው ቤንቲሾ፥ ሻኬቲ ሻኬቲ ኤንታ ኡባ ቦላ ዋጂደሶና።

4 ኤንቲ ኡባይ ጌሻ ኣያናን ኩሚዲ ዴማ ዴማ ዶናን ኦዴታና ሜላ ጌሻ ኣያናይ ኤንታ ዴንዳዒሲን ሃሳ ዶሚደሶና።

5 ሄ ዋዴ ቢታ ኡባፊ ዪዳ ያሳ ያያ አይሁዲቲ ዩሩሳላሜን ዴፖሶና።

6 ሄ ጉንሳ ሲዒዳ ዋዴ ዳር አሳይ ሸቂደሶና። አማኒያ አሳይ ኤንታ ቃላን ኦዴቲሽን ሲዒዳ ጊሾ

7 ማላሌቲዲ፥ «ሃ ኦዴቲያ አሳ ኡባይ ጋለላ አሲ ጊደኮናዬ?»

8 ያቲን፥ ኑኒ፥ ኑ ዩሌቲዳ ቢታ ዶናን ኤንቲ ኦዴቲሽን ዋኒዲ ሲባናው ዳንዳዒዶ?»

9 ኑኒ ጳርፃን፥ ሜዶናን፥ ኤላሜን፥ ናሞዑ ሻፋታፔ ጊደን ዴዔይሳቲ፥ ዪሁዳን፥ ቃጳዶቂያን፥

ጳንፃሳን፥ ኢሲያን፥

10 ጳርጌን፥ ጳንፊሊን፥ ጊብፃን፥ ቃሬና ማታን ዴዒያ ሊቢያን ዴዔይሳታ። ኑፔ ባጋቲካ ሮሜፔ ዪዳ አሳታ።

- 11 እይሁዳይት እይሁዳይት አማኖ ጌሊዳ አሳተ። ቃርፃሳኔ አራቤ አሳተ። ያሳይ ኦሊዳ ገታ ኦሱዋ ኑ ቃላን ኦዳተሽን ስያሰን። ያጊደሶና።
- 12 ኡባይ ማላሉተዲ። ጋናባ ቆዩዲ ዋሊኮ። «ላ ሃይሲ እይ ጉሱ?» ያጊደሶና።
- 13 ሺን ሃራተ። «ሃይሳተ ኡዩዲ ማላተደሶና» ያጊዲ ቁልቂሲደሶና።

**ጳጳርሳ ሃሳያ**

14 ሺን ጳጳርሲ። ታማኔ ኢሲ ሃዋሪታራ ዴንዲ ኤቁዲ፣ ባ ቃላ ቆቁ ኦሊዲ፣ ኤንታው ሃይሳዳ ያጊዲ ኦዲሰ። «እይሁዳይት፣ ዩሩሳላሜን ደዴያ ኡባቶ፣ ታኒ ኦዳይሳ ስዒቲ።

15 ዋንታፊ ሄዡ ሳቴ ጊዲያ ገሾ ሂንቴ ቆፔይሳዳ ሃ አሳተ ማላተቦኮና፤ ሄሲ ሂንቴው ኤሬቶ።

16 ሺን ሃይሲ ሃኒዳይ ናቢያ ኢዩዩሊ ኦዲዳይሲ ፖሌታና ሜላሳ።

17 « ቶሳይ፣ ዋዲያ ዉርሱላን ሃይሳዳ ሃናና ያጊሰ።

ታኒ አሳ ኡባ ቦላ ታ ኦሳና ጉሳና።

ሃንቴ እዴ ናይቲኔ ማጫ ናይቲ።

ቲንቢቲ ኦዳና።

ሃንቴ ያላጋቲ ቆንጨኡ ቤዓና፤

ሂንቴ ጨማቲ አሙባ አሙሃና።

18 ሄ ጋላሳታን ታና አማኒያ እዴ እይሌታ ቦላኔ ማጫ እይሌታ ቦላ

ታኒ ታ ኦሳና ጉሳና፤

ኤንቴ ቲንቢቲ ኦዳና።

19 ቃሲ ታኒ ቦላ ሳሉዋን ኦራላባ።

ጋርሳ ሳዓንካ ማላ ቤሳና።

ሱሉ፣ ታሚኔ ዋልቃማ ጫጋኒ ቤንታና።

20 ገታኔ ቦንቾ ጊዲዳ ጎዳ ጋላሳይ

ጋካናፔ ሲንጩ አዋይ ቆማና፤

አገናይካ ሱሉ ዳናና።

21 ሄ ዋይ ሂሳዳ ሃናና፤

ጎዳ ሱንሳ ጃጊያ ኦኒካ አታና። ያጊሰ።

22 «ኢሰራዔሌ አሳው፣ ሃ ቃላ ስዒቲ። ናዚሬቲ ዩሱሳ ኦናቲላይ፣ ያሳይ ሃንቴ ገደን ኦሊዳ ዋልቃማ ኦሱዋኒኔ ማላታታን ሂንቴው ቆንጨይሳ ሂንቴ፣ ሃንቴ ሁዔን ኤሬታ።

23 ያሳ ካሴ ኤራኒኔ ኢያ ሹኒያን ዩሱሳ ሃንቴው አቋ ኢሜቲሰ። ሃንቴ ኢያ ናጋራንቾቲ ማሰቃሊያ ቦላ ካቁዲ ዋሳና ሜላ አሉ አሚዴታ።

24 ሺን ያሳይ ሃይቆ ዋልቃ ዲጊዲ ኢያ ዴንሉሰ። ሄሳ ገሾ፣ ሃይቆይ ኢያ ኦይካናው ዳንዳዒቤና።

25 ዳዊቲይ ኢያባ ኦዲሹ፣

ታኒ ያርኮና ሜላ፣

ጎዳይ ታ ኡሻቻን ዴዒሰ።

ጎዳ ኡባ ዋይ ታ ማታን ቤዓይሰ።

26 ሄሳ ገሾ፣ ታ ዋዛናይ ኡፋይቲሰ፤

ታ ኢንዋርሳን ኡፋይሲ ኩሚሰ፤

ሃይቁያ ታ አሳቲላይ ኡፋይሳን ዳና።

27 አይሰ ገኮ፣ ታ ሹምፑዋ ሲያሌን አጋካ።

ቃሲ ኔ ገሻ ናዓ አሃ ዋቁሳካ።

28 ኔኒ ታና ዴዎ ኦጊያ ኤሪሳዳሳ።

ኔኒ ታራ ዴዒይሳን ታ ኡፋይሳይ ኩሜሉ ገዴሰ። ያጊሰ።

29 «አሳው፣ ኑ አዋ ዳዊቲባ ታ ሃንቴው ገሻዳ ኦዳና። ዳዊቲይ ሃይቁዲ ሞጌቲሰ፤ ኢያ ዲፎይ ሃቾ ጋካናው ኑ ማታን ዴዒሰ።

30 ዳዊቲይ ናቤ ጊዲዳ ገሾ ያሳይ ኢያ ሹሻፔ ኢሱዋ ኢያ ካዋቲላ አራታ ቦላ ኡቲሳናው ኢያው ጫቁዳ ጫቁዋ ኤሪሰ።

31 ሄሳ ገሾ፣ ከሪሰቶሳ ዴንዲዋ ሲንጩ ጃሊዲ፣ ሲያ ሹምፖይ ሲያሌን ኣቲቤና፤ ኢያ አሳቲላይካ ዋቁቤና። ጊዲ ኦዲሰ።

32 «ያሳይ፣ ሃ ዩሱሳ ሃይቁዋፔ ዴንሉዳይሳሰ ኑኒ ኡባይ ማርካ።

33 ሄሳ ጊሾ፣ ያሳይ ባራ ሃራና ማላ ባጥ ኡቻ ባጋራ ኢያ ጶቁ ጶቁ ኦሊዲ፣ ኢያው ኢማና ጌቲቲዳ ጌሻ እያና ኢኪዲ፣ ሃይሳ ሂንቴ ሃራ ቤዔይሳኒ ሰዔይሳኒ ኩ ቦላ ጉሲሰ።

34-35 ጋሶይካ፣ ዳዋቲይ ባ ሁዒን ሳሎ ቤቤናሽን ያገሰ።

ሳዳይ፣ ታ ሳዳ፣ «ታኒ ኔ ሞርኪታ ኔ ቶሆይ ዩዲያሶ ኦላና ጋካናው ሃይሳን ታጥ ኡቻ ባጋን ኡታ» ገሰ።

ያገሰ።  
36 «ሄሳ ጊሾ፣ ሃ ሂንቴ ማሰቃሊያ ቦላ ካቂዳ ዩሱሳ፣ ያሳይ ሳዳኔ ከሪሰቶሳ ኦሊዲይሳ ኢሰራዔል ኣሳ ኡባይ ቱማ ኤር» ያገሰ።

37 ኣሳይ ጳይሮሲ ጊዳይሳ ሰዒዳ ዋይ ባንታ ዋዛናን ቦሽቲዲ ጳይሮሳኔ ሃንቲ ሃዋሪታታ፣ «እሻቶ፣ ያቲን ኮኒ ኣይ ኦሊና?» ያገደሶና።

38 ጳይሮሲ ኤንታቲ፣ «ሂንቴ ናጋራይ ኣቶ ጌቲታና ማላ ናጋራፔ ሰሚዲ፣ ሂንቴ ኢሶይ ኢሶይ ዩሱሰ ከሪሰቶሳ ሰንሳን ፃማቂቲቲ። ያሳይ ኢሚያ ጌሻ እያና ሂንቴ ኤካና።

39 ጋሶይካ ያሳይ ኢማና ጊዳ ኡፋይሳ ቃላይ ሂንቴሰ፣ ሂንቴ ናይታሲኔ ሳዳይ ኩ ያሳይ ባኮ ዌጊያ ሃሆን ዴዒያ ኡባሳ» ያገሰ።

40 ጳይሮሲ ኤንታው ሃራ ቃላካ ጉጂ ማርካቲዲ፣ «ሃ ዋዲያ ጌላ ኣሳ ቦላ ያናው ዴዒያ ፒርዳፊ ሂንቴ ሁዒያ ኣሽቲ» ያገደዲ ዞሪሰ።

41 ጳይሮሲ ኦዲዲይሳ ኤኪዲይሳቲ ፃማቂቲደሶና፣ ሄ ጋላሰ ሄቩ ሙኩሉ ጊዲያ ኣሳይ ኣማኒደሶና።

42 ኤንቴ ሃዋሪታ ቲሚርቲያን፣ ኢሲፊቴላን፣ ኡይላ ሙሳኒኔ ያሳ ዋሳን ሚናሶና።

**ኣማኒያ ኣሳ ኢሲፊቴላ ዳዑዋ**

43 ሃዋሪታ ኩሽን ዳር ኦራሳባይኔ ማላቲ ኦሲቲያ ጊሾ ኣሳ ኡባይ ያዩደሶና።

44 ኣማኒዳ ኡባይ ኢሲፊ ዴዖሶና፣ ባንታው ዴዒያባ ኡባ ኢሲፊ ሻኩቶሶና።

45 ኤንቴ ባንታው ዴዒያባ ባይዚዲ ሚሺያ ኢሱዋሰ ኢሱዋሰ ኮሺዳ ማላ ሻኩሶና።

46 ኡባ ጋላሰ ኢሲ ዋዛናን ጊዲዲ ያሳ ኬላን ሸቆሶና። ባንታ ኬላን ኢሶይ ኢሱዋ ዌጊዲ ኡፋይሳኒኔ ኣሽኬ ዋዛናን ካላ ሞሶና።

47 ያሳ ጋላቲሽ ኣሳ ኡባን ሳቤቲደሶና፣ ሳዳይ ኣቴይሳታ ጋላሰ ጋላሰ ኤንታ ቦላ ጉጂሰ።

### 3

**ዋቤ ኣዳይ ፓሂሰ**

1 ኢሲ ጋላሰ ጳይሮሲኔ ዮሃኒሲ ያሳ ዋሳናው ኡዲፋን ሳቲን ያሳ ኬላ ቢደሶና።

2 ዩሉቶሶፔ ደሚዲ ዋቤ ጊዲዳ ኢሲ ኣዳይ ያሳ ኬላ ጌሊያ ኣሳፔ ሚሽ ዋሳና ማላ ኡባ ዋይ ሎዖ ጊያ ያሳ ኬላ ፔንጊያን ኤሂዲ ዋሶሶና።

3 ሄ ዋቤ ኣዳይ ጳይሮሲኔ ዮሃኒሲ ያሳ ኬላ ጌላና ሃኒሽን ቤዒዲ ኤንታ ሚሽ ዋሲሰ።

4 ኤንቴካ ኢያ ጫዲ ዌሊዲ፣ «ኮኮ ሃ ዌላ» ያገደሶና።

5 ዋቤ ኣዳይ ኤንታፊ ኣይኮ ኤካና ዳኒን ኤንታኮ ዌሊሰ።

6 ሸን ጳይሮሲ ኢያኮ፣ «ታው ሚሽይ ባዋ፣ ሸን ታው ዴዒያባ ታኒ ኔው ኢማና፣ ናዚሬቲ ዩሱሰ ከሪሰቶሳ ሰንሳን ዴንዳዳ ሃሙታ» ያገሰ።

7 ሃሳፊ ጉዩ፣ ዋቤ ኡዲያ ኡቫቻ ኩሽያ ኦይኪዲ ዴንሲሰ። ኤሌሲዲ ኢያ ቶሆይኔ ቂንጫፊሌይ ሚኒ ኣገሰ።

8 ኣዳይ ጉፐዲ ዴንዲ ኢቂሰ። ጌዴኔ ሃ ሃሙሳ ደሚሰ። ሃሳፊ ጉዩ፣ ሃሙቲሽ፣ ጉፐሽኔ ያሳ ጋላቲሽ ኤንታራ ኢሲፊ ያሳ ኬላ ጌሊሰ።

9 ኢ ሃሙቲሽኒኔ ያሳ ጋላቲሽን ኣሳ ኡባይ ኢያ ቤዒደሶና።

10 ቤዒዳ ኡባይ ሚሽ ዋሳናው ሎዖ ጊያ ያሳ ኬላ ፔንጌን ኡቲዳይሲ ኢያ ጊዲዳይሳ ኤሪደሶና፣ ኢ ሃኒዳባ ቤዒዲ ማላላቲደሶና።

**ጳይሮሲ ያሳ ኬላን ሃሳዩዳ ሃሳዩ**

11 ኣዳይ ጳይሮሳፔኔ ዮሃኒሳፔ ዳዊኬ ጊዲ ኦይኪዲ ዴዒሺን ኣሳ ኡባይ ማላላቲዲ፣ ሶሎሞኔ ባራንዳ ጊያሶን ኢሲፊ ኤንታኮ ዋይደሶና።

12 ጳይሮሲ ኣሳ ቤዒዳ ዋይ ኣሳኮ፣ «ኢሰራዔል ኣሳው፣ ኣይሰ ሃይሳን ማላላቲቲ? ዋይኮ ኣይሰ ኮና ጫዲ ዌሊቲ? ኮኒ ኩ ዋልቃን ዋይኮ ኩ ዌሎቲላን ሃ ኣዲያ ሃሙሳዳባ ሂንቴው ዳኒ?

13 ኣብራሃሚ፣ ዩሳቃ፣ ያይቆባ ያሳይ፣ ኩ ኣዋታ ያሳይ፣ ባ ናና ዩሱሳ ቦንቲሰ። ሸን ሂንቴ ሃይቆሰ ኣላ ኢሚዳይሳ ጸላሶሰ ቢላናው ኮዩንካ ሂንቴ ኢያ ሰንሳን፣ ሳኒ ኢያ ኤርኮን ያገደታ።

- 14 ሃንቴ ገሻኔ ያሉዋ፡ ሉኒ ኢያ ኤርኮ። ጊዲ፡ ሾምፖ ዋዲዳይሳ ሃንቴው ቢላና ማላ ጰላላ ጰላ ሆሲዳታ።
- 15 ዳቦዋ ኢሜይሳ ሃንቴ ዋዲዳታ፡ ሺን ያሳይ ሃይቆፔ ኢያ ዳንሊስ። ሄሳሰ ኑኒ ማርካ።
- 16 ሃ ሃንቴ ቤዔይሰኔ ኤሪያ አዳይ ፓዲዲ ሚኒዳይ ዩሱሳ ሱንላን አማኒዳይሳና። ሃ ሃንቴ ኡባ ስንላን ኢያ ሃይሳዳ ፓሊዳይ ኢ ዩሱሳ አማኒዳ ገሾሳ።
- 17 «ሃዲካ ታ ኢሻቶ፡ ሃንቴካ ሃንቴና ካሌሌይሳታዳ፡ ኤርና ኦሊዳይሳ ታኒ ኤሪይሰ።
- 18 ሺን ያሳይ ቤኒ ናቤታ ኡባ ደና፡ ስኒሪሰቶሲ ዋዬ ኤካናው ቤሱስ። ያጊዳይሲ ሃይሳዳ ፖሊታና ማላ ኦሊስ።
- 19 ሃዛ፡ ያሳይ ሃንቴ ናጋራ አቶ ጋና ማላ ጎዳኮ ሰሚቴ።
- 20 ጎዳ ማታፔ ሚንሌላ ዋዳይ ሃንቴው ያና። ያሳይ ከሪሰቶሳ ጊዳና ማላ ስንላቲዲ ደሪዳ ዩሱሳ ሃንቴው ዩዳና።
- 21 ያሳይ ባ ገሻ ናቤታ ደናን ቤኒ ኦዲዳይሳ ማላ ኡባባይ ኦሪዲያ ዋዳይ ጋካናው ዩሱሲ ሳሎን ጋምዳናው ቤሱስ።
- 22 ሙሴይ፡ ሳዳ ያሳይ ታና ዳንሊዳይሳ ማላ ሃንቴ ጊደፊ ሃንቴው ናቤ ዳንላና። ሃንቴ ኢ ጊዳሳ ኡባ ሰዲቴ።
- 23 ሃ ናቤይ ኦዲይሳ ሲያና አሲ ኦኒካ አሳ ጊደፊ ሻኬቲዲ ቆየ። ያጊሰ።
- 24 «ቃሲ ሳሙዒላፔ ደሚዲ ዳዒያ ናቤቲ ኡባይ ሃ ዋዲያባ ኦዲዳሳና።
- 25 ሃንቴ ናቤታ ናይታ፤ ቃሲ ያሳይ አብራሃሜስ፡ ሳዓን ዳዒያ አሳ ኡባ ታኒ ኔ ሸሻ ባጋራ አንጃና) ያጊዲ ኑ አዋታሰ ጌሊዳ ቃላ ሳቲያ ናይታ።
- 26 ያሳይ ሃንቴና ኡባ ሃንቴ ኢታ ኦጊያፔ ዛሪዲ አንጃና ማላ ባ ናዓ ዳንሊዲ ሃንቴው ኮይር ዩዲስ» ያጊሰ።

### 4

#### ጳደርሲኔ ዮሃንሲ አይሁዳ ሻንጎ ስንላን

- 1 ጳደርሲኔ ዮሃንሲ አሳሰ ኡዲሺን ካሂኔ ሃላቃቲ፡ ያሳ ከሌ ናጌይሳታ ሃላቃይኔ ሳዳቃዌቲ ኤንታኮ ዩዳሳና።
- 2 ኤንቴ ዩሱሲ ሃይቆፔ ዳንደይሳኔ ኢያ ጋሶን ሃይቆፔ ዳንደይ ዳዒይሳ አሳ ታማርሲዳ ገሾ ዩሎቲዳሳና።
- 3 ሄሳ ገሾ፡ ኤንታ ኦይኪዲ ሳዓይ ኦማርሲዳ ገሾ ዋንታና ጋካናው ቃሾ ከሌ ጌሊሲዳሳና።
- 4 ሺን ቃላ ሲዳይሳታፔ ዳርቲ አማኒዳሳና። አማኒዳ አዳ አሳ ታይቦይ ኢቻሹ ሙኩሉኮ ቢስ።
- 5 ዋንቴላ ጋላስ ዳሪያ ሃሪይሳቲ፡ ጨማቲኔ፡ ሂጌ አሰታማሪቲ ዩሩሳላሜን ሸቁዳሳና።
- 6 ሄ አሳ ጊደን ካሂኔ ሃላቃይ ሃኒ፡ ቃያፊ፡ ዮሃንሲ፡ ኢሰከንዲሬይኔ ካሂኔ ሃላቃ ሶ አሳቲ ኡባይ ዳይሶና።
- 7 ሃዋሪታ ባንታ ስንላን ኤሲዲ፡ «አይቢ ዋልቃን ዋይኮ ኦዲ ስንላን ሃይሳ ሃንቴ ኦሊዳቲ?» ያጊዲ ኦይቺዳሳና።
- 8 ሄ ዋዴ ጳደርሲኔ ገሻ አያናን ኩሚዲ፡ «ዳሪያ ሃሪይሳቶ፡ ጨማቶ፡
- 9 ሃቺ ሃ ዋቤ አዲያሰ ኦሲቲዳ ሎፖ ኦሱዋሰኔ ኢ ዋኒዲ ፓይዳኮ ሃንቴ ኦና ኦይቺኮ፡
- 10 ማሰቃሊያ ቦላ ሃንቴ ካቁን፡ ያሳይ ሃይቆፔ ዳንሊዳ ናዢሪቲ ዩሱሳ ከሪሰቶሳ ስንላን ሃ አዳይ ፓይዲ ሃንቴ ስንላን ኤቁዳይሲ ሃንቴውኔ ኢሰሪዔሌ አሳ ኡባሰ ኤሪቶ።
- 11 ሳምቤይሳቲ ቦሪዳ ኢዲዳ ሹቻይ፡  
  - ጎዳ ያጸዋ ሚንሊያ፡
  - ኡባፊ አዲያ ሹቹ ጊዲሲ፤
- ሂ ሹቻይ ዩሱሳ።
- 12 ሄሳ ገሾ፡ አቶቴሌ ኢያ ባጋሪቲ አቲን ሃራ ኦዲ ባጋሪካ ባዋ። ኑኒ ኢያ ስንላን አታና ማላ አሳ ኡባሰ ያሳይ ሳሎፔ ጋርሳን ኢሚዳ ሃራ ሱንሊ ባዋ» ያጊሰ።
- 13 ሸቁዳ አሳይ ጳደርሲኔ ዮሃንሲ ሚኒዳ ሚኖቴላ ቤዒዳ ዋዴ ኤንቴ ታማሪቦና ጮ አሲ ጊዲዳይሳ አከኪዲ ማላሊቲዳሳና፤ ኤንቴ ዩሱሳራ ዳዒይሳ ኤሪዳሳና።
- 14 ቃሲ ፓይዳ አዳይ ጳደርሳራኔ ዮሃንሳራ ኤቁዳይሳ አሳይ ቤዒዲ ጊያባ ቆይዳሳና።
- 15 ሺን ጳደርሳኔ ዮሃንሳ ካሪ ከያና ማላ ኦሊዲ ባንታ ጊደን፡
- 16 «ሃ አሳታ ኑ አይ ኦሊና? ኤንታ ኩሺን ኦሲቲዳ ገታ ማላታይ ዩሩሳላሜን ዳዒያ ኡባሰ ቤንቴስ። ኑኒ ሄሳ ኤርኮ ጋናው ዳንዳይኮ።

- 17 ሺን ሃ ኦዳይ አሳ ገደን ላሌቶና ማላ ሂዛፔ ጉዬ ሃ አሳቲ ዬሱሳ ሱንላን ኦደሰካ ኦደና ማላ ማንሱዲ ናጊሳና» ያጊዲ ዘሪቲደሶና።
- 18 ኤንታ ዪጊዲ፣ ዬሱሳ ሱንላን ሂዛፔ ኦደና ማላ ዋይኮ ታማርሶና ማላ ከቲደሶና።
- 19 ሺን ጳይርሲኔ ዮሃንሲ ኤንታኮ ዛራዲ፣ «ዳሳስ ከቲታናይሳፌኔ ሂንቲው ከቲታናይሳፌ ያሳ ሲንላን አዉሲ ሎዎኮ እኔ ሂንቲ ፐርዲቴ።
- 20 ኑኒ በዒዳባኔ ሰዒዳባ ኦደና አጋናው ዳንዳዎክ» ያጊደሶና።
- 21 ቢታ ጨማቲኔ ዳሪያ ሃሪይሳቲ ካሴፔ ሚንሱ ናጊሲዲ ኤንታ ዬዲ አጊደሶና። አሳይ ሃኒዳባስ ያሳ ጋላቲያ ጊሾ ኤንታ ሱራናው ዳንዳባኮና።
- 22 ሄ ማላታን ሃርጊያፌ ፓሌዳ አዲያስ ላይሳይ ኦይታማፔ አፏስ።

**አማኒያ አሳ ዋሳ**

- 23 ጳይርሲኔ ዮሃንሲ በርሼቲዲ ባንታ ዳቦታኮ ቢዲ፣ ካሂኔ ሃላቃቲኔ ጨማቲ ባንታኮ ጊዳባ ኡባ ኤንታው ኦዲደሶና።
- 24 ኤንቲ ሄሳ ሰዒዳ ዋዴ አሲ ዋዛናን ጊዲዲ ያሳ ሃይሳዳ ያጊዲ ዋሲደሶና። «ኡባ ሃሪያ ጎዳው፣ ሳሉዋ፣ ሳባ፣ አባኔ ኤንታ ገደን ዳዒያ ኡባባ ማጲዳይሶ።
- 25 ኑኒ ኔ አይሊያ፣ ኦ አዋ ዳዊቲ ደናን ጌሻ አያናን።
- ፎሬይ አይሰ ዩሎቲደና?  
አሳይ አይሰ ጮ ማቄቲደና?
- 26 ሳባ ካዎቲኔ  
ዳሪያ ሃሪይሳቲ አሲፌ ጎዳ ቦላኔ  
ከሪሰቶሳ ቦላ ዳንዲደሶና ያጋደሳ።
- 27 «ቱማካ፣ ሄርዲሲኔ ጳይጻ ጳላዎሲ አይሁዴ ጊደና አሳሪኔ አሲራዔሌ አሳራ ኔ ደሪዳ ኔ ጌሻ ናባ ዬሱሳ ቦላ ዳንደናው ሃ ካታማን ሸቄደሶና።
- 28 ቃሲ ኑኒ ኔ ዋልቃኒኔ ኔ ሺኒያን ኦሳና ጋዳ ቆፓ ኡቲዳባ ኡባ ፖሊደሶና።
- 29 ሃዒካ ጎዳው፣ ኤንታ ማንዴላ በዒጎ ኑኒ ኔ አይሌቲ ኔ ቃላ ኩማላ ዋዛናን ኦደና ማላ ኦና ዳንዳባሳ።
- 30 ኔ ጌሻ ናባ ዬሱሳ ሱንላን ሃርጋንቸታ ፓላናው፣ ኦራላባይኔ ማላታቲ ኦሲታና ማላ ኔ ኩሺያ ማጫ» ጊዲ ዋሲደሶና።
- 31 ኤንቲ ያሳ ዋሲዳፔ ጉዬ ሄ ኤንቲ ሸቄደሶይ ቃይሰ። ኤንታ ኡባን ጌሻ አያኒ ኩሚን ያሳ ቃላ ማኖቲላን ኦዲደሶና።

**ኮይር አማኒዳ አሳ አሲፌቴላ**

- 32 አማኒይሳቲ ኡባይ ቆፋኒኔ ዋዛናን አሲያ ጊዲደሶና። ኤንቲ ባንታው ዳዒያባ ታባ ጎናሺን አሲፌ ሻኬቶሶና።
- 33 ሃዋርቲ ጎዳ ዬሱሲ ሃይቆፔ ዳንዲዳይሳ ጊታ ዋልቃን ማርካቶሶና። ያሳይ ኤንታ ኡባስ አቶ ኬሃቴላ ዳርሲዲ አሚስ።
- 34 በቲ ዋይኮ ከሌ ዳዒይሳቲ ኡባይ ባይዚ ኤኪዳ ሚሺያ ኤሂያ ጊሾ አማኒይሳታ ጊደን ማቶታንቸይ አሲይካ ባዋ።
- 35 ሚሺያ ኤሂዲ ሃዋሪታስ አዋሶና፤ ሄ ሚሺያ አሲዋስ አሲዋስ ኮሺይሳዳ ሻኪ ሻኪ አሚስ።
- 36 ቆጲርሳ ጊያ ቤሳን ዩሉቲዳ ዮሴፋ ጊያ ሌዌ ሺሻፔ ጊዲዳ አሲይ ዳዒሰ። ኤያ ሱንላ ሃዋሪቲ ባርናባሳ (ማንሌሶ ናባ) ጊደሶና።
- 37 ባርናባሳ ባው ዳዒያ ቢታ ባይዚዲ ሚሺያ ኤሂዲ ሃዋሪታስ አሚስ።

**5**

**ሃናኒያኔ ኢያ ማቸው ሳጲር**

- 1 አሲ ሃናኒያ ጊያ አዳይ ባ ማቸ ሳጲሪራ ጋዴ ባይዚስ።
- 2 ሃ ባይዚዳ ሚሺያፔ ባ ማቸዬ ኤሪሺን ባጋ አሺዲ፣ አቲዳይሳ ኤሂዲ ሃዋሪታስ አሚስ።
- 3 ሺን ጳይርሲ ሃናኒያኮ፣ «ኑኒ ጌሻ አያና ጨማና ማላኔ ጋዲያ ባይዚዳ ሚሺያፔ ሻካዳ አሻና ማላ ያላሂይ ኔ ዋዛናን አይሰ ጌሊዳ?
- 4 ኑኒ ባይዛናፔ ካሴ ጋዴይ ኔባ ጊዴኔዬ? ቃሲ ኑኒ ባይዛ ሲሚንካ ሚሺይ ኔባ ጊዴኔዬ? ያቲን፣ ሄሳ ማላባ አላናው አይሰ ኔ ዋዛናን ቆፓዲ? ኑኒ ያሳ ቦላ ዋርደታዳሳቲ አቲን አሳ ቦላ ዋርደታባካ» ያጊሰ።
- 5 ሃናኒይ ሄ ቃላ ሰዒዳ ማላ ኩንዲዲ ሃይቄስ፤ ሄሳ ሰዒዳ ኡባይ ዳር ያዩሰ።

- 6 ናዓቱላ አሳተ ስ ጌሊዲ እያ አሃ ያዊዲ ኤፊዲ ሞጊደሶና።
- 7 ሃቹ ሳቱፔ ጉዬ ሃናኒያ ማቼያ ሄሳ ኤሮና ዴዓሼ ጳዊርሲ ዴዓሴሱዋ ጌላሱ።
- 8 ጳዊርሲ እኮ። «ሂንቴ ጋዲያ ሃይሳ ሜላ ሚሺሲ ባይዚዲቴ? እኔ ታው ኦዳ» ያገሰ።
- እያካ። «እኔ፣ ሃይሳ ሜላ ሚሺሲ ባይዚዲ» ያገሱ።
- 9 ጳዊርሲ ማጫሲው። «ኔሬኔ ኔ አዘናራ ጎዳ እያና ፓጫናው አይሰ ዘሬቴዳቴ? ሄኮ፣ ኔ አዘና ሞጊዳ አሳተ ካሬን ዴዖሶና፤ ኔናካ ኤንቴ ካሬ ኬሳና» ያገሰ።
- 10 ማጫሲያ እራካ ጳዊርሳ ቶሁዋ ማጋን ኩንዳዳ ሃይቃ አገሱ፤ ናዓቱላቴ ጌሊያ ዋዴ ሃይቁዳር ዴሚዲ ካሬ ኬሲዲ። እኔ አዘና ማጋን ሞጊደሶና።
- 11 ኩሚላ ዋሳ ኬሳይኔ ሄሳ ሲዲዳ ሃራ አሳ ኡባይ ዳር ያዩደሶና።

**ኦራሳባታኔ ማላሊሲያባታ**

- 12 ሃዋሪቱ ዳር ማላታታኔ ኦራሳባታ አሳ ጊደን ኦሶሶና። አማኒያ ኡባይ ሶሎሞኔ ባራንዳን አሲፊ ሸቆሶና።
- 13 ሃራ አሳፔ ኤንታራ ጋሃታናው አሲ አሲካ ሚኒቤና፣ ሸን አሳይ ኤንታ ቦንቼሰ።
- 14 አማኒያ አዴታኔ ማጫሳታ ታይቦይ ካሲይሳፊ ዳሪሼ ቤሰ።
- 15 ሃሳ ጊሹ፣ አሳይ ሃርጋንቸታ ሃላኒኔ አልጋን ቶኪዲ ጳዊርሲ አዲያ ዋዴ እያ ኩያይ ኤንታፊ አሲታ አሲታ ቦላ ሸምጋና ሚላ ኦጌ ደናን ኬሲዲ ዋሶሶና።
- 16 ቃሲ ዳር አሳይ ዩራሳላሚ ማጋን ዴዓያ ካታማታፔ ሃርጋንቸታኔ ቱና እያኒ ዋይሲያ አሳታ ኤኪዲ ዮሶና፤ ኡባይካ ፓዊደሶና።

**ሃዋሪታ ቦላ ጎዲ ዴንዲሰ**

- 17 ካሂኔ ሃላቃይኔ እያራ ዴዓያ ሳዲቃዌቲ ኡባይ ቃናቴን ኩሚዲ ሃዋሪታ ቦላ ዴንዲደሶና።
- 18 ሃዋሪታ ኦይኪዲ ዴሪያ ቃሾ ኬላን ዩጊደሶና።
- 19 ሸን ጎዳ ከጋንቸይ ቃማ ቃሾ ኬላ ፔንጊያ ደዩዲ ሃዋሪታ ካሬ ኬሲዲ።
- 20 «ቢዲ፣ ያሳ ኬላን ኤቁዲ ሃ ኦራሳ ዴዖ ቃላ አሳ ኡባሰ ኦዲቴ» ያገሰ።
- 21 ሃዋሪቱ ሄሳ ሲዲዳ ዋዴ ዋንታ ጉራ ያሳ ኬላ ጌሊዲ ፓላርሶ ዴሚደሶና። ካሂኔታ ሃላቃይኔ እያራ ዴዓይሳቴ ዩዲ፣ አሲራዔሌ ጨማታ ኡባ ያጊ ሸሺዲ ሃዋሪታ ባንታ ሲንሌ ኤሃና ሚላ ዋታዳሬታ ቃሾ ኬላ ከቲደሶና።
- 22 ሸን ዋታዳሬቲ ቃሾ ኬላ ቢዲ ሃዋሪታ ዴሚቦኮና። ጉዬ ሰሚ ዩዲ ዴሪያሰ።
- 23 «ኦኒ ቢያ ዋዴ ቃሾ ኬላ ፔንጊይ ሚንሌ ጎርዴቴን፣ ናጌይሳቴ ፔንጊይ ኤቁዳይሳታ ዴሚዲ። ሸን ኦኒ ካሪያ ዴያ ዋዴ ጊደን ሃራ አቶሸን አሲ አሲካ ባዋ» ያገደሶና።
- 24 ሃሳ ጊሹ፣ ያሳ ኬላ ዋታዳሬታ ከቲይሲኔ ካሂኔ ሃላቃቴ ሄሳ ሲዲዳ ዋዴ «ሃዋሪታ ቦላ አይቢ ሃኒዴ?» ያገዲ ሂርጊደሶና።
- 25 ሄ ዋዴ አሲ አዳይ ኤንታኮ ዩዲ፣ «ሄኮ፣ ቃሾ ኬላ ሂንቴ ጌልሲዳ አሳቴ ያሳ ኬላን ኤቁዲ አሳ ታማርሶሶና» ያገዲ ኤንታው ኦዲሰ።
- 26 ያሳ ኬላ ዋታዳሬታ ከቲይሲ ባ ዋታዳሬታራ ቢዲ ሃዋሪታ ኤሂሰ። ሸን ኤንቴ ባንታና አሳይ ሹቻን ጫዳና ጊዲ ያዩዲ ጊሾ ኤንታ አዳሺዲ ኤሂደሶና።
- 27 ኤንቴ ሃዋሪታ ኤሂዲ፣ ሸቁዳ ሻንጉዋ ሲንላን ኤሲን ካሂኔ ሃላቃይ ኤንታኮ።
- 28 «ሂንቴና ኦኒ ሄ ኡራ ሱንላን ታማርሶሶና ሚላ ሚንሌዲ ከቲቦኮ? ሄኮ፣ ሂንቴ ቲሚርቲያ ዩራሳላሚ ካታማ ኡባ ጋሊዴጋ። ሄ ኡራ ሸምፔዋሰ ኦና ኦይሳናው ቆፔቴ?» ያገዲ ኦይቼሰ።
- 29 ጳዊርሳሬኔ ሃንኮ ሃዋሪታራ ኤንታው ዛሪሹ። «ኦኒ አሳሰ ከቲታናፔ ያሳሰ ከቲታናው ቤሴሰ።
- 30 ማሰቃሊያ ቦላ ሂንቴ ካቁዲ ዋቋዳ ዩሱሳ ኦ አዋታ ያሳይ ሃይቆፔ ዴንላሰ።
- 31 አሲራዔሌቲ ናጋሬቲ ሰማና ሚላኔ ኤንታ ናጋሬቲ አቶ ጌቲታና ሚላ ያሳይ ዩሱሳ ሃራይሳኔ አሺይሳ ኦሊዲ ቦንቸን ባፔ ኡቫቻ ባጋን ኡቲሲሰ።
- 32 ሄሳሰ ኦኒ ማርካ፤ ቃሲ ያሳይ ባና አማኔይሳታሰ አሚዳ ጌሻ አያናይካ ማርካ» ያገደሶና።
- 33 ሸቁዳ አሳይ ሄሳ ሲዲዳ ዋዴ ዳር ዩሎቲዲ፣ ሃዋሪታ ዋሳናው ቆፒደሶና።
- 34 ሸን አሳ ኡባን ዳር ቦንቼቲዳ፣ ሂኔ አሲታማሬይ፣ ጋሚሊያሌ ጊያ አሲ ፋሪሳዌይ ዴንዲ ኤቁዲ ሃዋሪታ ጉላ ዋዴሰ ካሬ ኬሳና ሚላ ከቲሰ።
- 35 ሄሳፊ ጉዬ፣ ሸቁዳ አሳኮ፣ «አሲራዔሌ አሳው፣ ሃ አሳታ ቦላ ሂንቴ ኦላናው ቆፒያባፔ ናጌቲቴ።
- 36 አይሰ ገኮ፣ ሃይሳፊ ካሲ ቲዋዳሲ ባና፣ ታኒ ጊታ» ጊዲ ዴንዲን፣ ኦይዲ ጻቱ ጊዲያ አሳተ እያራ አሲፊደሶና። ሸን እያ ዋቋን እያ ካሊዳ ኡባይ ላሊቲን ፓላና አሲ ጊዲዲ አቲደሶና።
- 37 ሃሳፊ ጉዬ፣ አሳይ ታይቤቲያ ዋዴ ጋሊላ ዩሁዲ ዴንዲዲ ዳር አሳ ፓንጋዩዲ ካሌላሰ። ሸን እያካ ዋቋን እያ ካሊዳ አሳ ኡባይ ላሊቲሰ።

- 38 ሃዲካ ታ ሂንቲው ኦዲይሰ፤ ሃ ኣሳታፔ ሻኬተቲ፤ ኤንታ ቦቾፊቲ። ኣይሰ ገኮ። ሃ ቆፋኔ ሃ ኦሱዋ ኣሲ ኦሲያባ ገዲኮ ጳያና።
- 39 ሸን ሃ ቆፋይኔ ሃ ኦሶይ ያሳፊ ዪዳባ ገዲኮ። ሂንቲ ኤንታ ጳይሳናው ዳንዳዔኬታ። ጌላዳ ያኒሽ ሂንቲ ያሳራ ካጨታናና» ያገዲ ኦዲሰ። ሄሳ ገሾ። ሸቄዳ ኣሳይ ጋማሊያሌ ዘሪያ ኤኪደሶና።
- 40 ሃዋሪታ ሶ ያገዲ ሊሶን ጋራፊሲሰ። ሄሳፊ ጉዬ። ኤንታኮ። «ዬሱሳ ሱንሳ ናምዓንፉ ዳንፉፊቲ» ገዲ ቢርሺ ዬዲደሶና።
- 41 ዬሱሳ ሱንሳ ገሾ ኤንቲ ካሚናይሲ ቤሲያባ ገዲይሳ ኤሪዳ ገሾ ሻንጉዋ ሲንሳፊ ኡፋይቲሽ ከዪደሶና።
- 42 ኤንቲ ኡባ ዋዴ ያሳ ከፋኒኔ ኣሳ ሶን ዬሱሲ ኢ ኪሪሰቶሳ ገዲይሳ ታማርሶኔ ሳባኮ ኣገቦኮና።

### 6

#### ላፑን ኣሳታ ዶሪቴላ

- 1 ሄ ዋዴ ካሊይሳታ ታይቦይ ዳሪ ዳሪ ቢሸን። ገሪኬ ዶና ኦዴቲያ ኣይሁዳቲ ዪሁዳን ዬሊቲዲ ዲዲያ ኣይሁዳታ ቦላ ዙዙሚደሶና። ኣይሰ ገኮ። ገሪኬ ዶና ኦዴቲያ ኣይሁዳቲ። «ጋላሰ ጋላሰ ኢሚቲያ ካሳን ኦ ኣምዒቲ ናቄቶሶና» ያገዲደሶና።
- 2 ታማኔ ናምዑ ሃዋሪቲ ዋሳ ከፋ ኣሳ ኡባ ያገዲ። «ኦኒ ያሳ ቃላ ኦዲይሳ ኣገዲ ካላ ገሻናው ኦሰ ቤሲና።
- 3 ሂዛ። ኢሻቶ። ሎዎ ኣሳታ። ገሻ ኣያናኒኔ ጨንጫቴላን ኩሚዳ ላፑን ኣሳታ ሂንቲ ገደፊ ዶሪቴ፤ ኦኒ ኤንታ ሃ ኦሱዋሰ ሹማና።
- 4 ሸን ኦኒ። ኦ ኩሚሳ ዋዲያ ያሳ ዋሳኒኔ ቃላ ታማርሶን ፔሻና» ያገዲደሶና።
- 5 ሃዋሪቲ ኦዲዳ ኦዲይ ኣሳ ኡባ ኡፋይሲሰ። ሄሳ ገሾ። ኣማናይኔ ገሻ ኣያኒ ኩሚዳ ኢሰዲፋናሴ። ፊልጶሳ። ጲርኮርሳ። ኒቃርኔ። ዪዋና። ጳርሜናኔ ኣይሁዳ ኣማና ጌሊ ሲሚዳ ኣንዮኪያ ኒቆላዋሳ ዶሪደሶና።
- 6 ኤንታ ሃዋሪታ ሲንሳን ኤሲን። ሃዋሪቲ ኤንታ ቦላ ኩሽ ዋላዲ ያሳ ዋሰደሶና።
- 7 ያሳ ቃላይ ዳልገ ዳልገ ቢሰ። ዬሩሳላሜን ዲዲያ ኣማኔይሳታ ታይቦይ ዳሪ ዳሪ ቢሰ፤ ዳር ካሂኔቲካ ኣማኒደሶና።

#### ኢሰዲፋናሴይ ኦይኬቲሰ

- 8 ኢሰዲፋናሴይ ኣጶ ከሃቴላኒኔ ዋልቃን ኩሚዳ ኣሳ ገደን ኦራሳባታኔ ማላታታ ኦሌሰ።
- 9 ኣይሊቴላፊ ከዪዳ ኣይሁዳ ዋሳ ከፋ ኣሳይ ቁሪናፔኔ ኢሰከንዲሪያፔ ከልቂያፊኔ ኢሲያፔ ዪዳ ኢሲ ኢሲ ኣሳቲ ዳንዲዲ ኢሰዲፋናሴራ ፓላሚደሶና።
- 10 ሸን ኢሰዲፋናሴይ ኣያና ዋልቃን ኦዴቲያ ጨንጫቴላ ኤንቲ ኤቂታናው ዳንዲዲቦኮና።
- 11 ሄ ዋዴ ኤንቲ። «ሙሴኔ ያሳ ኢ ጫዪሸን ሲዲዳ» ገያ ዋርደ ኣሳታ ሻሚደሶና።
- 12 ሄሳዳ ኦሌዲ ቢታ ጨማታኔ ሂኔ ኣስታማሬታ ኢያ ቦላ ዳንፉደሶና። ኢሰዲፋናሴይ ኦይኪዳ ሻንጉዋ ሲንሳ ኤፊደሶና።
- 13 ኢያ ቦላ ፓይዲዳ ዋርደ ማርካቲ። «ሃ ኡራይ ሃ ያሳ ከፋኒ ሙሴ ሂገያ ዛሪ ዛሪ ጫዬሰ።
- 14 ኢ። «ሃይሲ ናዚሬቴ ዬሱሰ። ሃ ያሳ ከፋ ሳላና፤ ቃሲ ሙሴይ ኦሰ ኢሚዳ ሂገያ ላማና» ያገሸን ኦኒ ሲዲዳ» ያገዲደሶና።
- 15 ሻንገ ሸቆን ኡቲዳ ኣሳ ኡባይ ኢሰዲፋናሴይ ሎይሊዲ ዪሊያ ዋዴ ኢያ ሶምዖይ ኪታንቾ ሶምዖ ዳኔሰ።

### 7

#### ኢሰዲፋናሴ ሃሳያ

- 1 ካሂኔታ ሃላቃይ ኢሰዲፋናሴኮ። «ሃይሲ ቱሜ?» ያገዲ ኦይቺሰ።
- 2 ኢሰዲፋናሴይ። «ታ ኢሻቶ። ታ ኣዋቶ። ሲዲቴ! ኦ ኣዋ ኣብራሃሜይ ካራኔን ዳናው ባናፔ ሲንሳ ማሴጶምሚያን ዲዲሸን። ቦንቾ ያሳይ ኢያው ቆንጨዲ።
- 3 ኦኒ ቢታፊኔ ኔ ዳቦታፔ ሻኪታዳ ታኒ ኔና ቤሲያ ቢታ ባ» ያገሰ።
- 4 ሄ ዋዴ ኣብራሃሜይ ካልዳቂታ ቢታፊ ከዪዲ ካራኔን ዳናው ቢሰ። ኢያ ኣዋይ ሃይቂዳፔ ጉዬ ያሳይ ኢያ ሃ ቢታ ሃራ ሂንቲ ዲዲያ ቤሳ ኤሂሰ።
- 5 ኢ ሃ ቢታፊ ሃሪ ኣቶሸን ቶሆይ ዬዲያ ቤሲካ ኣብራሃሜሰ ኢሚቤና። ሸን ናዲ ኢያው ባይና ዋዴ ያሳይ ሃ ቢታ ኢያውኔ ኢያ ሸሻሰ ላታ ኦሌዲ ኢማናይሳ ቃላ ጌሊሰ።



6 ያሳይ አብራሃሙኮ፣ ሩኔ ሸሻይ ሃራ ቢታን አማላቴላን ዳና፤ ያን ኦይዱ ያቴ ላይሌ ኤንቲ አይሌቴላን ሃራታና።

7 ሺን ታኒ ኔ ሸሻ ሃሪያ ዳሪያ ቦላ ፐርዳና። ሄሳፌ ጉዬ፣ ኤንቲ ሄ ቢታፌ ከዩዱ ሃይሳን ታው ጎይናና ያገሰ።

8 ያሳይ አብራሃሙ ሸሻይ ቃዖጋታና ሜላ ኢያራ ጫቁን፣ ዩሳቁ ዩሌተዳ ሆሰፕንጎ ጋላሳን ቃዖሪ። ዩሳቁ ያይቆባ ቃዖሪ፤ ቃሲ ያይቆቢ ታማኔ ናምቡ ባ ናይታ፣ ኑ አዋታ ማይዛታ ቃዖሪ።

9 «ያይቆባ ናይቲ ዮሴፋ ቃናተዱ ገብጻ ቢታን አይሌቴላሳ ባይዚድሶና፣ ሺን ያሳይ ኢያራ ዴሳ።

10 ኢያ፣ ኢያ ዋዬ ኡባፌ ከሲሰ። ገብጻ ካወዋ ሲንሳን ሳባኔ ጨንጫቴላ ኢያው አሚሰ። ገብጻ ካዋይ ዮሴፋሰ ገብጻ ቢታኔ ባ ከላ ኡባ አይሳናዳ ሃሳቃቴላ አሚሰ።

11 «ገብጻ ቢታኒኔ ካናኔ ቢታ ኡባን ኮሺ ጌሊዱ ዳር አሳ ኤንዴሲሰ። ሄ ዋዬ ኑ ማይዛቲ ካላ ዴማናው ዳንዳቢኮና።

12 ያይቆቢ ገብጻ ቢታን ካላ ዴዴይሳ ሲዳዱ ኑ አዋታ ኮይር ያ ዩዱሰ።

13 ናምባንሉ ቡሳን ዮሴፌ ባ አሻታሰ ባናቴላ ኤሪሲሰ። ገብጻ ካዋይካ ዮሴፋ ሸሻ ኤሪሰ።

14 ዮሴፌ ባ አዋ ያይቆባኔ ባ ዳቦ ኡባ፣ ላፑን ታማኔ ኢቻሹ አሳ ባኮ ያና ሜላ ከቲዱ ኤሂሲሰ።

15 ያይቆቢ ገብጻ ቢታ ዋዲሰ፤ እኔ ኢያ ናይቲ ያን ሃይቁድሶና።

16 ኤንታ አሃይ ሄ ቤሳፌ ሴኬሜ ቢታ ቶኬቴዱ ቢዱ፣ ያን አብራሃሜይ ሃዋሪ ናይታፕ ዳር ቢሪን ሻሚዳ ዴፎን ዋገቲሰ።

17 «ሺን ያሳይ አብራሃሙስ አማና ገዳይሳ ፖሊያ ዋዴይ ጋካናው ማቲዳ ዋዴ ገብጻ ቢታን ዴዳያ ኑ አሳይ ዳሪ ዳሪ ቢሰ።

18 ሄሳፌ ጉዬ፣ ዮሴፋ ኤርና ሃራ ካዋይ ገብጻ ቢታን ካዋቲሰ።

19 ሄ ካዋይ ኑ ዜሬላ ገኒዱ ጉላ ናይቲ ሃይቃና ሜላ ኤንታ ካሪ ከሲ ዩጋና ሜላ ኑ አዋታ ኤንዴሲሰ።

20 «ሄ ዋዴ ሙሴይ ዩሌተሰ፤ ኢ ያሳ ሲንሳን ዳር ሎዖ ናጋ። ባ አዋ ከላን ሄሹ አገና ጋካናው ዲጨሰ።

21 ሙሴይ ዋራ ሆሊቲዳ ዋዴ ገብጻ ካወዋ ናዲያ ዴማ ኤካዳ ባ ናና ኦላዳ ኢያ ዲቻሰ።

22 ሙሴይ ገብጻታ ጨንጫቴላ ኡባ ታማሪዱ ኦዳኒኔ ኦሰን ሚና አሲ ገዲሰ።

23 «ሙሴስ ሳይሳይ ኦይታማ ኩሚዳ ዋዴ ባ አሻታ፣ ኢሰራዴሊታ ቤዓናው ባ ዋዛናን ቆፒሰ።

24 ኢሰራዴሊታፕፕ ኢሱዋ ገብጻ ኢሶይ ቆሂሺን ቤዓዱ ሄ ኢሰራዴሊ ኡራ ማዳዱ፣ ሄ ቆሂዳ ገብጻ ኡራ ዋዲዱ ኩሹ ዛሪሰ።

25 ሙሴይ ባ አሻታ ባ ባጋራ ያሳይ አሻናው ሃኔይሳ ኤንቲ አከካና ገዱ ቆፒሰ፤ ሺን ኤንቲ አከኪቦኮና።

26 «ዋንቴላ ጋላሰ ናምቡ ኢሰራዴሊ አሳቲ ኢሶይ ኢሱዋራ ዋዴቲሺን ዴሚዱ ኤንታ ሲገላናው ኮዩዱ፣ ሳሳቶ፣ ሃንቴ አሻንታ፤ አይሰ ኢሶይ ኢሱዋ ቆሂቲ?» ያገሰ።

27 «ሺን ባ ላገያ ቆሂይሲ ሙሴኮ፣ ሩና ኑ ቦላ ሃሪይሳኔ ዳይና ኦላዳይ ኦኔ?»

28 ኒኒ ዘኔ ገብጻ ኡራ ዋዲዳይሳዳ ታና ዋዳናው ኮያይ?» ያገዱ ሙሴ ሱገ ዩዱሰ።

29 ሙሴይ ሄሳ ሲዳዳ ዋዴ ገብጻፌ ቤቲዱ ሚዲያሚ ቢታን ቤቲ አሲ ገዲዱ ዴዳሹ ናምቡ አዳ ናይታ ዩሌሰ።

30 «ጎዳ ከታንቸይ ኦይታሙ ላይሳፌ ጉዬ ሰና ዳሪያ ማታን ዴዲያ ባዘ ቱሺያ ገደን ኤጂያ ታማ ላጮ ገደን ሙሴስ ቤንቲሰ።

31 ሙሴይ ባ ቤዒዳይሳን ማላሌቲዱ፣ ሎይላ ቤዓናው ቱሺያ ማቲ ሸቁዳ ዴዳሺን፣ ጎዳ ቃላይ፣

32 ታኒ ኔ አዋታ፣ አብራሃሜ ያሳ፣ ዩሳቃ ያሳ፣ ያይቆባ ያሳ፣ ያገሺ ሙሴኮ ዩሰ። ሙሴይ ያሻን ኮኮሪዱ ጃላናው ዳንዳቢኮና።

33 «ጎዳይ ሙሴኮ፣ ሩኒ ኤቁዳ ቢታኔ ገሺ ገዲያ ገሾ ኔ ቶሁዋን ዴዲያ ጫማ ከሳ።

34 ታኒ ገብጻን ዴዲያ ታ አሳ ኤንዴቴላ ቤዓሰ። ኤንታ ዋሱዋ ሲዳዳ ኤንታ አሻናው ዋዳሰ። ሃዲ ሃያ! ታኒ ኔና ገብጻ ከታና ያገሰ።

7:6 ሜ. 15:13-14 7:7 ከሳ 3:12 7:8 ሜ. 17:10-14፤ 21:2-4፤ 25፤ 26፤ 29:31-35 7:9 ሜ. 37:11፤ 28፤ 39:2፤ 21 7:10 ሜ. 41:39-41 7:11 ሜ. 42:1-2 7:13 ሜ. 45:1፤ 16 7:14 ሜ. 45:9-10፤ 17-18፤ 46:27 7:15 ሜ. 46:1-7፤ 49:33 7:16 ሜ. 23:3-16፤ 33:19፤ 50:7-13፤ ኢያ 24:32 7:17 ከሳ 1:7-8 7:19 ከሳ 1:10-11፤ 22 7:20 ከሳ 2:2 7:21 ከሳ 2:3-10 7:23 ከሳ 2:11-15 7:29 ከሳ 18:3-4 7:30 ከሳ 3:1-10

35 «ኢስራዔሌቲ ሙሴ፣ ሳና ኑና ሃራይሳኔ ዳይና ኦሊዳይ ኦኔ?» ያጊዲ እዲዳይሳ ቱሺያ ጊደን ኢያው ቤንቲዳ ኪታንቸዋ ባጋሪ ሃራይሳኔ አሺይሳ ኦሊዳይ ያሳይ ከተሰ።

36 ሙሴይ ኢስራዔሌታ ጊብጻፊ ከሲዲ ማላሊሲያባታኔ ኦራሳባታ ጊብጻ ቤታኒኔ ዞዎ አባን ኦሊዳይ ኤንታ ኦይታው ላይሳ ባዞ ቢታን ካሊሉሰ።

37 «ኢስራዔሌ አሳኮ፣ ሳሳይ ታና ዳንላዳይሳዳ ሂንቴ ሺሻ ጊደፊ ታ ሜላ ናቤ ሂንቴው ዳንሳና ያጊዳይ ሄ ሙሴ።

38 ባዞ ቢታን ሸቄዳ ኢስራዔሌ አሳራ ዳዒዳይሰ፣ ኑ አዋታራኔ ሲና ዳሪያ ቦላ ኢያው ኦዲዳ ኪታንቸዋራ ዳዒዳ ሙሴይ ኢያ።። ያቲዳ፣ ያሳ ዳዎ ቃላ ኑስ አማናው ኤኪስ።

39 «ሺን ኑ ማይዛቲ ሙሴስ ኪቲታናው ደሲቦኮና፤ ኢያ እዲዳ ጉዬ ጊብጻ ሲማናው አዋቲደሶና።

40 ቃሲ አርናኮ፣ ሳና ካሊሉያ ያሳታ ኑስ ኦላ። አይስ ጊኮ፣ ሃይሲ ኑና ጊብጻፊ ኤሂዳ ሙሴይ፣ ዋኒዳኮ ኑኒ ኤርኮ» ያጊደሶና።

41 ሄ ዋይ ማሪ ዳኒሲዲ ኤቃ ኦሊደሶና። ሄ ኤቃሰ ያርሾ ያርሺዲ ባንታ ኩሺን ኦሊዳ ኦሎቀን ኡፋይቲደሶና።

42 ሺን ያሳይ ኤንታው ዞኮ ዛሪስ። ኤንቴ ሳሎ ያለንቶታ ጎይናና ሜላ ኤንታ ዬጊ አገሰ። ናቤታ ማፃፃን፣

ሳኢስራዔሌ አሳው፣ ኦይታው ላይሳ ኩሜላ

ባዞ ቢታን ሸኪዳ ሜሂያኔ  
ያርሺዲ ያርሹዋ ታው ያርሺዳቲ?

43 ሂንቴ፣ ሂንቴው ጎይናናው ከሲዳ ኤቃኔ ሞሎኬ ዳንካኒያ  
ሬፋና ጊያ ሂንቴ ያሳ ያለንቶ ሚሲሊያ ቶኪዳታ።

ታኒ ሂንቴና ባቢሎኔ፤  
ሂኒ ባጋ ዬዳና ጌቲቲዲ ፃፊቲስ።

44 «ኑ አዋታስ ባዞ ቢታን ማርካ ዳንካኔይ ዳዕስ። ኢያካ ያሳይ ሙሴ ከቲዳይሳዳኔ ኢያ ቤሲደይሳዳ ኦሊሰ።

45 ቃሲ ኑ አዋቲ ሄ ዳንካኒያ ባንታ አዋታቲ ኤኪዲ ያሳይ ካሲ ዬዳላዳ አይሁዳ ጊደና አሳ ቢታ ኦይኪዳ ዋይ ኢያሱራ ያ ኤኪዲ ጌሊደሶና። ሄ ዳንካኔይ ዳዊቲ ዋይ ኃካናጫካ ሄ ቤሳን ዳዒሰ።

46 ዳዊቲይ ያሳን ሳቤቲስ። ቃሲ ያይቆባ ጎዳይ ዳዳና ከላ ከፃናው ያሳ ዋሲስ።

47 ሺን ኢያው ከላ ከፂዳይ ሶሎሞኔ።

48 «ሃናሺን፣ ኡባፊ ቦላ ያሳይ አሲ ከፂዳ ከላን ዳና። ናቤይ ጊዳይሳ ሜላ፣

49 ሳሎይ ታ አራታ፣

ሳዓይካ ታ ቶሆይ ዬጂያሶ።

ያቲን፣ ታው ሂንቴ አይ ሜላ ከላ ከፃኔ?

ዋይኮ ታኒ ሸምፒያሶይ አጫ?

50 ሃ ኡባ ታ ኩሺያን ኦሳቢከና?» ያጊስ ጎዳይ።

51 «ሂንቴ ዋኒዳ ሲዶና አስ? ሂንቴ ዋዛናይ ያሳ ቃላ ኤካናው አይስ እዲዳ? ሂንቴ ሃይላይ አይስ ቱሊዳ? ሂንቴ፣ ሂንቴ አዋታላ ኡባ ዋይ ጌሻ አያናራ ኤቁቲታ።

52 ናቤታ ጊደፊ ሂንቴ አዋቲ ጎደናይ ኦኔ? ያሳ ናዳይ፣ ሂሎይ ያናይሳ ካሲቲዲ ኦዲዳይሳታ ዋጂደሶና። ሃዒ ሂንቴ ኢያ አላ አሚዲ ዋጂዳታ።

53 ሂንቴ ኪታንቸዋ ኩሺፔ ያሳ ሂጊያ ኤኪዳታ፣ ሺን ኪቲቲቤከታ» ያጊስ።

ኢስፂፋናሴይ ሹቻን ጫዳቲስ

54 ኤንቲ ሄሳ ሲዳዳ ዋይ ባንታ ዋዛናን ኢስፂፋናሴ ቦላ ዳር ዪሎቲዲ፣ ባንታ ሜቲርሻ ሳዲ ማንዲደሶና።

55 ሺን ኢስፂፋናሴይ ጌሻ አያናን ኩሚዲ፣ ሳሎ ፑዬ ጌሊዲ፣ ያሳ ቦንቸዋኔ ዬሱሳ ያሳ ኡሻቻ ባጋን ኤቁዳይሳ ቤዒሰ።

56 «ሂኮ፣ ታኒ ሳሎይ ደይቲን፣ አሳ ናዳይ፣ ያሳ ኡሻቻ ባጋን ኤቁዳይሳ ቤዒዳሰ» ያጊስ።

57 ቃላ ቶቁ ኦሊዳ ዋሲሹ፣ ባንታ ሃይላ ኦይኪዲ ኢሲፊ ኢያኮ ዋይደሶና

58 ኢያ ካታማፔ ጋፃ ከሲዲ፣ ሹቻን ጫዳደሶና። ማርካቲ ባንታ ማዑዋ ኢሲ ሳዶላ ጊያ ናዳቲሳ ማታን ዋሊደሶና።

59 ኢስፂፋናሴይ፣ «ታ ጎዳ ዬሱሳ፣ ታ ሸምፑዋ ኤካ» ያጊዲ ያጊሺን ኤንቴ ኢያ ሹቻን ጫዳደሶና።

7:35 ከሳ 2:14 7:36 ከሳ 7:51 14:21፤ ታይ 14:33 7:37 ዛሬ 18:15፤ 18 7:38 ከሳ 19:1-20:17፤  
ዛሬ 5:1-33 7:40 ከሳ 32:1 7:41 ከሳ 32:2-6 7:42 አዋ 5:25-27 7:44 ከሳ 25:9፤ 40 7:45  
ኢያ 3:14-17 7:46 2ሳው 7:1-16፤ 1ታሪ 17:1-14 7:47 1ካዎ 6:1-38፤ 2ታሪ 3:1-17 7:49 ኢሳ 66:1-2  
7:51 ኢሳ 63:10

60 ጉልባተዲ፥ ባ ቃላ ጾቁ ኦሊዲ፥ «ታ ጎዳው፥ ሃ ናጋራ ኤንታው ኣቶ ጋ» ያገለገለ። ሄሳ ያገዲ ሲሚዳ ሜላ ሃይቂ ኣገለገለ።

# 8

## ሳዖሊ ኣማኒያ ኣሳ ጎዲስ

1 ሳዖሊ ኢስጻፋኖሴ ሃይቁዋን ኡፋይተሰ። ሄ ጋላስ ዩሩሳላሚን ዴዒያ ዋሳ ኬላን ገታ ጎዲ ዴንዲሰ። ሃዋሪቲ ኣተን ኣማኒይሳተ ኡባይ ዪሁዳ ቢታኒኔ ሳማሪ ቢታን ላሊቲደሶና።

2 ኢሲ ኢሲ ያሳ ኣሳተ ኢስጻፋኖሴ ሞገደሶና፤ ቃሲ ኢያው ዳር ዩኪደሶና።

3 ሺን ሳዖሊ ዋሳ ኬላ ጳይሳናው ኮዩሰ። ሶ ሶ ዩዪ ጌሊዲ፥ ኣማኒያ ኣዴታኔ ማጫሳታ ጎቺ ጎቺ ኬሲዲ ቃሾ ኬሊ ጌልሴሰ።

## ዋንጌላይ ሳማሪን ሳባኬተስ

4 ላሊቲደዳ ኣማኒይሳተ ቢዳ ቤሳ ኡባን ቃላ ኦዲደሶና።

5 ፊልጶስ ሳማሪ ካታማ ቢዲ ከሪስቶሳባ ኣሳስ ኦዲሰ።

6 ዳር ኣሳይ ፊልጶስ ገዳይሳ ሲዒዳ ዋዴኔ ኢ ኦሊያ ማላታታ ቤዒዳ ዋዴ ኢያ ኣከኪዲ ሲዒደሶና።

7 ቱና ኣያናተ ዋሲዲ ዳር ኣሳፔ ኬዩደሶና፤ ቃሲ ዳር ጉንዳተኔ ዋቤተ ቢሊቲደሶና።

8 ሄ ካታማን ዴዒያ ኣሳይ ዳር ኡፋይቲደሶና።

9 ሺን ሲሞና ገያ ኢሲ ኡራይ ሄ ካታማን ዴዒሰ። ኢ፥ «ባና ገታ» ገዲ ሳማሪ ኣሳ ማርቴላን ማላሊሲሺ ጋምላሰ።

10 ጉሳፌ ገታ ጋካናው ዴዒያ ኣሳ ኡባይ፥ «ገታ ያሳ ዋልቃይ ሃይሳ» ገዲ ኢያባ ሲዖሶና።

11 ዳር ዋዴፔ ደሚዲ ማርቴሺ ሳማሪ ኣሳ ማላሊሲዳ ገሾ ኣሳይ ኢያባ ሲዖሶና።

12 ሺን ፊልጶስ ያሳ ካዋቴላባኔ ዩሱስ ከሪስቶሳ ሱንላባ ኣዴታሲኔ ማጫታስ ኦዲን፥ ኤንቲ ኢያባ ኣማኒዲ ማጫቲደሶና።

13 ቃሲ ሲሞኒካ ባ ሁዒን ኣማኒዲ ማጫቲሰ። ፊልጶስ ኢሲፌ ቢዳ ቤሳ ኡባን ኦሴቲያ ገታ ማላታታ ቤዒዲ ማላሊቲሰ።

14 ዩሩሳላሚን ዴዒያ ሃዋሪቲ ሳማሪ ኣሳይ ያሳ ቃላ ኤኪዳይሳ ሲዒዳ ዋዴ ጳይሮሳኔ ዮሃንስ ኤንታኮ ዩዲደሶና።

15 ጳይሮሳኔ ዮሃንሲ ቢዲ፥ ኣማኒይሳተ ጌሻ ኣያና ኤካና ሜላ ኤንታው ያሳ ዋሲደሶና።

16 ኣይሰ ገኩ፥ ሳማሪ ኣሳተ ጎዳ ዩሱሳ ሱንላ ማላላን ማጫቲደሶና፤ ኣተን ኤንታፌ ኢሱዋ ቦላካ ጌሻ ኣያኒ ዋዲቤና።

17 ሄ ዋዴ ጳይሮሳኔ ዮሃንሲ ባንታ ኩሺያ ኤንታ ቦላ ዋላን፥ ኤንቲ ጌሻ ኣያና ኤኪደሶና።

18 ሃዋሪቲ ባንታ ኩሺያ ኤንታ ቦላ ዋላን፥ ኤንታው ጌሻ ኣያናይ ኢሜቲዳይሳ ሲሞኒ ቤዒዳ ዋዴ ጳይሮሳኔ ዮሃንሲ ማርቴሪዳ፤ ኣሳተ ኣሳተ።

19 «ታኒካ ታ ኩሺያ ዋላያ ኡባይ ጌሻ ኣያና ኤካና ሜላ ሃ ማታ ታወካ ኢሜርኬቲ» ያገለገለ።

20 ሺን ጳይሮሳኔ ኢያኮ፥ «ኔኒ ያሳ ኣሞታ ማሺን ሻማናው ቆፒዳ ገሾ ኔ ሚሼይ ኔራ ጳዮ።

21 ኔ ዋዛናይ ያሳ ሲንላን ሱሬ ገደና ገሾ ኔው ሃይሳን ገሾይ ዋይኮ ቃዲ ባዋ።

22 ሃዛ፥ ሃ ኔ ዋዛና ኢታቴላ ገሾ ናጋራፔ ሲማ። ኔ ዋዛናን ዴዒያ ኢታ ቆፋ ያሳይ ኣቶ ጋና ሜላ ያሳ ዋሳ።

23 ጋሶይካ፥ ኔኒ ኢታ ቃናቲኒኔ ናጋራ ቃሾዋን ዴዒይሳ ታኒ ቤዒይሰ» ያገለገለ።

24 ሲሞኒ ዛሪዲ፥ «ሃንቲ ገዳይሳፌ ኢሶይካ ታና ጋኮና ሜላ ታው ያሳ ዋሲቲ» ያገለገለ።

25 ጳይሮሳኔ ዮሃንሲ ማርካቲዳፔ፤ ጎዳ ቃላ ኦዲዳፔ ጉዩ ዩሩሳላሚ ሲሚደሶና። ሳማሪን ዴዒያ ዳር ጉታታን ዋንጌላ ኦዲደሶና።

## ፊልጶስ ቶጲያ ሞሪና ማጫቲስ

26 ጎዳ ከታንቶይ ፊልጶሳ፥ «ዴንዳዳ ዩሩሳላሚፔ ጋዛ ኤፊያ ባዘ ቢታ ኦጊያኮ ባ። ሄ ኦጊይ ዲገሃ ባጋራ ዴዒሰ» ያገለገለ።

27 ፊልጶስ ዴንዲዲ ቤሰ። ሃንዴኬ ገያ ቶጲያ ካዌስ ኢ ሚሼ ኡባ ናገያ ቶጲያ ኣሲ ዴዒሰ። ኢካ ጎይናናው ዩሩሳላሚ ቤሰ።

28 ፓራ ጋሪያን ኡቲዲ፥ ዩሩሳላሚፔ ባ ቢታ ሲሚሼ ናቢያ ኢሳያሳ ማጻፋ ናባቤሰ።

29 ጌሻ ኣያናይ ፊልጶሳ፥ «ሄ ጋሪያኮ ባዳ ኢያ ማቲ ሺቃ» ያገለገለ።

30 ያቲን ፊልጶስ ዋዲ ቢዲ ጋኪያ ዋዴ ሞሪናይ ናቢያ ኢሳያሳ ማጻፋፔ ናባቤሺን ሲዒዲ፥ «ኔ ናባቤያሲ ኔው ጌሊ?» ያገለገለ።

- 31 ሞሪናይ፡ «ታው ኦዲ ጌልሲያ እሲ ባይና ሞኒዲ ጌላኔ?» ያገለገሉ። ባራ ጋሪያን ከዩዲ ኡታና ሜላ ፊልጶስ ዋሲስ።
- 32 ሞሪናይ ናባቢያ ማፃፋ ኪፊሌይ፡ «ኢ ዶርሳዳ ሹኪታናው ላገቲስ፤ ዶርሳ ማሪ ባ እኪሲያ ሜዳይሳታ ሲንግን ሲዲ ጌይሳዳ፤ ኢካ ባ ዶና ዶዩቤና።
- 33 ኢ ካወዱስ፤ ኢያው ያሎ ፐርዲ ዳይስ። ኢያ ዳይይ ሃ ሳባፕ ቃንፃቲዳ ገሾ ኢያ ሹሻባ ኦኔ ኦዳናይ?» ያገለገሉ።
- 34 ሞሪናይ ዛሪዲ ፊልጶስ፡ «ናቤይ ኦዳባ ኦዲ? ባባ ኦዲዬ ዋይኮ ሃራ አሳባ ኦዲ? ታው ኦዳርኪ» ያገለገሉ።
- 35 ፊልጶስ ዛሪዲ፡ ያሳ ቃላ ሂ ቤሳፊ ዶሚዲ፤ ዩሱሳባ ኦዲያ ዋንጌላ ኢያው ኦዲስ።
- 36 ኤንቲ ቢሼ ሃሌ ዳዲያሶ ጋኪዶሶና። ሞሪናይ፡ «ሃሌ ሃይሳ ቤዓ፤ ታ ማግቆቶና ሜላ አይቢ ዲጊ?» ያገለገሉ።
- 37 ፊልጶስ ኢያኮ፡ «ኔኔ ኔ ኩሜሳ ዋዛናፕ አማኒኮ ዳንዳባ» ያገለገሉ።
- ኢ ዛሪዲ፡ «ዩሱስ ከሪሰቶሲ ያሳ ናባ ጌይዲሳ ታኒ አማናይስ» ያገለገሉ።
- 38 ጋሪይ ኡቃና ሜላ ሞሪናይ ከቲን፤ ናሞዳይ ዋዲዲ ሃሳን ጌሊዶሶና፤ ፊልጶስ ኢያ ማግቆስ።
- 39 ኤንቲ ሃላፊ ጋፃ ከዩዳ ዋይ ጎዳ አያናይ ፊልጶስ ቆገና ኤኪስ። ናሞግሎ ሞሪናይ ፊልጶስ ቤዒቤና፡ ሺን ባ ኦጊያ ኡፋይቲሹ ቤስ።
- 40 ፊልጶስ አዛዳናን ባና ዳሚስ። ቃሲ ቁሳሪያ ያና ጋካናው ካታማታን ዩዩዲ ዋንጌላ ማርካቲስ።

### 9

#### ሳዖሊ ከሪሰቶሳ አማኒስ (ሃ.ኦ 22:6-16፤ 26:12-18)

- 1 ሃ ዋይ ሳዖሊ ጎዳ ካሌይሳታ ዋቆናው ማንዲዲ ካሄኔ ሃላቃኮ ቤስ።
- 2 ጎዳ ኦጊያ ካሌያ አይታኔ ማጫታ ዳሚኮ፤ ቃቺሹ ዩራሳላሜ ኤሃናው፤ ዳማስቆን ዳዲያ አይሁዳ ዋሳ ኬላታስ ዳብዳቤይ ያፊታና ሜላ ኢያ ዋሲስ።
- 3 ኢ ቢዲ፡ ዳማስቆ ካታማ ጋካናው ማቲሺን፤ ቆገና ሳሎፕ ዋልቃማ ፖይይ ኢያ ዩሹዋን ፖዒስ።
- 4 ኢ ሳሳን ኩንዲዳሺን፤ «ሳዖላ፤ ሳዖላ፤ አይስ ታና ጎዳይ?» ጊያ ቃላ ሲዒስ።
- 5 ሳዖሊ፡ «ጎዳው፤ ኔኔ ኦኔ?» ያገሊዲ ኦይቺስ። «ታኒ፤ ኔኔ ጎዲያ ዩሱሳ» ያገለገሉ።
- 6 ሺን ሳዖሊ ኮኮሪሹኔ ማላሊቲሹ፤ «ጎዳው፤ ታኒ አይ ኦላና ሜላ ኮያይ?» ያገለገሉ። ጎዳይ ኢያኮ፡ «ዳንዳዳ ካታማ ጌላ፤ ኔኔ ኦላናው ቤሲያባይ ያን ኔው ኦዳታና» ያገለገሉ።
- 7 ሳዖላራ ኦጊያ ቢያ አሳቲ አይኮካ ኦዲቶና ኤቂ አቲዶሶና። ቃላ ሲዶሶና፡ ሺን ኦናካ ቤዒቤና።
- 8 ሳዖሊ ኩንዲዳ ቤሳፊ ዳንዲዲ ያሊያ ዋይ ኢያ አይፊይ ዳሞና አይስ። ሃሳ ገሾ፤ ኤንቲ ኢያ ኩሺያ ኦይኪዲ ካሌላዲ ዳማስቆ ጌልሲዶሶና።
- 9 ሃሹ ጋላስ ጋካናው ኢ ያላናው ዳንዳዒቤና፤ አይኮካ ሚቤና፤ ኡዩቤና።
- 10 ዳማስቆን ኢሲ ሃናኒያ ጊያ ዩሱሳ ታማራይ ዳዒስ። ጎዳይ ቆንጩዳን፤ «ሃናኒያ» ያገሊዲ ያገለገሉ።
- ሃናኒይ ዛሪዲ፡ «ታ ጎዳው፤ ሃይሳን ዳዒይስ» ያገለገሉ።
- 11 ጎዳይ ኢያኮ፡ «ዳንዳዳ ሱራ ጌቲቲያ ኦጊያ ባዳ፤ ዩሁዳ ሶን ሳዖላ ጊያ ቲርሴሴፕ ዩዳ ኡራ ኮያ፤ ሳዖሊ ዋሲስ።
- 12 ቃሲ ሃናኒይ ጌሊዲ፡ ሳዖሊ ናሞግሎ ያላና ሜላ ባ ኩሺያ ኢያ ቦላ ዋላሺን ቆንጩዳን ቤዒስ» ያገለገሉ።
- 13 ሃናኒይ ዛሪዲ፡ «ጎዳው፤ ዩራሳላሜን ኔ ጌሻ አሳ ቦላ ሂ ኡራይ አይ ሜላ ኢታባ ኦላዳኮ ታኒ ዳር አሳፕ ሲዒስ።
- 14 ቃሲ ዳማስቆን ኔ ሱንጎ ያጌይሳታ ኡባ ቃቻናው፤ ካሄኔ ሃላቃቲ ኢያው ማታ ኢሚዶሶና» ያገለገሉ።
- 15 ሺን ጎዳይ ኢያኮ፡ «ሳዖሊ አይሁዳ ጊዶና አሳ ሲንግን፤ ካዎታ ሲንግን ኢሲራዔሌ አሳ ሲንግን፤ ታ ሱንጎ ኤሪሳናውኔ ታው ኦላናው ዶራቲዳ ሚሹ ጊዲያ ገሾ ኔኔ ኢያኮ ባ።
- 16 አይስ ገኮ፡ ታ ሱንጎ ገሾ ኢ አይ ሜላ ዋይ ኤካናው ቤሲያኮ ታኒ ኢያ ቤሳና» ያገለገሉ።
- 17 ሃናኒይ ቢዲ፡ ሶ ጌሊዲ፡ ባ ኩሺያ ሳዖላ ቦላ ዋላዲ፡ «ታ አሻ ሳዖላ፤ ኔኔ ያ ኦጊያን ኔው ቤንቲዳ ጎዳ ዩሱሳ፤ ኔኔ ያላና ሜላኔ ጌሻ አያናን ኩማና ሜላ ታና ከቲስ» ያገለገሉ።

18 ኤሌሲዲ፣ ሳዖላ አይፊንጥ ኢሲ ፖቆ ማላባይ ዋዲን፣ ሳዖላ ናምዓንጎ ያለሰ። ቃሲ ዳንዲዲ ግማቁቴሰ።

19 ካሌ ሚዲ ግሊዲ፣ ዳማሰቆን ዳዊያ አማኔይሳታራ ጉጻ ጋላሰ ጋምዲስ።

**ሳዖላ ዳማሰቆን ታማርሲስ**

20 ኤሌሲዲ ሳዖላ፣ «ዩሱሲ ያሳ ናዓ» ያገደዲ ዳማሰቆን ዳዊያ አይሁዴ ዋሳ ከጻታን ቃላ ታማርሲስ።

21 ሄሳ ሲዳዲ ኡባይ ማላላቴዲ፣ «ሃይሲ ዩሩሳላሚን ዩሱሳ ሱንጻ ያገይሳታ ቃቹይሳ ገዴኔዬ? ቃሲ ሃ ዩዲዲ እንታ ቃቹዲ፣ ካሂኔ ሃላቃታ ሲንጻ ኤፋናሳ ገዴኔ?» ያገደሶና።

22 ሺን ሳዖላ ቃላ ኦዶን ሚኒ ሚኒ ቢስ። ዩሱሲ፣ ኢ ከሪሰቶሳ ገዴይሳ ቆንጨሲዲ ኦዲዳ ገሾ ዳማሰቆን ዳዊያ አይሁዴቴ ኢያው ዛሪያባ ቆዩደሶና።

23 ዳሮ ጋላሳ፣ ጉዬ አይሁዴቴ ሸቁዲ፣ ሳዖላ ዋዳናው ዛሪቴደሶና።

24 ሺን አይሁዴቴ ባና ዋዳናው ቆፒዳይሳ ሳዖላ ሲዳሰ። እንገቴ ኢያ ዋዳናው ቃሜኔ ጋላሰ ካታማ ፔንገያን ናሳሶና።

25 ሺን ኢያ ታማሬቴ ኢያ ቃማ ኤፊዲ፣ ገምቤ ዲርሳ ማሰኩቴያራ ዳቸራ ዋዲሲደሶና።

**ሳዖላ ዩሩሳላሚን ታማርሲስ**

26 ሳዖላ ዩሩሳላሚ ጋኪዳ ዋዴ አማኔይሳታራ ጋሂታናው ኮዩስ። ሺን ኢ ከሪሰቶሳ አማኒዳይሲ እንታው ቱማ ዳናና ኢዲን ኢያው ያዩደሶና።

27 ሺን ባርናሳስ ሳዖላ ሃዋርያታ ኤፊስ። ኦፕን ጎዳይ ዋኒዲ ቆንጨዳኮኔ ሃሳዩሲደኮ፣ ቃሲ ሳዖላ ዳማሰቆን ዩሱሳ ሱንጻን ያዮና ዋቴዲ ቃላ ኦዲዲ ኢንታው ጌሽዲ ኦዲስ።

28 ሳዖላ ዩሩሳላሚን ዩዩዲ ጎዳ ሱንጻን ያዮና ቃላ ኦዲሼ፣ ሃዋርያታ ኢሲፊ ዳዲስ።

29 ቃሲ ሳዖላ ገሪኬ ቃላ ሃሳያ አይሁዴታራ ኦዴቴሼ ጋላሜስ። ሺን እንገቴ ኢያ ዋዳናው ኮዩደሶና።

30 አማኒያ አሳቴ ሄሳ ሲዳዲ፣ ሳዖላ ቁሳሪያ ኤፊዲ ቱርሲስ ዩዲደሶና።

31 ዩሁዳን፣ ጋለላኒኔ ሳማራ ኡባን ዳዊያ ዋሳ ከጻታ ሳርቴጻን ዳዲደሶና። ቃሲ ሚኒደሶና፤ ጎዳስ ያዩሼ ጌሻ እያና ሚንጻሉዋን ዳሪ ዳሪ ቢደሶና።

**ጳዊሮሲ ሊዳኒኔ ዮጶን ታማርሲስ**

32 ጳዊሮሲ ቢታ ኡባ ዩዩሼ ሊዳን ዳዊያ አማኒያ አሳታኮ ጋኪስ።

33 ያን ሆሰፑን ላይሌ ኩሜሌ ጉንዲዲ አርሳን ዚንዲዲ ዳዊያ ኤኒያ ገያ አዲያ ዳሚስ።

34 ጳዊሮሲ፣ «ኤኒያ፣ ዩሱሲ ከሪሰቶሲ ኔና ፓላና፤ ዳንዳዳ ኔ ሂያ ዳንጻ» ያገሰ። እኒ ኤሌሲዲ ዳንዲ ኤቁስ።

35 ሊዳኒኔ ሳርናን ዳዊያ አሳ ኡባይ ኤኒያ ቤዲዲ፣ ጎዳኮ ሲሚደሶና።

36 ዮጶ ካታማን ኢሲ ግቢቶ ገያ አማኒያራ ዳዳጧሱ። (ግቢቶ ጉሳይ ገንዓ ጉሱ) ኢያ ባ ዳዲዳ ዋዴ ኡባን ሎዖባ ኦሳሼኔ ማንቆታ ማዳሼ ዳዳሱ።

37 ሄ ዋዴ ኢያ ሃርጋዳ ሃይቁን፣ አሳይ ኢ አሃ ማጨዲ፣ ፖቁያ ቦላ ከሲዲ ዚንዲሲደሶና።

38 ሊዲ ዮጶስ ማታ። አማኔይሳቴ ጳዊሮሲ ሊዳን ዳዊያ ሲዳዲ፣ «ሃያና ኩኮ ኤሌሳዳ ያ» ያገያ ከታ ናምዑ አሳታ ቦላ ኢያኮ ከቲደሶና።

39 ሄሳ ገሾ፣ ጳዊሮሲ ዳንዳዲ፣ እንታራ ቢስ። ያ ጋኪን፣ ፖቁያ ቦላ ዳዊያ ከፊሊያ ኢያ ገልሲደሶና። አምዴቴ ጳዊሮሳ ዩሹዋን ኤቁዲ ዩኪሼ ደርቃ እንታራ ፓዖ ዳዳሼ ኦሌዳ ቃሚሴታኔ አፊላታ ኡባ ጳዊሮሳ ቢሲደሶና።

40 ጳዊሮሲ እንታ ኡባ ካሪ ከሲዲ፣ ጉልባቴዲ ያሳ ዋሲስ። ቃሲ አሃኮ ሲሚዲ፣ «ግቢቴ፣ ዳንዳ» ያገሰ። ግቢታ ባ አይፊያ ደያዳ ጳዊሮሳ ቤዳዲ፣ ዳንዳ ኡታሱ።

41 ጳዊሮሲ ኢዮ ባ ከሽያን ማዲዲ ዳንጻ ኤሲስ። ሄሳፊ ጉዬ፣ አማኔይሳታኔ አምዴታ ዪገዲ፣ ዳንዳዳር እንታ ሲንጻ ሺሺስ።

42 ሃ ኦዲዴ ዮጶ ካታማ ኡባ ጋኪስ። ዳር አሳይ ጎዳ አማኒደሶና።

43 ጳዊሮሲ ዮጶን ሲሞና ገያ ጋልባ ሃሼይሳ ሰን ዳር ጋላሰ ጋምዲስ።

**10**

**ጳዊሮሳኔ ቆርኔሊዮሳ**

1 ቁሳሪያን፣ «ግሌ ኦላ አሳታ» ጌቴቴያ ኦላንቸታ ገደን ኢሲ ቆርኔሊዮሳ ጌቴቴያ ማቶ ሃላቃይ ዳዲስ።

2 ቆርኔሊዮሲ ባ ሶ አሳራ ያሳ ሚንጻ አማኒያ አሲኔ ያሳ ጎይኒያ አሲ። አይሁዴ ማንቆታካ ዳር ማዳሰ፣ ቃሲ ያሳ ኡባ ዋዴ ዋሲስ።

3 ኢሲ ጋላስ ኡዲፋን ሳቴ ሄራን ያሳ ኪታንቾይ ኢያኮ ዩዲ፣ «ቆርኔሊዮሳ» ጊዲ ዪሊሽን ኢ ቆንጩላን ጌሺዲ ቢዲሰ።

4 ቆርኔሊዮሲ ዳጋሚዲ ኪታንቾዋ ቲሽ ኦሊ ዪሊዲ፣ «ጎዳው፣ ኢ ኣይቤ?» ያገሰ። ኪታንቾይ ዛርዲ፣ «ኔ ዋሳይኔ ማንቆታ ኔ ማዴይሲ ያሳ ሲንላን ሃሳዬተሰ።

5 ሃላ ዮጼ ኣሴ ኪታዳ፣ ጳዊርሳ ጊያ ሲሞና ኤሂሳ።

6 ጳዊርሲ ኣባ ዶናን ጋልባ ሃሺያ ሲሞና ሶን ኢማላቴሌ ሲራተሰ» ያገሰ።

7 ቆርኔሊዮሲ ባው ኦዲዳ ኪታንቾይ ቤን፣ ባ ኣይሌታፔ ናሞሳታኔ ያሳ ጎይኒያ ባ ማታ ዋታዳሬታፔ ኢሱዋ ዪሊዲ።

8 ኢንታው ኡባባ ኦዲዳ ዮጼ ከተሰ።

9 ዋንቴላ ጋላስ ኤንቴ ቢዲ፣ ዮጼ ካታማ ማተሺን ኡሱፑን ሳቴ ሄራን ያሳ ዋሳናው ጳዊርሲ ፖቄ ቦላ ከይሰ።

10 ኢ ኮሻቲዲ ካሌ ማናው ኮዩሰ፣ ሸን ካሌ ካዪሽን ኢ ቆንጩሌ ቤዲሰ።

11 ሳሎይ ዶዩተን፣ ጊታ ኣፊላ ዲኒያባይ ኦይዲ ባጋራ ኦይኪቲዲ ዋጂሽን ኢ ቤዲሰ።

12 ኢያን ኦይዲ ቶሆራ ዴዲያ ሜሄቲ፣ ዋራ ዶባቲ፣ ኡሎራ ጎሾቲያ ሜጴቴላቲኔ ሳሎ ካፎቲ ኡባይ ዴዲሰ።

13 ሄ ዋዴ «ጳዊርሳ፣ ዴንዳ ኤቃዳ ሹካዳ ማ» ጊያ ቃሊ ኢያኮ ዩሰ።

14 ሸን ጳዊርሲ፣ «ጎዳው፣ ኣካይ! ታ ቱናባ ኡባራካ ማ ኡሪኪ» ያገሰ።

15 ቃሲ፣ «የሳይ ጌሺዳይሳ ኔኒ ቱና ጎፓ» ጊያ ቃሊ ናሞሳንሎ ኢያኮ ዩሰ።

16 ሄሲካ፣ ሄሹ ቶሆ ሃኒዳፔ ጉዬ ሄ ጊታ ኣፊላ ዳይይሲ ኤሊሲዲ ፑዴ ሳሎ ኤኪቲሰ።

17 ጳዊርሲ ባ ቤዲዳ ቆንጩላ ቢርሼላይ፣ «ኣይ ጊዳንዴሻ?» ጊዲ ባ ዋዛናን ቆፐሽን፣ ቆርኔሊዮሲ ከቲዳ ኣሳቲ ሲሞና ሶ ኦይቺ ዴሚዲ ካራን ኤቁዶሶና።

18 ባንታ ቃላ ጶቁ ኦሊዲ፣ «ጳዊርሳ ጊያ ሲሞኒ ኢማላቴላን ዴዲይ ሃይሳኔ?» ያገዲ ኦይቺዶሶና።

19 ጳዊርሲ ቆንጩላን ቤዲዳባ ቆፋ ቦላ ዴዲሽን፣ ጌሻ ኣያኒ ኢያኮ፣ «ሄኮ፣ ሄሹ ኣሳቲ ኔና ኮዮሶና።

20 ዴንዳዳ ዋጵ፣ ታኒ ኤንታ ከቲዳ ጊሾ ሲቶዳ ኤንታራ ባ» ያገሰ።

21 ጳዊርሲ ኣሳታኮ ዋጂዲ፣ «ሂንቴ ኮዬይ ታና፤ ኣይሰ ዩዴቲ?» ያገሰ።

22 ኤንቴ ዛርዲ፣ «ኦና ማቶ ሃላቃይ ቆርኔሊዮሲ ከቲሰ። ኢ ዪሎ፣ ያሳ ጎይኒያ ኣሲኔ ኣይሁዴ ኣሳ ኡባን ዳሮ ቦንቸቲዳ ኣሲ። ቆርኔሊዮሲ፣ ኔና ባ ሶ ኤሂሲዲ ቃላ ኔፔ ሲሞና ሜላ ጌሻ ኪታንቾይ ኢያው ኦዲሰ» ያገደሶና።

23 ጳዊርሲ ኣሳታ ሶ ጌልሲዲ ሞኪሰ።

ዋንቴላ ጋላስ፣ ዴንዳዲ ኤንታራ ቤሰ። ዮጼ ካታማን ዴዲያ ኣማኔይሳታፔ ኢሶቲ ኢሶቲ ኢያራ ኢሲፌ ቤደሶና።

24 ዋንቴላ ጋላስ፣ ቁሳሪያ ጋኪዶሶና። ቆርኔሊዮሲ ባ ዳቦታኔ ባ ማታ ላጌታ ኢሲፌ ዪሊ ሸሺዲ፣ ጳዊርሳ ናጌሰ።

25 ጳዊርሲ ሶ ጌላና ሃኒሽን፣ ቆርኔሊዮሲ ኢያራ ጋሄቲዲ ኢያ ሲንላን ኩንዲዲ ኢያው ጎይናናው ኮዩሰ።

26 ሸን ጳዊርሲ፣ «ዴንዳ፣ ታካ ታ ሁዒን ኔ ሜላ ኣሴ» ያገዲ ኢያ ዴንሳሰ።

27 ጳዊርሲ ቆርኔሊዮሳራ ኦዳቲሹ ሶ ጌሊያ ዋዴ ዳሮ ኣሳይ ሸቁዳይሳ ዴሚሰ።

28 ኢ ኣሳኮ፣ «ኣይሁዴ ኣሲ ሃራ ዴሬራ ኢሲፋናው ዋይኮ ጋሄታናው ዋጋ ጊዳይሳ ሂንቴ ኤሬታ። ሸን ታኒ ኦናካ ቱና ዋይኮ ጌሽ ጊዳና ጎና ሜላ ያሳይ ታና ቤሰሰ።

29 ሃሳ ጊሾ፣ ሂንቴ ታኮ ከቲን ኢያይ ባይና ያሰ። ሃላ ታና ኣይሰ ዪሊሲዳኮ ታው ኦዲቲ» ያገሰ።

30 ቆርኔሊዮሲ፣ «ታኒ ሃቺ ኦይዲ ጋላሳፔ ካሴ ሃናዴ ኡዲፋን ሳቴ ዋሳ ዋሲሽን፣ ጳሊያ ማዎ ማዲዳ ኣሲ ታ ሲንላን ኤቁሰ።

31 ኢ ታኮ፣ «ቆርኔሊዮሳ፣ ያሳይ ኔ ዋሳ ሲዲሰ፣ ኔኒ ማንቆታ ማዲዳይሳካ ሃሳይሰ።

32 ሂዛ፣ ኣሴ ዮጼ ኪታዳ፣ ሲሞን ጳዊርሳ ጌይሳ ዪሊሳ። ኢ፣ ሲሞና ጊያ ጋልባ ሃሺያ ኡራ ሶን ኣባ ዶናን ሲራተሰ» ያገሰ።

33 ሃሳ ጊሾ፣ ታኒ ኔኮ ኤሊሳዳ ኪታሰ፤ ኔ ሎዎ ያዳሳ። ሂዛ፣ ያሳይ ኔና ከቲዳባ ኡባ ሲዳናው ሃላ ኔኒ ኡባይ ሃይሳን ጎዳ ሲንላን ዴዎሰ» ያገሰ።

**ጳዊርሳ ሃሳያ**

34 ካሊዲካ፣ ጳዊርሲ፣ «የሳይ ኣሳ ሶሞዎ ቤዲዲ ኣሴ ኣሳፔ ሻከና።

- 35 ሺን አሴ ኡባ ኦና ገዲኮካ ባው ያዬይሳኔ ያላው ኦሶ ኦሌይሳን ያሳይ ኡፋይቲይሳ ታኒ ቱማ አከካሰ።
- 36 ያሳይ፣ ኡባ ጎዳ ገዲዳ ዬሱሰ ከሪሰቶሳ ባጋራ ሳርቴላ ኦዲሼ ሃ ዋንጌላ ኢስራዔል አሳሰ ከቲዳይሳ ሂንቲ ኤራታ።
- 37 የሂሲሲ ያንቃቱባ ጋሊላን ሳባኪዳ ዋዲያፔ ደሚዲ ዪሁዳ ቢታ ኡባ ጋካናው ሃኒዳባ ሂንቲ ኤራታ።
- 38 ያሳይ ናዚሬቲ ዬሱሰን ገሻ አያናኔ ዋልቃ አሚሰ። ያሳይ ኢያራ ዳዒያ ገሾ ሎዎባ ኢ ኦሌሼ ያላሂ ከሾን ሃራቲዳ ኡባ ጋሊሼ ዩዩሰ።
- 39 «አይሁዳ ቢታኒኔ ዬሩሳላሚን ኢ ኦሌዳ ኡባባሰ ኮኒ ማርካታ። ኤንቲ ማሰቃሊያ ቦላ ካቀዲ ኢያ ዋዲዶሶና።
- 40 ሺን ያሳይ ሃዘንሎ ጋሳሳን ሃይቆፔ ኢያ ዳንሌዲ አሳሰ ቆንጫና ሚላ ኦሌሰ።
- 41 ሂ ቆንጫሳይ ያሳይ ኮይሮ ዶሪዳ ማርካታሳፊ አቲን አሳ ኡባሰ ገዳና። ኢ ሃይቆፔ ዳንዲዳፔ ጉዬ ኢያራ ሚዳኔ ኡዩዳ።
- 42 ኮኒ ዋንጌላ አሳሰ ኦዳና ሚላኔ ጋሃ ዳዔይሳታ ቦላኔ ሃይቁዳይሳታ ቦላ ፐርዳናው ያሳይ ሹሚዳይ ዬሱሳ ገዲይሳ ማርካታና ሚላ ኦና ከቲሰ።
- 43 ያሳይ ኢያ አማኒያ ኡባ ናጋራይ፣ ኢያ ሱንሳን አቶ ጌቲቲይሳ ናቤቲ ማርካቶሶና» ያገሰ።
- 44 እይሁዳ ገደና አሳቲ አማኒዲ ገሻ አያና ኤኪዶሶና
- 44 ጳዊርሲ ቡር ሂ ኦዳ ኦንጎናሺን ቃላ ሲዒያ ኡባ ቦላ ገሻ አያኒ ዋዲሰ።
- 45 ጳዊርሳራ ዮጴፌ ዩዳ አማኒያ ቃፃሬቲዳ እይሁዳ ኡባይ፣ እይሁዳ ገደናይሳታ ቦላ ገሻ አያኒ ጉኪዳ ገሾ ማላሊቲዶሶና።
- 46 ጋሪይካ፣ ኤንቲ ዲማ ዲማ ዶናን ሃሳዩሺኒኔ ያሳ ገታቲላ ሳቢሺን ሲዒዶሶና።
- 47 ሃ ዋዩ ጳዊርሲ ዛሪዳ።
- 47 «ሃይሳቲ ቃሲ ኮ ሚላ ገሻ አያና ኤኪዳይሳቲ ማማቁቶና ሚላ ሃሌ ዲጋናይ ኦኔ?» ያገሰ።
- 48 ኤንቲ ዬሱሰ ከሪሰቶሳ ሱንሳን ማማቁታና ሚላ ኤንታ ከቲሰ። ሃሳፊ ጉዬ፣ ኤንቲ ባንታራ ጉላ ጋላሰ ኡታና ሚላ ጳዊርሳ ዋሲዶሶና።

# 11

## ጳዊርሲ ባ ኦሌዳባ ዬሩሳላሚ ዋሳ ከላሰ ኦዲሰ

- 1 ሃዋሪቲኔ ዪሁዳ ኡባን ዳዒያ አማኔይሳቲ፣ እይሁዳ ገደናይሳቲካ ያሳ ቃላ ኤኪዳይሳ ሲዒዶሶና።
- 2 ጳዊርሲ ዬሩሳላሚ ቢዳ ዋዩ ቃፃሬቲዳ አማኔይሳቲ፣
- 3 ኢያኮ፣ «ኔኒ ቃፃሬቲቦናይሳታኮ ጌላዳ ኤንታራ ካሌ አይሰ ሚዳ?» ያገደሶና።
- 4 ሺን ጳዊርሲ ሃኒዳባ ኮይሮፔ ደሚዲ ማራን ማራን ኦዲሰ።
- 5 «ታኒ ዮጴ ካታማን ያሳ ዋሳሼ ቆንጫሌ ቤዓሰ። ጌታ አፊላ ዳኒኒያባይ ኦይዱ ባጋራ ኦይኮቲዲ ሳሎፔ ዋዲሼ ታኮ ዩሰ።
- 6 ታኒ ቲሺ ኦላ ኢያ ገደ ያሊያ ዋዩ ኦይዱ ቶሆራ ዳዒያ ሚሃታ፣ ዋራ ደዓታ፣ ኡሎራ ጎሹቲያ ማዴቲላታኒ ሳሎ ካፎታ ቤዓሰ።
- 7 (ጳዊርሳ፣ ዳንዳ፣ ሹካዳ ማ) ጌያ ቃላ ሲዓሰ።
- 8 «ሺን ታኒ፣ ሳዳው፣ አካይ፣ ቱናባይ ዋይኮ ጌዮናባይ ኡባካ ታ ዶናኮ ሸቂ ኤሪና» ያጋሰ።
- 9 « (ያሳይ ገሺዳይሳ ኔኒ ቱና ጎፓ) ያገያ ቃሊ ናሞግንሎ ሳሎፔ ዩሰ።
- 10 «ሃሲ ሃዘ ቶሆ ሃኒን፣ ዉርሴላን ኡባባይ ሳሎ ፑዩ ኤኮቲሰ።
- 11 ሂ ሳቲንካ ሃዘ አሳቲ ቁሳሪያፔ ታኮ ከቲቲዲ ታኒ ዳዒያ ከላ ጋኪ አገደሶና።
- 12 ሲዶና ኤንታራ ባና ሚላ አያናኔ ታው ኦዲሰ። ቃሲ ሃ ኡሎፑን አሻቲ ዮጴፌ ታራ ቁሳሪያ ቢዳይሳታራ ቆርኔሊዮሳ ሶ ጌሊዳ።
- 13 ከታንቾይ ኢያ ሶን ኤቁዲ፣ (ዮጴ ከታዳ ጳዊርሳ ጌቲቲያ ሲሞና ያገሳ።
- 14 ኔናኔ ኔ ሶ አሳ ኡባ አሺያ ቃላ ኢ ኔው ኦዳና) ገዳይሳ ቆርኔሊዮሰ ኮሰ ኦዲሰ።
- 15 «ታኒ ሃሳያ ደሚያ ዋዩ ገሻ አያናይ ኮይሮ ኮ ቦላ ዋዲዳይሳዳ ኤንታ ቦላካ ዋዲ አገሰ።
- 16 ሂ ዋዩ (የሂሲሲ ሃላን ማማቁሰ፣ ሺን ሂንቲ ገሻ አያናን ማማቁታና) ያገደ ጎዳ ቃላይ ታው ቆፊቲሰ።
- 17 ያሳይ ኮሰ ጎዳ ዬሱሰ ከሪሰቶሳ አማኒዳይሳታሰ አሚዳ አሞታ እይሁዳ ገደናይሳታሰካ አሚኮ፣ ያቲን ያሳ ዲጋናው ታኒ ኦኔ?» ያገሰ።
- 18 ኤንቲ ሃሳ ሲዒዳ ዋዩ ባንታ ፓላማ አገዲ፣ «ሃሳ ገዲኮ፣ ያሳይ እይሁዳ ገደናይሳቲካ ናጋራፔ ሲሚዲ ዳዩን ዳናዳ ቃዳ አሚሰ» ያገዲ ያሳ ጋላቲዶሶና።

**እንጾኪያ ዋሳ ኬላ**

- 19 ኢስጻፋኖሴ ሃይቆስ ጋለዳ ጎዳ ጋሶን ላለቲዳ አማኔይሳት ቃላ አይሁዳታ ጻላላስ ኦዲሽ ሲሮፊንቁ፣ ቆጶሮሳኔ እንጾኪያ ጋካናው ዩዪዶሶና።
- 20 ሺን ቆጶሮሳኔ፣ ቁሬና፣ ዩዳ ኢሲ ኢሲ አማኒያ አሳተ እንጾኪያ ቢዳ፣ ጎዳ ዬሱሳ ዋንጌላ ገሪኬ አሳስካ ኦዲዶሶና።
- 21 ጎዳ ዋልቃይ እንታራ ዳዒስ፤ ቃሲ ዳሮ አሳይ አማኒዲ ጎዳኮ ስሚዶሶና።
- 22 ሄ ኦዲ ዬሩሳላሚን ዳዒያ ዋሳ ኬላዳ ሲዒዳ ጊሾ ባርናባሳ እንጾኪያ ከተሰ።
- 23 ባርናባሲ እንጾኪያ ቢዳ ዋዳ ያሳ አጶ ከሃቴላ ኦሎጥ ቤዒዲ ኡፋይተሰ። ኤንቲ ኡባይ ባንታ ኩሚላ ዋዛናን ጎዳን ሚኒዲ ዳና ሚላ ኤንታ ዘሰሰ።
- 24 ባርናባሲ ጌሻ አያናይኔ አማናይ ኩሚዳ ሎዎ አሲ ገዲያ ጊሾ ዳሮ አሳይ ጎዳ አማኒዶሶና።
- 25 ሃሳፌ ጉዬ፣ ባርናባሲ ሳላ ጉያናው ቴርሴሴ ቢስ።
- 26 ሃን ሳላ ዳሚዳ ዋዳ እንጾኪያ ኤከዲ ዩስ። ባርናባሲ ሳላ ዋሳ ኬላ አሳራ ላይሌ ኩሚላ ኡተዲ ዳሮ አሳ ታማርሲዶሶና። አማኔይሳት እንጾኪያን «ከሪሰታኔ» ጌቴተዲ ኮይሮ ዪጌቴዶሶና።
- 27 ሄ ዋዳ ኢሲ ኢሲ ናቡቲ ዬሩሳላሚ፣ እንጾኪያ ዋጂዶሶና።
- 28 ኤንታ ገደፌ አጋባ ገይሴ ዳንዲ ቢታ ኡባን ጌታ ኮሺ ከያናይሳ አያና ዋልቃን ቲንቢቲ ኦዲስ። ሂሲ ሃኒዳይ ሮማ ካወዋ ቃላወዲዮሳ ዋዳና።
- 29 አማኔይሳት ሁዒን ሁዒን ባንታ ዋልቃ ሚላ ሚሽ ከሲዲ ዩሁዳን ዳዒያ አማኔይሳታስ ማዳ ዬዳናው ቆፋ ቃቸዶሶና።
- 30 ኤንቲ ሃሳዳ ኦሊዲ፣ ሚሽያ ባርናባሳ ቦላኔ ሳላ ቦላ ዋሳ ኬላ ጨማታስ ዬዲዶሶና።

**12**

**ዋሳ ኬላ ቦላ ዋልቃማ ጎዳ ጋከሰ**

- 1 ሄ ዋዳ ካዎይ ሂሮዲሲ \* ዋሳ ኬላ አሳፎ ባጋ ጎዳ ደሚስ።
- 2 ዮሃኒሳ ኢሻ ያይቆባ ማሻን ዋጂሲስ።
- 3 ሂሲ አይሁዳታ ኡፋይሲዳይሳ ቤዒዲ፣ ጉጂዲ ጳይሮሳካ ኦይሊስ። ሂሲ ሃኒዳይ ፓሲካ ባሌ ቦንቺያ ጋላሳታና።
- 4 ጳይሮሳ ኦይኪዲ ቃቸስ። ፓሲካ ቦንቺያ ጋላሳታ፣ ጉዬ ዳሪያ ሲንሌ አላናው ቆፒዲ፣ ኦይዱ ኦይዱ ዋታዳሬቲ ኢያ ናጋና ሚላ ታማኔ ኡሱፑን ዋታዳሬታስ አላ አሚስ።
- 5 ሃሳ ጊሾ፣ ጳይሮሲ ቃሾ ኬላን ናጌቴስ። ሺን ዋሳ ኬላ አሳይ ኢያው ሚንሊዲ ያሳ ዋሶሶና።

**ከታንቸይ ጳይሮሳ ቃሾ ኬላፌ ከሲስ**

- 6 ሂሮዲሲ ጳይሮሳ አሳ ሲንሌ ሸሻና፣ ካሴ ቃማ ጳይሮሲ ናምዑ ባጋራ ናምዑ ዋታዳሬታራ ሳንላላታን ቃሾተዲ ኤንታ ገደን ጂስኪስ። ናጌይሳት ቃሾ ኬላ ፔንጌታን ኤቁዲ ናጎሶና።
- 7 አክኮና ዳዒሽን ጎዳ ከታንቸይ ቆንጨስ። ቃሾ ኬላን ፖይይ ፖሲስ። ከታንቸይ ጳይሮሳ ሚያ ቦቹ ባርኪሲዲ፣ «ኤሌ ዳንዳ» ያገሰ። ኡራካ ሳንላላታይ ኢያ ኩሽያ፣ ዋጂ አገሰ።
- 8 ከታንቸይ ኢያኮ፣ «ኔ ማዑዋ ማዳ፣ ኔ ጫማካ አላ» ያገሰ። ጳይሮሲ ሃሳዳ ኦሊስ፤ ከታንቸይ፣ «ኔ ላፃና ማዳ ታና ካላ» ያገሰ።
- 9 ጳይሮሲ ቃሾ ኬላፌ ከዪዲ ከታንቸዋ ካሊስ። ኢያው ቆንጨኤ ቤዒዳባ ዳኒሲ፣ ኦይን ከታንቸይ ኦሊያባይ ተማ ዳኒቤና።
- 10 ከታንቸይ ጳይሮሲ ኮይሩዋኔ ናምዳንሎ ዋታዳሪያ አጂዲ ካታማ ኤፊያ ቤራታ ፔንጌያኮ ጋከዶሶና። ፔንጌይ ኤንታው ባርካ ዶዬቴ አገሰ። ኤንቲ ከዪዲ ኢሲ ኦጊያራ ቢሺን ከታንቸይ አክኮና ጳይሮሳ፣ ሻክቲ አገሰ።
- 11 ጳይሮሳስ ዋዛኒ ስሚን፣ «ታና ጎዳይ ባ ከታንቸዋ ከተዳ፣ ሂሮዲሳ ኩሼቴኔ ናገዲ ኡተዳ አይሁዳ አሳ ኡባፌ አሽዳይሳ ሃሳ ተማ ኤራስ» ያገሰ።
- 12 ኢ ሃሳ አክኪዳ ዋዳ ዳሮ አሳይ ኢሲፌ ሸቁዲ ያሳ ዋሲያ ቤሳ፣ ማርቆሳ ጌያ ዮሃኒሳ አይ ማይራሚ ሶ ቢስ።
- 13 ያን ካሪን ኤቁዲ ያገሰ። ኢሲ ሮዳ ጌያ ኦሳንቺያ ፔንጌያ ደያናው ያሱ።
- 14 ሮዳ ጳይሮሳ ቃላ ገዲዳይሳ ኡሪዳ ዋዳ ኡፋይሳን ኩማዳ ካሪያ ዶዬና ጉዬ ዋዳ ባዳ፣ «ጳይሮሲ ካሪን ኤቁስ» ያገዳ አሳስ ኦዳሱ።
- 15 አሳይ ኢኮ፣ «ኔኒ ጎያይ!» ያገደሶና። ሮዳ ጳይሮሳ ገዲዳይሳ ጌሻዳ ኦዳሱ። ኤንቲ፣ «ሂሲ ኢያ ናገያ ከታንቸዋ» ያገደሶና።
- 16 ሺን ጳይሮሲ ካሪን ኤቁዲ ያገዲ አጎና ኢዲን አሳይ ካሪያ ዶዪዲ ኢያ ቤዒዲ ማላሊቲዶሶና።

11:19 ሃ.አ 8:1-4    11:28 ሃ.አ 21:10    \* 12:1 ካዎይ ሂሮዲሲ፣ ሃይሲ ካዎይ ሂሮዲሲ፣ ሂሮዲሳ ኢገርጸ ጌያ ኮይሩዋ።  
ኢ፣ 37-44 ማርቆስ ላይላ ጋካናው ሃሪስ። ኢ ካወዋ ሂሮዲሳስ ናና ናና    12:4 ኬላ 12:1-27



17 ሽን ኤንቲ ሲዲ ጋና ሜላ ጳጳርሲ ባ ኩሺያን ማሊዲ ጎዳይ ቃሾ ከላፊ ኢያ ዋቲ ከሲዳኮ ኤንታው ቆንጨሲ ኦዲዲ። «ሃይሳ ያይቆባሲኔ ኣማኒያ ኣሳታሰ ኦዲቲ» ገዲ ያፔ ከዬዲ ሃራሶ ቢስ።

18 ሳዲ ዋንቲያ ዋይ «ጳጳርሲ ኣው ቢይ» ገዲ ዋታዳሬቲ ዋሊ ገደን ዳር ካጨደሶና።

19 ሃርዲሲ ጳጳርሳ ኮዬሲን፣ ኢ ጳዩዳ ዋይ ናጌይሳታ ቆራዲ፣ ኤንታ ዋቆና ሜላ ከቲስ። ሃሳፊ ጉዬ፣ ሃርዲሲ ዪሁዳፔ ቁሳሪያ ዋዲያ ያን ጉሳ ዋይ ኡቲስ።

**ሃርዲሳ ሃይቁዋ**

20 ሃርዲሲ ዊርሳ ኣሳ ቦላኔ ሲደና ኣሳ ቦላ ዳር ሃንቁቲስ። ኤንታ ቢታይ ካላ ሃርዲሳ ቢታፊ ዳሚያ ገሾ ኤንቲ ኢሲፊ ገዲዲ ኢያ ሞሪና ቢሳሰዎሳ ባንታው ጨማ ኦሊዲ ገጋናው ሃርዲሳኮ ቢደሶና።

21 ሃርዲሲ ሱንሉዳ ጋላሳን ባ ካዋቱላ ኣፊላ ማዒዲ፣ ኣራታ ቦላ ኡቲዲ ኣሳሰ ኦዲስ።

22 ኣሳይ፣ «ሄሲ ያሳ ቃላ፣ ኣሳ ቃላ ገደና» ያገዲ ዋሲደሶና።

23 ሃርዲሲ ያሳ ቦንቸቦና ገሾ ኢራካ ጎዳ ከታንቸይ ኢያ ዳቸን ጉፀኔን ሚቲቲዲ ሃይቁሰ።

24 ሽን ያሳ ቃላይ ዲጨሽኔ ዳልገሼ ቤስ።

25 ባርናባሲኔ ሳዖሊ ባንታ እሱጥ ፖሊዲ ማርቆሳ ገያ ዮሃኒሳ ባንታራ ኤኪዲ ዬሩሳላሜፔ ሲሚደሶና።

**13**

**ባርናባሲኔ ሳዖሊ ከቲቲደሶና**

1 ኣንጾኪያን ዳዒያ ዋሳ ከላን ናቤቲኔ ኣሰታማሬቲ ደዖሶና። ኤንቲ ባርናባሳ፣ ካሬላ ጌቲቲያ ሲሞና፣ ቁሪናፔ ዪዳ ሉኪዮሳ፣ ካወዋ ሃርዲሳራ ዲጨዳ ሚናሄኔ ሳዖላ።

2 ኤንቲ ጎዳ ጎይኒሽኒኔ ያሚሽን ገሻ ኣያናይ፣ «ታኒ ዌገዳ ኦሱዋሰ ባርናባሳኔ ሳዖላ ታው ዳማዩቲ» ያገሰ።

3 ሃሳ ገሾ፣ ኤንቲ ያሚዳፔኔ ዋሲዳፔ ጉዬ ባንታ ኩሺያ ኤንታ ቦላ ዋላዲ ዬዲደሶና።

**ባርናባሲኔ ሳዖሊ ቆጶርሳ ቢደሶና**

4 ሃሳ ገሾ፣ ገሻ ኣያኒ ኤንታ ከቲስ። ሴሌወቁ ቢደሶና፤ ያፔ ማርካቤን ጌሊዲ ቆጶርሳ ሃላን ቲቁቲዳ ቢታ ቢደሶና።

5 ኤንቲ ሲልማና ጋኪዲ ኣይሁዳ ዋሳ ከላታን ያሳ ቃላ ኦዲደሶና። ዮሃኒሲ \* ማዲሼ ኤንታራ ዳዒስ።

6 ኤንቲ ቆጶርሳ ሃላን ቲቁቲዳ ቢታ ካንሉዲ ጳፉ ጋኪያ ዋይ ኢሲ ዋርዳንቸ ናቢያ ባር-ዬሱሳ ገያ ኣይሁዳ ማሩዋ ዳሚደሶና።

7 ሄ ማርሮይ ዳሪያ ኣይሲያ ሳርገዮስ ጳወሎሳ ገያ ኣኩካንቸ ኣዲያራ ዳዒስ። ሳርገዮስ ጳወሎሲ ባርናባሳኔ ሳዖላ ባኮ ዌገዲ ያሳ ቃላ ሲዓናው ኮዩስ።

8 ሽን ገሪኬ ድናን ማሩዋ ሱንሳይ «ኤልማሳ» ጌቲቲስ። ኢ ዳሪያ ሃራይሲ ኣማናና ሜላ ዲጋናው ኮዩዲ ባርናባሳራኔ ጳወሎሳራ ኤቁቲስ።

9 ሽን ጳወሎሳ ገያ ሳዖሊ ገሻ ኣያናን ኩሚዲ ማሩዋ ጫዲ ዌሊዲ፣

10 «ላ፣ ፃላሄ ናናው፣ ኢታቲላ ኡባይ ኩሚዳይሶ፣ ዌሎቲላ ኡባሰ ሞርኪያው፣ ሱሬ ጎዳ ኣገያ ማርቆይሳ ኣገኪ?»

11 ሄኮ፣ ሃዒ ጎዳ ኩሺይ ኔ ቦላ ዳዒስ። ኔኒ ቆቁ ገደና፤ ጉሳ ዋዳስ ኣዋ ፖዖ ቤዓካ» ያገሰ። ኢራ ጫጋይኔ ቆማይ ኢያ ኣይፊያ ጎዳን፣ ባ ኩሺያ ኦይኪዲ ካሌሊያ ኣሲ ኮዩሼ ዩዩስ።

12 ዳሪያ ሃራይሲ ሃሳ ቤዒዳ ዋይ ጎዳባ ታማርሴይሳን ማላላቲዲ ኣማኒስ።

**ባርናባሲኔ ጳወሎሲ ጳሲዲያ ኣንጾኪያ ቢደሶና**

13 ጳወሎሲኔ ኢያራ ዳዒይሳቲ ጳፉቲ ደንዲዲ፣ ጳንፊሊያን ዳዒያ ጳርጌ ማርካቤራ ቢደሶና። ዮሃኒሲ ኤንታፊ ቫኩቲዲ ዬሩሳላሜ ሲሚስ።

14 ሽን ኤንቲ ጳርጌፊ ኣዲዲ ጳሲዲያን ዳዒያ ኣንጾኪያ ጋኪደሶና። ሳሞባታ ጋላሰ ኣይሁዳ ዋሳ ከሌ ጌሊዲ ኡቲደሶና።

15 ሙሴ ሃጌይኔ ናቤታ ማፃፋይ ናባቤቲዳፔ ጉዬ ኣይሁዳ ዋሳ ከላ ሃላቃቲ፣ «ኑ ኣሻቶ፣ ኣሳ ሚንሉሊያ ቃሊ ሂንቲው ዳዒያኮ ኣሳሰ ኦዳርኩቲ» ያገዲ ኤንታኮ ከቲደሶና።

16 ጳወሎሲ ደንዲ ኤቁዲ ባ ኩሼ ማሊዲ፣ «ኢሰራዔሌ ኣሳታው፣ ቃሲ ያሳ ጎይኒያ ኣይሁዳ ገደና ኣሳው፣ ሲዒቲ።

\* 13:5 ዮሃኒሲ፣ ሃ ቤሳን ፃፊቲዳ ዮሃኒሲ፣ ሃዋሪያ ዮሃኒሳ ገደናሽን ዮሃኒሲ ማርቆሳ ጌቲቲያ ማርቆሳ ዋንጌላ ፃፊዳላ።

17 ሃ ኢስራዔል እሳ ያሳይ፥ ኑ ማይዛታ ዶሪሰ። ጊብጻ ቢታን አማላቴላን ኢንቲ ዴሲሺን፥ ኤንታ ዳርሲዲ ባ ጊታ ዋልቃን ጊብጻ ቢታፊ ኤንታ ኬሲሰ።

18 ባዞ ቢታን ኦይታሙ ላይላ ማላ ኤንታ ዳንዳሲሰ።

19 ካናኔ ቢታን ኣይሁዳ ጊዶና ላፑን ካዋቴላታ ዳጊዲ ኤንታ ቢታ ባ እሳ ላቲሲሰ።

20 ሄሳፊ ጉዬ፥ ናቢያ ሳሙዔላ ዋዴ ጋካናው ኦይዱ ጭታኔ አሻታሙ ላይላ ማላ ኣይሲያ ዳይናታ ኤንታው አሚሰ።

21 ሄሳፊ ጉዬ፥ ኤንቲ ባንታው ካዋ አማና ማላ ዋሲን፥ ያሳይ ቢያማ ሼሻፕ ቂሴ ናዓ፥ ሳያላ ኦይታሙ ላይላ ካዋታና ማላ ኤንታው አሚሰ።

22 ያሳይ ሳያላ ሻሪዳፕ ጉዬ ኤንታ ቦላ ዳዊቴ ካዋሊሰ። ያሳይ ዳዊቴባ ማርካቲሼ፥ ታኒ ኮያ ኡባ ታ ዋዛና ማላ ኦሲያ ኢሲዬ ናዓ ዳዊቴ ዴማሰ) ያጊሰ።

23 «ያሳይ፥ ታኒ ዳዊቴ ሼሻፕ ኢስራዔል ዴሪያ አሼይሳ ኤሃና ጊዳይሳ ማላ ዬሱሳ ኤሂሰ።

24 ዬሱሲ ያናፕ ሲንጤ ኢስራዔል እሳ ኡባይ ባንታ ናጋራፕ ሲሚዲ ምቐታና ማላ ዮሃንሲ ቃላ ዬዲሰ።

25 ቃሲ ዮሃንሲ ባ ኦሱዋ ወርሳና ሃኒሼ እሳኮ፥ ታና ኦና ጊዲ ቆፕፕ? ታኒ ሃንቴ ናጊያ ከሪሰቶሳ ጊዲኬ፥ ሺን ታኒ ኢያ ጫማ ቢርሻናው ታው ቤሶናይሲ ታፕ ጉዬራ ዬሱ) ያጊሰ።

26 «አሻቶ፥ ኣብራሃሚ ሼሻቶ፥ ቃሲ ሃይሳን ኣይሁዳ ጊዶናሺን ያሳሰ ያዬይሳቶ፥ ሃ ኣቶቴላ ቃላይ ኮሰ ከቲቲሰ።

27 ኣይሰ ጊኮ፥ ዩራሳላሚን ዴዒያ እሳይኔ ኤንታ ሃላቃቲ ዬሱሳ ኤሪቦኮና። ሳምባታ ኡባን ናባቤቲያ ናቤታ ቃላ ኣከኪቦና ጊሾ ኢያ ቦላ ፐርዲዲ ናቤቲ ኦዲዳ ቃላ ፖሊዶሶና።

28 ዬሱሳ ዋዲሳናው ኢሲ ጋሶይካ ቆይን ጸላዖሲ ኢያ ዋዲያ ማላ ዋሲዶሶና።

29 ኤንቲ ዬሱሳባይ ጊሻ ማፃፋን ፃፊቲዳባ ኡባ ፖሊዳ ዋዴ ማሰቃሊያፕ ኢያ ዋዲሲዲ ሞጊዶሶና።

30 ሺን ያሳይ ሃይቆፕ ዬሱሳ ዴንሊሰ።

31 ሄሳፊ ጉዬ፥ ኢ ባራ ጋለላፕ ዩራሳላሚ ዩዳይሳታሰ ዳሮ ቶሆ ቤንቲሰ። ኤንቲ ሃዒ ኢያባ እሳሰ ማርካቶሶና።

32 «ያሳይ ኑ ኣዋታሰ አማና ጊዳ ዋንጌላ ኑኒ ሃንቴው ኦዶሰ።

33 ዳዊቴይ ባ ማዝሙራ ማፃፋን ናምባንላ ሸምፑዋን፥

ሳኔ፤ ታ ናዓ፥

ታኒ ሃፕ ኔና ዬላሰ)

ጌቲቲዲ ፃፊቲዳ ዬሱሳ፥ ያሳይ ሃይቆፕ ዴንሊዲ ኑ ማይዛታሰ አማና ጊዳይሳ ኮሰ ኤንታ ናይታሰ ፖሊሰ።

34 ኢ ዋቆና ማላ ያሳይ ሃይቆፕ ኢያ ዴንሎን ኤሪሳናው፥

ታኒ ዳዊቴሰ አማና ጊዳ

ኣማኔቲዳ ጊሻ ኣንጂዋ ሃንቴው አማና) ያጊዲ ኦዲሰ።

35 ሄሳ ጊሾ፥ ማዝሙራ ማፃፋን ሃራሶን ቃሲ፥

ሳኔ ጊሻ ናዓ ኣሃ ዋቂሳካ) ያጊሰ።

36 «ዳዊቴይ ባ ዋዴ ያሳ ቆፋ ፖሊዳፕ ጉዬ ሃይቂዲ ባ ኣዋታራ ሞጌቲዲ ዋቂሰ።

37 ሺን ያሳይ ሃይቆፕ ዴንሊዳይሲ ዋቂቤና።

38 «ሄሳ ጊሾ፥ ታ አሻቶ፥ ናጋራ ኣቶቴላይ ዬሱሳ ባጋራ ካሴቲዲ ሃንቴው ኦዴቲዳይሳ ኤሪቴ። ሙሴ ሃጌይ ናጋራፕ ዲላሳናው ዳንዳዔና።

39 ሺን ዬሱሳ ኣማኒያ ኡባይ ናጋራፕ ዲሊሰ።

40 ሄሳ ጊሾ፥ ናቤቲ ጊዳይሲ ሃንቴ ቦላ ጋኮና ማላ ናጌቲቴ።

41 «ያሳይ ጊዳባ ሌቂሴይሳቶ! ቢዓቲ! ማላሌቲቴ! ቆይቴ!

ኣኒካ ኦዲን፥ ሃንቴ ኣማናና ኦሱዋ

ታኒ ሃንቴ ዋዲያን ኣላና) » ያጊሰ።

42 ጳውሎስኔ ባርናባሲ ኣይሁዳ ዋሳ ከላፊ ከዪሺን፥ ካሊያ ሳምባታን ሄሳ ጉጂዲ ኦዳና ማላ እሳይ ኤንታና ዋሲዶሶና።

43 ሸቆይ ላሊቲዳፕ ጉዬ ዳሮ ኣይሁዳቲኔ ኣይሁዳታ ኣማኑዋን ጌሊዲ ያሳ ሳይኒያ ዳሮቲ ጳውሎስኔ ባርናባሲ ካሊዶሶና። ኣማኒዳይሳቲ ያሳ ኣዶ ከሃቴላን ማኒዲ ዳና ማላ ኤንታ ዞሪዶሶና።

13:17 ከሳ 1፡7፤ ከሳ 12፡51 13:18 ታይ 14፡34፤ ዛሬ 1፡31 13:19 ዛሬ 7፡1፤ ኢያ 14፡1 13:20 ዛሬ 2፡16፤ 1ሳ፡3 3፡20 13:21 1ሳ፡3 8፡5፤ 10፡21 13:22 1ሳ፡3 13፡14፤ 16፡12፤ ማዝ 89፡20 13:24 ማር 1፡4፤ ሉቃ 3፡3 13:25 ማቶ 3፡11፤ ማር 1፡7፤ ሉቃ 3፡16፤ ዮሃ 1፡20፤ 27 13:28 ማቶ 27፡22-23፤ ማር 15፡13-14፤ ሉቃ 23፡21-23፤ ዮሃ 19፡15 13:29 ማቶ 27፡57-61፤ ማር 15፡42-47፤ ሉቃ 23፡50-56፤ ዮሃ 19፡38-42 13:31 ሃ.ኦ 1፡3 13:33 ማዝ 2፡7 13:34 ኢሳ 55፡3 13:35 ማዝ 16፡10 13:41 ኢሳ 1፡5

- 44 ካሊያ ሳሞባታን ካታማን ደዒያ አሳፔ ዳሮቲ ያሳ ቃላ ሲዓናው ሸቄዶሶና።
- 45 ሸን አይሁዳቲ ዳሮ አሳ ቢዒዳ ዋዴ ጳውሎስ ቃናቲዲ ኢያ ሃሳያ ኢጻዲ ኢያ ጫደዶሶና።
- 46 ጳውሎስኔ ባርናባሲ ያዮና። «የሳ ቃላይ ኮይሮቲዲ ሂንቴው ኦዳታናው ኮሸሰ። ሸን ሂንቴ ቃላ ኢጻዲ ሜሪና ዴዐጥ ኤካናው ኮሰ ቤሴና ገዲ ሂንቴ። ሂንቴ ሀዒን ፐርዲዳ ገሾ ሂዛ ኮኔ አይሁዳ ገደናይሳታኮ ሲሞስ።
- 47 ጋሶይካ ጎዳይ።
- ሳላሜ ኩሜሳይ ኔ ባጋራ አታና ሜላ።
- ታኒ ነና አይሁዳ ገደና ዴሪያሰ ፖ ዶሳሰ) ያገዲ ኮና ከቲስ) ያገደሶና።
- 48 አይሁዳ ገደናይሳቲ ሄሳ ሲዒዳ ዋዴ ኡፋይቲዲ ያሳ ቃላ ቦንቺዶሶና። ቃሲ ሜሪና ዴዐጥስ ደራቲዳ ኡባይ አማኒዶሶና።
- 49 ጎዳ ቃላይ ሄ ቢታ ኡባ ጋኪስ።
- 50 ሸን አይሁዳቲ፣ አይሁዳ ገደና ያሶኔ ጎይኒያ ዴራ ማጫሳታኔ ካታማን ደዒያ ገታ አሳታ ጳውሎስ ቦላኔ ባርናባሳ ቦላ ዴንጼሊዶሶና። ሄ አሳቲ ኤንታ ጎዳ ዶሚዲ ባንታ ቢታፊ ከሲዶሶና።
- 51 ሸን ጳውሎሳራኔ ባርናባሳራ ኢጻይሳታስ ማላ ገደና ሜላ ባንታ ቶሁጥፔ ባና ፒቲዲ ኢቆኒዮኔ ካታማ ቢዶሶና።
- 52 ቃሲ አንዮኪያን ደዒያ አማኔይሳቲ ገሻ አያናኒኔ ኡፋይሳን ኩሚዶሶና።

# 14

## ጳውሎስኔ ባርናባሲ ኢቆኒዮኔ ቢዶሶና

- 1 ካሲይሳዳካ፣ ጳውሎስኔ ባርናባሲ ኢቆኒዮኔን አይሁዳታ ዋሳ ከሌ ጌሊዲ ዳሮ አይሁዳቲኔ አይሁዳ ገደናይሳቲ አማናና ጋካናው ቃላ ኦዲዶሶና።
- 2 ሸን አማኒቦና አይሁዳቲ፣ አይሁዳ ገደናይሳታ ዋዛና ላሚዲ አሸታ ቦላ ዴንጼሊዶሶና።
- 3 ሃዋሪቲ ያን ዳሮ ዋዴ ጋሞዒዶሶና። ኤንቲ ያዮና ጎዳባ ኦዲዶሶና። ጎዳይ ማላታታኔ ኦራላባ ኤንቲ ኦላና ሜላ ኤንታው ማታ አሚዲ ባ አቶ ከሃቴሳ ቃላይ ቱማ ገዴይሳ ቆንጨሲስ።
- 4 ሸን ሄ ካታማ አሳይ ሻኬቲዲ፣ ባጋይ አይሁዳታራ ባጋይ ቃሲ ሃዋሪታራ ገዲስ።
- 5 አይሁዳ ገደናይሳቲኔ አይሁዳቲ ካንታ ሃላቃታራ ኢሲፊ ገዲዲ ሃዋሪታ ቆሃናጫ ሹቻን ጫዳናው ኮዪዶሶና።
- 6 ሃዋሪቲ ሄሳ ኤሪዲ፣ ሊስጻራኔ ዳርቤ ገያ ሊቃዮኒያ ካታማታኔ ኤንታ ሄራን ደዒያ ቢታ ባቃቲዶሶና።
- 7 ያን ዋንጌላ ኦዲዶሶና።

## ጳውሎስኔ ባርናባሲ ሊስጻራኒኔ ዳርቤን

- 8 ዬሌቶሳፔ ዶሚዲ ናሞዑ ቶሆይ ዋቢን ሃሙቲ ኤርና ኢሲ አዳይ ሊስጻራን ዴዒስ።
- 9 ሄ አዳይ ጳውሎስ ኦዲሸን ኡቲዲ ሲዒስ። ጳውሎስ ኢያ ጫዲዲ ጂሊያ ዋዴ ፓዳናው ኢያው አማናይ ዴዒይሳ ቤዒዲ፣
- 10 ባ ቃላ ቶቁ ኦሊዲ፣ «ሲቲ ጋዳ ኔ ቶሁጥን ኤቃ» ያገሰ። ያቲን፣ ጉፒ ዴንዲ ኤቁዲ ሃሙላ ዶሚስ።
- 11 ጳውሎስ ኦሊዲይሳ አሳይ ቤዒዲ ባንታ ቃላ ቶቁ ኦሊዲ ሊቃዮኒያ ዶናን፣ «የሳቲ አሲ ዳኒዲ ኮኮ ዋቋዶሶና» ያገደሶና።
- 12 ባርናባሳ፣ «ዲያ» ገዲ፣ ጳውሎስ ሃሳያን ዋናቲያ ገሾ ኢያ፣ «ሄርሜሳ» ገዲ ሱንጼዶሶና።
- 13 ካታማፔ ጋዳን ደዒያ ኤቃ ዲያ ከሳ ካሂኔይኔ አሳይ ኮርማታኔ አሌቆ ጨሻታ ሃዋሪታስ ያርሻናው ኮዪዲ ካታማ ፔንጉ ኤሂዶሶና።
- 14 ሸን ባርናባሲኔ ጳውሎስ ሄሳ ሲዒዳ ዋዴ ኤንቲ ኦላናው ቆፒዲይሳ ኢጻዲ ባንታ ማዑጥ ፔቋዶሶና። አሳ ገደ ዋዳ ጌሊዲ፣
- 15 ባንታ ቃላ ቶቁ ኦሊዲ፣ «አሳው፣ ሃይሳ አይሰ ኦሊቲ? ኮካ ሂንቴ ሜላ አሲ። ሃ ፓላናባፔ ሳሉዋኔ ሳና፣ አሳኔ ኤንታ ገደን ደዒያ ኡባባ ሚቋዳ ዴዮ ያሳኮ ሂንቴ ሲማና ሜላ ሂንቴው ኮኔ ዋንጌላ ኦዲስ።
- 16 ኢ ቤኒ አሳ ባንታ ኦጊያ ባና ሜላ ዬዲ አገሰ።
- 17 ሸን ኢራ ሳሉጥፔ ቡኪሲስ፣ ካሳካ ዋዴን ዋዴን አሚስ፣ ካላ አሚዲ ሂንቴና ዳሮ ኡፋይሲስ፣ ያቲዲ ሂንቴው ሎዶባ ኦሊዲ ባው ማርካ ቋይሲቤና» ያገደሶና።
- 18 ሃዋሪቲ ሄሳ ገዲ ባንታው አሳይ ያርሾና ሜላ ዋዪዲ ዲጊደሶና።
- 19 አንዮኪያፔኔ ኢቆኒዮኔፔ ዪዳ አይሁዳቲ፣ አሳ ባንታ ባጋ ዛሪዲ ሹቻን ጳውሎሳ ጫዲዶሶና። ኤንታው ኢ ሃይቁዳባ ዳኒን ካታማፔ ጋዳ ጎቺ ኤፊዲ ዬጊደሶና።

20 ሽን እማኔይሳቲ ዪዲ፥ ኢያ የሹዋን ኤቁዳሺን ኢ ዴንዲዲ ካታማ ጌሊሱ። ዋንቴላ ጋላሰ ባርናባሳራ ኢሲፌ ዳርቤ ቢሰ።

ጳውሎሲኔ ባርናባሲ ሶሪያ እንደኪያ ሲሚደሰና

21 ኤንቲ ዳርቤ ካታማን ዋንጌላ ኦዲዲ ዳርታ እማንሉዳፕ ጉዬ ሊሰፀራ፥ ኢቆኒዮኔኔ ጲሲዲያ እንደኪያ ሲሚደሰና።

22 ያን እማኔይሳታ ሚንሰሉሸኔ ኤንቲ እማኖን ሚኒዲ ዴዓና ሜላ ዘሪሸ። «የሳ ካዎቴላ ጌላናው ኦኒ ዳር ዋዬ እካናው ቤሰሰ» ያጊዲ ታማርሲደሰና።

23 ቃሲ ዋሳ ኬላታሰ ሁዒን ሁዒን ጨማታ ደሪደሰና። የሚዳፔኔ ዋሲዳፕ ጉዬ ኤንቲ እማኒዳ ጎዳሰ ኤንታ ሃዳራ ኢሚደሰና።

24 ጲሲዲያ ቢታ ካንሉዳ ኦጲዲ ጲንፊሊያ ቢደሰና።

25 ጴርጌን ቃላ ኦዲዳፕ ጉዬ ኣየሊያ ቢደሰና።

26 ያፕ ኤንቲ ባንታ ፖሊዳ ኦሱዋሰ ያሳ ኦጲ ኬሃቴላሰ ኤንታ ሃዳራ ኢሚዳ እንደኪያ ማርካቤራ ሲሚደሰና።

27 እንደኪያ ጋኪዳ ዋዴ ዋሳ ኬላ ኣሳ ሸሺዲ የሳይ ኤንታራ ኦሉዳ ኦሱዋ ኡባኔ ኣይሁዴ ጊደና ኣሳይ እማናና ሜላ ኤንታው ዋቲ ፔንጌ ዶዪዳኮ ኦዲደሰና።

28 ሄሳን እማኔይሳታራ ዳር ዋዴ ጋምዒደሰና።

# 15

ዬሩሳላሜ ሸቆዋ

1 ኢሲ ኢሲ ኣሳቲ ዪሁዳፕ እንደኪያ ቢዲ፥ «ሙሴ ዋጋሉ ሂንቴ ቃዓሬቶና ኢጂኮ ኣታናው ዳንዳዩኬታ» ጊዲ እማኔይሳታ ታማርሲ ደሚደሰና።

2 ሄሲ ጳውሎሳኔ ባርናባሳ ኤንታራ ዳር ፓላማናዳኔ ካጫናዳ ኦሉሰ። ሄሳ ጊሾ፥ እንደኪያ ደዒያ ኢሲ ኢሲ ኣሳቲ ጳውሎሳራኔ ባርናባሳራ ዬሩሳላሜ ቢዲ ሃዋሬታራኔ ጨማታራ ጋሄቲዲ ሄ ኦዳ ቢላና ሜላ ቆፋ ቃቹደሰና።

3 ዋሳ ኬላይ ኤንታ ከቲን ቢደሰና። ኤንቲ ሲርፊንቄ ሳማሬራ ኣጲሼ ኣይሁዴ ጊደናይሳቲ የሳኮ ዋኒዲ ሲሚደኮ ኦዲደሰና። ሄሲ እማኔይሳታ ኡባ ዳር ኡፋይሰሰ።

4 ኤንቲ ዬሩሳላሜ ጋኪዳ ዋዴ ዋሳ ኬላይ፥ ሃዋሬቲኔ ጨማቲ ኤንታ ሞኪደሰና። የሳይ ባንታራ ኦሉዳባ ኡባ ኦዲደሰና።

5 ሸን ፋሪሳዊታ ባጋሬ እማኒዳ ኢሲ ኢሲ ኣሳቲ ዳንዲ ኤቁዳ፥ «ኣይሁዴ ጊደናሸን እማኒዳ ኣሳቲ ቃዓሬታናውኔ ሙሴ ሂጊያ ናጋናው ቤሰሰ» ያጊደሰና።

6 ሃዋሬቲኔ ጨማቲ ሄሳ ዘራታናው ሸቂደሰና።

7 ዳር ሃሳዪዳፕ ጉዬ፥ ጲጻርሲ ዳንዲ ኤቁዳ፥ «ታ ኣሻቶ፥ ኣይሁዴ ጊደናይሳቲ ዋንጌላ ቃላ ታ ደናፕ ሰዒዲ እማናና ሜላ ካሴቲዲ ታና የሳይ ሂንቴ ጊደፌ ደሪዳይሳ ሂንቴ ኤሬታ።

8 ኣሳ ዋዛና ኤሪያ የሳይ ጊሻ ኣያና ኦሰ እሚዳይሳዳ ኤንታውካ እሚዲ ቱማይሰ።

9 እማኖን ኤንታ ዋዛና ጌሺዳ ጊሾ ኦ ጊደኒኔ ኤንታ ጊደን ዲማቴሉ ዋሉሰና።

10 ሄሳ ጊሾ፥ ኦ ኣዋቲኔ ኦኒ ቶካናው ዳንዳዒቦና ቃምባራ እማኔይሳታ ሞርጌን ዋሉዲ ሃዒ ኣይሰ የሳ ፓጩቲ?

11 ጎዳ ዩሱሰ ከሪሰቶሳ ኣጲ ኬሃቴላን ኤንቲ ኣቲዳይሳዳ ኦካ ኣቲዳይሳ እማናሰ» ያጊሰ።

12 ኣሳይ ሰዒ ጊዲ፥ ባርናባሲኔ ጳውሎሲ ኣይሁዴ ጊደና ኣሳ ጊደን ባንታ ባጋራ የሳይ ኦሉዳ ማላታታኔ ኦራሳባ ኡባ ኦዲሸን ሲደሰና።

13 ኤንቲ ሃሳያ ኦንጊዳፕ ጉዬ ያይቆቢ፥ «ኣሻቶ፥ ታ ጌይሳ ሰዒቲ።

14 የሳይ ኣይሁዴ ጊደናይሳታ ጊደፌ ባ ኣሴ ደራናው ኮዪዲ ኤንታና ኮይር ዋቲዲ ቆፒዳኮ ሲሞኒ ኦዲሰ።

15 ናቤታ ቃላይ ሃይሳራ ጌኔሰ። ጌሻ ማዓፋን።

16 ሳይሳፌ ጉዬ፥ ታኒ ሲማና፥  
ኩንዲዳ ዳዊቲ ካዎቴላ ዴንላና።  
ሳሉቲዳ ኮላካ ዛራ ኤሳና።

17 ኣቲዳ ኣሳ ኡባይ ታኮ ያና፥  
ታኒ ጃጊዳ ኣይሁዴ ጊደና ኣሳ ኡባይ ታና ኮያና።

18 ቤኒፕ ደማዳ ሄሲ ኤሬታና ሜላ ኦሉዳ  
የሳይ፥ ታኒ ያጋይሰ» ያጌሰ።

19 «ሄሳ ጊሾ፥ ታ ቆፋይ የሳኮ ሲሚያ ኣይሁዴ ጊደናይሳታ ኦኒ ዋይሰናኮ ሎዎ።

20 ሺን ኤንጥ ኤቃሰ ያርሼቲዲ ቲኒዳባ ሞና ሚላ፣ ላይማቶና ሚላ፣ ባወታ ሞና ሚላኔ ሱሊ ኡዮና ሚላ ኤንታው ኑኒ ዳብዳቤ ዓፋናው ኮሼስ።

21 ሙሴ ሂንይ ቤኒፔ ደሚዲ ሳምባታን ሳምባታን አይሁዳ ዋሳ ኬላታን ናባቤቲሼ ካታማ ኡባን ሳባኩቲስ» ያገሰ።

22 ሃሳፌ ጉዬ፣ ሃዋሪቲኔ ጨማቲ ዋሳ ኬላ አሳ ኡባራ ኢሲፌ ባንታ ጊደፌ ጉላ አሳታ ደሪዲ ጳውሎሳራኔ ባርናባሳራ አንዮኪያ ዩዳናው ቆፋ ቃቺዶሶና። ኤንጥ ዳሮ ቦንቼቲዳ ናምቡ አሳታ ባርሳባሳ ጌቲቲያ ዪሁዳኔ ሲላሴ ደሪዶሶና።

23 ሃይሳዳ ጌቲቲ ዓፊቲዳ ዳብዳቤያ ኤንታ ቦላ ዩዲዶሶና። «ኑኒ ሃዋሪቲኔ ጨማቲ ሂንቴ ኢሻቲ፣ አንዮኪያ፣ ሶሪያኒኔ ኪልቁያን ዳዊያ አይሁዳ ጊደና ኢሻታስ ኑ ሳርሱጥ ከቶስ።

24 «ኑኒ ከቶና አሳቲ ኑ ጊደፌ ቢዲ፣ ሂንቴ ቃፀሬታናወኔ ሂንያ ናጋናው ቤሱስ» ጊዲ፣ ሂንቴና ዋሪሲዳይሳኔ ዪሉዩዳይሳ ሲዲዳ።

25 ኑኒ ደሲያ ባርናባሳኔ ጳውሎሳ ደሪቲዳ አሳታራ ኢሲፌ ሂንቴኮ ኪታናው ኢሲ ዋዛናን ኑ ቆፋ ቃቺዳ።

26 ኤንጥ ኑ ጎዳ ዩሱስ ከሪሰቶሳ ገሾ ባንታ ዴቡዋ አሊ ኢሚዶሶና።

27 ሃሳ ገሾ፣ ኑኒ ዓፊዳይሳ ኤንጥ ባንታ ዶናን ጉጂዲ ሂንቴው ኦዳና ሚላ ዪሁዳኔ ሲላሴ ከቲዳ።

28 «ሃ ኮሼይሳታፔ ኢጥን ሃራ ቶዮ ሂንቴና ቶሶና ሚላ ኑኒ ገሻ አያናይ ኦዳ ቃቺዳ።

29 ኤቃሰ ያርሼቲዲ ቲኒዳባ ሞጥቲ፣ ሱሉ ኡዮጥቲ፣ ባወታ ሞጥቲ፣ ላይማቶጥቲ፣ ሃ ኡባፌ ሂንቴ፣ ሂንቴ ሁዲያ ናገኮ ሎዋባ ኦልታ» ያገደሶና።

30 ሃሳ ገሾ፣ ከቲቲዳይሳቲ ሞይዜቲዲ አንዮኪያ ቢዲ አማኒያ አሳ ሺሺዲ፣ ዳብዳቤ ኢሚዶሶና።

31 ኤንጥ ሄ ሚንጼሌያ ዳብዳቤያ ናባቢዳ ዋዳ ኡፋይቲዶሶና።

32 ቃሲ ዪሁዳኔ ሲላሴይ ባንታ ሁዳን ናቤ ጊዲያ ገሾ አማኔይሳታ ሎይሊ ዞሪዲ ሚንጼሊዶሶና።

33 ኤንጥ አንዮኪያን ጉላ ጋላስ ኡቲዳፔ ጉዬ ኢሻቲ ሎዎሪ ሞይዚን ባንታና ከቲዳይሳታኮ ሲሚዶሶና።

34 \* [ሺን ሲላሴይ ያን አታናው ኮዩስ።]

35 ቃሲ ጳውሎሴኔ ባርናባሳ ሃራ ዳሮ አሳታራ ኢሲፌ ጎዳ ቃላ ታማርሲሼኔ ዋንጌላ ኦዲሼ አንዮኪያን ጋምባዶሶና።

**ጳውሎሴኔ ባርናባሳ ሻኩቲዶሶና**

36 ጉላ ጋላሳፔ ጉዬ ጳውሎሴ ባርናባሳኮ፣ «ኑኒ ጎዳ ቃላ ኦዲዳ ካታማ ኡባን አማኔይሳቲ ዋኒዲ ዳዊያኮ ጉዬ ሲሚሼ ያምሳና» ያገሰ።

37 ባርናባሳ ማርቆሳ ጌቲቲያ ዮሃንሳ ባንታራ ኤፋናው ኮዩስ።

38 ሺን ጳውሎሴ ማርቆሳ ባንታራ ኤፋናው ኮዩሴና። ጋሪይካ፣ ኢ ጲንፊሊያን ሻኩቲዳ ኤንታራ ኦፋናው ቢቤና።

39 ኤንታ ጊደን ኢታ ኦሺ ኬዩን ኢሶይ ኢሱዋፌ ሻኩቲዶሶና። ባርናባሳ ማርቆሳ ኤኪዲ ማርካቤራ ቆጶሮሳ ቢስ።

40 ሺን ጳውሎሴ ሲላሴ ደሪስ፤ አማኔይሳቲ ጳውሎሳ ያሳ አጾ ኬሃቴሳስ ሃዳራ አሚዳፔ ጉዬ ኢ ከዪዲ ቢስ።

41 ያቲዳ፣ ዋሳ ኬላታ ሚንጼሊሼ ሶሪያራኔ ኪልቁያራ አጲስ።

**16**

**ዲሞቲዮሲ ጳውሎሳራኔ ሲላሴራ ጋሂቲስ**

1 ጳውሎሴ ዳርቤኔ ሊስዳራ ቢስ። ያን ዲሞቲዮሳ ጊያ አማኒያ አሲ ዳዌስ። ኢያ አያ አማኒያ አይሁዳ ማጫስ። ኢያ አዋይ ገሪኬ አሲ።

2 ሊስዳራኒኔ ኢቆኒዮኔን ዳዊያ አማኔይሳቲ ዲሞቲዮሳ ሎይሊዲ ማርካቲዶሶና።

3 ጳውሎሴ ዲሞቲዮሳ ባራ ኤፋናው ኮዩዲ፣ ኢያ አዋይ ገሪኬ አሲ ጊዲዳይሳ ሄ ቤሳን ዳዊያ አይሁዳ ኡባይ ኤሪያ ገሾ ኢያ ቃፀሪስ።

4 ኤንጥ ካታማታራ ቢሼ ዩሩሳላሚን ዳዊያ ሃዋሪቲኔ ጨማቲ ዋሉዳ ሂንያ አማኔይሳቲ ናጋና ሚላ ኤንታው ኦዲሼ አጲዶሶና።

5 ሃሳ ገሾ፣ ዋሳ ኬላቲ አማኖን ሚኒሼ፣ ታይቦንካ ጋላስ ጋላስ ዳሪ ዳሪ ቢዶሶና።

**ጳውሎሴ ማቄዶኒያ ባናዳ ዪጌቲስ**

6 ኢሲያን ቃላ ኦድና ማላ ገሻ አያናይ ኤንታ ዲጊዳ ገሾ ጸርገራኔ ጋላቲያ ቢታራ አጁደሶና።  
 7 ኢንቲ ሚሲያ ዛዋ ጋከዳ ዋዴ ቢቲኒያ ባናው ኮዩደሶና። ሺን ዩሱፊ አያናይ ኤንታ ዲጊስ።  
 8 ሃሳ ገሾ፣ ኤንቲ ሚሲያ ማታራ አጁሼ ያርዳዳ ዋጁደሶና።  
 9 ጳውሎሲ ቃዎ ቆንጩጳን ኢሲ ማቁደኒያ አሲ ባኮ፣ «ማቁደኒያ ፒናዳ ኑና ማዳርኪ» ያገሸ ኤቁዲ ዋሲሺን ቤዒሲ።

10 ቆንጩጳ አ ቤዒዳ፤ ጉዩ ኤሌሲዲ ኑኒ ማቁደኒያ ባናው ኮዩዳ። ሄሲካ፣ ዋንጌላ ያን ዴዒያ አሳሰ ኦዳናው ያሳይ ኑና ዪጊዳይሳ ኤሪዳ ገሾሳ።

**ሊዲያ ኪሪሰቶሳ አማናሱ**

11 ያርዳዳ፤ ዴንዲዲ ማርካቤን ጌሊዲ ሳሞቲራቁ ቢዳ፣ ዋንቴላ ጋላሰ ናዱሌ ቢዳ።  
 12 ያፕ ዴንዲዲ ማቁደኒያ ቢታን ዴዒያ ፊልጲሲዩሳ ገያ ኮይሮ ካታማ ቢዳ። ቃሲ ፊልጲሲዩሲ ሮሜ አሳይ ዴዒያ ካታማ። ኑኒ ሄ ካታማን ጉላ ጋላሰ ኡቲዳ።  
 13 ሳሞባታ ጋላሰ ካታማ፤ ጋፃን ሻፋ ደናን አይሁዴቲ ያሳ ዋሲያ ቤሲ ዴዒይሳ ኤሪዳ ያ ቢዳ። ሄ ቤሳን ሸቁዳ ማጫሳሰ ቃላ ኦዲዳ።  
 14 ኑና ሲዒያ አሳ፤ ጌሲ ሊዲያ ጌቲቲያ ቲያቲሮና ካታማ፤ ዩዳ፣ ያሳ አማኒዳ ዞየ አፊላ ዛልዒያ፣ ማጫሲያ ዴዒዳ። ጳውሎሲ ኦዴይሳ ኢያ ሲዒና ማላ ያሳይ ኢ ዋዛና ደዩሲ።  
 15 ሊዲያ ባ ሶ አሳራ ኢሲፊ ፃማቁቲዳ፤ ጉዩ ኑኮ፣ «ሂንቴ ታና ጎዳ ቱማ አማናሱ ገቡ ታ ሶ ዩጂቲ» ጋዳ ሚንሳዳ ዋሳሱ።

**ጳውሎሲኔ ሲላሲ ቃሼቲደሶና**

16 ኑኒ ያሳ ዋሲያ ቤሳ ዋሲሺን ኢታ አያኒ ኢ ቦላ ዴዒዲ ካይሲያ ኢሲ ጌላየ አይሌይ ኑራ ጋሂታሱ። ኢያ ካያዳ ዳሮ ሚሼ ባ ጎዳታሰ ኤሃዉሱ።  
 17 ጳውሎሲኔ ኑና ካላዳ፣ «ሃይሳቲ ኡባፊ ቦላ ያሳ አይሌታ! ኤንቲ ሂንቴ ኣታና ኦጊያ ኦዴይሳታ» ጋዳ ዋሳሱ።  
 18 ኡባ ጋላሰ ሃሳዳ ጋዉሱ። ሺን ጳውሎሲ ዩሎቲዲ ጉዩ ሲሚዲ፣ ሄ አያና፣ «ዩሱስ ኪሪሰቶሳ ሱንሳን ኢፔ ኬያ» ገዲ ከቲሰ። ኢራካ ኢታ አያናይ ኢፔ ኬዩ ኣገሲ።  
 19 ሺን ኢ ጎዳቲ ባንታው ሚሼ ዴሚያ ኦጊይ ጳዩዳይሳ ቤዒዲ፣ ጳውሎሲኔ ሲላሲ ኦይኪዲ፣ ዳባባ ዳይናታ ሲንጤ ጎቺ ኤፊደሶና።  
 20 ዳይናታ ሲንጤ ኤንታ ኤፊዲ፣ «ሃይሳቲ አይሁዴ አሲ ገዲሾ ኑ ካታማ አሳ ዳሮ ዋይሶሶና።  
 21 ኑኒ ሮሜ ቢታ አሲ ገዲሾ ኤካናዉኔ ኦላናው ዋጋ ገደናባ ታማርሶሶና» ያገደሶና።  
 22 አሳይ ኢሲ ባጋ ገዲዲ፣ ጳውሎሳ ቦላኔ ሲላሲ ቦላ ዴንዲደሶና። ዳይናቲ ኤንታ ማዑዋ ቃሪዳ ፃሞዓን ኤንታ ሾጮና ማላ ከቲደሶና።  
 23 ኤንታ ዳሮ ዋጁዳ፤ ጉዩ ቃሾ ከሌ ጌልሲደሶና። ቃሾ ከላ ናጌይሲ ኤንታ ሚንሌ ናጋና ማላ ከቲደሶና።  
 24 ቃሾ ከላ ናጌይሲ ሄ ከታ ኤኪዲ፣ ጳውሎሲኔ ሲላሲ ቃሾ ከላሰ ቆልዓ ጌልሲሱ። ኤንታ ቶሁዋ ዳዲሰ  
 25 ሺን ገዲ ቢላሂ ገዲያ ዋዴ ጳውሎሳራኔ ሲላሲራ ዋሲሼኔ ማዘሙራ ዩዪሾ ያሳ ጋላቶሶና። ቃሾ ከላን ዴዒያ ሃራ አሳቲካ ኤንቲ ገያባ ሲያሶና።  
 26 ቆፖና ቃሾ ከላ ባሶይ ቃፃና ጋካናው ቢታ ቃይይ ሃኒሱ። ሄ ሳቲካ ፔንጌ ኡባይ ደዩቲ ኣገሲ፤ ቃሼቲዳ አሳ ኡባ ሳንላላታይ ቢርሼቲ ዋጁሰ።  
 27 ቃሾ ከላ ናጌይሲ ጁሰኮፊ ባርኪዳ ዋዴ ቃሾ ከላ ፔንጌ ኡባይ ደዩቲዳይሳ ቤዒዲ ቃሾ አሳይ ከሲ ኤኪ ቢዳባ ዳኒን ባና ዋፃናው ማሼ ኤኪሱ።  
 28 ሺን ጳውሎሲ ቃላ ቆቁ ኦሌዲ «ኑ ኡባይ ሃይሳን ዴዒያ ገሾ ኑኒ ኑና ቆሆፓ» ያገሰ።  
 29 ቃሾ ከላ ናጌይሲ ያሞ፤ ዋሲ ኤኪዲ ኤሌሲዲ ጋሌ ዋዲሰ። ኮኮሪሼ ጳውሎሳ ሲንላኒኔ ሲላሲ ሲንላን ጉፋኒሰ።  
 30 ኤንታ ካሬ ከሲዲ፣ «ታ ጎዳቶ፣ ታኒ ኣታናው ኣይ ኦላናው ቤሲ?» ያገሰ።  
 31 ጳውሎሳራኔ ሲላሲራ ኢያኮ፣ «ጎዳ ዩሱስ ኪሪሰቶሳ አማና፤ ኑራኔ ኔ ሶ አሳራ ኣታና» ያገደሶና።  
 32 ኤንቲ ኢያሲኔ ኢያ ሶን ዴዒያ ኡባሰ ጎዳ ቃላ ኦዲደሶና።  
 33 ቃዎ ሄ ሳቲካ ቃሾ ከላ ናጌይሲ ኤንታ ኤፊዲ ኤንታ ማዲንሳ ሚጪሰ። ኤሌሲዲ ባ ሶ አሳ ኡባራ ፃማቁቲሰ።  
 34 ጳውሎሳኔ ሲላሲ ባ ሶ ኤፊዲ ኤንታው ካሌ ኣሌሰ። ኢ ባ ሶ አሳ ኡባራ ያሳ አማኒዳ ገሾ ኡፋይቲሰ።  
 35 ሳዒይ ዋንቲን ዳይናቲ፣ «ሄ አሳታ ቢላ» ያገዲ ፖሊሲ ሃላቃታ ኢያኮ ከቲደሶና።  
 36 ቃሾ ከላ ናጌይሲ፣ «ሂንቴ ቢሊታና ማላ ዳይናቲ ከቲደሶና። ሂካ፣ ኬዩዲ ሳሮ ቢቲ» ያገዲ ሄ ከታ ጳውሎሳሰ ኦዲሰ።

37 ሺን ጳውሎስ ሄ ፖሊሴ ሃላቃታቱ፡ «ኮነ ሮሜ አሲ \* ጊዲሺን ኤንቲ ኑና ፐርዲ ባይና አሳ ስገላን ዋዲዲ፡ ቃሽ ኩላን ዩጊደሶና። ሃሲ ኑና ጌማን ኩዪዲ ቦ ጎና? ሃኑና፡ ኤንቲ ባንታ ሀዲን ዪዲ ኑና ኩሶ» ያገሰ።

38 ፖሊሴ ሃላቃቱ ዳይናታስ ሄሳ ኦዲን፡ ጳውሎሳራኔ ሲላሴራ ሮሜ ቢታ አሲ ጊዲዳይሳ ሲዲዳ ዋዴ ያዪደሶና።

39 ሄሳ ገሾ፡ ዳይናቱ ዪዲ ኤንታታ፡ «ኮነ ሂንቴና ቆሂዳ» ጊደሶና። ቃሽ ኩላፊ ካሬ ኤንታ ኩሲዲ፡ ካታማፔ ኩዪዲ ባና ማላ ዋሲደሶና።

40 ጳውሎሳራኔ ሲላሴራ ቃሽ ኩላፊ ኩዪዲ ሊዲያ ሶ ቢደሶና። ያን አማኔይሳታራ ጋሄቲዲ ኤንታ ማንሐላዲ ኩዪዲ ቢደሶና።

# 17

## ጳውሎስ ቴሴሎንቄን ታማርሲስ

1 ጳውሎሳራኔ ሲላሴራ አምጳጸሊሳራኔ አጳሎኒያራ አዲዲ ቴሴሎንቄ ቢደሶና። ያን አይሁዴ ዋሳ ኩላ ዴዴስ።

2 ጳውሎስ ካሴይሳዳ ያ ጌሊስ። ያን ሃዡ ሳሚንታ ያሳ ቃላፔ አሳስ ኦዲስ።

3 ከሪስቶሲ ዋዬ ኤካናዉኔ ሃይቆፔ ዴንዳናው ቤሴይሳ ኤንታው ቆንጩሲዲ ኦዲሼ። «ዬሱሲ ሃ ታኒ ሂንቴው ኦዴይሲ ከሪስቶሳ» ያገሰ።

4 ኤንታፊ ኢሶቲ ኢሶቲ ኦዲይ ተማ ጊዳይሳ ማዲዲ ጳውሎሳራኔ ሲላሴራ ኢሲፊደሶና። ሄሳዳካ፡ ያሳ ጎይኒያ ዳር ገሪኬ አሳይኔ ዳር ቦንቹቲዳ ማጫሳቲካ ኤንታራ ኢሲፊደሶና።

5 ሺን አይሁዴቲ ቃናቲዲ ኢሲ ኢሲ ኦሶይ ባይና ኢታ አሳታ ኦፔፔ ሺሺደሶና። ካታማን ቡቄላ ኩሲደሶና፤ ጳውሎሳኔ ሲላሴ አሳስ አላ አማናው ኮዪዲ ያሶና ኩላ ቴቁደሶና።

6 ጳውሎሳኔ ሲላሴ ኤንታው ቤንቶና ኢዲን፡ ያሶና ኢሲ ኢሲ አማኔይሳታ ካታማ ሃላቃታኮ ጎቹ ኤፊዲ፡ «ሃይሳቲ ቢታ ኡባ ቡቄይሳቲ ሃዲ ኮኮ ዪደሶና።

7 ያሶኒ ኤንታ ባ ሶን ዋሴስ። ሃይሳቲ፡ ዩሱሳ ጊያ ሃራ ካዋይ ዴዴስን ጊዲ ቄሳሬ ከታ ማንሐሶና» ያገዲዲ ጶቁ ጊዳ ቃላን ኦዲደሶና።

8 ሺቁዳ አሳይኔ ካታማ ሃላቃቲ ሄሳ ሲዲዲ ሃናናባ ጳዪደሶና።

9 ሃላቃቲ ያሶናኔ ሃራታ ዋሴን ቢርሺደሶና።

## ጳውሎስ ቤሪያን ታማርሲስ

10 አማኔይሳቲ ጳውሎሳኔ ሲላሴ ቃማራ ቤሪያ ዬዲደሶና። ቤሪያ ጋኪዲ፡ አይሁዴ ዋሳ ኩላ ጌሊደሶና።

11 ቤሪያ አሳቲ ቴሴሎንቄ አሳታፔ አዲዳ ሱሬታ። ኤንቲ ቃላ ኩሜላ ዋዛናፔ ኤኪደሶና፤ ጳውሎስ ጊዳይሲ ተማ ጊዳይሳ ሻኪ ኤራናው ጋላስ ጋላስ ጌሻ ማፃፋታ ፃናዖሶና።

12 ሄሳ ገሾ፡ ኤንታፊ ዳርቲ፡ ገሪኪታፔካ ቦንቹቲዳ ዳር ማጫሳቲኔ ዳር አዴቲ አማኒደሶና።

13 ሺን ቴሴሎንቄን ዴዲያ አይሁዴቲ ጳውሎስ ያሳ ቃላ ቤሪያንካ ኦዲዳይሳ ሲዲዳ ዋዴ ቤሪያ ዪዲ አሳ ቡቁደሶና።

14 ሄሳፊ ጉዬ፡ አማኔይሳቲ ኤሊሲዲ ጳውሎሳ አባ ማቲ ዬዲደሶና። ሺን ሲላሴይኔ ጀሞቲዮሲ ቤሪያን አቲደሶና።

15 ጳውሎሳ ሞይዚዳ አሳቲ አቴና ጋላደሶና። ሄ አሳቲ ሲላሴይኔ ጀሞቲዮሲ ባንታው ዴንዳዴቲዳ ማላ ኤሊሲዲ ባኮ ያና ማላ ጳውሎስ ከቲዳ ከታ ኤኪዲ ቤሪያ ሲሚደሶና።

## ጳውሎስ አቴና ቢስ

16 ጳውሎስ አቴናን ሲላሴይኔ ጀሞቲዮሳ ናገሼ፡ ካታማን ኤቄ ኩሚዳይሳ ቤዲዲ ዪሎቲስ።

17 ሄሳ ገሾ፡ አይሁዴ ዋሳ ኩላን አይሁዴታራኔ ያሳ ጎይኒያ አይሁዴ ጊደና አሳታራ ቃሲ ባራ ጋሄቲያ አሳታራ ኡባ ዋዴ ፓላሚስ።

18 ኤጲቆርሳኔ ኢሲቶይኬ ጌቴቲያ ጨጋታፔ ኢሲ ኢሲ ኤራንቸቲ ጳውሎሳራ ፓላሚደሶና። ኤንታፊ ኢሶቲ ኢሶቲ፡ «ሃ ዮያማይ አይ ኦዲናው ኮዪ?» ያገደሶና።

ሃራቲ ጳውሎስ ዩሱሳባኔ ሃይቆፔ ኢ ዴንዲዳይሳ ባንታው ኦዲዳ ገሾ «ኦራላ ያሳታባ ኦዲያ ዳኔስ» ያገደሶና።

19 ጳውሎሳ ኦይኪዲ አርዮሰፓጎሳ ጊያ ሺቆ ቤሳ ኤፊዲ፡ «ሃ ኔኒ ታማርሲያ ኦራላባይ አይቤኮ ኑና ኤሪስኪ?»

20 አይስ ጊኮ፡ ኔኒ ኮስ ኦራላባ ኦዲሳ፤ ሂዛ ሄሲ አይቤኮ ኮኒ ኤራናው ኮዮስ» ያገደሶና።

21 አቴና አሳ ኡባይኔ ያን ዴዲያ አማላቲ ኦራላባ ኦዲቶናኔ ሲያና ፔያኮና።

\* 16:37 ሮሜ አሲ፡ ጳውሎስ ሮሜ አሲ ያገዲዲ ባና ግዲዳይ ሄ ዋዴ አይሁዴ ቢታ ሃራይ ሮሜ ካዋቴላ ጊዲዳ ገሾሳ። ሄ ዋዴ ሮሜ ቢታን ዴዲያ አሳይ ፐርዲ ባይና ጋራፊቶኮና።

- 22 ጳውሎስ እርዮስፓሳን ሸቆዳ እና ሲንገላን ኤቁዲ። «እቴና አሳው። ሂንቴ ያሳታሰ ኡባባን ዳር ያዩይሳ ታኒ ቢዓይሰ።
- 23 ታኒ ሂንቴ ካታማራ ዩያሼ ሂንቴ ጎይኒያ ቤሳታ ቤዒያ ዎዴ ሳኤቶና ያሳሰን ጌቴቴ ዓፌቴዳ ያርሮ ቢሳ ዳማሰ። ሃ ሂንቴ ኤርናሽን ጎይኒይሳ ታኒ ሂንቴው ኦዳይሰ።
- 24 ሳሳኔ ሳሳን ዳዒያ ኡባባ ሚጲዳ ያሳይ። ሳሉዋኔ ሳሳ ጎዳይ። አሲ ከጌዳ ከላን ዳና።
- 25 ኢ ዳዎ። ሸዎፖን ኡባባ እና ኡባሰ አሚያ ጊሾ ፓጩ ዳዒያ አሳዳ እና ማዴ ኮዩና።
- 26 ያሳይ እና ዜራሌ ኡባ ኢሲ አዲያፌ ሚጲዳ ቢታ ኡባን ዎላሰ። ያቴዲ ኤንቴ ዳዳና ዎዲያሲኔ ቢሳሰ ዛዋ አሚሰ።
- 27 ኢ ሄሳ ኦሊዳይ እሲ ኢያ ኮያና ማላኔ ፐልጊዲ ዳማና ማላሳ። ሂንቴካ ኢ ኑፔ ጌሚቤና።
- 28 ሂንቴፌ አሲ አሲ ዩዳይሳቴ። ሱኒ ኢያ ናይታ ገዳይሳዳ። ሱኒ ኢያን ፓዎ ዳዎሰ። ቃዎሰ።
- 29 ሂዛ። ኑኒ ያሳ ናይታ ገዲያ ጊሾ ሳሳይ እና ሂሳቴላኒኔ ቆፋን ዎርቃፌ ዎይኮ ቢራፔ ዎይኮ ሹቻፌ ኦሴቴዳባ ዳኒሰን ያገዲ ቆፓናው ቤሰና።
- 30 ሄሳ ጊሾ። ያሳይ ካሴ ዎዴ አሳይ ኤርና ኦሊዳይሳ አገዲ አጲሰ። ሽን ሃዒ ኡባሰን ዳዒያ እሲ ኡባይ ናገራፔ ሲማና ማላ ከቴሰ።
- 31 አይሰ ገኮ። ያሳይ ባ ዶሪዳ አዲያን ሳሳን ዳዒያ እና ኡባ ቦላ ዓሎ ፐርዳ ፐርዳናው ቃማ ገሊሰ ዎላሰ። ኢያ ሃይቆፔ ዳንሳዲ ሄሳ እና ኡባሰ ቱማዩሰ» ያገሰ።
- 32 ኤንታፌ አሲ አሲ አሳቴ ሃይቆፔ ዳንደባ ጳውሎሳፔ ሲዒዲ። ኢያ ቦላ ቁልቁሲዶሶና። ሽን ሃራቴ። «ኑኒ ሄሳ ኔፔ ጉጂዲ ሲዓናው ኮዮሰ» ያገደሶና።
- 33 ሄሳ ጊሾ። ጳውሎስ ኤንታ ገደፌ ከዩሰ።
- 34 ሽን ኢሲ አሲ አዳቴ ጳውሎሳራ ጋሄቴዲ አማኒዶሶና። ኤንታ ገደፌ እርዮስፓሳን ሸቆዋን ዳዒያ ዲዮናሰዮሳ ገያ አዳይ። ዳማርሶ ገያ አሲ ማጫሲያኔ ሃራቴ ዳዎሶና።

# 18

## ጳውሎስ ቆርንቶሳ ቢሰ

- 1 ሄሳፌ ጉዬ። ጳውሎስ እቴናፔ ከዩዲ። ቆርንቶሳ ቢሰ።
- 2 ያን አቁላ ገያ ጳንጾሳን ዩሉቴዳ አሲ አይሁዴ እሲ ዳሚሰ። አይሁዴ እና ኡባይ ሮሜፔ ከያና ማላ ካዎይ ቃላዉዲዮሲ ከቴቴና ጊሾ ጉላ ዎዴፔ ካሴ ኢ ባ ማቼ ጳሪሰቁላራ ዓሊፔ ዩሰ። ጳውሎስ ኤንታራ ጋሂታናው ቢሰ።
- 3 ኢያ ኦሶይ ኤንታይሳዳ ዲንካኔ ሲኮ ገዲያ ጊሾ ኤንታራ ኡቴዲ አሲፌ ኦሊሰ።
- 4 ጳውሎስ ሳሞባታ ኡባን አይሁዴታኔ ገሪኮኔታ አማንሳናው አይሁዴ ዎሳ ከላን ፓላሚሰ።
- 5 ሲላሴይኔ ደሞቴዮሲ ማቁደኒያፔ ዩዳ ዎዴ ጳውሎስ ባ ኩማላ ዎዲያ አሚዲ አይሁዴታሰ ዩሱሲ ኢ። ከሪሰቶሳ ገዲ ቃላ ኦዲሰ።
- 6 ሽን ኤንቴ ጳውሎሳ አይዲ ኢያ ጫዩን ጳውሎስ ባ ማዑዋፔ ባና ቆቆፊሾ። «ሂንቴ ጎሜይ ሂንቴና ኦይኮ፤ ታኒ ሄሳን ዳዒከ። ሂዛፔ ጉዬ። ታኒ አይሁዴ ገደና አሳኮ ባይሰ» ያገሰ።
- 7 ያፔ ከዩዲ ያሳ ጎይኒያ ቱቶሶ ዮሰዎሳ ገያ ኡራ ሶ ቢሰ። ዮሰዎሳ ከላይ አይሁዴ ዎሳ ከላ ማታን ዳዒሰ።
- 8 አይሁዴ ዎሳ ከላ ሃላቃይ ቃሪሰጸሲ ባ ሶ እና ኡባራ ጎዳ አማኒሰ። ቆርንቶሳ አሳታፔካ ዳርቴ ያሳ ቃላ ሲዒዳ ዎዴ አማኒዲ ያማቁቴዶሶና።
- 9 ጎዳይ አሲ ቃማ ጳውሎሳሰ ቆንጩዲ። «ያዮፋ፤ ኦዳ። ሲዒ ጎፓ።
- 10 ታኒ ኔራ ዳዒሰ። ታው ሃ ካታማን ዳር አሲ ዳዒያ ጊሾ ኔና ቆሃዲ ኢታባን ዩጋና አሲ ኦካካ ባዎ» ያገሰ።
- 11 ሄሳ ጊሾ። ጳውሎስ ያሳ ቃላ እና ታማርሲሽ አሲ ላይሌኔ ኡሱፑን አገና ኤንታራ ኡቴሰ።
- 12 ጋሊዮሲ አካያ ቢታ አይሲያ ዎዴ አይሁዴቴ አሲፌ ጳውሎሳ ቦላ ዳንዲዲ ፐርዳ ከሌ ኢያ ኤፊዲ።
- 13 «ሃ አዳይ ሂገያ አይዲ። አሳይ ያሳ ጎይናና ማላ ኦሊሰ» ያገደሶና።
- 14 ጳውሎስ ሃሳያና ሃኒሽን። ጋሊዮሲ አይሁዴታኮ። «አይሁዴቶ። ሄሲ ኢታ ኦሶ ዎይኮ ናቆ ገዲያኮ ታኒ ሂንቴባ ዳንደዒዳ ሲዓናው ቤሰሰ።
- 15 ሽን ቃላሰ። ሱንሳሴኔ ሂንቴ ሂገያሰ ሂንቴ ፓላሚያባ ገዲኮ ሂንቴ። ሂንቴው ቢሊቴ፤ ሄሳ ታኒ ፐርዲከ» ያገሰ።
- 16 ያቴዲ። ኤንታ ፐርዳ ከላፌ ካሬ ከሲሰ።
- 17 ሄሳፌ ጉዬ። ገሪኮኔ እና ኡባይ አይሁዴ ዎሳ ከላ ሃላቃ ሶሰቴኒሳ አይኪዲ ፐርዳ ከላ ሲንገላን ዎጲዶሶና። ሽን ጋሊዮሲ ሄሳ ፓዎባ ገቤና።



**ጳውሎስ እንደሆነ በሰ**

18 ጳውሎስ ዳር ጋለስ ቆሮንቶስን ኡተዳፔ ጉዬ እማኒያ አሳ ሳርሴዲ፣ ጳሪስቁሊራኔ አቁላራ ማርካቤራ ሶሪያ በሰ። ሺን ኢ ባናፔ ሲንጤ ባው ጋሶይ ዴዒያ ገሾ ከንኪሪያ ካታማን ባ ሁዒያ በሉሰቲስ።

19 ኤንቲ ኤፌሶና ጋኪዳ ዋዴ ጳውሎስ ጳሪስቁሎኔ አቁላ ያን ኣገሰ። ሺን ባው ኣይሁዴ ዋሳ ከሉ ገሊዲ ኣይሁዴታራ ኦዴቲስ።

20 ኤንቲ ባንታራ ዳር ዋዴ ኡታና ማላ ጳውሎሳ ዋሲዶሶና ሺን ኢ ኢዲስ።

21 ኤንታፌ ሻኩቲሹ፣ «ታኒ ያ ባሊያ ዩሩሳላሜን ቦንቻናው በሴስ። ሺን ያሲ ገቡ ሂንቲኮ ሰማዳ ያና» ያጊዲ ኤፌሶናፔ ማርካቤራ በሰ።

22 ቁሳሪያ ጋኪዳ ዋዴ ዩሩሳላሜ በዲ ዋሳ ከላ አሳ ሳርሴዳፔ ጉዬ እንደሆነ በሰ።

23 ያን ጉላ ዋዴ ጋምዒዳፔ ጉዬ እማኒያ አሳታ ኡባ ሚንጤሊሹ ጋላቲያራኔ ጳርጌራ ኣጲስ።

**አጲሎስ ኤፌሶናኒኔ ቆሮንቶስን**

24 ኢስኪንዲሪያን ዩሉቲዳ ኢሲ አጲሎሳ ጊያ ኣይሁዴ ኣሲ ኤፌሶና በሰ። ኢ ኦዳ ኤሪያ ኣሲኔ ያሳ ቃላ ዳር ኤሪያ ኣሲ።

25 ኢ ጎዳ ኦጊያ ታማሪዲ፣ ኣያናን ፀጉቲዲ ዩሱሳባ ሱሬ ታማርሴስ። ጊዶሺን፣ ዮሃኒሳ ዲንቃቲያ ያላላ ኤፌሰ።

26 ኢ ኣይሁዴ ዋሳ ከላን ያየና ታማርሴስ። ጳሪስቁሊኔ አቁላ ኢ ኦዴይሳ ሲዒዳ ዋዴ ኢያ ባንታራ ሶ ኤፌዳ ያሳ ኦጊያ ካሴይሳፌ ገሺዲ ኢያው ኦዲዶሶና።

27 አጲሎስ ኣካያ ባናው ኮዪን ኤፌሶናን ዴዒያ እማኒያ አሳይ ኢያ ቆፋ ኤኪዲ ኣካያን ዴዒያ ኣማኔይሳቲ ኢያ ሞካና ማላ ኤንታው ዳብዳቤ ያፊዶሶና። ኢ ያ ጋኪዳ ዋዴ ያሳ ኣጽ ከሃቴሳ ባጋራ ዩሱስ ኪሪስቶሳ እማኒዳይሳታ ዳር ማዲስ።

28 ኣይሰ ገቡ፣ ዩሱስ ኢ ኪሪስቶሳ ጊዴይሳ ኣይሁዴታስ ያሳ ቃላፔ ቆንጨሲዲ ዴሪያ ሲንሳን ማንሳ ኦዲዲ ኤንታ ላላስ።

**19**

**ጳውሎስ ኤፌሶና በሰ**

1 አጲሎስ ቆሮንቶስን ዴዒሺን፣ ጳውሎስ ቆሞ ባጋራ ኣጲዲ ኤፌሶና በሰ። ያን ኢሲ ኢሲ እማኒያ አሳታ ዴሚስ።

2 ኤንታኮ፣ «ሂንቲ እማኒዳ ዋዴ ገሻ ኣያና ኤኪዳቲ?» ያጊዲ ኦይቺስ።

ኤንቲ፣ «ኣካይ፣ ኤኪቦኮ፤ ሃሪ ኣቶሺን፣ ገሻ ኣያኒ ዴዒያባካ ሲዒቦኮ» ያጊዶሶና።

3 ጳውሎስ ኤንታኮ፣ «ያቴን፣ ኣይበን ፃማቁቲዳቲ?» ያጊስ።

ኤንቲ፣ «ኮኒ ዮሃኒሳ ዲንቃቲያን ፃማቁቲዳ» ያጊዲ ዛሪዶሶና።

4 ጳውሎስ፣ «ዮሃኒሲ ባፔ ጉዬራ ያ ዩሱስ ኪሪስቶሳን ኣሳይ ኣማናና ማላ ኣሳስ ኦዲሹ፣ ርጋራፔ ሲሞ ቤሲያ ዲንቃቲያን ፃማቁስ» ያጊስ።

5 ኤንቲ ሄሳ ሲዒዳ ዋዴ ጎዳ ዩሱስ ኪሪስቶሳ ታማሪ ጊዳናው ፃማቁቲዶሶና።

6 ጳውሎስ ባ ኩሺያ ኤንታ ቦላ ዋላዳ ዋዴ ገሻ ኣያኒ ኤንታ ቦላ ዋጲን፣ ዳማ ዳማ ዶናን ኦዲቲዶሶና፤ ቃሲ ቲንበቴ ኦዲዶሶና።

7 ሄ ቤሳን ታማኔ ናምዒ ጊዲያ አሳቲ ዴዶሶና።

8 ጳውሎስ ኣይሁዴ ዋሳ ከላ ገሊዲ፣ ያሳ ካዋቴሳባ ያየና ፓላሚሹኔ ሎይሊ ቆንጨሲሺ ኤንታራ ሄዙ ኣጌና ጋካናው ጋምዒስ።

9 ሺን ኤንታፌ ኢሶቲ ኢሶቲ ቆኪ ጊዲዲ ዳር አሳ ሲንሳን ጎዳ ኦጊያ ጫዩዲ ኣማናና ኢዲዶሶና። ጳውሎስ ኣማኔይሳታ ኤንታፌ ሻኪ ኤኪዲ ዲራናሳ ጊያ ቲሚርቲ ከላን ኡባ ዋዴ ኤንታ ታማርሴስ።

10 ጳውሎስ ናምቦ ላይሊ ጋካናው ቃላ ኦዲስ። ሄሳ ገሾ፣ ኢሲያን ዴዒያ አሳ ኡባይ፣ ኣይሁዴቲኔ ኣይሁዴ ጊዳናይሳቲ ጎዳ ቃላ ሲዒዶሶና።

**ዮሳይ ጳውሎሳ ኩሺን ኦሊዳ ማላታታ**

11 ዮሳይ ጳውሎሳ ኩሺን ዋልቃማ ማላታታ ኦሊስ።

12 ሄሳ ገሾ፣ ኣሳይ ኢያ ቦላ ቦቺዳ ማራቢያ ዋይኮ ማዕባ ሃርጋንቾታስ ኤፎሶና። ኤንቲካ ፓዶሶና፤ ቱና ኣያናቲካ ኤንታፌ ከዮሶና።

13 ቱና ኣያናታ ከሲሹ ዩያ ኣይሁዴታፔ ኢሶቲ ኢሶቲ፣ «ጳውሎስ ሳባኪያ ዩሱሳ ሱንሳን ከዩቲ ጊዲ ሂንቲና ከቶስ» ያጊዲ፣ ቱና ኣያናቲ ኦይኪዳ አሳታ ቦላ ጎዳ ዩሱሳ ሱንሳ ያጊዶሶና

14 ካሂኔ ሃላቃ ኣስቁዌ ጊያ ኢሲ ኣይሁዴ ኣዲያስ ሄሳ ኦሊያ ላፑን ናይቲ ዴዶሶና።

- 15 ሺን ቱና አያናይ ኤንታኮ፣ «ታጊ ዬሱሳካ ጳውሎሳካ ኤራይስ፣ ሺን ሃንቴ ኦናጉቴ?» ያገለጠ።
- 16 ቱና አያናይ እይኪዳ እዳይ ኤንታ ቦላ ጉፒ ዋዲዳ፣ ኤንታ ማዲንግሲዳ፣ ሄ ከሳፌ ካሎ ባቃታና ጋካናው ዋልቃሚስ።
- 17 ኤፌሶናን ዳዒያ እይሁዳቴኔ እይሁዳ ገደናይሳጥ ኡባይ ሄሳ ሲዒዳ ዳር ያዩደሶና። ጎዳ ዬሱሳ ስንሳይ ዳር ቦንቸተስ።
- 18 አማኔይሳጥቴ ዳርጥ ባንታ ኦሴዳ ኤታ ኦሎቀ ፓግሺኔ ቆንጩን ኦዲሺ ዮሶና።
- 19 ቤቴይሳጥቴ ዳርጥ ባንታ ማፃፋታ ሺሺዳ እሳ ኡባ ሲንሳን ፀ-ጊደሶና። ሄ ማፃፋታ ጋቴያ ቆዳይ እሻታሙ ሙኩሉ ቢራ ሳንቴሜ \* ገዲስ።
- 20 ሄሳዳ ሃኒዳ ያሳ ቃላይ ዲጩሺኔ ዳልገሺ ቢስ።

**ኤፌሶና ካታማን ኦሺ ዳንዲስ**

- 21 ሄሲ ፖሌቴዳፔ ጉዬ ጳውሎስ፣ «ታጊ ዬሩሳላሚ ባ ሲማዳ ሮሜካ ባናው ቤሴስ» ያገዲዳ ማቄደኒያራኔ እካያራ አዲዳ ዬሩሳላሚ ባናው ቆፋ ቃቸስ።
- 22 ቃሲ ባና ማዳይሳጥቴ ናሞባታ ጀሞቴዮሳኔ ኤራስያሳ ማቄደኒያ ከቴዲ፣ ባው ኢሲያን ጉላ ዋዳ ጋሞዒስ።
- 23 ሄ ዋዳ ጎዳ ኦጊያ ገሾ ኤፌሶናን ዋልቃማ ካቸ ከዩስ።
- 24 ኢሲ ቢራ ኦሴዳ ዲሜሚሮሳ ገያ ኡራይ አርጻሚሲ ኤቃ ከሳ ሚሲሊያ ቢራፔ ኦሴዳ ዳር ዋዲ ዳሚስ።
- 25 ሄሳ ገሾ፣ ሄሳ ሜላ ኦሶ ኦሴይሳታ ኢሲፌ ሺሺዳ፣ «አሳው፣ ኦ ዲሬቴላይ ሃ ኦሶቀን ገዳይሳ ሃንቴ ኤሬታ።
- 26 ሃይሲ ጳውሎስ፣ «እሳ ከሺን ኦስቴዳይሳጥ ያሳታ ገደኮና» ያገዲዳ፣ ኤፌሶናኒኔ ጉላ ቢታታፔ እቴን ከሜሳ ኢሲያ ኡባን ዳዒያ ዳር እሳ ኦዲ አማንሴዳይሳኔ ባሌሴዳይሳ ሃንቴ ቤዒዳታኔ ሲዒዳታ።
- 27 ሜቶ ገዲዳይ፣ ኦ ኦሶይ ካፌቴይሳ ፃላላ ገደናሺን ኢሲያኒኔ ቢታ ኡባን ዳዒያ እሲ ጎይኒያ ገታ ያሴ አርጻሚሲ ከላይ ቦንቸቶና እቴይሳኔ ኢ ገታቴላይካ ከንዳናይሳ» ያገለጠ።
- 28 አሳይ ሄሳ ሲዒዳ ዋዳ ሺኔን ፀገቴዲ፣ «ኤፌሶና አርጻሚሳ ገታ» ያገዲዳ ዋሲደሶና።
- 29 ሄ ዋሶይ ካጥ ማፃ ኡባ ጋከስ። ጳውሎሳራ ሃሙቴያ ማቄደኒያ አሳታ፣ ጋዮሳኔ አርሰጻርኮሳ ኦይኪዳ ጎቸሺ ካሳ ቤሳ ዋዲደሶና።
- 30 ጳውሎሳካ አሳይ ሸቁዳሱዋ ጌላናው ኮዩስ፣ ሺን አማኔይሳጥ ኢያ ዳገደሶና።
- 31 ኢሲያ ቢታ ሃላቃታፔ ጳውሎሳ ላጌ ገዲዳ እሲጥ ኢሲጥ ጳውሎሳኮ ከቴዲ፣ «ካሳ ቤሳ ቆንጩን ከዶዳ ቤንቶፋ» ገዲዳ ዋሲደሶና።
- 32 ሸቁዳ አሳስ ሃናናባይ ጳይስ፤ ዳሪያ ባጋ አሳይ ሃራ አቶሺን አይስ ሸቁዳኮ ኤርና ገሾ ኢሶይ ኢሲባስ ዋሲያ ዋዳ ሃንኮይ ሃራባስ ዋሲስ።
- 33 እይሁዳቴ ኢስከንዲሬ ገያ አዲያ አሴ ቤሲን፣ ኢሲ ኢሲ አሳይ ኢ ጋናባ ኦዲዳ ኢያ ሲንሴ አሴደሶና። ኢ አሳይ ሲዒ ጋና ሜላ ባ ከሺያን ማሊ ቤሲዳ፣ አሳስ ሞቴታናው ኤቁስ።
- 34 ሺን ኢስከንዲሬይ እይሁዳ ኢሲ ገዲዳይሳ አሳይ ኤራዳ ዋዳ ናሞቡ ሳቴ ገዳይሳ ሜላ ኡባይ ኢሲ ቃላን፣ «ኤፌሶና አርጻሚሳ ገታ» ያገዲዳ ዋሲደሶና።
- 35 ወርሴሳን ካታማ ፃፌይ አሳ ሲዒ ኦሴዳ፣ «ኤፌሶና አሳው! ኤፌሶና ካታማይ ገታ አርጻሚሲ ኤቃ ከላኔ ሳሎፔ ዋዲዳ፣ ኢ ሹቻ ሚሲሊያ ናጌይሳ ገዳይሳ ኤርና እሲ ባሞ።
- 36 ሃይሳ ካሺ ገያ እሲ ባይና ገሾ ሃንቴ ሲዒ ጋናዉኔ ዲርጊዳ እይኮ ኦሶና አጋናው ቤሴስ።
- 37 ሃንቴ ሃ አሳታ፣ ኤቃ ከሳ ሚሺ ካይሶቴቦናይሳጥኔ ኦ ያሳታ ጫይቦናይሳጥ ኤሄዳታ።
- 38 ሄሳ ገሾ፣ ዲሜሚሮሲኔ ኢያራ ዳዒያ ኦሳንቸቴ አሳ ሞታናው ኮይኮ፣ ፐርዳ ከላይ ዶያ ዳዒስ፤ ዳይናቴካ ዳይሶና፤ ኤንቴ ሞታናው ዳንዳሶና።
- 39 ሺን ሃንቴ ሃራ ኡዳ ኮይኮ፣ ሻንጎ ሸቆን ኦዲይ ቤዒቶ።
- 40 ሄሳ ገደና ኢጻኮ ሃቸ ሃኒዳባስ ሮሜ ካሞቴላይ ኦና ኦይቻና። ሃ ቡቁሳስ ጋሶይ ባይና ገሾ ኦኒ ጋሶ ኦዲናው ዳንዳሶኮ»
- 41 ያገዲዳ ሸቁዋ ላሊስ።

**20**

**ጳውሎስ ማቄደኒያኔ ገሪኬ ቢስ**

- 1 ዋሶይ ዳጩዳፔ ጉዬ ጳውሎስ አማኒያ አሳታ ጃጊሲዳ ኤንታ ዞሪዳፔ ጉዬ ሳርሴዳ ማቄደኒያ ባናው ከዩስ።
- 2 ኢ አዲያ ቢታታን ዳዒያ አማኒያ አሳ ቃላ ኦዲዳ ሚንሴሴዳፔ ጉዬ ገሪኬ ቢታ ቢስ።

\* 19:19 ቢራ ሳንቴሜ፣ ማቶሳ 26:15 ጻላቴ።

3 ኢ ያን ሄዡ ኣገና ኡተዳ፡ ማርካቤራ ሶሪያ ባናው ቆፒዲ ዳዒሺን፤ ኣይሁዳቴ ባና ሞፋናው ኮዬይሳ ኤሪዲ ማቁዲያሪ ጉዬ ሲማናው ኮዬሲ።

4 ጳውሎሳ ሞይዚዳይሳቴ ቤሪያፕፕ ጳርሁሳ ናዓ ሶጳጂርሳ፡ ቴሴሎንቁሬ ኣርሰጊርኮሳኔ ሲኮንዲሳ፡ ዳርቤሬ ጋዮሳ፡ ኢሲያፕፕ ቴኪቆሳ፡ ጊርጌሞሳኔ ግሞቴዮሳ።

5 ሄሳቴ ሲንሌ ቢዲ ኑና ጊርሮዳን ናጎሶና።

6 ኑኒ ኡይሳ ባሊያ ቦንቺዳፕ ጉዬ ልልጺሲይሳፕ ማርካቤራ ዳንዲዲ፡ ኢቻሻንላ ጋላሳን ኤንታ ጊርሮዳን ጋኪዲ ያን ላፑን ጋላሰ ጋምዒዳ።

**ጳውሎሲ ጊርሮዳን**

7 ሳሚንታሬ ኮይር ጋላሳን ኑኒ ኡይሳ ሚንጻናው ሸቁዲ ዳዒሺን፤ ጳውሎሲ ሞንቴሌ ባናው ቆፒዲ ጊሾ ኤንታው ቃላ ኡዲሾ ጊዲ ቢላሄ ጋካናው ኦዳ ኡዲሲሰ።

8 ኑኒ ሸቁዲ ኡተዳ ፖቁያን ዳር ፖይይ ዳዒሲ።

9 ኤውጂኮሳ ጊያ ኢሲ ናናቴሳይ ማሰኮቴ ቦላ ኡተዳ፡ ባና ደጊዲ ጲሰኪሰ። ጳውሎሲ ኦዳ ኡዲሲዳ ሞይ ኤውጂኮሲ ጲሰኮ ኡዲዲ ሄዡንላ ፖቁያፕ ኮንዲዲ ሃይቁዲይሳ ኣሳይ ዳንሌሰ።

10 ሺን ጳውሎሲ ሞዲዲ፡ ኢያ ቦላ ጉፋኒሰ። ኢያ ኢዲሚዲ፡ «ኢ ሃይቁቤና፡ ሂርጎፊቴ» ያገሰ።

11 ሃሳሬ ጉዬ፡ ፑዴ ፖቁያ ቦላ ከዬዲ ኡይሳ ሚንሌዲ ሚሰ። ሳዒ ሞንታና ጋካናው ኣሳሰ ኡዲዳፕ ጉዬ ዳንዲዲ ቢሰ።

12 ሄ ፓጂዳ ናቴሳ ሶ ኤፊዲ ዳር ኡፋይቴዶሶና።

**ጳውሎሲ ጊርሮዳፕ ሚሊጃ ቢሰ**

13 ሺን ጳውሎሲ ባና ያፕፕ ሞካና ሚላ ኑሰ ኦዲዳ ጊሾ ካሲቴዲ ማርካቤያኮ ቢዲ፡ ኣሶሳ ባናው ዳንዲዲ። ኣይሰ ጊኮ፡ ኢ ቶሆን ባናው ቆፒዳ ጊሾ ኑና ሃሳና ከተሰ።

14 ኢ ኑራ ኣሶሳን ጋሄትን ማርካቤያን ኢያ ኤኪዲ ሚጊሊኔ ቢዲ።

15 ሞንቴሳ ጋላሰ ያፕፕ ዳንዲዲ ማርካቤራ ኪዮሳ ሲንሌን ዳዒያ ቤሳ ጋኪዲ፤ ቃሲ ሞንቴሳ ጋላሰ ሳሞሳ ፒኒዲ ካሊያ ጋላሰ ሚሊጃ ጋኪዲ።

16 ጳውሎሲ ኢሲያን ዳር ጋምዶና ኤፊሶና ማታራ ኣፋናው ቆፒሰ። ባው ዳንዲዳቴኮ ጳንጻቆሰጻ ባሊያ ጋላሰ ዬሩሳላሚ ጋካናው ኤሶቴሰ።

**ጳውሎሲ ኤፊሶና ጨማታ ዞሪሰ**

17 ጳውሎሲ ሚሊጃፕ ኤፊሶና ከተዲ ሞሳ ከላ ጨማታ ጃጊሲሰ።

18 ሞሳ ከላ ጨማታ ኢያኮ ዩን፡ ኤንታኮ ሃይሳዳ ያገሰ። «ታኒ ኢሲያ ጌሊዳ ኮይር ጋላሳፕ ደሚዳ ሂንቴራ ዳዒዳ ሞይ ኡባን ሞና ዳዒዳኮ ሂንቴ ኤሬታ።

19 ኣይሁዳቴ ዱላቴዲ ታ ቦላ ሚቶ ጋሊኮካ ታኒ ኣሸኪቴሳኒ ዳር ኣፋላን ጎዳሰ ኦሳሰ።

20 ዳባባካ ሂንቴ ከላን ከላን ሂንቴ ታማርሲሹ ሂንቴና ማዲያባፕ ኢሲባካ ፓጨሳቢኩ።

21 ታኒ ኣይሁዳታሰኔ ኣይሁዳ ጊዳይሳታሰ ናጋራፕ ያሳኮ ሲማና ሚላኔ ኑ ጎዳ ዬሱሳ ኣማናና ማርካታሰ።

22 «ያን ታና ኣይቢ ጋካኔኮ ኤሪኩ፡ ሺን ሃዒ ታኒ ጌሻ ኣያናሰ ከቴታዳ ዬሩሳላሚ ባይሰ።

23 ጌሻ ኣያናይ ቃሾይኔ ዋዬይ ታና ናጌይሳ ካታማ ኡባን ታው ማርካታሰ።

24 ሺን ታ ሞሳ ፖላናውኔ ጎዳ ዬሱሰ ከሪሰቶሳፕ ኤኪዳ ኦሎቅ፡ ያሳ ኣቶ ከሃቴላ ሞንጌላ ማርካታይሳ ፖላናው ታ ሸምፕው ፓላናባዳ ቆዳይሰ።

25 «ታኒ ሃዒካ ያሳ ካሞቴላ ማርካታሾ ሂንቴ ኡባ ጊደን ዩያሰ። ሃዘፕ ጉዬ ሂንቴሬ ኦኒካ ታና ቢዮይሳ ኤሪይሰ።

26 ሃሳ ጊሾ፡ ሂንቴሬ ኢሲ ኡራይ ቆዩኮካ ታ ኦይሹቶናይሳ ሃቺ ሂንቴው ጌሻዳ ኦዳይሰ።

27 ኣይሰ ጊኮ፡ ያሳይ ኦሳናው ቆፒዳባ ኡባ ሂንቴው ኣይቢባካ ኣሾና ኦዳሰ።

28 «ባ ናዓ ሱላን ሞዚዳ ያሳ ሞሳ ከላ ናጊቴ። ጌሻ ኣያናይ ሂንቴና ሃላቃ ኦሊዳ ዶሪዳ ዉዲያሰኔ ሂንቴ ሁዒያሰ ናጊቴቴ።

29 ታኒ ቢዳፕ ጉዬ፡ ዉዲያሰ ቃጴቶና ኢታ ሱቆሚቴ ሂንቴ ጊደ ጌላናይሳ ታ ኤሪይሰ።

30 ኣማኔይሳታ ባንታ ጌዶ ካሊላናው ሞርዶ ታማርሲያ ኣሳቴ ሂንቴ ጊደሬ ዳንዳና።

31 ሃሳ ጊሾ፡ ታኒ ሄዡ ላይሌ ቃማኔ ጋላሰ ኣፋላን ሂንቴና ሁዒን ሁዒን ሚንሌሊዳይሳ ቆፒሾ ናጊቴቴ።

32 «ሃዒካ ሂንቴና ሚንጻናውኔ ጌሻ ኣሳራ ላቴሳናው ዳንዲዳ ያሳሰኔ ኢያ ኣቶ ከሃቴላ ቃላሰ ሂንቴና ሃዳራ ኣማይሰ።

33 «ታኒ ኦፔካ ቢራ ሞይኮ ሞርቃ ሞይኮ ኣፊላ ኣሞታቢኩ።

34 ታኒ ታ ከሹን ኣላዳ ታናኔ ታራ ዳዒይሳታ ኮሺዳባ ማዲዳይሳ ሂንቴ፡ ሂንቴ ሁዒን ኤሬታ።

- 35 ሂንቴ ሃይሳዳ ዳቡራዲ ኦሊሽ ዳቡራንቸታ ማዳናይሳኔ ጎዳ ዩሱሲ። ለኤይሳጴ ኢሚይሲ ኣንጃቲዳይሳ። ገዳ ቃላ ሂንቴ ቆፓናው ቤሲይሳ ታኒ ሂንቴና ኡባባን ቤሳሰ» ያገሰ።
- 36 ጳውሎሲ ሂሳ ኦዲ ኣንገዲ ኤንታ ኡባራ ጉልባቲዲ ያሳ ዋሲሰ።
- 37 ኤንቴ ኡባይካ ጳውሎሳ ኢዲሚዲ ዩኪዲ ዩሪዶሶና።
- 38 ኢ ዛሪዲ። «ታና ቤዓኬታ» ያገዲ ቃላይ ኤንታ ዳሮ ኣዛንላሲ። ኤንቴ ማርካቢያ ጋካናው ኢያ ሞይዚዶሶና።

## 21

### ጳውሎሲ ዩሩሳላሚ ቢሰ

- 1 ኑኒ ኤፊሶና ጨማታፔ ሻኬቲዳ ሚላ ቆሲ ቢዳ። ዋንቴላ ጋላሰ ሮዳ ጋኪዲ ያፔ ጳፃራ ቢዳ።
- 2 ሲሮሬንቄ ፒኒያ ማርካቤ ቆሚዲ ኢያን ጌሊዲ ባናው ዳንዲዳ።
- 3 ኑኒ ቆጲሮሳ ቤባናው ዳንዲዳ ሶ ዩዲ። ቆጲሮሳ ሃዲሮሳ ባጋ ኣገዲ ሶሪያ ቢዳ። ማርካቤይ ባ ጫና ያን ዋሳናው ኮዩዳ ጊሾ ዓሮሳ ቢዳ።
- 4 ያን ኣማኒያ ኣሳታ ዳሚዲ ኤንታራ ላፑን ጋላሰ ኡቲዳ። ጳውሎሲ ዩሩሳላሚ ቦና ሚላ ኤንቴ ኢያው ኣያናን ኦዲዶሶና።
- 5 ኑኒ ኤንታራ ኡቲያ ዋይይ ዉሪን ኮዩዲ ቢዳ። ኤንቴ ኡባይ ባንታ ማጫሳታራኔ ባንታ ናይታራ ኢሲፊ ካታማፔ ካሪ ኬሲዲ ኑና ሞይዚዶሶና። ኑኒ ኣባ ዶናን ጉልባቲዲ ያሳ ዋሲሰ።
- 6 ሃሳፊ ጉዩ። ዋሊ ሳርሌዲ ኑ ማርካቢያን ጌሊዲ፤ ኤንቴ ባንታ ሶ ሲሚዶሶና።
- 7 ኑኒ ኣባ ኦጊያ ኦንጊዲ። ዓሮሳፔ ጳይሌማይሳ ጋኪዳ። ያን ኣማኒያ ኣሳታ ሳርሌዲ። ኤንታ ማታን ኢሲ ጋላሰ ፔዒዳ።
- 8 ዋንቴላ ጋላሰ ኮዩዲ። ቀሳሪያ ቢዳ። ሳባኪያ ፊልጶሳ ሶ ጋኪዲ ኢያ ማታን ኡቲዳ። ኢ ዩሩሳላሚን ካሲ ዶሪቲዳ ላፑናታፔ ኢሱዋ።
- 9 ፊልጶሳሰ ናቤ ገዲዳ ኦይዲ ጌላያ ናይቲ ዳዖሶና።
- 10 ኑኒ ኤንዴና ጋላሰ ያን ኡቲዳ ዳዒሽን ኣጋቦሳ ጊያ ናቤይ ዪሁዳፔ ቀሳሪያ ዩሲ።
- 11 ኑኒ ዩዲ ጳውሎሳ ሳቂያ ኤኪዲ ባ ኩሺያኔ ባ ቶሁዋ ቃቺዲ። «ጌሻ ኣያናይ ሃ ሳቂያ ጎዳ። ዩሩሳላሚን ኣይሁዳቲ ሃይሳዳ ቃቺዲ። ኣይሁዳ ገዶና ኣሳሰ ኣሉዲ ኢማና ያጌሰ» ያገሰ።
- 12 ኑኒ ሂሳ ሲዒዳ ዋይ ኑኒ ያን ዳዒያ ኣሳቲ ጳውሎሲ ዩሩሳላሚ ቦና ሚላ ዋሲዳ።
- 13 ሺን ጳውሎሲ ዛሪዲ። «ሂንቴ ሃይሳዳ ዩኪሽ ኣይሰ ታ ዋዛና ሹጊሴቲ? ታኒ፤ ጎዳ ዩሱሳ ሱንላ ጊሾ ቃሽቴላ ፃላላ ገዶናሺን ዩሩሳላሚን ሃይቃናዉካ ጊኑታሰ» ያገሰ።
- 14 ኑ ዙሪያ ኢ ኤኮና ኢፃ። «ጎዳ ሸኔይ ሃና» ያገዲ ሲዒ ገዲ።
- 15 ያን ጉላ ዋይ ጋምዒዳፔ ጉዩ ጊኑቲዲ ዩሩሳላሚ ባናው ኮዩዳ።
- 16 ቀሳሪያን ዳዒያ ኣማኒያ ኣሳታፔ ጉላቲ ኑራ ቢዶሶና። ኤንቴ ኑኒ ሽምፓናሱዋ ሚናሶና ጊያ ቆጲሮሳ ኣዲያ ሶ ኤፊዶሶና። ሚናሶኒ ኮይሮ ኣማኒዳ ኣሳቲ ኢሱዋ።

### ጳውሎሲ ዩሩሳላሚ ጋኪሰ

- 17 ኑኒ ዩሩሳላሚ ጋኪዳ ዋይ ኣማኒያ ኣሳቲ ኑና ኡፋይሳን ሞኪዶሶና።
- 18 ዋንቴላ ጋላሰ ጳውሎሲኔ ኑኒ ያይቆባራ ጋሂታናው ቢዳ። ዋሳ ኬላ ጨማቲ ኡባቲካ ያን ዳዖሶና።
- 19 ጳውሎሲ ኤንታ ሳርሌዳፔ ጉዩ ኣይሁዳ ገዶና ኣሳ ገዶን ባ ባጋራ ያሳይ ኦሊዳባ ኡባ ኤንታው ኦዲሰ።
- 20 ኤንቴ ሂሳ ሲዒዳ ዋይ ያሳ ጋላቲዲ ጳውሎሳኮ ሃይሳዳ ያገደሶና። «ኑ ኢሻው። ኣይሁዳታ ገዶን ኣፑን ሙኩሳቲ ያሳ ኣማኒዳኮ ኔ ቤዓሳ፤ ኤንቴ ኡባይካ ሂጊያ ሚንሊ ናጎሶና።
- 21 ኑኒ ኣይሁዳ ገዶናይሳታ ቢታን ዳዒያ ኣይሁዳ ኡባይ ባንታ ናይታ ቃፃሮና ሚላ። ኣይሁዳታ ዋጋ ካሎና ሚላኔ ሙሴ ሂጊያ ኢፃና ሚላ ኑኒ ታማርሴይሳ ዩሩሳላሚን ዳዒያ ኣይሁዳቲ ሲዒዶሶና።
- 22 ያፔጎን ኣይቢ ሎዎ? ኑኒ ዩዲይሳ ዳሮቲ ሲዓና።
- 23 «ሂሳ ጊሾ። ኑኒ ኑው ኡይይሳ ሲዓ፤ ጋሪይ ዳዒያ ኦይዲ ኣሳቲ ኑ ማታን ዳዖሶና።
- 24 ኤንታ ኤካዳ ኤንታራ ጊያ፤ ቃሲ ኤንቴ ባንታ ሁዒያ ሚዳታና ሚላ ኤንታው ሚሽ ኢማ። ኤንቴ ካሲ ኑባ ሲዒዳይሲ ቱማ ገዶናይሳኔ ኑኒ ኔ ሁዒንካ ሂጌ ናጊያ ኣሲ ገዳይሳ ኡባይ ኤራና።
- 25 «ሺን ኣማኒዳ ኣይሁዳ ገዶና ኣሳታ ገዲኮ። ኤንቴ ኤቃሰ ያርሹቲዳባ ሞና ሚላ። ሱሉ ኡዮና ሚላ። ባዉታ ሞና ሚላኔ ሳይማቶና ሚላ። ኑኒ ኡዳ ቃቺዲ። ኤንታው ዳብዳቤ ፃፊዳ» ያገደሶና።

26 ሃሳፊ ጉዩ። ጳውሎሲ ዋንቴላ ጋላሰ ኣሳታ ኤኪዲ። ኤንታራ ጌዩሰ። ኢ ባንታ ጌያ ጋላሳይ ኣዉዴ ፖሊቲያኮ ኤሪሳናዉኔ ባንታ ያርሹዋ ኣዉዴ ያርሻኔኮ ኤሪሳናው ያሳ ኬላ ጌሊሰ።

**ጳውሎስ ኦይኪተስ**

27 ላፑን ጋላሳይ ወራሩ ሃሺሽን፣ ኢሲያፔ ዪዳ ኣይሁዴቲ ያሳ ከላን ጳውሎሳ ቤዒዲ፣ ኣሳ ኡባ ዳንጌላዲ ጳውሎሳ ኦይኪደሶና።

28 «ኢሲሪዒሌ ኣሳው፣ ኑና ማዲቲ፣ ሃ ኡራይ፣ ኑ ዳሪያ፣ ኑ ሂፊያና ሃ ያሳ ከላ ኢያና ማላ ኣሳ ኡባ ታማርሴስ። ሄሲካ ገደና ኢዲን ኣይሁዴ ገደናደሳታ ያሳ ከላ ጌልሲዲ፣ ሃ ጌሻ ቤሳ ቲኒሲስ» ያገዲ ዋሲደሶና።

29 ኤንቲ ሄሳ ገደይ ካሴ ኤፊሶና ዲርፊሞሳ ጳውሎሳራ ካታማን ቤዒዲ ገሾ ሃዒ ጳውሎስ ያሳ ከላ ኢያ ኤኪ ጌሊዳባ ኤንታው ዳኒሲ።

30 ካታማ ኡባይ ቡቁተስ፣ ኣሳ ኡባይ ሸቁዲ ጳውሎሳ ኦይኪዲ ያሳ ከላፊ ካሬ ጎቹደሶና። ያሳ ከላ ፔንገቲ ኤሊሲዲ ጎርዴቲደሶና።

31 ኣሳይ ጳውሎሳ ዋዳና ሃሺሽን፣ «ዬሩሳላሜ ካታማይ ኩሜላ ቡቁተስ» ገያ ኦዳይ ሮሜ ሻላቃኮ ጋኪስ።

32 ሻላቃይ ዋታዳሬታኔ ማቶ ሃላቃታ ኤኪዲ ዋዲሽ ዪስ። ኣሳይ ሻላቃኔ ዋታዳሬታ ቤዒዲ ዋደ ጳውሎሳ ዋዲይሳ ኣጋገደሶና።

33 ሄ ዋደ ሻላቃይ ሸቁዲ፣ ጳውሎሳ ኦይኪዲ፣ ናሞቡ ሳንላላታን ቃሺታና ማላ ከቲስ። ያቲዲ፣ ኢ ኦኔኮኔ ኣይ ኦላዳኮ ኣሳ ኦይቹስ።

34 ኣሳፔ ባጋይ ኢሲባ ገዲ ዋሲያ ዋደ ሃራቲ ሃራባ ገዲ ዋሲስ። ዋሶይ ዳሪዳ ገሾ ሻላቃይ ቱማ ሻካንው ዳንዳዒቶና ኢዲን፣ ዋታዳሬቲ ጳውሎሳ ባንታ ዴዲያሶ ኤፋና ማላ ከቲስ።

35 ጳውሎስ ዮጲ ከያ ዳሳ ጋኪያ ዋዳ ኣሳ ሱጌላ ገሾ ዋታዳሬቲ ኢያ ቶኪደሶና።

**36 ዳር ኣሳይ፣ «ኢ ሃይቆ!» ያገዲ ዋሲሽ ካሎሶና።**

**ጳውሎስ ሞቱሞስ ዛር ኢሚስ**

37 ዋታዳሬቲ ጳውሎሳ ባንታ ዴዲያሶ-ዋ ጌልሳና ሃሺሽን፣ ጳውሎስ ሻላቃኮ፣ «ታኒ ኔው ኢሲባ ኦዶ?» ያገሰ።

ኢ ጳውሎሳኮ፣ «ኔኒ ገሪኮ ደና ኤራይ?»

38 ኔኒ ሃይሳፊ ሲንጌ ቡቁላ ሜጲዲ ሸምፖ ዋዲዳ ኦይዲ ሙኩሉ ኣሳታ ኤኪዲ ባዘ ጌሊዳ ገብጻ ኡራ ገዲኪ?» ያገሰ።

39 ሺን ጳውሎስ፣ «ታኒ፣ ከልቂያን ዴዲያ ኤሬቲዳ ቲርሴሴ ካታማን ዬሌቲዳ ኣይሁዴ ኣሲ። ሃያና ታና ኦዲሳርኪ?» ያገሰ።

40 ሻላቃይ ኢያኮ፣ «ኦዶ» ያገን ጳውሎስ ዳሳ ቦላ ኤቁዲ፣ ኣሳይ ሲዒ ጋና ማላ ባ ኩሺያን ማሊስ። ኣሳይ ሲዒ ገን ኢብራይስጻ ደናን ሃይሳዳ ያገሰ።

**22**

- 1 «ታ ኢሻቶ፣ ታ ኣዋቶ፣ ታኒ ሃዒ ሂንቲው ኢሚያ ዛሩዋ ሲዒቲ።»
- 2 ጳውሎስ ኤንታው ኢብራይስጻ ደናን ኦዴይሳ ሲዒዲ ካሴይሳፊ ኣላዲ ሲዒ ገደሶና። ኢ ካሊዲ፣
- 3 «ታኒ ከልቂያን ዴዲያ ቲርሴሴን ዬሌታዳ ሃ ካታማን ዲጫስ። ታ ኣስታማራይካ ጋማሊያሌ፤ ታኒ ኑ ኣዋታ ሂፊያ ማንጎሳ ታማሪዳ፣ ሃቹ ሂንቲ ኡባይ ሃይይሳዳ ያሳስ ሚሽቲያ ኣይሁዴ ኣሲ።
- 4 ታኒ ሃ ኦጊያ ካሊያ ማጫታኔ ኣዳታ ኦይካዳ ቃሾ ከላን ዬጋሽን ኤንታ ዋዲዳና ጋካናው ዋዩ ቤሲዳ ኣሲ።
- 5 ሄሳዳካ፣ ካሄኔ ሃላቃይኔ ሻንጎ ኡባይ ታባ ማርካታናው ዳንዳዒስ። ታኒ ዳማስቆን ዴዲያ ኤንታ ኢሻታስ ኤንታፊ ዳብዳቤ ኤካዳ ያን ዴዲያ ኣሳቲ ቃሽቲዲ ሴሬታና ማላ ዬሩሳላሜ ኤንታ ኤሃናው ያ ባስ።
- 6 «ታኒ ባዳ ዳማስቆ ማቲዳ ዋደ ሴታ ጋላስ ቆፖና ሳሎፔ ገታ ፖይድ ታ ዩሹዋን ፖሲስ።
- 7 ታኒ ሳባን ኩንዳ ዴዲሽን፣ ሳያላ፣ ሳያላ፣ ታና ኣይስ ጎዳይ?» ገያ ቃላ ሲሳስ።
- 8 ታኒ ዛራዲ፣ ሳዳው፣ ኔኒ ኦኔ?» ያጋሰ።
- ኢ ዛራዲ፣ «ታኒ፣ ኔኒ ጎዲያ ናዚሬቲ ዬሱሳ» ያገሰ።
- 9 ታራ ዴዲይሳቲ ፖቡዋ ቤዒደሶናፔ ኣቲን ታው ኦዴይሳ ቃላ ኣኬኪቦኮና።
- 10 «ታኒ፣ ሳዳው፣ ታ ኣይ ኦሶ?» ያጋሰ።
- «ጎዳይ ታኮ፣ ዴንዳዳ ዳማስቆ ባ። ኔኒ ኦላና ማላ ያሳይ ቆፒዳባ ኡባይ ያን ኔው ኦዴታና» ያገሰ።
- 11 ሄ ዋልቃማ ፖቡዋ ጋሰን ታ ኣይፊይ ቆቂን፣ ታራ ዴዲያ ኣሳቲ ታ ኩሺያ ኦይኪዲ፣ ታና ጎቹን ዳማስቆ ጋካስ።

12 «ዳማስቆን ዳዒያ አይሁዳ ኡባይ ዳር ቦንቸያ ኢሲ ሃናኒያ ጊያ አዳይ፥ ኑ ሂጊያ ቦንቸይሲኔ ያሳ ሚንሐ ዋሴይሲ ዳዒስ።

13 ሃናኒይ ታኮ ዩዲ፥ ታ ማታን ኤቁዲ፥ ታ ኢሻው ሳዖላ፥ ያላ ያገለ። ኤሌሳዳ ታኒ ኢያ ያላ አጋለ።

14 «ኢ ታኮ፥ ሳ ኣዋታ ያሳይ ኔኒ ኢያ ሸኒያ ኤራና ሜላ፥ ኢያ ያሎ ናባ ቤባና ሜላኔ ኢያ ደናፕ ቃላ ሲባና ሜላ ካሴቲዲ ኔና ደሪስ።

15 ኔኒ ቤዒዳባኔ ሲዒዳባ አሳ ኡባ ሲንሳን ኢያው ማርካታና።

16 ሃዒ አይሰ ጋምባይ? ዳንዳዳ ፃማቄታ፤ ኢያ ሱንሳ ይጋይ ኔ ናጋራፕ ሜጩታን ያገለ።

17 «ታኒ ጉዬ ዩራሳላሜ ሲማዳ ያሳ ኬሳን ዋሴሸን፤ ታው ቆንጩሴ ቤንቲስ።

18 ቆንጩሳን ጎዳይ ታኮ፥ ሳ ታው ማርካቲያ ማርካቲሳ አሳይ ኤኮና ገሾ ኤሌሳዳ ዩራሳላሜፕ ኬያ ያገሸን ቤባና።

19 «ታኒ፥ ሳዳው፥ አይሁዳ ዋሳ ኬሳ ኡባን ኔና አማኔይሳታ ኦይካዳ ዋዲዳይሳኔ ቃሾ ኬሳን ዩጊዳይሳ አንቲ ኤሮሶና።

20 ኤንቲ ኔ ማርካ ኢሰጻፋናሴ ዋዲያ ዋዴ ታኒ ሄ ኦዶን ኢሲፋስ። ቃሲ ኤንታ ማታን ኤቃዳ ኢያ ዋዲይሳታ ማዑዋ ናጋይሰ ያገለ።

21 «ጎዳይ ታኮ፥ ታኒ ኔና አይሁዳ ጊደና አሳኮ ሃሆሶ ከቲያ ገሾ ዳንዳዳ ባ » ያገለ።

**ጳውሎሲ ሮሜ አሲ ጊዳይሳ ቆንጩሲስ**

22 ጳውሎሲ ሄ ቃላ ኦዲዲ ኦንጋና ጋካናው አሳይ ኢ ጌይሳ ሲዖሶና። ሄሳፌ ጉዬ፥ ባንታ ቃላ ቆቁ አሉዲ፥ «ሃይሳ ቢታፌ ዳይሳ! ኢ ዳናው ቤሴና» ያገደሶና።

23 ኤንቲ ዋጫሚሸን፤ ባንታ ማዑዋ ቦላ ሆሊሸኒኔ ባና ቦላ ላሊሸን፤

24 ሻላቃይ ቤዒዲ ዋታደሬቲ ጳውሎሳ ባንታ ዳዒያሱዋ ኤፋና ሜላ ከቲስ። ቃሲ አሳይ አይሰ ሄሳዳ ዋጫሚዳኮ ኤራናው ኮዩዲ ጳውሎሳ ሊሶን ጋራፌዲ ፒልጋና ሜላ ኤንታ ከቲስ።

25 ሸን ዋታደሬቲ ጳውሎሳ ዳሮን ሚንሐ ቃቸዲ ጋራፋና ሃኒያ ዋዴ ጳውሎሲ ባ ማታን ኤቁዳ ማቶ ሃላቃኮ፥ «ሮሜ አሲ \* ፐርዲ ባይና ጋራፌይሲ ሂንቲው ዋጌ?» ያገለ።

26 ማቶ ሃላቃይ ሄሳ ሲዒዳ ዋዴ ሻላቃኮ ቢዲ፥ «ሃ አዳይ ሮሜ አሲ። ኔኒ አይ ኦሳናው ቆፓይ?» ያገዲ ኦይቸስ።

27 ሻላቃይ ጳውሎሳኮ ሸቁዲ፥ «ኔኒ ሮሜ አሲ? አኔ ታው ኦዶ» ያገለ።

ጳውሎሲ፥ «ኤ» ያገለ።

28 ሻላቃይ ዛሪዲ፥ «ታኒ ሃ ጋዴቲሳ ዳሮ ሚሸን ሻማስ» ያገለ።

ሸን ጳውሎሲ፥ «ታ ሃ ጋዴቲሳ ዩሊቲሳን ደማ ኤካስ» ያገለ።

29 ሄሳ ገሾ፥ ጳውሎሳ ፒልጋናው ቆፐዳይሳቲ ኤራ ኢያፕ ሻኬቲደሶና። ሻላቃይ ሮሜ አሲ ሳንሳላታን ቃቸዳይሳ ኤራዳ ዋዴ ያደሰ።

**ጳውሎሲ አይሁዳ ሻንጎ ሲንሐ ሸቁስ**

30 ዋንቲሳ ጋለስ ሻላቃይ፥ አይሁዳቲ ጳውሎሳ አይሰ ሞቲዳኮ ገሺ ኤራናው ኮዩስ። ካሂኔ ሃላቃቲኔ ሻንጎ ኡባይ ሸቃና ሜላ ከቲስ፤ ቃሲ ጳውሎሳ ቃሾፕ ቤሊሲዲ ኤንታ ሲንሳን ኤሲስ።

**23**

1 ጳውሎሲ ሸቆዋ ጫዲ ያሊዲ፥ «ታ ኢሻቶ፥ ታኒ ሃቸ ጋካናው ያሳ ሲንሳን ታ ዳዖ ኡባን ሎዖ ዋዛናን ዳባስ» ያገለ።

2 ካሂኔ ሃላቃይ ሃናኒይ፥ ጳውሎሳ ደናን ባቃና ሜላ ኢያ ማታን ኤቁዳይሳታ ከቲስ።

3 ሄ ዋዴ ጳውሎሲ አያኮ፥ «ላ ኔ ቦቁንቲ ቲዩዳ ጎዳ ዳኔይሶ፥ ያሳይ ኔና ባቃና። ኔኒ ታ ቦላ ሂጊያ፥ ፐርዳናው ኡታዳ ዳባሽ ሂጊይ ባይና ታና ባቃና ሜላ ከታይ?» ያገለ።

4 ጳውሎሳ ማታን ኤቁዳይሳቲ ኢያኮ፥ «ኔ ያሳ ካሂኔ ሃላቃ ጫያይ?» ያገደሶና።

5 ጳውሎሲ፥ «ታ ኢሻቶ፥ ኢ ካሂኔ ሃላቃ ጊዲዳይሳ ታኒ ኤራቢኬ፤ አይሰ ገኮ ያሳ ቃላን፥ ሳ ዳይሳ አይሰይሳ ቦላ ኢታ ቃላ ሃሳዮፕ ጌቲቲ ፃፊቲስ» ያገለ።

6 ሸን ጳውሎሲ ሄ ቤሳን ዳዒያ አሳፕ ባጋቲ ሳዳቃዊታ፥ ባጋቲ ፋሪሳዊታ ጊዳይሳ ቤዒዲ፥ «ታ ኢሻቶ፥ ታኒ ፋሪሳዊኔ ፋሪሳዊ ናባ፤ ሃይቆዳይሳቲ ሃይቆፕ ዳንዳዳን ጋዳ ታኒ ኡፋይሳን ናጊያ ገሾ ኤንቲ ታ ቦላ ፐርደሶና» ያገዲ ኦዲስ።

7 ጳውሎሲ ሄሳ ጊዳ ዋዴ ፋሪሳዊታ ጊደኒኔ ሳዳቃዊታ ጊደን ኢሸ ኬዩን ሻኬቲደሶና።

8 እይሰ ገዢ፣ ሳዲቃዌቲ፣ «ሃይቀዳ እሲ ዳንዳና፤ ከታንቸይካ እያንካ ባዋ» ያጎሶና። ሸን 4ሪሳዌቲ ናምዓይካ ዳዕይሳ እማናሶና።

9 ገታ ካቸ ከዬሰ፤ 4ሪሳዌታ ባገ ገዲዳ ሂጌ እስታማራቲ ዳንዲ ኤቀዳ፣ «ሃ ኡራ ቦላ እይቢ ባላካ ዳማቦኮ፤ እያው እያን ወይኮ ከታንቸይ ሃሳዮና እና» ያገዲ ፓላሚዳሶና።

10 እቫይ ዳሪን አሳይ ጳውሎሳ ቫቄሬሶና ሜላ ገዲ፣ ቫላቃይ ባ ዎታዳሬቲ ዎጲዳ ኤንታ ገደፊ ኢያ ኤሌሲ ከሲዳ ባንታ ዳዳያሶቀ ኤፋና ሜላ ከቲሰ።

11 ሄ ቃማ ጎዳይ ጳውሎሳ ማጎን ኤቀዳ፣ «ጳውሎሳ፣ ኔጌ ታው ዬሩሳላሜን ማርካቲዳይሳዳ ሮሜንካ ማርካታናው ቤሴሰ፤ ሚና፤ እይኮይ ባዋ» ያገሰ።

**ጳውሎሳ ዎጲናው ማቄቲደሶና**

12 ዎንቴሳ ጋላሰ እይሁዳቲ፣ «ጳውሎሳ ዎጲና ዳዲሺ ሞኮ ኡዮኮ» ገዲ ጫቄደሶና።

13 ጳውሎሳ ቦላ ሄሳ ማቄቲዳ አሳቲ ኦይታማፔ ዳርሶና።

14 ኤንቲ ካሂኔ ሃላቃታኮይ ዳሪያ ጨማታኮ ቢዳ፣ «ኦጌ ጳውሎሳ ዎጲና ዳዲሺ ካሌ ገያባ ሞኮ ገዲ ጫቄዳ።

15 ሂዛ፣ ሃንቴኔ ቫንጎይ ኢያባ ገሺዲ ፕልገያባይ ዳዳያ ዳኒሲዲ፣ ጳውሎሳ ሃንቴኮ ኤሃና ሜላ ቫላቃ ኦይቸቲ። ኦጌ ኢ ሃ ሸቁዋ ጋካናፔ ሰንሌ ኢያ ዎጲናው ገገዲ ኡቲዳ» ያገደሶና።

16 ሸን ጳውሎሳ ሚቼ ናዓይ ሄ ማቁዋ ሲዳዳ ዎዴ ቢዲ ዎታዳሬቲ ዳዳያሶቀ ጌሊዳ፣ ጳውሎሳሰ ኦዲሰ።

17 ጳውሎሲ ማቶ ሃላቃታፔ ኢሱዎ ጃገዲ፣ «ሃ ናዓይ ቫላቃሰ ኦዲያባይ ዳዳያ ገሾ ኢያ ቫላቃኮ ኤፋ» ያገሰ።

18 ማቶ ሃላቃይ ናዓ ቫላቃኮ ኤፊዳ፣ «ቃሾ ከፋን ዳዳያ ጳውሎሲ ታና ባኮ ጃገዲ፣ ሃ ናዓይ ኔው ኦዲያባይ ዳዳያ ገሾ ኢያ ኔኮ ኤሃና ሜላ ታና ዎሲሰ» ያገሰ።

19 ቫላቃይ ናዓ ኮሺያ ኦይኪዲ፣ ዴማ ካሬ ከሲዲ፣ «ኔጌ ታው ኦዳናባይ እይቤ?» ያገዲ ኦይቸሰ።

20 ናዓይ ቫላቃኮ፣ «እይሁዳቲ ጳውሎሳባ ካሲፔ ሚንሌ ፕልጋናው ኮዬዳባ ዳኒሲዲ ኔጌ ዎንቶ ኢያ ሸቁዋ ኤሃና ሜላ ኔና ዎሳናው ዘሬታ ቃቸደሶና።

21 ሸን ኔጌ ኤንቲ ገያባ ሲፓ። እይሰ ገዢ፣ ኦይታማፔ ዳሪያ አሳቲ ጳውሎሳ ዎጲና ዳዲሺ ሳላ ሞኮ፣ ሃሌ ኡዮኮ» ገዲ ጫቄዳ፣ ቆሰቲዲ ኢያ ናጎሶና። ሃዲ ኔ ገያባ ፃላላ ሲዳናው ናጎሶና» ያገሰ።

22 ቫላቃይ ዛሪዲ፣ «ሃ ኦዳ ኔ ታው ኦዲዳይሳ ሃራ ኦዳሰካ ኦደፓ» ያገዲ ናዓ ጉዬ ዬዲሰ።

**ጳውሎሲ ዳሪያ እይሲያ ፊልከሳ ሰንሌ ሸቁሰ**

23 ቫላቃይ ማቶ ሃላቃታፔ ናምዓታ ጃገዲ፣ «ቃማሬ ሄቩ ሳቲን ቂሳሪያ ባናው፣ ናምቡ ጃቲ ዎታዳሬታ፣ ላፑን ታሙ ፓራ አሳታኔ ናምቡ ጃቲ ቶራንቸታ ገሲሰቲ።

24 ዳሪያ እይሲያ ፊልከሳኮ ጳውሎሳ ሳሮ ጋላናው ቶጋ ሜሄ ገሲሰቲ» ያገዲ ኤንታ ከቲሰ።

25 ቫላቃይ ፊልከሳኮ ሃይሳዳ ገያ ዳብዳቤ ፃፊሰ።

26 «ቃላዉዲዮሳ ሉሲዮሳፔ ዳሪያ እይሲያ ቦንቸ ፊልከሳኮ፣ ሳሮይ ኔው ገደ።

27 እይሁዳቲ ሃ ኡራ ኦይኪዲ ዎጲና ሃኒሺን፣ ኢ ሮሜ ቢታ እሲ ገደይሳ ኤራዳ ዎታዳሬታራ ጋካዳ ኢያ አቫሰ።

28 ኤንቲ ኢያ እይሰ ሞቲያኮ ኤራናው ኮያዳ ኤንታ ሸቁዋን ኢያ ሸቫሰ።

29 ኤንቲ ባንታ ሂገሰሰ ኢያ ሞቲዳይሳፊ ኣቲን ኢያ ዎጲሲያባ ወይኮ ቃሺሲያባ ገደናይሳ ታ ዳማሰ።

30 ኤንቲ ሃ ኡራ ቦላ ማቄቲዳ ዘገርሳይ ታና ጋከን፣ ታጌ ኤሌሳዳ ኢያ ኔኮ ዬዳሰ። ኢያ ሞቲይሳቲ ኔ ሲንሳን ቢዳ ሞታና ሜላ ከታሰ» ያገሰ።

31 ሃሳ ገሾ፣ ዎታዳሬቲ ከቴቲዳይሳዳ ጳውሎሳ ኤኪዲ፣ ቃማ አንቲጳይሪሳ ጋሊደሶና።

32 ዎንቴሳ ጋላሰ ፓራ አሳቲ ኢያራ ባና ሜላ ኦሌዲ ቶሆ አሳቲ ጉዬ ስሚደሶና።

33 ቶጋይ ቂሳሪያ ጋከዲ ዳብዳቤያ ዳሪያ እይሲያሰ ኢሚዲ፣ ጳውሎሳ ኢያ ሰንሌ አሊደሶና።

34 ዳሪያ እይሲያሰ ዳብዳቤያ ናባቢዳፔ ጉዬ «ጳውሎሳ፣ ኔ እው አዉራጃ እሴ?» ገዲ ኢያ ኦይቸሰ። ኢ ከሊቁያ እሲ ገደይሳ ኤራዳ ዎዴ

35 «ታጌ ኔባ ኔና ሞቲይሳቲ ያ ዎዴ ሲዳና» ያገሰ። ዎታዳሬቲ ጳውሎሳ ሄርዲሳ ከፋን ናጋና ሜላ ከቲሰ።

**24**

**ጳውሎሳ እይሁዳቲ ሞቲደሶና**

- 1 ኢቻሹ ጋላሳ፣ ጉዬ ካሂኔ ሃላቃይ፣ ሃናኔይ፣ ጨማታራኔ ዓርጊሉሳ ጊያ ኢሲ ዓባቃራ ቁሳሪያ ቢሰ። እንቲ ዳሪያ ኣይሲይሳ ቦላ ጳውሎሳ ሞቲዶሶና።
- 2 ጳውሎሲ ያገቲዲ ጌሊዳ ዋዴ ዓርጊሉሲ ኢያ ሃይሳዳ ያገዲ ሞተሰ።
- 3 «ቦንቾ ፊልኪሳ፣ ኮኒ ኔ ባጋራ ዳር ሳሮቲሳ ዳሚዳ፣ ኔ ሎዖ ኣይሱዋን ኑ ቢታይ ዳሮ ላማቲሰ።
- 4 ቦንቾ ፊልኪሳ፣ ኮኒ ኣወንካ ኣወዴ ጊዲን ዳሮ ጋላታን ሃሳ ኤኮሰ።
- 5 ታኒ ኔና ጋምባሶናሽን ኔኒ ኔ ከሃቲላን ኩባ ቃንጎን ሲዓና ማላ ኔና ዋሳይሰ።
- 6 ሃ ኡራይ ጳቤ ጊዲዲ ቢታ ኡባን ዳዒያ ኣይሁዴታ ጊደን ቡቁላ ሜጲዲ ናዚራዊታ ባጋ ኣሳ ካሌሌይሳ ጊደይሳ ኤሪዳ።
- 7 ሃሪ ኣቶሽን፣ ያሳ ከላ ቱኒሳና ሃኒሽን ኮኒ ኢያ ኦይኪዳ፤ ኑ ሂጊያዳ ኢያ ቦላ ፐርዳናው ቆፐዳ።
- 8 ሽን ሻላቃ ሉሲዮሲ ዪዲ፣ ዋልቃን ኑ ከሽፔ ኢያ ዋላ ኤኪሰ።
- 9 ኢያ ሞቲይሳቲካ ኔኮ ያና ማላ ከቲሰ። ኔኒ ኔ ሁዒን ሃ ኡራ ፐልጋዳ ኮኒ ኢያ ሞቲያ ሞቱዋ ኡባ ኤራናው ዳንዳሳ» ያገሰ።
- 10 ኣይሁዴቲካ፣ «ሃ ኦዳይ ቱማ» ጊዲ ኢያ ቆፋ ማሳደሶና።

**ጳውሎሲ ሞቱዋሰ ዛር ኣሚሰ**

- 11 ዳሪያ ኣይሲይሲ ጳውሎሳ ኦዳ ጊዲ ማሊሰ። ጳውሎሲ ሃይሳዳ ጊዲ ዛሪሰ። «ኔኒ ዳሮ ዋዴ፣ ሃ ኣሳሰ ፐርዳሽ ዳዒይሳ ኤራዳ ታ ኦዳሰ ኡፋይሳን ዛር ኣማይሰ።
- 12 ታኒ ጎይናው ዩራሳላማ ከዩን ታማኔ ናምቡ ጋላሳ፣ ኦዳይሳ ኔኒ ኔ ሁዒን ኤራናው ዳንዳሳ።
- 13 ኣይሁዴቲ ታና ያሳ ከላን ጊዲን ኣይሁዴ ዋሳ ከላን ጊዲን ካታማን ጊዲን ኦዴራካ ፓላሚሽን ዋይኮ ኣሲ ሸሻዳ ማቂሽን ኢሲ ኣሲካ ዳሚቤና።
- 14 ሃዒካ ኤንቲ ታና ሞቲያባሰ ማርካ ዳማናው ዳንዳዮኮና።
- 15 «ሸን ታኒ ኢሲባ ኣማኔይሰ፤ ታኒ ሂፔን ዳዒያባኔ ናቤቲ ዓፊዳ ኡባባ ኣማናዳ፣ ኑ ኣዋታ ያሳ፣ ኤንቲ ዋርዶ ጊያ ኦጊያን ጎይናይሰ።
- 16 ኤንቲ ባንታ ሁዒን ኣማኔይሰ ማላ ዒሎቲኔ ናጋራንቾቲ ሃይቆፔ ዳንዳይሳ ታካ ኣማናይሰ።
- 17 ሃሳ ጊሾ፣ ታኒ ያሳ ሲንጎኒኔ ኣሳ ሲንጎኒ ኡባ ዋዴ ሎዖ ካሂ ታው ዳና ማላ ሚናይሰ።
- 18 «ታኒ ዩራሳላማ፣ ከዮሳ፣ ዳሮ ላይላፊ ጉዬ ታ ቢታ ማንቆታሰ ማዴ ኢማናወኔ ያርሾ ያርሻናው ዩራሳላማ ባሰ።
- 19 ታኒ ያሳ ከላን ሃሳ ኦዳዳ ገሻ ዋጋ ፖላ ሲሚን ታና ዳሚዶሶና። ሄ ዋዴ ታራ ኣሲ ባዋ፣ ኦሽካ ከዩቤና።
- 20 ሸን ኢሲያፔ ዪዳ ኢሲ ኢሲ ኣይሁዴቲ ያን ዳዮሶና፤ ኤንቲ ታ ቦላ ኦዳ ኮይኮ ዪዲ ታና ኔ ቦላ ሞታናው ዳንዳዮሶና።
- 21 ዋይኮ ታኒ ሻንጉዋ ሲንጎ ሸቂዳ ዋዴ ኦሊዳ ባሊ ዳዒኮ ሃይሳቲ ኔ ሲንጎኒ ዳዒይሳቲ ኦዳና።
- 22 ታኒ ኤንታ ጊደን ኤቃዳ፣ «ሃይቂዳይሳቲ ዳንዳና ጋዳ ዋሳዳ ኦዲዳ ጊሾ ሃቺ ሂንቲ ሲንጎኒ ታ ቦላ ፐርዶሶና» ጋሰ፤ ሃሳፊ ሃራባ ኦሳቢኬ» ያገሰ።
- 23 ሸን ፊልኪሲ ያሳ ኦጊያባ ጌሺ ኤራዳ ጊሾ «ታኒ ሂንቲ ኦዳ ሻላቃ ሉሲዮሲ ያ ዋዴ ፐርዳና» ያገዲ ሞይዚሰ።
- 24 ፊልኪሲ ቃሲ ጳውሎሳ ቃቾና ናጋና ማላኔ ኢያ ዳቦታፔ ኦኒካ ኢያ ኦይቻናው ዪሽን ዳሳና ማቶ ሃላቃሰ ኦዲሰ።

**ጳውሎሲ ፊልኪሳ ሲንጎኒ ዲራሲላ ሲንጎ ሸቂሰ**

- 25 ጉላ ጋላሳ፣ ጉዬ፣ ፊልኪሲ ኣይሁዴ ባጋ ጊዲዳ ባ ማቺ ዲራሲላራ ዪዲ ጳውሎሳ ከቲ ኤሂሲዲ ዩሱሰ ከሪሰቶሳን ኣማናባ ኢያፔ ሲሲሰ።
- 26 ጳውሎሲ ዒሎቲላባ፣ ባ ሁዒ ሃርባኔ ያናው ዳዒያ ፐርዳባ ኦዲሽን፣ ፊልኪሲ ያዪዲ፣ «ኔኒ ሃዒሰ ባ፤ ታው ኢንጃቲዳ ዋዴ ኔና ያጊሳና» ያገሰ።
- 27 ሄ ዋዴ ጳውሎሳ፣ ጉቦ ኢካናው ቆፐዲ ኢያ ዛሪ ዛሪ ያጊሲዲ ኢያዶ ኦዳቲሰ።
- 28 ናምቡ ላይላፊ ጉዬ፣ ፊልኪሳ ቤሳ ጳርቂዮሰ ፊልኮሲ ኤኪሰ። ፊልኪሲ ኣይሁዴታ ኡፋይሳናው ኮዪዲ ጳውሎሳ ቢሎና ኣጋገሰ።

**25**

**ጳውሎሲ ርማ ካወዋሰ ኣቤት ጊሰ**

- 1 ፊሰዮሲ ካዋቲዳ ሄቹ ጋላሳ፣ ጉዬ ቁሳሪያ፣ ዩራሳላማ ቢሰ።
- 2 ያን ካሂኔ ሃላቃቲኔ ኣይሁዴታ ካሌሌይሳቲ ጳውሎሳ ሞቲዶሶና።



3 ጳውሎስ ዩሩሳሌም ኤሂሸን ኦገን ቆሴቲዲ ኢያ ምፍናው ኤንታው ኢንጄታና ማላ ባንታና ማዶ ጊዲ ፊስታላ ምሲዶሶና።

4 ፊስታላ ኤንታታ፡ «ጳውሎስ፡ ቁሳሪያን ቃሾ ኬላን ዴዒስ፤ ታኒ ታ ሁዒንካ ኤሌሳዳ ጉዬ ሲማና ሃናይስ።

5 ኢ ባሊዳባይ ዴዒኮ ሃንቴ ጊዶን ኣሞቲይሳቲ ታራ ቁሳሪያ ቢዲ ኢያ ሞቶና። ያጊዲ ዛሪስ።

6 ፊስታላ ኤንታ ማታን ሆስፑን ምድኮ ታው ጋላሳ ማላ ጋምዲዲፍ ጉዬ ቁሳሪያ ቢስ። ምንቴላ ጋላስ ፐርዳ ኦይዲያን ኡቲዲ ጳውሎስ ኤሃና ማላ ከቲስ።

7 ኢ ዪን ዩሩሳሌም፤ ዪዳ ኣይሁዴቲ ኢያ ዩሾቀን ኤቁዲ ኤንቲ ላላናው ዳንዳዖና ዳር ዴዖ ሞቶ ኢያ ቦላ ሸሺዶሶና።

8 ጳውሎስ ዛሪዲ፡ «ታኒ ኣይሁዴ ሃጊያ ጊዲን ያሳ ኬላ ምድኮ ሮሜ ካወዋ ቁሳሪ ናቃቢኬ» ያጊስ።

9 ሸን ፊስታላ ኣይሁዴታ ኡፋይሳናው ኮዩዲ ጳውሎስ፡ «ዩሩሳሌም ባዳ ሃ ሞቲዋባ ያን ታ ሲንላን ፐርዳታናው ኮያይ?» ያጊዲ ኦይቸስ።

10 ሸን ጳውሎስ፡ «ታኒ ፐርዳታናው ቤሲያ ቁሳሪ ፐርዳ ኬላን ኤቃ ኪቻስ። ኔኒ ሎይላ ኤራይሳዳ ታኒ ኣይሁዴታ ኣይቢንካ ናቃቢኬ።

11 ሃዳ፡ ታኒ ናቁዳባይ ምድኮ ሃይቆስ ጋሊያባ ኦሊዳባ ጊዲኮ ሃይቆፔ ታና ኣሻ ጊኬ። ሸን ኤንቲ ታና ሞቲያ ሞቶይ ጮ ጊዳፔ ጉዬ ኦኒካ ታና ኤንታው ኣሊ ኢማናው ዳንዳዖና። ቁሳሪይ ታባ ፐርዳ ጋዳ ኦይቻይስ» ያጊስ።

12 ሄ ሞዶ ፊስታላ ባ ዘራንቸታራ ዘራቲዲ፡ «ኔኒ ቁሳሪይ ታባ ፐርዳ ጋዳ ኦይቻዳሳ፤ ቁሳሪኮ ባላ» ያጊዲ ዛሪስ።

**ጳውሎስ ኣገርጳ ሲንላኔ ባርነቁ ሲንላኔ ሸቁስ**

13 ጉላ ጋላሳፔ ጉዬ ካዋይ ኣገርጳኔ ባርነቁይ ፊስታላ ሳርላናው ቁሳሪያ ቢዶሶና።

14 ያን ኤንቲ ዳር ጋላስ ጋምዒን፡ ፊስታላ ካወዋስ ጳውሎሳባ ሃይሳዳ ያጊዲ ኡዲስ፤ «ፊልኪሲ ቢሎና ኣገዲ ቢዳ ኢሲ ኣዳይ ሃይሳን ዴዒስ።

15 ታኒ ዩሩሳሌም ቢዳ ሞዶ ካሂኔ ሃላቃቲኔ ኣይሁዴ ጨማቲ ኢያ ቦላ ፐርዳና ማላ ታና ምሲዲ ኢያ ታው ኦዲዶሶና።

16 ታኒ፡ «ሞቲቲዳ ኡራይ ባና ሞቲይሳታ ሲንላን ኤቁዲ ባ ሞቲዳባስ ዘር ኢሞናሸን፡ ኦና ጊዲኮካ ኣጳዲ ኢማቲይሲ ሮሜ ሃጌ ጊዳና ያጋዳ ኤንታው ዛሪስ።

17 «ሃሳ ጊሾ፡ ኤንቲ ሃይሳን ሸቁዳ ሞዶ ታኒ ጋምዖና ምንቴላ ጋላስ ፐርዳ ኬላ ጌላዳ ጳውሎስ ኤሃና ማላ ከታስ።

18 ኢያ ሞቲይሳቲ ኢያ ማታን ኤቁዲ፡ ኢታባን ኢያ ሞቶና ኣጎኮና ጋዳ ታኒ ቆፒዳይሳ ማላ ኢያ ሞቲቦኮና።

19 ሸን ኤንቲ ባንታ ኣማናባኔ ጳውሎስ፡ «ፓፃ ዴዒስ» ጊያ ኢሲ ሃይቁዳ ዩሎሳ ጌቲቲያ ኣዲያባ ኢያራ ፓላሞሶና።

20 ሃ ኦይይ ታና ሻካናው ማቲዳ ጊሾ ጳውሎስ ዩሩሳሌም ቢዲ፡ ያን ፐርዳታናው ኮያኮ ጋዳ ኢያ ኦይቻስ።

21 ሸን ጳውሎስ ባ ኦዳ ቁሳሪይ ቤዓና ጋካናው ቃሾ ኬላን ጋምዓናው ኦይቸስ። ታኒ ኢያ ቁሳሪኮ ዩዳና ጋካናው ኢ ቃሽታና ማላ ከታስ» ያጊስ።

22 ሃሳ ጊሾ፡ ኣገርጳ ፊስታላ፡ «ታኒ ታ ሁዒንካ ሄ ኡራይ ጊያባ ሲሳናው ኮያይስ» ያጊስ። ፊስታላ ኢያኮ፡ «ኔኒ ምንቶ ኢ ጊያባ ሲሳና» ያጊስ።

23 ምንቴላ ጋላስ ኣገርጳኔ ባርነቁይ ጊታ ቦንቸን ሻላቃታራኔ ካታማን ዴዒያ ጊታ ኣሳታራ ዪዲ ፐርዳ ኬላ ጌሊዶሶና። ፊስታላ ጳውሎስ ያጊስ፡ «ካዋው ኣገርጳ፡ ሃይሳን ኡራ ዴዒያ ኣሳው፡ ኣይሁዴቲ ዩሩሳሌምንካ ሃይሳንካ ሞሲዲ፡ «ኢ ሃዘፔ ጉዬ ፓፃ ዳናው ቤሲና» ያጊዲ፡ ታና ምሲዳ ኡራ ሃይሳ ቤዒታ።

25 ሸን ኢያ ሃይቆስ ጋሊያባ ኣይቢባካ ታኒ ዴማቢኬ። ኢ ባ ሁዒን፡ «ቁሳሪይ ታባ ፐርዳ ያጋዳ ኦይቻይስ» ጊዳ ጊሾ ቁሳሪኮ ኢያ ዩዳናው ቆፋ ቃቻስ።

26 ታኒ ኢያባ ታ ጎዳ ቁሳሪስ ያፋናው ጊዲያ ጋሶይ ኣይቢካ ባሞ። ሃሳ ጊሾ፡ ኢያባ ሃንቴ ቤዒኮ ታ ያፊያባይ ቤንታኒኮ ጋዳ ሃንቴ ሲንላ ኡባራካ ካዋው፡ ኣገርጳ፡ ኔ ሲንላ ኢያ ኤሃስ።

27 ኣይሲ ጊኮ፡ ቃሽቲዳ ኣሲ ቦላ ዳይናስ ኣሊያ ሞዶ ኢ ኣይሲ ሞቲቲዳኮ ቆንጨሶና ኣኔይሲ ታው ኤያቴላ ዳኔስ» ያጊስ።

1 እገርጸጼ ጳውሎስ፡ «ኔን ነባ ኦዳናው ዳንዳዓሳ» ያገሰ። ሄ ዋዴ ጳውሎስ ባ ኩሺያ ዴንጼዲ ሃይሳዳ ያገሰ።

2 «ካዋው፣ እገርጸ፣ አይሁዴቲ ታና ሞቲዳባስ ዛሮ አማናው ሃቺ ኔ ሲንላን ኤቃሺ ታ ቃዳይ ሎዎ ጋዳ ቆገይሰ።

3 ኔን አይሁዴ ዋጋኔ ፓላማ ሎይዳዳ ኤሪያ ገሾ ታና ሳሌቶና ሰዓና ማላ ዋሳይሰ።

4 «ታን ናባቴላፌ ደማዳ ታ አሳ ገደንኔ ዬሩሳሌምን ዴዲዳ ታ ደዑዋ አይሁዴ ኡባይ ኤሮሶና።

5 ታን ኮይሮፔ ደማዳ፣ ኦ አማና ሂጊያ ሚንጼዲ ናጊያ ፋሪሳዊታ ያራፔ ገዴይሳ ኤንቲ ማርካታናው ኮይኮ ኤሮሶና።

6 ሃዒካ ታን ያሳይ ኦ አዋታስ አማና ገዳ ኡፋይሳ ናጊያ ገሾ ሞቲታዳ ሃይሳን ኤቃሰ።

7 ቃሲ ታማኔ ናዎዑ ኦ አዋታ ሺሻይ ያሳ ቃማኔ ጋላሰ ሚንጼዲ ጎይኒሺ ያሳይ አማና ገዴይሳ ኤካናው ኡፋይሳን ናጎሶና። ካዋው እገርጸ፣ አይሁዴቲ ታና ሞቲይ ታን ኡፋይሳን ሄሳ ናጊያ ገሾሳ።

8 አይሁዴቶ፣ ያሳይ ሃይቁዳይሳታ ዴንጼይሳ አይሰ አማኔኩቲ?

9 «ካሴ ታን ታ ሁዳንካ ናዘሬቴ ዬሱሳ ስንላ ቴቃናው ዳንዳዒቲዳባ ኡባ ኦላናው ቤሲስ ጋዳ ቆገሰ።

10 ታን ዬሩሳሌምን ኦሊዳይ ሃይሳ። ካሂኔ ሃላቃታፔ ማታ ኤካዳ ያሳ አሳታፔ ዳርታ ቃሺሳሰ። ኤንታ ዋዲያ ዋዴካ ኤንታ ሃይቁዋ ደሳሰ።

11 ዳሮ ዋዴ አይሁዴ ዋሳ ኬላ ኡባን ኤንቲ ሴሬታና ሜላኔ ዬሱሳ ጫዴዲ ካዳና ማላ ኤንዔላሰ። ታን ዋጊ ባይና ኤንታ ሃንቄታዳ ሃሪ አቶሺን፣ ሃራ ቢታ ካታማታ ጋካናው ኤንታ ጎዳሰ።

12 «ታን ሃ ኦዳስ ካሂኔ ሃላቃታፔ ማታኔ ከታ ኤካዳ ዳማሰቆ ባይሰ።

13 ካዋው፣ ታን ሴታ ጋላሰ አጊያን ዴዲሺን አዋ ፖፖፔ ዳሮ አዲያ ፖፖፔ ታ የሹዋንኔ ታራ ቤይሳታ የሹዋን ሳሎፔ ፖሊሰ።

14 ኔን ኡባይካ ሳባን ከንዲዳ ዋዴ ኢብራይስጵ ደናን፣ ሳዎላ፣ ሳዎላ፣ ታና አይሰ ጎዳይ? ኔን ኔና ጫዴያ ፃዋዋ ቃኪኮ ኔና ቆሃሳን ያገዲ ታው ኦዲሺን ሰዓሰ።

15 «ታን፣ ሳዳው፣ ኔን ኦኔን?» ያገሰ።

«ጎዳይ፣ ሳን፣ ኔን ጎዳያ ዬሱሳ፤

16 ሺን ዴንዳ ኤቃ። ሃቺ ኔን ታና ቤዒዳይሳንኔ ሲንላፌ ታ ኔና ቤሳኻሳ ሃራታስ ማርካታና ማላ ታ ኦሳንቾ ኡላዳ ኔና ሹማናው ኔው ቤንታሰ።

17 ኢሰራራዲላ አሳታፔኔ ታን ኔና ኤንታኮ ከቲያ አይሁዴ ገደናይሳታፔ ኔና አሻና።

18 ኔን ኤንታ አይፊያ ደያና፣ ፉማፔ ፖፖፔ፣ ፃላሂ ኩሺፔ ያሳኮ ኤንታ ዛራና። ኤንቲ ታናን አማኒዲ ናጋራ አቶቴላ ኤካና። ያሳይ ደሪዳ አሳ ገደን ባንታ ላታ ዴማና ያገሰ።

19 «ካዋው እገርጸ፣ ሄሳ ገሾ፣ ታው ሳሎፔ ቤንቲዳ ቆንጩሳሰ ከቲታናይሳ ኢያቤኩ።

20 ሺን ታን ኮይሮታዳ ዳማሰቆን ሃሳፌ ጉዬ ዬሩሳሌምንኔ ዪሁዴ ቢታ ኡባን ዴዒይሳቲኔ አይሁዴ ገደናይሳቲ ባንታ ናጋራፔ ያሳኮ ሰማና ሜላኔ ናጋራፔ ሰሙዋ ቤሲያ ኦሶ ኦላና ማላ ቃላ ኦዳሰ።

21 ሄሳ ገሾ፣ አይሁዴቲ ታና ያሳ ኬላን ኦይኪዲ ዋዳናው ኮዩደሶና።

22 ሃቺ ጋካናው ያሳ ማዴይ ታፔ ሻኬቲቤና፤ ያንያ ገሾ፣ ጉላሲኔ ገታስ ማርካታሺ ሃይሳን ኤቃሰ። ናቤቲኔ ሙሴይ ሃናና ገዲ ኦዲዳይሳፌ ሃራ ኢሰባካ ታን ኦዲዳባይ ባዎ።

23 ሄሰካ፣ «ከሪሰቶሲ ዋዬ ኤካናው ቤሲስ፤ ቃሲ ሃይቆፔ ኮይሮ ዴንዲዲ አይሁዴታሲኔ አይሁዴ ገደናይሳታስ አቶቴላ ፖፖ ኦዳናው ቤሲስን ገዴይሳ» ያገሰ።

24 ጳውሎስ ሄሳ ያገዲ ዛሪሺን፣ ፊሰዎሲ ባ ቃላ ቆቁ ኦሊዲ፣ «ጳውሎሳ፣ ኔ ጎያዳሳ፤ ኔ ዳሮ ቲሚርቲይ ኔና ጎሻስ ጋሊሰ» ያገሰ።

25 ሺን ጳውሎስ፣ «ቦንቾ ፊሰዎሳ፣ ታን ቱማባኔ ቤሲያባ ኦዲይሲፔ አቲን ጎያቤኩ።

26 ታን ቆንጩን ኦዲያ ኦዳ ካዎይ ኤሬሰ። ሃ ኦዳይ ገማን ኦሲቲሶና ገሾ ኢሶይካ ኢያፔ ገዋናይሳ ታን ገሻዳ ኤራይሰ።

27 «ካዋው እገርጸ፣ ኔን ናቤታ አማናሳ ገዲኪ? ኔን አማኔይሳ ታን ኤራይሰ» ያገሰ።

28 ካዎይ እገርጸ፣ ጳውሎስ፣ «ሃ ጉላ ሳቲን ታና አማንላናው ኮያይ?» ያገሰ።

29 ጳውሎስ፣ «ዳሮ ዋዴ ገዲን ጉላ ዋዴ ኔ ፃላላ ገደናሺን ሃቺ ታና ሲዒያ ኡባይ ሃ ቃሹዋፔ አቲን ታ ማላ ገዳና ማላ ያሳ ዋሳይሰ» ያገሰ።

30 ሃሳፌ ጉዬ፣ ካዎይ ፊሰዎሳ፣ ባርኒቄይኔ ኤንታራ ኡቲዳ ኡባይካ ዴንዲዳሶና።

31 ያፔ ከዩዲ ቢሺ ኢሶይ ኢሱዋራ፣ «ሃ ኡራይ ሃይቆሰ ዎይኮ ቃሾስ ጋሊያባ አይኮካ ኦሊቤና» ያገዲ ኦዴቲዳሶና።

32 እገርጸጼ ፊሰዎሳ፣ «ሃ ኡራይ «ቁሳሬይ ታባ ፐርዶ» ጎናኮ ቢሊታናው ዴንዳዔስ፣ ሺን አቲሰ» ያገሰ።

# 27

## ጳውሎስ ሮሜ ቤስ

- 1 ኑኒ ማርካቤራ ፃሊ ባናው ቃቺዳ ዎዴ ኣወገሰዮሳ ዎታዳሬታ ጌቴቴይሳታፕ ኢሲ ዩሊዮሳ ጊያ ማቶ ሃላቃስ ጳውሎሳኔ ሃራ ጉላ ቃሾ ኣሳታ ኢሚዶሶና።
- 2 ኢሲያ ጋፃን ዴዒያ ቢታታ ቢያ ኣዲራሚዳኮኔ ማርካቤን ጌሊዲ ዴንዲዲ። ማቀደኒያ ኣሲ ጊዲዳ ቴሱሎንቄ ኣርሰዪሮኮሲ ኑራ ዴዒሳ።
- 3 ዎንቴላ ጋላስ ኑኒ ሲዶና ጋኪሸን፣ ዩሊዮሲ ጳውሎሳስ ከሂዲ ባ ላጌታኮ ቢዲ ኮሺያባን ማዴታና ሜላ ኢንታኮ ዩዲሲ።
- 4 ያፕ ዴንዲዲ ሲንሳራ ኑ ቦላ ጫርኪያ ጊሾ ሃላን ቴቄቴዳ ቢታ፣ ቆጶሮሳን ዜምፕዲ ኣጲዳ።
- 5 ከሊቄያኔ ጲንፊሊያ ማታን ዴዒያ ኣባ ፒኒዲ ለቄያን ዴዒያ ሙራ ጋኪዳ።
- 6 ያን ማቶ ሃላቃይ ፃሊ ቢያ ኢሰከንዲራያ ማርካቤ ዴሚዲ፣ ኢያን ኑና ጌሊሲ።
- 7 ኑኒ ዳሮ ጋላስ ሎዳራ ቢዲ፣ ዳሮ ሜቶን ቃንዶሳ ካታማ ማታ ጋኪዳ። ያራ ባናው ኑና ጫርኮይ ዲጊን ሳልሞናራ ኣጲዲ ሃላን ቴቄቴዳ ቢታ፣ ቃርዳሳን ዜምፕዲ ኣጲዳ።
- 8 ዳሮ ሜቶን ጋፃ ጋፃ ኦይኪዲ ላሲያ ካታማ ማታን ዴዒያ ኣባ ዶናን «ማርካቤይ ዎፑ ጊዲ ሸምፕያሶ» ጊያ ቤሳ ጋኪዳ።
- 9 ኑኒ ያን ዳሮ ዎዲያ ጋምዳዲፕ ጉዬ ያሚ ቢሉቴን፣ ማርካቤራ ቡሲ ሜቴያ ጊሾ ጳውሎስ ኢንታ ዞሪስ።
- 10 «ኣሳው፣ ኑ ቡሳን ጊታ ቦሺኒ ዳሮ ቆሆይ ዴዒይሲ ታው ቤንቴስ፤ ቆሆይ ጫና ቦላኔ ማርካቤያ ቦላ ፃላላ ጊዶናሽን ኑ ዴቦቀ ቦላካ ጋካና» ያጊሲ።
- 11 ሸን ማቶ ሃላቃይ ጳውሎስ ጊዳይሳፊ ኣሊዲ ማርካቤያ ላጌይሲኔ ማርካቤያ ጎዳይ ጌይሳ ኣሚኒስ።
- 12 ሂ ኣባ ዶናን ዴዒያ ካታማይ ባልጎ ኣጌና ኣላናው ኢንታው ኢንጃቶና ጊሾ ዳሪያ ኣሳቲ ባንታው ዳንዳዒቲኮ ፊንቄ ካታማ ጋኪዲ ባልጎ ኣጌና ያን ኣላናው ዞራቴዶሶና። ፊንቄይ ፑዴሃ-ወሎሃፔኔ ዴጊሃ-ወሎሃፕፕ ጊደን ኣባ ዶናን ዴዒያ ካታማ።

## ኣባ ቦላ ጎቴይ ዴንዲሲ

- 13 ካወሻ ዲጌሃ ጫርኮይ ሎዳራ ጫርኪዳ ዎዴ ባንታ ቆፕዳይሳዳ ሃኒዳባ ዳኒን ዴንዲዲ፣ ማርካቤይ ቃዶና ሜላ ኦይኪያ ቢራታ ፑዴ ኤኪዲ ቃርዳሳ ማታራ ኣጲዶሶና።
- 14 ሸን ዳሮ ጋምዶና «ኣውራቄስ» ጊያ ዎልቃማ ጎቴይ ሃላን ቴቄቴዳ ቢታፊ ዴጌ ኢንታ ቦላ ዴንዲሲ።
- 15 ሂ ጎቴይ ማርካቤያ ሱጊዲ ኤፎና ዲጊዳ ጊሾ ጫርኮይ ማርካቤያ ባ ደሲዳ ሶ ኤፊስ።
- 16 ኑኒ ቄዳ ጊያ ሃላን ቴቄቴዳ ቢታ ዜምፕዲ ቢሾ ዳሮ ሜቶቴቲዲ ማርካቤያ ዎጎሉዎ ኣሻናው ዳንዳዒዳ።
- 17 ኢንቲ ዎጎሉዎ ፑዴ ከሲዳፕ ጉዬ ዎዶሩዎን ማርካቤያ ቦላ ፃፃዲ፣ ሚንሊ ቃቺዶሶና። ሱርቲሳ ጊያ ሻፊያን ባንታና ዶምዒላና ጊዲ ሂርጊዲ፣ ማርካቤያ ሻራ ዎጲሲዲ ማርካቤያ ጮ ዬዲ ኣጊዶሶና።
- 18 ጎቴይ ዎልቃሚሼ ቤን ዎንቴላ ጋላስ ጫናፕ ባጋ ኣባን ሆሎ ኦይኪዶሶና።
- 19 ሃኸንላ ጋላስ ማርካቤያ ሚሺያ ኤኪዲ ባንታ ኮሺን ሆሊዶሶና።
- 20 ኑኒ ዳሮ ጋላስ ኣቀ ኣይፊኔ ያሊንቶ ቤያን ጊሾኔ ዎልቃማ ኦሾቴ ኑ ቦላ ኦሺዳ ጊሾ ሲንሳፊ ሸምፕራ ኣታና ጊዲ ቆፕቦኮ።
- 21 ሂ ዎዴ ኢንቲ ዳሮ ጋላስ ካሊ ሞና ጋምዒዳ ጊሾ ጳውሎስ ኢንታ ጊደን ዴንዲ ኤቄዳ፣ «ኣሳው፣ ሂንቲ ታ ዞሪያ ኤኪዲ ቃርዳሳፕ ዴንዶና ኣጊዳኮ ሃ ሚቶይኔ ቆሆይ ኑና ጋኪና።
- 22 ሸን ታኒ ሂንቴና ያዮፊቴ ጋዳ ዞራይስ፤ ኣይስ ጊኮ፣ ሃ ማርካቤይ ጳያናፕ ኣትን ሂንቴፊ ኢሲ ኣሳ ሸምፕሪካ ጳዬና።
- 23 ዜኔ ቃማ ታ ኢያባ ጊዲዳይሲኔ ታ ጎይኒያ ዶሳይ ከቲዳ ከታንቾይ ታ ማታን ኤቄዳ፣
- 24 «ጳውሎሳ፣ ያዮፋ፤ ኑኒ ሮሜ ካወቀ ቄሳሬ ሲንሳን ኤቃናው ቤሲስ። ሂኮ ዶሳይ ኔ ጊሾ ኔራ ቢያ ኣሳ ኡባ ሸምፕቀ ኣሺስ» ያጊሲ።
- 25 ሂሳ ጊሾ፣ ኣሳው፣ ያዮፊቴ። ሂ ከታንቾይ ታው ኦዲዳይሲ ሃናናይሳ ታኒ ኣማናይስ።
- 26 ሸን ጫርኮይ ኑና ኤፊዳ ኢሲ ሃላን ቴቄቴዳ ቢታ ጋፃን ሆላና» ያጊሲ።
- 27 ታማኔ ኦይዳንላ ቃማን ሚዲቲራኔ ኣባን ኑና ጫርኮይ ጌዴኔ ሃ ሱጊሸን፣ ጊዲ ቢላሃ ጊዲያ ዎዴ ማርካቤያን ኤይሳታስ ቢታኮ ማቴዳባ ዳኒስ።
- 28 ኢንቲ ጪሞቴላ ኤራናው ኮዩዲ ዎዶሮ ያራን ዴያባ ቃቺዳ ኣባን ዩጌን፣ ኣባይ ሆሰፑን ታው ዎቆ ጊዲሲ። ጉሊ ጋምዒዳ፣ ዞሪ ዩጌን ኡሰፑን ታው ዎቆ ጊዲሲ።
- 29 ኢንቲ ኣባ ጋፃን ዴዒያ ሹቻን ዶምዒቶና ሚላ ያዩዲ፣ ማርካቤይ ቦና ሚላ ኦይኪያ ኦይዲ ቢራታታ ማርካቤያፕ ጉዬራ ኣባን ዩጌዲ፣ ሳዓይ ዎንታና ሚላ ዶሳ ዎሶሶና።

- 30 ማርካቢያጥ ኦሎይሳት ማርካቢያጥ ባቃታናው ኮዩዲ፣ ማርካቢይ ቦና ሜላ ኦይኪያ ቢራታታ ማርካቢያጥ ሲንሳ ባጋራ አባን ዩጊያ ዲኒን ዋጎሎዋ አባን ዩጊዶሶና።
- 31 ጳውሎሲ ማቶ ሃላቃኑ ዋታዳሬታኑ፣ «ሃይሳት ማርካቢያጥ ሸምጦ ኡቶና ኢዲኮ ሂንቴ አታናው ዳንዳዔክታ» ያገሰ።
- 32 ሃሳ ጊሾ፣ ዋታዳሬታ ዋጎሎይ ቃሽቲዳ ዋደሩዋ ቃንዲዲ ዩዲ አገደሶና።
- 33 ሳዒ ዋንታና ሃኒሽን ኡባይ ካሏ ማና ሜላ ጳውሎሲ አሳከ፣ «ሂንቴ ካሏ ሞና ናጊሼ ሃቺራ ታማኔ ኦይዲ ጋላሰ ጋምዒዳታ።
- 34 ሃሳ ጊሾ፣ ጉላ ካሏ ሂንቴ ማና ሜላ ታኒ ሂንቴና ዋሳይሰ። ሂንቴ ጋሽታና ሜላ ጉላ ካሏ ማናው ኮሼስ፤ ሃሪ አቶሽን ሂንቴ ሁዔ ቢናናፕ ኢሶይካ ጳዬና» ያገሰ።
- 35 ጳውሎሲ ሃሳ ጊዲ ኡይሌ ኤኪዲ ኡባ ሲንሳን ያሳ ጋላቲስ፤ ኡይላ ማንሏዲ ሙሱ ደሚሰ።
- 36 ኡባይ ማኔቲዲ ባንታው ካሏ ኤኪዲ ሚዶሶና።
- 37 ኑኒ ማርካቢያጥ ዳዔይሳቲ ናምዑ ጃታኔ ላቸን ታማኔ ኡሱቸና።
- 38 ኤንቴ ሚዲ ካሊዳ ዋዩ ጫና ገሰቲያ አባን ዩጊዲ ማርካቢያ ዳፀዋ ካወሽደሶና።

**ማርካቢይ ሜዒሰ**

- 39 ሳዒ ዋንቲዳ ዋዩ ማርካቢያ ኦሳንቸቲ አው ቢታ ጋኪዳኮ ኤሮናሽን፣ አባ ጋፃን ዳዒያ ሻፌኔ ሲለሞ ቢዳደሶና። ባንታው ዳንዳዔቲኮ ማርካቢያ ሄ ሻፌያኮ ሸሻናው ቆፐደሶና።
- 40 ያቲዲ፣ ማርካቢይ ቦና ሜላ ኦይኪያ ቢራታታ ቢርሺዲ አባን ዩጊዶሶና። ሄ ዋዩ ላጊያ ሚላ ቃቸያ ዋደሩዋ ቢርሺደሶና። ሄሳፌ ጉዬ፣ ጫርኮይ ማርካቢያ ሲንሌ ሱጋና ሜላ ማርካቢያ ኤፊያ ሻራ ሲንሳ ባጋራ ቶቁ ኦሎዲ ቡሱ ደሚደሶና።
- 41 ሸን ማርካቢይ ሻፌ ደራን ደምዓቲዲ ሚቲቲስ። ማርካቢያስ ሲንሳ ባጋይ ፀጉኒዲ ሻፊያ ጫዲ ኦይኪዲ ቃዖና ኢዲን፣ ጉዬ ባጋይ ዙሊያ ሱጌላን ሜቆሬቲሌ ኦይኪስ።
- 42 ዋታዳሬቲ ቃሾ አሳፕ ኢሶይካ ሃሳ ዋዲዲ ኬሲ ኤኮና ሜላ ኤንታ ዋዳና ዛሬቲደሶና።
- 43 ሸን ማቶ ሃላቃይ ጳውሎሳ አሻናው ኮዩዲ ዋታዳሬታ ዘሬታ ኢዲስ። ሃሌ ዋዶ ኤሬያ ኡባይ ማርካቢያጥ ሃላን ጉፒ ጉፒ ዋዲዲ ካሲቲዲ ጋፃ ኬያና ሜላ ከቲስ።
- 44 አቲዳይሳቲ ሳንቃ ቦላኔ፣ ማርካቢያ ሜዑዋ ቦላ ኬያና ሜላ ከቲስ። ሃሳዳ ሃኒዲ ኡባይ ጋፃ ሳርራ ኬዩደሶና።

**28**

**ጳውሎሲ ማልታ ጊያ ሃላን ቱቄቲዳ ቢታ ቢሰ**

- 1 ኑኒ ጋፃ ሳር ኬዩዳ ዋዩ ጋኪዳ ሃላን ቱቄቲዳ ቢታይ ማልታ ጌቲቲይሳ ኤሬያ።
- 2 ማልታ አሳይ ኦሰ ዳር ኬሃ ኬሂደሶና። ኤሬ ቡኪያ ጊሾኔ ሜጊያ ጊሾ ታማ ኤሌዲ ኑና ኡባ ሞኪደሶና።
- 3 ጳውሎሲ ዳር አፊራ ሸሺዲ ታማን ዋሌሽን፣ ሾሽ ሴላ ጊሾ ኬዩዲ ኢያ ኩሽያ ቦላ ፃፃቲዲ ኢያ ዲኪስ።
- 4 ማልታ አሳይ ሾሽ ጳውሎሳ ኩሽን ፃፃቲዳይሳ ቤዒዳ ዋዩ ኢሶይ ኢሱዋኮ፣ «ቱማ ሃ ኡራይ ሸምፖ ዋዲዳ አሲ፤ ሃሪ አቶሽን አባፌ ኢ አቲንካ ያሳ ፐርዳፌ \* አቲዲ ፓፃ ዳናው ዳንዳዒቤና» ያገደሶና።
- 5 ሸን ጳውሎሲ ባ ኩሽያፕ ሾሻ ወፃርኪዲ፣ ታማን ዩጊስ፤ ኢያ አይኮካ ቆሂቤና።
- 6 ኤንቲ፣ «ኢያ አሳቲላይ ከዲስ፣ ዋይኮ አክኮና ኩንዲዲ ሃይቄስ» ጊዲ ናሳሶና። ሸን ዳር ዋዩ ናጊዲ ኢያ አሳቲላን አይቤካ ዲማቲዳባይ ጳዩን፣ «ሃይሲ ዮሴ» ያገዲ ባንታ ቆፋ ላሚደሶና።
- 7 ሄ ሃራን ሃላን ቱቄቲዳ ቢታ ሃላቃ፣ ፑፕሊዮሳ ጌይሳሰ ጋዴይ ዳዔስ፤ ሄቸ ጋላሰ ጋካናው ኢ ኑና ሲቆን ሞኪስ።
- 8 ፑፕሊዮሳ አዋይ ቆዖ፣ ሚሻኔ ኡሎ ኡቲሰን ሃርጌቲዲ ዚንዒዲ ዳዔስ። ጳውሎሲ ኢያ ሶ ጌሊዲ ኢያው ያሳ ዋሲስ፤ ባ ኩሽያ ኢያ ቦላ ዋሌዲ ፓሌስ።
- 9 ሃሳፌ ጉዬ፣ ማልታን ዳዒያ ማርጊያ ሃራ አሳቲካ ዩዲ ፓዲደሶና።
- 10 ኤንቴ ኑና ዳር ቦንቸደሶና፤ ኑኒ ማርካቢራ ባናው ዳንዲዳ ዋዩ ኦጌሰ ኮሺያባ ኦሰ አሚደሶና።

**ጳውሎሲ ማልታፌ ሮሜ ቢሰ**

- 11 ሄቸ አጌናፕ ጉዬ፣ ማልታን ባልጎ አሌዲ ኢሰኪንዲሪያ ማርካቢራ ባናው ዳንዲዳ። ሄ ማርካቢያ ቦላ ዲዮስቆሮሳ ጊያ ሜንቴ ኤቃታ ሚሲሌይ ዳዔስ።
- 12 ሲራኩሴ ካታማ ጌሊዲ ያን ሄቸ ጋላሰ ኡቲዳ።

\* 28:4 ያሳ ፐርዳፌ፣ ሄ ዋዩ ሄ ቢታን ዳማ ዳማ ማጫ ያሳቲ ዳዖሶና። ኤንታፌ ኢሲያ ኢታ ኦሌያ አሳ ፐርዲያር፣ ኢያ ፐርዳ ዮሲ ጌቲታ ዩጌታሰ።

13 ያፔ ዳንዲዲ ሬገዮሜ ካታማ ጋኪዳ። ኢሲ ጋላሳፔ ጉዬ፣ ዳኒሃ ባጋ ጫርኮይ ጫርኪን፣ ምንቴላ ጋላሰ ፑቴዮሌ ካታማ ጋኪዳ።

14 ያን ኮኒ ኢሲ ኢሲ አማኒያ አሳታ ዳሚን፣ ባንታራ ሳሚንታ ጋምዓና ሜላ ኑና ሞሲዶሶና። ሃሳፊ ጉዬ፣ ሮሜ ቢዳ።

15 ሮሜን ዳሚያ አማኒያ አሳቲ ኑባ ሲዲዲ፣ አፊዮሳ ጊያን፣ ሃዙ አቄያሶ ጊያ ቤሳ ጋካናው ኑና ሞካናው ዩዶሶና። ጳውሎሲ ኤንታ ቤዲዳ ምዴ ያሳ ጋላቲዲ ሚኔቲስ።

**ጳውሎሲ ሮሜን**

16 ኑኒ ሮሜ ጌሊዳ ምዴ ጳውሎሲ ባና ናጊያ ምታዳሪያራ ባርካ ዳዖ ጌቲቲስ።

17 ሃዙ ጋላሳፔ ጉዬ፣ ጳውሎሲ አይሁዴታ ሃላቃታ ባኮ ያጊሲስ። ኤንቲ ሸቂዳ ምዴ ኤንታ፣ «ታ አሻቶ፣ ታኒ ኑ አሳ ምይኮ ኑ አዋታ ምጋ ቦላ አይቢ ቆሆካ ኦላቢኬ፣ ሸን ታና ዩሩሳላሚን ቃቺዲ ሮሜ አሳሰ አሊዲ አሚዶሶና።

18 ኤንቲ ታ ሞቱዋ ቤዲዲ ሃይቆስ ጋሊያባ ታ ቦላ አይቢባካ ዳሚቦና ጊሾ ታና ቢላናው ቆፒዶሶና።

19 ሸን አይሁዴቲ ሃሳ ኢዲዳ ምዴ ቲባ ቁሳሬይ ፐርዶ፣ ያጋሲፔ አቲን ታኒ ታ ዳሪያ ሞቲያባይ ዳዒን ጊዳና።

20 ታኒ ሂንቴና ያጊሲዳይ ሂንቴና ቤዓናዉኔ ሂንቴው ሃይሳ ኦዳናሳ። ታኒ ሃ ሳንላላታን ቃሼቲዳይ ኢሰራዔሌ አሳይ ናጊያ ኡፋይሳ ጊሾሳ» ያጊሲ።

21 አይሁዴ ሃላቃቲ ጳውሎሳኮ፣ «ኑስ ዩሁዳፔ ነባ ዓፊቲዳ ዳብዳቤይ ጋኪቤና። ያፔ ዩዳ አሳታፔ ኢሶይካ ነባ ኢታ ኦዲዳይ ባዋ።

22 ሸን ሃ ኔ ካሊያ አማኑዋ ዲማ ዲማ ቤሳን አሳይ ኢዲያሳ ኑኒ ኤሪያ ጊሾ ኔ ቆፋ ሲዳናው ኮዮስ» ያጊዶሶና።

23 ኤንቲ ባንታ ያና ጋላሰ ጳውሎሳስ ቃዖሪዳ፣ ሄ ጋላሰ ዳሪዲ ኢ ዳዒያሱዋ ዩዶሶና። ኢ ምንታፊ ኦማርሲ ጋካናው ያሳ ካዋቴላባ ኤንታው ማርካቲስ። ቃሲ ኤንቲ ዩሱሳባ አማናና ሜላ ሙሴ ሂጊያፊኔ ናቤታ ማዖፋፔ ቆንጨሲዲ ኤንታ ታማርሲስ።

24 ኢሶቲ ኢሶቲ ጳውሎሲ ጊዳይሳ አማኒዶሶና፣ ሸን ሃራቲ አማኒቦኮና።

25 ኤንቲ ባንታ ጊደን ኦዳ ማዖና ኢዲዳ ምዴ ጳውሎሲ ኢሲባ ጊዳፔ ጉዬ ቢዶሶና። ኢ ሃይሳዳ ያጊሲ። «ጌሻ አያናይ ኑ አዋታስ ናቤያ ኢሳያሳ ዶናን ኦዲዳይሲ ቱማ።

26 ሳኒ ሄ አሳኮ ባዳ።

ሂንቴ ሲሳ ሲዔታ፣ ሸን ሂንቴው ጌሌና፤

ሂንቴ ቤዖ ቤዒታ፣ ሸን ዳሜኬታ።

27 ሃ አሳ ሞዛናይ ሙሚስ፤

ኤንታ ሃይላይ ቱሊስ፤

ኤንታ አይፊይካ ጎዜቲስ።

ሄሲ ባይኔኮ፣

ኤንቲ ባንታ አይፊያን ቤዲዲ፣ ባንታ ሃይላን ሲዲዲ፣ ባንታ ሞዛናን አኬኪዲ፣

ኤንቲ ታኮ ሲማና፤

ታካ ኤንታ ፓላናሸን» ያጋ» ያጊሲ።

28 «ሃዛ፣ ሃይሲ ያሳ አቶቴላ ኪታይ አይሁዴ ጊዶናይሳታስ ጊዳይሳ ኤሬታ። ኤንቲካ ሲዓና» ያጊሲ።

29 ጳውሎሲ ሃሳ ጊዳፔ ጉዬ አይሁዴቲ ባንታ ጊደን ዳሮ ፓላሚሽ ኬዩዲ ቢዶሶና።

30 ጳውሎሲ ኬራ ኬላን ናምቡ ላይሌ ኩሜሌ ዳዒስ፤ ያን ዳዒሽ ባኮ ያ ኑባ ሞኬስ።

31 ያሽ ባይናኔ ኦኒካ ዲጎናሽን ያሳ ካዋቴላባ ሳባኪስ፤ ጎዳ ዩሱስ ኪሪሰቶሳባ ቆንጨሲዲ ታማርሲስ።

# ጳውሎስ ሮሜ አሳስ ፃፈዱ ከታ ጋላ ቆፋ

ሃዋሪያ ጳውሎስ ከታይ ሮሜ አሳስ ፃፈቱዳይ፡ ጳውሎስ ሮሜን ዳዒያ ዋሳ ከላ ቤዓናው ቆፒዳ ገሾ ኢ ቢያ ዋዴ ኤንቲ ገዢዳ ናጋና ሚላ ኦላናሳ፡፡ ጳውሎስ ቆፋይ ሮሜን ዳዒያ አማኔይሳታራ ጉላ ዋዴ ኦሊዳፎ ጉዩ ኤንቲ ኢያ ማዳን ኢሰፔኔ ባናሳ፡፡ አማኖባ ኢ ኤሪዳይሳኔ አማኒያ አሳይ ሄ ቲሚርቲያ ኦሶን ፔሻና ሚላ ቆንጨሲዱ ፃፈሰ፡፡ ሃ ማፃፃን ጳውሎስ ኩሚላ ከታይ ሃ ቆፋ ኦይኬሰ፡፡

ጳውሎስ ሮሜን ዳዒያ አማኒያ አሳታ ኮይሮ ሳርላ ሲሚዲ፡ ካሊዲ ኤንታው ዋሴይሳ ኦዲዳፎ ጉዩ ባ ከታሰ ጉልዓ ቆፋ፡ «ዋንጌላን ያሳ ጂሎቴላይ ቆንጨሲ፤ ሄ ጂሎቴላይ ኮይሮፎ ጠርሴላ ጋካናው አማኖን ቆንጨሰ» ገዲ ኦዴሰ (1:17)፡፡

ሄሳፊ ጉዩ፡ ሄ ቆፋ ዳልገሲዱ ፃፈሰ፡፡ አይሁዳታ ገዲን አይሁዳ ገደና አሳ ገዲን ኡባይ ናጋራሰ ሃራቲዳይሳታ ገዲያ ገሾ ኤንቲ ያሳራ ሲጌታናው ኮሼሰ፡፡ አሳይ ያሳራ ሲጌታናው ዳንዳዔይ ዩሱሰ ከሪሰቶሳ አማኖና፡፡ ኤንቲ ያሳራ ሚጂያ ሃ ኦራሳ ጋሃቴላ አይፊይ፡፡ ኦራሳ ዳይ ገዲይሳ ጳውሎስ ዳልገሲዱ ኦዴሰ፡፡ አማኒያ አሲ ያሳራ ሳር ዳዔሰ፤ ቃሲ ያሳ አያና ባጋራ ናጋራፔኔ ሃይቆ ዋልቃፊ ኬሲ ኤኬሰ፡፡ ሸዎፖ 5-8 ጋካናው ጳውሎስ ያሳ ሃጌይኔ አማኒያ አሳ ዳይን ኦሊያ ያሳ አያና ዋልቃ ቆፋይ አይቤኮ ኦዴሰ፡፡ ሄሳፊ ካሊዲ፡፡ ጳውሎስ፡ «ያሳይ አሳ ናይታሰ ቆፒዳ ቆፋ ገደን አይሁዳቴኔ አይሁዳ ገደና አሳይ ዋኒዲ ኢሲፊ ዋዩታናው ዳንዳዒ?» ያጌያ ኦይሻሰ ዘር አማናው ባዩቲሰ፡፡

ቃሲ አይሁዳቴ ዩሱሳ ኤኮና ኢዲዳይ ያሳ ቆፋ ገዲይሳ ኦዴሰ፡፡ ሄሲ ሃኒዳይ ዩሱሰ ከሪሰቶሳ ባጋራ ቆንጨሲዳ ኦዴ ኬሃቴላ ገደን አሳ ዘሬ ኡባ ሃጻና ሚላሳ፡፡ ገደሺን፡፡ አይሁዳቴ ዩሱሳ ኤካና ዋዴይ ያናይሳ ጳውሎስ አማኔሰ፡፡ ጠርሴላን ጳውሎስ አማኖ ዳይ ዋኒዲ ዳናው ቤሲያኮ ኦዴሰ፡፡ ያሳሰ ኦላናባ፡፡ አማኒያ አሳቲ ባንታ ቢታሲኔ ባንታ ገደን ኢሶይ ኢሱዋሰ አዋቴላን ኦላናባኔ ካሃ ጋሰን ሜጴቲያ ኦይሼታባ ቆንጨሲዱ ኦዴሰ፡፡

## ሮሜ ከታ አይፊ ቆፋታ

- ጌሎ ቆፋ 1:1-15
- ሮሜ ከታ ሁዔ ቆፋ 1:16-17
- አሳ ናዓሰ አቶቴላ ኮሼይሳ 1:18-3:20
- ያሳይ አሴ አሺያ ኦጌያ 3:21-4:25
- ከሪሰቶሳን ቤንቲያ ኦራሳ ዳዐዋ 5:1-8:39
- ኢሰራዔሌሰ ያሳ ቆፋ 9:1-11:36
- አማኒያ አሳ ዲሳ 12:1-15:13
- ኩሻ ቆፋኔ ሳርላ 15:14-16:27

1 ዩሱሰ ከሪሰቶሳ አይሌ ገዲዳ፡ ሃዋሪ ገደና ሚላ ይኮቲዳይሳፊኔ ያሳ ዋንጌላ ሳባካና ሚላ ደሬቲዳ ጳውሎስ ከቲዳ ከታ፡፡

2 ያሳይ ዳር ዋዴፎ ሰንሐ ባ ናቤታ ባጋራ አማና ያገዳ ያሳ ዋንጌላይ ጌሻ ማፃፃታን ፃፈቲሰ፡፡

3 ሃ ዋንጌላይ አሾን ዳዋቴ ሼሻፎ ዩሊቲዳ፡ ያሳ ናዓ፡ ኦ ጎዳ ዩሱሰ ከሪሰቶሳባ፡፡

4 ቃሲ ኢ ባ ጌሻ አያናን ሃይቆፎ ዳንዳዲ፡ ያሳ ናዓ ገዲይሳ ገታ ዋልቃን ቤሲሰ፡፡

5 ኢያ ባጋራ አይሁዳ ገደና አሳ ኡባይ፡ አማኒዲ ከቲታና ሚላ ከሪሰቶሳ ሱሳን ገሾ ያሳይ ኦዴ ኬሃቴላኔ ሃዋሪቴላ ማታ ኦሰ አሚሰ፡፡

6 ዩሱሰ ከሪሰቶሳሰ ገደና ሚላ ይኮቲዳ አሳታፎ ባጋቲ ሃንቲና፡፡

7 ሮሜን ዳዒያ፡ ያሳይ ሰቄይሳታሲኔ ኢያ ጌሻ ዳሬ ገደና ሚላ ደራዳይሳታሰ፡፡

ያሳ ኦ አዋፔኔ ጎዳ ዩሱሰ ከሪሰቶሳፎ ኦዴ ኬሃቴላይ ሳርቴላይ ሃንቲው ገደ፡፡

### ጋላታ ዋሳ

8 ኡባፊ ኮይርታዳ፡ ሃንቲ አማኖይ ቢታ ኡባን ሲዔቲዳ ገሾ ዩሱሰ ከሪሰቶሳ ባጋራ ሃንቲ ገሾ ታ ያሳ ጋላታይሰ፡፡

9 ታኒ ኢያ ናዓ ዋንጌላባ ኩሚላ ዋዛናን ኦዲያ ያሳይ፡ ታኒ ታ ዋሳን ኡባ ዋዴ ሃንቲና ቆፔይሳሰ ኢ ማርካ፡፡

10 ጠርሴላን፡ ያሳ ሼኔ ገዲኮ፡ ታኒ ሃንቲኮ ባናው ኦጌይ ታው ኢንጄታና ሚላ ኡባ ዋዴ ዋሳይሰ፡፡

- 11 ታሲ ሂንቴው አያና አሙዋ ሻካናዉኔ ሂንቴና ቤዓናው ላሞታይሰ።
- 12 ሂሲካ፣ ታሲ ሂንቴ አማኑዋን፣ ቃሲ ሂንቴ ታ አማኑዋን ማኔታና ማላሳ።
- 13 ታ አሻቶ፣ ታሲ አይሁዳ ጊዶና አሳፕ አይፌ ዳሚዳይሳዳ፣ ሂንቴፊካ አይፌ ዳማናው ሂንቴኮ ባናው ቆፓሰ፣ ሸን ዲኒታሰ።
- 14 ታማሪዳ አሳሰኔ ታማሪቦና አሳሰ ቃሲ ጨንጫታሰኔ ኤያታሰ ታው አጮይ ዳዔስ።
- 15 ሂሳ ጊሾ፣ ሮሜን ዳዔያ ሂንቴዉካ ዋንጌላ ኦዳናው አሞታይሰ።

**ዋንጌላይ ያሳ ዋልቃ**

- 16 ኢያ አማኒያ ኡባ፣ ኮይሮቲዲ አይሁዳታ፣ ካሊዲ አይሁዳ ጊዶናይሳታ አሻናው ዋንጌላይ ያሳ ዋልቃ ጊዲያ ጊሾ ታ ዋንጌላን ይላቲኩ።
- 17 ዊሎይ አማናን ዳዔን ዳና ጌቲቲዲ ጌሻ ማዋፋን ያፌቲሰ። ዋንጌላን ያሳ ዊሎቲላይ ቆንጨሰ፤ ኮይሮፕ ዉርሴላ ጋካናው አሳይ ዊሎይ አማናና።

**አሳ ኢታቴላ**

- 18 ቱማይ ኤሬቶና ማላ ባንታ ኢታ ኦሶን ካሚያ አሳ ቦላኔ ናጋራ ኡባ ቦላ፣ ያሳ ሃንቆይ ሳሎፕ ዋዴሰ።
- 19 ያሳይ ኢንታው ቆንጫናው ቤሲያባ ቆንጨሲዳ ጊሾ ኢንቴ ያሳባ ኤርሶና።
- 20 አሳሚይ ሜዴቶሳፕ ደሚዲ፣ አሳሰ ቤንቶና ያሳ ካንዶይ፣ ሂሲካ ኢያ ማሪና ዋልቃይኔ ያሳቲላይ ኢያ ሜዴቲላን ቆንጨዲ ዳዔያ ጊሾ አሳይ ባንታ ኢታቴላሰ ጋሶያባይ ባዋ።
- 21 ኢንቴ ያሳ ኤሪሼ፣ ኢያ ቦንቲቦኮናኔ ጋላቲቦኮና፣ ኢንታ ቆፋይ ማዶናባ ጊዲሰ፤ ኢንታ አኬኮና ዋዛናይ ቆሚሰ።
- 22 ኢንቴ ባንታና ጨንጫታ ጎሶና፣ ሸን ኤያታ።
- 23 ኢንቴ ሃይቆና ያሳ ጎይናናይሳ አጊዲ፣ ሃይቆያ አሳ ሜዶን፣ ካፎታ ሜዶን፣ ደዓታ ሜዶኔ ኡሎራ ጎሼቲያባታ ዳኒሲዲ ኦላዳ ሚሲሊታ ጎይኒዶሶና።
- 24 ሂሳ ጊሾ፣ ኢንቴ ኢሶይ ኢሱዋራ ቦርሶባ ኦላዲ፣ ባንታ አሳቴላ ካዉሻና ማላ ያሳይ ኢንታ ዋዛናይ አሞቲያ ቱና ኦሶስ ኢንታ ዩጊ አጊሰ።
- 25 ሂሲ ሃኒዳይ ኢንቴ ያሳ ቱማ ዋርዶን ላሚዳ ጊሾኔ ሜዲዳ ያሳ አጊዲ፣ ሜዴቲላ ጎይኒዳ ጊሾሳ። ያሳይ ማሪናው ጋላቲቲዳይሳ። አሚንዒ።
- 26 አሳ ጊሾ፣ ያሳይ ኢንታና ኢንታ ቦርሶ አሙዋስ ዩጊ አጊሰ። ኢንታ ማጫሳይ ባንታው ቤሲያ አዳራ ጋሃቴላ አጊዲ፣ ቤሶናባ ሃኒዲ ማጫሲ ማጫሳራ ጋሃቲዶሶና።
- 27 ሂሳዳካ፣ አዳቲ ባንታው ቤሲያ ማጫሳራ ጋይቴላ አጊዲ፣ አዳይ አዳራ ጋሃቲዶሶና። አዳቲ ኢሶይ ኢሱዋራ አሞን ፀጌቲዲ፣ ቦርሶባ ኦላዶሶና። ባንታ ኦላዳ ባላሰ ቤሲያ ፐርዳ ኤኪዶሶና።
- 28 ኢንቴ ያሳ ኤሪሼ፣ ሃሪ አቶሽን ኢያባ ቆፓናው ኮዮና ኢዲዳ ጊሾ ቤሶናባ ኦላና ማላ ያሳይ ኢንታና ፓላና ቆፋሰ አላ አሚሰ።
- 29 ኢንታን ጌላቴላ፣ ኢታቴላ፣ ዩቄይ፣ ጌይይ፣ ቃናቲይ፣ ሸምፖ ዋዶይ፣ ፓላሚ፣ ጨሞይኔ ኢታ አሞይ ኩሚሰ። ኢንቴ ዘጊሬይሳታ።
- 30 አሳ ሱንላ ኢሴይሳታ፣ ያሳ ኢዌይሳታ፣ ጫዬይሳታ፣ ኦቶሬይሳታ፣ ጨቄቲይሳታ፣ ኢታባ አላናው ኮይይሳታኔ ባንታ አዩሰኔ አሞስ ኩቲቶናይሳታ።
- 31 አኬኮናይሳታ፣ ጫቆ ሚንሌይሳታ፣ ሲቆይ ባይናይሳታ፣ ቃዴይ ባይናይሳታ።
- 32 ሃይሳታ ማላ ኦላይሳታሰ ሃይቆይ ቤሴስ ጊያ ያሳ ሃጊያ ኤሪሼ፣ ሃይሳታ ኦላሶና። ኢንቴ ባንታው ኦሶ ያላላ ጊዶናሽን ኦላያ ሃራታካ ናሾሶና።

**2**

**ያሳ ዊሎ ፐርዳ**

- 1 ሂሳ ጊሾ፣ ኔዮ ሃራታ ቦላ ፐርዳይሶ፣ ኔኒ ጋሶያባይ ባዋ። ኔኒ ሃራታ ቦላ ፐርዳሼ፣ ሄ ኔኒ ፐርዲያ ኡራ ማላ ኦላኮ፣ ኔ፣ ኔ ቦላ ፐርዳሳ።
- 2 ሂሳ ማላ ኦሶ ኦላይሳታ ቦላ ያሳይ ዊሎ ፐርዳ ፐርዳይሳ ኦ ኤርሰ።
- 3 ኔዮ፣ ሂሳ ማላ ኦሶ ኦላይሳታ ቦላ ፐርዳይሶ፣ ኢንቴ ኦላይሳ ማላ ኦላይሶ፣ ኔኒ ያሳ ፐርዳፊ አታናባ ዳኒ?
- 4 ዋይኮ ያሳ ኬሃቴላ፣ ከንጫኔ ዳንዳዓ ዳሮቴላ ካቆይ? ያሳይ ኔው ኬሃዳይ ኔና ናጋራፕ ዛራናው ጊዳይሳ ኤሪኪዬ?
- 5 ሸን ሂንቴው ሹቻ ዋዛኒኔ ሲዮና ሃይላ ዳዔስ። ሂሳ ጊሾ፣ ያሳ ሃንቆይኔ ዊሎ ፐርዳይ ቆንጨያ ጋላሰ፣ ኔ ቦላ ፐርዳይ ዳራና ማላ ኦላሳ።

- 6 ያሳይ ኢሱዋስ ኢሱዋስ ኢያ ኦሱዋ ማላ ኢማና።
- 7 ሎዎ ኦሱን ማኒዲ፣ ጋላታ፣ ቦንቾኔ ቆዮና ዴቦዋ ኮዬይሳታስ ያሳይ ማሪና ዴቦዋ ኢማና።
- 8 ሸን ባንታና ሲቄይሳታ፣ ቱማ ኢዲይሳታኔ ኢታባ ኦላናው ኮዬይሳታ ቦላ ያሳ ሃንቆይኔ ፐርዲያ ያና።
- 9 ኢታባ ኦሊያ ኦሳ ኡባ፣ ኮይሮቲዲ ኦይሁዴታ፣ ካሊዲ ኦይሁዴ ጊዶና ኦሳ ማቶይኔ ዋዬይ ጋካና።
- 10 ሸን ያሳይ ሎዎ ኦሱ ኦሊያ ኡባስ፣ ኮይሮቲዲ ኦይሁዴታስ፣ ካሊዲ ኦይሁዴ ጊዶናይሳታስ ጋላታ፣ ቦንቾኔ ሳርቲላ ኢማና።
- 11 ያሳይ ሶዋዎ ቤዲዲ ኦሲ ሻኬና።
- 12 ሂጌይ ባይና ናጋራ ኦሊዳ ኡባይ ሂጌይ ባይና ቆያና። ሂጌይ ዴሳሸን፣ ናጋራ ኦሊዳ ኡባይ ሂጌን ፐርዲያና።
- 13 ያሳ ስንላን ዲሊይሳቲ ሂጌ ናጌይሳታፔ ኦቲን ሂጌ ስሳ ያላላ ስዔይሳታ ጊዶኮና።
- 14 ሂጌይ ባይና ኦይሁዴ ጊዶና ኦሳይ ማቶን ሂጌይ ከቲይሳ ኦሶሶና። ኢንታው ያፌቲዳ ሂጌይ ባይና ኢዲኮካ ኤንቲ ባንታ ዋዛናን ሂጌያ ኤሮሶና።
- 15 ኤንታ ሃናታይ፣ ሂጌ ከታይ ኤንታ ዋዛናን ያፌቲዳይሳ ቤሴስ። ቃሲ ኤንታ ካሃይ ኤንታ ቦላ ማርካቴስ። ኤንታ ቆፋይ ኢሲ ኢሲ ቶሆ ኤንታና ባላ ገሰ፤ ኢሲ ኢሲ ቶሆ ኤንታና ሊኬ ጌስ።
- 16 ታ ታማርሲዳ ዋንጌላ ማላ ያሳይ ዬሱስ ኪሪስቶሳ ባጋራ ኦሳ ዋዛናን ጌሚዳ ቆፋ ፐርዲያ ዋዴ ሂሲ ኤራታና።

**ኦይሁዴታኔ ኤንታ ሂጌያ**

- 17 ሸን ኔ ኔና ኦይሁዴ ጋሳ፤ ሂጌን ዜምፓሳ፤ ያሳን ጨቃሳ።
- 18 ኔ ኦላና ማላ ያሳይ ኮያባይ ኦይቤኮ ኤራሳ። ሂጌያ ታማራዳ ጊሾ ቱማ ጊዲያባ ዶራናው ኤራሳ።
- 19 ኔኒ ቆቄታ ካሊሌይሳ፣ ቃሲ ቆማን ዴይሳታስ ፖዎ ጊዴይሳ ሻካ ኤራሳ።
- 20 ኔኒ ሂጌያፌ ዴሚዳ ኤራቲላኒ፤ ቱማቴላን ኤያታ ኤሪሴይሳኒ ዮጋታ ታማርሴይሳ ጊዴይሳ ኤራሳ።
- 21 ያቲን፣ ኔ ሃራታ ታማርሴይሲ ኔ ኔና ኦይስ ታማርሲኪ? ኔኒ፣ «ካይሶቶፓ» ጋሹ፣ ኔኒ ኔ ሁዔን ካይሶታዬ?
- 22 ኔኒ፣ «ላሞፋ» ጋሹ፣ ኔኒ ኔ ሁዔን ላማዬ? ኔኒ ኤቃ ኢዮሹ፣ ኤቃይ ዴዒያ ከላ ቦንቃዬ?
- 23 ኔኒ ያሳ ሂጌያን ጨቄታሳ፣ ሸን ሂጌያስ ከቲቶና ኢዳዳ ያሳ ዬላያይ?
- 24 ጌሻ ማዮፋን፣ «ሂንቴ ጋሶን ያሳ ስንሳይ ኦይሁዴ ጊዶና ኦሳታን ጫዬቲስ» ጌቲቲዲ ያፌቲስ።

- 25 ኔ ሂጌስ ከቲቲኮ፣ ኔ ቃዓሬቲላስ ማዴይ ዴዒስ፣ ሸን ኔኒ ሂጌያስ ከቲቶና ኢዲኮ ኔ ቃዓሬቲላይ ቃዓሬቲሶና ማላ ጊዴስ።
- 26 ኦይሁዴ ጊዶና ኦሲ ቃዓሬቶና ዴዒሹ፣ ሂጌያስ ከቲቲኮ፣ ያሳይ ኢያ ቃዓሬቲዳ ማላ ታይቤኔ?
- 27 ሂንቴ፣ ኦይሁዴ ኦሳቲ፣ ሂንቴው ያፌቲዳ ሂጌይኔ ቃዓርይ ዴዒሸን፣ ሂንቴ ሂጌስ ከቲቶና ኢዲኮ፣ ኦይሁዴ ጊዶና ኦሳይ ቃዓሬቶና ኢዲኮካ ሂጌስ ከቲቲዲ፣ ሂንቴ ቦላ ፐርዲና። \*
- 28 ሂዛ፣ ስንላን ኦይሁዴ ጊዲዳ ኡባይ ቱማ ኦይሁዴ ጊዴና። ቃሲ ካሬ ኦሳቲላ ቃዓርይ ቱማ ቃዓር ጊዴና።
- 29 ሸን ቱማ ኦይሁዴቲላ ጋላ ባጋን ኦይሁዴ ጊዴይሳ። ቱማ ቃዓሬቲላ ያሳ ኢያናን ኦሲቲያ ዋዛና ቃዓሬቲላፌ ኦቲን ያፌቲዳ ሂጌያን ኦሲቲያ ኦሳቲላ ቃዓር ጊዴና። ሂ ኡራይ ጋላታ ያሳፌ ኤኬሲፔ ኦቲን ኦሳፔ ጊዴና።

**3**

**ኦይሁዴታ ኢማናና ኢዎ**

- 1 ያቲን፣ ኦይሁዴ ጊዶን ኦይ ዲማቴላ ዴዒ? ዋይኮ ቃዓሬቲላን ኦይ ማዴይ ዴዒ?
  - 2 ቱማካ ኦይሁዴ ጊዴይ ዳር ኦጌራ ማዴስ። ኡባፌ ሲንሌ ያሳይ ባ ቃላ ሃዳራ ኦይሁዴታስ ኢሚስ።
  - 3 ያቲን፣ ኤንታፌ ኢሶቲ ኢሶቲ ቃላ ኢማናና ኢዲኮ፣ ኤንታ ኢይይ ያሳ ኢማኔቲላ ዲጊዬ?
  - 4 ዲጊና! ኦሳ ኡባይ ዋርዲንቾ ጊዲኮካ ያሳይ ቱማ ጊዴ። ጌሻ ማዮፋን፣
- «ኔ ቃላን ኔ ዲላሳ፤  
ኔና ሞቴይሳ ፐርዲን ላላሳ»

---

2:6 ማከ 62:12፤ ለጫ 24:12      2:11 ዛሬ 10:17      2:24 ኢሳ 52:5      \* 2:27 ሂንቴ ቦላ ፐርዲና፣ ኤንታ ሃናታይ ዋይኮ ኤንታ ከቲቲላይ ሂንቴ ቦላ ፐርዲና።      2:29 ዛሬ 30:6



ጌቲቲዲ ፃፊቲሰ።

5 ያቲን፣ ኑ ናጋራይ ያሳይ ዓሎ ገዴይሳ ቤሲያባ ገዴኮ፣ ኑ ወይጋኔ? ያሳይ ኑ ናጋራ ጊሾ ኑ ቦላ ፐርዲኮ፣ ሊኬ ገዴኔዬ? ሃይሳ ታኒ ኣሳ ቆፋፉ ጋይሰ።

6 ሂሲ ኡባራካ ሃኔና። ሃሳዳ ሃኒኮ፣ ያሳይ ሃ ኣላሚያ ቦላ ዋቲ ፐርዲኮ?

7 ሺን ታ ዋርዶቲሳይ ያሳ ተማ ቆንጨሲዲ፣ ኢያ ቦንቹዋ ዳርሲ ቤሲያባ ገዴኮ፣ ያቲን፣ ኣይሰ ታ ቦላ ናጋራንቸዳ ፐርዲቲ?

8 ኢሲ ኢሲ ኣሳይ፣ «ሎይይ ያና ማላ ኢታ ኦሎስ» ያገዲ ታማርሲያዳ ኦሊዲ ታና ሞቶሶና። ሃሳ ማላ ኣሳ ቦላ ያ ያሳ ፐርዲይ ሊኬ።

**ኣሲ ኡባይ ናጋራንቸ**

9 ያቲን፣ ኑኒ ወይጋኔ? ኑ ኣይሁዴቲ፣ ኣይሁዴ ገዴናይሳታፔ ኦዳናዬ? ገዴና! ኣይሁዴ ገዴን፣ ኣይሁዴ ገዴና ኢኳን ኡባይ ናጋራንቸ ገዴይሳ ታኒ ካሴታዳ ሂንቲው ኦዳና።

10 ጌሻ ማፃፋን፣

«ዓሎ ኣሲ ኢሶይካ ባዋ።

11 ኣኬኪያ ኣሲ ባዋ፣

ያሳ ኮያ ኦኒካ ባዋ።

12 ኣሳ ኡባይ ያሳሰ ዞኮ ዛሪዶሶና፤

ኡባይ ኢሲፊ ፓላናባ ገዴዶሶና።

ሎያ ኦሊያ ኦኒካ ባዋ፤

ኢሲ ኣሲካ ባዋ።

13 ኤንታ ዶናፔ ኬያ ቃላይ፣

ዶይቲዳ ዲፎፔ ኬያ ዒንቆ ማላ፤

ባንታ ኢንፃርሳን ጨሞሶና።

ኤንታ ዶናፔ ኣሴ ዋዲያ፣

ሾሻ ማርዜይ ኬዬሰ።

14 ኤንታ ዶናን ጫሞ ኦዳይኔ ባዴላ ኩሚሰ።

15 ኤንቲ ሱላ ጉሳናው ኤሌሶሶና።

16 ኤንታ ኦጊያን ጳዮይኔ ቆሆይ ዴዔሰ።

17 ኤንቲ ሳርቲላ ኦጊያ ኤሮኮና።

18 ባንታ ዴዐዋን ያሳሰ ያዮኮና።

ጌቲቲዲ ፃፊቲሰ።

19 ኣሴ ኡባ ዶና ኦይላናውኔ ኩሚላ ኣላሚያ ያሳ ፐርዳፊ ጋርሳን ሺሻናው፣ ሂጌይ ኣሚቲዳይ ሂጌፊ ጋርሳን ኣቆይሳታሰ ገዴይሳ ኑ ኤሮሰ።

20 ሃሳ ጊሾ፣ ኦኒካ ሂጌሰ ከቲቲዲ ያሳ ሲንላን ዓላናው ዳንዳዳና። ሂጌይ ኣሲ ኡባይ ናጋራንቸ ገዴይሳ ቤሴሰ።

**ዓሎቲላ ኣማናና**

21 ሺን ሃዒ ያሳይ ኣሲ ሂጌይ ባይናሺን ዓሊያ ኦኔ ቆንጨሲሰ። ሂ ኦጊያ ሙሴ ሂጌይኔ ናቤቲ ማርካቲዶሶና።

22 ሃ ዓሎቲላ፣ ያሳይ ዬሱሰ ኪሪሰቶሳ ባጋራ ኣሳ ኡባሰ ሻኮይ ባይና ኣሚሰ።

23 ኣሳ ኡባይ ናጋራ ኦሊዶሶና፤ ያሳይ ኤንታው ኣሚዳ ቦንቹዋፊ ሃኪዲ ኣቲዶሶና።

24 ሺን ኤንቲ ያሳ ኦዳ ከሃቲላን፣ ዋዚያ ኪሪሰቶሰ ዬሱሳ ባጋራ ጮ ዓሊዶሶና።

25 ያሳይ ዬሱሰ ኪሪሰቶሳ ያርሾ ኦሊዲ ኣሚዳይ፣ ኢያ ኣማኒያ ኡባይ ኢያ ሱላን ናጋራ ማርቲላ ዴማሳሳ። ያሳይ ሃሳ ኦሊዳይ ባ ዳንዳዳን ካሴ ናጋራ ታይቦና ኣጊዲ፣ ባ ዓሎቲላ ቤሳናሳ።

26 ሃዒ ዋዲያን ዬሱሳን ኣማኒያ ኡባ ዓሊሲዲ፣ ያሳይ ባ ሁዒን ዓሎ ገዴይሳ ቤሴሰ።

27 ያቲን፣ ኑ ጩቁቲያባይ ኣይቢ ዴዒ? ኣይቢካ ባዋ። ኑኒ ጩቁቲይ ሂጌሰ ከቲቲያ ጊሾዬ? ኣካይ! ኣማና ጊሾሳ።

28 ያሳይ ኣሴ ዓሊሴይ ኣማናናቲ ኣቲን ሂጌሰ ከቲቲላን ገዴናይሳ ኑ ኣኬኮሰ።

29 ወይጋኔ ያሳይ ኣይሁዴታ ያላላ ያሴዬ? ኣይሁዴ ገዴናይሳታሰ ያሴ ገዴኔዬ? ቱማ፣ ኣይሁዴ ገዴናይሳታሰካ ኢ ያሴ።

30 ያሳይ ኢሶ፤ ኣይሁዴታኔ ኣይሁዴ ገዴናይሳታ ኣማናን ዓሊሴይ ኢያ።

31 ያቲን፣ ኑኒ ሂጊያ ኣማና ጊሾ ሻርሰ ጉሴዬ? ገዴና! ሂጊያ ሚንሶሲፔ ኣቲን።

4

አብራሃም ደረሰ

- 1 ያተን፣ ኑ ማይዛይ አብራሃም ደረሰ ደረሰ።
  - 2 አብራሃም ኦሎን ደረሰ፣ ገደብ፣ ኢ ጨቁቲያባይ ደረሰ፣ ገደብ፣ ያሳ ሲንጎን ጨቁታናው ደንደርና።
  - 3 ገሻ ማፃፋይ፣ «አብራሃም ያሳ አማኒስ፤ ያሳይ ሄሳ ኢያው ደሎቴሌ ኦሎዲ ኤኪስ» ያገቡ።
  - 4 ኦሎዲ ኦሎዲ ኤኪያ ደቀዜይ፣ ኢያ ኦሎ ዋልቃስ ጨገቲያ ጋቴ፣ ኢትን ኢያው ኢዋታ ገደና።
  - 5 ሺን ኦሎ ኦሎና ኦሎን ርጋራንቹዋ ደረሰ፣ ያሳ አማኒስ፣ ኢያ አማኖይ ኢያው ደሎቴሌ ገደዲ ታይቤቴስ።
  - 6 ገሻ ማፃፋን ደቀቲይ፣ ኦሎይ ባይና ያሳይ ደረሰ፣ አሳቲ አይ ማላ አንጃቲዳኮ ሃይሳዳ ያገደ ቆንጨሴስ።
  - 7 «ኢንታ ባላይ አቶ ገቲቲዳይሳቲኔ ኢንታ ርጋራይ ካሜቲዳይሳቲ አንጃቲዳይሳታ።
  - 8 ጎዳይ ኢያ ርጋራ ታይቦና አሲ አንጃቲዳይሳ» ያገቡ።
  - 9 ያተን፣ ደቀቲይ ኦሎዳ አንጃይ ቃፃሬቲዳ አሳ ያላላሲይ፣ ዋይኮ ቃፃሬቲቦና አሳሲ? ኦሎ፣ «ገሻ ማፃፋይ፣ አብራሃም ያሳ አማኒስ፤ ያሳይ ሄሳ ኢያው ደሎቴሌ ኦሎዲ ኤኪስ» ያገቡ።
  - 10 ያተን፣ ሄሲ አዉዳ ሃኒይ? አብራሃም ቃፃሬቲኔይ? ዋይኮ ቃፃሬቶና ደረሰ፤ ቃፃሬታና፣ ሲንጎ ሃኒሲ፣ ኢትን ኦሎ ገደና።
  - 11 አብራሃም ቃፃሬታና ሲንጎ ኢያ አማኖይ ኢያው ደሎቴሌ ገደዲ ታይቤቴዳሳ ኤሪሳናው፣ ኢያ ቃፃጋይ ማላታ ገደሲ። ሄሳ ገሻ፣ አብራሃም ቃፃሬቶና አማኔሳታሲኔ አማኖን ደረሰ፣ ታይቤቴስ።
  - 12 ኢ ቃፃሬቲዳይሳታሲኔ አዋ። አብራሃም ኤንታው አዋ ገደዲይ ኤንቲ ቃፃሬቲዳ ገሻ ያላላሲ ገደናሺን ኢ ቃፃሬታና ሲንጎ አማኒዳ አማኑዋ ኤንቲ ካሊዳ ገሻሳ።
- ያሳ ኡፋይሳይ አማኖን ኤኪቴስ**
- 13 አብራሃም ኢያ ሸሻሸ፣ «አላሚያ ታ ሂንቲው አማኖ» ያገደ ኡፋይሳይ፣ አብራሃም አማኖን ደረሰ ገሻሻሻ ኢትን ሂን ርገዲ ፖሊዳ ገሻ ገደና።
  - 14 ሂንጎ ከቴቲዳይሳቲ ያሳይ አማኖ ገደ ኡፋይሳ ላታኤይሳታ ገደኮ፣ አሳ አማኖይ ማዳና፤ ያሳ ኡፋይሳይካ ሃዳ ገደሲ።
  - 15 ሂን ማንጎይ ያሳ ሃንቆ ኤሄስ፣ ሸን ሂንጎ ባይናሲን ሂን ማንጎይ ባዋ።
  - 16 ሄሳ ገሻ፣ ያሳይ አሚዳ ኡፋይሳይ አማኖን ኤኪቴስ። ሃ ኡፋይሳይ አብራሃም ሸሻ ኡባስ ያሳ አቶ ከሃቴላ ባጋራ አሜቲዳሳ ቆንጨሴስ። ሄሲካ ሂን ርገዲሳታ ያላላሲ ገደናሺን አብራሃም አማኒዳ ኡባሳ። አብራሃም ኡባሳ አዋ።
  - 17 ገሻ ማፃፋን፣ «ታ ነና ዳር ካዋቴላታስ አዋ ኦሳስ» ገቲቲዳ አብራሃም ገሻ ያፊቲስ። ሃ ኡፋይሳይ አብራሃም አሜቲዳይ ሃይቁዳይሳታስ ዳዎ አሚይሲኔ ኦራላ ትላይ ያሳይ ኢያ ገደይሳ ኢ አማኒዳ ገሻሳ።
  - 18 ያሳይ አብራሃም ሳር ዜራሌ አሚይሳ ጨቁስ። ኡፋይሲ ኦሳናው አይኮካ ደንደርቶና ዋይ አብራሃም ያሳን አማኒዳ ገሻ ኡፋይሲ ኦሎዳ ገሻ ዳር ካዋቴላታስ አዋ ገደሲ።
  - 19 አብራሃም ጭ ላይሌ ኩማና ሃኒኮካ፣ ባ ዳቡራዳ አሳቴላይ ሳራ ናሳ ይላናው ደንደርይሳ ኤሪሸ ባ አማኑዋን ዳቡሪቤና።
  - 20 ገደሸን፣ ኢ ባ አማኑዋን ሚኒዲ ያሳስ ቦንቾ አሚስ፣ ኢትን ያሳይ አሚዳ ኡፋይሳ አማኖና ኢዳዳ፣ ሲጁቤና።
  - 21 አብራሃም ያሳይ ጨቁዳ ጨቁዋ ፖላናይሳ ባ ኩማላ ዋዛናን አማኒስ።
  - 22 ሄሳ ገሻ፣ ያሳይ ኢያ አማኑዋ ደሎቴላን ታይቤስ።
  - 23 ሸን፣ «ኢያው ደሎቴላን ታይቤስ» ገያ ቃላይ አብራሃም ያላላሲ ያፊቲቤና።
  - 24 ሂ ቃላይ ኡ ጎዳ ዩሱሳ ሃይቆቴ ደንጎዳ ያሳ አማኒያ ኦሎካ ኡ አማኖይ ደሎቴላን ታይቤታና ማላ ያፊቲስ።
  - 25 ያሳይ ኢያ ኡ ርጋራ ገሻ ሃይቆስ ኦሎዲ አሚስ፤ ኢ ኡና ደረሰናው ሃይቆቴ ደንደሲ።

# 5

## የሳን ዴዲያ ሳርቴላ

- 1 ሂዛ፣ ኑ አማኖን ያሊዳ ገሾ ኑ ጎዳ ዬሱስ ከሪስቶሳ ባጋራ የሳራ ኑስ ሳርቴላ ዴዲያ።
- 2 ኑኒ ኢያ ባጋራ ሃሲ ኑ ኤቁዳ አቶ ከሃቴላ ገደ አማኖን ገሊዳ። ሃሳ ገሾ፣ ኑ የሳ ቦንቹዋ ቫኪታናው ዴዲያ ኡፋይሳን ጨቁቶስ።
- 3 ሃሳ የላላ ገደናሽን ሜቶይ ዳንዳባ ኡሄይሳ ኑ ኤሪያ ገሾ ኑ ሜቴዋንካ ጨቁቶስ።
- 4 ቃሲ ዳንዳባይ ገንጫ፣ ገንጫይ ኡፋይሲ አሜይሳ ኑ ኤርስ።
- 5 ኑስ አሚዳ ገሻ ኢያና ባጋራ የሳይ ባ ሲቁዋ ኑ ዋዛናን ጉሲዳ ገሾ ሄ ኡፋይሳይ ኑና ዬላዬና።
- 6 ኑኒ ቡሮ ዳቡራንቸታ ገዲዲ ዴዲሽን፣ የሳ ዋዴይ ጋከን፣ ከሪስቶሲ ናጋራንቸታ ገሾ ሃይቁስ።
- 7 ያሎ አሳ ገሾ ሃይቃና አሲ ዴማናይሲ ዳሮ ሜቶ፣ ሽን ከሃ አሳ ገሾ ሃይቃና አሲ ኑኒ ኤሪ ቤንቶና አገና።
- 8 ሽን ኑኒ ቡሮ ናጋራንቸ ገዲዲ ዴዲሽን፣ ከሪስቶሲ ኑ ገሾ ሃይቁስ። ሄሲ የሳይ ኑና አይ ሜላ ሲቁያኮ ኢያ ሲቁዋ ቤሴስ።
- 9 ሃዛ፣ ኑኒ ከሪስቶሳ ሱላን ያሊዳባ ገዲድ፣ ኡባሬ አላዲ ኢያ ባጋራ የሳ ሃንቁዋሬ አታና።
- 10 ኑኒ የሳራ ካሴ ሞርኬ፣ ሽን ኢያ ናባ ሃይቁዋን ኢያራ ሲጌቲዳ። ሃሳሬ አላዲ፣ ሃሲ ኑኒ የሳራ ሲጌቲዳ፤ ገዬ ኢያ ናባ ዴዐ-ዋ ጋሶን ኑኒ አታና።
- 11 ሃሳ የላላ ገደናሽን ሃሲ ኑና የሳራ ሲጌላዳ ኑ ጎዳ ዬሱስ ከሪስቶሳ ባጋራ ኑ የሳን ጨቁቶስ።

## አዳሜኒ ከሪስቶሳ

- 12 አዳሜ ባጋራ ናጋራ ሃ አላሚያ ገሊስ። ሄ ናጋራ ባጋራ ሃይቆይ ዪስ። አሲ ኡባይ ናጋራ ኦላዳ ገሾ ሃይቆይ አሳ ዛሬ ኡባ ጋከስ።
- 13 ሂጌይ አሜታና፤ ሲንጤ አላሜን ናጋራ ዴዲስ፣ ሽን ሂጌይ ባይና ዋዴ ናጋራ ናጋራ ገዲዲ ታይቤቲና።
- 14 ሽን አዳሜ፤ ሙሴ ጋካናው ሃይቆይ አሳ ኡባ ሃሪስ። ሃሪ አቶሽን፣ አዳሜዳ ሂጌስ ከቲቶና ኢዲዳ፣ ናጋራ ኦላቦናይሳታ ቦላካ ሃይቆይ ካዎቲስ።
- 15 አዳሜይ ያና ዬሱሳስ ለሚሶ።
- 16 ሽን የሳ አቶ ከሃቴላይ አዳሜ ናጋራ ሜላ ገደና። ኢሲ አሳ ናጋራ ባጋራ ዳር አሳይ ሃይቁስ። ሽን ዬሱስ ከሪስቶሳ ባጋራ የሳ አቶ ከሃቴላይ አሳ ኡባስ ዳራዲ አሜቲስ።
- 17 አዳሜ ናጋራ ገደኒኒ የሳ አዎታ ገደን ዳሮ ዴማቴላ ዴዲስ። ኢሲ አሳ ናጋራ ጋሶን የሳይ ኢያ ቦላ ፐርዲስ። ሽን አሳይ ዳሮ ናጋራ ኦላንካ የሳ አቶ ከሃቴላይ ያሎቴላ ኡሂስ።
- 18 ኢሲ አሳ ናጋራ ጋሶን ሃይቆይ አሳ ኡባ ቦላ ካዎቲስ። ሽን ዬሱስ ከሪስቶሳ ባጋራ የሳ አቶ ከሃቴላይ ያሎቴላ አዎታ ኡኪያ ኡባይ፣ ያኖ ዴዎን ዴዎሶና።
- 19 ሃዛ፣ ኢሲ አሲ ናጋራ ኦላዳ ጋሶን አሳ ኡባ ቦላ ፐርዲ ዬዳይሳዳ ኢሲ አሲ ያሎ ኦላዳ ጋሶን፣ የሳይ አሲ ኡባ ያሊሲዲ ኤንታው ዴዎ አሜስ።
- 20 ኢሲ አሲ ከቲቶና አዲያ ጋሶን፣ ዳሮ አሳይ ናጋራንቸ ገዲዳይሳዳ ኢሲ አሳ ከቲቶናን ዳሮ አሳይ ያላና።
- 21 አሳይ ናጋራ ዋልቃ ኤራና ሜላ ሂጌይ ዪስ፣ ሽን ናጋራ ዋልቃይ ዳራዳ ዋዴ የሳ አቶ ከሃቴላይ አቋዲ ዳሪስ።
- 22 ናጋራ ሃይቆ ዋልቃን ካዎቲዳይሳ ሜላ የሳ አቶ ከሃቴላይ ያሎቴላ ዋልቃን ካዎቲዳ፣ ኑ ጎዳ ዬሱስ ከሪስቶሳ ባጋራ ኑና ሜሪና ዴዐ-ዋኮ ካሊሉስ።

# 6

## ናጋራስ ሃይቁዲ ከሪስቶሳን ዴዎ

- 1 ያቲን፣ ኑኒ ዋይጋኔ? የሳ አቶ ከሃቴላይ ዳራና ሜላ ናጋራን ሚኒዲ ዴዲያ?
- 2 አካይ፣ ኑኒ ናጋራስ ሃይቁዳባ ገዲድ፣ ያቲን፣ ኑኒ ሂዛ፤ ዋኒዲ ናጋራን ዳኔ?
- 3 ኑ ኡባይ ከሪስቶሲ ዬሱሳራ ኢሲፋናው ፃማቂቲዳ ዋዴ ኢያ ሃይቁዋን ኢያራ ኢሲፋናው ፃማቂቲዳይሳ ኤሬከቲዬ?
- 4 ኑ ፃማቂቲዳ ዋዴ ከሪስቶሳራ ሃይቁዳይ ሞጌቲዳ። ከሪስቶሲ የሳ አዎ ቦንቸ ዋልቃን ሃይቆ፤ ዳንዲዳይሳ ሜላ ኑካ ኦራላ ዴዎን ዳና።
- 5 ኑ ኢያ ሃይቁዋን ኢያራ ኢሲና ገዲድ፣ ሄሳዳካ፣ ኢያ ዳንዲዋን ኢያራ ኢሲና ገዲና።
- 6 ኑ ሂዛ፤ ናጋራስ አይሌ ገደና ሜላኔ ኑ ናጋራንቸ አሳቴላ ዋልቃይ ቆያና ሜላ ኑ ጨማ አሳቴላይ ከሪስቶሳራ ካቂቲዳይሳ ኤርስ።

- 7 ኢሲ ኣሲ ከሪስቶስን ሃይቂዳባ ጊዲኮ፡ ኢ ናጋራ ዎልቃፌ ላባ ከደሲ።
- 8 ኮኒ ከሪስቶስራ ሃይቂኮ፡ ኢያራ ዴግን ዳናይሳ ኣማናሰ።
- 9 ከሪስቶሲ ሃይቆፔ ዴግዲዳ ጊሾ ዛሪ ኢ ሃይቆናይሳይ ሃይቆይ ሲንላፌ ኢያ ሃርናይሳ ኑ ኤርሰ።
- 10 ኢ ሃይቂዳ ዎዴ ናጋራሰ ኢሲ ቶሆ ወርሲል ጋካናው ሃይቂስ፡ ሺን ሃላ ዴግን ያሳሰ ዴዔሰ።
- 11 ሄሳዳካ፡ ሃንቴ ናጋራሰ ሃይቂዲ፡ ጎዳ ከሪስቶስ ዩሱሳ ባጋራ ያሳሰ ዴግን ዴዔይሳ ቆፒቴ።
- 12 ሄሳ ጊሾ፡ ሃንቴ፡ ሃንቴ ኣሳቴላ ኣውዎሰ ከቴቶና ሜላ ሃይቂያ ሃንቴ ኣሳቴላ ናጋራ ሃርፖ።
- 13 ቃሲ ሃንቴ ኣሳቴላ ናጋራ ኦላናው ጌላቴላ ሚሼ ኦላዲ ኣሞፊቴ። ሺን ሃንቴ ሃይቆፔ ዴግዲዲ፡ ዴግን ዴዔያ ኣሳዳ ሃንቴ ኣሳቴላ ያሳሰ ኣሚቴ። ቃሲ ሃንቴ ኩሜላ ኣሳቴላ ዒሎ ኦሶ ኦላናው ያሳሰ ኣላ ኣሚቴ።
- 14 ሃንቴ ያሳ ኣቆ ከሃቴላ ጋርሳን ዴዔታፔ ኣቴን ሃንጌፌ ጋርሳን ዴዳና ጊሾ ናጋራ ሃንቴና ሃራናው ቤሲና።

**ዒሎቴላ ኣይሌ**

- 15 ያቴን፡ ኑ ዎይጋኔ? ሃንጌፌ ጋርሳን ጊደናሺን ያሳ ኣቆ ከሃቴላ ጋርሳን ዴዔያ ጊሾ ናጋራ ኦሳይዬ? ኣካይ!
- 16 ሃንቴ ኢሲ ኣሳሰ ከቴታናው ሃንቴና ኣይሌ ኦላዲ ኣሚያ ዎዴ ሄ ሃንቴ ከቴቴይሳሰ ኣይሌ ጊዴይሳ ኤሪታ። ሄሳዳካ፡ ሃንቴ ናጋራሰ ከቴቴኮ፡ ሃንቴው ሃይቆ ኤሃያ ናጋራሰ ኣይሌ ጊዴታ። ዎይኮ ሃንቴ ያሳሰ ከቴቴኮ ዒሎቴላ ኤሃያ ያሳሰ ኣይሌ ጊዴታ።
- 17 ካሴ ሃንቴ ናጋራሰ ኣይሌ፡ ሺን ሃላ ሃንቴ ኤኪዳ ቴማ ቴሚርቴያሰ ኩሜላ ዎዛናፔ ከቴቴዳ ጊሾ ያሳሰ ጋላቴ ጊደ።
- 18 ሃንቴ ናጋራ ኣይሌቴላ ቃሾፔ ቢሊቴዲ ዒሎቴላ ኣይሌ ጊዲዴታ።
- 19 ሃንቴ ሃንቴ ቆፋን ዳቡራንሻ ጊዲያ ጊሾ ታኒ ኦዴሰካ ጌሊያ ኦኒን ኦዴይሰ። ካሴ ሃንቴ፡ ሃንቴ ኣሳቴላ ቱናኔ ኢታባ ኦላናው ኣይሌ ኦላዲ ኣሚዳይሳ ሜላ ሃላ ሃንቴ ኣሳቴላ ጌሺ ጊደና ሜላ ዒሎቴላ ኣይሌ ኦላዲ ኣሚቴ።
- 20 ሃንቴ ናጋራሰ ኣይሌቴዲ ዴዔያ ዎዴ ዒሎቴላሰ ሃሪቴከታ።
- 21 ሃንቴና ሃላ ዩላያ ቤኒ ሃንቴ ኢታ ኦሶዋፔ ኣይ ማዴ ዴሚዴቴ? ሄ ኦሶታ ወርሲሳይ ሃይቆ።
- 22 ሺን ሃንቴ ናጋራ ኣይሌቴላ ቃሾፔ ቢሊቴዲ፡ ያሳሰ ኣይሌ ጊዲዴታ። ሄሲ ሃንቴና ጌሺ ኦላዲ ሜሪና ዴዎዋኮ ካሌላሰ።
- 23 ናጋራ ጋቴይ ሃይቆ። ሺን ያሳይ፡ ኑ ጎዳ ከሪስቶስ ዩሱሳ ባጋራ ኣሚያ ኣሞታይ ሜሪና ዴግ።

**7**

**ኦሶ ጌሎ ለሚሶ**

- 1 ታ ኣሻቶ፡ ታኒ ኦዴይ ሃንጌ ኤሪያ ኣሳታባ። ሃንጌ ኢሲ ኣሲ ገፃ ዴዔያ ዎዴ ኡባን ኢያ ሃሪሰ።
- 2 ለሚሶሰ፡ ኣዘና ጌሊዳ ማጫሲያ ኢ ኣዘናይ ገፃ ዴዔያ ዎዴ ሃንጌ ኢያራ ቃሺታሱ። ሺን ኢ ኣዘናይ ሃይቂኮ ኢያራ ኢያ ጫቂዳ ጫቆይ ኢዮ ሃሪና።
- 3 ሃሳ ጊሾ፡ ኢያ ባ ኣዘናይ ገፃ ዴዔያሺን፡ ሃራ ኣዴ ጌሊኮ፡ ኢያ ላሚዳር ጌቴታውሰ። ሺን ኢ ኣዘናይ ሃይቂኮ፡ ጫቆይ ኢዮ ሃርና ጊሾ ኢያ ሃራ ኣዘና ጌሊኮ፡ ኢያ ላሚዳር ጌቴቴኮ።
- 4 ሃሳ ጊሾ፡ ታ ኣሻቶ፡ ሃንቴ ከሪስቶስ ኣሳቴላ ባጋራ ሃንጌ ዎልቃሰ ሃይቂዲ፡ ያሳሰ ኣይፌ ኣይፋናው ሃይቆፔ ዴግዲዳ ከሪስቶስሰ ጊዲዴታ።
- 5 ኑ ኣሾ ኣሞይ ኦና ሃሪን፡ ኑ ዴዔያ ዎዴ ሃንጌ ጉጂ ናጋራ ኦላና ሜላ ኦና ዴንሌሌሰ። ኑ ኣሳቴላ ጊደን ኢታ ኣሞቴላ ዴዔያ ጊሾ ኮኒ ሃይቆ ኣይፌ ኣይፋና ሜላ ኦላሰ።
- 6 ሺን ሃላ ኮኒ ኦና ቃቸዳ ሃንጌ ሃይቂዳ ጊሾ ኮኒ ሃንጌ ቃሾፔ ቢሊቴዳ። ሃሳ ጊሾ፡ ጌሻ ኣያና ኦኒን ያሳሰ ከቴቶሲፔ ኣቴን ፃፊቴዳ ጨማ ሃንጌሰ ከቴቶኮ።

**ሃንጌ ናጋራ**

- 7 ያቴን፡ ኮኒ ዎይጋኔ? ሃንጌ ባ ሁዒን ናጋራ? ጊደና! ሺን ሃንጌ ናጋራ ኣይቤኮ ታና ኤሪሲሰ። ሃንጌይ፡ «ኣሞቶፋ» ጎናኮ፡ ኣሞቴላ ኣይቤኮ ታኒ ኤሪኬ።
- 8 ሺን ታ ኡባባ ኣሞታና ሜላ ናጋራ ሃንጌ ባጋራ ታናን ኦኒ ዴሚሰ። ሃንጌ ባይኮ ናጋራ ሃይቂዳይሳ።
- 9 ካሴ ሃንጌ ባይና ዎዴ ታ ገፃ፡ ሺን ሃንጌ ኣሚቴዳ ዎዴ ናጋራ ገዒን ታ ቃሲ ሃይቃሰ።
- 10 ታኒ ዴግን ዳና ሜላ ያሳይ ኣሚዳ ሃንጌ ታው ሃይቆ ኣሃሰ።
- 11 ናጋራ ሃንጌ ባጋራ ታና ጨሚያ ኦኒ ዴሚዳ፡ ዎፏሰ።
- 12 ሃሳ ጊሾ፡ ሃንጌ ጌሺ፤ ኢያን ፃፊቴዳ ከታይካ ጌሺ፡ ዒሎኔ ሎፖ።

- 13 ያተን፣ ሎዎ ጊዲዳባይ ታ ቦላ ሃይቆ ኤሂዴዬ? ጊዴና! ሺን ናጋሪ ናጋሪ ጊዴይሲ ቆንጫና ማላ ሎዎን ማዴተዲ ታው ሃይቆ ኤሂስ። ሄሳ ጊሾ፣ ናጋሪ ናጋሪቴላይ ሂኔ ባጋሪ ኣጲዲ ኤራተስ።
- 14 ኑኒ ሂኔይ ኣያናባ ጊዴይሳ ኤሮስ። ሺን ታኒ ናጋራስ ባይዘተዳ ኣሾ ኣሲ።
- 15 ታኒ ኣሊያባ ኣኩኪኪ፤ ታኒ ደሲያባ ኣላናይሳ ኣጋዳ ታ ኢደያባ ኣላይስ።
- 16 ታኒ ኢደያባ ኣሊያባ ጊዲኮ፣ ሂኔይ ሎዎ ጊዴይሳ ማዓይስ።
- 17 ሄሳ ጊዲኮ፣ ሄ ኣሱዋ ታናን ዴዒያ ናጋራይ ኣላይሲፕ ኣተን ታ ኣሊኪ።
- 18 ታናን፣ ሂሲካ ታ ኣሹዋን ሎዎባይ ባይናይሳ ኤራይስ። ሎዎባ ኣሊያ ኣሞቴሊ ታናን ዴዒስ። ሺን ሎዎባ ኣላናው ዳንዳዒኪ።
- 19 ታኒ ኢደያ ኢታባ ኣላይሲፕ ኣተን ታ ደሲያ ሎዎባ ኣሊኪ።
- 20 ታኒ ኢደያባ ኣሊያባ ጊዲኮ፣ ሄሳ ታናን ዴዒያ ናጋራይ ኣላይሲፕ ኣተን ኣላይ ታና ጊዲኪ።
- 21 ሂዛ፣ ታ ሎዎባ ኣላናው ደሲሺን፣ ኢታባ ኦሶይ ዎጋ ጊዴይሳ ዴማስ።
- 22 ታኒ ታ ዎዛናን ያሳ ሂጊያን ኡፋይታይስ።
- 23 ሺን ታ ኣሳቴላ ጊደን ዴዒያ ታ ቆፋ ሂጊያራ ኦሌቴያ ዳማ ሂኔ ቤዓይስ። ሄ ሂኔይ ታ ኣሳቴላ ጊደን ኣሊያ ናጋራ ሂጊያስ ታና ኣይሌ ኣሊዲ ኢሚስ።
- 24 ታኒ ዋኒዳ ዪባታ ኣሲ? ሃይቆስ ኤፊያ ሃ ኣሳቴላፊ ታና ኣሻናይ ኦኔ?
- 25 ኑ ጎዳ ዬሱስ ከሪስቶሳ ባጋሪ ታና ኣሺያ ያሳስ ጋላቴ ጊዴ።
- ሂዛ፣ ታኒ ታ ቆፋን ያሳ ሂጊያስ ሃራታይስ፤ ሺን ታ ኣሳቴላን ታና ናጋራ ኦሲሲያ ሂጊያስ ሃራታይስ።

### 8

#### ጌሻ ኣያናን ዴዎ

- 1 ሄሳ ጊሾ፣ ከሪስቶስ ዬሱሳን ዴዒይሳቴ ሃዒ ፐርዴቶኮና።
- 2 ከሪስቶስ ዬሱሳን ባጋራ ኦስ ዴዎ ኢሚያ ጌሻ ኣያና ሂኔይ፣ ታና ናጋራኔ ሃይቆ ሂኔ ኣይሌቴላፊ ከሲስ።
- 3 ኑ ናጋራ ኣሳቴላ ጋሶን፣ ሂኔይ ዳቡራንቾ ጊዲያ ጊሾ ኑና ኣሻናው ዳንዳዒቤና። ያሳይ ባ ናዓ ናጋራንቾ ኣሳ ለሚሶን ናጋራኔ ያርሾ ጊዴና ማላ ከተዲ ሄሳ ኣሊስ። ያተዲ፣ ያሳይ ከሪስቶሳ ኣሹዋ ባጋራ ናጋራ፣ ናጋራንቾ ኣሳ ጊደን ፐርዲስ።
- 4 ያሳይ ሄሳ ኣሊዳይ፣ ኑ ኣሾ ኣሞዎ ኮዬይሳዳ ጊደናሺን ጌሻ ኣያናይ ኮዬይሳዳ ዴዒያ ኑ ቦላ ሂጊያ ዒሎ ከታይ ፖሊታና ማላሳ።
- 5 ባንታ ኣሾ ኣሙዋ ካሊዲ ዴዒይሳቴ ባንታና ኡፋይሲያባ ቆፖሶና። ሺን ጌሻ ኣያና ሺኔን ዴዒይሳቴ ጌሻ ኣያና ኡፋይሲያባ ቆፖሶና።
- 6 ኑ ቆፋይ ኣሾ ኣሞስ ሃራቴኮ ሃይቆ ኤሂስ፣ ሺን ኣያና ኣሞስ ሃራቴኮ ዴዒኔ ሳርቴሊ ኤሂስ።
- 7 ኣሾ ኣሞስ ሃራቴያ ኣሲ ያሳ ሂጊያስ ከቴታናው ኮዮና ጊሾኔ ከቴታናው ዳንዳዮና ጊሾ ያሳራ ሞርኪ።
- 8 ባንታ ኣሾ ኣሙዋስ ሃራቴይሳቴ ያሳ ኡፋይሳናው ዳንዳዮኮና።
- 9 ሺን ያሳ ኣያናይ ሂንቴናን ዴዒኮኔ ሂንቴና ሃሪኮ፣ ሂንቴ ኣያና ሺኔን ዴዒታፔ ኣተን ሂንቴ ኣሾ ኣሙዋስ ሃራቴኪታ። ከሪስቶሳ ኣያናይ ባይና ኦኒካ ከሪስቶሳባ ጊዴና።
- 10 ሺን ከሪስቶሲ ሂንቴናን ዴዒኮ፣ ሂንቴ ኣሳቴላይ ናጋራ ጋሶን ሃይቁዳይሳ። ሺን ሂንቴ ኣያናይ ዒሎቴላ ጋሶን ዴዎን ዴዒስ።
- 11 ሺን ዬሱሳ ሃይቆቴ ዴንሊዳ ያሳ ኣያናይ ሂንቴናን ዴዒኮ፣ ከሪስቶሳ ሃይቆቴ ዴንሊዳ ያሳይ፣ ሂንቴናን ዴዒያ ባ ጌሻ ኣያናን ሃይቁያ ሂንቴ ኣሳቴላስ ዴዎ ኢሞና።
- 12 ሂዛ፣ ታ ኣሻቶ፣ ኑኒ ኑ ኣሾ ኣሙዋ ካሊዲ ዳናው ቤሲና።
- 13 ሂንቴ፣ ሂንቴ ኣሾ ኣሙዋስ ዴዒኮ ሃይቃና፣ ሺን ጌሻ ኣያና ዎልቃን ናጋራ ኦሱዋ ዎጲኮ ሂንቴ ዴዎን ዳና።
- 14 ያሳ ኣያናይ ካሊሊያ ኡባይ ያሳ ናይታ።
- 15 ኑኒ፣ «ኣባ፣ ታ ኣሞዎ» ያጊዲ ዒጊያ፣ ያሳ ናይታ ኣሊያ ጌሻ ኣያና ኤኪዳቴ ኣተን ዛሪዲ ያሻን ዳናው ኣይሌ ኣሊያ ኣያና ኤኪቦኮ።
- 16 ያሳ ኣያናይ ኑ ኣያናራ ጊዲዲ ኑኒ ያሳ ናይታ ጊዴይሳ ማርካቴስ።
- 17 ኑኒ ኢያ ናይታ ጊዲኮ ያሳ ኣንጂዋ ላታና፤ ከሪስቶሳራ ዎላ ሄ ኣንጂዋ ላታና። ቃሲ ኑኒ ከሪስቶሳራ ሜቴዎ ኤኪኮ ኢያራ ዎላ ኢያ ቦንቾዋን ሻኬታና።

#### ያና ቦንቾዋ

18 ኑኒ ሃዒ ዎዬቴያ ዎያ፣ ሲንላፊ ኦስ ቆንጫና ቦንቾዎራ ጋሊ ቤዒኮ፣ ጊኒሳናው ዳንዳዒቴና ጋዳ ቆፓይስ።

19 ሜዴቴላ ኡባይ ያሳ ናይታ ቆንጩላ ዳር ላሞተዲ ናጎሰና።

20 ሜዴቴላ ኡባይ ሃዳ ጊዲሲ፤ ሄሲካ፣ ሜዴቴላ ዶሮን ጊደናሺን ኡፋይሳን ናጋና ሜላ ኦሌዳ ያሳ ሺኒን ሃሲሲ።

21 ሜዴቴላይ ባ ሁዒን ቆዮ ኣይሌቴላፌ ዋዘቲዲ፣ ያሳ ናይታራ ዋላ ቦንሻ ላዓ ሻኪታና።

22 ሜዴቴላይ ኢሲፌ ሃኖ ጋካናው ሚያይ ኦይኪዳ ማጫሳዳ ኦሌኒኔ ኡንዓን ዳዒይሳ ኦ ኤርሰ።

23 ቃሲ ሄሳ ሜዴቴላ ዓላላ ጊደናሺን ገሻ ኣያና ባይራ ኣሞታዳ ኤኪዳ ኦኒ፣ ኦ ሁዒን ኦ ኣሳቴላን ዋዘ ጊዲዳ ያሳ ናይታ ጊደና ኡፋይሳ ናጊሼ ኦ ኣሳቴላን ኦሎሰ።

24 ሃ ኡፋይሳን ኦኒ ኣትዳ። ሺን ኦኒ ኡፋይሲ ኦሌያባይ ቤንቲያ ጊዲን ሄሳ ኦኒ ኡፋይሲ ኦሌ?

25 ሺን ኦ ቤያናባ ዳማና ጊዲ ኡፋይሳን ናጊኮ ሄሳ ዳንዳዓን ናጎሰ።

26 ሄሳዳ ገሻ ኣያናይ ኦ ዳቡራን ማዴሰ። ኦኒ ያሳ ዋቲ ዋሳናው ቤሲያኮ ኤርኮ፣ ሺን ገሻ ኣያናይ ባ ሁዒን፣ ኣሲ ኦዳናው ዳንዳዒቶና ቃላን ኦሰ ጋናቴሰ።

27 ቃሲ ኣሳ ዋዛና ኤሪያ ያሳይ ገሻ ኣያና ቆፋይ ኣይቤኮ ኤሪሰ። ገሻ ኣያናይ ያሳ ሺኒያዳ ገሻታሰ ጋናቴሰ።

28 ያሳ ሰቄይሳታሰኔ ኢያ ሺኒያዳ ያይቲዳይሳታሰ ያሳይ ኡባ ሎያሰ ኡሌይሳ ኤርሰ።

29 ያሳይ ኮይርቲዲ ኤሪዳይሳት ባ ናዓ ዳናና ሚላኔ ናዓይካ ኣማኔይሳታ ጊደን ባይራ ጊደና ሜላ ኤንታ ዲማዬዲ ዋሊሰ።

30 ያሳይ ኮይርቲዲ ዲማዬዳይሳታ ያጊሰ፤ ሄ ያጊዳይሳታ ያጊሲሰ፤ ሄ ያጊሲዳይሳታ ቃሲ ቦንቸሰ።

**ያሳ ሲቁዋ**

31 ያቲን፣ ኦ ሃ ኡባሰ ዋይጋኒ? ያሳይ ኦ ባጋ ጊዲኮ ኦራ ኦኒ ኤቁታናይ?

32 ኢ ሃሪ ኣቶሺን፣ ባ ናዓሰ ቃቆቶናሺን፣ ኦ ጊሾ ኣሌ ኣሚሰ። ያቲን፣ ባ ናዓ ኦሰ ኣሌ ኣሚዳይሲ ዋሲዳ ኡባባ ጮ ኣሚኔ?

33 ያሳይ ኤንታና ያጊሲዳ ጊሾ ኢ ዶሪዳይሳታ ኦኒ ሞታናይ?

34 ያቲን፣ ኤንታ ቦላ ፐርዳናው ዳንዳዒይ ኦኒ? ኦኒካ ባሞ። ሃይቆፔ ዳንዲዲ ያሳ ኡሻቻን ኡቲዳ፣ ኪሪሰቶሰ ዩሱሲ፣ ኢ ኦሰ ጋናቴሰ።

35 ሂዛ፣ ኦና ኪሪሰቶሳ ሲቁዋፔ ሻካናይ ኦኒ? ዋዬዬ ዋይኮ ሜቶዬ ዋይኮ ጎዬዬ ዋይኮ ኮሺዬ ዋይኮ ካሎቴሌዬ ዋይኮ ያሺዬ ዋይኮ ኦሌዬ?

36 ገሻ ማዓፋን።

«ኦኒ ኔ ጊሾ ጋሳሳ ኩሜላ ሃይቆሰ፤

ሹካሰ ኤሪያ ዶርሳዳ ታይቤቲዳ»

ጌቲቲዲ ዓፌቲዳይሳ ሜላ ጊዲሰ።

37 ሺን ኦኒ፣ ኦና ሲቁዳ ኪሪሰቶሳን ሃ ኡባ ፖሎ ያናሰ።

38 ሄሳ ጊሾ፣ ሃይቆ ጊዲን ዴዖ ጊዲን ኪታንቸታ ጊዲን ሃራይሳታ ጊዲን ሃዒ ዳዒይሳ ጊዲን ሲጎሳፌ ያናይሳ ጊዲን ዋልቃማታ ጊዲን።

39 ሳሎ ዋልቃ ጊዲን ሳዓ ዋልቃ ጊዲን ኣይ ሜዴቴሌ ጊዲን ኦ ጎዳ፣ ኪሪሰቶሰ ዩሱሳን ዳዒያ ያሳ ሲቁዋፔ ኦና ሻካናው ዳንዳዒያይሳ ታኒ ኤሪሰ።

**9**

**ኢሰራዒሊታ ዶሪቴሳ**

1 ታኒ ኪሪሰቶሳን ቱማ ኦዳይሰ፣ ዋርዶቲኬ። ገሻ ኣያናይ ካሌሊያ ታ ካሃይ ታኒ ዋርዶቶናይሳ ታው ማርካቴሰ።

2 ታ ዋዛናን ኢሰራዒሊታሰ ዳር ቃቆታይሰኔ ቃማ ጋላሰ ቆጋይሰ።

3 ታኒ፣ ታ ኣሻታ ጊሾ ኪሪሰቶሳፔ ሻኪታዳ ያሳ ቃንጌላፌ ጋርሳን ዳዒዳኮ ዶሳይሲሺን።

4 ኣንቲ ኢሰራዒሊታ፣ ያሳይ ኣንታ ባ ናይታ ኦሊሰ፣ ባ ቦንቸዋ ኣንታው ቆንጩሲሰ። ኣንታራ ጫቁሰ፤ ሂጊያ ኣንታው ኣሚሰ። ኣንቲ ያሳ ጎይናና ቱማ ኦጊያ ቤሲሰ፤ ያሳይ ኡፋይሳ ቃላ ኣንታው ኣሚሰ።

5 ኣንቲ ዩሌቴላን ማይዛታ ዛሬ፤ ቃሲ ኪሪሰቶሰ ኣሾን ኣንታ ዛሬ ጊዲዲ ዩሰ። ኡባፌ ቦላ ጊዲዳ ያሳይ ሜሪናው ጋላቴቶ። ኣሚንዒ!

6 ጊደሺን፣ ያሳይ ጌሊዳ ቃላይ ፖሌቶና ኣቲሰ ጉሱ ጊደና። ኢሰራዒሊ ኣሳ ኡባይ ያሳ ኣሲ ጊደኮና።

7 ቃሲ ኣብራሃሚ ዛሬ ኡባይ ኣብራሃሚ ናይታ ጊደኮና። ያሳይ ኣብራሃሚሰ፣ «ኔ ዜሬላይ ዩሳቃ ባጋራ ያይታና» ያጊሰ።

8 ሄሳ ጉሳይ እሾን ዩሌቲዳ ናይቲ ኡባይ ያሳ ናይታ ጊደኮና። ሺን ቱማ ኢሰራዔሌ ናይቲ ያሳይ ኣብራሃሜስ ገሊዳ ቃላዳ ዩሌቲዳ ናይታ።

9 ያሳይ እማና ጊዲ ገሊዲ ቃላይ፥ «ታኒ ዋንቶ ላይሌ ሃኖዴ ያና፤ ሳራካ ኣዴ ናባ ዩላና» ያጌይላ።

10 ሄሳ ዓላላ ጊደናሺን ኢርቢቄኔ ዪሳቄ ዩሊዳ ሜንቴ ኣዴ ናይታባ ኣኩኪቴ።

11 ኤንቴ ዩሌታናፕ ዋይኮ ኢታ ዋይኮ ሎዎ ኦላናፕ ሲንጤ ያሳ ዶርይ ኦሶን ጊደናሺን ያሳን ጊደይሳ ቆንጩሳናው።

12 «ባይራይ ካሎዋስ ከቲታና» ያጊዲ ጎዳይ ኢርቢቃስ ኦዲስ።

13 ሄሲካ ገሻ ማዓፋን፥ «ያይቆባ ዶሳስ፥ ኤሳዋ ኢዳስ» ጌቲቲዲ ያፌቲስ።

14 ያቲን፥ ኑኒ ዋይጋኔ? ያሳይ ኣሴ ኣሳፕ ሻኪዬ? ጊደና።

15 ጎዳይ ሙሴኮ።

«ታ ማራናው ኮዩዳይሳታ ማራና፤

ታ ቃዴታናው ኮዩዳይሳታስ ቃዴታና» ያጊስ።

16 ሄዛ፥ ያሳ ዶርይ ኣሳ ሺኔን ዋይኮ ኦሶን ጊደናሺን ኢያ ማርቲላና።

17 ገሻ ማዓፋን፥ ጊብጻ ካወዋኮ፥ «ታኒ፥ ታ ዋልቃ ኔናን ቤሳናወኔ ታ ሱንጎይ ኣሳሜ ኡባን ኤሬታና ሜላ ሄሳስ ኔና ካዋሳስ» ጌቲቲዲ ያፌቲስ።

18 ሄዛ፥ ያሳይ ማራናው ኮዩይሳ ማሬስ፤ ዋዛና ሙሚሳናው ኮዩይሳ ዋዛና ሙሚሴስ።

**ያሳ ሃንቁዋኔ ማርቲላ**

19 ሂንቴሬ ኢሶይ፥ «ያቲን፥ ያሳይ ኣሴ ኢታ ኦሶ ጊሾ ኣይሰ ቦሪ? ያሳ ሼኒያ ኢዳስ ጋናይ ኦኔ?» ያጊዲ ኦይቻናው ዳንዳዒስ።

20 ሺን ታ ኢሻው፥ ያሳራ ፓላማናው ኔኒ ኦኔ? ኡርቃሬ ሜዴቲዳ ሚሼይ ባና ሚዲዳይሳ፥ «ታና ሃይሳዳ ኦሳዳ ኣይሰ ሚዲዳ?» ጊዲ ኦይቻናው ዳንዳዒ?

21 ዋይኮ ኡርቃ ሚዴይሴ ኢሴ ኡርቃሬ ኢሱዋ ቦንቾ ሚሼ፥ ሃንኩዋ ቃሲ ቶሼ ሚሼ ኦሊዲ ሚዲናው ማቲ ባዌ?

22 ያሳይ ባ ሃንቁዋ ቤሳናወኔ ባ ዋልቃ ኤሪሳናው ኮዩዲ፥ ፐርዳስ ጊዲ ሃንቆ ናይታ ዳር ጌንጫን ዳንዳዒዳኮ ኔ ኣይ ኡሪይ?

23 ሄሳ ኢ ኦሊዳይ ኮይርቲዲ ቦንቾስ ጊሲዲ፥ ባ ዶሪዳ ናይታስ ባ ቦንቾዋ ቆንጩሳና።

24 ኣይሁዴ ጊዲን፥ ዋይኮ ኣይሁዴ ጊደና ኣሳ ኡባይ ያሳን ዶሪቲዳ።

25 ናቢያ ሆሴዒ ማዓፋን፥

«ታ ኣሴ ጊደናይሳታ፥ ታ ኣሴ» ጋዳ ዪጋና።

ታ ሲቃቦና ደሪያ፥ ሰቁቲዳይሳታ ጋዳ ዪጋና።

26 ኤንቲ፥ ታ ኣሴ ጊዳኪታ ጌቲቲ ዪጌቲዳ ቤሳን፥

«ዴዎ ያሳ ናይታ ጌቲቲዲ ዪጌታና» ያጌስ።

27 ናቢያ ኢሳያሴ ኢሰራዔሌ ኣሳባ፥

«ኢሰራዔሌ ኣሳይ ኣባ ጋዓን ዴዒያ ሻፊያዳ ዳሪኮካ፥

ኤንታሬ ጉላ ኣሳ ዓላላ ኣታና።

28 ጎዳይ ኣላሚያ ኡባ ቦላ ኤሌሲዲ ፖሎ ፐርዳ ፐርዳና።»

29 ቃሲካ ኢሳያሴ፥

«ኡባሬ ዋልቃማ ጎዳይ ኦስ ጉላ ዜሬላ ኢሾናባ ጊዲያኮ፥

ኑኒ ሶዶሜኔ ጋዋራ ካታማዳ ዳንዳሺን»

ያጊዲ ኮይርቲዲ ኦዲስ።

30 ያቲን፥ ኑ ዋይጋኔ? ዪሎቴላ ኮዩቦና ኣይሁዴ ጊደና ኣሳይ ኣማናን ዪሎቴላ ዴሚዶሶና።

31 ሺን ዪሎቴላኮ ጋሊያ ሃጌይ ዴዒያ ኢሰራዔሌ ኣሳይ ዪሎቴላ ዴሚቦኮና።

32 ኣይሰ ዴሚቦኮና? ኤንቲ ዪሎቴላ ኣማናን ጊደናሺን ኦሶን ኤካናው ኮዩዳ ጊሾሳ። ያኒያ ጊሾ፥ ኤንቲ፥ «ዱቢያ ሹቻን» ዱቤቲዶሶና።

33 ገሻ ማዓፋን፥

«ታኒ ዪዮኔን ዱቢ ኩንዲሲያ ሹቻ ዋላና።

ኢያን ኣማኒያ ኦኒካ ዩላቴና»

ጌቲቲዲ ያፌቲስ።

# 10

1 ታ አሻቶ፣ ታ ኩሚላ ዋዛናን ታ አሞቲይኔ ያሳ ዋሲይ ኢስራዔሌይ አታና ሜላሳ።

2 ኢንቲ ያሳሰ ሚሼቶሶናሽን፣ ቱማ ኤራቴላን ሚሼቶናይሳ ታ ማርካታይሰ።

3 ኢንቲ ያሳ ደሎቴላ ኦጊያ ኤርና ኢዲዲ፣ ባንታ ሁዔ ደሎቴላ ካሊዶሶናፕ ኣቲን ያሳ ደሎቴላ ኮዪቦኮና።

4 ኣሲ ኡባይ አማኖን ዓላና ሜላ ከሪሰቶሲ ሂጊያ ፖሊሰ።

አቶቴላይ ኡባሳ

5 ኣሲ ሂጊ ናጊዲ ኤኪያ ደሎቴላባ ሙሴይ ዓፊሹ፣ «ሂጊ ናጊያ ኦኒካ ሄ ሂጊያ ናጊዲ ሜላ ዴሶስ» ያጊሰ።

6 ሽን አማኖን ኤኪያ ደሎቴላባ ጌቴቲዳይ ሃይሳ፣ «ኔ ዋዛናን፣ ሶኒ ሳሎ ኬያኔ?» ያጋፓ፤ ሄሲ ከሪሰቶሳ ዋዲሳናሳ።

7 ዋይኮ፣ «ዲጌ ሳባ ጋርሲ ዋዳናይ ኦኔ?» ጎፓ፤ ሄሲ ከሪሰቶሳ ዱፎፕ ኬሳናሳ።

8 ሽን ያጊዲ ዓፊቴሰ፣ ሶሳ ቃላይ ኔ ማታና፤ ኔ ዶናኒኔ ኔ ዋዛናን ዴሶስ፣ ኦኒ ሂንቲው ኦዲያ አማኖ ቃላይ ሃይሳ።

9 «ዬሱሲ ጎዳ» ጋዳ ኔ ዶናን ማርካቲኮኔ ያሳይ ኢያ ሃይቆፕ ዴሳዲይሳ ኔ ዋዛናን አማኒኮ፣ ኔ አታና።

10 ኣሲ ባ ዋዛናን አማኒዲ ደሎስ፤ ባ ዶናን ማርካቲዲ አቴሰ።

11 ገሻ ማፃፋይ፣ «ኢያን አማኒያ ኦኒካ ዬላቴና» ያጊሰ።

12 ኣሲ ያሳይ ኡባ ጎዳ ጊዲያ ገሻ ኣይሁዴታ ጊዳኒኔ ኣይሁዴ ጊዳና ኣሳ ጊዳን ዲማቴሌ ባዋ። ኢ ባና ዪጊያ ኡባሰ ዳር ከሃ።

13 ገሻ ማፃፋይ፣ «ጎዳ ሱንሳ ዪጊያ ኦኒካ አታና» ያጊሰ።

14 ያቲን፣ ኢንቲ አማኖና ዴሲሹ ዋኒዲ ኢያ ዪጋናው ዳንዳዳና? ኢንቲ ኢያባ ሲዶና ዴሲሹ ዋቲዲ ኢያ አማናናው ዳንዳዳና? ቃሲ ኤንታው ቃላ ኦዲያ ኣሲ ባይና ዴሲሹን፣ ዋኒዲ ሲዳናው ዳንዳዳና?

15 ከቴቲዳ ኣሲ ባይና ዴሲሹን፣ ቃላይ ዋኒዲ ኦዴታናው ዳንዳዳ? ገሻ ማፃፋን፣ «ኡፋይሳ ዋንጌላ ኦዲያ ኣሳ ቶሆቲ ዋኒዲ ሎዶና!» ያጊዲ ዓፊቴሰ።

16 ሽን ኣሳያሲ፣ «ጎዳው፣ ኦ ማርካቴላ ኦኒ አማኒዴ?» ያጊዲይሳዳ፣ ኡባይ ዋንጌላ አማኒቦኮና።

17 ሄሳ ገሻ፣ አማኖና ሲሳፊ ዬሰ፤ ሲሲ ከሪሰቶሳ ቃላፕ ዬሰ።

18 ጊዳሽን፣ ኢስራዔሌ ኣሳይ ቃላ ሲዲቦኮና ጉሴዬ? ኣካይ ሲዲዶሶና። ገሻ ማፃፋን፣

«ኤንታ ቃላይ ቢታ ኡባን ሲዲቲሰ፣

ኢንታ ኦዳይ ሳባ ጋፓ ጋኪስ» ያጊቲሰ።

19 ሽን ኢስራዔሌ ኣሳይ ኤሪቦኮና ጉሴዬ? ሙሴይ ካሴ፣

«ታኒ ሂንቲና ለቄቲዳ ኣሳን ቂርይሳና፤

ቃሲ ኤያ ኣሳን ሂንቲና ዪሎያና» ያጊሰ።

20 ቃሲ ኢሳያሲ፣

«ታና ኮዪቦና ኣሳሰ ቤንታሰ፤

ታና ኦይቲቦና ኣሳሰ ቆንጫስ»

ያጊዲ ያኖና ኦዲሰ።

21 ሽን ኢሳያሲ ኢስራዔሌታባ ኦዲሹ፣

«ኡባ ዋዴ ከቴቶና ኣሳሰኔ

ታና ኢዲያ ኣሳሰ ታ ኩሺያ ሚጫስ» ያጊሰ።

# 11

የሳይ ኢስራዔሌታ ኣጊቤና

1 ኣኔ ታ ኦይቻይሰ፣ ያቲን፣ ያሳይ ባ ኣሳ ኣጊዴዬ? ኣጊቤና! ታኒ ታ ሁዔን ኢስራዔሌ፤ ኣብራሃሚ ሹሹ፤ በኒያሜ ዛሬ።

2 ያሳይ ኮይር ዶሪዳ ባ ኣሳታ ዬጌና። ገሻ ማፃፋን፣ ኤሊያሲ ኢስራዔሌታ ያሳ ሲንሳን ዋቲ ዋቲዳኮ፣ ሂንቲ ኤሬኪቲ?

3 ኤሊያሲ፣ «ጎዳው፣ ኢንቲ ኔ ናቤታ ዋዲዶሶና፣ ኔ ያርሾ ቤሳካ ላሊዶሶና። ታ ታርካ ኣታሰ፤ ኢንቲ ታርካ ዋዳናው ኮኖሶና» ያጊሰ።



4 ያሳይ ኢያው ዋይጊ ዛሬደ? «ባዓሌ ኤቃሰ ጎይኒቦና ላፑን ሙኩሉ አሳ ታው አሻሰ» ያገሰ።

5 ሄሳዳካ፣ ሃ ዋዲያን ያሳይ ባ አቆ ከሃቴላን ዶሪዳ ጉላ ኢሰራዒሊቴ ደዎሶና።

6 ኢ ኤንታ ዶሪዳይ ባ አቆ ከሃቴላፍቴ ኣቴን ኤንታ ኦሶን ጊዳና። ዶርይ ኦሶን ጊዳኮ፣ ኢያ አቆ ከሃቴላይ ቱማ አቆ ከሃቴላ ጊዳና።

7 ያቴን፣ ዋኒደ? ኢሰራዒሊቴ ባንታ ኮያባ ዳሚቦኮና፣ ሸን ያሳይ ዶሪዳ ጉላቴ ዳሚዶሶና። አቴዳይሳቴ ባንታ ዋዛና ሙሚሲዶሶና።

8 ሄሲካ፣ ገሻ ማፃፃ፣

«ኤንቴ ባንታ አይፊያን ቤዎናዳ

ባንታ ሃይሳን ሲዎናዳ፣

ሃና ጋካናው ኤንታው

ያሳይ አዛላ አያና አሚሰ»

ጌቴቴዲ ዓፊቴዳይሳዳ ሃኒሰ።

9 ቃሲ ዳዋቴይ፣

«ኤንቴ ሚያ ጋይታይ ኤንታ ዓሄዳ እይኮ፤

ኤንታ ጉፋንሌያ አፎ ጊዳ፤

ኤንታ ኢታቴላይ ኤንታ ቦላ ጋኮ።

10 ኤንቴ ዒሎናዳ ኤንታ አይፊይ ጎዜቶ፤

ኡባ ዋዴ ሜቶን ኤንቴ ከኒዲ ዳዎ» ያገሰ።

11 ያቴን፣ አይሁዳቴ ዛሬ ዳንዶና ሚላ ከንዲዶናዬ? ጊዳና፤ ኤንታ ከንዳሳይ አይሁዳ ጊዶና አሳይ አጎና ሚላ ጋሶ ጊዳሲ። ሄሲካ አይሁዳቴ ኤንታ ቦላ ቃናታና ኦሊሰ።

12 አይሁዳታ ናጋራይ አላሚያሰ ዳር አንጅ ኤሂሰ፤ ቃሲ ኤንታ ከንዳሳይ አይሁዳ ጊዶና አሳሰ ዳር አንጅ ጊዳሲ። ያቴን፣ ዶሬቴዳ አይሁዳቴ ከሚላ አቴያ ዋዴ አንጅይ አይ ሚላ ዳራንዳሻ!

13 ታኒ፣ ሃሲ ሂንቴው አይሁዳ ጊዶና አሳሰ ኦዳይሰ። አይሁዳ ጊዶና አሳሰ ሃዋሬ ጊዳዳ ኦሊይሳን ታኒ ዳር ጩቁታይሰ።

14 ታ ሄሳ ኦሊዳይ ታው አሸን ዛሬ ጊዳዳ ኢሰራዒሊታ ቂርያዳ ኤንታፊ ጉላታ አሻናሳ።

15 ያሳይ ኤንታ ዩጊዳ ዋዴ ሃ አላሚይ ያሳራ ሲጌቴሰ። ያሳይ ኤንታ ሸሽ ኤኪያ ዋዴ ሃይቂዳ አሲ ሃይቆቴ ዳንዲዳ ሚላ ጊዳሰ።

16 ኮይር ሚንሴዳ ባሶ ኦይሳይ ያሳሰ ያርሾቴዲ ጌሽ ጊዳኮ፣ ሙሚ ኡይላይካ ጌሽ። ሚላሰ ዓጾይ ጌሽ ጊዳኮ፣ ታሾይካ ጌሽ።

17 ጋዴን ቶኪዳ ሻማሆ ታሾ ጊዳዳ አይሁዳቴ ካሬቴን፣ ሂንቴ ባዞን ደሊዳ ሻማሆ ታሾ ጊዳዳ አይሁዳ ጊዳናሳቴ ኤንታ ቤሳን ቆንሌቴዲ ኤንታ አንጅዋኔ ዱሬቴላ ሻኬቴዳ።

18 ሂዛ፣ ሂንቴ ታሾዳ ካሬቴ ዋዲዳ አይሁዳታ ቦላ ኦቶርቶፊቴ። ሂንቴ ኦቶርቶፊጥ ጊዳኮ፣ ዓጾይ ሂንቴና ቶኬሲቴ ኣቴን ሂንቴ ዓጾዋ ቶኮናይሳ አኬኪቴ።

19 ኔኒ፣ «ሄ ታሾቴ ካሬቴዳይ፣ ታ ኤንታ ቤሳን ቆንሌቴና ሚላሳ» ጋናው ዳንዳዳሳ።

20 ሄሲ ቱማ። ኤንቴ አሚኒቦና ገሾ ካሬቴዶሶና። ኔኒ አሚኒዳ ገሾ ሄ ቤሳን ኤቃዳሳ። ኔኒ ያያናው ቤሰሰቴ ኣቴን ኦቶራናው ቤሰና።

21 ያሳይ ሚዶን ታሾ ጊዳዳ አይሁዳታሰ ቃዲቶና ኢደኮ ሂንቴወካ ቃዲቴና።

22 ሂዛ፣ ያሳይ አይ ሚላ ከሂኮኔ አይ ሚላ ያሾያኮ ቤዳ። ኢ ያሾይ ከቴቶናይሳታ፣ ቃሲ ኢ ከሂይ ኢያ አማኒዲ ሚኒዲ ኤቁዳይሳታሳ። ሚኒዲ ኤቆና ኢደኮ ሂንቴካ ካሬታና።

23 አይሁዳቴ አማኒኮ፣ ካሴ አንቴ ዳዒያ ቤሳ ሲማና። ያሳይ ኤንታ ዛሬዳ፣ ያሳናው ዳንዳዳሰ።

24 ሂንቴና ባዞን ዳዒያ ሻማሆ ጊዳዳ አይሁዳ ጊዳናይሳታ ቃንዒዳ፣ ጋዴን ቶኬቴዳ ሻማሆ ቦላ ሂንቴና ቶኪኮ፣ ሚዶን ጋዴ ሻማሆ ጊዳዳ አይሁዳታ ባንታ ኮይር ቤሳን ዛሬ ቶካናው ዋኒዲ ዳንዳዳቴን?

**ያሳ ማርቴላይ ኡባ**

25 ታ አሻቶ፣ ሂንቴ ሂንቴና ኤራንሻ ጊዲ ጩቁቶፊቴ። ታ ሂንቴው ኦዲያ ኢሲ ፀራ ዳዒሰ። ሄሲካ ኢሰራዒሊታጌ ባጋይ ሲዎና ኢደዳይ ሠርሴላ ጋካናው ጊዳናሽን አታናው ዳዒያ አይሁዳ ጊዶና አሳይ ከሚላ ያሳኮ ያና ጋካናሳ።

26 ሂሳዳካ፣ ኢሰራዒሊ አሳ ኡባይ አታና። ጌሻ ማፃፃ፣

«ኦና አሾይሲ ደዎኔቴ ያና፤

ያይቆባ ዜሬላፊ ኢታ ኡባ ዲጋና።

27 ታኒ ኤንታ ናጋራ አቶ ጊያ ዋዴ

ኤንታራ ጫቃና ጫቆይ ሃይሳ»

ጌቴቲዲ ዓፊቴሰ።

28 እይሁዳይት ዋንጌላ ኢኮና ኢዲዲ፣ ሂንቴ ገሾ ያሳራ ሞርኬ ገዲዶሶና። ገደሺን፣ ሃዲካ ኤንቴ ደሬቲዳይሳታ፣ ያሳይ ኤንታ አዋታ ገሾ ኤንታ ደሴሰ።

29 ያሳይ ባ ኢሙዋኒኔ ባ ዳሳን ቁርቴና።

30 ሂንቴ እይሁዳይ ገደናይሳቲ ካሴ ያሳሰ ከቴቲቤኬታ። ሸን ሃዲ እይሁዳይ ከቴቶና ኢዲን፣ ሂንቴ ያሳ ማርቴሳ ኤኪዳታ።

31 ሄሳዳካ፣ ሂንቴ ኤኪዳ ማርቴሳ እይሁዳይ ኤካና ሚላ ሃዲ ያሳሰ ከቴቶና ኢዲደሶና።

32 ያሳይ እሳ ኡባ ባ ማርቴሳ ቤሳናው ኮዩዲ፣ እሲ ኡባይ ከቴቶና ኢዳና ሚላ ኦሊሰ።

33 ያሳ ደሬቴሳ፣ ጨንጫቴሳኔ ኤራቴሳ ኣኩኪዲ ኦዳናይ ኦኔ? ኢያ ፐርዳይ ፐልጌቴና፣ ኢያ ኦጌይ ኤሬቴና።

34 ጌሻ ማፃፋን፣

«ሳዳ ቆፋ ኤሬይ ኦኔ?

ኢያ ዘራናው ዳንዳዔይ ኦኔ?

35 ያሳሰ ታልዔይኔ

ታልዔያ ዛሪዲ ኤኬይ ኦኔ?»

ያጌሰ።

36 ኡባ ኢ ሜፈሰ፤ ኡባይ ኢያን ዴዔሰ፤ ኡባይ ኢያ ቦንቸሳ። ያሳሰ ሜሪናው ቦንቸይ ገደ። አሚንዒ።

# 12

## ከሪሰቶሳን ኦራላ ደያ

1 ሂዛ፣ ታ ኢሻቶ፣ ሂንቴ፣ ሂንቴ ኣሳቴሳ ያሳ ኡፋይሲያ፣ ደያኔ ጌሻ ያርሾ ኦሊዲ፣ ኢማና ሚላ ታኒ ሂንቴና ያሳ ማርቴሳን ያሳይሰ። ያሳ ሂንቴ ጎይናናው ቤሲያ ቱማ ኦጌይ ሄሳ።

2 ሎዎ፣ ኡፋይሲይሳኔ ፖሎ ገዲዳ ያሳ ሼኒያ ሂንቴ ሻኪ ኤራናው ሂንቴ ቆፋን ላሜቲቴ ኣቲን ሃ ኣላሚያ ዳኖፐቴ።

3 ያሳይ ሂንቴ ኢሱዋሰ ኢሱዋሰ ኢሚዳ ኣማኑዋ ሚላ ዋዛና ሃሳዳ ቆፐቴ። ቆፐናው ቤሴይሳፊ ኣሊዲ ሂንቴና ዲማዩዲ፣ ኦቶሮን ቆፖሬቴ ጋዳ ታው ኢሜቲዳ ኣቆ ከሃቴሳን ሂንቴው ኦዳይሰ።

4 ኑ ኢሲ ኣሳቴሳ ገደን ዲማ ዲማ ከፊላቴ ደያሶና፤ ሄ ዲማ ዲማ ከፊላታሰ ዲማ ዲማ ኦሶይ ዴዔሰ።

5 ሄሳዳ፣ ኦኒ ዳር ኣሲ ገዲኮካ ከሪሰቶሳን ኢሲ ኣሳቴሳ ገዲዳ። ኦኒ ኢሲ ኣሳቴሳ ገዲዲ ዲማ ዲማ ከፊላቴ ኢሶይ ኢሱዋራ ኦይኬቲዳ።

6 ኦሰ ኢሜቲዳ ኣቆ ከሃቴሳን ዲማ ዲማ ኢሞታቲ ደያሶና። ኑ ኢሞይ ቲንቢት ኦደ ገዲኮ፣ ኦሰ ዴዒያ ኣማኑዋ ሚላ ኦዳናው ቤሴሰ።

7 ኑ ኢሞይ ሃራታ ማዶ ገዲኮ፣ ሄ ኦሱዋን ሚናናው ቤሴሰ፤ ታማርሶ ገዲኮ፣ ሄ ታማርሱዋን ሚናናው ቤሴሰ።

8 ኑ ኢሞይ ሃራታ ሚንሌላ ገዲኮ፣ ሚኒዲ ሚንሌላናው ቤሴሰ። ኑ ኢሞይ ኦሰ ዴዒያባፕ ሃራታሰ ኢሞ ገዲኮ፣ ዋዛናፕ ኢሞናው ቤሴሰ። ኑ ኢሞይ ኣይሶ ገዲኮ፣ ሚኒዲ ኣይሳናው ቤሴሰ። ኑ ኢሞይ ሃራታሰ ከሆ ገዲኮ፣ ኡፋይሳን ከሃናው ቤሴሰ።

9 ሂንቴ ሲቆይ ቆይፔ ቆዋን ገደናው ቤሴና። ኢታባ ኢዲቴ፤ ሎዎባ ሚንሌዲ ኦይኪቴ።

10 ኢሶይ ኢሱዋራ ኢሻዳ ሲቆይቴ፤ ኢሶይ ኢሱዋ ቦንቸቴ።

11 ኣዛሎፊቴ፤ ሂንቴ ኣያናን ሚኒዲ ጎዳሰ ኦሊቴ።

12 ያሳይ ኢሚዳ ኡፋይሳን ኡፋይቲቴ፤ ሜቲዋ ደንዳዒቴ፤ ኡባ ዋዶ ያሳ ዋሲቴ።

13 ኣማኒያ ጌሻታ ኮሺያባን ማዲቴ፤ ኢማላታ ሞኪቴ።

14 ሂንቴና ጎይይሳታ ኣንጂቴ፤ ኣንጂቴፕ ኣቲን ባዶፊቴ።

15 ኡፋይቲሳታራ ኡፋይቲቴ፤ ዬኪይሳታራ ዬኪቴ።

16 ኢሶይ ኢሱዋራ ኢሲ ቆፋን ዴዒቴ። ኦቶር ቆፋ ኣገዲ፣ ሂንቴና ካዉሺዲ፣ ካዉሻ ኦሶ ኦሊቴ። ሂንቴ ሂንቴና ጨንጫ ገዲ ቆፖሬቴ።

17 ኦኒካ ሂንቴው ኢታባ ኦሊኮ፣ ሄ ኡራሰ ኢታ ዛርፐቴ። ኣሳ ኡባ ሲንሳን ናሺሲያ ሎዎ ኦሶ ኦሊቴ።

18 ኣሳ ኡባራ ሳርን ዳናው ሂንቴው ደንዳዒቴያ ኡባ ኦሊቴ።

19 ታ ኢሻቶ፣ ሂንቴ፣ ሂንቴ ሁዔን ኣሳሰ ሃሎ ኬዮፐቴ። ያሳይ ሃሎ ኬያና ሚላ ኢያው ኣጋገቴ። ጌሻ ማፃፋን፣

«ታኒ ሃሎ ኬያና፤  
 ታኒ ኩሼ ዛራና»  
 ያጌሰ ጎዳይ፣ ጌቲቲዲ ፃፊቲሰ።  
 20 ሸን ገሻ ማፃፋን፣  
 «ኔ ሞርኬይ ኮሻቲኮ ሙዛ፤  
 ኢ ሳሞቲኮ ኡሻ።  
 ኔኒ ሄሳ ኦሊኮ ኢያ ሁጫን  
 ዩላ ታማ ቦንቆ ቆላሳ»  
 ጌቲቲዲ ፃፊቲሰ።  
 21 ኢታ ሎዖን ያናፔ ኣቲን ኢታን ያኔቶፋ።

### 13

#### ዴሪያ ኣይሴይሳታሰ ከቲቲላ

1 ያሳ ሸኔ ጊደናሸን ማቲ ኢሚቶና ጊሾኔ ሃላ ዴሪያ ሹማቲካ ያሳ ሸኔን ሹማቲዳ ጊሾ ኣሲ ኡባይ ዴሪያ ኣይሴይሳታሰ ከቲቲታናው ቤሴሰ።  
 2 ሄሳ ጊሾ፣ ማታራ ዴሪያሳታሰ ከቲቶና ኢዲያ ኦኒካ ያሳ ከታ ኢዲሰ። ከቲቶና ኢዲያ ኦኒካ ባ ቦላ ፐርዳ ኤሄሰ።  
 3 ኣይሴይሳቲ ኢታ ኦሊይሳታፔ ኣቲን ሎዖ ኦሊይሳታ ያሾኮና። ኣይሴይሳታሰ ያዮና ኣጋናው ኮያይ? ያኮ ሎዖ ኦላ፤ ኤንቲ ኔና ጋላታና።  
 4 ኤንቲ ኔው ሎዖባ ኦላናው ሹማቲዳ ያሳ ኣይሌ። ሸን ኔኒ ኢታባ ኦሊኮ፣ ኤንቲ ኢታባ ኦሊዲይሳ ሴሪያ ጊሾ ኢያው ያያ። ኤንቲ ኢታ ኦሊይሳታ ሴሪዲ፣ ያሳ ሃንቁዋ ቆንጨሲያ ያሳ ኣይሌ።  
 5 ሄሳ ጊሾ፣ ያሳ ሃንቁዋ ያላላሰ ጊደናሸን ሂንቲ ካሃይ ማርካቲያ ጊሾ ዴሪያ ኣይሴይሳታሰ ከቲቲታናው ቤሴሰ።  
 6 ሂንቲ ገራ ገሬይካ ሄሳሳ። ዴሪያ ኣይሴይሳቲ ሄ ኦሱዋ ኦሊይ፣ ኤንቲ ያሳ ኣይሌታ ጊዲዳ ጊሾሳ።  
 7 ኢሱዋሰ ኢሱዋሰ ቤሴይሳ ኢሚቲ። ገራ ገራናው ቤሴይሳሰ ገሪቴ፤ ቃራፃ ቃንፃናው ቤሴይሳሰ ቃራፃ ቃንፃቲ፤ ያያናው ቤሴይሳሰ ያዩቲ፤ ቦንቶይ ቤሴይሳ ቦንቶቲ።

#### ሲቁቲቲ

8 ኢሶይ ኢሱዋራ ሲቁቲቲ። ሲቆ ኣጮፔ ኣቲን ሂንቲ ቦላ ሃራ ኣጮይ ደፖ። ኣሴ ሲቁያ ኦኒካ ሂጌይ ጌይሳ ፖሊሰ።  
 9 «ላሞፋ፤ ዎቶፓ፤ ካይሶቶፓ፤ ኣሞቶፋ» ጊያ ከታይኔ ሃራ ከታ ኡባይ፣ «ኣሴ ኔ ሁዔዳ ደሳ» ጊያ ከታን ቃሽቲሰ።  
 10 ኣሴ ሲቁያ ኦኒካ ኢያ ቦላ ኢታባ ኦሊና። ሄሳ ጊሾ፣ ኣሴ ሲቁይሲ ሂጌ ከታ ፖሊሰ።  
 11 ጳሰኮሬ ሂንቲ ባርኪያ ዎዴይ ሃላ ጊዴይሳ ኣኬኪዲ ሄሳ ኦሊቲ። ኦ ኣታና ዎዴይ ኮይር ኦ ኣማኒዳ ዎዴያፔ ሃላ ኦኮ ማቲሰ።  
 12 ጴማ ዎዴይ ኣጻናው ሃኔሰ፤ ዎንጋይ ማቲሰ። ሂዛ፣ ኦኒ ጴማ ኦሶ ኣጊዲ ፖዖ ኦላ ማሺ ኦይኮሰ።  
 13 ኣኔ ጋላሰ ፖዖን ዴሪያ ኣሳዳ ማራን ዴዖሰ። ማሶኒኔ ላይማቲላራ ጋሂቲያ ዲማ ዲማ ቲና ኦሶታን፣ \* ፓላማኒኔ ቃናቲን ጊደፖ።  
 14 ጎዳ ዩሱሰ ከሪሰቶሳ ካንዲዋ ማዒቲ፤ ሂንቲ ናጋራንቾ ኣሳቴላይ ባ ኣሙዋ ፖላና ማላ ኢያው ቆፖሬቲ።

### 14

#### ኣሳ ቦላ ፐርደፊቲ

1 ኣማኖን ዲቡሪዳ ኦናካ ሸሽ ኤኪቴፔ ኣቲን ኢያ ቆፋ ቦላ ፐርደፊቲ።  
 2 ለሚሰሰ፣ ኣማኖን ሚኒዳ ኢሲ ኣሴ ኣይ ካሊካ ማናው ዳንዳዒሰ። ሸን ኣማኖን ዲቡሪያ ኣሲ ኣታክሊቲ ያላላ ሚሰ።  
 3 ኡባባ ሚያ ኣሲ ሞና ኡራ ካቶፖ። ኡባባ ሞና ኣሲ ሚያ ኡራ ቦላ ፐርደፎ። ያሳይ ኡባ ሚያ ኡራ ሸሽ ኤኪሰ።

12:19 ዛሬ 32:35    12:20 ለሚ 25:21    13:6 ማቶ 22:21፤ ማር 12:17፤ ሉቃ 20:25    13:9 ከሳ 20:13-17፤  
 ዛሬ 5:17-19፤ ለዌ 19:18    \* 13:13 ላይማቲላራ ጋሂቲያ ዲማ ዲማ ቲና ኦሶታን፣ ዎይኮ ዩላን፣ ማሶን፣ ላይማቶን፣  
 ቃይያን ጊደፖ ጊዲ ቢላናው ዳንዳዒቲሰ። ላይማቲላራ ጋሂቲያ ዲማ ዲማ ቲና ኦሶቲ ኣሲ ያሳ ሃርፔ ካራ ከዪዲ ደዳ ካንዳ  
 ኤኪዲ ፖሊያ ኦሶ ጉሱ።    14:1 ቆላ 2:16

4 ሃራ እሳ አይሌ ቦላ ፐርዳይ ነኒ ኦኔ? ኢ ዳቡሪን ወይኮ ሚኒን ባ ጎዳሳ። ጎዳይ ኢያ ኤሳናው ዳንዳዲያ ጊሾ ኢ ሚኒዲ ኤቃና።

5 ቃሲ «ኢሲ ጋላሳይ ሃራ ጋላሳፔ አዲስ» ያጊዲ ቆፐፕ እሲ ዳዔስ። ሃራይ ቃሲ፣ «ጋላሳፔ ኡባይ ኢሲ ሚላ» ጊዲ ቆፐስ። ሺን ኢሶይ ኢሶይ ባ ቆፋ እኩኪዲ ቃቾ።

6 ኢሲ ጋላሳ ሃራ ጋላሳፔፔ አሊዲ ቦንቲያ ኦኒካ ጎዳ ቦንቾሰ ጊዲ ኦሌስ። ኡባ ካሊ ሚያ እሲ ጎዳ ቦንቾሰ ጊዲ ሚስ። ኢ ሚያ ሄ ካላ ጊሾ ያሳ ጋላቴስ። ኡባ ካሊ ሞና እሲ ጎዳ ቦንቾሰ ሞና እኒስ፤ ቃሲ ሞና እጎን ያሳ ጋላቴስ።

7 ኑፔ ኦኒካ ባው ዳና፤ ቃሲ ኑ ጊዳፌ ኦኒካ ባው ሃይቆና።

8 ኑ ዳዎን ዳዲኮ ጎዳሰ ዳዎስ፤ ቃሲ ሃይቁኮካ ጎዳሰ ሃይቆስ። ሃዛ፣ ኑ ዳዎን ዳዲን ወይኮ ሃይቁን ጎዳሳ።

9 ከሪሰቶሲ ሃይቁዲ ሃይቆፔ ዳንዲዳይ፣ ዳዎን ዳዔይሳጋሰኔ ሃይቁዳይሳጋሰ ጎዳ ጊዳናሳ።

10 ያፕጉ፣ ኔኒ ኔ ኢሻ ቦላ አይሰ ፐርዳይ? ወይኮ ኔኒ ኔ ኢሻ አይሰ ካላይ? ኑኒ ኡባይ ያሳ ፐርዳ አራጋ ሲንላን ኤቃና።

11 ጌሻ ማፃፋን ጎዳይ፣

«ታኒ ዳዎን ዳዔይሰ፤  
አሳ ኡባይ ታ ሲንላን ጉልባጋና፤  
ታኒ ያሴ ጊዳይሳ ማርካጋና»

ያጌስ።

12 ሃዛ፣ ኑ ኦሊዳባሰ ኑ ሁዔን ሁዔን ያሳ ሲንላን ሸቂዲ ዛር አማና።

**ሃራ እሲ ቆቤሶፋ**

13 ሃሳ ጊሾ፣ ኑኒ ኢሶይ ኢሱዋ ቦላ ፐርዳይሳ አጎስ። ሺን ሂንቴ ኢሻ ቆብሲዲ ወይኮ ቃዲዲ ናጋራን ጌልሲያባ ኦላናዳ ናጌቴቴ።

14 ጎዳ ዩሱሳ አማኒያ አሳዳ፣ ባ ሁዔን ቱና ጊዲዳ ካሊ ባይናይሳ ታኒ ጌሻዳ ኤራይስ። ሺን ኢሲ እሲ ኢሲባ ቱና ጊዲ ቆፐፐ ሃሲ ኢያው ቱና ጊዳይ።

15 ኔ ሚያ ካሳ ጊሾ ኔ ኢሻ ቆቢያባ ጊዲኮ፣ ከሪሰቶሲ ዳዲ ኔ ኢሻ ሲቃካ። ከሪሰቶሲ ኢያ ጊሾ ሃይቁዳ ኡራ ኔ ሚያ ካሳን ኢያ አያና ዳቦታ ቆይሶፋ።

16 ሃዛ፣ ሂንቴው ዳዲያ ላባቴሳ ሃራቴ ቦራና ሚላ ኦላፊቴ።

17 ያሳ ካዋቴላይ ጌሻ አያናን ቤንቴያ ያሎቴላ፣ ሳርቴላ ኑፔ ሙኡፋይሲፌ ኣቴን ሙሳባኔ ኡሻባ ጊዳና።

18 ሃሳዳ ከሪሰቶሳሰ ኦሊያ እሲ ያሳ ኡፋይሲስ፤ አሳንካ አንጃቴስ።

19 ሃሳ ጊሾ፣ እኔ ኑኒ ሳርቴላ ቤንቴያ ኦጊያኔ ኢሱዋ ኢሱዋ አማናን ሚንሊያ ኦጊያ ኮኖስ።

20 ካላ ጊሾ ጋዳ ያሳ ኦሱዋ ቆይሰሶፋ። ኡባ ካሊ ሜቴቴስ፣ ሺን ሃራ እሲ ናጋራን ቆብሲያ ካሊ ሙሲ ኢጋ።

21 ኔ ኢሻይ ቆቤቶና ሚላ አሾ ሞና ወይኮ ኡሾ ኡኖና ወይኮ ኔ ኢሻ ቆቢያ ሃራባ ኦላና አጎይ ሎዎ።

22 ሃዛ፣ ሃ ኔ አማኑዋ ኔ ጊዳኒኔ ኔ ያሳ ጊዳን ናጋ። ሊኬ ጊዲ ቆፐፐዳባ ኦሊያ ዋዳ ኢያ ካሃይ ሞቶና ኡራይ አንጃቴዳይሳ።

23 ሺን ሲቆሺ ሚያ ኡራሰ ኢያ ሙሳይ አማናን ጊዳና ጊሾ ፐርዳቴስ። አማናይ ባይና ኦሱቴዳ ኦሶ ኡባይ ናጋራ።

# 15

**ሃራጋ ኡፋይሳናው ቤሴሰ**

1 ኑኒ አማናን ሚንዳይሳቴ ዳቡራንቾታ ቶሁዋ ቶካናው ቤሴስ። ኑኒ ኑና ኡፋይሳናው ቤሴና።

2 ኑኒ ኑ ኢሻ አማናን ሚንሳናው ኢያ ማዳናውኔ ኡፋይሳናው ቤሴስ።

3 ከሪሰቶሲ ባና ኡፋይሲቤና። ሺን ጌሻ ማፃፋን፣ «አሳይ ኔና ጫደዳ ጫሻይ ታና ጋከሰ» ጌቴቴ ፃፊቴዳይሳዳ ሃኒስ።

4 ጌሻ ማፃፋይ ኢሚያ ጌንጫኒኔ ሚንሌሉዋን ኑ ኡፋይሳ ኤካና ሚላ ጌሻ ማፃፋን ፃፊቴዳ ኡባይ ኑና ታማርሳናው ፃፊቴስ።

5 ጌንጫኔ ሚናቴላ አሚያ ጎዳይ ሂንቴ ከሪሰቶሰ ዩሱሳ ካሊያ ዋዳ ኢሲፊቴላ ሂንቴው አሞ።

6 ሃሲካ፣ ኑ ጎዳ ዩሱሰ ከሪሰቶሰ አዋ፣ ያሳ፣ ኢሲ ዋዛናኒኔ ኢሲ ቃላን ሂንቴ ቦንቻና ሚላሳ።

**ዋንጊላይ አሳ ኡባሳ**

7 ከሪሰቶሲ ሂንቴና ኤኪዳይሳዳ ያሳ ቦንቾሰ ኢሶይ ኢሱዋ ኤኪቴ።

8 ያሳይ ቤኒ አዋጋስ አሚዳ ኡፋይሳይ ፖሌጋና ሚላኔ ኢያ ተማቴላይ ኡሬጋና ሚላ ኪሪስቶሲ አይሁዳጋ አይሌ ጊዲዲ ዩዳይሳጋ ጋ ሂንቴው ኦዳይሲ።

9 ኪሪስቶሲ አይሁዳጋ አይሌ ጊዲዲ ሃራ ጋሶይ ቃሲ አይሁዳ ጊደና አሳቲ ያሳ ኢያ ማሮቴላ ጊሾ ጋላጋና ማላሳ። ጌሻ ማፃፋን፣

«ጋ ኔና አይሁዳ ጊደና አሳ ጊደን ጋላጋና፤  
ኔ ሱንሳ ሳባና»

ጌቴተዲ ዓፌተዳይሳዳ ሃኒሰ።

10 ቃሲ፣  
«አይሁዳ ጊደና አሳው፣  
ያሳ ዳሪያራ ኡፋይተቴ»

ያጌተሰ።

11 ቃሲ ዛሪዲ፣  
«አይሁዳ ጊደና አሳው፣  
ጎዳ ጋላቲቴ፤  
ካዎቴላ ኡባይ ኢያ ሳቢቴ»

ያጌተሰ።

12 ሄሳዳ አሳያሲ፣  
«ኢሴዬ ዛሬፔ ዬሉተያ ኢሶይ ያና፤  
ኢ ካዎቴላ ኡባ ሃራና።  
ኢንቴ ባንጋ ኡፋይሳ ኢያ ቦላ ዎላና»

ያጌሰ።

13 ጌሻ አያና ዎልቃን ሂንቴ ዲጫና ሚላ ኡፋይሲ አሚያ ያሳይ፣ ሂንቴ አማኑዎ ጋሶን ሂንቴው ኡፋይሲኔ ሳሮቴሌ ኩሚሌ አዎ።

**ጳውሎሲ ዓፌዳ ጋሱዎ**

14 ጋ አሻቶ፣ ሂንቴናን ሎጎቴሌኔ ኡራቴሌ ኩሚዳይሳ ቃሲ ኢሶይ ኢሱዎ ዞራናው ዳንዳዲይሳ ጋ ጌሻዳ ኡራይሲ።

15 ጋኒ ሂንቴና ኢሲ ኢሲባ ጉጅ አኬኪሳናው ኮያዳ ያዮና ሃ ዳብዳቢያ ሂንቴው ዓፋሰ።

16 ጋኒ ኪሪስቶሲ ዬሱሳ አይሌ ጊዲዲ፣ አይሁዳ ጊደና አሳሰ ካሂኔዳ ኦላዳ፣ ዎንጌላ ኦዳና ሚላ ያሳይ ጋው አጵ ኬሃቴላ አሚሰ። አይሁዳ ጊደና አሳይ ጌሻ አያናን ጌዪዲ፣ ያሳ ኡፋይሲያ ያርሾ ጊደና ሚላ ያሳይ ሄሳ ኦሊሰ።

17 ጋኒ ኪሪስቶሲ ዬሱሳን ጊዲዳ ያሳሰ ኦሊያ ኦሱዎን ጨቁጋይሰ።

18 አይሁዳ ጊደና አሳይ ያሳሰ ከቴጋናዳ፣ ኪሪስቶሲ ጋ ቃላኔ ጋ ኦሱዎ ባጋራ ኦሊዳ ኦሱዎፔ አቲን ሃራ ጋ ጨቁጋይሳይ ባዎ።

19 ያሳይ ሄሳ ማላጋኒኔ ጌሻ አያና ዎልቃን ዎቲ ኦሊዳኮ ጋ ሂንቴው ኦዳና። ጋኒ ዬሩሳሌሚቴ ደማዳ፣ አሊዎርቆኔ ጋካናው ኪሪስቶሳ ዎንጌላ ሳባካሰ።

20 ጋኒ ሃራ አሲ ባሲዳ ቤሳን ኬያናው ኮዪኬ። ኪሪስቶሳ ሱንሳይ ጃጌቲቦና ቤሳን ዎንጌላ ኦዳናው አዎጋይሰ።

21 ጌሻ ማፃፋን፣  
«ኢያባይ ኦዳተቦና አሳቲ ኢያ ቤዓና፤  
ኢያባ ሲዲቦና አሳቲ አኬካና»

ጌቴተዲ ዓፌተሰ።

**ጳውሎሲ ሮሜ ባናው ቆፒስ**

22 ሄሳ ጋሶን፣ ጋኒ ሂንቴኮ ያናው ዳንዳባቢኬ።

23 ሸን ጋኒ ሃዲ ሃ ሄራን ጋ ኦሱዎ ኦንጊዳ ጊሾኔ ዳር ላይላፌ ደማዳ ሂንቴና ቤዓናው ላዎቲዳ ጊሾ

24 ጋኒ ኢሰፔኔ ባሼ ሂንቴና ቤዓናው ቆፓሰ። ቃሲ ጉላ ዎዳ ሂንቴራ ኡፋይተዳፔ ጉዬ ኢሰፔኔ ቢያ ዎዳ ሂንቴ ጋ ኦጊያሰ ጋና ማዳና ሚላ ኮያይሰ።

25 ሸን ሃዲ ጋኒ ያሳ አሳጋ ማዳናው ዬሩሳሌሚ ባይሰ።

26 ማቁደኒያኔ አካያን ዳዲያ ያሳ አሳቲ፣ ዬሩሳሌሚን ዳዲያ ማንቆጋ ሚሾን ማዳናው ኮዪዳ ጊሾሳ።

27 እንገደ ማንቆታ ማዳናይሲ እንታው አቶናባ ጊዲዳ ገሾ ባንታ ሁዒን ሄሳ ኦላናው ቆፋ ቃቺዶሶና። አይሁዳቲ አይሁዳ ገደናይሳታራ አያና አንጅቆ ሻኬቲኮ። እንገደ ቃሲ ባንታው ዴዒያባን አይሁዳታ ማዳናው ቤሲስ።

28 ሄሳ ገሾ፣ ታሪ ሄ ሸቂዳ ሚሽያ እንታው አሚዳፔ ጉዬ አሲፔኔ ባሽ ሂንቴ ማታራ አቆና።

29 ታሪ ሂንቴኮ ቢያ ዋዴ ኪሪሰቶሳ አንጅቆን ኩማዳ ባናይሳ ኤራይሲ።

30 ታ አሻቶ፣ ታው ያሳ ዋሲሼ ታ ባደያን ታራ ኤቃና ሜላ ጎዳ ዩሱስ ኪሪሰቶሳኒኔ ገሻ አያና ሲቁቆን ሂንቴና ዋሳይሲ።

31 ያሳይ ታና ዪሁዳን ዴዒያ አማናና አሳታፔ አሻናዳኔ ዩሩሳላሚን ታ ኦላና ኦሶይ ያሳ አሳታ ማታን ኤኬታና ሜላ ታው ዋሲቴ።

32 ቃሲ ያሲ ገኮ፣ ታሪ ሂንቴኮ ባዳ ኤፋይሳን ሂንቴራ ሸምፓና ሜላ ታው ዋሲቴ።

33 ሳርቴላ ያሳይ ሂንቴ ኡባራ ገደ። አሚንዒ።

# 16

## ሳርሉ

1 ኪንኪሪያ ካታማን ዴዒያ ዋሳ ኬላን ኦሊያ ኑ ሚቺያ ፊባ ሎፖ ማጫስ ገዴይሳ ሂንቴ ኤራና ሜላ ኮያይሲ።

2 ሂንቴ አዮ አማኒያ አሳቲ ጎዳ ሱንላን ሞካናው ቤሲያ አማኒያ አሳታፔ አሱዋዳ ሞከቲ። አያ ሂንቴፊ ኮያባ ኡባ አዮ ማዲቴ። አያ ባ ሁዒን ዳር አሳ ማዳሱ፣ ቃሲ ታና ታ ሁዒንካ ዳር ማዳሱ።

3 ኪሪሰቶስ ዩሱሳ ኦሱዋ ታራ አሲፊ ኦሊያ ጰሪሰቂላኔ አቂላ ሳር ገቲ።

4 እንገደ ታ ገሾ ባንታ ሸምፑዋ አላ አሚዶሶና። ታ ፃላላ ገደናሽን አይሁዳ ገደና አሳ ዋሳ ኬላ ኡባይ እንታ ጋላቴሲ።

5 እንታ ሶን ሸቂያ አማኒያ አሳ ሳር ገቲ።

አሲያ ቢታን ኪሪሰቶሳ ኮይር አማኒዳ፣ ታ ዶሲያ ኤጳኔያሳስ ታ ሳርሉዋ ኦዲቴ።

6 ሂንቴ ገሾ ኦሶን ዳር ዳቡራዳ ማይራዎ ሳር ገቲ።

7 ታራ ቃሾ ኬላን አላዳ ታ አይሁዳ ላኒታ አንዲርኒቆሳኔ ዩኒያሳ ሳር ገቲ። እንገደ ዩሱሳ ሃዋሬታ ገደን ኤሬቲዳይሳታ። ቃሲ እንገደ ኪሪሰቶሳ ታፔ ሲንሌ አማኒዶሶና።

8 ጎዳን አማኒያ ታ ስቆ ላጊያ፣ አምጸሊያያሳ ሳር ገቲ።

9 ኪሪሰቶሳ ኦሱዋ ኑራ አሲፊ ኦሊያ ኡርባናሴኔ ታ ዶሲያ አሲታኩሳ ሳር ገቲ።

10 ኪሪሰቶሳን አማንሊያ አይሊያ አጸሊሳስ ታ ሳርሉዋ ኦዲቴ። አርሰፖቡሎሳ ሶ አሳስ ታ ሳርሉዋ ኦዲቴ።

11 ታ አይሁዳ ላጊያ ሄርዲዮና ሳር ገቲ።

ናርሲሳኔ አያ ሶ አሳፔ ኪሪሰቶሳ አማኒዳይሳታ ሳር ገቲ።

12 ጎዳ ኦሱዋን ዳቡሪያ ቲሩፋይናኔ ቲሩፎሳ ሳር ገቲ። ቃሲ ጎዳስ ዳር ዳቡራዳ ኦሊያ፣ ታ ዶሲያ ጳርሲሶ ሳር ገቲ።

13 ጎዳ ኦሱዋን ዳር ኤሬቲዳ ሩፎሳሲኔ ታና ባ ናዳዳ ቤዒያ አያ አይሰ ታ ሳርሉዋ ኦዲቴ።

14 አሲኒኪርቶሳስ፣ ፊላጎናስ፣ ሄርሜሳስ፣ ፓቲርባሳሲኔ እንታራ ዴዒያ አማኒያ እሻታ ኡባስ ታ ሳርሉዋ ኦዲቴ።

15 ፊሎሎጉሳ፣ ዩሊያ፣ ኔሪያ፣ አያ ሚቺው፣ ኦሎምፖሳኔ እንታራ ዴዒያ አማኒያ አሳ ኡባ ሳር ገቲ።

16 ገሻ ዩሬቴሌ ዩሬቲሼ፣ አሶይ አሱዋ ሳርሊቴ። ኪሪሰቶሳ ዋሳ ኬላ ኡባይ ሂንቴና ሳር ሃሳሶና።

## ወርሲላ ዞሬ

17 ታ አሻቶ፣ ሂንቴ ታማሪዳ ቲሚርቲያ አዲዲ፣ ሂንቴ ገደን ሻኬቲሌኔ ሜቶ ሜጲያ አሳታፔ ናገቲቴ። እንታፊ ሃኪቴ።

18 ሄሳ ሜላ አሳቲ ባንታው ኦሎናፔ አቲን ኑ ጎዳ ኪሪሰቶሳስ ኦሎኮና። ባንታ ማልዒያ ዶናኒኔ ሳጸሊያ ቃላን አይኮ ኤርና አሳ ዋዛና ባሌሎና።

19 ዋንጌላስ ሂንቴ ከቴቲዳይሳ አሳ ኡባይ ሲዒዳይሲ ታና ኡፋይሲስ። ሽን ሂንቴ ሎፖባ ኤራና ማላኔ አታባፔ ሃካና ሜላ ታ ኮያይሲ።

20 ሳርቴላ ያሳይ ፃላሂያ ሂንቴ ቶሁዋፔ ጋርሳን ጋጩ ዩጋና።

ኑ ጎዳ ዩሱስ ኪሪሰቶሳ አቶ ኬሃቴሳይ ሂንቴራ ገደ።

21 ታራ ኦሌያ ደሞቲዮሲ ሂንቴና ሳሮ ያጌሰ። ሂሳዳካ፣ ታ ዳቦቲ ሉቁዮሲ፣ ያሶኒኔ ሶስጳዊሮሲ ሂንቴና ሳሮ ያጎሶና።

22 ሃ ዳብዳቢያ ጳጳሎሳስ ፃፊዳ ታኒ፣ ፃርዲዮሲ፣ ሂንቴና ጎዳ ሱንጻን ሳሮ ያጋይሰ።

23 ታና ሞኪዳይኔ ዋሳ ከላ ኡባይ ኢያ ሶን ሸቋያ ጋዮሲ፣ ሂንቴና ሳሮ ያጌሰ። ካታማ ሚሺያ ኦይኪያ ኤራስዮሲኔ ኑ ኢሻ ቃርዮሲ ሂንቴና ሳሮ ያጎሶና። [

24 ኑ ጎዳ ዩሱስ ኪሪስቶሳ ኦቶ ኬሃቴላይ ሂንቴ ኡባራ ጊዶ። አሚንዮ።] \*

25 ያሳስ ጋላቲ ጊዶ። ታኒ፣ ዩሱስ ኪሪስቶሳሳ ኦዲያ ዋንጌላ ቃላኒኔ ዳሮ ዋዴፔ ቆሱቲዲ ጋሞዲዳ ቱማቴሳን፣ ያሳይ ሂንቴና አማኖን ሚንሲዲ ኤሳናው ዳንዳዴሰ።

26 ሸን ሃዲ ሄ ቱማይ ቆንጨሰ። ካዎቴላ ኡባይ አማኒዲ ኪቴታና ሜላ ሜሪና ያሳ ኪታን ናቤቲ ሄ ቱማባ ፃፊዶሶና።

27 ዩሱስ ኪሪስቶሳ ባጋራ ጨንጫቴላ ኢያ ፃላላስ ዴዲያ፣ ኢሲ ያሳስ ሜሪናው ቦንቾይ ጊዶ። አሚንዮ።

# ጳውሎስ ቆርንቶሳ ኣሳስ ፃፊ ዓይነት ክታ ገላ ቆፋ

ጳውሎስ ቆርንቶሳ ኣሳስ ፃፊ ዓይነት ክታ ገላ ቆፋ፡ ጳውሎስ ቆርንቶሳን ኤሲዳ ዋሳ ኩላን ኣማኒያ ኣሳ ደዖኒኔ ኣማኖ ቦላ ደንዲዳ ማቴዎስ ዛር ኣማኖሳ። ሄ ዋዴ ቆርንቶሳ ካታማይ ቢታን ዲዒያ ዲማ ዲማ ኣሳይ ዲዒያ ገሪኩ ካታማኔ ኣካያ ገያ ሮሜ ኣወራጃስ ዋና ካታማ። ሄ ካታማይ ዛልዒን ኤሬቲዳ፡ ዋጋን ሚኒዳ፡ ዲማ ዲማ ኢታ ደዖን ዳልገዳይሳኔ ሃይማኖቲ ዳርቴላን ኤሬቲዳይሳ።

ሃዋሬይ ማንሊዲ ኦዳናው ኮዩዳይ፡ ሄ ዋሳ ኩላ ገደን ማዴቲዳ ሻሆቴላባ፡ ዲማ ዲማ ኢታ ደዖባ፡ ላይማቴላባ፡ ኤኮ ገሎባ፡ ዋሳ ኩላ ዋጋባ፡ ጌሻ ኣያና ኣሞታታባኔ ሃይቆፔ ደንደባ። ዋንጌላይ ሃ ኦይሻታ ዋቲ ዛሪያኮ ሃዋሬይ ናጊዲ ኦዳስ።

ሲቆይ ያሳይ ባ ኣሳስ ኣሚዳ ኣቶ ኣሞታ ገደይሳ ሸምፖ ታማኔ ሃሻይ ቆንጨሲስ፤ ቃሲ ሸምፖ ታማኔ ሃሻይ ሃ ማፃፋን ዳር ኤሬቲዳ ኩፊሌ ጌቲቲዲ ኤሬቲስ።

## 1 ቆርንቶሳ ክታ ኣይፌ ቆፋታ

- ጌሎ ቆፋ 1:1-9
- ኣማኒያ ኣሳ ገደን ማዴቲዳ ሻሃቴላ 1:9-4:21
- ላይማቴሲኔ ሶ ኣሳ ደዖ ዋጋ 5:1-7:40
- ኣማኒያ ኣሳኔ ኣማኖና ኣሳ 8:1-11:1
- ዋሳ ኩላኔ ጎይኖ ዋጋ 11:2-14:40
- ከሪስቶሳ ደንዲዳዎኔ ኣማኒያ ኣሳ ደንዲዳ 15:1-58
- ዪሁዳን ዲዒያ ማቴቲዳ ኣማኒያ ኣሳስ ማዶ 16:1-4
- ኩሻ ቆፋ 16:5-24

- 1 ያሳ ሸኒያን ዬሱስ ከሪስቶሳ ሃዋሬ ገዳናው ጃጌቲዳ ጳውሎስኔ፡ ኦ ኣሻ ሶስቲኒሲ፡
- 2 ቆርንቶሳን ዲዒያ ያሳ ዋሳ ኩላስ፡ ዬሱስ ከሪስቶሳን ጌዪዳይሳታሲኔ ጌሺ ገዳና ማላ ጃጌቲዳይሳታሲ፤ ቃሲ ኤንታሲኔ ኮስ ጎዳ ገዲያ ኦ ጎዳ ዬሱስ ከሪስቶሳ ሱንላ ኡባ ቤሳን ጃጌያ ኡባስ፤

3 ያሳይ፡ ኦ ኣዋይኔ ጎዳይ ዬሱስ ከሪስቶሲ ሂንቴው ኣቶ ኩሃቴላኔ ሳርቴላ ኣሞ።

### ጳውሎስ ያሳ ጋላቲስ

- 4 ያሳይ ከሪስቶስ ዬሱሳ ባጋራ ሂንቴው ኣሚዳ ኣቶ ኩሃቴላ ጊሾ ታኒ ኡባ ዋዴ ያሳ ጋላታይስ።
- 5 ኢያን ኦዳኒኔ ኤራቴላ ኡባን ሂንቴ ዲሬቲዳታ።
- 6 ታኒ ከሪስቶሳባ ማርካቲዳይሲ ቱማ ገደይሳ ሄሲ ቆንጨሲስ።
- 7 ሄሳ ጊሾ፡ ሂንቴ ኦ ጎዳ ዬሱስ ከሪስቶሳ ዩሳ ናጊሼ ዲዒሺን፡ ኣይ ኣያና ኣሞይካ ሂንቴው ፓጩና።
- 8 ኦ ጎዳ ዬሱስ ከሪስቶሲ ሲሚያ ዋዴ ሂንቴ ቦሬቶናይሳታ ገዳና ማላ ኢ ወርሴላ ጋካናው ሂንቴና ሚንላና።
- 9 ባ ናና፡ ኦ ጎዳ ዬሱስ ከሪስቶሳራ ኢሲፊቴላይ ዳና ማላ ሂንቴና ጃጌዳ ያሳይ ኣማኔቲዳይሳ።

### ዋሳ ኩላን ዲዒያ ሻሁዋ

- 10 ታ ኣሻቶ፡ ሂንቴ ገደን ሻኩቴላ ዶናዳ ሂንቴ ኢሲ ዋዛናኒኔ ኢሲ ቆፋን ኢሶ ገዲዲ፡ ዳና ማላ ኦ ጎዳ ዬሱስ ከሪስቶሳ ሱንላን ታ ሂንቴና ዋሳይስ።
- 11 ታ ኣሻቶ፡ ቁሎዔ ሶ ኣሳይ ሂንቴ ገደን ኦሺ ዲዒይሳ ታው ኦዲደሰና።
- 12 ሂንቴፊ ኢሶቲ ኢሶቲ፡ «ታኒ ጳውሎሳሳ፤ ታኒ ኣጲሎሳሳ፤ ታኒ ጳይርሳሳ፤ ታኒ ከሪስቶሳሳ» ያጌታ።
- 13 ከሪስቶሲ ሻኩቲዴዬ? ሂንቴ ጊሾ ማስቃሊያ ቦላ ካቲቲዳይ ጳውሎሴዬ? ዋይኮ ሂንቴ ጳውሎሳ ሱንላን ፃማቂቲዳቲዬ?
- 14 ታኒ ቃሪስጶሲኔ ጋዮሲ ኣቲን ሂንቴፊ ኦናካ ፃማቃቦና ጊሾ ያሳ ጋላታይስ።
- 15 ሄሳ ጊሾ፡ ኦኒካ ሂንቴና ታ ሱንላን ፃማቂቲዳታ ጋናው ዳንዳዒና። [
- 16 ቃሲ ኢስፃፋናሴ ሶ ኣሳካ ታ ፃማቂዳይሳ ኣኩካይስ፡ ሸን ሃራ ኦና ፃማቂዳኮ ሃሳዪኩ።]



17 ከሪስቶሲ ታና ከቲዳይ ዋንጌላ ኦዳና ማላሳፌ ኦቲን ፃማቃና ማላ ጊዳና። ከሪስቶሲ ማስቃሊያ ቦላ ሃይቂዳይሲ ሃዳ ጊዳና ማላ ታኒ ኦሳ ጨንጫቴላ ቃላን ኦዲኬ።

**ከሪስቶሲ ያሳ ዋልቃኔ ጨንጫቴላ**

18 ከሪስቶሲ ማስቃሊያ ቦላ ሃይቂዳይሳ ኦዲያ ቃላይ ቆዬይሳታሰ ኤያቴሌ። ሺን ኦሰ ኦቲይሳታሰ ያሳ ዋልቃ።

19 ጌሻ ማፃፋን።

«ታኒ ጨንጫታ ጨንጫቴላ ቆይሳና፤

ኦኬንጎቾታ ኦኬን ባሌላና»

ያጌሰ።

20 ያቲን። ጨንጨ ኦዲን ዳዒ? ሂጌ ኦሰታማሬይ ኦዲን ዳዒ? ዋይኮ ሃ ሳዓ ኤራንቾይ ኦዲን ዳዒ? ያሳይ ሃ ሳዓ ጨንጫቴላ ኤያቴሌ ኦሲቤኔ?

21 ሃ ሳዓ ኦሳይ ባንታ ጨንጫቴላን ያሳ ኤርና ማላ ባ ጨንጫቴላን ዲጊዲ። ኤያቴላን ታይቤቲያ። ኦኒ ኦዲያ ቃላን ኦማኔይሳታ ኦሻናው ያሳ ሺኔ ጊዲሰ።

22 ኦይሁዳቴ ማላታ ቢዓናው ኮኖሶና፤ ቃሲ ገሪኬቲ ጨንጫቴሌ ኮኖሶና።

23 ሺን ኦኒ ማስቃሊያ ቦላ ካቂቲዳ ከሪስቶሳ ሳባኮሰ። ሄሲ ኦይሁዳታሰ ቆቤ፤ ቃሲ ገሪኬታሰ ኤያቴሌ።

24 ሺን ያሳይ ቂጊዳይሳታሰ። ኦይሁዳ ጊዲን። ገሪኬ ጊዲን ከሪስቶሲ ያሳ ዋልቃኔ ኤያ ጨንጫቴላ።

25 ያሳ ኤያቴላይ ኦሳ ጨንጫቴላፌ ኦዲሰ፤ ቃሲ ያሳ ዳቡራይ ኦሳ ሚናቴላፌ ሚኔሰ።

26 ሃዛ። ታ ኦሻቶ። ያሳይ ሂንቴና ቂጊያ ዋዴ ሂንቴ ኦይ ማላ ኦሲኮ ቆጥቴ። ኦሳ ቆፋን ሂንቴ ገደን ጨንጫቴ። ዋልቃማቲኔ ቆቃ ዛሬቲ ደኮና።

27 ሺን ያሳይ ጨንጫታ ዬላያናው ኦላሚን ዳዒያ ኤያታ ዶሪሰ፤ ቃሲ ሚናታ ዬላያናው ኦላሚን ዳዒያ ዳቡራንቾታ ዶሪሰ።

28 ያሳይ ሃ ኦላሚያን ገታ ጌቲቲዳባ ቆይሳናው። ሃ ሳዓ ካወሻባ። ካዴቲዳባኔ ፓላናባ ዶሪሰ።

29 ኦኒካ ያሳ ሲንላን ጨቁቶና ማላ ሄሳ ኦሲሰ።

30 ሺን ያሳይ ሂንቴው ከሪስቶሲ ዬሱሳራ ኤሲፊቴሌ ዳና ማላ ኦሲሰ። ኤ ኦሰ ያሳፌ ጨንጫቴሌ። ያሎቴሌ። ጌሻቴሌኔ ኦቶቴሌ ጊዲሰ።

31 ሄሳ ጊሾ። ጌሻ ማፃፋን። «ጨቁቲያ ኦኒካ ጎዳን ጨቆ» ያጌሰ።

## 2

**ከሪስቶሳ ካቂቴላ**

1 ታ ኦሻቶ። ታኒ ኮይሮ ያሳ ቃላ ሂንቴው ኦዳሼ ዬዳ ዋዴ ደና ቢላቴላኒኔ ጨንጫቴላን ያበኬ።

2 ታኒ ሂንቴራ ዳዒያ ዋዴ ማስቃሊያ ቦላ ካቂቲዳ ዬሱሰ ከሪስቶሳገቴ ኦቲን ሃራባ ኤራናው ኮዩኬ ጋዳ ታ ቆፋ ቃቻሰ።

3 ታ ሂንቴራ ዳዒያ ዋዴ ዳቡራን። ያሻኒኔ ዳሮ ኮኮርሳን ዳዒሰ።

4 ታ ከታይኔ ታ ቲሚርቴይ ደና ቢላቴላኒኔ ጨንጫቴላን ጊዳናሺን ጌሻ ኦያና ዋልቃ ቆንጨሴላና።

5 ሄሲካ። ሂንቴ ኦማኖይ ያሳ ዋልቃናቴ ኦቲን ኦሳ ጨንጫቴላን ዘምፖና ማላሳ።

**ያሳ ጨንጫቴላ**

6 ኦያና ዳዒያን ዲጨዳይሳታሰ ኦኒ ጨንጫቴላ ቃላን ኦደሰ። ሺን ሄ ጨንጫቴላይ። ሃ ሳዓ ጨንጫቴላ ዋይኮ ቆያናው ዳዒያ ሃ ሳዓ ሃራይሳታ ጨንጫቴላ ጊዳና።

7 ሺን ኦኒ ኦዲያ ጨንጫቴላይ። ዳሮ ዋዴ፤ ሲንሌ ያሳይ ኦ ቦንቾዋሰ ገጊሲዳይሳኔ ጌሚዲ ዳዒያ ፀራ ጨንጫቴላ።

8 ሃ ሳዓ ሃራይሳታ፤ ኦኒካ ሃ ጨንጫቴላ ኤሪቤና። ኦኒቲ ኤሪዳባ ጊዲያኮ። ቦንቾ ጎዳ ማስቃሊያ ቦላ ካቆኮና።

9 ሺን ጌሻ ማፃፋን።

«ኦይፌይ ቤዒቦናባ።

ሃይሌ ሲዒቦናባ።

ዋዛኒ ቆጥቦናባ።

ያሳይ ባና ሲቂይሳታሰ ገጊሲሰ» ያጌሰ።

10 ያሳይ ባ ፀራ ባ ኦያና ባጋራ ኦሰ ቆንጨሴሰ። ጌሻ ኦያናይ ሃራ ኦቶሺን ጌሚዲ ያሳ ፀራ ኡባ ፒልጌሰ።

- 11 እሳን ዴዒያ እሳ እያናፔ ኣተን እሳባ ኦኒካ ኤሬና። ሄሳዳካ፣ ያሳባ ያሳ እያናፔ ኣተን ኦኒካ ኤሬና።
  - 12 ያሳይ ኮሰ ጮ ኢሚዳባ ኮ ኤራና ሜላ ያሳ እያና ኤኪዳፔ ኣተን ሃ ሳባ እያና ኤኪቦኮ።
  - 13 ኦኒ እያናባ፣ እያና ኣሳታሰ እሳ ጨንጫቴላን ጊደናሺን ያሳ እያናይ ኢሚያ ጨንጫቴላን ታማርሶስ።
  - 14 ሺን ገሻ እያናይ ባይና ኣሲ ያሳ እያና ኢሞታታ ኤኮክ። ሄሲ ኢያው ኤያቴሌ፤ ኡባይ ገሻ እያናን ፕልጌቲያ ገሻ ኢ ኤራናው ዳንዳዔና።
  - 15 ሺን ገሻ እያና ዴዒያ ኣሲ ኡባባ ፕልጌሰ። ሺን ኢያ ኦኒካ ፕልጌና።
  - 16 ገሻ ማፃፃ፣
- «ጎዳ ዋዛና ኤሬይ ኦኒ?»  
 ኢያ ዘራናው ዳንዳዔይ ኦኒ?»  
 ጌቴቲዲ ፃፊቲዳይሳ ሜላ። ሺን ኮሰ ኪሪሰቶሳ ዋዛኒ ዴዒሰ።

### 3

#### ያሳ ኦሳንቸታ

- 1 ታ ኢሻቶ፣ ሂንቲ ኪሪሰቶሳን ቡር ዮጋኔ ኣማኖና ኣሳሶ ዴዒያ ገሻ ታኒ እያናባ ሂንቲው ኦዳናው ዳንዳዒቢኬ።
- 2 ሂንቲ ሚኖ ካሌ ማናው ዳንዳዒቦና ገሻ ታኒ ሂንቲና ማሌ ፓሃሰ፤ ሃዒካ ዳንዳዒቢኬታ።
- 3 ሃዒካ ሂንቲ ኣማኖና ኣሳዳ ዴዒታ። ሂንቲ ጊደን ዴዒያ ቃናቲይኒ ፓላማይ ሂንቲ ኣማኖና ኣሳዳ ዴዒይሳ ኤሪሰኒ? ሂንቲ ኣማኖና ኣሳዳ ሃኒታ።
- 4 ሂንቲፊ ኢሶይ፣ «ታኒ ጳሎሎሳሳ» ሃራይ ቃሲ፣ «ታኒ ኣጲሎሳሳ» ጊኮ፣ ኣማኖና ኣሳ ሜላ ጊዳኬቲ?
- 5 ያፔን፣ ኣጲሎሲ ኦኒ? ጳሎሎሲ ኦኒ? ኦኒ ሂንቲና ኣማንሌዳ ያሳ ኦሳንቸታ። ያሳይ ኢሱዋሰ ኢሱዋሰ ኢሚዳ ኦሱዋ ሜላ ኦሌያ ኦሳንቸታ ጊደኮናዬ?
- 6 ታ ቶካሰ፤ ኣጲሎሲ ሃሌ ኡሸሰ። ሺን ዲቺይ ያሳ።
- 7 ሄሳ ገሻ፣ ዲቺዳ ያሳፊ ኣተን ቶኬይካ ሃሌ ኡሸይካ ኣይኮካ ጊደና።
- 8 ቶኬይኒ ሃሌ ኡሸይ ዋሊ ሜላ፣ ሺን ኢሶይ ኢሶይ ባ ኦሱዋ ሜላ ያሳይ ኢሚያ ዋይቲዋ ኤካና።
- 9 ኦኒ ኢሲፊ ያሳሰ ኦሌያ ኢያ ኦሳንቸታ ጊዲያ ገሻ ሂንቲ ያሳ ሾቃ፤ ያሳ ኬሌ።
- 10 ያሳይ ታው ኢሚዳ ኣጶ ኬሃቴላ ሜላ ሂላንቸ ኣናጂዳ ባሱዋ ዬጋሰ። ሃራ ኡራይ ኢያ ቦላ ኬጋሰ። ሺን ኢያ ቦላ ኬጋሰ ኦኒካ ዋርቃን ዋይኮ ቢራን ጊዲን፣ ኣልዎ ሹቻን ዋይኮ ሚላን ጊዲን፣ ማታን ዋይኮ ማቃን ኬጋሰ።
- 11 ኢሲ ቶሆ ዬጌቲዳ ባሱዋፔ ሃራ ባሶ ዬጋናው ኦኒካ ዳንዳዒና። ሄ ባሶይካ ዬሱሰ ኪሪሰቶሳ።
- 12 ሺን ሃ ባሱዋ ቦላ ኦኒካ ዋርቃን ዋይኮ ቢራን ጊዲን፣ ኣልዎ ሹቻን ዋይኮ ሚላን ጊዲን፣ ማታን ዋይኮ ማቃን ኬጋሰ።
- 13 ኢሲ ኢሲ ኣሲ ሃ ባሱዋ ቦላ ኣይቢን ኬጋሰኮ ፐርዳ ጋላሰ ታማን ፓጩቲዲ ቆንጫና።
- 14 ኦኒካ ሄ ባሱዋ ቦላ ኬጋሰ ኬላይ ታማን ጮጊቶና ኣተኮ፣ ባ ዋይቲዋ ኤካና።
- 15 ሺን ኦዴ ኦሶይካ ታማን ጮጊቲኮ፣ ሄ ኡራሰ ዋይቶይ ባዎ። ጊደሺን፣ ኢ ባ ሁዒን ታማፔ ኬሲ ኤኪዳ ኣሳዳ ኣታና።
- 16 ሂንቲ ያሳ ኬሌ ጊዴይሳኔ ያሳ እያናይ ሂንቲናን ዴዒይሳ ኤሪኬቲ?
- 17 ኦኒካ ያሳ ኬሌ ላሊኮ፣ ያሳይካ ኢያ ላላና። ያሳ ኬላይ ጌሺ፤ ሄ ኬላይካ ሂንቲና።
- 18 ኦኒካ ባና ጨዋፎ። ሃ ሳባ ጨንጫቴላን ባና ጨንጫ ኦሌዲ ኤኪያ ኦኒካ ያሳ ሲንሳን ጨንጫ ጊዳናው ኤያ ጊደ።
- 19 ሃ ሳባ ጨንጫቴላይ ያሳ ሲንሳን ኤያቴሌ። ገሻ ማፃፃ፣
- «ያሳይ ጨንጫታ ኡንታ ጌኔ ቆፋን ኦይኬሰ» ያጌሰ።
- 20 ቃሲ፣ «ጨንጫታ ቆፋይ ማደናባ ጊዴይሳ ጎዳይ ኤሬሰ» ያጌሰ።
- 21 ሄሳ ገሻ፣ ኡባይ ሂንቲሳ ጊዲያ ገሻ ኦኒካ ኣሳን ጨቆቶፎ።
- 22 ጳሎሎሲ፣ ኣጲሎሲኔ ጳይሮሲ፣ ሃ ኣሳሚይ፣ ዴዖይ፣ ሃይቆይ፣ ሃዒ ዴዒይ፣ ሲንሳፊ ያናይሲ፣ ኡባይ ሂንቲሳ።
- 23 ሂንቲ ኪሪሰቶሳሳ፤ ኪሪሰቶሲ ያሳሳ።

### 4

#### ኪሪሰቶሳ ሃዋሬታ

- 1 አሳይ ኑና ከሪሰቶሳ አይሌዳኔ ያሳ ፀራ ቆንጩሳናው ሃደሪ አሚቲዳ አሳዳ ኦሊዲ ቆፖ።
- 2 ሄ ሃደሪ ኤኪዳ አሳቲ ባንታ ጎዳሰ አማኒቲዳይሳታ ገደናው ቤሱስ።
- 3 ሺን ሂንቲ ዋይኮ ሃራይ ታና ፐርዲኮ፣ ታው አይኮካ ገደና፣ ሃራይ አቶ፣ ታካ ታ ቦላ ፐርዲኮ።
- 4 ታ ካሃይ ጌሽ፣ ሺን ሃሲ ታ ፖሎ ይሎ ገደይሳ ቤሱና። ታ ቦላ ፐርዲናይ ጎዳ ያላላ።
- 5 ሃሳ ጊሾ፣ ዋይይ ታኮና፣ ጎዳይ ዮና ኦይ ቦላካ ፐርደፊቲ። ኢ ቆሚን ጌሚዳባ ፖፖ ኬሱና፤ አሳ ዋዛናን ቆሴቲዳ ቆፋ ቆንጩሳና። ሄ ዋይ ኢሶይ ኢሶይ ያሳፊ ታላታ ኤካና።
- 6 ታ አሻቶ፣ ሂንቲ ጊሾ አጸሎሳኔ ታና ለሚሶ ኦሳዳ ሂንቲው ኦዳሰ። ሃሳ ታ ኦሊዳይ፣ «የፊቲዳይሳፊ አቶፋ» ያገያ ዘሪያ ሂንቲ ኑፔ ታማራና ሜላሳ። ሃሳ ጊሾ፣ ኦኒካ ኢሱቀ ሳቢዲ ሃንኩቀ ካቆናው ቤሱና።
- 7 ኔ ሃራታፔ አይቢን አቆይ? ኔኒ ኤካቦናባይ አይቢ ዳዒ? ያቲን፣ ኔኒ ኤኪዳባ ሃራ አሳፔ ኤኪዳ ገዲኮ፣ ኤኪቦና አሳዳ አይሰ ጩቁታይ?
- 8 ሃሳ ሂንቲ ካሊዳታ። ሃሳ ሂንቲ ዱሬቲዳታ። ኑኒ ባይና ሂንቲ ያላላ ካዎቲዳታ። ሂንቲ ቲማ ካዎቲዳባ ገዲያኮ፣ ኑካ ሂንቲራ ካዎታናሺን።
- 9 ያሳይ ኑና ሃዋሪታ፣ ሃይቆ ፐርደቲዳ አሳዳ አሳ ኡባፊ ኑና ጉዬ አሊዳ ታው ዳኔስ። ኑኒ ሃ አላሚያሰ፣ ኪታንቸታሲኔ አሳሰ ካሳባ ገዲዳ።
- 10 ሂንቲ ከሪሰቶሳ ጊሾ ኤያ ገዲዳ፣ ሺን ሂንቲ ከሪሰቶሳን ጩንጫታ ገዲዳታ። ኑኒ ዳቡራንቸ፣ ሺን ሂንቲ ሚያ ገዲዳታ። ሂንቲ ቦንቸቲዳታ፣ ሺን ኑኒ ቶሺቲዳ።
- 11 ሃሳ ጋካናው ኑ ኮሻቶሰ፣ ሳሞቶሰ፣ ካሎቶሰ፣ ዋይቶሰ፤ ዳና ሶ ቆይዲ ቶይላቶሰ።
- 12 ኑኒ ኑ ኩሺን ኦሊ አቆስ። ኑና አሲ ባዲያ ዋይ አንጀሰ፤ ኑና ጎዲያ ዋይ ዳንዳያሰ።
- 13 ኑ ቦላ ኢታባ ኦይቲያ ዋይ ሎፖ ቃላ ዛርሰ። ኑ ሃሳ ጋካናው ሃ አላሚያ ፒቶኔ ዋራ ዩጌቲያ ቡራ ገዲዳ።
- 14 ታኒ ሃሳ ያፊዳይ፣ ታ ሲቁያ ናይታዳ፣ ሂንቲና ዘራናው ያፋሲፔ አቲን ዩላያናው ገደና።
- 15 ከሪሰቶሳን ሂንቲና ዲቸያ ታይቦፔ ቦላ ገዲዳ ካሌጬይሳቲ ዳዒኮካ፣ ሂንቲው ኢሲ አዉ ዳዒሰ። ታ ሂንቲና ከሪሰቶሰ ዩሱሳ ዋንጌላን ዩላሰ።
- 16 ሃዛ፣ ሂንቲ ታና ለሚሶ ኦሊዳ ካላና ሚላ ሂንቲና ዋሳይሰ።
- 17 ሃሳ ጊሾ፣ አማኒቲዳ፣ ታ ሲቁያ፣ ጎዳን ታ ናና፣ ዪሞቲዮሳ ሂንቲኮ ኪታሰ። ኢ ዲማ ዲማ ቤሳን ዳዒያ ዋሳ ኪላን ታ ታማርሲዳ፣ ከሪሰቶሳ ዩሱሳን ዳዒያ ታ ኦጊያ ሂንቲና ሃሳይሳና።
- 18 ታኒ ሂንቲኮ ዮናባ ዳኒን፣ ኦቶሪያ ኢሲ ኢሲ አሳቲ ዳዎሶና።
- 19 ሺን ጎዳይ ጊኮ፣ ማታ ዋይ ታኒ ሂንቲኮ ባና። ሄ ዋይ ኦቶሪያቸታ ኦዳ ያላላ ገደናሺን ኤንታ ዋልቃካ ኡራና።
- 20 ያሳ ካዎቲላይ ኦዳ ገደናሺን ዋልቃ።
- 21 ታኒ ሂንቲኮ ያሞባራ ቦዬ ዋይኮ ሲቆራኔ አሽኬ አያናራ ቦ? አዉሳ ደሬቲ?

### 5

#### አማኒያ አሳ ገደን ዳዒያ ዩላያ አሳ

- 1 ሂንቲ ገደን ላይማቴሌ ዳዒይሲ ዘገሬቲሰ። ሃሳ ሚላ ላይማቴሌ ሃራ አቶሺን፣ አማናና አሳይካ አላኮና። ሂንቲ ገደን ባ አዋ ማቸራ ቲኒዳ አሲ ዳዒሰ።
- 2 ሃሳን ሂንቲ ቁርታናዉኔ ዩላታናው ቤሱኔ፣ ሺን ኦቶርቲዳታ። ሃሳ ሚላ ቦርሶባ ኦሊዳ ኡራ ሂንቲ ገደፊ ኬሳናው ቤሱኔ?
- 3 ታኒ አሸን ሂንቲራ ደና ኢይኮካ አያናን ታ ሂንቲራ ዳዒይሰ። ታኒ ሂንቲራ ዳዒያ አሳዳ ሃናዳ ሃሳ ሚላ ኦሱቀ ኦሊዳ ኡራ ቦላ ፐርዳሰ።
- 4 ኑ ጎዳ ዩሱሰ ከሪሰቶሳ ሰንገላን ሂንቲ ሺቁያ ዋይ ታኒ አያናን ሂንቲራ ዳና። ሃሳን ጎዳ ዩሱሰ ከሪሰቶሳ ዋልቃይ ሂንቲራ ገደና።
- 5 ሄ ኡራ ናጋራ አሾይ \* ቆይዲ፣ ኢያ አያናይ ጎዳ ዩሱሳ ፐርዳ ጋላሳን አታና ሚላ ኢ ያላሂሰ አቋ ኢሜቶ።
- 6 ሂንቲ ጩቆይ ሎፖ ገደና። ጉላ ኢርሾይ ሙኑቃ ኡባ ዴንሌይሳ ኡራኪቲዩ?
- 7 ሂንቲ ሃሳ ኢርሾይ ባይና ሙኑቃ ገደና ሚላ፣ ናጋራ ኢርሾቀ ሂንቲፊ ከሱቲ። ኑሰ ፓሲካ ደርሳ ገዲዳ ከሪሰቶሰ ያርሹቲሰ።
- 8 ሃሳ ጊሾ፣ ጌኔይኔ ኢታቴሌ ዳዒያ ኢርሾቀራ ገደናሺን ቲማቴሌ ኒጃቲሌ ዳዒያ ኡይላራ ኑ ባሊያ ቦንቸሰ።
- 9 ታ ካሴ ያፊዳ ዳብዳቢያን ሂንቲ ላይማቴያ አሳራ ጋሃቶና ሚላ ሂንቲው ኦዳሰ።

---

4:12 ሃ.አ 18:3    4:16 1ቆር 11:1፤ ፊል 3:17    5:1 ዛሬ 22:30    \* 5:5 ናጋራ አሾይ፣ ናጋራ ሚላይ ዋይኮ ናጋራ አሳቴላይ።    5:6 ጋላ 5:9    5:7 ኪሳ 12:5    5:8 ኪሳ 13:7፤ ዛሬ 16:3

10 ሃሳ ጉሳይ ሃ አላሚያን ደዲያ ላይማቴይሳታራ ወይኮ ኡዘታራ ወይኮ ካይሶታራ ወይኮ ኤቃ ጎይኔይሳታራ ፖሎ ጋሄቶፊቴ ጉሱ ገዴና። ሃሳ ገዴኮ። ሃ አላሚያፔ ሂንቴ ኬያናው ቤሴሰ ሺን አቴሰ።

11 ሺን አማናይሰ ያገሺ ላይማቴይሳታራ ወይኮ ኡዘታራ ወይኮ ኤቃ ጎይኔይሳታራ ወይኮ ጫዬይሳታራ ወይኮ ማላቴይሳታራ ወይኮ ካይሶታራ ጋሄቶፊቴ ጋዳ ሂንቴው ኦዳይሰ። ሃሳ ሚላ አሳራ ሃሪ አቶሺን፣ ካሊካ ሞፒቴ።

12 ዋሳ ኬሳፊ ካራራ ዳዔይሳታ ሶላ ፐርዳናው ታና አይቤ ጋሏይ? ዋሳ ኬላን ዳዔይሳታ ሶላ ሂንቴ ፐርዳኬቴዬ?

13 ሺን ካራራ ዳዔይሳታ ሶላ ያሳይ ፐርዳና። ሃ ኢታባ አሌያ ኡራ ሂንቴ ገዴፊ ኬሰቴ።

### 6

#### አማኒያ አሳ ገዴን ደዲያ ሞቶ

1 ሂንቴ ገዴፊ ኢሶይ ኢሱዋራ ሞቶይ ደዲኮ። ሃሳ አማኒያ አሳ ሲንላን ፐርዳታናይሳ አገዲ አማናና አሳ ሲንላን ፐርዳታናው ዋኒዲ ቢ?

2 ገሻቴ አላሚያ ሶላ ፐርዳናይሳ ሂንቴ ኤሬኬቴ? ያቴን፣ ሂንቴ አላሚያ ሶላ ፐርዲያባ ገዴኮ። ሃይሳ ሚላ ጉላባ ፐርዳናው ዋኒዲ ዳንዳዔኬቴ?

3 ኦኒ ከታንቸታ ሶላ ፐርዳናይሳ ኤሬኬቴ? ያቴን፣ ሃ ሳሳ ዳሳባ ሶላ ፐርዳናይሲ ሂንቴና ዋኒዲ ያኒ?

4 ያቴን፣ ሃሳ ሚላ ሜቶይ ሂንቴ ገዴን ሜዴቴኮ። ዋሳ ኬላ አይፊን ካዴቴዳ አሳ ሲንላን ፐርዳታናው ዋቴ ኤፊቴ?

5 ታኒ ሂንቴና ዬላያናው ሃሳ ጋይሰ። ሂንቴ ገዴን ካጩቴዳ አሳታ ሲገላናው ዳንዳዲያ አኬካ አሲ ባዌ?

6 ያቴን፣ ኢሲ አማኔይሲ ሃንኮ አማኔይሳ ፐርዳ ኬላን አማናና አሳ ሲንላን ሞታናው ቤሰ?

7 ሃዛ፣ ሂንቴ ኢሶይ ኢሱዋ ሞቴያባ ገዴኮ ሃሲ ሂንቴ ኩንዳላ ቤሴሰ። ሃሳፊ ሂንቴ ቆሄቴኮኔ ጩሜቴኮ ከሄኒ?

8 ሺን ሂንቴ ዋሊ ገዴን አማኔይሳቴ ኢሶይ ኢሱዋ ቆሄታኔ ጩሜታ።

9 ገሊቴ ያሳ ካዋቴላ ላቶናይሳ ሂንቴ ኤሬኬቴ? ሂንቴና ጩሞፊቴ፤ ላይማቴይሳቴ ወይኮ ኤቃ ጎይኔይሳቴ ወይኮ ቃይፃይሳቴ ወይኮ አዴራ አዴራ ጋሄቴይሳቴ።

10 ወይኮ ካይሶቴ ወይኮ ኡዘቴ ወይኮ ማላቴይሳቴ ወይኮ ጫዬይሳቴ ወይኮ ቦንቄይሳቴ ያሳ ካዋቴላ ላቶኮና።

11 ሂንቴፊ ኢሲ አሳቴ ካሲ ሃሳ ሚላ። ሺን ሂንቴ ሃዲ ጎዳ ዬሱሰ ኪሪሰቶሳ ሱንላኒኔ ያሳ አያናን ሚጩቴዳታ፤ ጌዪዳታ፤ ፂሊዳታ።

#### ሂንቴ አሳቴላን ያሳ ቦንቸቴ

12 ሂንቴ፣ «ኮ ኮዪዳባ ኦላናው ዳንዳያሰ» ያኒታ። ሺን ኡባይ ሂንቴና ማዳና። ታኒ ኮዪዳባ ኡባ ኦላናው ዳንዳዳይሰ። ሺን አይቢካ ታና ሃሪና።

13 ሂንቴ፣ «ካሊ ኡሎሳ፤ ኡሎይካ ካላሳ» ያኒታ። ሺን ያሳይ ኡሎዋካ ካላካ ቆይሳናይሳ ታ ሂንቴው ኦዳይሰ። ኮ አሳቴላይ ጎዳሳፊ አቴን ላይማቴላሳ ገዴና። ጎዳይካ ኮ አሳቴላሳ።

14 ያሳይ ጎዳ ሃይቆፔ ዳንሊዳይሳዳ፣ ኮናካ ሃይቆፔ ባ ዎልቃን ዳንላና።

15 ሂንቴ አሳቴላይ ከሪሰቶሳ አሳቴላፊ ባጋ ገዴይሳ ኤሬኬቴ? ያቴን፣ ታኒ ከሪሰቶሳ አሳቴላፊ ባጋ ኤፋዳ ላይማቴላ አሳቴላ ገዳና ሚላ ኦላ? ሃኔና!

16 ላይማቴያ ኡራይ ኢ ጋሄቴያ አሴራ ኢሲ አሳቴላ ገዴይሳ ኤሬኬቴ? ጌሻ ማፃፋን፣ «ኤንቴ ናሞዳይ ኢሲ አሳቴላ ገዳና» ጌቴቴዲ ፃፊቴሰ።

17 ሺን ጎዳራ ኢሲፊያ ኡራይ ኢያና ኣያናን ኢሶ ገዴሰ።

18 ላይማቴላፊ ሃኪቴ። ኢሲ ኡራይ ኡሌያ ሃራ ናጋራይ ኢያ አሳቴላፊ ካራራ ኦሴቴሰ። ሺን ላይማቴያ አሲ ባ አሳቴላ ሶላ ናጋራ ኡሌሰ።

19 ሂንቴ አሳቴላይ ያሳይ ሂንቴው አሚዳ ሂንቴናን ደዲያ ጌሻ አያና ኬላ ገዴይሳ ኤሬኬቴ? ሂንቴ ሂንቴባ ገዴኬታ።

20 ያሳይ ሂንቴና ጋቴን ሻሚሰ። ሃሳ ገሺ፣ ሂንቴ አሳቴላን ያሳ ቦንቸቴ።

### 7

#### ኢኮ ጌሎባ

- 1 ሂንቲ ታው ፃፊዳ ዳብዳቢያስ ዛርይ ሃይሳ። ኢሲ ኢሲ ማቸና ዳዊት ሎ።።
- 2 ሺን ላይማቴሳፊ ኣታናው ኢሲ ኢሲ ኣዳይ ማቸ ኤኮ፤ ቃሲ ኢሲ ኢሲ ማጫሳስ ኣዘኒ ዴ።።
- 3 ኣዘናይ ባ ማቸሰ። ቃሲ ማቸና ባ ኣዘናሰ ቤሲያባ ኮንሶ።።
- 4 ማቸሰ ባ ኣሳቴላ ቦላ ኣው ማቸ ባ። ሺን ማቸ ኣ ዳዊት። ሃሳዳካ። ኣዘናሰ ኢያ ኣሳቴላ ቦላ ማቸ ባ። ሺን ማቸይ ማቸሳ።።
- 5 ሂንቲ ዋሳን ጉላ ዋይ ጋምናው ዘራቴላን ገደና ኢዳኮ። ኢሲይ ኢሲዋ ዳጎፊቴ። ሃሳ ጋሶን ሂንቲናቴላ ሃራናው ዮኔቴን። ያላሂይ ሂንቲና ፓጮና ማላ ኢሲፊ ዳዊት።።
- 6 ሺን ታኒ ሂንቲና ዘራናው ሃይሳ ጋይሰፔ ኣትን ከታ ገደና።።
- 7 ኣሲ ኡባይ ታዳ ማቸ ኤኮና ዳዊት ዳሳይሰ። ሺን ያሳይ ኢሲዋስ ኢሲዋስ ኣሚዳ ዳሚ ኣሞቲ ዳዊሰ።። ኢሲዋስ ሃይሳ ማላ ሃንኩዋስ ሃሳ ማላ ኣሞቲ ዳዊሰ።።
- 8 ማቸ ኤከቦናይሳታሲ ኣዘና ጌሊቦናይሳታሲ ቃሲ ኣሞዔታሲ ታኒ ጌይ። ታዳ ኤኮና ዋይኮ ጌሊቦና ዳዊት ጋዳ ዘራይሰ።።
- 9 ሺን ኣሞን ፀጌቴይሳፊ ኤኮይሲኒ ጌሊይሲ ሎ። ገደና ገሾ ኣንቲ ባንታና ሃራናው ዳንዳፍና ኣዳኮ። ኤኮኔ ጌሎ።።
- 10 ታኒ ኤኮዳይሳታኔ ጌሊዳይሳታ ሃይሳዳ ጋዳ ዘራይሰ፤ ታና ዘራይኬ ጎዳይ ከቲሰ፤ ማቸና ባ ኣዘናፔ ሻኩቶፎ።።
- 11 ሺን ሻኩቲኮ ሃራ ኣዘና ጌሎና ባርካ ዴ። ዋይኮ ባ ኣዘናራ ገን። ኣዘናይ ባ ማቸው ቢሎፎ።።
- 12 ሺን ሃራታሰ ጎዳ ገደናሺን ታኒ ሃይሳዳ ጋይሰ።። ኣማናና ማቸ ዳዊያ ኣማኒያ ኣዘኒ ዳዊት።። ኢያ ማቸና ኢያራ ኢሲፊ ዳናው ኮይኮ ኣዮ ቢሎፎ።።
- 13 ቃሲ ኣማናና ኣዘኒ ዳዊያ ኣማኒያ ማቸ ዳዊት። ኢ ኣዘናይ ኢራ ኢሲፊ ዳናው ኮይኮ ኢያፔ ቢሊቶፎ።።
- 14 ኣማናና ኣዘናይ ባ ኣማኒያ ማቸ ባጋራ ጌይሰ፤ ቃሲ ኣማናና ማቸና ባ ኣማኒያ ኣዘና ባጋራ ጌያውሰ።። ሃሲ ባይኔኮ። ሂንቲ ናይቲ ትና ገደሶና። ሺን ሃዲ ኣንቲ ጌሺ።።
- 15 ሺን ኣማናና ኣዘናይ ዋይኮ ማቸና ቢላናው ኮይኮ ቢሎ።። ኣማኒያ ማቸና ዋይኮ ኣዘናይ ሃሳ ማላባን ቃሺቶኮና።። ያሳይ ኑና ሳርቴላን ዳና ማላ ያሺሰ።።
- 16 ኣማኒያ ማቸቴ። ኔኒ ኣማናና ኔ ኣዘና ኣሻኔኮ ኣይ ኤራይ? ዋይኮ ኣማኒያ ኣዘናው። ኔኒ ኣማናና ኔ ማቸው ኣሻኔኮ ኣይ ኤራይ?

**ያሳይ ሂንቲና ያሺዳይሳዳ ዳዊት**

- 17 ኢሲ ኢሲ ኢሲ ጎዳይ ኢያው ኣሚዳ ኣሞታዳኔ ያሳይ ኢያ ያሺዳይሳዳ ዳዊት። ዋሳ ኩላ ኡባን ታኒ ታማርሲዳ ዋጋይ ሃይሳ።።
- 18 ኣንካ ቃፃፊቲዲ ኣማኒዳባ ገዲኮ። ቃፃፊቶናዳ ሃናፖ።። ቃፃፊቶና ኣማኒዳ ኣንካ ዳዊት። ቃፃፊታናው ኮዮፖ።።
- 19 ያሳ ከታ ፖላናው ቤሲሰፔ ኣትን ቃፃፊቲን ቃፃፊቶና ኣንካ ኣይኮካ ማዳና።።
- 20 ኢሲ ኢሲ ኢሲ ያሳይ ባና ያሺያ ዋይ ዳዊይሳዳ ዳዊት።።
- 21 ያሳይ ኔና ያሺያ ዋይ ኔኒ ኣይሌ? ኣይኮይ ባ። ሃሳሰ ኤንዔቶፋ።። ሺን ኔኒ ኣይሌቴላፊ ላባ ኬያናው ዳንዳዊኮ ዬዳ ኬያ።።
- 22 ኣይሌ ገዲ ዳዊሺ ጎዳን ያሺቲዳ ኣሲ ጎዳን ኣይሌቴላፊ ላባ ኬይሰ።። ሃሳዳካ። ኣይሌ ገደና ዳዊሺ።። ጎዳን ያሺቲዳ ኣሲ ከራሰቶሳ ኣይሌ።።
- 23 ያሳይ ሂንቲና ጋቴን ሻማዳ ገሾ ኣሳ ኣይሌ ገደፔቴ።።
- 24 ታ ኣሻቶ። ሂንቲ ኢሲይ ኢሲይ ያሺቲያ ዋይ ዳዊያ ዳዊታን ያሳራ ኢሲፊ ዳዊት።።

**ኤከቦና። ጌሊቦና ኣሳባኔ ኣሞዔታባ**

- 25 ጌላዎታባ ጎዳይ ታና ከቲዳባይ ባ።። ሺን ጎዳይ ታው ኣሚዳ ማርቴላ ማላ ታኒ ሂንቲና ዘራይሰ።።
- 26 ሃዳ። ሃዲ ማቸ ገሾ ኤኮና ዋይኮ ጌሎና ዳሲ ታው ሎ። ዳኔሰ።።
- 27 ኔ ማቸ ኤከዳባ ገዲኮ። ቢላናው ኮዮፓ።። ኔ ማቸ ኤከባናባ ገዲኮ። ኤካናው ኮዮፓ።።
- 28 ሺን ኔ ማቸ ኤከኮ ናጋራ ባ።። ሃሳዳ ጌላዲያካ ኣዘና ጌሊኮ ናጋራ ባ።። ሺን ኤከያ ጌሊያ ኣሳሰ ሃ ሳባን ዳር ማቸይ ዳዊያ ገሾ ሂንቲ ሃሳፊ ኣታና ማላ ታ ኮያይሰ።።
- 29 ታ ኣሻቶ። ታ ጌይ ሃሳ፤ ዋይሌ ወራሰ።። ሃዘፔ ሲንፊ ማቸ ኤኮናይሳዳ ዳዊት።።
- 30 ዬኬይሳት ዬኮናዳ። ኡፋይቴይሳት ኡፋይቶናዳ። ሻማይሳት ኣይኮይካ ባይናዳ ባንታና ታይሰ።።
- 31 ሃ ሳባ ሻሊዋን ማዳቴይሳት ማዳቴቦናዳ ሃና።። ሃ ኣላሚያ ማላይ ኣፋና።።
- 32 ሂንቲ ሃርጊ ባይና ዳና ማላ ታ ዳሳይሰ።። ማቸ ኤከቦናይሲ ጎዳ ኡፋይሳናው ኮያ ገሾ ጎዳባ ቆፔሰ።።

33 ሺን ማቾ ኤኪዳይሲ ባ ማቾው ኡፋይሳናው ኮያ ጊሾ ሃ ሳባባ ቆፔሰስ።

34 ኢያ ቆፋይ ናምዓን ሻከቲስ። አዚና ጌላቦና ጌላዒያ ባ አሳቴሳኒኒ ባ ሸምጥዋን ጌያዳ ጎዳ ኡፋይሳናው ኮያ ጊሾ ጎዳባ ቆጋጠሱ። ሺን አዚና ጌሊዳራ ባ አዚና ኡፋይሳናው ኮያ ጊሾ ሳባባ ቆጋጠሱ።

35 ታኒ ሃሳ ሃንቴው ኦዳይ፣ ሃንቴ ማዳታና ማላሳፊ አትን ሃንቴና ኡንዔላናው ጌዳና። ሺን ሃንቴ ቆፋይ ሻከቶና ማራን ዳዒዲ ጎዳ ኡፋይሲያባ ሃንቴ ኦሳና ማላ ታኒ ኦዳይሰስ።

36 ኦኒካ ባ ኦይቸዳ ጌላዒሲ ጌሎ ዋዳይ ኦጂሰ ጌዲ ኢያ ኦጋናው ቆፒኮ፣ ሄሲ ቃሲ ኢው ሎያ ጌዳናይሲ ኢያው ሰዔቲኮ፣ ባ ኮዩዳይሳ ኦሎ፣ ኤንቴ ኤከቶ፣ ጌሊቶ፣ ሃሳን ናጋሪ ባዋ።

37 ሺን ኢሲ አሲ ኡንዔሊያባይ ቆዩን፣ ባ ዋዛናን ማኒዲ፣ ባና ሃሪዳ፣ ባ ኦይቸዳ ጌላዒው ኤኮና ኦጋናው ኮይኮ ሎይሊሰ።

38 ሃሳ ጊሾ፣ ጌላዒው ኤከያ ኡራይ ሎይሊሰ፤ ቃሲ ኤኮና ኡራይ ዳር ሎይሊሰ።

39 ማቾና ባ አዚናያ ጋዳ ዳዒያ ዋዳ ኡባን ኢያራ ቃሺታሱ። ሺን ኢ አዚናይ ሃይቀኮ፣ ባ ደሲዳ አዚና ጌላናው ዳንዳዓጠሱ። ጌዳሺን፣ ኢያ ጌሊያ አዳይ አማኒያ አሲ ጌዳናው ቤሴስ።

40 ታ ቆፋን ጌዲኮ፣ ኢያ ጌሎና ዳዒኮ ኡፋይሳን ዳና። ቃሲ ታው፣ ታ ቦላ ያሳ አያኒ ዳዒያ ዳኔሰ።

### 8

#### ኤቃሰ ያርሼቲዳ ካሳባ

1 ኤቃሰ ያርሼቲዳ ካሳባ ጌዲኮ ኦ ኡባይ ኤርሰ። ኤራቴሌ ኦቶርሴስ፣ ሺን ሲቆይ ዲቸሰ።

2 ኦኒካ ባና ኡራይሰ ጌዲ ቆፒኮ፣ ኢ ቡር ኤራናው ቤሴይሳ ኤሪቤና።

3 ሺን ኦኒካ ያሳ ሲቀኮ ኢ ያሳ ማታን ኤራቲዳይሳ።

4 ሃሳ ጊሾ፣ ኤቃሰ ያርሼቲዳ ካሌ ሙሳባ ጌዲኮ ሃ አላሚያን ጎዲ ኢሲ ያሳፊ አትን ሃሪ ባይና ጊሾ ኤቀ ፓላናባ ጌዳይሳ ኦኒ ኤርሰ።

5 ያሲ ጌዳናሺን ሳሎኒኒ ሳባን ያሲ ጌቴቲ ያጌቲያ ዳር ያሳቴኒ ጎዳቲ ዳዒኮካ።

6 ኡባባ ማጂዳ፣ ኦ ኢያባ ጌዲዳ፣ ኢሲ ያሳይ፣ አዋይ፣ ኦሰ ዳዒስ። ኡባይ ኢያ ባጋሪ ማጂቲዳ፣ ኦኒ ካህ ባጋሪ ዳዩ ዳሚዳ ኢሲ ጎዳይ፣ ዩሱስ ከሪሰቶሲ ኦሰ ዳዒስ።

7 ሺን ሃይሳ ኤራይ ኡባ ጌዳና። ኢሲ አሲ አሳይ ኤቃ ጎይናው ማዘቲዳ ጊሾ ካሌ ሚያ ዋዳ ኤቃሰ ያርሼቲዳባ ኦሊዲ ኤኮሶና። ሄ ዋዳ ኤንታ ካሃይ ዳቡራ ጌዲያ ጊሾ ቴኔሰ።

8 ሺን ካሌ ኦና ያሳራ ዳቦዬና። ኦ ዋና አጌዲ አይኮካ ቆሃቶኮ፤ ቃሲ ሚዲ ዳማ ጎዔቶኮ።

9 ሺን ሃንቴ ኮዩዳባ ማናው ሳባቴሌ ሃንቴው ዳዒኮካ ሄሲ አማናን ሚናናይሳታ ቆቦና ማላ ናጌቴቴ።

10 ኔኒ ኔና ኤራንቾ ጋዳ ኤቃሰ ያርሼቲዳ ካሌ ማናው ኤቃ ከላን ኡቲዳሺን፣ አማናን ሚናናይሲ ኔና ቤዒኮ ሄሲ ኢያ ኤቃሰ ያርሼቲዳ ካሌ ማና ማላ ዳንጌሌኔዬ?

11 ሃዛ፣ ኔ ኤራቴላ ጋሶን ከሪሰቶሲ ኢያ ጊሾ ሃይቀዳ፣ አማናን ሚናና ኔ አሻይ፣ ቆይሰ።

12 ሃሳዳ ኦሊዲ፣ አማናን ሚናና ሃንቴ ኢሻታ ቆሃሼኔ ኤንታ ካሃ ማዲንዲሲሼ ከሪሰቶሳ ቆሃታ።

13 ሃሳ ጊሾ፣ ካሌ ታ አሻ ቆቤያባ ጌዲኮ፣ ኢ ቆቤቶና ማላ አሻ ኡባራካ ሚኬ።

### 9

#### ሃዋራታ ማታ

1 ታኒ ዬዳ ዳዒያ አሲ ጌዲከና? ታ ሃዋራ ጌዲከና? ታኒ ኦ ጎዳ ዩሱስ ከሪሰቶሳ ቤዓቢከና? ሃንቴ ጎዳን ታ ዳቡራ አይፊ ጌዳከቲ?

2 ሃንቴ ጎዳባ ጌዲያ ጊሾ ታ ሃራታሰ ሃዋራ ጌዳና ኢዳኮካ፣ ሃንቴው ሃዋራ ጌዳይሳሰ ሃንቴ ማርካ።

3 ታና ሃዋራ ጌዳና ጌይሳታሰ ታ አሚያ ዛርይ ሃይሳ።

4 ኦ ሃንቴፊ ማናው ኡያናው ተማ ኦሰ ማቲ ባዋ?

5 ሃንኮ ሃዋራታዳ፣ ጎዳ አሻታዳይ ጳይርሳዳ፣ አማኒያ ኦ ማቸታ ኤኪ ሃሙታናው ኦሰ ማቲ ባዋ?

6 ዋይኮ ኦሊዲ ማናው ቤሴይ ታራኔ ባርናባሳ ያላሌ?

7 ባ ሚሺን ዋታዳራታሌ ኦሊይ ኦኔ? ዋይኮ ዋይኔ ቶኪዲ፣ ኢያፕ አይፊ ዋናይ ኦኔ? ዋይኮ ወዳ ሃሚሺ፣ ሄ ወዲያፕ ማሌ ኡኮናይ ኦኔ?

8 ታኒ ሃሳ አሳ ቆፋላ ጋይናዬ? ሂጌይ ሃሳ ጌኔ?

9 ሙሴ ሂጌያን፣ «ወዲማን ካላ ዩጂያ ቦራ ዳና ቃቾፋ» ጌቴቲዲ ያፊቲሰ። ያቴን ያሳይ ሃሳ ቦራሰ ቆፒዲ ጌዳ?

- 10 ያሳይ ሄሳ ጊዳይ ኮስ ቆጥዲ ጊዳይ? ኤ ኑ ጊሾሳ። ጎዬይሲካ፣ ካላ ገሼይሲካ ባና ጋኬይሳ ኢካና ጊዳይ ኡፋይሳን ኦላናው በሲስ ጌቴቴዲ ተማ ኑ ጊሾ ያፊቴሰ።
- 11 ኑኒ ሂንቴ ጊዳይ ኦላና ዜሬላ ዜሬሪ ጊዳይ ኦላና ኮሽሶ ስሺያባ ኑ ሂንቴሬ ኤከኮ፣ ሄሲ ጊታባዬ?
- 12 ሃራቴ ሄሳ ሂንቴሬ ኢካናው ኤንታው ማቴ ዳዒኮ፣ ኮስ ኤንታይሳሬ ኦላና ማቴ ዳዒስ። ሺን ኑኒ ከሪስቶሳ ዋንጌላስ ፉቤ ጊዳና ማላ፣ ኡባ ገንጮሲፕ ኦላና ሂ ማታን ጎዳቴቦኮ።
- 13 ያሳ ከላን ኦላና ኦላና ላሳቴ ባንታ ካላ ያሳ ከላሬ ኤከይሳ ኤሬከቴ? ቃሲ ያርሾ በላን ኦላናይሳቴ ያርሾዋሬ ኤከይሳ ኤሬከቴ?
- 14 ሃሳዳካ፣ ዋንጌላ ማርካቴይሳቴ ዳሳስ ኮሺያባ ዋንጌላፕ ኢካና ማላ ጎዳይ ከቴሰ።
- 15 ሺን ታኒ ሃ ማታ ኡባን ኦላና ጎዳታቤከ። ታኒ ሃይሳ ያፊዳይ ታ ማታ ቦንቲሳናው ኮያዳ ጊዳና። ኦኒካ ታ ጨቁዋ ሃዳ ኦላናፕ ሃይቆይ ታው ሎ።
- 16 ታኒ ዋንጌላ ኦዳይ ከቴቲዳ ጊሾሳሬ ኦላና ታና ጨቁሲያባ ጊዳና። ዋንጌላ ኦዳና ኢጂኮ፣ ታና ኦዳ።
- 17 ታኒ ዋንጌላ ዳሳዳ ሳባከኮ ታው ዋይቶይ ዳዒስ። ሺን ታኒ ዋንጌላ ዳሳና ከቴታዳ ሳባከያባ ጊዳይ ሄሳ ያሳይ ታው ሃዳራ ኢሚስ።
- 18 ያቴን፣ ታ ዋይቶይ ኦላና? ታኒ ዋንጌላ ሳባከያ ዋይ ታ ማታን ጎዳቶና ዋንጌላ ጮ ሳባከይሲ ታው ዋይቶ።
- 19 ታኒ ኦዳሳካ ኦላና ጊዳይ፣ ሺን ዳርታ ኦላናው ኡባስ ኦላና ጊዳሰ።
- 20 ታኒ ኦላናይታ ኦላናው ኤንታራ ኤንታ ጊዳሰ። ታ ሁዒን ሂሬሬ ጋርሳን ዳዒከ፣ ሺን ሂሬሬ ጋርሳን ዳዒይሳታ ኦላናው ሂሬሬ ጋርሳን ዳዒያ ኦላና ጊዳሰ።
- 21 ያሳ ሂሬሬ ካሬ ኮዮና፣ ከሪስቶሳ ሂሬሬ ከቴታሺ፣ ሂሬሬ ባይናይሳታ ኦላናው ሂሬሬ ባይና ኦላና ጊዳሰ።
- 22 ታኒ ዳቡራንቸታ ኦላናው ዳቡራንቸ ጊዳሰ። ታኒ ጉላታ ኦላናው ኡባራ ኡባ ሃናሰ።
- 23 ታኒ ዋንጌላ ኦላናው ሻኪታናው፣ ሃ ኡባ ዋንጌላ ጊሾ ሃናሰ።
- 24 ዋሳን ጋዴቲያ ኡባይ ዋሳሰ፣ ሺን ኢሱዋ ያላላ ዋይቶ ኤከይሳ ኤሬከቴ? ሄሳዳ ሂንቴካ ዋይቶ ኢካናው ዋይቶ።
- 25 ጋዴቲያ ኦላ ኡባይ ኡባባን ባንታና ሃራሰ። ኤንቴ ሄሳ ዳቡራይ ላያ ካላቻ ዋይቶ ኢካናሳ። ሺን ኑኒ ዳቡራይ ማሪና ካላቻ ዋይቶ ኢካናሳ።
- 26 ሄሳ ጊሾ፣ ታኒ ቆሬ ባይና ኦላና ዋይቶ። ጮርኮ ዪሞፕያ ኦላና ጮ ከሺ ዬዲከ።
- 27 ሺን ታኒ ሃራታስ ዋንጌላ ሳባከያፕ ጉዬ ታ ሁዒን ዬቴቲዳ ኦላና ጊዳና ማላ ታ ኦላና ዋላፊታ ሃራና ታው ከቴታና ማላ ኦላና።

# 10

## ኤቃ ጎይናሬቴ

- 1 ታ ኢሻቶ፣ ታኒ ሂንቴ ሃይሳ ኦኒካና ማላ ኮያይሰ። ኑ ኦላና ኡባይ ሻራፕ ጋርሳራ ሃሙቲዳሶና፣ ኡባይ ኦላ ፒኒዳሶና።
- 2 ኤንቴ ሙሴራ ኢሲፋናው ሻራኒኔ ኦላና ያማቁቴዳሶና።
- 3 ኤንቴ ኡባይ ኢሲ ኦላና ካላ ሚዳሶና።
- 4 ቃሲ ኡባይ ኢሲ ኦላና ኡሻ ኡዪዳሶና። ኤንቴ ባንታና ካሊያ ኦላና ዛላሬ ፑልቲዳ ኡሻ ኡዪዳሶና፣ ሄ ዛላይካ ከሪስቶሳ።
- 5 ሺን ያሳይ ኤንታሬ ዳርታን ኡፋይቲቦና ጊሾ ኤንታ ኦላና ባዞ ቢታን ዋላዲ ኦላና።
- 6 ኤንቴ ኢታባ ኦላናው ዳይሳይሳ፣ ኑኒ ኢታባ ኦላናው ማላ ሄሲ ኡባይ ኮስ ለሚሶ ጊዳሰ።
- 7 ጊሻ ማፃፋን፣ «ኦላና ማናውኒ ኡያናው ኡቲዳሶና፣ ቃሲ ዬዳናው ዳንዲዳሶና» ጌቴቲዳይሳዳ ኤንታሬ ኢሶቴ ኢሶቴ ኤቃ ጎይናይሳ ማላ ሂንቴ ኤቃ ጎይናሬቴ።
- 8 ኤንታሬ ኢሶቴ ኢሶቴ ላይማቴዳይሳዳ ኑ ላይማታናው ቤሴና። ሄሳ ጋሶን ኤንታሬ ኢሲ ጋላስ ላታማኔ ሄሻ- ሙኩሉ ኦላና ሃይቁሰ።
- 9 ኤንታሬ ኢሶቴ ኢሶቴ ጎዳ ፓጠዲ ሾሻን ዳከቴዲ ሃይቁይሳዳ ኑ ጎዳ ፓጠዳው ቤሴና።
- 10 ኤንታሬ ኢሶቴ ኢሶቴ ዙዙሚዲ ሃይቆ ኤሄያ ከታንቸዋን ላይዳይሳዳ ሂንቴካ ዙዙሚዳ።
- 11 ሃ ኤንታ ቦላ ጋከዳ ኡባይ ኑ ናጌታና ማላ ኮስ ለሚሶ ጊዳሰ። ቃሲ ዋይ ጢርሴላ ቦላ ዳዒያ ኮስ ቲሚርቴ ጊዳና ማላ ሃ ኡባይ ያፊቴሰ።
- 12 ሄሳ ጊሾ፣ ታ ኤቃሰ ጊያ ኦኒካ ከጎዳና ማላ ባና ናሳ።

---

9:11 ሮሜ 15:27    9:14 ማቴ 10:10፤ ሉቃ 10:7    10:1 ከላ 13:21-22፤ 14:22-29    10:3 ከላ 16:35  
 10:4 ከላ 17:6፤ ታይ 20:11    10:5 ታይ 14:29-30    10:6 ታይ 11:4    10:7 ከላ 32:6    10:8 ታይ 25:1-18  
 10:9 ታይ 21:5-6    10:10 ታይ 16:41-49

13 እሴ ኡባ ጋኪያ ፓጩፔ እትን ዲማ ፓጩፔህ ሂንቴና ጋኪቤና። ሂንቴ ዋልቃይ ዳንዳዔይሳፊ አጲያ ፓጩን ሂንቴ ፓጩቶና ማላ እሴ እሞና ያሳይ አማኔቲዳይሳ። ሂንቴና ፓጩፔህ ጋኪያ ዋዴ ሂ ፓጩያ ኢ ሂንቴና ዳንዳዔሳና። ቃሲ ሂ ፓጩያፔ ሂንቴ ኬያና ኦጊያ ኢ ገሊሳና።

14 ሂዛ፣ ታ አልፎ እሸቶ፣ ኡቃ ጎይኖፊ ሃኪቴ።

15 ሂንቴ ዋዛናማ እሲ ጊዲዳ ገሾ ታ ሃይሳ ኦዳይሰ። ታኒ ጌይሲ ቱማ ጊዳይሳ ሂንቴ ሂንቴ ሁዔን ፐርዲቴ።

16 ኮኒ ያሳ ጋላቴዲ ሻኪቴያ እንጅ ፀዓይ ከሪሰቶሳ ሱጳራ ኢሲፊቴላ ዳዔይሳ ጊዳይኔ? ቃሲ ኮኒ ባሊያ ኡይሳይ ከሪሰቶሳ አሹዋራ ኢሲፊቴላ ዳዔይሳ ጊዳይኔ?

17 ኮኒ ዳር ጊዲኮካ ኡይሳይ ኢሲና፣ ኦ ሂ ኢሲ ኡይሳ ሻኪቴያ ገሾ ኢሲ አሳቴላ።

18 እኔ ኢሲራዔል አሳይ ኡላዳይሳ እኬኪቴ። ያርሼቴዳ ያርሹዋ ማይሳታሰ ያርሹ ቤሳራ ኢሲፊቴላ ባዌኔ?

19 ታኒ እይ ጋናው ከያዳ ጋይና? ኡቃሰ ያርሼቴዳ ካሳይ ዋይኮ ኡቃይ ፓሊያባ ጊዳና።

20 ኡንቴ ያርሼይ ያሳሰ ጊዳናሺን ቴና እያናታሳ። ሃሳ ገሾ፣ ሂንቴው ቴና እያናታራ ኢሲፊቴላ ዳና ማላ ኮዪኬ።

21 ሂንቴ ጎዳ ፀዓፔ ኡዪሾ፣ ቃሲ ቴና እያናታ ፀዓፔ ኡያናው ዳንዳዔኬታ። ጎዳ ጋይታፔ ማሼ ቃሲ ቴና እያናታ ጋይታፔ ማናው ዳንዳዔኬታ።

22 ኦ ሃሳ ኡላዲ ጎዳ ዪሎይና? ኦ ኢያፔ አጲያ ማናው?

23 ሂንቴ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባይ ማዳና። ሂንቴ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባባይ ዲቼና።

24 ኢሲ ኢሲ አሲ፣ ሃራ አሲ ማዲያባ ቆፓናው ቤሴሲፔ እትን ባና ማዲያባ ያላላ ቆፓፎ።

25 ሂንቴ ካሃ ሲዴን ጌልሲያ ኦይሻ ዳንጎና ጊያን ባይዚቴያ አሹዋ ጮ ማቴ።

26 አይሰ ገኮ፣ «ሳዒኔ ሳዓን ዳዒያ ኡባይ ጎዳሳ።»

27 ኢሲ አማኖና እሲ ሂንቴና አማታናው ኮዪዲ ያጊኮ ባናው ኮይኮ ቤቴ። ሂንቴ ካሃን ማዴቴያ ኦይሻን ሲዴና ሂንቴ ሲንላ አሊያባ ኡባ ማቴ።

28 ሺን ኢሲ አሲ፣ «ሃይሲ ኡቃሰ ያርሼቴዳባ» ገኮ፣ ሃ ሂንቴው ኦዲዳ አዲያ ገሾኔ ሂንቴ ካሃ ገሾ ሃ ካሳ ሞገቴ።

29 ታኒ፣ ካሃ ገሾ ጌይ ሃ ሂንቴው ኦዲዳ ኡራ ካሃ ጉሱፊ እትን ሂንቴ ካሃ ጊዳና።

ሃራ አሳ ካሃ ገሾ ጋዳ ታኒ ታ ላዓቴላ ቦላ አይሰ ፐርደ?

30 ታኒ ማያ ካሳ ያሳ ጋላታዳ ማኮ ባሊዲዳ አይሰ ቦሬቴያና?

31 ሂዛ፣ ሂንቴ እይ ማኮ እይ ኡዪኮ፣ ዋይኮ እይ ኡሊኮካ ኡባባ ያሳ ቦንሾሰ ኡላቴ።

32 አይሁዳታ ጊዲን ገሪኬታ ጊዲን ዋይኮ ያሳ ዋሳ ኬላ ጊዲን ኦዳሰካ ጳቤ ጊደፐቴ።

33 ታኒ ኡባ ዋዴ ዳርታ አሻናው ኡንቴ ማዴቴያ ኡጌ ኮያይሲፔ እትን ታና ማዲያ ኡጌ ኮዪኬ።

# 11

1 ታኒ ከሪሰቶሳ ለሚሱዋ ካሊይሳዳ፣ ሂንቴካ ታና ካሊቴ።

ጎይኖ ማራ

2 ሂንቴ ኡባባን ታና ቆፐያ ገሾኔ ታ ታማርሲዳ ቲሚርቴያ ማንላዲ ናጊዳ ገሾ ታ ሂንቴና ጋላታይሰ።

3 ሺን ከሪሰቶሰ አዳ ኡባሰ ሁዔ፣ አዳይ ማጫሳሰ ሁዔ፣ ቃሲ ያሳይ ከሪሰቶሳሰ ሁዔ ጊዳይሳ ሂንቴ ኡራና ማላ ታ ኮያይሰ።

4 ባ ሁዔያ ጉሊንቴዲ ያሳ ዋሲያ ዋይኮ ቲንቢቴ ኦዲያ አዳ ኡባይ ሁዔ ጊዲዳ ከሪሰቶሳ ቶቼሰ።

5 ባ ሁዔያ ቃጮና ያሳ ዋሲያ ዋይኮ ቲንቢቴ ኦዲያ ማጫሲያ ሁዔ ጊዲዳ ባ አዚና ቶቻላሱ። ባ ሁዔያ ቃጮና ማጫሲያ ባ ሁዔያ ማዴቴዳ ማጫሳ ማላ።

6 ማጫሲ ባ ሁዔያ ቃጮና ኡዪኮ፣ ባ ሁዔያ ቃንዪቶ፣ ሺን ኢው ሁዔያ ቃንጋይ ዋይኮ ማዴይ ቦርሶ ጊዲኮ ባ ሁዔያ ቃጮ።

7 አዳይ ያሳ ለሚሶኔ ያሳ ቦንሾ ጊዲያ ገሾ ባ ሁዔያ ቃቻናው ቤሴና፣ ሺን ማጫሲ አዳሰ ቦንሾ።

8 ማጫሲ አዳፊ ማዴታሱፔ እትን አዳይ ማጫሳፔ ማዴቲቤና።

9 ማጫሲ አዳሰ ማዴታሱፔ እትን አዳይ ማጫሳሰ ማዴቲቤና።

10:16 ማቶ 26:26-28፤ ማር 14:22-24፤ ሉቃ 22:19-20    10:18 ለዌ 7:6    10:20 ዛሬ 32:17    10:22 ዛሬ 32:21    10:23 1ቆር 6:12    10:26 ማከ 24:1    11:1 1ቆር 4:16፤ ፊል 3:17    11:7 ሜዴ 1:26-27    11:8 ሜዴ 2:18-23



10 ሃይሳ ጊሾኔ ከታገኝታ ገሾ ማጫሲ ባው ማቲ ዴዴይሳ ቤሲያ ማላ ባ ሁዔን ቃጫናው ቤሲስ።

11 ሺን ጎዳ ቆፋን ማጫሲ አዳይ ባይና ዳና፤ አዳይካ ማጫሲ ባይና ዴዴይ።

12 ማጫሲ አዳሬ ሜዴቲዳይሳዳ አዳይካ ማጫሳፕ ዩሉተሰ። ሺን ኡባባይካ ያሳፊ ሜዴቲስ።

13 እኔ ሂንቴ ፐርዲቴ። ማጫሲ ባ ሁዔ ቃጫና ያሳ ዋሳናው ቤሲ?

14 አዳይ ባ ሁዔያ ዲቺኮ እያው ቦርሶ ገዴይሳ ሃሪ አቶሺን ሜዴቲሉ ሂንቴና ታማርሴኔ?

15 ሺን ማጫሲ ባ ሁዔያ ዲቺኮ እው ቦንቾ ገዴኔ? ማጫሳሰ ሁዔይ እሜቲዳይ እያ ባና ካማና ማላሳ።

16 ሺን ሃይሳ ቦላ ፓላማናው ኮያ አሲ ዴዲኮ፣ ኑሰ ገዴን ዋይኮ ያሳ ዋሳ ኬላታሰ ገዴን ሃይሳፊ ሃሪ ዋጊ ባዋ።

**ጎዳ ካሁዋ ኤኪያ ማሪ**

(ማቶ 26:26-29፤ ማር 14:22-25፤ ሉቃ 22:14-20)

17 ሂንቴ እሲፊ ሸቄይ ጎሳሰ ገዴናሺን ቆሆሰ ገዴያ ገሾ ሃዒ ታ እሚያ ከታገ ሂንቴና ናሺኪ።

18 ታ ኮይሮ ሲዳዳይ፣ ሂንቴ ዋሳ ኬላጎ ሸቄያ ዋዴ ሂንቴ ገዴን ሻሄቴሉ ዴዴይሳ። ሄ ታ ሲዳዳይሳፊ ባጋይ ቱማ ገዴይሳ አማናይሰ።

19 ሂንቴ ገዴፊ ቱሚ ዴዴይሳቴ ኦናጎቴኮ ኤሬታና ሚላ ሂንቴ ገዴን ሻኮይ ዳናይሲ አቴና።

20 ሂንቴ እሲፊ ሸቄያ ዋዴ ሂንቴ ሸቄይ ጎዳ ካሁዋ ማናሳ ገዴና።

21 ሂንቴ ካሉ ሚያ ዋዴ እሲይ እሲቀ ናጎና ባይሳ ባይሳ ሚያ ገሾ እሲይ ኮሻቴሰ ሃጎኮይ ቃሲ ማላቴሰ።

22 ቱማ ሂንቴ ማናውኔ ኡያናው ሂንቴው ኬሉ ባዋ? ዋይኮ ያሳ ዋሳ ኬላ ካዴቴ? አይኮይ ባይና ማገቆታ ዩላዬቴ? ታ ሂንቴና ዋይጎ? ሃይሳሰ ታ ሂንቴና ናሾ? ናሺኪ።

23 ታኒ ሂንቴው እሚዳ ቲሚርቲያ ጎዳቴ ኤካሰ። ጎዳ ዩሱሲ አፋዲ እሚቴያ ቃማን ኡይላ ኤኪዲ።

24 ያሳ ጋላተሰ። ኡይላ ባሉዲ «ሃዒቴ፤ ሚቴ። ሃይሲ ሂንቴው እሚቴያ ታ አሹዋ። ሃይሳ ሚሻ ታና ሃሳዪቴ» ያገሰ።

25 ሃሳዳካ፣ ካሁዋ ሚዲ ሰሚን፣ ፀዓ ኤኪዲ፣ «ሃይሲ ፀዓይ ታ ሱላጎ ኤቄያ ኦራሳ ጫቁዋ። ሂንቴ ኢያፕ ኡያ ዋዴ ኡባጎ ታና ሃሳዪቴ» ያገሰ።

26 ሂንቴ ሃ ኡይላ ሚያ ዋዴኔ ሃ ፀዓ ኡያ ዋዴ ኡባጎ ጎዳይ ያና ጋካናው እያ ሃይቁዋ ኦዴታ።

27 ሃሳ ገሾ፣ ቤሶና ኦጊያን ጎዳ ኡይላ ሚያ ዋይኮ ጎዳ ፀዓ ኡያ ኦጊካ እያ አሹዋኔ ሱላ ቶቺዳ ገሾ ባ ናጋራጎ ኦይሹቴሰ።

28 ሺን አሲ ባና ፓጮ። ያቲዲ ኡይላ ሞ፤ ፀዓፕካ ኡዮ።

29 ጎዳ አሹዋባ ሻኪ ኤርና፣ ኡይላ ሜይኔ ፀዓፕ ኡይይ፣ ባ ቦላ ፐርዳ ሜሲኔ ኡይሰ።

30 ሃሳ ገሾ፣ ሂንቴ ገዴፊ ዳርቲ ዳቡሪዳሶና፤ ሃርገዳሶና፤ ቃሲ ኡንዴና አሳቴ ሃይቄዳሶና።

31 ሺን ኑ ኡና ፓጪ ቤዒዳባ ገዴያኮ፣ ኑ ቦላ ፐርዳታናሺን።

32 አላሚይ ፐርዳቲያ ዋዴ ኑ አላሚያ፡፡ ፐርዳቶና ሚላ ሃዒ ጎዳይ ኑና ሴሬሰ።

33 ሃሳ ገሾ፣ ታ አሻቶ፣ ጎዳ ካሁዋ ማናው ሂንቴ ሸቄያ ዋዴ እሲይ እሲቀ ጋሉ ኤኪቴ።

34 ሂንቴ ሸቄይ ፐርዳሰ ገዴና ሚላ ኮሻቴዳ ኦጊካ ዴዲኮ፣ ባ ሰን ሞ።  
አቲዳባ ታኒ ያ ባዳ ሂንቴው ኦዳና።

# 12

**ገሻ አያና አዎታታ**

1 ታ አሻቶ፣ ገሻ አያና አዎታታባ ሂንቴ ኤራና ሚላ ታ ኮያሰ።

2 ሂንቴ ያሳ አማናና ዋዴ ዶኒ ባይና ኤቃታጎ ጎሹቲዲ፣ ሂንቴ ኤርና ሶ ቢዳይሳ ኤሬታ።

3 ያሳ አያናይ ካሊሉያ አሲ ኦጊካ፣ «ዩሱሲ ቃንጌቶ» ያገና። ቃሲ ገሻ አያናይ ካሊሉያ ዴዴሺን፣ ኦጊካ፣ «ዩሱሲ ጎዳ» ጋናው ዳጎዳያይሳ ሂንቴ ኤራና ሚላ ኮያይሰ።

4 ዲማ ዲማ አያና አዎታታ ዴያሶና፣ ሺን አዎታታ እሚያ አያናይ እሲቀ።

5 ኑ ጎዳሰ ኦሊያ ዲማ ዲማ ኦሪቲ ዴያሶና፣ ሺን ጎዳይ እሲቀ።

6 ኑ ጎዳሰ ኦሊያ ዲማ ዲማ ኦጊካ ዴያሶና፣ ሺን ሄ ኦጊካ ኦሊያ ያሳይ እሲቀ።

7 ሺን እሲቀሰ እሲቀሰ እሚቲዳ አዎታታጎ ሃራታ ማዳና ሚላ ገሻ አያናይ ቆንጩሰ።

8 ገሻ አያናይ እሲቀሰ ጨንጫቴሉ ኩሚዳ ቃላ እሚሰ፤ ቃሲ እሲቀሰ ኤራቴሉ ኩሚዳ ቃላ አሚሰ።

9 ሄ ገሻ አያናይ እሲቀሰ አማና፣ ሃጎኩቀሰ ቃሲ ፓሉያ ዋልቃ አሚሰ።

10 ጌሻ እያናይ ኢሱዋስ ማላታ ኦሊያ ዋልቃ፡ ኢሱዋስ ቲንቢቲ ኦሊያ ዋልቃ ኢሜስ። ኢሱዋስ እያናፔ እያና ሻኪ ኢሪያ ዋልቃ፡ ኢሱዋስ ዲማ ዲማ ደናን ኦሊያ ዋልቃ፡ ቃሲ ኢሱዋስ ዲማ ዲማ ደናን ኦሊያ ዋልቃ ቢርሺያ ዋልቃ ኢሜስ።

11 ሽን ሃ ኡባ ኦሊያ ሄ ኢሲ ጌሻ እያና። ኢ ኮያ ሜላ ኢሲ ኢሲ ኣሳሰ ዲማ ዲማ ኢሞታ ኢሜስ።

ኣሳቴላይ ዲማ ዲማ ቢሊቲታ

12 ኢሲ ኣሳቴላይ ዳር ቢሊቲቲ ዲዎሶና፡ ሽን ሄ ዲማ ዲማ ቢሊቲቲ ኢሲ ኣሳቴላ ጊደሶና። ሃሳዳካ፡ ከሪሰቶሲ ዲማ ዲማ ቢሊቲቲ ዲሚያ ኣሳቴላ ሜላ።

13 ኮኒ ኣይሁዳ ጊደን ጊሪኮ ጊደን ኣይሌ ጊደን ዋማና ጊደን፡ ኡባይ ኢሲ ኣሳቴላ ጊደናው ጌሻ እያናን ማጭቲዳ። ቃሲ ኦ ኡባይ ኢሲ ጌሻ እያና ኡኪዳ።

14 ኦ ኣሳቴላን ዲማ ዲማ ቢሊቲቲ ዲዎሶናፔ ኣቲን ኢሲ ቢሊቲ ጊደና።

15 ቶሆይ፡ «ታኒ ኩሺ ጊደና ጊሾ ቢሊቲ ጊደኪ» ጊኮ፡ ኢ ሃሳ ጊዳ ጊሾ ቢሊቲቲላይ ኣቲዬ?

16 ሃይላ፡ «ታኒ ኣይፌ ጊደና ጊሾ ቢሊቲ ጊደኪ» ጊኮ፡ ኢ ሃሳ ጊዳ ጊሾ ኣሳቴላፌ ኢሲ ቢሊቲ ጊደይሲ ኣቲዬ?

17 ኣሳቴላ ኡባይ ኣይፌ ፃላላ ጊደዳኮ፡ ኦ ኣይቢን ሲባን? ቃሲ ኣሳቴላ ኡባይ ሃይላ ፃላላ ጊደዳኮ ኦ ኣይቢን ሲንጋን?

18 ሽን ያሳይ ባ ኮዩዳይሳዳ፡ ኣሳቴላ ጊደን ዲማ ዲማ ቢሊቲታ ዋሉስ።

19 ኡባይ ኢሲ ቢሊቲ ጊደዳኮ ኣሳቴላ ዋኒዲ ዳን?

20 ሽን ቢሊቲቲ ዳር ጊደኮካ፡ ኣሳቴላይ ኢሲ።

21 ኣይፌይ ኩሼኮ፡ «ኔ ታው ኮሻካ» ጋናው ዳንዳዳና። ዎይኮ ሁዔይ ቶሆኮ፡ «ኔ ታው ኮሻካ» ጋናው ዳንዳዳና።

22 ሽን ዳቡራ ዳኒያ ኣሳቴላ ቢሊቲቲ ኦሲ ኣዲ ኮሾሶና።

23 ቦንቾ ኮሺና ጊዳ ኦ ቆፒያ ኦ ቢሊቲታፔ ባጋታ ዳር ቦንቾስ። ቃሲ ኦ ቦርሴታ ኦ ኣሳቴላ ቢሊቲታ ኣላ ቦንቾዲ ናጎስ።

24 ኦ ቤዒን ቦርሶና ኣሳቴላ ቢሊቲታሰ ቦንቾ ኮሺና። ሽን ያሳይ ኦ ኣሳቴላ ቢሊቲታ ዋሊራ ጋሴላ ዳር ቢሊቲቲ ኢሲ ኣዲ ቦንቾ ኢሜስ።

25 ኣሳቴላ ቢሊቲቲ ኢሲ ኢሱዋራ ሻኮ ሜዶና ዋሊስ ቆፓና ሜላ ኦሊዲ ሜዲስ።

26 ኣሳቴላ ቢሊቲታፔ ኢሲ ሳኩቲኮ ቢሊቲቲ ኡባይ ኢሲ ሳኩቶሶና። ኣሳቴላ ቢሊቲታፔ ኢሲ ቦንቾቲኮ ቢሊቲቲ ኡባይ ኢሲ ኡፋይቶሶና።

27 ሃንቲ ኡባይ ከሪሰቶሳ ኣሳቴላ፤ ቃሲ ሃንቲ ኢሲ ኢሲ ኢሲ ቢሊቲታ።

28 ዋሳ ኪላን ያሳይ፡ ኮይር ሃዋሪታ፡ ናሞዓንላ ናቤታ፡ ሃዳንላ ኣሰታማሪታ፡ ካሊዲ ማላታ ኦሊያሳታ፡ ፓሌሳሳታ፡ ሃራታ ማይሳሳታ፡ ዋሳ ኪላ ኣይሴይሳታ፡ ዲማ ዲማ ደናን ሃሳዬይሳታ ዋሉስ።

29 ኡባይ ሃዋሪ? ኡባይ ናቤ? ኡባይ ኣሰታማሪ? ኡባይ ማላታ ኦሊ?

30 ኡባይ ፓሌዬ? ኡባይ ዲማ ዲማ ደናን ኦሊያ? ኡባይ ዲማ ዲማ ደናን ኦሊያቲሳ ቢርሺ?

31 ሽን ኡባፌ ኣዲያ ኢሞታ ማንሲዲ ኮዩቲ።

ቃሲ ኡባፌ ኣዲያ ኦሊያ ታ ሃንቲና ቤሳና።

### 13

ቱማ ሲቆ

1 ታኒ ኣሳ ቃላይ ኪታንቾ ቃላ ኦይታናው ዳንዳዳኮካ፡ ታው ሲቆይ ቆይኮ፡ ጮ ጊሪያ ዳላ ሜላ።

2 ቲንቢቲ ኦሊያ ኢሞይ ታው ዲዒኮካ፡ ፀራ ኡባ ኤሪኮካ፡ ኤራቲላ ኡባይ ዲዒኮካ፡ ቃሲ ዳሪያ ዲንሲዲ ሃራሶ ኤፊያ ኣማናይ ታው ዲዒኮካ፡ ሲቆይ ቆይኮ፡ ታ ኣይኮካ ጊደኪ።

3 ታው ዲሚያባ ኡባ ማንቆታሰ ኢሚኮካ፡ ሃሪ ኣቶሺን፡ ታና ታማሰ ኣላ ኢሚኮካ፡ ሲቆይ ቆይኮ ታና ኣይኮካ ማዳና።

4 ሲቆይ ዳንዳዳንቾ። ሲቆይ ኪሃ። ሲቆይ ቃናቲና። ሲቆይ ጩቁቲና። ሲቆይ ኦቶሬና።

5 ሲቆይ ቤሶናባ ኦሊና። ሲቆይ ኡዜቲና። ሲቆይ ዩሎቲና። ሲቆይ ባ ቆሆ ፓይዳና።

6 ሲቆይ ቱማን ኡፋይቲሲ፤ ኣቲን ዋርደን ኡፋይቲና።

7 ሲቆይ ኡባ ዳንዳዳሰ፤ ኡባ ኣማኔሰ፤ ሎዎባይ ሃናና ጊዲ፡ ኡፋይሳን ናጌሰ፤ ኡባ ጌንጩሰ።

8 ሲቆይ ዉርሴላ ጋካናው ቆይና። ሽን ቲንቢቲይ ኣታና፤ ዲማ ዲማ ደናን ኦሊያቲሴ ኣታና፤ ኤራቲላካ ኣሳና።

- 9 ኑ ኤራቴላፌ ጉላ ኤርሰ፤ ቲንቢቴያፕ ባጋ ኑደሰ።
- 10 ሸን ፖሎ ገደዳይሲ ያ ዎዴ ፖሎ ገደናይሲ አታና።
- 11 ታኒ ናሳ ዴዳሃ ዎዴ ናሳዳ ሃሳይሰ፤ ናሳዳ ቆፓይሰ፤ ናሳዳ አከካይሰ። ታ ካሃሚዳ ዎዴ ናሳቴላ ሃኑዎ አጎሰ።
- 12 ሃሲ ፖያይ ባይናሶን ማሰቶቴን ቤዴይሳዳ ቤዎስ። ሸን ሄ ዎዴ ኑ ቆንጩን ቤሳና። ሃሲ ኑ ኤራቴላፌ ጉላ ኤርሰ። ሸን ሄ ዎዴ ያሳይ ኑና ኤራይሳዳ ፖሎ ኤራና።
- 13 ሂዛ። አማናይ፣ ኡፋይሲኔ ሲቆይ፣ ሃ ሄቸቴ ኤቁዲ ዳና። ሸን ሃይሳታፕ አፌይ ሲቆ።

# 14

## ቲንቢቴኔ ዲማ ዲማ ደና

- 1 ሲቆ ካሊቴ። አያና አሞታታ ሚንሉዲ ኮዩቴ፤ ኡባፌ አሉዲ፣ ቲንቢቴ አሞታ ሚንሉዲ ኮዩቴ።
- 2 ዲማ ዲማ ደናን ኦዴቴያ አሲ ያሳሰ ኦዴሲፕ አቴን አሳሰ ኦዴና። ሸን አሳሰ ቆንጩሲና ፀራ አያና ዎልቃን ኦዴቴያ ገሾ ኦኒካ ኢ ኦዴቴይሳ አከከና።
- 3 ሸን ቲንቢቴ ኦዴይሳቴ አሲ ዲቻናው፣ ሚንሉላናውኔ ሚንላናው አሳሰ ኦዴሰ።
- 4 ዲማ ዲማ ደናን ኦዴያ አሲ ባና ዲቸሰ። ሸን ቲንቢቴ ኦዴያ አሲ ዎሳ ከላ ዲቸሰ።
- 5 ሂንቴ ኡባይ ዲማ ዲማ ደናን ኦዴቴያኑ ታ ደሳይሰ። ሸን ቲንቢቴ ኦዴናይሳ አላዳ ደሳይሰ። ዲማ ዲማ ደናን ኦዴቴይሳ ዎሳ ከሌ ዲቻናው ቢርሸያ አሲ ጻዩኮ። ዲማ ዲማ ደና ኦዴቴያሳፌ ቲንቢቴ ኦዴይሲ አፌሰ።
- 6 ሸን ታ አሻቶ፣ ታኒ ሂንቴኮ ባዳ ቆንጩላን ዎይኮ ኤራቴላን ዎይኮ ቲንቢቴ ኦዴን ዎይኮ ቲሚርቴን ገደናሸን ዲማ ዲማ ደናን ኦዴቴኮ ሂንቴና አይ ማዳኔ?
- 7 ዲማ ዲማ ዴላ ሚሽታሰ አሲ ቆሞ ገርሲ ዳዒኮ፣ ሱሱልዳ ገርሲኔ ዲላ ገርሲ ዎቲዲ ሻኪ ኤራኔ?
- 8 ቃሲ ሞይዜ ፑናይ ገዩዲ ኤሬቶና ኢዳኮ ኦላሰ ገገቴይ ኦኔ?
- 9 ሂሳዳካ፣ ዲማ ዲማ ደናን ሂንቴ ኦዴቴይሲ ቆንጩ ገደና ኢዳኮ ሂንቴ ኦዴይሳ ኦኒ ኤራኔ? ሂሲ ጫርኮሰ ኦዴያ ማላ።
- 10 ሃ አላሚያን ዳር ደናቴ ዳዎሶና፤ ሄ ኡባሰ ቢርሸሌ ዳዒሰ።
- 11 ሸን አሲ አሲ ኦዴቴያ ደና ታኒ ኤርና ኢዳኮ ኢ ታው አማሌ ገዴሰ፤ ታካ ኢያው አማሌ ገዴይሰ።
- 12 ሂሳዳካ፣ ገሻ አያና አሞታ ሂንቴ ኤካናው ሚንሉዲ ኮይኮ፣ ዎሳ ከሌ ዲቻናው ኡባፌ አፄያ አሞታ ኮዩቴ።
- 13 ዲማ ዲማ ደናን ኦዴቴያ አሲ ባ ኦዳ ቢርሻናው ቢርሸላ አሞታይ አሚታና ማላ ያሳ ዎሶ።
- 14 ታኒ ዲማ ዲማ ደናን ያሳ ዎሲኮ፣ ታ አያናይ ዎሲሰ። ሸን ታ ዎዛናይ አይኮካ ጎራቴና።
- 15 ያቴን፣ ታ አይ ኦላናው ኮሸ? ታኒ ታ አያናን ዎሳይሰ፤ ታ ዎዛናካ ዎሳይሰ። ታኒ ታ አያናን ዩፃይሰ፤ ታ ዎዛናካ ዩፃይሰ።
- 16 ሂሳ ገደና ኢዳኮ ኦኒ ኔ አያናን ያሳ ጋላቴያ ዎዴ ሄ ቤሳን ኦኒ ገይሳ ኤርና አሲ ኔ ጋላቴይሳ ዎይገዲ፣ «አሚንዳ» ጋኔ?
- 17 ኦኒ ያሳ ጋላቴይሲ ሎዎ፣ ሸን ሃራ አሲ ማዴና።
- 18 ታ ሂንቴ ኡባፌ አላዳ ዲማ ዲማ ደናን ኦዴቴያ ገሾ ያሳ ጋላታይሰ።
- 19 ሸን ታኒ ዎሳ ከላን ሃራታ ታማርሳናው ዲማ ዲማ ደናን ታው ሙኩሉ ቃላ ኦዴታናፕ ኤራቴያ ደናን ኢቻሹ ቃላ ኦዴታናው ደሳይሰ።
- 20 ታ አሻቶ፣ ሂንቴ ቆፋን ናይታዳ ሃናፕቴ። ሂንቴ ኢታባሰ ናይታዳ ሃናፕቴ ኦኒን ሂንቴ ቆፋን ካሃማታ ገዴቴ።
- 21 ጎዳይ፣ ገሻ ማፃፋን፣  
«ታኒ ሃ አሳሰ፣  
ዲማ ዲማ ደናን ኦዴቴያ አሳኒኔ  
አማላ አንፃርሳን ኦዴቴያ አሳን ኦዳና።  
ሸን ሂሲ ሃኒኒካ ታና ሲዎኮና» ያገሰ።
- 22 ሂዛ፣ ዲማ ዲማ ደናን ሃሳዮይ፣ አማናና አሳሰ ማላ ገዴሲፕ አቴን አማኒያ አሳሳ ገዴና። ቲንቢቴይ አማኒያ አሳሰ ማላ ገዴሲፕ አቴን አማናና አሳሳ ገዴና።
- 23 ዎሳ ከላ አሳይ ኢሲፌ ሸቆያ ዎዴ ኡባይ ዲማ ዲማ ደናን ኦዴቴኮ ኤርና ዎይኮ አማናና አሳይ ሂንቴ ሸቆዎ ዩዲ፣ «ሃይሳቴ ጎዮሶና» ጎኮናዬ?
- 24 ሸን ኤርና ዎይኮ አማናና አሳይ ዎሳ ከሌ ያ ዎዴ አሳይ ቲንቢቴ ኡዲሸን፣ ሲዒኮ ባ ናጋራ አከካና፤ ቃሲ ኢ ሲዒዳ ቃላን ፐርዴታና።

25 ኤንቲ ኢያ ዋዛናን ገሚዳ ቆፋ ቆንጨሳና። ሄሳዳካ፣ «ቱማ ያሳይ ሂንቴ ገደን ደዔሰ» ያገዱ ማርካቲዲ፣ ጉፋኒዲ ያሳሰ ጎይናና።

ጎይኖ ማራ

26 ታ ኢሻቶ፣ ኑ ዋይገኖ? ሂንቴ ኢሰፊ ሸቂያ ዋዴ ኢሱዋሰ ማዝሙራይ ደዔሰ፤ ኢሱዋሰ ታማርሶ ኢሞቲ ደዔሰ፤ ኢሱዋሰ ቆንጨ፡ሌ ደዔሰ፤ ኢሱዋሰ ዲማ ደናን ሃሳዮይ ደዔሰ፤ ኢሱዋሰ ቢርሺፋ አሞቲ ደዔሰ። ሄ ኡባይ ዋሳ ኬሌ ዲቺያባ ገደናው ቤሴሰ።

27 ዲማ ዲማ ደናን ኦዴቲያ አሳቲ ደዒኮ፣ ናሞሳ ዋይኮ ዳሪኮ ሄሻ ገዲዲ ማራን ማራን ሃሳያናው ቤሴሰ። ኤንቲ ኦዴቲይሳ ሃራ አሲ ቢርሺ።

28 ሺን ቢርሺያ አሲ ቆዩኮ፣ ዲማ ዲማ ደናን ኦዴቲይሲ ዋሳ ኬላን ሲዒ ጎ። ባወኔ ባ ያሳሰ ኦዶ።

29 ቲንቢቴ ኦዴይሳቲ ናሞሳ ዋይኮ ሄሻ ገዲዲ ኦዶ። ቃሲ ሃራቲ ኤንቲ ገያባ ፒርደና።

30 ሄ ሸቂዋን ደዒያ ሃራ አሳሰ ኢሲባይ ቆንጨኮ ካሲ ኦዴቲይሲ ሲዒ ጎ።

31 ኡባይ ታማራና ማላኔ ኡባይ ሚናና ማላ ማራን ማራን ቲንቢቴ ኦዶናው ዳንዳዔታ።

32 ናቤታ አያናይ ናቤታሰ ከቴቴሰ።

33 ገሻታ ዋሳ ኬላ ኡባይ ሜዘቲደይሳዳ ያሳይ ሳርቴላ ያሳፊ አቲን ጫቦ ያሲ ገደና።

34 ማጫሲ ዋሳ ኬላን ሲዒ ጎ። ሙሴ ሂጌይ ጌይሳዳ ኤንቲ ሃራቶፊ አቲን ዋሳ ኬላን ኦዶናው ኤንታው ማቲ ባዋ።

35 ማጫሲ ዋሳ ኬላን ሃሳዮይ ቦርሶ ገዲያ ገሾ ኢሲባ ኡራናው ኮይኮ ሶን ባንታ አዚናታ ኦይቾና።

36 ያሳ ቃላ ኮይሮ ሂንቴ ኤሂዴቲ? ዋይኮ ያሳ ቃላይ ሂንቴ ያላላኮ ዪዳ?

37 ኦኒካ ባና ናቤ ዋይኮ ባና ያሳ አሲ ገዲ ቆፒኮ፣ ታኒ ሂንቴው ያፊይሲ ጎዳ ከታ ገደይሳ አኬኮ።

38 ሺን ኦኒካ አኬኮና ኢደኮ አካ አኬኬቶፎ።

39 ሄሳ ገሾ፣ ታ ኢሻቶ፣ ቲንቢቴ ኦዶናው ሚንሌዲ አሞቲቴ፤ ቃሲ ዲማ ዲማ ደናን ኦዴቲይሳካ ዲሰፊቴ።

40 ሺን ኡባይካ ዋጋኒኔ ማራን ገደ።

# 15

## ከሪሰቶሳ ሃይቆፔ ደንዲዋ

1 ታ ኢሻቶ፣ ታ ሂንቴው ማርካቲዳ ዋንጌላ ሂንቴ ኤኪዳይሳኔ ሂንቴ አማናይ ኢያን ኤቁዳይሳ ሂንቴ አኬካና ማላ ኮያይሰ።

2 ታ ታማርሲዳ ዋንጌላ ሚንሌዲ ኦይኪኮ ሂንቴ ኢያን አታና። ሄሲ ሃናና ኢደኮ ሂንቴ አማናኦይ ሃዳ ገደና።

3 ታኒ ኤኪዳ ኡባፊ አጂያ ከታ ካሲታዳ ሂንቴው አማሰ። ሄሲካ፣ ገሻ ማፃፋይ ጌይሳዳ፣ ከሪሰቶሲ ኑ ናጋራ ገሾ ሃይቁሰ።

4 ሞጌቲሰ፤ ገሻ ማፃፋይ ጌይሳዳ፣ ሄሻንሶ ጋላሳን ሃይቆፔ ደንዲሰ።

5 ጳደርሳሰ ቆንጨሰ። ሃሳፊ ጉዬ፣ ታማኔ ናሞዑ ሃሞራታሰ ቆንጨሰ።

6 ሃሳፊ ጉዬ፣ ኢቻሹ ይታፔ ዳሪያ አሳሰ ኢሲ ቶሆ ቆንጨሰ። ኤንታፊ ዳሪያ ባጋይ ሃዒ ጋካናው ጋሃ ዴዖሶና፣ ሺን ጉላቲ ሃይቁዶሶና።

7 ሃሳፊ ጉዬ፣ ያይቆባሰ ቆንጨሰ፤ ጉዬፔ ባ ሃሞራታ ኡባሰ ቆንጨሰ።

8 ቃሲ ወርሴላን አወጫያ ሚላ ገዲዳ ታው ቆንጨሰ።

9 ታኒ ዬሱሳ ሃሞራታ ኡባፊ ላፋ። ታኒ ያሳ ዋሳ ኬላ ጎዲዳ ገሾ ዬሱሳ ሃሞራ ጌቲታዳ ያጌታናው ቤሶናይሳ።

10 ሺን ያሳ አቆ ከሃቴላን ታ ሃዒ ገዲዳይሳ ገደሰ፤ ኢ ታው አሚዳ አቆ ከሃቴላይ ማላ አቲቤና። ታኒ ሃንኮ ሃሞራታፔ አላዳ ዳቡራሰ። ሺን ታራ ዴዒያ ያሳ አቆ ከሃቴላይ ኦሊሰፔ አቲን ታና ገዲኬ።

11 ሂዛ፣ ታና ገደን ኤንቲ፣ ኑ ኡባይ ታማርሴይ ሄሳ፤ ሂንቴካ ሄ ከታ አማኒዴታ።

## ሃቆፔ ደንደ

12 ከሪሰቶሳ ሃይቆፔ ደንዲዳይሳ ኑ ሳባኪያ ዋዴ ሂንቴፊ ኢሶቲ ኢሶቲ ያቲን፣ ዋይገዲዳ፣ «ሃይቆፔ ደንደይ ባዋ» ያጎና?

13 ሃይቆፔ ደንደይ ባይናባ ገዲኮ ከሪሰቶሳ ሃይቆፔ ደንዲቤና ጉሱ።

- 14 ከሪስቶሲ ሃይቆፔ ዳንዲቦናባ ገዲኮ ኑ ቲሚርቲይ ቃሲ ሂንቲ አማኖይካ ሃዳ።
- 15 ሃይቆፔ ዳንዲይ ባይናሺን፣ ኑኒ ያሳይ፣ «ከሪስቶሳ ሃይቆፔ ዳንዲሰ» ያገዲ ሳባኪሼ ያሳ ሞርዳንቾ ማርካታ ገዲዳ ጉሱ።
- 16 ሃይቆዳ አሳይ ሃይቆፔ ዳንዲቦናባ ገዲኮ ሂዛ፣ ከሪስቶሲ ሃይቆፔ ዳንዲቤና።
- 17 ከሪስቶሲ ሃይቆፔ ዳንዲቦናባ ገዲኮ፣ ሂንቲ አማኖይ ሃዳ፤ ቃሲ ሂንቲ ሃሊ ጋካናው ሂንቲ ናጋጋን ዳዔታ።
- 18 ሂዛ፣ ከሪስቶሳ አማኒዲ ሃይቆዳይሳቲካ ጳዪደሶና ጉሱ።
- 19 ኑኒ ሃ አሳሚያ ዳዑሞ ፃላላሰ ከሪስቶሳን ኡፋይሲ ኡሉዳባ ገዲኮ፣ ሃ ሳዓን ዳዔያ አሳ ኡባፌ ኑባይ አጲዳ ዪባታ።
- 20 ሺን ከሪስቶሲ ሃይቆዳይሳታሰ ሃይቆፔ ዳንዲን ባይራ ገዲዲ ቱማ ዳንዲሲ።
- 21 ሃይቆይ ኢሲ አሳ ባጋራ ሃ አሳሚያ ዪዳይሳዳ ሃይቆፔ ዳንዲይ ኢሲ አሳ ባጋራ ዪሲ።
- 22 አዳሜ ባጋራ አሳ ኡባይ ሃይቆዳይሳዳ ከሪስቶሳ ባጋራ አሳ ኡባይ ዳዩን ዳና።
- 23 ሺን ኢሶይ ኢሶይ ባ ማራን ማራን ዳንዲና። ከሪስቶሲ ኡባፌ ካሱቲዳ ዳንዲሰ፤ ሄሳፌ ጉዬ፣ ከሪስቶሳይሳቲ ኢ ያ ሞዴ ዳንዲና።
- 24 ሄሳፌ ጉዬ፣ ከሪስቶሲ ሃራይሳ፣ ማታኑ ሞልቃ ኡባ ጳይሲዲ፣ ካሞቴሳ ያሳ አሞሰ አሚያ ሞዴ ሞዲያ ወርሲሳይ ያና።
- 25 ያሳይ ኢያ ሞርኬታ ኡባ ኢያ ቶሁሞፔ ጋርሳን ሞላና ጋካናው ከሪስቶሲ ሃራናው ቤሴሰ።
- 26 ወርሲሳን ኢ ጳይሳናው ዳዔያ ሞርኬይ ሃይቆ።
- 27 ጌሻ ማፃፋን፣ «ያሳይ ኡባባ ኢያ ማታፔ ጋርሳን ሃራሲሰ» ጌቲቲዲ ፃፊቲሰ። ሺን ኡባ ኢያ ማታፔ ጋርሳን ሃራሲሰ ጌይሲ፣ ኡባባ ኢያ ማታፔ ጋርሳን ሃራሲዳ ያሳ ጉጃና።
- 28 ኡባባይ ከሪስቶሳ ማታፔ ጋርሳን ሃራቲዳፔ ጉዬ ከሪስቶሲ ቃሲ ባ ሁዔን ኡባባ ባው ሃራሲዳ ያሳሰ ሄራታና። ሄ ሞዴ ያሳይ ባ ፃላላ ኡባ ሃራና።
- 29 ሃይቆዳይሳቲ ዳንዲቦናባ ገዲኮ ኤንታ ጊሾ አሳሰ አይቤ ሞዴይ ዳዒ? ሃይቆዳይሳቲ ዳንዲቦናባ ገዲኮ ያቲን፣ አይሰ፣ አሳይ ሃይቆዳይሳታ ጊሾ ፃማቁቶና?
- 30 ያቲን፣ ኑኒ አይሰ ኡባ ሞዴ ኑናቴሳ ሜቶሰ አሉ አሞና?
- 31 ታ አሻቶ፣ ታ ጋላሰ ጋላሰ ሃይቆሰ አጳዳ አሚታይሰ። ሄሲካ፣ ጎዳ ከሪስቶሲ ዬሱሳን ዳዔያ ዳዑሞ አሲፊቴሳን ሂንቲናን ጩቁያ ጊሾሳ።
- 32 አሳ ቆፋፃ ገዲኮ፣ ታኒ ኤፊሶናን ደዓራ ቡቲቲዳይሲ ታና አይ ማዲ? ሃይቆዳይሳቲ ሃይቆፔ ዳንዲቦናባ ገዲኮ፣ «ሞንቶ ኑ ሃይቆያ ጊሾ ሃቺ ማና ኡያና» ያገያ አሳ ሚላ ገደሰ።
- 33 ጩሜቶሬቲ! ኢታ ላጌቴሉ ሎዮ አማሊያ አሴሰ።
- 34 ሂንቲ አኩካኮ ስሚቲ። ናጋራ ኦሎፊቴ። ሂንቲፌ ኢሲ ኢሲ አሳይ ያሳ ኤርኮና። ታኒ ሂንቲና ዬላያናው ሄሳ ጋይሰ።

**ዳንዲ አሳቴሉ**

- 35 ኢሲ አሲ፣ «ሃይቆዳ አሳይ ሞኒዲ ዳንዲን? ኤንቲ አይ ሚላ አሳቴሳራ ያኔ?» ያጎና አጌና።
- 36 ኔና ኤያው፣ ኔኒ ቢታን ዜሪያ ዜሬሳይ ሃይቆና ዶሊና።
- 37 ኔኒ ዜሬይ ገሰቲ ገዲን ሞይኮ ሃራ ካሳ ቆሞ አይፌ ፃላላ ዜራሳፔ አቲን ዶሊዳ ዶላ ገዲና።
- 38 ሺን ያሳይ ዜሬሳሰ ባ ዶሲዳ ሚላ ሚዴቴሉ አሚሰ። ዳማ ዳማ ዜሬሳሰ ዳማ ዳማ አሳቴሉ አሚሰ።
- 39 ሚዴቴሳ ኡባ አሻይ ኢሰ ገዲና። ሺን አሳ አሻይ ኢሱሞ፤ ሚሄ አሻይ ዳማ፤ ካፎታ አሻይ ዳማ፤ ቃሲ ሞሎ አሻይ ዳማ።
- 40 ሳሎ አሳቴሉ ዳዔሰ፤ ቃሲ ሳዓ አሳቴሉ ዳዔሰ። ሺን ሳሎ አሳቴሳ ቦንቾይ ዳማ፤ ቃሲ ሳዓ አሳቴሳ ቦንቾይ ዳማ።
- 41 አሞ ቦንቾይ ዳማ፤ አጌና ቦንቾይ ዳማ፤ ያለንቶታ ቦንቾይ ዳማ፤ ኢሲ ያለንቶይ ሃንኮ ያለንቱሞፌ ቦንቾን ዳማቴሰ።
- 42 ሃይቆዳይሳቲ ሃይቆፔ ዳንዲያ ሞዴ ሄሳዳ ሃናና። ሃይቆያ አሳቴሳይ ዜሬቴሰ፤ ሃይቆና አሳቴሉ ገዲዲ ዳንዲሰ።
- 43 ቶሺን ዜሬቲዲ፣ ቦንቾን ዳንዲና፤ ዳቡራን ዜሬቲዲ፣ ሞልቃን ዳንዲና።
- 44 ሚዴቴሳ አሳቴሳይ ዜሬቲዲ፣ አያና አሳቴሉ ገዲዲ ዳንዲና። ሚዴቴሳ አሳቴሉ ዳዒኮ፣ አያና አሳቴሉ \* ዳዔሰ።

15:25 ማክ 110:1    15:27 ማክ 8:6    15:32 አሳ 22:13    \* 15:44 አያና አሳቴሉ፡ ጌሻ አያናይ ሃራዳ ሞይኮ ጌሻ አያናይ ዳዩ አሚዳ አሳቴሉ ጉሱ።

45 ሃሳዳካ፣ ጌሻ ማፃፋን፣ «ኮይሮ አዳይ፣ አዳሚይ፣ ፓፃ ዳዒያ አሴ ጊዲዲ ሜዴቲስ» ያጌሰ። ሽን ጠርሴላ አዳሚይ፣ ከሪሰቶሲ፣ ዳዖ አሚያ አያና ጊዲሰ።

46 ሽን ሜዴታ አሲ ኮይሮ ዪን፣ ጉዬፔ አያና አሲ ዪሲፔ አቲን አያና አሲ ኮይሮ ዪቤና።

47 ኮይሮ አዳሚይ ቢታፌ ሜዴቲዳ ቢታ አሲ፤ ናሞዓንሶ አዳሚይ ሳሎፔ ዪዳ ሳሎ አሲ።

48 ቢታፌ ሜዴቲዳይሳቲ ቢታፌ ሜዴቲዳይሳ ዳናሶና። ሳሎፔሳቲ ሳሎፔ ዪዳይሳ ዳናሶና።

49 ኑኒ ቢታፌ ሜዴቲዳ አዲያ ዳኔይሳ ሜላ ሳሎፔ ዪዳ አዲያ ዳናና።

50 ታ አሻቶ፣ ታ ጌይሲ ሃሳ፤ ሃሳ ኑ ማዒዳ አሳቴላይ ያሳ ካሞቴላ ላታናው ዳንዳዔና። ዋቂያ አሳቴላይ ዋቆና አሳቴላ ላቴና።

51 ታ ሂንቴው አሲ ፀራ አዳና። ኑ ኡባይ ሃይቆኮ፣ ሽን ጠርሴላን ኡባይ ላሚታና።

52 ሞይዜይ ፑኔቲያ ዋዴ አይፌይ ቁጲ ያላናው ሃሳዮና ላሚታና። ሃይቁዳ አሳይ ዋቆና አሲ ጊዲዲ ዳንዳና፤ ኑካ ላሚታና።

53 ሃይሲ ዋቂይሲ ዋቆናይሳ፣ ሃይሲ ሃይቄይሲ ሃይቆናይሳ ማዓናው ቤሲሰ።

54 ሃይሲ ዋቂይሲ ዋቆናይሳ፣ ቃሲ ሃይሲ ሃይቄይሲ ሃይቆናይሳ ማዒያ ዋዴ ጌሻ ማፃፋን፣ «ሃይቆይ ያኖን ሚቴቲስ» ጊያ ቃላይ ፖሌታና።

55 ሃሳዳካ፣ «ሃይቆ፣ ኔ ያኖይ አጫን ዳዒ? ሃይቆ፣ ኔ ቆሂያ ዋልቃይ አጫን ዳዒ?»

ጊዳ ቃላይ ፖሌታና።

56 ሃይቆይ ዲኪያ ዋልቃይ ናጋራ፤ ቃሲ ናጋራ ዋልቃይ ሂጌ።

57 ሽን ኑ ጎዳ ዬሱስ ከሪሰቶሳ ባጋራ ኑስ ያኖ አሚያ ያሳ ጋላቲ ጋኮ።

58 ሃሳ ጊሾ፣ ታ ሰቆ አሻቶ፣ ቃይና ሚኒዲ ኤቂቴ። ጎዳ ኦሱዋን ሂንቴ ዳቡሬይሲ ጮ ጊዳናይሳ ኤሪዲ ኡባ ዋዴ ጎዳ ኦሱዋ አዛሎና ኦሊቴ።

# 16

## አማኒያ አሳሰ ሸቂዳ ማዳዋ

1 አማኒያ አሳሰ ሚሼ ሸሽባ ጋላቲያ ዋሳ ከላታሰ ታኒ ከቲዳይሳዳ ሂንቴካ ኦሊቴ።

2 ሚሼያ ሸሽቄ ታ ሂንቴኮ ቢያ ዋዴ ጊዳና ሚላ ኢሶይ ኢሶይ ሳሚንታፌ ኮይሮ ጋላሰ። ዋጋ ዋዴ ዋጋ ዋዴ ባ ዳሚይሳፌ ከሲዲ ባ ሶን ዳጋዮ።

3 ታኒ ያ ቢዳ ዋዴ ሚሼያ ዬሩሳላሚ ጋላና ሚላ ሂንቴ ዶሪያ አሳሰ ዳብዳቤ አሚዳ ኤንታ ዬሩሳላሚ ከታና።

4 ኤንታራ ታ ቡሳይ ኮሺያባ ጊዲኮ ኤንቴ ታራ ባናው ዳንዳዖሶና።

## ጳውሎሳ ቆፋ

5 ታኒ ማቄደኒያራ አቆናው ቆፒዳ ጊሾ ያ ባዳ ሂንቴኮ ያና።

6 ታ ቢያሶ አው ጊዲኮካ፣ ታ ቡሳን ሂንቴ ታና ማዳና ሚላ ሂንቴ ማታን ጉላ ዋዴ ጋሞዖና አገኪ። ባልጎ አገናታ ሂንቴ ማታን አሶና ዋያ አጋና።

7 ታኒ ኦጌራ አቆሽ ሂንቴና ቤባናው ኮዪኬ። ጎዳይ ገኮ፣ ሂንቴ ማታን ጉላ ዋዴ ታካናው ቆፓይሰ።

8 ሽን ታኒ ጳንጻቆሰጻ ባለይ ጋካናው ኤፌሶናን ጋሞዖና።

9 ታው አሶይ ኩሚዳ ዳልጋ ፔንጌይ ዶዬቲስ። ሽን ዳሮ ኤቂቴያ ሞርኩቲ ዳዖሶና።

10 ኢ ታ ሚላ ጎዳ ኦሶ ኦሊያ አሲ ጊዲያ ጊሾ ያሞቴዮሲ ሂንቴኮ ቢኮ፣ ሂንቴ ማታን ኢ ሂርጎና ዳና ሚላ ኦሊቴ።

11 ኦኒካ ኢያ ካቻ። ኢ ታኮ ሳሮ ሰማና ሚላ ኢያ ማዲዲ ሞይዚቴ። ታኒ ኢ ሃንኮ አማኔይሳታራ ሰማናይሳ ናጋይሰ።

12 ኑ አሻ አጲሎሲ ሃንኮ አማኔይሳታራ ሂንቴኮ ባና ሚላ ታ ኢያ ሚንላ ዋሳሰ። ሃሳ ሂንቴኮ ባናው ኮዪቤና፣ ሽን ኢያው አንጃቲያ ዋዴ ሂንቴኮ ባና።

## ጠርሴላ ዞሬኔ ሳርሶ

13 ባርኪቴ፤ አማኖን ኤቂቴ፤ ያለቴ፤ ሚኒቴ።

14 ኦሶ ኡባ ሲቆን ኦሊቴ።

15 ታ አሻቶ፣ ኢሰጻፋሴይኔ ኢያ ሶ አሳይ አካያን ኤንቴ ኮይሮ አማኔይሳታ ጊዳይሳኔ አማኔይሳታ ማዳናው ባንታና አላ አሚዳይሳ ሂንቴ ኤሬታ።

- 16 ሂንቴካ ኤንታ ማላ አሳሲኔ፣ ኤንታራ ኦሶን ዳቡሪያ ኡባስ ከቴታና ማላ ታ ሂንቴና ዋሳይሰ።
- 17 ኢስፃፋናሴይ፣ ሮርቸናሰኔ አካይቆሲ ታኮ ዩዳይሲ ታና ኡፋይሲሰ። ሂንቴ ባይና ቤሳን ኤንቴ ሂንቴና ጊዲዲ ታ ፓጫ ኩንላደሶና።
- 18 ኤንቴ ሂንቴና ኡፋይሲዳይሳዳ ታናካ ኡፋይሲደሶና። ሄሳ ማላ አሳታ ደጎፒቴ።
- 19 ኢሲያ ዋሳ ኬላ አሳይ ሂንቴና ሳሮ ጎሶና። አቁሊኔ ጲሪሰቀላ ባንታ ሶን ሸቂያ ዋሳ ኬላ አሳራ ኢሲፌ ሂንቴና ጎዳ ሱንሳን ዋዛናፔ ሳሮሶሶና።
- 20 አማኒያ አሻቴ ኡባይ ሂንቴና ሳሮ ያጎሶና።
- 21 ጌሻ ዩሪቴላ ዩሪቴሽ ኢሶይ ኢሱዋ ሳሮላቴ።
- 22 ታኒ፣ ጳጤሎሲ፣ ሃ ሳሮሱዋ ታ ኩሼን ፃፋሰ።
- 23 ጎዳ ደሶና አሲ ዳዒኮ፣ ቀንጌቲዳይሳ ጊደ። ኑ ጎዳው፣ ሃያ!
- 24 ታ ሲቆይ ከሪሰቶሳ አጾ ኬሃቴሳይ ሂንቴራ ጊደ።
- 24 ታ ሲቆይ ከሪሰቶሳ ዩሱሳን ዳዒያ ሂንቴ ኡባራ ጊደ። አሚንዒ።

# ጳውሎስ ቆርንቶሳ ኣሳስ ፃፊዳ ናምዓንሉ ኪታ ጋሳ ቆፋ

ጳውሎስ ቆርንቶሳ ኣሳስ ፃፊዳ ናምዓንሉ ኪታይ ፃፊተዳይ፡ ኢያው ቆርንቶሳ ዋሳ ከሓራ ደዒያ ጋሂቴላይ ዳር ሜቶ ጊዶ ጌሊዲ ደዒያ ዋደና። ኢሲ ኢሲ ዋሳ ከሓ ኣሳተ ጳውሎስ ኢታ ቦሪ ቦሪኮካ ጳውሎስ ሲጋ ሚፋናው ኢያው ኣሞይ ደዒይሳ ቤሲስ። ሄሲ ሃኒያ ዋደ ጊታ ኡፋይሳ ኡፋይታናው ዳንዳዒይሳ ቆንጨሲስ።

ጳውሎስ ባ ኪታን ኮይሮ ከፊሊያን፡ ቆርንቶሳ ዋሳ ከሓራ ኢያው ደዒያ ጋሂቴላ ቆንጨሲዳ፡ ዋሳ ከሓን ሚጺተዳ ቦሪያሲኔ ኢፀ-ዋሰ ኣይሰ ሚና ዛር ኢሚዳኮ ኦደስ። ሃሳራ ጋሊዲ ኢያ ሴራይ ኤንታ ናጋራፔ ዛራዲ ሲጋን ጋሊዳ ጊሾ ኢ ኡፋይቲዳ ኡፋይሳ ኤንታው ቆንጨሲስ። ካሊዲካ፡ ዪሁዳን ደዒያ ኣማኒያ ኣሳ ማዳናው ባንታው ደዒያባፔ ጮ ኢሚና ሜላ ሃሳይሲስ። ወርሲላ ሹምፖታን ጳውሎስ ባ ሃዋራቴላ ቦላ ደንዲዳ ሞቱዋሰ ዛር ኢሚስ። ጋሪይካ፡ ቆርንቶሳ ዋሳ ከሓን ደዒያ ኢሲ ኢሲ ኣሳተ ባንታና፡ «ቲማ ሃዋሬ» ኦሊዲ፡ «ጳውሎስ ዋርዳንኛ ሃዋሬ» ኦሊዲ ሞቶሶና።

## 2 ቆርንቶሳ ኪታ ኣይፌ ቆፋታ

ጌሎ ቆፋ 1:1-11

ጳውሎስ ቆርንቶሳ ዋሳ ከሓ 1:12-7:16

ዪሁዳን ደዒያ ኣማኒያ ኣሳ ማደ 8:1-9:15

ጳውሎስ ባ ሃዋራቴላ ማታሰ ኢሚዳ ዛር 10:1-13:10

ኩሻ ቆፋ 13:11-14

- 1 ዋሳ ሹኔን ዬሱስ ኪሪሰቶሳ ሃዋራ ጊዲዳ ጳውሎስ፡ ኦ ኢሻ ፃሞቲዮሲ፡ ቆርንቶሳን ደዒያ ያሳ ዋሳ ከሓሲኔ ኣካያ ቢታን ደዒያ ያሳ ኣሳ ኡባስ ፃፊዳ ኪታ።
- 2 ያሳ ኦ ኣዋፔኔ ጎዳ ዬሱስ ኪሪሰቶሳ፡ ኣጶ ኬሃቴላይ ሳርቴላይ ሂንቴው ጊዶ።

### ጳውሎስ ያሳ ጋላቴስ

- 3 ማሮቴላ ኣዋሰ፡ ኡባ ዋደ ኦና ሚንሌሊያ ያሳስ፡ ኦ ጎዳ ዬሱስ ኪሪሰቶሳ ኣዋሰ ጋላቴ ጊዶ።
- 4 ያሳይ ኦስ ኢሚዳ ሚንሌሊያን፡ ሜቶን ደዒይሳታ ኦ ሚንሌላና ሜላ ያሳይ ኦና ኦ ሜቶ ኡባን ሚንሌሊስ።

5 ኦኒ ኪሪሰቶሳ ዳር ዋያ ሻኬቲዳይሳዳ ቃሲ ኦኒ ኢያ ዳር ሚንሌሊያን ሚናና።  
 6 ኦኒ ዋዬቲኮ ሄሲ ሂንቴና ሚንሌላናሳኒ ሂንቴና ኣሻናና። ቃሲ ኦኒ ሚኔቲኮ ኦኒ ጌንጨዳ ዋያ ሜላ ሂንቴካ ጌንጨዲ፡ ያሳይ ሂንቴው ኢሚያ ሚንሌሊያን ሚናና።

7 ሂንቴ ኦ ኤኪዳ ሜቱዋ ሜላ ኤኪዲ፡ ኦ ሚንሌሊያን ሻኬታናይሳ ኦ ኤሪያ ጊሾ ኦ ኡፋይሳይ ሂንቴናን ሚና።

8 ኦ ኢሻቶ፡ ኢሲያ ቢታን ኦና ጋኪዳ ሜቱዋ ሂንቴ ኤራና ሜላ ኮዮስ። ሄ ኦና ጋኪዳ ሜቶይ ኦ ዋልቃፌ ዳሪን፡ ሃይቆና ኣቶኮ ጊዲ ኡፋይሲ ቃንዲዳሽን።

9 ኦኒ ኦ ቦላ ሃይቆ ፐርዲ ፐርዲቲዳ ሜላ ቆፒዳ። ሸን ኦኒ ኦ ሁዓን ጊደናሽን፡ ሃይቁዳይሳታ ዳንሌያ ያሳን ኣማኔታና ሜላ ሄሲ ሃኒስ።

10 ያሳይ ሄሳ ሜላ ኢታ ሃይቆቴ ኦና ኣሽሰ፤ ሃዒካ ኣሻና፤ ሲንላፊካ ኢ ኦና ኣሻና ጊዲ ኢያን ኡፋይሲ ዋሰስ።

11 ዋሳን ኦና ማዲቲ። ዳር ዋሳ ጋሪን ያሳ ማዲዋ ኦ ደሚያ ዋደ ዳር ኣሳይ ኦ ጊሾ ያሳ ጋላቶሶና።

### ጳውሎስ ባናው ቆፒዳ ቆፋ ላሚስ

12 ኦኒ ኦ ጌሻ ካሃን ጩቁቶስ። ኦኒ ሃ ኣላሚያን ደዒዳ ደዑዋን ኡባራካ ኦ ደዒዳ ደዑዋን ቱማቴላኒ ሱራቴላን ሂንቴራ ደዒዳ። ሄሲካ፡ ሃ ኣላሚያ ጨንጫቴላን ጊደናሽን ያሳ ኣጶ ኬሃቴላና።

13 ኦ ሂንቴው ፃፊዳ ዳብዳቤይ ሂንቴ ናባባናዉኔ ኣከካናው ዳንዳዒያባፔ ኣቲን ሃራ ጊደና። ሂንቴ ኢያ ኣከካናው ዳንዳዒይሳ ታ ኣማናይስ።

14 ሃዒ ሂንቴ ኦና ሃኒዳ ከና ኤራታ፡ ሸን ሲንላፊ ኩሚላ ኤራናይሳ ታ ኣማኔታይስ። ኦ ጎዳ ዬሱስ ሲሚያ ዋደ ኦኒ ሂንቴናን ጩቁቲዳይሳዳ ሂንቴካ ኦናን ጩቁታና።

15 ሄሳ ታኒ ሎይላ ኤራዳ ጊሾ ሂንቴ ናምዓንሉ ጎዑታና ሜላ ካሲታዳ ሂንቴኮ ባናው ቆፋ ቃቻስ።



16 ታሊ ማቄዶኒያ ባሼኔ ያፔ ሲማሼ ሂንቴና ቤዓና። ታሊ ያፔ ዪሁዳ ቢያ ዋዴ ሂንቴ ታና ታ ኦጊያን ማዳና ጋዳ ቆገሰ።

17 ታሊ ሄሳ ጋሽ እይ ኦሳናው ቤሲያኮ ኤሮና እሲ ዳናይና? ዋይኮ ታሊ ታ ቆፋ ቃቺያ ዋዴ እሳ ቆፋዳ፣ እሲ ቶሆ «ኦ» ቃሲ እሲ ቶሆ «አካይ» ጊያ እሳ ማሌዬ?

18 ሸን ያሳይ አማኔቴይሳ ጊዲያ ጊሾ ኑ ሂንቴው ኦዲያ ቃላይ «ኦ» ዋይኮ «አካይ» ጌይሳ ጊዳና።

19 ታሊ፣ ሲላሴይኔ ጻምቴዮሲ ሂንቴው ማርካቴዳ ያሳ ናዳይ፣ ዬሱስ ከሪስቶሲ ኡባ ዋዴ «ኤፕ» አቴን «ኤ» ኔ «አካይ» ጊዳና።

20 ያሳይ አማና ጊዳ ኡባይ ከሪስቶሳ ባጋራ «ኤ» ጊዳ። ኑኒ ከሪስቶሳ ባጋራ ያሳ ቦንቾስ፣ «አሚንዒ» ጌይ ሄሳ ጊሾሳ።

21 ኑኒ ሂንቴ ከሪስቶሳን ማኒዲ ኤቃና ማላ ኦላዳይኔ ባ ኦሱዋሰ ዶሪዳይ ያሳ።

22 ኑኒ ኢያባ ጊዳይሳ ኤሪሳናው ባ ማታሚያ ኑ ቦላ ዋሊስ፤ ቃሲ ባ ጌሻ አያና ኦይሌ ኦላዲ ኑ ዋዛናን ዋሊስ።

23 ታሊ ቆርንቶሳ ቦና አጊዳይ ሂንቴ አዛናና አታና ማላሳ፤ ሄሲ ዋርዶ ጊዲኮ ያሳይ ታ ሸምፑዋ ታፔ ኤኮ።

24 ሂንቴ፣ ሂንቴ አማኑዋን ማኒዲ ዳዒያ ጊሾ ኑ ሂንቴና ኡፋይሳናው ሂንቴራ እሲፊ ኦላይሳታፔ አቴን ሂንቴና ዋልቃን አማንሌይሳታ ጊዶኮ።

## 2

1 ታሊ ናምዓንሉ ሂንቴኮ ቢኬ ጋዳ ቆፋ ቃቺዳይ ሂንቴና አዛንሉና አጋናሳ።

2 ታሊ ሂንቴና አዛንሉኮካ ታ አዛንሉዳ ሂንቴፊ ሃሪ ታና ኡፋይሳናው ዳዒይ ኦኔ?

3 ታሊ ሂንቴው ሄ ዳብዳቢያ ፃፊዳይ፣ ታ ሂንቴና ቤዓናው ቢያ ዋዴ ታና ኡፋይሳናው ቤሲያ አሳን ታ አዛናናው ኮዮና ጊሾሳ። ታ ኡፋይቴያ ዋዴ ሂንቴ ኡባይካ ኡፋይታናይሳ ታ አማናይሰ።

4 ታሊ ዳሮ ዋዩኒኔ አንግን ቃሲ ዳሮ አፋሳን ፃፊዳይ፣ ሂንቴና አዛንላናሳ ጊዶናሺን ታሊ ሂንቴና ኡባ አይ ማላ ደሲያኮ ሂንቴና ኤሪሳና ማላሳ።

### ቆሂዳይሳ ማርባ

5 እሲ አዛንሉዳ ኦኒካ ዳዒኮ ታ ኢያ ባላ ዳርሳናው ኮዩኬፊ አቴን ታና ጊዶናሺን ሂንቴፊ ዳርታ አዛንሉስ።

6 ሂንቴፊ ዳሪያ አሳይ ሄ ኡራ ስሪዳ ስሪይ ኢያው ጊዳና።

7 ሄሳ ጊሾ፣ ሄ ኡራይ ዳሮ አዛኒዲ፣ ኡፋይሲ ቃንጎና ማላ ሂንቴ ኢያ ማራናዉኔ ማንሌላናው ቤሲስ።

8 ሂንቴ ኢያ ሲቄይሳ ዛሪ ኢያው ቆንጨሳና ማላ ታ ሂንቴና ዋሳይሰ።

9 ታ ሄ ዳብዳቢያ ሂንቴው ፃፊዳይ፣ ሂንቴ ፓጩቴዲ፣ ኡባባን ታው ከቴቴይሳ ኤሪናው ኮዩዳ ጊሾሳ።

10 ሂንቴ ማሪያ ኡራ ታካ ማራና። ታሊ ማራናባይ እይቤ ዳዒኮካ፣ ከሪስቶሳ ሲንሳን ሂንቴ ጊሾ ጋዳ ማራስ።

11 ታሊ ሄሳ ኦላዳይ ፃላሂያ ጨዋ ኦሱዋ ኑ ኤሪያ ጊሾ ፃላሂን ጨሜቶና አታና ማላሳ።

### ጊርዳዳን ጳውሎሳ ኤንዔቴሳ

12 ታሊ ከሪስቶሳ ዋንጌላ ሳባካናው ጊርዳዳ ቢዳ ዋዴ ጎዳይ ያን ታው ኦሶ ኦኔ ጊጊሲዲ ዋሊስ።

13 ሸን ታሊ ታ ኢሻ ተቶ ያን ዳማቦና ጊሾ ታ ዋዛናይ ሸምፐቤና። ሄሳ ጊሾ፣ ያን ዳዒያ አሳ ሳርላዳ ኢያ ኮያናው ማቄዶኒያ ባሰ።

14 ሸን ከሪስቶሳ ባጋራ ኡባ ዋዴ ኑና ያናን ካሊሊያኔ ሸቶ ማላ ሳዊያ ከሪስቶሳባ ኑ ኤሪያ ቴሚርቴያ ኡባ ቤሲ ጋሳና ማላ ኦላያ ያሳ ጋላቲ ጋኮ።

15 ኑኒ አቴያ አሳ ጊዳኒኔ ቆያ አሳ ጊደን ከሪስቶሳ ባጋራ ያሳስ አሚቴዳ ሳዊያ ሸቶ ማላ።

16 ቆያ አሳስ ሃይቆኮ ኤፊያ ሃይቆ ፔና፤ ቃሲ አቴያ አሳስ ዳዮኮ ኤፊያ ዳዮ ሳዋ፤ ያቴን፣ ሄሳ ማላ ኦሱዋሰ ጊዳናይ ኦኔ?

17 ኑኒ ያሳ ቃላ ዋዴ ዳማናው ኮዩዲ ዋላኪዲ ዛልዒያ ዳሮ አሳ ማላ ጊዶኮ። ሸን ያሳይ ከቴዳ ሱራ አሳታ ማላ ከሪስቶሳን ዳዒዲ ያሳ ሲንሳን ቃላ ኦደስ።

### 3

#### ኦሪጎስ ጫቁዋ ኦሳንቾታ

- 1 ኮኒ ዛሪዲ ኑና ሳቢኖዬ? ዎይኮ ሃራ ኣሳዳ፣ ሳባ ዳብዳቢያ ሂንቴው ዬዳናው ዎይኮ ሂንቴሬ ኤካናው ኑና ኮሺዬ?
- 2 ኣሲ ኡባይ ሂንቴና ኤራና ማላኔ ናባባና ማላ ሂንቴ ኑ ዎዛናን ፃፊቲዲ ዴዒያ ኑ ዳብዳቢ።
- 3 ሂንቴ ቃላማን ገደናሺን ዴያ ያሳ ኣያናን፣ ሹቻ ቦላ ገደናሺን ኣሳ ዎዛናን ፃፊቲዲይሳታኔ ኑናን ሃጋዜቲዳ ኪሪሰቶሳ ዳብዳቢ ገዴይሳ ቤሲዴታ።
- 4 ኑ ሃሳ ገዴይ፣ ኪሪሰቶሳ ባጋራ ያሳን ኣማናይ ኑሰ ዴዒያ ገሾሳ።
- 5 ኑ ሃሳ ኦሳናው ዳንዲዲይ ያሳ ዎልቃናፔ ኣቲን ኮኒ ኑ ዎልቃን ኣይኮካ ኦሳናው ዳንዲያኮ።
- 6 ኑ ኦሪጎስ ጫቁዋ ኦሳንቾታ ገዴና ማላ ያሳይ ኑና ዳንዲዲሲሰ። ሂ ኦሪጎስ ጫቆይ ገሻ ኣያናን ቤንቴዲይሳፊ ኣቲን ፃፊቲዳ ሂንገን ገዴና። ሂጌይ ዎዴሰ፣ ሺን ገሻ ኣያናይ ዴያ ኣሚሰ።
- 7 ሹቻ ቦላ ፃፊቲዳ ሂጌይ ኣሚቲያ ዎዴ ያሳ ቦንቾይ ቆንጨሲ። ሙሴ ሶምዑዋን ዴዒያ ቦንቾይ ቆንጨ ቢያባ ገዴኮካ፣ ኢሰራዲሌ ኣሳይ ኢያ ሶምዑዋ ቲሺ ኦሲዲ ያላናው ዳንዲዲቦኮና። ሂዛ፣ ሃይቆ ኤሂያ ሂጌይ ሃሳ ማላ ቦንቾን ቆንጨኮ፣
- 8 ያቲን፣ ገሻ ኣያናን ኦሲቲያ ኦሲቶ ቦንቾይ ዋኒዲ ኣዲኔ?
- 9 ኣሳ ቦላ ፐርዳ ኤሂያ ሂጌይ ቦንቾ ገዴኮ ያቲን፣ ኣሴ ያሊሲያ ኦሪጎስ ሂጌይ ዋኒዲ ኣዲዲ ቦንቾቲኔ?
- 10 ካሴ ቦንቾ ገዴዲይሳ ሃዲ ኣዲያ ቦንቾይ ዴዒይሳራ ጋሊ ቤዒያ ዎዴ ቦንቾይ ባይናባ ገዴሲ።
- 11 ገላ ዎዴሰ ቆንጨዲ ጉዬፔ ቆይዳይሲ ሃይሳዳ ቦንቾቲኮ፣ ማሪናው ዴዒይሲ ዋኒዲ ኣዲዲ ቦንቾቲኔ?
- 12 ኦሰ ሃይሳ ማላ ኡፋይሳይ ዴዒያ ገሾ ዬላቶና ኦዴቶሰ።
- 13 ኮኒ፣ ኢሰራዲሌ ኣሳይ ቆንጨ ቢያ ቦንቾዋ ወርሴላ ቤያና ማላ ባ ሶምዑዋ ካሚዳ ሙሴ ማላ ገደኮ።
- 14 ሺን ኤንታ ዎዛናይ ደጨሰ። ሃቺ ጋካናው ኤንቲ ጋልጻ ጫቁዋ ናባቢያ ዎዴ ኤንታ ዎዛናይ ሂ ካማን ካሚቲ ዴዒሰ። ሂ ካማይ ኪሪሰቶሳ ፃላላን ቃሪቲሰ።
- 15 ሺን ሃቺ ጋካናውካ ኤንቲ ሙሴ ማፃፋ ናባቢያ ዎዴ ኡባን ሂ ካማይ ኤንታ ዎዛና ካሚሰ።
- 16 ሺን ኦኒካ ጎዳኮ ሲሚያ ዎዴ ኣወዴካ ሂ ካማይ ቃሪቲሰ።
- 17 ጎዳይ ኣያና፤ ጎዳ ኣያናይ ዴዒያ ቤሳን ላባቲሊ ዴዒሰ።
- 18 ኮኒ ኡባይ ካሚቲቦና ሶምዎን ጎዳ ቦንቾዋ ቤዳና። \* ኮኒ ኣያና ገዴዲዳ ጎዳ ማላ ዳናናው ቦንቾሬ ቦንቾን ላማታና።

### 4

#### ቲማ ሃዋራቲላ ኦሲቶ

- 1 ሂዛ፣ ያሳይ ባ ማርቲላን ሃ ኦሲቶ ኦሲ ኣሚዳ ገሾ ኮኒ ኡፋይሲ ቃንያኮ።
- 2 ኮኒ ዬላያ ገማ ኣሪ ኡባ ኣገዲ፤ ጌኔ ኦሲ ኦሲ፤ ያሳ ቃላ ዎርደራ ዋላኮኮ። ቲማ ቆንጨኮን ሃሳዲሹ፣ ኣሳ ኡባ ካሃይ ኡና ኤካና ማላ ያሳ ሲንሳን ኡና ሺሾሰ።
- 3 ኑ ኦዲያ ዎንጌላይ ገሚዳባ ገዴኮካ፣ ገሚዳይ ቆን ኦኒን ዴዒያ ኣሳሳ።
- 4 ሃ ኣላሚያ ሃሪያ ያሳይ ኣማናና ኣሳ ዎዛና ጎዚሰ። ኤንቲ ያሳ ማላን ቆንጨዳ ኪሪሰቶሳ ቦንቾ ዎንጌላ ፖዑዋ ቤያና ማላ ዲገሰ።
- 5 ኮኒ፣ ዬሱሰ ኪሪሰቶሲ ጎዳ ገዴይሳኔ ኑ ኢያ ገሾ ሂንቴ ኦሳንቾ ገዴይሳ ኦደሲፔ ኣቲን ኦባ ኦደኮ።
- 6 «ቆማን ፖያይ ፖያ» ገዴ ያሳይ፣ ኪሪሰቶሳ ሶምዑዋን ፖዲያ ያሳ ቦንቾዋ ኤራ ፖዑዋ ኣሚናው ባ ፖዑዋ ኑ ዎዛናን ፖዲሲሰ።
- 7 ሺን ኡባሬ ኣዲያ ዎልቃይ ኮባ ገደናሺን ያሳባ ገዴይሳ ቤሳናው ሃ ቦንቾ ሻሎይ ሚቃ ሚሾ \* ገዴዲ ኑ ኣሳቲላን ዴዒሰ።
- 8 ኑ ኡባ ባጋራካ ዎይቲዳ፣ ሺን ሚቁራቲቦኮ። ኦሰ ሃዲርሲ ገዴሲ፣ ሺን ኡፋይሲ ቃንያኮኮ።
- 9 ኑ፣ ዋርኬታን ጎደቲዳ፣ ሺን ላጌ ቆንጨኮ። ኑ ዋርኬታን ሾጨቲዲ ኮንዲዳ፣ ሺን ቆንጨኮ።
- 10 ዬሱሰ ዴያይ ኑ ኣሳቲላን ቆንጨና ማላ ኢያ ሃይቆዋ ኡባ ዎዴ ኑ ኣሳቲላን ቶኪዲ ዩኖሰ።

3:3 ከሳ 24:12፤ ኤር 31:33፤ ሃዘ 11:19፤ 36:26      3:6 ኤር 31:31      3:7 ከሳ 34:29      3:13 ከሳ 34:33  
 3:16 ከሳ 34:34      \* 3:18 ቤዳና፣ ማስቶቲዳ ዛሪዲ ጸሊሳና ጌቲቲ ቢርሽታው ዳንዲዲሰ።      4:6 ሚዲ 1:3      \* 4:7  
 ማቃ ሚሾ፡ ሃ ቤሳን ሚቃ ሚሾ ጌቲቲዳይ ቢታሬ ኦሲቲዳ ሚሾታ ቤሳና - ኦቶ፣ ሻቲ፣ ቤሾ...

- 11 ዬሱሳ ዳያይ ሃይቁያ ኑ አሳቴላን ቆንጫና ሜላ ፓፃ ዳዒያ ኑኒ ኢያ ጊሾ ኡባ ዎዴ ሃይቆስ አጲዲ እሚቶስ።
- 12 ሃዛ፣ ሃይቆይ ኑናን ኦሊያ ዎዴ ዳያይ ሃንቴናን ኦሊስ።
- 13 ጊሾ ማፃፋን፣ «ታ አማናስ፤ ሃሳ ጊሾ ሃሳያስ» ያጌቴስ። ሃሳ ሜላ አማናይ ኑስ ዳዒያ ጊሾ ሃሳያስ።
- 14 ጎዳ ዬሱሳ ሃይቆፔ ዳንሲዳ ያሳይ፣ ኑናካ ዬሱሳራ ሃይቆፔ ዳንሳናይሳኔ ሃንቴራ ኢሲፌ ባ ሲንጤ ሺሻናይሳ ኤርስ።
- 15 ሂሲ ኡባይ ሃንዳይ ሃንቴ ጊሾሳ። ያሳ አጽ ከሃቴላይ ዳር አሳ ጋኪያ ዎዴ አሳይ ያሳ ቦንቹዎስ ዳር ጋላታ አማና።

**አማናን ዳያ**

- 16 ሃሳ ጊሾ፣ ኑኒ ኡፋይሲ ቃንዎ። ኑ ቤንቴያ አሳቴላይ ዳቡሪሽ ቢያባ ጊዲኮካ፣ ኑ አያና አሳቴላይ ጋላስ ጋላስ ኑራዳስ።
- 17 ሃዒሲ ኑኒ ዎዴቲያ ሃ ካወሻ ዎዴይ፣ ኡባፌ ከሂ ጊታቲያ ሜሪና ቦንቹዎ ኑስ እሚሳና።
- 18 ኑኒ ቤንቴያባ ጊዳናሽን ቤንቶናባ ያሎስ። ቤንቴያባይ ሃዒሳ፣ ሽን ቤንቶናባይ ሜሪናሳ።

**5**

- 1 ሃዒ ኑ ዳዒያ ዲንካኔ ዳኒያ ሃ ሳባ አሳቴላይ ላሌተኮካ፣ አሲ ከደቦና፣ ያሳይ ከደዳ ሜሪና ከላይ ኑስ ሳሎን ዳዒይሳ ኤርስ።
- 2 ሳሎ አሳቴላ ማዓናው አሞቲሽ ሃዒ ሃ ሳባን ዳዒሽ ኦሎስ።
- 3 ኑኒ ሃሳ ማዒያ ዎዴ ካሎቶኮ።
- 4 ዲንካኔ ዳኒያ ሃ ሳባ አሳቴላን ኑ ዳዒሽ ዳጃቲዲ ኦሎስ። ሃይቁያ ኑ አሳቴላይ ዳያን ላሚታና ሜላ ሳሎ አሳቴላ ማዓናው ኮዮሲፔ ኣቲን አሹዋፔ ሻከታናው ኮዩዲ ጊዳና።
- 5 ኑና ሃይሳስ ገቢሲዳይ ያሳ። ቃሲ ሲንላፌ ያናባስ ኦይሌ ኦሊዲ ባ አያና ኑስ እሚስ።
- 6 ሃሳ ጊሾ፣ ኑኒ ሃ ሳባ አሳቴላን ዳዒያ ዎዴ ኡባን ጎዳፔ ሃኪዲ ዳዒይሳ ኤሪኮካ ኡባ ዎዴ አማኔቲዲ ዳያስ።
- 7 ኑኒ ዳዒይ አማናናፔ ኣቲን ቤዒያባን ጊዳና።
- 8 ኑ ሃ ሳባ አሳቴላፌ ሻከቲዲ፣ ኑ ሶ ቢዲ ጎዳራ ኢሲፌ ዳናው አሞቲያ ጊሾ አማኔቲዲ ዳያስ።
- 9 ሃሳ ጊሾ፣ ኑ ሃ አሳቴላን ዳዒን ዎይኮ ሃ አሳቴላፌ ሻከቲን፣ ኑ አሞይ ኢያ ኡፋይሳናይሳ።
- 10 ኑኒ ኢሶይ ኢሶይ ሃ ሳባን ዳዒሽ ሎዎ ጊዲን ዎይኮ ኢታ ጊዲን፣ ኦሊዲ ኦሎዎስ ቤሲያ ፐርዳ ኤካናው ከሪስቶሳ ፐርዳ አራታ ሲንላን ሺቃና።

**አሴ ያሳራ ሲጌላ**

- 11 ሃዛ፣ ኑኒ ጎዳ ቦንቹይሲ አይ ጉሴኮ ኤሪያ ጊሾ አሳይ ኑ ኦዴይሳ ኤካና ሜላ ዘርስ። ያሳይ፣ ኑኒ ኦኔኮ ኑና ኤሪስ፤ ቃሲ ሃንቴካ ሃንቴ ካሃን ኑ ኦኔኮ ኤሪታ ያፓዳ ቆፓይስ።
- 12 ዎዛናን ጊዳናሽን ማላን ጨቁቲያ አሳ ዳና ኦይላናው ሃንቴ ኑናን ጨቁታ ሜላ ሃንቴው ጋሶ ጊዳናው ኮዮሲፔ ኣቲን ኑ ኑና ዘሪዲ ናሻናው ኮዮኮ።
- 13 ኑ ጎሽ ጊዲኮ ያሳ ቦንቹሳ፤ ዎዛናማ ጊዲኮ ሃንቴሳ።
- 14 ኢሶይ ኡባስ ሃይቁዳይሳኔ ኡባይ ቃሲ ኢያራ ሃይቁዳይሳ ኑ ኤሪያ ጊሾ ከሪስቶሳ ሲቆይ ኑና ሃሪስ።
- 15 ዳያን ዳዒይሳቲ ሃዛፔ ጉዬ ባንታው ጊዳናሽን ኤንታው ሃይቁዳይሳሲኔ ሃይቆፔ ዳንዲዳይሳስ ዳና ሜላ ከሪስቶሲ አሳ ኡባ ጊሾ ሃይቁስ።
- 16 ሃዛፔ ጉዬ፣ ኑኒ ኦናካ አሳ ቆፋን ፐርዶኮ። ሃይሳፌ ካሴ ኑኒ ከሪስቶሳካ አሳ ቆፋን ፐርዲዳባ ጊዲኮካ፣ ሃዛፔ ሃሳዳ ፐርዶኮ።
- 17 ሃሳ ጊሾ፣ ኦኔካ ከሪስቶሳን ዳዒኮ ኦራሳ ሜጴቴሌ፤ ጋልዓ ሜጴቴላይ አጲስ፤ ኡባይካ ኦራሌ ጊዲስ።
- 18 ሃሳ ኡባ ያሳይ ኦሊስ። ኢ ከሪስቶሳ ባጋራ ኑና ባራ ሲጌሌስ። ቃሲ ሃራታ ባራ ሲጌላና ሜላ ኑስ ሲጌላ ኦሶ እሚስ።
- 19 ያሳይ ከሪስቶሳ ባጋራ አሳ ኡባ ባራ ሲጌሌስ። ኤንታ ናጋራ ታይቤቤና፤ ቃሲ አሳ ባራ ሲጌሌያ ቃላ ኑስ እሚስ።
- 20 ያሳይ አሳ ኑ ባጋራ ያጊያ ጊሾ ኑ ከሪስቶሳን ከቴቲዲ አሳ ያሳራ ሲጌቲቲ ጊዲ ከሪስቶሳ ጊሾ ዎሶስ።

21 ኑኒ ያሳ ዲሎቴላ ኪሪሰቶሳ ባጋራ ኤካና ሜላ፣ ናጋራ ኤሮና ኪሪሰቶሳ ኑ ጊሾ ናጋራንቾ አሳዳ ኦሊሱ።\*

### 6

1 ኑኒ ያሳራ ኢሲፌ ኦሊያ አሲ ጊዴይሳዳ፣ ሂንቴ ኤኪዳ አጾ ኬሃቴላ ሃዳ ኦላና ሜላ ኑ ሂንቴና ዎሶሰ።

2 ያሳይ፡

«ታ ኔና ሰዓና ዎዴን ሰዓሰ፤ አቶቴላ ጋላሳን ኔና ማዳሰ»

ያጌሰ። ሄኮ፣ ታ ሰዓያ ዎዴይ ሃዒ፤ አቶቴላ ጋላሳይ ሃቺ።

3 ኦኒካ ኑ ኦሱዋ ቦራና ሜላኔ ኑናን ጭብታና ሜላ ኮዮኮ።

4 ጊደሺን፣ ኑ ቴማ ያሳ አሳንቾታ ጊዴይሳ ኑ ኦሊያ ኡባባን ቤሲዳ። ዳሮ ጌንጫን፣ ዋዬን፣ ሜቶን፣ ኡንዓን፣

5 ጋራፊቴላን፣ ቃሾን፣ ኢዎን ኩሚዳ ዎጫማን፣ ዳቡራን፣ ጂሰኩ ቆዮን፣ ዎማን፣

6 ጌሻቴላን፣ ኤራቴላን፣ ዳንዳዓን፣ ኬሃቴላን፣ ጌሻ አያናን፣ ቴማ ሲቆን፣

7 ቴማ ሃሳያኒኔ ያሳ ዎልቃን ኑኒ ኢያ አሳንቾታ ጊዴይሳ ቤሲዳ። ቃሲ ዲሎቴላይ ኑሰ ቶራኔ ጎንዳሊ።

8 ኑኒ ቦንቼቲዳኔ ቶሽቲዳ፤ ጫዬቲዳኔ ጋላቴቲዳ። ቴማ ሃሳዮሰ፣ ሺን አሳይ ኑና ዎርዳንቾ ጊደሶና።

9 ኑ አሳን ኤራቴዳ አሲ፣ ሺን ኤራቶና አሳ ሜላ ጊዲዳ። ሃይቂደሶና ያጌቲዳ፣ ሺን ገፃ ዴዎሰ፤ ሾጬቲዳ፣ ሺን ሃይቂሶኮ።

10 ኑኒ አዛኒኮካ ኡባ ዎዴ ኡፋይቶሰ። ኑ ማንቆ ዳናሰ፣ ሺን ዳሮ አሳ ዳራሶሰ። ቃሲ አይኮይካ ባይና አሲ ዳናሰ፣ ሺን ኡባይ ኑባ።

11 ቆርንቶሳ አሳው፣ ኑ ሂንቴው ቆንጩን ኦዲዳ፤ ኑ ኡሉዋ ሂንቴና ቤሲዳ።

12 ሂንቴ ኑና ሂንቴ ሰቆዋ ቤሶና ዲጊዴታፕ ኣቲን ኑ ኑ ሰቆዋ ሂንቴና ዲጊሶኮ።

13 አጫ ባ ናይታሰ ኦዴይሳዳ ታ ሂንቴው ኦዲይሰ፤ ኑ ሂንቴና ኑ ኡሉዋ ቤሲዳይሳዳ፣ ሂንቴካ ሂንቴ ኡሉዋ ኑና ቤሲቲ።

#### አማኖና አሳራ ዴዒያ ኢሲፊቴላ አሳ

14 አማኖና አሳራ ቤሶና ኦኒን ዎዴቶፊቴ። ዲሎቴላሲኔ ናጋራሰ አይቢ ጋሃቴላ ዴዒ? ፖዎሲኔ ቆማሰ አይቢ ኢሲፊቴላ ዴዒ?

15 ኪሪሰቶሳኔ ፃላሂ ኢሲፊ ጋሊያባይ አይቤ? ቃሲ አማኔይቤኒ አማኖናይቤ ኢሲፊ ኮዩያባይ አይቤ?

16 ያሳ ኬላሰ ኤቃታራ አይቢ ኢሲፊቴላ ዴዒ? ያሳይ፡

«ታኒ ኤንታ ጊደን ዴዒና፣

ኤንታ ጊደን ሃሙታና።

ታኒ ኤንታ ያሳ ጊደና፤

ኤንቲካ ታ አሴ ጊደና»

ጊዳይሳዳ፣ ኑኒ ዴዎ ያሳ ኬላ።

17 ሂሳዳካ፣ ጎዳይ፡

«ኤንታ ጊደፊ ሻኪቲዲ ከዪቲ፤

ቱና ጊዲዳባ ቦቾፊቴ፤

ታ ሂንቴና ኤካና።

18 ታ ሂንቴው አዋ ጊደና፤

ሂንቴ ታው አዴ ናይታኔ ማጫ ናይታ ጊደና፤

ያጌሰ ኡባፊ ዎልቃማ ጎዳይ» ያጌሰ።

### 7

1 ሂዛ፣ ታ ሲቆቶ፣ ሃ ኡፋይሳይ ኑሰ ዴዒያ ጊሾ ኑ አሹዋኔ ኑ ሺምፕዋ ቱኒሲያባ ኡባፊ ኑና ጌሾሰ። ያሳሰ ያዩዲ ኑ ጌሻቴላ ፖሎ ኦላሰ።

\* 5:21 ናጋራንቾ አሳዳ፣ ናጋራ ያሮኸ ኦሊሱ። 6:2 ኢሳ 49:8 6:5 ሃ.ኦ 16:23 6:16 ሉዌ 26:12፤ ሂክ 37:27፤ 1ቆሮ 3:16፤ 6:19 6:17 ኢሳ 52:11 6:18 2ሳሙ 7:14፤ 1ታራ 17:13፤ ኢሳ 43:6፤ ኤር 31:9

ጸጧሎሳ ኡፋይሳ

- 2 ሂንቴ ኡሉዋ ኑና ቤሲቴ። ኑኒ ኦናካ ናቂቦኮ፤ ኦናካ ቆሂሆኮ፤ ኦናካ ጨሚቦኮ።
- 3 ታኒ ሂሳ ሂንቴ ቦላ ፐርዳናው ጊኬ። ሃይሳፌ ካሴ ታ ሂንቴው ኦሉዳይሳዳ፤ ሂንቴ ኑ ዎዛናን ዴዒጋ፤ ኑ ገፃ ዴዒንካ ሃይቁንካ ሂንቴፌ ሻኬቶኮ።
- 4 ታ ኦዲያባ ሂንቴፌ ቆቴኬ፤ ታ ሂንቴናን ጨቁታይሰ፤ ኑ ዋዬ ኡባን ሚኔታይሰ፤ ቃሲ ጊታ ኡፋይሲ ኡፋይታይሰ።
- 5 ኑኒ ማቄደጊያ ቢዳ ዎዴ ኡባ ባጋራ ዋዬቲዳፔ ኣቲን ሽምፐቦኮ። ካሬራ ዋርኬታን፤ ኑ ጋላን ያሻን ኡንዔቲዳ።
- 6 ሺን ኣዛኒዳይሳታ ሚንጮሊያ ያሳይ፤ ቲቶ ዩሳን ኑና ሚንጮሊሰ።
- 7 ኑና ሚንጮሊዳይ ቲቶ ዩሳ ዓላላ ጊደናሽን ሂንቴካ ኢያ ሚንጮሊዳይሳና። ሂንቴ ታና ላሞቴይሳ፤ ታው ኣዛኔይሳኔ ታው ቆፔይሳ ታ ሲዒዳ ዎዴ ታና ዳር ኡፋይሲሰ።
- 8 ታ ዳብዳቤይ ሂንቴና ኣዛንገሊኮካ ኣይሰ ፃፋዲናሻ ጋዳ ቂርቲኬ። ታ ቂርቲዳይ ታ ፃፊዳ ዳብዳቤይ ሂንቴና ጉላ ዎዴሰ ኣዛንገሊዳ ጊሾሳ።
- 9 ሃዒ ታኒ ኡፋይቲዳይ፤ ታ ሂንቴና ኣዛንገሊዳ ጊሾ ጊደናሽን ሂንቴ ኣዛኖይ ሂንቴና ሂንቴ ናጋራፔ ዛሬዳ ጊሾሳ። ያሳይ ባ ሺኒያዳ ሂንቴና ኣዛንገሊሲፔ ኣቲን ኑ ሂንቴና ኣይበንካ ቆሂቦኮ።
- 10 ያሳይ ኮያ ኣዛኖይ፤ ኣቶቴላኮ ጋሊያ ናጋራፔ ሲሞ ኦሄሰ፤ ኢያን ቂርያባይ ባሞ። ሺን ሃ ሳባ ኣዛኖይ ሃይቆ ኦሄሰ።
- 11 ሂንቴ ኣዛኖይ ሂንቴናን ኣይፊሲዳ ኣይፊያ ቤዒቴ። ሄ ኣዛኖይ ሂንቴና ኣይ ሚላ ዴንጮሊዳኮ፤ ኣይ ሚላ ዛር ኣማናዳ ጊሊሲዳኮ፤ ሄ ኡራ ቦላ ኣይ ሚላ ሃንቁሲዳኮ፤ ኣይ ሚላ ታው ያያና ሚላ ኦሊዳኮ፤ ኣይ ሚላ ኣምዬዳኮ፤ ሄ ኡራ ሴራናው ኣይ ሚላ ጊሊዳኮ ቤዒቴ። ሃ ኡባባን ሂንቴ ጌሽ ጊዴይሳ ማርካዪዳታ።
- 12 ሃሳ ጊሾ፤ ታኒ ሃ ዳብዳቤያ ሂንቴው ፃፊዳይ፤ ናቂዳ ኡራ ዎይኮ ናቂቲዳ ኡራ ጊሾ ጊዳና። ሺን ሂንቴ ኑሰ ኣይ ሚላ ቆፐያኮ ያሳ ሰንላን ሂንቴ፤ ሂንቴና ቤዓና ሚላ ያፋሰ።
- 13 ኑኒ ኡፋይቲዳይ ሃሳ ጊሾሳ። ኑ ኡፋይሳፌ ኣጲዲ ኑና ዳር ኡፋይሲዳይ፤ ሂንቴ ቲቶ ኡፋይሲዳይሳኔ ኢያ ዎዛና ሽምፐሲዳይሳ።
- 14 ታኒ ሂንቴና ናሻዳ ኢያው ኦዲን ሂንቴ ታና ዬላዪቤኮታ። ሺን ኑኒ ኡባ ዎዴ ሂንቴው ቱማ ኦዲዳ፤ ሃሳዳካ ኑኒ ቲቶ ሰንላን ሂንቴና ናሽዳይሲ ቱማ ጊዲሰ።
- 15 ሂንቴ ኢያው ያሻን ኮኮሪዲ፤ ኢያ ሞኪዳይሳ ቃሲ ኢያው ኣይ ሚላ ኪቲቲዳኮ ኢ ቆፐያ ዎዴ ሂንቴው ዴዒያ ሰቆይ ሚኒሺ ቤሰ።
- 16 ታኒ ኡባባን ሂንቴናን ኣማኔቲያ ጊሾ ኡፋይታይሰ።

8

ኢሞባ

- 1 ኑ ኢሻቶ፤ ያሳይ ማቄደጊያን ዴዒያ ዎሳ ኬላታሰ ኢሚዳ ኣጾ ከሃቴላ ሂንቴ ኡራና ሚላ ኑ ኮኖሰ።
- 2 ኡንቲ ጊታ ሜቶን ፓጩቲዳሶና፤ ሺን ኤንታ ኡፋይሳይ ዎልቃማ። ኤንታ ማንቆቴላሰ ዛዊ ባሞ፤ ሺን ባንታ ኢሙዋን ዳር ከሂደሶና።
- 3 ኡንቲ ባንታ ዎልቃ ሚላኔ ባንታ ዎልቃፌ ኣይይሳ ደሲዲ ኢሚዳይሳሰ ታ ማርካ።
- 4 ኡንቲ ያሳ ኣሳ ማዲያ ሎዎ ኦሶ ኑራ ኦላናው ኮዪዲ ኑና ዳር ዎሲደሶና።
- 5 ኡንቲ ኑኒ ቆፐዳይሳፌ ኣሊዲ ኡሉደሶና። ኮይርቲዲ ባንታና ጎዳሰ ኢሚደሶና፤ ካሊዲ፤ ያሳ ሺኒያዳ ባንታና ኑሰ ኢሚደሶና።
- 6 ሃ ሎዎ ኦሱዋ ዶሚዳ ቲቶይ ጉጂ ኦላናዲኔ ሂንቴና ማዲዲ፤ ሄ ኦሱዋ ፖሊሳናዳ ኢያ ዎሲዳ።
- 7 ሺን ሂንቴ ኡባባን፤ ኣማኖን፤ ሃሳያን፤ ኡራቴላን፤ ጊታ ኣሞን፤ ኑና ሲቆኒኔ ኡባባን ዲሬቲዳይሳዳ ሃ ሎዎ ኦሱዋንካ ሂንቴ ከሃ ጊዳና ሚላ ኑ ኮኖሰ።
- 8 ታኒ ሃሳ ኪታናው ጊኬ። ሺን ሃራታ ጊታ ኣሙዋ ሂንቴ ሲቁዋራ ጋላ ቤዒዳ ሂንቴ ኣይ ከና ቱሜኮ ኡራናው ጋይሰ።
- 9 ሂንቴ ኑ ጎዳ ዬሱሰ ኪሪሰቶሳ ኣጾ ከሃቴላ ኤሬታ። ኪሪሰቶሲ ዲሬ ጊዲ ኡቲዳ፤ ሂንቴ ኢያ ማንቆቴላን ዲሬታናዳ ሂንቴ ጊሾ ማንቁሰ።
- 10 ታኒ ሃ ኦዲን ሂንቴና ሚዲያ ዛሬ ዛራናው ኮያይሰ። ሂንቴ ዘላይሊ ኣማናው ያላላ ጊደናሽን ሃሳ ኦላናው ኣሞቴላንካ ሂንቴ ኮይር።
- 11 ሂንቴ ኦላናው ዶሚዳ ኦሱዋ ሃዒ ፖሊቴ። ሂንቴ ሂንቴው ዴዒይሳ ከና ኢሚኮ፤ ሄሲ ሂንቴ ኣማናው ዳር ኣሞቴይሳ ቆንጨሲሰ።

12 እሲ እሲ እማናው አሞተኮ፡ እያ እምይ ያሳ ሲንገላን ኤኩቲይ፡ እ ባው ዲዳይሳ ኬና እሚናፕ ኣትን ባይናባፔ እማናው ኤንዔቲን ገዴና።

13 ታኒ ሄሳ ገይይ፡ ሂንቴ ኡባይ እሲ ገና ገዴና ሜላሳፌ ኣትን ሃራቲ ዋያፕ ሸምፒን ሂንቴ ዋይታና ማላሳ ገዴና።

14 ዋዴ ኤንታ ፓላሃይ ሂንቴ ፓጫ ኩንገላና ማላ ሃላ ሂንቴ ፓላሃይ ኤንታ ፓጫ ኩንገላ። ሄሳን ሂንቴ ገና ገዴና።

15 ጌሻ ማፃፋን፡ «ዳር ሸሺዳይሳሰ ፓላሂቤና፤ ጉላ ሸሺዳይሳሰ ፓጩቤና» ጌቲቲ ዓፊቲዳይሳ ማላ።

**ቲቶኔ እያ ላጌታ**

16 ኑ ሂንቴው ቆፔይሳዳ ቲቶይካ ሂንቴው ቆፓና ማላ ኦሊዳ ያሳይ ጋላቲቶ።

17 ቲቶይ ሂንቴኮ ቢዳይ፡ ኑ እያ ዴንጹሊዳ ጊሾ ያላላ ገዴናሸን እ ባ ሸኔን ባናው አሞቲዳ ገሾሳ።

18 ዋንጌላ ማርካቲጎላን ዋሳ ኩላ ኡባን ዳር ኤሬቲዳ እሻ፡ ኑኒ ቲቶራ እሲፌ ከቶሰ።

19 ሄሳ ቦላ ኑኒ ሃ ከሃ አሞታ ኤፊያ ዋዴ ኑራ ባና ማላ ሃ ሎዮ ኦሱዋን ጎዳ ቦንቻናውኔ ሃራታ ማዳናው ዴዳያ አሙዋ ቤሳናው እ ዋሳ ኩላታን ዳሬቲሰ።

20 ሃ እማቲዳ ከሃ አሙዋ፡ ኑ ኦሶ ቦላ ፔሺያ ዋዴ ቦራቶና ማላ ናጌቶሰ።

21 ኑኒ ጎዳ ሲንገላን ያላላ ገዴናሸን ኣሳ ሲንገላንካ ሎዮ ገዴዳባ ኦሶሰ።

22 ቃሲ ዳር ዋዴ ፓጩን ሚኒዲ አፏዳ ኑ እሻ፡ ኤንታራ ሂንቴኮ ከቲዳ። እ ሂንቴናን ከሂ አማኔቲያ ጊሾ ሃላ ሂንቴና ማዳናው ዳር አሞቴሰ።

23 ቲቶባ ኤራናው ኮይኮ፡ እ ሂንቴና ማዳናው ታራ ኦሊያ ታ ኦሶ ላጊያ። ሃንኮ እሻታባ ገዴኮ ዋሳ ኩላቲ ከቲዳይሳታ፤ ቃሲ ኣሳይ ኤንታ ዲሳ ቤዒዲ ከሪሰቶሳ ቦንቻሶና።

24 ሄሳ ጊሾ፡ ዋሳ ኩላቲ ሂንቴ ሲቁዋኔ ኑ ሂንቴና ናሸይሲ ቲማ ገዴይሳ ቆንጩሳናው ሂንቴ ሲቁዋ ሃ ኣሳታ ቤሲቲ።

**9**

**አማኒያ ኣሳሰ ኬሲዳ ሚሺያ**

1 አማኒያ ኣሳሰ ኬሲያ ሚሺያባ ታ ሂንቴው ያፋናው ኮሺና።

2 ሂንቴ ማዳናው ከሂ አሞቲይሳ ታ ኤራይሰ። ሂንቴ ኣካያ ኣሳይ፡ ዘላይላፌ ደሚዲ ማዳናው ጊጌቲዳይሳ ታኒ ማቁደኒያ ኣሳሰ ዳና ኩንገላዳ ኦዳሰ። ሂንቴ ጊታ አሞይካ ኤንታፌ ዳርታ ዴንጹሊሰ።

3 ሃ ኦሱዋን ሂንቴናን ኑ ጩቁቲያ ጩቆይ ሃዳ ገዴና ማላ ኮይር ሂንቴባ ታ ኦዲዳይሳዳ ሂንቴ ጊጌቲዳ ናጋና ማላ ሃ እሻታ ሂንቴኮ ከታሰ።

4 ማቁደኒያ ኣሳይ ታራ ቢዳ፡ ሂንቴ ጊጌቶና ዴሲሸን፡ ዴሚኮ፡ ኑ ሂንቴናን ዬላታና፤ ቃሲ ሂንቴ ኑፔ አጾ ዬላታና።

5 ሄሳ ጊሾ፡ ሃ እሻቲ ታፔ ሲንገላቲዲ ሂንቴኮ ቢዳ፡ ሂንቴ እማና ገዴ አሙዋ ካሲቲዲ ገሲሳና ማላ ታ ኤንታና ከታሰ። ታኒ ጋኪያ ዋዴ ሄ አሞይ ገሲ ኡቲሰ። ሄ ዋዴ ሄ ከሃቲላ አሞይ ዋልቃን ገዴናሸን ደሳን ገዴይሳ ኤሪሰሰ።

6 ሃይሳ ኣከኪቲ፤ ጉላ ዙሪዳይ ጉላ ጫካና፤ ዳር ዙሪዳይ ዳር ጫካና።

7 ያሳይ ኡፋይሳን እሚያ ኡራ ደሲያ ጊሾ ዋልቃን ዋይኮ ደሲ ባይና ገዴናሸን እሲ እሲ እሲ ባ ዋዛናን ቆፕዳይሳዳ ደሳን እማናው ቤሲሰ።

8 ኡባ ዋዴ ኡባባን ኮሺያባ ኡባ ዴሚዲ ሎዮ ኦሶ ኡባ ኦላናው ዳንዳናና ማላ ያሳይ ሂንቴው ባ ኣንጅዋ ዳርሳና።

9 ጊሻ ማፃፋን፡

«እ ባ ሻሉዋ ማንቆታሰ ላሊሰ፤  
እያ ጂሎቴላይ ሜሪናው ዴዳና»

ያጌሰ።

10 ዙሪይሳሰ ዙሪላ፡ ማናው ካላ እሚያ ጎዳይ፡ ሂንቴ ዙሪያ ዙሪላ ዳርሲዲ እማና። ሂንቴ ጂሎቴላ ኣይፊያካ ዳርሳና።

11 ዳር ኣሳይ ሂንቴ እሚያ አሙዋ ኑፔ ኤኪዲ፡ ያሳ ጋላታናዳ፡ ሂንቴ ኡባ ዋዴ ዳርሲዲ እሚይሳታ ገዴና ማላ ያሳይ ሂንቴና ኡባ ባጋራ ዲሬያና።

12 ሃ ሂንቴ እሚያ አሞይ አማኒያ ኣሳ ፓጫ ኩንገላ ያላላ ገዴናሸን ኣሳይ ያሳ ጋላታናው ጋሶ ገዴሰ።

- 13 ሃ ሃንቲ ኦሶይ ሃንቲ አማኑዋ ኤርሲዲ ኪሪሰቶሳ ዋንጌላ ሃንቲ አማኒዲኔ ኢያው ከቲቲዲ ሃንቲው ዳዒያባ ኤንታራኔ ሃራታራ ቫከቲዳ ጊሾ ኡባይ ያሳ ቦንቻና።
- 14 ያሳይ ሃንቲው አሚዳ አጾ ኬሃቴላ ጊሾ ኤንቲ ሃንቲው ያሳ ዋሲሼ ሃንቲና ቤዓናው ላሞቶሶና።
- 15 ዛዋ ባይና ያሳ ኢሙዋስ ያሳይ ጋላቲቶ።

# 10

### ጳውሎስ ሞቲይሳታስ ዛሪዳ ዛርዋ

- 1 ታ ሃንቲራ ዳዒያ ዋይ ሹጎ፣ ቃሲ ሃንቲፊ ሃኪያ ዋይ ኑ ቦላ ሚኔስ ያጌቲዳ፣ ጳውሎስ፣ ኬሃኔ አሸኪ ጊዲዳ ኪሪሰቶሳ ሱንላን ሃንቲና ዋሳይሰ።
- 2 ታኒ ሃንቲኮ ቢያ ዋይ ኑ አሾ ቆፋራ ስሚሬቲያ አሲ ኦሲዲ ቆጥያ አሳ ቦላ ሚና ቃላን ኦይታናው ቆፋ ቃቻሰ። ሃንቲ ቦላ ሃሳዳ ኦይታና ሚላ ሃንቲ ታና ኦላናዳ ሃንቲና ዋሳይሰ።
- 3 ኑኒ ሃ ሳሳን ዳዒኮካ ሃ ሳሳ አሳዳ ኦሊቶኮ።
- 4 ኑ ኦላ ሚሼይ ሃ ሳሳይሳ ጊዳና። ሺን ሚፃ ላላናው ዋልቃራ ዳዒያ ያሳ ቶራ። ቱማራ ኤቄቲያ ፓላማኒ።
- 5 ያሳ ኤርና ሚላ ዲጊያ ኦቶር ቆፋ ኡባ ላሎስ። አሳ ቆፋ ኡባ ዲዒዲ ኪሪሰቶሳስ ከቲታና ሚላ አላሰ።
- 6 ሃንቲ ከቲቲላይ ፖሎ ጊዲያ ዋይ ኑኒ ከቲቲላ አያ ኡባ ሴራናው ጊጌታና።
- 7 ሃንቲ አይፊይ ቤዒዳ ሚላ ፐርዳታ። ኦኒካ ባና ኪሪሰቶሳሳ ጊዲ ቆጥያባ ጊዲኮ፣ ኑካ ኪሪሰቶሳሳ ጊዳይሳ ኤር።
- 8 ጎዳይ ታው አሚዳ ማታን ጨቄቲኮካ ሃሳን ዩላቲኬ። ሄ ማታይ ታው አሚቲዳይ ሃንቲና ዲቻናሳፊ አቲን ቆሃናሳ ጊዳና።
- 9 ታኒ ታ ዳብዳቢያን ሃንቲና ያሽሳናው ኮያዳ ፃፊዳባ ዳናፖ።
- 10 ኢሲ ኢሲ አሳይ፣ «ጳውሎስ ዳብዳቢይ ዳዩኔ ዋልቃማ፣ ሺን ኢያ ሰሞዖን ቤዒያ ዋይ ኢ ዳቡራንቾ፣ ኢያ ኦዳይካ ፓሌና» ያጎሶና።
- 11 ሄ አሳቲ ኑ ሃሆን ዳዒሼ ፃፊያ ዳብዳቢያኒኔ ማታን ሃንቲራ ዳዒሼ ኦሊያ ኦሱዋ ጊዳን ዳማቲላ ባይናይሳ አኬኮ።
- 12 ኑኒ ባንታና ናሽያ አሳታራ ኑና ገናናናው ዋይኮ ጋዳናናው ኮኮኮ። ሺን ኤንቲ ባንታና ባንታራ ገናዪዲ ዋይኮ ጋዳዪዲ ቤዒሼ ኤያ።
- 13 ሺን ኑኒ ያሳይ ኑስ አሚዳ ቆሳን ጨቄቶሲፔ አቲን ዛዋ ፒኒዲ ጨቄቶኮ፣ ሄ ዛዋይ ሃንቲኮካ ጋኬስ።
- 14 ኑኒ ቤሴይሳፊ አሊዲ ጨቄቶኮ፣ ሺን ኪሪሰቶሳ ዋንጌላ ሃንቲኮ ጋሊዳይሳን ጨቄቶኮ።
- 15 ኑኒ ያሳይ ኤሲዳ ዛዋፔ ፒኒዲ፣ ሃራቲ ኦሊዳ ኦሶን ጨቄቶኮ። ጊዳሺን፣ ሃንቲ አማናይ ዳጫና ሚላ ያሳይ አሚዳ ዛዋን ሃንቲ ጊዳን ኑ ኦሊያ ኦሶይ ዳልጋና ጊዲ ቆገሰ።
- 16 ኑኒ ሃራ አሲ ባ ዛዋን ኦሊዳ ኦሶን ጌሊዲ ጨቄቶኮ፣ ሺን ሃንቲፊ ፒኒዲ ሃራታስ ዋንጌላ ማርካታናው ዳንዳዖስ።
- 17 ሺን፣ ጌሻ ማፃፋን፣ «ጨቄያ ኡባይ ጎዳ ሎዖቲላን ጨቆ» ያጊዲ ፃፊቲስ።
- 18 ጎዳይ ናሽያ ኡራፔ አቲን ባና ባው ናሽያ ኡራይ ናሽቴና።

# 11

### ጳውሎስን ዋርዳንቾ ሃዋሪታ

- 1 ታ ጉላ ኤያቴላ ሃንቲ ሃዒካ ዳንዳዳና ጋዳ ቆገይሰ፤ ሃያና ዳንዳዳቲ።
- 2 ያሳይ ሃንቲው ቆጥዳይሰሳዳ፣ ታካ ሃንቲው ቆገይሰ። ታኒ ሃንቲና ጌሻ ጌላዒዳ ኢሲ አዲያ፣ ኪሪሰቶሳስ አማናው ኦይቻ ዋሳሰ።
- 3 ሺን ሸሻይ ባ ጌኒያን ሃዋና ባሌዳይሳዳ ኦኒ ኤሪ ሃንቲ ዋዛናይ አቲዲ ኪሪሰቶሳስ ዳዒያ ሃንቲ ሱራቴላኔ ጌሻቴላ አጋንዴቲ ጋዳ ሂርጋይሰ።
- 4 ኢሲ አሲ ዪዲ፣ ኑኒ ሃንቲው ማርካቲዳ ዩሱሳፔ ሃራ ዩሱሳ ሃንቲው ማርካቲኮ፣ ዋይኮ ሃንቲ ኤኪዳ አያናፔኔ ዋንጌላፔ ሃራ አያናኔ ዋንጌላ ሃንቲው ኦዲኮ፣ ሲዒ ጊዲ ኤኬታ።
- 5 ሺን ታኒ ዩሱሰ ከቲዳ «ጌታ ሃዋሪታፔ» ጉፃይሰ ጋዳ ቆገኬ።
- 6 ታኒ ኦዲ ኤርና አሲ ጊዲኮካ፣ ኤራቲላ ታው ዳዒሰ። ሃሳ ታ ሃንቲው ዳር ኦጌን ቆንጨሳሰ።
- 7 ታኒ ሚሼ ኦይቾና ያሳ ዋንጌላ ሃንቲው ጮ ኦዲዳይሰኔ ሃንቲና ቁቁ ኦሳዳ ታና ቶቺዳይሰ ታው ናጋራ ጊዲ?
- 8 ታኒ ሃንቲው ኦላናው ሃራ ዋሳ ኬላታፔ ሚሼ ቦንቃ ኤካስ።

9 ታ ሂንቴራ ደዓያ ዎዴ ታና ሜቲንካ ሂንቴሬ ኢሲ ኣሲካ ዋይሳቢኬ። ማቁደኒያፔ ዪዳ ኣማኒይሳቲ ታና ኮሺያባ ኡባን ማዲዶሶና። ሃቺ ኀካናው ታ ሂንቴው ቶሆ ጊዳቢኬ ሲንሳሰካ ቶሆ ጊዳኬ።

10 ከሪሰቶሳ ቱማቴላይ ታናን ደዓሺን፣ ታ ጨቁዋ ኣካያ ቢታን ታና ኦኒካ ደጌና።

11 ታ ሃይሳ ኣይሰ ኀይና? ሂንቴና ደሶና ገሾሴዬ? ታኒ ሂንቴና ደሴይሳ ያሳይ ኤሬሰ።

12 «ኦካ ሂንቴ ሚላ ኦሎስ» ያጊዲ ጨቁያ ሃንኮ ሃዋሬታ ጨቁዋ ጋሱዋ ቆይሳናው ሃዒ ታ ኦሴይሳ ሲንሳሰካ ኦሳና።

13 ሃይሳ ሚላ ኣሳቲ ከሪሰቶሳ ሃዋሬ ዳናናው ባንታና ላሚያ ዎርዳንቸ ሃዋሬታኔ ጨሚያ ኦሳንቸታ።

14 ሄሲ ማላሊሲያባ ጊዳና፤ ኣይሰ ገኮ፣ ያላሄይ ፖዎ ከታንቸ ዳናናው ባና ላሚስ።

15 ሄሳ ገሾ፣ ያላሄ ኦሳንቸቲ ሂሎቴላ ኦሳንቸታ ዳናናው ባንታና ላሚኮ ሄሲ ጌታባ ጊዳና። ኤንቲ ጫርሴላን ባንታ ኦሱዋዳ ኤካና።

**ጳውሎሳ ጋኪዳ ሜቱዋ**

16 ኦኒካ ታና ኤያ ጊዲ ቆፖና ሚላ ዛራዳካ ኦዳይሰ። ታ ሂንቴው ኤያ ዳኒኮካ ታ ጉሓራ ጨቁታና ሚላ ታና ኤያ ኦሴዲ ኤኪቴ።

17 ታኒ ሃይሳዳ ጨቁታዳ ኦዳይቲ፣ ጎዳይ ኮዬይሳዳ ጊዳናሺን ኤያቴላን ኦዳይሰ።

18 ዳር ኣሳይ ሃ ሳባባን ጨቁቲያ ገሾ ታካ ጨቁታና።

19 ሂንቴ ዎዛናማ ጊዲያ ገሾ ኤያ ኣሳባ ኦፋይሳን ዳንዳዒታ።

20 ኦኒካ ሂንቴና ኣይሌይኮ ዎይኮ ሂንቴና ቦንቁኮ ዎይኮ ባው ማዳታናው ሂንቴኮ ሸቁኮ ዎይኮ ሂንቴ ቦላ ኦቶርቲኮ ዎይኮ ሂንቴና ባቁኮ ሂንቴ ዳንዳዒታ።

21 ኦኒ ሄሳ ኦሳናው ዳር ዳቡራንቸ ጊዳይሳ ዬላታሼ ታ ኦዳይሰ።

ሸን ኦኒካ ሚኒዲ ጨቁቲኮ፣ ታካ ጨቁታናው ሚናይሰ። ታኒ ሄሳ ኤያ ኣሳዳ ኦዳይታይሰ።

22 ኤንቲ ኢብራዌ? ታካ ኢብራዌ። ኤንቲ ኢሰራዒሌ? ታካ ኢሰራዒሌ። ኤንቲ ኣብራሃሚ ሾሼ? ታካ ኣብራሃሚ ሾሼ።

23 ኤንቲ ከሪሰቶሳ ኦሳናቸ? ታኒ ጎሻ ኣሳዳ ኦዳይሰ፣ ኤንታሬ ኣጂያ ከሪሰቶሳ ኦሳንቸ። ታኒ ኦሶን ዳር ዳቡራሰ፤ ዳር ዎይ ቃሺታሰ፤ ደር ዎይ ሃይቆፔ ኣታሰ።

24 ኣይሁዳቲ ታና ሃሰታማኔ ኡዲፋና ኢቻሹ ቶሆ ጋራፊዶሶና።

25 ሄቹ ቶሆ ያዎዓን ሾጩታሰ፤ ኢሲ ቶሆ ሹቻን ጫዳታሰ፤ ማርካቤይ ሄቹ ቶሆ ሚዒሲ፤ ኣባ ጊዳን ኢሲ ቃማ ኩሚሳ ኣቃዳ ፒዒሰ።

26 ታኒ ዳር ኦጊያ ዳቡራን ሃሙታሰ። ከፃ ሃሳፊኔ ፓንጋሬ ኣታሰ። ኣይሁዳቲኔ ኣይሁዳ ጊዳና ኣሳይ ታ ቦላ ሜቶ ጋሊዳሶና። ካታማይ፣ ባዞይ፣ ኣባይ፣ ታና ያሸሲ፤ ኣማኒያ ዳኒያ ኣሳቲ ታና ዋይሲዶሶና።

27 ታኒ ኦሶን ዳቡራሲኔ ጫዋታሰ፣ ዳር ቶሆ ቋስኮ ቆያሰ፣ ኮሻታሰ፣ ሳዎታሰ፣ ዳር ቶሆ ያማሰ፣ ማጌታሰ፣ ካሎታሰ።

28 ሃራባ ኡባ ታይቦና ኡባ ዎዴ ታና ቆሬሴይ ዎሳ ኬላታባ።

29 ኢሲ ኣሲ ዳቡሪያ ዎዴ ኢያራ ታ ዳቡራቢኪና? ኢሲ ኣሲ ናጋራን ቆቤቲያ ዎዴ ታ ኣዉዴ ቁርቶና ኣጋዳና?

30 ታ ጨቁታናው ኮሺያባ ጊዲኮ ታኒ ዳቡራንቸ ጊዳይሳ ኤሪሲያባን ጨቁታና።

31 ሚናናው ቦንቹቲዳ ያሳይ፣ ኦ ጎዳ ዬሱሰ ከሪሰቶሳ ኣዎይ፣ ታ ዎርዳቶናይሳ ኤሬሰ።

32 ዳማሰቆ ካታማን ኣሬታሳ ጊያ ካዉዋፔ ጋርሳራ ሃሪይሲ ታና ኦዳናናው ኮዬዲ ዳማሰቆ ካታማ ፔንጊያ ናጊሲሰ።

33 ሺን ኣሳይ ታና ዳቸን ዬጊዲ፣ ካታማ ዲርሳ ማሰኮቲያራ ዎጂሲን ታኒ ኢያ ኩሺያፔ ኣታሰ።

**12**

**ጳውሎሳ ቆንጮላ**

1 ጨቁቲላሰ ጎዒ ባይናይሳ ኤራይሰ። ሺን ጨቁታናው ኮሺኮ፣ ጎዳፔ ኤኪዳ ቆንጮላን ጨቃና።

2 ታማኔ ኦይዲ ላይላፊ ካሲ፣ ከሪሰቶሳ ኣማኒያ ኢሲ ኡራይ ሄቻንሎ ሳሎዋ ቢዳይሳ ታ ኤራይሰ። ሄ ኡራይ ኣሾን ዎይኮ ኣሾፔ ካሬራ ቢዳኮ ታ ኤሪኬ፤ ያሳይ ኤሬሰ።

3 ሄ ኡራይ ሄቻንሎ ሳሎዋ ኤኬቲዳይሳ ኤራይሰ። ሺን ኢ ኣሾን ዎይኮ ኣሾፔ ካሬራ ኤኬቲዳኮ ታ ኤሪኬ፤ ያሳይ ኤሬሰ።



- 4 ሄ ኡራይ ጋናቴ ኤኩቲዲ እሲ ቆንጨሳናውኔ እሲ ኦዳናው ዳንዳዳናባ ሲባሲ።
- 5 ታኒ ሄ እዲያባን ጨቁታና፣ ሺን ታኒ ታ ዳቡራን ኣትን ታናን ጨቁቲያባይ ባዋ።
- 6 ታኒ ቱማ ኦዳቲያ ሺሾ ጨቁታናው ኮይኮካ ኤያ ሺዲኤ። ሺን እሲ ታ ኦሌይሳ ቤዔይሳፊኔ ሲዔይሳፊ ኣሌዲ ቆፖና ማላ ጋዳ ጨቁቲላ ኣጋይሰ።
- 7 ታው ቆንጨዳ ገታ ቆንጨኻን ታ ኦቶርቶና ማላ ታና ዋይሳናው ታ ኣሹዋን ጫዲያ ፃላሂያ ከታንቸይ ታው ኣሚቲሰ።
- 8 ሃ ዋይሲያባ ታፔ ዲጋና ማላ ታኒ ጎዳ ሂዞ ቶሆ ዋሳስ።
- 9 ሺን ጎዳይ፣ «ታ ዋልቃይ ኔ ዳቡራን ቆንጨያ ሺሾ ታ ኣቶ ከሃቴላይ ኔው ገዳና» ያገሰ። ከሪስቶሳ ዋልቃይ ታናን ቆንጨና ማላ ታ ዳቡራን ኡፋይታሺ ጨቁታይሰ።
- 10 ታኒ ከሪስቶሳ ሺሾ ዳቡሪያ ዋይ ጫይቲያ ዋይ ዋይቲያ ዋይ ጎዳቲያ ዋይ ማቶቲያ ዋይ ታ ዳቡራን ኡፋይታይሰ። ኣይሰ ገኩ፣ ታ ዳቡሪያ ዋይ ሄ ዋይ ማናይሰ።

**ጳውሎሲ ቆርንቶሳ ኣሳስ ቆፔሰ**

- 11 ታኒ ኤያ ኣሳዳ ጨቁታሰ። ሄሳዳ ታ ጨቁታና ማላ ኦሊዳይ ሂንቴና። ታ፣ ታ ሁዔን ኤሬቶና እሲ ገዲኮካ፣ «ገታ ሃዋሬታ» ገቴቲይሳታፔ ጉዲኤ። ሄሳ ታው ማርካታናው ቤሲይ ሂንቴናሺን።
- 12 ታ ሂንቴ ገደን ዳዕሺ ዳንዳዳን ኦሊዳ ማላታቲኔ ማላቲ ታ ቱማ ሃዋሬ ገደይሳ ቤሰሶና።
- 13 ታ ሂንቴው ቶሆ ገደናይሳፊ ኣትን ሃራ ዋሳ ከኣታፔ ሂንቴ ኣይቢን ጉዲዳ፣ ሂሲ ባላ ገዲኮ ታና ማጋቴ።
- 14 ታኒ ሂንቴኮ ባናው ገጌቲሺን ሃይሲ ታው ሂዻንሎ። ታ ሂንቴናፔ ኣትን ሂንቴው ዳዕያባ ኮዮና ሺሾ ሂንቴና ዋይሳናው ኮዳኤ። ዬሊዳይሳቲ ባንታ ናይታሰ ሻሎ ማንጀሶናፔ ኣትን ናይቲ ባንታና ዬሊዳይሳታሰ ሻሎ ማንጀኮና።
- 15 ታ ሂንቴ ሺሾ ታው ዳዕያባኔ ታና ኣላ ኣሚንካ ታና ኡፋይሴሰ። ያቴን፣ ታኒ ሂንቴና ሄሳዳ ከሃ ሰቄያ ዋይ ሂንቴ ታና ጉፋሪ ሰቄታ?
- 16 ገዲኮካ፣ ታ ሂንቴው ቶሆ ገዲኤ፤ ዋይሳቢኤ፤ ሺን ሂንቴና ጨዋኤ ኔ ኔን ኦይኪዳባ ሂንቴው ዳናና ኣገና።
- 17 ሃሪ ኣቶሺን፣ ታ ሂንቴኮ ከቲዳ ኣሳታፔ ሂንቴና ጨሚዳ እሲ ዳዕ?
- 18 ቲቶይ ሂንቴኮ ባና ማላ ታኒ ዋሳስ፤ ቃሲ ኣማኒያ ኢሻካ ኢያራ ዬዳሰ። ያቴን፣ ቲቶይ ሂንቴና ጨሚዳ? ኦኒ ኦ ኦሱዋ ኢሲ ኣያናን ኦሊቦኮ? ቃሲ ኦ ሃናይካ ኢሲኖ ገዳይ?
- 19 ኦ ኡባ ዋይ ሂንቴ ሰንሳን ኦና ዓሊሳናው ሞቲቲያባ ሂንቴው ዳኒ? ኦ ከሪስቶሳን ዳዒዲ ያሳ ሰንሳን ሃላ ጋካናው ኦደሰ። ኦ ሰቆ ኣሻቶ፣ ኦ ሃ ኡባ ኦሌይ ሂንቴና ዲቻናሳ።
- 20 ታ ሂንቴኮ ቢያ ዋይ ኦኒ ኤሪ ሂንቴ ታ ኮዬይሳዳ ሃናና፣ ቃሲ ታካ ሂንቴ ኮዬይሳዳ ሃናና ጋሃቶና ኣሳኮ ጋዳ ያያይሰ። ቃሲ ኦኒ ኤሪ ሂንቴ ገደን ፓላሚ፣ ቃናቴይ፣ ሃንቆይ፣ ዩቄይ፣ ዘገርሲ፣ ኣሳ ሱንሱ ኢሶይ፣ ኦቶሮይ ካቹ ዳና ኣገና ጋዳ ያያይሰ።
- 21 ታኒ ናሞዳንላ ሂንቴኮ ቢያ ዋይ ያሳይ ሂንቴ ሰንሳን ታና ካወሻና ጋዳ ያያይሰ። ካሴ ናጋራ ኦሊዲ ሄ ባንታ ኦሊዳ ቱናቴሳፊ፣ ላይማቴሳፊኔ ዬላያ ኦሱዋፔ ሲሚቦና ኣሳታ ቤዓዳ ኣዛናና ኣገኤ ጋዳ ያያይሰ።

**13**

**ወርሴላ ዘሬኔ ሳርላ**

- 1 ታ ሂንቴኮ ቢሺን ሃይሲ ሂዻንሎ። ኣይ ሞቶይካ ናሞዎ ዋይኮ ሂዞ ማርካን ማኒስ።
- 2 ታኒ ናሞዳንላ ሂንቴራ ጋሃቲዳ ዋይ ሂንቴ ገደን ካሴ ናጋራ ኦሊዳ ኡራኔ ሃራታ ኡባ ሴርና ኣገኤ ጋዳ ኦዳ ዋሳስ። ሃላ ታ ሃካዳ ዳዒኮካ ሲማዳ ሂንቴኮ ቢያ ዋይ ኦዳሰካ ቃዴቲኤ።
- 3 ታናን ዳዒዲ ኦዳይ ከሪስቶሳ ገደይሳ ሂንቴ ኤራናው ኮዬታ። ኢ ሂንቴራ ሃሳያ ዋይ ዋልቃማፔ ኣትን ሂንቴ ገደን ዳቡራንቸ ገዳና።
- 4 ከሪስቶሲ ማሰቃሊያ ቦላ ዳቡራን ካቁቲሰ። ሺን ያሳ ዋልቃን ዳዩን ዳዕሲ። ኢ ዳቡራንቸ ገዲዳይሳዳ፣ ኦካ ዳቡራንቸ። ሺን ሂንቴና ሃጋዛናው ያሳ ዋልቃን ኢያራ ዳዩን ዳና።
- 5 ኣማኖን ማኒዲ ዳዕያኮ ሂንቴና ሂንቴው ፓጨ ቤዒቲ። ፓጨን ሂንቴ ከንዶና ኣትኮ፣ ከሪስቶሲ ሂንቴናን ዳዕያሳ ሂንቴ ኤሬታ። ሺን ከሪስቶሲ ሂንቴናን ዳና ኣይኮ ሂንቴ ከንዶታ።
- 6 ኦኒ ፓጨን ከንዶናይሳ ሂንቴ ኤሬታ ጋዳ ኣማናይሰ።
- 7 ሂንቴ ኢታባ ኦላና ማላ ኦኒ ያሳ ዋሰሰ። ኦኒ ሚኖ ገደይሳ ኣሳይ ቤዓና ማላ ገደናሺን ኦኒ ሚኖ ገደና ኣይኮካ፣ ሂንቴ ሎዮ ኦላና ማላ ኦኒ ዋሰሰ።
- 8 ኦኒ ቱማሰ ኦላሲፔ ኣትን ቱማራ ኤቁቲያባ ኣይባካ ኦላኮ።
- 9 ኦ ዳቡሪያ ዋይ ሂንቴ ቃሲ ማኒያ ዋይ ኦና ኡፋይሴሰ። ሂንቴ ቦሬይ ባይናይሳታ ገዳና ማላ ኦ ሂንቴው ያሳ ዋሰሰ።

10 ታኒ ሂንቴፌ ሃካዳ ዴባሽ ፃፊዳይ ሂሳ ጊሾሳ። ታኒ ሂንቴኮ ቢያ ዋዴ ጎዳይ ታው አሚዳ ማታን ዜምፓዳ ሂንቴ ቦላ ጎዳታናው ኮዪኪ። ጎዳይ ታው ማታ አሚዳይ፣ ሂንቴና ማዳናሳፌ አቲን ቆሃናሳ ጊዴና።

11 ወርሴላን ታ አሻቶ፣ ሳር ዴባቴ። ቦሬይ ባይና ዴባቴ፤ ታ ዘሪያ ሰባቴ። አሲ ዋዛናን ጊዲዲ ዴባቴ፤ ሳርቴላን ዴባቴ። ሲቆኔ ሳር አሚያ ያሳይ ሂንቴራ ጊዴ።

12 ጌሻ ዩራቴላ ዩራቴሽ፣ አሲይ አሲዋ ሳርላቴ።

13 ያሳ አሳ ኡባይ ሂንቴና ሳር ሳር ያጎሶና።

14 ጎዳ ዩሱሰ ኪሪሰቶሳ አቶ ኬሃቴሳይ፣ ያሳ ሲቆይ፣ ጌሻ አያና አሲፌቴሳይ ሂንቴ ኡባራ ጊዴ።

# ጳውሎስ ጋላቴያ አሳስ ፃፊዳ ከታ ጋላ ቆፋ

ዩሱስ እሾይሳ ገዴይሳ ኦዲያ ዋንጌላ ቃላይ ዲማ ዲማ ቤሳን ሳባኬቲን፣ እይሁዴ ገደና አሳይ እማኒ እማኒ ቢያ ዋዴ «ከሪስታኔ ገደናው ሙሴ ሂጌ ፖላናው ኮሺዬ ኮሺኔ?» ያገያ ኦይሾይ ኢሲፌ ዴንዲሰ። ሄ ዋዴ ጳውሎስ፣ «ከሪስታኔ ገደናው ሙሴ ሂጌ ፖላናው ኮሺና፤ ዩሱሳን ኦራፋ ዴያ ዴማናው ኮሺያ ዋናይ እማና። አሳይ ያሳ ስንሳን ሂላናው ዴንዲዔይ እማና ፃላላን» ያገዲ ታማርሲሰ። ሺን ጉላ ኢሲያን፣ ጋላቴያ አወራጃን ዴዒያ ዋሳ ኬላን ዴዒያ አሳ ገደን፣ «አሲ ያሳ ስንሳን ሂላናው ዩሱሳን እማና ፃላላ ገደናሺን ሙሴ ሂጌያካ ፖላናው ኮሺስ» ያገዲ ጳውሎስ ቲሚርቲያ ጳልቂያ አሳቲ ዴያሶና።

ጳውሎስ ጋላቴያ ማፃፋ ፃፊዳይ፣ ሄ ባላ ቲሚርቲያን ጨሜቲዳ አሳ ቱማ እማኑዋኮኔ እማና ዴዑዋኮ ዛራናሳ። ጳውሎስ ዩሱሳን ሃዋሪ ገዴይሳ ቲላይዲ ኦዴ ኦይኪሰ። ኢያ ሃዋሪ ኦላዲ ያገዲዳይ አሲ ገደናሺን ያሳ ገዴይሳኔ ኢ ከቲቲዳይ እይሁዴ ገደና አሳስ ገዴይሳ ቆንጨሲዲ ኦዲሰ። ኢያራ ኦይሴላዲ አሳይ ሂላናው ዴንዲዔይ እማና ፃላላና ገዴይሳ ኦዴሰ። ወርሴላ ቤምፖፖፓን እማና ዴያይ ዩሱሳን እማናን ቤንቲያ ሲቆፔ ፑልቲይሳ ገዴይሳ ኦዴሰ።

## ጋላቴያ ከታ ኦይፌ ቆፋታ

- ጌሎ ቆፋ 1:1-10
- ጳውሎስ ሃዋሪቲላ ማታ 1:11-2:21
- ያሳ ኦዲ ኬሃቲላ ዋንጌላ 3:1-4:31
- ላዓቲላኔ እማናን ዲሱ 5:1-6:10
- ኩሻ ቆፋ 6:11-18

- 1 አሳፔ ዋይኮ አሳ ባጋራ ገደናሺን ዩሱስ ከሪስቶሳፔኔ ኢያ ሃይቆፔ ዴንሲዳ ያሳ አዋፔ ሃዋሪ ገደና ሜላ ከቲቲዳ ታ ጳውሎስ።
- 2 ታራ ዴዒያ እማኒያ እሻቲ ኡባይ፣ ጋላቴያን ዴዒያ ዋሳ ኬላታሰ ከቲዳ ከታ።
- 3 ያሳይ ኑ አዋይኔ ኑ ጎዳ ዩሱስ ከሪስቶሲ ሂንቲው ኦዲ ኬሃቲላኔ ሳርቲላ አዋ።
- 4 ሃ ኢታ ዋዴያፔ ኑና አሻናና፣ ኑ ያሳ፣ ኑ አዋ ሺኔን ከሪስቶሲ ኑ ናጋራ ገሾ ባና አላ ኢሚሰ።
- 5 ያሳስ ሜሪናፔ ሜሪና ጋካናው ቦንቾይ ገደ። እማንዒ።

### ቱማ ዋንጌላይ ኢሲና

- 6 ከሪስቶሳ ኦዲ ኬሃቲላን ሂንቲና ያገዲ ያሳ አገዲ፣ ሃራ ዋንጌላኮ፣ ሂንቲ ኤሌሲዲ፣ ዋኒዲ ሲሚዳኮ ታና ማላሊሲሰ።
- 7 ሂንቲና ባሌላናውኔ ከሪስቶሳ ዋንጌላ ዋቢሳንው ኮያ ጉላ አሳቲ ዴያሶናፔ ኦቲን ቱማ ዋንጌላይ ኢሲና።
- 8 ሺን ኑና ገደን ዋይኮ ሳሎ ከታንቾ ገደን ኮኒ ሂንቲው ኮይር ኦዲዳ ዋንጌላፔ ዴማቲያ ሃራ ዋንጌላ ሂንቲው ኦዲያባ ገዲኮ፣ ኢ ቃንጌቲዳባ ገደ።
- 9 ሃይሳፌ ሲንሌ ኮኒ ገዲይሳዳ ሃሳካ ዛራዳ ጋይሰ። ሂንቲ ኤኪዳ ዋንጌላፔ ዴማቲያ ዋንጌላ ኦኒካ ሂንቲው ኦዲኮ ሄ ኡራይ ቃንጌቲዳባ ገደ።
- 10 ያቲን፣ ታና አሲ ናሻና ሜላ ኮያይና? ዋይኮ ያሲ ናሻና ሜላ ኮያይና? ዋይኮ ታ አሲ ኡፋይሳናው ኮያይና? ታ አሲ ኡፋይሳናው ኮያባ ገዲኮ፣ ከሪስቶሳ አይሌ ገዲኬ።

### ጳውሎስ ያገቲላ

- 11 ታ እሻቶ፣ ታ ሂንቲው ኦዲዳ ዋንጌላይ አሳፔ ገደናይሳ ሂንቲ ኤራና ሜላ ታ ኮያይሰ።
- 12 ታው ሃ ዋንጌላ ዩሱስ ከሪስቶሲ ቆንጨሲሲፔ ኦቲን አሳፔ ኤካቢኬ ዋይኮ አሲ ታና ታማርሲቤና።
- 13 ታ ካሲ እይሁዴ እማናን ዴዒያ ዋዴ ዋና ዴዒዳኮ፣ ሂንቲ ሲዒዴታ። ታ ዋሳ ኬላ ቃዴይ ባይና ጎዳናውኔ ጳይሳናው ባፃታሰ።
- 14 እይሁዴ እማና ናንጎ፣ ታ ዋዴን ዴዒያ እይሁዴ እሻታፔ አጳይሰ። ኑ አዋታ ዋጋሰካ አጳይ ማሺታይሰ።
- 15 ሺን ታ ቡር ታ አይ ኡሎን ዴዒሺን ያሳይ ታና ዶሪስ፤ ባ ኦዲ ኬሃቲላን ታና ያገሰ።

16 እይሁዴ ጊደና አሳስ ዋንጌላ ኦዳና ሜላ ያሳይ ባ ናና ታው ቆንጨሲዳ ዋይ ታ ኦዳራካ ዘራታቢኩ።

17 ዋይኮ ታፔ ሲንጤ ሃዋሪ ጊዲዳይሳታሪ ጋሂታናው ዬሩሳላሜ ባቢኩ። ሺን ታ ካሴታዳ አራቤ ቢታ ባሰ፤ ሃሳፌ ሲማዳ ዳማሰቆ ካታማ ያሰ።

18 ሃዥ ላይሳፌ ጉዬ፣ ጳጳርሳሪ ጋሂታናው ዬሩሳላሜ ባዳ ኢያራ ታማይ ኢቻቮ፣ ጋላሰ ኡታሰ።

19 ሺን ጎዳ ኢሻ ያይቆባፔ ኣትን ሃንኮ ሃዋሪታ ቤዓቢኩ።

20 ታ ሃንቲው ዓፊይዳይሲ ዋርዶ ጊደናይሳ ያሳ ሲንጻን ሃንቲው ቆንጨሳይሰ።

21 ሃሳፌ ጉዬ፣ ታኒ ሶሪያ ቢታኔ ኪልቂያ ቢታ ባሰ።

22 ዪሁዳን ዳዒያ ዋሳ ኬላ አሳይ ታና ቤዒዲ ኤሪቦኮና።

23 ሺን ኤንቲ፣ «ካሴ ኮና ጎዲያ ኡራይ፣ ሃዒ ሄ ኢ ቆይሳናው ኮያ አማኑዋባ ሳባኬሰ» ያጌይሳ ሲዒደሶና።

24 ሲዒዳ ኡባይ ታ ጋሶን ያሳ ጋላቴደሶና።

## 2

### ሃዋሪቲ ጳጳሎሳ ኤኪደሶና

1 ታማይ ኦይዱ ላይሳፌ ጉዬ፣ ባርናባሳራ ዛራዳ ዬሩሳላሜ ባሰ። ሄ ዋይ ቲቶ ታራ ኤካዳ ባሰ።

2 ያሳይ ታው ቆንጨሲዳ ቆንጨፍላን ያ ባዳ እይሁዴ ጊደና አሳ ጊደን ታ ሳባኪያ ዋንጌላ ኤንታው ቆንጨሳሰ። ካሴ ታ ዋዒዳ ዋሳይኔ ሃዒካ ታ ዋዒያ ዋሳይ ሃዳ ጊደና ሜላ ጋዳ ካሌልይሳታ ዲማ ሺሻዳ ኤንታው ኦዳሰ።

3 ሃሪ አቶሺን፣ ታራ ዳዒያ ቲቶይ ገሪኬ አሲ ጊዲኮካ፣ ቃፃሬቶ ጊዲ ኤንዔሊቦኮና።

4 ጊደሸን፣ አማኒያ ኢሻታ ዳዒዲ ኦ ጊደ ጌሊዳ ኢሶቲ ኢሶቲ ኢ ቃፃሬታና ሜላ ኮዪደሶና። ሄ አሳቲ ከሪሰቶሰ ዬሱሳን ኮሰ ዳዒያ ላዓቴላ ዋቲዲ ቤዓናው ጌማን ኦ ጊደ ጌሊዲ ዛሪዲ ኦና እይሌ ኦላናው ኮኮሶና።

5 ሺን ቱማ ዋንጌላይ ሃንቲናን ሚኒዲ ዳና ሜላ ኦኒ ሃሪ አቶሺን፣ ጉላ ዋዳሰካ ኤንታው ኮሼ አሚቦኮ።

6 ሺን ሃላቃ ዳዒያ አሳታ ኦናቴላይ ታው እይኮካ ጊደና። ያሳይ አሳ ሶምዖ ቤዒዲ ፒርዳና። ሃ አሳቲ ታ ማርካቴያ ዋንጌላ ቦላ ጉጂዳባይ ባዋ።

7 ሺን ጳጳርሲ፣ እይሁዴታሰ ዋንጌላ ኦዳና ሜላ ያሳይ ኢያው ሃዳራ አሚዳይሳዳ ታጣካ እይሁዴ ጊደና አሳሰ ዋንጌላ ኦዲያ ሃዳራ አሚዳይሳ ኤንቲ ጉዬፔ ቤዒደሶና።

8 ሃዛ፣ ጳጳርሲ እይሁዴታ ሃዋሪ ጊደና ሜላ ኦሊዳ ያሳይ፣ ታካ እይሁዴ ጊደና አሳሰ ሃዋሪ ጊደና ሜላ ኦሊሰ።

9 ቃሲ ቱሱ ዳዒዲ ቤንቲያ ያይቆቢ፣ ጳጳርሲኔ ዮሃኒሲ፣ ታው አሚቲዳ አቶ ኬሃቴላ ቤዒዳ ዋይ ኦራ ኢሲፊዳይሳ ቆንጨሳናው ታ ኮሺያኔ ባርናባሳ ኮሺያ ኦይኪደሶና። ኦኒ እይሁዴ ጊደና አሳኮ፣ ቃሲ ኤንቲ እይሁዴ አሳኮ ባናው ጊደደሶና።

10 ኤንቲ ኦና ሚንሌዲ ሃዳራ ጊዳይ፣ ኦኒ ማንቆታሰ ቆጋናይሳ። ካሴካ ታ ሃሳ ኦላናው አዋቴይሰ።

### ጳጳሎሲ ጳጳርሳ ቲሚርቲያ ጳልቂሰ

11 ጳጳርሲ አንዎኪያ ካታማ ዪዳ ዋይ ኢ ባሊዳ ገሾ ታኒ ኢያ ሶምዖን «ኦኒ ባላዳሳ» ጋሰ።

12 ያይቆቢ ከቲዳ ጉላ አሳይ ያናፔ ሲንጤ ኢ እይሁዴ ጊደና አሳራ ሚኒ፣ ሺን ኤንቲ ዪዳፔ ጉዬ፣ «እይሁዴ ጊደና አሳቴ አማኒዳይሳቲ ቃፃሬታናው ቤሲሰ» ጊያ አሳሰ ያዪዲ ኤንታፊ ሻኬቲሰ።

13 ቃሲ ሃንኮ አማኒዳ እይሁዴቲ ጳጳርሳ ሃኑዋ ካሊደሶና። ሃሪ አቶሺን፣ ባርናባሳኪ ኢያ ቆፋን ጎሼቲሰ።

14 ሺን ኤንቲ ዋንጌላ ቱማቴላን ሱራ ሃሙቶናይሳ ቤዓና፣ ጳጳርሳ አሳ ኡባ ሲንጻን፣ «ኦኒ እይሁዴ ጊደና፣ እይሁዴ ዋጋ፣ ጊደናሸን እይሁዴ ጊደና አሳዳ ዳዓሳ፤ ያቲን፣ ዋናዳ እይሁዴ ጊደናይሳታ፣ ሳይሁዴ ዋጋን ዳዒቴ ጋዳ ዋልቃታይ?» » ያጋሰ።

15 ኦኒ ዬሊታን እይሁዴ፣ ሺን ናጋራንቾ ጊዲዳ እይሁዴ ጊደና አሳ ሜላ ጊደኮ።

16 ሺን አሲ ዬሱሰ ከሪሰቶሳ አማኒዲ ዒሌሲፔ ኣትን ሂኔ ናጊዲ ዒሎናይሳ ኤርሰ። ኦኒካ ሂኔ ናጊዲ ዒሎና ገሾ ኦካ ሂኔ ናጊዲ ጊደናሸን ከሪሰቶሳን አማኒዲ ዒላና ሜላ ከሪሰቶሰ ዬሱሳ አማኒዳ።

17 ኦ እይሁዴቲካ ከሪሰቶሳ ባጋራ ዒላናው ኮሺሰ። ሃሳ ጊዲኮ ኦካ ሃራ አሳዳ ናጋራንቾ ጊደይሳ ቤዖሰ። ያቲን፣ ኦ ናጋራ ኦላና ሜላ ዳንጤይ ከሪሰቶሳ ጉሴዬ? ኡካን ጊደና!

18 ሃዛ፣ ታ ላሊዳይሳ ዛራዳ ኬያባ ጊዲኮ ታኒ ታ ሁዒን ሂኔ ሚንጤይሳ ጊደይሳ ቆንጨሳይሰ።

19 ታኒ ያሳሰ ዳና ሜላ ሂጌ ባጋራ ሂጌሰ ሃይቃሰ።

20 ታኒ ከሪሰቶሳራ ማሰቃሊያ ቦላ ካቁታሰ። ታኒ ሂዛፒ ታው ዴዒኬ፣ ሺን ከሪሰቶሳራ ታናን ዴዒሰ። ታ ሃሲ ዴዒያ ዴዒዎ፣ ታና ደሲዲ ታ ጊሾ ባና አሊ አሚዳ ያሳ ናባ አማናዳ ዴዒይሰ።

21 ታኒ ያሳ አቶ ከሃቴላ ሃዳ ኦሊኬ። ዲሎቴሌ አሳሰ ሂጌ ባጋራ ቤንጥያባ ጊዲያኮ፣ ከሪሰቶሳራ ጮ ሃይቁሰ ጉሱ።

### 3

#### ዲሎቴሌ አማናና

1 ሂንቴና፣ አኬኪ ባይና ገላጥያ አሳው፣ ሂንቴ አይፊያ ሲንሳን ከሪሰቶሳራ ማሰቃሊያ ቦላ ካቁቲዳ ሚሲሌዳ ቆንጨዲ ቤንቴሰ። ያቴን፣ ቱማሰ ሂንቴ ከቴቶና ሚላ ሂንቴና ቢቲዳይ ኦኔ?

2 ታ አሲባ ኤራናው ኮያይሰ፤ ሂንቴ ጌሻ አያና ኤኪዳይ ሂጌ ናጊዲዬ ዎይኮ ሂንቴ ሲዲዳ ዎንጌላ አማኒዲ ኤኪዳቲ?

3 ሂንቴ ሄሳ ሚላ ኤዬ? ሂንቴ ያሳ አያናን ዶሚዲ፣ ሃሲ ዎልቃን ፖላናው ኮዬጥ?

4 ሂንቴ ዎንጌላ ጋሶን ዳር ዎዬቲዳይ ሚሌ? ሄ ዎዬ ኡባይ ጮ ጊዲዳ?

5 ያሳይ ሂንቴው ጌሻ አያና አሚይኔ ሂንቴ ጊዶን ማላታታ ኦሌይ፣ ሂንቴ ሂጌ ናጊዳ ጊሾዬ ዎይኮ ዎንጌላ ሲዲዲ አማኒዳ ጊሾ?

6 አኔ አብራሃሜ ቤዒቲ፣ «አ ያሳ አማኒሰ፤ ያሳይ አያው ሃሳ ዲሎቴሌ ኦሊዲ ኤኪሰ» ጌቴቲዲ ፃፊቲሰ።

7 ሂዛ፣ አማኔይሳቲ አብራሃሜ ናይታ ጊዳይሳ ኤሪቴ።

8 ያሳይ አይሁዳ ጊዶና አሳ አማናን ዲሊሳናይሳ ጌሻ ማፃፋይ ቤዒዲ፣ «ካዎቴላ ኡባይ ኔናን አንጃታና» ያጊዲ፣ ዎንጌላ አብራሃሜሰ ካሰቲዲ ኦዲሰ።

9 ሄሳ ጊሾ፣ አማኒያ ኡባይ አማኒዳ አብራሃሜራ ኢሲፊ አንጃቲዶሶና።

10 ሂጌ ናጊዲ ዒላና ጊያ ኦኒካ ቃንጌቲዳይሳ። አይሰ ጊኮ፣ ጌሻ ማፃፋን፣ «ሂጌ ማፃፋን ፃፊቲዳ ኡባ ናና ኦኒካ ቃንጌቲዳይሳ ጊዶ» ጌቴቲዲ ፃፊቲሰ።

11 «ዲሎይ አማናን ዳና» ጌቴቲዲ ፃፊቲዳ ጊሾ ኦኒካ ያሳ ሲንሳን ሂጌ ናጊዲ ዲሎናይሰ ኤሪቴዳባ።

12 ሂጌይ አማናን ዜምፔና። ሺን፣ «ሂጊያ ናጊያ ኦኒካ ሂጊያን ዴዎን ዳና» ያጌሰ።

13 «ሚላ ቦላ ካቁቲዳ ሃይቁያ ኦኒካ ቃንጌቲዳይሳ» ጌቴቲ ፃፊቲዳ ጊሾ ከሪሰቶሳራ ኦ ጊሾ ቃንጌቲዳይሳ ጊዲዲ፣ ኦና ሂጌ ቃንጌላፊ ዎዚሰ።

14 ያሳይ አብራሃሜሰ አሚዳ አንጃይ፣ ዬሱሰ ከሪሰቶሳራ ባጋራ አይሁዳ ጊዶና አሳ ጋካና ሚላኔ ያሳይ አማና ጊዳ ጌሻ አያና ኦኒ አማናን ኤካና ሚላ ሄሳ ኦሊሰ።

#### ሂጌኔ ኡፋይሳ ቃላ

15 ታ አሻቶ፣ ታ ሂንቴው አሳ ዴዎን ሜዜ ጊዲዲ ዴዒያባ ለሚሶ ኦላዳ ኦዳይሰ። አሲ ጫቁዳ ጫቆይ ሚኒዳፔ ጉዬ፣ ኦኒካ ሄ ጫቁዎ ሻራናው ዎይኮ ኢያ ቦላ ሃራ ጉጃናው ዳንዳዔና።

16 ያሳይ ሄ ከኬ ቃላ አብራሃሜሰኔ ኢያ ዜሬሳሰ አሚሰ። ጌሻ ማፃፋይ፣ ዳር አሳሰ ኦዲያዳ፣ «ኔ ዜሬሳታሰ» ጌና። ሺን ኢሲ አሳሰ ኦዲያዳ፣ «ኔ ዜሬሳሰ» ያጌሰ፤ አካ ከሪሰቶሳራ።

17 ታኒ ጌይ ሃይሳ፤ ኦዲዳ ያታኔ ሃሰታው ላይላፊ ጉዬ አሚቲዳ ሂጌይ፣ ኮይር ያሳይ ሚንሊዳ ጫቁዎ ሻራዲ ኡፋይሳ ቃላ ዳይሳናው ዳንዳዔና።

18 ያሳይ አሚያ ላታይ ሂጌን ኤኬቲያባ ጊዲያኮ ያሳይ አሚዳ ኡፋይሳ ባጋራ ጊዳይሰ አቴሰ። ሺን ያሳይ ባ አቶ ከሃቴላን ላታ አብራሃሜሰ ኡፋይሳ ቃላ ባጋራ አሚሰ።

19 ያቴን፣ ሂጌይ አይሰ አሚቲዳ? ሂጌይ አሚቲዳይ፣ አብራሃሜሰ ኡፋይሳ ቃላ አሚቲዳ ዜሬሳይ ያና ጋካናው አታ ኦሶይ አይቤኮ ኤሪሳናሳ። ሂጌይ ከታንቾታ ባጋራ አሚቲዳ፣ ጊዶ ጊዲዲ ሲጌሊያ ኢሲ አሳ ባጋራ ኦሶ ቦላ ፒዒሰ።

20 ጊዶ ጊዲዲ ሲጌሊያ ኡሪይ ኢሲ አሳ ፃላላሰ ጊዳና፣ ሺን ያሳይ ኢሲና።

21 ያቴን፣ ሂጌይ ያሳ ኡፋይሳ ቃላራ ኤቁቴዬ? አካይ፣ ጊዳና! ሂጌይ አሚቲዳይ አሳሰ ዴዎ አማናው ጊዲያኮ፣ ዲሎቴሌ ሂጌ ባጋራ ቤንታናሺን።

22 ሺን ዬሱሰ ከሪሰቶሳራ አማኒን ቤንቴያ ኡፋይሳ ቃላይ አማኔይሳታሰ አሚታና ሚላ ኩሚላ አላሚይ ናጋራሰ ሃራቲዳ ዴዒይሳ ጌሻ ማፃፋይ ኦዲሰ።

23 ሺን አማናይ ያናፔ ካሴ ሂጌይ ኦና ቃቺ ዎሊሰ። ሄ አማናይ ቆንጫና ጋካናው ሂጌይ ኦ ቦላ ጎርዲ ዎሊሰ።

- 24 ሄሳ ገሹ፣ ኑኒ አማኖን ዓለና ማላ ከሪስቶሲ ያና ጋካናው ሂጌይ ናባ ናጊያ አሳ ማላ ኑና ናጊይሳ ገዲሳ።
- 25 ሸን ሃዒ አማኖይ ዪዳ ገሾ ሂጌይ ሂዛፔ ጉዬ ናባ ናጊያ አሳ ማላ ኑና ናጊይሳ ኣተሰ።
- 26 ሂንቴ ኡባይ ዬሱስ ከሪስቶሳ አማኒዲ ያሳ ናይታ ገዲዳታ።
- 27 ከሪስቶሳራ ኢሲና ገዲናው ፃማቄተዳ ኡባይ ከሪስቶሳ ማዖዳ ማሲዳታ።
- 28 ሂንቴ ኡባይ ከሪስቶሳን ኢሲና ገዲያ ገሾ አይሁዴ አሳ ገደኒኔ ገሪሴ አሳ ገደን፣ አይሌ ገደኒኔ ምጥኖ ገደን፣ አይ ገደኒኔ ማጫሳ ገደን ዲማቴሌ ባዋ።
- 29 ሂዛ፣ ሂንቴ ከሪስቶሳ ገዲኮ ሂንቴ አብራሃሜ ዛሬ። ያሳ ኡፋይሳ ቃላዳ ሂንቴ ላቴይሳታ።

**4**

- 1 ታ ጌይሲ ሃይሳ። ላቴይ ናባ ገዲ ዳዒሹ፣ ሻሎ ኡባይ ኢያባ ገዲኮካ፣ ኢ አይሌፌ አይኮካ ዲማቴና።
- 2 ሸን ኢያ አዋይ ገዳ ዋዴይ ጋካናው ኢ ሃዳሬ ኤኪዳይሳታ ኩሽኒኔ ናጊይሳታ ኩሽን ዴዒሰ።
- 3 ሂሳዳካ፣ ኑኒ ናባቴሳን ዴዒያ ዋዴ አላሚያ ዋጋስ አይሌተዲ ዴዒዳ።
- 4 ሸን ዋዴይ ጋኪዳ ዋዴ ያሳይ ሂጌፌ ጋርሳን፣ ማጫሳፔ ዬሌተዳ ባ ናባ ከተሰ።
- 5 ኢ ሄሳ ኦሉዳይ፣ ሂጌሰ ሃሬተዲ ዴዒይሳታ ዋዛናውኔ ኑና ባ ናይታ ኦላናሳ።
- 6 ኑ ያሳ ናይታ ገዲያ ገሾ «አባ፣ አዋው» ገዲ ዪጊያ ባ ናባ አያና ኑ ዋዛና ገደ ከተሰ።
- 7 ሄሳ ገሹ፣ ሂዛፔ ኔኒ ያሳ ናባፔ ኣተን አይሌ ገደካ። ኔኒ ኢያ ናባ ገዲኮ፣ ያሳ ላቴይሳ ገዲዳሳ።

**ጳውሎሲ ጋላጥያ አሳሰ ቆፒሰ**

- 8 ሂንቴ ካሴ ያሳ ኤርና ዋዴ ያሴ ገደናይሳታስ አይሌ ገዲዲ ሃሬተዳታ።
- 9 ሸን ሃዒ ሂንቴ ያሳ ኤሪዴታ፤ አባራካ ያሳን ኤሪተዳታ። ያቴን ፓላናኔ ጎዖና አላሚ ዋጋታኮ ጉዬ ዋኒዲ ሰሜቴ? ዋጂ ኤቁዲ፣ ዋኒዲ ኤንታው አይሌ ገዲናው ኮዬቴ?
- 10 ዴማ ገዲዳ ጋላሳታ፣ አከናታ፣ ዋዴታ፣ ላይሳታ ሂንቴ ሎይሌ ቦንቼታ።
- 11 ታና ሂንቴባይ ያሸሰ፤ ታ ሂንቴው ጮ ዳቡራዲናሻ?
- 12 ታ አሻቶ፣ ታ ሂንቴዳ ሃኒዳ ገሾ ሂንቴካ ታዳ ሃኒቴ ጋዳ ሂንቴና ዋሳይሰ። ሂንቴ ታና አይቢንካ ቆሂቤኬታ።
- 13 ታኒ ኮይር ሃርጌታሽ ሂንቴው ዋንጌላ ኦዲዳይሳ ሂንቴ ኤሪታ።
- 14 ታ ሃርጌይ ሂንቴው ፓጩ ገዲኮካ፣ ታና ሳሌቴቤኬታ፤ አሂቤኬታ። ሸን ታና ያሳ ከታንቾ ዋይኮ ከሪስቶሰ ዬሱሳ ሞኬይሳዳ ሞኪዳታ።
- 15 ያቴን፣ ሄ ሂንቴው ዴዒያ ኡፋይሳይ ኡባይ አው ቢዴ? ሂንቴው ዳንዳዴተዳኮ፣ ሂንቴ ታው፣ ሂንቴ አይፊያ ከሲዲ አሚያኮ ኢያናይሳ ታ ማርካታይሰ።
- 16 ያቴን፣ ታ ሂንቴው ቱማ ኡዲዳ ገሾ ሂንቴው ሞርኬ ገዲዲናዬ?
- 17 ሄ አሳቴ ሂንቴና ባንታኮ ዛሬናው ኮዮሶና፣ ሸን ኤንታ ቆፋይ ሎዮሳ ገደና። ኤንታ ቆፋይ ሂንቴና ሻካናሳኔ ሂንቴ ኤንታው ቆፓና ማላ ኦላናሳ።
- 18 ሎዮባ ኦላናው አሞቴኮ ሎዮ፣ ሸን ሄሲ ታ ሂንቴራ ዴዒያ ዋዴ ፃላላ ገደናሽን ኡባ ዋዴ ገደ።
- 19 ታ ሲቆ ናይቶ፣ ከሪስቶሰ ሂንቴናን ሚሲሌታና ጋካናው ዬሎሰ ማጫሲ ሚዖቴይሳዳ ታ ሂንቴ ገሾ ሚዖታይሰ።
- 20 ሂንቴባይ ታው ሃዲርሲ ገዲን ታ ኤንዔታሰ፤ ሃዲ ሂንቴ ገደን ታ ቤንታዳ ሽኔታዳ ኦዲያኮ አይ ማላ ዳሳይናሽን።

**አጋርኔ ሳር**

- 21 ሙሴ ሂጌን ሃሬተዲ ዳናው ኮይይሳቶ፣ አኔ ታው ኦዲቴ፤ ሂጌይ አይ ጊያኮ ኤሪኬቴ?
- 22 ጌሻ ማፃፋይ፣ «አብራሃሜስ አይሌፌኔ ጎዳቴፌ ዬሌተዳ ናምዑ ናይቲ ዴዮሶና» ያጌሰ።
- 23 አይሌ ናባይ አሲ ናባ ዬሊያ ማራን ዬሌተሰ። ሸን ጎዳቴ ናባይ ያሳ ኡፋይሳ ቃላን ዬሌተሰ።
- 24 ሃ ማጫሳቴ ናምዑ ጫቆታሰ ለሚሰ ገዲዲ ኤኩቶሶና። ኤንታፌ ኢሲኒያ፣ ሲና ዴሪያፔ ዪዳሬ፣ ባ ናይታ አይሌቴሳሰ ዬላሱ፤ ኢያካ አጋር።
- 25 አጋራ አራቤ ቢታን ዴዒያ ሲና ዴሪያን ለሚሰታዳ ሃዲ ዴዒያ ዬራሳላሚ ዳናውሰ። አይሰ ገኮ፣ ኢያ ባ ናይታራ አይሌቴሳን ዴዒውሰ።
- 26 ሸን ሳሎን ዴዒያ ዬራሳላሚይ አይሌቴሳን ዴዒውኩ፤ ኢያ ኑ ኡባሰ አዮ።

- 27 ጌሻ ማፃፋይ፤ «ናቴ፣ ዬሎና ማይንላቴ ኡፋይታ፤ ናቴ ሚያታ ኤርናሬ ኢሊላ። አዚናራ ዴሚያ ማጫሴ፡፡ አዚኒ ባይና ማጫሴሰ ናይቲ ዳር» ያጌሰ።
- 28 ታ አሻቶ፣ ሂንቴ ዩሳቃዳ ያሳ ኡፋይሳ ቃላን ዬሊቲዳ ናይታ።
- 29 ሺን ሄ ዋዴ እሳ ማራዳ ዬሊቲዳይሲ። እያና ዋልቃን ዬሊቲዳይሳ ጎዲሰ። ሃቸካ ሄሳ ሜላ።
- 30 ሺን ጌሻ ማፃፋይ ያይገ? «እይሌ ናዓይ ጎዳቴ ናዓራ ኢሲፌ ላቶና ጊሾ እይሊው ኢ ናዓራ ዋላ ኪሳ ዬዳ» ያጌሰ።
- 31 ሄሳ ጊሾ፣ ታ አሻቶ፣ ኑኒ ጎዳቴ ናይታፔ ኣቲን እይሌ ናይታ ጊዶኮ።

### 5

#### ኪሪሰቶሳን ዴሚያ ላዓቴፋ

- 1 ኑኒ ላዓቴፋን ዳና ሜላ ኪሪሰቶሲ ኑና እይሌቴፋፌ ኬሲሰ። ሂዛ፣ ሚኒዲ ኡቂቴ፤ ዛሪዲ እይሌቴፋ ቃሞባራን ጌሎፒቴ።
- 2 ታ፣ ጳውሎሲ፣ ጌይሳ ሲዒቴ። ሂንቴ ቃፃሬታናው ኮይኮ፣ ኪሪሰቶሲ ሂንቴና እይኮካ ማዴና።
- 3 ቃፃሬቲያ ኦኒካ ሂጌይ ከቲያ ኡባ ፖላናው ቤሴይሳ ጉጃዳ ታ ኦዳይሰ።
- 4 ሂጌ ናጊዲ ዲላናው ኮዬይሳቶ፣ ኪሪሰቶሳፔ ሻከቲዴታ፤ ያሳ ኣዶ ከሃቴፋፌ ኩንዲዴታ።
- 5 ሺን ኑኒ ያሳ እያና ባጋራ አማኖን ዲላናው ኡፋይሳን ናጎሰ።
- 6 ሂዛ፣ ኪሪሰቶሲ ዬሱሳን ዴሚኮ፣ ሲቆን ቆንጩያ አማኖፔ ኣቲን ቃፃሬቲን፣ ቃፃሬቶና ኣገን ኑና እይኮካ ማዴና።
- 7 ካሴ ሂንቴ ሎዎ ዋጃታ፣ ሺን ሃዒ ቱማሰ ከቲቶና ሜላ ሂንቴና ዲጊዳይ ኦኔ?
- 8 ሃይሳ ሜላ ኢታ ጩሞይ ሂንቴና ጃጊዳ ያሳፌ ዩቤና።
- 9 ሄሲካ፣ «ጉፋ ኢርሾይ ሙኑቃ ኡባ ዴጎሌሰ።» ጌቴቲዲ ያፌቲዳይሳ ሜላ።
- 10 ሂንቴው ሃራ ቆፊ ባይናይሳሰ ታ ጎዳን አማኔታይሰ። ሺን ሂንቴና ቡቁያ ኦኒካ ያሳፌ ባ ፒርዳ ኤካና።
- 11 ታ አሻቶ፣ ታ ሃዒ ጋካናው ቃፃሮ ሳባኪያባ ጊዲኮ፣ ያቲን ታና ኣይሰ ጎዳና? ሄሲ ቱማ ጊዲያኮ ኪሪሰቶሳ ማሰቃሊያባ ታማርሶይ ኣሳሰ ቆቤ ጊዴናሺን።
- 12 ሂንቴና ቡቁይሳቲ ቃፃሬቲፋ ፃላላ ጊዴናሺን ባንታና ቃራቲያኮካ ታ ደሳይሰ።
- 13 ታ አሻቶ፣ ሂንቴ ላዓ ዳናው ጃጊቲዴታ። ጊደሺን፣ ሂንቴ ላዓቴፋይ አሾ አሞ ፖላናው ሂንቴው ጋሶ ጊዶፖ፤ ሄሳፌ ኣላዲ ኢሶይ ኢሱዋ ሲቆን ማዲቴ።
- 14 ሂጌ ኡባይ፣ «ኣሴ ኔዳ ደሳ» ያጊያ ኢሲ ቃላን ቃሺቲሰ።
- 15 ሺን ሂንቴ ኢሶይ ኢሱዋራ ሳጃቲያባ፤ ሜቴቲያባ ጊዲኮ፣ ሂንቴ ዋሊ ወርሶና ሜላ ናጌቲቴ። እያና ዴዎኔ አሾ ዴዎ
- 16 ሂዛ፣ ታ ሂንቴው ኦዳይሰ፤ እያናን ዴሚቴ፤ ሂንቴ አሾ አሙዋ ፖሎፒቴ።
- 17 አሾ አሞይ እያና አሙዋራ ሞርኬ፤ ቃሲ እያና አሞይካ አሾ አሙዋራ ሞርኬ። ኤንቲ ኢሶይ ኢሱዋራ ኢጃቲያ ጊሾ ሂንቴ ደሲያባ ኦፋናው ዳንዳዒኬታ።
- 18 ሺን እያናይ ሂንቴና ካሊሌያባ ጊዲኮ ሂጌይ ሂንቴና ሃሬና።
- 19 አሾ ኦሶቲ ኤራቲዳይሳታ፤ ኤንቲካ፣ ላይማቴላ፣ ቱናቴላ፣ ቃይፃ፣
- 20 ኤቃ ጎይና፣ ቢታ፣ ሞርኬቴላ፣ ካቲ፣ ቃናቴ፣ ሃንቆ፣ ባና ደሶ፣ ሻከቴላ፣ ኢታ ቶቤ
- 21 ጌኔ፣ ማሶ፣ ዬሴኔ ሄሳ ሂሳ ሚላታ። ካሴ ታ ሂንቴው ኦዳይሳዳ ሃዒካ ታ ሂንቴው ኦዳይሰ። ሃይሳ ሚላባታ ኦሌይሳቲ ያሳ ካሞቴላ ላቶኮና።
- 22 ሺን እያና ኣይፌይ፣ ሲቆ፣ ኡፋይሲ፣ ሳርቴላ፣ ዳንዳዳ፣ ከሃቴላ፣ ሎዎቴላ፣ አማና፣
- 23 ኣሻከቴላ፣ ባና ሃር። ሃይሳ ሚላባታ ኢጃያ ሂጌይ ባሞ።
- 24 ኪሪሰቶሲ ዬሱሳባ ጊዲዳይሳቲ ባንታ ኣሹዋ ኢያ ኢታ ቆፋራኔ ኢያ አሙዋራ ኢሲፌ ማሰቃሊያ ቦላ ካቂደሶና።
- 25 ኑ ኣያናን ዴሚያባ ጊዲኮ፣ ኑና እያናይ ካሊሶ።
- 26 ኣኔ ኢሶይ ኢሱዋ ዩሎዩኬኔ ቃናቲሺ ሌጌ ጨቁቴይሳ ኣጎሰ።

### 6

#### ኢሶይ ኢሱዋ ማዲቴ

- 1 ታ ኢሻቶ፣ ኢሲ ኣሲ ናጋራን ኩንዲኮ፣ ኣያናን ዳዒያ ሂንቴ ሄ ኡራ ኣሸኩቴላን ሱሪሲቴ። ሺን ኔኒ ሄሳ ማላባን ፓጩቶና ማላ ኔና ናጋ።
- 2 ኢሶይ ኢሱዋ ዳዖ ቶሁዋ ቶኪቴ። ያቲኮ ኪሪሰቶሳ ሂጊያ ፖሌታ።
- 3 ኢሲ ኣሲ ኣይኮይካ ባዋሺን፣ ባና ሃራታፔ ሎዖ ጊዲ ቆፐኮ፣ ኢ ባና ጨሚሰ።
- 4 ሺን ኢሲ ኢሲ ኣሲ ባ ኦሱዋ ፓጩ። ሃሳፌ ጉዬ፣ ሃራታራ ባና ጋዴዬይሳ ኣጊዲ ባው ጨቁቴያባ ዳሚሰ።
- 5 ኢሲ ኢሲ ኣሲ ባ ቶሁዋ ባው ቶካናው ቤሴሰ።
- 6 ያሳ ቃላ ታማሪያ ኦኒካ ሎዖባ ኡባ ባ ኣሰታማሪያራ ሻኬቴሰ።
- 7 ሂንቴ፣ ሂንቴና ጨዋሬቴ። ኣሲ ባ ዜሪዳባ ዛሪዲ ጫኪያ ጊሾ ያሳ ቦላ ቁልቁሶፐቴ።
- 8 ባ ኣሾ ኣሙዋ ኩንሳናው ዜሪያ ኦኒካ፣ ባ ኣሾ ኣሙዋፔ ሃይቆ ቡጫና። ሺን ኣያና ኡፋይሳናው ዜሪያ ኦኒካ ኣያናፔ ሚሪና ዳዖ ጫካና።
- 9 ኣኔ ሎዖ ኦሶ ኦላናው ኣዛሌይሳ ኣኅሰ። ኦኒ ኣዛሎና ኢዲኮ ዎዳይ ጋኪያ ዎዳ ኦ ዜሪዳይሳ ጫካና።
- 10 ኦ ኢንጄ ዎዳ ዳሚኮ፣ ኣሳ ኡባሰ፣ ኣሲዲካ ኣማኒያ ኣሳሰ ሎዖባ ኦሶሰ።

**ዉርሴላ ዞሬኔ ሳርታ**

- 11 ታኒ ታ ኩሺን፣ ኣይ ማላ ገታ ፒዳሌን ሂንቴው ያፊዳኮ ቤዒቴ።
- 12 ኣሳ ሲንላን ሎዖ ጊዲዲ ቤንታናው ኮያ ኣሳቲ ሂንቴ ቃፃሬታና ማላ ኮዮሶና። ሺን ሄሳ ኤንቲ ኦሴይ፣ ኪሪሰቶሳ ማሰቃሊያ ጊሾ ኤንታና ጎዲ ጋኮና ሚላሳ።
- 13 ኤንቲ ሂንቴ ቃፃሬቴላን ጨቁቴታናው ኮዩዲ ሂንቴና ቃፃሬቶ ጎሶናፔ ኣቲን ቃፃሬቴዳይሳቲካ ባንታ ሁዒን ሂጊያ ናጎኮና።
- 14 ሺን ኣላሚይ ታው ካቁቴዳይሳፌኔ ታኒካ ኣላሚያሰ ካቁቴዳ፣ ጎዳ ዩሱሰ ኪሪሰቶሳ ማሰቃሊያፔ ኣቲን ሃራ ጨቁቴላ ታፔ ሃኮ።
- 15 ሂዛ፣ ቃፃሬቲን ቃፃሬቶና ኣጊን ኣይኮካ ማዳና። ማዳይ ኦራላ ማዴቴላ ጊደ።
- 16 ሃ ዎጋ ካሊያ ኡባሰኔ ያሳ ዳሬ ጊዲዳ ኢሰራዒሌሰ ሳርቴላይኔ ማርቴላይ ጊደ።
- 17 ታኒ ዩሱሳሰ ማዲንዳዳ ቤታ ታ ኣሳቴላን ቶኪዳ ጊሾ ሂዛፔ ታና ኦኒካ ዋይሶፖ።
- 18 ታ ኢሻቶ፣ ኦ ጎዳ ዩሱሰ ኪሪሰቶሳ ኣዶ ኬሃቴላይ ሂንቴራ ጊደ። ኣማንዒ።



# ጳውሎስ ኤፌሶና አሳስ ፃፊዳ ኪታ ጋላ ቆፋ

ጳውሎስ ኤፌሶናን ዳዊያ አሳስ ፃፊዳ ኪታን ኡባሬ አሲዲ ዪሊዳባይ፣ «ዋይይ ጋኪያ ዋዴ ያሳይ ፖላናው ቆፒዳ ቆፋይ፣ ሳሎኒኔ ሳዓን ዳዊያ ማዴቴላ ኡባይ ከሪስቶሳፔ ጋርሳን ጊዳና ማላሳ» ያጊያ ቆፋ (1:10)። ሄሳ ቦላ ጉጂዲ ዬሱስ ከሪስቶሳራ ዳዊያ ኢሲፊቴላን፣ አሳ ዜሬሌ ኡባይ ኢሲና ጊዳና ማላ ሃ ጊታ ቆፋ ኦሶን ፔሻና ማላ ያሳ አሳ ሃሳዪሲስ።

ኤፌሶና ኪታ ኮይሮ ከፊሊያን ፃፊይ ካራ ቆፋ ጊዲዳ ኢሲፊቴላባ ፃፋናው ዶሚዳይሳ ዳልጊሲዲ። ያሳ አዋይ ባ አሳ ዋቴ ዶሪዳኮ፣ ኢንቴካ ኢያ ናዓ፣ ዬሱስ ከሪስቶሳን ባንታ ናጋራፔ ማሮታ ዳሚዲ ዋኒዲ ላሳ ከዬዳኮኔ፣ ያሳ ጊታ ኡፋይሳ ቃላይ ጊሻ አያና ባጋራ ቱማ ጊዳይሲ ኤሪቴዳኮ ኦዴስ። ናምባንሶ ከፊሊያን ቃሲ ፃፊይ ሃ ኪታ ናባቢያ አሳይ ባንታ ኢሲፊቴላ ዳዑዋን ከሪስቶሳን ኢንታው ዳዊያ ኢሲፊቴላይ ቱማ ጊዳና ማላ ኢንቴ ዋኒዲ ዳናው ቤሲያኮ ቆፊሲስ።

አሳይ ከሪስቶሳን ዳዊያ ኢሲፊቴላ ዋኒዲ ዳናው ቤሲያኮ ዳማ ዳማ ለሚሶን ቆንጨሲ። ዋሳ ከሌ አሳቴላ ለሚሶ ጊዲያ ዋዴ ከሪስቶሲ ሄ አሳቴላሲ ሁ። ዋሳ ከሌ ገምቤ ከላን ለሚሶቴያ ዋዴ ከሪስቶሲ ሄ ከላ ጎዳ ፃጸዋ ማንሌያ ዋና ሹቻ። ዋሳ ከሌ ማቺን ለሚሶቴያ ዋዴ ከሪስቶሲ አዘናን ለሚሶቴስ። ፃፊይ ከሪስቶሳ ባጋራ ቆንጨዳ ያሳ አዶ ከሃቴላ ዳር ናሺዲ ኦዲሺ፣ ጊዳይ ጨዋቴያ ሃሳያ ሃሳዬስ። ኢ ኡባባ፣ ከሪስቶሳ ሲቁዋ፣ ኢያ ያርሼቴላ፣ ኢ አሚዳ ናጋራ አቶቴላ፣ ኢያ አዶ ከሃቴላኔ ኢያ ጊሻቴላ ባጋራ ዪሊስ።

## ኤፌሶና ኪታ አይፌ ቆፋታ

- ሳርሶ 1:1-2
- ከሪስቶሳኔ ዋሳ ከሌ 1:3-3:21
- ከሪስቶሳን ዳዊያ ኦራሳ ዳዑዋ 4:1-6:20
- ኩሻ ቆፋ 6:21-24

1 ያሳ ሼኔን ከሪስቶሳስ ዬሱሳ ሃዋሪ ጊዲዳ ጳውሎሳፔ፣ ኤፌሶናን ዳዊያ ጊሻታሲኔ ከሪስቶሳስ ዬሱሳ አማኔይሳታሲ ፃፊቴዳ ኪታ።

2 ያሳ ኦ አዋፔኔ ጎዳ ዬሱስ ከሪስቶሳቴ አዶ ከሃቴላይኔ ሳርቴላይ ሂንቴው ጊዶ።

### ከሪስቶሳን ዳዊያ አያና አንጂዋ

3 ሳሎን ዳዊያ አያና አንጂ ኡባን ከሪስቶሳ ባጋራ ኦና አንጂዳ፣ ኦ ጎዳ ዬሱስ ከሪስቶሳ አዋይ፣ ያሳይ ጋላቴቶ።

4 ኦኒ ኢያ ሲንላን ጊሻታኔ ቦሬይ ባይናይሳታ ጊዳና ማላ ያሳይ አላሚይ ማዴታናፔ ካሲ ከሪስቶሳ ባጋራ ባ ሲቁዋን ኦና ዶሪስ።

5 ያሳይ ባ ሼኒያን ባ ዶሲዳይሳዳ ዬሱስ ከሪስቶሳ ባጋራ ኦና ባ ናይታ አፋናው ካሲቴዲ ቆፒ ዋሊስ።

6 ያሳይ ባ ሲቁያ ናዓ ባጋራ ኦስ ጮ አሚዳ አዶ ከሃቴላይ ቦንቹታና ማላ ሄሳ ኦሊስ።

7 ያሳ አዶ ከሃቴላ ዱሬቴላዳ ከሪስቶሳ ሱላን ዋዜቴዲ ናጋራ አቶቴላ ዳሚዳ።

8 ባ አዶ ከሃቴላ ጨንጫቴላኔ ኤራቴላን ኩንሊዲ ኦስ አሚሲ።

9 ያሳይ ባ ዶሲዳይሳዳ ከሪስቶሳ ባጋራ ኢያ ሼኒያ ፀራ ኦ ኤራና ማላ ኦሊስ።

10 ዋዴይ ጋኪያ ዋዴ ያሳይ ፖላናው ቆፒዳ ቆፋይ፣ ሳሎኒኔ ሳዓን ዳዊያ ማዴቴላ ኡባይ ከሪስቶሳፔ ጋርሳን ጊዳና ማላሳ።

11 ኡባባ ባ ሼኒያዳ ኦሊያ ያሳይ፣ ካሲቴዲ ባ ቆፒ ዋሊዳይሳዳ ከሪስቶሳ ባጋራ ኦኒ ኢያባ ጊዳና ማላ ኦና ዶሪስ።

12 ሄሳ ኢ ኦሊዳይ፣ ከሪስቶሳን ኡፋይሲ ዋሊዲ ናጎን ኮይሮ ጊዲዳ ኦኒ ያሳ ቦንቹዋ ጋላታን ቆንጨሳና ማላሳ።

13 ሂንቴካ ሂንቴ አቶቴላ ዋንጌላ፣ ሂሲካ ቱማ ቃላ ሲዲዳ ዋዴ ከሪስቶሳ አማኔይታ። ያሳይ ሂንቴው አማና ጊዳ ጊሻ አያናን ሂንቴ አታሚቴዳታ።

14 ያሳ ቦንቹይ ጋላቴታና ማላ ያሳይ ባ አሳ ዋዛና ጋካናው ጊሻ አያና ኦስ ኦይሉ ኦሊዲ አሚሲ።

### ጳውሎሳ ዋሳ

15 ሄሳ ጊሻ፣ ጎዳ ዬሱሳ ሂንቴ አማኔይሳኔ ጊሻታ ኡባ ሂንቴ ሲቁይሳ ታ ሲዲዳ ዋዴ

- 16 ታ ዋሳን ሂንቴና ቆገሼ ሂንቴ ገሾ ያሳ ጋላቴይሳ አጋቢከ።
- 17 ጎዳ ዩሱስ ከሪስቶሳ ያሳይ፤ ቦንቾ አዋይ፤ ያሳ ሂንቴ አላ ኤራናዳ ጨንጫቴላኔ ቆንጨዳ አያ ሂንቴው አማናዳ ታጌ ያሳ ዋሳይስ።
- 18 ያሳይ ሂንቴና ያይራ ኡፋይሳይኔ ጌሻቲ ላቲያ ቦንቾ ላታይ አይ ማላ ዳርኮ ሂንቴ ኤራና ማላ ያሳይ ሂንቴ ዋዛና ዩሱፊና ደያና ማላ ታጌ ያሳ ዋሳይስ።
- 19 ቃሲ ኢያ አማኒያ ኑናን ኦሊያ ኢያ ዋልቃይ አይ ማላ አዲዳ ገቲኮ ሂንቴ ኤራና ማላ ያሳይስ። ሄ ዋልቃይ ዮኔቶናኔ ዳቡርና ዋልቃ። ሃ ኑናን ደዒዲ ኦሊያ ዋልቃይ፤
- 20 ከሪስቶሳ ሃይቆፕ ደንሲዲ፤ ሳሎን ያሳፌ ኡሻቻ ባጋራ ኡቲሲዳ ገታ ዋልቃይ ኢሲና።
- 21 ኢያ ሱንሳይ፤ አይሴይሳታቴኔ ማታ አዋታ፤ ሃራይሳታቴኔ ጎዳታ፤ ቦላ ገዲዲ ሃ አላሚያ ያላላን ገደናሽን ሲንሳፌ ያና አላሚያንካ ሃራ ሱንሳታ ኡባፌ ጶቃ።
- 22 ያሳይ ኡባ ከሪስቶሳ ቶሁዋፕ ጋርሳን ሃሪሲስ፤ ቃሲ ዋሳ ኬላን ኡባባን ጎዳ ገዳና ማላ ኢያ ሹሚስ።
- 23 ዋሳ ኬላይ ከሪስቶሳ ኩሚላ ኦሊያ ኢያ አሳቴላ። ማዴቴላይ ደዒያ ቤሳ ኡባን ከሪስቶሲ ባ ሁዒን ኡባባ ኩንላይሳ።

## 2

### ከሪስቶሳን ሃይቆፕ ደያ ፕኔላ

- 1 ሃይሳፌ ካሲ ሂንቴ፤ ሂንቴ ናጋራኔ ሂንቴ ቆሁዋ ጋሶን ሃይቁዳይሳታ።
- 2 ሄ ዋዴ ሂንቴ ሃ አላሚያ ኢታ ኦጊያ ካሊዳታ። ጫርኩዋ ቦላ ደዒያ አያና ዋልቃታ ሃላቃሲኔ ሃዒካ ያሳስ ከቴቶና አሳ ሃሪያ አያናስ ከቴቲዳታ።
- 3 ኑ ኡባይካ ካሲ ሄ አሳታ ገደን ኑ አሾ አሙዋኔ ኑ ዋዛና ሸኒያ ካሊዲ ደዒዲ። ኑካ ሃራታ ማላ ኑ ማዴቴላን ያሳ ሃንቁዋ ኤካናው ደዒይሳታ።
- 4 ሸን ያሳ ገታ ማርቴላፌኔ ኑስ ደዒያ ገታ ሰቁዋፕ ደንዲዳይሳን፤
- 5 ሃሪ አቶሽን ኑኒ ኑ ቆሁዋን ሃይቁዲ ደዒሽን ከሪስቶሳ ባጋራ ኑስ ደያ አሚስ። ሂንቴካ አቲዳይ ያሳ አዶ ከሃቴላና።
- 6 ያሳይ ኑና ከሪስቶሳራ ኢሲፌ ሃይቆፕ ደንሲዲ ሳሎ ሰሁዋን ኢያራ ኢሲፌ ዋላስ።
- 7 ኢ ሃሳ ኦሊዳይ፤ ከሪስቶሳ ዩሱሳ ባጋራ ኑስ ቆንጨሲዳ ባ ከሃቴላኔ ዛዋ ባይና ባ አዶ ከሃቴላ ዲራቴላ ያና ላይላን ኑና ቤሳናሳ።
- 8 ሂንቴ አዶ ከሃቴላን አማናን አቲዳታ። ሄሲካ፤ ያሳ አዋታፕ አቲን ሂንቴ ኦሶን ቤንቲዳባ ገደና።
- 9 ኦኒካ ጨቁቶና ማላ አቶቴላይ ቤንቲዳይ ኦሶን ገደና።
- 10 ኑኒ ያሳ ማዴቴላ፤ ኢ ኑስ ካሲቴዲ ገረሲ ዋሊዳ ሎዎ ኦሶታ ኦሳና ማላ ከሪስቶሳ ዩሱሳ ባጋራ ኦራላ ማዴቴዳ።

### ከሪስቶሳራ ደዒያ ኢሲፌቴላ

- 11 ሄሳ ገሾ፤ ሂንቴና ዩሊታን አይሁዳ ገደናይሳቶ፤ አይሁዳቲ ባንታው አሳ ኩሸን ቃዖሬቲዲ፤ ሂንቴና ቃሲ ቃዖሬቲቦናይሳታ ገዲ ያይሳሳ አክከቴ።
- 12 ሄ ዋዴ ሂንቴ ከሪስቶሳቲ ሻከቲ ደዒዳይሳ፤ ኢሰራዒሌ አሳስ አላጋ ገዲዲ ደዒዳይሳ፤ ያሳ ኡፋይሳ ቃላፕ ሃኪዲ ደዒዳይሳኔ ሃ አላሚያን ኡፋይሴኔ ያሲ ባይና ደዒዳይሳ አክከቴ።
- 13 ሸን ሂንቴ ካሲ ሃኪዲ ደዒዳይሳቲ፤ ሃዒ ከሪስቶሳ ዩሱሳን ደዒዲ ከሪስቶሳ ሱላን ማታ ሸቁዳታ።
- 14 ከሪስቶሳ ኑ ሳርቴላ፤ ኢ አይሁዳኔ አይሁዳ ገደና አሳ ቲሚዲ፤ ናምዓ ሻከ ዋሊዳ ሞርኬቴላ ጎዳ ላሊስ።
- 15 ኢ ባናን ሃ ናምዑ ዛሬታፕ ኢሲ ኦራላ አሴ ማዲዲ፤ ሂጊያ ኢያ ከታራኔ ዋጋታራ ኢሲፌ ባ አሳቴላን ዳይሲዲ ሳርቴላ አሚስ።
- 16 ከሪስቶሳ ማሰቃሊያ ቦላ ሃይቁዲ ሞርኬቴላ ዳይሲስ፤ ቃሲ ናምዑ ዛሬታ ኢሲ አሳቴላ ኦሊዲ ያሳራ ሲጌላስ።
- 17 ከሪስቶሳ ዩዲ፤ ያሳፌ ሃኪዲ ደዒያ ሂንቴው፤ ቃሲ ማቲዲ ደዒያ ኤንታው ሳርቴላ ዋንጌላ ኦዲስ።
- 18 ኑ ኡባይ ኢያ ባጋራ ኢሲ አያናን አዋ ሰንሳ ሸቃናው ደንዳይሳ።
- 19 ሂዛፕ ሂንቴ አላጋ ዋይኮ አማላ ገዴኬታ፤ ሸን ሂንቴ ሃዒ ጌሻታ ቢታ አሲኔ ያሳ ሶ አሲ።

- 20 ህንጥ ሃዋሬቴኑ ናቤጥ ባሲዳ ባሱዋ ቦላ ከፆቴዳታ። ጎዳ ዓጾዋ ሚንሊያ ሹቻይ ከሪስቶስ ዬሱሳ።
- 21 ኢያን ከላ ኡባይ አሲፌ ኦይኬጥዲ ጎዳን ገሻ ያሳ ከሌ ገዳናው ዲጩሱ።
- 22 ህንጥ ቃሲ ያሳይ ባ አያናን ዳዒያ ከሌ ገዳናው ከሪስቶሳን አሲፌ ከፆቴታ።

### 3

#### እይሁዳ ገዳና አሳስ ሃዋሬ ገዲዳ ጳጳሎሳ

- 1 ሄሳ ገሻ፣ ታኒ፣ ጳጳሎሲ፣ እይሁዳ ገዳና ህንጥ ገሻ ከሪስቶስ ዬሱሳን ቃሾ አሲ ገዳሲ።
- 2 ታ ህንጥና ማዳና ማላ ያሳይ ባ አጼ ከሃቴላን ታው አሚዳ ሃ ኦሱዋባ ህንጥ ሎይሌ ሲዒዳታ።
- 3 ታ ህንጥው ካሲ ቃንላን ዓፊዳይሳዳ ያሳይ ባ ፀራ ቆንጩላን ታው ቆንጩሲ።
- 4 ታ ዓፊዳይሳ ህንጥ ናባቢያ ዋይ ከሪስቶሳ ፀራ ታ እይ ማላ ኤሪዳኮ ህንጥ አከካናው ዳንዳዒታ።
- 5 ሃ ፀራይ ገሻ ሃዋሬታሲኔ ናቤታስ ሃዒ አያና ባጋራ ቆንጩዳይሳዳ ቤኒ ዋይ አሳስ ሄሳዳ ቆንጩሲቤና።
- 6 ፀራይ ሃይሳ፣ እይሁዳ ገዳና አሳይ ዋንጌላ ባጋራ አሰራዒሌታራ አሲፌ ያሳ አንጂዋ ላቶሶና። አሰራዒሌታራ አሲ ከላ አሲ ገዳሶና፤ ከሪስቶስ ዬሱሳ ባጋራ ያሳ ኡፋይሳ ቃላ ኤኮሶና።
- 7 ያሳይ ባ ኦሊያ ዋልቃ ባጋራ ታው አሚዳ አጼ ከሃቴላን ሃ ዋንጌላስ ኦሳንቾ ገዳሲ።
- 8 ታኒ ገሻታ ኡባፌ ላፋ ገዲኮካ እይሁዳ ገዳና አሳስ ዛዋ ባይና ከሪስቶሳ ዲሬቴላ ዋንጌላ ኦዳና ማላ ሃ አጼ ከሃቴላይ ታው አሚጥሰ።
- 9 ቃሲ ካሲ ዋዲያን ኡባ ሜጲዳ ያሳን ቆሴጥዲ ዳዒያ ፀራሱ፣ ያሳ ቆፋይ እይቤኮ ቆንጩሳናው አጼ ከሃቴላይ ታው አሚጥሰ።
- 10 ያሳይ ሄሳ ኦሊዳይ ሃዒ ዋዲያን ዋሳ ከላ ባጋራ ሳሎ ሶሁዋን ዳዒያ ሃላቃታሲኔ ሃራይሳታስ ባ ዲማ ዲማ ቆንጩላ ኤሪሳናሳ።
- 11 ያሳይ ባ ሚሪና ቆፋ ኑ ጎዳ ከሪስቶስ ዬሱሳ ባጋራ ፖላናው ሄሳ ኦሊሲ።
- 12 ኑ አማናን ያሽ ባይና ያሳኮ ሺቃና ማላ ከሪስቶሲ ኑስ ሚናቴሌኔ ላግቴሌ አሚሲ።
- 13 ታኒ ህንጥ ገሻ ዋይ ኤኪያ ገሻ ህንጥ ታ ዋያን ዬላቶናዳ ህንጥና ዋሳይሲ፤ ታኒ ህንጥ ቦንቹዋስ ዋይታይሲ።

#### ኤፌሶና አሳስ ዋሴጥዳ ዋሳ

- 14 ታኒ አዋ ስንላን ጉልባታዳ ዋሴይ ሄሳ ገሻሳ።
- 15 ሳሎኒኔ ሳዒን ዳዒያ አሲ አሲ ሶ አሳይ ኢያን ሱንሏቴሲ።
- 16 ያሳይ ባ ቦንቾ ዲሬቴላፌ ህንጥ ጋርሳ አሳቴላ ሚንሊያ ዋልቃ ባ አያና ባጋራ አማና ማላ ህንጥው ዋሳይሲ።
- 17 ቃሲ አማናን ከሪስቶሲ ህንጥ ዋዛናን ዳና ማላኔ ህንጥ ሲቆን ዓጾ ዬዲዲ ሚኒዲ ዳና ማላ ዋሳይሲ።
- 18 ህሳዳካ፣ ከሪስቶሳ ሲቆይ እይ ማላ ዳልጌኮ፣ አዲሴኮ፣ ቶቄኮኔ ጩዋኮ ገሻታ ኡባራ ኤሪያ ዋልቃ ህንጥ አከካና ማላ ዋሳይሲ።
- 19 ኤራቴላፌ አጲያ ከሪስቶሳ ሲቆዋ ህንጥ ኤራና ማላ ቃሲ ዳዒ አሚያ ያሳ ዋልቃን ህንጥ ኩማና ማላ ታ ዋሳይሲ።
- 20 ህዛ፣ ኑ ገዲን ኦሊያ ባ ዋልቃ ባጋራ ኑኒ ዋሴይሳፌ ዋይኮ ቆፔይሳፌ አሊዲ ኦላናው ዳንዳዒያ ያሳሲ።
- 21 ዋሳ ከላኒኔ ከሪስቶስ ዬሱሳን ዋይ ኡባን ሚሪናፔ ሚሪና ጋካናው ቦንቾይ ገዲ። አሚንዒ።

### 4

#### ከሪስቶሳራ ዳዒያ አሲፌቴላ

- 1 ህዛ፣ ጎዳ ገሻ ቃሹጥዳ ታኒ፣ ህንጥ ጃጌጥዳ ጃሳስ ቤሲያ ዳዒ ዳና ማላ ህንጥና ዋሳይሲ።
- 2 ህንጥ ኡባ ዋይ አዳኔ ሃዮ ገዲጥ፤ አሰይ አሱዋ ዳንዳዒቴኔ ሲቆን ዳዒቴ።
- 3 ሳሮቴላን ቃሹጥዲ አያናይ አሚያ አሲፌቴላ ናገናው ሚኒቴ።
- 4 ያሳይ ህንጥና ጃጌ ዋይ አሲ ኡፋይሳስ ጃጌዳይሳዳ አሲ አሳቴሌኔ አሲ አያኒ ዳዒሲ።
- 5 አሲ ጎዳይ፣ አሲ አማናይኔ አሲ ጃንቃቴይ ዳዒሲ።
- 6 ኡባፌ ቦላ ገዲዳ፣ ኡባ ባጋራ ኦሊያኔ ኡባ ገዲን ዳዒያ አሲ ያሳይ፣ ኡባ አዋይ ዳዒሲ።
- 7 ሺን ከሪስቶሲ አማናው ኮዩዳይሳዳ ኑ አሰይ አሰይ ዳማ ዳማ አዋታ ኤኪዳ።
- 8 ሄሳ ገሻ፣ ያሳ ቃላይ።

«እ. ዩዴ ኬዱዳ ዎዴ  
ዲዔቴዳ ዳርታ ባራ ኤኪዲ ቢስ፤  
አሳስካ አሞታ አሚስ»

ያጌስ።

9 ያተን፣ «ዩዴ ኬዱስ» ጉሳይ ዎይ ጉሴ? እ. ኮይሮ ዳጌ፣ ሳባ ዚቃ ቤሳ ዎዲስ ጉሱ ጊድና አዲኮ እይ ጉሴ?

10 ሃ ዳጌ ዎዲዳይሲ፣ ኡባ ቤሳን ቤንታናው ኡባሬ ቶቃ ሳሉዎ ኬዱዳይሲ አያ።

11 እ. አሳታ አሳታ ሃዎሬታ፣ አሳታ አሳታ ናቤታ፣ አሳታ አሳታ ዎንጌላ ሳባኬታ፣ አሳታ አሳታ ዎሳ ኬላ ሃሚይሳታ፣ አሳታ አሳታ አሳታ ሃሚይሳታ ኦላዲ አሚስ።

12 እ. ሃሳ ኦላዲይ ከሪሰቶሳ አሳቴላ ጊዲዳ ዎሳ ኬላ ዲቻናወኔ አማኒያ አሳ ዎሳ ኦሳሰ ጊሊሳናሳ።

13 ሃሳዳካ፣ ኑ ኡባይ ዎሳ ናባ ኤሪዲ አማናን ቤንቲያ አሲሬቴላኮ ጋኪዲ፣ ከሪሰቶሳ አያና ዳቦዎ ኩሚላ ጋኪዲ ዲጫና ሚላሳ።

14 ሃዛ፤ ጉዬ፣ አሳ ጌኔ ጨዎን ጊሊዳ ባሌላያ ዎርዶ ቲሚርቲ ጫርኮኒኔ ሆቤን ጌዴኔ ሃ ኩሎ ካሳያ ናይታ ሚላ ጊዳናው ቤሲና።

15 ሺን ኑኒ ቱማ ሲቆን ኦላሺ አሳቴላሰ ሁዔ ጊዲያ ከሪሰቶሳዳ ዳዲያ አሲሬቴላ ጉጂ ጉጂ ዲቾስ።

16 ኩሚላ አሳቴላይ ከሪሰቶሳ ቦላ ዜምፔስ ቃሲ ዲማ ዲማ አሳቴላ ቢሊቲቲ አሳይ አሱዎራ ኦይኬቲዲ ኡቲስ። እሲ እሲ አሳቴላ ከፊሌይ ባ ኦሱዎ ኦላያ ዎዴ ኩሚላ አሳቴላይ ሲቆን ዲጩስ።

**ከሪሰቶሳን ኦራላ ዳዎ**

17 ሃሳ ጊሾ፣ ታኒ ሃይሳ ሂንቲው ጎዳ ሱንላን ኦዳይሲኔ ማርካታይስ። ጎዲ ባይና ቆፋ ቆፕያ አይሁዳ ጊዳና አሳታዳ ዳጆፕቲ።

18 ኤንታ ቆፋይ ዲሚስ፤ ባንታ ዎዛና ሙሚሲዶሶና። ኤንቲ ኡራቴላ ቆፕኒኔ አያስ ጊዲ ዎሳይ አሚያ ዳቦዎፕ ሃኪዶሶና።

19 ኤንቲ ዬላ ጊያባ ኤርኮና፤ ኤንቲ ላይማቴላሰ ባንታና አላ አሚዶሶና፤ ቃሲ ቱናባ ኡባ ጉዬ ጎና ኦሶሶና።

20 ሺን ሂንቲ ከሪሰቶሳ ኤሪዳይ ሃሳ ሚላ ኦጌን ጊዳና።

21 አያባ ቱማ ሲዳዳ። ቃሲ ዬሱሳን ዳዲያ ቱማ ሚላ አያፕ ታማሪዳ።

22 ሂንቲ ካሴ ዳዲያ ዳዎ ኦጌን አጌቲ። ቃሲ ባ ጨሚያ አዎን ቆያ ሂንቲ ጩታ አሳቴላ ዲጌቲ።

23 ሂንቲ ዎዛና ቆፋን ኦራዲቲ።

24 ቱማ ዲሎቴላኒኔ ጌቫቴላን ዎሳ ለሚሶን ሚዴቲዳ ኦራላ አሳቴላ ማዒቲ።

25 ሃዛ፣ ዎርዶ ኦዳቶፊቲ። ኑኒ ኡባይ ከሪሰቶሳ አሳቴላ ቢሊቲታ ጊዲያ ጊሾ አሳ ኡባራ ቱማ ኦዳቲቲ።

26 ሃንቁቲቲ፣ ሺን ሂንቲ ሃንቁዎን ናጋራ ኦሶፊቲ። ሂንቲ ሃንቁቲ ዳዲሺን አዎ ዉሎፎ።

27 ዓላሂስ ቤሴ አሞፊቲ።

28 ካይሲያ ኡራይ ሃዛ፤ ጉዬ ካይሶቶ። ሺን ማንቆታ ማዲያባይ አያው ዳና ሚላ ባ ኩሺን ሎዎባ ኦሶ።

29 ሂንቲ ዳና፤ ኤታ ቃሊ ከዮ። ሺን ሲዔይሳታ ጎናና ሚላኔ ሃራታ ሚንጤላያ ኮሺያ ሎዎ ቃሊ ሂንቲ ዳና፤ ከዮ።

30 ዎሳይ ሂንቲና ዎዚያ ጋላሳሰ ሂንቲና አታሚዲ ዎላዳ ዎሳ አያና አዛንጶፊቲ።

31 ጫሚቴላ፣ ዩሎ፣ ሃንቆ፣ ዎሶ፣ ጫሺኔ ኤታ ኡባ ሂንቲሬ ሃሲቲ።

32 አላዲ አሳይ አሱዎስ ከሃኔ ቃዴቴይሳታ ጊዲቲ። ዎሳይ ከሪሰቶሳ ባጋራ ሂንቲው አቶ ጊዳይሳዳ ሂንቲካ ዎሊስ አቶ ጌቲ።

**5**

1 ሃዛ፣ ዎሳይ ዳሲያ ናይታዳ አያ ዳኒቲ።

2 ከሪሰቶሲ ኑና ዳሲዲ ባና ኑ ጊሾ ዎሳሰ ሳዊያ አሞኔ ያርሾ ኦላዲ አሚዳይሳዳ ሂንቲካ ሲቆን ዳዲቲ።

3 ሺን ላይማቴላ፣ ቱናቴላኔ ኡዜቴላ አማኒያ አሳሰ ቤሶና ጊሾ ሂንቲ ጊዳን ኡባራካ ሲዔቶፎ።

4 ያሳ ጋላተቲ፣ ኣተን ዩላያባይ ኤያ ኦዲ ዋይኮ ቁጭሪ ሂንቲው ቤሶና ጊሾ ሂንቲ ጊደን ኡባካ ዴፖ።

5 ሃይሳ ኤሪቴ፤ ኦኒካ ላይማቲይ ዋይኮ ቱናባ ኦፊይ ዋይኮ ኡዘቲይ ኪሪሰቶሳ ካዎቲላይ ያሳ ካዎቲላ ላታናው ዳንዳዳና። ኡዘቴላ ኤቃ ጎይኖ ማላ።

6 ሃይሳታ ጋሶን ያሳ ሃንቆይ ኪቲቶና ኣሳ ሶላ ያና ጊሾ ኦኒካ ሃንቴና ፓላና ኦዳን ጨዋ።

7 ሃሳ ማላ ኣሳራ ኢሲፊቴላ ኦላፊቴ።

8 ካሲ ሂንቲ ፉማን ዳዒዴታ። ሺን ሃዒ ጎዳ ባጋራ ፖፖን ዴዒታ። ሂዛ፣ ፖፖ ኣሳዳ ፖፖን ሲማራተቴ።

9 ፖፖይ ሎፖቴላ፣ ደሎቴላ ኡማቴላ ኣይፊሰ።

10 ጎዳ ኡፋይሲያባ ኦላናው ኮዳቴ።

11 ጎዒ ባይና ፉማ ኦሶ ቆንጨሲቴ፣ ኣተን ኢያራ ኢሲፎፎቴ።

12 ኤንቲ ገማን ኦላያ ኦሶዋ ሃሪ ኣቶሺን ኦዳናወካ ዩላዬሰ።

13 ሺን ኡባባይ ፖፖን ኬያ ዋዴ ቆንጨን ቤንቴሰ።

14 ፖፖይ ኡባባ ቆንጨን ቤሲሰ። ሃሳ ጊሾ፣

«ኔኖ ጲሰኬይሶ ባርካ፤ ሃይቆፔ ዴንዳ፤ ኪሪሰቶሲ ኔ ሶላ ፖላና» ያጌተሰ።

15 ሂዛ፣ ሃንቴ ዋኒዲ ዴዒያኮ ኣኪኪ ቤዒቴ። ጨንጫታ ጊዲቴፎ ኣተን ኤያታ ጊደፎቴ።

16 ላይላይ ኢታ ጊዲያ ጊሾ ኢንጃቲያ ዋዴ ኡባ ጎዒቴቴ።

17 ሃሳ ጊሾ፣ ጎዳ ሺኔይ ኣይቤኮ ኣኪኪቴ፣ ኣተን ኤኖፎቴ።

18 ጊሻ ኣያናን ጋላሰ ጋላሰ ኩማቴፎ ኣተን ፉኖኮ ሃንቴና ካሌላያ ጊሾ ዋይኮ ኡሻን ማላቶፊቴ።

19 ማዘውሬን፣ ሳባኒኔ ኣያና ዩላን፣ ኢሶይ ኢሶዋራ ኦደቴቴ። ቃሲ ሃንቴ ዋዛናን ዛማሪሺኔ ሳባሺ ጎዳ ጋላተቴ።

20 ኦ ጎዳ ዩሶሰ ኪሪሰቶሳ ሱንላን ኡባ ዋዴ ያሳ ኣዎ ኡባባሰ ጋላተቴ።

21 ኪሪሰቶሳ ሶንቹዋሰ ጊዲ ኢሶይ ኢሶዋሰ ሃራቴቴ።

**አዘናባኔ ማቹባ**

22 ማቹቶ፣ ጎዳሰ ሃራቴይሳዳ ሃንቴ አዘናታሰ ሃራቴቴ።

23 ኪሪሰቶሲ ዋሳ ኪላሰ ሁዒ ጊዴይሳዳ አዘኒካ ባ ማቹሰ ሁዒ። ቃሲ ኪሪሰቶሲ ባ ኣሳቴላ ጊዲዳ ዋሳ ኪላ ኣሾይሳ።

24 ሺን ዋሳ ኪላይ ኪሪሰቶሳሰ ሃራቴይሳዳ ማቹቲ ባንታ አዘናታሰ ኡባባን ሃራታናው ቤሲሰ።

25 አዘናቶ፣ ኪሪሰቶሲ ዋሳ ኪላ ደሲዲ ባና ኢው ኢሚዳይሳዳ ሃንቴካ ሃንቴ ማቹታ ደሲቴ።

26 ኢ ዋሳ ኪላ ባ ቃላ ባጋራ ሃላን ማጨዲ ጌሺሰ።

27 ኪሪሰቶሲ ዋሳ ኪላ ቁቲ ዋይኮ ሶዎፖ ቲሲ ዋይኮ ሃሳ ማላባይ ባይና ኢ ኩማላ ሶንቹዋራ ጊሺኔ ሶራቶናሮ ኦላዲ ባኮ ሺሻናው ኮዩዲ ሃሳ ኦላሲ።

28 ሃሳዳካ፣ አዘናቲ ባንታና ደሲይሳዳ ባንታ ማቹታ ደሳናው ቤሲሰ። ባ ማቹው ደሲይሲ ባና ደሲሰ።

29 ባና ኢደያ ኣሲ ኦኒካ ባዎ፣ ሺን ኪሪሰቶሲ ዋሳ ኪላሰ ኦፊይሳዳ ባ ኣሳቴላ ሙዜሲኔ ናጌሰ።

30 ኦኒ ኪሪሰቶሳ ኣሳቴላ ቢሊቴታ።

31 ያሳ ቃላይ፣ «ሃሳ ጊሾ፣ ኣሲ ባ ኣዎኔ ባ ኣዩው ኣጊዲ፣ ባ ማቹራ ኢሲፊ ዳና፤ ኤንቲ ናዎላይካ ኢሲ ኣሾ ጊዳና» ያጌሰ።

32 ሃይሲ ጊታ ፀራ፣ ሺን ታኒ ሃሳ ኪሪሰቶሳባኔ ዋሳ ኪላባ ለሚሶ ኦላዳ ኦዳይሰ።

33 ጊደሺን፣ ሃንቴ ኢሶይ ኢሶይ ሃንቴ ማቹታ ሃንቴ፣ ሃንቴና ደሲይሳዳ ደሲቴ። ኢሲ ኢሲ ማቻ ባ አዘና ሶንቻናው ቤሲሰ።

**6**

**ናይታባኔ ዩሊዳይሳታባ**

1 ናይቶ፣ ሃንቴ ጎዳባ ጊዲያ ጊሾ ሃንቴና ዩሊዳይሳታሰ ኪቲቴቴ። ሃሲ ሃንቴው ቤሲያባ።

2 «ኔ ኣዩወኔ ኔ ኣዎ ሶንቻ።» ሃሲ ኡፋይሳ ቃሊ ዴዒያ ኮይሮ ኪታ።

3 «ኔ ሃሳ ፖሊያባ ጊዲኮ ኡባይ ኔው ኢንጃታና፤ ኔ ላይላይ ሳባ ሶላ ኣዲቃና።»

4 ኣዎቶ፣ ሃንቴ ናይታ ጎዳ ቃላ ታማርሶኒኔ ኤንታ ካሌሶን ዲቹቴ፣ ኣተን ኤንታና ጫሚሶፎቴ።

**ጎዳታባኔ ኣይሌታባ**

5 እይሌቶ፣ ከሪስቶሳስ ከቴቴይሳዳ ሂንቴ ሳዓ ጎዳታስ ያሻን፣ ቦንቾኒኔ ሱሬ ዋዘናን ከቴቴ፡፡

6 ኤንታ ሲንሳን ሳባ ዳማናው ኤንቲ ቤዒያ ዋዴ ፃላላ ኦሎፊቴ፡፡ ሺን ከሪስቶሳ እይሌታዳ ያሳ ሺኒያ ዋዘና፤ ፖሊቴ፡፡

7 አሳስ ጊደናሺን ጎዳስ ጊዲ ሂንቴ ኩሚሳ ዋዘና፤ ኦሎፊቴ፡፡

8 እይሌ ጊዲን ዋይኮ ጎዳ ጊዲን ኢሶይ ኢሶይ ባ ኦሎዳ ሎዎ ኦሎቀስ ጎዳ፤ ዋይቶ ኤካናይሳ ኤሪታ፡፡

9 ጎዳቶ፣ አሳ ሰዎዎ ቤዒዲ ማደና ጎዳይ፣ ሳሎዋን ዳዔይሳ ኤሪታ፡፡ ሄሳ ጊሾ፣ ሂንቴ እይሌታ ማንዳይሳ አገዲ ኤንቲ ሂንቴው ቦንቾን ከቴቴይሳ ሜላ ሂንቴ ኤንታው ሎዎባ ኦሎፊቴ፡፡

**የሳ ኦላ ሚሺታ**

10 ወርሴሳን፣ ጎዳኒኔ ኢያ ገታ ዋልቃን ሚኒቴ፡፡

11 ፃላሂ ጨሙዋ ኤቁታናው ዳንዳዓና ሜላ ያሳይ ሂንቴው አሚዳ ኦላ ሚሺያ ኡባ ማዒቴ፡፡

12 ኦ ኦላይ አሳሪ ጊደናሺን ሳሎን ዳዒያ ቴና አያና ኦላንቾታራ፣ ማታ አዋታራ፣ ሃሪይሳታራኔ ሃ ቆማ አላሚያ ዋልቃታራ፡፡

13 ሄሳ ጊሾ፣ ኢታ ጋሳሳ ቴቃናዉኔ ኡባ ፖሊዲ፣ ሚኒዲ ኤቃናው ሂንቴ ዳንዳዓና ሜላ ያሳ ኦላ ሚሺታ ኡባ ማዒቴ፡፡

14-15 ቱማ ዪሳን ዳንጮዳ ዳንጪዲ፣ ዪሎቴላ ፀሩሬዳ ቲራን ዋሊዲ፣ ሳርቴላ ዋንጌላ ሂንቴ ቶሁዋን ጫማዳ አሊዲ ሚኒዲ ኤቁቴ፡፡

16 ሄ ኡባፌ አሊዲ፣ ፃላሂይ ዩዲያ ላዪያ ታማ ደንጌ ኡባ ቶይሳናው ዳንዳዒያ አማኑዋ ኡባ ዋዴ ጎንዳሌዳ ኦይኪቴ፡፡

17 ያሳ አቶቴላ ቢራታ ባርኔዳዳ ሂንቴ ሁዒን ዋሊቴ፤ ቃሲ ጌሻ አያና ማሻ፣ ኤካ ያሳ ቃላ ኦይኪቴ፡፡

18 ዋሳ አጎፊቴ፤ ሃራታስካ ጋናቴቴ፤ ኡባ ዋዴ አያናን ዋሲቴ፡፡ ሄሳን፣ ጌሻታስ ሳሌቶና ሚኒዲ ኡባ ዋዴ ዋሲቴ፡፡

19 ታኒ ዋንጌላ ፀሩ ያሺ ባይና ቆንጪሳዳ ኦዳና ሜላ ያሳይ ታው ቃላ አማና ሜላ ዋሲቴ፡፡

20 ታኒ ሄሳ ኦላናው ከቴታስ ሃዒካ ቃሾን ዳዒይ ሄ ዋንጌላ ጊሾሳ፡፡ ያኒያ ጊሾ፣ ታኒ ያሺ ባይና ቤሴይሳዳ ኦዳና ሜላ ታው ዋሲቴ፡፡

**ወርሴሳ ሳርላ**

21 ታኒ ዋና ዳዒያኮኔ አይ ኦሊያኮ ሂንቴ ኤራና ሜላ ኦ ሲቆ አሻይ፣ ጎዳ ኦሎቀን አማኔቲዳ ኦሳንቾይ፣ ቲኪቆሲ፣ ታባ ኡባ ሂንቴው ኦዳና፡፡

22 ኦኒ ኡባይ ዋኒዲ ዳዒያኮ ሂንቴው ኦዳና ሜላኔ ሂንቴና ሚንጤላና ሜላ ታኒ ኢያ ሂንቴኮ ከታስ፡፡

23 ያሳ አዋ፤ ጎዳ ዩሱስ ከሪስቶሳ፤ ሳርቴሳይኔ ሲቆይ አማናራ ኢሲፌ አማኒያ ኡባስ ጊድ፡፡

24 ኢርዮና ሲቆን ኦ ጎዳ ዩሱስ ከሪስቶሳ ሲቆያ ኡባራ ያሳ አቶ ኬሃቴሳይ ጊድ፡፡

# ጳውሎስ ፊልጲሲዩሳ ኣሳስ ግፊዳ ኪታ ጋላ ቆፋ

ጳውሎስ ፊልጲሲዩሳ ኣሳስ ግፊዳ ኪታይ ግፊቲዳይ፡ ሮሜ ቢታን ማቁዶኒያ ኣወራጃን፡ ፊልጲሲዩሳ ቢታን ዳሚያ ዋሳ ኬሳሳ። ሄ ዋሳ ኬሳይ ጳውሎስ ኣወርጋ ቢታን ኮይሮ ኤሲዳ ዋሳ ኬሳ። ሃ ኪታይ ግፊቲዳይ፡ ጳውሎስ ቃሾ ከላን ዳሚያ ዋዴ ሃራ ኣማኒያ ኦሳንቸቲ ኢያ ኣጻዳ ዋዴ። ፊልጲሲዩሳ ዋሳ ኬሳን ዳንዲዳ ዋርዶ ቲሚርቲያ ጋሶን ኢያ ዋዛናይ ዳሮ ኣዛኒዳ ዋዴ። ጊዶሽን፡ ጳውሎስ ዩሱስ ኪሪስቶስ ሚንሉዲ ኣማኒያ ጊሾ ሃ ኪታን ቆንጨዲ ቤንቲይ፡ ኡፋይሲኔ ከሜላ ኣማኔቲል። ፊልጲሲዩሳን ዳሚያ ዳሮ ኣሳይ ሮሜፕ ዲዔቲዲ ዩዳ ኣሰ። ኤንቲ ሮሜ ቢታስ ሚሺቶሶና ኡይሌ ናጎሶና። ኤንታፊ ኢሶቲ ኢሶቲ ኣማኒዲ ባንታ ቢታ ኣሳን ጎዳቲዶሶና። ሄ ጎዳይ ኤንታ ቦላ ሜቶኔ ማንቆቴሌ ኤሂስ (ሃ.ኦ 16:20-21)።

ጳውሎስ ሃ ኪታ ግፊዳ ኮይሮ ጋሶይ ኢያ ሜቲዋ ዋዴ ኢያ ማዳናው ፊልጲሲዩሳ ኣማኒያ ኣሳይ ኣዋታ ኢያው ዩዲዳ ጊሾ ኤንታ ጋላታና። ኢያ ቦላኔ ኤንታ ቦላ ዳማ ዳማ ሜቶይ ጋኪዳባ ጊዲኮካ ኤንቲ ሜኒታና ሜላኔ ከሜሌ ኣማኒቲዲ ዳና ሜላ ሃ ዳሚዳ ኢንጂያን ኤንታ ሚንሉሰስ። ጨቆኔ ኦቶሮ ኣጊዲ፡ ዩሱስ ኪሪስቶስ ኣሽኬቴላን ኤንቲ ከሚና ሜላ ሚንሉዲ ኤንታ ኣኪኪሲስ። ዩሱስ ኪሪስቶሳራ ኢሲፊ ጊዶን ኤንቲ ዳሚዳ ዳይይ ያሳ ኣቆ ከሃቴላፊ ፑልቲዳይሳኔ ኣማኖን ኤንቲ ኤኪዳይሳፊ ኣትን ኣይሁዳታ ዋጋ ፖሎን ቤንቲዳባ ጊዶናይሳ ኤንታ ኣኪኪሲስ። ዩሱስ ኪሪስቶሳራ ኢሲፊ ዳሚያ ኡባስ ያሳይ ኢሚያ ሳራዋኔ ኡፋይሳ ኤንታው ግፊሰ።

ሃ ኪታይ ኤራቴይ ኡፋይሲ፡ ኣማኔቲል፡ ኢሲፊቴሌኔ ኣማኖን ሚኒዲ ዳዎ ቆንጨሲዲ ቤሴይሳና። ሄሳ ቦላ ጉጂዲ፡ ጳውሎስ ፊልጲሲዩሳ ዋሳ ኬሳ ሲቁያ ጊታ ሲቁዋ ቆንጨሲስ።

## ፊልጲሲዩሳ ኪታ ኣይፊ ቆፋታ

- ጌሎ ቆፋ 1:1-11
- ጳውሎስ ሃኒዲ ዳሚያ ዲሳ 1:12-26
- ኣማኖን ለሚሶ ዳዎ 1:27-2:18
- ፃዋቲዮሳሲኔ ኤጳፊራዲቲስ ዳሚያ ቆፋ 2:19-30
- ዋርኬታፔኔ ኢታታፔ ናጌቴሌ 3:1-4:9
- ጳውሎሳኔ ፊልጲሲዩሳ ኣማኒያ ኣሳ 4:10-20
- ሳርሶኔ ኣንጃ 4:21-23

1 ኪሪስቶስ ዩሱሳራ ኢሲፊዳ ጊሾ ያሳባ ጊዲዳ፡ ፊልጲሲዩሳ ካታማን ዳሚያ ዋሳ ኬሳ ጨማታሲኔ ዳቆኔታ ኡባስ። ዩሱስ ኪሪስቶስ ኣይሌ ጊዲዳ፡ ጳውሎሳፔኔ ፃዋቲዮሳፔ ኪቴቲዳ ኪታ።

2 ኦ ኣዋ ያሳፊኔ ጎዳ ዩሱስ ኪሪስቶሳፔ ኣቆ ከሃቴላይኔ ሳርቴላይ ሂንቲው ጊድ።

ጳውሎሳ ጋላታ ዋሳ

- 3 ታኒ ሂንቴና ቆፕያ ዋዴ ኡባን፡ ታ ያሳ ጋላታይስ።
- 4 ታኒ ሂንቴ ኡባስ ያሳ ዋሲያ ዋዴ ኡፋይሳን ዋሳይስ።
- 5 ሂንቴ ኮይሮ ጋላሳፔ ሃሲ ጋካናው፡ ዋንጌላ ማርካቴይሳን ታራ ኢሲፊ ጊዲዲ፡ ታና ማዲዳ ጊሾ ያሳ ጋላታይስ።
- 6 ሂንቴ ጊዶን ሎዎ ኦሶ ደሚዳ ያሳይ፡ ኪሪስቶስ ዩሱስ ሲሚያ ጋላሳይ ጋካናው፡ ፖላናይሳ ኤራይስ።
- 7 ሂንቴ ኡባ ዋዴ ታ ዋዛናን ዳሚያ። ታኒ ኡባ ዋዴካ ሄሳዳ ቆፓናው ቤሴስ። ሃሲ ታኒ ቃሾን ዳሚያኔ ቃሾታናፔ ሲንሌ ዋንጌላ ናጎኒኔ ዋንጌላ ሚንላ ኤሶን ያሳይ ታው ቃዲዳ ቃዳ ሂንቴካ ታራ ቫኬቲዳታ።
- 8 ታኒ ሂንቴና ኡባ ኪሪስቶስ ዩሱሳ ሲቁዋን ኣይ ሚላ ላዋቲያኮ ያሳይ ታው ማርካ።
- 9 ሂንቴ ሲቆይ ቱማ ኤራቴላራኔ ኣኪካራ ኢሲፊ ጉጂ ጉጂ ዲጫና ሚላ ያሳ ዋሳይስ።
- 10 ሄሳን ሂንቴ ሎዎባ ቫኪዲ፡ ዶሬይሳታ፡ ኪሪስቶስ ሲሚያ ጋላሳን ጊሻታኔ ቦሬቶናይሳታ ጊዳና።
- 11 ሂንቴ ዳይይ ያሳ ቦንቹዋሲኔ ጋላታስ ዩሱስ ኪሪስቶስ ባጋራ ቤንቲያ ጻሎቴላ ኣይፊያን ከሚዲ ኣይፋና።

ጳውሎሳ ቃሾቴላይ ዋንጌላይ ዳልጋና ሚላ ማዲስ

12 ታ እሻቶ፣ ታና ጋኪዳ ኡባይ ዋንጌላይ ዳልጋና ማላ ቱማ ማዲዳይሳ ሂንቴ ኡራና ማላ ኮያይሰ።

13 ታኒ ኪሪሰቶሳ ጊሾ ቃሾቲዳይሳ፣ ካዎ ኪላ ናጌይሳቲኔ ሃይሳን ዴዲያ ሃራቲ ኡባይ ኡርሶና።

14 ታ ቃሾቱ ጋሶን ኑ እሻታ፣ ዳርቲ ጎዳን ከሂ እማኔቲዳሶና። ሄሳ ጊሾ፣ ያሳ ቃላ ያሺ ባይና ካሲይሳፊ አቋ ማኒዲ ኦዳና ማላ ሚኖቴሌ ዳሚዳሶና።

15 ጊዳሽን፣ ኢሶቲ ኢሶቲ ቃናቲኒኔ ፓላማን ኪሪሰቶሳሳ ኦዳሶና፣ ሽን ሃራቲ ሱሬ ዋዛና፣ ኦዳሶና።

16 ቡሬ ዋዛና፣ ኦዳይሳቲ፣ ያሳይ ታው ዋንጌላ ናን ኦሶ አሚዳይሳ ኤሪያ ጊሾ ሲቆን ኦዳሶና።

17 ሽን ታና ቃናቲይሳቲ ታ ቃሾቱ ቦላ ሃራ ሜቶ ኤሃናባ ኤንታው ዳኒን ባንታና ደሲዲ ኪሪሰቶሳሳ ኦዳሶና፣ ኢትን ቱማ ዋዛና፣ ኦዳሶና።

18 ሄሲ እይኮካ ማቴና። ቱማ ኦጌን ጊዲን ወይኮ ዋርዳ ኦጌን ጊዲን ሄ ኡባን ኪሪሰቶሲ ሳባኪቴሰ። ታና ሄሲ ኡፋይሲሰ። ቃሲ ሃራባይ ታና ኡፋይሲያባይ።

19 ታኒ ሃንቴ ዋሳኒኔ ዬሱስ ኪሪሰቶሳ እያና ማዲዳይሳ ኡፋይሳ ኤሪያ ጊሾ ታና ኡፋይሲሰ።

20 ታ ጌታ አዎይኔ ኡፋይሳን ናጊያ ናጊይ ታ ዬሳቶና አታናይሳ። ሽን ኡባ ዋዴ ኦፊይሳዳ፣ ሃሳካ ታኒ ፓዳ ዴዲን ወይኮ ሃይቂን ያኖና ታ ኩሚላ አሳቴላን ኪሪሰቶሲ ቦንቼታና ጋዳ ሚኖቴላን ኦዳይሰ።

21 ታ ዴዲኮካ ኪሪሰቶሳ ሳላላሰ ዳዳይሰ፤ ቃሲ ታ ሃይቂኮካ ታው አቋዳ ዋዴ።

22 ሽን ታ ፓዳ ዴዲኮ እይፊይ ዴዲያ ኦሶ ኦሳና። ሽን ፓዳ ዴዲይሳፊኔ ሃይቆቴ አወሳ ደራኔኮ ታው ኡሬቴና።

23 ታኒ ሃ ናዎዎታ፣ አወሳ ደራኔኮ ኡንዴታሰ። ሃ ዴዲኮ ሻኪታዳ ኪሪሰቶሳሳ ኢሲፊ ዳናው አዎታይሰ፤ ኪሪሰቶሳሳ ኢሲፊ ዴዲይሲ ኡባፊ አቋዳ ሎዎ።

24 ሽን ታኒ ሃንቴ ጊሾ ፓዳ ዴዲይሲ ሃንቴው ዳር ኮሺያባ።

25 ሄሳ ታኒ ጌሻዳ ኡራይሰ፤ ታኒ፣ ሃንቴ አማኖን ዲጫናዳኔ ኡፋይታናዳ ሃንቴው ፓዳ ዳና።

26 ሄሳ ጊሾ፣ ታኒ ሃንቴኮ ሲማዳ ያ ዋዴ ኪሪሰቶሰ ዬሱሳሳ ሃንቴ ዴዲያ ዴዲኮን ታናን ዴዲያ ጩቄቴላይ ሃንቴው ደራና።

27 ኡባፊ አሲዳ፣ ሃንቴ ኪሪሰቶሳ ዋንጌላሰ ቦንቼ ኤሂያ ዴዳ ዴዲቴ። ታ ሃንቴና ቤዳን ወይኮ ቤዳና ኢዲን ሃንቴ ኢሲ ቆሳን ማኒዲ ኡቄዳ፣ ሃራቲ ዋንጌላን አማናና ማላ ኢሲ ዋዛናን ጊዲዲ ኢሲፊ ባዴቴይሳ ታ ሰዓና።

28 ሃንቴ ዋርኪታሰ ያኖፊቴ። ኤንቴ ሃንቴው ኤቄቴያባ ጊዲኮ ሄሲ ሃንቴው አቶቴሳሰ፣ ኤንታው ቋኖሰ ያሳፊ ጊዲዳ ማላ።

29 ኪሪሰቶሳሰ ኦፊያ ቃዳይ ሃንቴው አሚቲዳይ፣ ሃንቴ ኢያ አማናና ማላ ሳላላ ጊዳናሽን ሃንቴ ኢያ ጊሾ ሜቶ ኤካና ሚላሳ።

30 ሄሳ ጊሾ፣ ሃንቴ ታ ዋያ ካሴ ቤዳዴታ፤ ሃሳካ ታ ዋዬቴይሳ ሲዴታ። ሃንቴካ ታ ዋያ ማላ ዋዬቴታ።

## 2

### ቱማ እሽኪቴሌ

1 ኪሪሰቶሳን ሃንቴ ዴዲያ ዳይይ ሃንቴና ሚንሌሰ፤ ቃሲ ኢያ ሲቆይካ ሃንቴና ሚንሌሰ። ጌሻ አያናራ ሃንቴው ኢሲፊቴሌ ዴዲሰ፤ ሃንቴ ሃራታሰ ከሂታኔ ቃቋቴታ።

2 ሃዛ፣ ሃንቴ ኢሲ ቆሳን፣ ሲቆን፣ ኢሲ ዋዛናኒኔ አያናን ኢሲኖ ጊዲዲ ታና ፖሎ ኡፋይሲቴ።

3 ሃንቴና ደሶን ወይኮ ጩቄቴያ ሃዳ አዎን ኢሲባካ ኦፊቴ። ሽን ሃንቴ ኢሲይ ኢሱዋፊ ጌታታይሰ ያጊዲ ቆፖና ሃንቴና ካወሽቴ።

4 ሃንቴ ኢሲይ ኢሲይ፣ ሃራ ኢሲ ማዲያባ ኮዩቴ፣ ኢትን ሃንቴና ማዲያባ ሳላላ ኮኖፒቴ።

5 ኪሪሰቶሰ ዬሱሳን ዴዲያ ቆፋይ ሃንቴናን ዳናው ቤሲሰ።

6 ኢያው ኡባ ዋዴ ያሳ ሃኖቴሌ ዴዲሰ።  
ያኒያ ጊሾ፣ ኢያ ያሳራ ኢሲኖ ኦፊያ ሃኖታ፣  
ዋልቃን ኤካናው ኮዩቤና።

7 ጊዳሽን፣ ኢ ባው ዴዲያ ቦንቼዎ ኡባ አጊዲ፣  
አይሌ ሜዴታ ኤኪሰ፤  
አሴ ዳኒዲ ቆንጪሰ።

8 ኢ ባና ካወሽሰ፤  
ሃይቃና ጋካናው።



ሃሪ አቶሽን ማስቃሊያ ቦላ  
ሃይቃናው ከቴቴሰ።

9 ሃሳ ጊሾ፣ ያሳይ ኢያ ዳሮ ቶቁ ቶቁ ኦሊስ፤  
ቃሲ ሱንሳ ኡባፊካ አዲያ ቶቃ ሱንሳ ኢሚሰ።

10 ሳሎኒኔ ሳዓን፣  
ሳዓፔ ጋርሳን ዴዒያ ኡባይ፣  
ዬሱሳ ሱንሳ ቦንቹዋሰ ጉልባታና።

11 አሳ ኡባይ ባንታ ኢንፃርሳን፣  
ዬሱሰ ኪሪሰቶሳ ጎዳ ያጊዲ፣  
ያሳ አዋ ቦንቹዋሰ ማርካታና።

**ሃ አላሚያሰ ፖፖ ጊዳ**

12 ታ አሻቶ፣ ታኒ ሂንቴራ ዴዒያ ዋዴ ኡባን ሂንቴ ከቴቴዳይሳዳ፣ ሃሳ ታኒ ሂንቴ ማታፔ ሃኪንካ፣  
ካሴይሪፊ አሊዲ፣ ከቴታናው ቤሴሰ። ያሳሰ ያሻኒኔ ኮኮርሳን ሂንቴ አቶቱላ ፖላናው ኦሊቴ።

13 ያሳይ፣ ሂንቴ ኢያው ኤሮ ጊዲ ከቴታና ማላ ኡባ ዋዴ ሂንቴ ጊደን ኦሊቴ።

14 አይ ኦሶ ኦሊቪካ ዙዙሞና ዋይኮ ፓላሞና ኦሊቴ።

15 ጊላኔ ናጋራንቾ አሳ ጊደን ቦራቶናይሳታ፣ ጌሻታኔ ፖኮይ ባይና ያሳ ናይታ ጊዲቴ። ሂንቴ ኤንታ  
ጊደን ሳሎ ያለንቶዳ ፖሊቪ።

16 ዳፖ አሚያ ኪታ ኤንታው ኦዲቴ። ሄ ዋዴ ታ ዳቡሪሳይኔ ታ ኦሶይ ማላ አቲቦና ጊሾ ኪሪሰቶሲ  
ያ ጋሳሰ ታ ሂንቴናን ጨቁታና።

17 ሂንቴ ያሳሰ አሚያ አማሮ አሞታ ቦላ ታ ሱላይ ኡሻ ያርሾዳ \* ጉኪኮካ ታና ኡፋይሴሰ።  
ሂንቴካ ታራ ኡፋይታና።

18 ሂሳዳ ሂንቴካ ኡፋይቲዲ ታናካ ኡፋይሳናው ቤሴሰ።

**ዊሞቲዮሳኔ ኤጳፊራዲቲሳ**

19 ታኒ ሂንቴ ዴቦቀባ ሲዓዳ ኡፋይታናው ዊሞቲዮሳ ሂንቴኮ ኤሌሳዳ ዩዳና ማላ ጎዳ ዬሱሲ  
ታና ማዳናይሳ አማኔታይሰ።

20 ሂንቴ ዴቦቀሰ ዋዛናፔ ቆፒያ ኢያ ማላ አሲ ሃሪ ኦኒካ ባዋ።

21 ሃራቲ ባንታና ጎሊያባ ኮዮሶናፔ አቲን ዬሱሰ ኪሪሰቶሲ ኮያባ ኦሎኮና።

22 ኢ ታራ ኢሲፊ ጊዲዲ ናሲ ባ አዋሰ ኦሌይሳዳ ዋንጌላ ኦሶ ኦሊዳይሳኔ አማኔቲያ አሲ  
ጊዳይሳ ሂንቴ ኤሪታ።

23 ሃሳ ጊሾ፣ ታባይ ሃኒያባ ቤዓዳ ኤሌሳዳ ኢያ ሂንቴኮ ዩዳና ጋዳ ቆፓይሰ።

24 ታኒ፣ ታ ሁዓን ማታ ዋዴን ሂንቴኮ ባናይሳ ጎዳን አማኔታይሰ።

25 ሃሳዳካ፣ ታኒ፣ ታ አሻ ኤጳፊራዲቲሳ፣ ታራ ኢሲፊ ታ ባጋ ጊዲዲ ኦሊዳይሳ፣ ኦሊቲዳይሳኔ፣  
ታና ማዳናው ሂንቴው ከቴቴዳይሳ፣ ሂንቴኮ ኪታናው ቆፓሰ።

26 ኢ ሂንቴና ኡባ ቤዓናው ዳሮ ላሞቴሰ። ቃሲ ኢ ሃርጌቲዳይሳ ሂንቴ ሲዒዳ ጊሾ ባ ዋዛናን  
ዳሮ ኡንዔቴሰ።

27 ኢ ቱማ ሃርጌቲዲ ሃይቂ ኪቹዲ አቲሰ። ሽን ያሳይ ኢያው ቃዴቲሰ። ኢያ ዓላላሰ ጊዳናሽን  
አዛናይ አዛኖ ቦላ ጉዢቶናዳ፣ ታዉካ ቃዴቲሰ።

28 ሂዛ፣ ሂንቴ ኢያ ዛሪ ቤዒዲ ኡፋይታናዳ ታዉካ ታ ዋዛና ሴላይ ኢርፃናዳ ታኒ ኢያ ኤሌሳዳ  
ሂንቴኮ ዩዳናው አሞታይሰ።

29 ጎዳሰ ሃጋዚያ አሳዳ ኢያ ኮሜሳ ኡፋይሳን ሞኪቴ። ቃሲ ኢያ ማላ አሳ ኡባካ ቦንቹቴ።

30 ሂንቴ ታ ማታን ጊዲዲ ኦሳናው ዳንዳዖና ማዲያ ማዲዲ ኪሪሰቶሳ ኦሎቀ ጊሾ ባ ሸሞፑዋሰ  
ሚሾቶና ኢዲዲ ሃይቂ ኪቹዲ አቲሰ።

**3**

**ቱማ ዊሎቴሳ**

1 ዉርሴሳን፣ ታ አሻቶ፣ ሂንቴ ጎዳባ ጊዲያ ጊሾ ኡፋይቲቴ። ታኒ ካሴ ያፊዳይሳ ዛራዳ ያፋናይሲ  
ታና ዋይሴና፣ ሽን ሂንቴና ባላፔ ናጋና።

2 ኢታባ ኦሊያ ካናታፔ፣ ቃሲ ቃፃሪታናው ኮሼሰ ጊያ ኢታ አሳታፔ ናጌቲቴ።

3 ኦኒ ያሳ ጌሻ አያናን ጎይኒያ ጊሾኔ ኑ ዴቦቀን ኪሪሰቶሰ ዬሱሳን ጨቁቲያ ጊሾ ቱማ ቃፃሮ  
ቃፃሪቲዳይሳታ። ኦኒ ካሪ አሳቴሳ ቦላ ኦሴቲያባን ጨቁቶኮ።

2:10 አሳ 45:23    2:15 ዛሪ 32:5    \* 2:17 ታ ሱላይ ኡሻ ያርሾዳ፣ ኢሲ ኢሲ ዋዴ ያርሾ ቤሳን ያርሹታና ማኔ ያርሹዋ  
ቦላ ሃላ ዋይኮ ዋይኔ አሻይ ጉኪሰ።

4 ታ ካሬ አሳቴላን ጨቁታናው ኮሺኮ ታ ዳርባን ጨቁታናው ዳንዳዊስ። አይ እስካ ባ ካሬ አሳቴላን ጨቁቲያባይ ባው ዳዒስ ገዲ ቆጥኮ። ታኒ ኢያፔ ዳር አቆዳ ጨቁቲያባይ ዳዒስ።

5 ታኒ ዬሌቲዳ ሳማኑታራ ቃፃሬታሰ። ታኒ ዬሌታን ኢሰራዒሌ፤ ታኒ ቢኒያሜ ዛሬ፤ ታኒ ዋላኪ ባይ አይሁዳ እስ። አይሁዳ ሃጌ ናጎን ገዲኮ ታኒ ፋሪሳዌ።

6 አይሁዳ አማኑቀስ ሚሹቴላን ገዲኮ ታኒ ዋሳ ኬላ ዬዳሰ። ኢሲ እሲ ሃጌ ናገዲ ዲሊያባ ገዲኮ። ታናን ቦሬይ ቤንቲቤና።

7 ሺን ካሴ ታና ማዴስ ጋዳ ቆጥዳባ ኡባ። ኪሪስቶሳ ገሾ ጋዳ ማዳናባ ኦላዳ ታይባሰ።

8 ሃሳ ፃላላ ገዳናሺን ታኒ ታ ጎዳ ኪሪስቶስ ዬሱሳ ኤሬይሲ ሃራባ ኡባሬ ዳር አቆያ ገሾ ሃ ኡባ ዎጴይ ባይናባዳ ታይባሰ። ታኒ ኢያ ገሾ ኡባባ ቆያሰ። ኪሪስቶሳ ዳማናው ኡባባ ዎራ ሆሌቲዳ ቡራዳ ታይባይስ። ታኒ ዬሱሳራ ኢሲኖ ገዳሰ።

9 ታኒ ሃጌስ ከቴታዳ ዳሚያ ታ ሁዔ ዲሎቴሌ ታው ባዎ። ኪሪስቶሳ አማኒን ቤንቲያ ዲሎቴላይ፣ ያሳ ማታፔ ያ ዲሎቴላይ ሃዒ ታው ዳዒስ።

10 ታኒ ኪሪስቶሳኔ ኢያ ዳንዳ ዎልቃ ኤራናው ኮያይስ። ታኒ ኢያ ሜቱዎ ኢያራ ሻኬታናዉኔ ኢያ ሃይቁዎን ኢያ ዳናናው አዎታይስ።

11 ሄሳዳካ፣ ሃይቆፔ ዳንዳዳ ሜሪናው ዳዎን ዳናይሳ ኡፋይሲ ኦላይስ።

**ጋፃ ጋካናው ዎዳቴ**

12 ታኒ ሃዒ ጋፃ ጋካስ ዎይኮ ታናን ባሊ ባዎ ገኪ። ሺን ኪሪስቶስ ዬሱሲ ታና ኦይኪዳ ገሾ ታኒ ታ ስንሳን ዳዒያ ዎይቱዎ እይካናው ዎይይሲኔ ቡቴታይስ።

13 ታ ኢሻቶ፣ ታኒ ሄሳ ዳማስ ጋዳ ቆጥኪ። ሺን ታኒ ኢሲባ ኦላይስ። ታፔ ጉዬራ ዳዒይሳ ደጋዳ ስንሳን ዳዒይሳ እይካናው ዛቱራይስ።

14 ሄሳ ገሾ፣ ታኒ ጋፃ ጋካናው ዎይይስ። ያሳይ ኪሪስቶስ ዬሱሳ ባጋራ ሳሎ ዳዑዋስ ያገዲ ዎይቱዎ እይካናው ዳቡራይስ።

15 ሃዛ፣ ኮኒ አያናን ጋሽቲዳ ኡባይ ሃሳ ቆጥናው ቤሴስ። ሃንቴሬ ባጋታስ ዳማቲያ ቆሬ ዳዒኮ፣ ሃሳካ ያሳይ ሃንቴው ቆንጫሳና።

16 ገዲኮካ፣ ታኒ ሃኖ ጋካናው ዳዒዳ ዳዑዋን፣ አኔ ስንሌ ቦስ።

17 ታ ኢሻቶ፣ ታና ደኒቲ፤ ሃሳዳካ፣ ኮ ለሚሱዎ ካሊያ አሳታ አኬኪዲ ቤዒቲ።

18 ታኒ ሄሳ ሃንቴው ካሴ ዳር ቶሆ ኡዳሰ። ሺን ሃዒካ ዛራዳ አፋፋን ኦዳይስ። ኪሪስቶሲ ማስቃሊያ ቦላ ሃይቁዳይሳስ ባንታና ሞርኬ ኦሊዳ ዳር አሳቲ ዳዎሶና።

19 ኤንታ ዉርሴላይ ቆያ፣ ኤንታ ኡሎይ ኤንታው ያሴ። ዬሳታናው ቤሲያባን ኤንቲ ጨቁቶሶና፤ ቃሲ ሃ ሳባባ ፃላላ ቆጥሶና።

20 ኮ ቢታይ ሳሎዎና። ሳሎፔ ዪዲ ኮና አሻናው ዳዒያ ጎዳ ዬሱስ ኪሪስቶሳ ናጎስ።

21 ኪሪስቶሲ ኡባባ ባ ማታፔ ጋርሳን ኦላናው ዳንዳዒያ ባ ዎልቃን ኦ ዳቡራንሻ አሳቴላ ላሚዲ ባ ቦንሻ አሳቴላ ዳኒሳና።

**4**

**ዉርሴላ ዞሬ**

1 ታ ኢሻቶ፣ ታ ደሴይሳቶ፣ ታ ላዎቴይሳቶ፣ ታና ኡፋይሴይሳቶ፣ ታና ገታዬይሳቶ ሃዛ ጎዳን ማኒዲ ኤቁቴ።

2 ኤዎዲኔ ስንገዳ፣ ሃንቴ ናምባይ፣ ኢሲ ቆፋን ሚሹዳ ጎዳን ዳናዳ ታኒ ሃንቴና ዞራይስ።

3 ታራ ኦሊያ አማንሌይሶ፣ ኔኒ ሃ ማጫሳታ ማዳና ሚላ ታ ኔና ዎሳይስ። ሃ ማጫሳቲ ታራ፣ ቁሌሚንያሳራኔ ኤንታ ስንሳይ ያሳ ዳዎ ማፃፋን ፃፊቲዳ ሃራታራ ኢሲሬ ዎንጌላ ኡባ ቤሳ ጋላናው ዳቡራደሶና።

4 ጎዳራ ሃንቴ ዳዒያ ዳዑዋን ኡባ ዎዴ ኡፋይቲቴ። ታኒ ሃሳ ጉጃዳካ ኦዳይስ፤ ኡፋይቲቴ።

5 አሳ ኡባይ ሃንቴ አሽኬቴላ ኤር፤ ጎዳይ ማታን ያና።

6 ያሳ ሃንቴ ዎሲያ ዎዴ ኡባን ኢያ ጋላቲሼ፣ ሃንቴና ኮሺያባ ኡባስ ዎሴቴፔ አቲን አይቢባሰካ ሃርጎሬቴ።

7 አሳ ኡራቴላ ኡባሬ አቆያ ያሳ ሳርቴላይ፣ ሃንቴ ዎዛናኔ ሃንቴ ቆፋ ጎዳ ዬሱስ ኪሪስቶሳ ባጋራ ናጋና።

8 ዉርሴላን፣ ታ ኢሻቶ፣ ሃንቴ ዎዛናን ሎዎባኔ ጋላቲሲያባ ቆጥቴ። ቲማ ገዲያባ ኡባ፣ ቦንሻባ ኡባ፣ ቆሆ ገዳናባ ኡባ፣ ገሻባ ኡባ፣ ሲቆባ ኡባኔ ኡፋይሴያባ ኡባ ቆጥቴ።

9 ሃንቴ ታፔ ታማሪዳ፣ ኤኪዳ፣ ሲዲዳባኔ ቤዒዳባ ኡባ ኦሊቴ። ሳርቴላ አሚያ ያሳይ ሃንቴራ ኢሲሬ ገዳና።

**ጳውሎስ እሚቲዳ እምታስ ጋላቲስ**

10 ዳር ዋዳፔ ጉዬ፥ ሂንቲ ታባ ዛሪዲ ቆገናው ዶሚዳ ገሾ ታኒ ጎዳን ዳር ኡፋይታይስ። ሄሳ ጉሳይ፥ ታው ቆገናው ሂንቲው እንጂቶና ኢዲዳይሳፊ እቲን ታው ቆፋ አገቤኬታ።

11 ታኒ ሄሳ ታና ሚቲዳ ገሾ ገኪ፤ ታው ዳዒያባይ ገዳና ጉሱ ታማራስ።

12 ታኒ ሚቶቲቲዲ ዳዒያ ዳሲ ኤራይስ፤ ቃሲ ዲሬቲዲ ዳዒያ ዳሲካ ኤራይስ። እዉን ገዲን ቃሲ እይ ዋዳካ ታኒ ካሎኔ ኮሻ፥ ፓጩኔ ፓላሃ ታማራስ።

13 ኪሪስቶስ ታው እሚያ ዋልቃን ኡባባ አላናው ዳንዳዳይስ።

14 ገዲኮካ፥ ሂንቲ ታ ሜቱዋ ታራ ኤኪዳይሳን ሎዎ ኦሳይታ።

15 ፊልጲሲዩሳ እሳው፥ ዋንጌላ ኮይር ኦዳናው ታኒ ማቄዲያፔ ኬያ ዋዳ እሚያባንካ ኤኪያባንካ ሂንቲ ዋሳ ኬላፊ እቲን ሃሪ ታና ማዲቦናይሳ ሂንቲ ኤሬታ።

16 ቲሴሎንቄን ሚቶይ ጋኪዳ ዋዳካ ታና ዛሪ ዛሪዲ ማዲዳታ።

17 ታኒ፥ ሂንቲፊ እምታ ኤካናው ኮያዳ ገደናሺን እምፔ ያ እንጂዋ ሂንቲ ኤካና ሚላሳ።

18 ታኒ፥ ሂንቲ እሚዳ ኡባኔ ገዲዲ ፓላሂይሳ ኤካስ። ሂንቲ ዬዲዳ ኡባ ኤጳፊራዲቱሳፔ ኤካስ፤ ኮሺያባ ኡባይ ታው ዳዔስ። ሂንቲ ታው ዬዲዳ እምይ ያሳስ ሳዎ ቶንጉ ገያ፥ ኢ ዶሲያ፥ ኢ ኡፋይቲያ ያርሾ ሚላ።

19 ታ ያሳይ ባ ቦንቾ ዳሬቲላፊ፥ ኪሪስቶስ ዬሱሳ ባጋራ ሂንቲው ኮሺያባ ኡባ እማና።

20 ኦ እዋ ያሳስ ሚሪናፔ ሚሪና ጋካናው ቦንቾይ ገዶ። እሚንዒ።

**ዉርሴላ ሳርታ**

21 ኪሪስቶስ ዬሱሳ ባጋራ ያሳባ ገዲዳ ኡባ ሳር ገቲ። ታራ ዳዒያ አሻቲ ሂንቲና ሳር ጎሶና።

22 ያሳባ ገዲዳ እሳ ኡባይ፥ ኡባፊ አሳዲ ካዉዋ ቄሳሬ ኬላን ዳዒይሳቲ ሂንቲና ሳር ጎሶና።

23 ጎዳ ዬሱስ ኪሪስቶሳ አቶ ኬሃቴላይ ሂንቲራ ገዶ።

# ጳውሎስ ቆላሲያ ላሳሰ ፃፊ ዜጋ ጋላ ቆፋ

ጳውሎስ ቆላሲያ ላሳሰ ፃፊ ዜጋ ፃፈተዳይ፡ ጉላ ኢሲያን፡ ኤፌሶና፤ ዶሎሃ ባጋራ ዳዲያ ቆላሲያን ካታማን ዳዲያ ዋሳ ኩላሳ፡ ሄ ዋሳ ኩላ ኤሲያይ ጳውሎሳ ጊደና ኢግኮካ፡ ሮሜ ቢታን ኢሲያ ዋና ካታማ ጊዲዳ ኤፌሶና፤ ዋንጌላ ኦሳንቸታ ከቴይ ኢያ ጊዲያ ገሾ ቆላሲያሳሳካ አዋቴሌ ኢያው ዳዲያ፡ ቆላሲያሳ ዋሳ ኩላ፡ «ዋሳ ኤራናወ ኩሜላ አቶቴላ ዳማናው አሲ ኡባይ ኣያና ዋልቃታሲኔ ማታታሰ ጎይናናው ኮሺሰ» ያጊያ ዋርዶ አሰታማሬቲ ዳዲያሳ ጳውሎስ ሲሲሰ፡ ሄ አሰታማሬቲ ታማርሲያ ሃራባይ፡ ቃሲ፡ «አሲ ኡባይ ቃፃሮ ዳኒያ ዋጋታሰ ሃራታናወ ካላ ዋጋ ኡባ ናጋናው ኮሺሰ» ያጎሶና፡

ጳውሎስ ሃ ከታ ፃፊዳይ፡ ቱማ አማና ቲሚርቲያ ታማርሲዳ፡ ኤንታ ዋርዶ ቲሚርቲያ ላላናሳ፡ ኢ ዛሪዳ ዛርታ፤ ዋናቴይ፡ «ዩሱስ ከሪሰቶሲ ኩሜላ አቶቴላ አሚሰ፤ ሃራ ሃይማኖቲቲ ኦሶቲ ኢያ፤ ሃራ ሃራና» ያጊይሳ፡ ያሳይ ከሪሰቶሳ ባጋራ አላሚያ ሜፏሰ፡ ቃሲ ኢያ ባጋራ ዛሪዳ ባኮ ኤሃና፡ ሃ አላሚያሰ አቶቴላ ኡፋይሳይ ዳዲያ ከሪሰቶሳ አማናና፡ ሄሳ ገሾ፡ ጳውሎስ ሃ ጊታ ቲሚርቲይ አማኒያ አሳ ዳዶን ዋኒዲ ኦሶን ፕዳናው ቤሲያኮ ኦዳሰ፡ ሃ ከታይ ኤፌሶና ላሳሰ ፃፊ ዜጋ፡ ባ ኦይከዳ ቆፋኒኔ ከታን ዋሊ ዳናሶና፡ ሃ ናዋሞ ማፃፋታ ጊደን ዳዲያ ዱማቴላይ፡ ኤፌሶናን ከሪሰቶሲ ዋሳ ኩላሰ ሁዳ፡ ቆላሲያሳን ከሪሰቶሲ ሜጴቴላሰ ሁዳ፡

ሃ ከታ ጳውሎሳ፤ ኤኪዲ ቆላሲያሳ ጋሳናው ቢዳ ቲኪቆሳሪ ኢሲፌ ዳዲያ አናሰሞሳ ጊዳይሳ ቤሶይ ማዲያባ፡ ዋኒዲ ጊኮ፡ ጳውሎስ አናሰሞሳ ጌቲቲያ ባ ኦሳንቸዋባ ፊልሞናሰ ሃራ ከታ ፃፊሰ፡

### ቆላሲያ ከታ ኣይፌ ቆፋታ

- ጌሎ ቆፋ 1:1-8
- ከሪሰቶሳ ካንዲዋኔ ኦሱዋ 1:9-2:19
- ከሪሰቶሳን ዳዲያ ኦራላ ዳዶ 2:20-4:6
- ወርሲላ ሳርሶኔ ኩሻ ቆፋ 4:7-18

- 1 ያሳ ሼኔን ከሪሰቶሲ ዩሱሳ ሃዋሬ ጊዲዳ ጳውሎስኔ ኦ አሻ ግሞተኖሲ፡
- 2 ቆላሲያሳ ካታማን ዳዲያ ከሪሰቶሳን ጌሻታሲኔ አማኔቲዳ ላሳሰ ፃፊ ዜጋ፡
- ያሳ ኦ አዋ፤ ኣጾ ከሃቴላይኔ ሳርቴላይ ሂንቴው ጊደ፡፡

### ጋላታ ዋሳ

- 3 ኦኒ ሂንቴው ዋሲያ ዋዳ ያሳ ኦ ጎዳ፡ ዩሱስ ከሪሰቶሳ አዋ ኡባ ዋዳ ጋላቶሰ፡፡
- 4 ኦኒ ከሪሰቶሰ ዩሱሳን ዳዲያ ሂንቴ አማኑዋኔ ጌሻታ ኡባሰ ዳዲያ ሂንቴ ሰቁዋ ሰዲዳ፡፡
- 5 ሄሳ ሂንቴ ኦሊዳይ ሂንቴ ኡፋይሳይ ሳሎን ሂንቴው ናጌቲዳ ጊሾሳ፡ ሂንቴ ቱማ ከታ ጊዲዳ ዋንጌላ ኮይሮ አማኒዳ ዋዳ ሄ ኡፋይሳ ሰዲዳታ፡፡
- 6 ሂንቴ ሄ ዋንጌላ ሰዲዳ ዋዳይ ያሳ ኣጾ ከሃቴላ ቱማ ሻኪ ኤሪዳ ዋዳ፤ ደሚዲ ሂንቴ ጊደን ሃኒዲዳይሳዳ ቢታ ኡባን ዲጪሼኔ ኣይፊሼ ዳዲያ፡፡
- 7 ሂንቴ ሃሳ ኦሊ ኢሲፌ ከሪሰቶሳሰ ኦሊያ አማኔቲዳ፡ ዶሲቲዳ ኤጳፊራ፤ ታማሪዳታ፡፡
- 8 ኢ ሃሳ ሰላ ጉጂዲ ኣያናይ ሂንቴው አሚዳ ሰቁዋባ ኦሰ ኦዲሰ፡፡
- 9 ሄሳ ጊሾ፡ ኦኒ ሂንቴባ ሰዲዳ ጋሳሳ፤ ደሚዲ፡ ያሳይ ባ ሼኒያ ሂንቴና ቤሳና ሜላኔ፡ ጌሻ ኣያናይ አሚያ ኤራቴላኒኔ ጪንጫቴላ ኡባን ሂንቴና ኩንሳና ሜላ ኡባ ዋዳ ሂንቴው ያሳ ዋሶሰ፡፡
- 10 ሄሳዳካ፡ ጎዳይ ኮዩይሳዳ ሂንቴ ዳና ሜላ፡ ኡባ ዋዳ ኢያ ኡፋይሳና ሜላ፡ ሎዎ ኦሶ ኡባን ሂንቴ ኣይፌ ኣይፋና ሜላኔ ያሳ ኣሌ ኤሪሼ ዲጫና ሜላ ያሳ ዋሶሰ፡፡
- 11 ያሳ ቦንቸ ዋልቃይ ሂንቴ ኡባባ ጌንጫናዳይ ዳንዳናና ዳ ሚናቴላ አሚዲ ሂንቴና ኡፋይሶ፡፡
- 12 ቃሲ ጌሻታ ፖዎ ካዋቴላ ላታና ሜላ ሂንቴና ኦሊዳ አዋ ጋላቲቲ፡፡
- 13 ኢ ኦና ጴማ ዋልቃይ ኣሺዲ ባ ዶሲያ ናባ ካዋቴላኮ ኤሂሰ፡፡
- 14 ኢያን ዋዘቲዲ ኢያ ሱላን ናጋራ ኣቶቴሌ ዳሚዳ፡፡

### ከሪሰቶሳ ጶቃቴላ

- 15 ከሪሰቶሲ ቤንቶና ያሳሰ ቱማ ለሚሶ፡፡ ኢ ሜጴቴላ ኡባፌ ባይራ፡፡

16 ኡባባይ ኢያ ባጋራ ሜዲቲስ። ቤንቲያባቲኔ ቤንቶናባቲ፣ ዋልቃቲኔ ጎዳቲ፣ ሃራይሳቲኔ ማጋ አዋቲ፣ ሳሎኒኔ ሳባን ዳዒያ ኡባባይ ኢያውኔ ኢያ ባጋራ ሜዲቲስ።

17 ኢ ኡባባ፣ ካሴ ዳዒስ። ኡባባይ ኢያን ባ ቤሳን ቤሳን ኦይኬቲዲ ዳዒስ።

18 ኢ ባ ኣሳቴሌ ጊዲዳ ዋሳ ኬላሰ ሁዔ። ኢ ኡባ፣ ቦላ ጊዳናው ሃይቆፔ ዳንዶን ሲንሴኔ ባይራ።

19 ያሳይ ባ ኩሜላ ያሳቴላሪ ኢያን ዳናው ኮዩስ።

20 ቃሲ ማስቃሊያ ቦላ ጉሲዳ ባ ናባ ሱላን ሳርቴሌ ሜዲዲ ሳሎኒኔ ሳባን ዳዒያ ኡባ ኢያ ባጋራ ባራ ሲጌሌስ።

21 ሃይሳፊ ካሴ ሃንቴ ቆፋ ኢጋቲላይ ሃንቴና ያሳፊ ሻኪሲኔ ኢያራ ሞርኬ ኦሌስ፤ ሃንቴ ኦሶይካ ኢጋ።

22 ሺን ሃዒ ከሪስቶሲ ኣሾን ሃይቁዳ ሃይቁዋ ባጋራ ያሳይ ሃንቴና ባራ ሲጌሌዲ፣ ጌሻጋ፣ ቦሬይ ባይናይሳጋኔ ደሎጋ ኦሌስ።

23 ሃንቴ፣ ሃንቴ ኣማኑዋን ቃዖና ማኒዲኔ ፃጲዲ ዳናው ቤሴስ። ሃንቴ ዋንጌላ ቃላ ሲዒዳ ዋዴ ኤኪዳ ኡፋይሳ ማንሌ ኦይኪ። ሃ ዋንጌላይ ሃንቴ ሲዒዳይሳኔ ቤጋ ኡባን ሳባኬቲዳይሳ። ጋ፣ ጳውሎሲካ ሃ ዋንጌላሰ ኦሳንሻ ጊዳስ።

**ጳውሎሳ ሃዋራቴላ ኦሱዋ**

24 ጋኒ ሃንቴ ገሾ ሃዒ ኢኪያ ዋን ኡፋይታይስ። ከሪስቶሲ ኢያ ኣሳቴሌ ጊዲዳ ዋሳ ኬላሰ ኤኪዳ ዋያ ጋኒ ጋ ኣሾዋን ፖሳይስ።

25 ያሳ ቃላ ሃንቴው ፖላዳ ኦዳና ማላ ጋው ኣማቲዳ ማጋን ዋሳ ኬላሰ ኦሳንሻ ጊዳስ።

26 ሃ ቃላይ ካሴ ኣጲዳ ዋዲያን ዩሌቴላ ኡባፊ ጌሚዲ ዳዒስ። ሺን ሃዒ ያሳይ ሃ ፀራ ኣማኒያ ኡባሰ ቆንጨሲስ።

27 ያሳይ ኣይሁዴ ጊዳና ኣሳ ጊዳን ሃ ፀራ ቦንሻ ዱሬቴላ ቆንጨሲስ። ኢካ ቦንሻ ኡፋይሲ ጊዲዳ ሃንቴ ጊዳን ዳዒያ ከሪስቶሳ።

28 ሃሳ ገሾ፣ ኢሲ ኢሲ ኣሲ ከሪስቶሳን ኩሜላ ኣሲ ኦሌዲ ሺሻናው ጨንጫቴላ ኡባን ኣሳ ጋማርሶኒኔ ዘራን ከሪስቶሳባ ሳባኮስ።

29 ያሳይ ባ ጊጋ ዋልቃን ጋናን ኦሌያ ገሾ ሃዒ ጋካናው ኢያ ዋልቃን ባጻጋይሲኔ ዳቡራይስ።

**2**

1 ጋ ሃንቴውኔ ሎዶቂያ ካጋማን ዳዒያ ኣሳሰ፣ ሄሳዳካ ጋና ኣይፊን ቤዒቦና ኣሳ ኡባሰ ኣይ ማላ ባጻጋይኮ ሃንቴ ኤራና ማላ ኮያይስ።

2 ጋ ባጻጋይ ጋሶይካ ኢንጉ ባንጋ ዋዳናን ማኒዲ፣ ሲቆን ቃሽቴዲ፣ ፖሎ ጊዲዳ ኩሜላ ኣኬካ ዱራቴላ ዳሚዲ ያሳ ፀራ ከሪስቶሳ ኤራና ማላሳ።

3 ኢያን ያሳይ ማንጂዳ ኤራይኔ ጨንጫቴላ ኡባይ ዳዒስ።

4 ጋ ሃሳ ኦኒካ ሃንቴና ጨዋ ቃላን ባሌሎና ማላ ኮያዳ ጋይስ።

5 ጋ ሃንቴፊ ሃካዳ ዳዒኮካ ኣያናን ሃንቴና ዳዒይስ። ሃንቴ ዱሳ ማራኔ ከሪስቶሳ ሃንቴ ማኒዲ ኣማኒይሳ ቤዓዳ ኡፋይታይስ።

**ከሪስቶሳን ዳዒያ ኩሜላ ዳዖ**

6 ሃንቴ ጎዳ ከሪስቶሰ ዩሱሳ ኤኪዳይሳዳ ኢያን ዳዒቴ።

7 ኢያን ፃጲ ዩዲቴ፤ ኢያን ከፃጲቴ። ሃንቴ ጋማራዳይሳዳ ኣማኖን ማኒቴ፤ ያሳሰ ኩሚዲ ፓላሂዳ ጋላጋ ኣሚቴ።

8 ከሪስቶሳ፣ ጊዳናሺን ኣሳ ዋጋኒኔ ሃ ኣሳሚያ ጮ ዋጋን ካቲዳ ቲሚርቲያኒኔ ኣሳ፣ ዩዳ ኤራቴላን ኦኒካ ሃንቴና ጨሚ ባሌሌዲ ዱያና ማላ ናጌቴቴ።

9 ያሳ ያሳቴላይ ከሪስቶሳ ኣሳቴላን ኩሜሌ ዳዒስ።

10 ሃንቴካ ማጋሲኔ ዋልቃ ኡባሰ ሁዔ ጊዲያ ከሪስቶሳን ኩሚዳጋ።

11 ሃንቴ ከሪስቶሳ ኣማኒዲ ቃፃሬቲዳ። ሄሲካ ኣሳ ኩሺን ጊዳናሺን ሃንቴና ኢጋ ሃናቴላፊ ዲጊያ ከሪስቶሳን ኦሱቴዳ ቃፃሬቴላ።

12 ሃንቴ ፃማቂቲዳ ዋዴ ከሪስቶሳ፣ ኢሲፊ ሞጌቲዲ፣ ከሪስቶሳ ሃይቆፔ ዳንሌዳ ያሳ ዋልቃ ኣማኒዲ፣ ከሪስቶሳ፣ ኢሲፊ ዳንዲዳ።

13 ሃንቴ፣ ሃንቴ ናጋራ ገሾኒ ሃንቴ ጨጋ ኣሳቴላ ቃፃሬቶና ገሾ ሃይቁዳ ዳዒሺን፣ ያሳይ ሃንቴ ናጋራ ኣቶ ገሰ። ከሪስቶሳ፣ ሃንቴው ኡዎ ኣሚስ።

14 እኔ ኑና ሞቴያኔ ኑራ ኤቁቴያ፡ ኑ ቦላ ዓፌተዳ ኣጩዋ ዳኪዲ ማሰቃሊያ ቦላ ጳሺዲ ኦጌፔ ዲሊሰ።

15 ከሪሰቶሲ ዋልቃታኔ ማታታ ማሰቃሊያን ያኒዲ፡ ኤንታ ኦላ ዳንጩዋ ቢሊሲዲ፡ ዲዔቲዳ ኣሳዳ ኦሊዲ ኤንታ ቆንጩን የሺዲ ቤሲሰ።

16 ሄሳ ጊሾ፡ ሚያባን ዋይኮ ኡያባን፡ ባሌ ጋላሰ ዋይኮ ኣጌጌ ጃዖያ ቃማ ቦንቸን ኦኒካ ሂንቴ ቦላ ፐርዶፎ።

17 ሃይሳቲ ሲንሳፊ ያናው ዳዒያባታስ ኤሾ፡ ሺን ቱማይ ከሪሰቶሳ።

18 ቆዴቴ ቆዋ ኣሽኩቴላጌ ከታንቸ ጎይኖን ጩቁቴያ ኦኒካ ሂንቴና ሂንቴ ዋይቲዋፔ ኣሾፎ። ሄሳ ሜላ ኣሲ ባ ቤዒዳ ቆንጩሳን ናሺቲሼ ባ ኣሾ ቆፋን ጮ ኦቶርቴስ።

19 ሄሳ ሜላ ኣሳሰ ሁዔ ጊዲዳ ከሪሰቶሳራ ጋሂቴላ ባዋ። እኔ ኣሳቴላ ኡባ ሻያጌኔ ኬሶን ኬሶን ጋላ ኦይሊዲ ሙዚዲ ዲቺሰ። ያሳይ ሄሳ ሜላ ኦጌን ኣሳቴላ ኡባን ዲቺ ኤሜስ።

**ኦራሳ ዴያ**

20 ሂንቴ ከሪሰቶሳራ ሃይቁዲ ሃ ኣላሚያ ሃሪያ ኣያናታ ዋልቃፊ ላባ ከዬዴታ። ያቲን፡ ኣይሰ ሻኩቶና ኣሳዳ ጊዲዲ ሃ ዋጋታስ ሃሪቴቲ?

21 ሃ ዋጋቲ፡ «ኦይኮፋ፤ ላጮፋ፤ ቦሾፋ» ጌቴቴይሳታ።

22 ሃ ኡባይ ኣሳ ዋጋኔ ቲሚርቴ ጊዲያ ጊሾ ኦሶ ቦላ ፔባዲፔ ጉዬ ጳያና።

23 ሃ ከታቲ ቦንቸኔ ጨንጫቴላ ዲዲ ቤንታናው ዳንዳያሶና። ሃ ዋጋቲ ያሴ ዳር ደሲሲያባ፡ ኣሽኩኔ ሂንቴ ኣሳቴላ ሃሪሲያባ ዳናሶና፡ ሺን ኑ ኢታ ኣሞቴላ ቦላ ዋልቁ ኤንታው ባዋ።

**3**

**ኦራሳ ዴያ**

1 ሂዛ፡ ሂንቴ ከሪሰቶሳራ ሃይቆፔ ዴንዲዳይሳዳ፡ ያሳፊ ኡሻቻ ባጋን ኡቲዳ ከሪሰቶሲ ዳዒያ ቤሳን፡ ሳሎን ዳዒያባታ ኮዩቴ።

2 ሳሎን ዳዒያባታ ቦላ ሂንቴ ቆፋ ዋሊቴፔ ኣቲን ሳባን ዳዒያባታ ቦላ ዋልፊቴ።

3 ሂንቴ ሃይቆን ሻኩቲዳ ሜላ ሃ ኣላሚያፔ ሻኩቲዳታ። ሂንቴ ዳይይ ከሪሰቶሳራ ኢሲፊ ያሳን ጌሚስ።

4 ሂንቴው ዴያ ጊዲዳ ከሪሰቶሲ ቆንጩያ ዋይ ሄ ዋይ ሂንቴካ ኢያራ ቦንቸን ቆንጩና።

5 ሄሳ ጊሾ፡ ሂንቴናን ዳዒያ ኣላሚ ኣሞታ ዋዲቴ። ሄሳቲካ ላይማቴላ፡ ቱናቴላ፡ ላይማታናው ኣሞቴላ፡ ኤቃ ጎይኖ ሜላ ጊዲዳ ኡዘቴላ።

6 ሃይሳታ ጋሶን ያሳ ሃንቆይ ከቴቶና ኣሳ ቦላ ያና።

7 ሂንቴካ ካሴ ሄ ኢታ ኦጊያን ቢያ ኣሳ ጊደን ዳዒሼ ሃይሳታ ኦሊዳታ።

8 ሃላ ሂንቴ ሃሳታ ኦላፊቴ። ቃሲ ሃንቆ፡ ኢያ፡ ካቺ፡ ዘገርሲኔ ቦርሶ ኦዳ ሂንቴፊ ዲጊት።

9 ጩጋ ኣሳቴላ ኢያ ኦሱዋራ ሂንቴፊ ቃሪዳ ጊሾ ኢሶይ ኢሱዋሰ ዋርዶቶፒቴ።

10 ያሳ ሚጶ ዲያ፡ ኤራቴሳን ላሚቲዳ ኦራሳ ኣሳቴላ ማባቴ።

11 ሃ ኦራሳ ሚጶቴሳን፡ ገሪኬ ኣሲ ዋይኮ ኣይሁዳ ኣሲ፡ ቃዓሬቲዳይ ዋይኮ ቃዓሬቶናይ፡ ባርባሬ ኣሲ \* ዋይኮ ኣሰኩቴ ኣሲ † ኣይሌይ ዋይኮ ዋማናይ ባዋ። ከሪሰቶሲ ኡባ፤ ኢ ኡባን ዳዒስ።

12 ሄሳ ጊሾ፡ ያሳን ደራቲዳ ኣሳዳ ጌሻታኔ ደሲቲዳይሳታ ጊዲዲ፡ ማርቴላ፡ ከሃቴላ፡ ኣሽኩቴላኔ ዳንዳባ ማባቴ።

13 ኢሶይ ኢሱዋ ዳንዳባቴ። ኦኒካ ባ ላጊያን ቆሃቲዳባይ ዳዒኮ ኢያው ኣቶ ጎ። ጎዳይ ሂንቴው ኣቶ ጊዳይሳዳ ሂንቴካ ዋሊስ ኣቶ ጊቴ።

14 ሄ ኡባ ቦላ ኡባባ ኢሲፊ ሺሺዲ ቃቺያ ሲቆ ማባቴ።

15 ያሳይ ሂንቴና ኢሲ ኣሲ ኦሊዲ ጃጊዳይ፡ ሳርቴሳሰ ጊዲያ ጊሾ ከሪሰቶሳ ሳርቴሳይ ሂንቴ ዋዛና ሃር።

16 ከሪሰቶሳ ቃላይ ሂንቴ ዋዛናን ኩሚዲ ዴያ። ጨንጫቴላ ኡባን ኢሶይ ኢሱዋ ታማርሲቴኔ ዘሪቴ። ማዘሙሬን፡ ሳባጌኔ ኣያና ዩሳን ያሳ ዋዛናፔ ጋላቴሼ ዩዲቴ።

17 ያሳ ኣዋ ዩሱሳ ባጋራ ጋላቴሼ ሂንቴ ኦዴቲያባ ዋይኮ ኦሊያባ ኡባ ጎዳ ዩሱሳ ሱንሳን ኦሊቴ።

**ኣማኒያ ኣሳ ዲሳ**

18 ማቺቶ፡ ኣማኒያ ኣሳሰ ቤሲያባ ጊዲያ ጊሾ ሂንቴ ኣዘናታስ ሃሪቴቲ።

2:14 ኤፌ 2:15 2:16 ሮሜ 14:1-6 2:19 ኤፌ 4:16 3:1 ማዘ 110:1 3:9 ኤፌ 4:22 3:10 ሜጴ 1:26፤ ኤፌ 4:24 \* 3:11 ባርባሬ ኣሲ፡ ጉሳይ ታማሪቦና ዋይኮ ኤርና ዋይኮ ዩሊቲዳ ሜላ ሲባ ጊዲ ዳዒያ ኣሲ ጉሱ። † 3:11 ኣሰኩቴ ኣሲ፡ ጉሳይ ዋዛና ሚና ኣሲ ዋይኮ ዋዛና ኢታ ኣሲ ጉሱ። 3:12 ኤፌ 4:2 3:13 ኤፌ 4:32 3:16 ኤፌ 5:19-20 3:18 ኤፌ 5:22፤ 1ዳጂ 3:1

- 19 እዘናቶ፣ ሂንቴ ማቼታ ሰቂቲ፤ እንታው ኢቶፒቲ።
- 20 ናይቶ፣ ሂንቴና ዩሊዳይሳታሰ ኡባባን ከቴቲቲ፤ ሂሲ ጎዳ ኡፋይሲያባ።
- 21 አዋቶ፣ ሂንቴ ናይቲ ኡፋይሲ ቃንጾና ሜላ እንታ ጫሜላፊቲ።
- 22 አይሌቶ፣ ሳባን ሂንቴው ጎዳ ገዲዳይሳታሰ ኡባባን ከቴቲቲ። ጎዳ ቦንቺሼ ሱሬ ዋዛናፔ ከቴቲዲ እንታ ኡፋይሲቲፔ ኣቲን ኣሲ ቤያ ገዲ ኦላፊቲ።
- 23 ሂንቴ ኦሊያ ኦሶ ኡባ ኣሳሰ ገደናሽን ጎዳሰ ኦሊያ ሜላ ዋዛናፔ ኦሊቲ።
- 24 ጎዳፔ ላታ ዋይቶ ኦሊዲ ሂንቴ ኤኬይሳ ኤሪቲ፤ ሂንቴ ጎዳ ከሪሰቶሳ ሃጋዜታ።
- 25 ያሳይ ኣሳ ሶዎፆ ቤዒዲ ፒርዶና ገሾ ኦኒካ ኢታ ኦሶ ኡሴቦ ባ ኢታ ኦሶዋ ገሾ ዛር ኤካና።

### 4

- 1 ጎዳቶ፣ ሂንቴወካ ቃሲ ሳሎን ጎዳይ ዴዔይሳ ኤሪዲ፣ ሂንቴ ኣይሌታሰ ጂሎቴላኒ ኢሱዋ ኢሱዋፊ ሻኮና ኮሺያባ ኦሊቲ።
- 2 ያሳ ባርኪዲ ጋላቲሽ ቃንጾና ዋሲቲ።
- 3 ያሳይ ባ ቃላሰ ፔንጌ ዶና ሜላኔ ታኒ ሄሳ ጋሶን ቃሾን ዴዔያ ከሪሰቶሳ ፀራ ኣዋጅና ሜላ ኦሰካ ዋሲቲ።
- 4 ቃሲ ታካ ቤሴይሳዳ ቃላ ቆንጪሳዳ ኦዳና ሜላ ታው ያሳ ዋሲቲ።
- 5 ኢንጅቲያ ዋይ ኡባ ጎዳቲሽ ኣማናና ኣሳ ማታን ጪንጫቴላን ዴዒቲ።
- 6 ሂንቴ ኣሳ ኡባሰ ኮሺያ ዛር ኣዎ ኤሪና ሜላ ሂንቴ ኦዳይ ኡባ ዋይ ኣጾ ኬሃቴላን ኩሚዳይሳኔ ማዒዳ ማልዳያባ ገደናው ቤሴሰ።

#### ወርሴላ ሳርታ

- 7 ኑ ሲቆ ኢሻይ ቲከቆሲ፣ ታራ ኢሲፊ ጎዳ ኦሶዋን ኣይሌ ገዲዲ፣ ኣማኔቲያ ኦሳንቾይ፣ ታ ዴዐዋባ ሂንቴው ኦዳና።
- 8 ታኒ ኢያ ሂንቴኮ ከቲዳይ፣ ኑ ዋኒዲ ዴዔያኮ ሂንቴው ኦዳይ ሂንቴና ሚንጤላና ሜላሳ።
- 9 ኣናሰሞሲ፣ ኣማኔቲያ ሲቆ ኢሻይ፣ ሂንቴ ባጋይ፣ ኢያራ ሂንቴኮ ቤሰ። ኤንቲ ሃይሳን ሃኒያባ ኡባ ሂንቴው ኦዳና።
- 10 ታራ ቃሽቲዳ ኣሪሰጂርኮሲኔ ባርናባሳ ኢሻ ናዓይ ማርቆሲ፣ ሂንቴና ሳር ያጎሶና። ታ ሂንቴው ካሴ ኦዳይሳዳ ማርቆሲ ሂንቴኮ ቢኮ ኢያ ሞከቲ።
- 11 ዩሱሳ ገያ ያሰያሲ ሂንቴና ሳር ሳር ያጌሰ። ያሳ ካዎቴላ ገሾ ታራ ኦሊያ ኣሳታ ገደፊ ኣይሁዳ ገዲዳይሳቲ ሃ ሄጃታ፤ ኤንቲ ታና ዳር ሚንጤላዶሶና።
- 12 ሂንቴ ባጋይ፣ ከሪሰቶሰ ዩሱሳ ኣይሌይ፣ ኤጳፊሪ ሂንቴና ሳር ሳር ያጌሰ። ኢ ሂንቴ ያሳ ሲጎሳን ሚዲ ኤቃናዳኔ ያሳ ሼኒያ ኤሪዲ ፖላና ሜላ ኡባ ዋይ ያሳ ሂንቴ ገሾ ዋሲሰ።
- 13 ኢ ሂንቴ ገሾኔ ሎዶቂያኒኔ ሂራፖሊሳ ካታማን ዴዔያ ኣሳ ገሾ ዳር ዳኮሪዳይሳ ታ ማርካታይሰ።
- 14 ኑ ሲቆ ኢሻይ ዶቶሬይ ሉቃሲኔ ዴማሲ፣ ሂንቴና ሳር ሳር ያጎሶና።
- 15 ሎዶቂያን ዴዔያ ኑ ኢሻታሰ፣ ኒምፋሲኔ ኢ ኬላን ሽቂያ ኣሳሰ ኑ ሳርሱዋ ኦዲቲ።
- 16 ሃ ዳብዳቢያ ሂንቴ ናባቢዳፔ ጉዬ፣ ሎዶቂያ ዋሳ ኬላን ናባቢሲቲ። ሂንቴካ ሎዶቂያ ዋሳ ከላይ ሂንቴው ዩዲያ ዳብዳቢያ ናባቢቲ።
- 17 ቃሲ ኣርከጳሳ፣ «ጎዳይ ነው እሚዳ ኦሶዋ ፖላናይሳ ዶጎፓ» ያገዲ ቆፊሲቲ።
- 18 ታኒ፣ ጳወሎሲ፣ ሃ ሳርሱዋ ታ ኩሼን ያፋሰ። ታ ቃሹዋ ቆፒቲ።
- ያሳ ኣጾ ኬሃቴላይ ሂንቴራ ገደ።

# ጳውሎስ ቲሴሎንቄ አሳስ ግፊዳ ኮይሮ ከታ ጋላ ቆፋ

ቲሴሎንቄይ፣ ሮሜ ቢታን ዳዒያ ማቁደኒያ አውራጃስ ዋና ካታማ። ጳውሎስ ፊልጲሲየሳ ዩዲዲ ቢዳፔ ጉዬ ቲሴሎንቄን ዋሳ ከላ ኤሲስ። ገደሺን፣ አይሁዳታ አማኑዋ ኦካናው ጊኔቲዲ ኡቲዳ አይሁዳ ጊዳና አሳይ፣ ጳውሎስ ታማርሲያ፣ ከሪስቲና አማኑ ቲማርቲያን ያኔቲዳ ጊሾ አይሁዳቲ ቃናቲዲ፣ ጳውሎሳ ቲማርቲያ ጳልቂዶሶና። ሄሳ ጊሾ፣ ጳውሎስ ጋምዶናሺን ቲሴሎንቄ ዩዲዲ፣ ቤሪያ ቢስ (1፡9-10)። ጉዬፔ ኢ ቲሴሎንቄ ጋኪዳ ዋዴ ኢያ ማዲያ ደሞቲዮስ ቲሴሎንቄ ዋሳ ከላን ዳዒያ ሃናታ ኢያው ጊሺዲ ኦዲስ።

ጳውሎስ ኮይሮ ከታ ቲሴሎንቄ አሳስ ግፊዳይ፣ አማኒያ አሳ ዞራናሳይ ሚንጤፋናሳ። ኢ ኤንታ አማኑዋይ ኤንታ ሲቁዋ ሎዖ ማርካቴሳ ሲዒዳ ዋዴ ያሳ ጋላቲስ። ካሴ ኢ ኤንታ ጊደን ዳዒዳ ዋዴ አይ ሚላ ዲሱ ዳዒዳቲ ኤንታ ሃሳይሲስ። ሄሳፊ ከሪስቲቶሳ ናምዓንላ ዩሳባ ኦይሺቲዳ ኦይሻስ ዛሮ አሚስ። ሄ ኦይሻታፔ ጉላቲ፣ «ከሪስቲቶሳ ናምዓንላ ያናፔ ሲንጤ ሃይቂዳ አማኒያ አሲ ከሪስቲቶሳ ዩሳይ አሚያ ሚሪና ዴዖ ኤካናው ዳንዳዒ? ከሪስቲቶሳ ናምዓንላ ያናይ አላወ?» ጌቲቲይሳታ። ጳውሎስ ሄ ኢንጃ ዋዲያ ጎዒቲዲ፣ «ከሪስቲቶሳ ናምዓንላ ዩሳ ኡፋይሳን ናጊሼ ኢ ያና ጋካናው ዋፑ ገዲ ሂንቲ ኦሶ ኦላቲ» ያጊዲ ዞሪስ።

## 1 ቲሴሎንቄ ከታ አይፊ ቆፋታ

- ጊሎ ቆፋ 1:1
- ጳውሎሳ ኡፋይሳይ ጋላታ 1:2-3:13
- አማኒያ አሳ ዴዖ ካሌሱዋ 4:1-12
- ከሪስቲቶሳ ናምዓንላ ዩሳባ 4:13-5:11
- ዉርሱላ ዞሬ 5:12-22
- ኩሻ ቆፋ 5:23-28

1 ጳውሎስ ሲላሴይ ኒ ሃሞቲዮስ ቲሴሎንቄ ዋሳ ከላን ዳዒያ፣ ያሳ አዋባይ ጎዳ ዩሱስ ከሪስቲቶሳባ ጊዲዳ አሳስ ግፊዳ ከታ።

አጽ ከሃቴላይ ካርይ ሂንቲው ገደ።

ቲሴሎንቄ አሳ ዳዒው አማኑዋ

- 2 ኑይ ያሳ ዋሲያ ዋዴ ኡባን ሂንቲና ቆፒሼ ሂንቲ ጊሾ ኡባ ዋዴ ያሳ ጋላቶስ።
- 3 ያሳ ኑ አዋ ሲጎሳን አማኖን ሂንቲ ኦላዲ ኦሱዋ፣ ሲቆን ሂንቲ ዳሱሪራዲ ዳሱሪኔ ዩሱስ ከሪስቲቶሳን ዳዒያ ኡፋይሳ ኤካናው ሂንቲ ሚኒዲ ኤቂዳ ኤቁዋ ኡባ ዋዴ ቆፖስ።
- 4 ኑ አሻቶ፣ ያሳይ ሂንቲና ዶሴይሳይ ባ አሴ ኦላዲ ሂንቲና ዶሪዳይሳ ኤርስ።
- 5 አይስ ገኮ፣ ኑይ ዋንጌላ ደና ሃላላን ጊደናሺን ዋልቃን፣ ጊሻ አያናኒይ ዋንጌላ ቲሞ አማኖን ሂንቲው ኤሂዳ። ኑይ ሂንቲራ ጋምዒዳ ዋዴ ኡባን ሂንቲ ጊሾ ዋኒዲ ዳዒዳቲ ሂንቲ ኤሬታ።
- 6 ሂንቲ ዳር ማቶ ኤኪኮካ ጊሻ አያናይ አሚያ ኡፋይሳን ከታ ኤኪዴታ፤ ኮናይ ጎዳ ዳኒዴታ።
- 7 ሄሳ ጊሾ፣ ማቁደኒያይ ኦካያ ቢታን ዳዒያ አማኒያ ኡባስ ለሚሶ ጊዲዴታ።
- 8 ጎዳ ቃላይ ሂንቲፊ ከዩዲ፣ ማቁደኒያይ ኦካያ ሃላላን ጊደናሺን ያሳ ሂንቲ አማኔይሲ ኡባሶን ሲዒቲስ። ሂዛ፣ ኑይ ጋናባይ አይኮይካ ባዋ።
- 9 ኑይ ሂንቲኮ ቢዳ ዋዴ ሂንቲ ኮና ሞኪዳ ሞኩዋይ ሂንቲ፣ ሂንቲ ኤቃ አገዲ ቲሞይ ዴዖ ያሳ ሃጋዛናው ሂንቲ ሲሚዳይሳ ኤንቲ ባንታ ሁዒን ኦዲሶና።
- 10 ቃሲ ያሳ ናርዴ፣ ዩሱሲ፣ ያሳይ ሃይቆፔ ዴንላዲይሲ፣ ሲጎላፊ ያና ያሳ ሃንቁዋፊ ኮና ኦሻናይሲ፣ ሳሎፔ ናናይሳ ሂንቲ ናጌይሳ ኤንቲ ማርካቶሶና።

## 2

ጳውሎስ ቲሴሎንቄን ኦላዲ ኦሱዋ

- 1 ታ አሻቶ፣ ኑይ ሂንቲኮ ቢዳይ ሚላ ጊደናይሳ ሂንቲ፣ ሂንቲ ሁዒን ኤሬታ።
- 2 ሺን ኑይ ሂንቲኮ ቲሴሎንቄ ያናፔ ሲንጤ ፊልጲሲየሳ ካታማን ዋዩቲዳይሳይ ጫዬቲዳይሳ ሂንቲ ኤሬታ። ዳር ኢይይ ዳዒኮካ ሂንቲው ኢያ ዋንጌላ ኦዳና ሚላ ያሳይ ኑስ ሚናቴላ አሚስ።
- 3 ኑይ ሂንቲና ዞሪዳይ ባሌሶን ዋይኮ ጩሞን ዋይኮ ጌንጌ ጊዳና።



- 4 ሸን ያሳይ ኑናን እማኔቲዲ ባ ዋንጌላ ኦዳና ማላ ኑስ ሃዳራ አሚዳ ጊሾ ኦደስ። ኑ ሃሳ ኦሌይ ኑ ዋዛና ቤዲያ ያሳ ኡፋይሳናሳፊ አቲን እሴ ኡፋይሳናሳ ገደና።
- 5 ኑ ማሼ ያራዲ ዋርዶ ሂንቴና ሳቢሽ ሂንቴኮ ዮናይሳ ሎይሌዲ ኤሬታ፤ ያሳይ ኑስ ማርካ።
- 6 ኑኒ ሂንቴሬ ገደን ዋይኮ ሃራ እሳ ኦዳሬካ ቦንቾ ኮዩቦኮ።
- 7 ኑኒ ከሪስቶሳ ሃዋሪ ገደይሳዳ ኑስ ኮሺያባ አሚቴ ገዲ ኤካናው ዳንዳዎስ። ሸን አያ ባ ናይታ ዲቼይሳ ማላ ሂንቴ ገደን አሸኪ ገዲዳ።
- 8 ኑ ሂንቴና ደሲዳ ጊሾ ያሳ ዋንጌላ ሂንቴው ሻኮ ያላላ ገደናሸን ኑ ዳዑዋካ ሂንቴው አማናው ገገዳ። ሂንቴ ኑስ ዳሮ አልዎ።
- 9 ኑ አሻቶ፣ ኑ ኦሱዋኔ ኑ ዳቡራ ኤሬታ። ሂንቴው ያሳ ዋንጌላ ኦዲሼ፣ ሂንቴና ዋይሶና ማላ ቃማኔ ጋላስ ኦሌዳ።
- 10 ኑ ዳዎይ ሂንቴ አማኔይሳታ ማታኒኔ ያሳ ሲንላን ገሺ፣ ዲሎኔ ቦሬቶናይሳ ገደይሳስ ሂንቴ ማርካ።
- 11 ኑኒ ሂንቴው ሁዔን ሁዔን ዬሊዳይሳቲ ባንታ ናይታስ ሃኔይሳዳ ሃኒዳይሳ ኤሬታ።
- 12 ኑ ሂንቴና ዘራዳ፣ ማንሌሌዳ። ቃሲ ባ ካዎቴላኔ ባ ቦንቹዋ ሻካናው ሂንቴና ያይያ ያሳ ኡፋይሲያ ዳዎ ሂንቴ ዳና ማላ ሂንቴው ማንሌዲ ኦዲዳ።
- 13 ሂንቴው ኑኒ ያሳ ቃላ ኦዲዳ ዋይ አሳ ቃላዳ ገደናሸን ያሳ ቃላዳ ሲዲዲ ኤኪዳ ጊሾ ኑኒ ኡባ ዋይ ያሳ ጋላቶስ። ኢ ተማ ያሳ ቃላ፤ ያሳ ቃላይ አማኒያ ሂንቴናን ኦሌስ።
- 14 ታ አሻቶ፣ ሂንቴ ዩሁዳ ቢታን ዴዲያ ዋሳ ከላታኔ ያን ከሪስቶስ ዬሱሳ ካሊያ አሳታዳ ሃኒዳታ። ኤንታ አይሁዳቲ ዋይሲዳይሳዳ ሂንቴናካ ሂንቴ ቢታ አሳይ ዋይሲዳዳና።
- 15 ሂ አይሁዳቲ ጎዳ ዬሱሳኔ ናቤታ ዋዲዳዳና፤ ቃሲ ኑና ጎዲዳዳና። ኤንቲ ያሳ ኡፋይሶናይሳታኔ አሴ ኡባ ኢጃይሳታ።
- 16 ኤንቲ ሃሪ አቶሸን፣ አይሁዳ ገደና አሳይ አታና ማላ ኑኒ ኤንታው ቃላ ኦዲይሳ ዲጎሶና። ሂሳዳ ሃኒዲ ኤንታ ናጋራ ፀዓይ ኩማና ጋካናው ኡባ ዋይ ናጋራ ኦሶሶና። ወርሴላን፣ ያሳ ሃንቆይ ኤንታ ቦላ ዋዲስ።

**ጳውሎስ ቲሴሎንቄ አሳ ዛሪ ቤዓናው አሞቲስ**

- 17 ሸን ኑ አሻቶ፣ ኑኒ ኑ ቆፋን ገደናሸን አሸን ሂንቴሬ ሻኪቲዲ ጉላ ዋይ ጋምዲዳይሳን ሂንቴና ዳሮ ለሞቲዲ ቤዓናው ኮዩዳ።
- 18 ኑ ሲማ ሂንቴኮ ባናው ኮዩዳ። ታኒ ታ ሁዔን ሂንቴኮ ባናው ኮያስ፣ ሸን ያላሂይ ኑና ዲገስ።
- 19 ሃዛ፣ ኑ ጎዳ ዬሱስ ከሪስቶሲ ያ ዋይ ኑ ኡፋይሳይ ዋይኮ ኑ ጨቄቴኑ ኑ ካላቻይ ኦኔ? ሂንቴና ገደኪቲዬ?
- 20 ቱማ ሂንቴ ኑ ቦንቾኔ ኑ ኡፋይሲ።

**3**

- 1 ሃሳ ጊሾ፣ ኑስ ገንጫናው ዳንዳዔቶና ኢዳን፣ አቴና ካታማን ኑርካ አታናው ቆፋ ቃቺዳ።
- 2 ሂንቴና ዘራናዳኔ አማኖን ሂንቴና ማንሌላናዳ ኑራ ኢሲሬ ያሳስ ኦሌይሳኔ ከሪስቶሳ ዋንጌላ ኦዲያ ኑ አሻ ያሞቲዮሳ ሂንቴኮ ከቲዳ።
- 3 ሂንቴና ጋኪዳ ጎዳን ሂንቴሬ ኦኒካ ጉዬ ሲሞሮ። ሂ ጎዳይ ኑስ ያሳ ሼኔ ገደይሳ ሂንቴ፣ ሂንቴ ሁዔን ኤሬታ።
- 4 ኑ ሂንቴራ ዳዲያ ዋይ ጎዲ ጋካናይሳ ሂንቴው ኮይሮቲዲ ኦዲዳ። ሂንቴ ኤሬይሳ ማላ ሃሳዳ ሃኒስ።
- 5 ሃሳ ጊሾ፣ ታው ገንጫናው ዳንዳዔቶና ኢዳን፣ «ኦኒ ኤሪ ያላሂይ ኤንታ ፓጩዲ ኑ ዳቡራ ማላ አሾና አገና» ጋዳ ሂንቴ አማኑዋባ ኤራናው ያሞቲዮሳ ሂንቴኮ ከታስ።
- 6 ሃዲ ያሞቲዮሲ ሂንቴ ማታፒ ዩዲ፣ ሂንቴ አማኑዋባኔ ሂንቴ ሲቁዋባ ሎዎ ዋሪ ኦዲስ። ቃሲ ሂንቴ ኡባ ዋይ ኑስ ሎዎ ቆፔይሳኔ ኑኒ ሂንቴና ቤዓናው ለሞቲይሳዳ ሂንቴካ ኑና ቤዓናው ለሞቲይሳ ኢ ኑስ ኦዲስ።
- 7 ታ አሻቶ፣ ኑና ጋኪያ ዋያኒኔ ኑ ሜቶ ኡባን ሂንቴ አማኑዋ ጊሾ ሂንቴናን ማኔቲዳ።
- 8 ሂንቴ ጎዳን ማኒዲ ዳዲኮ ኑካ ዳዎን ዳዎስ።
- 9 ሃዛ፣ ኑኒ ሂንቴ ጋሶን ዳሚዳ ኡፋይሳስ ያሳ ዋቲ ጋላቲና?
- 10 ኑኒ ሂንቴና ቤዓናውኔ ሂንቴ አማኑዋን ፓጩዳባ ኩንላናው ቃማኔ ጋላስ ኑ ኩሜላ ዋዛናን ያሳ ዋሶስ።
- 11 ያሳይ ኑ አዋይ ባ ሁዔኒኔ ኑ ጎዳይ ዬሱስ ከሪስቶሲ ኑ ሂንቴኮ ባና ኦጊያ ገሺሶ።

12 ኑ ሂንቴና ዳሮ ደሴይሳዳ ጎዳይ ሂንቴ ኢሶይ ኢሱዋ ሰቂዋ ሲቆኔ ኣሲ ኡባ ሲቂያ ሲቆ ሂንቴው ዳርሶኒ ጉጃ።  
 13 ኑ ጎዳይ ዬሱስ ከሪስቶሲ ባ ጌሻታራ ያ ዋዴ ያሳ፣ ኑ ኣዋ ሲንጎን ሂንቴ ዋዛናይ ጌሺኔ ቦሬይ ባይናይሳ ኦሊዲ ኢ ሂንቴና ሚንጮላና።

### 4

#### የሳ ኡፋይሲያ ዴያ

1 ወርሲላን፣ ታ ኢሻቶ፣ ያሳ ኡፋይሳናው ሂንቴ ዋኒዲ ዳናው ቤሲያኮ ኑፔ ታማሪዴታ። ሄሲ ሂንቴ ኮይሮፔ ዴዲዳ ዴዐዋ፣ ሸን ሃዲ ሂንቴ ካሴይሳሬ ኣሊዲ ኦላናዳ ጎዳ ዬሱሳ ሱንጎን ሂንቴና ዋሶሲኔ ዘርስ።  
 2 ኑኒ ጎዳ ዬሱሳ ማታን ሂንቴና ከቲዳ ከታይ ኣወሲኮ ኤሬታ።  
 3 ያሳይ፣ ሂንቴ ጌሺ ገዳና ሜላኔ ላይማቶና ሜላ ኮዬስ።  
 4 ሂንቴ ኢሶይ ኢሶይ፣ ሂንቴ ማቸታራ ጌሻቴላኒኔ ቦንቸን ዳናው ቤሲስ።  
 5 ያሳ ኤሮናኔ ኣማኖና ኣሳዳ ላይማቴላ ኣሞን ፀ-ጌቶሬቴ።  
 6 ኑ ካሴ ሂንቴው ኡዲዳይሳዳ ሚንሳ ዘራዳይሳዳ ጎዳይ ሄሳ ሚላባ ኣሊያ ኡባ ፐርዲያ ጊሾ ኦኒካ ሃይሳታን ባ ኣማኒያ ኢሻ ርናባውኔ ጨማናው ቤሲና።  
 7 ያሳይ ኑኒ ጌሸቴላን ዳና ሚላፔ ኣቲን ቱናቴላን ዳና ሚላ ያገሊቤና።  
 8 ሄሳ ጊሾ፣ ሃ ቲሚርቲያ ኢዲያ ኦኒካ ሂንቴው ጌሻ ኣያና ኢሚያ ያሳ ኢዳስፔ ኣቲን ኣሲ ገዴና።  
 9 ሂንቴ ኢሶይ ኢሱዋ ዋቲ ሲቃኔኮ ያሳይ ሂንቴና ታማርሲዳ ጊሾ ሃዲ ሲቆባ ኑ ሀንቴው ያፋናው ኮሺና።  
 10 ቃሲ ማቂዲያ ቢታን ዴዲያ ኣማኒያ ኢሻታ ኡባ ቱማ ሂንቴ ደሴታ። ሸን ኑ ኢሻቶ፣ ሃዲካ ሂንቴ ኤንታ ኣሊ ደሳና ሚላ ሂንቴና ዋሶስ።  
 11 ኑኒ ካሴ ሂንቴው ኡዲዳይሳዳ ዋፑ ገዳ ዴዐዋ ዴዲቴ። ሂንቴ፣ ሂንቴ ኦሶ ኣሊዲ ሂንቴው ዴሳስ ኮሺያባ ዴሚቴ።  
 12 ሄሳዳ ሃኒኮ፣ ኣማናናይሳታ ማታን ሂንቴ ቦንቸታና፤ ቃሲ ሂንቴና ኮሺያባሰ ኦናካ ኣዳሺኬታ።

#### ጎዳ የሳባ

13 ኑ ኢሻቶ፣ ኣማኒዲ ሃይቂዳ ኣሳቲ ሃናናባ ሂንቴ ኤራና ሚላ ኮዮስ። ሂንቴ ኤንታ ጊሾ ኡፋይሲ ባይና ኣሳዳ ካዮቶሬቴ።  
 14 ኑኒ፣ ዬሱሲ ሃይቂዳይሳኔ ቃሲ ሃይቆፔ ዴንዲዳይሳ ኣማኖስ። ሄሳዳካ፣ ያሳይ ዬሱሳ ኣማኒዲ ሃይቂዳይሳታ ኢያራ ዋላ ኤሃናይሳ ኣማኖስ።  
 15 ጎዳይ ኑስ ኡዲዳይሳዳ ጎዳይ ያ ጋላስ ኢያራ ጋሄታናው ኑኒ ፓፃ ዴዲይሳቲ፣ ሃይቂዳይሳታፔ ሲንጎቶኮ።  
 16 ጎዳይ ዋልቃማ ከታራ፣ ከታንቸታ ሃላቃ ገርሳሬ፣ ያሳ ዋይዜ ፑሮሬ፣ ሳሎፔ ዋቆና። ከሪስቶሳ ኣማኒዲ ሃይቂዳይሳቲ ኮይሮፔዲ ሃይቆፔ ዴንዳና።  
 17 ሄሳሬ ጉዬ፣ ሃ ዋዴ ኑኒ ፓፃ ዴዲይሳቲ፣ ጎዳራ ሻራን ጋሄታናው ኤንታራ ኢሲሬ ሳሎ ኤኬታና። ሄሳሬ ጉዬ፣ ኑኒ ጎዳራ ኢሲሬ ሜሪናው ዳና።  
 18 ሄሳ ጊሾ፣ ሃ ቃላን ኢሶይ ኢሱዋ ሚንጮሊቴ።

### 5

#### ጎዳ የሳ ገሊዲ ናገቴ

1 ታ ኢሻቶ፣ ሃ ሃናቲ ሃናና ዋዲያኔ ኣገና ሂንቴው ያፋናው ኮሺና።  
 2 ጎዳ ጋላሳይ ካይሶይ ቃማ ዬይሳዳ ያናይሳ ሂንቴ ሎይሊ ኤሬታ።  
 3 ኣሳይ፣ «ሳዲ ሳር፣ ኣይኮይካ ሃኔና» ያገሸን፣ ማጫሲ ኢቁላ ኦይኬይሳዳ ቆዮይ ኤንቴ ቆፖና ኤንታ ቦላ ያና። ኤንቴ ኣይ ኦኒንካ ከሲ ኤኮኮና።  
 4 ሸን ኑ ኢሻቶ፣ ሃ ጋላሳይ ሂንቴው ካይሶይ ዬይሳዳ ያናው ሂንቴ ቆማን ዴዲኬታ።  
 5 ሂንቴ ኡባይ ፖዮ ኣሲኔ ጋላሳን ዴዲያ ኣሲ፤ ኑኒ ቃማ ኣሲ ዋይኮ ቆማ ኣሲ ገዴኮ።  
 6 ሃሳ ጊሾ፣ ኑኒ ሃዋቴ ቆሰኬይሳዳ ቆሰካናው ቤሲና፤ ኑኒ ባርካንጫኔ ገሊዲ ዳናው ቤሲስ።  
 7 ቆሰኬይሳቲ ቃማ ቆሰኮሶና፤ ማላቴይሳቲ ቃማ ማላቶሶና።  
 8 ሸን ኑኒ ጋላሳ ኣሲ ገዲያ ጊሾ ገሊዲ ዳናው ቤሲስ። ኣማኖኔ ሲቆ ፀሩሬዳ ቲራን ማዲዲ፣ ኣቶቴላ ኡፋይሳ ሁዔን ዋሊያ ኦላ ቢራታ ባርኔፃዳ ዋሊዲ ዳናው ቤሲስ።

9 ያሳይ ኑና ኑ ጎዳ ዬሱስ ከሪስቶሳ ባጋራ ኩሜላ አቶቴሌ ኤካና ሜላ ደሪሰፔ ኣቲን ሃንቆስ ደሪቤና።

10 ኑኒ ፓፃ ዳዒን ዎይኮ ሃይቁን፣ ከሪስቶሳ ያ ዎዴ ኢያራ ኢሲፌ ዳና ሜላ ከሪስቶሳ ኑ ጊሾ ሃይቁሽ።

11 ሃሳ ጊሾ፣ ሃንቴ ካሴ ኦፊይሳዳ፣ ኢሶይ ኢሱዋ ሚንፊሊቴኔ ዲቺቴ።

**ጠርሴላ ዘሬኔ ሳርታ**

12 ኑ ኢሻቶ፣ ሃንቴ ጊደን ኦፊይሳታ፣ ሃንቴና ካሌላና ሜላኔ ዘራና ሜላ ጎዳይ ደሪዳይሳታ ቦንቻና ሜላ ሃንቴና ዎሶስ።

13 ኢንቲ ኦሊያ ኦሱዋ ጊሾ ኤንታ ዳር ቦንቺቴኔ ሰቂቴ። ኢሶይ ኢሱዋራ ሳርቴላን ዳዒቴ።

14 ኑ ኢሻቶ፣ ኑኒ ሃንቴና ዘርሰ። ቦዛታ ሃንቁቴ፤ ባቤይሳታ ሚንፊሊቴ፤ ዳቡራንቸታ ማዲቴ፤ አሴ ኡባ ዳንዳዒቴ።

15 ኦኒካ ኢታ ጊሾ ኢታ ዛርና ሜላ ናጌቴቴ። ሃንቴ ዎሊሲኔ አሳ ኡባሰ ሎዎባ ኦላናው ሚኒቴ።

16 ኡባ ዎዴ ኡፋይቲቴ።

17 ኡባ ዎዴ ያሳ ዎሲቴ።

18 ኡባባን ጋላቲቴ። ከሪስቶሳ ዬሱሳ ባጋራ ያሳይ ሃንቴፌ ኮዬይ ሄሳ።

19 ጊሻ ኣያና ኦሱዋ ቶይሶፕቴ።

20 ቲንቢቴ ቃላ ካቶፕቴ።

21 ኡባባ ፓፊጊቴ፤ ሎዎባ ኤከቴ።

22 ኢታ ኦሶ ኡባፌ ሃኪቴ።

23 ሳር አሚያ ያሳይ ባ ሁዒን ሃንቴና ፖሎ ጌሾ። ኑ ጎዳይ ዬሱስ ከሪስቶሳ ያና ጋላሳስ፣ ያሳይ ሃንቴ ኣያና፣ ሃንቴ ሸምፑዋኔ ሃንቴ ኩሜላ አሳቴላ ቦሬይ ባይና ናጎ።

24 ሃንቴና ጃጌይሲ አማኔቴዳይሳ ጊዲያ ጊሾ ሄሳ ኢ ፖላና።

25 ኑ ኢሻቶ፣ ኑስ ያሳ ዎሲቴ።

26 አማኒያ አሳ ኡባ ጊሻ ዬራቴላን ሳርሊቴ።

27 ሃንቴ ሃ ከታ አማኒያ አሳ ኡባሰ ናባባናዳ ጎዳ ሱንላን ሃንቴና ዎሳይሰ።

28 ኑ ጎዳ ዬሱስ ከሪስቶሳ አቶ ኬሃቴላይ ሃንቴራ ኢሲፌ ጊደ። አሚንዒ።

### ጳውሎስ ቴሴሎንቱ አሳስ ፃፊዳ ናምዓንሉ ኪታ ጋሳ ቆፋ

ከሪስቶስ ናምዓንሉ የሳ ቦላ ዳንዲዳ እይሾይ ፓላማ ሜጂሼ ቢዳ ገሾ ቴሴሎንቱ ዋሳ ኬላን ማቶይ ዳሪ ዳሪ ቢስ። ጳውሎስ ቴሴሎንቱ አሳስ ፃፊዳ ናምዓንሉ ኪታይ። «ጎዳ የሳ ጋላሳይ ማተስ» ያገያ አማኖ ቲሚርቲያ ቦላ ሚንሊዲ ኦዴስ። ጳውሎስ ኦዲሼ። ከሪስቶስ ያናፕ ስንሎ። «ጌላ ኡራ» ጌቴቲያ ከሪስቶስ አዲይሳ ካሌሱዋን ሃ አላሚያ ቦላ ኢታቴሌኔ ጌላቴሌ ዳሪሼ ባና ያገዲ ኤንታ አማኑዋ ሱሪሱስ።

ሃዋሬይ። ማቶይስ ዋዬይ ዳሪኮካ ኤንቲ ባንታ አማኑዋን ሚናናዳ እኔ ኢያራ ኢሲፌ ዳዔይሳቲ ኦሌይሳዳ። ኤንቲ ባንታ ዲሳስ ኮሺያባ ዳማናው ሚኒዲ ኦላና ማላ ቃሲ ሎዖ ኦሶ ኦላናው ጉዬ ጎና ማላ ኤንታ ሚንሊዲ ዞሪስ።

#### 2 ቴሴሎንቱ ኪታ ኦይፌ ቆፋታ

ጌሎ ቆፋ 1:1-2

ጋላታኔ ዋሳ 1:3-12

ከሪስቶስ ናምዓንሉ የሳባ አሜቲዳ ቲሚርቲ 2:1-17

አማኖ ዲሳ ዋጋ ቦላ አሜቲዳ ዞሪ 3:1-15

ኩሻ ቆፋኔ ሳርሶ 3:16-18

1 ጳውሎስ። ሲላሲይኔ ጊሞቲዮሲ ቴሴሎንቱ ዋሳ ኬላን ዳዔያ። የሳ አዋባኔ ጎዳ ዬሱስ ከሪስቶስባባ ገዲዳ አሳስ ፃፊዳ ኪታ።

2 ያሳ ኑ አዋፔኔ ጎዳ ዬሱስ ከሪስቶስባፔ ኦቶ ከሃቴላይኔ ሳርቴላይ ሂንቴው ገደ።

ከሪስቶስ ያ ዋዴ ሃናና ፐርዳ

3 ኑ አሻቶ። ሂንቴ አማኖይኔ ሂንቴ ኢሶይ ኢሱዋኔ ሃራታ ሲቄያ ሲቆይ ዳር ዲጨያ ገሾ ኑኒ ሃሳስ ያሳ ኡባ ዋዴ ጋላታናው ቤሱስ።

4 ሂንቴና ጋኪዳ ጎዳኒኔ ዋዬ ኡባን ገንጫኒኔ አማኖን ሚኒዲ ኦቄዳ ገሾ ኑኒ ኑ ሁዔን ያሳ ዋሳ ኬላታን ሂንቴባ ማርካቲሼ ሂንቴናን ጨቁቶስ።

5 ሂንቴ ኢያ ገሾ ገዲ ሜቶ ኤኪያ ያሳ ካዋቴላስ ቤሲይሳታ ገዲዲ ታይቤታና ማላ ያሳ ጊሎ ፐርዳስ ሃይሲ ማላ።

6 ያሳይ ቱማ ፐርዳ ፐርዳና። ያሳይ ሂንቴና ዋይሲይሳታ ቦላ ዋዬ ኤሃና።

7 ጎዳይ ዬሱስ ባ ዋልቃማ ኪታንቸታራ። ታማ ላጮራ ሳሎፔ ያ ዋዴ ዋዬቲያ ሂንቴናኔ ኑና ሸምፐሳና።

8 ቃሲ ያሳይ ባና ኤርናይሳታኔ ኑ ጎዳ ዬሱስ ከሪስቶስ ዋንጌላስ ኪቴቶናይሳታ ፐርዳና።

9 ኤንቲ ጎዳ ሲንላፊኔ ኢያ ቦንቹዋ ዋልቃፊ ሻኬቲዲ ሜሪና ቆዩዋን ፐርዳታና።

10 ሂ ጋላስ። ኢ ባይሳታኒኔ ባና አማኔይሳታ ኡባን ቦንቹታንወኔ ሳቤታናው ያ ዋዴ ኑ ሂንቴው ኡዲዳ ኪታ ሂንቴ አማኒዳ ገሾ ሂንቴ ኢያ ቦንቹይሳታ ገደኒኔ ሳቤይሳታ ገደን ዳና።

11 ኑኒ ሂንቴው ኡባ ዋዴ ያሳ ዋሴይ ሃሳሳ። ኑ ያሳይ ሂንቴና ጂገዳ ዳዕቀስ ቤሲይሳታ ገዲዲ ታይቤታና ማላ ኑኒ ዋሶስ። ሂንቴ ሎዖባ ኦላናው አዋፔያ አሙዋኔ ሂንቴ አማኖ ኦሱዋ ኢ ባ ዋልቃን ፖሎ።

12 ሃሳን ኑ ያሳኔ ኑ ጎዳ ዬሱስ ከሪስቶስ ኦቶ ከሃቴላን። ጎዳ ዬሱስ ሱንላ ሂንቴ ቦንቻና፤ ሂንቴናካ ኢ ቦንቻና።

## 2

ጌላ ኡራ

1 ኑ አሻቶ። ኑ ጎዳ ዬሱስ ከሪስቶስ የሳባኔ ኑ ኢያራ ጋሃታናው ሸቃናባስ ኑ ሂንቴና ዋሶስ።

2 ቲንቢቴን ዋይኮ ሃራ አሳፔ ሲዒዳ ቃላን ዋይኮ ኑፔ ኤኪዳ ኪታዳ ኦሌዲ። «ጎዳ ጋላሳይ ጋኪስ» ገዲ ሂንቴ ዋዛናይ ዳጋሞሮኔ ዋባቆፖ።

3 ሂንቴና ኦኒካ እይ ኦኒካ ባሊላሮ። ካሴቲዲ ሠርሴላ ኡራ ጌላቴላይ ቆንጮናኔ ቆዮይ ቤሲያ ጌላ ኡራይ ዮና ዳዒሺን። ጎዳ ጋላሳይ ጋኪና።

- 4 አሲ ጎይኒያባኔ ያሳያባ ኡባ ኢ ኢፃናኔ ባና ቋቁ ኦላና። ሃሪ አቶሺን፣ ያሳ ከሌ ጌሊ ኡቲዲ፣ «ታኒ ያሴ» ጋና።
- 5 ታኒ ሃንጥራ ዳባሺ ሃንጥው ኦዲዳይሳ አኩከከቲ።
- 6 ኢ ባ ጋላሳን ያናፕ ኢቲን ሃራ ዮናዳ አይቢ ኢያ ቲቄያን ኤሬታ።
- 7 አሳሰ ቆንጩባና ጌላቲላ ፀራ ዋልቃይ ሃራካ ኦሴስ፣ ሺን ሃራ ኢያ ቲቄይሲ ዳዔስ። ኢያ ቲቄይሲ ኦጌፕ ከቻና ጋካናው ኢ ቆንጩና።
- 8 ሃሳፌ ጉዬ፣ ጌላ ኡራይ ቆንጩና፣ ሺን ጎዳ ዩሱሲ ባ ደናፕ ኬያ ሺምፑዋን ባ ቦንቾ ያሳን ኢያ ዋቆና።
- 9 ጌላ ኡራይ ያላሃያ ዋልቃን ዩዲ ዋርዶ ማላታታኔ ማላሊሲያባታ ኦላና።
- 10 ሃሳዳካ፣ ቆየሰ ዳሲያ አሳታ ዲማ ዲማ ጨሚያ ኢታ ኦሶን ባሌላና። ኤንቲ ቆዩዳይ አሺያ ቱማ ደሲዲ ኤኮና ኢዳዳ ጊሾሳ።
- 11 ሃሳ ጊሾ፣ ኤንቲ ዋርዶ ጌዲያባ አማናና ማላ ያሳይ ዋልቃማ ባሌሶ ኤንታ ቦላ ዩዳና።
- 12 ሃሲካ፣ ቱማ አማኖና አሳቲ፣ ናጋራ ኦሶን ኡፋይቲሳቲ ኡባይ ፐርዶታና ማላሳ።

**አቶቲላሰ ደራቲዳ አሳታ**

- 13 ጎዳይ ደሲያ ኦ አሻቶ፣ ኦኒ ያሳ ሃንጥ ጊሾ ኡባ ዋዴ ጋላታናው ቤሴስ። ሃንጥ አታና ማላ ያሳይ ጊሻ አያና ዋልቃን ሃንጥና ጊሻዳይሳኔ ሃንጥካ ቱማ አማኒዳይሳን ኢ ሃንጥና ባይራዳ ደሪስ።
- 14 ያሳይ፣ ኦ ሃንጥው ኦዲዳ ዋንጌላ ባጋራ ሃንጥና ጃጊዳይ፣ ሃንጥ ኦ ጎዳ ዩሱሰ ከሪሰቶሳራ ኢሲፌ ቦንቾታናሳ።
- 15 ሃዛ፣ ኦ አሻቶ፣ ሚኒዲ ኤቁቲ። ኦኒ ሃንጥና ኦ ደናን ጊዲን ዋይኮ ዳብዳቢያን ጊዲን ታማርሲዳ ቲሚርቲያ ኦይከቲ።
- 16-17 ያሳይ ኦ አዋይ ኦና ደሴስ። ኢ ኦሰ ከሃ፤ ኢ ሚሪና ሚንሌሌኔ ሎዎ ኡፋይሳ ኦሰ አሚሰ። ሃንጥ ኡባ ዋዴ ሎዎባ ኦላናዉኔ ኦዳታናው ኢ ሚንሌሌኔ ሚላኔ ማዳና ማላ ኦ ጎዳ ዩሱሰ ከሪሰቶሳኔ ያሳ ኦ አዋ ዋሶስ።

**3**

**ኦሰ ዋሰቲ**

- 1 ወርሴላን ኦ አሻቶ፣ ጎዳ ቃላይ ሃንጥ ጊዲን ኤሌሲዲ ዳልጋናዳኔ ቦንቾታናዳ ኦሰ ዋሰቲ።
- 2 ሃሳዳካ፣ አሲ ኡባይ ቃላ ሲዲዲ አማኖና ጊሾ ያሳይ ጌላታፔኔ ኢታ አሳታፔ ኦና አሻና ማላ ኦሰ ዋሰቲ።
- 3 ሺን ጎዳይ አማኔቲዳይሳ፤ ኢ ሃንጥና ሚንሌላናኔ ያላሃፕ ናጋና።
- 4 ኦኒ ሃንጥና ከቲይሳ ሃራካ ሲንላፊካ ሃንጥ ኦላናይሳሰ ጎዳን ኦኒ አማኔቶስ።
- 5 ጎዳይ ሃንጥ ዋዛና ያሳ ሲቁዋኮኔ ከሪሰቶሳ ዳንዳባኮ ካሌሶ።

**ኦሶ ቢሎና ዳራቲ**

- 6 ኦ አሻቶ፣ ሃንጥ ኦፕ ኤከዳ ከታ ካሎናይሳታፔኔ ኦሶ ቢሊያ አዛላ አማኒያ አሳታፔ ሃንጥ ቫኪታናዳ ጎዳ ዩሱሰ ከሪሰቶሳ ሰንላን ሃንጥና ከቶሰ።
- 7 ኦዳ ሃኒዲ ዳናው ቤሴይሳ ሃንጥ፣ ሃንጥ ሁዳን ኤሬታ። ኦኒ ሃንጥራ ዳሲያ ዋዴ ኦሶ ቢሊቦኮ።
- 8 ኦኒ ኦዳፊካ ካሌ ማላ ሚሶኮ። ኦሰ ዳንዳዲቲዳ ማላ ቃማኔ ጋላሰ ኦሌ ዳቡራዲ ዳሲዳፕ ኢቲን ኦዳሰካ ቶሆ ጌዲቦኮ።
- 9 ኦኒ ሃሳ ኦሌዳይ፣ ሃንጥው ለሚሶ ጊዳናሳፌ አቲን ሃንጥፌ ማዴ ኦይቻናው ኦሰ ማቲ ቆዩና ጊዳና።
- 10 ኦ ሃንጥራ ዳሲያ ዋዳካ፣ «ኦላናው ኮኖና አሲ ኦኒካ ሞፖ» ያጊዲ ከቲዳ።
- 11 ኦኒ ሃሳ ጊዳይ፣ ሃንጥ ጊዲን ኢሲ ኢሲ አዛላቲ ዳዔይሳ ሲዲዳ ጊሾሳ። ሄ አሳቲ ጌልሶናባን ጌሊዲ ሃራታ ኦሶ ቢሊሶሶና ኢቲን አይኮካ ኦሎኮና።
- 12 ኦኒ ሃሳ ማላ አሳቲ ማራ ዴዎ ዳናዳኔ ባንታና ኮሺያባ ኦሌዲ ዳማናዳ ጎዳ ዩሱሰ ከሪሰቶሳ ሰንላን ኤንታ ከቶሰኔ ዘርሰ።
- 13 ሺን ኦ አሻቶ፣ ሎዎ ኦሶ ኦላናው አዛሎፊቲ።
- 14 ሃራ ኦኒ ሃ ዳብዳቢያን ከቲዳ ከታሰ ከቲቶና አሲ ኦኒካ ዳሲኮ ሄ ኡራ ኤሪቲ። ኢ ዩላታና ማላ ኢያፕ ቫኪቲቲ።
- 15 ሺን ኢያ ኢሻዳ ሴሪቲፕ አቲን ሞርኬዳ ጃሎፊቲ።

**ወርሴላ ሳርታ**

- 16 ሳሮ እሚያ ጎዳይ፥ ባ ሁዓን ሂንቴው ኡባ ዎዴኔ ኡባ ባጋራ ሳሮ አሞ። ጎዳይ ሂንቴ ኡባራ ጊድ።
- 17 ታኒ ጳዉሎሲ፥ ሃ ኪታ ታ ኩሹን ፃፋሰ። ታ ኪታ ኡባሰ ማላይ ሃይሳ፤ ታኒ ሄሳዳ ፃፋይሰ።
- 18 ኑ ጎዳ ዬሱሰ ኪሪሰቶሳ ኣዶ ኬሃቴላይ ሂንቴ ኡባራ ጊድ።

# ጳውሎስ ዓመተኛ ሳስ ገፊዳ ኮይር ከታ ጋላ ቆፋ

ዓመተኛ ሳ ጌቲቲያ፡ አማኒያ ናናተሳይ፡ ጉሳ ኢሲያን ዬሎቲስ (ሃ.ኦ 16፡1-3)። ኢያ እያ አይሁዳ፤ ኢያ አዋይ ቃሲ ገሪኬ ኢሲ። ኢ ጳውሎሳር ኢሲፊ ኦሌይሳኔ ዋንጌላ ኦሶን ጳውሎሳ ማታን ማዲያ ኢሲ። ጳውሎስ ዓመተኛ ሳስ ገፊዳ ኮይር ከታይ ሄቩ አይፊ ቆፋታ ሚንላ ያሌሰ።

ኡባፊ ኮይርቲዲ ከታይ፡ ዋሳ ከሳን ዴንዲዳ ዋርዶ ቲሚርቲያባ ሚንላዲ ኦደሰ። ሃ አማላ ቲሚርቲይ አይሁዳ ቲሚርቲያፊ ባጋ፡ ቃሲ አይሁዳ ገደና እሳ ቲሚርቲያፊ ባጋ ኦይኪሰ። ሄሲካ፡ «ሃ ቤንቲያ አላሜይ ናጋራን ኢቲዳ ገሾ ኢሲ አቶቲላ ዴማናው ዴማ ገዲዳ ፀራ ኤራናው፡ ኢሲ ኢሲ ካላታ ዋና አጋናውኔ ማቾ ኤኮና ዋይኮ አዚና ጌሎና አጋናው ኮሼሰ» ያገደ ቆፋ ባሶ ኦሌዲ ዴንዲሰ።

ናምሳኦ ቆፋይ፡ ዋሳ ከሳ አይሶባኔ ጎይና ዋጋባ ታሚርሲያ ቲሚርቲያ፡ ሄሳዳካ ዋሳ ከሳ ካሌሌይሳቲኔ ኤንታ ማዴይሳቲ አይ ሜላ ማራ ዲሱ ዳናው ቤሲያኮ ጌደሰ።

ወርሴላን፡ ዓመተኛ ሳስ ዬሱስ ከሪሰቶሳስ ኦሌያ ሎዎ እሲ ዋንዲ ገደናው ቤሲያኮ፡ ቃሲ ዴማ ዴማ አማኒያ እሳ ማታን ኢያው ዴዒያ አዋቲላይ አይቤኮ፡ ጳውሎስ ኢያ ዘሪዳ ዘሪያ ዴዋሰ።

## 1 ዓመተኛ ሳ ከታ አይፊ ቆፋታ

ጌሎ ቆፋ 1:1-2

ዋሳ ከሌ አይሲያ አሳሰ እሚቲዳ አይሶ ዋጋ 1:3-3:16

ዓመተኛ ሳስ እሚቲዳ ቲሚርቲያ 4:1-6:21

1 ኦና አሺያ ያሳኒኔ ኦ ኡፋይሳን ናገያ ዬሱስ ከሪሰቶሳን ከቲቲዳ፡ ዬሱስ ከሪሰቶሳ ሃዋሪ ገዲዳ፡ ጳውሎሳ፤

2 አማኖን ታው ቱማ ናና ገዲዳ ዓመተኛ ሳስ።

ዋሳ ኦ አዋ፡ ኦ ጎዳ ከሪሰቶሳ አቶ ከሃቲላይ፡ ማርቲላይኔ ሳርቲላይ ኔው ገደ።

ዋርዶ ቲሚርቲያፊ ናጌቲላ

3 ታኒ ማቱዶኒያ ባሽ ኔና ሃደሪዳይሳዳ፡ ኢሲ ኢሲ አሳቲ ዋርዶ ቲሚርቲያ ታማርሴይሳ ዲጋናው ኦ ኤፊሶናን ጋምዓና ሜላ ኮያይሰ።

4 ኤንቲ ጎሲ ባይና ሃይሴ ኦዳኔ ባንታ ኮቻ ታይቡዋ አጋናዳ ኦዳ። ሄሳ ሜላባይ ፓላማ ካሌሌሲ፤ ላቲን አማኖን ኦሴቲያ ያሳ ኦሱዋስ ማዴና።

5 ሃ ከታ ሁዔ ቆፋይ ጌሻ ዋዛና፤ ሎዎ ካሃፔኔ ቱማ አማኑዋፔ ቤንቲያ ሲቁዋ ዴንሌላናሳ።

6 ኢሲ ኢሲ አሳቲ ሃይሳ አገዲ፡ ፓሎና ኦዳኮ ሰሚዶሶና።

7 ኤንቲ ያሳ ሂገያ አሰታማሬ ገደናው ኮዮሶና። ሺን ኤንቲ አይ ኦዲያኮ ዋይኮ ቱማ ኦሌዲ ኦዳይሲ ኢ አይቤኮ ኤርኮና።

8 እሲ ቤሴይሳዳ ሂገያን ጎዳቲኮ ሂጌይ ሎዎ ገዴይሳ ኤርሰ።

9 ኢሲሳ አከካናው ኮሼሰ። ሂጌይ ሎዎ አሳሰ ሜቲቲቤና። ሺን ሂጌይ፡ ሂጌ ሜንሌይሳታ፡ ዋራንቩታ፡ ያሴ ያዮናይሳታ፡ ሸምፖ ዋዴይሳታ፡ ናጋራንቾታ፡ ጌሻቲላ ባይናይሳታ፡ ቱናታ፡ ሃሪ አቶሺን ባንታ አዬው ዋይኮ አዋ ዋዴይሳታ።

10 ላሜይሳታ፡ አዴይ አዴራ ላይማቲይሳታ፡ እሴ ባይዜይሳታ፡ ዋርዶንቾታ፡ ዋርዶን ጫቁይሳታ፡ ዋይኮ ቱማ ቲሚርቲያፊ ጋሄቶና አይ ኦሶ ኦሌይሳታ ሴራናው ከደሰ።

11 ሄ ቲሚርቲይ ቦንቾኔ እንጃቲዳ ያሳይ ታኒ አዋጅና ሜላ ታው ሃደራ አሚዳ ዋንጌላ ገደን ዴዒሰ።

ዋሳ ማርቲላስ ጳውሎስ ጋላቲዳ ጋላታ

12 ታኒ ኦሌያ ኦሱዋን ታው ዋልቃ አሚዳ ኦ ጎዳ ከሪሰቶሰ ዬሱሳ ጋላታይሰ። ታና ባ ኦሱዋሰ ሹሚዲ ሄ ኦሱዋሰ ቤሳሳ ገዲ ታይቤዳ ገሾ ኢያ ጋላታይሰ።

13 ታኒ ሃይሳፊ ካሴ ኢያ ጫዬይሳ፡ ኢያ ዬዴሌይሳኔ ማቶሌይሳ ገዲኮካ ታኒ ሄሳ ኤርናኔ አማኖና ኦሌዳ ገሾ ያሳይ ታና ማሪሰ።

14 ኦ ጎዳይ ባ አቶ ከሃቲላ ታ ቦላ ጉሲዲ፡ ሄ አቶ ከሃቲላራ አማኖኔ ሲቆ ከሪሰቶሰ ዬሱሳ ባጋራ ታው አሚሰ።

15 «ከሪሰቶሰ ዬሱሰ ናጋራንቾታ አሻናው ሃ አላሚያ ዩሰ» ገያ ቃላይ አማንሌይሳኔ አሳ ኡባይ ኤካናው ቤሴይሳ። ኡባፊ አቋዳ ናጋራንቾቲ ታና።

16 ሺን ሜሪና ደዑዋ ኤካናው ኢያ አማኒያ አሳሰ ታኒ ለሚሶ ገዳና ማላ ዬሱስ ከሪሰቶሲ ዳር ዳንዳሲ። ታው ኡባፌ አጂዳ ናጋራንቸዋሰ ያሳይ ባ ማሮታ ዳርሲ።

17 አይፌን ቤንቶናይሳሰ። ኢሲ ያሳሰ። ሃይቆናይሳሰ። ሜሪና ካወቀሰ። ሜሪና፤ ሜሪና ጋካናው ጋላታይ፤ ቦንቾይ ገደ። አሚንዳ።

18 ደሞጥኖሳ፤ ታ ናዓው፤ ካሴ ኔባ ናቤቲ ኦዲዳ ቃላ ቦላ ኤቃዳ ሃ ኪታ ሃዳሪ ኔው አማይሰ። ኔ ሄ ቃላ ካሊኮ ሎፖ ኦላ ኦሊታና።

19 አማናይ፤ ሎፖ ካሂ ኔው ዴ። ኢሶቲ ኢሶቲ ካሃ ጳዬዲ ማርካቤይ ሆቤን ጳዬይሳዳ ባንታ አማኑዋ ጳይሲደሳና።

20 ሄሳ ሃኒዳይሳታ ገደን ሄሜኔዮሲኔ ኢሰከንዲሬይ ዴዎሶና። ኤንቲ ታማሪዲ ያሳ ጫዬይሳ አጋና ማላ ታኒ ያላሄሰ ኤንታና አላ አማሰ።

## 2

### ዋሳባኔ ጎይናባ

1 ኡባፌ ሲንጻታዳ፤ አሳ ኡባሰ ያሳ ኦይቻናው፤ ዋሳናው፤ ጋናታናው፤ ጋላታናው ቤሴይሳ ታኒ ኔና አኬከሳይሰ።

2 ኔኒ ቱማ እያና ዴዎኒኔ ጌሻቴላን ያሳ ጎይኒሼ ሳርቴላኒኔ ዎፑ ገዳ ዴዎን ዳና ማላ ካዎታሲኔ ሹማታ ኡባሰ ዋሰቱ።

3 ሄሳ ማላ ዋሳይ ኑና አሺያ ያሳ ሲንጻን ሎዎኔ ኡፋይሲያባ።

4 ያሳይ አሲ ኡባይ አታናዳኔ ቱማ ኤራናዳ ኮዬሰ።

5 ኢሲ ያሲ ዴዎሰ። ያሳፌኔ አሳፕ ገደን ገዲዲ ሲጌሌያ ኢሶይ ዴዎሰ፤ አካ አሴ ገዲዳ ከሪሰቶሰ ዬሱሳ።

6 ኢ አሳ ኡባ ዋዛናው ባና አላ አሚሰ። ያሳይ ባ ዎዲያን አሳ ኡባ ዋዛናው ኮዬይሳ ቤሲያ ማርካይ ሃይሳ።

7 ያሳይ ታና ዎንጌላሰ አስታማሬኔ ሃዋሪ ኦሊዲ ደሪዳይ ሄሳሳ። ታኒ ቱማ ኦዳይሰ፤ ዋርደቲኬ፤ አማኖኔ ቱማ አይሁዳ ገደና አሳሰ ማርካታና ማላ ያሳይ ታና ሹሚሰ።

8 ሄሳ ገሹ፤ ኡባ ቤሳን ዴዎያ አደቲ፤ ባንታ ያሳሰ ዴማዬዲ፤ ሃንቆኔ ፓላማ ዲጊዲ፤ ባንታ ኩሺያ ፑዴ ዴንላዲ ያሳ ዋሳና ማላ ኮያይሰ።

9 ሃሳዳ ማጫሳይ ባንታ ሃሪዳይሳ ቆንጪሲያ፤ ቦንቾይ፤ ማሪ ዴዎያ ማዑዋ ማዓናው ቤሴሰ። ኤንቲ ማሪ ባይና ሁዔ ዳሳን፤ ዋርቃን ዎይኮ ኢንቆን፤ ዎይኮ አልፖ አሪሳን ባንታና አሊቂሶ።

10 ሺን ያሳሰ ጎይናይሰ ገያ ማጫሳይ ባንታው ቤሴይሳዳ ሎፖባ ኦላና።

11 ማጫሲ ከቴቴላን ሲዒ ገዲ ታማሮ።

12 ታኒ ማጫሳይ ታማርሳና ማላ ዎይኮ አዴ ቦላ አዋታና ማላ ገደናሺን ሲዒ ገዲ ዳና ማላ ኮያይሰ።

13 አዳሚይ ኮይሮ ማጫቴሰ፤ ጉዬፕ ሄዋና ማጫታሰ።

14 ቃሲ ጪማታዳ ያሳ ሂጊያ ማንላዳይ ማጫሲፕ ኣቲን አዳሚ ገዴና።

15 ሺን ማጫሲ አማኖ። ሲቆኒኔ ጌሻቴላን ባንታና ሃሪዲ ዴዎኒ \* ናይታ ዬሎን አታና።

## 3

### ዋሳ ከላ ጪማታ

1 ኦኒካ፤ «ዋሳ ከላ ካሊሌያ አሲ ገዳናው ኮይኮ ሎፖባ አዋቴሰ» ገያ ኦዳይ ቱማ።

2 ዋሳ ከላ ካሊሌያ አሲ ቦሪቶናይሳ፤ ኢሲ ማቺ ያላሊ ዴዎይሳ፤ ማራን ዴዎይሳ፤ ባና ሃሪይሳ፤ ቤሴይሳዳ ኦሊይሳ፤ አማሌ ሞኬይሳ፤ ታማርሳናው ዳንዳዎይሳ፤

3 ማላቶናይሳ፤ ኦዬቶናይሳ፤ ፓላሞናይሳ፤ ሚሹ ሲቆናይሳ፤

4 ኢያ ናይቲ ኢያው ከቴቴይሳኔ ቦንቾይሳ፤ ባ ከላ አይሳናው ዳንዳዎይሳ ገዳናው ቤሴሰ።

5 ኢሲ አሲ ባ ከላ አይሳናው ዳንዳዎና ኢዲኮ፤ ያሳ ዋሳ ከላ ዋቲ አይሳናው ዳንዳዎ።

6 ኦቶርን ሱጌቲዲ፤ ያላሄይ ያሳ ፐርዳን ኩንዲዳይሳዳ ኩንደና ማላ፤ ኦራላ አማኒዳ አሲ ገዳናው ቤሴና።

7 ቦሬኒኔ ያላሄ ያሄን ጌሎና ማላ ሄ ኡራይ አማኖና አሳ ማታን ናሹቴይሳ ገዳናው ቤሴሰ።

### ዋሳ ከላ ዳቆኔታ

2:7 2ደሞ 1:11    2:9 1ዳዳ 3:3    2:13 ሜጲ 2:7፣ 21-22    2:14 ሜጲ 3:1-6    \* 2:15 ባንታና ሃሪዲ ዴዎኒ።  
ዎይኮ ኢያ ዬሊዳ ናይቲ አማኖ። ሲቆኒኔ ጌሻቴላን ባንታና ሃሪዲ ዴዎኒ።    3:2 ቲቶ 1:6-9



8 ሄሳዳ ቃሲ ዋሳ ከላ ዳቆኔ፣ ቦንቼቴዳይሳታ፣ ናሞፀ ዶና ኦዴቶናይሳታ፣ ዳር ዋይኔ ኡሻ ኡዮናይሳታ፣ ሚሺ ያሬቶናይሳታ፣

9 አማኑዋ ፀራ ጌሻ ካሃን ናጌይሳታ ጊዳናው ቤሴስ።

10 እንቲ ኮይሮቴዲ ፓጩጋናው ኮሺስ፤ እንታ ቦላ ቦሬይ ባይና ኢዲኮ፣ ዋሳ ከላ ዳቆኔ ጊዲዲ ኦሎ።

11 ሄሳዳካ፣ እንታ ማጫሳቴ ቦንቼቴዳይሳታ፣ ዘገርናይሳታ፣ ማራን ዴዔይሳታ፣ ኡባባን አማኔቴይሳታ ጊዳናው ቤሴስ።

12 ዋሳ ከላ ዳቆኔ፣ ኢሲ ማቺ ያላሊ ዴዔይሳ ጊዳ። ባ ናይታኔ ባ ከላ ሎይሊ ኣይሴይሳ ጊዳናው ቤሴስ።

13 ዋሳ ከላ ዳቆኔ ጊዲዲ፣ ሎዎ ኦሶ ኦሌይሳታ፣ እንታው ጌታ ቦንቾ ቃሲ ኪሪስቶስ ዩሱሳን ባንታው ዴዔያ አማኑዋባ ኦዳናው ዳር ሚናቴሌ ዴማና።

**ጌታ ፀራ**

14 ታኒ ሃ ኪታ ኔው ያፋሺ፣ ኤሌሳዳ ኔኮ ባና ጋዳ ኡፋይሲ ዋሳይሲ።

15 ሺን ታኒ ቦና ጋሞዒኮ፣ ያሳ ከላን ኣሳይ ዋኒዲ ዳናው ቤሴያኮ ኤራና ሚላ ሃይሳ ኔው ያፋይሲ። ዴዎ ያሳ ከላይ ቱማቴሳስ ቱሲኔ ባሶ።

16 ኑ አማኑዋ ፀራይ ሲዲይ ባይና ጌታ።

ኪሪስቶሲ ኣሾ ማዒዲ ቆንጨሲ፤

ኢያ ቱማቴላ ጌሻ ኣያናይ ማርካቴስ።

ኪታንቾታስ ቤንቲስ፤

ኢ ካዎቴላ ኡባስ ሳባኪቴስ።

ኣላሚን ዴዔያ ኣሳን አማኔቲስ፤

ቦንቾን ሳሎ ኤኪቴስ።

**4**

**ዋርዶ ኣስታማራታ**

1 ያና ዋዲያን ባሌሊያ ኣያናታኔ ቱና ኣያናታ ቲሚርቲያ ካሊዲ፣ ኢሲ ኢሲ ኣሳይ አማኑዋ ካዳናይሳ ጌሻ ኣያናይ ቆንጨሲዲ ኦዲስ።

2 ሄሳ ሚላ ቲሚርቲይ እንታ ካሃይ ዶጪን፣ ኣሳ ባሌሊያ ዋርዳንቾ ኣስታማራታ፤ ዩሱስ።

3 ሄሳ ሚላ ኣሳቴ ኤኮኔ ጌሎ ቃሲ ኢሲ ኢሲ ካሳታ ሞና ሚላ ዲጎሶና። ሺን አማኔይሳቲኔ ቱማ ኤሬይሳቲ ያሳ ጋላቲ ዋሲዲ ማና ሚላ ያሳይ ካሊ ሚዲ።

4 ያሳይ ሚዲዲ ኡባባይ ሎዎ። ያሳ ጋላቲዲ ሚኮ ዋራ ዋዲያባይ ኣይቢካ ባዎ።

5 ኡባባይ ያሳ ቃላኒኔ ዋሳን ጌሺ ጊዴስ።

**ኪሪስቶሳስ አማኔቲዳ ኣይሌ ጊዶ**

6 ሄሳ ጊሾ፣ ኔኒ ሃ ቲሚርቲያ አማኔይሳታ ታማርሲኮ፣ ኑ አማኑዋኒኔ ሎዎ ቲሚርቲያ ኪቴታዳ ዲጪዳ ኪሪስቶስ ዩሱሳ ሎዎ ኣይሌ ጊዳና።

7 ሺን ሳሳ ባይና ቱማ ጊዶና ኦዲፔኔ ጨማ ማጫሳ ሃይሲያፔ ባቃታ። ቱማ ኣያና ዴዎን ዳናው ኔና ሎሂሳ።

8 ኣሲ ባ ኣሳቴላ ሚንሳናው ኦሊያ ኦሶይ ጉሊ ማዴስ። ሺን ቱማ ኣያና ዴዎን ባና ሎሂሶይ ሃዒካ ማሪናውካ ዴዎ ኢሚያ ኡፋይሲ ዴዔያ ጊሾ ኡባስ ማዴስ።

9 ሃ ቃላይ ኣሳ ኡባይ ኤካናው ቤሴያ ቱማ ኦዲ።

10 ኑኒ ኣሳ ኡባ፣ ኡባሬ ኣሊዲ አማኔይሳታ ኣሺያ ዴዎ ያሳሬ ኤካና ጊዲ ኡፋይሳን ናጌያ ጊሾ፣ ሄሳስ ኑኒ ኦሶን ዳቡርሲኔ ባጃቶስ።

11 ሃይሳ ኪታኔ ታማርሳ።

12 ኔኒ ያላጋ ጊዲያ ጊሾ ኔና ኦኒካ ካዶ። ሺን አማኔይሳታስ ኔኒ ኦዲን፣ ኦሶን፣ ሲቆን፣ አማኖኒኔ ጌሻቴላን ለሚሶ ጊዳ።

13 ታኒ ያና ጋካናው ኣሳስ ጌሻ ማዳፋ ናባቦን፣ ሳባኮኒኔ ታማርሶን ሚና።

14 ቲንቢቴይ ኦዲቴን፣ ጨማቴ ባንታ ኩሺያ ኔ ቦላ ዋሊዳ ዋዴ ኔኒ ኤኪዳ፣ ኔናን ዴዔያ ጌሻ ኣያና ኣሞታ ካዶ።

15 ኔ ዲቻይ ኣሳ ኡባስ ቆንጨና ሚላ ሄሳ ሚንሳ ቆፓ፤ ሃይሳ ኡባ ዋዴ ኦሳ።

16 ኔ ሁዒያሲኔ ኔ ቲሚርቲያስ ናጌታ። ኔኒ ሄሳ ኡባ ዋዴ ኦሊኮ ኔናኔ ኔና ሲዔይሳታ ኣሻሳ።

**5**

**ኣሞዔታባ**

- 1 ጨማ አዳታ ኔ አዋዳ ቦንቻፌ አቲን ሃንቁቶፋ። ያላጋ አዳታ ኔ አሸዳ ኦላዳ ያለ።
- 2 ጨማ ማጫሳታ ኔ አዬዳ፣ ያላጋ ማጫሳታ ኔ ሚቺዳ፣ ፖሎ ቤሻቴላን እይካ።
- 3 አዚኒ ሃይቁዳ ቱማ አምዴታ ቦንቻ።
- 4 ሺን አምዴስ ናይቲ ዋይኮ ናይታ ናይቲ ዳዲኮ፣ ሄ ናይቲ ቱማ አያና ዳዲን ዳዲይሳ ቤሳናው ባንታና ዬሊዳይሳታኔ፣ ባንታ ዋጋ ኣዬወኔ ዋጋ አዋ ማዲዲ ኩሺ ዛር ታማር። ሄሲ ያሳ ኡፋይሲያባ።
- 5 ባርካ ዳዲያ ቱማ አምዴያ ያሳፌ ማዴ ዳማናው ኡፋይሳን ናጋሱ። ጋላሲኔ ቃማ ያሳይ ባና ማዳና ማላ ዋሳወሱኔ እይቻወሱ።
- 6 ሺን ሃ አላሚያን ሎዎ ዱሳ ዓላላ ኮያ አምዴያ ፓዎ ዳዳሼ ሃይቁዳር።
- 7 ኦኒካ ኤንታ ቦርና ማላ ሃ ኪታ ኤንታው አማ።
- 8 ሺን ባ ዳቦታሰ፣ ኡባፌ አሊዲ ባ ሶ አሳሰ ቆፖና ኦኒካ ባ አማኑዋ ካዲዳይሳ፤ አማናና አሳፔካ አጲዳ ኢታ።
- 9 ላይሊ ኡሱዩን ታሙ ኩሚቦና አምዴ ሱንሳ ማዘጋባን ዓፎፓ። ቃሲ ሄሳ ቦላ ኢያ ባ አዚናሰ አማኔቲዳር ገዳናው ኮሺሰ።
- 10 ናይታ ዲሾን፣ አማሌ ዋኮን፣ ገሻታ ቶሁዋ ማቻን፣ ሜቶቲያ አሳ ማዴን፣ ሎዎ ኦሶ ኡባሰ ባና አሳ አሚዳርኔ ሎዎ ኦሶን ኤሬቲዳር ገዳናው ቤሴሰ።
- 11 ሺን ያላጋ አምዴታ ሱንሳ ማዘጋባን ዓፎፓ። ኤንታና አዚና ጌሎ ጌሎ ገያ አሾ አዋይ ኦይኪያ ዋዴ ኪሪሰቶሳ አጋና።
- 12 ኤንቲ ኮይሮ ጌሊዳ ቃላ ሚንሊዳ ገሾ ፐርዴታና።
- 13 ሄሳ ቦላ ኤንቲ ኦሶ ጳዩዲ ኬላፌ ኬሌ ይያና። ዩሻ ዓላላ ገደናሺን ዚገርሳኒኔ ባንታና ጋሶናባ ጌሊዲ ቤሶናባ ኦዴቶሶና።
- 14 ሄሳ ገሾ፣ ኑ ሞርኬቲ ኑ ቦላ ኦዴቲያ ኢታባ ዳሞና ማላ ያላጋ አምዴቲ አዚና ጌሊዲ፣ ናዓ ዬሊዲ፣ ባንታ ኬሳ አይሳና ማላ ዘራይሰ።
- 15 ሃይሳፌ ካሴ ጉላ አምዴቲ ዓላሄ ካላናው ጉዬ ሰሚደሶና።
- 16 ኢሲ አማኒያ ማጫሴሰ ሶ አሳ ገደን አምዴቲ ዳዲኮ ኢያ ኤንታ ማዳናው ቤሴሰ። ሄሳዳ ኦሊኮ፣ ዋሳ ኬላሰ ቶሆይ ካወዬሰ። ሄ ዋዴ ዋሳ ኬላይ ማዴ ቤሲያ ቱማ አምዴታ ማዳናው ዳንዳዴሰ።
- 17 ዋሳ ኬላ ሎይሊ ሄሚያ ጨማቲ፣ ኡባፌ አሊዲ፣ ቃላ ሳባኮኒኔ ታማርሶን ዳቡሬይሳቲ ዳኮ ቦንቻ ኤካናው ቤሴሰ።
- 18 ገሻ ማዓፋይ፣ «ወዲማን ካላ ዬጲያ ቦራ ደና ቃቾፋ» ሄሳዳካ፣ «ኦሳንቾይ ባ ዳሞዚያ ኤካናው ቤሴሰ» ያጌሰ።
- 19 ናምቦ ዋይኮ ሄሹ ማርኪ ባይና፣ ዋሳ ኬላ ጨማ ሞቲያባ ሲዖፓ።
- 20 ሃራቲ ያያና ማላ ናጋራ ኦሊያ ኦናካ አሳ ኡባ ሲንሳን ሃንቁታ።
- 21 ኔኒ አሳ ሶምዎ ቤዖና፣ ኢሱዋ ኢሱዋፌ ዳማኖና ሃ ኪታ ናጋና ማላ ያሳ፣ ጎዳ ዬሱሰ ኪሪሰቶሳኔ ደሬቲዳ ኪታንቾታ ሲንሳን ታ ኔና ዘራይሰ።
- 22 ኦዴ ቦላካ ኔ ኩሺያ ዋላዳ ሹማናው ኡሌሶፓ። ሃራታ ናጋራን ጌሎፓ፤ ኔና ጌሻቴላን ናጋ።
- 23 ኔኒ ኡባ ዋዴ ሃርጌቲያ ገሾኔ ኔ ኡሎ ሃርጊያ ገሾ ሃላ ዓላላ ኡዮፓ፤ ጉላ ዋይኔ ኡያ።
- 24 ኢሲ ኢሲ አሳታ ናጋራይ ቆንጨ፣ ኤንታ ናጋራይ ኤንታ ፐርዳናው ኤንታፌ ሲንሌ ኣዴሰ፣ ሺን ሃራታ ናጋራይ ጉዬፔ ጋምዲ ቆንጨሱ።
- 25 ሄሳዳ፣ ሎዎ ኦሶይካ ቆንጨ፣ ቆንጮና ኢዲኮካ ገማናው ዳንዳዳና።

### 6

#### አይሌታሰ አሚቲዳ ዘሪ

- 1 ያሳ ሱንሳይኔ ኑ ተሚርቲይ ጫዬቶና ማላ አይሌቴላን ዳዲይሳቲ ባንታና ሃሪያ ጎዳታ ቦንቾ።
- 2 አማኒያ ጎዳቲ ዳዲያ አይሌቲ፣ ኤንታ ጎዳቲ ኤንታው አሻ ገዲያ ገሾ ኤንታ ካዶፖ። ኤንታ ኦሱዋን ማዴቲያ ጎዳቲ፣ አማኒይሳታኔ ደሴቲዳይሳታ ገዲያ ገሾ ኤንቲ ካሴይሳፌ አሊዲ ኦላናው ቤሴሰ።

#### ዋርደ ቲሚርቲያኔ ቱማ ዱሬቲላ

- ኔኒ ሃይሳ ታማርሳናውኔ ኤንቲ ኦላና ማላ ዘራናው ቤሴሰ።
- 3 ኦኒካ ዳማ ቲሚርቲያ ታማርሲያባ ገዲኮ፣ ኑ ጎዳ ዬሱሰ ኪሪሰቶሳ ቱማ ቃላራኔ ኑ አማኑዋ ቲሚርቲያራ ጋሄቲና።
- 4 ሄ ኡራይ ኡቶሮን ሰጌቲሲፔ አቲን አይኮካ ኤሬና። ኤንታው ኢሲ ቆፋ ቦላ ፓላማናውኔ ኦዴታናው ኢታ አዋይ ዳዴሰ። ሄሲ ቃናቲ፣ ኦሺ፣ ጫሼ፣ ኢታ ሲዴኔ።

5 ገና ፓላማ ካሌጱ። ቃሲ ኤንታው ኢታ ዋዛኒ ዴዔስ፤ ቱማካ ባለደሶና፤ ኤንቲ ያሳ አማኖይ ዱሪቴሳስ ኦኔ ጊዲ ቆፖሶና።

6 ሺን ታው ዴዒያባይ ጊዳና ጊያ አሳስ ቱማ አያና ዴያይ ጊታ ዋዴ።

7 ኦኒ ሃ አላሚያ አይኮካ አሂቦኮ፤ ቃሲ ኢያፔ አይኮካ ኤኪዲ ቦኮ።

8 ኦስ ካሌኔ ማያይ ዴዒኮ ሂሲ ጊዳና።

9 ሺን ዱሪቴሌ ኮዬይሳቲ ፓጩኒኔ ዩሂን ጌሎሶና። ቃሲ ኤንታና ዴኔ ዳፊያኔ ጳይሲያ ኤያቴሌኔ ቆሂያ አሞን ኩንደሶና።

10 ሚሼ ሲቆይ ኢታቴላ ኡባሰ ፑልቶ። ኢሶቲ ኢሶቲ ሚሼ አሞቲሼ አማኖፔ ባሌቲዲ ዳር ማቶን ባንታና ዬጊደሶና።

**ዓመተኛ ሰ አሜቲዳ ዘሬኔ ኪታ**

11 ሺን ኔና፣ ያሳ አሶ፣ ሃሳፌ ባቃታ። ዩሎቴላ፣ ያሳ ዳና፣ አማኖ፣ ሲቆ፣ ዳንዳባኔ አሽኬቴሌ ካላ።

12 አማኖ ባዲያ ሎይሳ ባዳታ። ዳር አሳ ሲንላን ኔ ማርካቲዳ ኔ አማኑዋባ፣ ያሳይ ኔና ኢያው ዪጊዳ ሜሪና ደቡዋ ኦይካ።

13 ኡባሰ ዴያ አሚያ ያሳ ሲንላኔ፣ ጳንዌ ጲላያሳ ሲንላን ሎፖ ማርካ ማርካቲዳ ኪሪሰቶስ ዬሱሳ ሲንላን ታ ኔና ኪታይሰ።

14 ኦ ጎዳ ዬሱሰ ኪሪሰቶሲ ቆንጫና ጋካናው ሃ ኪታ ባለኔ ቦሬይ ባይና ናጋ።

15 ባ ያላላ ኡባ ሃሪያ ቦንቾ ያሳይ፣ ካዎታ ካዎይ፣ ጎዳታ ጎዳይ፣ ባ ቆፒዳ ቃማን ዬሱሰ ኪሪሰቶሳ ዛሪ ኪታና።

16 ኢሲ ኢያ ያላሊ ሃይቆና። ኦኒካ ሺቃናው ዳንዳያና ፖፖን ዴዔስ። ኦኒካ ኢያ ቤዒቤና፤ ቃሲ ቤዓናዉካ ዳንዳዔና። ቦንቾይኔ ሜሪና ዋልቃይ ኢያው ጊደ። አሚንዒ።

17 ሃ አላሚያ ዱሪቲ ጮ ጳያ ሻሎን ኦቶርቶና ሜላኔ ጩቆና ሜላ ኦዳ። ኦስ ኮሺያባ ፓላሂሲዲ አሚያ ኦና አንጂያ፣ ዱሬ ያሳን አማኔታና ሜላ ኤንታ ኪታ።

18 ኤንቲ ሎፖ ኦሶ ኦላናዳ ሎፖ ኦሶን ዱሪታናዳ፣ ኬሃታኔ ሃሪታስ ሻኬይሳታ ጊዳና ሜላ ኪታ።

19 ሂሲ ኤንታው ሲንላስ ሚኖ ባሶ ጊዲያ ጊሾ ሄ ዋዴ ኤንቲ ቱማ ዴያይ አይ ዳኒያኮ ኤራና።

20 ዓመተኛ ሰ፣ ኢሲ ኢሲ አሳይ፣ «ኤራቴሌ» ጊያ ኤያ ፓላማፔኔ ሃዳ ኦዳፔ ባቃታ፤ ኔው አሜቲዳ ሃዳራ ናጋ።

21 ኢሶቲ ኢሶቲ ኦስ ኤራቴሌ ዴዒሰ ያጊሼ አማኑዋ አጊደሶና።

ያሳ አጼ ኬሃቴላይ ሂንቴ ኡባራ ጊደ።

# ጳውሎስ ጊዮቲዮሳስ ግፊዳ ናሞዓንሉ ኪታ ጋሳ ቆፋ

ጳውሎስ ጊዮቲዮሳስ ግፊዳ ናሞዓንሉ ኪታይ፡ ጳውሎሳራ ኢሲፌ ኦሴይሳኔ ጳውሎሳ ማታገ ማዲያ ናዓቲላ ጊዮቲዮሳ ዘሪዳ ዘሪያ ኦይኪስ፡፡ ሄ ዘሪያ ኦይፌ ቆፋይ፡ «ገንጫን ማናናው ቤሴስ» ጌይሳ፡፡ ጊዮቲዮሳስ ዘሬኔ ማንሴሉ ቃላ ኤኪዳይ፡ ዩሱስ ኪሪስቶሳባ ቱማ ማርካታና ሜላ ዋንጌላ ቃላኔ ገልጻ ጫቆ ቲሚርቲያ ማንሴዲ ኦይካና ሜላኔ ሜቶይኔ ኢያይ ዳሪኮካ ታማርሶኔኔ ዋንጌላ ሳባኮን ማናና ሜላሳ፡፡

ጊዮቲዮሳስ ሃዳ ኤያቲላ ፓላማፔ ሃካና ሜላ ዲማ ሚኖ ዘሪይ ኢያው ኢማቲስ፡፡ ሄሳ ሜላ ኦዳይ ኣሳ ጳይሴሲፔ ኣቲን ኣይኮካ ማዳና፡፡

ሄ ኡባን ጊዮቲዮሳስ ኣኪካናው ቤሲያባይ፡ ጳውሎሳ ሃናታኔ ኢያ ዲሳ ቆፋ ሄሲካ፡፡ ኢያ ኣማኑዋ፡፡ ኢያ ገንጫ፡፡ ኢያ ሰቁዋ፡፡ ኢያ ዳንዳዓኔ ኢያ ጋኪዳ ሜቱዋ ለሚሶ ኦሴዲ ካሳናይሳ፡፡ ጳውሎስ ሃ ኪታ ግፊዳይ፡ ኢ ባ ዋሳ ኦንጊዲ ሃይቆስ ገጌቲዳ ዋዳና፡፡

## 2 ጊዮቲዮሳ ኪታ ኣይፌ ቆፋታ

- ጌሎ ቆፋ 1:1-2
- ጊዮቲዮሳስ ኢማቲዳ ዘሪያ 1:3-2:13
- ወርሴላ ዋዲያባ 2:14-4:5
- ጳውሎስ ሃኒዲ ዲዒያ ዲሳ 4:6-18
- ኩሻ ቆፋ 4:19-22

1 ያሳ ሸኔን፡ ዩሱስ ኪሪስቶሳን ቤንቲዳ ዴዎ ኡፋይሳ ማርካታናው ዩሱስ ኪሪስቶሳ ሃዋሬ ጊዲዳ ጳውሎሳፔ፡፡

- 2 ታ ደሲያ ናዓ ጊዮቲዮሳስ ኪቲቲዳ ኪታ፡፡
- ያሳ ኣዋፔኔ ኑ ጎዳ ኪሪስቶስ ዩሱሳፔ ኣጾ ኬሃቲላይ፡ ማርቲላይኔ ሳርቲላይ ኔው ጊዳ፡፡

### ጊዮቲዮሳስ ኢማቲዳ ዘሪያ

3 ታኒ፡ ታ ዋሳን ቃማኔ ጋላስ ኔና ቆፓይስ፡፡ ታኒ ዋሲያ ዋዴ ታ ማይዛታ ያሳኔ ታኒ ሎዎ ካሃን ሃጋዚያ ያሳ ኔ ገሾ ጋላታይስ፡፡

4 ታኒ ኔ ኣፋላ ቆፓይስ፤ ኔና ቤዓዳ ኡፋይታናው ዳር ላሞታይስ፡፡

5 ቃሲ ኔው ዲዒያ ቱማ ኣማኑዋ ኤራይስ፡፡ ሄ ኣማናይ ቤኒ ኔ ዋጋ ኣዩ ሎይዲኔኔ ኔ ኣዬ ኤወኒቁን ዲዒያ ኣማኑዋ ሜላ፡፡

6 ሄሳ ገሾ፡ ታኒ ታ ኩሺያ ኔ ቦላ ዋሴዳ ዋዴ ያሳይ ኔው ኢሚዳ ኢሞታ ኔኒ ዛራ ኤላና ሜላ ኣኪኪሳይስ፡፡

7 ኣይስ ጊኮ፡ ያሳይ ኑስ ዋልቃ፡ ሲቆኔ ኑ ሁዔ ሃሪያ ኣያና ኢሚሰፔ ኣቲን ያሻ ኣያና ኢሚቤና፡፡

8 ሂዛ፡ ኑ ጎዳስ ማርካታናው ዩላቶፓ፤ ቃሲ ኢያ ገሾ ቃሽቲዳ ታናንካ ዩላቶፓ፡፡ ሸን ያሳይ ኔው ኢሚያ ዋልቃን ዋንጌላ ገሾ ታራ ሜቶ ኤካ፡፡

9 ያሳይ ባ ሸኔኔኔ ባ ኣጾ ኬሃቲላን ኑና ኣሸዲ፡ ባ ጌሻ ዴሬ ኦላናው ኑና ዶሪስፔ ኣቲን ኑኒ ኦሴዳ ኦሱዋ ገሾ ጊዳና፡፡ ሃ ኣጾ ኬሃቲላ ኪሪስቶስ ዩሱሳ ባጋራ ኣላሚይ ሜዴታናፔ ሲንሌ ኑስ ኢሚስ፡፡

10 ሃዒ ሃ ኣጾ ኬሃቲላይ ኑና ኣሸያ ኪሪስቶስ ዩሱሳ ዩሳን ቆንጨስ፡፡ ኢ ሃይቆ ዋልቃ ጳይሲዲ፡ ዋንጌላ ባጋራ ጳዮና ዴዎ ኑስ ቆንጨሲስ፡፡

11 ታኒ ዋንጌላ ሳባኪ፡ ሃዋሬኔ ኣስታማራ ጊዳና ሜላ ያሳይ ታና ዶሪስ፡፡

12 ታኒ ሄሳ ገሾ ሃ ሜቱዋ ኤካይስ፤ ሸን ታ ኣማኔይ ኦክኮ ኤሪያ ገሾ ዩላቲኬ፡፡ ታው ኢማቲዳ ሃዳራ ሄ ጋላሳይ ገካናው ኢ ናጋናው ዳንዳዒይሳ ኤራይስ፡፡

13 ታኒ ኔና ታማርሲዳ ቱማ ቃላ ለሚሶ ኦላ ይካዳ ኪሪስቶስ ዩሱሳ ባጋራ ኑባ ጊዲዳ ኣማኑዋኔኔ ሰቁዋን ዴዳ፡፡

14 ኑ ጊዲን ዲዒያ ጌሻ ኣያና ዋልቃን ኔው ኢማቲዳ ሎዎ ሃዳራ ናጋ፡፡

15 ኢሲያ ቢታን ዲዒያ ኡባይ ታፔ ሃኪዳይሳ ኤራሳ፤ ኤንታ ጊዳን ፊጌሉሲኔ ሄርሞጌኔሲ ዴዎሶና፡፡

16 ኣኔሰፎራ ታና ዳር ዋዴ ማንሴሉዳ ገሾ ጎዳይ ኢያ ሶ ኣሳስ ቃዴቶ፡፡ ታኒ ቃሾ ኬላን ዲዒያ ዋዴ ኢ ታናን ዩላቲቤና፡፡

17 ህሳብ ስላ ኢ ሮሜ ካታማ ዪዳ ዎዴ ታና ሚንሉ ኮዪዲ ዴሚስ።  
 18 ጩርሱላ ጋላሳን ጎዳይ ኢያው ቃቆታና ሜላ ታኒ ጎዳ ዋሳይስ። ኤፊሶና ካታማን ኢ ታና ኣይ ሚላ ማዲዳኮ ኔ ሎይላ ኤራሳ።

## 2

### ዬሱስ ኪሪስቶስን ሚና

1 ሂዛ፣ ታ ናዓው፣ ኪሪስቶስ ዬሱስን ዴዒያ ማርቴላን ሚና።  
 2 ዳር ማርካታ ሲንላን ታኒ ኔና ታማርሲዳ ቲሚርቲያ፣ ሃራታ ታማርሳናው ዳንዳዒያ ኣማኔቲዳ ኣሳስ ሃዳራ ኢማ።  
 3 ዬሱስ ኪሪስቶስ ኣማንሉያ ዎታዳሬ ጊዳዳ ታራ ሜቶ ኤካ።  
 4 ኦላ ዎታዳሬይ ባ ሃላቃ ኡፋይሳናው ጊኔቲሲፔ ኣቲን ሃራ ኦሶን ባና ፔሺና።  
 5 ሃሳዳካ፣ ጋዴ ዎጂያ ኦኒካ ቤሲያ ኦኒራ ጋዴቶና ኢደኮ ዎይቶ ኤኬና።  
 6 ጎሻን ዳቡሪያ ጎሻንቸይ ባ ዳቡራ ኣይፊያፔ ሚያ ኮይሮ ኣሲ ጊዳናው ቤሴስ።  
 7 ኔ ኣከካና ሚላ ጎዳይ ኔና ማዳና ጊሾ ታ ኔው ኦዲዳባ ኔ ዋዛናን ናጋ።  
 8 ታኒ ማርካቲያ ዎንጌላ ሚላ ሃይቆፔ ዴንዲዳ፣ ዳዊቲ ዜሬላ ጊዳዳ ዬሱስ ኪሪስቶስ ቆጋ።  
 9 ታኒ ዎንጌላ ኦዲያ ጊሾ ኢታባ ኦላዳ ኣሳዳ፣ ቃሼታዳ ሜቶ ኤካስ። ሸን ያሳ ቃላይ ቃሼቲና።  
 10 ሃሳ ጊሾ፣ ያሳይ ዶሪዳ ኣሳቲ ኪሪስቶስ ዬሱስን ዴዒያ ኣቶቲላ ሜሪና ቦንቹዋራ ኤካና ሚላ ኤንታ ጊሾ ኡባባን ዎይታይስ።  
 11 ሃይሳዳ ያጊያ ቱማ ቃሊ ዴዒስ፤  
 «ኮኒ ኢያራ ሃይቁዳባ ጊዲኮ፣  
 ኢያራ ኢሲፊ ዴዒና።  
 12 ኮኒ ጌንጨኮ፣  
 ኢያራ ኢሲፊ ካዎታና።  
 ኮኒ ኢያ ካዲኮ፣  
 ኢ ኦና ካዳና።  
 13 ኮኒ ኣማኔቶና ኢደኮ፣  
 ኢ ኣማኔቲዳይሳ ጊዲዲ ዳና።  
 ኣይስ ገኮ፣ ኢ ባና  
 ካዳናው ዳንዳዒና» ያጌስ።

### ሚና ኦሳንቸ

14 ኔኒ ኤንታ ሃይሳ ኣኬኪሳ፤ ኤንቲ ቃላታ ጋሶን ፓላቶና ሜላ፣ ጎዳ ሲንላን ኤንታ ዞራ። ሄሲ ሲዔይሳታ ቆይሴሲፔ ኣቲን ኣይኮካ ማዳና።  
 15 ኔኒ ቱማ ቃላ ሱሬቲላን ታማርሴይሳኔ ዬላዮና ኦሳንቸ ጊዳዳ፣ ያሳይ ናሺያ ኣሳዳ፣ ኔናቲላ ኢያው ኢማናው ሚና።  
 16 ሸን ሃ ኣላሚያስ ኢንጃቲያ ጎዮና ኦዳፔ ባቃታ። ሃሳ ሚላ ኦዳይ ኣሴ ያሳፊ ሃሴስ።  
 17 ሃሳ ሚላ ኦዳይ ኣሳቲላ ሚዲጊያ ፓዮና ዎይዛዚሬ ማዲንላ ሚላ። ሃሳ ሚላ ኦዳ ኦዳቲይሳታ ጊዳፊ ሃሚኔዮሲኔ ፊሊያሲ ዴዮሶና።  
 18 ሃ ኣሳቲ ቱማ ኦጊያ ኣጊዲ፣ «ሃይቁዳ ኣሳይ ሃይቆፔ ቤኒ ዴንዲዳሶና» ያጊዲ ጉላ ኣሳታ ኣማኮ ዎ ቆይሴዳሶና።  
 19 ጊዩሸን፣ ያሳይ ሚና ዛላ ሂደዳ ጊሾ ቃዳናው ዳንዳዒና። ኢያ ቦላ፣ «ጎዳይ ባይሳታ ኤሬስ። ጎዳ ሱንላ ደጊያ ኦኒካ ኢታ ኦሶፔ ሃኮ» ያጊያ ቃላይ ዓፊቲስ።  
 20 ኢሲ ጊታ ኬላን ዎርቃፊ ዎይኮ ቢራፔ ኦሴቲዳ ሚሸታ ዓላላ ጊዳናሸን ሚላፊ ዎይኮ ኡርቃፊ ኦሴቲዳ ሚሸቲካ ዴዮሶና። ሃሳታፔ ባጋቲ ቦንቸ ኦሶስ፣ ቃሲ ባጋቲ ቶሺቲያ ኦሶስ ፔዮሶና።  
 21 ሃሳ ጊሾ፣ ኦኒካ ኢታ ኡባ ኣጊኮኔ ባና ጌሺኮ፣ ቦንቸ ኦሶ ኦላያ ሚሸ ጊዳና። ኤንታ ዴዮይ ጌሺኔ ጎዳ ኡፋይሴያባ፣ ቃሲ ኤንቲ ሎዎ ኦሶ ኣላናው ዳንዳዒይሳታ ጊዳና።  
 22 ናዮቲላ ኢታ ኣውዋፔ ባቃታ። ጌሻ ዎዛናን ጎዳ ደጊያ ኣሳታራ ኢሲፊ፣ ደሎቲላ፣ ኣማኦዎ፣ ሰቆኔ ሳርቲላ ካላ።  
 23 ሸን ኦሺ ሚዔይሳ ኤራዳ ኤያቲላኔ ሃዳ ጊዲዳ ፓላማፔ ሃካ።  
 24 ጎዳ ኦሳንቸይ ኣሳ ኡባስ ኬሃ፣ ሎዎ ታማርሴይሳኔ ዳንዳዒንቸ ጊዳናው ቤሴሲፔ ኣቲን ኦይታናው ቤሴና።  
 25 ኢ ባራ ኤቁቲይሳታ ኣሸኬቲላን ሴሬይሳ ጊዳናው ቤሴስ። ኤንቲ ባንታ ናጋራፔ ሲሚዲ ቱማ ኤራናዳ ያሳይ ኦሳኔኮ ኦኒ ኤራ።

26 ኤንቲ ባንታ ዋዛናኮ ሲሚዲ ባ ሼኒያ ኦላና ማላ ኤንታ ኦይኪዳ ዓላሄ ዓሄያፕ ሴሲ ኤካና።

### 3

#### ወርሴላ ጋላሳ ማላታታ

- 1 ወርሴላ ጋላሳን ኤንዮሊያ ዋዳይ ያናይሳ ኤራ።
- 2 ኣሳይ ባንታና ዶሴይሳታ፣ ሚሼ ሰቄይሳታ፣ ጨቁቲይሳታ፣ ኦቶሬይሳታ፣ ጫዬይሳታ፣ ባንታና ዬሊዳይሳታስ ከቲቶናይሰታ፣ ጋላቶናይሰታ፣ ጌሻቴሌ ባይናይሳታ፣
- 3 ሰቆይ ባይናይሳታ፣ ማሮቴሌ ኤርናይሳታ፣ ዘጊሬይሳታ፣ ባንታና ሃርናይሳታ፣ ቃዴይ ባይናይሳታ፣ ሎዖ ዶሶናይሳታ፣
- 4 ዋርከሰስ ኣሌ ኢሜይሳታ፣ ቆፊ ባይናይሳታ፣ ኦቶሮን ሱጌቲይሳታ፣ ያሳፌ ኣሌዲ ኣሾ ኡፋይሳናው ዶሴይሳታ ጊዳና።
- 5 ኤንቲ ኣማኒያ ዳኖሶናፕ ኣቲን ኣማኖ ዋልቃ ካዶሶና፤ ኔኒ ሄሳ ማላ ኣሳታፔ ባቃታ።
- 6 ኤንታፊ ኢሶቲ ኢሶቲ ኣሳ ከሌ ጌሊዲ ናጋራን ኦይከቲዳይሳታኔ ዱማ ዱማ ኣዋን ሱጌቲያ ዳቡራንቶ ማጫሳታ ቦላ ጎዳቶሶና።
- 7 ሄ ማጫሳቲ ኡባ ዋዴ ታማሮሶና፣ ሺን ቱማ ኤራናው ዳንዳዖኮና።
- 8 ያኔሲኔ ያዋባሬሲ ሙሴራ ኤቁቲዳይሳዳ ሃ ኣሳቲ ጉጌይ ኦላናይሳታኔ ኣማኖን ኩንዲዳ ኣሳታ ጊዲያ ጊሾ ቱማራ ኤቁቶሶና።
- 9 ሺን ያኔሳኔ ያዋባሬሳ ኤያቴላይ ቆንጨዳይሳዳ ኤንታ ኤያቴላይካ ኣሳ ኡባ ሲንላን ቆንጫና ጊሾ ኤንታው ሃኔና።

#### ወርሴላ ዞሬ

- 10 ሺን ኔኒ ታ ቲሚርቲያ፣ ታ ዲሳ፣ ታ ቆፋ፣ ታ ኣማኑዋ፣ ታ ዳንዳዳ፣ ታ ስቁዋ፣ ታ ገንጫ፣
- 11 ታ ዬዳቴላኔ ታ ሚቱዋ ኤራሳ። ኣንዖኪያን፣ ኢቆኒዮኔን፣ ሊሰሻሪ ካታማታን ታና ጋኪዳባኔ ታኒ ዳንዳዲዳ ሜቱዋ ኤራሳ፤ ጎዳይ ታና ሄ ኡባፊ ኣሽሰ።
- 12 ከሪሰቶስ ዬሱሳን ያሳ ኡፋይሲያ ዴዖ ዳናው ኮያ ኡባይ ጎዳታና።
- 13 ኢታ ኣሳቲኔ ባሌሌይሳቲ ባንታው ባሌቲሼኔ ሃራታ ባሌሊሽ ካሲፔ ኢቲ ኢቲ ባና።
- 14 ሺን ኔ ታማራዳ ቱማኒኔ ኔ ኣማኒዳ ኣማኑዋን ኤቃ። ኔ ኦዴፌ ታማራዳኮ ኤራሳ።
- 15 ኔኒ ኔ ናዓቴላፊ ዶማዳ ከሪሰቶስ ዬሱሳ ኣማናዳ ኣቶቴሌ ዳሚያ ጨንጫቴሌ ኢማናው ዳንዳዲያ ጌሻ ማፃፋታ ኤራዳሳ።
- 16 ጌሻ ማፃፋ ኡባይ ያሳፌ ኢሜቲዳ ቃላ። ሄ ማፃፋይ ቱማ ታማርሳናው፣ ባሊዳይሳታ ሴራናው፣ ሱሪሳናውኔ ያሎቴላ ዲሳስ ኮሺያ ዞሬ ኢማናው ማዴሰ።
- 17 ያሳ ኣሲ ፖሎኔ ሎዖ ኦሶ ኡባ ኦላናው ጊጊዳይሳ ጊዳና ማላ ማዴሰ።

### 4

- 1 ታኒ ኔና ያሳ ሲንላኒኔ፣ ካዋ ጊዲዲ ሃራናው ቆንጨያ ዋዴ ፓፃታኔ ሃይቁዳይሳታ ፐርዳናው ዴዲያ ከሪሰቶስ ዬሱሳ ሲንላን ዞራይሰ።
- 2 ቃላ ኦዳ፤ ዋዴይ ኢንጃቲን ኢንጃቲና ኢዲን ሚናዳ ኦዳ። ዳሮ ዳንዳዳኒኔ ታማርሶን ኣሳ ዞራ፣ ሴራ፣ ዳንሌ፣ ዳንሌ።
- 3 ኣሳይ ቱማ ቲሚርቲያ ሲዖና ኢዲያ ዋዴይ ያና። ኤንቲ ባንታ ኣሙዋ ካሊዲ፣ ባንታው ሲዳናው ኡፋይሲያባ ኦዲያ ኣስታማራታ ሺሾሶና።
- 4 ኤንቲ ቱማ ቲሚርቲያ ኣጊዲ፣ ቱማ ጊዶና ኦዳ ሲዳናው ባንታ ሃይላ ዞሮሶና።
- 5 ሺን ኔኒ ኡባባን ኔና ሃራ። ሜቱዋ ዳንዳዳ። ዋንጌላ ማርካቴላ ኦሶዋ ኦላ። ኔው ኢሜቲዳ ያሳ ኦሶ ኡባ ፖላ።
- 6 ታኒ ያርሼቲያ ዋዴይ ጋኪሰ፤ ሃ ኣላሚያ ኣጋዳ ቢያ ዋዴይ ማቲሰ።
- 7 ታኒ ሎዖ ኦላ ኦሊታሰ፤ ታ ጋዲያ ዋፃዳ ወርሳሰ፤ ኣማኑዋ ናጋሰ።
- 8 ሲንላፊ ያሎቴላ ካላቻይ \* ታና ናጌሰ። ሄሳ ያሎ ፐርዳ ፐርዲያ ጎዳይ ሄ ጋላሰ ታው ኢማና። ሄሳ ታ ዓላላሰ ጊዶናሺን ኢያ ቆንጨኦላ ኣሞቲያ ኡባሰ ኢማና።

- ጳውሎሳ ቡዞ ቆፋታ
- 9 ኤሊሳ ያዳ ታና ቤዓ።

---

3:8 ከሳ 7:11    3:11 ሃ.ኦ 13:14-52፤ 14:1-20    \* 4:8 ያሎቴላ ካላቻይ፣ ያሎቴላ ዴዖ ጊሾ ታ ኤካና ካላቻ፣ ያሎቴላ ታው ካላቻ ኦሊዲ ኢሜሰ ጉሱ።

- 10 ዳማሲ ሃ አላሚያን ዳዲያባታ ደሲዲ፣ ታና አጊዲ፣ ቴሴሎንቄ ካታማ ቢስ። ቄርቄሲ ጋላቲያ ቢታ፣ ቃሲ ቲቶይ ዲልማዲያ ቢታ ቢስ።
- 11 ሉቃሳ ፃላሊ ታራ ዳዔስ። ማርቆሲ ያሳ ኦሶን ታና ማዳናው ዳንዳዲያ ጊሾ ኔራ ኤካዳ ያ።
- 12 ታኒ ቲኪቆሳ ኤፌሶና ካታማ ኪታስ።
- 13 ኔኒ ያሼ፣ ጂሮዳ ካታማን ካርፖሳ ማታን አጋዳ ዪዳ ታ ኮቲያኔ ማፃፋታ ታው ኤካዳ ያ። ኡባካ ጋልባን ፃፊቲዳ ማፃፋታ ኤኮና ዮፓ።
- 14 ቢራታ ቆዲያ ኢስኪንዲሬይ ታና ዳሮ ቆሂስ፤ ጎዳይ ኢያ ኦሱዋዳ ኢያው ዛራና።
- 15 ኢ ኑ ቲሚርቲያ ዳሮ ኢዲያ ጊሾ ኢያፔ ኔና ናፓ።
- 16 ኮይሮ ታ ሞቴቲያ ዋዴ ኡባይ አጊዲ ቢደሶናፔ አቲን ኦኒካ ታና ማዲቤና። ያሳይ ሄ ባላ ኤንታው ታይቦፖ።
- 17 ሺን ታኒ ኩሜላ ኪታ አይሁዳ ጊደና አሳ ኡባስ ማርካቲን፣ ኤንቲ ሰዓና ሜላ ጎዳይ ታ ማታን ኤቁዲ ታው ዋልቃ አሚስ። ቃሲ ኮሻቲዳ ጋሞዳ ደና ደዪዳ ሃይቁዋፔ ታና አሺሰ።
- 18 ጎዳይ ታና ኢታ ኡባሬ አሺዲ ባ ሳሎ ካዎቴላ ሳሮን ኤፋና። ኢያው ሜሪናፔ ሜሪና ጋካናው ቦንቾይ ጊደ። አሚንዲ።

**ወርሴላ ሳሮሶ**

- 19 ጸሪሰቁላስ፣ አቁላሲኔ አኔሰፎራ ሶ አሳስ ታ ሳሮሱዋ ኦዳ።
- 20 ኤራስ፣ ቆሮንቶሳ ካታማን አቲስ። ጂሮፊሞሲ ሃርጌቲዳ ጊሾ ሚሊዳ ካታማን አጋስ።
- 21 ባልጎይ ጌላናፔ ሲንጼ ኤሌሳዳ ያ።
- ኤወቡሉስ፣ ጵዴሲ፣ ሊኑሲ፣ ቁላዴይኔ ሃራ አማኒያ አሳቲ ኡባይ ኔና ሳሮ ሳሮ ጎሶና።
- 22 ጎዳይ ዬሱስ ከሪሰቶሲ ኔ አያናራ ጊደ።
- ያሳ ማርቴላይ ሂንቲ ኡባራ ጊደ።

---

4:10 ቆላ 4:14፤ ፊልሞ 24፤ 2ቆሮ 8:23፤ ጋላ 2:3፤ ቲቶ 1:4      4:11 ቆላ 4:14፤ ፊልሞ 24፤ ሃ.ኦ 12:12፤ 25፤ 13:13፤ 15:37-39፤ ቆላ 4:10      4:12 ሃ.ኦ 20:4፤ ኤፌ 6:21-22፤ ቆላ 4:7-8      4:14 1ጊሞ 1:20፤ ማዝ 62:12፤ ሮሜ 2:6  
 4:19 ሃ.ኦ 18:2፤ 2ጊሞ 1:16-17      4:20 ሃ.ኦ 19:22፤ ሮሜ 16:23፤ ሃ.ኦ 20:4፤ 21:29

### ጳውሎስ ቴቶስ ፃፊዳ ኪታ ጋላ ቆፋ

ቴቶይ አይሁዳ ጊዳና አሲ፣ ሺን ጉዩፔ አማኒዲ፣ ጳውሎስ ዋንጌላ ኪታ ኦሱዋ ኦሊያ ዎዴ ማታን ኢያ ማዲዳ አሲ። ሄ ዎዴ ቴቶይ፣ ዎሳ ኬላ ጻላናዉኔ ናጋናው ቃርጻሳ ቢታን አቲስ። ሃ ኪታይ ሄቩ አይፊ ቆፋታ አይኬስ።

1) ዎሳ ኬላ አይሲያ አሳይ፣ ኢታ ዱሱ ዳዲያ ቃርጻሳ አሳ ማታን አይ ሜላ ሎዎ ዱሱ ዳናው ኮሺያኮ ቴቶ አኬከሲስ።

2) ዎሳ ኬላ ጊዳን ዳዲያ ዱማ ዱማ ጨጌታ፣ ሄሲካ፣ ጨማ አሳታ፣ ያላጋ አዳታኔ አይሌታ ዋቲ ታማርሳናው ቤሲያኮ ቴቶ ዘሬስ።

3) አማኒያ አሳ አማኖ ዱሳባ፣ ሄሲካ፣ ሳርቴላኒኔ ሲቆን ዳናባ፣ ዎሳ ኬላ ጊዳፊ ኦሺ፣ ፓላማኔ ቫሆቴሌ ዲጋናባ ቴቶስ ዘሬ አምስ።

#### ቴቶ ኪታ አይፊ ቆፋታ

- ጌሎ ቆፋ 1:1-4
- ዎሳ ኬላ ካሌሊያ አሳ 1:5-16
- ዎሳ ኬላን ዳዲያ ዱማ ዱማ ጨጌታ ኦሶ 2:1-15
- ዘሬኔ ናጊሶ 3:1-11
- ኩሻ ቆፋ 3:12-15

1 ዬሱስ ኪሪስቶስ ሃዋሬይኔ ያሳ አይሌይ፣ ጳውሎስ፣ ፃፊዳ ዳብዳቢያ። ያሳይ ዶሪዳ አሳ አማኦዎ ዲቻናዳኔ ቱማ አያና ዳዑዎ ዋኒዲ ዳኔኮ ቤሲያ ቱማ ኤራኮ ኤንታ ካሌላናው ታኒ ኪቴታስ።

2 ሄ አማኖይኔ ኤራቴላይ ሜሪና ዳዑዎ ኡፋይሳ ቦላ ዘምፕስ። ሄሳ ዳር ዎዴፔ ሲንጤ ዎርዶቶና ያሳይ ኦስ አማና ጊዲ ቃላ ጌሊስ።

3 ኦና አሺያ ያሳይ ባ ዎዴን ሃ ኪታ ኦዳና ሜላ ታው ሃዳራ አሚስ።

4 ኦ ኮሌ አማኦዎን ታ ቱማ ናባ ጊዲዳ ቴቶ፣ ያሳ አዋፔኔ ኦና አሺያ ዬሱስ ኪሪስቶሳፔ አጾ ኬሃቴላይ፣ ማርቴላይኔ ሳርቴላይ ኔው ጊዳ።

#### ቴቶይ ቃርጻሳን ኦሊያ ኦሱዋ

5 ታኒ ኔና ቃርጻሳን አጋዳ ዪዳይ፣ ኔኒ አቲዳባ ገጊሳናዳኔ ታኒ ኪቴዳይሳዳ ካታማ ኡባን ዎሳ ኬላ ጨማታ ዶራና ሜላሳ።

6 ጨሚ ቦሬቶናይሳ፣ አሲ ማቹ አዚና፣ ማራ ጳዮን ዎይኮ ኪቴቴላ ኢያን አሲ ቦርና አማኒያ ናይቲ ዳዲያ አሲ ጊዳናው ቤሲስ።

7 ዎሳ ኬላ ጨሚ ያሳ ኦሱዋ ሃዳራ ኤኪዳ ገሾ ቦሬቶናይሳ፣ ኦቶርቶናይሳ፣ ኤሌ ዪሎቶናይሳ፣ ማሶቶናይሳ፣ ኦዳ ሜጾናይሳኔ ቤሶና ጎዳስ ዳፊቶናይሳ ጊዳናው ቤሲስ።

8 ሺን አማሌ ዋኬይሳ፣ ሎዎባ ኡባ ዶሲይሳ፣ አኩካንቾ፣ ጻሎ፣ ጌሺኔ ባና ሃሪይሳ ጊዳናው ቤሲስ።

9 ሃራታ ሱሬ ቲሚርቲያን ሚንጤላናዉኔ ሄ ቲሚርቲያ አይይሳታ ዛራናው ባ ታማሪዳ ቱማ ቃላን ሚኒዲ ኤቃናው ቤሲስ።

10 ኪቴቶናይሳቲ፣ ፓሶና ኦዳ ኦዳቴይሳቲ፣ ጨሚይሳቲ ኡባካ ቃፃሬቴላ ዎጋ ናጊያ ዳር አሳቲ ዳዎሶና።

11 ኤንቲ ቤሶና ኦጌን ሚሼ ዳማናው ኮዪዲ፣ ታማርሳናው ቤሶናባ ታማርሲሼ ኬላ አሳ ኡባ ኢሲያ ገሾ ኤንታ ቲሚርቲያ ቲቃናው ቤሲስ።

12 ኤንታ ናቤታፔ አሲይ፣ «ቃርጻሳ አሳይ ኡባ ዎዳ ዎርዶ ኦዳቶሶና፤ ኢታ ዶዳታኔ አዛላ ያራምባታ»\* ያገሰ።

13 ሃ ማርካቴላይ ቱማ ማርካቴሌ። ሄሳ ገሾ፣ ኤንታው ቱማ አማኖይ ዳና ሜላ ኤንታ ሃንቄታ።

14 ቱማ አይያ አሳ ቲሚርቲያኔ አይሁዳታ ፓሶና ቶሲያ ሲዎና ሜላ ኤንታ ሱራ።

15 ባንታው ጌሺ ጊዲዳይሳታስ ኡባይ ጌሺ፣ ሺን ቱናታሲኔ አማኖናይሳታስ ኤንታ ቆፋይኔ ካሃይ ቲኒዳ ገሾ ኤንታው አይቢካ ጌሺ ጊዳና።

1:4 2ቆር 8:23፤ ጋላ 2:3፤ 2ጊዎ 4:10    1:6 1ጊዎ 3:2-7    \* 1:12 ቃርጻሳ አሳይ ኡባ ዎዳ ዎርዶ ኦዳቶሶና፤ ኢታ ዶዳታኔ አዛላ ያራምባታ፡ ሄሳ ያገዲ ኦዳዳ ናቤይ ኤጲሜንዳሳ ጌቴቴስ።



16 እንቲ ኑ ያሳ ኤሮስ ጎሶና፡ ሸን ባንታ ኦሱዋን ኢያ ካዶሶና፡ እንቲ ያሳን ኢጻቲዳይሳታ፡ ኪቲቶናይሳታኔ ሎዖ ኦሶ ኡባሰ ጊደናይሳታ፡፡

## 2

- 1 ሸን ኔኒ ሱሬ ቲሚርቲያ ጳልቆና ቲሚርቲ ታማርሳናው ቤሱስ፡፡
- 2 ጨማ ኣዳቲ ባንታና ሃራይሳታ፡ ዋፑ ጊደይሳታ፡ ቦንቼተዳይሳታ፡ ኣማኖን፡ ሲቆኒኔ ዳንዳዓን፡ ሚያ ጊደና ሚላ ዘራ፡፡
- 3 ሄሳዳካ፡ ጨማ ማጫሳይ ባንታ ዱሳን ጌሻታ፡ ዘጊርናይሳታ፡ ዋይኔ ኡሻን ሃራቶናይሳታኔ ሎዖባ ታማርሱይሳታ ጊደና ሚላ ታማርሳ፡፡
- 4 እንቲ ሄሳዳ ሃኒኮ ያላጋ ማጫሳይ ባንታ ኣዚናታኔ ባንታ ናይታ ሲቃና ሚላ ታማርሳናው ዳንዳዖሶና፡፡
- 5 ያሳ ቃላይ ቦራቶና ሚላ ባንታና ሃራይሳታ፡ ጌሻታ፡ ባንታ ሶን ኦሌይሳታ፡ ኬሃታኔ ባንታ ኣዚናታስ ኪቲቲይሳታ ጊደና ሚላ ያላጋ ማጫሳ ታማርሳና፡፡
- 6 ሄሳዳካ፡ ያላጋ ኣዳቲ ባንታና ሃራና ሚላ ዘራ፡፡
- 7 ኔኒ ኔ ሁዔን ሎዖ ኦሶ ኡባን እንታው ለሚሶ ጊደና፡፡ ኔኒ ኔ ቲሚርቲያን ኡቁዳይሳኔ ኣማኔቲዳይሳ ጊደና፡፡
- 8 ኑ ዋርኬቲ ኦና ዘጊራናው ጋሶያባይ እንታው ጳዪን እንቲ ዬላታና ሚላ ኔኒ ቦራቶና ሎዖ ኦዳ ኦዳታ፡፡
- 9 ኣይሌቲ ኡባባን ባንታ ጎዳታስ ኪቲታና ሚላ፡ እንታ ኡፋይሳና ሚላኔ እንታራ ፓላሞና ሚላ ዘራ፡፡
- 10 እንቲ ባንታ ጎዳታፔ ካይሶቶፖ፡ ሄሲካ፡ ኦና ኣሺያ ያሳ ቲሚርቲይ፡ ኡባ ኦጌን ደሴቲዳይሳ ጊደና ሚላ ባንታ ኦሌያ ኦሱዋን ኣማኔቲይሳታ ጊደይሳ ቤሳና ሚላ እንታ ዘራ፡፡
- 11 ኣሴ ኣሺያ ያሳ ኣጼ ኬሃቴሳይ ኣሳ ኡባሰ ቆንጨሲ፡፡
- 12 ሄ ኣጼ ኬሃቴሳይ፡ ኑ ናጋራኔ ሃ ኣላሚያ ኣሙዋ ኣጊደና፡ ሃ ዋዲያን ኦና ሃራዲ፡ ቱማ ኣያና ዴዑዋኒኔ ጂሎቴላን ዳና ሚላ ኦና ታማርሱስ፡፡
- 13 ኦኒ ኣንጃቲዳ ኡፋይሳ ጊደዳ ጌታ ያሳኔ ኦና ኣሺያ ዬሱስ ኪሪሰቶሳ ቦንቾ ቆንጨዓ ናጎሰ፡፡
- 14 ኢታ ኦሶ ኡባሬ ኦና ዋዛናውኔ ሎዖባ ኦላናው ኣሞቲያ ባ ጌሻ ኣሲ ኬሳናው ኑ ጊሾ ባና ኣሌ ኣሚስ፡፡
- 15 ኔኒ ሃይሳ ታማርሳ፤ ኩሜላ ማታን ዘራ፡ ሴራ፤ ኦኒካ ኔና ካጵፖ፡፡

## 3

### ኣማኒያ ኣሳ ኦሶ

- 1 ኣሳይ ዴሪያ ሃራይሳታስ፡ ኣዋቴሳይ ዴሪይሳታስ ሃራታናው፡ ኪቲታናውኔ ሎዖ ኦሶ ኡባ ኦላናው ጊኬቲዳይሳታ ጊደና ሚላ ኣኬኪሳ፡፡
- 2 ቃሲ እንቲ ኦዴ ቦላካ ኢታ ኦዴቶና ሚላ፡ ሳር ኣሲ ጊደና ሚላ፡ ኣሸኬታኔ ኣሳ ኡባሰ ካጼቲይሳታ ጊደና ሚላ ዘራ፡፡
- 3 ኦኒ ካሴ ኤያታ፡ ኪቲቶናይሳታ፡ ባሌቲዳይሳታ፡ ዴማ ዴማ ኣሾ ኡፋይሳሲኔ ኣሞስ ኣይሌቲዳይሳታ፡፡ ኦኒ ኢታቴላኒኔ ቃናቲን ኩሚዳይሳታ፤ ኑ ኣሴ ኢጻይሳታ፡ ኣሲካ ኦና ኢጻይሳታ፡፡
- 4 ሸን ኣሺያ ያሳ ኬሃቴሳይኔ ሲቆይ ቆንጨዳ ዋይ
- 5 ኑ ኦሌዳ ያሎ ኦሱዋ ጊሾ ጊደናሸን ባ ማርቲላ ጊሾ ኦና ኣሸሰ፡፡ ኦና ኢ ኣሸዳይ፡ ናሞዓንሶ ዬሌቴላ ሚቻኒኔ ጌሻ ኣያና ባጋራ ኣሚዳ ኦራላ ዴዑዋና፡፡
- 6 ሄ ኣያና፡ ያሳይ ኦና ኣሺያ ዬሱስ ኪሪሰቶሳ ባጋራ ኑ ቦላ ዳርሲዲ ጉሲስ፡፡
- 7 ባ ኣጼ ኬሃቴላ ባጋራ ኦና ጂሊሲዲ ሚሪና ዴዑዋ ላታ ኡፋይሳ ኦይካና ሚላ ሄሳ ኦሌስ፡፡
- 8 ሃ ቃላይ ኣማኔቲዳ ቃላ፡፡ ያሳ ኣማኔይሳቲ ሎዖ ኦሶ ኦላናው ጊጊዳይሳታ ጊደና ሚላ ኔ ሃ ቃላ ሚንሳዳ ኦዳና ሚላ ታ ኮያይስ፡፡ ሃይሳቲ ኣሴ ኡባሰ ሎዖኔ ጎዳይሳታ፡፡
- 9 ሸን ኤያቴላ ፓላማፔ፡ ኮቻ ታይቦፔ፡ ካቻፊኔ ሂጌ ጋሶን ዴንዲያ ኣሻፊ ናጌታ፡፡ ሄሲ ጎዲኔ ዋጺይ ባይናባ፡፡
- 10 ሸሆቴሌ ሜዲያ ኡራ ኮይር ዘራ፤ ናሞዓንሶ ሃንቁታ ሃሳፊ ጉዬ ኢያፔ ሃካ፡፡
- 11 ሄሳ ሚላ ኣሲ ጌላኔ ናጋራንቻ፤ ኢ ባ ቦላ ፐርዴይሳ ኤራ፡፡

### ወርሴላ ዘራ

12 ታኒ ባልጎ ያን ሻጫናው ቆፒዳ ገሾ ኣርፃማሳ ዎይኮ ተከቆሳ ኔኮ ከተያ ዎዴ ኔ ታኮ ኔቆጸሊዮና ያናው ሚና።

13 ሂጌ ኤሪያ ዜናሲኔ ኣጲሎሲ ኦጌ ቢያ ዎዴ ኤንታው ኮሺያባይ ፓጮና ሜላ ኤንታ ማዳ።

14 ኑ ኣሳይካ ፓሉና ኣሲ ጊዲዲ ኣቶና ሜላ ባንታው ኮሺያባ ዴማና ሜላ ሎዎ ኦሶ ኦላናው ሚኒዲ ታማሮ።

15 ታራ ዴዲያ ኡባይ ኔና ሳሮ ጎሶና፤ ኣማኖን ኑና ሲቁያ ኣሳ ሳሮ ጋ።

ዖሳ ኣጼ ከሃቴላይ ሂንቴ ኡባራ ጊድ። ኣሚንዒ።

# ጳውሎስ ፊልሞናስ ፃፊዳ ዳብዳቤያ ጋላ ቆፋ

ፊልሞን ኤፎቴዳ አማኒያ አሰ። ኢ ቆላሲያሳ ዋሳ ኩላ አሲ ጊደና ኣቴና። ፊልሞናስ ኣናሰሞሳ ጊያ ኣይሌይ ዳዔስ። ሄ ኣይሌይ ባ ጎዳፔ ቤተዳ ቢዳ ዋዳ ቃሽ ኩላን ዳዔያ ጳውሎሳራ ጋሄተስ። ኣናሰሞስ ዬሱሳ አማናና ማላ ኣሌዳይ ጳውሎሳ። ጳውሎስ ፊልሞናስ ፃፊዳ ዳብዳቤይ፣ ፊልሞን ጉዬ ሰሚዲ ኢያኮ ቢያ ባ ኣይሌያራ ሲጌታና ማላ ኣኩኪሴስ። ጉጂዲካ ሃዒ ኣናሰሞስ አማኒያ አሰ ጊዲዳ ገሾ ሂዛፔ ጉዬ አማኒያ አሻዳ ኢያ ሞኪ ኤካና ማላፔ ኣቴን ኣይሌዳ ኢያ ታይቦናዳ ኢያው ኦዳስ።

## ፊልሞና ኪታ ኣይፌ ቆፋታ

- ሳሮሶ 1-3
- ጋላታኔ ዋሳ 4-7
- ጳውሎስ ኣናሰሞሳ ጊሾ ፊልሞና ዋሲስ 8-21
- ኩሻ ቆፋ 22-25

- 1 ታኒ ጳውሎስ፣ ዬሱስ ኪሪስቶሳ ጊሾ ቃሽን ዳዔይሴኔ ኑ አሻ ጂሞቲዮሲ፣ ኑራ ኦሌያ ኑኒ ደሲያ ፊልሞናስ፣
- 2 ኔ ሶን ሸቂያ ዋሳ ኩላስ፣ ኑ ማቺ ኣፊቢያሲኔ ኑራ ኢሲፌ ዳዔያ ዋታዳሪ ኣርኪጳሳስ ፃፊዳ ኪታ።
- 3 ያሳ ኑ ኣዋፔኔ ኑ ጎዳ ዬሱስ ኪሪስቶሳፔ ኣቶ ከሃቴላይኔ ሳርቴላይ ሂንቴው ጊዶ።

### ፊልሞና ሲቁዋኔ አማኑዋ

- 4-5 ኔኒ ጌሻታ ደሴይሳኔ ጎዳ ዬሱሳ አማኒይሳ ታኒ ሲዒያ ጊሾ ያሳ ዋሳሼ ኔና ቆፒያ ዋዳ ኡባን ታ ያሳ ጋላታይስ።
- 6 ኔኒ ኔ አማኑዋ ሃራታስ ሻኬይሲ ኩስ ኪሪስቶስ ዬሱሳ ባጋራ ያ ሎዖባ ኡባ ኤሪሳና ማላ ታኒ ያሳ ዋሳይስ።
- 7 ጌሻታ ዋዛናይ ኔ ኦሱዋን ማኒዳ ጊሾ ታ አሻው፣ ታኒ ኔ ሲቁዋን ዳር ኡፋይሴኔ ማንሌሶ ዳማስ።

### ጳውሎስ ኣናሰሞሳሳ ፊልሞናስ ኦዲስ

- 8 ሃሳ ጊሾ፣ ኔኒ ኦፋናው ቤሲያባ ኦፋና ማላ ኔና ኪታናው ኪሪስቶሳ ባጋራ ታው ማኖቴሌ ዳዔስ።
- 9 ታኒ፣ ጨማይ ጳውሎስ፣ ኪሪስቶስ ዬሱሳሰ ሃዒካ ቃሽን ዳዔይሴ፣ ሲቆን ኔና ዋሳይስ።
- 10 ታኒ ቃሽን ዳዔሼ ኢያው ዘሪያ ኣዋ ጊዳዳ ታ ናዓ ኣናሰሞሳ ጊሾ ኔና ዋሳይስ።
- 11 ኢ ካሴ ኔና ማዳና፣ ሺን ሃዒ ኔናካ ታናካ ቱማ ማዲያ አሰ።
- 12-13 ታኒ ዋዛናፔ ደሲያ ኣናሰሞሳ ኔኮ ዬዳይስ። ታኒ ዋንጌላ ጊሾ ቃሽቲዳሺን፣ ኔ ጊሾ ታው ኦሌዲ ታና ማዳና ማላ ታ ማታን ኢያ አሻናው ኮያስ።
- 14 ሺን ኔ ሺኔዳ ኦፋናው ኮያሲፔ ኣቴን ኔራ ዘራቶና ዋልቃን ኣይኮካ ኦፋናው ኮዩኪ።
- 15 ኣናሰሞስ ጉላ ዋዳ ኔፔ ሻኩቲዳይስ፣ ኦኒ ኤሪ ሰሚዲ ኡባ ዋዳ ኔራ ዳዖና ኣጌና።
- 16 ሃዛ፣ ሃይሳፌ ጉዬ ኣናሰሞስ ኣይሌ ጊደናሺን ኣይሌፌ ኢ ዳር ኣቆስ። ኢ ታው ኣይ ማላ ሲቆ አሺ! ቃሲ ኢ ኔው ኣሳ ባጋራካ ጎዳ ባጋራካ ኣጂዳ አሻ።
- 17 ሃዛ፣ ኔኒ ታና ኔ ሳጌ ጊያባ ጊዲኮ ታና ሞኪይሳዳ ኢያ ሞካ።
- 18 ኢ ኔና ቆሃዳባይ ዋይኮ ኢ ኣጮቲዳባይ ዳዒኮ ታፔ ኤካ።
- 19 ሄ ኣጩዋ ታኒ ቃንፃና ጋዳ ታኒ፣ ጳውሎስ፣ ታ ኩሺን ፃፋይስ። ኔኒ ታው ኔ ሸምፑዋ ኣጮታ ኡቲዳይሳ ታኒ ኔኒ ኣኩኪሳናው ኮሸና።
- 20 ታ ኣሻው፣ ጎዳ ባጋራ ኔፔ ማዳ ዳማናው ኮያይስ። ኪሪስቶሳ ባጋራ ታና ማንሌሳ።
- 21 ታኒ ጊዳይሳፌ ዳር ኔኒ ኦፋናይሳ ኤራዳ ቃሲ ኔ ታው ኪቲታናይሳ አማናና ሃይሳ ፃፋይስ።
- 22 ያሳይ ሃንቴ ዋሳ ሲዒዲ ታና ሃንቴኮ ጉዬ ዛራና ጋዳ ቆፒያ ጊሾ ታው ኢማሌ ሸምፒያ ኬሌ ጊሳ።

### ወርሲላ ሳርታ

23 ኪሪስቶስ ዬሱሳ ጊሾ ታራ ቃሽን ዳዔያ ኤጳፊሪ ኔና ሳር ሳር ጌስ።

24 ቃሲ ታራ ኢሲፌ ኦሊያ ማርቆስ፣ አርሰዲሮኮስ፣ ዳማሲኔ ሉቃስ ኔና ሳሮ ሳሮ ጎሶና።  
 25 ጎዳ ዩሱስ ኪሪስቶስ እቶ ከሃቴላይ ሂንቴ እያናራ ጊዶ።

# ኢብራዊ አሳሰ ፃፊቱዳ ከታ ጋላ ቆፋ

ሃ ከታይ ፃፊቱዳይ፣ ዋልቃማ ሜቶይ ጋኪን፣ ባንታ አማኑዋ አጋናው ማቲዳ አማኒያ አሳሳ። ሃ ማፃፋ ፃፊይ፣ ዩሱስ ከሪስቶስ ወርሱላኔ ቱማ ያሳ ቆንጮላ ጊደይሳ ኢብራዊ አሳሰ ቤሴስ። ሄ አማኒያ አሳይ ባንታ አማኑዋን ሚናና ሚላ ኤንታ ሚንሱሴስ። ኢ ሄሳን ሄቹ አይፊ ቆፋታ ዋናዬዲ ቤሴስ።

1. ዩሱስ ባ ኤኪዳ ሜቱዋን አዋሰ ቱማ ኪቲቲዳ ሜሪና ያሳ ናዓ። ኢ ያሳ ናዓ ጊዲዳ ጊሾ ጋልዓ ጫቁዋ ዋዴ ዴዒያ ናቤታ፣ ከታንቸታ፣ ሙሴ፣ ቦላ።
2. ዩሱስ ጋልዓ ጫቁዋ ካሂንታ፣ ዳር አጲያ ሚሪና ካሂኔ ጊደይሳ ያሳይ ባ ሁዒን ማርካቲስ።
3. ዩሱሳ ባጋራ አማኒያ አሲ ናጋራ፣ ያሻፊኔ ሃይቆ፣ አቲስ። ዩሱሲ ካሂኔ ሃላቃ ጊደይሳዳ፣ ካሴ ኢብራዊታ አማኖ ዋጋኒኔ ሚሂ ያርሾን ኩያዳ ቤንቲያ አቶቴላ ሃዒ ቱማ አሉስ።

ፃፊይ ኢሰራዒሌ አሳ ታሪኪን ዳር ኤሬቲዳ አሳ አማኖ ለሚሶ ኦሊ ኤኪዲ (ሺም 11) ሃ ማፃፋ ናባቢያ አሳቲ ባንታ አማኑዋን ሚናና ሚላ አኬኪሲስ። ሄሳዳካ፣ ሺም 7 12 ናባቤይሳቲ ባንታ አይፊያ ዩሱሳ ቦላ ዋሊዲ፣ ባንታ አማኑዋን ሚናና ሚላኔ አይ ሜቶይኔ ዋይይ ጋኪኮካ፣ አንቲ ጊንጫና ሚላ ዞሬስ። ወርሱላን ዞሬኒኔ አኬኪሶ ቃላን ባ ከታ ኩዩስ።

## ኢብራዊ ከታ አይፊ ቆፋታ

- ጌሎ ቆፋ፡ ያሳይ ከሪስቶሳን ቆንጫዲይሳ 1:1-3
- ከሪስቶሲ ከታንቸታ፣ ቦላ 1:4-2:18
- ከሪስቶሲ ሙሴ፣ ኢያሱ፣ ቦላ 3:1-4:13
- ከሪስቶሳ ካሂኔቲላይ ቦላ 4:14-7:28
- ከሪስቶሳ ጫቆይ ቦላ 8:1-9:22
- ከሪስቶሳ ያርሾይ ቦላ 9:23-10-39
- አማኖ ባይራቴላ 11:1-12:29
- ያሳ ኡፋይሶ 13:1-19
- አንጅኔ ኩሻ ቆፋ 13:20-25

## ናዓይ ከታንቸታ፣ ቦላ

- 1 ካሴ ያሳይ፣ ኑ አዋታሰ ናቤታ ባጋራ ዲማ ዲማ ኦጊን ዳር ዋዴ ኦዲስ።
  - 2 ሺን ሃ ወርሱላ ዋዲያን ኡባ ኢያ ላቲሲዳ ቃሲ አላሚያ ኢያ ባጋራ ሜቲዳ ባ ናዓ ባጋራ ኑስ ኦዲስ።
  - 3 ናዓይ ያሳ ቦንቸዋ ጸሊላኔ ኩሜላ ያሳ ያሳቴላ ኤኪዲ፣ ባ ዋልቃማ ቃላን ሃ አላሚያ ካቲሲዲ አይኪስ። አሳ ኤንታ ናጋራ፣ ጌሺዳ፣ ጉዬ ኡባፊ ቦላ ያሳ ኡሻቻ ባጋን ሳሉዋን ኡቲስ።
  - 4 ኢያው አሜቲዳ ሱንላይ ከታንቸታ ሱንላፊ ቦላ ጊደይሳዳ ኢ ኤንታፊ ቦላ።
  - 5 ሃዛ፣ ያሳይ ከታንቸታ፣ ኦዲኮ።
- «ኔኒ ታ ናዓ፤  
 ታ ሃቸ ኔው አዋ ጊዳሰ» ጊዴ?  
 ዋይኮ ቃሲ ኦዲኮ።  
 «ታኒ ኢያው አዋ ጊዳና፤  
 አካ ታው ናዓ ጊዳና» ጊዴ?  
 6 ቃሲ ያሳይ ባ ባይራ ናዓ ሃ አላሚያ ከቲሹ።  
 «ያሳ ከታንቸቲ ኡባይ ኢያው ጎይና»  
 ያጌስ።  
 7 ያሳይ ከታንቸታ ታዲሹ።  
 «ያሳይ ባ ከታንቸታ ጫርኮ።  
 ባ አይሌታ ታማ ሳጮ ኦሊስ»  
 ያጌስ።  
 8 ሺን ባ ናዓባ ኦዲሹ።  
 «ያሳው፣ ኔ ካዋቴላይ ሜሪናው ዴዒስ።

ነ ካዎቴላ ኔ ያሎቴላን አይሳሳ።

9 ኔኒ ያሎቴላ ዶሳዳሳ፤ ኢታ ኢፃዳሳ።  
የሳይ፣ ኔ ጎዳይ፣ ኔና ኔ ለጌታፔ አሊዲ ዶሪስ፣  
ኡፋይሳ ዛይቴ \* ኔና ቲዩስ»

ያጌስ።

10 የሳይ ዛሪዲ፣  
«ጎዳው፣ ኮይሮ ኔኒ ሳዓ ሜዳዳሳ፤  
ሳሎቲ ኔ ኩቪ ኦስ።

11 ሄሳቲ ኡባይ ዳያና፤  
ሺን ኔኒ ዳና።  
ኡንቲ ኡባይ አፊላዳ ዉራና።

12 ኔኒ ኡንታ ሳሊናዳ ፃፃና፤  
ቃሲ ኡንቲ አፊላዳ ላሜታና።  
ሺን ኔኒ ኡባ ዋዴ ኔና፤  
ኔ ላይላይካ ዉራና»

ያጌስ።

13 ሺን የሳይ ኪታንቸታፔ ኦዴኮ፣  
«ታኒ ኔ ሞርኬታ ኔ ቶሆይ  
ዬዲያሶ ኦላና ጋካናው።

ሃይሳን ታፔ ኡሻቻ ባጋን ኡታ» ጊዴ፣

14 ኪታንቸታ ኡባይ አቶቴላ ዴማናው ዴዒያ አሳታ ማዳናው የሳይ ከቲዳ አያናታ ጊዶኮናዬ።

## 2

### ገታ አንጀዋ

1 ሄሳ ጊሾ፣ ኑኒ ሲዲዳ ቱማፔ ሃራሶ ኤኬቶና ሜላ ሄ ሲዲዳይሳ ሚንሌዲ ናጋናው ቤሲስ።

2 ሄዛ፣ ኪታንቸታ ባጋሪ ኦዴቲዳ ቃላይ ቱማ ጊዲኮ፣ ኢያ ናቆይኔ ከቴቶና ኢያይ ፐርዳ ኤሃያባ ጊዲኮ።

3 ያቲን፣ ኑኒ ሃይሳ ሜላ ገታ አቶቴላ ኢፃሰ ገኮ፣ ዋኒዲ አታነ? ኮይሮ ጎዳይ ባ ሁዒን ሃ አቶቴላ ኦዲስ፤ ቃሲ ኢያፔ ሲዲዳይሳቲ ኑስ ጌሺዲ ማርካቲዶሶና።

4 ቃሲ የሳይ ማላታታን፣ ኦራላባታን፣ ዴማ ዴማ ማላታኒኔ ባ ሺኒያዳ አሚዳ ጌሻ አያና አምታታን ማርካቴላ ሚንሌስ።

### ዬሱሲ አሴ ጊዲሰ

5 የሳይ ሃ ኑኒ ኦዲያ ሲንሳፌ ያና አላሚያ፣ ኪታንቸታስ ሃሪሲቤና።

6 ጊሻ ማፃፋይ ኢሲ ቤሳን ሃይሳዳ ያጌስ።  
«ኔኒ አሳስ ቆፓናው አሲ አይቤ?  
ዋይኮ ኔኒ ኢያ ናጋናው ኢ አይቤ?

7 ኔ ኢያ ኪታንቸታፔ ጉላ ዋዴስ ጉላዳሳ፤  
ኢያ ሁዒን ቦንቸኔ ሳባ ካላቻ ዋላዳሳ።

8 ቃሲ ኡባባ ኢያ ቶሁዋፔ ጋርሳን ዋላዳሳ»  
ያጌስ። የሳይ ኡባባ ኢያው ሃሪሲያ ዋዴ ኢያው ሃሪቲቦናባይ አይቤካ ባዋ። ሺን ሃዲ ኡባባይ ኢያው ሃሪቲሺን ኑኒ ቤዒቦኮ።

9 ሺን ኑኒ ኪታንቸታፔ ጉላራ ጉዲዳ ዬሱሳ ቤያሰ። የሳ አዶ ከሃቴላ ጋሶን ዬሱሲ አሳ ኡባሰ ሃይቄስ። ኢ ዋዬ ሃይቆ ሃይቄዳ ጊሾ ቦንቸኔ ሳባ ካላቻ ኢያ ሁዒን ዋሊስ።

10 ኡባባይ ኢያውኔ ኢያ ጋሶን ሜዴቲዳ የሳይ፣ ዳር ናይታ ባራ ቦንቸሳናው ኡንታ አቶቴላ ሁዒያ፣ ዬሱሳ ዋዬን ፖሎ ኦላናው ኢያው ቤሲስ።

11 ዬሱሲኔ ሃ ኢ ጌሺዳ አሳ ኡባይ ኢሲ አዋ ናይታ። ዬሱሲ ኡንታ፣ «ታ ኢሻታ» ጊዲ ያጋናው ዬላቶናይ ሄሳሳ።

12 ዬሱሲ፣  
«ታኒ ኔ ሱንሳ ታ ኢሻታስ አዋጃና፤  
ዴሪያ ሺቁዋን ኔና ጋላታና»

ያጌስ።

1:8 ማዝ 45:6-7 \* 1:9 ኡፋይሳ ዛይቴ፣ ኢ ካዎቴያ ዋዴ አሳይ ኡፋይሳን ኢሊሊዲ ኢያ ካዎሌይሳ ቤሲስ። 1:10 ማዝ 102:25-27 1:13 ማዝ 110:1 2:6 ማዝ 8:4-6 2:12 ማዝ 22:22

- 13 ቃሲ ኢ፥ «ታኒ ታ አማኑዋ ኢያ ቦላ ዋላና» ቃሲካ፥ «የሳይ ታው አሚዳ ናይታራ ታ ሃይሳን ዳዓይሰ» ያጌሰ።
- 14 ናይቲ አሾይኔ ሱሊ ዳዔይሳታ ገዲያ ገሾ ዩሱሲካ ኤንታዳ እሴ ገዲሰ። ኢ ሄሳ ኦሊዳይ፥ ሃይቆ ቦላ ዋልቂ ዳዔያ ዓላሂያ ባ ሃይቆዋን ቆይሳናሳ።
- 15 ቃሲ ባንታ ዳዖ ላይሳ ኡባን ሃይቆ ያሻን እይሌቲዲ ዳዔይሳታ እይሌቴላፊ ዋዛናሳ።
- 16 ቱማ ዩሱሲ ዩዲይ ኣብራሃሜ ዜሬሊ ማዳናሳፊ ኣቲን ኪታንቸታ ማዳናሳ ገዲና።
- 17 ኣሳ ናጋራይ ኣቶ ጌቲታና ሜላ ያሳ ሲንላን ማሪያኔ አማኔቲዳ ካሂኔ ሃላቃ ገዲሰ። ሄሳ ገሾ፥ ኢ ኡባባን ባ አሻታ ዳናናው ቤሴሰ።
- 18 ኢ ባ ሁዓን ፓጩን ዋይቲዳ ገሾ ፓጩቲይሳታ ማዳናው ዳንዳዔሰ።

### 3

#### ዩሱሲ ሙሴፔ ቦላ

- 1 ሄሳ ገሾ፥ ያሳይ ያገዲ ጌሻ አሻቶ፥ ኑ አማኖን ጎዳ ገዲ ያገዲ ሃዋሪያኔ ካሂኔ ሃላቃ ዩሱሳ ቤዒቲ።
- 2 ሙሴይ ያሳ ኬላ ኡባን አማኔቲዳይሳዳ ዩሱሲካ ባና ዶሪዳ ያሳሰ አማኔቲዳይሳ።
- 3 ኬሊ ኬዳይሲ ኬላፊ ኣጲዲ ቦንቸቲይሳዳ ዩሱሲ ሙሴፔ ኣጲያ ቦንቸ ኤካናው ቤሴሰ።
- 4 ኢሲ ኢሲ ኬላ ኬዳዳ ኣሲ ዳዔሰ፥ ሺን ኡባ ገሲሲዳይ ያሳ።
- 5 ሙሴይ ያሳ ኬላ ኡባን አማኔቲዳ እይሌ ገዲዲ፥ ያሳይ ሲንላፊ ጋናባሰ ማርካ ገዲሰ።
- 6 ሺን ኪሪሰቶሲ ያሳ ኬላን ናዓዳ አማኔቲዳይሳ። ኑኒ ኤካና ገዲ ናገዲ ኡፋይሳ ሚንሊዲ ናገሪ ያሳ ኬሊ ገዲሰ።

#### ያሳ ኣሳሰ ዳዔያ ሸምፑዋ

- 7 ሄሳ ገሾ፥ ጌሻ ኣያናይ ጌይሳዳ፥
- «ሃቺ ሂንቲ ያሳይ ጌይሳ ሰዒያ ዋዴ
- 8 ባዞ ቢታን ፓጩያ ጋላሰ፥
- ሂንቲ አዋቲ ማካሊዳይሳዳ፥
- ሂንቲ ዋዛና ሚንላፊቲ።
- 9 ሂንቲ አዋቲ ታና ፓጩደሶና፤
- እይታው ላይሊ ታ ኦሱዋ ቤዒደሶና።
- 10 ሄሳ ገሾ፥ ታ ሄ ዩሌቴላ ሃንቂታዳ፥
- «ኤንቲ ኡባ ዋዴ ባንታ ዋዛናን ባሎሶና፤
- ታ ኦጊያ ኤሪቦኮና» ያጋሰ።
- 11 ሄሳ ገሾ፥ ታኒ ታ ሃንቁዋን ጫቃዳ፥
- «ታ ሸምፖ ቤሳ ኡባካ ጌሎኮና» ያጋሰ።

ያጌሰ።

- 12 ታ አሻቶ፥ ሂንቲፊ ኦዳካን፥ ዳዖ ያሳፊ ሂንቲና ሻኪያ ኢታኔ አማኖና ዋዛኒ ዶና ሜላ ናገቲቲ።
- 13 ሂንቲፊ ኦናካ ናጋሪ ባሌሊን፥ ባ ዋዛና ሚንላፊና ሜላ «ሃቺ» ያጌቲዲ ያጌቲሺን ጋላሰ ጋላሰ ኢሶይ ኢሱዋራ ዞሬቲቲ።
- 14 ኑ ኮይሮ አማኑዋ ኑኒ ዉርሴሊ ጋካናው ሚንሊዲ ናገኮ፥ ኪሪሰቶሳራ ኢሲፊ ላታና።
- 15 ጌሻ ማፃፋን፥
- «ሃቺ ያሳይ ጌይሳ ሂንቲ ሰዒያ ዋዴ
- ሄ ዋዴ ኤንቲ ማካላቲላን ሃኒዳይሳዳ፥
- ሂንቲ ዋዛና ሚንላፊቲ»
- ያጌሰ።
- 16 ያሳይ ገያባ ሰዒዲ ማካሊዳይ ኦኔ? ሙሴይ ገብዳፊ ካሌሊ ኬሲዳ ኡባ ገደኮናዬ?
- 17 ያሳይ ኦይታው ላይሊ ኦና ሃንቂቲዳ? ናጋራ ኦሊዳይሳታኔ ኤንታ ኣሃይ ባዞ ቢታን ዋጂ ኣቲዳ ኣሳታ ገደኮናዬ?
- 18 ቃሲ ያሳይ፥ «ታ ሸምፖ ቤሳ ጌሌኬታ» ያገዲ ጫቂዳይ፥ ኢያው ኪቲቶና ኢዲዳ ኣሳፔ ኣቲን ኦዳሴ?
- 19 ሂዛ፥ ኤንቲ ሄ ሸምፖ ቤሳ ጌሎና ኣቲዳይ አማኒቦና ገሾ ገዳይሳ ኑ ቤዖሰ።

4

1 ሂዛ፣ ያሳይ ኑና ባ ሸምፖ፣ ቤሳ ጌልሳና ጊዳ ቃላይ ቡር ሲንሳፌ ዴዒያ ጊሾ ሂንቴፌ ኦኒካ ሂ ሸምፖ ቤሳ ጌሎና ኦቶና ማላ ናጌቶስ።

2 ኤንታው ዋንገላላ ሳባኬቲዳይሳዳ፣ ኑሰካ ሳባኬቲስ። ሺን ኤንቲ ሲዒዳባ ኦማኒዲ ኤኪቦና ጊሾ ኤንታ ሳዒቤና።

3 ጊደሺን፣ ኦላሜይ ማጼቶሳፔ ዶሚዲ ያሳ ኦሶይ ፖሌቲዳይሳ ጊዲኮካ፣ ያሳይ፣ «ታኒ ታ ሃንቁዋን ጫቃዳ፣

ታ ሸምፖ ቤሳ ኡባካ ጌሎኮና»

ጊዳይሳዳ፣ ኑኒ ኦማኒዳይሳቲ ኤያ ሸምፖ ቤሳ ጌላና።

4 ላፑንሳ ጋላሳባ ኤሲ ቤሳን፣ «ያሳይ ላፑንሳ ጋላሳን ባ ኦሶ ኡባፌ ሸምፖፕስ» ያገሰ።

5 ቃሲካ ሄ ቤሳን፣ «ኤንቲ ታ ሸምፖ ቤሳ ኡባራካ ጌሎኮና» ያገሰ።

6 ኮይር ዋንጌላ ሲዒዳይሳቲ ከቲቶና ኤፃዲ ሸምፖ ቤሳ ጌሊቦኮና። ያኒያ ጊሾ፣ ሃዒካ ሄ ሸምፖ ቤሳ ጌላና ኤሲ ኤሲ ኦሳቲ ዶያሶና።

7 ሄሳ ጊሾ፣ ያሳይ፣ «ሃቺ» ጊዲ ፃጊሼ ኤሲ ጋላስ ኑስ ቃንፃሰ። ዳር ዋዴፔ ጉዬ ያሳይ ዳዊቲ ባጋራ፣

«ያሳይ ጊያባ ሃቺ ሂንቲ ሲዒያ ዋዴ

ሂንቲ ዋዛና ማንሶፊቲ»

ያገዲ ኦዲስ።

8 ኢያሱይ ኤንታው ሸምፑዋ ኦሚዳባ ጊዲያኮ፣ ያሳይ ሃራ ጋላሳባ ጉዬፔ ኦዴሺን።

9 ሂዛ፣ ያሳ ኦሳስ ሳምባታ ሸምፖይ ናጌቲዲ ዴዒስ።

10 ያሳ ሸምፖ ቤሳ ጌሊያ ኦኒካ፣ ያሳይ ባ ኦሶዋፔ ሸምፕይይሳዳ ኦኒካ ባ ኦሶዋፔ ሸምፓና።

11 ሃሳ ጊሾ፣ ኦኒካ ሄ ኦሳ ከቲቲፋ ኢፀዋ ካሊዲ፣ ከንዶናዳ ያሳ ሸምፖ ቤሳ ጌላናው ሚናስ።

12 ያሳ ቃላይ ዴያኔ ኦሴይሳ። ናምዑ ባጋራ ቃራቲዳ ማሻፌ ኦሴዲ ኦፎ። ኢ ሸምፖ፣ ኦያና፣ ፃጶኔ ኮሊዜ ጋካናው ካንሱዲ ጫዴስ። ቃሲ ኦሳ ዋዛናን ዴዒያ ጌሚዳ ቆፋኔ ኦሙዋ ቫኪዲ ፐርዴስ።

13 ያሳ ሲንሳፌ ቆሴቲያባይ ኦይባ ማጼቲፊካ ባዋ። ኢያ ኦይፌ ሲንሳን ኡባባይ ቆንጩኔ ካሎ ዴዒስ። ኑኒ ዛር ኦማናው ቤሴይ ኢያ ሲንሳና።

ጊታ ካሂኔ ሃላቃ ዬሱሳ

14 ሂዛ፣ ሳሎ ከዬዳ ጊታ ካሂኔ ሃላቃይ፣ ያሳ ናዒይ ዬሱሱ፣ ኑስ ዴዒያ ጊሾ ኑ ኦማኑዋ ማንሱዲ ናሳስ።

15 ኑ ካሂኔ ሃላቃይ ኑ ዳቡሪያ ዋዴ ኑስ ቃጼታናው ዳንዳዒይሳ። ኢ ናጋራ ኦሴቤና፣ ሺን ኑዳ ኡባባን ፓጩቲስ።

16 ሂዛ፣ ማርቲሳ ኤካናዉይ ማዴ ኮሺያ ዋዴ ኦጾ ከሃቴላ ዳማናው ኦጾ ከሃቴላዳ ዴዒያሱዋ ያሳ ኦራታኮ ያዮና ሺቆስ።

5

1 ኢሲ ኤሲ ካሂኔ ሃላቁ ኦሳ ጊዶፌ ዶራቲዲ፣ ያሳራ ጋሊያባን ኦሳ ጊሾ ኦምታኔ ናጋራ ያርሾ ያርሻናው ሸማቲስ።

2 ኢ ባ ሁዒን ዳቡራንቻ ጊዲያ ጊሾ ኤርናይሳታሲኔ ባሌይሳታስ ቃጼታናው ዳንዳዒስ።

3 ኢ ባ ናጋራ ጊሾኔ ኦሳ ኡባ ናጋራ ጊሾ ያርሾ ያርሻናው ቤሴይ ሄሳሳ።

4 ኦኒካ ሃ ቦንቹዋ ባው ኤካናው ዳንዳዒና፣ ሺን ኦርኒ ካሂኔ ሃላቃ ጊዳናው ፃጌቲዳይሳዳ ያሳን ፃጌታናው ቤሴስ።

5 ሄሳዳካ፣ ከሪሶቶሲ ካሂኔ ሃላቃ ጊዲያ ቦንቹዋ ባው ኤኪቤና። ሺን ያሳይ ኢያ፣ «ኔኒ ታ ናዒ።

ሃቺ ታ ኔው ኦዋ ጊዳሰ»

ያገሰ።

6 ቃሲ ሃራሱን፣

«ማልኪዳዲቁይ ካሂኔ ጊዲዳይሳዳ፣

ኔኒ ማሪናው ካሂኔ ጊዳና»

ያገሰ።



7 ዬሱሲ እሴ ገዲዲ ሃ አላሚያን ደዲያ ዎዴ ባና ሃይቆፔ አሻናው ዳንደዲያ ያሳ ዳር ዩሆንኔ አፋፋን ዎሲስ። ኢ፣ ኢያ ቦንቸዲ ከቴቴዳ ገሾ ያሳይ ኢያ ዎሳ ሲዲስ።

8 ዬሱሲ ያሳ ናዓ ገዲኮካ ባ ዎዬቴዳ ዎያን ከቴቴሌ ታማሪስ።

9 ሃሳንካ፣ ዬሱሲ ባ ኦሱዎ ፖሊዳፔ ጉዬ ባው ከቴቴያ ኡባይ ሜሪና አቶቴላ ዴማና ሜላ ጋሶ ገዲስ።

10 ያሳይ ማልኮዎዲቄ ሹሚዳይሳዳ ካሂኔ ሃላቃ ኦሌዲ ኢያ ሹሚስ።

**እማኑዎን ዳቡርና ሜላ አሜቴዳ ናጊሶ**

11 ሃ ኑ ኦዳ ቦላ ጉጂ ሃሳያናባይ ዳርባይ ዴዔስ። ሺን ሂንቴ ኦከካይ ጉላ ገዲያ ገሾ ሂንቴው ኦዲ ጌልሳናው ዎይሲስ።

12 ሂንቴ ሃኖዴ አስታማሬ ገዳናው ቤሴስ፣ ሺን ያሳ ቃላ ኮይሮ ቲሚርቴያ ሂንቴና ዛሪ ታማርሲያ ሃራ እሲ ኮሼስ። ሂንቴ ሚና ካሌ ማናው ዳንደያና ገሾ ማሌ ኮሼስ።

13 ማሌ ፓሄተያ ኦኒካ ዮጋ ናዓ ገዲያ ገሾ ሎዎኔ ኢታ ሻኪ ኤሪና።

14 ሺን ሚና ካሌ ሎዎኔ ኢታ ሻኪዲ ኤሪያ ካሃማ አሳሳ።

**6**

1 ሂዛ፣ ከሪስቶሳባ ታማርሲያ ኮይሮ ቲሚርቴያ አጊዲ ከሪስቶሳን ካሃማቴላኮ ቦስ። ሃይቆ ኦሶፔ ሲዎባኔ ያሳ አማኖባ ኮይሮ ቲሚርቴያኮ ጉዬ ሲዎኮ።

2 ሂሳዳካ፣ ዊንቃቴታባ፣ \* ኩሼ ዎሶባ፣ ሃይቆፔ ዳንደባኔ ሜሪና ፐርዳባ ዛሪ ታማርኮ።

3 ያሳይ ገኮ ኑ ሂሳ አላና።

4 ኢሲ ቶሆ ፖዎይ ፖዒዳይሳታ፣ ሳሎ አሞታ ኤኪዳይሳታ፣ ገሻ አያናን ሻኪቴዳይሳታ፣

5 ሎዎ ያሳ ቃላኔ ሲንላፊ ያና አላሚያ ዎልቃ ቤዒዳይሳታ፣

6 ጉዬፔ ካዲዳይሳታ ናጋራፔ ናሞግሎ ዛራናው ዳንደዒቴና፣ አይስ ገኮ፣ ኤንቴ ባንታ ቆዩዎስ ያሳ ናዓ ዛሪ ካቂያ ሜላ ማስቃሊያ ቦላ ኢያ ካቆሶናኔ አሳ ሲንላን ካሞሾና።

7 ኡባ ዎዴ ኢ ቦላ ቡኪያ ኢራ ኡያዳ፣ ጎዬዳ ኡራ ማዲያ ካሌ አሚያ ቢቴያ ያሳን አንጃቴዳር።

8 ሺን አንጉሉኔ ከንቸቴ ደሊያ ቢቴያ አይቢባካ ማዲኩ፤ ኢው ቃንጌላይ ማታቴስ፤ ወርሴላን ፀጌታና።

9 ኑ ሲቆ አሻቶ፣ ኑኒ ሃይሳዳ ኦዲያባ ገዲኮካ፣ ሂንቴና አቶቴላኮ ካሌሌያ ሎዎባይ ሂንቴው ዴዒይሳ ኤርስ።

10 ያሳይ ሱሬ ፐርዳይሳ፣ ያሳይ፣ ሂንቴ ኦሌዳ ኦሱዎኔ ካሴ ገዲን ሃዒካ አማኔይሳታ ማዲዲ፣ ኢያው ዴዒያ ሲቁዎ ቤሲዳይሳ ደጌና።

11 ሂንቴ ኡባይ ኡፋይሳን ናጌይሳ ዴማና ጋካናው ሃ ሚናቴላ ወርሴሌ ጋካናው ቤሳና ሜላ ኑ አሞቶስ።

12 ሂንቴ አማኖኒኔ ዳንደዒን ናጊያ ኡፋይሳ ላቴያ አሳ ዳናና ሜላፔ አቴን አዛላ ገዳና ሜላ ኮዮኮ።

**ያሳይ አሚዳ ኡፋይሳይ ሲጂሴና**

13 ያሳይ አብራሃሜስ አሚና ገዲ ጫቂዳ ዎዴ ባፔ አጂያ ሃሪ ገቴ ባይና ገሾ ባ ሁዒን ጫቂስ።

14 ኢያኮ፣ «ታጌ ኔና አንጃና፤ ኔ ዜሪላካ ዳርሳና» ያገሰ።

15 አብራሃሜይ ዳንደዒን ናጊዲ ያሳይ አሚና ገዲ ኡፋይሳ ኤኪስ።

16 እሲ ጫቂሼ ባፔ ጌታቴያ ኡራን ጫቂስ፤ ሄ ጫቆይ ጌቴቴዳባ ሚንሌዲ፣ ፓላማ ኡባ ቴቁስ።

17 ሂሳ ገሾ፣ ያሳይ ባ ላሚቶና ቆፋ ኡፋይሳ ቃላ ላቴይሳታስ ቆንጨሳናው ኮዬዳ ገሾ ጫቆን ማንላስ።

18 ያሳይ ዎርዶቴና። ኢያ ኡፋይሳ ቃላይኔ ጫቆይ፣ ናሞዒካ ላሚቶኮና። ሃ ናሞባታን ኑ ሲንላን ዴዒያ ኡፋይሳ ኦይካናው ዳናዳዓና ሜላ ጌሼ ዴማናው ኢያኮ ባቃቴዳ ኑ፤ ዎልቃማ ሚንሌላ ዴማና።

19 ሃ ኡፋይሳይ ኑ ሹምፑዎስ፣ ማርካቤይ ቃዎናዳ ሚንሌዲ ኦይኪያ ቢራታ ሜላ። ሄ ኡፋይሳይ ማጋራጃዎሬ ጉዬ ባጋን ዴዒያ ጌሻ ቤሳ ጌሊስ።

20 ዬሱሲ ማልኮዎዲቄ ሹማቴላዳ ሜሪናው ካሂኔ ሃላቃ ገዲዲ፣ ኑ ገሾ ኑፔ ሲንላቴዲ ሄ ቤሳ ጌሊስ።

5:7 ማቶ 26:36-46፤ ማር 14:32-42፤ ሉቃ 22:39-46      5:12 1ቆር 3:2      \* 6:2 ዊንቃቴታባ ሃ ቤሳን ዊንቃቴታባ ጌቴቴዳይ ዴማ ዴማ ጌሾ ዎጋታባ ኦዳናሳ።      6:8 ሜዲ 3:17-18      6:14 ሜዲ 22:16-17      6:19 ሉዌ 16:2 6:20 ማክ 110:4

# 7

## ካሂኒያ ማልኩምዳቄ

1 ማልኩምዳቄይ፣ ሳለሜ ካዎይ፣ ኡባሬ ቦላ ያሳ ካሂኒ። ሄ ማልኩምዳቄይ ኣብራሃሜይ ካዎታ ኦሊ ያኒዲ ሲሚሽን ኢያራ ጋሂቲዲ ኢያ እንጂሰ።

2 ኣብራሃሜይ ባ ዲዲዳባ ኡባሬ ኢያው ኣስራታ ኬሲዲ ኢሚሰ። ማልኩምዳቄ ሰንጻይ ኮይሮ «ዲሎቴላ ካዎ»፣ ናምዓንሰ፣ «ሳለሜ ካዎ» ቢርሼላይ፣ «ሳርቴላ ካዎ» ጉሱ።

3 ማልኩምዳቄሰ ኢያ ዎይኮ ኣዉ ዎይኮ ዛሬ ፓይዶይ ባዎ። ኢያ ዬሎቴላሰ ዶሜሌ ዎይኮ ኢያ ዴዑቀሰ ዉርሴሌ ባዎ፣ ሽን ያሳ ናዓ ዳኒዲ ሜሪናው ካሂኒ ገዲሰ።

4 ማልኩምዳቄይ ኣይ ሜላ ገቲኮ ቤዒቲ። ኦ ኣዎታ ማይዛይ፣ ኣብራሃሜይ፣ ባ ዲዲዳባ፣ ኢያው ኣስራታ ኢሚሰ።

5 ካሂኒ ገዲያ ለዌ ዛሬይ ኢሰራዔሌ ኣሳ፣ ሄሲካ ኣብራሃሜ ዜሬሌ ገዲዳ ባንታ ኢሻታ፣ ኣስራታ ኤካና ሜላ ሂይይ ኪቲሰ።

6 ማልኩምዳቄይ ለዌ ዛሬ ገደና ኢደኮካ ኣብራሃሜ፣ ኣስራታ ኤኪሰ፤ ኡፋይሳ ቃሊ ዲዳያ ኣብራሃሜ እንጂሰ።

7 ጉላይ ገታን እንጃቲይሲ ፓላንሱና።

8 ኢሲ ባጋራ፣ ኣስራታ ኤኪይሳቲ ሃይቂያ ኣሳታ፣ ሽን ሃራ ባጋራ ኣስራታ ኤኪይሲ ዴያን ዴዒሰ ያገዲ ኦዴቲዳይሳ።

9 ሂዛ፣ ኣስራታ ኤኪያ ለዌይ፣ ኣብራሃሜ ባጋራ ኣስራታ ኢሚሰ ጋናው ዳንዳዔቲሰ።

10 ኣይሰ ገኮ፣ ማልኩምዳቄይ ኣብራሃሜራ ጋሂቲያ ዎዴ ለዌይ ዬሎቴሪናባ ገዲኮካ፣ ባ ማይዛ ኣብራሃሜ ጉልባታን ዴዒሰ።

11 ኢሰራዔሌ ኣሳሰ ሂይይ ለዌ ካሂኒቴላ ባጋራ ኢሚቲሰ። ሃ ለዌ ካሂኒቴላይ ፖሎ ገዲዳባ ገዲያኮ ኣርናይሳ ሜላ ገደናሽን፣ ማልኩምዳቄ ሜላ ሃራ ካሂኒ ሹማናው ኣይሰ ኮሺዴ?

12 ሂዛ፣ ካሂኒቲ ለሜቲያ ዎዴ ሂይይካ ቃሲ ለሜታናው ቤሲሰ።

13 ሃ ኦ ኢያባ ኦዲያ ኡራይ ሃራ ዛሬ፤ ኢያ ሹሻፕ ኦኒካ ያርሾ ቤሳን ካሂኒቴላን ኦሌቤና።

14 ሃ ጎዳይ ዪሁዳ ሹሻፕ ዪዳይሲ ኤሬቲዳይሳ። ገደሽን፣ ሙሴይ ካሂንቴባ ኦዲሹ ዪሁዳ ዛሬያባ ኣይባካ ኦዲቤና።

15 ማልኩምዳቄ ሜላ ሃራ ካሂኒይ ዪዳባ ገዲያኮ ሃ ኦ ኦዲያባይ ኣጁ ቆንጫና።

16 ኢ ካሂኒ ገዲዳይ ጳዮና ዴዑቀ ዎልቃና፣ ኣቲን ኢያ ማይዛ ሂኒኒይ ዎጋን ገደና።

17 ጌሻ ማፃፋይ፣

«ማልኩምዳቄ ካሂኒቴላ ሜላ፣

ኒኒ ሜሪናው ካሂኒ»

ያገዲ ማርካቲሰ።

18 ኮይሮ ሂይይ ዳቡራንሻኒ ማደናባ ገዲያ ገሾ ሻሬቲሰ።

19 ሙሴ ሂይይ ኣይቤንካ ፖሎ ኦሳናው ዳንዳዒቤና። ሽን ኦኒ ኢያ ባጋራ ያሳኮ ሽቂያ ኡባሬ ኣጁ ኡፋይሳ ቃላይ ኮሰ ኢሚቲሰ።

20 ኪሪሰቶሲ ካሂኒ ገዲያ ዎዴ ያሳይ ጫቂሰ፣ ሽን ሃራቲ ካሂኒ ገዲዳ ዎዴ ሂሳ ሜላ ጫቆይ ባዎ።

21 ሽን ዬሱሲ ጫቆን ካሂኒ ገዲሰ። ያሳይ ያገዲ ጫቂሰ፤

«ጎዳይ ጫቂሰ፤ ኢ ባ ቆፋ ለሜና፤

«ኦኒ ሜሪና ካሂኒ» »

ያገሲ።

22 ሃ ጫቁዎ ጋሶን ዬሱሲ ኮሰ ኡባሬ ኣጁያ ቃላ ጫቁዎሰ ዋሴ ገዲሰ።

23 ካሂኒቴላን ኦሶና ሜላ ሃይቆይ ኤንታ ዲጊዳ ገሾ ኮይሮ ካሂኒታ ታይቦይ ዳር።

24 ሽን ዬሱሲ ሜሪናው ዴዒያ ገሾ ኢያ ካሂኒቴላ ሃራ ላቴና።

25 ሃሳ ገሾ፣ ኢ ኡባ ዎዴ ኤንታ ገሾ ጋናታናው ሜሪናው ዴዒያ ገሾ ያሳኮ ኢያ ባጋራ ዬይሳታ ፖሎ ኣሻናው ዳንዳዒሲ።

26 ሂዛ፣ ኮሰ ኮሺያባ ኢሚያ፣ ጌሻይ፣ ቦሬይኒ ቲኒ ባይናይሲ፣ ናጋራንሻታ፣ ሻኪቲዳይሲኒ ሳሉዎ፣ ኣጁዲ ጾቂዳ ካሂኒ ሃላቃይ ኮሰ ኮሺሰ።

27 ኢ ሃንኮ ካሂኒ ሃላቃታ ሜላ ኮይሮ ባ ናጋራ ገሾ ካሊዲ ኣሳ ናጋራ ገሾ ጋላሰ ጋላሰ ያርሾ ያርሻናው ኮሺና። ኢ ባና ያርሺዳ ዎዴ ዛሬሶና ኦጌን ኢሲ ቶሆ ባና ያርሺሰ።

28 ሙሴ ሂይይ ዳቡራንሻኒ ኣሳ ካሂኒ ሃላቃ ኦሌዲ ሹሜሰ። ሽን ሂፓሪዴ ጉዬ ዪዳ ጫቆ ቃላይ ሜሪናው ፖሎ ገዲዳ ያሳ ናዓ ሹሚሰ።

# 8

ዬሱሲ ኑ ካሂኔ ሃላቃ

- 1 ኑኒ ሃሳያ ገታባይ ሄሳ። ሳሉዋን ኡባሬ ቦላ ያሳ አራታፔ ኡቫቻ ባጋን ኡቲዳ ሃይሳ ሚላ ካሂኔ ሃላቃይ ኑስ ደዔሴስ።
- 2 ኢ አሳን ገደናሽን ጎዳን ኤቁዳ ቱም ዲንካኒያን ያሳ ኩላን ኦሴስ።
- 3 ካሂኔ ሃላቃ ኡባይ ኢምኔ ያርሾ ያርሻናው ሹሚቴስ። ሄሳ ጊሾ፣ ሃ ካሂኔይ ያርሻናው ኢሲባይ ደናው ኮሽሰ።
- 4 ሃጌይ ከቴይሳዳ ያርሽያ ካሂኔቲ ደዒያ ገሾ ከሪሰቶሲ ሳሳን ደዒያባ ጊዲያኮ ካሂኔ ገደና።
- 5 ኤንቲ ካሂኔቴላን ኦሴያ ዲንካኔይ ሳሎን ደዒይሳሰ ለሚሶኔ ኩያ። ሙሴይ ዲንካኒያ ኤሲያ ዎይ ያሳይ ኢያኮ። «ታኒ ኔና ደሪያ ቦላ ቤሲዳ ለሚሱዋ ካላዳ ኦላ» ያገሰ።
- 6 ሽን ዬሱሲ ገደ ገዲዲ ሲገሊያ ጫቆይ፣ ኮይሮ ጫቁዋፔ አዴይሳዳ ኢ ኤኪዳ ኦሶይ ኤንታይሳፌ አዴሰ። ሄሲ ኤቁዳይ አዲያ ጫቆ ቃላና።
- 7 ኮይሮ ጫቁዋን ባሊ ባይናባ ጊዲያኮ ናምዓንሎ ጫቆ ኮሽና።
- 8 ሽን ጎዳይ ኢያ ቦሪዲ፣ ሃይሳዳ ያገሰ።  
«ታኒ ኢሰራዔል አሳራኔ ዪሁዳ አሳራ  
ኦራላ ጫቆ ጫቁያ ዎይይ ያና።
- 9 ሄ ጫቆይ ታ ኤንታ አዋታ ገብፂ ቢታፌ ኩሽያ ኦይካዳ፣  
ጎቻ ኩሲዳ ዎይ ኤንታራ ጫቁዳ ጫቁዋ ሚላ ገደና።  
ኤንቲ ታ ጫቁዋን አማኔቲቦና ገሾ  
ታኒ ኤንታ ዩጋ ኤጋሰ ያጌሰ ጎዳይ።
- 10 ሽን ሂዛፔ ጉዬ ኢሰራዔል አሳራ  
ታ ጫቆና ጫቆይ ሃይሳ ያጌሰ ጎዳይ።  
ታኒ ታ ሃጊያ ኤንታ ጉጊያን ዎላና፤  
ኤንታ ዎዛናን ዎላና።  
ታኒ ኤንታ ያሳ ገደና፤  
ኤንቲካ ታ አሴ ገደና።
- 11 ኤንታፌ ኦኒካ ባ ሾሩዋ ዎይኮ ባ ኢሻ፣  
ሳዳ ኤራ፣ ያገዲ ታማርሴና።  
ኤንቲ ጉላፌ ገታ ጋካናው  
ኡባይ ታና ኤራና።
- 12 ታኒ ኤንታ ናቁዋ አቶ ጋና፤  
ኤንታ ናጋራ ዛራ ቆገኩ» ያገሰ።
- 13 ያሳይ ሃ ጫቁዋ «ኦራላ» ገዲ ያገሾ ኮይሮይሳ ጋልዒሲስ። ሄዛ፣ ጋልዒይኔ ጩጋይ ቋያ ዎዳይ ጋኪስ።

# 9

ሳሎ ጎይኖኔ ሳሳ ጎይና

- 1 ኮይሮ ጫቁዋስ ያሳ ጎይኒይ ዎጋይኔ ሳሳ ያሳ ኩላይ ደዒሲስ።
- 2 ዲንካኔይ ኤቁስ። ኢያን ያምፔ ዎሊያ ኮሚይ፣ ዓርጴዛይኔ ጎዳ ሲንላን ዎሊያ ኡይላይ ደዒሲ፤ ሄ ቤሳይ ገሻ ቤሳ ጌቴቲስ።
- 3 ናምዓንሎ ማጋራጃዎሬ ጉዬ ባጋራ ደዒያ ቤሳይ ኡባሬ ገሻ ቤሳ ጌቴቲስ።
- 4 ኢያ ገደን ኢዩኔ ጩዩሲያ ዎርቃ ሳዳይኔ ዎርቃን ሚሹቲዳ ጫቆ ታቦቲይ ደዒሲ። ሄ ጫቆ ታቦቲያን ማናይ ደዒያ ዎርቃ ዓርይ፣ አጩዳ አርና ናምዓይኔ ሙሴ ሂጌይ ዓፊቲዳ ናምዑ ሎቾ ሹቻቲ ደያሶና።
- 5 ሄ ታቦቲያፔ ቦላ ባጋራ አቶቴላ ካማ ባንታ ቁፊያን ጌንሊያ ቦንቾ ከሩቤቲ ደያሶና። ሽን ሃሳ ሄ ኡባ ቆንጩሲዲ ኦዳናው ደንደያኮ።
- 6 ሄ ኡባይ ሃይሳዳ ገጊዳፔ ጉዬ፣ ካሂኔቲ ኡባ ዎዳ ባንታ ኦሱዋ ኦላናው ዲንካኒያስ ኮይሮ ከፊሊያ ገሎሶና።
- 7 ሽን ካሂኔ ሃላቃ ያላሊ ዲንካኒያስ ናምዓንሎ ከፊሊያ ሳይላፌ ኢሲ ቶሆ ጌሌስ። ኢ ያ ጌሊሾ ባ ናጋራ ገሾኔ አሳይ ኤርና ኦሴዳ ናጋራ ገሾ ሱላ ያርሾ ኤኮና ጌሊና።

---

8:1 ማዘ 110:1    8:8 ኤር 31:31-34    9:2 ከሳ 26:1-30፤ 25:31-40    9:3 ከሳ 26:31-33    9:4 ከሳ 30:1-6፤ 25:10-16፤ 16:33፤ ታይ 17:8-10፤ ከሳ 25:16፤ ዛሬ 10:3-5    9:5 ከሳ 25:18-22    9:6 ታይ 18:2-6  
9:7 ለዌ 16:2-34

8 ከይሮ ዲንካኔይ ኤቁዲ ዳዒሽን፣ ኡባሬ ገሻ ቤሳ ኤፊያ ኦጌይ ቡሮ ደዌተቦናይሳ ገሻ ኣኣናይ ሃሳን ኢሪሱስ።

9 ሄሲ ሃ ዋዲያሰ ለሚሶ፤ ያሳሰ አሜቲያ አሞይኔ ያርሾይ ጎይኒያ ኡራ ካሃ ገሻናው ዳንዳዎናይሳ ሃይሲ ቤሱስ።

10 ሄሳቲ ሙሳባ፣ ኡሻባኔ ዲማ ዲማ ሜቻ ዋጋታ ኦዴይሳታ። ኤንቲ ኦራላ ዋጋይ ያና ጋካናው ኦሴቲያ ካራ ባጋ ዋጋታ።

11 ሽን ከሪሰቶሲ ሃላ ኑ ዳሚዳ ሎዎባታሰ ካሂኔ ሃላቃ ጊዲዲ ዪሰ። ኢ ጌሊዳ ዲንካኔይ ጊታኔ ፖሎ ጊዲዳይሳ። ሄ ዲንካኔይ ኣሳ ኩሼን ኦሴቲቤና ቃሲ ሃ ኣላሚያባ ጊዳና።

12 ከሪሰቶሲ ኡባሬ ገሻ ቤሳ ጌሊያ ዋዴ ዳሻ ሱሌኔ ማራ ሱሊ ኤኪዲ ጌሊቤና። ሽን ሜሪና ኣቶቲላ አሚናው ባ ሱላ ኤኪዲ ዛሬላና ኦጌን ኢሲ ቶሆ ጌሊሰ።

13 ዳሻ ሱላይኔ ኮርማ ሱላይ፣ ፀጉቲዳ ኡሳ ቢደይ፣ ቱኒዳ ኣሳ ቦላ ሓርጩቲዲ ኤንታና ጌሺያባ ጊዲኮ።

14 ሚሪና ገሻ ኣኣና ባጋራ ቦሬይ ባይና ያርሾ ኦሊዲ፣ ያሳሰ ባና አሚዳ ከሪሰቶሳ ሱላይ፣ ዳዎ ያሳ ጎይናና ሚሳ ሃይቆ ካሊሊያ ኦሱዋፕፕ ኑ ካሃ ዋቲ ኣሊ ገሺኔ?

15 ሄሳ ጊሾ፣ ዪጌቲዳይሳቲ ያሳይ አሚዳ ሚሪና ላታ ኤካና ሚላ ከሪሰቶሳ ኦራላ ጫቁሞሰ ጊደ ጊዲዲ ሲጌሌይሳ ጊዲሰ። ሄሲ ሃኒዳይ ኣሳይ ኮይሮ ጫቁዋፕ ጋርሳን ዳዒያ ዋዴ ኦሊዳ ናጋራፕ ኤንታና ዋዛናው ኢ ሃይቁዳይሳና።

16 ሂዛ፣ ከኬይ ዳዒኮ፣ ሄ ከኪዳ ኡራ ሃይቆይ ኤሬታናው ኮሽሰ።

17 ከኪዳ ኡራይ ሃይቁኮ ኢያ ከኬይ ሚኔሰ። ከኪዳ ኡራይ ሃይቆና ኣቲኮ ኢያ ከኬይ ኦላና።

18 ሃሪ ኣቶሺን፣ ኮይሮ ጫቆይካ ሱሊ ባይና ሚኒቤና።

19 ሙሴይ ሂኔ ከታ ኡባ ኣሳሰ ኦዲዳፕ ጉዬ ማራ ሱሊኔ ዳሻ ሱሊ ሃላራ ዋላኪዲ፣ ዞዎ ደርሳ ኢኪሴኔ ሂሶጶ ቦንጮ ኤኪዲ፣ ማፃፉ ሶላኔ ኣሳ ቦላ ወርሂሰ።

20 ሙሴይ ኣሳኮ፣ «ሂንቲ ናጋና ሚላ ያሳይ ከቲዳ ሱላ ጫቆይ ሃይሳ» ያገሰ።

21 ሄሳዳካ፣ ዲንካኒያ ሶላኔ ኦሊያ ሚሼ ኡባ ቦላ ሱላ ወርሂሰ።

22 ቱማካ ሂኔይ ጌይሳዳ ጉላባታፕ ኣቲን ኡባባይ ሱላን ጌዬሰ። ሱሊ ኮኮናሺን ኣቶቲሊ ባሞ።

**ዬሱሳ ፖሎ ያርሹቲላ**

23 ሳሉዋባሰ ለሚሶ ጊዲዳይሳቲ ኡባይ ሚሄ ያርሾን ጌያናው ኮሽሰ። ሽን ሳሎባቲ ባንታ ሁዒን ሄሳሬ ኣቋያ ያርሹዋን ጌያናው ኮሽሰ።

24 ከሪሰቶሲ ቱማ ያሳ ከላሰ ለሚሶ ጊዲዳ፣ ኣሳ ኩሼን ኦሴቲዳ ኡባሬ ገሻ ቤሳ ጌሊቤና። ሽን ኢ ሃላ ኑ ጊሾ ያሳ ሲንላን ቤንታናው ሳሉዋ ጌሊሰ።

25 ካሂኔ ሃላቃይ ላይላን ላይላን ባ ሱሊ ጊደናይሳ ኤኪዲ፣ ኡባሬ ገሻ ቤሳ ጌሊሰ። ሽን ከሪሰቶሲ ዳሮ ቶሆ ባና ያርሻናው ሳሎ ጌሊቤና።

26 ሄሳዳ ሃኒዳባ ጊዲያኮ፣ ከሪሰቶሲ ኣላሚይ ሚዴቶሳፕ ደሚዲ ዳሮ ቶሆ ዋዴታናው ኮሽሰ። ሽን ሃላ ዋዲያ ወርሱላን ናጋራ ዲጋናው ባና ያርሺዲ ዛሬላና ኦጌን ኢሲ ቶሆ ቤንቲሰ።

27 ኣሲ ኡባይ ኢሲ ቶሆ ሃይቃናው ሄሳሬ ጉዬ ፐርዳታናው ቤሱስ።

28 ሄሳዳካ፣ ከሪሰቶሲ ዳሮ ኣሳ ናጋራ ዲጋናው ኢሲ ቶሆ ያርሹቲሰ። ሽን ኢ ናጋራ ቶካናው ጊደናሺን ባና ናጌሳታ ኣሻናው ናሞሳጎላ ቆንጫና።

**10**

1 ሙሴ ሂኔይ ያናው ዳዒያ ሎዎባታሰ ኩያፕ ኣቲን ባ ሁዒን ዋና ጊዳና። ሄሳ ጊሾ፣ ላይላን ላይላን ፓጩይ ባይና ያርሹቲያ ያርሾይ ጎይናናው ሸቁያ ኣሳ ፖሎ ኦላናው ዳንዳዒና።

2 ሂኔይ ኤንታ ፖሎ ኦላናው ዳንዳዒዳባ ጊዲያኮ ኤንቲ ያርሾ ያርሹይሳ ኣጋናሺን። ቃሲ ጎይናናው ሸቁያ ኣሳይ ባንታ ናጋራፕ ጌያና፤ ኤንታ ካሃይካ ኤንታና ባላ ጊዲ ሞቲና።

3 ሽን ሃ ያርሹቲ ላይላን ላይላን ናጋራ ቆፊሶሶና።

4 ኣይሰ ጊኮ፣ ኮርማ ሱሊኔ ዳሻ ሱሊ ናጋራ ዲጋናው ዳንዳዒና።

5 ሄሳ ጊሾ፣ ከሪሰቶሲ ሃ ኣላሚያ ዪዳ ዋዴ ሃይሳዳ ያገሰ።

«ኔኒ ያርሹኔ አሞ ኮያባካ፤

ሽን ታው ኣሾ ገሊሳዳሳ።

6 ኔኒ ፀጉቲያ ያርሹኔኒ

ናጋራ ያርሹዋን ኡላይታባካ።

7 ሄ ዋዴ ታ ጊሾ ማፃፃፍን ፃፈተዳይሳዳ፤ ጎዳው፣ ታኒ ኔ ሼኒያ ኦላናው ያሰን ያገሰ።

ያገሰ።

8 ያርሾይ ያርሼታና ሜላ ሃጌይ ከተያባ ገዲኮካ፣ ከሪስቶሲ ኮይሮ፣ «ኔኒ ያርሾኔ እሞ፣ ፀጌተያ ያርሾኔ ናጋራ ያርሾ ኮያባካ፤ እንታን ኡፋይታባካ» ያገሰ።

9 ካሊዲካ እ፣ «ጎዳው፣ ሄኮ ታኒ ኔ ሼኒያ ኦላናው ያሰን» ያገሰ። ሄሳ ጊሾ፣ ከሪስቶሲ ናሞፃንሉዋ ሉዕሳው ኮይርይሳ ሻሪስ።

10 ዬሱስ ከሪስቶሲ ላይ ሼኒያ ኦሊዲ፣ ዛሬላና ኦጌን ኢሲ ቶሆ ባ ኣሹዋ ያርሼዳ ጊሾ ኑኒ ጌዬዳ።

11 ካሂኔ ኡባይ፣ ናጋራ ዲጋናው ዳንዳያና ሄ ያርሾታ ጋላስ ጋላስ ያርሼሹ ኡቄዲ ባ ኦሱዋ ኦሊሰ።

12 ሺን ከሪስቶሲ ኡባ ዋዴሰ ገዲያ ኢሲ ናጋራ ያርሹዋ ያርሼዲ፣ ያሳፊ ኡሻቻ ባጋን ኡተሰ።

13 ሄ ዋዲያ፣ ደሚዲ እያ ሞርኬቲ እያ ቶሆይ ዬዲያባ ኦላና ጋካናው ናጌሰ።

14 ኢ ዛሬላና ኦጌን ኢሲ ቶሆ ባና ያርሼዳ ያርሹዋን ጌሻታ ሜሪናው ፖሎ ኦሊሰ።

15 ቃሲ ጌሻ እያናይ ኦሰ ሃይሳ ማርካቲሰ። ኮይሮ ሃይሳዳ ያገሰ።

16 «ሄ ጋላሳታ፣ ጉዬ፣

ታኒ ኤንታራ ጫቂያ ጫቆይ ሃይሳ፤

ታኒ ታ ሂጊያ ኤንታ ቆፋን ዋላና፤

ኤንታ ዋዛናን ፃፋና»

ያጌሰ።

17 ካሊዲካ፣

«ታኒ ኤንታ ናጋራኔ

ኤንታ ኢታ ኦሱዋ ዛራ ቆጥኬ»

ያጌሰ።

18 ሂዛ፣ ናጋሪ ኣቶ ጌቲቲዳ፣ ጉዬ ናጋራሰ ያርሼቲያ ያርሾ ኮሼና።

እኔ ያሳኮ ሸቆስ

19 ሂዛ፣ ታ እሻቶ፣ ኑኒ ዬሱሳ ሱላ ባጋራ ኡባፊ ጌሻ ቤሳ ጌላናው ኦሰ ሚኖቴሌ ዴዔሰ።

20 ኑ ከላናይ ከሪስቶሲ ባ ማጋራጃዋ፣ ሄሲካ ባ ኣሹዋ ባጋራ ኦሰ ደዬዳ ኦራሴኔ ዴፆ ገዲዳ ኦጊያና።

21 ኦሰ ያሳ ከላ ቦላ ሹሚቲዳ ገታ ካሂኔ ሃላቃይ ዴዔሰ።

22 ኑኒ ኢታ ካሃፔ ጌያናው ኦ ዋዛና ወርፂቲዲ፣ ኦ ኣሳቴላ ሂሎ ሃላን ሚጩቲዲ፣ ሱሬ ዋዛናኒኔ ፖሎ ኣማኖን ያሳኮ ሸቆስ።

23 ኦሰ ኡፋይሳ ቃላ ኣሚዳ ያሳይ ኣማንቲዳይሳ ገዲያ ጊሾ ኦ ማርካቲያ ኡፋይሳ ኡሻቻ ሃዲርሲ ጎና ሚንሲዲ ኦይኮሰ።

24 ኢሶይ ኢሱዋ ሲቆሰኔ ሎፆ ኦሶሰ ዋቲ ዴንሌላኔኮ እኔ ቆፖሰ።

25 ኢሶቲ ኢሶቲ ሜዜ ኦሊዲ ሸቆይሳ ኣገዳይሳዳ ኑኒ ኢሲፊ ሸቆይሳ ኣጎኮ። ሺን ጎዳ ጋላሳይ ማታቲዳይሳ ሂንቴ ቤዒያ ጊሾ ሄሳ ካሲይሳፊ ኣሊዲ ኦሊቴ።

26 ኑኒ ቱማ ኡራቴላ ኤኪዳ፣ ጉዬ ኤሪሹ ናጋራ ኦሊኮ፣ ሂዛ፣ ኦ ናጋራ ጊሾ ያርሼታና ያርሾይ ባዋ።

27 ሺን ሂዛ ኣቲዳይ ያሺያ ፐርዳኔ ያሳ ሞርኬታ ፀጋናው ገጊዳ ዋልቃማ ታማ።

28 ሙሴ ሂጊያ ከቴቶና ኢዲዳ ኦኒካ ናሞዑ ዋይኮ ሄዙ ኣሲ ኢያ ቦላ ማርካቲኮ ቃዲይ ባይናሺን ሃይቄሰ።

29 ያፕን፣ ያሳ ናባ ካዲዳ ኡራይ፣ ባና ጊሺዳ ያሳ ጫቆ ሱላ ቱናባዳ ቆጥዳ ኡራይ፣ ቃሲ ኣዲ ከሃቴላ እያና ጫዬዳ ኡራይ፣ ኣይ ሜላ ኢታ ፐርዳ ኤካናው ቤሲያኮ እኔ ቆጥቲ።

30 ሂዛ፣ «ሃሎ ከሶይ ታባ፣ ታ ኩሹ ዛራና» ገዳይሳ ኦ ኤርሰ። ቃሲካ፣ «ጎዳይ ባ ኣሳ ፐርዳና» ያገሰ።

31 ዴፆ ያሳ ኩሹን ኩንዴሌ ዳሮ ያሸሰ።

32 ሂንቴው ያሳ ፖይይ ፖሊዳ፣ ጉዬ ሂንቴ ዳሮ ዋይን፣ ገታ ባፃን ጌንጩዳ ቤኒ ዋዲያ ቆጥቲ።

33 ኢሲ ኢሲ ቶሆ ሂንቴ ኣሳ ሲንላን ጫዬቲዴታ፤ ጎዴቲዴታ፤ ኢሲ ኢሲ ቶሆ ሄሳ ሚላ ዋይይ ጋኪዳ ኣሳራ ኢሲፊ ዋዬዳታ።

34 ቃሸን ዴዒያ ኣሳሰካ ቃዴቲዴታ። ሂንቴው ሎፆን ቆየና ሻሎይ ሳሎን ዴዔይሳ ሂንቴ ኤሪዳ ጊሾ ሂንቴ ሻሎይ ቦንቄቲያ ዋዴ ኡፋይሳን ዳንዳዒዴታ።

35 ሄሳ ገሾ፣ ገታ ዎይቶይ ዳዒያ ሂንቴ ሚኖቴላ ዩጎገገ።  
 36 ያሳ ሸኒያ ፖሊዲ፣ ኢ ሂንቴው ኢማና ጊዳ ኡፋይሳ ኤካና ጋካናው ገንጫናው ኮሺሰ።  
 37 ሂዛ፣ ገሻ ማፃፃ፣

«ኢ፣ ያና ገዳይሲ ያና፤ ጋምዒና።

38 ሸን ታ ሂሎይ፣ ታናን አማኔቲዲ ዳና፤

ኦኒካ ጉዬ ሰሚኮ ታና ኡፋይሴና»

ያጌሰ።

39 ኮኒ አማኔቲዲ ኣቲያ ኣሳ ባጋሬ ኣቲን ጉዬ ሰሚዲ ቆያ ኣሳ ባጋ ገደኮ።

# 11

## አማኖ

1 አማኖይ ጉሳይ፣ ዳማና ገዲ ኡፋይሳን አማኔቲዲ ናገያባኔ ኑ ቤዖናባ ቤዒያዳ ኦሌዲ ኤኪያባ።

2 ቤኒ ኣዋቲ አማኖን ያሳፊ ማርካቴሌ ኤኪደሶና።

3 ኣላሚይ ያሳ ቃላን ሚዴቲዳይሳ ኑ አማኖን ኤርሰ። ቃሲ ቤንቲያባይ ቤንቶናባ፤ ሚዴቲስ።

4 ኣቤሊ ቃዕላይሳፊ ኣቂያ ያርሾ ያሳሰ ያርሽዲይ አማኖና። ያሳይ ኣቤላ ኢሙዋ ኡፋይቲዲ ኤኪዳ ዎዴ ኢ ሂሎ ገዲዳይሳ ማርካቴስ። ኣቤሊ ሃሪ ኣቶሺን፣ ሃይቂዲካ ባ አማኑዋን ሃዒ ገካናው ኦዳሰ።

5 ሄኖኬይ ሃይቆና ሳሎ ቤዳይ አማኖና። ያሳይ ኢያ ኤኪዳ ገሾ ኦኒካ ኢያ ቤዓናው ዳንዳዒቤና። ሄኖኬይ ሳሎ ኤኪታና፤ ሰንሌ ኢ ያሳ ኡፋይሴዳ ኣሲ ገዳይሲ ኦዳቲስ።

6 አማኖይ ባይና ኦኒካ ያሳ ኡፋይሳናው ዳንዳዒና። ያሳኮ ያ ኦኒካ ያሳይ ዳዕይሳኔ ባና ኮዬይሳታሰ ዎይቶ ኢሚይሳ አማኖናው ኮሺሰ።

7 ኖሄይ ቡር ቤንቶናባሰ ያሳይ ኢያው ኦዲዳ ዎዴ ያሳሰ ያዩዲ፣ ባና፤ ባ ሶ ኣሳ ኣሻናው አማኖን ማርካቤ ኬረሰ። ያቲዲ ባ አማኑዋን ኣላሚያ ፐርዲዲ፣ አማኖን ቤንቲያ ሂሎቴላ ያሳፊ ኤኪሰ።

8 ኣብራሃሚይ ሳታ ኦሌዲ ኤካና ቢታ ባና ሚላ ያሳይ ኢያ ያገዳ ዎዴ ሃሪ ኣቶሺን፣ ኢ ኣው ቤያኮ ኤርና ኢሻኮካ ከቲቲዳይ አማኖና።

9 ኣብራሃሚይ ያሳይ ኢያው አማኖ ገዳ ቢታን ቤቲ ኣሳዳ ዳዒዳይ አማኖና። ያሳይ ሄ አማኖ ገዳይሳ ኢያራ ኢሰፊ ሳታናው ዳዒያ ዩሳቃራኔ ያይቆባራ ዎላ ዱንካኔን ዳዒሰ።

10 ኢ፣ ያሳይ ቆፐዲ ኬዲዳ ያላ ባሳይ ዳዒያ ካታማ ናጌሰ።

11 ሳራ ባ ሁዒን ጨሚዳባ ገዲኮካ ኡፋይሴ አሚዳ ያሳይ አማኔቲዳይሳ ገዳይሳ ኤሪዳ ገሾ ቃንሳታናው ዎላቃ ዳሚዳይ አማኖና።

12 ሄሳ ገሾ፣ ሃይቂዳ ኣሲ ዳኒያ ኢሲ ኣዲያፊ ሳሎ ያለንቶ ማላኔ ኣባ ጋፃን ዳዒያ ታይቦይ ባይና ሻፊ ሚላ ዜሬሳይ ዩሌቲደሶና።

13 ሄ ኣሳ ኡባይ ባንታው ጌቲቲዳ ኡፋይሳ ቃላ ኤኮና አማኖን ሃይቂደሶና። ሸን ሃሆራ ሄሳ ቤዒዲ፣ ዳሚዳዳ ኦሌዲ፣ ኡፋይሳን ኤኪደሶና። ቃሲ ኤንቲ ሳዒን አማኤኔ ቤቲ ኢሲ ገዳይሳ ኤሪደሶና።

14 ሄሳዳ ገያ ኣሳይ ባንታ ቢታ ናጌይሳ ቆንጩን ቤሰሰ።

15 ኤንቲ ሄ ኣገዲ ኬዩዳ ቢታ ጉዬ ቆፐዳባ ገዲያኮ ጉዬ ሰሚናው ዳንዳደሶና።

16 ሸን ሃዒ ኣቂ ሎዒያ ሳሎ ቢታ ላሞቶሶና። ሄሳ ገሾ፣ ያሳይ ኤንታው ካታማ ገጊሲዳ ገሾ «ኤንታ ያሳ» ጌቲቲዲ ያጌታናው ዩላቴና።

17 ኣብራሃሚይ ፓጩቲዳ ዎዴ ዩሳቃ ያርሽዲይ አማኖና። ሄ ኡፋይሳ ቃላ ኤኪዳ ኣብራሃሚይ ባ ኢሲ ናዓ ያርሻናው ገጊሰ።

18 ያሳይ ኣብራሃሚኮ፣ «ኔ ዜሬሳይ ዩሳቃ ባጋራ ያጌታና» ያገዲ ኦዲሰ።

19 ያሳይ ሃይቆፐ ዳንሳናው ዳንዳዒይሳ ኣብራሃሚይ አማኒዳ ገሾ ዩሳቃ ሃይቆፐ ፓዲ ዳንዳዳዳ ኦሌዲ ዛሪ ኤኪሰ።

20 ዩሳቃ ዎዴ፤ ሃናናባ ኤሪዲ ያይቆባኔ ኤሳዌ ኣንጂዳይ አማኖና።

21 ያይቆቢ ሃይቃና ሃኒሸ፣ ኢሲ ኢሲ ዮሴፋ ናይታ ኣንጂዳይኔ ጉፊ ቦላ ካቲዲ ጎይኒዳይ አማኖና።

22 ዮሴፊ ሃይቃናው ማቲዳ ዎዴ ኢሰራዒሌ ኣሳይ ገብሻፊ ከያናይሳ ኦዲዳይኔ ባ ሜቁላ ኦላናባ ኤንታ ከቲዳይ አማኖና።

10:37 ኢብ 2:3-4    11:3 ሜዲ 1:1፤ ማዘ 33:6፤ 9፤ ዮሃ 1:3    11:4 ሜዲ 4:3-10    11:5 ሜዲ 5:21-24  
 11:7 ሜዲ 6:13-22    11:8 ሜዲ 12:1-5    11:9 ሜዲ 35:27    11:11 ሜዲ 18:11-14፤ 21:2    11:12 ሜዲ 15:5፤ 22:17፤ 32:12    11:13 ሜዲ 23:4፤ 1ታሪ 29:15፤ ማዘ 39:12    11:17 ሜዲ 22:1-14    11:18 ሜዲ 21:12    11:20 ሜዲ 27:27-29፤ 39-40    11:21 ሜዲ 47:3፤ 48:1-20    11:22 ሜዲ 50:24-25፤ ከሳ 13:19

- 23 ሙሴይ ዩሌተዳፒ ጉዬ ኢያ ኢያኔ ኢያ አዋይ ማላ ሎዎ ናባ ጊዲዳይሳ ቤዒዲ ሄቩ ኣገና ቆተዳይ አማኖና፤ ኢንቲ ካወዋ አዋጅዋ ያዩቦኮና።
- 24 ሙሴይ ዲጠዳፒ ጉዬ ጊብዳ ካወዋ ናባ ናባ ጌቲታናይሳ ኢዲዳይ አማኖና።
- 25 ሙሴይ ናጋራን ጉላ ዋዳሰ ኡፋይታናፒ፣ ያሳ አሳራ ዋዩ ኤካናይሳ ዶሪሰ።
- 26 ኢ ዋዳፒ ዳማና ዎይቲዋ ቲሺ ኦሊዲ ዪሊዳ ጊሾ ጊብዳ ሻሎዋፒ ኦሊዲ ከሪሰቶሳ ጊሾ ቦሬታናይሰ ዳር አዲያ ዲሬቲሉ ጊዲዳይሳ ኤሪሰ።
- 27 ሙሴይ ካወዋ ሃንቁዋ ያዮና፣ ጊብዳፊ ኩዱዳይ አማኖና። ቤንቶና ያሳ ቤዒዲ አሳዳ ሃኒዲ ባ ቆፋን ጊንጠሰ።
- 28 ሃይቆ ኤሂያ ከታንቾይ ኢሰራዔሌ አሳ ባይራ ናይታ ዎዶና ሜላ ሙሴይ ፋሲካኔ ሱላ ወርዳላ ዎጋ ኦሊዳይ አማኖና።
- 29 ኢሰራዔሌ አሳይ ሜላ ቢታራ ሃሙቲያዳ ሃሙቲዳ፣ ዘዎ አሳ ፒኒዳይ አማኖና። ሺን ጊብዳ አሳይ ገላናው ፓጠ ቤዒሺን ሃላይ ኤንታ ሚቲሰ።
- 30 ኢሰራዔሌ አሳይ ኢያርኮ ካታማ ቩቻ ዲርሳ ላፑን ጋላሰ ዩዩዲ፣ ኩንዲሲዳይ አማኖና።
- 31 ላይሚያ ራዓባ ቢታ ዋቼይሳታ ሞኪዳ ጊሾ ከቲቶና አሳራ ሃይቆና አቲዳይ አማኖና።
- 32 ሃዛ፣ ሃራ ታ አይ ጎ? ጌዲዮናባ፣ ባራቃባ፣ ሳሞሶናባ፣ ዮፍታሃባ፣ ዳዊቲባ፣ ሳሙዔላባ፣ ቃሲ ናቤታባ ኦዳናው ታው ዎዳይ ጊዳና።
- 33 ኢንቲ አማኖን ካዎቲሳታ ያኒዶሶና፤ ዪሎቲሳን አይሲዶሶና፤ ያሳይ አማና ጊዳ ኡፋይሳ ኤኪዶሶና፤ ጋሞታ ዶና ጎርዲዶሶና፤
- 34 ታማ ዎልቃ ቶይሲዶሶና፤ ሞርካታ ማሻፌ አቲዶሶና፤ ባንታ ዳቡራን ሚኒዶሶና፤ ኦላን ዎልቃማ ጊዲዶሶና፤ አላጋ ቶራ ጎዲዶሶና።
- 35 ማጫሳቲ ባንታ ሃይቁዳይሳቲ ሃይቆፒ ፓዲን ኤኪዶሶና።
- 36 ሃራቲ አሳን ቦሬቲዲ ሊሶን ጋራፊቲዶሶና፤ ሃራቲ ሳንላላታን ቃሹቲዲ ቃሹ ኩላን ዩጌቲዶሶና።
- 37 ኢንቲ ሱቻን ጫዳቲዶሶና፤ ማጋዘን ናሞዓ ኩዩዲ ጳልቁቲዶሶና፤ ፓጠቲዶሶና፤ ማሻን ሃይቁዶሶና፤ ኢንታው ኡባባይ ዳዩን ሜቶቲዶሶና። ዶርሳ አቲኔ ዳሻ አቲ ማዒዲ ዩዩዶሶና።
- 38 ኢንታው ሃ አላሜይ ገና አዲን ባዘ ቢታን፣ ዳሬ ቦላ፣ ጎንጎሎኒኔ ኦላ ጊዳን ዩዩዶሶና።
- 39 ያሳይ ኢንታ አማኑዋባ ማርካቲኮካ፣ ሄ ኡባይ ጌቲቲዳ ኡፋይሳ ቃላ ኤኪቦኮና።
- 40 ያሳይ ኩሰ ሎዎባ ቆፒ ዎሊዳ ጊሾ ኢንቲ ኦሲ ባይና ፖሎ ጊደኮና።

# 12

## ያሳይ ኩሰ አዋ

- 1 ሃዛ፣ ሻራዳ ኑ ዩሹዋን ዳራዳ ሃይሳ ሜላ ማርካቲ ኑ ማታን ዳዒያ ጊሾ ኩና ቋቢያ ኡባኔ አይኪዲ ሃሪያ ናጋራ ዲጊዲ፣ ኑ ስንላን ዳዒያ ጋዴ ዎላ ጊንጫን ዎዶሰ።
- 2 ኑ አማኑዋሰ ኦጌ ዶዩዳይሳኔ ኑ ወርሴላ ፖሎዋኮ ኩና ጋሊያ ዩሱሳ ቦላ ኑ አይፊያ ዎላሰ። ዩሱሰ ዎዳፒ ዳዒያ ኡፋይሳ ጊሾ ማሰቃሊያ ዎያ ዳንዳዒዲ፣ ዩላ ሃይቁዋ ካዲዲ፣ ያሳፊ ኤሻቻ ባጋን ኡቲሰ።
- 3 ሃዛ፣ ሃንቲ ዶጠዲ ኡፋይሰ ቃንዮና ሜላ ናጋራንቾታ ኢፀዋ ዳንዳዒዲ ዩሱሳ ቆፒቲ።
- 4 ናጋራራ ዳዒያ ባዲያን ቡር ሱሉ ጉሳና ጋካናው ኤቁቲቤኬታ።
- 5 ያሳይ ባ ቃላን፣ ባ ናይታዳ ሃንቲና ዞሪዳይሳ ዶጊዳታ።
- «ታ ናዓው፣ ያሳ ሴራ ሊቆፋ፤  
ኢ ኔና ሴሪያ ዎዳ ኡፋይሰ ቃንዮ።»
- 6 ጎዳይ ባ ዶሲያ ኡራ ሴሬሰ፤  
ቃሲ ባ ናዓዳ ኤኪያ ኡባ ጋራፊሰ»
- ያጌሰ።
- 7 ያሳይ ሃንቲና ባ ናይታዳ ሴሪያ ዎዳ ጊንጠቲ፤ አዋይ ሴርና ናዒ ኦኒ?
- 8 ያሳይ ባ ናይታ ኡባ ሴሬሰ፤ ሃንቲ ሴሬቶና አዲኮ ቲማ ኢያ ናይታ ጊዶናሺን ባላኮ ናይታ።
- 9 ቃሲ ኩና ዩሊዳ ኑ አዋቲ ኩና ሴርሶና፤ ኩካ ኢንታና ቦንቾሰ። ያፒን፣ ኦኒ ኑ አያና አዋሰ ዎኒዲ አላ ሃራቶኮ?

---

11:23 ከሳ 1:22፤ 2:2    11:24 ከሳ 2:10-12    11:28 ከሳ 12:21-30    11:29 ከሳ 14:21-31    11:30 ኢያ 6:12-21    11:31 ኢያ 2:1-21፤ 6:22-25    11:32 ሃራ 6:11-8:32፤ 4:6-5:31፤ 13:2-16:1    11:1-12:1 ሳሙ 16:1፤ 1ካዎ 2:11፤ 14ኛው 1:1-25    11:33 ዳኔ 6:1-27    11:34 ዳኔ 3:1-30    11:35 1ካዎ 17:17-24፤ 2ካዎ 4:25-37    11:36 1ካዎ 22:26-27፤ 2ኳሪ 18:25-26፤ ኤር 20:2፤ 37:15፤ 38:6    11:37 2ኳሪ 24:21    12:5 ኢዮ 5:17፤ ለሜ 3:11-12

10 ሂዛ፣ ኑ አዋቲ ባንታው ሎዎ ዳኒዳ ማላ ጉላ ዋዴስ ኑና ሴሪደሶና። ሽን ያሳይ ኑ ጎሳስ፣ ኑ ኢያ ጌሻቴላን ሻኪታና ማላ ሴሪሰ።  
 11 ኑኒ ሴሪቲያ ዋዴ ዩሎዩሴፒ ኣትን ኡፋይሴና። ሽን ጉዩፔ ሴሪቴላ ማዜቲዳ ኣሳሰ ሴሪይ፣ ሳርይ ኩሚዳ ሂሎቴላ ኣይፌ ኣይፊሴስ።

**ዘሪኔ ናጊሶ**

12 ሂዛ፣ ሂንቴ ኣርጋጪዳ ቁሲያኔ ሂንቴ ዳቡሪዳ ጉልባታ ማንሲቴ።  
 13 ዋቤይ ፓፃና ማላፔ ኣትን ኣሊ ማቆና ማላ ሂንቴ ቶሁዋሰ ሱሪ ኣጌ ገጊሲቴ።  
 14 ኣሳ ኡባራ ሳር ዳናዉኔ ጌሻቴላን ዳናው ማኒቴ፤ ጌሻቴላ ባይና ኦኒካ ጎዳ ቢዳናው ዳንዳዳና።  
 15 ሂንቴፌ ኦዴሰካ ያሳ ኣጶ ኬሃቴላይ ፓጮናዳ፣ ቃሲ ጫዋ ኣይፌ ኣይፊዲ ዳር ኣሳ ቴኒሲያኔ ቆይሲያ ዜሪላዳ ጊደና ማላ ናጌቴቴ።  
 16 ሂንቴ ጊደን ላይማቴያ ኣሲ ዋይኮ ኣሲ ቶሆ ሚያ ካላሰ ባ ባይራቴላ ቶቺዲ ባይዚዳ ኡሳዌ ማላ ኣሲ ደና ማላ ናጌቴቴ።  
 17 ጉዩፔ ኤሳዌይ ሂ ኣንጂዋ ኤካናው ኮዩዳ ዋዴ ዲጌቴዳይሳ ኤሪታ። ኢ ሄ ኣንጂዋ ኣፋላን ሚኒዲ ኮይኮካ፣ ደማናው ዳንዳዳቤና፤ ኢ ናጋራፔ ሰማናው ቃዳ ደሚቤና።  
 18 ሂንቴ ኩሼን ቦሽቲያ ሰና ዴሪያኮ፣ ኤይያ ታማኮ፣ ቋማኮ፣ ጫጋናኮ፣ ጎቲያኮ፣  
 19 ጣይዚያ ዋሱዋኮ ዋይኮ ቃላይ ሲዔቴያ ቤሳኮ ዩቤኬታ። ሄ ቃላ ሲዒዳ ኣሳይ ሃራ ጉዣ ቃላ ሲዶና ማላ ዋሲደሶና።  
 20 ኣይሰ ጊኮ፣ «ሃሪ ኣቶሺን፣ ደዒ ሄ ዴሪያ ቦቺኮ፣ ሹቻን ጫዳቲዲ ሃይቆ» ያጊዳ ኪታ ኤንቲ ቶካናው ዳንዳዳቤካና።  
 21 ሄ ሃኒያባይ ዳር ዳጋንሊያባ ጊዲዳ ጊሾ ሙሴይ፣ «ታኒ ያሻን ኮኩራሰ» ያጊሰ።  
 22 ሽን ሂንቴ ሂያኔ ዴሪያኮ፣ ዳዎ ያሳይ ዴዒያ ዬሩሳሳሚ ካታማኮ፣ ኢሲፌ ሸቂዲ ኡፋይቲያ ዳር ሙኩሉ ኪታንቻታኮ ሳሉዋ ዩዴታ።  
 23 ኤንታ ሰንገላይ ሳሎን ፃፊቲዳ ዋሳ ኬላ ባይራ ናይታኮ፣ ኣሳ ኡባ ፐርዲያ ያሳኮ፣ ፖሎ ጊዲዳ ሂሎ ኣሳ ኣያናታኮ ዩዴታ።  
 24 ኦራላ ጫቁዋሰ ጊደ ጊዲዲ ሲጌሊያ ዩሱሳኮ፣ ኣቤላ ሱሳፌ ኣጂያባ ኦዲያ ዉርፂቲዳ ሱሳኮ ዩዴታ።  
 25 ሂንቴው ኦዲያ ኡራ ቃላ ኢፃሰ ጎና ማላ ናጌቴቴ። ካሴይሳቲ ሳዓን ጊዲዲ ኦዲዳ ኪታ ሲዶና ኢፃዲ ኣቲቦናባ ጊዲኮ ያቴን፣ ሳሎን ጊዲዲ ኦዲያ ቃላ ኑኒ ኢፃሰ ጊኮ ዋኒዲ ኣታኒ?  
 26 ሄ ዋዴ ኢያ ቃላይ ሳዓ ቃሊሰ። ሽን ሃዒ ታኒ፣ «ሳዓ ፃላላ ጊደናሽን ኢሲ ቶሆ ዛራዳ ሳሉዋካ ቃላና» ያጊሰ።  
 27 «ኢሲ ቶሆ ዛራዳ» ጊያ ቃላይ ቃዎናባይ ሚኒዲ ዳና ማላ ቃዒያ ሚጴቲዳባቲ ቆያናይሳ ቤሴሰ።  
 28 ኑኒ ቃፃናው ዳንዳዳና ካዎቴላ ኤኪያ ጊሾ ያሳ ጋላቶሰ፤ ያሳ ኡፋይሲያ ኦንኒ ቦንቸኒኔ ያሻቴላን ኢያ ጎይኖሰ።  
 29 ሂዛ፣ ኑ ያሳይ ቴማ ጡጊያ ታማ።

**13**

**ዉርሴላ ዘሪ**

1 ኣማኒያ ኣሳዳ ኢሶይ ኢሱዋራ ፖሎ ሰቁቲቴ።  
 2 ኣማሌ ጣኬይሳ ደጎፕቴ። ኢሲ ኢሲ ኣሳቲ ሂሳዳ ኣሊሹ ኤርና ኪታንቻታ ጣኪደሶና።  
 3 ቃሾን ዴዔይሳታ ሂንቴካ ኤንታራ ኢሲፌ ቃሾን ዴዒያዳ ኣሊዲ ኤንታና ቆፒቴ። ዋዬ ኤኪያ ኣሳራ ኢሲፌ ሂንቴካ ዋዬ ኤኪያዳ ኣሊዲ ኤንታና ቆፒቴ።  
 4 ኤኮይኔ ጌሎይ ኣሳ ኡባ ማታን ቦንቸቲዳባ ጊደ። ቃሲ ያሳይ ላይማቴይሳታኔ ላሚይሳታ ፐርዳናው ዴዒያ ጊሾ ኣዘናይኔ ማቺያ ኢሶይ ኢሱዋሰ ኣማኒታናው ቤሴሰ።  
 5 ሚሹ ሲቆፔ ሂንቴና ናጊቴ፤ ሂንቴው ዴዒያባን ኣለቴ። ያሳይ፣ «ታኒ ኑና ኡባራካ ዩጊኬ ዋይኮ ኣጊኬ» ያጊሰ።  
 6 ሂሳ ጊሾ፣ ኑኒ ኣማኒቲዲ፣  
 «ጎዳይ ታና ማዳይሳ፤  
 ታ ያዩኬ፤ ኣሲ ታና ኣይ ኦሳኔ?»

12:12 ኣሳ 35:3    12:13 ለሚ 4:26    12:15 ዛሬ 29:18    12:16 ሜዳ 25:29-34    12:17 ሜዳ 27:30-40  
 12:18 ዛሬ 4:11-12፤ 5:22-27፤ ከሳ 19:16-22፤ 20:18-21    12:20 ከሳ 19:12-13    12:21 ዛሬ 9:19    12:24 ሜዳ 4:10    12:25 ከሳ 20:22    12:26 ሃጌ 2:6    12:29 ዛሬ 4:24    13:2 ሜዳ 18:1-8፤ 19:1-3    13:5 ዛሬ 31:6፤ 8፤ ኢያ 1:5



ያገስ።

7 ያሳ ቃላ ከይሮ ሂንቴው አዲዳ ሂንቴና ካለጩይሳታ ቆጥቱ። እንቲ ዋኒዲ ዳዲዳኮ እንታ ዳሳ ቢዲዲ እንታ እማኑዋ ካለቱ።

8 ዬሱሰ ከሪሰቶሲ ዘኔካ ሃቺካ ሜሪናዉካ ላሚቱና።

9 ዳማ ዳማ ኦራላ ተሚርቲን ሃራሶ ቢዲ ጳዮፕቲ፤ ቦፕቲ። ኑ ዋዛናይ ያሳ እጾ ኬሃቴላን ማናናው ቤሱሰፕ እቲን ሚን ጎዮና ካላን ዋጋ ፖሎን ገደፖ።

10 ሺን ዳንካኒያ ገደን ኦላያ ካሂኔቲ ሄ ያርሾ ካላፊ ማናው እንታው ማቲ ባይና ያርሾ ቤሳይ ኮሰ ዳዔሰ።

11 ካሂኔ ሃላቃይ ናጋራ ያርሾሰ ሜሄ ሱላ ኤኪዲ ያርሻናው ኡባፊ ጌሻ ቤሳ ጌሉሰ። ሺን ሄ ማሂያ እሹዋ ዲርሳፊ ካሪን ፀጌሰ።

12 ሃሳዳካ፣ ዬሱሲ ዳሪያ ናጋራፕ ባ ሱላን ጌሻናው ካታማ ፔንጊያፊ ካሪን ዋዬቲሰ።

13 ሂዛ፣ ኑኒ ቦሪያ ቶኪዲ ዲርሳፊ ካሪ እያኮ ኬዮሰ።

14 ሂዛ፣ ኑሰ ሃይሳን ሜሪናው ዳዲያ ካታሚ ባዋ፣ ሺን ኑኒ ያና ካታማ ናጎሰ።

15 ሂዛ፣ ዬሱሳ ባጋራ ኡባ ዋዴ እያ ሱንላሰ ማርካቲያ ሜቲርሻ ጋላታ ያርሾ ያሳሰ እሞሰ።

16 ሎዖባ ኦሶኒ ሂንቴው ዳዲያባፕ ሜቶቲዳ አሳሰ እሞ ደጎፕቲ። ሂዛ፣ ሃሳ ሚላ ያርሾይ ያሳ ኡፋይሴሰ።

17 ሂንቴና ካለጩይሳታሰ ከቲቲቲ፤ እንቲ ጊያባ ኦላፕ። እንቲ ባንታ ኦላያባሰ ያሳ ሲንላን እይሹታናው ዳዲያ ጊሾ ሂንቴና ሄሞሶና። ሂንቴ እንታው ከቲቲቲ፣ ባንታ ኦሶዋ ኡፋይቲዲ ኦላና፤ ሄሲ ሃናና እጃኮ፣ እንቲ እዛኒሹ ኦላና፤ ሄሲ ሂንቴና እይቢባካ ማዴና።

18 ኑሰ ያሳ ዋሲቲ። ኑ ካሃይ ጌሺ፤ ኑ ኡባ ዋዴ ሎዖባ ኦላናው ኮዮሰ።

19 ታኒ ሂንቴኮ ኡሌሳዳ ያና ሚላ ሂንቴ ታው ሚንላዲ ያሳ ዋሳና ሚላ ታ ሂንቴና ሃዳራ ጋይሰ።

20 ሳርቲላ ያሳይ፣ ደርሳ ሄሚያ ኑ ጎዳ ዬሱሳ፣ ባ ሚሪና ጫቆ ሱላን ሃይቆፕ ዳንላዲይሰ።

21 እያ ሹኒያ ኦላና ሚላ ሎዖባ ኡባን እ ሂንቴና ዳንጨሰ። እያ ኡፋይሴያባ ዬሱሰ ከሪሰቶሳ ባጋራ ኑናን ያሳይ ኦላ። ዬሱሰ ከሪሰቶሳ ባጋራ ያሳሰ ሜሪናፕ ሜሪና ጋካናው ቦንቾይ ገደ። አሚንዒ።

22 ታ እሻቶ፣ ታ ሃ ዳብዳቢያ ሂንቴው ቃንላን ዓፊዳ ጊሾ ሂንቴ ታ ዘሪያ ሳላቶና ኤካና ሚላ ታ ሂንቴና ዋሳይሰ።

23 ኑ እሻይ፣ ሂሞቲዮሲ ቃሾፕ ቢላቲዳይሳ ኤሪቲ። እ ኤሌሲዲ ታኮ ዩኮ ታ ኢያራ ሂንቴና ባዳ ቤዓና።

24 ሂንቴና ካለጩይሳታኔ አማኒያ ኡባ ሳር ገቲ። ዓላፕ ዩዳ አማኒያ አሳይ ሂንቴና ሳር ያጎሶና።

25 ያሳ እጾ ኬሃቴላይ ሂንቴ ኡባራ ገደ። አሚንዒ።

# ያይቆቢ የፊደ ከታ

## ጋላ ቆፋ

ያይቆባ ከታይ፡ አማኒያ አሲ ጋላሰ ጋላሰ ባ ደዑዋ ካሌሊያ ቆፋታ ኦይኪሰ። ሃ ከታይ የፊቲዳይ፡ ቢታ ኡባን ላሌቲዳ ታማኔ ናምዑ ኣይሁዳ ዜሪላሳ። ሃ ማፃፋ የፊይ፡ ጨንጫቴላ ኑኒ ኦሶን ፔሺያ ሂላ፡ አማኒያ አሳ ሞኮባኔ ሎዎ ካንደሰ ኦኔ ቤሲያ ኦዳታ ሚሲሊዳ ቆንጨሲሰ።

ያይቆባ ከታይ፡ ማንቆቴላባ፡ ዱሬቴላባ፡ ፓጩባ፡ ሎዎ ካንደባ፡ ቃናቴባ፡ አማኖባ፡ ሎዎ ኦሶባ፡ ኢንፃርሳ ሃርባ፡ ጨንጫቴላባ፡ ኢሶይ ኢሱዋራ ኦቫባ፡ ኦቶርባ፡ አሽኩቴላባ፡ ሃራ አሳ ቦላ ፐርዳባ፡ ጨቁቴላባ፡ ጌንጫባ፡ ዋሳባኔ አማኒያ አሲ ኦላናው ቤሲያባ ኡባ ቆሪዲ የፊሰ።

ያይቆባ ከታይ፡ አማኖ ዳዎን አማኖይ ኦሶን ፔሪያ ሃኖታታ ቆንጨሲዲ ቤሲሰ።

### ያይቆባ ከታ ኣይፌ ቆፋታ

- ሳርፉ 1:1
- አማኖኔ ጨንጫቴላ 1:2-8
- ማንቆቴላኔ ዱሬቴላ 1:9-11
- ፓጩ 1:12-18
- የሳ ቃላ ሲሲኔ ኦሶን ፔሾ 1:19-27
- አሲ አሳፔ ዱማዮ ኮሾናይሳ 2:1-13
- አማኖኔ ኦሶ 2:14-26
- ኢንፃርሲ ሃርባ 3:1-18
- አማኒያ አሲኔ ሃ ኣላሚያ 4:1-5:6
- ዱማ ዱማ ዞሬታ 5:7-20

1 የሳኔ ጎዳ ዩሱስ ከሪሰቶሳ ኣይሌይ፡ ያይቆቢ፡ ቢታ ኡባን ላሌቲዳ ታማኔ ናምዑ ሸሻታሰ ኪቲዳ ከታ።

ሳር፡ ኣይ ሚላ ዳዳቲ።

#### አማኖኔ ጨንጫቴላ

2 ታ አሻቶ፡ ሂንቴና ዱማ ዱማ ፓጩይ ጋኪያ ዋይ ሂንቴ ሎዎባ ዳሚዳዳ ኩሜላ ኡፋይሳን ኡኪቴ።

- 3 ሂንቴ አማኑዋ ፓጩቴላይ ዳንደባ ሂንቴው ኢሚይሳ ኤሬታ።
- 4 ሂንቴ ወርሴላ ጋካናው ዳንደባኮ ኣይቢ ፓጩይ ባይና ፖሎኔ ኩሜላ ጊዳታ።

5 ሂንቴፊ ኦዳሰካ ጨንጫቴላ ጳዩኮ የሳ ዋሶ። ኢያው ኢሚታና። የሳይ ኦናካ ቦርና ኡባሰ ከሃቴላን ኢሚያ ያሰ።

6 ሺን ኢ ዋሲያ ዋይ ሲዶና አማኖን የሳ ዋሶ። ሲዲያ ኦኒካ ጫርኮይ ሱጊን ቃያያ ኣባ ዙላ ማላ።

7-8 ናምዑ ቆፊ ዳዳይኔ ባ ኦጊያን ኤቆና ኦኒካ ጎዳፔ ኣይኮካ ዳማና ጊዲ ቆፖፎ።

#### ማንቆ ኣሳኔ ዱሬ ኣሳ

- 9 አማኒያ ማንቆ ኣሳቲ፡ የሳይ ኤንታና ዶቁ ኦሊያ ዋይ ኡፋይቶ።
- 10 ቃሲ አማኒያ ዱሬ ኣሳቲ የሳይ ኤንታና ዘቄ ኦሊያ ዋይ ኡፋይቶ። ዱሬ ኣሳቲ ጨሻዳ ጳያና።
- 11 ኣዋይ ባ ሚሻራ ከዱዲ ማታ ሚሊሲን፡ ጨሻይ ቆሌቴሰ፤ ኢያ ሎዎቴላይካ ጳዩሰ። ሄሳዳካ፡ ዱሬ ኣሳቲ ባንታ ኦሱዋን ዳቡሪሺ ጳያና።

#### አሲ ጋኪያ ፓጩያ

12 ሚቴዋ ያኒዲ ኣጲዳፔ ጉዩ፡ የሳይ ባና ሲቄይሳታሰ ኢማና ጊዲ ቃላ ጌሊዳ ዳዎ ካላቻ ኡካና ጊሾ ሚቶን ጌንጨያ አሲ ኣንጅቲዳይሳ።

13 ኦኒካ ፓጩቴያ ዋይ «ታና የሳይ ፓጩሰ» ጎፖ። የሳይ ኢታን ፓጩቴና፤ ቃሲ ኢ ኦናካ ፓጩና።

- 14 ሺን ኢሲ ኢሲ ኣሲ ባ ኢታ ኣሙዋን ጎሾቲያ ዋይ፤ ጨሚቴያ ዋይ ፓጩቴሰ።
- 15 ሃሳፊ ጉዩ፡ ኣምቴላ ቃንሳቲዲ ናጋራ ዩሌሰ፤ ቃሲ ናጋራ ዲጨዲ ሃይቆ ዩሌሰ።

16 ታ ሲቆ ኢሻቶ፡ ጨሚቶፊቴ።

17 ሎዎ ኢምይኔ ኩሜላ ኣንጅ ኡባይ ሳሎፔኔ ሳሎዋ ፖዑዋ ሚዲዳ የሳ ኣዋፔ ዩሰ። የሳይ ኩያዳ ኡባ ዋይ ላሚቴና።

18 ኑኒ፣ ኢያ ሜዴቴላስ ኮይሮ ገዳና ሜላ ኑና ቱማ ቃላን ባ ሼኔን ዬሊስ።

**ሲሲኔ ኦሶ**

19 ታ ሲቆ አሻቶ፣ ሃይሳ እኩከቲ። አሲ ኡባይ ሲዓናው ኤሊሶ፣ ሺን ኦዴታናውኔ ሃንቁታናው ኤሊሶ።

20 አሳ ሃንቆይ ያሳይ ኮያ ያሎቴላ ኤሃና።

21 ሃሳ ገሽ፣ ቱና ሃናታኔ ኢታቴላ ኡባ ዲጊዲ፣ ያሳይ ሃንቲ ዎዛናን ቶኪዳ ሃንቲ ሸምፑዎ አሻናው ዳንዳዲያ ቃላ አዳቴላን ኤኪቲ።

22 ሺን ያሳ ቃላ ኦሶን ፔሺቴፔ ኣትን ሲሳ ዓላላን ሃንቲና ጨዋፊቴ።

23 ቃላ ሲዲዲ ኦሶና አሲ፣ ኢ ባ ሶምዑዎ ማሰቶቴን በዒያ አሳ ሜላ።

24 ኢ ባ ሶምዑዎ በዒዲ በሰ፣ ሺን ኢ ኣይ ዳኒያኮ ኤሊሶ ዳጌሰ።

25 ሺን ኦኒካ ኣይሌቴላፊ ኬሲያ ፖሎ ሂጊያ ኣከካን በዒዲ፣ ካሊዲ ናጌይ፣ ሲዲዳይሳ ዳጎና ኦሶን ፔሺያ ኡራይ፣ ባ ኦሶ ኡባን ኣንጂታና።

26 ባ አንግርሳ ናጎና አማናይሰ ጊያ ኡራይ ባና ጨሚስ፤ ኢያ አማናይ ሃዳ።

27 ያሳ አዎ ሲንሳን ሰሬይ ባይና ጌሻ አማናይ ሃይሳ፣ ኣያ ኣዉ ባይና ናይታኔ ኣምዒታ ማዶኔ ኣላሚያ ቱናፔ ባና ናጎ።

**2**

**አሴ ሻኮፋ**

1 ታ አሻቶ፣ ሃንቲ ኑ ቦንቾ ጎዳ ዬሱሰ ኪሪሰቶሳ አማኒያባ ገዲኮ፣ አሳ ሶምዎ ያሊዲ አሴ ቦንቾፊቴ።

2 ለሚሶሰ፣ ዎርቃ ሚጊደ አሊዲ፣ ሎዎ ማዎ ማዒዳ ዴሬ አሲ ሃንቲ ሸቁዎ ዩሰ። ቃሲ ጨርቃ ማዎ ማዒዳ ማንቆ አሲካ ዩሰ።

3 ሎዎ ማዎ ማዒዳ አዲያ ሃንቲ አሊ ቦንቹዲ፣ «ኔ ሃይሳን ሎዒያ ኦይዲያን ኡታ» ገዲ፣ ቃሲ ማንቆ አዲያ፣ «ኔ ያን ኤቃ ዎይኮ ሃይሳን ታ ቶሁዎ ማታን ሳዓን ኡታ» ጌታ።

4 ያጉኑ፣ ሃንቲ፣ ሃንቲ ገደን ሻኪቴሌ ሜዴይሳታኔ ኢታ ቆፋራ ዳዒያ ዳይናታ ሚላ ገዴኪቴዬ?

5 ታ ሲቆ አሻቶ፣ ሲዒቲ። አማናን ዴሬ ገዳና ሜላኔ ባና ሰቁይሳሳን አማና ገዳ ሳሎ ካዎቴላ ላታና ሜላ ሃ ሳዓን ዳዒያ ማንቆታ ያሳይ ደሪበኔዬ?

6 ሺን ሃንቲ ማንቆታ ቶቹታ። ሃንቲና ኡንዒሌይሳቲ ዴሬታ ገደኮናዬ? ሃንቲና ዳይና ሲንሊ ሳቹይሳቲ ኡንታ ገደኮናዬ?

7 ሃንቲ ያጌቴዳ ሎዎ ጎዳ ሱንላ ጫይይሳቲ ኡንታ ገደኮናዬ?

8 ሺን ጌሻ ማዓፋን፣ «አሴ ኡባ ኔና ኔ ደሴይሳዳ ደሳ» ጌቴቴዲ ዓፊቴዳ ያሳ ካዎቴላ ሂጊያ ሃንቲ ፖሊኮ ሎዎ ኦሌታ።

9 ሺን ሃንቲ አሳ ሶምዎ ያሊዲ ቦንቹኮ፣ ናጋራ ኦሌታ ቃሲ ሃጌይ ሃንቲና ሃጌ ሜንሊዳ አሳዳ ፐርዳና።

10 ኦኒካ ሃጌ ኡባፊ አሱዎ ሜንሊዲ፣ ኣቲዳ ኡባ ናጊኮ ኡባ ሜንሊዲዳ ታይቤቴሰ።

11 «ላዎፋ» ገዳ ጎዳይ፣ ቃሲ «ዎጶፓ» ገሰ። ሺን ኔኒ ላዎና ኣጋዳ ዎጲዳባ ገዲኮ፣ ሃጊያ ሜንላዳሳ።

12 ኣይሌቴላፊ ኬሲያ ሃጊያ ሲንሳን ፐርዳ ኤካናው ዳዒያ አሳዳ ኦዴቴቴኔ ኦሊቴ።

13 አሴ ማርና ኦናካ ያሳይ ማርና ፐርዳና። ሺን ማርቴላይ ፐርዳ ያኔሰ።

**አማናኔ ኦሶ**

14 ታ አሻቶ፣ ሃንቲፊ አሲ አሲ ታው አማናይ ዳዒሰ ገዲ፣ ባ አማኑዎ ኦሶን በሶና ኢዲኮ ኢያ አይ ማዶኔ? ኢያ አማናይ ኢያ አሻናው ዳንዳዒ?

15 ለሚሶሰ አሲ አሻይ ዎይኮ አሲ ሚቹያ ካሎቴኮኔ ኡንታው ሚያባይ ቆዩኮ።

16 ሃንቲፊ አሲ አሲ ኡንታኮ፣ «ሳር በቲ! ታማ ካዩቴ! ካሊዲ ሚቴ!» ገዲ፣ ኮሺያባ ኡንታው አዎና ኢዲኮ ኡንታ ኣይ ማዶ?

17 ሃሳ ገሽ፣ ኦሶይ ባይና አማናይ ባርካ ሃይቁዳይሳ።

18 ሺን ኢሲ አሲ፣ «ኔው አማናይ ዳዒሰ፤ ቃሲ ታው ኦሶይ ዳዒሰ። ኔኒ ኔ አማኑዎ ኔ ኦሱዎፔ ሻካዳ ታና በሳ፤ ታካ ታ አማኑዎ ታ ኦሱዎን ኔና በሳና» ጋና።

19 ኔኒ፣ አሲ ያሳይ ዳዒይሳ አማናሳ፤ ሃሲ ሎዎ። ቱና ኣያናቲካ አማናሰና፤ ያሻን ኮኮሮሰና።

20 ኔና ኤያው! አማናይ ኦሶፔ ሻኪቴዲ ማዶናይሳ ኡራናው ኮያይ?

21 ኑ አዎ ኣብራሃሜይ፣ ባ ናዓ ዩሳቃ ያርሾ በሳ ሰላ ዎሊዳ ዎዴ ባ ኦሱዎን ያሊቤኔ?

22 ኢያ አማናይኔ ኢያ ኦሶይ ኢሲፊ ኡሊዳይሳ በዒኪ? ኢያ አማናይ ኢያ ኦሱዎን ፖሊቴሰ።

- 23 ገሻ ማፃፋይ፣ «አብራሃም ያሳ አማኒስ። ያሳይ ሄሳ ኢያው ሂሎቴሌ ኦሊዲ ታይቢስ» ገዳይሲ ፖሊቲስ። ቃሲ ኢ ያሳ ዳቦ ጌቲቲዲ ያጌቲስ።
- 24 አሲ አማና ያላላን ገዳናሽን ኦሶን ሂሎይሳ ቤዓሳ።
- 25 ሄሳዳካ፣ ላይሚያ ራዓባ ኢሰራዔላ፤ ከቲቲዳይሳታ ሞካዳ ሃራ ኦጌራ ኤንታ ሞይዚዳ ዎዴ ባ ኦሰብን ያላቤኬ?
- 26 ሼምፖይ ሻኩቲዳ አሳቴላይ ሃይቆ ገዳይሳዳ፣ ኦሶይ ሻኩቲዳ አማናይካ ሃይቁዳይሳ።

### 3

#### አንፃርሲ ናጎ

- 1 ታ አሻቶ፣ ሂንቴፊ ዳርቲ አስታማሪ ገደፖ። ኑ፣ አስታማሪቲ ሃራታፔ አጂያ ፐርዳ ኤካናይሳ ሂንቴ ኤሬታ።
- 2 ኑ ኡባይ ዳርባን ባሌቶስ። ባ ኦዳን ባሌቶና ኦኒካ ባናቴላ ናጎናው ዳንዳዒያ ፖሎ አሲ።
- 3 ፓራቲ ኑስ ከቲታና ሚላ ቢዓላ ባርሲዲ ኑኒ ኮያ ቤሲ ኡባ ኤሬስ።
- 4 ማርካቤይ ሄሳ ሚላ ገታ ገዳሺ ዎልቃማ ጫርኩብን ሱጌቲኮካ፣ ኢያ ላጌይሲ ባ ኮያ ቤሲ ዘራዲ ላገያ ጉላ ሚላን ላጌቲዲ ቤሲ።
- 5 ሄሳዳ አንፃርሲ አሳቴላ ገደን ጉላ ገደኮካ ዳር ገታባን ጨቁቴስ።
- 6 ጉላ ታሚ ዳር ገታ ዎራ ፀጌሰ።
- 7 አንፃርሲ ታማ ሚላ። አንፃርሲ ኑ አሳቴላ ገደን ኢታን ኩሚዳ አላሚ፤ አሳቴላ ኡባ ቱኒሴስ። ጎናሚፔ ኬያ ታማዳ ኑ ደዐቦ ዎላ ኡባ ፀጌሰ።
- 8 ዳዓታኔ ካፎታ፣ ኡሎራ ጎሹቴይሳታኔ አባን ዳዒያ ሚጴቴላታ ኡባ አሲ ሃራሰ፤ ኤንቲካ ሃራቲደሶና።
- 9 ሺን ኦኒካ አንፃርሲ ሃራናው ዳንዳዒቤና። አንፃርሲ ዎጂያ ማርካይ ኩሚዳ ሃራቶና ኢታ ማጴቴሌ።
- 10 ኑ አንፃርሳን፣ ኑ፣ ጎዳኔ ያሳ ጋላቶስ። ቃሲ ኢያው ያሳ ለሚሶን ሚጴቴዳ አሳ ቃንጎስ።
- 11 አሲ ዳናፔ ጋላቲኔ ቃንጌላ ኬዬስ። ታ አሻቶ፣ ሄሳዳ ሃናናው ቤሲና።
- 12 ፑልቶይ ኢሲ ኦላፊ ማልዒያ ሃላኔ ጫሚያ ሃላ ፑልታናው ዳንዳዒ?
- 13 ታ አሻቶ፣ ባላሲ ሚላ ሻማሆ አይፋናው ዳንዳዒ? ዎይኮ ዎይኔ ሚላ ባላሲ ሚላ አይፊ አይፋናው ዳንዳዒ? ጫሞ ሃላፊ ማልፖ ሃላ ኬያናው ዳንዳዒና።

#### ሳሎ ጨንጫቴላኔ ሳዓ ጨንጫቴላ

- 13 ሂንቴ ገደን ጨንጨኔ አኩካንቾይ ኦኔ? ባ ሎፖ ደዐብ፣ አሽኩቴላኔ ጨንጫቴላን ኦሴቲዳ ኦሶን ቤሶ።
- 14 ሺን ሂንቴ ዎዛናን ጫሚያ ቃናቴይኔ ባና ደሶይ ዳዒኮ ጨቁቶፊቲ፤ ቱማ ቦላ ዎርደቶፐቲ።
- 15 ሂሳ ሚላ ጨንጫቴላይ ሳሎፔ ዩዳባ ገደናሽን ሂሲ አሳባ፣ አላሚባ፣ ያላሄባ።
- 16 ቃናቴይኔ ባና ደሶይ ዳዒያ ሶን ኦሺኔ ኢታ ኦሶ ኡባይ ዳፖሶና።
- 17 ሺን ቦላፊ ያ ጨንጫቴላይ ኡባፊ ሲንላ ጌሺ። ቃሲ ሳርቴላ፣ አዳቴላ፣ ሲዒዲ ኤኬይሳ፣ ቃጴቴይሳ፣ ሎፖ አይፊይ ኩሚዳይሳ፣ አሴ ሻኮናይሳኔ ጨቦቴላ ባይናይሳ።
- 18 ሳርቴላ ደሴይሳቲ ሳርቴላ ዘራዲ ሂሎቴላ ቡጮሶና።

### 4

#### ሃ አላሚያራ ዳቦቶፐቲ

- 1 ኦሺኔ ኦሊ ሂንቴ ገደ አወፔ ዩ? ኤንቲ ዩይ ሂንቴ አሳቴላ ሃራናው ኦሊቲያ ሂንቴ አሾ አሙዎፐ ገዳኔይ?
- 2 ሂንቴ አሞቴታ፣ ሺን ዳሚኪታ፤ ሄሳ ገሾ፣ ዎጂታ። ሚንላ ኮዬታ፣ ሺን ዳማናው ዳንዳዒኪታ፤ ሄሳ ገሾ፣ አዬቴታኔ ኦሊቴታ። ሂንቴ ያሳ ዎሶና ገሾ ኮያባ ዳሚኪታ።
- 3 ሂንቴ ዎሴታ፣ ሺን ዳሚኪታ። ሂንቴ አሾ አሙዎ ፖላናው ዎቤ ኦጌን ዎሲያ ገሾ ዳሚኪታ።
- 4 ሂንቴና፣ ላይማቴይሳቶ! ሃ አላሚያ ደሴይ ያሳራ ሞርኪ ገዳይሳ ኤሬከቲ? ሃ አላሚያራ ዳቦታናው ኮዬይ ኦኒካ ያሳራ ሞርኪ።
- 5 ገሻ ማፃፋይ፣ «ያሳይ ኑናን ዳና ሚላ ኦሊዳ አያናይ፣ ኑኒ ኢያው ቡዞ ገዳና ሚላ አሞቴስ» ገዳይሳ ጮ ገዳባ ዳኒ?
- 6 ሺን ገሻ ማፃፋይ፣ «ያሳይ ኦቶራንቾታ ኢዲስ፣ ሺን ባንታና ካወሼይሳታሰ ማርቴላ አሚስ» ያገያ ገሾ ያሳይ ማርቴላ ዳርሲዲ አሚስ።

- 7 ሃሳ ጊሾ፣ ያሳሰ ሃሬተቱ፤ ያላሂያራ ኤቁተቱ፤ እ ሂንቴሬ ሃካና።
- 8 ያሳኮ ሸቁቱ፤ እ ሂንቴኮ ሸቃና። ሂንቴኖ፣ ናጋራጎቾቶ፣ ሂንቴ ኩሺያ ሜጩተቱ፤ ናዎዑ ቆፊ ዲዒይሳቶ፣ ሂንቴ ዋዛና ጌሺቱ።
- 9 ካዮተቱ፣ ዩከቴኔ እፋፃቱ። ሂንቴ ሚቻይ ዩሆን፣ ሂንቴ ኡፋይሳይ እዛኖን ላሚቶ።
- 10 ጎዳ ስንገላን ሂንቴናቴላ ካወሸቱ፤ እ ሂንቴና ጶቁ ጶቁ ኦላና።

**እሳ ቦላ ፐርዶፊቴ**

- 11 ታ አሻቶ፣ አሶይ አሱዋ ዘገርፐቱ። ባ አሻ ዘገሬይኔ እያ ቦላ ፐርዶይ ሂን ዘገሬሲኔ ሂን ቦላ ፐርዶሰ። ኔኒ ሂን ቦላ ፐርዶኢኮ ሂን ቦላ ፐርዶይሳ ገዳሳፔ እቴጎ ሂን ፖሌይሳ ገዳካ።
- 12 ሂን አሜይኔ ፐርዶይ ያሳ ያላላ። አሻናወኔ ጳይሳናው ዳንዳዔይ እያ። ያቴጎ፣ እሳ ቦላ ፐርዶያ ኔኒ ኦኔ?

**ጩቁቶፊቴ**

- 13 ሂንቴ፣ «ኦኒ ሃቺ ዋይኮ ዋንቶ ያ ካታማ ዋይኮ ሃ ካታማ ባና፤ ያን ላይሌ ኡታና፤ ዛልዒዲ ዋዲሳና» ያጌይሳቶ፣ ስዒቱ።
- 14 ዋንቶ አይቢ ሃናኔኮ ሂንቴ ኤሬኬታ። ሂንቴ ዳይዎ ዋናኔኮ ኤሬይ ኦኔ? ሂንቴ ጉላ ዋይ ቤንቴዲ ጳያ እካ ሜላ።
- 15 ሃሳ አገዲ፣ «ጎዳይ ገኮ ኦኒ ዳና፤ ሃይሳ ዋይኮ ሃሳ ኦላና» ያጋናው ቤሱሰ።
- 16 ሸን ሂንቴ ሃዒ ኦቶርቴታኔ ጩቁቱታ። ሃሳ ሜላ ጩቆ ኡባይ እታ።
- 17 ሃሳ ጊሾ፣ ሎዖባ ኦላናው ኤሬሼ ኦላና ኡራሰ ሂሲ ናጋራ።

**5**

**ዱሬታሰ እሜተዳ ዞሬ**

- 1 ሂንቴኖ፣ ዱሬቶ፣ ሂንቴ ቦላ እታ ሜቶይ ያ ጊሾ ዩከቴኔ ዜሌሊቱ።
- 2 ሂንቴ ሻሎይ ቡቁሰ፤ ሂንቴ አፊላይካ ቢላን ሜቱቲሰ።
- 3 ሂንቴ ዋርቃይኔ ሂንቴ ቢራይ ሸዒሲ። ሄ ሸዒይ ሂንቴ ቦላ ማርካ ገዳና። እ ሂንቴ አሳቴላ ታማዳ ማና። ሂንቴ ሃ ወሬዳ ቃማታን ሂንቴው ሻሎ ዲጋይታ።
- 4 ሂንቴ ጋዴን ኦላ ፐዒዳ እሳ ኬራ ሚሺያ ቃንፀቤኬታ። ሄሲ ሂንቴ ቦላ ዋሱሰ። ሄ አሳታ ዋሪይ ዋልቃማ ጎዳ ሃይላን ስዒቲሰ።
- 5 ሃ ሳዓን ሂንቴ ኡሎ ያላላሰ ቆፐዲ፣ አንጃን ዳዒዳታ። ሹካሰ ገቢቲዳ ሚሄዳ ሂንቴና ቋኪዳታ።
- 6 ሂንቴኔ ኤቁታናው ዳንዳዖና ፀሎ እሳ ቦላ ፐርዶዲታ፤ እያ ዋዲዳታ።

**ገንጫኔ ዋሳ**

- 7 ታ አሻቶ፣ ጎዳይ ያና ጋካናው ገንጩቱ። ጎሻንቾይ ቶርቼ አራይኔ ሲላ አራይ ያና ጋካናው ገንጩዲ አልፆ ካላ ናገዲ ዋቲ ጋላ ኢኪያኮ ቆፐቱ።
- 8 ሄ ጎሻንቾዋዳ ሂንቴካ ገንጩቱ። ጎዳ ዩሳይ ማታቲዳ ጊሾ ኡፋይሳን ናገቱ።
- 9 ታ አሻቶ፣ ያሳይ ሂንቴ ቦላ ፐርዶና ሜላ አሶይ አሱዋ ቦላ ዘዘዋፊቴ። ፐርዶይሲ ፔንገን ኤቁሰ።
- 10 ታ አሻቶ፣ ዋያን ገንጩዳ፣ ጎዳ ስንገላን ኦዲዳ ናቢታ ለሚሶ ኦላዲ ኢኪቱ።
- 11 ዳንዳዓን ገንጩዳይሳታ ኦኒ አንጃቲዳይሳታ ጎሰ። አዮቤይ ዋኒዲ ገንጩዳኮ ሂንቴ ስዒዳታ። ጎዳይ ወርሴላን እያ ዋቲ ማዲዳኮ ቤዒዳታ። እ ማርቴኔ ቃዴይ ኩሚዳ ጎዳ ገዲያ ጊሾ ሃሳ ኦላሰ።
- 12 ሸን ኡባፊ ስንሐ፣ ታ አሻቶ፣ ሳሉዋን ገዲን ዋይኮ ሳዓን ገዲን ዋይኮ ሃራ አይቢንካ ጫቆፊቴ። ያሳ ፐርዳን ሂንቴ ጌሎናዳ ሂንቴ ኦዳይ ኦ ገዲኮ፣ «ኦ» ገቱ፤ አካይ ገዲኮ፣ «አካይ» ገቱ።
- 13 ሂንቴ ገዲን ሜቶ ኤኪያ ኦኒካ ዳዒኮ ያሳ ዋሪ። ኡፋይቲያ ኦኒካ ዳዒኮ ጋሳታን ዬዎ።
- 14 ሂንቴሬ ሃርጌቲያ ኦኒካ ዳዒኮ ዋሳ ኬላ ጩማታ ጃጎ። ኤንቲ ጎዳ ስንገላን ሻማሆ ዛይቲ ቲዬዲ ኢያው ያሳ ዋሪ።
- 15 አማኖን ዋሲዳ ዋሳይ ሃርጋንቾዋ ፓላና። ጎዳይ እያ፣ ሃርጊያፊ ዳንላና፤ እ ናጋራ ኦላዳባ ገዲኮካ ጎዳይ እያ ማራና።
- 16 ሃሳ ጊሾ፣ ሂንቴ ፓዖና ሜላ ሂንቴ ናጋራ አሶይ አሱዋሰ ፓዊቲኔ አሶይ አሱዋሰ ዋሪቱ። ጃሎ እሳ ዋሳይ ዋልቃማ ኦሶ ኦላሰ።
- 17 ኤሊያሰ ስ ሜላ ኦላሰ። አራ ሳዓን ቡኮና ሜላ ሚንሊዲ ያሳ ዋሲን ሃቹ ላይሌኔ ኡሶፔን አጌና ሳዓን አራ ቡኪቤና።

18 ዛሪዲ ኢ ያሳ ዎሲን ሳሎፔ ኢሪ ቡኪሰ፤ ሳዓይካ ካላ ሞኪሰ።

19 ታ ኢሻቶ፣ ሂንቴፌ ኦኒካ ቱማ ኦጊያፔ ቡተኮ፣ ሃራይ ኢያ ቱማኮ ዛሪኮ፣

20 ናጋራንቹዋ ኢያ ባላ ኦጊያፔ ዛሪያ ኦኒካ፣ ኢያ ሼምፑዋ ሃይቆፔ ኣሼይሳኔ ኢያ ዳሮ ናጋራሰ ማሮታ ኢሜይሳ ኤሮ።

# ጳጳርሲ ዓፊዳ ኮይር ኪታ ጋላ ቆፋ

ሃዋሪያ ጳጳርሲ ዓፊዳ ኮይር ኪታይ ዓፊቲዳይ፣ «ዳሬቲዳ ያሳ አሳታ» ጌቲቲ ያጌጌዳይሳታሲኔ ጉላ ኢሲያን ፑዳሃ ባጋን ላለቲዳ አማኒያ አሳሳ። ሃ ኪታ አይፌ ቆፋይ፣ አማና ጋሶን ማቶይኔ ዋዬይ ጋኪዳ አሳ ማንጤሳናና። ሃ ማፃፋ ዓፊይ፣ ኢያ ሃይቁዋ፣ ኢያ ዳንዱዋ፣ ኢያ ናምዓንሎ ዩሳ ኦዲያ ዩሱስ ኪሪሰቶሳ ዋንጌላ ቃላ ኢንታ ሃሳይሴሰ። ዩሱስ ኪሪሰቶሳ ደዑዋ ለሚሶ ኦሊ ዪሊዲ፣ ማቲዋ ዳንዳዳን ካንሳናዳ ኢንታ ቆፊሴሰ። ሄሳራ ጋሊዲ፣ ማቶይ ኢንታ አማኑዋ ገሻቴላ ፓጩይሳኔ፣ «ዩሱስ ኪሪሰቶሳ ቆንጩያ ጋላሰ» ቤሲያ ዋይቶ ኢንቲ ኤካናው ዳዔይሳ ሃሳይሴሰ። ዓፊይ፣ ኢንቲ ማቶ ዳንዳዳና ማላ ማንጤሳይሳ ቦላ ኪሪሰቶሳ ካሊያ አሳቲ ዳዔይሳዳ ዳና ማላ ቆፊሴሰ።

## 1 ጳጳርሳ ኪታ አይፌ ቆፋታ

- ሳርሶ 1:1-2
- ያሳይ ኑስ አሚዳ አቶቴላ 1:3-12
- ገሻቴላ ዱሱ 1:13-2:10
- ሚቶ ዋይ አማኒያ አሳይ ሃናናው ቤሲያባ 2:11-4:19
- ጩማታሲኔ ናዓቴላታሰ አሚቲዳ ዞሪ 5:1-11
- ኩሻ ቆፋ 5:12-14

1 ታኒ፣ ዩሱስ ኪሪሰቶሳ ሃዋሬይ ጳጳርሲ፣ ጳንያሳን፣ ጋላቲያን፣ ቃጳደቂያን፣ ኢሲያኒኔ ቤቲኒያን ቤታንቾዳ ላለቲዳ ዳዔያ ያሳይ ዶሪዳ፣ አሳሰ ሃ ዳብዳቢያ ያፋሰ።

2 ዩሱስ ኪሪሰቶሳሰ ሂንቴ ከቲታና ሚላኔ ኢያ ሱላን ጌያና ማላ፣ ያሳ አዋይ ባ ካሴ ኤራን ዶሪዳይሳታሲኔ ገሻ አያናን ጌዬዳ፣ ሂንቴው አቶ ከሃቴሳይኔ ሳርቴሳይ ጌድ።

### ጳዮና ኡፋይሳ

3 ዩሱስ ኪሪሰቶሳ ሃይቆፔ ዳንጲዲ ባ ጌታ ማርቴላን ናምዓንሎ ዩሌቴላኔ ጳዮና ኡፋይሳ አሚዳ ኑ ጎዳ ዩሱስ ኪሪሰቶሳ አዋይ፣ ያሳይ ጋላቴቶ።

4 ቃሰ ያሳይ ሂንቴው ጳዮና፣ ኢቶናኔ ቡቆና ላታ ሳሎን ገሊሲሰ።

5 ሄ ላታይ ዋይ ወርሲላን ቆንጩናው ዳዔያ አቶቴላሰ ያሳ ዋልቃን አማናን ሂንቴው ናጌቲዲ ዳዔሰ።

6 ሃዲ ጉላ ዋይሰ ሂንቴ ዳማ ዳማ ፓጩን ኤንዔቴኮካ ሄሳን ኡፋይቲቲ።

7 ሄ ፓጩይ ሂንቴና ጋኪዳይ፣ ታማን ዩጊን ጳያ ዋርቃፊ ሂንቴ አማናይ አቶቴ ቲማ ጌዳይሳ ቤሳናሳ። ሄ ፓጩቲዳ አማኑዋን ዩሱስ ኪሪሰቶሳ ቆንጩያ ዋይ ጋላታ፣ ቦንቾኔ ሳባ ሂንቴ ኤካና።

8 ሂንቴ ዩሱሳ ቤዒቤኬታ፣ ሺን ኢያ ሰቂታ። ሂንቴ ሃዲ ኢያ ቤዒቤናባ ጌዲኮካ፣ ኢያ አማኔታ። ቃሰ ኦዲን ቆንጩሳናው ዳንዳዳቶና ኡፋይሳኒኔ ቦንቾን ኩሚዳታ።

9 ሂንቴ አማናን ናጊያ ሂንቴ ሸዎፑዋ አቶቴላ ኤካና።

10 አቶ ከሃቴላ ባጋራ ሂንቴው ገሊዳ ሃ አቶቴላባ ናጌቲ ኤራናው ጌታ ኮሻኒኔ ናንን ኮዬዶሶና።

11 ኢንታን ዳዔያ ኪሪሰቶሳ አያናይ ኢያ ዋያባኔ ሄሳፊ ጉዬ ያና ቦንቾዋባ ካሲቲዲ ማርካቲሽ፣ አወጪ ዋይኮ ዋኒዲ ሃናኔኮ አኪካን ፒልጊዶሶና።

12 ናጌቲ ኡዲዳ ቲንቤቲይ ባንታው ጊዶናሺን ሂንቴው ጌዳይሳ ያሳይ ሂንቴው ቆንጩሲሰ። ሃዲ አሳይ ሂንቴው ኡዲዳ ዋንጌላ ሳሎፕ ከቴቲዳ ገሻ አያና ዋልቃን ሂንቴው ኡዲዶሶና። ኪታንቾቲካ ሄሳ ቤሳናው አዋቲዶሶና።

### ገሻቴላን ዳዔቲ

13 ሄሳ ገሾ፣ ኦሶሰ ሂንቴና ገሊሲቲ፣ ሂንቴና ሃሪቲ። ዩሱስ ኪሪሰቶሳ ቆንጩያ ዋይ ሂንቴ ኤካና አቶ ከሃቴላ ኡፋይሳን ናጌቲ።

14 ያሳ ናይታዳ ኢያው ከቲቲቲ፣ ሂንቴ ካሴ ኤሪና ኦሊዳ ኢታ አሙዋ ካሎፊቲ።

15 ሺን ሂንቴና ያጊዳ ያሳይ ጌሺ ጊዲዳይሳዳ ሂንቴካ ሂንቴ ዱሳ ኡባን ጌሺ ጊዲቲ።

16 ጌሻ ማፃፋን፣ «ታኒ ጌሺ ጊዲዳ ጌሾ ሂንቴካ ጌሺ ጊዲቲ» ጌቲቲ ዓፊቲሰ።

17 አሳ ሰዎዎ ቤያና ኢያ ኦሱዋዳ ፒርዲያ ያሳ፣ «ኦ አዋው» ጊዲ ያጊያባ ጊዲኮ፣ ሃ ሳባ አማላቴላ ዱሳ ያሻን ዳዔቲ።

18 ሂንቴ፣ ሂንቴ አዋታፔ ላቲዳ ፓሉና ዳዕ-ዋፔ ዋዜቲዳይሲ፣ ቆያ ቢራን ዋይኮ ዋርቃን ጊድናይሳ ኤሬታ።

19 ቦሬይ ዋይኮ ቦርሶይ ባይና ዶርሳ ሱላዳ አልዎ ጊዲዳ ኪሪሰቶሳ ሱላን ዋዜቲዳታ።

20 ያሳይ አላሜይ ሜዴታናፔ ካሴ ኪሪሰቶሳ ዶሪሰ፣ ሺን ሃ ወርሴላ ዋዲያን ኪሪሰቶሲ ሂንቴ ገሾ ቆንጨሲ።

21 ሂንቴ አማናይኔ ሂንቴ ኡፋይሳይ ያሳን ጊዳና ሜላ ኢያ ሃይቆፔ ዳንጤዳ፣ ቦንቺዳ ኪሪሰቶሳ ባጋራ ያሳን አማኔታ።

22 ሂንቴ ቱማቴላሰ ኪቲቲዲ ሂንቴናቴላ ጌሺዳታ። ሂንቴ ኢሶይ ኢሱዋ ዋዛናፔ ሲቄታ፣ ሺን ሃዒካ ቱማ ዋዛናፔ ሚንጤዲ ሲቄቲ።

23 ሂንቴ ናሞዓንሎ ዩሌቲዳይ ቆያ ዜሬላሬ ጊዳናሺን ሜሪናው ዳዒያ ያሳ ቃላን ቆዮና ዜሬላሬ ዩሌቲዳታ።

24 ያሳ ቃላይ፡

«አሲ ኡባይ ማታ ሚላ፤  
ኢያ ቦንቾ ኡባይ ጨሻ ሚላ።

ማታይ ሚሌሰ፣ ጨሻይካ ቆሌቲሰ።

25 ሺን ጎዳ ቃላይ ሜሪናው ዳዔሰ።

ያጌሰ። ሂንቴው ኦዴቲዳ ዋንጌላ ቃላይ ሃይሳ።

## 2

ዴዎ ሹቹኔ ጌሻ ዴሬ

1 ሂዛ፣ ኢታቴሌ ኡባ፣ ጨዋ ኡባ፣ ጨቦቴሌ ቃናቴኔ ዚጊርሲ ኡባ ሂንቴሬ ዲጌቲ።

2-3 ጎዳይ ኬሃ ጌዴይሳ ሂንቴ ኤሪዲ ሜዜቲዳይሳዳ ሃዒ ዩሌቲዳ ጉላ ናይታዳ ሂንቴ አቶቴላን ዲጨሼ ባናው ያሳ ጌሻ ቃላ ማላ ኡባ ዋዴ አሞቲቲ።

4 አሳን ቦሬቲዲ ያሳን ዶሬቲዳ አልዎ ጊዲዳ ዴዎ ሹቻ፣ ጎዳ ዩሱሳኮ ሸቂቲ።

5 ሂንቴ አያና ኬሌ ኬዳቲያ ዴዎ ሹቻታ። ሂንቴ ዩሱሰ ኪሪሰቶሳ ባጋራ ያሳ ኡፋይሲያ አያና ያርሾ ያርሺያ ጌሻ ካሂኔታ።

6 ጌሻ ማዓፋን፣

«ሂኮ፣ ታኒ ዪዮኔ ካታማን ጎዳ ዓጶዋ ሚንጤያ፣  
ዶሬቲዳ፣ አልዎ ሹቻ ዋሳሰ፤

ኢያን አማኒያ ኦኒካ ዩላቴና»

ያጌሰ።

7 ሃ ሹቻይ ሂንቴው አማኔይሳታሰ አልዎ፣ ሺን አማናናይሳታሰ።

«ገሞቤይሳቲ ካጲዲ ኢዲዳ ሹቻይ

ጎዳ ዓጶዋ ሚንጤያ፣

ኡባሬ አጲያ ሹቹ ጊዲሰ።»

8 ቃሲካ፣

«ሃ ሹቻይ አሴ ቆቢያ ሹቹኔ አሴ ኩንዲሲያ ዛላ»

ያጌሰ። ኤንቲ ሂሳሰ ቃዴቲዳ ገሾ ያሳ ቃላ ኪቲቶና ኢዲዲ ቆቤቲዳሶና።

9 ሺን ያሳይ ቆማፔ ማላሊሲያ ባ ፖዑዋኮ ሂንቴና ዪጊዳይ፣ ሂንቴ ኢያ ሎዎቴላ ሃራታሰ ኦዳናው ዶሬቲዳ ዛሬ፣ ካዋ ካሂኔ፣ ጌሻ ዴሬኔ ያሳ ዲማ ዴሬ።

10 ሂንቴ ካሴ ያሳ ዴሬ ጊዴኬታ፣ ሺን ሃዒ ሂንቴ ኢያ ዴሬ። ሂንቴ ካሴ ማርቴሌ ዴሚቤኬታ፣ ሺን ሃዒ ማርቴሌ ዴሚዳታ።

ያሳ አይሊዳ ዴዎ

11 ታ አሻቶ፣ ሂንቴ ሃ ሳሳን አማሌኔ ቤታንቾ ጊዲዳይሳዳ ሂንቴ ሸምፑዋ ኦሊያ አሾ አሞፔ ሃካና ሚላ ታኒ ሂንቴና ዋሳይሰ።

12 አማናና አሳይ ሂንቴና ኢታ ኦሊያ አሳዳ ዚጊርያ ዋዴ ያሳይ ኦና ቤሳናው ያ ጋላሰ፣ ኤንቲ ሂንቴ ሎዎ ኦሱዋ ቤዒዲ ያሳ ጋላታና ሚላ ሂንቴው ሎዎ ዴዎይ ዴዎ።

13 ጎዳ ገሾ ጊዲ ማታራ ዳዒያ አሳታሰ ሃሬቲቲ፤ ኡባሬ ቦላ ጊዲያ ገሾ ካወዋሰካ ሃሬቲቲ።

14 ኤንቲ ኢታ ኦሊያሳታ ሴራናወኔ ሎዎ ኦሊያሳታ ሳባናው ካወዋፔ ኪቲቲዳ ገሾ ዴሪያ አይሴይሳታሰ ሃሬቲቲ።

15 ሂንቴ፣ ሂንቴ ሎዎ ኦሱዋን ኤርና ኤያ አሳ ዶና ኦይላናይሲ ያሳ ሺኔ።



- 16 ያሳ አይሌ ገዲዲ ላዓቲላን ዳዊቲ ኣተን ሂንቲ ላዓቲላ ኢታ ኦሶስ ካማ ኦሎፊቴ።
- 17 ኣሳ ኡባ ቦንቲቴ፤ ኣማኒያ ኣሳ ሲቂቴ፤ ያሳ ያዩቴ፤ ካዎ ቦንቲቴ።

**ኪሪሰቶሳ ዋያ ለሚሱዎ**

- 18 ኣይሌቶ፣ ሎዎ ጎዳታሲኔ ከሃ ጎዳታ ያላላሰ ገደናሺን ኢታታሰካ ቦንቸን ሃራቲቴ።
- 19 ኣሲ ያሳ ገሾ ገዲ ቤሶና ዋዬ ዋዬቲኮ ያሳይ ኢያ ኣንጃና።
- 20 ሺን ሂንቲ ናጋራ ኦሴን ሂንቲና ዳቲያ ዋዬ ሂንቲ ዳንዳዒኮ ሂንቲው ኣይ ጋላቲ ዳዒ? ሺን ሎዎባ ኦሴዲ ዋዬ ዳንዳዒኮ ያሳይ ሂንቲና ሃሳስ ኣንጃና።
- 21 ያሳይ ሂንቲና ያገዲይ ሃሳ ገሾሳ፤ ኪሪሰቶሲ ሂንቲው ዋዬቲሰ፤ ሂንቲ ኢያ ካላና ሜላ፣ ሂንቲው ለሚሱ ገዲሱ።
- 22 ኢ ናጋራ ኦሴቤና፤ ኢያ ደናንካ ዋርዶይ ቤንቲቤና።
- 23 ኤንቲ ኢያ ጫያ ዋዬ ዛሪዲ ጫዩቤና። ሺን ዋዬ ኤኪሼ ዓሎ ፐርዲያ ያሳሰ ባ ፐርዳ ኣጋገሰ፤ ኣተን ማንዲቤና።
- 24 ኦኒ ናጋራሰ ሃይቂዲ ዓሎቲላሰ ዳና ሜላ ኪሪሰቶሲ ባ ኣሹዋን ኦ ናጋራ ማሰቃሊያ ቦላ ቶኪሰ፤ ሂንቲ ኢያ ማዲንላን ፓዳይታ።
- 25 ካሲ ሂንቲ ኦኔ ባሊዲ ቆዳዳ ደርሳ ሜላ፣ ሺን ሃዒ ሂንቲ ሸዎፕዎ ሃሚይሳኮኔ ናጌይሳኮ ሲሚይታ።

**3**

**ኣዚናባኔ ማቸባ**

- 1-2 ሃሳዳካ፣ ማቸቶ፣ ሂንቲ ኣዚናታ፤ ያሳ ቃላሰ ኪቴቶናይሳቲ ዳዒኮካ ኣይኮካ ኦዴቶናሺን፣ ሃንቲ ያሻቴላኔ ሂንቲ ገሻ ዳዑዎ ቤዒዲ ኣማናና ሜላ ኤንታው ሃራቲቴ።
  - 3 ሂንቲ፣ ሂንቲ ሁዔ ፒዩኒይ ዋርቃ ኦሶን ዋይኮ ሎዎ ማዎን ሂንቲ ቦላ ኣሳቲላ ሎይሶን ገደፖ።
  - 4 ሺን ሂንቲ ዋዛና ገደን ዳዒያ ዩጌልሳቴላይ ያሳ ሲንላን ሂንቲው ዳር ኣልዎ ገዲዲ ቆዮና፣ ኣሸኪኔ ዎፑ ገዳ ኣያና ገደ።
  - 5 ያሳይ ኣማና ገደይሳ ኣማኒዳ ገሻ ማጫሳቲ ቢኒ ዋዬ ባንታ ኣዚናታሰ ሃራቲዲ፣ ባንታና ሃሳዳ ዳር ሎይሊደሶና።
  - 6 ሃሳዳ ሳራ ኣብራሃሜ፣ «ታ ጎዳው» ያጋዳ ያጋሼ፣ ኢያው ኪቴታሱ፤ ሂንቲካ ኣይኮካ ያዮና ሎዎባ ኦሴኮ ኢ ናይታ።
  - 7 ኣዚናቶ፣ ሂንቲ ማቸቲ ሂንቲፊ ዳቡራንቸ ሜዴታ ገደይሳ ኤሪዲ፣ ኤንታና ቦንቲቴ፤ ሂንቲ ዋሳ ጱቦና ሜላ ያሳይ ኣሚዳ ዳዑዎ ኤንቲ ሂንቲራ ኢሲፊ ላቲያ ገሾ ኤንታ ቦንቲቴ።
- ሎዎ ኦሴዲ ሜቶ ኤኮ**
- 8 ጩርሴላን፣ ኡባይ ኢሲ ቆፋን ዳዒቴ። ኢሶይ ኢሱዋሰ ቃዴቲሼ፣ ኣሻዳ ሲቂቴቴ፤ ቃሲ ኢሶይ ኢሱዋሰ ከሃታኔ ኣሸኪታ ገዲቴ።
  - 9 ኢታ ገሾሰ ኢታ ዋይኮ ጫሻ ገሾ ጫዩዲ ዛርፐቴ፤ ሃሳ ኣገዲ፣ ያሳይ ሂንቲው ኣንጃዎ ኣማናው ሂንቲና ያገዲ ገሾ ኣንጃቴ።
  - 10 ኣይሰ ገኮ፣ ገሻ ማዋፋይ፣ «ዳዎ ደሴይኔ ሎዎ ዋዬ ቤናናው ኮዬይ ኦና ገዲኮካ ባ ኣንፃርሳን ኢታባኔ ዋርዶ ኦዴቴይሳ ኣጎ።

- 11 ኢታባ ኦሴይሳ ኣገዲ ሎዎባ ኦሎ፤ ሳርቴላካ ከሂ ኮዮኔ ካሎ።
- 12 ጎዳ ኣይፊይ ዓሎታኮ ዓሌሰ፤ ቃሲ ኢ ኡባ ዋዬ ኤንታ ዋሳ ሃይዚሰ። ሺን ጎዳይ ኢታባ ኦሴይሳታ ባ ሃንቆ ሰዎዑዋን ዓሌሰ» ያጌሰ።
- 13 ሂንቲ ሎዎባ ኦሳናው ኣሞቲኮ ሂንቲና ቆሃናይ ኦኔ?
- 14 ሃሪ ኣቶሺን፣ ዓሎቲላ ገሾ ሂንቲ ዋዬቲኮ ኣንጃቲዳይሳታ። ኣሳሰ ያዮፊቴኔ ሂርጎፊቴ።
- 15 ኪሪሰቶሳ ሂንቲ ዋዛናን ቦንቲቴኔ ጎዳዩቴ። ያሳይ ሂንቲው ኣሚዳ ኡፋይሳሰ ጋሶ ኦይቲያ ኦዴሰካ ዛር ኣማናው ኡባ ዋዬ ገገ ኡቲቴ፣ ሺን ሃሳ ኣሸኪቴላኒይ ያሻን ኦሴቴ።

16 ቃሲ ከሪሰቶሳን ሂንቴ ደዲያ ሎዎ ደዑዋ ኢታባ ኦሊዳባዳ፣ ሂንቴና ጫያ አሳይ ዘገርያባን ዩላታና ማላ ሂንቴ ካሃይ ገሺ ገደ።

17 ያሳይ ገደባ ገደኮ ኢታባ ኦሊዳ ገሾ ዋዬ ኤኬይሳፊ ሎዎባ ኦሊዳ ገሾ ዋዬ ኤኬይሲ ሎዎ።

18 ከሪሰቶሲ ኑና ያሳኮ ሸሻናው ባው ዲሎ ገደዲ ደዲሾ፣ ናጋራንቸታ ገሾ ኢሲ ቶሆ ናጋራ ኡባሰ ሃይቁሰ፤ ኢ ባ አሳቱሳን ሃይቁሰ፣ ሸን እያናን ፓዲሰ።

19 ቃሲ ሄ እያናን ኢ ቢዲ ቃሾን ደዲያ ሸምፖፓሰ ቃላ ኦዲሰ።

20 ናሄይ ማርካቢያ ከዲያ ዋዴ ሄ ሸምፖፓ ሰላሰ ከቴቶና ኢደደሶና፣ ሸን ያሳይ ኤንታና ዳንዳሲ። ሆሰፑን እሳ ያላሊ ማርካቢያን ጌሊዲ፣ ጳዮ ሃሳፊ ኣተደሶና።

21 ሄ ጳዮ ሃሳይ ሃዲ ሂንቴና እሸያ ዲንቃቴ ለሚሶ ገደሰ። ሃ ዲንቃቴይ ቦላ ቁታ ሜጮ ገደናሽን ሎዎ ካሃ ያሳፊ ኤካናው ኢያ ዋሲያ ኦኔ ገደዲዲ፣ ከሪሰቶሳ ዳንዳዋ ባጋራ ሂንቴና እሸሰ።

22 ኢ ሳሎ ቢዲ ያሳ ኡሻቻን ኡቴዲ፣ ከታንቸታ፣ ማታ ኣዋታኔ ዋልቃማታ ሃራሰ።

### 4

#### ያሳሰ ዳዎ

1 ሃሳ ገሾ፣ ከሪሰቶሲ ባ ኣሹዋን ኦሰ ዋዬቲዳ ገሾ ሂንቴካ ሄ ቆፋን ሂንቴና ዳንጨሲዲ ማሲዲ ኤቁቴ። ከሪሰቶሳ ገሾ ገደላ ባ ኣሹዋን ዋዬ ኤኪዳ ኡራይ ናጋራ ኦሊኬ ገደላ ቃንዲዳ አሲ።

2 ሄ ኡራይ ባ ኣቲዳ ላይላን ያሳ ሸኔ ኦላናው ኮዬሲፔ ኣቴን ኢታ ኣሾ ኣዋን ዳና።

3 ካሴ ሂንቴ ኣማናና አሳይ ደዲዳይሳዳ ደዲዳታ። ሂንቴ ኢታ ኣዋን፣ ላይማቴላን፣ ማሉን፣ ቱናቴላ ደንሐሊያ ዩላን፣ ፖኪያ ኤቃ ጎይናን ካሴ ደዲዳ ደሳይ ገደላ።

4 ኣማናና አሳይ ሂንቴ ሾሪ ባይና ኦሱዋ ኦላና ገሾ ማላሌቲዲ ሂንቴና ጫዮሶና።

5 ሸን ኤንቲ ፓዳታ ቦላኔ ሃይቁዳ አሳ ቦላ ፐርዳናው ደዲያ ያሳሰ ዛር ኣማና።

6 ሃይቁዳ አሳሰ ዋንጌላይ ሳባኬቲዳይ ሃይሳ ገሾሳ። ኤንቲ አሳሳ ባንታ ኣሹዋን ፐርዳታና ቃሲ ባንታ እያናን ያሳሳ ደዎን ዳና።

7 ሃዛ፣ ኡባባሰ ወርሴላይ ማታቲሰ። ሃሳ ገሾ፣ ዋሳናው ዳንዳዳታና ማላ ዋፑ ገደላ ዋዛኒ ዳዎ፤ ማራራ ደዲቲ።

8 ሲቆይ ዳር ናጋራ ካሚያ ገሾ ኡባፊ ኣሊዲ ኢሶይ ኢሱዋራ ዋዛናፔ ሰቁቴቴ።

9 ዘዘዋና ኢሶይ ኢሱዋ ኣማላቴላን ሞከቴ።

10 ሂንቴ ያሳፊ ደማ ደማ ኣቆ ኬሃቴላ ኣሞታ ኤኪዳይሳዳ ሂንቴ ኢሶይ ኢሶይ ሄ ኢሙዋ ቤሲያዳ ኦይኪዲ ኢሶይ ኢሱዋ ሃጋዘቴ።

11 ዩሱሰ ከሪሰቶሳ ባጋራ ኡባባን ያሳይ ጋላቲታና ማላ ኦኒካ ኦዲያባ ገደኮ ያሳፊ ቃላ ኤኪዳዳ ኦዶ። ቃሲ ኦኒካ ማዲያባ ገደኮ ያሳይ ኢያው ኣሚያ ዋልቃዳ ማዶ። ቦንቸይኔ ዋልቃይ ማሪናፔ ማሪና ጋካናው ኢያው ገደ። ኣሚንዲ።

#### ኣማና ጋሶን ጋኪያ ዋያ

12 ታ ባጋቶ፣ ሂንቴ ታማዳ ፀጊያ ዋዬ ጋጠያ ገደራ ኣቋያ ዋዴ ኦራሳባይ ሃኒዳዳ ማላሌቶፊቴ።

13 ሸን ኢያ ቦንቸይ ቆንጨያ ዋዴ ሂንቴ ኡፋይሳይ ገታ ገደና ማላ ከሪሰቶሳ ዋያ ሂንቴ ኤኬይሳን ኡፋይቴቴ።

14 ከሪሰቶሳ ሱንላ ገሾ ኣሲ ሂንቴና ጫያ ዋዴ ያሳ ቦንቸ እያናይ ሂንቴ ቦላ ሸምፐያ ገሾ ሂንቴ ኣንጃቴዳይሳታ።

15 ሂንቴፊ ዋዬ ኤኪያ ኦኒካ ሸምፖ ዋዲዳዳ ዋይኮ ካይሶቲዳዳ ዋይኮ ኢታ ኦሊዳዳ ዋይኮ ገልሳናባን ጌሊዳዳ ሃኒዲ ዋዬቶፎ።

16 ገደሸን፣ ኣማና ገሾ ዋዬቲኮ ከሪሰቶሳ ሱንላ ገሾ ያሳ ጋላቶቴ ኣቴን ዩላቶፖ።

17 ፐርዲ ያሳ አሳ ቦላ ደሚያ ዋዴይ ጋኪሰ። ሂዛ፣ ሄ ፐርዲይ ኮይር ኑ ቦላ ደሚያባ ገደኮ፣ ያሳ ዋንጌላሰ ከቴቶና አሳ ወርሴላይ ኣይ ገደኔ?

18 ደሎይ ኡንዳን ኣቴያባ ገደኮ፣ ማካላንቸይኔ ናጋራንቸይ ያቴን ዋናኔ?

19 ሃሳ ገሾ፣ ያሳ ሸኔዳ ዋዬ ኤኬይሳቲ ባንታ ሸምፑዋ ሃዳራ ባንታና ማዲዳ፣ ኣማንሊያ ያሳሰ ኣሚሾ ሎዎባ ኦላ።

### 5

#### ጨማታሲኔ ያላጋታሰ ኣሚቲዳ ዞሪ

- 1 ሂዛ፣ ዋሳ ከላ ጨማታራ ጨማ ገዲዳይሰ፣ ከሪስቶሳ ዋያ ማርካቴይሰኔ ቆንጫናው ዳዒያ ቦንቹዋ ሻኬታናው ዳዒያ ታነ፣ ሂንቴ ገደን ዳዒያ ጨማታ ዘራይሰ።
- 2 ሂንቴ አዋቴላፌ ጋርሳን ዳዒያ ያሳ ዉዲያ ሂሚቴ። ያሳይ ኮዬይሳዳ ደሳናፔ ኣተን ኦንዔተዲ ሄዋፊቴ። ቃሲ ሚሼ ኮሻን ገደናሺን ሃጋዛናው ዳዒያ ሎዖ ቆፋን ሄሚቴ።
- 3 ሂንቴ አዋቴላፌ ጋርሳን ዳዒያ ዉዲያስ ለሚሶ ገዲቴፔ ኣተን ገዳቶፔ።
- 4 ሃሚይሳታ ሃላቃይ ቆንጫያ ዋዴ ቆሌቶና ቦንቹ ካላቻ ሂንቴ ኤካና።
- 5 ሄሳዳካ፣ ያላጋቶ፣ ጨማታሰ ሃራቴቴ። ሂንቴ ኢሶይ ኢሱዋስ ኣሽኬ ገዲቴ። ጌሻ ማፃፋን፣ «ያሳይ ኦቶራንቸታ ኢጄሰ፣ ሺን ኣሽኬታሰ ኣቶ ኬሃቴላ ኢሚሰ» ያጌሰ።
- 6 ያሳይ ባ ዋዴ ሂንቴና ቦንቻና ሚላ ዋልቃማ ያሳ ኩሺያፔ ጋርሳን ሂንቴና ካዉሺቴ።
- 7 ኢ ሂንቴው ቆፔያ ጊሾ ሂንቴና ሂርጊሲያ ኡባ ኢያ ቦላ ዩጊቴ።
- 8 ሂንቴ ሞርኬይ ፃላሄይ፣ ሚቴያባ ኮዬዲ፣ ጋሞዳ ጉዲሾ ሂንቴ ማታራ ዩያ ጊሾ ሂንቴና ሃራቴኔ ባርከቴ።
- 9 ኣላሚን ዳዒያ ሂንቴ ኣሻቲ ሄሳዳ ዋዬ ኤኬይሳ ኤሪዲ፣ ኣማናን ሚኒዲ፣ ፃላሂያራ ኤቁቴቴ።
- 10 ባ ሚሪና ቦንቹዋስ ከሪስቶስ ዩሱሳ ባጋራ ሂንቴና ጄጊዳ ኣቶ ኬሃቴላ ኡባ ያሳይ፣ ጉሳ ዋዴስ ሂንቴ ዋዬቴዳፔ ጉዬ፣ ኢ ባ ሁዒን ሂንቴና ሺሻና፣ ካቴሳና፣ ሚንሱዲ ኤሳና፣ ፃሊሳና።
- 11 ሚሪናፔ ሚሪና ጋካናው ያሳይ ካዋቶ። ኣሚንዒ።

**ዉርሴላ ሳርሶ**

- 12 ኣማኔቴዳ ኣሻ ጋዳ ታ ኤኪያ ሲላሴ ባጋራ ሃ ዳብዳቢያ ሂንቴው ቃንላን ፃፋሰ። ታ ሂሳ ሂንቴው ፃፊዳይ፣ ሂንቴና ዘራናዉኔ ያሳ ኣቶ ኬሃቴላይ ቱማ ገደይሳ ማርካታናሳ። ሄ ኣቶ ኬሃቴላን ሚኒዲ ኤቁቴ።
- 13 ሂንቴራ ኢሲፌ ደሬቴዳ ባቢሎኔን \* ዳዒያ ዋሳ ከላ ኣሳይኔ ታ ናባ ማርቆሲ ሂንቴና፣ «ሳር ሳር» ያጌሰ።
- 14 ሲቆ ዩሬቴላ ዩሬቴሾ፣ ኢሶይ ኢሱዋ ሳርሱቴ። ከሪስቶሳን ዳዒያ ሂንቴ ኡባስ ሳርይ ገደ። ኣሚንዒ።

---

5:2 ዮሃ 21:15-17    5:5 ለሚ 3:34    5:6 ማቶ 23:12፤ ሉቃ 14:11፤ 18:14    5:12 ሃ.ኦ 15:22፣ 40    \* 5:13 ባቢሎኔን፣ ሃ ቤሳን ባቢሎኔ ጌቴቴዳይ ሮሜ ካታማ ገደና ኣጌና።    5:13 ሃ.ኦ 12:12፣ 25፤ 13:13፤ 15:37-39፤ ቆላ 4:10፤ ፊልሞ 24

# ጳጳርሲ ፃፊዳ ናምዓንሉ ኪታ ጋላ ቆፋ

ሃዋሪያ ጳጳርሲ ፃፊዳ ናምዓንሉ ኪታይ ፃፊተዳይ፣ ዲማ ዲማ ቤሳን ዲዒያ ቢኒ እማኒያ አሳሳ። ሃ ኪታ አይፌ ቆፋይ፣ ዋርዶ አስታማሪታ ኢታ ኦሱዋኔ ኤንታ ተሚርቲያ ጋሶን ሜጴቲዳ ዬላያ ዳዑዋ እፃና ሚላሳ። ሄ ሜጴቲዳ ሚቶታ ዲጋናው ኦጌ ገዳናይ፣ ዬሱሳ ባንታ አይፊያን ቤዒዳ አሳቲኔ ኢ ታማርሲያ ዋዴ ባንታ ሃይሳን ሲዒዳ አሳቲ ታማርሲዳ ተሚርቲያ ባጋራ ያሳባኔ ጎዳ ዬሱሱ ኪሪሰቶሳባ አማንሉያ ኤራ ኦይካናይሳ። ፃፊይ ሚንሉዲ ኦዲዳይ፣ «ኪሪሰቶሱ ናምዓንሉ ዬና» ያገያ ዋርዶ ተሚርቲያባ። ሄ ቆፋ ሚንሉዲ ኦዲሼ፣ «ኪሪሰቶሱ ሲሚዲ ዮና ጋምዒዳይ፣ አሳ ኡባይ ባ ናጋራፔ ሲማና ሜላፔ ኣቲን ኦኒካ ጳያና ሜላ ኮዮና ገሺሳ» ያገሰ።

## 2 ጳጳርሳ ኪታ አይፌ ቆፋታ

- ሳርሶ 1:1-2
- እማኒያ አሳ ፃሳ 1:3-21
- ዋርዶ አስታማሪታ 2:1-22
- ኪሪሰቶሳ ናምዓንሉ ዩሳ 3:1-18

1 ዬሱሱ ኪሪሰቶሳ ሃዋሪይኔ ኢያ አይሌይ፣ ታኒ፣ ሲዋን ጳጳርሲ፣ ኑ ያሳኔ ኑና አሺያ ዬሱሱ ኪሪሰቶሳ ፃሎቴሳ ባጋራ ኑይሳ ሚላ አልዖ አማኖ ኤኪዳይሳታሰ ሃ ዳብዲቢያ ያፋሰ።

2 ያሳኔ ኑ ጎዳ ዬሱሳ ኤርን አጶ ኬሃቴላይኔ ሳርይ ሂንቲው ኩዋ።

ያሳ ፃሳኔ ደሩዋ

3 ባ ቦንቸኒኔ ሎዎቴላን ኑና ፃገዳ ኢያ ኤርን ዳዖሲኔ ያሳ ዳኒዲ ዳናው ኮሺያባ ኡባ ያሳይ ባ ዋልቃን ኑሰ አሚሰ።

4 ሂንቲ ኢታ አዋ ጋሶን ሜጴቲያ ሃ አላሚያን ዲዒያ ባሻፌ ኬሲ ኤካናዳኔ ያሳ ያሳቴላን ሻኬታናዳ፣ ሃ አዋታታ ባጋራ ዳር አልዖኔ ገታ ኡፋይሳ ኑሰ አሚሰ።

5 ሄሳ ገሺ፣ ሚኒዲ፣ ሂንቲ አማኑዋ ቦላ ሎዎቴላ፣ ሎዎቴላ ቦላ ኤራቴላ፣

6 ኤራቴላ ቦላ ባና ሃር፣ ባና ሃር ቦላ ገንጫ፣ ገንጫ ቦላ ያሳ ዳና፣

7 ያሳ ዳና ቦላ አሻቴላ ኬሃቴላ፣ አሻቴላ ኬሃቴላ ቦላ ሲቆ ጉጂቲ።

8 ሃይሳቲ ሂንቲው ዳሪዲ ዳዒያባ ገዲኮ፣ ጎዳ ዬሱሱ ኪሪሰቶሳ ኤርን ማዲያ አሲኔ አይፌራ ዲዒያ አሲ ኦላና።

9 ሺን ሄሳቲ ባይና ኦኒካ ማታን ዲዒያባ ያላላ ቤዒያ ቆቆ። ኢ ባ ካሴ ናጋራፔ ጌዪዳይሳ ደገሰ።

10 ሄሳ ገሺ፣ ታ አሻቶ፣ ሂንቲ ፃሳኔ ሂንቲ ደሩዋ ሚንላናው ካሴይሳፌ አሉዲ ሚኒቲ። ሂንቲ ሄሳታ ኦሊያባ ገዲኮ፣ ጳቤቴኬታ።

11 ሄሳን ኑ ጎዳኔ ኑና አሺያ ዬሱሱ ኪሪሰቶሳ ሚሪና ካዎቴላ ጌሊያ ኩሜላ ማታይ ሂንቲው አሚታና።

12 ሄሳ ገሺ፣ ሂንቲ ሃይሳታ ኤሪያባኔ ሄ ኦይኪዳ ቴማን ሚኒዲ ዲዒያባ ገዲኮካ፣ ታኒ ሃይሳታ ኡባ ዋዴ ሂንቲና ሃሳዪሶ አገኬ።

13 ታኒ ሺምጉራ ዲዒዳ ዋዴ ኡባን ሂንቲና ሃሳዪሳናይሲ ኮሺያባ ጋዳ ቆገይሰ።

14 ኑ ጎዳ ዬሱሱ ኪሪሰቶሱ ታው ቆንጩሳዳይሳዳ ታኒ ሃ ሃይቂያ አሳቴላ ጋምዖና ቃራ ዬጋዳ ባናይሳ ኤራይሰ።

15 ታኒ ሂንቲፌ ሻኬቲኮካ ሂንቲ ሃይሳታ ኡባ ዋዴ አኬካና ሚላ ታው ዳንዳዒቲያባ ኡባ ኦላና።

16 ኦኒ ጎዳ ኪሪሰቶሳ ዋልቃኔ ኢያ ዩሳባ ሂንቲው ኦዴይ፣ ኢያ ገታ ቦንቸዋ ቤዒዲፔ ኣቲን ሜጴ ኪሲዳ ሃይሴ ገዳና።

17 ዳር ዋልቃማ ቦንቸዋፊ፣ «ታኒ ኡፋይቲያ፣ ታ ደሲያ ናዒይ ሃይሳ» ያገያ ቃላይ ዪዳ ዋዴ ያሳ አዋፔ ቦንቸኔ ጋላታ ኤኪሰ።

18 ኦኒ ጌሻ ጳሪያ ቦላ ኢያራ ዲዒያ ዋዴ ሄ ቃላይ ሳሎፔ ዪሺን ሲዒዳ።

19 ኦሲ ሄሳፌ አጴያ አማኔቲዳ ቲንቢቲ ቃሊ ዲዒሰ። ሳዒ ዋንታና ጋካናውኔ ባካሊ ሂንቲ ዋዛናን ደላና ጋካናው፣ ጳማን ፖዒያ ፖዖ አሲ ናጌይሳዳ፣ ሂንቲ ሄ ቃላ ናገኮ ሎዖ ኦሊታ።

20 ኡባፌ ካሴቲዲ ሃይሳ ኤራቴ። ጌሻ ማዖፋን ፃፊቲዳ ቲንቢቲ ቃላ ኦኒካ ባ ደሲዳዳ ቢርሻናው ዳንዳዒና።

21 ቲንቢቲ ኡባ፣ ያሳይ ከቲዳ አሳቲ ጌሻ አያናይ ካሌሌን፣ ኦዲዶሶና፣ ኦቲን አሳ ሹኔን ኦዲቦኮና።

## 2

### ዋርዶ አስታማሪታ

1 ሸን ዋርዶ ናቡቲ ካሴ አሳ ጊደን ደዔይሳ ሜላ ሃዒካ ዋርዶ አስታማሪቲ ሂንቴ ጊደን ደንዳና። ኤንቲ ባንታና ዋዚዳ፣ ጎዳ ካዲዲ፣ ጳይሲያ ዋርዶ ቲሚርቲያ ኤሃና። ሄሳን ኤንቲ ባንታ ቦላ ኤሌሲዲ ጳዮ ኤሆሶና።

2 ዳር አሳይ ዬላያ ኤንታ ኢታ ኦጊያ ካላና፤ ኤንታ ጋሶን ቱማ ኦጊይ ጫዬታና።

3 ዋርዶ አስታማሪቲ ሚሼ ያሪዲ ባንታው ሚጲ ኬሲዳ ሃይሴን ሂንቴና ቦንቃና። ቤኒፔ ደሚዲ ኤንታ ፐርዳይ ገጊ ኡቲስ፤ ኤንታ ጳዮይካ ኤንታና ናጊ ኡቲስ።

4 ናጋራ ኦሌዳ ከታንቾታስ ያሳይ ቃጴቶና፣ ፐርዳ ጋላስ ጋካናው ጋናሜ ጴማ ኦላን ኤንታ ቃቾ ዬጊስ።

5 ሄሳዳካ፣ ያሳይ ያሎቲላባ ኦዲያ ናሂኔ ሃራ ላፑን አሳታ አሽዲ፣ ያሳ ጎይናና አሳይ ዳዒያ ቤኒ አላሚያ ቃጴቶና ጳዮ ሃላን ጳይሲስ።

6 ጌላታስ ለሚሶ ጊዳና ሜላ ያሳይ ሰዶሜኔ ጋዋራ ካታማታ ቢዶ ኦሌዲ ፀጊዲ ጳይሲስ።

7 ሂሴስ ከቲቶና ላይማቲያ አሳታ ጊደን ዋዬቲሽ ዳዒዳ ያሎ ሎጻ ያሳይ አሽሲስ።

8 ሃ ያሎ አዳይ ኤንታ ጊደን ዳዒሹ፣ ኤንቲ ኦሌያ ኢታ ኦሎዋ ጋላስ ጋላስ ቤዒዳ ዋዴ ሲዒዳ ዋዴ ኤያ ሎዎ ዋዛናይ ኤንዒቲስ።

9 ሄሳ ጊዲኮ፣ ጎዳይ፣ ባና ጎይኒያ አሳታ ፓጩፔ ዋቲ አሻኔኮ፣ ቃሲ ናጋራንቾታ ፐርዳ ጋላሳስ ጋካናው ዋቲዲ ሴሪሽ ናጊሳኔኮ ኤሬስ።

10 ኡባሬ አሌዲ ቱና አዋን አሾ ቆፋ ካሌይሳታኔ ማታ አዋታ ካጴይሳታ፣ ፐርዳ ጋላስ ጋካናው ጎዳይ ናጊሲስ።

ሄ አሳቲ ጋንጃ ሚኔ ኦቶራንቾ ጊዲያ ገሾ ሳሎ ሜጴቲላታ ጫዬሽ ያዮኮና።

11 ሸን ከታንቾታ ዋርዶ አስታማሪታፔ ዋልቃኒ ሚናቲላን ዳር ኦዲሶናሽን ጎዳ ሲንላን ሳሎ ሜጴቲላታ ጫዮኮና።

12 ሸን ሄ አሳቲ ባንታ ኤርናባን ጌሊዲ ጫዮሶና። ኤንቲ ኦይኬታናውኔ ሃይቃናው ዬሌቲዳ፣ ዋዛኒ ባይና ደዓ ሚላ ሃናሶና፤ ኤንቲካ ዋራ ደዓዳ ጮ ጳያና።

13 ኤንቲ ጋሌዳ ሜቱዋዳ ዛሪ ሚቶታና። ሴታ ጋላስ ዬዒሽ ጉፔይሳ ኡፋይሲያባ ጊዲ ቆፖሶና። ኤንቲ ካወሻታኔ ቱናታ ጊዲ ዳዒሹ ሂንቴራ ሻኬቲያ ሲቆ አማቱዋን ኡፋይቶሶና።

14 ላይማቲያ ማጫሲ ያሊዲ አጎና አይሬይ ኤንታው ዳዒስ፤ ቃሲ ናጋራ ኦሌይሳ አጎኮና። አማናን ሚኒቦና አሳ ጩዋሶና። ኤንታው ኡባ ዋዴ አዋቲያ ዋዛኒ ዳዒስ፤ ኤንቲ ቃንጌቲዳይሳታ።

15 ኤንቲ ሱሬ ኦጌ ኦጊዲ፣ ማካላ ሚሽ ሲቁዲ ባሊዲ፣ ቢያራ ናዓ ባላማ ኦጊያ ካሊዶሶና።

16 ኢ ባ ናጋራ ጋሶን ሃንቄቲስ፤ ዶኒ ባይና ሃራይ አሳዳ ሃሳዬዲ ናቢያ ጎሻቲላ ቲቄስ።

17 ሃ አሳቲ ሚሊዳ ፑልቶታ ሚላኔ ጫርኮይ ቶኪዲ ኤሬያ ሻራ ሜላ፤ ኤንታ ናጌይ ሳካና ጴማ።

18 ኤንቲ ሃዳኔ ኦቶራ ኦዳ ኦዳቲሽ ባላን ዳዒያ አሳ ጊደሬ ኬሲ ኤኪዲ ቡር ሚኒቦና አሳታ ላይማቲላ አሾ አዋን ጩሚዲ ባሊሶሶና።

19 ኤንቲ ባንታው ጳዮ አይሌቲላን ዳዒሹ ሃራታኮ፣ «ሂንቴ አይሌቲላሬ ኬያና» ያጎሶና። አይሲ ገኮ፣ አሲ ባ ያኔቲዳባ ኡባስ አይሌ።

20 ኤንቲ አሽያ ኦ ጎዳ ዬሱስ ሲሪስቶሳ ኤሪዲ ሃ አላሚያ ቱናቲላሬ ኬሲ ኤኪዳፔ ጉዬ፣ ዛሪ ቃዲቲዳ ያኔቲኮ ካሴ ዳዒያ ዳዑዋፔ ጉዬይሲ ኤንታው ኢታ ጊዳና።

21 ኤንቲ ያሎቲላ ኦጊያ ኤሪ ሲሚዲ አኔይሳሬ ኮይርቲዲ ጌሻ ከታ ኤርናኮ ኤንታው ሎዎሸን።

22 «ካኒ ባ ጮሻኮ ጉዬ ሲሚስ» ቃሲ፣ «ሜጩቲዳ ጉዲንሶይ ጉዬ ሲሚዲ ኤርቃን ጎንዶቲስ» ጊያ ለሚሶይ ቱማ ጊደይሲ ኤንታ ቦላ ኦሌስ።

## 3

### ጎዳይ ያና

1 ታ ሲቆ አሻቶ፣ ሃይሲ ታ ሂንቴው ዓፊዳ ዳብዳቤይ ናምባንሎ። ታኒ ሃ ናምቡ ዳብዳቤታካ ሂንቴው ዓፊዳይ፣ ሂንቴ ሱሬ ቆፋ ቆፓናዳ ሂንቴና ዳንሌላና።

2 ቃሲ ጌሻ ናቡቲ ቤኒ ኦዲዳ ቃላኔ ኦና አሽያ ጎዳይ፣ ሃዋሬታ ባጋራ ከቲዳ ከታ ሂንቴ ሃሳና ሜላ ኮያይሲ።

3 ኡባፌ ካሴቲዳ፣ ዎዴ ወርሴላን ባንታ አሙዋ ካሊዲ አሴ ቶቹይሳቲ፣ ቶቹሼ ያናይሳ ኤሪቴ።

4 ኤንቲ፣ «ታ ያና ጊዳይሲ አወን ዴዳ? ኑ አዋቲ ሃይቁደሶና፣ ሽን ኡባባይ ሳባይ ሜዴቶሳፕ ደሚዲ ዴዳይሳዳ ዴዳስ» ያጎሶና።

5 ዳር ዎዴፕ ካሴ ሳሎይ ያሳ ቃላን ሜዴቲዳይሳ፤ ቃሲ ሳባይ ሃላፊኔ ሃላን ሜዴቲዳይሳ ኤሪፕ ካደሶና።

6 ሄ ዎዴ ዴዳያ ሳባይ ሃላን ሚቲቲዲ ጳይስ።

7 ሺን ሃዲ ዴዳያ ሳሎይኔ ሳባይ፣ ጌላቲ ፐርዴቲያ ጋላሳይኔ ጳያ ጋላሳይ ጋካናው ሄ ቃላን ታማሰ ናጌቲዲ ዴዳሶና።

8 ሺን ታ ሲቆ አሻቶ፣ ሃ ኢሲባ ደጎፐቲ። ጎዳ ማታን ኢሲ ጋላሲ ሙኩሉ ላይላ ሚላ ጊዴይሳኔ ሙኩሉ ላይሴ ኢሲ ጋላሳ ሚላ ጊዴይሳ ደጎፐቲ።

9 ኢሶቲ ኢሶቲ ጋምዲሰ ጊዲ ቆፔይሳዳ፣ ጎዳይ ባ ኡፋይሳ ቃላ ጊሾ ጋምዴና። ሺን ኦኒካ ጳዮና ሚላ ኮዪዲ፣ ኡባይ ባንታ ናጋራፔ ሰማና ሚላ ሂንቲ ጊሾ ጊዲ ጌንጨሶ።

10 ሺን ጎዳ ጋላሳይ ካይሶዳ ያና። ሄ ጋላሳን ሳሎቲ ዎልቃማ ጉንላን ጳያና፤ ሳሎ ሚዴቲላቲ ታማን ፀጌታና፤ ሳባይኔ ኢያ ቦላ ዴዳያ ኡባይ ጳያና።

11 ሂዛ፣ ኡባባይ ሃሳዳ ሃኒዳ ጳያባ ጊዲኮ ሂንቲ አይ ሚላ አሲ ጊዳናው ቤሲ? ሂንቲ ጌሺኔ ያሳ ዳኒያ ዴዳ ዳናው ቤሴስ።

12 ሂንቲ ሲንሳራ ያ ያሳ ጋላሳ ናጊሼ ሂንቲው ዳንዳዴቲያባ ኡባ ኦሲዲ ሄ ጋላሳ ኤሶዪቴ። ሄ ጋላሰ ሳሎቲኔ ኢያን ዴዳያባይ ታማን ፀጌታና፤ ዎልቃማ ሱላን ቲልዳና።

13 ሺን ኦኒ ጂሎቴሴ ሃሪያ ኦራላ ሳሎኔ ኦራላ ሳባ ያሳ ኡፋይሳ ቃላዳ ናጎስ።

14 ሂሳ ጊሾ፣ ታ ሲቆ አሻቶ፣ ኑ ሄ ጋላሳ ናጊያ ጊሾ ፖኮይኔ ቦሬይ ባይናይሳታ ጊዲዲ፣ ጎዳራ ሳሮን ዳናው ሚኒቲ።

15 አሲ ኡባይ አታና ሚላ ኮዪዲ ጎዳይ ዳንዳዴይሳ ደጎፐቲ። ቃሲ ኑ ሲቆ አሻይ፣ ጳወሎሲ፣ ያሳይ ኢያው አሚዳ ጨንጫቴላን ሃሳዳ ሂንቲው ፃፊስ።

16 ኢ ባ ዳብዳቤታ ኡባን ሂሳታባ ፃፊስ። ኢያ ዳብዳቤታ ጊደን አኬካናው ዎይሲያ ቆፋቲ ዴዳሶና። ታማሪቦናኔ ሚኒቦና አሳቲ ሃራ ያሳ ቃላ ሚርቄይሳዳ ሃ ኪታታካ ጳያናው ማቹዲ ሚርቆሶና።

17 ሄሳ ጊሾ፣ ታ ሲቆ አሻቶ፣ ሂንቲ ሄሳ ኤሪያ ጊሾ ማካላታ ባላን ጨሚቲዲ፣ ጳዮና ሚላኔ ሚኒዲ ዴዳያ ቤሳፌ ኩንደና ሚላ ናጊቲቴ።

18 ሺን ሂንቲ ኑና አሺያ ኑ ጎዳ፣ ዬሱሰ ኪሪሰቶሳ አጼ ኬሃቴላኒኔ ኤራቴላን ዲጨቲ። ኢያው ሃሳካ ሚሪናዉካ ቦንቾይ ጊደ። አሚንዲ።

# ዮሃንሳ ፩፡፩ ኮይር ከታ ጋላ ቆፋ

ሃዋሪያ ዮሃንሳ ፩፡፩ ኮይር ከታይ፣ ናምዑ እይፊ ቆፋታ ኦይኬስ። ሄሲካ ናባቤይሳቲ ያሳራኔ ኢያ ናዓ ዩሱስ ከሪስቶሳራ ኢሲፊቴሌ ዳና ማላ ሚንሌላናሳኔ ሄ ኢሲፊቴላ ቆይሲያ ዋርዶ ቲሚርቲያፊ ሃካና ማላ ኤንታ ኣኩኪሳናሳ። ሄ ዋዴ ዴንዲዳ ዋርዶ ቲሚርቲይ፣ «የሳይ ቤንቶና ኣያና ኣላሚ ሜሲስ። ሃ ቤንቲያ ኣላሚያኔ ኦ ኣሳቲላ ያሳይ ሜሲያና ገሾ ኢታ። ቃሲ ሃ ቤንቲያ ኣላሚያኔ ኦ ኣሳቲላይ ኦ ኣያና ቆሃናውኔ ቲኒሳናው ዳንዳዔና» ያገዲ ታማርሶሶና። ሄሳ ጉሳይ፣ ኮይር፣ ዩሱሲ ኣሴ ገዲዲ ዩቤና። ናምዓንሎ፣ ኢሲ ኣሲ ባ ኣያና ቲኒሶና ዴሲሼ ባ ኣሾን ናጋራ ኦላናው ዳንዳዔሲ ያጉሱ።

ሄሳ ገሾ፣ ዮሃንሳ ባ ከታን፣ ዩሱሲ ኣሴ ገዲዲ ዩዳይሳ ካዲያ ኦኒካ ያሳ ናዓ ገዴና (4:2-3)። ቃሲ ያሳፊ ዩሌቲዳ ኦኒካ ኡባ ዋዴ ናጋራን ዴዒና (3:6) ያገዲ ያፊስ።

ሄ ዋርዶ ኣስታማራቲ፣ «ኣቶቴሌ ጉሳይ፣ ሃ ሳዓ ዲሳስ ኤንዔቴላፊ ኮዩዲ ዩዳ ገዲዲ ዴያ» ያገሶና። ሄሳ ቦላ ጉጂዲ፣ «ኢታኔ ሎዖ ሻኪዲ ኦይኬሌ ገዲን፣ ቃሲ ሃራ ኣሲ ሲቆ ገዲን ኣቶቴላራ ኣይቢ ጋሂቴሌካ ባዋ» ያገሶና።

፩ፊይ ሄ ቲሚርቲያ ኢዲዳ፣ «ዩሱስ ከሪስቶሲ ፖሎ ኣሴ። ዩሱሳ ኣማኔይሳቲኔ ያሳ ሲቆይሳቲ ኡባይ ባንታ ገዲን ኢሶይ ኢሶዋራ ሲቆታናው ቤሱስ» ያገዲ ኦዲስ።

## 1 ዮሃንሳ ከታ ኣይፊ ቆፋታ

- ጌሎ ቆፋ 1:1-4
- ፖዎኔ ፉማ 1:5-2:29
- የሳ ናይታኔ ዓለሄ ናይታ 3:1-24
- ቱማኔ ዋርዶ 4:1-6
- ሲቆ ኦሶ 4:7-21
- ዮኒያ ኣማኖ 5:1-21

### ዴያ ኣሚያ ቃላ

- 1 ኦኒ ኮይርቲ ዶሚዲ ዴዒያ፣ ኦ ሃይላን ሲዒዳ፣ ኦ ያሊዳ፣ ኣይፊያን ቤዒዳ፣ ኦ ኩሺያን ቦቺዳ ዴያ ቃላባ ሂንቲው ዓርስ።
- 2 ሄ ዴያይ ቆንጩን፣ ኦኒ ኢያ ቤዒዳ፣ ኢያባ ማርካቶስ። ኣዋ ማታን ዴዒያ ኦስ ቆንጩዳ፣ ሚሪና ዴቦዋባ ሂንቲው ኣዋጀስ።
- 3 ኦራ ሂንቲው ኢሲፊቴሌ ዳና ማላ ኦኒ ቤዒዳይሳኔ ሲዒዳይሳ ሂንቲው ኦዶስ። ሂንቲው ኦራ ኢሲፊቴሌ ዴዒያ ገሾ ኣዋራኔ ኢያ ናዓ ዩሱስ ከሪስቶሳራ ኢሲፊቴሌ ዴዒስ።
- 4 ኦ ኡፋይሳይ ፖሎ ገዲና ማላ ሄሳ ሂንቲው ዓርስ።

### የሳይ ፖዖ

- 5 ኦኒ ዴያ ገዲዲ ኢያፕ ሲዒዳ፣ ሂንቲው ኦዲያ ከታይ ሃይሳ፣ «የሳይ ፖዖ፣ ኢያን ፉሚ ባዋ» ያገይሳ።
- 6 ኦስ ኢያራ ኢሲፊቴሌ ዴዒስ ያገሸ ፉማን ዴዒኮ፣ ኦ ኦዳኒኔ ኦ ኦሱዋን ዋርዶቶስ።
- 7 ሺን ፖዖን ኢ ዴዒይሳዳ፣ ኦካ ፖዖን ዴዒኮ፣ ኦስ ዋሊ ገዲን ኢሲፊቴሌ ዴዒስ። ኢያ ናዓ፣ ዩሱሳ ሱላይ ናጋራ ኡባፊ ኦና ገሸስ።
- 8 ኦኒ፣ ኦናን ናጋራ ባዋ ገሾ ኦ ኦና ጩዋስ፤ ኦናን ቱሚ ባዋ።
- 9 ሺን ያሳስ ኦ ናጋራ ፓዘኮ፣ ኢ ኦ ናጋራ ኣቶ ጋናውኔ ኦ ቆሆ ኦሶ ኡባፊ ኦና ገሻናው፣ ኣማኔቲዳይሳኔ ቱማ።
- 10 ኦኒ ናጋራ ኦሌቦኮ ገሾ ያሳ ዋርዳንቾ ኬሶስ፤ ኢያ ቃላይካ ኦናን ዴና።

## 2

### ከሪስቶሲ ኦስ ጋናቲይሳ

1 ታ ናይቶ፣ ናጋራ ሂንቲ ኦላና ማላ ታኒ ሃይሳ ሂንቲው ዓፋይስ። ሺን ኦኒካ ናጋራ ኦሌኮ ኣዋ ማታን ኦስ ጋናቲያ ያሎይ፣ ዩሱስ ከሪስቶሲ፣ ዴዒስ።

2 ኑ ናጋራይ ከሪስቶሳ ገጋራ አቶ ጌቴቴስ። እ ኑ ናጋራ ዓላላሰ ጊደናሺን አሳ ኡባ ናጋራሰ ያርሺቴስ።

3 ኑኒ ያሳ ከታ ናጊኮ፣ ሲዴይ ባይናሺን፣ ቱማ ኑ ኢያ ኤርስ።

4 ኦኒካ፣ «ታኒ ኢያ ኤራይስ» ያጊሼ፣ ኢያ ከታ ናጎና ኢደኮ ሄ ኡራይ ዋርዳንቸ፣ ቱማቴሌ ኢያን ባዋ።

5 ሺን ኢያ ቃላሰ ኑ ከቲቲያባ ጊዲኮ ሄ ኡራይ ያሳ ሲቄያ ሲቆይ ፖሎ ጊደስ። ኑኒ ያሳን ዴዔይሳስ ሄሲ ባው ቱማ ማርካ።

6 ታኒ፣ «ዮሳን ዳዳይስ» ጊያ ኦኒካ ከሪስቶሲ ዴዒዳይሳዳ ዳናው ቤሴስ።

**ኦራሳ ከታ**

7 ታ ሲቆ አሻቶ፣ ታኒ ሃንቴው ኮይርፕ ዴዒያ ጋልዓ ከታ ያፋይሲፕ ኣቴን ኦራሳ ከታ ያፊኬ። ኣካ ሃንቴ ሲዒዳ ሄ ጋልዓ ከታ።

8 ጊዲኮካ፣ ከሪስቶሳኒኔ ሃንቴናን ቱማ ጊዲዲ ዴዒያ፣ ኦራሳ ከታ ያፋይስ። ቆማይ ከቸን፣ ሃረ ቱማ ፖይ ፖዒስ።

9 «ፖንጎ ዳዒይስ» ጊሼ ባ አሻ አዲያ ኦኒካ፣ ሃረካ ቆማን ዴዒስ።

10 ባ አሻ ደሲያ ኦኒካ ፖንጎ ዴዒስ። ሄ ኡራን ሃራ አሲ ቆቢያባይ ባዋ።

11 ሺን ባ አሻ አዲያ ኦኒካ ቆማን ዴዒስ፤ ቆማን ሃሙቴስ። ቆማይ ኢያ ኣይፊያ ቆቂሲዳ ጊሾ ኣው ቢያኮ ኤሪና።

12 ታ ናይቶ፣ ከሪስቶሳ ሱንሳ ገጋራ ሃንቴ ናጋራይ አቶ ጌቴቴዳ ጊሾ ታኒ ሃንቴው ያፋይስ።

13 ኣዋቶ፣ ኮይርፕ ዴዒያ፣ ኢያ ሃንቴ ኤሪዳ ጊሾ ሃንቴው ያፋይስ። ያላጋቶ፣ ያላሃያ ሃንቴ ያኒዳ ጊሾ ሃንቴው ያፋይስ።

14 ጉላ ናይቶ፣ ያሳ ሃንቴ ኤሪዳ ጊሾ ሃንቴው ያፋይስ። ኣዋቶ፣ ኮይርፕ ዴዒያ ኢያ ሃንቴ ኤሪዳ ጊሾ ሃንቴው ያፋይስ። ያላጋቶ፣ ሃንቴ ሚኖ ጊዲያ ጊሾ ያሳ ቃላይ ሃንቴናን ዴዒያ ጊሾኔ ያላሃያ ሃንቴ ያኒዳ ጊሾ ሃንቴው ያፋይስ።

15 ኣላሚ ዋይኮ ኣላሚን ዴዒያባ ደሶፕቴ። ኣላሚያ ደሲያ ኦኒካ ያሳ ደሲና።

16 ኣላሚን ዴዒያ ኡባባይ፣ ኣሾ ኣዋቴሌ፣ ኣይፊን ቤዒዲ ኣዋቴያባይኔ ሚሼን ጨቁቴሌ ኣላሚባይ ኣቴን ያሳፊ ጊደና።

17 ኣላሚይኔ ኣላሚን ኣሲ ኣዋቴያ ኡባይ ኣቆና፣ ሺን ያሳ ሺኒያ ፖሊያ ኦኒካ ሜሪናው ዳና።

**ከሪስቶሳራ ኤቁቴያ ሞርኪያ**

18 ታ ናይቶ፣ ዋዲያ ወርሲሳይ ማታቴስ። ከሪስቶሳ ሞርኪይ ሲንሳፊ ያናይሳ ሃንቴ ሲዒዳይሳዳ ሃሪ ኣቶሺን፣ ሃረካ ኢያ ሞርኪቴ ዳርቴ ዴንዲደሶና። ሄሳ ጊሾ፣ ዋዲያ ወርሲሳይ ማታቴዳይሳ ኑኒ ሃሳን ኤርስ።

19 ሄ ሞርኪቴ ኑ ባጋ ጊደና ጊሾ ኑ ጊደፊ ከዪደሶና። ኤንቴ ኑ ባጋ ጊዲያኮ ኑ ጊደን ዴዒና፣ ሺን ኢንታፊ ኦኒካ ኑ ባጋ ጊደናይሲ ኤሬታና ሜላ ኑ ጊደፊ ከዪደሶና።

20 ሺን ከሪስቶሲ ሃንቴ ቦላ ጌሻ ኣያና ጉሲስ፤ ቃሲ ሃንቴ ኡባይ ቱማ ኤሬታ።

21 ቱማ ሃንቴ ኤሪያ ጊሾኔ ቱማን ኣይቢ ዋርደይ ባይናይሳ ሃንቴ ኤሪያ ጊሾ ታኒ ሃንቴው ያፋይሲፕ ኣቴን ቱማ ሃንቴ ኤርና ጊሾ ጊደና።

22 ዬሱሲ፣ ያሳይ ደሪዳይሳ ጊደና ጊዲ ካዲያ ኣሳፕ ሃሪ ዋርዳንቸይ ኦኒ? ሄሳ ሜላ ኣሲ ከሪስቶሳ ሞርኪ። ኢ ናሳ ካዲኮ ኣዋካ ካዴስ።

23 ናሳ ካዲያ ኦዴስካ ኣዋይ ባዋ፤ ቃሲ ናሳስ ማርካቴያ ኦዴስካ ኣዋይ ዴዒስ።

24 ሄሳ ጊሾ፣ ኮይር ሃንቴ ሲዒዳ ቃላ ሃንቴ ዋዛናን ሚንሌዲ ናጊቴ። ኮይር ሲዒዳይሳ ሃንቴ ናጊኮ ሃንቴው ናዓራኔ ኣዋራ ኢሲፊቴሌ ዳና።

25 ናዓይ ኑስ ሜሪና ዴዐ-ዋ ኢማና ጊዲ ቃላ ጌሊስ።

26 ሃንቴና ባሊሌያ ኣሳ ጊሾ ታኒ ሃይሳ ሃንቴው ያፋስ።

27 ሺን ከሪስቶሲ ሃንቴ ቦላ ባ ጌሻ ኣያና ጉሲስ። ጌሻ ኣያናይ ሃንቴናን ዴዒያ ጊሾ ኦኒካ ሃንቴና ታማርሶ ኮሼና። ኢያ ጌሻ ኣያናይ ሃንቴና ቱማ ታማርሶሲፕ ኣቴን ዋርዶ ጊደና። ጌሻ ኣያናይ ሃንቴና ታማርሲዳይሳዳ ከሪስቶሳን ዴዒቴ።

28 ሃዛ፣ ታ ናይቶ፣ ኢ ቆንጨያ ዋዴ ኑኒ ያሺ ባይናኔ ኢያ ዩሳ ጋላሰ ኢያ ሲንሳን ኑ ዬላን ቆሴቶና ሜላ ኢያን ዴዒቴ።

29 ከሪስቶሲ ያሎ ጊደይሳ ሃንቴ ኤሪኮ ያሎ ኦሊያ ኡባይ ያሳ ናሳ ጊደይሳ ኤሪቴ።

**3**

**ያሳ ናይታ**



- 1 ኑኒ ያሳ ናይታ ጌቲቲዲ ያይታና ማላ ያሳይ ኑና እይ ማላ ደሲዳኮ በዓቲ። ኑኒ ቱማካ ያሳ ናይታ። ሃ አላሚይ ያሳ ኤርና ገሾ ኑናካ ኤሬና።
- 2 ታ ኑኒ እቆ አሻቶ። ሃሲ ኑኒ ያሳ ናይታ፤ ኑኒ እይ ሃናኑኮ ቡር ኤሬቲበና። ሺን ከሪስቶሲ ቆንጨያ ዋዴ ኑኒ እያ ዳናናይሳ ኤርሰ። ኢ ቱማ ዴዔይሳ ኑኒ በዓና።
- 3 ከሪስቶሳ በዓና ገዲ ኡፋይሳን ናገያ ኦኒካ። ከሪስቶሲ ገሺ ገዲዳይሳዳ ባና ገሺሰ።
- 4 ናገሪ ሂኔ ማንሳ ገዲያ ገሾ ናገሪ ኦሊያ ኡባይ ያሳ ሂኔ ማንሳሰ።
- 5 ከሪስቶሲ አሳ ናገሪ ቆይሳናው ቆንጨዳይሳ ሂንቲ ኤሬታ፤ ኢያን ናገሪ ባዋ።
- 6 ከሪስቶሳን ዴዔያ ኦኒካ ናገሪን ዳና። ቃሲ ናገሪን ዴዔያ ኦኒካ እያ በዓቢና ዋይኮ ኤርበና።
- 7 ታ ናይቶ። ሂንቲና ኦኒካ ባሌላ። ከሪስቶሲ ዓሎ ገዲዳይሳዳ ዓሎ ኦሊያ ኦኒካ ዓሎ።
- 8 ፃላሂይ ኮይርፕ ናገሪ ኦሊዳ ገሾ ናገሪ ኡባ ዋዴ ኦሊያ ኦኒካ ፃላሂ ዳሎ። ሄሳ ገሾ። ያሳ ናባይ ፃላሂ ኦሊ ዳይሳናው ቆንጨሰ።
- 9 ያሳ ናባ ገዲያ ኦኒካ ያሳ አያናይ ኢያን ዴዔያ ገሾ ኢ ኡባ ዋዴ ናገሪን ዳና። ያሳይ ኢያ አዋ ገዲያ ገሾ ናገሪን ዳና።
- 10 ያሳ ናይታ ገደኒኒ ፃላሂ ናይታ ገደን ዴዔያ ዴማቴሳይ ሄሳን ኤሬቲሰ፤ ዓሎ ኦላና አሲ ዋይኮ ባ አሻ ደሶና አሲ ያሳ ናባ ገደና።

**እሶይ ኢሱዋ ደሲቲ**

- 11 ኮይርፕ ሂንቲ ሲዒዳ ከታይ። «እሶይ ኢሱዋ ደሳናው በሴሰ» ያገያ ከታ።
- 12 ኑኒ ቃዒላ ማላ ገደናው በሴና። ቃዒሊ ፃላሂ ዳሎ ገዲዳ ያሳ አሻ ዋዲሰ። ኢ ባ አሻ አይሰ ዋዲያ? ኢያ ኦሶይ ኢታ ገዲዳ ገሾኑ ኢያ አሻ ኦሶይ ሎዎ ገዲዳ ገሾ ዋዲሰ።
- 13 ታ አሻቶ። ሃ አላሚያ አሳይ ሂንቲና አዳኮ ማላሌቶፊቴ።
- 14 ኑኒ ኑ አሻታ ሲቁያ ገሾ ሃይቆፕ ዴዎ ፒኒዳይሳ ኤርሰ። ባ አሻ ደሶና ኦኒካ ሃይቆ ኩያን ዴዒሰ።
- 15 ባ አሻ ኢዳያ ኦኒካ ሽዎፖ ዋዴሰ። ቃሲ ሽዎፖ ዋዲያ ኦዴሰካ ማሪሪና ዴይይ ባይናይሳ ሂንቲ ኤሬታ።
- 16 ከሪስቶሲ ባ ሽዎፖዎ ኑ ገሾ አላ ኢሚዳይሳን ሲቆይ አይበኮ ኑኒ ኤሬዳ። ኑካ ኑ አሻታ ገሾ ኑ ሽዎፖዋ አላዴ አማናው በሴሰ።
- 17 ሺን ዱሬ ገዲዳ ኦኒካ ማቶታንቸዋ በዒሺ። ኢያው ቃዴቶና አዳኮ ባ ዋዛናን ያሳ ሲቆይ ዴዒሰ ገናው ዋኒዴ ዳንዳዒ?
- 18 ታ ናይቶ። ኑኒ ኦሶኒኒ ቱማቴሳን ኑ ሲቁዋ ቆንጨሳናው በሴሰ፤ ኣቲን ጮ ኦዳ ፃላላን ዋይኮ ደና ፃላላን ሲቁታናው በሴና።

**ያሳን ዴዔያ አማኒቴሳ**

- 19 ኑኒ ኢሶይ ኢሱዋ ሲቁቲ። ኑ ቱማ ባገ ገዴይሳ ኤርሰ፤ ሄሳሰ ያሳ ሲንሳን ዬላቶኮ።
- 20 ኑ ዋዛናይ ኑ ቦላ ፐርደናባ ገዲኮ። ያሳይ ኑ ዋዛናፕ ገታ ገዴይሳ ኤርሰ፤ ኢ ኡባባ ኤሬሰ።
- 21 ታ ሲቆ አሻቶ። ኑ ዋዛናይ ኑ ቦላ ፐርደናባ ገዲኮ ኑኒ ያሳ ሲንሳን ያዮኮ።
- 22 ኑኒ ኢያ ከታ ናገያ ገሾኑ ኢያ ኡፋይሲያባ ኦሊያ ገሾ ዋሲያ ኡባ ኢያፕ ኤኮሰ።
- 23 ከሪስቶሲ ኑና ከቲዳይሳዳ ያሳ ናባ ዬሱሰ ከሪስቶሳ ሱንሳን አማናናዲኒ ኢሶይ ኢሱዋ ሲቃናዳ ያሳይ ኑና ከቲሰ።
- 24 ያሳ ከታ ናገያ ኦኒካ ያሳን ዴዒሰ፤ ያሳይካ ኢያን ዴዒሰ። ያሳይ ኑሰ አሚዳ ገሻ አያና ባገራ ኢ ኑናን ዴዒይሳ ኤርሰ።

**4**

**አያናታ ሻኪ ኤሬቲ**

- 1 ታ ሲቆ አሻቶ። አያናታ ኡባ አማናፕፕ። ሺን ኤንቲ ያሳፌ ዩዳኮ ፓጨ በዓቲ። አይሰ ገኮ። ዳር ዋርዶ ናበቲ አላሚን ዴንዲደሶና።
- 2 ያሳ አያና ገዴይሳ ሂንቲ ሃይሳን ኤሬና፤ «ዬሱሰ ከሪስቶሲ አሴ ገዲዳ ዩዳይሳ ማርካታይሰ» ገያ አያና ኡባይ ያሳፌ ዬሰ።
- 3 ከሪስቶሲ አሴ ገዲዳ ዩዳይሳ አማናይሰ ጎና አያና ኡባይ ያሳፌ ገደና። ሄሲ ከሪስቶሳ ኢዳያ አያና። ሂንቲ ሄ አያናይ ያናይሳ ካሴ ሲዒዳታ፤ ኢ ሃሪ አቶሺን ሃሲካ አላሚን ዴዒሰ።
- 4 ታ ናይቶ። ሂንቲ ያሳሳ። ሂንቲ ገደን ዴዔያ ገሻ አያናይ አላሚን ዴዒያ አያናፕ ዳር ዋልቃማ ገዲያ ገሾ ዋርዳንቸ ናበታ ሂንቲ ያይታ።
- 5 ኤንቲ ሃ አላሚያ አሴ ገዲያ ገሾ ሃ አላሚያባ ኦደሶና፤ ሃ አላሚያ አሳይ ኤንታ ኦዳ ሲደሶና።

6 ኑኒ ያሳፌ ዩሌተዳ፤ ያሳ ኤሪያ ኦኒካ ኑና ሲዔሰ። ያሳ ኤሪና ኦኒካ ኑና ሲዔሰ። ኑኒ ቱማ ኣያናኔ ዋርዶ ኣያና ሄሳን ሻኮሰ።

**ያሳይ ሲቆ**

7 ታ ሲቆ ኣሻቶ፣ ሲቆይ ያሳፌ ያ ጊሾ ኣኔ ኣሶይ ኣሱዋራ ሲቆቶሰ። ሲቆያ ኦኒካ ያሳ ናዓ፤ ኣ ያሳ ኤሪሰ።

8 ያሳይ ሲቆ ጊዲያ ጊሾ ሲቆና ኦኒካ ያሳ ኤሪና።

9 ኑኒ ኪሪሰቶሳ ባጋራ ዴዑዋ ዴማና ሜላ ያሳይ ባ ኣሲ ናዓ ሃ ኣላሚያ ኪቲሰ። ያሳይ ኑና ባ ሲቆዋ ሄሳን ቤሲሰ።

10 ቱማ ሲቆ ጉሳይ ሃይሳ፣ ኑኒ ያሳ ሲቆዳ ጊሾ ጊዳናሺን ያሳይ ኑና ሲቆዳ ጊሾኔ ኑ ናጋራፔ ኑና ማራናው ባ ናዓ ኪቲዳ ጊሾሳ።

11 ታ ሲቆ ኣሻቶ፣ ያሳይ ኑና ሃይሳዳ ሲቆኩ፣ ኑካ ኣሶይ ኣሱዋ ሲቆናው ቤሲሰ።

12 ያሳ ቢዒዳይ ኦኒካ ባዋ። ኑኒ ኣሶይ ኣሱዋ ሲቆኩ ያሳይ ኑናን ዴዔሰ፤ ኣያ ሲቆይካ ኑናን ፖሎ ጊዴሰ።

13 ያሳይ ባ ጌሻ ኣያና ኑሰ ኣሚዳ ጊሾ ኑኒ ያሳን ዴዔይሳኔ ኣካ ኑናን ዴዔይሳ ኤሪሰ።

14 ኣዋይ ባ ናዓ፣ ሃ ኣላሚያ ኣሼይሳ ጊዳና ሜላ ኪቲዳይሳ ኑኒ ቤዒዲ ማርካቶሰ።

15 ዬሱሲ ያሳ ናዓ ጊዴይሳ ማርካቲያ ኦዴግካ ያሳይ ዴዔሰ፤ ኣካ ያሳን ዴዔሰ።

16 ያሳይ ኑና ሲቆይሳ ኑኒ ኤሪሰኔ ኣማናሰ።

ያሳይ ሲቆ። ሲቆን ዴዔያ ኦኒካ ያሳን ዴዔሰ፤ ያሳይካ ኣያን ዴዔሰ።

17 ኑ ዴይይ ሃ ኣላሚያን ኪሪሰቶሲ ዴዔይሳ ሜላ ጊዲያ ጊሾ ፐርዳ ጋሳሰ ያዮና ኣያ ሲካፍ ሸቃናው ኣያ ሲቆይ ኑናን ፖሎ ጊዴሰ።

18 ሲቆን ያሺ ባዋ፣ ቱማ ሲቆይ ያሺ ኬሲ ሆሌሰ። ያሺኔ ፐርዲ ኣሲፌ ቢያ ጊሾ ያያ ኡራ ሲቆይ ፖሎ ጊዴና።

19 ያሳይ ኮይሮ ኑና ሲቆዳ ጊሾ ኑ ሲቆሰ።

20 ኦኒካ፣ «ያሳ ሲቆይሰ» ጊሾ ባ ኣሻ ኣዲኮ፣ ኣ ዋርዳንቸ። ኣይሰ ጊኮ፣ ቤዒያ ባ ኣሻ ሲቆና ኦኒካ ቤዒሰና ያሳ ሲቆናው ዋኒዲ ዳንዳዒ?

21 ኪሪሰቶሲ ኑሰ ኣሚዳ ኪታይ ሃይሳ፤ «ያሳ ሲቆያ ኦኒካ ባ ኣሻ ሲቆናው ቤሲሰ» ያጌይሳ።

# 5

**ኣላሚያ ያና**

1 ዬሱሳ፣ ኣ ኪሪሰቶሳ ያጊዲ፣ ኣማኒያ ኦኒካ ያሳ ናዓ። ኣዋ ሲቆያ ኦኒካ ኣያ ናዓካ ሲቆሰ።

2 ኑኒ ያሳ ሲቆያ ጊሾኔ ኣያ ኪታ ናጊያ ጊሾ ያሳ ናይታ ሲቆይሳ ኤሪሰ።

3 ኑኒ ያሳ ሲቆኩ፣ ኣያ ኪታታ ናጎሰ። ኣያ ኪታታ ዴያ ጊዳኮና።

4 ኣይሰ ጊኮ፣ ያሳ ናዓ ጊዲያ ኦኒካ ሃ ኣላሚያ ያናናው ዳንዳዒሰ። ኑኒ ሃ ኣላሚያ ያናናይ ኑ ኣማኑዋና።

5 ኣላሚያ ያናናው ዳንዳዒይ ኦኒ? ዬሱሲ ያሳ ናዓ ጊዴይሳ ኣማኒያ ኣሳ ፃላሊ ያናና።

**ኪሪሰቶሳ ባ ማርካቲይሳ**

6 ዬሱሰ ኪሪሰቶሲ ሃሳ ጊንጎቲያራኔ ባ ሃይቁኣዋ ሱላራ ዩሰ። ኣ፣ ሃሳራኔ ሱላራ ዩሲፔ ኣቲን ሃሳ ፃላላራ ዩሲና። ጌሻ ኣያናይ ቱማ ጊዲያ ጊሾ ሄሲ ቱማ ጊዴይሳ ማርካቲሰ።

7 ሄሻ ማርካቲ ዴዎሶና።

8 ሃሳቲ፣ ጌሻ ኣያና፣ ሃላኔ ሱላ። ሃ ሄሻታ ማርካቲይሳ ኣሲና።

9 ኑ ኣሲ ማርካቲይሳ ኣማናሰ። ሺን ያሳ ማርካቲይሳ ኣሳይሳፌ ዳሮ ኣዲሰ። ያሳይ ባ ናዓሰ ማርካቲዳ ማርካቲይሳ ሃይሳ።

10 ያሳ ናዓ ኣማኒያ ኡራ ዋዛናን ሃ ማርካቲይሳ ዴዔሰ። ያሳ ኣማናና ኦኒካ ያሳይ ባ ናዓሰ ማርካቲዳ ማርካቲይሳ ኣማኒሰና ጊሾ ያሳ ዋርዳንቸ ኦፊሰ።

11 ሂዛ፣ ማርካቲይሳ ሃይሳ፤ ያሳይ ኑሰ ሜሪና ዴያ ኣሚሰ፤ ሄ ዴይይካ ኣያ ናዓን ዴዔሰ ያጌይሳ።

12 ያሳ ናዓይ ዴዔያ ኦዴሰካ ዴይይ ዴዔሰ። ያሳ ናዓይ ባይና ኦዴሰካ ዴይይ ባዋ።

**ሜሪና ዴያ**

13 ያሳ ናዓን ኣማኒያ ሂንቴው ሜሪና ዴይይ ዴዔይሳ ሂንቴ ኤራና ሜላ ሃይሳ ሂንቴው ፃላሰ።

14 ያሳ ሸኒያዳ ኣይቢባካ ኣያ ዋሲኮ፣ ኣ ሲዔይሳ ኑኒ ኤሪያ ጊሾ ኣያን ኣማኑቶሰ።

15 ኑኒ ዋሲያ ኡባ ኣ ሲዔይሳ ኤሪኮ፣ ኑኒ ዋሲያ ባ ኣ ኣማናይሳ ኤሪሰ።

16 እነካ ባ አሻይ ሃይቆ ቤሶና ናጋራ ኦሊሽን ቤዒኮ፣ ያሳ ኢያው ዋሳናው ቤሴስ። ሃይቆ ቤሶና ናጋራ ኦሊዲይሳታስ ያሳይ ዴዖ አማና። ሃይቆ ቤሴስ ናጋሪ ዴዔስ። ታኒ ሂንቴና ሄሳስ ያሳ ዋሲቴ ጊኬ።

17 ኢታ ኦሶ ኡባይ ናጋራ፣ ሸን ሃይቆ ቤሶና ናጋሪ ዴዔስ።

18 ያሳ ናዓይ ኢያ ናጊያ ጊሾ ያሳ ናዓ ጊዲዳ ኦኒካ ናጋራን ኡባ ዋዴ ዴዖናይሳ ኦኒ ኤሮስ። ፃላሄይ ኢያ ቆሃናው ዳንዳዔና።

19 ኦኒ ያሳሳ ጊዳይሳኔ ሃ ኩሜላ አላሜይ ፃላሄን ሃራቴይሳ ኤሮስ።

20 ኦኒ ቱማ ያሳ ኤራናዳ ያሳ ናዓይ ዪዳይሳኔ ኦስ አኩካ አሚዳይሳ ኤሮስ። ኦኒ ኢያ ናዓ፣ ዬሱስ ኪሪስቶሳ ባጋራ ቱማ ያሳን ዴዖስ። ዬሱሲ ቱማ ያሳኔ ሜሪና ዴዑዋ።

21 ታ ናይቶ፣ ኤቃታፔ ሂንቴ ሃኪቴ።

# የሃኒሲ ፃፊዳ ናምዓንላ ኪታ ጋላ ቆፋ

የሃኒሲ ፃፊዳ ናምዓንላ ኪታ፡ ዬሱሳ ሃዋሬ ጊዲዳ ጠማይ፡ የሃኒሲ ፃፊስ፡ ፃፊተዳይካ ዶሬተዳ ጎዳተሳኔ ኢ ናይታሳ፡ ኦኒ ኤሪ፡ ሄሲካ ኢሲ ዋሳ ከላሲኔ ኢያን ጎይኒያ ኣሳሰ ጊደና ኣኒና፡ ሃ ቃንሳ ኪታይ ፃፊተዳይ፡ ኤንቲ ኢሶይ ኢሱዋራ ሲቋታና ሜላ ኣኩቢሳናሳኔ ዋርዶ ኣስታማሬታፔኔ ኤንታ ቲሚርቲያፌ ናጌታና ሜላ ቆፊሳናሳ፡

## 2 የሃኒሳ ኪታ ኣይፌ ቆፋታ

- ሳርሶ 1-3
- ሲቆይ ኡባሬ ቦላ 4-6
- ዋርዶ ቲሚርቲያፌ ናጌቲላ 7-11
- ኩሻ ቆፋ 12-13

1 ታ ጠማይ ዶሬተዳ ጎዳተሳኔ ኢ ናይታሰ ከቲዳ ኪታ፡ ታ ፃላላ ጊደናሺን ቱማ ኤሪያ ኡባይ ሃንቲና ዶሶሶና፡

2 ሃ ቱማይ ኩን ዴዒያ ገሾኔ ሜሪሪው ኩራ ዳና ገሾ ታኒ ሃንቲና ቱማ ዶሳይሰ፡

3 ያሳ ኑ ኣዋኔ ኢያ ናሳ ዬሱሰ ኪሪሰቶሳ ኣጶ ከሃቴላይ፡ ማርቴላይኔ ሳርቴላይ ቱማኒኔ ሲቆን ኢሲፌ ኩራ ጊደ፡

### ቱማባኔ ሲቆባ

4 ኣዋይ ኩና ከቲዳይሳዳ፡ ኔ ናይታፔ ባጋቲ፡ ቱማሰ ከቲቲይሳ ቤዓዳ ታኒ ዳር ኡፋይታሰ፡

5 ጎዳቲ፡ ሃባካ ኑኒ ኡባይ ኢሶይ ኢሱዋ ሲቃና ሜላ ታኒ ኔና ዋሳይሰ፡ ሃ ኪታይ ኮይርፔ ኩራ ዴዒያ ኪታፔ ኣቲን ታኒ ኔው ኦራሳ ኪታ ፃፊኪ፡

6 ቱማ ሲቆይ ኑኒ ያሳ ኪታ ናጊዲ ዳናይሳ፡ ቃሲ ኮይርፔ ሃንቲ ሲዒዳይሳዳ ኢያ ኪታይ፡ ሃንቲ ኡባይ ሲቆን ዳና ሜላሳ፡

7 ዬሱሰ ኪሪሰቶሲ ኣሲ ጊዲዲ ዩዳይሳ ኣማናና፡ ዳር ባሌላያ ኣሳቲ፡ ኣላሜን ዴንዲዶሶና፡ ሃሳ ሜላ ኣሲ ኦኒካ ባሌላይሳኔ ኪሪሰቶሳ ሞርኪ፡

8 ሃንቲ ኦሊዳ ኩሚሳ ዋይቱዋ ኤካናው ሚኒቲ፡ ሃንቲ ኦሊዳይሲ ጳዮና ሜላ ናጌቲቲ፡

9 ኪሪሰቶሳ ቲሚርቲያን ዶናይሳሲኔ ኢያፔ ሃኪያ ኡራሰ ያሳይ ባዋ፡ ኪሪሰቶሳ ቲሚርቲያን ዴዒያ ኡራሰ ኣዋይኔ ናሳይ ዴዶሶና፡

10 ኦኒካ ሃንቲክ ዩሺ ሃ ቲሚርቲያ ኤሆና ኢጂኮ፡ ሃንቲ ሶ ጌልሶፊቲ፤ ሳርካ ጎጊቲ፡

11 ኢያ ሳር ጊያ ኦኒካ ኢያ ኢታ ኦሱዋን ኢያራ ሻኪቲሰ፡

### ጠርሴላ ሳርታ

12 ታኒ ሃንቲው ፃፋናው ኮዩዳ ዳርባይ ዴዔሰ፡ ሺን ዋርቃቲኒኔ ቃላሜን ፃፋናው ኮዩኪ፡ ኩ ኡፋይሳይ ፖሌታና ሜላ ሃንቲራ ሶምዶን ጋሂታዳ ኦይታናው ሃንቲኮ ባና ጋዳ ቆገይሰ፡

13 ያሳይ ዶሪዳ ኔ ሚቹ ናይቲ ኔና ሳር ያጎሶና፡

# የሃኒሲ ዓፊዳ ሄቫንሳ ኪታ ጋላ ቆፋ

የሃኒሲ ዓፊዳ ሄቫንሳ ኪታ፣ ዬሱሳ ሃቀሬ ጊዲዳ ጨማይ፣ የሃኒሲ ዓፊስ። ኢ ዓፊዳይካ ጋዮሳ ጊያ ኢሲ ዋሳ ኬላ ሄማይሳሳ። ዓፊይ ኢሲ ባጋራ ጋዮሲ ሃራ አማኔይሳታ ማዲዳ ጊሾ ኢያ ጋላቴስ፤ ቃሲ ሃራ ባጋራ ዲዮተራፊሳ ጌቴቴያ ዋሳ ኬላ ሃላቃ ጊዳናው ኮያ ጌላ ኡራፔ ናጌታና ማላ አክኪሲስ።

## 3 የሃኒሳ ኪታ አይፌ ቆፋታ

- ጌሎ ቆፋ 1-4
- ጋዮሲ ጋላቴተስ 5-8
- ዲዮተራፊሲ ቦሬተስ 9-10
- ዲሜዲሮሲ ጋላቴተስ 11-12
- ኩሻ ቆፋ 13-15

- 1 ታኒ ጨማይ፣ ቱማ ደሲያ ጋዮሳስ ከቲዳ ኪታ።
- 2 ታ ሲቁዋው፣ ኔኒ ኔ ሸምፑዋን ሎዎ ዳዔይሳ ታ ኤሬይሳዳ ኔው ጋያቴሌ ዳና ማላኔ ኔ ኦሊያባይ ሱራና ማላ ኔው ያሳ ዋሳይስ።
- 3 ጉላ አማኒያ አሳተ ዪዲ፣ ኡባ ዋዴ ኔኒ ቱማን ዳዔይሳኔ ኔ ቱማቴላባ ማርካቲዳ ዋዴ ታኒ ዳሮ ኡፋይታስ።
- 4 ታ ናይቲ ቱማቴላን ዳዔይሳ ሲዔይሳፌ አፏዲ፣ ታና ኡፋይሲያባይ ባዋ።

### ጋዮሲ ጋላቴተስ

- 5 ታ ሲቁዋው፣ ኤንቲ ኔው አማሌ ጊዲኮካ፣ ኔኒ አማኒያ አሳታስ አማንሴያ ኦሶ ኦሳሳ።
- 6 ኤንቲ ኔ ሲቁዋባ ዋሳ ኬላን ማርካቶሶና። ሃዒካ ኤንቲ ቢያ ኦጊያን ያሳይ ደሴይሳዳ ኦሳዳ ኤንታ ማዲኮ ሎዎ ኦሳሳ።
- 7 ኤንቲ ከሪሰቶሳ ሱንላ ጊሾ ከዪሼ፣ አማናና አሳታፔ አይኮካ ኤኪቦኮና።
- 8 ኔኒ ቱማ ኦሱዋ ኤንታራ ኢሲፌ ኦሳናው ሃይሳ ማላ አሳታ ማዳናው ቤሴስ።

### ዲዮተራፊሳኔ ዲሜዲሮሳ

- 9 ታኒ ዋሳ ኬላታስ ዳብዳቤ ዓፋስ፣ ሽን ኤንታ ሃላቃ ጊዳናው ኮያ ዲዮተራፊሲ ኔኒ ጌይሳ ኤከና።
- 10 ሄሳ ጊሾ፣ ታኒ ያ ቢያ ዋዴ ኢ ኑ ቦላ ኦዴቲያ ኢታ ኦዴኔ ኢ ኦሊዳ ኦሱዋ ኦዴና። ኢ ሄሲ ጉዲስ ጊዲ፣ ኑ አሻቲ ያ ዋዴ ሞከና። ሃሪ አቶሽን፣ ኤንታ ሞካናው ኮዬይሳታካ ዲጊዲ ዋሳ ኬላፌ ኬሴስ።
- 11 ታ ሲቁዋው፣ ሎዎባ ዳናፔ አቲን ኢታባ ዳናፓ። ሎዎባ ኦሊያ ኦኒካ ያሳ አሲ፣ ሽን ኢታባ ኦሊያ ኦኒካ ያሳ ቢዒቢና።
- 12 ዲሜዲሮሲ ሎዎ አሲ ጊዴይሳ አሳ ኡባይ ማርካቲስ። ቱማይ ባ ሁዒን ኢያባ ማርካቲስ፤ ኑካ ኢያባ ማርካቶስ፤ ኑ ማርካቲላይ ቱማ ጊዴይሳ ሂንቴ ኤፊታ።

### ወርሴላ ሳርታ

- 13 ታኒ ኔው ዓፋናው ኮዪዳ ዳርባይ ዳዔስ፣ ሽን ቃላሜኒኔ ዋርቃቴን ዓፋናው ኮዪኬ።
- 14 ሽን ታኒ ማታራ ኔራ ጋሄታናው ቆፓይስ፤ ሄ ዋዴ ኔኒ ኦዴታና።
- 15 ሳርሮ ኔው ጊድ።
- ኔ ዳቦቲ ኔና ሳር ያሳሶና። ኑ ዳቦታ ኡባ ኤንታ ሱንላ ሱንላ ዪጋዳ ታና «ሳር ጊስ» ያጋ።

# ጸሁዲ ፃፊዳ ኪታ ጋላ ቆፋ

ጸሁዳ ኪታይ ፃፊተዳይ፡ አማኖና ዳዒሼ አማኒያ አሲ ዳኒዲ ዋርዶ ቲሚርቲ ላሊያ አሳታፎ አማኒያ አሳይ ናጌታና ሜላ አኩኪሳሳና፡ ሃ ቃጎላ ኪታይ ባ ጊዶን ኦይኪዳ ቆፋታን ናሞግሎ ጸደርሳ ኪታ ዳኔስ፡ ፃፊይ፡ «አማኒያ አሳሰ አሲ ቶሆኔ ወርሰሌ ጋካናው አሜቲዳ አማኑዋሰ ኦሌተቲ» ያጊዲ ናባቤይሳታ ሚንሉዲ ቆፊሴስ።

## ጸሁዳ ኪታ ኣይፌ ቆፋታ

ሳርሶ 1-2  
ዋርዶ አሰታማሬታ ቲሚርቲያኔ ኤንታ ኩንዳላ 3-16  
አማኖ ናጋና ሜላ አሜቲዳ ዞሬ 17-23  
ጋላታ ዋሳ 24-25

1 ታኒ ጸሁዲ፡ ዬሱስ ኪሪስቶሳ ኣይሌይ፡ ያይቆባ እሻይ፤  
ዶሳይ ጸጊዳይሳታስ፡ ዶሳ አዋይ ዶሴይሳታሲኔ ዬሱስ ኪሪስቶሳን ናጌቲዳይሳታስ ሃ ዳብዳቢያ ፃፋይስ።

2 ማርቲሌ፡ ሳርቲሌኔ ሲቆይ ሂንቴው ኩሞ።

## ዋርዶ አሰታማሬታ

3 ታ ሲቆ እሻቶ፡ ኑኒ አሲፊ ሻኩቲያ አቶቲላባ ሂንቴው ፃፋናው ታኒ ዳር አሞታስ። ሸን አማኒያ አሳሰ አሲ ቶሆኔ ወርሰሌ ጋካናው አሜቲዳ አማኑዋሰ ኦሌታና ሜላ ሂንቴና ዞራሼ ፃፋናይሲ ታው ኮሺያባ ጊዲስ።

4 ኤንታ ፐርዳይ ቤኒፔ ፃፊተዲ ኡቲዳ፡ አሲ አሲ አሳቲ ኦኒካ ኤርና ሂንቴ ጊዶ ጌሊዶሶና። ኤንቲ ዶሳ ኤርናይሳታ፡ ኤንቲ ኑ ዶሳ አቆ ከሃቲላ ላይማታናው ጎዔቲያ ኦኔ ኦሌዲ ኤኮሶና። ባ ፃላላ ካዋ ጊዲዳ፡ ኑ ጎዳ ዬሱስ ኪሪስቶሳ ካዶሶና።

5 ሸን ሂንቴ ሃ ኡባ ኤሪያባ ጊዲኮካ፡ ጎዳይ አሲራዔሌ አሳ ጊብጻ ቢታፊ ዋቲ ኬሲዳኮ፡ ቃሲ ጉዬፔ አማኖናይሳታ ቆይሲዳይሳ ታ ሂንቴና አኩኪሳናው ኮያይስ።

6 ባንታ ዳዒያሱዋ አጊዲ፡ ባንታው አሜቲዳ ማታ ናጊቦና ኪታንሻታ፡ ጌታ ፐርዳ ጋላሳይ ጋካናው ዶሳይ ኤንታ ቆማፔ ጋርሳን ሜሪና ሳንላላታን ቃቺ ዋሲስ።

7 ሃሳዳ፡ ሰዶሜኔ ጋሞራ አሳይኔ ኤንታ ማታን ዳዒያ ካታማታን ዳዒያ አሳይ ላይማቲዶሶና፤ ላይማቲላራ ጋሂቲያ ቱናቲላ ኦሌዶሶና። ኤንቲ ሜሪና ታማን ዋዬታናይሳታስ ሌሚሶ ጊዲዶሶና።

8 ሃሳዳካ፡ ሃ አሙሃንሻቲ ባንታ አሳቲላ ቱኒሶሶና፤ ማታ አዋታ ካቶሶና፤ ሳሎ ሜቆቲላታ ጫዮሶና።

9 ሸን ኪታንሻታ ሃላቃይ ሚካዔሌይ ሙሴ አሃሰ ፃላሄራ ፓላሚዳ ዋዶ «ጎዳይ ኔና ሴር» ያጊሲፔ አቲን ኢያ ቦላ ጫሻ ቃላ ኦዲዲ ሞታናው ኮዩቤና።

10 ሸን ሃ አሳቲ ባንታው ኤርናባ ኡባ ጫዮሶና፤ ቃሲ ኤንቲ ዋዛኒ ባይና ሜሄዳ ሜቆን ኤሪያ ኤራይ፡ ኢ ኤንታና ቆይሳና።

11 ኤንታና አይ! ኤንቲ ቃዔላ ኦጊያን ቢዶሶና። ሚሼኮ ኮዩዲ ባላማ ባላን ኩንዲዶሶና። ቆሬይ ዶሳ ቦላ ዳንዲዳይሳዳ ኤንቲ ዶሳ ቦላ ዳንዲዳይሳዳ ቆይሳና።

12 ሃ አሳቲ፡ ሂንቴ ሲቆ ገቢራ ሚያ ቤሳን ሂንቴራ ኡቲያ ዋዶ ዬሊ ባይና ካወሻታ። ኤንቲ ባንታና ፃላላ ሂሜይሳታ። ኤንቲ ጫርኮይ ኤፊያ ኢሪ ባይና ሻራ ሜላ። ቃሲ ኣይፌ ዋዶን ኣይፌ ኣይፎና፡ ፃጶራ ሸዴቲድ፡ ናሞቡ ቶሆ ሜሊዳ ሚላ ሚላ።

13 ኤንቲ ሃንቁቲዳ አባ ዙሊያ ሜላ ባንታ ፖኩዋ ጎፖንቴይሳታ። ኤንቲ ሜሪናው ሳካና ቆማይ ናጊያ ቶይላቲያ ያለንቶታ።

14 አዳሜፔ ዶሚዲ፡ ላፑንላ ዬሊታ ጊዲዳ ሄናኬይ፡ ሃ አሳታባ ቲንቢቲ ኦዲሼ፡ «ሃኮ፡ ጎዳይ፡ ባ ዳር ሙኩሉ ጌሻታራ ያና።

15 አሳ ኡባ ፐርዳና፤ ጌላታ ኡባ ኤንቲ ኦሌዳ ኢታ ኦሶ ኡባ ጊሼኔ ማካላቲላን ኤንቲ ዶሳ ቦላ ኦዴቲዳ ኢታ ኦዳ ኡባ ጊሹ ፐርዳና» ያጊሴ።

16 ሄ አሳቲ ኡባ ዋዶ ዙዙሚይሳታኔ ኦዳ ኮዬይሳታ። ቃሲ ባንታ ኢታ አሙዋ ካሎሶና፤ ባንታናን ጨቆሶናኔ ባንታና ጎዲያባ ዳማናው ሃራታ ሳቦሶና።

**ወርሴላ ዞሪ**

17 ሸን ታ ኢሻቶ፣ ኑ ጎዳ ዬሱስ ኪሪስቶሳ ሃዋሪተ ካሲ ሂንቴው ኦዲዳ ቃላ እኩከቴ።

18 ኤንቲ፣ «ወርሴላ ዋዲያን፣ ባንታ አሙዋ ካሊዲ ቶቼይሳቲ ያና» ያጊደሶና።

19 ሄ አሳቲ አሳ ጊደን ሻሆቴሌ ሜዴይሳታ፣ ባንታ ኢሾ አሙዋስ ሃራቴይሳታኔ ጌሻ አያናይ ባይናይሳታ።

20 ሸን ታ ኢሻቶ፣ ጌሺ ጊዲዳ ሂንቴ አማኑዋን ሂንቴና ዲቻናው ሚኒቴ፤ ቃሲ ጌሻ አያና ዋልቃን ዋሲቴ።

21 ሂንቴና ሜሪና ዳዑዋኮ ጋሴያ ኑ ጎዳ ዬሱስ ኪሪስቶሳ ማሮቴላ ናጊሼ ሂንቴና ያሳ ሲቁዋን ናጊቴ።

22 ሲዴይ ዳዲያ አሳስ ቃዴቴቴ።

23 ኢሲ ኢሲ አሳታ ታማፔ ኬሲ ኤከቴ። ቃሲ ኢታ አዋን ቲኒዳ ኤንታ ማዑዋ ኢጂሼ ሃራታስ ያሻን ቃዴቴቴ።

**ጋላታ ዋሳ**

24 ሂንቴ ኩንዶና ሚላ ናጋናው ቦሬይ ባይናይሳታኔ ጌታ ኡፋይሳን ኩሚዳይሳታ ኦሊዲ ባ ቦንቹዋ ሲንሳን ሂንቴና ሸሻናው ዳንዳዲያ፣

25 ኑና ኢሺያ ኢሲ ያሳስ፣ ኑ ጎዳ ዬሱስ ኪሪስቶሳ ባጋራ ቦንቾይ፣ ጌታቴሌ፣ ዋልቂኔ ማቴ፣ ካሴካ፣ ሃዲካ፣ ሜሪናዉካ ኢያው ጊደ። አሚንዒ።

# የሃሊ ጳጳሳዊ ጋላ ቆፋ

የሃሊ ጳጳሳዊ ጳጳሳዊ፣ አማኒያ አሳይ ዩሱስ ከሪሰቶሳ ባገታው ጎዳ አሊዳ፣ ገሻቴላን ደዳዳ ገሾ ከጎታ ማቶይን ዋዩይ ጋኪዳ ዋዳና። ግሬይ ወዲዲ ያሊዳ አይሬ ቆፋይ፣ አማኒያ አሳ ኡፋይሳይ ኩሜላ ገዳና ማላ ከጎታ ማኅሌዳድ፣ ከጎታ ጋኪዳ ጎዳይ ማቴዎ ገደን ባገታ አማኑዋን ማኒዲ ኤቃና ማላ ደንሌላና።

ማፃፃፍን ዳሪያ ከፊሌይ ዳሮይ ካሊ ካሊዲ ቆንጠዳ ቆንጠዳ አይከሰ። ሃ ቆንጠዳተ ሄ ዋዴ ደዳያ አሳሰ ገሌሰ፣ ሸን ሃራታሰ ፀራ ገዲዲ ጋምሊሰ። ከጎታ ኦጅቲዳይካ ለሚሰ ኦዳና። ሃ ማፃፃፍን ደዳያ ታይቦተ፣ ማካ ሚሸተኔ ደዳቲ ደሬታኔ አያና ሚዴቲላታ ለሚሰ። ማዘሙራ አዘማቹይ ሰሚ ሰሚዲ ዩጻቲይሳዳ፣ ሄ ማፃፃፍን ደዳያ ሁዔ ቆፋቲ ዳማ ዳማ ቆንጠዳታ ባጋራ ዳማ ዳማ ኦጊን ሰሚ ሰሚ ሸቂደሶና። ሃ ማፃፃፍን ቢርሸላሰ ዳማ ዳማ ቆፋይ ደዳኮካ፣ አያው ሁዔ ቆፋይ ቆንጠዳ። ሄሰካ፣ «ዳሪያ ጎዳ ከሪሰቶሳ ባጋራ ዛሬላና ኦጊን ባ ሞርኬታ፣ ያላሄራ ጉጂዲ፣ አሰሰ ቶሆኔ ወርሰላ ጋካናው ያናና። ሄ ያኑዋፔ ጉዩ፣ አያው አማኑቲዲ ደዳዳ ባ ባጋታ ኦራሳ ሳሎኔ ኦራሳ ሳሳ አንጆ ላተሳና» ያገይሳ።

## የሃሊ ጳጳሳዊ አይሬ ቆፋታ

- ገሌ ቆፋ 1:1-8
- ዩሱስ ላፑን ዋሳ ኬላታ ገደን 1:9-20
- ላፑን ዋሳ ኬላታሰ ጳጳሳዊ ከታ 2:1-3:22
- አራታ፣ ያላ ማፃፃፍን ደርሳ 4:1-5:14
- ላፑን ማታሚታ 6:1-8:1
- ላፑን ዋይዚታ 8:2-11:19
- ዳዋያኔ ናምቡ ደዳታ 12:1-13:18
- ዳማ ዳማ ቆንጠዳታ 14:1-15:8
- ላፑን ሃንቆ ፀላታ 16:1-21
- ባቢሎኔ ከጎዳላ፣ ደዳኔ ዋርዶ ናቢያ 17:1-20:10
- ወርሰላ ፐርዳ 20:11-15
- ኦራሳ ሳሎ፣ ኦራሳ ሳሳኔ ኦራሳ ዩራሳላሚ 21:1-22:5
- ኩሻ ቆፋ 22:6-21

1 ኤሱን ሃናናው ደዳያባ ባ አይሌታ ቤሳና ሚላ ያሳይ አያው አሚዳ ዩሱስ ከሪሰቶሳ ቆንጠዳይ ሃይሳ። ዩሱስ ባ ከታንቸዋ ከቲዲ፣ ባ አይሊያ የሃሊሳሰ ቆንጠሲሰ።

2 የሃሊሲ ያሳ ከታ፣ ዩሱስ ከሪሰቶሳ ኦሊዳባኔ ኦሊዳባ ኡባ ማርካቲሰ።

3 ሃ ኡባይ ሃናናው ዋይይ ማቲዳ ገሾ ሃ ቲንቢቲ ቃላ ናቢያ ኦጊን አንጆቲዳይሳ፤ ቃሲ ሃ ቃላ ሲዔይሳቲኔ ጳጳሳዊ ከታ ናገያ ኡባይ አንጆቲዳይሳታ።

### ላፑን አሲያ ዋሳ ኬላታሰ ከቲቲዳ ሳርሶ

4-5 ሃ ዳብዳቤይ፣ የሃሊሳፐ፣ አሲያ ቢታን ደዳያ ላፑን ዋሳ ኬላታሰ ጳጳሳዊ። ካሲካ፣ ሃዲካ ደዳያ፣ ሲንሳፊካ ያናው ደዳያ ያሳፊ፣ ቃሲ አያ አራታ ሲንሳን ደዳያ ላፑን አያናታፔ፣ ሄሳዳካ፣ ሃይቆፔ ደንደን ኮይሮ ገዲዳይሳፊ፣ ሳሳ ካዋታ ሃሪያ አማኑቲያ ማርካ ገዲዳ ዩሱስ ከሪሰቶሳፔ፣ አዶ ከሃቴላይኔ ሳርቴላይ ሂንቱው ገደ።

ዩሱስ ኦና ሰቆሰ፣ ቃሲ ባ ሱላን ናጋራ አይሌቲላፊ ኦና ላሳ ከሲሰ።

6 ኦጊ ያሳ አያ አዋሰ ኦላና ሚላ ኦና ካዋቲላ ካሂኔ ኦሊሰ። አያው ሚሪናፔ ሚሪናፔ ማርካናው ቡንቸይኔ ዋልቃይ ገደ። አሚንዳ።

7 ሄኮ፣ ዩሱሲ ሻራራ ዩሰ። አሳ ኡባይ ሃሪ አቶሸን፣ አያ ጫዲዳ አሳይካ አያ ቤናና። ሳሳን ደዳያ አሳ ኡባይ አያ ገሾ ዩካና። ሄሲ ቱማ ሃናና! አሚንዳ።

8 «ካሲካ፣ ሃዲካ ደዳይሲ፣ ሲንሳፊካ ያና ጎዳይ፣ ኡባፊ ዋልቃማ ያሳይ፣ አልፋኔ ኦሚጊ ታና» \* ያገሰ ጎዳ ያሳይ።

### ጎዳ ቆንጠዳ

---

1:4-5 ከሳ 3:14፤ ዮ.ቆ 4:5      1:4-5 አሳ 55:4፤ ማዘ 89:27      1:6 ከሳ 19:6፤ ዮ.ቆ 5:10      1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ቴሴ 4:17፤ ዛካ 12:10፤ ዮሃ 19:34      \* 1:8 አልፋኔ ኦሚጋ፣ ገርኬ ደናን አልፋኔ ኦሚጊ ኮይሮኔ ወርሰላ ፐዳላታ፤ ቢርሸላይካ ኮይሮኔ ወርሰላ ጉሱ።      1:8 ዮ.ቆ 22:13፤ ከሳ 3:14



9 ታን፤ የሃሳብ፤ ሃንቲ አሻይ፤ ሃንቲራ አሲፊ ዬሱሳን ዋያ፤ እያ ካዎቲላኔ እያ ዳንዳባ ቤባስ። ታን ያሳ ቃላ ገሽኔ ዬሱሳን ማርካቲዳ ገሽ ፓዊሞ ጊያ ሃሳን ቲቁቲዳ ቢታን ዳዳይስ።

10 ሳ፤ ጋላሳን ታ ገሻ እያናን ሃራታዳ ዳዳይስ፤ ታ፤ ጉዬራ ዋይዜ ፑና ሜላ ጊታ ገርሲ ሲባስ።

11 ሃ ገርሳይ ታና፤ «ኔ ቤዔይሳ ማዖፋን ዓፋዳ፤ አሲያን ዳዳይ ላፑን ዋሳ ከላታስ፤ ኤፌሶና፤ ሳሚርኔሳ፤ ጴርጋሞና፤ ቲያቲርና፤ ሳርዳሳ፤ ፊላዳልፊያኔ ሎደቂያ ዬዳ» ያገሰ።

12 ታን ታው ኦሊያ ገርሳ ቤባናው ጉዬ ሰማዳ ያሞፔ ዋሊያ ላፑን ዋርቃ ኮጫታ ቤባስ።

13 ሃ ኮጫታ ገደን አሳ ናባ ዳኔይሳ ቤባስ። አ ኣዱሳ አፊላ ባ ቶሁዋ ጋሊ ማዒስ፤ ዋርቃ ዳንጮን ባ ቲራ ዳንጪስ።

14 እያ ሁዔይኔ እያ ቢናይይ ቦላ ደርሳ አኪሴ ሜላ ዋይኮ ሻቻ ሜላ ቦላ፤ እያ አይፊይ ታማ ላጮ ዳኔስ።

15 እያ ቶሆይ ታማን ሴሪዲ ዘዒዳ ናሴ ቢራታ ዳኔስ፤ እያ ገርሳይካ ጊታ ሻፋ ኮሺንቻ ሜላ።

16 አ ባ ኦሻቻ ኮሺን ላፑን ያለንቶታ ኦይኪስ። እያ ደናፔ ናሞራ ባጋራ ቃራቲዳ ማሺ ከዬስ። እያ ሰሞያይ ሴታ ጋላሳ አዋ አይፊ ዳኔስ።

17 ታን እያ ቤዒዳ ዋይ ሃይቁዳ አሳዳ ሃናዳ እያ ቶሁዋ ማታን ከንዳስ። አ ባ ኦሻቻ ኮሺያ ታ ቦላ ዋሊዳ፤ «ያዮፋ፤ ኮይርይ ወርሴላይ ታና።

18 ታን ዴያን ዳዳይስ፤ ታን ሃይቃስ፤ ሺን ሄኮ ሜሪ ማሪናወካ ዴያን ዳዳይስ። ሃይቆኔ ሲያሌ ቁልፔይ ታ ኮሺና።

19 ሂዛ፤ ሃዒ ሃሊያባኔ ሲንላፊ ሃናናባ ኔ ቤዒዳባ ዓፋ።

20 ኔን ታ ኦሻቻ ኮሺን ቤዒዳ ላፑን ያለንቶታኔ ላፑን ዋርቃ ኮጫታ ቢርሼላይ ሃይሳ፤ ላፑን ያለንቶቲ ላፑን ዋሳ ከላታ ኪታንቾታ፤ ላፑን ዋርቃ ኮጫቲ ላፑን ዋሳ ከላታ።»

## 2

### ኤፌሶና ዋሳ ከላሳ ከቲቲዳ ኪታ

1 «ኤፌሶና ዋሳ ከላ ኪታንቾዋስ ሃይሳዳ ያጋዳ ዓፋ።

ባ ኦሻቻ ኮሺን ላፑን ያለንቶታ ኦይኪዳይስኔ ላፑን ዋርቃ ኮጫታ ገደራ ሃሙቲይሲ ሃይሳዳ ያገሰ።

2 ታን ኔ ኦሱዋ፤ ኔ ዳቡራኔ ኔ ገንጫ ኤራይስ። ኔን አታ አሳታባ ገንጫናው ዳንዳባናይሳ ኤራይስ። ቃሲ ሃዋሪ ገደናሺን ባንታና፤ ሃዋሪ ገይሳታ ፒልጋ ኤራዳ ኤንቲ ዋርዳንቾ ገይይሳ ዳሚዳይሳ ታ ኤራይስ።

3 ኔን ገንጫዳሳ፤ ታ ስንሳ ገሽ ሜቶ ዳንዳዳዳሳ፤ ያኔታባካ።

4 ገደሺን፤ ሃዒ ታ ኔና ቦሪያባይ ዳዒስ፤ ሄሲካ ኔን ካሴ ኔ ሲቁዋ አጋዳሳ።

5 ሃዛ፤ ኔ አይ ሜላ ቶቃ ቤሳፊ ከንዲዳኮ አካካ፤ ኔ ናጋራፔ ስማ፤ ኔን ካሴ ኦሊያ ኦሱዋ ኦላ። ኔን ኔ ናጋራፔ ሲሞና አይኮ፤ ኔ ያሞፔ ዋሊያ ኮጫ እያ ቤሳፊ ኤካና።

6 ሃዒ ታ ኔና ናሺያ አሲባይ ዳዒስ፤ ታ አይያ ኔቆላዌታ ኦሱዋ ኔካ አፃዳሳ።

7 ገሻ እያናይ ዋሳ ከላታስ ገያባ ሲባናው ሃይላ ዳዒያ ኦኒካ ሲያ። ያኒያ ኦኒካ ያሳ ጋናቲያን ዳዒያ ዴያ ሚሌ አይፊፔ ማና ሜላ ማታ አገማና።

### ሳሚርኔሳ ዋሳ ከላሳ ከቲቲዳ ኪታ

8 «ሳሚርኔሳ ዋሳ ከላ ኪታንቾዋስ ሃይሳዳ ያጋዳ ዓፋ።

ኮይርይኔ ወርሴላይ፤ ሃይቁዳይስኔ ሃይቆፔ ዳንዲዳይሲ ሃይሳዳ ያገሰ።

9 ታን ኔ ዋያኔ ኔ ማንቆቲላ ኤራይስ፤ ገደሺን ኔን ዳፊ። አይሁዳ ገደናሺን ባንታና አይሁዳ ገይሳቲ ጫያ ጫሻ ታ ኤራይስ፤ ሺን ኤንቲ ዓላሄ ማባራን ዴያሶና።

10 ኔን ኤካናው ዳዒያ ዋያ ባቦፋ። ያላሄይ ሃንቲፊ አሲታ አሲታ ፓጫናው ቃሾ ከላን ዬጋና፤ ታው ጋለስ ጋካናው ሃንቲ ዋይታና። ሃይቃና ጋካናው አማኔቲዳይሳ ገዳ፤ ታ ኔው ዴያ ካላቻ አማና።

11 ገሻ እያናይ ዋሳ ከላታስ ገያባ ሲባናው ሃይላ ዳዒያ ኦኒካ ሲያ። ያኒያ ኦኒካ ናሞዓንሶ ሃይቁዋን ቆሄቲና።

### ጴርጋሞና ዋሳ ከላሳ ከቲቲዳ ኪታ

12 «ጴርጋሞና ዋሳ ከላ ኪታንቾዋስ ሃይሳዳ ያጋዳ ዓፋ።

1:13 ዳኔ 7:13፤ ዳኔ 10:5    1:14 ዳኔ 7:9    1:14 ዳኔ 10:6    1:15 ሄከ 1:24፤ 43:2    1:17 አሳ 44:6፤ 48:12፤ ዮ.ቆ 2:8፤ 22:13    2:7 ሜሊ 2:9፤ ዮ.ቆ 22:2፤ ሄከ 28:13፤ 31:8    2:8 አሳ 44:6፤ 48:12፤ ዮ.ቆ 1:17፤ 22:13    2:11 ዮ.ቆ 20:14፤ 21:8

ናምቦ ባጋራ ቃራተዳ ማሺ ዳዔይሲ ሃይሳዳ ያገሰ።

13 ታኒ ኔ ዳዔያ ቤሳ ኤራይሰ፤ ኔኒ ፃላሂ ኣራታይ ዳዔያ ቤሳን ዳዓሳ፤ ታ ሱንላ ማንላ ርገዳሳ። ሃሪ ኣቶሺን፣ ፃላሂይ ዳዔያ ሃንጉ ካታማን ሃይቄዳ ታው ኣማኔተዳ ማርካይ፣ ኣንጉጳሲ፣ ዳዔያ ዋይካ ኣማኑዋ ኣገባካ።

14 ገደሺን፣ ታ ኔና ቦሪያ ጉላባቴ ዳዖሶና። ሄሲካ ኢሰራዔሌ ኣሳይ ኤቃሰ ያርሼተዳ ካላ ሚዲ ቱናና ሚላኔ ሳይማቴላ ርገራ ኦላና ሚላ ባላቃ ታማርሲዳ ባላማ ቲሚርቲያ ኤኪዳ ኢሲ ኢሲ ኣሳቴ ኔራ ዳዖሶና።

15 ሃሳዳካ፣ ኒቆላዋታ ቲሚርቲያ ታማሪያ ኣሳቴ ኔራ ዳዖሶና።

16 ሃሳ ገሹ፣ ኔኒ ኔ ርገራቴ ሲማ። ሄሲ ሃናና ኢዳኮ፣ ታ ኔኮ ኤሌሳ ያዳ ሄ ኣሳታ ታ ዶና፤ ከያ ማሻን ኦላና።

17 ጌሻ ኣያናይ ዋሳ ከላታሰ ገያባ ሲዳናው ሃይሌ ዳዔያ ኦኒካ ሲዖ። ይኒያ ኦዳሰካ ቆሲተዲ ዳዔያ ማናፌ \* ኢማና። ቃሲ ኤኪያ ኡራፔ ኣተን ሃራ ኣሲ ኡርና ኡራላ ሱንላይ ፃፊተዳ ቦላ ሹቾ ታ ኢያው ኢማና።

**ቲያተርና ዋሳ ከላሰ ከቲተዳ ከታ**

18 «ቲያተርና ዋሳ ከላ ከታንቸዋሰ ሃይሳዳ ያገዳ ፃፋ።

ታማ ላጮ ዳኒያ ኣይፌይ ዳዔይሲ፣ ቃሲ ታማን ሴራዳ ናሴ ቢራታ ዳኒያ ቶሆይ ዳዔይሲ፣ ዖሳ ናዓይ፣ ሃይሳዳ ያገሰ።

19 ታኒ ኔ ኦሱዋ፣ ኔ ሲቆዋ፣ ኔ ኣማኑዋ፣ ኔ ኦሱዋኔ ኔ ጌንጫ ኤራይሰ። ኔኒ ኮይሮ ኦሌይሳፌ ሃዒ ኣላዳ ኦሌይሳካ ኤራይሰ።

20 ገደሺን፣ ታ ኔና ቦሪያ ኢሲባይ ዳዔሰ፤ ባና ናቤ ገያ ማጫሲው፣ ኤልዘቤሎ፣ ኣይኮካ ጋባካ። ሄ ማጫሲያ ኤቃሰ ያርሼተዳ ካላ ሚዲ ቱናናዳኔ ሳይማታናዳ ኦላዳ ታ ኣይሌታ ባሌላሰ።

21 ኢያ ባ ርገራ፣ ሲማና ሚላ ታ ኢው ዋይ ኢማሰ፣ ሺን ኢያ ሲማናው ኮያቡከ።

22 ኤንጉ ኢ ባላ ኣገያ፣ ሲሞና ኢዳኮ፣ ታ ኢዮ ኢታ ሃርጌን ዬጋና፤ ኢራ ላይማቴይሳተካ ኢታ ዋዬ ዋዬታና።

23 ታኒ ኢ ናይታ ዋፋና፤ ቃሲ ዋሳ ከላ ኡባይ ታ ኣሳ ቆፋኔ ኣሳ ዋዘና ኤሬይሳ ገዳይሳ ኤራና፣ ታ ኢሱዋሰ ኢሱዋሰ ሃንጉ ኦሱዋዳ ኦሱዋዳ ኢማና።

24 ሺን ቲያተርናን ዳዔያ ሃራታ፣ ሄ ኢታ ቲሚርቲያ ኤኪቦናይሳታኔ፣ «ፃላሂ ገታ ፀራ» ጌቲቲያ ሃ ቲሚርቲያ ታማሪቦና ሃንጉና ሃራ ዳዖ ቶሆ ቶሲከ።

25 ገደሺን፣ ታ ያና ጋካናው ሃንጉው ዳዔያባ ሚንላ ናገቲ።

26 ዩይሳሳሲኔ ጠርሴላ ጋካናው ታው ከቲተያ ኦዳሰካ ካዋቴላታ ሃራና ሚላ ማታ ኢማና።

27 «ኢ ኤንታ ቢራታ ፃምዓን ሃራና፤ ማቃ ሚሼዳካ ማንጫራላና።»

ሄ ማታይ ታኒ ታ ኣዋፔ ኤኪዳ ማታ ሚላ።

28 ቃሲ ታ ኢያው ባካላ ያለንቶ ኢማና።

29 ጌሻ ኣያናይ ዋሳ ከላታሰ ገያባ ሲዳያ ሃይሌ ዳዔያ ኦኒካ ሲዖ።

**3**

**ሳርዳሳ ዋሳ ከላሰ ከቲተዳ ከታ**

1 «ሳርዳሳ ዋሳ ከላ ከታንቸዋሰ ሃይሳዳ ያገዳ ፃፋ።

ላፑን ዖሳ ኣያናታኔ ላፑን ያለንቶታ ኦይኪዳይሲ ሃይሳዳ ያገሰ። ታኒ ኔ ኦሱዋ ኤራይሰ፤ ኣሲ ኔና ፓፃ ዳዔሰ ገኮካ፣ ኔ ሃይቃዳሳ።

2 ባርካ! ጉላ ኣተዳባኔ ሃይቃናው ማቲዳባ ሚንላ። ኔ ኦሶይ ዖሳ ሲንላን ፖሎ ገደናይሳ ዳማሰ።

3 ሃዘ፣ ኔ ኤኪዳባኔ ሲዳዳባ ኣከካ፤ ናጋ፤ ኔ ርገራ፣ ሲማ። ኔኒ ባርኮና ኢዳኮ ታ ካይሶዳ ያና፤ ታ ኣይ ዋይ ያኔኮ ኔ ኤራካ።

4 ሺን ባንታ ማፀባዎ ቁታዮና ጉላ ኣሳቴ ሳርዳሳን ዳዖሶና። ኤንታው ቤሲያባ ገደዲ ገሾ ቦላ ማዖ ማዒዲ ታራ ሃሙታና።

5 ይኒያ ኦኒካ ኤንታይሳዳ ቦላ ማዖ ማዖና። ታኒ ኢያ ሱንላ ዳዖ ማፃፋፔ ቁቸከ። ታኒ ታ ኣዋ ሲንላኒኔ ኢያ ከታንቸታ ሲንላን ኢ ታባ ገዳይሳ ማርካታና።

6 ጌሻ ኣያናይ ዋሳ ከላታሰ ገያባ ሲዳያ ሃይሌ ዳዔያ ኦኒካ ሲዖ።

2:14 ታይ 22:5 \* 2:17 ማና፣ ኢሰራዔሌ ኣሳይ ባዘ ቢታን ሃሙቲያ ዋይ ሳሎፔ ዖሳይ ኤንታው ኢሚዳ ዳማ ካላ ዋይኮ ከታንቸ ካላ። 2:17 ከላ 16:14 2:20 1ካዋ 16:31፤ 2ካዋ 9:22 2:23 ማዘ 7:9፤ ኤር 17:10፤ ማዘ 62:12 2:26 ማዘ 2:8-9 3:3 ማቶ 24:43 3:5 ከላ 32:32

**ፊላዴልፊያ ዋሳ ኬላስ ከቴቲዳ ከታ**

7 «ፊላዴልፊያ ዋሳ ኬላ ከታንቸዋስ ሃይሳዳ ያጋዳ ዓፋ።

ገሻይኔ ተማንቸይ፣ ዳዊቱ ቁልፒያ ባ ከሽን ኦይኪዳይሲ፣ ሃይሳዳ ያገሰ። ኢ ጎርዳን ኦኒካ ደያናው ዳገዳዳና፣ ቃሲ ኢ ደዩን ኦኒካ ጎርዳናው ዳገዳዳና።

8 ታኒ ኔ ኦሱዋ ኤራሰ፤ ሄኮ ታ ኔ ሲንላን ኦኒካ ጎርዳናው ዳገዳዳና ደያ ፔንጌ ዋሳስ። ኔ ዋልቃይ ጉላ ገዲኮካ፣ ታ ቃላ ናጋዳሳ፤ ታና ካዳባካ።

9 አይሁዴ ገደናሽን ባገታና አይሁዴ ገደ ዋርደታኔ ዓላሃ ባጋታ ኔኮ ኤሃና ኔ ሲንላን ጉልባቲሳና። ታ ኔና ደሴይሳ ኤንታና ኤራሳና።

10 ኔጎ፣ ርገጫ» ጋዳ ታ ከቴቲዳ ከታ ናገዳ ገሾ ኩሚላ አላሚያ ፓጫናው ያ ዋዬ ዋዲያፔ ታኒ ኔና ናጋና።

11 ታኒ ኤሌሳዳ ያና፤ ኦኒካ ኔ ካላቻ ኤኮና ሜላ ኔው ዳዲያባ ሚንላዳ ያይካ።

12 ያኒዳይሳ ታ ያሳ ከላን ቱሱ ኦላና፤ ኢ ያን ሜሪናው ዳና። ታኒ ታ ያሳ ስንላኔ ታ ያሳ ካታማ ስንላ ኢያ ቦላ ዓፋና፤ ኢያካ ታ ያሳ ማታፔ ዋጂያ ኦራሳ ዩራሳላሚ። ቃሲ ታ ታ ኦራሳ ስንላካ ኢ ቦላ ዓፋና።

13 ገሻ አያናይ ዋሳ ኬላታስ ገያባ ሲዲያ ሃይሌ ዳዲያ ኦኒካ ሲዎ።

**ሎዶቂያ ዋሳ ኬላስ ከቴቲዳ ከታ**

14 «ሎዶቂያ ዋሳ ኬላ ከታንቸዋስ ሃይሳዳ ያጋዳ ዓፋ።

ሳሚንባ» ገዲዳ አማኔቲዳ ተማ ማርካይ፣ ያሳ ሜጴቲላ ሃራይሲ ሃይሳዳ ያገሰ።

15 ታኒ ኔ ኦሱዋ ኤራሰ፤ ኔጎ ኢርፃ ዋይኮ ሚሻ ገዳካ፤ ኔጎ ናሞዳሬ ኢሱዋ ገዲኮ ሎዎ!

16 ኔጎ ኢርፃ ዋይኮ ሚሻ ገደናሽን ቦልዎ ገዲያ ገሾ ታ ኔና ታ ደናፔ ጨታና ሃናይሰ።

17 ሄዛ፣ ኔጎ፣ ታኒ ዱሬ፣ ሻሎራ ዳዳይሰ፣ ታው አይቢባይካ ፓጨቢና ያጋሳ። ሽን ኔጎ ማቶታንቸ፣ ማንቆ፣ ቆቄኔ ካሎቲዳ አሲ ገዲይሳ ኤራካ።

18 ሄሳ ገሾ፣ ኔ ዱራታናው ታማን ገዪዳ ዋርቃ፣ ኔ ዬላ ካሎዋ ካማናው ቦላ ማዎኔ ሎይላ ያላናው ማዲያ አይሬ ሳሌ ታፔ ሻማና ሜላ ኔና ዘራይሰ።

19 ታ ደሴይሳ ስራይሰኔ ሃንቃይሰ፤ ሄዛ ሚና፤ ኔ ናጋራፔ ሰማ።

20 ሄኮ፣ ታ ካራን ኤቃዳ ያጋይሰ። ኦኒካ ታ ያሳ ሲዲዳ፣ ገላ ደዩኮ፣ ኢያኮ ገላና፤ ኢያራ ኢሲሬ ካሌ ማና፤ ኢካ ታራ ኢሲሬ ማና።

21 ታ ያናዳ ታ አዋራ ኢያ አራታን ኡቲዳይሳዳ ያኒዳይ ታራ ታ አራታን ኡታና ሜላ ማታ አማና።

22 ገሻ አያናይ ዋሳ ኬላታስ ገያባ ሲዲያ ሃይሌ ዳዲያ ኦኒካ ሲዎ» ያገሰ።

**4**

**ሳሎን ዳዲያ ጎይና ዋጋ**

1 ሃሳሬ ጉዬ፣ ታኒ ሳሎ ያሊያ ዋዴ ደይቲዳ ፔንጌ ቤዓስ። ቃሲ ታ ካሲ ሲዲዳ ሞይዜ ገርሳ ማላይ ታኮ፣ «ሃ ኪያ፤ ሃይሳሬ ጉዬ፣ ሃናናው ዳዲያባ ታ ኔና ቤሳና» ያገሰ።

2 ሄ ዋዴ ታ አያናን ሃራታዳ ዳዳይሰ። ሄኮ፣ ሳሎዋን አራታ ቦላ ኢሶይ ኡቲዳይሳ ቤዓስ።

3 ሄ ኡቲዳይሳ ማላይ ኢያስጳዴኔ ሳርዲዮና ገያ አልዎ ሹቻ ሜላ። ኢያ አራታ የሹዋን አልዎ ሹቻ ዳኒያ ዙላይ ዳዳሰ።

4 ሄ አራታ የሹዋን ላታማኔ ኦይዱ አራታቲ ዳዎሶና፤ ኤንታ ቦላ ቦላ ማዎ ማዲዳ፣ ሁዳን ዋርቃ ካላቻ ዋሊዳ ላታማኔ ኦይዱ ጨማቲ ኡቲዳሶና።

5 አራታፔ ዋልባገላ፣ ጉንላኔ ዳሾይ ኬዬሰ። አራታ ሲንላን ላፑን ፖዲያ ያሞፔቲ ዳዎሶና፤ ኤንታ ላፑን ያሳ አያናታ።

6 አራታ ሲንላን ቢራሌ ዳኒያ ጳሊያ ቡርጩኮ አባይ ዳዳሰ። ሲንላራኔ ጉዬራ አይሬይ ዳዲያ ኦይዱ ዳዎራ ዳዲያ ሜጴቲላቲ አራታ የሹዋኒኔ አራታ ገደን ዳዎሶና።

7 ከይር ሜጴቲላ ሜጴይ ጋሞ ዳኔስ፤ ናሞዳንላይ ቦራ ዳኔስ፤ ሃቫንላይ አሴ ዳኔስ፤ ቃሲ ኦይዳንላይ ፒራጂያ አርጋገላ ዳኔስ።

8 ኦይዱ ሜጴቲላታ ኡባስ ኡሱፑን ቁሬይ ዳዳሰ፤ ኤንታ አሳቲላ ኡባይ አይሬን ኩሚሰ። ኤንቲ ቃማኔ ጋላስ ቃንዮና።

3:7 እሳ 22:22፤ እዮ 12:14    3:9 እሳ 49:23፤ 60:14፤ እሳ 43:4    3:12 ዮ.ቆ 21:2፤ እሳ 62:2፤ 65:15    3:14 ለሚ 8:22    3:19 ለሚ 3:12፤ ኢሳ 12:6    4:2 ሄዘ 1:26-28፤ 10:1    4:5 ከሳ 19:16፤ ዮ.ቆ 1:4፤ ዮ.ቆ 8:5፤ 11:19፤ 16:18፤ ሄዘ 1:13፤ ዛካ 4:2    4:6 ሄዘ 1:22    4:6 ሄዘ 1:5-10፤ 10:14    4:8 ሄዘ 1:18፤ 10:12፤ እሳ 6:2

«ጌሻው፣ ጌሻው፣ ጌሻው፣  
ጎዳው፣ ኡባፌ ዋልቃማ ያሳው፣  
ካሴካ፣ ሃራካ ዳዔይሶ፣ ሲጎሳፌ ያናይሶ»

ያሳሰና።

9 ሄ ሜዴቴላቲ አራታን ኡቲዳይሳሲኔ ሜሪናው ዳዔይሳሰ ሳባ፣ ቦንቾኔ ጋላታ ኢሚዳ ዋዴ

10 ላታማኔ ኦይዱ ጨማቲ አራታን ኡቲዳይሳኔ ሜሪናው ዳዔይሳ ሲጎሳን ጉፋኒዲ ጎይኒዶሶና፤  
ባንታ ካላቻ አራታ ሲጎሳን ዋሴዲ፣

11 «ኑ ጎዳው፣ ኑ ያሳው፣  
ኔኒ ቦንቾ፣ ሳባኔ ዋልቃ ኤካናው ቤሳሳ።

ኔኒ ኡባ ሜዳዳሳ፤  
ኡባባይ ኔ ሼኒያዳ ሃኒሰ፣ ሜዴቲሰ»

ያገደሶና።

### 5

#### ደርሳይ 9ላ ማፃፋ ደዪሰ

1 ሄሳፌ ጉዬ፣ አራታ ቦላ ኡቲዳይሳ ኡሻቻ ኩሼን ገደራኔ ካሬራ ያፌቲዳ ላቸን ማታሜን ጎርዴቲዳ 9ላ ማፃፋ ቤዓሰ።

2 ኢሲ ሚኖ ኪታንቾይ ባ ቃላ ቋቁ ኦሴዲ፣ «ማታሚያ ቢላናውኔ ማፃፋ ደያናው ቤሴይ ኦኔ?»  
ያገደዱ አዋጂሺን ቤዓሰ።

3 ሺን ሳሎን ገዲን ሳባን ዋይኮ ሳባፕ ጋርሳን ገዲን ሄ 9ላ ማፃፋ ቢላናውኔ ገዲዋ ቤዓናው ዳንዳዔይ ኦኔካ ቤንቲቤና።

4 9ላ ማፃፋ ቢላናውኔ ኢያ ገዲዋ ቤዓናው ቤሲያ አሲ ቆዶዳ ገሾ ታ ዳር ዬካሰ።

5 ያቲን፣ ጨማታፕ ኢሶይ ታኮ፣ «ዬኮፋ! ሄኮ፣ ዪሁዳ ዜሬሴ ገዲያ ጋዎይ፣ ዳዋቲ ሼሻይ፣  
ላቸን ማታሜታ ቢላናውኔ ማፃፋ ደያናው ዳንዳዔይ» ያገሰ።

6 ሄሳፌ ጉዬ፣ ሹኩቲዳ ደርሳይ አራታሰ፣ ኦይዱ ዳፆን ዳዔያ ሜዴቴላታሲኔ ጨማታሰ ገደን፣  
ኤቁዳይሳ ቤዓሰ። ኢያው ላቸን ካጩቲኔ ላቸን አይፊቲ ዳፆሶና። ሄሳቲ ሳባ ኡባ ከቲቲዳ ያሳ ላቸን አያናታ።

7 ሄ ደርሳይ ቢዲ፣ አራታ ቦላ ኡቲዳይሳ ኡሻቻ ኩሼፕ 9ላ ማፃፋ ኤኪሰ።

8 ኢ ሄ 9ላ ማፃፋ ኤኪዳ ዋዴ ዳፆን ዳዔያ ኦይዱ ሜዴቴላቲኔ ላታማኔ ኦይዱ ጨማቲ ደርሳ ሲጎሳን ኩንዲዶሶና። ኤንቲ ኢሶይ ኢሶይ ዲሴኔ ጌሻታ ዋሳ ገዲዳ ኢካይይ ኩሚዳ ዋርቃ ሻቲ ኦይኪዶሶና።

9 ኤንቲ፣

«9ላ ማፃፋ ኤካናው፣  
ማታሚያ ቢላናው ኔው ቤሴሰ።

አይሰ ገኮ፣ ኔኒ ሹኩታዳሳ፤  
ዜሬሴ ኡባፌ፣ ዳማ ዳማ ዳናፕ፣

ያራታፕኔ ካዎቴላታ ኡባፌ  
ኔ ሱላን ያሳሰ ዋዛዳሳ።

10 ኤንቲ ኢያ ያሳ አዋሰ ኦሳና ሜላ  
ኤንታና ካሂኔ ካዎቴሴ ኦሳዳሳ።

ኤንቲካ ቢታ ኡባ ሃራና።  
ያገደዱ ኦራላ ማዝሙራ ዬዲዶሶና።

11 ታ ቤዔያ ዋዴ ሙኩሉ ቶሆ ሙኩሉኔ ታሙ ሙኩሉ ቶሆ ታሙ ሙኩሉ ገዲያ ኪታንቾታ ገርሳ ሰዓሰ። ኤንቲካ አራታ፣ ኦይዱ ዳፆን ዳዔያ ሜዴቴላታኔ፣ ጨማታ የሹዋን ኤቁዳሶና።

12 ሄ ኪታንቾቲ ቋቁ ገዲ ቃላን፣  
«ሹኩቲዳ ደርሳይ ዋልቃ፣ ዳራቴሴ፣

ጨንጫቴሴኔ ሚኖቴሴ፣  
ቦንቾ፣ ሳባኔ ጋላታ ኤካናው ቤሴሰ»

ያገደሶና።  
13 ሄሳፌ ጉዬ፣ ሳባን፣ ሳሎን፣ ሳባፕ ጋርሳኒኔ አባ ገደን ዳዔያ ሜዴቴሴ ኡባይ፣  
«አራታ ቦላ ኡቲዳይሳሲኔ ደርሳሰ፣

ጋላታይ፣ ቦንቾይ፣ ሳባይኔ ዋልቃይ

ሜሪ ሜሪናው ገደ»

ያገደዱ ዩዊሽን ሲባሉ።

14 እይዱ ደዎን ደዉያ ሜዴቴላተ፣ «አሚንግ» ያገደሱና፤ ቃሲ ጨማጥ ጉፋኒዲ ሳይገደሱና።

### 6

ማታሚያ ደዩቴላ

1 ደርሳይ ላፑን ማታሚያፕ ኢሱዋ ደዩሽን ቤባሰ። ቃሲ እይዱ ደዎን ደዉያ ሜዴቴላታፕፕ ኢሶይ፣ ዳዳ ዳሾ ገርሳን፣ «ሃያ!» ያገረሽን ሲባሉ።

2 ሄኮ ቦላ ፓራ ቤባሰ። ሄ ፓራ ቶጊዳሲ ደንጌ ኦይኪሰ፤ ኢያ ሁዔን ካላቺ ዳዒሰ። ኢካ ያኒሼ ያናናው ከደሰ።

3 ቃሲ ደርሳይ ናሞባንላ ማታሚያ ደዩዳ ዋዴ ደዎን ደዉያ ናሞባንላ ሜዴቴላይ፣ «ሃያ!» ያገረሽን ሲባሉ።

4 ቃሲ ሃራ ሲሃ ዘዎ ፓሪ ከደሰ። ሄ ፓራ ቶጊዳይሳሰ ሳባፕ ሳር ጳይሳና ሜላኔ አሳይ ዋሊ ጠርሳና ሚላ ማቴኔ ገታ ማሽ አሜቴሰ።

5 ደርሳይ ሄሻንላ ማታሚያ ደዩዳ ዋዴ ደዎን ደዉያ ሄሻንላ ሜዴቴላይ፣ «ሃያ!» ያገረሽን ሲባሉ። ሄኮ ካራላ ፓራ ቤባሰ፤ እካ ባ ኩሽን ሚዛኔ እይኪሰ።

6 እይዱ ደዎን ደዉያ ሜዴቴላታ ገደፊ፣ «ኢሲ ጋላሳ ኦሶሰ ዳሞዜ፣ ባጋ ኪሎ ገሰቴ፤ ቃሲ ኢሲ ጋላሳ ኦሶሰ ዳሞዜ፣ ኢሲ ኪሎኔ ባጋ ባገጋ ገደ። ሽን ዛይቴያኔ ዋይኒያ ቆሆፓ» ያገረሽን ሲባሉ።

7 ደርሳይ እይዳንላ ማታሚያ ደዩዳ ዋዴ ኦይዳንላ ደዎን ደዉያ ሜዴቴላይ፣ «ሃያ!» ያገረሽን ሲባሉ።

8 ሄኮ ዋንጮ ፓራ ቤባሰ። ሄ ፓራ ቶጊዳይሳ ሱንላይ ሃይቆ፤ እያ ጌዶ ሲያሌይ ካሌሰ። ኤንታው አላሚፕ ኦይዳንላ ኩሺያ ኦላን፣ ኮሻን፣ ጋዶኒኔ ደዓን ዋዲሳና ሚላ ማቴ አሚቴሰ።

9 ደርሳይ ኢቻሻንላ ማታሚያ ደዩዳ ዋዴ ኤንቴ ያሳ ቃላ ኦዲዳ ገሽኔ ባንታ ማርካቴላን አሚቴዳ ገሾ ሹኩቴዳ አሳ ሽሞፓፓ ያርሾ ቤሳፊ ጋርሳን ቤባሰ።

10 ኤንቴ ባንታ ቃላ ቶቁ ኦላዲ፣ «ኤሳ ሃሪያ ሳዳው፣ ገሻው፣ ቴማንቹዋው፣ ሳባን ደዉያ አሳ ቦላ ኔ ፐርዳናይኔ ኦ ሱላ ገሾ ሃሎ ኬያናይ አዉዳ?» ያገደሱና።

11 ኤንታ ኢሱዋሰ ኢሱዋሰ ቦላ ማያይ አሚቴሰ። ኤንታይሳዳ ሃኒዳ ሃይቃናው ቤሲያ ኤንታ ላጌታ ታይቦይ ኩማና ጋካናው ጉላ ዋዴ ሽሞፓፓ ሚላ ኤንታው ኦዴቴሰ።

12 ደርሳይ ኤሱፑንላ ማታሚያ ደዩዳ ዋዴ ታ ቤባሰ፤ ዋልቃማ ቢታ ቃይይ ሃኒሰ። አዋ አይፊይ ካራዲዳ ካሊ ዳኒሰ። አጌናይካ ዘዒዳ ሱሉ ዳኒሰ።

13 ዋልቃማ ጫርኮይ ጫርኪዳ ባላሴ ሚላ ቃዉዒ አይፊያ ቆቆፊይሳዳ ሳሉዋ ያለንቶቴ ሳባን ቆቆፊቴዳሰና።

14 ሳሎይ ያላ ማፃፋዳ ያፃቴዳ አዲሰ፤ ዙማይኔ አባን ቴቁቴዳ ቢታቴ ባንታ ቤሳፊ ጳዩደሰና።

15 ቢታ ካዎቴ፣ ዳሪያ ሃሪይሳቴ፣ ኦላ ካሌሌይሳቴ፣ ዳሬቴ፣ ዋልቃማቴ፣ አይሌቴን፣ ማሞናቴ ጎንጎሎኒኔ ዳሪያ ቦላ ደዉያ ዘላ ሆሞዎን ቆሰቴዳሰና።

16 ኤንቴካ ዙማኮኔ ዛላኮ፣ «ኦ ቦላ ዋዲቴ፤ ኦና ቆሲቴ፤ አራታን ኡቴዳይሳ አይፊያፕኔ ደርሳ ሃንቁዋፊ ኦና ጌንሊቴ።

17 ሃዛ፣ ጌታ ሃንቁ ጋላሳይ ጋኪሰ፤ ኦኔ ዳንዳዒዳ ኤቃናይ?» ያገደሱና።

### 7

144፣000 አሳታ ቦላ ማታሚያ ዋሲቴሰ

1 ሃሳፊ ጉዩ፣ እይዱ ኪታንቸቴ እይዱ ሳባ ጋፃን ኤቁዳይሳታ ቤባሰ። ሄ ኪታንቸቴ ሳባ ቦላ ዋይኮ አባ ቦላ ዋይኮ እይ ሚላ ቦላ ጫርኮይ እይዱ ሳባ ጋፃፕ ጫርኮና ሚላ ቴቁደሰና።

2 ቃሲ ደዎ ያሳ ማታሚያ እይኪዳ ሃራ ኪታንቸይ ደሎሃ ባጋፊ ኬይይሳ ቤባሰ። ሄ ኪታንቸይ ባ ቃላ ቶቁ ኦላዲ፣ ሳባኔ አባ ቆሃናው ዋልቁ አሚቴዳ እይዱ ኪታንቸታ።

3 ጃጊዳ፣ «ኦኒ ያሳ አይሌታ ሰሞዎን ማታሚያ ዋሳና ጋካናው ቢታ ዋይኮ አባ ዋይኮ ሚላ ቆሆፕቴ» ያገሰ።

4 ያቴን፣ ታኒ ያሳ ማታሚያ ሰሞዎን ዋሲቴዳይሳታ ፓይዱዋ ሲባሰ። ኢሰራዔሌ ማይዛታ ኡባፊ ጃታኔ እይታማኔ እይዱ ሙኩሉ አሳሰ ሰሞዎን ማታሚያ ዋሊሰ።

6:2 ዛካ 1:7    6:4 ዛካ 1:7    6:5 ዛካ 6:2    6:8 ሄከ 14:21    6:12 ዮቆ 11:13፤ 16:18፤ አሳ 13:10፤ ኤር 2:10    6:13 አሳ 34:4    6:14 ዮቆ 16:20    6:15 አሳ 2:19    6:16 ሆሴ 10:8፤ ሉቃ 23:30    6:17 ኤር 2:11፤ ሚል 3:2    7:1 ኤር 49:36፤ ዳኔ 7:2፤ ዛካ 6:5    7:3 ሄከ 9:4

- 5 ዪሁዳ ዜሬላፌ ታማኔ ናምዑ ሙኩሉ፥  
 ርቤላ ዜሬላፌ ታማኔ ናምዑ ሙኩሉ፥  
 ጋዴ ዜሬላፌ ታማኔ ናምዑ ሙኩሉ፥
- 6 አሴሬ ዜሬላፌ ታማኔ ናምዑ ሙኩሉ፥  
 ኒፍጋሌሜ ዜሬላፌ ታማኔ ናምዑ ሙኩሉ፥  
 ሚናሴ ዜሬላፌ ታማኔ ናምዑ ሙኩሉ፥
- 7 ሲሞና ዜሬላፌ ታማኔ ናምዑ ሙኩሉ፤  
 ሌዌ ዜሬላፌ ታማኔ ናምዑ ሙኩሉ፥  
 ዪሳኮሬ ዜሬላፌ ታማኔ ናምዑ ሙኩሉ፥
- 8 ዛቢሎኔ ዜሬላፌ ታማኔ ናምዑ ሙኩሉ፥  
 ዮሴፋ ዜሬላፌ ታማኔ ናምዑ ሙኩሉ፥  
 ቢኒያሜ ዜሬላፌ ታማኔ ናምዑ ሙኩሉ፥  
 አሳ ሶምዖን ማታሜ ዋሊስ።

**ቦላ ማዖ ማዒዳ ዳር አሳታ**

- 9 ሄሳፌ ጉዬ፥ ዜሬሊ ኡባፌ፥ ካዎቴላ ኡባፌ፥ ያራ ኡባፌኔ ዲማ ዲማ ዶናፔ ዛዌ ባይና ዳር አሳ ቤዓስ። ሄ አሳይ ቦላ ማዖ ማዒዳ፥ ዛምባ ሃይሊ ባንታ ኩሽን ኦይኪዲ፥ አራታ ሲንሳኒኔ ዶርሳ ሲንሳን ኤቁዶሶና።
- 10 ኤንቲ ባንታ ቃላ ቆቁ ኦሊዲ፥ «አቶቴላይ አራታን ኡቲዳ ኮ ያሳፌኔ ዶርሳፌ ዬስ» ያጊዶሶና።
- 11 ኪታንቸቲ ኡባይ፥ አራታ፥ ጨማንኔ ኦይዲ ሜዴቴላታ ዩሹዋን ኤቁዶሶና። ኤንቲ አራታ ሲንሳን ጉፋኒዲ ያሳ ጎይኒዶሶና።

12 «አሚንዒ!  
 አንጆይ፥ ቦንቾይ፥ ጨንጫቴላይ፥ ጋላታይ፥ ሳባይ  
 ዋልቃይ፥ ሚናቴላይ ሜሪ ሜሪናው  
 ኑ ያሳስ ጊዶ።  
 አሚንዒ!»  
 ያጊዶሶና።

13 ጨማታፔ ኢሶይ ታኮ፥ «ሃ ቦላ ማዑዋ ማዒዳ አሳቲ ኦናንቴ? ኤንቲ አወፔ ዪዶና?» ያጊዲ ኦይቸስ።

14 ታኒ ዛራዳ፥ «ጎዳው፥ ኔ ኤራሳ» ያጋስ።  
 አካ ታኮ፥ «ሃይሳቲ ዳር ዋዬ ዋዪዲ አዲይሳታ። ኤንቲ ባንታ ማዑዋ ዶርሳ ሱላን ሜጨዲ ጌሺዶሶና።

15 ሄሳ ጊሾ፥  
 ኤንቲ ያሳ አራታ ሲንሳን ጊዲዲ  
 ቃማኔ ጋላስ ኢያ ኬላን ኦሶሶና።  
 ቃሲ አራታ ቦላ ኡቲዳይሲ ኤንታው ኩያ ጊዳና።

- 16 ሃዘፔ ጉዬ፥ ኤንቲ ኮሻቶኮና፥ ሳሞቶኮና።  
 አዋ ዋይኮ ሚሺ ኤንታ ሜና።
- 17 አራታ ጊዶን ኡቲዳ ዶርሳይ ኤንታ ሄማና።  
 ዴዖ ፑልቶ ሃላኮ ኤንታ ካሊላና።  
 ያሳይ ኤንታ አይፊያፔ ኦፋፋ ኡባ ቁቻና»  
 ያጊስ።

# 8

**ላፑንላ ማታሜይ ዶዬቲስ**

- 1 ዶርሳይ ላፑንላ ማታሜያ ዶዪዳ ዋዴ ባጋ ሳቲ ጊዴይሳ ሜላ ሳሎይ ሲዒ ጊስ።
- 2 ሄሳፌ ጉዬ፥ ታኒ ላፑን ሞይዘቲ ኢሜቲዳ ላፑን ኪታንቸቲ ያሳ ሲንሳን ኤቁዳይሳታ ቤዓስ።
- 3 ኢፃኔ ጨዬሲያ ዋርቃ ሻቲ ኦይኪዳ ሃራ ኪታንቸይ ዪዲ፥ ያርሾ ቤሳ ማታን ኤቁስ። ኢ አራታ ሲንሳን ዴዒያ ዋርቃ ያርሾ ቤሳ ቦላ ጌሻታ ኡባ ዋሳራ ጉጂዲ ያርሻና ሜላ ኢያው ዳር ኢፃኔይ ኢሜቲስ።
- 4 ኢፃኒያ ጨዬይ ጌሻታ ዋሳራ ኢሲፌ ኪታንቸዋ ኩሼፔ ዩዴ ያሳኮ ኬዪስ።

5 ሃሳፌ ጉዬ፣ ኪታንቸይ ኢዮኔ ጨዩሲያ ሻቲያ ኤኪዲ፣ ኢያን ያርሾ ቤሳፌ ቦንቆ ታማ ኩንሊዲ ሳባ ዱጌ ሆሊሰ። ያቲን ዴሾይ፣ ዋልዳንሊ፣ ገርሲኔ ቢታ ቃዖይ ሃኒሰ።

ላፑን ሞይዜታ

- 6 ሃሳፌ ጉዬ፣ ላፑን ኪታንቸቲ ባንታ ሞይዜያ ፑናናው ገቢቲዶሶና።
- 7 ኮይር ኪታንቸይ ባ ሞይዜያ ፑኒያ ዋዴ ሻቸኔ ሱላራ ዋላኬቲዳ ታማ ሳሎፕ ቡኪሰ። ሳባፕ ሲኮይ ፀጌቲሰ፤ ሚላፌ ሲኮይ ፀጌቲሰ፤ ጨልዎ ማታ ኡባይ ፀጌቲሰ።
- 8 ናምዳንላ ኪታንቸይ ባ ሞይዜያ ፑኒያ ዋዴ ዋልቃማ ዴሬ ዲኒያባይ ታማን ኤጂሼ ኣባን ዩጌቲሰ። ያቲን፣ ኣባፌ ሲኮይ ሱሉ ገዲሰ።
- 9 ኣባን ዴዎን ዴዒያ ሜዴቲላፌ ሲኮይ ሃይቂሰ፤ ማርካቤታፕ ሲኮይ ቆይሰ።
- 10 ሃቫንላ ኪታንቸይ ባ ሞይዜያ ፑኒያ ዋዴ ያምፔዳ ኤጂያ ዋልቃማ ያለንቶይ ሻፋፕ ሲኩዋ ቦላኔ ፑልቶታ ቦላ ሳሎፕ ዋዲሰ።
- 11 ሃ ያለንቱዋ ሱንሳይ ጫዋ ጌቲቴሰ። ሃላፌ ሲኩዋ ጫሚሲሰ፤ ሃላይ ጫሚዳ ገሾ ዳር ኣሳይ ሄ ሃላ ኡዩዲ ሃይቂዶሶና።
- 12 ኦይዳንላ ኪታንቸይ ባ ሞይዜያ ፑኒሰ። ኣዋፕ፣ ኣጌናፔኔ ያለንቶታፕ ሲኩዋ ዴቸሰ፤ ኤንታ ፖዑፕፕ ሲኮይ ቆሚሰ። ጋላሳፕ ሲኮይ፣ ቃማፌካ ሲኮይ ቆሚሰ።
- 13 ኢሲ ኣርጋንላ ሳሎ ቆቁ ገዲ፣ ፒራዲሽን ቤዓሰ። ሄ ኣርጋንሳይ ባ ቃላ ቆቁ ኦሊዲ፣ «ኣቲዳ ሄቭ ኪታንቸቲ ባንታ ሞይዜያ ፑናናው ዴዒያ ገሾ ሳባን ዴዒያ ኣሳ ኣዬ! ኣዬ! ኣዬ!» ያገሺን ሲዓሰ።

9

- 1 ሃሳፌ ጉዬ፣ ኢቻሻንላ ኪታንቸይ ባ ሞይዜያ ፑኒን ሳሎፕ ዱጌ ሳባ ኩንዲዳ ያለንቶ ቤዓሰ። ሄ ያለንቱዋሰ ዋልቃማ ኦላ ቁልፔይ ኢሜቲሰ።
- 2 ያለንቶይ ኦላ ዶዩዳ ዋዴ ዳልጋ ጮጮፕፕ ኬያ ጩያ ሚላ ጩያይ ሄ ኦላፌ ከዩሰ። ሄ ኦላፌ ከዩዳ ጩያን ኣዋይኔ ሳሎይ ቆሚዶሶና።
- 3 ሄ ጩያፕ ቦሊይ ከዩዲ ሳባን ዋዲሰ። ሳባን ዴዒያ ኮርኔታሰ ዴዒያ ዋልቃ ሚላ ዋልቂ ቦሊታሰ ኢሜቲሰ።
- 4 ያሳ ማታሚይ ሶምዎን ባይና ኣሳ ዓላላፕ ኣቲን ሳባን ዴዒያ ማታ ዋይኮ ሚሊ ዋይኮ ኣይ ጨልዎባ ገዲን ቆሆና ሚላ ቦሊታሰ ኦይቲሰ።
- 5 ቦሊቲ ኣሳ ኢቻሹ ኣጌና ጋካናው ፓዓ ካናና ሚላ ማቲ ኢሜቲሰ፤ ኣቲን ኣሳ ዋቆና ሚላ ገዴና። ኮርኔይ ኣሲ ዱኪን ዛሚይሳ ሚላ ቦሊይ ዱኪዲ ዛሚሰሰ።
- 6 ሄ ጋላሳታን ኣሳይ ሃይቆ ኮያና፣ ሺን ዴሚና። ኤንቲ ሃይቆናው ኣሞታና፣ ሺን ሃይቆይ ኤንታፌ ሃካና።
- 7 ቦሊይ ኦላሰ ገቢ ኡቲዳ ፓራ ዳኔሰ። ቦሊያ ሁዔን ዋርቃ ካላቺ ዴዒሰ፤ ኤንታ ሶምዎይካ ኣሳ ሶምዎ ዳኔሰ።
- 8 ኢያ ቢናናይ ማጫሳ ቢናና ሚላ ኣዲሰ። ኤንታ ኣቻይካ ጋሞ ኣቺ ዳኔሰ።
- 9 ኤንታው ቲራ ቦላ ዋሊያ ቢራታ ፀሩሬይ ዴዒሰ፤ ኤንታ ቁፊያ ገርሳይ ኦሊታናው ጋላቢያ ፓራኔ ፓራ ጋሬ ገርሳ ሚላ።
- 10 ኤንታው ኮርኔ ሳይና ዳኒያ ሳይኒኔ ዱኪያ ዩሺ ዴዒሰ። ሄ ሳይናን ኢቻሹ ኣጌና ኣሳ ቆሃና ሚላ ማቲ ኢሜቲሰ።
- 11 ኤንታና ሃሪያ ካዋይ ዴዒሰ፤ ሄ ካዋይ ኦላ ኪታንቸዋ። ኢያ ሱንሳይ ኢብራይሰዔ ዶናን ኣብዶና፤ ቃሲ ገሪኮ ኶ናን ኣጸሊዮና ጌቲቴሰ። ኢያ ሱንሳ ቢርሽላይ «ቆይሲይሳ» ጉሱ።
- 12 ኮይር ኣዩይ ኣዲሰ፤ ሄኮ፣ ቡር ሃራ ናምዑ ኣይቲ ኤሶን ሃናና።
- 13 ኡሱፑንላ ኪታንቸይ ባ ሞይዜያ ፑኒሰ። ያሳ ሲንሳን ኤቁዳ፣ ዋርቃ ያርሾ ቤሳን ዴዒያ ኦይዲ ካጩታፕ ኢሲ ገርሲ ሲዓሰ።
- 14 ሄ ገርሳይ ሞይዜ ኣይኪዳ ኡሱፑንላ ኪታንቸዋኮ፣ «ኤፊራይሲ ገያ ገታ ሻፋን ቃሽቲዳ ኦይዲ ኪታንቸታ ቢርሻ» ያገሰ።
- 15 ቢታ ቦላ ዴዒያ ኣሳፕ ሲኩዋ ዋቆና ሚላ ሄ ሳቲያሰ። ሄ ጋላሳሰ። ሄ ኣጌናሲኔ ሄ ላይሳሰ ገቢዲ ኡቲዳ ኦይዲ ኪታንቸቲ ቢርሽቲዶሶና።
- 16 ኦላ ፓራ ቶጊያ ኦላንቸታ ፓይዶይ ዳር ዌቱ ሚሎኔ ገዴይሳ ሲዓሰ።

17 ቃሲ ታ ቆንጮላን ፓራታኔ ሄ ፓራታ ቶጊዳ አሳ ቤዓሰ። ሄ አሳይ ቲራን ዋልያ ቢራታ ፀሩሬይ ታማ ቦንቆ ሚላ ዘዖ፣ ያከንቲ ሚላ፣ ካሪላ ካሎሲ ሚላኔ ዲኔ ሚላ ጨሊሎ። ፓራታ ሁዔይ ጋሞ ሁዔ ሚላ፤ ኤንታ ዶናፔ ታሚ፣ ጨዩኔ ዲኔይ ከዩሰ።

18 ፓራታ ዶናፔ ከዩዳ ታማን፣ ጨያኒኔ ዲኒያን ሄ ሄቱ ጋዶታን ሳዓን ዳዒያ አሳፔ ሲኮይ ሃይቂሰ።

19 ሄ ፓራታ ዋልቃይ ኤንታ ዶና ጊዶኒኔ ጎይናን ዳዒሰ። ኤንታ ጎይናይካ ሾሻ ሁዔ ሚላ፤ ኤንቲ ኢያራ አሳ ቆሆሶና።

20 ሃ ጋዶታፔ አትዳይሳት ባንታ ኩሼ ኦሱዋፔ ሲሚቦኮና። ኤንቲ ቱና አያናን ዋርቃፊ፣ ቢራፔ፣ ናሴ ቢራታፔኔ ቩቻፊ ኦሱቲዳ ኤቃሰ ጎይናሶና። ዒላናው፣ ሲዓናው፣ ሃሙታናው ዲንዳያና ኤቃታሰ ጎይኔይሳ አጊቦኮና።

21 አሳይ ዋዴይሳ፣ ቢቴይሳ፣ ላይማቴይሳኔ ካይሴይሳ አጊዲ ማርታ ኦይቺቦኮና።

# 10

## ኪታንቸዋኔ ጉላ ማፃፋ

1 ሂሳፊ ጉዩ፣ ታ ሃራ ዋልቃማ ኪታንቸይ ሳሎፔ ሳዓ ዋዴሺን ቤዓሰ። ኢ ሻራ ማዒሰ፤ ኢያ ሁዒያ ቦላ ዙላይ ዳዒሰ። ኢያ ሶምጋይ አዋ ሚላ፤ ኢያ ቶሆይ ታማ ቱሳ ሚላ።

2 ሄ ኪታንቸይ ዶያ ዳዒያ ኢሲ ጉላ ፃላ ማፃፋ ባ ኩሼን ኦይኪዲ፣ ባ ኡሻቻ ቶሁዋ አባ ቦላ፣ ባ ሃዲርሳ ቶሁዋ ቢታ ቦላ ኤሲሰ።

3 ጉዲያ ጋሞዳ ባ ቃላ ቆቁ ኦሊዲ ዋሲሰ። ኢ ዋሲዳ ዋይ ላፑን ዳዳቲ ባንታ ጉንላ ሲሲዶሶና።

4 ላፑን ዳዳቲ ኦይቲዳ ዋይ ታ ሃፋናው ጊቢታሰ። ሺን ሳሎፔ፣ «ላፑን ዳዳቲ ኦይዲይሳ ማታሚን ጎርዳፊ ኣትን ፃፎፓ» ያጊያ ጊርሳ ሲዓሰ።

5 ያቲዲ፣ አባ ቦላኔ ቢታ ቦላ ኤቂዳ፣ ታ ቤዒዳ ኪታንቸይ፣ ባ ኡሻቻ ኩሺያ ሳሎ ፑዴ ሚጨሰ።

6 ኢ ሚጨዲ ሳሎኒኔ ኢያ ጊዶን ዳዒያ ኡባ፣ ሳዓኒኔ ኢያ ጊዶን ዳዒያ ኡባ፣ አባኔ ኢያ ጊዶን ዳዒያ ኡባ ሚዲዳ፣ ሚሪናው ዳዒያ ያሳ ሱንሳን ጫቂዲ፣ «ሂዛፔ ጉዩ፣ ያሳይ ጋሞዒና።

7 ሺን ላፑንሳ ኪታንቸይ ባ ሞይዚያ ፑኒያ ዋይ ያሳይ ባ አይሌ ጊዲዳ ናቤታ ባጋራ ቆንጨሲዳ ፀራ ቆፋይ ፖሌታና» ያጊሰ።

8 ሂሳፊ ጉዩ፣ አባ ቦላኔ ቢታ ቦላ ኤቂዳ፣ «ኢያ ኩሼን ዶይቲዲ ዳዒያ ፃላ ማፃፋ ኪታንቸዋ ኩሼፔ ኤካ» ያጊዲ ናሞጎሎ ታው ኦዲሺን ሲዓሰ።

9 ታኒ ሄ ኪታንቸዋኮ ባዳ፣ ጉላ ፃላ ማፃፋ ኢማ ጋዳ ኦይቻሰ። ኢ ታኮ፣ «ኤካዳ ማ፤ ኢ ኔ ኡሎን ጫማና፣ ሺን ኔ ዶናን ኤሳዳ ማልዓና» ያጊሰ።

10 ታኒ ኪታንቸዋ ኩሼፔ ሄ ጉላ ፃላ ማፃፋ ኤካዳ ማሰ፤ ታ ዶናን ኤሳዳ ማልዒሰ፣ ሺን ታ ኡሎን ጫሚሰ።

11 ሄሳፊ ጉዩ፣ ታኮ፣ «ኔኒ ያራ ኡባሰ፣ ዳሬ ኡባሰ፣ ዳማ ዳማ ዶናን ኦይቴይሳታሲኔ ካዎታሰ ቲንቢቲ ዛራ ኦዳናው ቤሲሰ» ያጊሰ።

# 11

## ናሞፀ ማርካታ

1 ሂሳፊ ጉዩ፣ ታው ዋዳ ፃሞዓ ኢሚዲ፣ «ባዳ ያሳ ኬላኔ ያርሾ ቤሳ ዋዳ፤ ያን ጎይኒያ አሳታካ ፓይዳ።

2 ሺን ያሳ ኪላ ካሬ ዳባባይ አይሁዴ ጊዶና አሳሰ ኢሜቲዳ ጊሾ ዋዶና አጋጋ። አይሁዴ ጊዶና አሳይ ጊሻ ካታማ ኦይታማኔ ናሞፀ ኣጌና ሃራና።

3 ታኒ ካሌ ማዒዳ ታ ናሞፀ ማርካታ ኪታና፤ ኤንቲ 1260 ጋለሰ ቲንቢቲ ኦዳና» ያጊሰ።

4 ሄ ናሞፀ ማርካቲ አላሚያ ጎዳ ሲንሳን ኤቂያ ናሞፀ ሻማሆ ሚላታኔ ናሞፀ ያሞፔ ዋልያ ኮጫታ።

5 ኦኒካ ኤንታ ቆሃናው ኮይኮ ኤንታ ዶናፔ ታሚ ከዩዲ፣ ኤንታ ሞርኬታ ዳይሲሰ። ኤንታ ቆሃናው ኮያ ኦኒካ ሂሳዳ ሃይቃና።

6 ኤንቲ ቲንቢቲ ኦዲያ ዋይ ኢሪ ቡኮና ሚላ ሳሎዋ ጎርዳናው ኤንታው ማቲ ዳዒሰ። ኤንታው ሃሌ ሱላ ኬሳናው፣ ቃሲ ኤንቲ ኮዩዳ ሚላ ቢታ ዳማ ዳማ ጋዶን ዳይሳናው ኤንታው ማቲ ዳዒሰ።



7 ኤንቲ ባንታ ማርካቴላ ኦንጊዳፔ ጉዬ፥ ኦላፌ ኬያ ደዓይ ኤንታና ኦላና። ሄ ደዓይ ኤንታ ያናና፤ ዋላና።

8 ኤንታ ጎዳይ ማሰቃሊያ ቦላ ካቁቲዳ ጊታ ካታማ ኦጊያ ቦላ ኤንታ ኦሃይ ዬጌታና። ሄ ካታማይ ለሚሶን ሶዶሜ ዋይኮ ጊብዳ ጌቲቲ ያጌቲሰ።

9 ቃሲ ዜሬሌ ኡባፌ፥ ያራ ኡባፌ፥ ዲማ ዲማ ደናፔኔ ካዋቴሌ ኡባፌ ዪዳ ኦሳይ ኤንታ ኦሃ ሄዡ ጋላሲኔ ባጋ ጋካናው ቤዓና። ኤንታ ኦሃይ ሞጌቶና ሜላ ኦሳይ ዲጋና።

10 ሃ ናምቡ ናቤቲ ሳዓን ዲዒያ ኦሳ ዋይሲዳ ጊሾ ኦሳይ ኤንታ ሃይቁዋን ኡፋይታና። ባንታ ኡፋይሳ ቤሳናው ኤሶይ ኤሱዋሰ ኢሞታ ኢማና።

11 ሄዡ ጋላሲኔ ባጋሬ ጉዬ፥ ዲያ ኢያናይ ያሳ ማታፔ ዪዲ ኤንታን ጌሊን፥ ኤንቲ ዲንዲ ኤቁደሶና። ኤንታ ቤዒዳ ኡባይ ጊታ ያሺ ያዪደሶና።

12 ሄሳፊ ጉዬ፥ ሃ ናምቡ ናቤቲ፥ «ሃ ፑዳ ኬዪቴ» ጊያ ቃላ ሳሎፔ ሲዒደሶና። ኤንታ ሞርኬቲ ኤንታና ቤዒሺን፥ ኤንቲ ሻራን ጌሊዲ ፑዳ ሳሎ ቢደሶና።

13 ሄ ሳቲያን ቢታይ ዋልቃማ ቃያ ቃይን፥ ካታማፔ ታማንላ ኩሼይ ሳይሰ። ቃሲ ቢታ ቃያን ላፑን ሙኩሉ ኦሳይ ሃይቁሰ። ኦቲዳ ኦሳይ ዳሮ ኮኮሪዲ ባቢዲ፤ ሳሎ ያሳሰ ቦንቾ ኢሚደሶና።

14 ናምባንላ ኦዬይ ኦሳይ፥ ሺን ሄኮ ሄዡንላ ኦዬይ ኤሶን ያና።

**ላፑንላ ሞይዚያ**

15 ላፑንላ ኪታንቾይ ባ ሞይዚያ ፑጊሰ። ሳሎፔ፥ «ሳዓ ካዋቴላይ ኦ ጎዳሲኔ ኪሪሰቶሳሰ ጊዲሰ፤ ኢ ሜሪናፔ ሜሪና ጋካናው ሃራና» ያጊያ ዋልቃማ ቃላይ ሲዒቲሰ።

16 ያቲን፥ ያሳ ሲንሳን፥ ባንታ ኦራታን ኡቲዳ ላታማኔ ኦይዲ ጨማፔ ጉፋኒዲ፥ ያሳሰ ጎይኒዲ፥

17 «ሃዒካ ካሲካ ዲዒይሶ፥

ጎዳው፥ ኡባፌ ዋልቃማ ያሳው፥

ኔኒ ጊታ ዋልቃ ኦይካዳሳ።

ኔኒ ሃራናው ደሚዳ ጊሾ

ኦኒ ኔና ጋላቶሰ።

18 ኦይሁዳ ጊደና ኦሳይ ሃንቁቲደሶና፥

ሺን ኔ ሃንቆይ ዪሰ።

ሃይቁዳይሳታ ቦላ ኔ ፐርዲያ ዋዳይ ዪሰ።

ኔኒ ኔ ኦይሌታ፥ ናቤታሰ

ጌሻታሲኔ ኔ ሱንሳሰ ያዬይሳታሰ፥

ጉላታሲኔ ጊታታሰ፥ ኤንታ ኦሱዋዳ ኢሚያ ዋዳይ ጋኪሰ።

ኦላሚያ ሳይሰይሳታ ሳይሰያ ዋዳይ ዪሰ»

ያጊደሶና።

19 ሳሎን ዲዒያ ያሳ ኬሳይ ደዬቲሰ፤ ኢያ ጊደን ያሳ ጫቆ ታቦቴይ ቤንቲሰ። ቃሲ ዋልዓንላ ዋልዓሚሰ። ዴሾይ ዴቾሰ፤ ዲዲ ቆቁሰ፤ ቤቲ ቃይሰ፤ ሻቾ ቡኪሰ።

**12**

**ማጫሲጫኔ ዳዊያ**

1 ሄሳፊ ጉዬ፥ ሳሎን ዋልቃማ ማላቲ ቤንቲሰ። ኦዋ ማዓዳ፥ ኦጌና ቦላ ኤቃዳ፥ ታማኔ ናምቡ ያለንቶ ካላቻ ባ ሁዒን ዋሉዳ ዲዒያ፥ ኢሲ ማጫሲያ ቤንታሰ።

2 ሃ ማጫሲያ ቃንሹሺን፥ ኢያ ኢቁላ ኦይኪን ኡንዔታዳ ዋሳሰ።

3 ቃሲ ሃራ ማላቲ ሳሎን ቤንቲሰ። ላፑን ሁዒቲኔ ታሙ ካጩቲ ዲዒያ ጊታ ዘያ ዳዌይ ቤንቲሰ።

ኢ ባ ሁዒታ ቦላ ላፑን ካላቻ ዋላሰ።

4 ሄ ዳዌይ ባ ጎይናን ያለንቶታፔ ሲኩዋ ሳሎፔ ዳፊዲ ሳዓን ዬጊሰ። ሄ ዳዌይ ናዓይ ዬሌቲ ዋዳዳ ሜላ ሚታናው ኮዪዲ፥ ዬላናው ኤቁቲያ ማጫሲ ሲንሳን ኤቁሰ።

5 ሃ ማጫሲያ ካዋቴላ ኡባ ቢራታ ፃምባን ሃራናው ዲዒያ ኦዳ ናዓ ዬላሰ። ናዓይ ያሳኮኔ ኢያ ኦራታኮ ፑዳ ኤኬቲሰ።

6 ማጫሲያ 1260 ጋላሰ ጋካናው ኢያ ናጋና ሜላ ያሳይ ኢው ጊጊሲ ዋሉዳ ቤሳ ባዞ ቢታ ባቃታሰ።

7 ሳሎን ኦሊ ሜዴቲሰ። ሚካዒሌይ ባ ኪታንቾታራ ዳዊያራ ኦሊቲሰ፤ ዳዌይ ባ ኪታንቾታራ ጊዲዲ ዛሪ ኦሊቲሰ።

11:7 ዳኔ 7:7፤ ፫:ቆ 13:5      11:8 ኦሳ 1:9      11:11 ሃዝ 37:10      11:12 2ካዋ 2:11      11:13 ፫:ቆ 6:12፤ 16:18      11:15 ኬሳ 15:18፤ ዳኔ 2:44፤ 7:14      11:17 ኬሳ 3:14      11:18 ማዝ 2:5፤ 110:5፤ 115:13      11:19 ፫:ቆ 8:5፤ 16:18፤ 21      12:3 ዳኔ 7:7      12:4 ዳኔ 8:10      12:5 ኦሳ 66:7፤ ማዝ 2:9      12:7 ዳኔ 10:13

8 ሸን ዳዌይ ይኑዲ ሳሎን ኤንታው ዳዲያ ቤሲ ጳዳደሶና።  
 9 ገታ ዳዌይ፣ ቤኒ ሸሻይ፣ ሳዓን ዩጌቲስ። እካ ዳቡሎሳ ዎይቲ ዓላሄ ጌቲቲያ አላሚያ ባሌጼይሳ።  
 ኢ ባ ከታንቸታራ ኢሲፌ ዱጌ አላሚያ ዩጌቲስ።  
 10 ሄሳፌ ጉዬ፣ ሳሎን ሃይሳዳ ያጊያ ቃላ ሲዓስ።  
 «ሃሊ አቶቴላይ፣ ዎልቃይኔ ካዎቴላይ፣ ኑ ያሳሳ፤  
 ማታይ ከሪሰቶሳሰ ገዲስ።  
 ሂዛ፣ ቃማኔ ጋላሰ ያሳ ሲንሳን፣  
 ኑ አሻታ ሞቴይሲ ሳሎፕ ዱጌ ሆሊቲስ።  
 11 ኤንቲ ደርሳ ሱላኒኔ ባንታ ማርካቴላ ቃላን፣  
 ኢያ ኦሊዲ ያኒደሶና።  
 ኤንቲ ባንታ ሸምፕዋሰ ሚሼቶና  
 ባንታና ሃይቆሰ አላ ኢሚደሶና።  
 12 ሄሳ ገሾ፣ ሳሎኒኔ ኢያ ገደን ዳዔይሳቶ ኡፋይቲቴ።  
 ሸን ቢታኔ አባ አዩ!  
 ሂዛ፣ ዓላሄይ ባው ጉላ ዎዳይ አቲዳይሳ ኤሪዳ ገሾ  
 ዎልቃማ ሃንቆን ሂንቲቲ ዎጲስ»  
 ያገሰ።  
 13 ቃሲ ዳዌይ ባና ሳዓ ዩጌዳይሳ ቤዒዳ ዎዳ አዳ ናዓ ዩሊዳ ማጫሲው ጎዲስ።  
 14 ማጫሲው ሸሻይ ቆሆና ሚላ ሄቩ ላይሴኔ ባጋ ማሽኔ ኡያሹ ኢያ ናጌቲያ ቤሲ ባዘ ቢታ  
 ፒራዳዳ ባና ሚላ ናምቡ ዎልቃማ አርጋንሳ ቁሬይ ኢው አሚቲስ።  
 15 ያቲዲ፣ ማጫሲው ዲቦይ ዲዒዲ ኡፋና ሚላ ዳዌይ ሻፋ ሃላ ሚላ ባ ደናፔ ማጫሴ ጉዬራ  
 ጮዬሰ።  
 16 ሸን ቢታይ ማጫሲው ማዲስ፤ ቢታይ ባ ደና ደዩዲ ዳዌያ ደናፔ ከዩዳ ሃላ ሚቲስ።  
 17 ሄ ዳዌይ ማጫሴ ቦላ ዳር ሃንቁቲዲ፣ ኢ ዜሬሳታ፣ ያሳ ከታ ናጌይሳታኔ ዩሱሲ ቆንጨሲዳ  
 ቱማሰ አማኔቲዳይሳታ አላናው ቢዲ።  
 18 አባ ጋዓን ዳዲያ ሻፊያን ኤቁስ።

### 13

#### ናምቡ ደዓታ

1 ሄሳፌ ጉዬ፣ ኢሲ ደዳይ አባፌ ከዩሸን ቤዓስ። ኢያው ታሙ ካጩይኔ ላፑን ሁዔይ ዳዔስ።  
 ሂ ታሙ ካጩታ ቦላ ታሙ ካላቻቲ ደዳሶና። ሄ ሁዔታ ቦላ ያሳ ጫሻ ሱንሳቲ ዓፊቲዲ ኡቲስ።  
 2 ታ ቤዒዳ ደዳይ ማሃ ዳኔስ፤ ኢያ ቶሆይ ባባንሳ ቶሆ ሚላ፤ ኢያ ደናይካ ጋዎ ደና ዳኔስ።  
 ዳዌይ ባ ዎልቃ፣ ባ አራታኔ ባ ገታ ማታ ሄ ደዓስ አሚስ።  
 3 ሄ ደዓ ሁዔያፕ ኢሱዋ ቦላ ሃይቆሰ ጋሊያ ማዴንላ ቤዓስ፣ ሸን ሄ ማዴንሳይ ፓዒስ። አላሚያ  
 አሳ ኡባይ ማላሊቲዲ ሄ ደዓ ካሊሲ።  
 4 ዳዌይ ባ ማታ ደዓስ አሚዳ ገሾ አሳ ኡባይ ዳዌያ ጎይኒደሶና። ቃሲ አሳይ፣ «ደዓ ሚሊ  
 ኦኔ? ኢያራ ኦሊታናው ዳንዳዔይ ኦኔ?» ያገዲ ደዓስ ጎይኒደሶና።  
 5 ሄ ደዓስ ኦቶርታና ሚላኔ ጫያና ሚላ ደኒ አሚቲስ፤ ኦይታማኔ ናምቡ አጌና ሃራና ሚላ ማቲ  
 ኢያው አሚቲስ።  
 6 ሄ ደዳይ ያሳ፣ ኢያ ሱንሳ፣ ኢ ዳዲያ ቤሳኔ ሳሎን ዳዲያ ኡባ ቃንገሌ ኦይከስ።  
 7 ሄ ደዳይ ገሻታራ ኦሊቲዲ፣ ኤንታና ያናና ሚላ ዎልቁ ኢያው አሚቲስ። ያራ ኡባ፣ ዳሬ ኡባ፣  
 ዲማ ዳማ ደና ኡባ ቦላኔ ዜሬላ ኡባ ቦላ ማቲ ኢያው አሚቲስ።  
 8 አላሚይ ሚዴቶሳፕ ደሚዲ፣ ሹኩቲዳ ደርሳ ዳዎ ማዓፋን ኤንታ ሱንሳይ ዓፊቶና ሃ ሳዓን  
 ዳዲያ አሳ ኡባይ ሄ ደዓስ ጎይናና።  
 9 ሲዒያ ሃይላ ዳዲያ አሲ ሲያ።  
 10 ኦኒካ ዳዲያታናው ዳዲያ ዲዔቴስ። ማሻን ሃይቃናው ዳዲያ ማሻን ሹኩታና። ሄሳንካ ገሻታ  
 ዳንዳዔይኔ አማናይ ኤሪታና።  
 11 ቃሲካ፣ ሃራ ደዓ ሳንቲ ከዩሸን ቤዓስ። ኢያው ደርሳ ካጩ ዳኒያ ናምቡ ካጩይ ዳዔስ፤  
 ኢያ ሃሳያይ ዳዌይሳ ሚላ።  
 12 ሄ ደዳይ ከይሮ ደዓ ቤሳን፣ ኢያ ማታን ኦሌስ። እካ ሃይቆሰ ጋሊያ ማዴንሳፌ ፓዒዳ ኮይሮ  
 ደዓስ፤ ቢታን ዳዲያ አሳ ኡባይ ጎዩናና ሚላ ኦሌስ።

13 ህ ናምባገሉ ደዳይ ሃሪ ኣቶሺን፣ ታማ ሳሎፔ ኣሳ ኡባ ሲገላገን ዎዲሳና ጋካናው ጊታ ማላታታ ኦሲሲ።

14 ኮሮሮ ደዳ ቤሳን ኦላና ማላ፣ ኢያው ኢሜቲዳ ማላታታን ሳዓን ደዳያ ኣሳ ኡባ ኢ ባሌሊሲ። ማሻን ማዲንግዲያ ገግዲ ደዳ ባንቸሰ ሚሲሊ ጊሲና ማላ ኢንታና ኪቲሰ።

15 ናምባገሉ ደዳይ ኮሮሮ ደዳ ሚሲሊያሰ ሸምፖ ኢሚዲ ኦዲታና ማላኔ ኢያው ጎይናናሳቲ ሃይቃና ማላ ኦሲያ ማቲ ኢሚቲሰ።

16 ህ ናምባገሉ ደዳይ ጊቲኔ ኮሊ፣ ማንቆይኔ ዱሬይ፣ ዎማናይኔ ኣይሌይ ባ ኡሻቻ ኩሺን ዎይኮ ባ ሰምገን ማላ ዎላና ማላ ኦሲሲ።

17 ህ ደዳ ሱገላይ ዎይኮ ኢያ ሱገላ ገይዲዎ ማላይ ባይና ኣሲ ኦኒካ ባይዛናውኔ ሻማናው ዳንዳናና።

18 ጨንጫቲላ ኮሺይ ሄሳና። ኤራቴላ ደዳያ ኦኒካ ሄ ደዳ ገይዲዎ ቢርሼላ ኤር፤ ሄ ገይዲይ ኣሳ ሱገላ። ሄ ገይዲይ ኡሱቱን ጃታኔ ኡሰቱን ታማኔ ኡሱቱና።

# 14

## ድርሳኔ 144፣000 ኣሳ

1 ሄሳፊ ጉዬ፣ ድርሳይ ግዮኔ ዳሪያ ቦላ ኤቁዳይሳ ቤዓሰ። ኢያራ ኢያ ሱገላይኔ ኢያ ኣዎ ሱገላይ ኤንታ ሰምገን ግሬቲዳ፣ 144፣000 ኣሳይ ደዳሰ።

2 ሳሎፔ ጊታ ሃላ ጉጉሎኔ ዳዳ ጉጉሎ ዳኒያ ዎልቃማ ጊርሲ ሲዓሰ። ቃሲ ታ ሲዒዳ ጊርሳይ ዲላ ዲግሺን ሲዒቲያ ጊርሳ ማላ።

3 144፣000 ኣሳይ ኣራታ ሲገላገ፣ ኦይዲ ዳዖን ደዳያ ማይቲጻታ ሲገላገኔ ጨማታ ሲገላገ ኤቁዲ ኢንታፊ ሃራ ኦኒካ ታሚራናው ዳንዳዖና ኦራላ ማከሙሬ ዩግዲሶና።

4 ሃይሳቲ ማጫሳራ ባንታና ቲኒሶና ናጊዳ ገሻታ። ኤንቲ ድርሳይ ቢያሰ ኡባ ካሎሶና። ኤንቲ ያሳሲኔ ድርሳሲ ባይራ ጊዲዳ፣ ሺቃናው ሳዓ ኣሳ ጊደፊ ዎዘቲዶሶና።

5 ኤንቲ ዎርደይኔ ቦሬይ ባይና ኣሳታ።

## ሄዙ ኪታንቸታ

6 ሄሳፊ ጉዬ፣ ሜሪና ዎንጌላ ሳዓ ቦላ ደዳያ ካዎቲላ ኡባሰ፣ ዜሬላ ኡባሰ፣ ያራ ኡባሲኔ ዲማ ዲማ ደና ኡባሰ ማርካታናው ሳሎራ ፕራዲያ ሃራ ኪታንቸ ቤዓሰ።

7 ህ ኪታንቸይ ባ ቃላ ቶቁ ኦሊዲ፣ «ያሳይ ኣላሚያ ፐርዲያ ሳቲይ ጋኪዳ ገሻ ያሳሰ ያዩቲ፤ ኢያ ባንቸቲ። ሳሎ፣ ሳዓ፣ ኣሳኔ ፑልቶ ሃላ ሜዲዳ ያሳ ጎይኒቲ» ያገሰ።

8 ኮሮሮይሳ ካሊዲ ሃራ ናምባገሉ ኪታንቸይ፣ «ዳሪ ኡባ ቱናኔ ማላያ ዎይኔ ኡሺዳ፣ ጊታ ባቢሎኔይ ኩንዳሰ! ኩንዳሰ!» ያገዲ ዋሲሰ።

9 ሃዳገሉ ኪታንቸይ ኤንታ ካሊዲ፣ ባ ቃላ ቶቁ ኦሊዲ፣ «ደዳኔ ኢያ ሚሲሊያ ጎይኒያ ቃሲ ኢያ ማላ ባ ሰምገን ዎይኮ ባ ኩሺን ዎሊያ ኦኒካ ደዳኮ።

10 ኢ ሃንቆ ፀዓን ኩሚዳ ያሳ ሃንቆ ዎይኒያ ኡያና። ኤንቲ ገሻ ኪታንቸታ ሲገላገኔ ድርሳ ሲገላገ ኤጂያ ዲኔ ታማን ዎዩታና።

11 ኤንታ ዎያ ጨያይ ሜሪ ሜሪናው ጨዩሺ ዳና። ደዳኔ ኢያ ሚሲሊያ ጎይኒይ ቃሲ ሄ ደዳ ሱገላ ማላይ ደዳያ ኦኒካ ቃማኔ ጋሳሰ ሸምፖይ ባይና ካዳታና» ያገሰ።

12 ያሳ ኪታ ናጊይሳቲኔ ዩሱሳ ኣማኔቲይሳቲ ገንጨያ ሚናቲላይ ቆንጨያ ዎዳይ ሄሳ።

13 ሄሳፊ ጉዬ፣ «ሃዛፔ ጎዳን ሃይቁይሳቲ ኣንጃቲዳይሳታ» ያገያ ቃላ ሳሎፔ ሲዓሰ።

ኣያናይ፣ «ኡ ቱማ፣ ኤንታ ኦሶይ ኤንታ ካሊያ ገሻ ኤንቲ ባንታ ዳቡራፔ ሸምፓና» ያገሰ።

## ካላ ሺሾ ዎዳ

14 ሄሳፊ ጉዬ፣ ቦላ ሻራ ቦላ ኡቲዳ ኣሳ ናዓ ዳኔይሳ ቤዓሰ። ኢ ባ ሁዒን ዎርቃ ካላቻ ዎሊሰ፤ ቃሲ ባ ኩሺን ባጫ ኦይኪሰ።

15 ሃራ ኪታንቸይ ያሳ ኬላፊ ኬዩዲ፣ ሻራ ቦላ ኡቲዳይሳኮ ባ ቃላ ቶቁ ኦሊዲ፣ «ካላ ሺሾ ዎዳይ ጋኪዳ ገሻ ኔ ባጫ ዩዳዳ ካላ ጫካ፤ ሳዓን ደዳያ ካላይ ጋኪሰ» ያገሰ።

16 ያቲን ሻራ ቦላ ኡቲዳይሲ ባ ባጫ ሳዓ ዩዲዲ፣ ሳዓን ደዳያ ካላ ጫኪሰ።

17 ቃሲካ ሳሎን ደዳያ ሃራ ኪታንቸይ ኬዩሰ፤ ኢያወካ ኦጮ ባጫ ደዳሰ።

18 ታማ ቦላ ማቲ ደዳያ ሃራ ኪታንቸይ ያርሾ ቤሳፊ ኬዩሰ። ኢ ባ ቃላ ቶቁ ኦሊዲ ኦጮ ባጫ ኦይኪዳ ኪታንቸዎኮ፣ «ዎይኔ ኣይፊይ ቲሪዳ ገሻ ኔ ኦጮ ባጫ ዩዳዳ፣ ሳዓን ደዳያ ዎይኒያፔ ቃንፃ» ያገሰ።

19 ሄ ኪታንቸይ ባ ባጫ ዬዲዲ፣ ሳዓን ዴዒያ ወይኒያፕ ቃንዲዲ፣ ያሳ ጊታ ሃንቁዋ ጉምዒያ ቤሳን ዬጊስ።

20 ኢንቲ ካታማፔ ጋዖን ዴዒያ ወይኒ ኣይፊ ጉምዒያ ቤሳን ዬፎቲደሶና። ሱሉ ወይኒያ ጉምዒያ ቤሳፊ ከዪዲ ኢሲ ሙኩሉኔ ኡስፑን ያቲ ኪሎ ሚቲሬ ሜላ ሃኪዲ፣ ፓራ ፑሎ ጋኪያ ሜላ ኤሊዲ ጶቁ ጊስ።

### 15

#### ወርሱላ ቦሻታ

1 ታኒ ሳሎን ሃራ ጊታኔ ማላሊሲያ ማላታ ቤዓስ። ያሳ ወርሱላ ሃንቁዋ ቆንጫሲያ ላፑን ቦሻታ ኦይኪዳ ላፑን ኪታንቸቲ ዴዖሶና።

2 ቃሲ ታማራ ዋላኪቲዳ ቡርጩኮ ኣባ ዳኔይሳ ቤዓስ። ሄ ኣባ ጋዖን ደዓ፣ ኢያ ሚሲሊያኔ ኢያ ሱንሳ ታይቡዋ ያኒዳይሳታ ቤዓስ። ያሳይ ኢንታው ኢሚዳ ዲላ ኦይኪዲ ኢቁደሶና።

3 ኢንቲ ያሳ ኣይሊያ ሙሴ ማዝሙሪያኔ ደርሳ ማዝሙሪያ ሃይሳዳ ያጊድ ዬዖሶና።  
«ጎዳው፣ ኡባፊ ዋልቃማ ያሳው፣

ኔ ኦሶይ ጊታኔ ማላሊሲያባ።

ዴሬ ኡባ ካዋው፣

ኔ ኦጌይ ዒሎኔ ቱማ።

4 ጊሺ ኔ ያላላ ጊዲያ ጊሾ

ጎዳው፣ ኔው ያዮናይኔ

ኔ ሱንሳ ቦንቸናይ ኦኔ?

ኔ ዒሎ ኦሶይ ኣሳ ኡባስ ቆንጩ ጊዲያ ጊሾ

ካዋቴሉ ኡባይ ኔ ሲንሌ ዪዲ ጎይናና»

ያጊዲ ዬዖሶና።

5 ሄሳፊ ጉዬ፣ ሳሎን ዶዬቲዲ ዴዒያ ያሳ ኪላ፣ ኢካ ማርካቲላ ዲንካኒያ ቤዓስ።

6 ላፑን ቦሻታ ኦይኪዳ ላፑን ኪታንቸቲ ያሳ ኪላፊ ከዪደሶና። ኢንቲ ጌሺኔ ጸሊያ ሊኖ ማዖ ማዓደሶና፤ ባንታ ቲራን ዋርቃ ዳንጮ ዳንጫደሶና።

7 ኦይዲ ሜጵቲላታፔ ኢሶይ፣ ሚሪናው ዴዒያ ያሳ ሃንቆይ ኩሚዳ ላፑን ዋርቃ ፀዓታ ላፑን ኪታንቸታስ ኢሚስ።

8 ያሳ ቦንቸዋፊኔ ኢያ ዋልቃፊ ዴንደይሳን ያሳ ኪላይ ጩያን ኩሚስ። ላፑን ኪታንቸቲ ኦይኪዳ ላፑን ቦሻቲ ፖሊታና ጋካናው ያሳ ኪላ ኦኒካ ጌላናው ዳንዳዒቤና።

### 16

#### ያሳ ሃንቆይ ኩሚዳ ፀዓታ

1 ሄሳፊ ጉዬ፣ ያሳ ኪላፊ ላፑን ኪታንቸታኩ፣ «ቢዲ ያሳ ሃንቁዋ ላፑን ፀዓታፔ ሳዓን ጉሲቲ» ያጊዲ፣ ኦዲያ ዋልቃማ ቃላ ሲዓስ።

2 ኮይሮ ኪታንቸይ ቢዲ፣ ባ ፀዓን ዴዒይሳ ሳዓን ጉሲን፣ ደዓ ማላይ ዴዒይሳታ ቦላኔ ኢያ ሚሲሊያ ጎይኒዳይሳታ ቦላ ኢታኔ ዛሚያ ማዲንሌ ኪዪስ።

3 ናምዓንሎ ኪታንቸይ ባ ፀዓን ዴዒይሳ ኣባን ጉሲን፣ ኣባይ ሃይቁዳ ኣሳ ሱሉ ዳኒስ። ቃሲ ኣባን ዴዒያ ሜጵቲላ ኡባይ ሃይቁስ።

4 ሄሻንሎ ኪታንቸይ ባ ፀዓን ዴዒይሳ ሻፋታኒ፣ ፑልቶ ሃላታን ጉሲን፣ ሃላቲ ሱሉ ጊዲደሶና።

5 ሄሳፊ ጉዬ፣ ሃላ ቦላ ማፕ ዴዒያ ኪታንቸይ ሃይሳዳ ያጊሺን ሲዓስ።

«ሃዒካ ቤኒካ ዴዒያ ጊሻው፣

ሃይሳዳ ኔ ፐርዲዳ ጊሾ ኔኒ ዒሎ።

6 ኢንቲ ጊሻታ ሱላኔ ናቤታ ሱላ ጉሲዳ ጊሾ

ኢንቲ ሱሉ ኡያና ሜላ ኦላዳሳ።

ኢንቲ ባንታው ቤሲያባ ኤኪደሶና»

ያጊስ።

7 ያርሾ ቤሳፊ፣

«ጎዳው፣ ኡባፊ ዋልቃማ ያሳው፣

ኔ ፐርዲይ ቱማኔ ዒሎ»

ያጊያ ቃላ ሲዓስ።

- 8 እይዳገሉ ከታገኝቼ ባ ፀዓን ዴዴይሳ አዋ ቦላ ጉሲን፣ አዋይ ባ ሴላን አሳ ፀጋና ሜላ አዋሰ ዋልቁ አሜቲስ።
- 9 አሳይ ዋልቃማ ሴላን ፀጌቲዲ፣ ሄ ቦሻታ ቦላ ማቲ ዴዴያ ያሳ ሱጉላ ባዲደሶና፤ ባንታ ናጋራፔ ሲሚዲ ያሳ ቦንቸቦኮና።
- 10 ኢቻሻገሉ ከታገኝቼ ባ ፀዓን ዴዴይሳ ደዓ አራታ ቦላ ጉሲን፣ ሄ ደዓ ካዋቴላይ ቆሚስ። አሳይ ኡንዓ ጊሾ ባንታ አንግርሳ ሳይሶና።
- 11 ቃሲ አሳይ ኡንዓ ጊሾኔ ማዲንላ ጊሾ ሳሎ ያሳ ባዲደሶና፤ ባንታ ኦሌዳ ናጋራፔ ሲሚቦኮና።
- 12 ኡቡፕንላ ከታገኝቼ ባ ፀዓን ዴዴይሳ ጌታ ኤፊሬዲሴ ሻፋን ጉሲን፣ ደሎሃ ባጋፌ ያና ካዋታሰ ኦጌይ ጊጋና ሜላ ሃላይ ሜሊስ።
- 13 ሄሳፊ ጉዬ፣ ሾጼ ዳኒያ ሄቡ ቱና አያናቲ ዳዊያ ደናፔ፣ ደዓ ደናፔኔ ዋርደ ናቢያ ደናፔ ከዪሺን ቤሳስ።
- 14 ኡንቲ ማላታ ኦሌያ ቱና አያናታ። ሄ ሄቡ ቱና አያናቲ ኡባፊ ዋልቃማ ያሳ ጌታ ጋላሳን ሃናናው ዴዴያ ኦሌስ ሺሻናው አላሜ ካዋታ ኡባኮ ባና።
- 15 «ሄኮ፣ ታ ካይሶዳ ያና! አሳ ሲንላን ካሎቶናዲኔ ዬላቶናዳ ባርኪዲ፣ ባ ማዑዋ ናጊያ ኡራይ አንጃቲዳይሳ!» ያገሰ።
- 16 ሄ ቱና አያናቲ ካዋታ ኡባፊይሰዪ ደናን አርማጌዴኔ ጌያ ቤሳን ሺሺደሶና።
- 17 ላፕንላ ከታገኝቼ ባ ፀዓን ዴዴይሳ ጫርኮ ቦላ ጉሲን፣ ያሳ ኬላን ዴዴያ አራታፔ፣ «ፖሌቲስ» ያጊያ ዋልቃማ ቃላይ ዪስ።
- 18 ሄሳፊ ዋልባንላ ዋልባሚስ፤ ዳዲይ ቆቂስ፣ ቢታይ ቃዲስ። አሲ ሳዓን ሜዴቶሳፔ ቢቲ ሄሳ ሚላ ቃዎ ቃዲቤና። ሄሲ ኡባፊ አዲዳ ቃዎ።
- 19 ጌታ ካታማይ ሄቡ ከዪዲ ሻኬቲስ፤ ቢታ ኡባን ዴዴያ ካታማቲ ቆይደሶና። ያሳይ ጌታ ካታማ ባቢሎኔ ቆፕዲ፣ ባ ኢታ ሃንቆ ዋይኔ ኡሻይ ኩሚዳ ፀዓ አው አሚስ።
- 20 ሃላን ቱቁቲዳ ቢታቲ ቆይደሶና፤ ዴሬቲካ ቤንገቲቦኮና።
- 21 አሳ ቦላ እይታማኔ ኢቻሾ ከሎ ገራሜ ሜላ ዴዴያ ዋልቃማ ሻቺ ሳሎፔ ቡኪስ። ቦሻይ ዳር ኢታ ጌዲያ ጊሾ አሳይ ሻቻ ቦሻ ጊሾ ያሳ ባዲደሶና።

# 17

## ጌታ ላይማቲያ ማጫሲው

- 1 ላፕን ፀዓታ እይኪዳ ላፕን ከታገኝታፔ ኢሶይ ታኮ ዪዲ፣ «ሃያ፤ ዳር ሃላታ ቦላ ኡቲዳ ጌታ ላይማቲያ ማጫሲ ቦላ ያናው ዴዴያ ፐርዳ ታ ኔና ቤሳና።
- 2 አላሚያ ካዋቲ ኢራ ላይማቲደሶና፤ አላሚን ዴዴያ አሳይካ ኢ ላይማቲላ ዋይኒያ ኡዪዲ ማላቲደሶና» ያገሰ።
- 3 ሄ ከታገኝቼ ታና ጌሻ አያናን ባዞ ቢታ ኤፊስ። ያን ኢሲ ማጫሲያ ጫሻ ሱንላይ ኢ ቦላ ኡባን ያፊቲዲ ኡቲዳ፣ ዞዎ ደዓ ቶጊደር ቤሳስ፤ ሄ ደዓሰ ላፕን ሁዒይኔ ታሙ ካጩይ ዴዴያስ።
- 4 ሄ ማጫሲያ ካሎሴ ማየኔ ዞዎ ማዓሱ፤ ኢያ ዋርቃን፣ ቦንቸ ሹቻኒኔ አንቆ ጌያ አልዎ ሹቻን አሊቁታሱ። ኢያ ባ ኩሺን ቦርሲያባኔ ላይማቲላ ቱናቲላን ኩሚዳ ዋርቃ ፀዓ እይካሱ።
- 5 ኢ ስሞዎን ፀራ ኦሶ ቢርሽላይ ዴዴያ ሱንላይ፣ «ጌታ ባቢሎኔይ፣ ላይማቲላሲኔ ሳዓን ዴዴያ ቱናባ ኡባስ አዮ» ያጊያ ፀራይ ያፊቲዲ ኡቲስ።
- 6 ቃሲ ሄ ማጫሲያ ጌሻታ ሱላኔ ዬሎሳሰ ማርካቲሼ ሃይቁዳይሳታ ሱላ ኡያዳ ማላቲዳር ታ ቤዓዳ ማላሌታስ።
- 7 ከታገኝቼ ታኮ፣ «ኔኒ እይሰ ማላሌታይ? ታኒ ኔው ማጫሴ ፀራኔ ኢያ ቶኪዳ ላፕን ሁዒይኔ ታሙ ካጩይ ዴዴያ ደዓ ፀራ ኦዳና።
- 8 ኔኒ ቤዓዳ ደዳይ ኮሮር ዴዴያ፣ ሺን ሃዒ ባዋ። ሄ ደዳይ ጨዋ ኦላፊ ከዪዲ ቆዮሰ ባና። ሳዓይ ሚዴቶሳፔ ደሚዲ፣ ዴዎ ማዳን ኤንታ ሱንላይ ያፊቲቦና ሳዓን ዴዴያ አሳይ ደዓ ቤዒዲ ማላሌታና። ሄዛ፣ ኢ ካሴ ዴዴያስ፤ ሃዒ ባዋ፣ ሺን ሲንላፊ ያና።
- 9 «ሃይሲ ጨንጫቲላኔ እኩካ ኮዬስ። ላፕን ሁዒቲ ማጫሲያ ኡቲያ ላፕን ዴሬታ፤ ሄሳቲ ቃሲ ላፕን ካዋታ።
- 10 ኡንታፊ ኢቻሾ ካዋቲ ኩንዲደሶና። ኢሶይ ሃዒ ጋካናው ሃራሰ፤ ሃንኮ ካዋይ ዪቤና። ኢ ዪዲ ጉላ ዋዴ ታካናው ቤሴስ።

- 11 ሲንፊ ዳዲ ዳዲ፣ ሃሊ ባይናይሲ፣ እ ለ ሆራን ሆሰፑንጎ ዳዲ፣ እ ለፑን ደዳታፔ ኢሱዋ፤ እ ጳያናው ቤስ።
- 12 ኔኒ ቤዲዳ ታሙ ካጩቲ ሃሮ ደሚቦና ታሙ ካዎታ። ሺን ኢንቲ ደዳራ ኢሲፌ ኢሲ ሳቲ ካዎቲዲ ሃራናው ኢንታው ማቲ ኢሚታና።
- 13 ኢንታ ኡባስ ኢሲ ቆፋይ ዳዲስ፤ ኢንቲ ባንታ ዎልቃኔ ባንታ ማታ ደዳስ ኢማና።
- 14 ኢንቲ ደርሳራ ኦሊታና፣ ሺን ደርሳይ ጎዳታ ጎዳኔ ካዎታ ካዎ ጊዲያ ጊሾ እ ጃጊዳይሳቲ፣ ደራዳይሳቲኔ እማኔቲዳይሳቲ ሄ ካዎታ ያናና» ያገሰ።
- 15 ኪታንቾይ ቃሲካ ታኮ፣ «ላይማቲያራ ኡቲዳ ሄ ኔኒ ቤዲዳ ሃሳቲ ያራታ፣ ካዎቲፋታ፣ ዜሪፋታኔ ዲማ ዲማ ደናን ኦዴቲይሳታ።
- 16 ቃሲ ኔኒ ቤዲዳ ታሙ ካጩይኔ ደዳይ ላይማቲያሮ ኢያና። ኢንቲ ኢው ዳዲያ ኡባባ ኤካና። ቃሲ ኢዮ ካሎ ኣሻናኔ እ ኣሹዋ ሚዲጋና፤ ያቲዲ ኢንቲ ኢዮ ታማን ፀጋና።
- 17 ሂዛ፣ ያሳ ቃላይ ፖሊታና ጋካናው ኢንታ ቆፋይ ኢሲኖ ጊዳና ማላ ኢንቲ ባንታ ኣይሲያ ዎልቃ ደዳስ ኢማናዳኔ ያሳይ ቆፒዳይሳ ኢንቲ ኦፋናዳ ኢንታ ዎዛናን ያሳይ ኣሞ ዎላስ።
- 18 ሄ ኔኒ ቤዲዳ ማጫሲያ ሳዓ ካዎታ ሃሪያ ገታ ካታሚው» ያገሰ።

# 18

## ባቢሎኔ ኩንዳፋ

- 1 ያቲዲ፣ ገታ ማቲ ዳዲያ ሃራ ኪታንቾይ ሳሎፔ ዎፏሺን ታ ቤዳስ። ሄ ኪታንቾዋ ቦንቾይ ሳዓ ፖዲሲስ።
- 2 ሄ ኪታንቾይ ባ ቃላ ቶቁ ኦሊዲ፣  
«ኢያ ኩንዳሱ! ገታ ባቢሎኔይ ኩንዳሱ!  
ባቢሎኔይ ቱና ኣያናቲ ኣቂያ ቤሲ ገዳሱ።  
ዲማ ዲማ ኢታባታስ ከፊ ገዳሱ፤  
ቱና ካፎቲኔ ደዳቲ ሺምፒያ ቤሲ ገዳሱ።
- 3 ኣሳ ዜሪፊ ኡባ ባ ላይማቲፋ ዎይኒያ ኡሻሱ።  
ሳዓ ካዎቲ ኢራ ላይማቲደሶና።  
እ ሚኮቲፋፌ ዴንደይሳን  
ቢታን ዳዲያ ዘልዓንቾቲ ዲሬቲደሶና»  
ያገሰ።
- 4 ሄሳፌ ጉዬ፣ ታ ሳሎፔ ሃይሳዳ ያገያ ሃራ ቃላ ሲዳስ።  
«እ ናጋራ ኢራ ኮዶና ማላኔ፣  
ኢያ ኡካናው ዳዲያ ሴራ ሂንቲ ኤኮና ሚላ፣  
ታ ዳሪያው ኢፔ ከዩቲ።
- 5 ሂዛ፣ እ ናጋራይ ሳሎ ጋካናው ደሬቲስ።  
ያሳይ እ ናቁዋ ኣኬኪስ።
- 6 ኢያ ኢሚዳይሳ ሚላ ዛሪዲ ኢው ኢሚቲ።  
ኢያ ኦሊዳ ኦሱዋስ ናሞቦ ኩሼ ኢው ዛሪቲ።  
ኢያ ገሊሲዳ ኡሻ ቦላ ሂንቲ ናሞቦ ኩሼ ማላያ ኡሻ እ ፀዓን ኩንፊቲ።
- 7 ኢያ ቦንቾቲዳይሳዳኔ ኢው ኢንጃቲዳይሳ ሚላ፣  
ኢዮ ሚቶሳቲኔ ካዮዩቲ።  
ኢያ ባ ዎዛናን፣  
ታኒ ካዎዳ ኡታስ፤ ታ ኣዚኒ ባይና ማጫሲ ገዲኬ፤  
ታኒ ኡባካ ካዮቲኬ» ያጋሱ።
- 8 ሃሳ ገሾ፣ ቦሻ ኡባይ፣  
ሃርጌይ፣ ካዮይኔ ኮሺ ኢዮ ኢሲ ጋላስ ኦይካና።  
ቃሲ ኢያ ታማን ፀጌታና፤  
ኣይሰ ገኮ፣ እ ቦላ ፐርዲያ ያሳይ ዎልቃማ»  
ያገሰ።
- 9 «ኢራ ላይማቲዳይሳቲኔ እ ሚኮቲፋን ዳዲዳ፣ ኣላሚያ ካዎቲ ሄ ካታሚያ ፀጌቲን ኬያ ጨያ ቤዲዳ ዎዴ ኢው ዋሲዲ ዬካና።
- 10 ኢንቲ ሄ ካታሚ ዎያ ቤዲዳ ያዩዳ ገሾ ሃኪ ኤቂዳ፣

ሳህ ጊታ ካታሚ! ዎልቃማ ካታሚ!

ባቢሎኔ፣ ኔና አዩ!

ኔኒ ኢሲ ሳቴ ጊደን ኔ ፒርዳ ኤካዳሳ) ያጋና።

11 «እንታ ማርካቢያ ጫና ሂዘ፣ ሻሚያ አሲ ባይና ጊሾ ሳዓን ዳዒያ ዘልዓንቸቲ ሄ ካታሚሰ ዋሳና ካዮታና።

12 እንታ ዋርቃ፣ ቦራ፣ ቦንቾ ሹቻ፣ ኢንቆ ጊያ አልዎ ሹቻ፣ ካሎሴ ማዖ፣ ሊኖ ማዖ፣ ሃራ ማዖ፣ ዘዎ ማዖ፣ ዳማ ዳማ ሳዎ ሚላ፣ ዘሌ፣ አልዎ ሚላ፣ ናሴ ቢራታ፣ ጎሌ ሹቸ፣

13 ቃራፋ፣ ቁማሚ፣ ኢፃኔ፣ ካርቤ፣ ሹቶ፣ ዋይኔ፣ ዛይቴ፣ ሊቆ ጂሌ፣ ጊሰቴ፣ ሚሄ፣ ዶርሴ፣ ፓራ፣ ፓራ ጋራ፣ አይሌታኔ ሃራ አሳታ ሻሚያ ኦኒካ ባዋ።

14 «ዘልዓንቸቲ ማጨሴ፣ ሳኒ አሞቲዳ ሎዎባ ኡባይ ኔ፣ ጃይሰ። ኔ አቆይኔ አለቁቲዳባ ኡባይ ኔ፣ ሃኒሰ። ኔኒ ዛራዳ እንታ ኡባ ዳማካ) ያጊደሶና።

15 ሄ ካታማን ዘልዒ ዳራሬቲዳ ዘልዓንቸቲ ኢ ሚቱዋ ባቢዲ ኢ፣ ሃኒዲ ኤቃና። እንቲ ዩካና ካዮታና።

16 ቃሲ፣

ሳሊኖ ማዖ፣ ካሎሴ ማዖ ከዎ ማዖ ማዓዳ፣

ዋርቃን፣ ቦንቾ ሹቻኒ ኢንቆ ጊያ አልዎ ሹቻን አለቁቲዳ፣

ሄ ጊታ ካታሚሰ አዩ!

17 ሃይሳ ማላ ጊታ ሻሎ ኡባይ ኢሲ ሳቴ ጊደን ጃይሰ) ያጊደሶና።

«ማርካቢያ ላጊያ ኡባይ፣ ማርካቢያን ቢያ ኡባይ፣ ማርካቢያ ቦላ ኦሊያ ኡባይ ኣባን ዘልዒያ ኡባይ ሃኒ ኤቁደሶና።

18 ሄ ካታሚያ ፀጊቲን ኬያ ጨያ ቤዒዳ ዎዴ ሳህ ጊታ ካታሚው ዳኒያ ሃራ ካታሚ ዳዒሻ?) ያጊደሶና።

19 እንቲ ባንታ ሁዒን ባና ቆሊዲ፣ ዋሲደሶና ካዮቲደሶና።

ሳካ ቦላ ማርካቢቲ ዳዒያ ኡባይ፣

ኢ ሻሉዋን ዳራሬቲዳ ኡባይ፣

ሄ ካታሚያ ኢሲ ሳቴን ጃይዳ ጊሾ

አዩ! አዩ!

20 ሳሉዋው፣ ኢ ጃይዋን ኡፋይታ!

ጊሻቶ፣ ሃዋራቶ፣ ናቤቶ፣

ዎሳይ ሂንቲ ጊሾ ኢ ቦላ ፒርዲዳ ጊሾ ኡፋይቲቴ።) ያጊደሶና።»

21 ያቴን፣ ሚኖ ከታንቾይ ዎዎ ዳኒያ ጊታ ሹቸ ዳንሳዲ አባን ሆሊሹ። «ጊታ ካታሚያ ባቢሎኔይ ዎልቃን ሆሊታዳ ሃይሳዳ ኩንዳና፣ ኢያ ሃቸሬ ገዬ ኡባካ ቤንቲኩ።

22 ዳሊ ዳይይሳቴኔ ዩይይሳቴ፣ ሱሱልዒ ነዎይዜ ፑኔይሳቴ፣ ሃዘ፣ ገዬ ኔ ጊደን ኡባካ ሲዒቶኩና። አይ ኮቻ ዘልዒ ዘልዒያ አሲካ ኔ ጊደን ቤንቲና። ዎዎ ገርሲ ሃዘ፣ ገዬ ኔ ጊደን ሲዒቲና።

23 ዎም፣ ፖዖይ ዛሪዲ ኔ ጊደን ፖዒና። ማቾ ኤኬይሳኔ አዘና ጌሊያሪ ቃሊ ሃዘ፣ ገዬ ኔ ጊደን ሲዒቲና። ኔ ዘልዓንቸቲ ቢታ ኡባን ኤራሬቲዳ ዎልቃማታ። ኔ ቢታን ካዎቴሳታ ኡባ ጨማዳሳ» ያጊሰ።

24 ናቤታ ሱላይ፣ ጌሻታ ሱላይኔ ቢታ ቦላ ሃይቂዳ አሳ ኡባ ሱላይ ኢ ጊደን ቤንቲዳ ጊሾ ባቢሎኔይ ፒርዴታሱ።

# 19

1 ያቴን፣ ሳሎን ዳር አሳይ፣

«ዎሳይ ጋላቴቶ!

አቶቴላይ፣ ቦንቾይኔ ዎልቃይ ኑ ዎሳሰ ጊደ።

2 ኢያ ፒርዳይ ቱማኔ ያሎ።

ሳዓ ቲኒሲዳ ኢታ ላይሚው ዎሳይ ፒርዲሲ።

ዎሳይ ባ አይሌታ ሱላ ኢ፣ አቸሰ»

ያጊሸን ሲዒሰ።

3 ሄ አሳይ ዛሪዲ ባንታ ቃላ ቶቁ ኦሊዲ፣

«የሳ ጋላቲ ጋኮ።  
ሄ ካታሚያ ሜሪናው ጨያሽ ዳና»  
ያገደሶና።

4 ለታሚኔ ኦይዴ ጨማቲኔ ዳዎን ዳዔያ ኦይዴ ሜዴቴሳቲ ኣራታን ኡቲዳ የሳሰ ጉፋኒዲ፣  
«አሚንዒ! የሳ ጋላቲ ጋኮ»  
ያገደዱ ጎይኒደሶና።

5 ያቲን፣  
«የሳ አይሌቲ፣  
የሴ ያያ ጉሴኔ ገቲ ኡባይ፣  
ኑ የሳ ጋላቲቲ»  
ያገያ ቃላይ ኣራታፔ ኬዩስ።

6 ያቲን፣ ዳር ኣሳዳ ዎጫሚያ፣ ዎልቃማ ሻፋዳ ጉሚያ፣ ዳዳዳ ዳቺያ ገርሳይ፣  
«የሳ ጋላቲ ጋኮ፤

ኑ ጎዳይ፣ ኡባፌ ዎልቃማ የሳይ ካዎቲስ።  
7 ዳርሳ ያጋኖይ ጋኪዳ ጊሾኔ ኢያ ጌሊያራ ጊሊዳ ጊሾ  
ኑ ኡፋይቶስ፣ ጋላቶሴኔ ዳርሳ ቦንቾስ።

8 ጌሎስ ጊሊዳራ ጰሊያኔ ጊሺ ጊዲዳ  
ሊኖ ማዎ ማዓና ሜላ ኢው ኢሚቲስ»  
ያገሺን ታ ሰዓስ። (ሊኖ ማዎይ ጌሻታ ጂሎ ኦሶ ሊሚሶ።)

9 ሃሳፌ ጉዬ፣ ከታንቾይ ታኮ፣ «ዳርሳ ያጋኮ ያገቲዳይሳቲ ኣንጃቲዳይሳታ» ጋዳ ዓፋ። ሄ  
ከታንቾይ ጉጃዳ፣ «ሃይሲ የሳ ቱማ ቃላ» ያገሰ።

10 ሄ ዎዶ ታ ኢያ ጎይናናው ኢያ ቶሁዎ ቦላ ኩንዳስ። ሺን ኢ፣ «ሄሳ ኦሶፋ! ታኒ ዬሱሳባ  
ማርካቲያ ኔ ሜላኔ ኔ ኣሻታ ሜላ። ኔ የሳ ጎይና» ያገሰ። ሂዛ፣ ዬሱሳባ ማርካቲዳይሳታስ ናቤቴላ  
ኣያኒ ዳዔስ።

**ቦላ ፓራ ቶጊዳይሳ**

11 ያቲን፣ ሳሎይ ደዬቲን፣ ያን ቦላ ፓራ ዳዔይሳ ቤዓስ። ሄ ፓራ ቶጊዳይሲ ኣማኔቲዳይሳኔ  
ቱማንቾ ጌቲቲስ። ኢ ጂሎቴላን ፐርዴሲኔ ኦሊቴስ።

12 ኢያ ኣይፌይ ታማ ላጮ ዳኔስ፤ ኢያ ሁዔን ዳር ካላቺ ዳዔስ። ኢያ ቦላ ኢ ኣቲን ሃሪ ኦኒካ  
ኤርና ዓፌቲዳ ሱንሴ ዳዔስ።

13 ኢ ሱላን ሙኬቲዳ ማዎ ማዒስ፤ ኢያ ሱንሳይካ የሳ ቃላ።

14 ጰሊያኔ ጊሺ ጊዲዳ ሊኖ ማዎ ማዒዳ ሳሎ ኦላንቾቲ ቦላ ፓራታ ቶጊዲ ኢያ ጌዶ ካሎሶና።

15 ካዎቴሳታ ቃንዲያ ማሺ ኢያ ዳናፔ ኬዬስ። ኢ ቢራታ ዓምዓን ኣሳ ሃራና። ኡባፌ ዎልቃማ  
የሳ ሃንቆ ዎይኔ ኡሻ ጉምዒያ ቤሳ ኢ ዬፋና።

16 ኢያ ማዑዎ ቦላኔ ኢያ ዎዲሪያ ቦላ፣ «ካዎታ ካወዋኔ ጎዳታ ጎዳ» ያገያ ሱንሳይ ዓፌቲስ።

17 ሃሳፌ ጉዬ፣ ኢሲ ከታንቾይ ኣዎ ቦላ ኤቁዳይሳ ቤዓስ። ሄ ከታንቾይ ሳሎራ ፐራጂያ ካፎ  
ኡባስ ባ ቃላ ቶቁ ኦሊዲ፣ «ሃ ዩቴ! የሳ ጊቢራ ማናው ኢሲ ቤሲ ሸቁቲ።

18 ዪዲ ካዎታ ኣሹዎ፣ ሻላቃታ ኣሹዎ፣ ዎታዳሪታ ኣሹዎ፣ ፓራታ ኣሹዎ፣ ፓራታ ቶጌይሳታ ኣሹዎ፣  
ኣሳ ኡባ ኣሹዎ፣ ኣይሌታ ኣሹዎ፣ ዎማናታ ኣሹዎ፣ ጌታታኔ ጉሳታ ኣሹዎ ሚቴ» ያገሰ።

19 ዳዳይ፣ ፓራ ቶጊዳይሳራኔ ኢያ ኦላንቾታራ ኦሊታናው ሳዓ ካዎቲኔ ኤንታ ኦላንቾቲ ኢሲ ቤሲ  
ሸቁዳሺን ቤዓስ።

20 ሺን ሄ ዳዳይኔ ኢያ ሱንሳን ማላታታ ኦሊዳ ዎርዶ ናቤይ ኢያራ ኢሲፌ ኦይኬቲስ። ሄ  
ማላታታን ዳዓ ማላይ ዳዔይሳታኔ ኢያ ሚሲሊያ ጎይኔይሳታ ኢ ባሌሊስ። ዳዳይኔ ዎርዶ ናቤይ  
ናምዓይካ ዳኔን ኤዲያ ታማ ኣባን ፓዓ ይጌቲደሶና።

21 ኣቲዳይሳቲ ፓራ ቶጊዳይሳ ዳናፔ ኬያ ማሻን ሃይቁደሶና። ካፎቲ ኡባይ ኤንታ ኣሹዎ ሚዲ  
ካሊደሶና።

**20**

**ሙኩሉ ላይሴ**

1 ዛቁ ባይና ኦላ ቁልፒያኔ ጌታ ሳንሳላታ ባ ኩሺን ኦይኪዳ ኢሲ ከታንቾይ ሳሎፔ ዎጂሺን  
ቤዓስ።



- 2 ኢ ዳዊያ ኦይኪዲ ሙኩሉ ላይላሰ ቃቸሰ። ሄ ዳዊይ ኮይሮ ሾሻ፣ ዳቡሎሳ ወይኮ ፃላሄ።
- 3 ከታገኝይ ዛዋ ባይና ኦላጎ ኢያ ዩጊዲ፣ ሙኩሉ ላይላ ዉራና ጋካናው ካዎቲሳታ ዛሪ ባሌላና ማላ ቁልፔን ጎርዲዲ አታሚሰ። ሄሳፊ ጉዬ፣ ዳዊይ ጉሳ ዋዴሰ ቢሊታናው ቤሴሰ።
- 4 ሄሳፊ ጉዬ፣ አራታታኔ አራታታ ቦላ ኡቲዲ ፐርዳና ማላ ማቲ አሚቲዳይሳታ ቤሳሰ። ዩሱሳሰ ማርካቲዳ ጊሾኔ ያሳ ቃላ ኦዲዳ ጊሾ ባገታ ቆጂያ ገይራቲዳ አሳ ሼምቸዋ ቤሳሰ። ኤንቲ ዶሳ ወይኮ ዶሳ ሚሲሊያ ገይሲቦኮና። ኤንቲ ዶሳ ማላ ባገታ ሶምዖን ወይኮ ባገታ ኩሼን ዋሊቦኮና። ኤንቲ ሃይቆፔ ዳገዲዲ ኪሪሰቶሳራ ኢሲፊ ሙኩሉ ላይላ ሃሪዶሶና።
- 5 ሃይሲ ኮይሮ ዳገዲዳ፣ አቲዳ ሃንኮ ሃይቁዳይሳቲ ሙኩሉ ላይላይ ዉራና ጋካናው ሃይቆፔ ዳገዲቦኮና።
- 6 ኮይሮ ዳገዲዳ ወይኮ ቃዲ ዳዲይሳቲ አንጃቲዳይሳታኔ ጊሻታ። ኤንታ ቦላ ናምሳገላ ሃይቆዋሰ ዋልቁ ባዋ። ኤንቲ ያሳሲኔ ኪሪሰቶሳሰ ካሂኔ ጊዳና፤ ኢያሪ ኢሲፊ ሙኩሉ ላይላ ሃራና።
- 7 **ፃላሂያ ያኔቴላ**
- 8 ሙኩሉ ላይላይ ዉራዳፔ ጉዬ ፃላሂይ ቃሾፔ ቢሊታና።
- 9 ኢ ሳሳ ጋዖፔ ጋዖ ጋካናው ዳዲያ ካዎቲሳታ፣ ኤንቲካ፣ ጎኔ ማጎኔ ገቲቲይሳታ ባሌላዲ ኦላሰ ሸሻናው ኪያና። ኤንታ ፓይዶይ አባ ጋዖን ዳዲያ ሻፊ ማላ።
- 10 ኤንቲ ቢታ ኡባን ላሊቲዲ፣ ጌሻታ ሃራኔ ያሳይ ዶሲያ ካታማ ቲቁዶሶና። ሺን ታሚ ሳሎፔ ዋጂዲ ኤንታና ሚሰ።
- 11 ኤንታ ባሌላዲ ፃላሂይ፣ ዶሳይኔ ዋርዶ ናቤይ ዩኔቲዳ ኤይያ ዲኔ ታማ አባን ዩኔቲሰ። ኤንቲ ቃማኔ ጋላሰ ማሪናው ጋዖ ካዲታና።

**ዉርሴላ ፐርዳ**

- 11 ሄሳፊ ጉዬ፣ ጌታ ቦላ አራታ ቦላ ኡቲዳይሳ ቤሳሰ። ሳሳኔ ሳሎይ ኢያ ሲንላፊ ባቃቲዶሶና፤ ኤንቲ ዛሪ ቤንቲቦኮና።
- 12 ሃይቁዳይሳቲ፣ ጌታቲኔ ጉሳቲ አራታ ሲንላን ኡቁዳይሳታ ቤሳሰ፤ ማፃፋቲ ዶዩቲዶሶና፤ ቃሲ ዳዖ ማፃፋ ጊዲዳ ሃራ ማፃፊ ዶዩቲሰ። ሃይቁዳይሳቲ ማፃፋን ፃፊቲዳ ባገታ ኦሱዋዳ ፐርዳ ኢኪዶሶና።
- 13 አባይ ባ ጊዶን ዳዲያ ሃይቁዳይሳታ አሚሰ፤ ሃይቆይኔ ሲዮሌይ ባገታ ጊዶን ዳዲያ ሃይቁዳይሳታ አሚዶሶና። ኢሲ ኢሲ ኢሲ ባ ኦሱዋዳ ፐርዳ ኢኪሰ።
- 14 ያቲን፣ ሃይቆይኔ ሲዮሌይ ታማ አባን ዩኔቲዶሶና። ሄ ታማ አባይ ናምሳገላ ሃይቆ።
- 15 ዳዖ ማፃፋን ኢያ ስንላይ ፃፊቲቦና ኦኒካ ታማ አባን ዩኔቲሰ።

**21**

**ኦራሳ ሳሎኔ ኦራሳ ሳሳ**

- 1 ታኒ ኦራሳ ሳሎኔ ኦራሳ ሳሳ ቤሳሰ። ኮይሮ ሳሎይኔ ኮይሮ ሳሳይ ጃይሰ፤ አባይካ ጃይሰ።
- 2 ጌሻ ካታሚያ፣ ኦራሳ ዩራሳላሚይ፣ አዘና ጌላናው አሌቁታዳ ጊገዳ ዳዲያ ማጫሳዳ ሳሎፔ ያሳ ማታፔ ዱጌ ዋጂሺን ቤሳሰ።
- 3 አራታፔ ሃይሳዳ ያጊዲ፣ ኦዲያ ጌታ ቃላ ሰሳሰ፤ «ያሳ ኬላይ አሳራ ዳዲሰ፤ ያሳይ ባ ቦንቸዋራ አሳራ ኢሲፊ ዳና። ኤንቲ ኢያ ዳፊ ጊዳና፤ ያሳይ ባ ሁዲን ኤንታራ ዳና፤ ኢ ኤንታ ያሳ ጊዳና።
- 4 ያሳይ ኤንታ አይፊፔ አፋላ ኡባ ቁቻና። ሂዛፔ ሃይቆይ ወይኮ ካዮይ ወይኮ ዋሶይ ወይኮ ዋዬይ ዳና። ጋልሳ ኡባይ አጃሰ» ያጊሰ።
- 5 አራታ ቦላ ኡቲዳይሰ። «ታኒ ኡባ ኦራላ ኦሳና» ያጊሰ። ቃሲ ዛሪዲ ታኮ። «ታኒ ኦዲይሲ አማንላይሳኔ ቱማ ጊዲያ ጊሾ ፃፋ» ያጊሰ።
- 6 ቃሲ ታኮ። «ፖሌቲሰ! ታኒ አልፋኔ ኦሚጋ፤ ዶሚላኔ ፖሎ። ሳዎቲዳ ኦናካ ዳዖ ሃላ ፑልቱዋፊ ጫጊ ባይና ጮ ኡሻና።
- 7 ያኒያ ኦኒካ ሄሳ ኡባ ላታና፤ ታኒ ኢያው ያሳ ጊዳና፤ ኤካ ታ ናሳ ጊዳና።
- 8 ሺን ያሻንቸታ፣ አማኔቶናይሳታ፣ ቱናታ፣ ሼምፖ ዋዲይሳታ፣ ላይማቲይሳታ፣ ቢቲይሳታ፣ ኤቃ ጎይኔይሳታኔ ዋርዳንቸታ ቃዳይ ዲኔይ ኢይያ ታማ አባን ጊዳና። ሄሲ ናምሳገላ ሃይቆ» ያጊሰ።
- 9 ላፑን ዉርሴላ ቦሻቲ ኩሚዳ ላፑን ፀ-ሳታ ኦይኪዳ ላፑን ኪታገኝታፔ ኢሶይ ታኮ ዩዲ፣ «ሃያ፣ ታኒ ኔና ጌሎሰ ጊጊዳ ዶርሳ ማቸው ቤሳና» ያጊሰ።
- 10 ኪታገኝይ ታና ዳር ጶቃ ዳሪና ሁዬ ጌሻ አያናን ኬሲዲ፣ ጌሻ ካታማይ፣ ዩሩሳላሚይ፣ ሳሎፔ ያሳ ማታፔ ዱጌ ዋጂሺን ቤሲሰ።

20:2 ሜዳ 3:1    20:4 ዳኔ 7:9    20:8 ሂዘ 38:2    20:11 ዳኔ 7:9-10    21:1 ኢሳ 65:17፤ 66:22፤ 2ጴጊ 3:13    21:2 ኢሳ 52:1፤ ዮቆ 3:12፤ ኢሳ 61:10    21:3 ሂዘ 37:27፤ ሉዊ 26:11    21:4 ኢሳ 25:8፤ ኢሳ 35:10፤ 65:19    21:6 ኢሳ 55:1    21:7 2ሳሙ 7:14፤ ማዘ 89:26    21:10 ሂዘ 40:1

11 ሄ ካታማይ ያሳ ሰንሸን ፖራስ። ሄ ካታማ ፖሪይ ያሰጸዴ ጊያ አልዎ ሹቻ ማላ፤ ጌሻ ቢሪሌዳ ጸሊስ።

12 ሄ ካታማ ዲርሳይ ዋልቃማኔ አዲስ። ኢያው ታማኔ ናምዑ ፔንጌቴኔ ሄ ፔንጌታ ናጊያ ታማኔ ናምዑ ኪታንቸቲ ዳዖሶና። ፔንጌታ ቦላ ታማኔ ናምዑ ኢሰራዔል ዜሬላታ ሱንሳይ ያፊቲስ።

13 ዶሎሃ ባጋራ ሄቸ ፔንጌቴ፣ ፑዳሃ ባጋራ ሄቸ ፔንጌቴ፣ ዱጌሃ ባጋራ ሄቸ ፔንጌቴኔ ዉሎሃ ባጋራ ሄቸ ፔንጌቴ ዳዖሶና።

14 ካታማ ገምቤ ዲርሳይ ታማኔ ናምዑ ሹቻ ባሶታ ቦላ ኤቂስ። ኤንታ ቦላ ታማኔ ናምዑ ዶርሳ ሃዋሬታ ሱንሳይ ያፊቲስ።

15 ታው ኦዲያ ኪታንቸቲ፣ ካታማ፣ ኢያ ፔንጌታኔ ኢያ ዲርሳ ዋዲያ ዋርቃ ያምዳይ ዳዳስ።

16 ካታማስ ኦይዱ ማዘነቲ ዳዖሶና፤ ካታማ ጌሳይኔ ጎምፓይ ኢሲ ጊና። ኪታንቸይ ካታማ ባ ያምዳን ዋዲን፣ ካታማይ ታማኔ ናምዑ ሙኩሉ ኪሎ ሚቲሬ ጊዲስ፤ ካታማ ጌሳይ፣ ጎምፓይኔ ዶቃቴላይ ኢሲ ጊና።

17 ኪታንቸይ ቃሲ ዲርሳ ዋዲን፣ ኪታንቸይ ጎዔቲያ አሳ ኩሽን ኢሲ ዪጌታ ኦይታማኔ ኦይዱ ዋዳ ጊዲስ።

18 ካታማ ዲርሳይ ያሰጸዴ ጊያ ሹቻን ዲሬቲስ። ካታማይ ማስቶቴዳ ጸሊያ ጌሻ ዋርቃን ኦሴቲስ።

19 ካታማ ዲርሳ ባሶይ ኦባ ቆሞ ሰንቸቲዳ ሹቻን አለቄቲስ። ኮይሮ ሃዳቲዳ ሹቻይ ያሰጸዴ፣ ናምዳንላይ ሳምፔሬ፣ ሄቸንላይ ኪልቄዶኔ፣ ኦይዲንላይ ባሎሬ።

20 ኢቻሻንላይ ሳርዶንኪሲ፣ ኦሱፑንላይ ሳርዲዮኔ፣ ላፑንላይ ኪሪሰቲሎቤ፣ ሆስፑንላይ ቢሪላ፣ ኦዲፋንላይ ቶጳዚዮኔ፣ ታማንላይ ኪሪሰጸራሲሲ፣ ታማኔ ኢሲንላይ ያኪንቴ፣ ታማኔ ናምዳንላይ አሜቴስዲኖሴ።

21 ታማኔ ናምዑ ፔንጌታስ ታማኔ ናምዑ አንቆ ጊያ አልዎ ሹቸ ዳዳስ። ኢሲ ኢሲ ፔንጌይ ኢሲ አንቆን ኦሴቲስ። ካታማ ዋጋ ኦጌይ ማስቶቴዳ ጸሊያ ጌሻ ዋርቃሬ ኦሴቲስ።

22 ጎዳይ፣ ኦባሬ ዋልቃማ ያሳይኔ ዶርሳይ ካታማስ ኪሌ ጊዲያ ጊሾ ታ ሄ ካታማን ያሳ ኪሌ ቤዓቢኪ።

23 ያሳ ሰንሸይ ሄ ካታማስ ፖራያ ጊሾኔ ዶርሳይ ኢያው ያምፔ ጊዲያ ጊሾ ካታማስ አዋ ዋይኮ አጌና ፖዖ ኮሾና።

24 ካዋቴላቲ ሄ ካታማ ፖዖን ሃሙታና፤ ካዋቴካ ባንታ ሰንቸቆ ያ ሄሃና።

25 ቃሚ ያን ባይና ጊሾ ካታማ ፔንጌቲ ኡባ ዋይ ዶያ ጊዳና፤ ጎርዳቶኮና።

26 ካዋቴላታ ጌታቴላይኔ ሰንሸይ ሄ ካታማ ያና።

27 ዶርሳ ዳዖ ማፃፋን ሱንሳይ ያፊቲዳይሳታ ያላሊ አቲን ቱናባ ዋይኮ ዬላያባ ኦሌይ ዋይኮ ዋርዶቲይ ኦኒካ ሄ ካታማ ጌላና።

## 22

1 ያፑዳ፣ ኪታንቸይ ታና ያሳ ካዋቴላ አራታፔኔ ዶርሳ ካዋቴላ አራታፔ ጎጊያ ማስቶቴዳ ጸሊያ ዳዖ ሃላ ሻፋ ቤሲስ።

2 ሄ ሻፋይ ካታማ ኦጊያ ጊዶራ ዱጌ ጎጌስ። ሻፋፔ ሄፊንላ ባጋራኔ ሃፊንላ ባጋራ አጌናን ኢሲ ቶሆ፤ ላይላን ታማኔ ናምዑ ቶሆ አይፊያ ዳዖ ሚሊ ዳዳስ። ሄ ሚላ ሰንጮይ ካዋቴላታ ኡባ ሃርጌሬ ፓሌስ።

3 ሄ ካታማን አይቢ ቃንጌሲ ካ ዳና። ያሳ ካዋቴላ አራታይኔ ዶርሳ ካዋቴላ አራታይ ሄ ካታማን ዳና። ያሳ አይሌቲ ያሳስ ኦላና።

4 አንቲ ኢያ ሰምዑዋ ቤዓና፤ ኢያ ሱንሳይ ኤንታ ሰምዖን ያፊታና።

5 ሃዘፔ ቃሚ ዳና፤ ጎዳ ያሳይ ኤንታው ያምፔ ጊዲያ ጊሾ ኤንታው ያምፔ ዋይኮ አዋ ፖዖ ኮሾና። ኤንቲ ሜሪ ሜሪናው ካዋታና።

### ዬሱሳ ያሳ

6 ኪታንቸይ ታኮ፣ «ሃ ታ ኦዲያ ቃላይ ቱማኔ አማንሴይሳ። ጎዳይ፣ ናቤታ ባ ጌሻ አያናን ኪቲያ ያሳይ፣ ማታን ሃናናባ ባ አይሌታ ቤሳናው ባ ኪታንቸቆ ኪቲስ» ያገሰ።

7 ዬሱሲ፣ «ሄኮ ታ ኤላሳዳ ያና፤ ሃ ማፃፋን ዳዳያ ቲንቢቲ ቃላ ናጊያ ኦኒካ አንጄቲዳይሳ» ያገሰ።

21:12 ሄዘ 48:30-35    21:15 ሄዘ 40:3    21:21 ኢሳ 54:11-12    21:23 ኢሳ 60:19    21:24 ኢሳ 60:3  
21:25 ኢሳ 60:11    21:27 ኢሳ 52:1፤ ሄዘ 44:9    22:1 ሄዘ 47:1፤ ዛካ 14:8    22:2 ሜሊ 2:9    22:3 ዛካ 14:10    22:5 ኢሳ 60:19፤ ዳኔ 7:18

8 ታኒ፣ የሃረሲ፣ ሄ ኡባባ ሲባሰ፤ ቤባሰ። ታኒ ሄሳ ሲባዳ ዋዴኔ ቤባዳ ዋዴ ሄሳ ታና ቤሲዳ ከታንቸዋ ጎይናናው ኢያ ቶሁዋ ቦላ ኩንዳሰ።

9 ሺን ከታንቸይ ታኩ፣ «ሄሳ አላፋ! ታኒ ኔዳ፣ ናቤታዳ ኔ ኢሻታዳ፤ ሃ ማፃፋን ዳቢያ ኡባ ከቲቲያ አይሉታ ማለ፤ ያሳ ጎይና» ያገሰ።

10 ከታንቸይ ዛሬዳ፣ «ሃ ኡባይ ፖሌቲያ ዋዴይ ማታቲዳ ጊሾ ሃ ማፃፋን ፃፊቲዳ ቲንቢቲ ቃላ ማታሚን ጎርዶፋ።

11 ኢታ ኦሌይ ጉጂዳ ኢታ ኦላ፤ ቱኔይ ጉጂዳ ቱና። ሎዎ ኦሌይ ጉጂዳ ሎዎ ኦላ፤ ጌዬይ ጉጂዳ ጌዮ» ያገሰ።

12 ዬሱሲ፣ «ሄኮ፣ ታኒ ኤሌሳዳ ያና። ኢሱዋሰ ኢሱዋሰ ኢያ ኦሱዋዳ አማናው ታ ዋይቶይ ታራ ዳባሰ።

13 ታኒ አልፋኔ ኦሚጋ፤ ኮይሮኔ ወርሰላ፤ ደሚላኔ ፖሎ።

14 «ባንታ ማዑዋ ማጠዳ ገሼይሳቲ አንጃቲዳይሳታ። ዴዎ ማሌ አይፊያ ማናወኔ ካታማ ፔንጊያራ ጌላናው ኢንታው ማቲ አሚቲሰ።

15 ሺን ካናቲ፣ ቢቲይሳቲ፣ ላይማቲይሳቲ፣ ሸምፖ ዋዴይሳቲ፣ ኤቃ ጎይኔይሳቲ፣ ዋርዶ ደሴይሳቲ፣ ኦሌይሳቲ ካሬን ዳዎሶና።

16 «ታኒ፣ ዬሱሲ፣ ሃ ማርካቲላ ሂንቲው፣ ዋሳ ከላታሰ ኦዳና ማላ ታ ከታንቸዋ ከታሰ። ታኒ ዳዋቲ ሺሺኔ ዜሬላ። ታኒ ፖሊያ ጉራ ባካላ» ያገሰ።

17 ጌሻ አያናይኔ ጌላናው ገገዳ ማጫሲያ፣ «ሃያ» ያሳሰና። ቃሲ ሃይሳ ሲባዳ ኦኒካ፣ «ሃያ» ያሳ። ሳሞቲዳ ኦኒካ ሃዮ፤ ዴዎ ሃሳ ኮያ ኦኒካ ጮ ኤኮ።

18 ታኒ ሃ ማፃፋን ፃፊቲዳ ቲንቢቲ ቃላ ሲባዳ ኦናካ ዘራይሰ። ኦኒካ ሃ ቃላ ቦላ ኢሲባ ጉጂኮ፣ ያሳይ ሃ ማፃፋን ፃፊቲዳ ቦሻ ኢያ ቦላ ጉጂና።

19 ኦኒካ ማፃፋን ዳቢያ ቲንቢቲ ቃላ፤ ኢሲባ ፓጠሲኮ፣ ያሳይ ሃ ማፃፋን ፃፊቲዳ ዴዎ ማላ አይፊያ፤ ጌሻ ካታማ፤ ኢያ ቃዳ ፓጠሳና።

20 ሃ ኡባ ማርካቲይሲ፣ «ቱማ፣ ታኒ ኤሌሳዳ ያና» ያገሰ። አሚንባ፤ ጎዳ ዬሱሳ፣ ሃያ።

21 ጎዳ ዬሱሰ ከሪሰቶሳ አቋ ከሃቴላይ ሂንቲ ኡባራ ገዶ። አሚንባ።